













56-A-13-1.

Jul 210  
m 79



# BULLARUM

PRIVILEGIORUM AC DIPLOMATUM

Romanorum Pontificum

## AMPLISSIMA COLLECTIO

*Cui accessere Pontificum omnium Vitæ, Notæ,  
& Indices opportuni.*

OPERA ET STUDIO

CAROLI COCQUELINES.

TOMUS TERTIUS

PARS SECUNDA.

A GREGORIO X. ad MARTINUM V. scilicet  
ab Anno 1271. ad 1431.



ROMÆ MDCCXLI.

TYPIS, ET SUMPTIBUS HIERONYMI MAINARDI  
in Platea Agonali ad Vicum Cuccagnæ.

SUPERIORUM FACULTATE.



BRITISH MUSEUM

LIBRARY OF THE

ROMAN BRITAIN

AMPLISSIMA COLLECTIO

Cui accedere Pontificum omnium litterae, &c.  
& Indices operum.

OPERA ET STUBIA

CAROLI COGUELII

TOMUS PRIMUS

PARS SECUNDA

A GREGORIO X. & MARTINO V. Pontificibus

ab Anno 1572. ad 1614.

ROMA MDCLXII

Typis, et Sumptibus Hieronymi Maffei  
in Via Aguali ad Vetus Curiam  
Subsignum RAULI



*Eñõ, & Rñõ Dño*

# D. DOMINICO RIVERÆ

S.R.E. CARDINALI AMPLISSIMO.

HIERONYMUS MAYNARDUS F.



**I**NTER multos dignitate, muneribus  
atque doctrina præstantes viros, qui  
cogitanti mihi de altera Parte Tomi III. BULLARII  
ROMANI edenda, illique omnibus numeris digno Pa-



trono adsciscendo obversabantur, unus, CARDINALIS  
AMPLISSIME facile occurristi, quem ceteris anteferrem,  
& cui eam merito dedicarem. Ad id vero non solum  
diu quæsitâ impellebat occasio gratum Tibi meum testan-  
di animum, compluribus magnisque obstrictum benefi-  
ciis, sed ipsa quoque publicandi voluminis suadebat con-  
ditio. Quum enim Summorum Pontificum a GREGORIO  
Decimo, usque ad MARTINUM V. Apostolicas Constitutio-  
nes exhibeat, argumentorum pondere, ac rerum gra-  
vitate nullis aliis plane secundas, jure veluti proprio, ac  
ratione præcipua Te Patronum poscebat. Patricio ni-  
mirum Urbini natus genere, ducta ab Urbe Aquila  
in Vestinis origine, & illustrium Avorum nobilitate cla-  
ro, a prima ætate Bononiæ ob scientiarum omnium Aca-  
demiâ longe lateque celeberrimæ, naviter in literas  
incubuisti. Decimoseptimo nondum expleto ætatis  
anno Sacræ Theologiæ, ac utriusque Juris ornatus  
laurea, Romam subinde migrasti: ubi doctrina, &  
eruditione notus, publica utriusque experimenta non  
semel, coram ipsis etiam summis Pontificibus, feliciter  
edidisti. Cuicumque bene gerendo jam par negotio,  
ab INNOCENTIO PAPA XII. Pontificio Castri S. Angeli  
es præfectus Archivo: mox illustrandis, tuendis, &  
vindican-  
dis Apostolicæ Sedis Juribus omnem operam,  
& studium pro re nata adhibuisti. Quo nomine in dies  
auctus, & CLEMENTI XI. qui INNOCENTIO successit,  
probatus maxime, quum dissidentibus Europæ Prin-  
cipibus post CAROLI II. Hispaniarum Regis mortem,  
permolesto bello flagraret Italia, & a Cæsarianis co-  
piis Bononiensis, & Ferrariensis agri infestarentur, ut  
Præ-



præsentia minuerentur mala, & futura arcerentur, ad  
EUGENIUM Principem Supremum Exercitus Ducem mis-  
sus es: Apud quem ea prudentia, atque dexteritate  
rem gessisti, ut, certis pactis conditionibus hibernan-  
tes utrobique milites recesserint. Felicitate pari alia  
gravissima negotia, quæ per id temporis Pontificem ma-  
ximum sollicitabant, cum eodem Principe; item-  
que cum VICTORIO AMADEO Allobrogum Duce, FRAN-  
CISCO Duce Parmensi, ac RINALDO Duce Mutinensi  
transegisti. In Urbem reversus Vaticanæ Basilicæ Ca-  
nonicus a CLEMENTE renunciatus es; tum a Secretis  
Congregationis Consistorialis, & Sacri Collegii Car-  
dinalium plenis suffragiis electus. Mox a Latinis Epi-  
stolis Pontificiis, Prælatus Domesticus, & a Secretis  
Congregationis Aquarum dictus fuisti. Quod potis-  
sime munus, ea proficua vigilantia, ac sedulitate ges-  
sisti, ut benefactoris Pontificis votum cumulate imple-  
res, simulque præclaris impensæ operæ relictis moni-  
mentis, hodieque debita cum laude celebreris, & Suc-  
cessoribus proponaris exemplum. Decessoris sui inhæ-  
rens vestigiis INNOCENTIUS XIII. quum qualis quan-  
tusque esses, non ignoraret, in administrando Catho-  
licæ Ecclesiæ Pontificatu tua potissimum opera usus est,  
eo successu, ut Te in dies plurimi faceret. Arcanarum  
proinde Epistolarum a Secretis lecto, & inter Proto-  
notarios Apostolicos adscito, amplissimam Cardina-  
latus dignitatem, (quod non semel se facturum pro-  
nunciaverat) contulisset, nisi mors importuna fuisset  
impedimento. Quod tamen non præstitit INNOCEN-  
TIUS, impertiit CLEMENS XII. postquam tot meritis  
etiam



etiam sub BENEDICTO XIII. auctum, & bene gestis muneribus clarum, statim ac Pontifex Maximus est renunciatus, supremæ Congregationis Sacræ Consultationis a Secretis dixerat. Quum autem Cardinalis ab eo renunciareris, PRINCEPS EMINENTISSIME, tam honorifica omnium Cardinalium in Consistorio fuere suffragia, ut res fidem pene superet. Neque id mirum. Spectata siquidem virtus Tua, ac diuturno experimento in alma Urbe, omnium Gentium ac Nationum Theatro, forisque comprobata, hujusmodi testimonium merebatur, quod Tibi perinde, ac Pontifici benefactori singularis decoris esset, ac gloriæ non vulgaris. Neque his contentus CLEMENS, mox honores honoribus augens, quum probe nosceret studium, quo bonum OEconomicum Oppidorum, & Urbium Pontificiæ ditionis cogitares, ut idipsum opportune curares, Præfecturam Congregationis Boni Regiminis Tibi contulit. Qua in re subjectorum etiam Populorum votis obsecundavit. Tot igitur nominibus Tibi congruens Munus, CARDINALIS AMPLISSIME, qua soles benignitate excipias, oro: & me Tibi cum primis addictum, atque devinctum, valido tuo patrocinio tueri pergas.





# I N D E X

## C H R O N O L O C I G U S

### P O N T I F I C U M,

*Quorum Bullæ in hac Tertii Tomi Parte Secunda continentur.*

	Anno 1271.	Pag. 1
GREGORIUS X.		
INNOCENTIUS V.	1276.	17
HADRIANUS V.	1276.	19
JOANNES XX. dictus XXI.	1276.	19
NICOLAUS III.	1277.	21
MARTINUS IV.	1281.	27
HONORIUS IV.	1285.	38
NICOLAUS IV.	1288.	51
COELESTINUS V.	1294.	69
BONIFACIUS VIII.	1294.	74
BENEDICTUS XI.	1303.	106
CLEMENS V.	1305.	110
JOANNES XXI. dictus XXII.	1316.	143
BENEDICTUS XII.	1334.	200
CLEMENS VI.	1342.	291
INNOCENTIUS VI.	1352.	214
URBANUS V.	1362.	314
GREGORIUS XI.	1370.	331
URBANUS VI.	1378.	364
BONIFACIUS IX.	1389.	377
INNOCENTIUS VII.	1404.	399
GREGORIUS XII.	1406.	404
ALEXANDER V.	1409.	411
JOANNES XXII. dictus XXIII.	1410.	413
MARTINUS V.	1417.	418



# I N D E X

## A L P H A B E T I C U S

P O N T I F I C U M,

*Quorum Bullæ in hac Tertii Tomi Parte Secunda continentur.*

ALEXANDER V.	habet Constit.	I.
BENEDICTUS XI.	habet Constit.	III.
BENEDICTUS XII.	habet Constit.	XVIII.
BONIFACIUS VIII.	habet Constit.	XXII.
BONIFACIUS IX.	habet Constit.	XIII.
CLEMENS V.	habet Constit.	XV.
CLEMENS VI.	habet Constit.	XVI.
COELESTINUS V.	habet Constit.	IV.
GREGORIUS X.	habet Constit.	IX.
GREGORIUS XI.	habet Constit.	XXIII.
GREGORIUS XII.	habet Constit.	IV.
HADRIANUS V.	nullam habet Constit.	
HONORIUS IV.	habet Constit.	VI.
INNOCENTIUS V.	habet Constit.	I.
INNOCENTIUS VI.	habet Constit.	X.
INNOCENTIUS VII.	habet Constit.	II.
JOANNES XX. dictus XXI.	habet Constit.	II.
JOANNES XXI. dictus XXII.	habet Constit.	XLIV.
JOANNES XXII. dictus XXIII.	habet Constit.	IV.
MARTINUS IV.	habet Constit.	V.
MARTINUS V.	habet Constit.	XXVI.
NICOLAUS III.	habet Constit.	IV.
NICOLAUS IV.	habet Constit.	XII.
URBANUS V.	habet Constit.	VII.
URBANUS VI.	habet Constit.	XV.



# INDEX RUBRICARUM

BULLARUM ET PRIVILEGIORUM OMNIUM,

Quæ in hac Tomi Tertii Parte secunda continentur.

Quæ hoc Indice & designantur, erant in editione Cherubini.

- I. Hierosolymitanum Patriarcham, cæterosque fideles de suscepto a se Ecclesiæ clavo encyclicis literis certiores facit. 1
- II. Contra deferentes Arma, Naves, & alia ad partes Infidelium, ipsisque quomodolibet communicantes. 3
- III. Indictio Sacri, & Oecumenici XIV. Concilii, Lugdunensis II., pro die 1. Maii 1274. 4
- IV. Civitas Lugdunensis utpote Prælati omnibus magis accommoda pro futuri celebratione Concilii decernitur. 6
- V. Civitati Pisana restituitur Archiepiscopalis Dignitas, qua Conradino quondam Friderici olim Imperatoris Nepoti adhærendo privata fuerat. 7
- VI. Capitula, & Ordinationes Pacis inter Guelfos, & Gibellinos edita apud Florentiam. 7
- VII. Contra Christianos ad ritum Judaicum transeuntes, Judæosque conversos rejudaizantes, vel Christianos ad eorum ritum inducentes. 11
- VIII. De reditu Michaelis Palæologi Græcorum Imperatoris ad obedientiam Romani Pontificis, & unione Ecclesiæ Græcæ cum Latina. 11
- IX. Provisiones, & Ordinationes pro ecclesiastica libertate in Regno Portugalliæ manutenenda. 13

## INNOCENTIUS V.

- I. Innocentius fideles encyclicis literis adeptæ dignitatis certiores facit, ac Præsules ad operam pro christiana tuenda conjungendam excitat. 18

## JOANNES XX. dictus XXI.

- I. Decretum, quo Hadrianus V. Gregorii X. de inclusione Cardinalium in Conclavi pro facienda Pontificis electione Constitutionem suspenderat, confirmatur. 20
- II. Encyclicæ Joannis XXI. ad fideles de sua promotione literæ. 20

## NICOLAUS III.

- I. Encyclicæ Nicolai literæ de sua in Summum Pontificem electione ad Galliæ Prælatos. 22
- II. Quod absque Summi Pontificis licentia speciali Senator Urbis minime eligatur. 23
- III. De prædicatione verbi Dei, pro conversione Hebræorum. 25
- IV. Excommunicationis, & aliarum poenarum promulgatio in Catharos, Patarenos, aliosque hæreticos, ipsorumque filios, complices, & fautores. 26

## MARTINUS IV.

- I. Martini Papæ IV. ad Præsules Catholicos de sua promotione in Summum Pontificem literæ encyclicæ. 28

- II. Prohibitio ne Fratres Ordinum Mendicantium ad alios Ordines transeant. 29
- III. Damnatio & excommunicatio Michaelis Palæologi Græcorum Imperatoris ab Ecclesia Romana dissidentis. 30
- IV. Commissio Delegatis Apostolicis super inquisitione miraculorum Sancti Ludovici. 30
- V. Depositio Petri Regis Aragonum ejusque subditorum a Juramento fidelitatis absolutio. 31

## HONORIUS IV.

- I. Encyclicis literis Christiani fideles promotionis suæ certiores faciens, ad divinam sibi opem suis precibus conciliandam provocat. 39
- II. Provisiones, & Ordinationes tam quoad spiritualia, quam temporalia pro bono regimine Regni Siciliae. 40
- III. Subsequitur Confirmatio Constitutionis editæ a Carolo II. Siciliae Rege pro tuitione Ecclesiasticorum, rerumque ad eos pertinentium. 47
- IV. Monasterium S. Silvestri in Capite de Urbe conceditur nonnullis piis fæminis, ut inibi vivant secundum Regulam S. Claræ. 48
- V. Damnatio Sectæ, sub nomine Ordinis Apostolorum, nulla habita Sedis Apostolicæ licentia temere introductæ. 49
- VI. Quod filii & nepotes ejus, qui de hæresi inquisiti & absolutus fuit, ad officia & beneficia admitti possint. 50

## NICOLAUS IV.

- I. Sanctæ Agathæ Terram, aliaque Castra, & Loca ad Provinciam Massæ Trabariæ, non autem ad Romandiolæ spectare declarat. 51
- II. Quod Christiani ad Judæorum ritum transeuntes, ipsique Judæi ad Christianam fidem conversi, ad illum redeuntes, ab Inquisitoribus uti hæretici, eorumque auxiliatores, puniantur: Judæi vero, Christianos ad eorum ritum trahentes, poena debita comescantur. 52
- III. Certos proventus S. R. E. Cardinalibus assignat ex Romanæ Ecclesiæ redditibus. 52
- IV. Approbatio Tertiæ Regulæ Fratrum & Sororum Terti Ordinis a B. Francisco institutæ, pro sæcularibus in propriis domibus viventibus, Tertiariis nuncupatis. 53
- V. Declarationes Reformationis Gregorii IX. Monachorum Congregationis Cluniacensis Ordinis S. Benedicti. 56
- VI. Quod Processus habitus per Inquisitores contra Hæreticos etiam post obitum Papæ, a quo deputati fuerant, validi habeantur. 61
- VII. Confirmatio Erectionis Ulyssipponensis Academiæ, quæ variis ornatur privilegiis. 62
- VIII. Prohibitio faciendi Conjuraciones, Societates, Confæderationes, seu Colligationes in terris Ecclesiæ, earumque cassatio, & annullatio sub ex-



## Index Rubricarum.

- communicationis sententia, aliisque poenis spiritualibus, & temporalibus. 62
- IX. Excommunicationis, aliarumque poenarum contra Hæreticos, eorumque Fautores, & alios decretarum promulgatio. 63
- X. Hospitale Sancti Spiritus in Saxia de Urbe, cum omnibus ejus membris & bonis atque personis, sub protectione Sedis Apostolicæ suscipitur, & subjectione Hospitalis S. Spiritus in Monte Pessullano, Hospitali prædicto approbatur. 64
- XI. De recuperatione Terræ Sanctæ Hierusalem ex Saracenis, & de indultis Crucesignatorum ad id proficiscentium, vel contributionem præstantium. 66
- XII. Quod exhibeantur Ordini Fratrum B. Mariæ de Mercede Redemptionis Captivorum, omnia legata, quæ pro d. Redemptione non tamen certis personis relinquuntur. 69

### COELESTINUS V.

- I. Approbatio Statutorum Congregationis Monachorum Coelestinorum Ordinis S. Benedicti, cum indultorum, & gratiarum concessione. 70

### BONIFACIUS VIII.

- I. Bonifacius Papa Eduardum Angliæ Regem certiorum facit de Coelestini PP. abdicatione, sui que in Pontificem electione. 75
- II. Contra dantes aliquid, vel promittentes, aut recipientes, pro obtinenda gratia, vul justitia apud Sedem Apostolicam, ac etiam contra scientes, & non revelantes. 76
- III. Quod prope Ecclesias, & Conventus Fratrum Eremitarum Ordinis S. Augustini, non possint alii Religiosi Mendicantes nova loca ædificare infra spatium Cannarum centum quadraginta. 77
- IV. Quod Conservatores concessi certis Ecclesiis a Sede Apostolica ab injuriis manifestis defendantur, qui jubentur esse Canonici, aut præditi dignitatibus in Ecclesiis Cathedralibus. 77
- V. Restituitur Regi Aragonum Regnum, quo ex Causa occupationis Regni Sicilia privatus fuerat. 78
- VI. Dismembratio Archiepiscopatus Tolosan. & erectio Episcopatus Appamiarum. 79
- VII. Quod Fratres Ordinis B. Mariæ de Monte Carmelo, cappis albis de cætero utantur, dimissis aliis mantellis diversorum colorum. 80
- VIII. De auctoritate Prælatorum Ordinis Fratrum, Prædicatorum S. Dominici, suos subditos juris apicibus, & appellatione postpositis, compescendi. 81
- IX. Novam hæresim in administratione Sacramentorum exortam, aliisque scatentem erroribus damnat. 81
- X. Sardinia, & Corsica Aragonum Regi Jacobo jure beneficiario tradita, sub annua præstatione duorum millium Marcharum argenti Sedi Apostolicæ. 82
- XI. Erectio Prioratus S. Antonii Viennen., ubi ejus corpus requiescit, in Abbatiam, & institutio illius Prioris in Abbatem data Regula S. Augustini, & habitu cum signo T. quod potentiam vocant. 86
- XII. Canonizatio S. Ludovici Regis Franciæ, Confessoris; & institutio Festivitatibus pro die 25. Augusti quotannis celebrandæ; ac Indulgentiarum elargitio pro visitantibus ejus sepulchrum. 88

- XIII. Confirmatis Conciliorum Decretis, & Nicolai IV. Constitutione contra Arma, victualia &c. ad Saracenorum partes deferentes, Inquisitoribus hæreticæ pravitate facultas datur contra delinquentes procedendi. 92
- XIV. Amotis Canonici Regularibus Ordinis Sancti Augustini ab Ecclesia Lateranen. sæculares Canonici subrogantur. 94
- XV. Institutio Sanctissimi Jubilei, plenariæque peccatorum remissionis, pro quolibet centesimo anno, Basilicas SS. Petri, & Pauli Apostolorum de Urbe visitantibus. 94
- XVI. Erectio Studii generalis in Civitate Firmana, & Provinciæ Marchiæ Status Ecclesiastici, cum privilegiis, gratiis & indultis Studii Bononiensis. 95
- XVII. Publicatio Processuum contra offendentes venientes, & recedentes ab Urbe. 96
- XVIII. Confirmatio Electionis Alberti Regis Romanorum in Imperatorem electi. 96
- XIX. Declaratio, quod Ungariæ Regnum ad Mariam Sicilia Reginam, & Carolum ejus nepotem; non autem ad Wenceslaum Boemiæ Regis natum pertineat. 98
- XX. Institutio Studii generalis in Alma Urbe, cum privilegiis pro Doctoribus, & Scholaribus. 100
- XXI. Erectio Studii generalis, in Civitate Avinionis. 101
- XII. Philippus Galliarum Rex, enarratis, quæ ab eo gesta sunt, fidelium coetu, sacrisque segregatus declaratur. 103

### BENEDICTUS XI.

- I. Encyclicæ Benedicti literæ de sua in Pontificem electione. 106
- II. Nova confirmatio Ordinis Fratrum Servorum, B. Mariæ Virginis sub Regula S. Augustini. 107
- III. Receptio Congregationis Monachorum Coelestinorum Ordinis S. Benedicti sub Sedis Apostolicæ protectione cum nonnullarum gratiarum elargitione. 108

### CLEMENS V.

- I. Sæcularizatio Ecclesiæ Burdegalen. Ordinis Sancti Augustini. 110
- II. Confirmata Bonifacii VIII. Constitutione, qua Hungariæ Regnum Mariæ, Sicilia Reginæ ejusque Nepoti Carolo adjudicatur, Othoni Bavariæ Duci, a nonnullis in Regem electo, dies indicitur, ut coram Apostolica Sede sistat. 111
- III. Excommunicatio Andronici Græcorum Imperatoris, ejusque complicum, & adhærentium. 113
- IV. Indictio XV. Sacri & Œcumenici Concilii Viennensis primi, ad Kalendas Octobris 1309. 113
- V. Universis Christianis, pro reparatione Lateranensis Basilicæ igne consumptæ laborantibus, conceditur Indulgentia decem annorum, totidemque quadragenarum. 117
- VI. Erectio Studii generalis in Civitate Perusii, Provinciæ Heturriæ. 117
- VII. Confirmatio Electionis Henrici in Regem Romanorum. 118
- VIII. Excommunicatio contra euentes, & deferentes falsas monetas in Regno Franciæ. 119
- IX. De reditu Civitatis Ferrariæ sub antiqua Sedis Apostolicæ obedientia, & jurisdictione, ejusque privilegiorum confirmatione. 120



## Index Rubricarum.

- X. Monumentum præstiti ab Herico VII. in Imperatorem electo Juramenti fidelitatis, & confirmatarum Sedi Apostolicæ Imperialium Donationum. 128
- XI. Subsequitur destinatio Legatorum pro eiusdem Imperatoris coronatione, eiusque coronationis ritus & forma præscribuntur. 130
- XII. Mandatum de reducendo numero Scriptorum sacre Pœnitentiariæ ad duodenarium. 135
- XIII. Damnatio Sectæ sub nomine libertatis spiritus, in Spoletana, aliisque diversis Italiæ Provinciis exortæ. 135
- XIV. Damnatio Militum Templariorum, cum bonorum totius Ord. applicatione Ordini Militum Hierosolymitanorum. 138
- XV. Canonizatio S. Petri de Murrone Summi Pontificis Romani, Cœlestini V. nuncupati, eiusque relatio in Cathalogum SS. Confessorum, cum festivitatis institutione, pro die 19. mensis Maii. 140






### JOANNES XXI. dictus XXII.

- I. Quod, vacante Romano Imperio, nullus assumat nomen Vicarii eiusdem, cum id tantummodo ad Romanum pertineat Pontificem. 144
- II. Canonizatio S. Ludovici, Caroli Regis Siciliæ filii, & Episcopi Tolosani, eiusque adscriptio in numerum Sanctorum Confessorum, cum festivitatis institutione, pro die 19. Augusti quotannis celebrandæ. 145
- III. Indictio Induciarum inter Angliæ, & Scotiæ Reges, sub eadem poena Excommunicationis contra violantes. 148
- IV. Erectio Episcopatus Castren. eiusque dismembratio ab Ecclesia Albien. 149
- V. Erectio Ecclesiæ de Sancto Floro cum dismembratione illius ab Episcopatu Claromonten. 150
- VI. Divisio Episcopatus Tholosan. in quatuor alias Ecclesias suffraganeas, scilicet Montisalban. Sancti Papuli, Lumbriacen. & Riven. eiusque erectio in Metropolitanam Ecclesiam. 151
- VII. Divisio Episcopatus Pictavien., ac Malleacen., & Linconien. Ecclesiarum Ordinis Sancti Benedicti in Cathedrales Ecclesias erectio. 152
- VIII. Dismembratio Ecclesiæ Agennen., & Erectio Villæ de Condomio eiusdem Diocesis in Episcopatum Condomien. 153
- IX. Erectio Episcopatus Vabrensis. 153
- X. Contra Hæreticos, vel de hæresi suspectos, & Judæos ad fidem Catholicam conversos, ab eaque apostatantes, quamvis ad Ecclesiam confugiant, esse procedendum. 154
- XI. Dismembratio Episcopatus Narbonen., & erectio Cathedralis Ecclesiæ in Villa de Limoso eiusdem Diocesis cum iurisdictione & iuribus ordinariis. 154
- XII. Ordinationes, & Statuta pro bono Regimine Fratrum Ordinis Grandimonten., eiusque Prioratum, aliorumque locorum ad eundem Ordinem pertinent. definitio. 155
- XIII. Damnatio Sectæ Bizochorum, Beguinorum, Fraticellorum, Pseudofratrum S. Francisci de Assisio. 160
- XIV. Erectio Ecclesiarum Electen., & sancti Pontii Thermolarum ac suppressio Episcopatus Limosen. 165
- XV. Quod Hospitali & Religioni Militum S. Joannis Hierosolymitani, habenti Annalia beneficiorum vacantium, accrescant fructus, quos illa obti-





- nentes & non residentes percipere possent. 166
- XVI. Divisio Provinciæ Tarraconen. in duas, & Erectio Ecclesiæ Cefaraugustan. in Metropolitanam. 167
- XVII. De Lectorum ad Studium Perusinum admissione, & Scholarium promotione ad Doctoratum. 168
- XVIII. Ordinatio Studii in Urbe, eiusque Privilegiorum confirmatio. 169
- XIX. Tutellensis Ecclesiæ divisio a Lemovicensi, & novi Episcopatus Erectio, cum Diocesis, Capituli, & Mensæ assignatione. 170
- XX. Institutio Militiæ Jesu Christi in Regnis Portugaliæ, & Algarbiorum sub regulari observantia Ordinis Militiæ de Calatrava, ejusdemque Ordinis assignatio primæ Domus facta per Regem in Castro de Marino Silven. Diocesis. 171
- XXI. Excommunicatio contra Extrahentes, & Introducentes Victualia, Merces, & alia in Ducatu Ferrariæ absque Sedis Apostolicæ Officialium licentia, & signo. 175
- XXII. Constitutio poenarum contra offendentes, vel alias quibuscumque modis perturbantes Rectorem Beneventanum, ejusque Officiales & Ministros. 176
- XXIII. Reservatio Ecclesiarum, aliorumque Beneficiorum, in Dominio Romanæ Ecclesiæ consistentium, ad quæ quis consuevit per electionem assumi. 177
- XXIV. Mandatum Archiepiscopis, & Episcopis Angliæ, ut eos publice renuncient excommunicatos, qui contra Sedis Apostolicæ prohibitionem Hiberniam armis impetere, cædibusque, & rapinis miscere ausi fuerant. 177
- XXV. Canonizatio S. Thomæ Episcopi Herfordiensis in Anglia, ejusque relatio in numerum SS. Confessorum, cum festivitatis institutione pro die 2. mensis Octobris. 178
- XXVI. Promulgatio Sententiarum contra retinentes & inhabitantes Domos & Palatia Ecclesiarum, S. R. E. Cardinalibus in titulum seu Commendam concessarum. 180
- XXVII. Quod Judæi, ad Fidem Catholicam conversi, iis bonis gaudeant, quæ conversionis tempore possidebant. 181
- XXVIII. Erectio Cathedrarum Medicinæ, & Artium in Perusino Studio, data insuper facultate Episcopopolareandi, & licentiandi in utraque facultate idoneos, pro quorum examine nonnullæ sancuntur leges. 181
- XXIX. Revocatio concessionum, donationum, locationum, alienationum, aliorumque omnium per Rectores, & Officiales S. R. E. in Patrimonio B. Petri in Tuscia, Comitatu Sabina, & Terris Arnulphorum, quibusvis personis factarum. 183
- XXX. Sequitur Episcopo Urbevetano ut de his inquirat, Terras hujusmodi recuperet, detentores censuris compescendo. 183
- XXXI. Inquisitoribus hæreticæ pravitatis prohibetur, quominus Bononiæ arma deferendi ulli licentiam tribuant, eamque aliis in locis solis dent familiaribus. 184
- XXXII. Contra facientes cavalcatas, & incurSIONES in Provincia Marchiæ Status Ecclesiastici. 184
- XXXIII. Ecclesia Monasterii Cassinen. erigitur in Cathedralam, Monasteriumque in Episcopatum, cum omnimoda iurisdictione, Privilegiis, & iuribus pro novo Episcopo, & Capitulo, quibus antea Abbas, & Monaci fruebantur. 185





## Index Rubricarum.

- XXXIV. Canonizatio S. Thomæ de Aquino, Ordinis  
 Fratrum Prædicatorum S. Dominici, ejusque re-  
 latio in numerum Sanctorum Confessorum, cum  
 institutione festivitatis pro die 7. Martii. 186
- XXXV. Jurisdictionis pars quedam, nonnullique red-  
 ditus, spectantes ad Ecclesiam Avenionen. in  
 Castris Pontis Sorgiæ, & de Interaquis ab ea se-  
 parati Romanæ Ecclesiæ, & Comitatu Venaifino  
 uniuntur. 190
- XXXVI. Approbatio Congregationis Monachorum  
 Beatæ Mariæ Montis Oliveti Ordinis S. Bene-  
 dicti. 191
- XXXVII. Quod Regulares cujuscumque Ordinis ad  
 partes Infidelium se conferre, ibique verbum Dei  
 prædicare absque Superiorum suorum licentia spe-  
 ciali, minime possint. 191
- XXXVIII. Revocatio concessionum de percipiendis  
 fructibus in absentia in Ecclesiis quibuscumque  
 Urbis, Cardinalibus dumtaxat exceptis. 192
- XXXIX. Erectio Episcopatus Cortonen. in Ecclesia  
 Sancti Vincentii ejusdem Civitatis cum exemptio-  
 ne a jurisdictione Ecclesiæ Aretinæ. 193
- XL. Contra ineuntes foedera cum hæreticis, aut alio  
 quovis modo eis faventes. 194
- XLI. Contra immolantes dæmonibus, aut responsa-  
 & auxilia ab eis postulantibus; sive tenentes libros  
 de ejusmodi erroribus tractantes. 194
- XLII. Ordinationes, observandæ ab Auditoribus Cau-  
 sarum Romanæ Curia, eorumque Notariis. 195
- XLIII. Declarat, Indultum quibuslibet Universitati-  
 bus, & Personis concessum, ne extra certos li-  
 mites vocari in judicium possint, ad causas, &  
 negotia, quæ apud Sedem eandem agitantur, non  
 extendi. 199
- XLIV. Confirmatio Erektionis Universitatis Studiorum  
 in Civitate Cadurcensi. 199







### BENEDICTUS XII.

- I. Benedictus Prælatos Ecclesiarum certiores facit de  
 sui electione in Pontificem. 201
- II. De Apostatis, seu alias quomodolibet habitum Re-  
 ligionis dimittentibus, ac extra suorum Ordinum  
 claustra evagantibus, deque eorumdem animad-  
 versionem, ac Prælatorum facultate absolvendi re-  
 spicientes ab excommunicatione, & super irregu-  
 laritate dispensandi ratione Apostasiæ. 201
- III. Quod Fratres Mendicantes ad Ordines Monaco-  
 rum Nigrorum, & Cisterciensium transire non  
 possint absque licentia Romani Pontificis. 203
- IV. Reformatio Ordinis Cisterciensis Monachorum  
 S. Benedicti. 203
- V. Definitio quorundam articulorum circa Beato-  
 rum visionem, animarumque beatitudinem, &  
 damnationem. 213
- VI. Ordinationes & reformationes pro bono regimine  
 Monachorum Nigrorum Ordinis S. Benedicti. 214
- VII. Contra Fraticellos, eorumque sequaces & Fau-  
 tores per Sedem Apostolicam damnatos. 240
- VIII. Quod Rectores Terrarum Romanæ Ecclesiæ Con-  
 sanguineos vel Affines suos ad aliquod officium  
 exercendum in eisdem Terris minime admit-  
 tant. 240
- IX. Quod Rectores, & Thesaurarii Terrarum Roma-  
 næ Ecclesiæ stipendia, quæ dantur pro militia,  
 familiaribus suis assignare non possint. 241
- X. Quod Beneficia vacatura per adeptionem aliorum  
 Apostolica auctoritate collatorum reservata cen-

seantur, etiam si ante affecutionem dictorum Be-  
 neficiorum ex causa permutationis, vel simplicis  
 resignationis vacaverint. 242

- XI. Ordinationes, & Statuta pro bono regimine Or-  
 dinis Fratrum Minorum Sancti Francisci de Affi-  
 sio. 242
- XII. Statuta, & Ordinationes pro bono Regimine  
 Poenitentiarie Apostolicæ, ejusque Officialium, ac  
 forma Juramenti præstandi ab eisdem. 259
- XIII. Constitutio totius Ordinis Canonicorum Regula-  
 rium Ordinis S. Augustini. 264
- XIV. Institutio Studii Generalis in Civitate Vero-  
 nen. 286
- XV. De Studio Generali in Civitate Gratianopolitana  
 erecto, nonnullisque ejusdem legibus. 286
- XVI. Revocatio Vectigalium, & Pedagiorum a Po-  
 pulo Romano absque Sedis Apostolicæ licentia im-  
 positorum. 287
- XVII. Contra eos, qui loco sui alios supponunt exa-  
 mini pro consequendis Beneficiis Ecclesiasticis, vel  
 se pro aliis dicto examini supponunt. 288
- XVIII. Declaratio super certis Capitulis contentis in  
 Constitutione edita super statu Ordinis Monacho-  
 rum Nigrorum. 288

### CLEMENS SEXTUS.

- I. Insignium Sacerdotiorum, atque Ecclesiasticarum  
 dignitatum provisio in Sicilia Regno Sedi Aposto-  
 licæ reservatur ad tempus. 292
- II. Declaratio, quod Rege Sicilia minore Regni Pro-  
 curatio spectat ad Sedem Apostolicam. 292
- III. Facultas Abbatis Congregationis Monachorum  
 B. Mariæ Montis Oliveti, Ordinis S. Benedicti,  
 retinendi & acquirendi nova loca & Monasteria,  
 ibique Ecclesiastica Sacramenta ministrandi. 294
- IV. Pragensis Ecclesiæ Erectio in Archiepiscopatum. 295
- V. Ludovicus de Hispania Fortunatarum Insularum,  
 Rex constituitur. 296
- VI. Confirmatio Diplomatis a Joanna Regina in favo-  
 rem Sanctæ matris concessi. 298
- VII. Reformatio Ordinis Fratrum Servorum B. Mariæ  
 Virginis circa Prioris Generalis, & aliorum Prio-  
 rum, & Definitorum munera, & electiones, Ca-  
 pitulorumque generalium, & provincialium ce-  
 lebrationem. 300
- VIII. Prohibitio dandi, vel acquirendi dominium aut  
 jurisdictionem, vel præminentiam aut obliga-  
 tionem, super locis & castris patrimonii S. Petri,  
 aut quoquomodo ea occupandi. 302
- IX. Confirmatio Actorum Concilii Poseniensis. 304
- X. Confirmatio Electionis Marchionis Moraviæ Ro-  
 manorum Regis in Imperatorem electi. 308
- XI. Pragensis Academia instituitur, & Archiepiscopo  
 conferendæ Doctoratus Laureæ jus adjudicatur. 309
- XII. De Canonizatione S. Ivonis Presbyteri Trecoren-  
 sis Galli, ejusque festivitatis celebratione sub die  
 19. Mensis Maii. 310
- XIII. Limitatio finium Agri Beneventan. 311
- XIV. Episcopis Carpentoracten. & Uicen. ac Abbati  
 Monasterii S. Rufi prope Valentiam committitur  
 inquisitio super miraculis Beati Elzearii Comitis  
 Arianensis. 312
- XV. De Cibis, Potuque ministrandis S. R. E. Cardinal. in  
 Conclavi, & numero Intervientium eisdem. 313
- XVI. Rectores Provinciarum, Civitatum aliorumque  
 Locorum Rom. Ecclesiæ immediate subjectorum  
 a Thesaurariis earundem Provinciarum ultra de-  
 bitum



## Index Rubricarum.

bitum aliquid per violentiam extorquentes vel alias quomodolibet exigentes excommunicationis vinculo innodantur, suisque officiis privantur. 313

### INNOCENTIUS VI.

- I. Jurisdictio, & Facultates Ægidii S. R. E. Cardinalis Legati, & Vicarii Apostolici totius Status Ecclesiastici. 314
- II. Quod Rectores Provinciarum Rom. Ecclesiæ Processus a Thesaurariis contra non solventes Censuræ eidem Ecclesiæ debitos factos suspendere, aut cassare &c. eisdem Thesaurariis inconsultis non possint. 316
- III. Cassatio Pastorum a S. R. E. Cardinalibus ante electionem Summi Pontificis in præjudicium auctoritatis ejusdem initorum. 316
- IV. Quod in Statu Ecclesiastico Homicidæ ad pecuniariam compositionem non admittantur. 318
- V. Aleorum, seu Taxillorum ludi reprobatio, cum prohibitione, ne quid a prostitutis Mulieribus exigatur. 318
- VI. Literæ Processus Clem. V. & Joann. XXII. contra Invadentes, vel alias quomodolibet Siciliæ Regnum occupantes promulgatæ extenduntur ad Beneventanam Civitatem. 319
- VII. Reformatio taxarum Curie Civitatis Beneventanæ. 320
- VIII. Extensio Constitutionis contra occupantes Jura & bona S. R. E. ad Invasores Terrarum, Locorum Juriumque quorumcumque Ecclesiæ Avenion. 321
- IX. Innovatio Sententiarum Clem. PP. VI. contra dantes, vel acquirentes Dominium, aut Jurisdictionem, vel præminentiam, aut obligationem super Castris, & Locis Patrimonii B. Petri in Tuscia, aut quoquomodo ea occupantes, earumdemque extensio ad alias Provincias Status Ecclesiastici. 321
- X. Institutio Cathedræ Theologicæ in Studio Generali Civitatis Bononiæ. 323

### URBANUS V.

- I. Institutio Studii Generalis in Civitate Patavina etiam in facultate Theologica. 325
- II. Privilegium Ordinis Cartusianorum utendi Altare portatili pro celebratione Missarum in locis ad Ordinem spectantibus. 325
- III. Jurisdictio Camerarii S. R. E. procedendi, contra piratas, nova pedagia imponentes eaque perpetrantes, quæ in Bulla in Cæna Domini vetantur. 325
- IV. Judæos molestantes, seu alias ipsis injurias quomodolibet inferentes, aut ad recipiendum Baptismum compellentes excommunicationis poena plectuntur. 327
- V. Cassinensis Ecclesia olim in Episcopalem erecta iterum Abbatialis restituitur. 327
- VI. Erectio Ecclesiæ Montis Falisci in Episcopatum, cui Dioecesis termini assignantur. 328
- VII. Decretum, quod Oblationes, quæ obveniebant Episcopo Portuen. in Basilica S. Petri, convertantur ab Altarario in beneficium Fabricæ. 330

### GREGORIUS XI.

- I. Beatum Elzearium de Sabrano in Gallia Narbonensi Sanctorum Confessorum Canonem per Urbanum

PP. V. Prædecessorem suum adscriptum fuisse denunciat. 332

- II. Basilicæ Sanctæ Mariæ Majoris de Urbe pene collabenti pro reparatione impendenda Ecclesiam Sancti Lucæ juxta dictam Basilicam existentem unit, & annectit. 333
- III. Beneficia per obitum Familiarium S. R. E. Cardinalium vacantia, & quibusvis Personis collata, nisi in literis provisionis eorumdem de familiaritate hujusmodi mentio fiat, vacare decernit. 334
- IV. Quod Ecclesia S. Joannis in Laterano de Urbe supremum locum tenet super omnes Ecclesias Urbis, & Orbis. 335
- V. Quod Prælati, Abbates, & alii Beneficia residentialia obtinentes in Ecclesiis eorum residentiam facere omnino teneantur. 335
- VI. Damnatio quorundam Statutorum in Regno Aragoniæ, per quæ Ecclesiarum libertas, & Ecclesiasticarum Personarum bona afficiebantur. 336
- VII. Literæ Processus, seu Anathematizatio Hæreticorum aliorumque S. R. E. quomodolibet se opposentium, quas in die Coenæ legi consuevit. 338
- VIII. Saraceni ad Christianam fidem conversi, & ad eorum sectam redeuntes, & Christiani ad illam transeuntes eorumque fautores, ab Inquisitoribus hæreticæ pravitatis puniantur. 339
- IX. Fratricellorum, Dulcinorum, & de Paupere vita Hæreticorum Cineres in Regno Siciliæ colentes, eisque Altaria cum luminaribus erigentes, universariamque diem obitus eorumdem celebrantes, vel alias ad cultum absque Sedis Apostolicæ licentia extollentes puniendos esse sancitur. 339
- X. Collegium in Civitate Bononiensi a se Gregorianum nuncupatum excitat, eidemque dorem assignat, Statutaque, & Ordinationes pro bono Regimine Magistrorum, & Scholarium inibi degentium decernit. 340
- XI. Humiliatorum Ordinis Præpositos quamvis ab Apostolica Sede de Præposituris provisos correctioni, & obedientiæ Magistri Generalis ejusdem Ordinis subiectos fore declarat. 351
- XII. Exemptio Ordinis Fratrum B. Mariæ de Mercede Redemptionis Captivorum a solutione decimarum, de proventibus & redditibus ecclesiasticis, per Sedem Apostolicam Regibus, & Principibus, vel aliis, concessarum, & concedendarum. 351
- XIII. Declaratio, & limitatio auctoritatis, & facultatum Cardinalis pro tempore Protectoris Fratrum Ordinis Minorum S. Francisci. 352
- XIV. Quod Officiales Status Ecclesiastici, neminem cogant ad granum, ligna, & similia, absque solutione iusti pretii sibi deferendum. 353
- XV. De Scriptura Literarum Apostolicarum per Scriptores juxta distributionem Secretariorum cito faciendâ, & inobedientium poena. 354
- XVI. Religiosi cujuscumque Ordinis etiam Mendicantium, quamvis Sedis Apostolicæ sint Cappellani, eorum Superioribus subiecti remaneant. 354
- XVII. Quod Ecclesiarum Prælati, seu locorum Ordinarii occasione præsentationum, & institutionum per Magistrum & Fratres S. Joannis Hierosolymitani de Personis idoneis ad Beneficia curam animarum habentia factarum ab eisdem nil penitus exigant vel audeant extorquere. 355
- XVIII. De auctoritate, & facultatibus munereque Magistri Generalis & aliorum Prælatorum Fratrum Prædicatorum Ordinis S. Dominici, gratiisque & privilegiis ejusdem Ordinis. 355
- XIX. Dam-



## Index Rubricarum.

- XIX. Damnatio legum, seu Errorum in Saxonia *Speculum Saxonum* nuncupatorum, eorumdemque sequacium cum poenarum impositione. 359
- XX. Clerici illegitimi non admittantur ad Canonatus & alia Beneficia trium Ecclesiarum Patriarchalium de Urbe, absque speciali Sedis Apostolica dispensatione. 361
- XXI. Contra Prælatos, & alios dantes munera, seu strenas Nunciis provisiones Ecclesiarum, vel Beneficiorum sibi a Sede Apostolica collatorum quomodolibet deferentibus. 361
- XXII. Quod in Ecclesia S. Ambrosii ad Nemus Mediolanen., ob reverentiam ejusdem Sancti, Fratres S. Ambrosii nuncupandi, sub Regula S. Augustini religiosam vitam ducant, Ambrosianumque officium recitare possint. 362
- XXIII. Declaratio & extensio Privilegii exemptionis a solutione Decimarum, Congregationis Monachorum Cælestinorum, Ordinis S. Benedicti. 363

### U R B A N U S VI.

- I. Jurisdictio Camerarii Sanctæ Romanæ Ecclesiæ summarie quascunque causas interesse Rever. Camera Apostolicæ quomodolibet concernentes, cognoscendi. 364
- II. Mare magnum, seu Privilegium privilegiis conflatum pro Ordine Fratrum Servorum B. Mariæ Virginis. 365
- III. Confederationes cum Hæreticis quacunque firmitate roboratæ, nullæ & irritæ declarantur. 366
- IV. Erectio Studii Generalis in Civitate Quinqueeclesien. Regni Hungariæ cum privilegiis pro Doctoribus, & Scholaribus, reservata Ludovico Regi presentandi facultate. 367
- V. Lateranensis Ecclesiæ oblationes in alios quam fabricæ ejusdem Basilicæ usus converti prohibet. 368
- VI. Quod Fratres Hospitalis Sancti Joannis Hierosolymitani unum tantummodo in eorum Ordine Beneficium acquirere possint decernit. 368
- VII. Contra Officiales Laicos, quoquo modo personas Ecclesiasticas bannientes, relegantes, aut proscriptibentes. 369
- VIII. Reprobatio Pignorum, seu Sportularum occasione Litigiorum Judicibus Ecclesiasticis quovis modo exhibendarum. 369
- IX. Approbatio, & ratificatio Ordinis Fratrum Sancti Pauli Primi Eremitæ in Ungariæ Partibus a Joanne PP. XXII. instituti. 370
- X. Fratribus Ordinis Servorum Sanctæ Mariæ nullam ante hac in Urbe Domum habentibus Ecclesiæ Sancti Marcelli conceditur. 370
- XI. Sanctorum Petri, & Pauli Apostolorum Icones argenteas deauratas, Gemmisque pretiosis elegantissime elaboratas, quarum altera scilicet Beati Petri de Ligno Crucis Domini Nostri Jesu Christi particulam in vertice retinet, & in quibus SS. Apostolorum eorumdem Capita sunt recondita, aliasque nonnullorum SS. Reliquias decenter ornatas in Sacrosancta Lateranen. Ecclesia asservatas auferentes, diripientes, seu alias quomodolibet deprædantes excommunicationis vinculo innodantur, perpetuæque infamiæ poena plectuntur. 371
- XII. Hæreticis, Schismaticis, aliisque a Sacrosancta Apostolica Romana, & Universali Catholica Ecclesia quomodolibet deviantibus, & ad ejusdem Ecclesiæ unitatem, obedientiam, & reverentiam

redeuntibus formam professionis Fidei præstendam præscribit. 372

- XIII. Causarum Curia Capitulinæ cognitionem, & diffinitionem etiam in gradu appellationis, & in quibuscunque instantiis, Judicibus ejusdem Curia tantummodo, cæteris Romanæ Curia Judicibus, & Officialibus procedendi in Causis hujusmodi facultate interdicta, spectare declarat. 374
- XIV. Institutio Universitatis Studii Generalis ad normam Academiæ Parisiensis in Urbe Coloniensi. 374
- XV. Terra Montis Regalis (nunc vulgo *Mondovì*) in Civitatem, & Ecclesia S. Donati in Cathedralem erigitur. 375

### B O N I F A C I U S IX.

- I. Institutio Festivitatis Visitationis B. Mariæ Virginis pro die 2. Julii, cum adhortatione ad jejunium, Vigiliæ; Indulgentiisque pro interessentibus officiis dictæ Festivitatis, ex Constit. Urbani VI. 378
- II. Camera Apostolicæ bona detinentes, seu alias quomodolibet occupantes, scientes quoque, & non revelantes Excommunicatione, aliisque poenis plectuntur. 379
- III. Damnatio Ordinationum in Parlamento Angliæ editarum super provisione Ecclesiarum, aliorumque Beneficiorum Ecclesiasticorum ejusdem Regni. 380
- IV. Erectio Studii generalis in Civitate Ferrariæ Status Ecclesiastici. 383
- V. Exemptio Fratrum Ordinis Cartusianorum, a Jurisdictione visitatione & correctione Episcoporum, & aliorum omnium. 384
- VI. Confirmatio Constitutionum a Friderico Secundo, & Carolo Quarto Imperatoribus, pro immunitate, libertateque, & jurisdictione Ecclesiastica editarum. 385
- VII. Canonizatio S. Brigittæ de Regno Sveciæ cum festivitatibus institutione, pro die 23. Mensis Julii indulgentiarumque elargitione pro visitantibus ejus sepulchrum. 387
- VIII. Cavense Cœnobium in Episcopalem Sedem erigitur. 392
- IX. Servorum Beatæ Mariæ Fratribus Ordinis Officia recipiendi, seu obtinendi absque Prioris Generalis speciali licentia facultatem interdicat. 393
- X. Statuta a Cardinali S. Sabini pro Terracinensibus edita firmat. 394
- XI. Confirmatio Statutorum, & Ordinationum Provinciarum Campaniæ, & Maritimæ per Bonifacium PP. VIII. editorum. 395
- XII. Ecclesia S. Michaelis in Monte Gargano erigitur in Cathedralem addita lege, ut Sipontinus Archiepiscopus Garganicus quoque nuncupetur. 397
- XIII. Prohibitio infeudandi, locandi, seu alias quomodolibet alienandi bona Ecclesiarum, & Monasteriorum Urbis, ejusque Districtus nisi de triennio in triennium. 398

### I N N O C E N T I U S VII.

- I. Approbatio Regulæ Fratrum & Sororum de Poenitentia Ordinis S. Dominici. 400
- II. Quod Vicarii, & Feudatarii ad solutionem antiquorum Censuum Romanæ Ecclesiæ debitorum teneantur, etiamsi in eorum investituris censuum hujusmodi mentio nulla facta fuerit. 403



## Index Rubricarum .

### GREGORIUS XII.

- I. Facultas Sanctę Romanę Ecclesię Cardinalis Camerarii avocandi ad se causas quas cumque Cameram Apostolicam quomodolibet tangentes . 404
- II. Institutio Canonorum & Clericorum secularium in Ecclesia Sancti Gregorii in Alga Venetiarum, Castellanenſis Diocesis . 405
- III. Institutio Congregationis Canonorum Regularium S. Salvatoris , Ordinis S. Augustini , in Domino de Silvalacus Senen. Diocesis . 409
- IV. Fratrum Eremitarum S. Hieronymi de Fesulis Ordini alias ab Innocentio VII. approbato alia accipiendi loca Fratresque alios admittendi facultas conceditur . 410

### ALEXANDER V.

- I. Contra se ingerentes , vel regimen , & administrationem Ecclesiarum , Monasteriorum , aliorumque Beneficiorum Ecclesiasticorum quomodolibet exercentes Literis Apostolicis suę Provisionis minime expeditis . 412

### JOANNES XXIII.

- I. Declaratio penarum contra dantes aliquid vel promittentes , aut recipientes pro obtinenda gratia , vel iustitia apud Sedem Apostolicam . 413
- II. Erectio Cathedralis Ecclesię Leopolię. in partibus Russię cum privilegiorum concessione . 414
- III. Damnatio Librorum seu Tractatum Joannis Wiclef Dialogi , & Trialogi nuncupatorum , cum prohibitione eos legendi , seu exponendi in quibuscumque Universitatibus seu Studiis . 416
- IV. Indictio Generalis Concilii Constantiensis pro die 1. mensis Novembris anni 1414 . 417

### MARTINUS QUINTUS

- I. Damnatio errorum Joannis Vicleff , Joannis Huss Hieronymi de Praga , & aliorum , de Sacramentis Ecclesię male sentientibus , eorumque complicum & fautorum . Ac forma hæreticos , suspectosque de heresi examinandi . 418
- II. Contra impediētes executionem literarum Apostolicarum , prætextu concessionis , vel indulti Urbani VI . 427
- III. Ordinis Mendicantium Professoribus quibusvis ad alios , quam Carthusien. Ordinem , transitum absque Sedis Apostolicę licentia speciali interdicat . 427
- IV. De Officio , & Qualitatibus Scriptorum , & Abreviatorum literarum Apostolicarum ; Custodisque Cancellarię , ac Examinatorum , Bullatorum , & Registratorum ; Auditorumque , Procuratorum , & Notariorum Rotę , & Advocatorum Consistorialium . 428
- V. In Officio Provincialatus non possunt Fratres Ordinis Eremitarum S. Augustini reeligi , nec confirmari , biennio , vel triennio completo , nec ad eorum vitam in ipso remanere . 434
- VI. Expositis iis , quę peracta sunt in condemnatione Errorum Nicolai Serurarii Archiepiscopis , & Episcopis mandatur , ut inquirent contra ejus Sectatores . 435

- VII. Exemptio Ordinis Fratrum Cartusianorum , a solutione primitiarum & decimarum . 438
- VIII. Jurisdictio Consulum Artis mercaturę Pannorum de Urbe juxta Artis ejusdem Statuta cognoscendi causas quas cumque ad ipsam Artem spectantes . 439
- IX. Unio omnium Canonorum Regularium Ordinis S. Augustini ubique professorum in unam Congregationem cum innovatione Constitutionum , & communicatione sive extensione privilegiorum . 439
- X. Erectio Cathedralis Ecclesię Fortisventurę in Insulis Canariis , quę Ispalensi subiecta declaratur . 442
- XI. Confirmatio Regulę Fratrum & Sororum Tertii Ordinis Servorum B. MARIE Virginis . 443
- XII. Privilegium exemptionis Monachorum S. Benedicti Ordinis Cisterciensis a solutione Decimarum . 446
- XIII. Statuta & Ordinationes nonnullę sanciuntur ab Auditoribus Rotę Romanę , Advocatisque , Procuratoribus , & Notariis ejus Curię observandę , quibus vita , moresque probi præscribuntur . 447
- XIV. Sanctorum Canonum adscribit B. Sebaldum de Dacia Regum prosapia genitum Oppido Nurembergensi Bambergensi Dioc. clarum , cum Institutione festivitatis pro die 18. Augusti . 451
- XV. Reintegratio antiqui Officii & jurisdictionis Magistrorum viarum Urbis ejusque districtus . 452
- XVI. Judæis ut a Christianis fidelibus secernantur , signum deferendum decernit cum penarum præfinitione contra non deferentes . 453
- XVII. Contra ementes , rapientes , seu alias quomodolibet allicientes Christianos , ut infidelibus vendantur , mercesque eorum loco recipiant excommunicationis aliasque penas decernit . 454
- XVIII. Homicidas in Terris Baronialibus in Districtu Urbis existentibus recipi minime posse , penasque contra Receptatores decernit , omnemque Jurisdictionem Senatori Urbis circa illorum punitionem debere declarat . 455
- XIX. Institutio Studii Generalis in Oppido Lovanii tunc Leodiensis , nunc Mechliniensis Diocesis , & Ducatus Brabantię cum Privilegiorum , & gratiarum elargitione , ac nonnullorum statutorum , præfinitione . 456
- XX. De Sacramento Eucharistię Laicis sub una tantum specie juxta Constantiensis sancita Concilii ministrando . 458
- XXI. Prohibitio trahendi personas Ecclesiasticas ad forum seculare . 459
- XXII. Jesuati , qui sub tutela Sedis Apostolicę suscipiuntur , a molestia qualibet Inquisitorum hæretica pravitatis liberantur . 460
- XXIII. Quod Festivitas Sanctissimi Corporis CHRISTI etiam per octavam celebrari possit , apertis Ecclesiarum januis , tempore interdicti . Et qui eam piis operibus venerantur , Indulgentias consequantur . 461
- XXIV. Declarationes Regulę Fratrum Minorum , Conventualium S. Francisci , ad ipsius Ordinis reformationem . 462
- XXV. Declaratio , & modificatio Constitutionum nuper editarum super reformatione Fratrum Minorum Conventualium S. Francisci . 470
- XXVI. Indictio generalis Concilii Basileensis , cui Præses datur Julianus Diaconus Cardinalis S. Angeli . 471



# INDEX INITIALIS BULLARUM,

Quæ in hoc Volumine referuntur.

## A

<b>A</b> <i>B eo.</i>	Pag. 380
<i>Ad origine.</i>	387
<i>Ad aperiat.</i>	3
<i>Ad augmentum.</i>	81
<i>Ad consequendam.</i>	77
<i>Ad decorem.</i>	264
<i>Ad ea.</i>	171. 394
<i>Ad hoc.</i>	184. 435
<i>Admodum.</i>	339
<i>Ad nostri.</i>	175
<i>Ad nostrum.</i>	191
<i>Ad pacem.</i>	417
<i>Ad propagationem.</i>	372
<i>Ad providam.</i>	138
<i>Ad reprimendas.</i>	459
<i>Ad Spiritualis.</i>	310
<i>Æterni providentia.</i>	111
<i>Alma mater.</i>	165
<i>Altitudo.</i>	201
<i>Ambitionis.</i>	368
<i>Andronicum Paleologum.</i>	113
<i>Antiquorum.</i>	94
<i>Apostolatus.</i>	325
<i>Apostolicæ Camera.</i>	364. 404
<i>Apostolicæ Sedis.</i>	458
<i>Apostolicæ servitutis.</i>	351. 370
<i>Apostolicæ sollicitudinis.</i>	374
<i>Ascendit fumus.</i>	48
<i>Attendentes.</i>	295

## B

<b>B</b> <i>Eneditus Deus.</i>	213
<i>Bonum pacis.</i>	7

## C

<b>C</b> <i>Eleri reparationi.</i>	368
<i>Cæca cupiditas.</i>	379
<i>Cælestis altitudo.</i>	52
<i>Conditoris.</i>	101
<i>Considerantes.</i>	309
<i>Consulto.</i>	287
<i>Contingit.</i>	199
<i>Cum inter.</i>	51. 439
<i>Cum a Nobis.</i>	191

<i>Cum Civitas Cadurcensis.</i>	199
<i>Cum illis.</i>	328
<i>Cum nonnulli.</i>	194
<i>Cum onus.</i>	314
<i>Cum sit absurdum.</i>	181
<i>Cum generale.</i>	462
<i>Cum ex debito.</i>	413
<i>Cunctos Christifideles.</i>	352
<i>Cupientes.</i>	362

## D

<b>D</b> <i>Ebemus.</i>	319
<i>De insurgentis.</i>	31
<i>Delectat.</i>	320
<i>De Regno Portugallia.</i>	13
<i>Desiderantes.</i>	240
<i>De statu.</i>	62
<i>Dignum.</i>	135. 169
<i>Dilectus filius.</i>	47
<i>Dilectum Domini.</i>	135
<i>Divinæ Sapientia.</i>	118
<i>Dudum.</i>	177. 240. 242. 288
<i>Dum a Nobis.</i>	190
<i>Dum levamus.</i>	107
<i>Dum onus.</i>	471
<i>Dum Salubria.</i>	352
<i>Dum Sollicita.</i>	181. 286
<i>Dum statum.</i>	292

## E

<b>E</b> <i>Celestiarum.</i>	321
<i>Et si.</i>	70. 117. 302. 361. 386. 398. 452
<i>Excitat.</i>	409
<i>Excommunicamus.</i>	76. 96. 338
<i>Exhibita nobis.</i>	50. 166
<i>Exigente.</i>	155
<i>Exigit.</i>	184
<i>Ex injuncto.</i>	412
<i>Ex ore.</i>	292
<i>Ex parte.</i>	69. 154
<i>Exultat.</i>	11

## F

<b>F</b> <i>Oelicis recordationis.</i>	20
<i>Fons parvulus.</i>	438
<i>Fuit olim.</i>	92

Ful-



# Index Initialis.

*Fulgens.* 203  
*Fundamenta.* 23

G

**G** *Loria.* 1. 88  
*Gloriosam.* 160  
*Gloriosus.* 75  
*Grandis.* 312

H

**H** *Abes fili.* 11  
*Habet fide.* 241  
*Humilibus.* 395

I

**I** *Llis.* 405  
*Iulius Cælestis.* 442  
*Illuminet.* 66  
*Immense.* 22  
*Imminente.* 177  
*Improbis.* 455  
*In Agro Dominico.* 259  
*In Apostolica.* 428  
*In Caritatis.* 330  
*Incomprehensibilia.* 28  
*Indispositione.* 86  
*Ineffabile.* 461  
*In eminenti.* 414  
*In generali.* 416  
*In humilitatis.* 128  
*In literis.* 6  
*In Suprema.* 95. 100. 367. 374. 383  
*Intellecto.* 30  
*Inter cætera.* 183  
*Inter cæteras.* 168  
*Inter cuncta.* 286  
*Inter cunctas.* 419  
*Inter opera.* 419  
*Inter sollicitudines.* 366  
*Iustis.* 80. 355. 385  
*Iustitia & Pax.* 40

L

**L** *lect.* 20. 192. 313. 321

M

**M** *Ichaelem Paleologum.* 30  
*Militanti.* 446  
*Molestæ.* 313. 340  
*Multorum.* 316

N

**N** *Ealiqui.* 61

*Noverit.* 83  
*Nuper.* 18

O

**O** *Lim.* 49  
*Opem.* 106

P

**P** *Astoralis.* 393. 454  
*Pastor bonus.* 201  
*Patris Aeterni.* 96  
*Per Romani.* 354  
*Per vigilis.* 470  
*Petitio.* 304  
*Pia matris.* 120  
*Pia postulatio.* 460  
*Pro cunctorum.* 434  
*Prodiens.* 119

Q

**Q** *Uamvis.* 318. 369  
*Quasi lignum.* 323  
*Quia sicut.* 369  
*Qui facit.* 140  
*Quod antidota.* 427  
*Quomodo.* 288  
*Quis loquitur.* 39  
*Quod prædixit.* 176

R

**R** *Atio Juris.* 195  
*Rationi congruit.* 332. 403  
*Rationis Ordo.* 180  
*Redemptionem.* 186  
*Redemptor noster.* 242  
*Regis pacifici.* 56  
*Regimini.* 300  
*Regnans in Coelis.* 113  
*Regularem.* 203  
*Relevationi.* 353  
*Religiosam vitam.* 108  
*Rerum omnium.* 397  
*Res Sanctissima.* 340  
*Rex Regum.* 130  
*Romana Ecclesia.* 94  
*Romani Pontificis.* 333  
*Romanus Pontifex.* 79. 167. 308. 327

S

**S** *Aera.* 363  
*Sacrilegorum.* 371  
*Sacrosancta.* 365. 384  
*Sacrum nonnullorum.* 410  
*Sæpe Sanctam.* 81

c

Sal-



## Index Initialis.

<i>Saluator .</i>	359	<i>Statutum .</i>	354
<i>Saluator noster .</i>	4. 149. 150. 151. 152. 153.	<i>Summi Magistri .</i>	214
154. 170. 375		<i>Super illius .</i>	195
<i>Salvatoris nostri .</i>	392	<i>Super Petri .</i>	103
<i>Sanctissimo , &amp; Beatissimo .</i>	12	<i>Super Reges .</i>	82
<i>Sane .</i>	325	<i>Supernus Opifex .</i>	185
<i>Sapientia .</i>	456	<i>Super Specula .</i>	117
<i>Sedes Apostolica .</i>	110. 453	<i>Superni benignitas .</i>	378
<i>Sedis Apostolica .</i>	400. 443. 451	<i>Super universis .</i>	335
<i>Sicut exhibitæ .</i>	296	<i>Supra Montem .</i>	53
<i>Sicut facilitas .</i>	318		
<i>Si Fratrum .</i>	144		
<i>Sicuti Judæis .</i>	327		
<i>Sicut magni .</i>	7		
<i>Sincera devotionis .</i>	325		
<i>Si quis culpas .</i>	336		
<i>Solicite .</i>	361		
<i>Sollicitudo .</i>	316. 335		
<i>Solitudinis Pastoralis .</i>	294. 439		
<i>Solent Conjuraciones .</i>	62		
<i>Sol Oriens .</i>	145		
<i>Spectator omnium .</i>	98		
<i>Splendor gloria .</i>	78		
<i>Statuimus .</i>	77. 215		

I M P R I M A T U R,

Si videbitur Reverendissimo Patri Sacri Palatii Apost. Magistro:

*Phil. Spada Archip. Theodosiæ Vicesg.*

*I M P R I M A T U R,*

Fr. Aloysius Nicolaus Ridolphi Ordinis Prædicatorum Sacri Pa-  
latii Apostolici Magister.



# GREGORIUS X.

## PONTIFEX CLXXXIV.

### AN. DOM. MCCLXXI.



**M**ORTUO Clemente IV. die 29. Novembris anni 1268. Successoris electio prope in triennium protracta est. Thealdus siquidem Vicecomes Placentinus, Leodiensis Archidiaconus, in Syria tunc temporis commorans, electus est in Summum Pontificem die 1. Septembris anni 1271. qui Gregorii X. nomen sumpsit. Romæ consecratus est die 27. Martii 1272. In Concilio Lugdunensi Secundo Canones edidit de inclusione Cardinalium in Conclavi pro electione Pontificis, aliasque sanxit leges in Conclavi eodem servandas. Sedit in Pontificatu a die electionis annos IV. Mens. IV. dies X. a consecratione vero ann. III. Mens. IX. dies XV. imperante in Orien.

*Bull. Rom. Tom. III. Pars II.*

te Michael Paleologo. Obiit siquidem Aretii die 10. Januarii 1276. Post ejus mortem Vacavit Sedes dies X.

#### I.

Hierosolymitanum Patriarcham, cæterosque fideles de suscepto a se Ecclesiæ clavo encyclicis literis certiores facit.

Gregorius Episcopus Servus Servorum Dei :  
N. Patriarchæ Hierosolymitano salutem & Apostolicam benedictionem.

**G**Loria in Altissimis Deo, & in Terra pax hominibus bonæ voluntatis. Gloriosa Dominicæ Nativitatis latens licet Mysterium, patens tamen late præconium cælestis præco humano nunciaturus generi, præmissio aecommodo verborum schemate, Deo in Altissimis gloriam retulit, pacem in terra bonæ voluntatis hominibus nunciavit : hæc est nuntiatio profecto dignissime veneranda : hæc attentione dignissima, quam vere venerabilem reddit Nuntium mittentis sublimitas, extollit

A

nun-

*Ex MS. Vallicellana Biblioth. Sign. litt. C. n. 49. pag. 85.*



De pace,  
quam omni-  
bus optat præ-  
fatur.

nunciantis auctoritas, & nunciationis ipsius veritas manifesta commendat. Hæc vera, & iusta; Sed eam non servantibus procul dubio tremenda partitio, qua ore angelico soli Deo attribuitur honor, & gloria, quam solus ipse meretur, qui facit mirabilia magna solus, quæ dum bonæ voluntatis hominibus pax in terra promittitur, interdicitur impiis, malevolis denegatur. Nulla est enim pax impiis, nulla contemnentibus; sed multa diligentibus nomen Dei; eorum siquidem, qui mandata ipsius audiunt, pax ut flumen; impii vero ut mare fervens quiescere nequeunt, pacis commoda nesciunt: sed diserpentibus vitiis in seipsis dissident, & turbantur; & redundantibus ipsorum fluctibus in conculcationem, lutumque peccati; dum per peccatum avertuntur ab eo, qui est pax nostra, quæ exuperat omnem sensum; a pace redduntur per consequens alieni, non immerito, sed ob sua demerita peccatoris, & temporis pace frustrati. Deus etenim ultionum, exercituum Dominus, agens libere, ut retributionem reddat suæ, quantum in eis est, detrahentibus gloriæ, superbiendo per peccatorum insolentias, contra ipsos terram commovens & conturbans, eisque iusto iudicio pacem tollens, ostendit populo suo dura propter injustitias suas ipsum humilians, super ipsum inducens terrorem, & Rectorem interdum, Spiritum Principum auferendo, subducens, ut non sit, qui congreget ab ovili Domini peccatorum aversionibus fugientes; non sit, qui errata corrigat: sed qui est in sordibus, plus fordescat.

Hinc itaque, hinc proculdubio provenire creduntur impiorum fluctuationes, collisionesque Regnorum, & cuncta guerrarum dissidia, quæ animarum pericula, corporum strages, facultatum lapsus & destructiones inducunt. Hinc cætera non facile numeranda discrimina, & in partibus variis graviter deploranda contritio, & gravis admodum, pudendaque confusio populi Christiani. Hinc diutina vacationis Sedis Apostolicæ dispendium, (post felicem Sanctæ recordationis Clementis Papæ Patris, & Prædecessoris nostri de hoc mundo transitum, & corpus ipsius cum debita exequiarum solemnitate reconditum,) tanto tempore prorogatum, donec Dominus populi ejusdem peccata dissimulans, & misericorditer ipsius miseras miseratus, dignatus est ipse, qui concordiam in similibus operatur, Fratribus nostris sic unanimiter ad procedendum in provisione Sedis ejusdem facienda concedere, quod miro Dei, & nobis nimium stupendo consilio ad imbecillitatem nostram, oculos dirigentes, Nos, qui tunc in minori constituti officio pro salutis nostræ remedio peregrinabamur in partibus transmarinis ad conscendendum Apostolicæ præminentia Cathedram, & suscipiendum importabile nobis, non solum ex humanæ infirmitatis, sed etiam ex humilitatis nostræ defectu onus universalis regiminis orbis terræ, concorditer elegerunt, ad inducendum nos ad id variis ad nostram præsentiam Nunciis, & litteris destinatis. Nos vero in considerationis examine onus ipsum, per hoc nostris imponendum humeris, & opus nostra ad prosequendum sollicitudine attenden-

tes, nostrarumque metientes virium quantitatem, insufficientes virtutum sumptus, & meritum insufficientiam comparando, eligendum sano consilio putabamus, ut humeri subducerentur ab onere, manus ab opere arcerentur. Verum ne post ejusdem vacationis tam diffusa & dispendiosa tempora, obstinata contradictionis reluctatio profusioris dispendii occasionem induceret; nos non de nobis, sed de illo solo concepta fiducia, qui dat lapso virtutem, qui solus potest, cum omnis sufficientia sit ab eo, nostram insufficientiam abundantia virtutis suæ supplere; in humilitatis spiritu tanti oneris sarcinæ imbecilles exposuimus humeros debiles, misimus manus ad fortia, & humiliter colla submisimus jugo apostolicæ servitutis: suppliciter implorantes, ut ipse, qui per hujusmodi vocationem in maris mundi hujus altitudinem nos deduxit, non patiat ab ipsius tempestate demergi; sed illam nobis suæ potentia dexteram porrigat, quæ Apostolorum, Principem ambulantiem & hæsitantiem in fluctibus ne mergeretur, erexit, & coapostolum ejus Paulum nocte ac die in profundo maris positum liberavit.

Accedit etiam ad grande nostræ fiducia fulcimentum vestrae consideratio probitatis: speramus namque, ac summopere affectamus, quod cum sitis in partem tantæ sollicitudinis nobis singulariter indictæ vocati, sic auxiliante Domino commissum vobis ministerium impleatis, ut populum vestrae custodia creditum reddatis Domino acceptabilem, bonorum operum sectatorem. Ad quod universitatem, vestram affectuose monemus, & qua possumus instantia exhortantes, humiliter petimus, & rogamus instanter, quatenus vestris orationibus devotis & sedulis nostras manus debiles confortetis, pias preces fundentes ad Dominum, ut in beneplacito filii sui dirigens actus nostros, nobis, & vobis, ac cæteris Ecclesiarum Pastoribus sua pietate concedat, sic circa gregem, dominicum cura pervigili noctis observare vigiliis, quod in eo mansuetudo superveniat, & correctio subsequatur, reddatur Domino populus Christianus voluntatis acceptæ, pacis ex hoc proculdubio commodis potiturus. Scimus enim quod si fecerit ei placidas vias suas, ipse inimicos ejus convertet ad pacem, nec erit, qui eum exterreat; sed perfidæ gentis terroribus de ejus finibus profligatis confidenter in tabernaculis fiduciæ habitabit, & fiducialiter in requie opulenta quiescet. Nos sane vobis affectum charitativæ benignitatis expandimus, & signum charitatis solidæ aperimus; proponentes, quantum cum Deo poterimus, honori vestro deferre, ac vestra, & Ecclesiarum vestrarum commoda, pro quibus ad nos recurrere cum securitate poteritis, in promptitudine benevolentia promovere.

Datum Laterani quarto Kalendas Aprilis Pontificatus nostri anno I.

Datum dié  
29. Martii an.  
no Domini  
1272. Pontif.  
anne I.

Se abnuisse  
dicit, tantum  
tandem onus  
justis ex cau-  
sis suscipiens.

De pacis oso-  
ribus conque-  
ritur.

Præfules ad  
populos opti-  
me instru-  
endos hortatur.

Divinam pro-  
videntiā, quæ  
ipsum ad Pon-  
tificatum ex-  
tulit, com-  
mendat.



## II.

Contra deferentes Arma, Naves, & alia  
ad partes Infidelium, ipsisque quo-  
modolibet Communicantes.

Gregorius Episcopus, Servus Servorum Dei.  
dilectis filiis Capitaneis & Consilio & Com-  
muni Januen, salutem & Apostolicam be-  
nedictionem.

Ex Regest.  
Varic.

§. 1. **A**daperiat Dominus suorum corda fi-  
delium, & in verba labiorum no-  
strorum aures eorum inclinet, ut devoto per-  
cipientes auditu, & colligentes plenius intel-  
lectu spiritualis Patris eloquium, ac ad Re-  
demptorem suum Dominum Jesum Christum  
piæ considerationis oculos convertentes, vi-  
deant & attente recogitent, quid illi retri-  
buunt, quæ ipsam veneratione reverentur  
& colunt, qui semetipsum pro eis tribuit  
holocaustum. Hic siquidem Rex æternus a  
regalibus sedibus veniens in hæreditate, quam  
utique sibi prædilectam elegit, carnem nostræ  
mortalitatis indutus, nos ab æterno cruciatu  
sui pretiosissimi sanguinis effusione clementer  
eripuit, de tenebris revocavit ad lucem, de  
mortis casibus relevavit ad vitam, ac in sta-  
tum salutis clementi pietate resumptos mi-  
sericorditer in filios adoptavit. His autem  
beneficiis per ingratitude vitium de men-  
tibus nostris abolitis, non veremur ab ipso re-  
cedere, nec eidem injurias erubescimus ir-  
rogare, ac de malo prosilientes in pejus, qua-  
si abbreviata sit manus Domini, vel eam ex-  
tendere nequeat ad vindictam, labimur pro-  
prie in reatus, quam fecerint Patres nostri,  
qui veritatis notitiam non habebant, quibusve  
non advenerat temporis plenitudo: & ideo  
vereri merito possumus, quod ipse peccatis  
exigentibus sit iratus populo, quem redemit;  
& quod zelus ejus ab ipso recefferit: cum po-  
sit miserabiliter in excidium & ruinam tem-  
pestuosus fluctibus quatitur; ac si divinæ po-  
tentia dextera sit ab ejusdem Populi prote-  
ctione submota; prout ipsa sentit & deflet hæ-  
reditas dispendio vastitatis exposita, & Aga-  
renorum pedibus conculcata. Heu, gravissi-  
mum Christi & Christianitatis opprobrium! pe-  
rire permittitur nostræ pulchritudinis orna-  
mentum, ipsum videlicet speciale Patrimo-  
nium Salvatoris, Nativitatis, Passionis, &  
Resurrectionis Dominicæ gloria decoratum,  
& exinde suos incolas contemptibiliter fu-  
gari percipimus, ubi liberaliter pretium no-  
stræ redemptionis exolvit. Proh dolor! Ibi-  
dem Crucis hostes immani tyrannide supe-  
rant, qui servili subesse conditione solebant,  
quorumque multitudinem virtus paucorum  
fidelium tunc timentium Dominum supera-  
bat.

§. 2. Illud autem horribile scelus & execra-  
bile crimen occurrit merito reprobandum,  
quod nonnulli maledictionis alumni, solo no-  
mine Christiani, terrena dumtaxat non cœ-  
lestia sapientes, & innitentes perniciosi lucro-  
rum studiis, ut in voluptuosæ vitæ sæcibus la-

Bullar. Rom. Tom. III. Pars II.

tius debacchentur, Victualibus, Armis, Va-  
sis, Navalibus, & aliis necessariis, causa da-  
mnati quæstus, Christi muniunt inimicos, ut  
ad impugnationem fidei, & Christianorum,  
ac Terræ Sanctæ depressionem robore fortio-  
ri sic muniti confurgant, ac ponatur inextri-  
cabilis macula in gloria nominis Christiani.  
Hi sunt ingrati filii, qui poenam meruere  
doloris. Hi sunt, qui apud ipsum Redem-  
ptorem fore merentur odibiles, ut ab eis fa-  
ciem miserationis avertat. Hi profecto non  
solum percepta beneficia non attendunt; ve-  
rum etiam contra Redemptorem eundem,  
probabiliter conspirare videntur; dum foedus  
cum ipsius hostibus ineunt, & in ejus contem-  
ptum illis talia præsidia subministrant. Uti-  
nam & si non timorem vel amorem divinum  
attenderent, aut si de vitando dictæ Terræ  
dispendio non pensarent; saltem ipsos graves  
injuriam coercerent, quæ dictis & factis in  
barbaricis partibus eis, & in ipsis Christianæ  
Religioni multipliciter inferuntur. Inter alias  
namque confusiones, quas in partibus illis  
pseudo-christiani recipiunt, illuc mercimo-  
nia deferentes, si de aliquibus gravaminibus  
conquerantur, hac eos probrosa responsione  
Saraceni confundunt: Si erueremus vobis al-  
terum oculorum, ad nos cum reliquo redi-  
retis: prout iidem Mercatores nobis eo tem-  
pore in regione Terræ Sanctæ morantibus ex-  
pressius retulerunt. Cumque frequenter eve-  
niat per hostilitatis incurfus, quod ex Chri-  
stianis viros & mulieres, ac lactentes etiam  
parvulos Saraceni præfati capiunt, & captos  
sub carcerum arctatione detrudunt, nonnun-  
quam infantibus a Matrum uberibus, ut  
materni lactis careant pabulo, separatis.

§. 3. Contigit olim ad cujusdam instantiam  
Militis Christiani; gratiam habentis in oculis  
Soldani, præsidio Barbarorum procurante ni-  
hilominus quodam ex fratribus Ordinis San-  
ctæ Trinitatis, qui ad captivos hujusmodi re-  
dimendos sunt specialiter deputati, quod idem  
Soldanus mulieres cum parvulis suis, quos  
carceris angustia cruciabat, aliis ætate pro-  
vectis a gratia liberationis exclusis per suas li-  
teras liberari mandavit; sed cum detentores  
eorum habitis hujusmodi literis eosdem libe-  
rare parvulos denegarent, memoratus Solda-  
nus, ad quem habitus est recursus, requiren-  
tibus eum super hoc expresse respondit, se  
mandatum revocasse, quod fecerat de prædi-  
ctis parvulis, ut prædicitur, liberandis, ne per  
ipsos, quos reddere poterat provectior ætas  
armigeros, posset processu temporis impu-  
gnari, sicut idem frater nobis tunc in parti-  
bus dictæ terræ degentibus retulit viva voce.  
Si ergo nominatus Soldanus crudelitatis acer-  
bitate devictus, quod de præfatis parvulis ex  
quodam humanitate concesserat, denegavit  
tandem efficere, ne ad impugnandum ipsum  
consurgerent in futurum, quam gravi oppro-  
brio Christianitas ipsa respergitur, cum vin-  
ci nos a pietate non patimur, sed in nos met-  
ipsos acerbius sævientes illis hostibus arma  
nostra deferimus, quibus contra Christum,  
& fidem ejus fortius muniuntur? Et quidem  
graviter, nec mirum, dolere compellimur, dum

Quam durius  
ab hoc Sara-  
ceni sæviant,  
exponit.

Factum quod-  
dam refert  
Soldani.

Quod cum  
Christianor-  
um factis  
confert.

Illud demereri  
dolet populum  
christianum.

Ideoque  
Terram S. a  
barbaris deti-  
neri.

Sed quod pe-  
jus est eis ar-  
ma cetera-  
que a Chri-  
stianis quæ-  
stus causa  
ministrari.



pensamus, quod renatos fonte Baptismatis per tam miserabilis cæcitatæ devium oberrantes Dei turbatio non deterret, gehennæ terror ab errore non revocat, ignominia famæ non retrahit, ac ejusdem injuria fidei non compescit. Unde, quod tales inverecondi & impii Christiani, quos excæcat foedi lucris cupiditas, sua non sunt impietate consumpti, sola miserratio cælestis, ut poenitentia locum indulgeat, operatur. Nam aliter subsistentiam non haberent, qui a se verecundia prorsus abjecta per tantæ damnationis semitas gradiuntur.

Christianos  
arma &c. Sa-  
racenis mini-  
strantes a Con-  
cilio excom-  
municatos, &  
capiendum  
servos factos  
declarat.

§. 4. Quare Sedis Apostolicæ providentia Sacro tunc approbante Concilio volens adhibere circa præmissa remedium, illos falsos & impios Christianos, qui Saracenis deferre præsumerent arma, ferrum, & lignamina Galearum, eos etiam, qui Galeas venderent illis, aut Naves, quique gubernationis curam in piraticis Saracenorum Navibus exercerent, vel in machinis, aut quibuslibet aliis aliquod auxilium vel consilium eisdem impenderent, anathematis & excommunicationis vinculo innodavit: ipsosque rerum suarum privatione mulctati, & capientium servos fore decrevit: certis aliis poenis adjectis nihilominus contra eos.

Gentenses  
monet, suos  
coerceant ab  
hujusmodi  
reatu.

§. 5. Verum quia multi, quos a veritatis judicio voluptatis dulcedo detorquet, in profundum demersi malorum contemnunt divinam clementiam, & in animarum suarum periculum præscriptam sententiam vilipendunt, Deum & eandem Sedem in præmissis offendere presumunt; Nos, quos ipsa Clementia licet immeritos in Apostolicæ præminentia specula posuit, tam atroces & enormes præfati Redemptoris injurias detestantes, & contra prædictos impios aggravare Sedis ejusdem sententiam intendentes, ut saltem a reatu solito ducti poenitudine resipiscant, & ipsos tempore vindictæ ira Dei subito non disperdat, ac ex illorum tali nequitia dicta terra solita dispendia non incurrat, universitatem vestram monemus, rogamus, & hortamur attente, vobis nihilominus per apostolica scripta firmiter præcipiendo mandantes, quatenus districtius inhibere curetis, ne aliqui vestri Concives memoratis Saracenis arma, ferrum, aut lignamina deferre, vel mittere, sive Naves, aut Galeas vendere, seu curam gubernationis in Saracenorum piraticis Navibus exercere, vel in machinis aut quibuslibet aliis aliquod eis impendere consilium vel auxilium quoquomodo presumant.

Penas contumacibus intentat spirituales.

§. 6. Volumus enim, quod, qui secus attentare presumpserint, eo ipso lata sententiæ Canonis sint astricti: & si qui eorum decesserint sic ligati, & ipsorum corpora tradita fuerint Ecclesiasticæ Sepulturæ, illa fore decernimus exhumanda fidelium Cimiterio caritura.

Aliasque corporales minatur.

§. 7. Ceterum, ut hujusmodi presumptores tam spirituali quam temporali poena plectantur, sollicitam, sicuti expedire viderimus, dante Domino curabimus operam adhibere, quod ii, qui sub tam nefando commercio ad eisdem Saracenos accesserint, capiantur sub carcerali custodia detinendi, & rebus, quas detu-

lerint, absque restitutionis impofterum beneficio spoliandi. Super hiis autem dilectum filium Arnaldum de Sancto Desiderio Clericum latorem præsentium, de cujus industria & circumspectione confidimus, ad vos duximus destinandum, cui credatis indubitanter, quæ circa præmissa vobis ex parte nostra duxerit referenda.

Datum Laterani secundo Kalendas Aprilis Pontificatus Nostri Anno primo.

Dat. die 31.  
Martii 1272.  
P. An. I.

# I I I.

Indictio Sacri, & Oecumenici XIV. Concilii, Lugdunensis II., pro die  
1. Maii 1274.

Gregorius Episcopus, &c. Venerabilibus fratribus Patriarchæ Hierosolymitano, & Episcopis, ac dilectis filiis Abbatibus, Prioribus, Decanis, Archidiaconis, Præpositis, & aliis Ecclesiarum Prælati, per Hierosolymitan. Provinciam constitutis. Salutem, & Apostolicam benedictionem.

§. 1. **S**alvator noster, in cujus ditione cuncta sunt posita, Civitatem Hierusalem, videns, & prævidens ruituram, flevisse describitur super eam. Et nos itaque, qui Civitatis veri David, Religionis videlicet Christianæ, circa cujus regimen non in sufficientia nostræ debilitatis, sicut nec debemus, innitimur, sed de sola superabundantia virtutis divinæ speramus, non solum scissuras, juxta Prophetæ vaticinium, multiplicatas aperte vidimus, sed & ruinæ magnæ periculum in subtractione populi Græcorum, qui a Sedis Apostolicæ devotione ac obedientia se subtraxit, in occupatione maxima, & vastatione valida Terræ Sanctæ, in subversione morum, quæ universaliter in Clero graviter obrepisse videtur, & populo, jam non tam cernimus, quam palpamus; num possumus non lugere? num comprimere lacrymas? continere suspiria? vel cohibere singultus? Profecto cum tanta subsit plangendi ratio, planctum declinare non possumus; sed necesse est jam foras exeat, ab olim dum etiam nos minor status haberet, tanto altius radicans introrsum, tantoque diuturnitate factus acerbior, quanto facultate vitante diutius non est efficaciter exire permissus. Exeat igitur, exeat ad fratres, & filios, ut scientes incommodum, ipsumque prudentius æstimantes, cooperationis remedio efficacius pro viribus relevent, & planctum piæ compassionis officio dulcius consolentur. Quis ergo dabit capiti nostro aquam, aut oculis nostris fontem lacrymarum, ut sic populos, nostræ humilitati commissos, spiritualiter & temporaliter interfectos, diebus & noctibus lugeamus? quod culparum sordes, quibus iram meruisse creditur, diluamus? Lugendum siquidem occurrit, quod per subtractionem prædictam a Sedis ejusdem unitate subtractos, & in devio positos grandis culpæ mors afficit, quod sanctæ universalis corpus Ecclesiæ membra, tam nobile eadem gravis admodum & dispendiosa subtractio, tanto tempore mutilavit. Lu-

Queritur hic Pont. quod Gracia devotione & obedientia Romanæ Ecclesiæ se subtraxerint:



Terra S. ab  
Infidelibus  
detineatur :

gendum, & iterum ac amare dolendum, quod sicut in partibus transmarinis non tantum audivimus, sed & oculis nostris vidimus, & manus nostræ contrectaverunt (proh dolor!) detestabilius solito blasphematur in gentibus nomen Christi; cum jam non tam verbis, quam rebus ipsis, & factis Christianus insultetur ab Infidelibus, & dicatur, ubi est Deus eorum? Dum funiculum hæreditatis Domini eadem Terra Sancta per nefandissimos Saracenos sic audacter invaditur, sic secura occupatur audacia, sic vastatur intrepide, sic eisdem partibus Christianus populus immaniter trucidatur; quasi non sit illius adjutor, nec sit qui misereri possit ipsorum. Lugendum, & amplius pariter, & horrendum, quod cum ille paterfamilias diligens, qui horis diei variis operarios suam misit in vineam; ille summus agricola sator bonorum omnium, & plantator, agrum mundi hujus diligenter excolens in eo seminaverit semen bonum, inimicus homo tanta invenitur in ipso superfeminasse vitiorum zizania & errorum, ut ea deslere magis liceat, quam narrare. Idemque ager quotidie potius arescere videatur ad ignem, quam albescere inveniatur ad messem. Hæc dum ministerio considerationis debitæ mentis nostræ præsentantur obtutibus, ignis in nostris meditationibus exardescit; & ad tanta discrimina relevanda suspirat affectus, zelus accenditur, & spiritus anxietur.

Et vitia plurima inter  
christianos  
pullulant.

Indicit pro-  
pterea Conci-  
lium generale  
Lugdunense.

§. 2. Ad quod cum nos sufficere non posse sciamus, levamus oculos nostros ad montem, montem quidem Dei, montem uberem, montem pinguem, unde opportunum nobis provenire auxilium, & humiliter petimus, & devote speramus. Et quia salubre in his adhiberi remedium, interest generaliter omnium, nos cum fratribus nostris, aliisque viris prudentibus exacto & frequenti tractatu præhabito, prout tantę necessitatis instantia exigebat, de ipsorum consilio, generale Concilium, sicut imitatione digna Sanctorum Patrum consuetudo laudabilis, longæque observationis exemplum nos instruit, opportuno tempore decrevimus congregandum, ut in eo tam circa præmissa, quam circa cætera, quæ salutem respiciunt animarum, illa Deo auspice communi consilio inveniatur provisio, & ejusdem approbatione Concilii roboretur, per cujus salutiferam executionem virtus Altissimi, eliminatis erroribus, roborata fide, reductis errantibus, redintegrata ejusdem fidei unitate, sedatis discordiis, pace firmata, extirpatis vitiis, virtutibusque plantatis, correctis excessibus, moribus reformatis, repressis oppressiõibus, libertate solidis munimentis instructa, recuperatis deperditis, & ejusdem Terræ Sanctæ statu prospero reparato, hujusmodi scissuras uniat, ruinas impleat, occupata restituat, vastata restauret, restituta & restaurata conservet, nobisque viam aperiat idem ipse qui novit, & facultatem tribuat ipse qui potest, ut vitiorum errorumque zizaniis ad comburendum fasciculo alligatis, ad triticum in ejus horreum congregandum sic in præmissis juxta intentum animi nostri desiderium sibi ministrare possimus utiliter, quod idem verus ejusdem universalis sponsus Ecclesiæ ipsam dilectam suam, expedi-

tam rugis, purgatam maculis, munitam virtutum monilibus, ac ornatam, unam semper habeat, & formosam, ad sui nominis laudem & gloriam, ad animarum profectum, robur fidei, pacem & exaltationem populi Christiani.

Post biennium  
celebrandum.

§. 3. Quia vero prosecutio tanti propositi tempore indiget, ut deductum maturius ac felicius, auctore Domino, effectum debitum fortiatur, biennium numerandum ab initio instantis Maii ad id duximus deputandum: deputaturi præterea interim aliquos viros tanto ministerio competentes, ad prædicandum in Terræ præfatæ suffragium salutiferum verbum Crucis, per quod corda Principum, Prælatorum, cæterorumque fidelium inducantur ad subsidium eidem Terræ, prout ipsius exposcit extrema necessitas, impendendum.

§. 4. Quocirca Universitati vestræ per Apostolica scripta præcipiendo mandamus, quatenus omni negligentia relegata, cunctis prout talis & tanti negotii qualitas exigit, dispositis & paratis, sic medio tempore vos accingatis ad iter, quod Calendis Maii anni ab Incarnatione Domini millesimi ducentissimi septuagesimi quarti, quas vobis, & aliis pro termino assignamus, in loco, quem licet ad præsens subiceamus ex causa, competenti tamen tempore vobis curabimus intimare, nostro vos conspectui præsentetis, ad subventionem necessariam Terræ prædictæ solers & operosum interim studium impensuri, proseguendo favorabiliter, & fideliter adjuvando illos, quos ad hujusmodi proseguendum negotium duxerimus deputandos. Volumus autem, quod in vestra Provincia ex vobis fratres Episcopi, unus vel duo remaneant ad ea, quæ officium Episcopale requirunt inibi exercenda; & tam ille vel illi, quos propterea contigerit remanere, quam alii, quos ad dictum venire Concilium præpeditio forsitan canonica prohibebit, Capitula insuper Ecclesiarum omnium, ejusdem Provinciæ tam Cathedralium, quam etiam aliarum, quibus per vos fratres Patriarcha, & præfati Episcopi ex parte nostra volumus id mandari, cum in eodem Concilio tractanda sint aliqua, quæ pertinebunt ad ipsos, ad idem Concilium viros idoneos pro se mit-

Prælatos ad  
illud convo-  
cat; dummo-  
do tamen  
unus vel alter  
ipsorum in  
qualibet Pro-  
vincia re-  
neat.

§. 5. Non obstantibus quibuscumque privilegiis seu indultis, quibuscumque personis, ordini, vel dignitati, seu Collegio sub quacumque verborum forma, vel expressione, a prædicta Sede concessis, per quæ possit effectus hujusmodi mandati nostri quomodolibet impediri, aut eidem in aliquo derogari, circa personarum & electionum numerum, modamine, quod alias statuit Lateranense Concilium taliter observato, ut nemini liceat illud excedere, sed omnibus prout libet arctare. Nullus pomposus, aut inanis gloriæ questitor, sed quilibet sic veræ humilitatis cultor appareat, quod & Ecclesiæ sibi commissæ nequaquam onerosus existat.

Quibuscumque  
non obstantibus  
eos venire  
præcipit.

§. 6. Interim quoque per vos, & alios prudentes viros Deum timentes, & habentes præ oculis omnia, quæ correctionis, & reformationis limam exposcunt, inquirentes subtiliter, & conscribentes fideliter, eadem ad ipsius Con-

Et interim  
quæ reformati-  
onis necessa-  
ria videntur,  
eos præparare  
juber.



Excusationū  
pretextum re-  
fellit.

cilii notitiam deferatis: Et nos nihilominus variis modis, & viis solers studium, & efficacem operam dare proponimus, ut omnia talia in examen ejusdem deducta Concilii correctionem & directionem recipiant opportunam.

S. 7. Nullus ergo, inobedientiæ notam, & canonicæ ultionis acrimoniam vitare desiderans, fallacium excusationum velamento semuniat, vel ex impedimentis itinerum, quæ, Domino prava in directa, & aspera in vias planas sua omnipotentia convertente, cessaverunt, frivola allegationis munimenta confingat, ut a tam sancti persecutione operis se subducatur; sed occurrant singuli voluntarii ad id, quod & divinæ congruit voluntati, & salutem animarum, ac utilitatem respicit singulorum.

Dat. die 1.  
Aprilis 1272.  
P. An. I.

Dat. Laterani, Calendis Aprilis, Pontificatus nostri Anno primo.

## I V.

Civitas Lugdunensis utpote Prælati omnibus magis accommoda pro futuri celebratione Concilii decernitur.

Ex Regest.  
Fatic.

Gregorius Episcopus Servus Servorum Dei, Venerabilibus fratribus Archiepiscopo Senonen. & Episcopis ac dilectis filiis Abbatibus, Prioribus, Decanis, Archidiaconis, Præpositis, aliisque Ecclesiarum Prælati per Senonen. Provinciam constitutis, salutem & Apostolicam benedictionem.

Vide Bullam  
antecedentē.

**I**N literis, quas per universos Orbis Principes, & Prælatos super Generalis convocatione Concilii destinavimus, locum, in quo idem Concilium convenire deberet, ex causa duximus subticendum: prædiximus tamen in illis, quod locum eundem ipsis Principibus, & Prælati intimare competentis tempore curarem. Nobis igitur cum fratribus nostris hujusmodi loci electionem deducantibus in exactæ discussionis examen, occurrebant hinc inde diversa, quæ discutientium videbantur iudicium alternare. Nec enim præterit nostræ considerationis indaginem, quam grave, quam durum est locum Sedis Apostolicæ proprium, in quo præcipuorum Apostolorum glorificatus est exitus, in quo illorum Corpora gloriosa quiescunt, terrarum spatio tam diffuso dimittere, tanto locorum intervallo a peculiari nostro Populo Romano Urbis abesse, & iconvicinis partibus, quæ Sedi eadem non solum spiritualiter, sed & temporaliter subesse noscuntur, commoditatem vicinitatis nostræ subtrahere, quanta ex absentia nostra diversis Italiæ partibus possent imminere discrimina, quantum partium earundem inveterata scissura pro integrandæ unitatis obtinendo remedio nostro auxilio indigebat: quanto denique oneribus, quanto laboribus nos & fratres nostros, quorum aliquos ætas, quosdam debilitas, nonnullos infirmitas, & omnes ad hæc desuetudo reddit inhabiles, exponimus non sine rerum dispendiis, quæ quasi pro nihilo ducimus; non sine discriminibus Corporum, quæ non facile con-

temnuntur. Hæc & alia, quæ non posset succinctus sermo percurrere, in partibus istis locum hujusmodi eligendum concludere videbantur. Dum ea, quæ in eodem sunt agenda Concilio, contrarium suadebant, & specialiter negotium Terræ sanctæ, quam dum Creatori omnium cariorem omnibus Scriptura describit, satis aperte indicat, carissimam proculdubio a Nobis habendam: cum soleat, quod est in Superioris conspectu præstantius, in subditorum æstimatione præstare. Adjicit insuper Beneficiorum consideratio, quæ inibi humano generi de divinæ superabundantiæ gratiæ obvenerunt. Siquidem Salvator omnium operatus est in medio illius terræ salutem, ibi sumpsit corporalis Nativitatis initium; ibi conversationis humanæ deduxit tempora; ibi post probrosa Passionis opprobria pro Redemptione nostra mortem subiit temporalem, & sui pretiosi effusione cruoris vetus piaculum expiavit. Numquid igitur non contingent redemptionum corda immensa & innumerabilia beneficia Redemptoris? numquid non accendent cuiusque præcordia, ut ipsi pro tot, quæ nobis tribuit, hoc saltem necessitatis tempore aliquid impendamus: dum Crucis hostes, Crucifixum habentes ostentui, cultores ipsius Christiani nominis professores, ut Christi cultum de terra deleant, incessanter exterminant & conculcant, ipsos debilitantes viribus, extenuantes opibus, & eorum facies replentes ignominia, ipsosque diversis confusionibus saturantes. Ad vindicandas itaque Redemptoris injurias, ac redimendas ignominiosæ conculcationis opprobria in redemptionis, nostrum circa terram eandem, Creatoris conformantes affectui ac debita meditatione pensantes, quod ejusdem terræ subsidium præcipue de Principum & Prælatorum pendent auxilio, quos ultramontes credimus convenire posse commodius: exinanivimus nosmetipsos; & sub spe illius, qui dat lapso virtutem, debilitatem nostram contempsimus sub ipsius fiducia, qui de sua misericordia nos confortat; quod intendimus, in eo posse sperantes, parvipendimus onera, labores consideratione calcavimus, & cæteris nostris ac fratrum nostrorum incommoditatibus in ejusdem considerationis examinatione postpositis, ut Principum & Prælatorum eorundem facilius possimus habere præsentiam, ac terræ prædictæ subventionem efficacius promovere, Civitatem Lugdunensem, quo inibi Concilium cum majori commoditate conveniat, de ipsorum fratrum consilio duximus eligendam; quod vobis tenore præsentium nunciantes, Universitatem vestram monemus, rogamus, & hortamur in Domino, Apostolica vobis nihilominus auctoritate mandantes, quatenus in prædicta Civitate Lugdunen. juxta præscriptam per suprascriptas literas nostras formam studeatis omni, quam inevitabilis necessitas non indicet, excusatione postposita, in prefixo per easdem literas termino comparere.

Datum apud Urbem veterem Idibus Aprilis Pontificatus Anno secundo.

Dat. die 11.  
Aprilis 1273.  
P. An. II.



## V.

Civitati Pisanæ restituitur Archiepiscopalis Dignitas, qua Conradino quondam Friderici olim Imperatoris Nepoti adherendo privata fuerat.

Gregorius Episcopus Servus Servorum Dei.  
Ad perpetuam rei Memoriam.

Ex Regest.  
Vatic.

Exordium.

Civitas Pisanæ a Clemente IV. quibus de causis Archiepiscopali dignitate privata.

**S**icut magni Beneficii indicium est, in devotorum excessibus medicinalis unctionis antidotum obiter adhibere, ut quos a filialis devotionis debito culpa propriæ temeritatis avertit, ad ipsius observantiam congruentis saltem severitatis disciplina convertat; sic maternæ pietatis est debitum, iis, qui post indevotionis lapsam & persecutionis excessum fortiores in obsequendi proposito, & continuandæ imposterum devotionis exhibitione resurgunt, nec pietatis finem præcludere, nec miserationis ubera denegare.

§. 1. Sane dudum felicitis recordationis Clementis Papa Prædecessor noster Ecclesiam & Civitatem Pisanam, exigentibus culpis & pertinacia Incolarum Civitatis ipsius, qui contra monitiones, inhibitiones, & comminationes Prædecessoris ejusdem dudum Conradino quondam Friderici olim Romani Imperatoris Nepoti pertinaciter adherendo præstiterunt auxilium, consilium, & favorem, Romanam Ecclesiam & devotos ipsius unâ cum illo & ejus fautoribus gravibus afficiendo molestiis & molestis injuriis aggravando; & charissimum in Christo filium nostrum Carolum Siciliæ Regem Illustrem, primo Paciarium, & postea Vicarium Imperii per eandem Ecclesiam in Tusciam destinatum, non solum recusaverunt admittere, verum etiam se illi præsumperunt opponere, ac ipsum multipliciter impugnare, Archiepiscopalis dignitatis honore privavit.

Pisanis itaque resipiscantibus.

§. 2. Verum iidem Incolæ, tangente Domino cor ipsorum, post tantorum excessuum culpam magnæ humiliationis prætendentes indicia, ejusdem Matris Ecclesiæ misericordiam continuata diutius instantia implorarunt devotionis ad eandem Ecclesiam irrevocabili-ter observandæ, supplicantes oblationibus, & oblatis devote supplicationibus insistentes, ut ad finem ejusdem Matris Ecclesiæ, a quo ipsi sua, quam recognoscebant humiliter, perveritate recesserant, sola misratio materna reduceret, & circa filios poenitentes superexaltata judicio benignitas piæ Matris Ecclesiæ Pisanæ, ac Civitati prædictis de restitutione Dignitatis Metropolitice misericorditer provideret.

Et a censuris solutis Civitati & Ecclesiæ eadem dignitas restituitur.

§. 3. Nos itaque, more pii Patris offensarum immemores, ubi ad id poenitentiae signis congruentibus invitamur, desiderantes Civitatem prædictam in oblata ad eandem Ecclesiam devotionis proposito, multæ benignitatis exhibitione firmare, Sindicos & Procuratores Civitatis ipsius ad mandata recepimus, & Civitati ac Incolis memoratis circa excommunicationis, & interdicti sententias oc-

casione præmissorum latus in ipsos, de absolutionis & relaxationis beneficio fecimus provideri: & ut eo plenius Sedi Apostolicæ sinceræ affectionis vinculis astringantur, quo erga se ipsius benevolentiam in remissionis promptitudine senserint promptiorem, de fratrum nostrorum consilio Ecclesiam Pisanam, restituentes in integrum ipsi Ecclesiæ, nec non & Civitati prædictæ Archiepiscopalem Dignitatem cum omnibus Juribus suis, immunitatibus, Privilegiis, & quibuscumque honoribus a Sede Apostolica Ecclesiæ concessis eidem, prout eadem tempore privationis hujusmodi obtinebat, de gratia restituimus speciali.

§. 4. Nulli ergo omnino hominum liceat hanc paginam nostræ restitutionis infringere, vel ei ausu temerario contraire; si quis autem hoc attentare præsumperit indignationem Omnipotentis Dei, ac Beatorum Petri & Pauli Apostolorum ejus se noverit incursurum.

Datum Florentiæ duodecimo Kalendas Julii Pontificatus nostri Anno secundo.

Clausula ad firmitatem Constitutionis.

Dat. die 20. Junii 1273. P. An. II.

## VI.

Capitula, & Ordinationes Pacis inter Guelfos, & Gibellinos edita apud Florentiam.

Ibidem.

Gregorius Episcopus Servus Servorum Dei.  
Ad perpetuam rei Memoriam.

**B**onum pacis, etsi ab olim, prout gratia divina concessit, affectibus nostris inhæserit; nunc tamen ad illud inter Ecclesiæ filios cum conservationis beneficio procurandum tanto ferventius excitamur, quanto Nos ad id ex officii debito novimus obligatos. Cum enim simus illius Vicarius, qui cogitationes pacis, & non afflictionis se cogitare testatur, tenemur, ut vices pro viribus impleamus, indicta pacis commoda inter universos curæ nostræ commissos sollicitè procurare, quo pacis donum gratissimum, parans quietem animis, eosque a rancoribus dissensionum absolvens, liberes efficiat in serviendo Altissimo ad salutem; & corporibus ab æmulatorum insidiis securitatem indulgens ad intendendum liberius utilitatibus debitis, plenior tribuat facultatem.

Suum pro pace concilianda studium.

§. 1. Propter quod non sine multa cordis amaritudine recensentes, qualiter hactenus Civitatem Florentinam sciderit intestina & inveterata dissensio, quam graviter lacerarit, quanta longe lateque diffusa, pro dolor! animarum pericula, quantas corporum strages induxerit, quanta multiplicaverit dispendia facultatum sub spe illius, cui est in facili res etiam desperatas sine moliminis tarditate perficere; ad id sollicitudinem nostram convertimus, ut, licet grandium negotiorum moles ingrueret, licet pro illorum prosecutione ad assumpti continuationem itineris Nos qualitas ipsorum urgeret; nihilominus tamen illis ad tempus omnibus, non sine ipsorum discrimine, nostro & cha-

Malaque ex dissensionibus inter Gibellinos & Guelfos exorta exponit.



Suamque pro  
eis compo-  
nendis solici-  
tudinem.

charissimi in Christo filii Nostri Caroli Siciliae Regis Illustris, ac fratrum nostrorum gravamine, una cum ipso Rege ad Civitatem divergentes eandem, impenderemus sollicitas operas, quatenus illo favente, qui est Lapis angularis utraque unum faciens, huiusmodi coeuntibus in ipsa Civitate scissuris dissidentium corda indissolubilis charitatis bitumine unirentur. Ideoque variis cum partibus, quas Guelfam & Gibellinam vulgus appellat, tractatibus habitis, & unicuique ipsarum articulis patenter expositis, in quos eos credebamus posse rationabiliter convenire; demum tam partem Guelforum in Generali Consilio ad hoc specialiter congregato requiri fecimus, & Nos ipsi vigintiquatuor ex eis propter hoc de voluntate totius Consilii, & tandem Consilium ipsum in nostra presentia constitutos, quam etiam Sindicos Procuratores & Nuncios Comitum Guidonis Novelli, Symonis fratris ejus

- Capitaneorum Consilii partis Gibellinae, nec non & totius partis ipsius mandatum super hoc ab ipsis plenum habentes, requisivimus, & monuimus diligenter, ut in formam pacis, cujus substantia exprimebatur in dictis articulis, concordarent. Et licet longa fuerit super hoc concertatio, nunc altera partium, nunc reliqua reluctante circa ea, quae dicti Articuli continebant, finaliter tamen tam memorata pars Guelforum super hoc eodem consilio congregato per Potestatem, sive Vicarium Regium, & aliquos de ipso Consilio, quam etiam praefati Comites & alii Gibellini per suos Ambassiatores, Sindicos, & Procuratores seu Nuncios supradictos, responderunt expresse, se in dictam formam pacis, quae per eosdem exprimebatur Articulis, juxta nostra & ipsius Regis monita & beneplacita consentire.

Inita itaque  
inter eos con-  
cordia, cu-  
jus sequuntur  
Articuli.

Multa illam  
violaturis  
imposita.

Gibellini ec-  
clesiis soluti.

§. 2. Nos itaque habito dicti Regis, & earumdem partium, ut praedicitur, expresso consensu, volentes & mandantes Pacem eandem ab iisdem partibus inviolabiliter observari, sub pena Vigintimillium Marcharum Sterlingorum pro medietate Nobis, pro reliqua vero medietate dicto Regi solvenda, eam & formam ipsius adstante hac numerosa fidelium multitudine publicamus. In primis itaque, quia praefati Comites Guido, Symon, & ceteri Gibellini, Romanam Ecclesiam & memoratum Regem multipliciter offenderunt contra monitiones, prohibitiones, comminationes & mandata ejusdem Ecclesiae, ipsorum persecutoribus adhærendo, & cum illis tam ipsam Ecclesiam, quam memoratum Regem graviter persequendo, nos ab eorum Procuratoribus, Sindicis, seu Nunciis memoratis, ad hoc mandatum, ut premititur, habentibus juramento recepto desistendo praecise & absolute mandatis Nostri, & ipsius Ecclesiae, super omnibus offensis factis, injuriis, & damnis illatis Ecclesiae ipsi, & quibuscumque aliis Ecclesiis, vel Ecclesiasticis Personis, aut locis, & super quibuslibet aliis Causis, pro quibus iidem Comites, & Gibellini, per Sedem Apostolicam excommunicati fuerunt, & pro quibus per Sedem eandem, seu auctoritate ipsius processus aliqui sunt habiti contra eos, sive occasione consilii, auxilii, vel favoris, quae per se, vel per alios quondam

Conrado, & Manfredo Natis, & Corradino Nepoti olim Friderici dudum Romani Imperatoris, quomodolibet impenderunt; sive pro eo quod eidem Regi Siciliae primo Paciario, & postmodum Vicario destinato in Tusciam per Sedem eandem, non solum obedire contumaciter recusarunt, verum etiam illi se praesumpserunt opponere, ac ipsum multipliciter impugnare; ac generaliter super omnibus inobedientiis, contumaciis, & excessibus quibuscumque commissis ab eis quoquomodo contra monitiones, prohibitiones, seu comminationes factas per Sedem praedictam, seu auctoritate ipsius, praecipimus, & mandamus Sindicis, Procuratoribus, & Nunciis memoratis nomine praedictorum Comitum, Capitaneorum, Consilii partis Gibellinae, nec non & ipsius partis, ac singularium Personarum ejusdem partis, a quibus, ut supra exprimitur, mandatum habent, volentibus & consentientibus, ut est dictum, quod praedicti Comites Guido, & Symon cum omni eorum posse, Terra, & districtu, Capitanei, & Consilium ejusdem partis Gibellinae, nec non, & ipsa pars ac singulares Personae partis ejusdem perpetuo in ipsius Ecclesiae Romanae devotione persistant, nec unquam ab ipsa recedant, nec in aliquo loco ipsam, aut ejus, vel dicti Regis amicos impugnent: nec alicui Imperatori, Regi, aut cuilibet Principi, Civitati, Universitati, aut Personae singulari, qui sunt inimici vel adversarii ejusdem Ecclesiae, seu memorati Regis Siciliae, aut suspecti ab ipsis ex causis probabilibus notabiliter habeantur, quoquomodo adhæreant, nec ipsos juvent, nec cum ipsis vel eorum aliquo pactum vel societatem aut quamlibet confederationem inire praesumant: & si aliquo tempore ignoranter inierint, vel scienter aut ignoranter haecenus inierunt, ad mandatum vel requisitionem ipsius Ecclesiae illa, & eorum quodlibet omnino dissolvant, & ab illis sine aliqua contradictione recedant infra tempus ipsis ab eadem Romana Ecclesia praefigendum. Et si qua forsitan pro corroboratione pactorum, societatum, & confederationum huiusmodi praestita fuerint juramenta, ipsa de potestatis plenitudine relaxamus. Qui autem sint inimici eidem Ecclesiae, vel suspecti, stabitur assertioni Nostre: Qui vero sint inimici vel suspecti dicto Regi stabitur assertioni Regis ipsius. Nec aliquem pro Romano Imperatore vel Rege recipiant, aut habeant contra voluntatem ipsius Ecclesiae, vel mandatum, sed illum, quem eadem Ecclesia pro Romano Imperatore, seu Rege acceptabit, & habebit, seu in Imperatorem coronabit, & inunget, & non alium pro Rege ac Imperatore habeant Comites ac alii memorati.

Addita con-  
ditione in fi-  
delitate Rom.  
Ecclesiae de-  
bita perseve-  
randi.

§. 3. Item praecipimus & mandamus, quod memoratum Regem Siciliae, Posteris, vel Adjuutores suos in perpetuum non offendant, nec impugnent in aliqua Terra sua, scilicet in Regno Siciliae, Provincia Andegavia, vel alia quacumque Terra, quam habet idem Rex, vel ipse aut Posteris ejus in futurum habituri sunt, vel in alio quocumque loco; sed ipsi Regi tamquam Vicario Imperii per omnia & in omnibus obediant, & ipsum pro posse juve-

Et Carolum  
Siciliae Re-  
gem non of-  
fendendi.



juvent, eidem tamquam Vicario Imperii huiusmodi Vicaria durante plenarie obediendo & fideliter serviendo, ac omnia Jura, quæ Imperatori debentur, integraliter exhibendo.

Gibellinis nō possunt venire in Tusciam sine licentia Caroli Regis.

§. 4. Item actum est, & nos præcipimus, & ordinamus, quod dicti Comites non teneantur personaliter venire extra Terram suam in Tusciam, vel alio, nec venire possint in Tusciam etiam in Terram suam, seu Dilectæ in Christo filia nobilis mulieris Comitissæ Joannæ Matris ipsorum sine licentia memorati Regis Siciliae.

Servitio vero præstare que-  
sunt per alios.

§. 5. Si quando autem vocabuntur ex aliqua causa, sufficiat eos respondere per Procuratores; Et si quando servire tenebuntur pro terris suis, quas habent in Tuscia, sufficiat eos per alios idoneos servire, ubi Rex voluerit; sicut pro dictis terris, quas habent in Tuscia servire tenentur.

Castrum Populii Comitissæ Joannæ adjudicatum ad dictam conditionem præstandi juramentum de obediendo dicto Regi.

§. 6. Item actum est & nos præcipimus & ordinamus quod Castrum Populii, quod prædictæ Comitissæ Joannæ Matri prædictorum Comitum relictum dicitur ad vitam suam ex testamento Mariti, remaneat apud ipsam vitam suam. Quodque eadem Comitissa, & singuli de Castro ipso, qui annum quartumdecimum exegerunt in præsentia Nuntii nostri, & Regis prædicti præstent tactis corporaliter Sacrosanctis Evangelii Juramentum, quod obediunt ipsi Regi tamquam Vicario Imperii dictæ Vicaria durante, & non recipient in dicto Castro aliquos inimicos ejusdem Ecclesiæ Romanæ, vel ipsius Regis Siciliae, aut suspectos ipsis Ecclesiæ seu Regi, nec etiam prædictos Comites, vel aliquem ipsorum absque licentia nostra vel Regis ipsius, nec prædictis inimicis vel suspectis adhibebunt, vel eos quomodo juvabunt. Qui autem sint nobis vel ipsi Regi inimici vel suspecti, stabitur assertioni nostræ, & ipsius Regis sicut in casu alio superius est expressum.

Cui juramento nisi per Commisariam fuerit ei subditi obedire non tenentur.

§. 7. Quodque nec guerram facient nobis, eidem Ecclesiæ Romanæ, sive Regi, vel Amicis Ecclesiæ, aut Regis eorundem, nec ipsos aliquatenus impugnabunt. Et si dicta Comitissa, vel filii ejus, aut aliquis eorum vellent guerram facere contra nos, Ecclesiam, vel Regem, aut amicos prædictos, præfati homines dicti castri non adhærebunt eidem Comitissæ, vel filiis, aut eorum alicui, sed resistent, & adhærebunt nobis, Ecclesiæ, ac Regi præfatis etiam contra ipsos Comitissam & filios.

Ea mortua Comitibus Castri possessionem accipere non debent nisi de licentia Pontificis.

§. 8. Et si contingat dictam Comitissam mori, eadem adhuc Vicaria durante, Comites aut aliquis eorum non intrabunt ipsum castrum, nec adipiscuntur possessionem, seu tenutam, ipsius, nec præfati homines ipsos, vel eorum aliquem admittent absque nostra licentia speciali. Et si secus actum fuerit ipsi, Comitissa, Comites, & homines eo ipso incidant in poenam decemmillium Marcharum Sterlingorum pro medietate Nobis & Ecclesiæ prædictæ, pro reliqua vero medietate ipsi Regi solvendam: super quo præcipimus dari Nobis, & Regi prædicto, seu alicui ad hoc deputando per Nos, vel ipsum Regem fidejussores idoneos a Comitissa, Comitibus, & hominibus memoratis,

*Bull. Rom. Tom. III. Pars II.*

& sexdecim obsides ab hominibus castri ejusdem.

§. 9. Pro prædictis omnibus etiam observandis memorati Comites consenserunt dare omnia castra sua, quæ habent in Tuscia, videlicet Comes Guido Ampinianum & Montemacutum, Comes vero Symon castrum Gratiæ & Turrim Pompone in manibus dicti Regis Siciliae, tenenda per ipsum, donec sua duraverit Vicaria, & postea per Nos & eandem Ecclesiam per duos annos & ultra si Nobis videbitur expedire. Memoratus quoque Comes Guido consensit dare obsidem unum ex filiis suis eodem modo tenendum in loco tam tuto & congruo, & jam dedit filium suum Primogenitum, & dilectam in Christo filiam, Joannam dictam Blancam natam suam.

Dati obsides a Gibellinis.

§. 10. Actum est insuper & nos servari præcipimus & mandamus, quod his omnibus completis ab eis restituantur eisdem Comitibus omnia immobilia bona eorum in statu, in quo sunt, jura etiam & honores, & ex tunc omnes Processus habiti contra eos revocentur: & nos illos ex nunc sine alieni juris præjudicio revocamus: ita quod per dictam Ecclesiam Romanam ratione præteritarum offensarum illatarum ipsi Ecclesiæ, vel prædicto Regi, non graventur in aliquo, nec per Regem, aut ejus Vicarium, vel per aliquem circa hoc jurisdictionem habentem, nisi quantum videbitur nobis & Regi prædicto.

Restituenda eis omnia bona immobilia & Processus contra eos facti irritandi.

§. 11. Item præcipimus & mandamus, quod iidem Comites Symon & Guido liberentur de omnibus bannis & collectis, condemnationibus & repræfaliis impositis vel factis a tempore exitus Gibellinorum per dictum Regem, ejus Vicarium, vel commune Florentiæ: eosdem etiam Comites, quos a sententiis excommunicationum per eandem Sedem latis in ipsos absolvi sub certa forma mandavimus, ex tunc, ad gratiam nostram & ipsius Ecclesiæ admittimus, & ad gratiam volumus dicti Regis admitti, donec in ipsius Ecclesiæ devotione persistant; nec venerint contra præmissa.

Relaxatis omnibus condemnationibus a censuris quoque absolvantur.

§. 12. Actum est etiam, & nos sub poena quadraginta millium Marcharum Sterlingorum, servari præcipimus & mandamus, quod Florentini non impugnent, nec damnificent, nec occupent dictum castrum Populii: & si secus actum fuerit, singulares Personæ contrarium facientes in excommunicationis, Universitas in interdicti sententias, quas ex nunc in eos ferimus, incidant ipso facto, & prædictam poenam pro medietate nobis, pro reliqua vero medietate præfato Regi solvendam incurrant, & damnum passis nihilominus satisfacere teneantur: & nos nihilominus contra eos gravius spiritualiter & temporaliter, prout expedire viderimus, procedemus.

Interdictum Florentinis, ne Castrum prædictum occupent.

§. 13. Item actum est & nos præcipimus, quod ceteri Gibellini Florentiæ non intrent florentinam Civitatem, usque ad beneplacitum Regis ipsius, Familiæ vero ipsorum datis ab ipsis Gibellinis obsidibus & securitatibus, de quibus actum est, ad arbitrium dicti Regi libere redeant ad ipsam Civitatem, Mulieres quidem omnes, Masculi vero ii tantum, qui nondum annum decimum exegerunt. Et quoad

Eadem præcipiuntur pro Gibellinis Florentiæ.



revocationem Processuum habitorum contra eos, & liberationem de omnibus bannis, collectis, condemnationibus, represaliis impositis, vel factis a tempore exitus ipsorum Gibellinorum per dictum Regem, ejus Vicarium, vel prefatum Commune Florentiæ, nec non & quoad receptionem ad gratiam nostram, & ipsius Ecclesiæ, ac Regis prædicti, eadem, quantum ad ipsos, per omnia observantur, quæ quantum ad dictos Comites superius sunt expressa. Illi vero de memoratis Gibellinis ipsius Civitatis, & alii de districtu ejus, de quibus memoratus Rex Siciliæ ordinabit, erunt in confinibus inter Urbem & Padum, ubi & quantum Rex ipse mandabit, in locis tamen tutis & congruis; Reliqui vero liberi erunt extra Civitatem & Comitatum Florentiæ in quibuscumque locis, quæ ipsis per eundem Regem non fuerint specialiter interdicta.

Hisque omnia bona restituerenda, & de damnis satisfaciendum.

§. 14. Memoratis autem familiis cum in Civitatem redierint mandamus restitui omnia bona dictorum Gibellinorum immobilia & Jura in statu, in quo sunt: Et quod, sicut ceteri homines Civitatis ipsius, in suis Juribus conserventur, & si qua damna data sunt in eis, postquam intravimus Civitatem, & post prohibitionem super hoc factam, volumus & præcipimus remedium per ipsum Regem, tamquam per Vicarium Imperii, & potestatem ipsius Civitatis apponi: ita quod de damnis ipsis satisfiat: Et idem de restitutione damnorum hujusmodi etiam Guelfis fiat.

Ab eis vero mandandi obides: satisfaciendumque de damnis Ecclesiæ, vel Regi illatis.

§. 15. Actum est etiam & nos præcipimus observari, quod dicti Gibellini Civitatis & districtus pro prædictis observandis dent obides ad arbitrium dicti Regis tenendos, sicut de obside dicti Comitis Guidonis superius est expressum, & de præteritis offensis non graventur per ipsum Regem, nisi quantum videbitur nobis, & ipsi Regi: De offensis factis Ecclesiæ satisfaciant, prout placebit nobis; de offensis factis Guelfis aliis ab ipsis Gibellinis actum est, & nos præcipimus observari, quod pro pace & concordia inter Guelfos & ipsos Gibellinos solide reformandis dicti Guelfi eligant sex ad plus & Gibellini totidem, qui de dictis offensis & reformatione pacis & concordie provideant, & ordinent inter eos, prout fore viderint opportunum: Et nihilominus præfatus Rex de nostro consilio daret unum, ut si electi a partibus discordarent, forsitan illo annumerato stetur dicto majoris partis eorum. Idem autem Rex Venerabilem fratrem nostrum Aldobrandinum Urbevetanum Episcopum jam ad hoc de nostro consilio deputavit.

De offensis vero mutuis, mutuoque conveniendū.

§. 16. Actum est etiam & Nos observari præcipimus & mandamus, ut hic modus reformandæ pacis & concordie etiam inter Guelfos & Gibellinos de districtu Florentiæ observetur.

Hæc vero ab omnibus, & singulis observanda.

Guelfis Populi bona & jura reddenda.

§. 17. Item actum est & Nos præcipimus observari, quod Guelfis Populi & aliorum locorum reddantur bona sua immobilia & Jura in statu, in quo sunt, & conserventur in justitia, sicut ceteri locorum eorundem.

§. 18. Item actum est & nos præcipimus observari quod prædicta Castra inspiciantur per bonos homines & legales, per quos statuatur

numerus fervientum, qui necessarius erit ad custodiam ipsorum, & tanta stipendia construantur pro singulis fervientibus, quod possint idonei haberi.

§. 19. De expensis autem hujusmodi concordaverunt Gibellini, scilicet dicti Sindici & Ambassiatores nomine eorundem, & Nos præcipimus observari, quod expensæ tam pro Castris, quam pro obstagiiis Gibellinorum Florentiæ & districtus fiant per totam partem Gibellinorum; Expensæ vero pro obsidibus castri Populi fiant per homines dicti castri.

De expensis obsidum.

§. 20. Item præcipimus & districtè mandamus, tam per memoratum Regem tamquam per Imperii Vicarium, suosque in hoc Vicarios, & quemlibet alium in hoc Jurisdictionem vel potestatem habentem inviolabiliter observati, ut Amici prædictorum Gibellinorum de Florentia pro eo quod fideiubebunt pro eis, vel alias occasione ipsorum, ad confinia non mittantur, nec graventur in destructione Domorum, vel in aliquo alio in Personis aut rebus.

Gibellinorum amici non inolestandia Rege.

§. 21. Cæterum ut præmissa, quæ ad communem utilitatem earundem partium, totiusque Provinciæ sunt salubriter instituta, quo magis fuerint multiplicato munimine roborata, eo solidius jugis observationis perpetuitate firmentur; auctoritate Dei omnipotentis Patris & Filii & Spiritus Sancti, Beatorum quoque Apostolorum Petri & Pauli, ac nostra ipsa sub pena prædicta Viginti millium Marcharum & excommunicationis, quam in singulares Personas, & interdicti, quam in Universitatem contrarium facientes ex nunc ferimus, decernimus perpetuis temporibus inviolabiliter observanda: eadem auctoritate ac sub eisdem penis districtius ac apertius prohibentes, ne aliqua contra præmissa & specialiter in creatione Populi novitas attemptetur. Quod si forsan in prædictis aliqua inciderit dubitatio, interpretationem & decisionem ipsius nobis & eidem Sedis Apostolicæ referantes, ad nos & ipsam super illa volumus haberi recursum.

Hæc vero observanda sub spiritualibus, & temporalibus penis.

§. 22. Ad majorem autem cautelam præmissa omnia & singula præcipimus & mandamus per Sindicos partium earundem ipsarum nomine tactis corporaliter Sacrosanctis Evangeliiis præstito Juramento firmari & specialiter, quod una pars alteram de cætero non offendat.

Et a Partium Sindicis juramento firmanda.

§. 23. Sane in publico parlamento, ubi eadem convenerat multitudo, præsentibus charissimo in Christo filio nostro Constantinopolitano Imperatore illustri, ac Rege prædicto, & adstantibus nobis nonnullis ex fratribus nostris ejusdem Ecclesiæ Romanæ Cardinalibus, & aliis Archiepiscopis & Episcopis diversorum locorum præmissis omnibus latis de verbo ad verbum, & patenter expositis, dilectus filius Bernardus Raynaldi Acurii Communis ejusdem Civitatis Capitaneorum & partis Guelforum de Florentia, & Angelus Fogliarini prædictorum Comitum Capitaneorum & partis Gibellinæ Syndici, Procuratores, & Nuntii habentes ab eis ad hoc plena mandata, quorum tenores feriatim transcribi, & sub Bulla nostra mandavimus annotari, in Archivis nostris eorum origina-

A Nunciis; Partium hæc conventio juramento firmata.



ginalibus conservandis nomine prædictorum, a quibus mandatum habebant, præmissa omnia & singula homologaverunt, & acceptaverunt expresse, promittentes sibi ad invicem, & tactis corporaliter Sacrosanctis Evangeliiis in animabus suis, & illorum, quorum erant Syndici, seu Procuratores præstito juramento firmantes perpetuo pacem prædictam, & omnia & singula, quæ superius sunt expressa, inviolabiliter observare, nec contra ipsa vel ipsorum aliquod per se, vel per alium, publice vel occulte ullo unquam tempore vel modo venire. Actum Florentiæ supra litus Arni juxta Pontem qui vulgariter dicitur Robacanti Quarto Idus Julii Pontificatus nostri Anno secundo.

Dat. diē 10.  
Julii 1272.  
P. an. II.

## VII.

Contra Christianos ad ritum Judaicum transeuntes, Judæosque conversos rejudaizantes, vel Christianos ad eorum ritum inducentes.

Gregorius Episcopus Servus Servorum Dei, dilectis Filiis Fratribus Prædicatorum: & Minorum Ordinum Inquisitoribus hæreticæ pravitatis, auctoritate Sedis Apostolicæ deputatis, & in posterum deputandis, salutem & Apostolicam benedictionem.

**T**urbato corde audivimus, & narravimus &c. *Reliqua concordant omnino cum alia hujus generis Constitutione Clementis IV. incipien. Turbato Corde: num. XXIII. Tom. III. Par. I. pag. 462.*

Dat. diē  
primæ Martii  
1274. P. a. II.

Dat. Lugduni Kal. Martii Pontificatus nostri anno II.

## VIII.

De reditu Michaelis Palæologi Grecorum Imperatoris ad obedientiam Romani Pontificis, & unione Ecclesiæ Græcæ cum Latina.

Gregorius Episcopus Servus Servorum Dei. Carissimo in Christo filio Michaeli Palæologo Imperatori Græcorum Illustri. Salutem, & Apostolicam benedictionem.

Exultat hic Pont. cum toto Conc. Lugdunen. de reditu Michaelis Palæologi Græcorum Imperatoris ad unitatem S. R. E.

§. 1. **E**xultat mater Ecclesia renascentis prolis fecunditate jucunda. Exultat & jubilat gaudenter, attendens se drachmam deperditam invenisse: immensæ lætitiæ rore perfunditur, dum ruinas, quas in ea schisma multiplicarat antiquum, impleri per tuum, aliorumque reditum ad ipsius Ecclesiæ unitatem, sine stragis cujusque periculo, solo pacis auctore prævio intuetur. Exultamus & Nos pastoris, prout Domino placuit, vices gerentes in ea. Exultamus proculdubio in illo vero Pastore, qui animam suam pro ovibus suis ponere non expavit. Ipsi vitulum labiorum, exolvimus, de cujus non est dubium munere processisse, ut ovis quæ perierat sit inventa; & revixerit filius, quem mors animæ, mors utique gravior occuparat. Occurrentes itaque

*Bull. Rom. Tom. III. Pars II.*

tibi de regione dissimilitudinis redeunti, collo tuo brachiis paternæ affectionis accumbimus, & te solidæ caritatis osculo pressius osculamur. Utinam tibi fili pateret ad plenum cum quanto in his occurrit tripudio eadem Ecclesia, nuper in Lugdunensi Concilio congregata. O si voces psallentium inibi, Deumque flexis genibus, & nudatis capitibus laudantium precipue Prælatorum in tuis sonuissent auribus, & revelata facie ipsorum oculos deducentes quasi aquarum exitus inspexisses; profecto prudenter adverteres, quod erant eorum lacrimæ tam excussi doloris indices, quam adeptæ lætitiæ proditrices: Nec minus intelligeres, quam grati tui advenerint Nuncii, quam fuerint gratanter accepti, cum quanto etiam jubilo tuæ professio acceptata. Exulta igitur, & tu fili, exulta, & lætare in eo, qui est splendor lucis æternæ, divinæ quædam emanatio claritatis: qui tuum sic animum suo lumine illustravit, ut lumen veritatis intelligens, non solum redires ad illam, sed ad redeundum aliis dux, & prævius effici merereris. Exulta & gaude talem, ac tantum jam datum laboribus tuis effectum; ut & de tuo ad sinum unitatis Ecclesiasticæ reditu, indubitatum expectare valeas præmium, & de aliis per te redeuntibus tibi plenioris debeat retributionis augmentum.

§. 2. Persta ergo: & quod cœpisti, sollicitum cum omni diligentia, & solitudine prosequaris, efficacem pro posse daturus operam, ut nec in aliquibus ejusdem schismatis reliquiæ qualescumque supersint. Dei quidem perfecta sunt opera, & tu creatura illius creatorem, tuum in tam placiti consummatione operis pro viribus imitare, ut spei conceptæ de præmio res succedat, & præmissum debitum exhibitio regalis exolvat. Super his autem & aliis habitis circa præmissa processibus, præfati Tuæ Celsitudinis Nuncii, quorum tibi notior est virtus, & probitas, ad te plenius revertuntur instructi; quibus te non dubitamus fidem induciam adhibere.

Datum Lugduni, v. Calendis Augusti, Anno tertio.

Hortatur eundem Imperatorem, ad totalem schismatis abolitionem.

Dat. diē 28.  
Julii 1273.  
P. An. III.

*Sequitur alia Pontificis epistola ad Filium dicti Imperatoris.*

Gregorius Episcopus Servus Servorum Dei. Andronico Primogenito carissimi in Christo filii nostri Michaelis Palæologi Imperatoris Græcorum Illustris, Salutem, & Apostolicam benedictionem.

§. 1. **H**abes fili, unde Domino Deo tuo in vocem exultationis, & confessionis erumpas. Exultes in eo, & fatearis humiliter tibi de immenso ipsius dono concessum, veræ fidei agnoscere veritatem; illam, amplecti piis affectibus, & devotis nobis missis affatibus confiteri. Hæc si corde contrito, & humiliato spiritu recognoscens, a coeptorum prosecutione sollicita non desistas, plura tibi salutaribus inhaerenti studiis, proculdubio ipse bonorum omnium dator adiiciet, perfectæ tandem retributionis præmium largiturus. Ideoque magnitudinem tuam monemus, &hortamur

Hortatur Pont. filium d. Imp. ut studeat unitati Ecclesiæ Græcæ cum Latina.



mur in Domino Jesu Christo; quatenus in præmissis sic ut discrete scripsisti, tui genitoris inclyti laudabili proposito, nobis per ejus & tuas expresse literas, constanter adhærens, totis viribus satagas, ut antiquati schismatis omnino aboleantur reliquæ, sitque Latinorum, & Græcorum unitas perpetuis temporibus inconcussa.

Dat. die, annoque eodē.

Datum Lugduni V. Calendis Augusti, anno tertio.

*Subsequitur tenor literarum supradicti Michaelis Imperatoris ad Pontificem.*

Intitulatio.

**S**anctissimo, & Beatissimo, Primo & Summo Pontifici Apostolicæ Sedis venerabili Papæ, & communi Patri omnium Christianorum, & Venerabili Patri Imperii nostri, Domino Gregorio, Michael in Christo Deo fideliter Imperator, & Moderator Romanorum, Ducas, Angelus, Comnenus, Palæologus, & spiritualis filius Magnæ Sanctitatis Vestre, convenientem honorem & reverentiam cum sincera, & pura affectione, & orationum postulatione.

Nuncii Sedis Apostolicæ ad Imperatorem transmissi.

Quoniam missi sunt a Magnitudine vestra ad Imperium meum Nuncii Deo placentes, Ordinis fratrum Minorum, Frater Hieronymus de Asculo, Frater Raymundus Berengarii, Frater Bonagratia de S. Joanne in Persiceto, & Frater Bonaventura de Mugello; & obtulerunt literas Magnæ Sanctitatis Vestre Imperio meo; in quibus inter alia de confessione fidei, quam docet, & prædicat, & confitetur Sancta Romana Ecclesia, continebatur, & oportebat, in his magis responsionem convenientem nos facere, ecce hoc facit Imperium meum. Habet autem professio fidei in dictionibus taliter.

Tenor confessionis aut professionis fidei predicti Imperatoris.

Credimus Sanctam Trinitatem, Patrem, & Filium, & Spiritum Sanctum, unum Deum omnipotentem, totamque in Trinitate Deitatem coessentialem, & consubstantialem, coæternam, & coomnipotentem, unius voluntatis, potestatis, & majestatis, Creatorem omnium creaturarum, a quo omnia, in quo omnia, per quem omnia, quæ sunt in cælo, & in terra, visibilia, invisibilia, corporalia, & spiritualia. Credimus singulam quamque in Trinitate personam, unum verum Deum, plenum, & perfectum. Credimus ipsum Filium Dei Verbum Dei æternaliter natum de Patre, consubstantialem, coomnipotentem, & æqualem per omnia Patri in divinitate, temporaliter natum de Spiritu Sancto, & Maria semper Virgine, cum anima rationali; duas habentem natiuitates, unam ex Patre natiuitatem æternam, alteram ex Matre temporalem, Deum verum, & hominem verum, proprium in utraque natura, atque perfectum, non adoptivum, nec phantasticum, sed unum, & unicum Filium Dei, in duabus, & ex duabus naturis, divina scilicet & humana, in unius personæ singularitate, impassibilem, & immortalem divinitate, sed in humanitate pro nobis, & salute nostra passum vera carnis passionem, mortuum, & sepultum, & descendisse ad inferos, ac tertia die resurrexisse a mortuis vera carnis resurrectione; die quadragesimo post re-

surrectionem cum carne, qua resurrexit, & anima ascendisse in Cælum, & sedere ad dexteram Dei Patris, inde venturum judicare vivos, & mortuos, & redditurum unicuique secundum opera sua, sive bona fuerint, sive mala. Credimus & Spiritum Sanctum plenum, & perfectum verum Deum, ex Patre Filioque procedentem, coæqualem, & consubstantialem, & coomnipotentem, & coæternum per omnia Patri, & Filio. Credimus hanc Sanctam Trinitatem, non tres Deos, sed unicum Deum, omnipotentem, æternum, & invisibilem, & incommutabilem. Credimus sanctam Catholicam, & Apostolicam unam esse veram Ecclesiam, in qua unum datur sanctum baptismum, & vera omnium remissio peccatorum. Credimus etiam veram resurrectionem hujus carnis, quam nunc gestamus, & vitam æternam. Credimus etiam novi, & veteris testamenti, legis, ac Prophetarum, & Apostolorum unum esse auctorem Deum ac Dominum. Hæc est vera fides Catholica, & hanc supradictis articulis tenet, & prædicat Sacrosancta Romana Ecclesia; sed propter diversos errores, a quibusdam ex ignorantia, & ab aliis ex malitia introductos, dicit, & prædicat eos, qui post Baptismum in peccata labuntur, non rebaptizandos, sed per veram poenitentiam suorum consequi veniam peccatorum. Quod si vere poenitentes in caritate decesserint, antequam dignis poenitentiae fructibus de commissis satisfecerint, & omissis eorum animas poenis purgatoriis, hoc est catarteriis, sicut nobis Frater Joannes explanavit, post mortem purgari, & ad poenas hujusmodi relevandas prædesse eis fidelium vivorum suffragia, Missarum scilicet sacrificia, orationes, & eleemosynas, & alia pietatis officia, quæ a fidelibus pro aliis fidelibus fieri consueverunt, secundum Ecclesiæ instituta. Illorum autem animas, qui post sacrum baptismum susceptum, nullam omnino peccati maculam incurrerunt; illas etiam, quæ post contractam peccati maculam, vel in suis manentes corporibus, vel eisdem exuta, prout superius dictum est, sunt purgatae, mox in Cælum recipi. Illorum autem animas, qui in mortali peccato, vel cum solo originali decedunt, mox in Infernum descendere, poenis tamen disparibus puniendas. Eadem Sacrosancta Ecclesia Romana firmiter credit, & firmiter asseverat, quod nihilominus in die Judicii, omnes homines ante tribunal Christi cum suis corporibus comparebunt, reddituri de propriis factis rationem. Tenet etiam, & docet eadem Sancta Romana Ecclesia, septem esse Ecclesiastica Sacramenta, unum scilicet Baptisma, de quo dictum est supra; aliud est Sacramentum Confirmationis, quod per manuum impositionem Episcopi conferunt, chrismando renatos; aliud est Poenitentia; aliud Eucharistia; aliud sacramentum Ordinis; aliud est Matrimonium; aliud Extrema unctio, quæ secundum doctrinam B. Jacobi infirmantibus adhibetur. Sacramentum Eucharistiæ ex azymo conficit eadem Romana Ecclesia, tenens & docens, quod in ipso Sacramento panis vere transubstantiatur in Corpus, & vinum in Sanguinem Domini nostri Jesu Christi. De Matrimonio verò tenet, quod nec unus



unus vir plures uxores simul, nec una mulier permittitur habere plures viros. Soluta verò legitimo matrimonio, per mortem conjugum alterius, secundas, & tertias deinde nuptias successive licitas esse dicit, si impedimentum canonicum aliud ex causa alia non obstat. Ipsa quoque Sancta Romana Ecclesia summum, & plenum Primatum, & Principatum super universam Ecclesiam Catholicam obtinet, quem se ab ipso Domino in B. Petro Apostolorum Principe, sive vertice, cujus Romanus Pontifex est successor, cum potestatis plenitudine recepisse veraciter & humiliter cognoscit. Et sicut præ cæteris tenetur fidei veritatem defendere, sic & si quæ de fide subortæ fuerint quæstiones, suo debent iudicio definiri. Ad quam potest gravatus quilibet super negotiis ad Ecclesiasticum forum pertinentibus appellare; & in omnibus causis ad examen Ecclesiasticum spectantibus ad ipsius potest iudicium recurri, & eidem omnes Ecclesiæ sunt subiectæ. Ipsarum Prælati obedientiam, & reverentiam sibi dant. Ad hanc autem sic potestatis plenitudo consistit, quod Ecclesias cæteras ad sollicitudinis partem admittit, quarum multas, & Patriarchales præcipue, diversis privilegiis eadem Romana Ecclesia honoravit, sua tamen observata prærogativa, tum in generalibus Conciliis, tum in aliquibus aliis semper salva. Supra scripta fidei veritate (prout plene lecta est, & fideliter exposita) veram, sanctam, catholicam, & orthodoxam fidem cognoscimus, & acceptamus, & ore ac corde confitemur, quod vere tenet, & fideliter docet, & prædicat Sancta Romana Ecclesia: inviolabiliter observare eandem professionem, & in ea omni tempore perseverare, nec ullo umquam tempore ab ea discedere quoquomodo, aut deviare, vel discordare promittimus. Primatum quoque ejusdem Sanctæ Romanæ Ecclesiæ, sicut in præmissa serie continetur, ad ipsius Sanctæ Ecclesiæ obedientiam venientes, confitemur, & cognoscimus, acceptamus, & sponte suscipimus.

Confitentes vero hæc, & approbantes, & acceptantes, & promittentes observare, ut superius dictum est, rogamus magnitudinem vestram, ut Ecclesia nostra dicat sanctum Symbolum, prout dicebat hoc ante schisma, usque in hodiernum diem, & quod permaneamus in ritibus nostris, quibus utebamur ante schisma; qui scilicet ritus non sunt contra supradictam fidem, nec contra divina præcepta, nec contra vetus, & novum testamentum, nec contra doctrinam sanctorum generalium Conciliorum, & sanctorum receptorum per sancta Concilia quæ celebrata sunt a spirituali dominatione Ecclesiæ Romanæ. Hoc igitur non grave est Vestre Sanctitati, nec inusitatum, & nobis tunc difficile propter infinitam multitudinem populi.

Commisimus autem super his præsentibus Nunciis Imperii nostri, ut dicta per præsentem literas nostras constentur, & affirment vice Imperii nostri coram magna Sanctitate vestra. Præfens igitur scriptum de nostra recognitione, susceptione, acceptatione, & professione, propria manu nostra Dei gratia Imperiali subscriptione signavimus, & sigillum nostræ potentie inferius appendi fecimus, &c.

Supplicat pro  
conservatio-  
ne rituum  
Ecclesiæ Gre-  
gæ.

Transmissio  
Nunciorum  
ad Romanum  
Pontif. pro  
prædictorum  
confessione  
firmanda.

IX.

Provisiones, & Ordinationes pro Ecclesiastica  
libertate in Regno Portugalliæ  
manutenda

Gregorius Episcopus Servus Servorum Dei,  
Ad perpetuam rei memoriam.

Ex Regest.  
Vatic. Vide  
Raynald. ad  
ann. 1275.  
6. 21.

**D**E Regno Portugalliæ contra dudum & nunc propter peccata forsan Populi, regnantes in ipso ab olim ingens clamor ascendens, ingentes & Regna illorum diffudit infamiam, & exclamans in eo Sancta prosterne, Ecclesias, Personas Ecclesiasticas, & libertatem ipsarum non conculcari tantummodo, sed quasi omnino subverti; Regnum ipsum cum suis habitatoribus per regnantes eosdem non regi, vel dirigi, sed velut datum in prædam ab ipsis, & suis tamquam a prædonibus inhumanè tractari, undique diripi, totaliterque consumi; diversorum Romanorum Pontificum Prædecessorum nostrorum, & nostras aures percussit, & ad prædictorum correctionem ipsiusque Regni directionem eo specialius illorum & nostrum excitavit officium, affecit animos, provocavit affectus, quod idem Regnum, quod est Romanæ Ecclesiæ censuale, ipsi Ecclesiæ specialiori jure tenetur.

§. 1. Dudum siquidem cum ad felicitis recordationis Honorii Papæ Prædecessoris nostri audientiam validis multorum clamoribus pervenisset, quod quondam Alphonsus Portugalliæ Rex timorem divini nominis & amorem damnabiliter a se prorsus abiiciens, & tamquam ad ejusdem Regni & habitatorum suorum conculcationem, seu potius desolationem extremam & subversionem omnimodam Ecclesiasticæ libertatis in spiritu tyrannicæ persecutionis anhelans, inter cætera gravia & enormia, quibus contra se ultionum Dominum provocabat, Sacrosanctam Ecclesiam Sponsam ejus in Regno ipso ancillare pro viribus fatagebat, tam Cathedralibus, quam aliis Ecclesiis, nec non Monasteriis, Hospitalibus, Domibus, aliisque Religiosis locis, & Clericis dicti Regni collectas, & alia importabilia gravamina præsumptuosus imponens, aliis eadem diversis & variis afflictionibus opprimendo; præfatus Prædecessor eundem Alphonsum per suas literas rogandum, monendum duxit attentius, & hortandum obsecrans per asperionem Sanguinis Jesu Christi, ut culpas suas humiliter recognoscens converti ad Dominum festinaret, & ab Ecclesiarum & Personarum Ecclesiasticarum molestiis, & gravaminibus omnino desistens bonæ memoriæ Archiepiscopo Bracharen, qui hujusmodi occasione gravaminum in eundem Regem ac nonnullos complices excommunicationis, & terram ipsius Menopolitica sibi lege subiectam interdicti sententias duxerat promulgandas, de damnis & injuriis Archiepiscopo irrogatis eidem satisfactionem plenariam exhiberet, certis super hoc exequutoribus deputatis, adjectisque comminationibus gravibus & diversis, quæ de Regni etiam amissione formidinem ingerebant.

Cum-

Humana, divinaque hoc  
in Regno  
male haberi  
dolet Gregorius.

Alphonsus  
Rex ab Honorio III. Se-  
pius de his  
monitus, ro-  
gatusque ut  
ab hujusmo-  
di abstinere.



Sanctius Al-  
phonſi filius a  
Gregorio IX.  
de eiſdem re-  
bus monitus.

§. 2. Cumque quondam Sanctius ipſius Alphonſi filius & in Regno ſucceſſor eodem, tamquam in ipſum cum ſanguine huiusmodi pravitae diſſuſa fugienda ſequens veſtigia Genitoris, exceſſus enormes in Eccleſiaſticas & Religioſas Perſonas non minus, immo magis pernicioſe committeret, prava quædam & iniqua inter cætera proſequendo ſtatuta, quæ Pro-avi ſui prophana proponitur edidiſſe præſumptio, & per quæ Perſonarum ipſarum injuriæ ac infamationes graves, Domorum quoque infractions, bonorum ſpoliationes, & direptiones frequentius contingebant; piæ memorię Gregorius Papa Nonus Prædeceſſor noſter, cum ad ipſum præmiſſa per clamorſæ inſinuationis infamiam deveniſſent, intendens & ejuſdem Sanctii ſaluti conſulere, & Eccleſiarum ac Perſonarum ipſarum indemnitatibus præcavere, dicto Sanctio inter alia diſtrictius inhibuit per ſuas literas ſpéciales, ne per ſe vel officiales, aut Vaſſallos ſuos perſonas eaſdem infamare, vel earum Domos infringere, ſeu bona ipſarum, quovis modo diripere attentaret, ab earumdem gravaminibus & moleſtiis quibuſcumque penitus abſtinendo: Et certis ſuper his exequutoriis deputatis graves comminationes & duras idem Gregorius Prædeceſſor adjecit.

§. 3. Recolendę inſuper recordationis Innocentius Papa Quartus Prædeceſſor noſter querelis multimodis & clamoriſis delationibus excitatus, & inter alia intellecto, quod idem Sanctius ejuſdem Regni gubernatione ſuſcepta Eccleſias & Monasteria conſiſtentia in eodem, in gravem divinæ Majestatis offenſam, & conculcationem Eccleſiaſtica libertatis exactiombus & oppreſſionibus plurimis per ſe ac ſuos immaniter afflixerat, & affligere non ceſſabat, & ab aliis pro ipſorum libito libere permittebat affligi, cupiens Regnum ipſum tot tribulationum adverſitate depreſſum per aliqujus prudentis induſtriam relevari; cum præfatus Sanctius, quem per ſuas literas idem, Innocentius Prædeceſſor rogandum duxerat attentius, & hortandum ſpecialibus ſuper hoc monitoriis deputatis, ut præmiſſa celeri emendatione corrigeret, ac in conſilia ſe reduceret meliora, in deterius ſemper converteret actus ſuos, & mala malis tanquam in ſenſum datus reprobum cumularet, Barones, Communitates, ſeu Concilia tam Civitatum, quam caſtrorum, aliorumque locorum, ac univerſos Milites, & Populos per Regnum conſtitutos prædictum per certas ſub certa forma conſectas literas de fratrum ſuorum conſilio monuit, rogavit, & hortatus extitit, dans nihilominus illis diſtrictius in præceptis, ut Chariſſimum in Chriſto filium noſtrum Alphonſum Portugallia Regem Illuſtrem tunc Comitem Bolonien. ejuſdem Sanctii Germanum, per quem ſperabat ipſius Regni miſerabilem ſtatum ope comite celeſtis auxilii relevandum, cum prædictum Alphonſum ad curam & adminiſtrationem generalem & liberam dicti Regni apoſtolica Sedis auctoritas aſſumpſiſſet, devote recipere, ſibiſque in omnibus & per omnia intendere procurarent, deputatis eidem certis exequutoriis in hac parte, prout hæc omnia eorumdem prædictæ literæ plenius atteſtantur.

Imperatum poſtea ab Innocentio IV. ſubditis, ut Alphoſo Comiti Bolonien. Regis Fratri obedi-  
rent.

§. 4. Porro proceſſu temporis ſapeſatus Alphonſus Rex ad ejuſdem Regni Prælatorum inſtantiam, ad curam, & cuſtodiam dicti Regni ac deſenſionem Prælatorum ipſorum, nec non Religioſorum, ac totius Cleri & Monasteriorum, Eccleſiarum, Viduarum, Orphanorum, cæterorumque in illo degentium per ſedem eandem, prout præmittitur, evocatus, licet certos ex parte Prælatorum ipſorum Articulos ſibi oblatos Pariſiis, ac præmiſſas proviſiones Apoſtolicas in prædictis eorumdem Prædeceſſorum Honorii, & Gregorii literis compræhenſos ſe, cum ipſius Regni dominium quocumque adeptus foret titulo, aſtrinxerit Juramento præſtito ſervaturum, prout in literis inde conſectis, & quondam Magiſtrorum Joannis Sedis Apoſtolicae Cappellani Carnoten., & Luca Decanorum, ac Petri Cancellarii Pariſien., Eccleſiarum, aliorumque Clericorum, tam Religioſorum, quam Sæcularium, necnon & quorundam Nobilium ſigillis munitis plenius continetur; tam grandis tamen honoris ab ejuſdem ſibi Sedis benignitate collati quaſi omnino immemor, tantique beneficii gratiam minime recognoscens, ſed ad eam proſus ingratus Juramenti Religione contempta, quam cautius cuſtodire debuerat, non ſolum proviſiones & Articulos ſupradictos ſervare contempſit; verum etiam quamplura contra Prælatos, & Eccleſias, Religioſos, Clerum, & Populum ſepediſtos, ac libertatem Eccleſiaſticam commiſit enormia, ſicut fama immo verius infamia publica proteſtatur: Propterquæ bonæ memoriæ Martinus Archiepiſcopus Bracharenſis, E. .... Compoſtellanenſis Archiepiſcopus tunc Colimbrienſis, R. Egitaniſis, V. .... Portugallenſis, M. .... Colimbrienſis tunc Viſenſis Epicoſpi perſonaliter, & bonæ memorię M. .... Elboreniſis, & P. .... Lamacenſis Epicoſporum Procuratores oppreſſionibus dicti Regis afflicti, affecti moleſtiis, injuriis laceſſiti ad Apoſtolicæ Sedis clementiam a perſequentis facie fugiendo neceſſarium habuere recurſum, ſuper his opportunum proviſionis & Conſilii Sedis ipſius remedium non abſque laboribus gravibus, & expenſis longo verbi tempore præſtolantes, & demum dictis Bracharen & Compoſtellanen. Archiepiſcopis, ac R. Egitanien. Epicoſpo ſublatis de medio, Nos ad ſupplicem aliorum ſuperſtitum Epicoſporum inſtantiam per noſtras ſub certa forma literas eundem Regem rogare, monere, ac hortari curavimus, ut a violatione libertatis Eccleſiaſticae, nec non & ab uſurpatione Jurium divinorum, & ab Eccleſiarum aliarumque Perſonarum ſæcularium quibuſvis moleſtiis abſtineret, cæterosque ſibi ſubditos ceſſare compelleret ab eiſdem: Quodque univerſa bona, & ſingula Prælatorum, Eccleſiarum, Monasteriorum, & aliarum quarumcumque Perſonarum Eccleſiaſticarum, quæ quacumque occasione ablata, vel quocumque modo illicitè occupata, conſumpta, detenta, ſeu data, vel alienata per eum, vel de mandato ipſius, aut per Barones, Milites, & Officiales ejuſdem extiterant, ſine difficultatis obſtaculo reſtitueret, ac reſtitui faceret cum fructibus inde perceptis: Et de damnis & injuriis ipſis illatis ſatis-

Alphonſus  
verò, quamvis  
remedia his  
ſe allaturum  
promiſerit,  
pejora tamen  
patrat.

Papa erga eum  
longanimitas.



factionem exhiberet eisdem & exhiberi faceret competentem : & quod Constitutiones , & statuta in eodem Regno contra Ecclesiasticam libertatem , statumque Regni pacificum introducta non servaret , nec ab aliis permetteret observari ; sed prædictas Ecclesias , & Personas in libertate plenaria conservaret : Ac insuper caveret per suas patentes literas Bulla sua plumbea consignatas Venerabilibus fratribus nostris Egitanienti , Colimbriensi , Portugallensi , Ulixbonensi , & aliis Episcopis dicti Regni , eorumque Capitulis singulis eorundem singulas literas concedendo , promittens eis firmiter in eisdem , quod ab ipsorum Episcoporum , & aliorum Prælatorum , Ecclesiarum , Ecclesiasticarum Personarum , nec non Communitatum , Conciliorum , & Hominum , Civitatum , Castrorum , aliorumque locorum pacifico statui , ut tenemur , ex Officio præcavendo , aliter contra ipsum procedere curarem : Et quia ferventi desiderio cupiebamus , & cupimus , ut inter ipsum , & Prælatos , Clericos , & Personas Ecclesiasticas dicti Regni optata pax & concordia proveniret , & stabili postquam provenisset firmitate duraret , & aliquos Viros providos & fideles ad Nos cum sufficiente mandato transmitteret , qui ea , quæ per ipsum & suos in præmissis correctæ & emendata existerent , & pacem atque concordiam , quam dictis Prelatis , Clericis , & Personis Ecclesiasticis super his ex tunc servare proponeret , in nostra possent , & studerent præsentia roborare , vel eundem Regem in his omnibus nostræ & Apostolicæ Sedis ordinationi submitterent , quidquid æquitate prævia per Nos , & Sedem ipsam in omnibus supradictis ordinare contingeret recepturi .

§. 5. Dedimus præterea dilectis filiis Priori Prædicatorum , Custodi & Guardiano Minorum fratrum Ordinum Ulixbonen. per alias nostras literas in mandatis , ut ejusdem Regis præsentiam adeuntes ipsum , ut se super his , quæ in nostris literis tunc directis eidem , & Articulis ab ipsius Regni Prælati coram Nobis propositis , & per fratres sibi præsentandis eisdem continebantur , corrigeret , ex parte nostra monere & efficaciter inducere procurarent : & si ad correctionem illorum voluntarium se offerret , vel ex responsione ipsius , ac aliis circumstantiis appareret , quod vellet præmissa corrigere , interdictum in eodem Regno a Prælati positum supradictis usque ad septem menses a receptione literarum nostrarum suspenderent , numerandos ita tamen , quod solemnes Nuntii dicti Regis cum sufficiente mandato infra menses quatuor a tempore suspensionis interdicti hujusmodi computandos iter acciperent ad nostram præsentiam veniendi . Si vero præfatus Rex juxta mandati nostri tenorem corrigere prædicta contemneret , sæpeditum Regnum ipso Jure post septem menses eisdem redigeretur in pristinum interdictum . Memoratis etiam fratribus in virtute obedientie districtè per alias nostras injunximus literas , ut , cum idem Rex prædictos Episcopos , aliosque Prælatos , nec non Capitula , Conventus , Clericos , & Ecclesias , ac Populum dicti Regni gravibus , sicut acceperamus , afficeret injuriis , & præ-

suris ; Nosque sibi super hoc nostras sub certa forma literas mitteremus , eas dicto Regi fideliter præsentarent , ac responsum ejus , & quid quid super eis duceret faciendum , nec non locum , & diem , in quibus , & coram quibus Personis ipsi Regi dictas literas ducerent præsentandas per suas patentes literas directarum tam eis , quam ipsi Regi literarum seriem continentes curarent Nobis plenius intimare .

§. 6. Sane duo ex dictis fratribus mandato nostro recepto volentes observare sollicitè fines ejus præfati Regis adire præsentiam , & ipsius mentem verbis pacificis , humilibusque sermonibus inclinare , ipsumque diligenter , prout ex forma ipsius mandati poterant monere ac inducere curaverunt , ut salutis sue providens , & honori , mandatis & monitis Apostolicis obediret . Idem vero Rex ab eisdem fratribus multoties humiliter requisitus , ut præsentatas sibi per illos Sedis Apostolicæ literas clementer audiret , diligenter intelligeret , & efficaciter exaudiret , tamquam male sibi conscius per diversas excusationes & frivolas multiplici exquisito diffugio , vix tandem elapsis pluribus terminis super hoc ab eo fratribus assignatis eisdem & protestationibus plurimis fratrum ipsorum coram Baronibus , & Consiliariis dicti Regis , ac multis aliis tunc præsentibus publice factis , quod mandatum Apostolicum parati erant , prout tenebantur , executioni debitæ demandare , qualemqualem audientiam voluit dictis fratribus exhibere , nunc infirmitatem , nunc minutionem , nunc alia impedimenta varia prætendendo . Et quamquam post nonnullos terrarum circuitus dictorum fratrum humilitate devota non absque laborum sarcina illius vestigia prosequente , se velle apostolicis parere in hac parte beneplacitis simularet ; parum tamen de his , quæ tantum verbaliter prætendebat , realiter adimplevit , eo magis suæ inobedientiæ vitium detegens , quo amplius illud obtegere satagebat . Et tandem licet ipse Rex auditis & intellectis literis supradictis , ac Regni gravaminibus , & afflictionibus , & oppressionibus abhorrendis per fratres eisdem sibi oraculo vivæ vocis expositis , quamvis eorum non existeret ignarus , Baronibus , & Consiliariis suis tunc secum morantibus correctionem Regni simulate committeret ; tamen quasi nihil per ipsum aut eos actum extitit circa illam : propter quod sæpediti fratres sollicitius attendentes , quod penes Regem eundem proficere non valebant , nec volentes verbis ejus , in quibus veritatem reperire non poterant , ulterius detineri , ab eo super hiis instanter petiere responsum Nobis fideliter indicandum ; Quod tandem in quadam Cedula non sigillata notatum , quamquam illud sub sigillo Regis instantissime postulassent , per opportuna importunitatis instantiam extorserunt tam responsum hujusmodi , in quo idem Rex licet persuasæ sibi correctioni juxta mandatum nostrum se vacare pretenderet , per hoc calamitates & misérias dicti Regni non tam inficiens quam affirmans , excusationibus tamen frivolis & malitiosis diffugiis potius intendebat , quam quod in hac parte fecerant , per suas Nobis patentes literas plenius intimantes ,

Parum hi proficiunt .

Missi ad eum  
Nuntii Apostolici .

per



per quas Nobis super dictis gravaminibus evidentius informatis liquido constitit, circa correctionem illorum non esse dictorum fratrum, immo nostris monitionibus paritum, seu quomodolibet satisfactum.

§. 7. Nos igitur, qui ex debito Pastoralis Officii de fidelium statu pacifico sollicitis studiis cogitare tenemur, tot & tantas iniquitates tanto continuatas tempore, immo potius tot temporum & successionum continuatione incorrigibiliter obfirmatas nequeunt ulterius urgente conscientia conniventibus oculis pertransire, sed Prælati, Ecclesiis, Monasteriis, Clericis, aliisque Personis Ecclesiasticis, cæterisque Habitatoribus dicti Regni super tot importabilibus gravaminibus, afflictionibus, & pressuris benigno patientes affectu, ac volentes etiam paci & tranquillitati eorundem Regni Prælatorum, Ecclesiarum, Monasteriorum, Clericorum, & aliorum in illo degentium paterno sollicitudinis studio providere, de Apostolicæ plenitudine potestatis, & fratrum nostrorum consilio statuimus, & ordinamus; quod idem Rex obliget se stipulatione solemniter præstito Juramento ad observandum, quæ in prædictis eorundem Honorii, & Gregorii Prædecessorum literis continentur, & quæ, ut præmittitur, Parisiis juravit, & quod nullo unquam tempore veniet contra ea: promittat etiam, quod sui successores in Regno prædicto, in quibus hujusmodi jam quasi hereditariæ pravitate in tot eorum sine interruptione radicata Prædecessorum exempla non immerito metuuntur, infra annum, postquam gubernacula ipsius Regni susceperint, se modo simili obligabunt, & super hoc idem Rex suas patentes literas, tam juramentum, quam totius promissionis hujusmodi seriem continentes sua plumbea Bulla Bullatas confici faciet Dilecto filio Electo Bracharen. & Venerabilibus fratribus nostris Egitanen, Colimbrien, Portugallen, Ulixbonen, Silven., & cæteris ipsius Regni Episcopis, eorumque Successoribus, vel Procuratoribus eorundem, singulis videlicet singulas concedendas.

§. 8. Statuimus insuper & ordinamus, & providemus, quod quandocumque aliquos in Barones, Alferazes, seu Signiferos, Majordomos, Cancellarios, Superjudices, Consiliarios, Almozarifos, Prætores, Meyrinos, & alios Officiales publicos in Regno assumet eodem, ipsos, antequam suorum officiorum executionem, concedat, eisdem, jurare faciat, quod ipsi non erunt in consilio, auxilio, vel favore, quod dictus Rex, vel aliquis de suis contra prædicta provisiones, & contenta in forma præmissi Juramenti Regis ejusdem, aut contra Ecclesiasticam libertatem quidquam faciat, & ipsi ea inviolabiliter observabunt, & a suis subditis facient observari. Quodque Nobiles Viros Dionisium, & Alfonsum filios suos, Alferaz, Majordomum, Cancellarium, Barones, Superjudices, Consiliarios, Almozarifos, Meyrinos, Prætores, Judices, & alios Officiales publicos Regni ejusdem, qui jam instituti administrant, faciat præstare simile juramentum: Et quod dicti Successores sui hoc ipsum de suis Baronibus, Alferazibus, Majordomibus, Cancellariis, Su-

perjudicibus, Consiliariis, Almozarifis, Prætoribus, Meyrinis, Judicibus, Regni sui Officialibus, & ordinariis observabunt.

§. 9. Providemus, & ordinamus, atque statuimus, quod nominatus Rex pro se, & omnibus de Regno & dominio suo bona fide, & sine fraude præstet, & concedat perpetuam securitatem & pacem prædictis Electo, & Episcopis, ac eorum familiis, & rebus, ac aliis, qui hactenus assiterunt eis in dicti prosecutione negotii, vel deinceps assiterint, aut præstiterint auxilium, vel favorem; quod eis in personis, vel rebus suis intrando, morando vel exeundo Regnum prædictum, quoties, & quando suis viderint utilitatibus expedire, non offendet, nec offendi, quantum in eis fuerint, per aliquem patietur: Quodque idem Rex remittat Prælati, eorum familiis, & aliis supra dictis omnem rancorem, & odium, si quod contra ipsos concepit, aut aliquem eorundem, vel saltem in abstinendo ab offensis eorum, & faciendo alios abstinere, perinde se habeat ad ipsos, ac si adversus eos nullum rancorem vel odium concepisset. De hujusmodi autem securitatis & pacis infractione ipsum ita per omnia teneri decernimus, sicut juxta consuetudinem Regionis teneretur, si treugam forsitan infregisset: Et quod super præmissis Capitulis omnibus & singulis observandis præstet idem Rex corporaliter juramentum, & confici etiam faciat patentes literas sua prædicta plumbea Bulla bullatas, & prædictorum filiorum suorum, Alferaz, Cancellarii, Majordomum, Superjudicum Curia suæ, ac decem Baronum Majorum de dicto Regno sigillis nihilominus roboratas, dando singulas dictis Electo, & singulis Episcopis, Abbatibus, & Prioribus Monasteriorum, quæ per Priorem consueverunt tantummodo gubernari, nec non & Communitatibus Civitatum Regni prædicti.

§. 10. Ceterum quia facilis forsitan esset prædictorum transgressio, nisi poenarum adjectione vallentur, volumus & ordinamus, quod nisi sæpèdictus Rex infra tres menses, postquam ad ipsum ordinatio ista pervenerit, & Successores sui infra annum, postquam regnare ceperint, omnia & singula compleverint supra dicta Capitula, cujuslibet ipsorum præmissa, prout eum contingunt ommittentis, implere, & si per unum mensem in hujusmodi obstinatione perstiterint; loca etiam, in quibus ipsi ommittentes fuerint, vel ad quæ ipsos contigerit pervenire, quamdiu ibi moram contraxerint, sint Ecclesiastico supposita interdicto. Et si infra unum mensem præter prædictos tres, five annum quantum ad successores proximo sequentem, huic ordinationi parere, ac præmissa omnia, & singula implere neglexerint; idem Rex & prædicti Successores ejus ipso facto sententiam excommunicationis incurrant, quam ex nunc in illo casu ferimus in eisdem. Quod si infra alium mensem prædictum unum mensem immediate sequentem in hujusmodi negligentia seu omissione perstiterint, tota terra sua videlicet prædictum Portugallicæ & Algarbii Regnum eo ipso Ecclesiastico subjaceat interdicto: Et si adhuc per tres alios men-

Præcipit igitur ut Alphonsus juret observantiam contentorum in literis Pontificum.

Omnes insuper regni Officiales jurent illa infringi, se non passuros.

Rex vero Ecclesiis & Ecclesiasticis nullam se injuriam, aut molestiam allaturum.

Pene contra inobedientes.



## INNOCENTIUS V.

P A P A C L X X X V .

ANNO DOM. MCCLXXVI.



**I**nclusis Conclavi Aretii Cardinalibus die 20. Januarii 1276. postriedie primo celebrato & publicato Scrutinio electus est in Pontificem Petrus de Tarantasia, natione Burgundus, ex Ordine Fratrum Predicatorum, antea Archiepiscopus Lugdunensis, mox S. R. E. Cardinalis Episcopus Ostiensis, qui Innocentius Quintus voluit appellari. Romæ coronatus est 22 Februarii anno eodem, seditque in Pontificatu a die electionis Menses v. dies II. (a) imperantibus in Oriente Michael Paleologo, in Occidente Rodolpho Rege Romanorum. Obiit Romæ die 22. Junii anni ejusdem, & sepultus est in Ecclesia Lateranensi. Vacavit Sedes dies xx.

C Inno-

mensēs in illorum adimplētiōe cessaverint, subditi & vassalli eorundem Regum ab observatiōe juramentorum fidelitatis, & homagii, quibus sibi obligati existunt, sint penitus absoluti, sibi que respondere in aliquo minime teneantur: quamdiu in hujusmodi pertinacia permaneant. Nec iidem Rex & successores Jurepatronatus, si quod habent in Ecclesiis dicti Regni, quamdiu in hujusmodi contumacia, & excommunicatione permanserint, uti possint. Si autem memoratus Rex, aut Successores sui post promissiones & obligationes prædictas, juramenti præstationem, literarum suarum pacis & securitatis concessiones hujusmodi, contra prædicta venerint, vel aliquod præmissorum, & infra similes terminos; postquam denunciatum fuerit eis per Dioecesānum loci, in quo Rex præfatus, vel Successores sui veniendo contra præmissa exceßerint, vel per ejus Vicarium ipso absente, aut ejus Ecclesia vacante cum consilio, & assensu duorum Coepiscoporum Regni ejusdem tunc in Regno ipso præsentium, super his satisfacere forte contempserint, poenis expressis superius ipsos decernimus subjacere, a quibus absolvi non possint sine mandato Sedis Apostolicæ speciali. Assumendi autem in Barones, Consiliarios & alios Officiales publicos, seu etiam jam assumpti, si eorum, quæ juraverint, fuerint transgressores, nisi exinde infra mensem satisfecerint competenter, Laici eo ipso sententiam excommunicationis incurrant, Clerici vero & eadem ligati sententia, & obtentis beneficiis sint privati, & inhabiles ad alia obtinenda.

Pene in Reges  
inobedientes.Et Barones,  
& Officiales.

Clasula.

Nulli ergo omnino hominum liceat hanc paginam nostrarum constitutionis, ordinationis, & provisionis infringere vel ei ausu temerario contraire. Si quis autem &c.

Dat. die 4. Septembris.  
1275.  
P. an. IV.

Datum Bellicadri secundo nonas Septembris Pontificatus nostri Anno IV.

(a) Tot enim menses & dies, computando & diem electionis, & diem mortis, eum sedisse scribit Ptolomeus Lucensis.



## I.

Innocentius fideles encyclicis literis adeptæ dignitatis certiores facit, ac Præsules ad operam pro re christiana tuenda conjungendam excitat.

Ex Raynald.  
ad ann. 1276.  
§. 17.

Innocentius Episcopus, Servus Servorum Dei,

De Gregorii  
PP. obitu, ac  
Conclavi.

**N**uper Sanctæ, ac venerandæ memoriæ Gregorio Papa Patre, ac Prædecessore nostro, in continuatione laborum, quos ad Dei prosequenda servitia solers & devotus assumpserat; nobisque, tunc Ostiensi Episcopo, ac aliis nostris Fratribus, quos tam in Urbe, quam circa ejus confinia, jam diversa loca receperant, tribus tantum ex illis existentibus circa ipsum, de ultramontana redeuntibus regione, ac eodem Prædecessore apud Aretium Civitatem Tuscię in infirmitate diebus aliquibus deductus de hoc sæculo nequam, quod eo dignum forte non erat, erepto, & ipsius corpore cum exequiarum solemnitate debita tumulto; licet in Pastoris substituendi processu eorundem fratrum absentia, satisque longa distantia, difficultatem non modicam communi hominum judicio juvaret; illo tamen, ut firmiter credimus, eorundem Fratrum corda tangente, cui facile est distincta conjungere, ac etiam inter se distantia insimul adunare, nos, Fratres iidem omnes, quibus id personarum suarum status indulset, sponte ac celeriter convenimus in Civitate prædicta: & in omni mansuetudine spontanea palatium, in quo idem Prædecessor habitabat, pridie ante festum beatæ Agnetis intrantes, in ipso festo summo manę Missarum solemnibus in honorem Sancti Spiritus celebratis ex more, ipsiusque gratia votis invocata supplicibus, concorditer ad celebrandam electionem instantem scrutinii viam elegimus; & assistente ipso benigno sapientiæ spiritu, qui devote se invocantibus, *ecce adsum*, solet dicere invocatus, cujus gratia molimina tarditatis ignorat; primo celebrato & publicato scrutinio (quod tamen nequaquam aliud, sicut nec oportuit, est secutum) in humilitatem nostram, Dei providentia, seu permissione mirabili, nobisque nimium terribili, & stupenda, idem Fratres nullo discordante unanimiter concordarunt; Nobis ad summi Apostolatus evocatis apicem, & ipsius onus giganteis etiam tremendum humeris, nostris debilibus imponentes.

Quo die ad  
Pontificatum  
evehus sit.

O mira Dei omnipotentia! O admirabilis divinæ providentiæ in sui dispositione infallibilis magnitudo! Quis divitiarum sapientiæ, ac scientiæ tuæ altitudinem admirari? quis comprehendere tua miranda judicia? quis investigare sufficiat investigabiles vias tuas? Ecce id, non interjecto quasi horæ unius interstitio, perfecisti, ad quod alias persæpe diffusi temporis spatium vix perfecit. Ecce longe distantes ab invicem corporibus coadunasti celeriter, & in eo ipsorum animos quasi subito conjunxisti, in quo alias cohabitatione conjunctos longa dissensio separavit. Hæc profecto, pie Jesu, tui sunt muneris, tui doni, qui pacis & unitatis amator utrumque unum faciens, a diverso venientes

partes unis. In iis itaque licet nos gravis, nec immerito, stupor invaserit; ejus tamen, quem ipsorum auctorem fideliter supponimus, & humiliter confitemur, considerata clementia, confortavit: ut quamvis injuncti oneris molem insufficientia nostra refugeret; de superabundantia tamen plenitudinis suæ confisi, ei nostræ imbecillitatis subjecerimus imperfectum, sperantes, quod operi manuum suarum dexteram porriget; nec nos impremeditatum & inscium dispositione sua, in tam profundi maris altitudine positum, derelinquet. Ad quod promptius obrinendum, vestrorum suffragiorum, opitulationem requirimus: studiosam in hoc opem, & operam affectamus, universitatem, vestram affectuose monentes, rogantes, & quæ possumus instantia exhortantes, quatenus, pensato consultius, quod in partem estis tantæ sollicitudinis evocati, in gregibus curæ vestræ commissis pro viribus solliciti Pastoris partes satagentes implere, Moyssi manus debiles; cujus, licet insufficientibus meritis, Typum in Domini populo gerimus, vestris intercessionibus sustentatis; apud illum, qui hujusmodi nobis onus imposuit, devotis precibus insistentes, ut non patiatur ipsius mole nos opprimi, ipsius pressura subterni; sed debilitatem nostram suo robore fulciat, suæque virtute confortet, ut sic in commissi executione regiminis ejus prosequamur beneplacitum, quod æternæ retributionis gloriam & sequamur attentius, & de suæ benignitatis gratia efficacius consequamur. Cæterum, Fratres, & filii, affectum vobis charitativæ benignitatis expandimus, & sinum charitatis solidæ aperimus, proponentes, quantum cum Deo poterimus, honori vestro deferre, ac vestra & Ecclesiarum vestrarum commoda, pro quibus ad nos recurrere cum securitate poteritis, in promptitudine benevolentia promoveri.

Fidelium  
preces apud  
Deum im-  
plorat.



HADRIANUS V.

PAPA CLXXXVI.

ANNO DOM. MCCLXXVI.



**H** Adrianus, antea Othobonus, patria Genuensis, S. R. E. Cardinalis Diaconus S. Hadriani, electus est Summus Pontifex die 12. Julii anno 1276. statim post electionem suam ex Urbe Viterbium cum concesserit, ibidem, nondum Presbyter, nec Pontifex ordinatus, obiit die 18. Augusti anni ejusdem & sepultus est in Ecclesia Fratrum Minorum. Sedit itaque mensem unum dies septem: vacavitque post ejus mortem apostolica Sedes fere per mensem.

JOANNES XX. dictus XXI.

PAPA CLXXXVII.

ANNO DOM. MCCLXXVI.



**P**etrus, natione Lusitanus, Juliani filius, S. R. E. Cardinalis Episcopus Tusculanus, electus est in Romanum Pontificem die 15. Septembris 1276. solemniterque de more coronatus die 20. ejusdem, Joannes voluit appellari. Sedit in Pontificatu menses viij. (a) Imperantibus in Oriente Michael Paleologo, in Occidente Rodolpho Rege Romanorum. Obiit Viterbii die 16. Maii 1277. & sepultus est in Ecclesia S. Laurentii. Vacavit Sedes menses vi. dies viij.



## I.

**D**ecretum, quo Adrianus V. Gregorii X. de inclusione Cardinalium in Conclavi pro facienda Pontificis electione Constitutionem suspenderat, confirmatur.

Ex Raynald.  
ad ann. 1276.  
§. 29.

Joannes Episcopus, Servus Servorum Dei.  
Ad perpetuam rei memoriam.

Facta a Gregorio de Conclavi lex.

Ab Adriano suspensa.

§. 1. **L**icet felicitis recordationis Gregorius Papa Prædecessor noster, pia meditatione considerans, quantum sit onusta dispendiis, plenaque periculis Ecclesiæ Romanæ prolixa vacatio; & vigilanter intendens, super hoc de opportuno remedio providere, quandam super electione Romani Pontificis constitutionem ediderit in concilio Lugdunensi; quia tamen experientia docuit, constitutionem eandem multa intolerabilia, nonnulla obscura, & propter hoc acceleracioni provisionis ejusdem Ecclesiæ valde damnosa, immo etiam provisionis ipsius impedimenta, & dilationem ingrentia continere; piæ memoriæ Adrianus Papa Prædecessor noster, diligenter præmissa considerans, & residens in Camera sua Lateranensi, in consistorio, nobis & aliis Fratribus suis, de quorum numero tunc eramus, præsentibus; bonæ memoriæ V. Prænestino Episcopo, V. S. Eustachii Diacono, & dilectis filiis, G. tit. S. Marci Presbytero tunc infirmitate detentis, ac S. tituli S. Cæciliæ Apostolicæ Sedis legato Presbytero Cardinalibus dumtaxat exceptis; constitutionem eandem, quo ad omnem ipsius effectum, quidquid posset contingere, solemniter & absolute suspendit; & quamvis post ejus obitum nos & dicti Fratres, qui tunc supererant, & præsentis etiam in Romana Curia, suspensionem hujusmodi non solum verbis, sed litteris etiam nostro, & eorundem sigillis munitis, concorditer testaremur; nonnulli tamen corda contumacia in damnatam superbiam erigentes, adhibere fidem nostro testimonio contempserunt; aliis etiam infrunitis animis suggerentes hujusmodi nostro testimonio non esse credendum: quamquam insuper aliquorum habet assertio, eundem Prædecessorem Adrianum in lecto ægritudinis decumbentem suspensionem revocasse prædictam; Nos tamen & iidem Fratres frequentes & diligentes super hoc inter nos collationes habuimus; & non solum ab iis, qui revocationis hujusmodi consciis dicebantur, sed ab aliis ejusdem Prædecessoris Adriani Familiaribus, & aliis etiam studuimus veritatem frequentissime indagare; nec invenimus eundem Prædecessorem Adrianum ad revocationem prædictam aliquatenus verbo, vel litteris processisse.

Quomodo fuerit suspensa.

§. 2. Nolentes itaque, nec valentes, urgente conscientia, quæ nos maximè in tali ac tanto articulo veritatem occultare non finit, præfata suspensionem dictæ constitutionis ratam, ut expedit, non haberi; vel ipsam de cætero quomodolibet in dubium revocari; suspensionem ipsam ab eodem Prædecessore Adriano factam fuisse, ut præmittitur præsentium tenore testamur; ac ipsam nihilominus ratificantes,

Illius exemplo ad tempus abrogatur.

& ratam haberi volentes, revocatione prædicta, cum nulla de ipsa fides haberi potuerit, nonobstante, constitutionem eandem, quoad omnem suum effectum, de Fratrum ipsorum consilio decrevimus esse suspensam. Cæterum aperte prædicimus, quod nec nostræ, nec fratrum ipsorum intentionis existit, ut solum in ejusdem constitutionis suspensione, seu abolitione sistamus; Sed ad tollendas occasiones diffusæ vacationis ejusdem Ecclesiæ, ac celeritatem provisionis ipsius, prout eadem intendebat constitutio, competenter inducendam, sic intendimus præfata constitutioni, & dicti Prædecessoris Gregorii, conditoris ejusdem, intentioni concurrere, ac Deo Ductor Fratrum ipsorum consilio salubriter in proximo providere, quod cum dispositione divina casus emerferit eidem Ecclesiæ, sublatis impedimentis quibuslibet, celeriter desiderata provisio, prout mundi necessitas exigit, valeat provenire. Nulli ergo &c.

Datum Viterbii secundo Kalendas Octobris Pontificatus nostri a mo l.

Dat. die 10.  
Septembris  
1276. P. an. l.

## I I.

Encyclicæ Joannis XXI. ad fideles  
de sua promotione literæ.

Joannes Episcopus Servus Servorum Dei.

**F**elicitis recordationis Adriano Papa Prædecessore nostro post promotionem suam ad Summi Apostolatus apicem breviter numero vitæ suæ tempora consummante, post exhibita eidem in solemnibus exequiis debita humanitatis obsequia, nos, & Fratres nostri in Episcopali Palatio, Viterbiensi convenimus, electioni substituendi Pontificis, juxta necessitatis instantiam, & fervens nostrum desiderium vacaturi; Et licet diebus aliquibus per importunitatem Viterbiensium Civium, tractatui electionis instantis nec dare possemus initium; postquam tamen illi vacare potuimus, astitit, ut credulitas devota supponit, sapientiæ Spiritus, ex more a nobis & Fratribus ipsis suppliciter invocatus, & prima die de ipsorum Fratrum concordii voto, parique concordia, processit de nobis, tunc Episcopo Tusculano, impremeditatis & insciis, ad Petri Cathedram electio canonica, communis & concors.

In iis itaque stupemus non immerito, pariter & tremur. Nonne stupor, nonne tremor, quod nos, qui tutioris semper putavimus esse consilii, secure in Domo Domini abiici, quam periculose super aliorum curam & regimen elevari, sic subito in maris altitudinem venimus? Et dum ad injuncti oneris sarcinam insufficientes virtutum sumptus dispungimus, & vires impares comparamus, ab illius nec indigne timemus tempestate demergi: hæc efficaciter suggerebant, ut in vocatione, in qua nos vocaverat Dominus, maneremus, & debilitas onus refugeret, ac opus insufficientia nostra vitaret. Verum, quia merces laboribus commensuratur, & redditur; propter quod Doctor & Prædicator egregius, non de profectu

Ex Raynald.  
Continuat.  
Annal. Tom.  
XV. pag. 255.

Cardinales in  
Palatio Viterbiensi Pontificem electuri conveniunt.

Quomodo ad Sedem Apostolicam evectus.



ctu glorians, sed veraciter suos labores attestans: Non, inquit, plus omnibus profeci, vel profui, sed plus laboravi, licet deterreret onus & labor; ad subeundum tamen jugum Apostolicæ servitutis, & in ea pro viribus laborandum merces retributionis æternæ unius cujusque, nisi aliud misericordia retribuentis indulgeat commensuranda laboribus, invitavit, & sub illius fiducia, qui lasso virtutem subiicit; cujus solius sufficientiæ plenitudo nostros sufficit supplere defectus; debiles humeros tanto subjecimus oneri, nec expavimus manus exponere immensitati laboris.

Cæterum, quia supra vires nostras esse, conspiciamus susceptum officium, illudque soli portare nequimus, orationum vestrarum suffragia humiliter imploranda, & vos in partem sollicitudinis evocatos collaborando nobiscum, diligentius exequamini commissa vobis officia, decrevimus exhortandos. Ideoque universitatem vestram monemus, & hortamur in Domino, vos nihilominus rogantes instanter, quatenus preces humiles, devotas, & sedulas frequenter fundatis ad Dominum, ut sua pietate nostram insufficientiam suppleat, debilitatem fulciat; nobisque, quod est onerosum, leviget, quod obscurum suæ claritatis luce revelet, & aspera convertat in plana: sicque vota nostra præveniando clementer aspiret, & misericorditer adjuvando benignus prosequatur, quod zelus noster semper in ipsius beneplacitis ferveat, nec unquam in illorum executione torpescat; Vos quoque, quos de gregibus diligentiae vestræ commissis Pastoralis officii cura sollicitat, sic diligenter illud studeatis implere, quod cum discussio venerit, & exacti fueritis pro illis reddere rationem, non solum illam cum securitate reddatis, sed & exigentis mereamini gratiam; & interim in vestris Ecclesiarumque vestrarum negotiis, super quibus potestis ad nos cum securitate recurrere, Apostolicæ Sedis propitium sentire favorem.

Datum Viterbii, nonis octobris Pontificatus nostri anno primo.

Commendat  
se fidelium  
precibus.

Datum die 7.  
Octobris an.  
no Domini  
1276. Pontif.  
anno I.

## NICOLAUS III.

P A P A CLXXXVIII.

ANNO D. MCCLXXVII.



**N**icolaus III. natione Romanus, antea Joannes Cajetanus de Urfinis, Cardinalis Diaconus S. Nicolai in Carcere Tulliano, electus est Viterbii summus Pontifex die 25. Novembris 1277. Romæque consecratus die 26. Decembris anni ejusdem. Sedit in Pontificatu a die electionis Annos II. Men. IX. uno die minus: a consecratione Annos II. Men. VIII. duobus diebus exceptis Imperantibus in Oriente Michael Paleologo, in Occidente Rodolpho Rege Romanorum. Obiit apud Surianum die 22. Augusti anno 1280. Corpus Romam translatus tumulatur in Basilica B. Petri in capella B. Nicolai. Vacavit Sedes Men. VI.



## I.

Encyclicæ Nicolai literæ de sua in Summum Pontificem electione ad Galliæ Prælatos.

*Ex Regest. Vatic.* Nicolaus Episcopus, Servus Servorum Dei, Venerabilibus Fratribus, Archiepiscopo Senonen. & Episcopis, ac Dilectis Filiis, Abbatibus, ac aliis Ecclesiarum Prælatibus, per Senonen. Provinciam constitutis, salutem & Apostolicam benedictionem.

**I**mmensa Deus potentie, qui Mundum per se condidit, per se regit; nec eget extrinsecus quasitis auxiliis ad regendum, qui non eguit ad condendum. Quem enim (Sacra Scriptura testante) alium constituit super terram, aut quem alium posuit super eum, quum fabricatus est Orbem? Profecto nullum; sed ipse solus regiminis & gubernationis est Princeps, qui creationis extitit solus auctor: ipse quidem Ecclesiæ Catholicæ, peculiaris procul dubio domus suæ, peculiaris etiam Civitatis solus ædificator, & custos, ad cuius sine ipso custodiam seu structuram frustra ædificantes alii laborem assumerent, frustra custodes cæteri vigilarent; tanto magis ea specialis regiminis, & custodiæ cura prosequitur, quanto majori singularitate construxit. Si quidem cætera verbo creans, dixit, & facta sunt: Ecclesia vero non solum verbi expressione, sed & sui pretiosi sanguinis effusione fundavit. Ad hujus autem specialitatis evidentiam discipulis suis, quos ejusdem Ecclesiæ fecit velut præcipua fundamenta: *Ego*, inquit, *vobiscum sum usque ad consumationem sæculi*, suæ virtutis assistentiam repromisit & ipsi Ecclesiæ in Apostolorum Principe, cui cujusque Successoribus commisit ejusdem regiminis Vicariam, ait: *Ego pro te rogavi Petre, ne deficiat fides tua*: eandem insuper Vicariam sic esse voluit vicissitudinariæ successionis continuatione perpetuam, ut quamquam ipsi Vicarii ex humanæ fragilitatis conditione legi mortalitatis addicti, vitæ præsentis occasum imperio mortis incurrerent; ipsum tamen Vicariatus officium substituendorum vicibus immortale in perpetuum remaneret. Proinde sæpefata mater Ecclesia interdum utili desponsata Pontifici, nuptialibus ornata monilibus, sub sponsi sui ducatu, ejusdem Rectoris omnium dirigente potentia, læta deducitur: Interdum vero in Pastoris subtracti carentia, viduitatis amictu circumdata, oculis resolutis in lacrimas ejus sibi queritur adempta solatia, lamenta de illius subtractione multiplicat, & anxia pro alterius substitutione laborat: eo quamprolixius, quo iis, quorum interest, cum omni diligentia solerter ac instanter ejusdem Ecclesiæ provisioni vacantibus, nihilo minus tamen vacationis prolixitatem ingerit occurrentium casuum qualitas, aliarumque circumstantiarum necessitas, non instantium, negligentia, vel voluntas. Et licet interim eadem Ecclesia, dum ad editionem Spirituallis Patris, filii, sponsique votivam enititur,

parturientis partes experiens, conatus prosequens, & molestias perferens, acerbos dolores sentiat; instar illius tamen consultius idoneum pariendi tempus expectat, ne inconsulte festinantia impetum partum præcipitet in abortum. Oh igitur præsumptuosa Judicia murmurantium in Ecclesiæ provisione, quam sæpe indigne arguunt tarditate! nam & si de providendo utiliter eidem Ecclesiæ in generalitate quadam sint eligentium vota concordia; tamen dum singulariter ad id persona idonea quaritur, in hoc nimirum quærentium judicia facile non concordant. Sed & nonnumquam occulta forsân Dei dispositione postponendus eligitur, & postponitur præferendus: sicut his accidisse diebus ex nostrorum defectuum consideratione supponimus, & humiliter confitemur.

Nuper enim felicitis recordationis Joanne Papa Prædecessore nostro apud Viterbium, ubi tunc cum sua Curia residebat, ab hac luce subtracto, & ipsius Corpore in Viterbiensi Ecclesia cum Exequiarum solemnitate debita tumultato; tandem nos & Fratres nostri, quibus nos tunc officii quoad hoc annumerabat æqualitas, in Palatio Episcopali convenimus, propensiores diligentiam consideratæ provisioni ejusdem Ecclesiæ impensuri. Et quamquam ille, qui Cælesti dat concentui armoniam, nos sub clausura eadem habitantes in unum ad utilem provisionem ipsius Ecclesiæ obtinendam, prout singulorum habebat assertio, unanimes fore sua pietate concesserit, ad consumationem tamen provisionis ejusdem alto suo & secreto Consilio dare aliquamdiu distulit spiritum unitatis. Sed demum in die Beatæ Catharinæ, Missarum, solemnibus cum invocatione Sancti Spiritus celebratis, iidem Fratres in humilitatem nostram (utinam non exorbitante judicio) per viam Scrutinii concordantes, nos tunc Sancti Nicolai in Carcere Tulliano Diaconum Cardinalem, ad conscendendam apostolicæ dignitatis speculam unanimiter elegerunt: nobis vestem ponderis universum orbis ambitum continentem non offerentes tantummodo, sed etiam cum importuna instantia ingerentes. Verum, ut rei gestæ seriem succintus sermo pertranscat, ne, dum defectus eosdem ad humiliationem nostram gestimus exprimere, sub humilitatis specie notam elationis seu qualiscumque jactantiæ ingerat seriosa repetitio veritatis; nos gradus, altitudinem, & oneris imminenti tantæ altitudinis ascensuri molem, nobis in Cardinalatus officio experientiæ longæ participio non ignota, in attenta meditatione pensantes; eligentium & offerentium instantiæ insufficientiæ nostræ imparitatem objecimus, debilitatem nostram dictante conscientia oblati imparem, cum repetita multis relaxationis supplicatione humili allegantes.

Cumque nec sic cessaret instans fratrum importunitas eorundem, sed vim inferens nostro proposito vehementius Collegii jussus urgeret, nosque violentiam patientes clamaremus lacrymis, nec esset, qui auditu exauditionis audiret, vociferaremur gemitu, nec foret

Ut defuncto Joanne XXI. Cardinales de succedere eligendo tractarent.

Diem electionis suæ significat.

Ut invitius Pontificatum acceperit.

Specialis Dei de Ecclesiæ cura, & custodia.

Ac præsertim Sede vacante.



Spem in Deū  
conjecerit ,

ret qui remissionem injuncti oneris benigno iudicio indulgeret ; ad illum oculos mentis ereximus , qui , sicut præmittitur , Ecclesiam , quam per se fundavit , non negligit regere per se ipsum ; sed quam pie condidit , pie regit ; & quamquam de insufficientia nostra timentes , de superabundantia tamen omnipotentiae suæ confisi , humeros summo super humerali subiecimus , & humiliter jugum subivimus Apostolicæ servitutis : sperantes , quod ipse , qui Petri pedibus maximos vortices inclinavit , ut iter liquidum humanis gressibus solidum præberet obsequium , nobis , quos licet indignos illi sua constituit dignatio successorem , in nostri executione ministerii humiliabit per suæ virtutis potentiam colla tumentia superbiorum , & lapsus in delicta labentium cohibendo , eos in bonorum stabilitate operum solidabit.

Præfatum pro  
se ad Deum  
preces expo-  
scit .

Ad quod efficaciter obtinendum attente orationum vestrarum suffragia imploramus , universitatem vestram monentes , rogantes , & obsecrantes in Domino Jesu Christo , quatenus diligentius attendentes , quod ad tanti ponderis sarcinam supportandam pervigiles cooperatiores esse vos exigit , vobis in vestris Gregibus sollicitudo commissa in huiusmodi cooperationis ministerio exequendo super Greges eosdem sollicitè vigilantes debilitati nostræ devotarum orationum & placationum , uberum frequentibus oblationibus assistatis , ab eo , qui vobis sarcinam eandem imposuit , seu pondus forsan imponi permisit , supplicationibus devotis & sedulis implorantes , ut , qui ex eisdem nostris defectibus sub illius onere premimur , ipsius munere sublevemur : nobisque ipse bonorum largitor omnium sic illam ad sui nominis laudem & gloriam , nostram Populique sui salutem portare sua pietate concedat , quod eadem pia mater Ecclesia filios suos numero & merito nostris multiplicari temporibus gloriatur .

Caterum Fratres & Filii affectum vobis charitativæ benignitatis expandimus , & sinum Charitatis solidæ aperimus , proponentes , in quibus cum Deo poterimus , honori vestro deferre , ac vestra , & Ecclesiarum vestrarum Commoda , pro quibus ad nos recurrere cum securitate poteritis , in promptitudine benevolentiae promovere .

De Portitoribus  
Literarum  
huiusmodi .

Cum autem , sicut intelleximus , Portitores huiusmodi Literarum interdum esse consueverint contra intentionem mittentium exactores ; nunc importunæ petitionis instantia , nunc etiam murmurationum sussuriis , ac defectionum & querelarum comminationibus exigendo , scire vos volumus , quod nostræ intentionis existit , latoresque præsentium jurare fecimus , quod ad exigendum , vel obtinendum aliquod præter ea , quæ ad victum & ob firmitatis ac alios casus necessaria , per alias eis sub certa forma literas , quas vobis exhiberi mandamus , ministrari præcipimus , talibus instantiis , murmurationibus , detractationibus , seu Comminationibus non utantur ; Nec recipere per instantias , murmuraciones , vel Comminationes huiusmodi oblata præsumant : ideoque , ut nostris in hoc intentioni , ac benepla-

citis concurratis , præfatis eorum abusionibus , cæterisque similibus , si forsan eis , quod non est verisimile , uti præsumerent contra proprium juramentum , contemptis , omnino vos ultra præmissa ipsius nostro ministranda mandato tribuendo aliquid non gravetis : Cum non per extorsiones huiusmodi , sed alias retributione congrua intendimus ipsorum laboribus respondere .

Datum Romæ apud Sanctum Petrum decimo octavo Kalendas Februarii Pontificatus nostri anno I.

Dat. die 15.  
Januar. 1278.  
P. an. I.

## I I.

Quod absque Summi Pontificis licentia speciali Senator Urbis minime eligatur .

Nicolaus Episcopus Servus Servorum Dei .  
Ad Perpetuam rei memoriam .

**F**undamenta militantis Ecclesiæ in Montibus Sanctis Propheta rememorans per montes Apostolos , & Prædicatores potenter insinuat , quibus tota hujus ædificii fabrica confidenter innititur , qui firmæ bases Ecclesiæ super fundamento , præter quod nemo aliud ponere potest , quod est Christus Jesus , veluti summo angulari lapide solidantur ; ut veritas , quæ antea legis & Prophetarum præconio vehebatur , per Apostolicam Tubam in salutem Universitatis exiret : sicut scriptum est , in omnem Terram exivit sonus eorum , & in fines Orbis Terræ verba eorum . Hujus autem muneris Sacramentum ita Dominus ad omnium Apostolorum voluit Officium pertinere , ut in Beato Petro Apostolorum omnium summo principaliter collocaret , ut ab ipso quasi quodam capite Dona sua velut in corpus omne diffunderet . Hunc enim in Consortium individuae unitatis assumptum , id quod ipse erat , Dominus voluit nominari , dicendo , Tu es Petrus & super hanc Petram ædificabo Ecclesiam meam , ut æterni Templi structura Deo ædificante constructa mirabili munere gratiæ Dei in Petri consisteret firmitate : Cui Salvatoris nostri miranda provisio Beatum Paulum in Apostolatu Gentium per dexteras societatis adjunxit . Isti sunt , per quos Evangelium Romæ resplenduit : Isti sunt ejus Patres , verique Pastores : Isti sunt , qui una , promerito uno loco pro gloria sub uno persecutore pro parili virtute compassi , Urbem ipsam glorioso cruore Martirii Christo Domino consecrarunt ; Isti sunt qui illam in hanc gloriam provexerunt , ut sit gens sancta , Populus electus , Civitas Sacerdotalis , & regia , per sacram Beati Petri sedem caput totius Orbis effecta . Ne autem ipsa mater Ecclesia in Congregatione ac Pastura Fidelium temporalibus careret auxiliis , quin potius ipsis adjuta spiritualibus semper proficeret incrementis , non absque miraculo factum esse concipitur , ut occasionaliter Constantini Monarchæ a Deo prævisa sed curata Baptismalibus Fomentis infirmitas quandam quasi adiceret ipsi Ecclesiæ firmitatem , qui quarto die sui Baptismatis una cum omnibus satrapis , & universo Senatu , Optimatibus et-

Ex Regestis  
Vatic.

Proemium .



Pontificibus  
donata Roma  
cum imperio.

etiam, & Cuncto Populo, in Persona Beati Silvestri sibi Romanam Urbem concedendo, relinquens ab eo & successoribus ejus per Pragmaticum Constitutum disponendam esse decernens in ipsa Urbe utriusque Potestatis Monarchiam Romanis Pontificibus declararet, non justum arbitrans, ut ubi Sacerdotis Principatum, & Christianæ Religionis caput Imperator Cælestis instituit, illic Imperator terrenus habeat potestatem: quin magis ipsa Petri Sedes, in Romano jam proprio solio collocata, libertate plena in suis agendis per omnia potiretur: nec ulli subesset homini, quæ ære divino cunctis dignoscitur esse prælata. Decet namque ipsi Romano Pontifici per Fratres suos Sacrosanctæ Romanæ Ecclesiæ Cardinales, qui sibi in executione officii Sacerdotalis Coadiutores assistunt, libera provenire consilia. Decet ipsi nullo modo vacillare Judicia, ut Fratres ipsos nullus sæcularis potestatis metus exterreat, nullus temporalis favor absorbeat, nullus eis terror imminet, nihil eos a veri consilii soliditate removeat, quin cum per ipsum Romanum Pontificem in quibuscumque negotiis contingeret eorum peti consilia in consulendo per omnia liberi eidem Romano Pontifici in omnibus, quæ pro tempore imminet, libere consulant, & assistant: ipsaque Romani Pontificis Vicarii Dei, quæ suis temporibus occurreret electio, & eorumdem Cardinalium, cum expediet facienda promotio, in omni libertate procedant.

Damnâ Urbis a  
dominio ex-  
teriorum illa-  
ta recenset.

§. 1. Digne itaque ad Urbem ipsam, ejusque regimen aciem nostræ considerationis extendimus, ut felici ducta regimine præservetur a noxiis, & optatis semper proficiat incrementis. Num quid obduxit oblivio, quæ Urbi, quæ incolis nota dispendia intulerunt hætenus peregrina regimina? Num quid non hæc destructio manium & deformatio proveniens ex ruinis luce clarius manifestant? Num quid non hæc fidelium contrectata deposita? Num quid non hæc ipsa veneranda Dei Tempia Præsidentis manu sacrilega diebus nostris nefarie violata proclamant? Quid plura? nonne ipsius Urbis retroactis temporibus incorrupta constantia sub Regentis eo tempore nefando subversa regimine ipsam, Urbem speculum Fidei tanta resperxit infamia, ut a Matre sua Romana Ecclesia filia prædilecta deviare compulsâ quondam Corradinum, qui de venenosa radice Friderici quondam Romanorum Imperatoris Colubri tortuosi iusto ipsius Ecclesiæ judicio reprobati prodiiisse videbatur in Regulum, quique ad exterminium Romanæ Matris Ecclesiæ manifestis indiciis unacum suis fautoribus aspirabat in contemptum Dei, suæ Matris ac ipsius Urbis opprobrium, patenter exciperet, recepto faveret, constituens se per hoc tam patientis hostis suæ Matris Ecclesiæ Filiam adjutricem? Hæc ipsi Romæ præstiterunt Senatores incogniti; hæc Præsides improvisi, ut gloriosa Civitas redderetur ingloria, sua stabilitas vocaretur instabilis, suæque constantiæ antiquata soliditas linguis hominum notaretur infirma.

§. 2. Proinde officii nostri debitum circa hujusmodi tam periculosos eventus ad libram moderaminis erigentes tantæ subversionis occasiones ita salubrii remedii appositione præcidimus, ne illorum, qui ipsam Rempublicam laudabiliter

hætenus gubernarunt, videamur gloriam fuggillare, vel merita, quæ illis apud infallibilem & omnia scientem retributorem de jam perlatis quæsitâ laboribus salva persistunt. Ut igitur circa regimen ipsum talis adhibeatur in omnibus cum discretione solertia, per quam ipsi Romanæ Ecclesiæ plena libertas, quæ in omnibus & per omnia sibi debetur, optata proveniat, vitentur jam experta pericula, & Romanorum Populus ab opprimentium protectus incurfibus sedeat, sedendo quiescat in pulchritudine pacis, in tabernaculis fiduciæ, & temporalium requie opulenta; de Fratrum nostrorum consilio hac irrefragabili & in perpetuum valitura Constitutione sancimus, ut quandocumque, & quotiescumque Senatoris electio, vel alterius quocumque nomine censeatur, qui quocumque modo, quocumque titulo ipsius Urbis debeat præesse regimini, imposterum imminet, nullus Imperator, seu Rex Romanorum, aut alius Imperator, vel Rex, Princeps, Marchio, Dux, Comes, aut Baro, vel quis alterius notabilis præminentia, potentia, seu potestatis, excellentia, vel dignitatis existat Frater Filius, vel Nepos eorum ad tempus, vel in perpetuum, seu quivis alius ultra animale spatium quovis modo, colore, vel causa per se, vel per aliam personam quomodolibet submittendam in Senatorem, Capitaneum, Patritium, aut Rectorem, vel ad ejusdem Urbis regimen, seu officium nominetur, eligatur, seu alias etiam assumatur, absque licentia Sedis Apostolicæ speciali, per ipsius Sedis literas concessionem licentiæ hujusmodi specialiter exprimentes: quod si secus factum fuerit, nominationem, electionem, & assumptionem hujusmodi decernimus esse nullas, ac carere omni robore firmitatis: & non solum nominatores, electores, & assumptores; verum etiam ipsi nominati, electi, aut assumpti, si hujusmodi nominationi, electioni, seu assumptioni consenserint, aut se de ipsis quomodolibet intromiserint, intendentes, & obedientes eisdem, & omnes dantes in hoc ipsis nominatoribus, electoribus, assumptoribus, aut nominatis, electis, vel assumptis auxilium, consilium, vel favorem publice, vel occulte, cujuscumque dignitatis, præminentia, conditionis, aut status extiterint, eo ipso sententiam excommunicationis incurrant: ac nihilominus ipsos nominatos, electos, seu assumptos si contra præsentem Constitutionem prædictis nominationi, electioni, vel assumptioni consenserint, aut se quoquomodo illis ingesserint, & eorum Posteris in perpetuum omnibus Feudis, Privilegiis, libertatibus, immunitatibus, gratiis, & honoribus, quæ a prædicta, seu aliis tenent Ecclesiis, censemus esse privatos: ita quod illi, ad quos eorum collatio, concessio, seu dispositio pertinet, resumendi ea, retinendi, concedendi, seu conferendi aliis, aut de ipsis etiam disponendi, prout ad eos pertinet, liberam habeant potestatem: & ne taliter nominati, electi, vel assumpti de sua pertinacia, vel contemptu valeant gloriari; nos qualibet mandata, præcepta, ordinationes, & statuta, quæ fecerint, omnesque sententias, quas tulerint, & quidquid penitus

Urbis Senator  
sine licentia  
Papæ non eli-  
gendus.

Pene contra  
secus agentes.



in Contractibus, & obligationibus, five in quibuscumque aliis Urbis nomine vel tamquam Senatores, Capitanei, Patritii, aut Rectores, vel Officiales ipsius egerint, irrita prorsus ex nunc & vacua nunciamus.

Tabellionum  
aliorumque  
contravenien-  
tium pena.

§.3. Iudices vero, & Tabelliones, qui super iis aut eorum aliquibus contra presentis constitutionis edictum patrocinari, vel Instrumenta conficere forte praesumpserint, iudicatus & Tabellionatus officiis se noverint esse privatos. Contemptores quoque, seu violatores praemissorum, vel aliquorum, vel alicujus eorum ab hujusmodi excommunicationis, praeterquam in mortis articulo sententia absolvi non possint, nisi per Romanum Pontificem, vel de ipsius petita & obtenta licentia speciali.

Obstantium  
derogatio.

§.4. Non obstantibus aliquibus Privilegiis, Indulgentiis, Concessionibus, Constitutionibus, Consuetudinibus, & Statutis quacumque firmitate vallatis, quae in praemissis omnibus volumus, aliquibus, vel alicui suffragari: sed omnia quoad illa decernimus non tenere.

Nobiles Ro-  
mani hac le-  
ge excipiun-  
tur.

§.5. Ut autem Cives Romani, qui ex ipsa Urbe naturalem duxisse noscuntur originem, aut quivis alii, qui in ipsa ejusve Territorio non advenae sed continui habitatores extiterunt, quoad honores ipsius Urbis, aut regimen gratiosis functionibus potiantur, non intendimus, quod praesens constitutio tales excludat, quin ad unum annum dumtaxat, vel aliud tempus brevius nominari ad ipsius regimen, & officium eligi valeant ac assumi: etiam si praedictorum Principum & aliorum Fratres, Filii, vel Nepotes existant, aut etiam si extra Urbem, & ipsius Territorium sub nomine Comitatus, Baroniae, seu cujuscumque alterius tituli in hominibus, vel locis aliquibus jurisdictionem, seu potestatem aliquam temporalem vel perpetuam obtinerent: dummodo praedicta jurisdictio vel Potestas extra Urbem & Territorium praefata consistens non tantae praeminentiae, vel notabilis potentatus existat, quod eam obtinentes ejus occasione vel causa cum aliis exclusis a dicto Urbis regimine, ut praemittitur praesentis Constitutionis oraculo, rationabiliter includantur.

Clausula.

§.6. Nulli ergo omnino hominum liceat hanc paginam nostrae Constitutionis & privationis infringere, vel ei ausu temerario contraire; si quis autem &c.

Datum die 18.  
Julii 1278.  
An. I.

Datum Viterbii Quintodecimo Kalendas Augusti Pontificatus nostri Anno Primo.

### III.

De praedicatione verbi Dei, pro conversione Hebraeorum.

Nicolaus Episcopus Servus Servorum Dei.  
Dilecto filio Priori Provinciali Fratrum  
Ordinis Praedicatorum in Lombardia, Salu-  
tem, & Apostolicam benedictionem.

Innumera Dei  
beneficia erga  
Hebraeos.

Vineam Sorec velut electam planta-  
vit dextera Dei Patris, & omne se-  
men verum seminavit in ipsa, angelica custo-  
Bull. Rom. Tom. III. Pars II.

dia sepavit illam, lapides nocivos abiecit ex ea. Hanc de Aegypto in luto & latere, sub jugo Pharaonis oppressam, in signis & prodigiis transferens, dux itineris ejus existens, in terram promissionis adduxit. Vineam enim Domini exercituum domus Israel est, viri Juda delectabile germen ejus. Hanc sic mire translatam, quasi adhuc rudem campum vomere legali proscindens, prophetali doctrina sulcavit, ut & ipsam ad maturam frugem, idest ad regenerationis gratiam prepararet.

§. 1. Sed, pro dolor, peccatorum spinis obsita, nullum imbrem gratiae spiritualis excipiens, quae sperabatur ut vinas educeret, labruscas eduxit: unde sperabatur iudicium, processit iniquitas: unde iustitia, inde clamor. Haec est vinea, in qua fici arbor, scilicet synagoga, Judaeorum plantata, Evangelica veritate describitur; cujus plantator Christus, coetus Apostolicus cultor existit. Haec triplici tempore, quasi tribus annis, ut fructum produceret expectata, infructuosa reperta, cultori succidenda praedicitur. Nam nec tempore circumcisionis ad perfectum deducta est, quia circumcisionem animae non querebat: nec sanctificata per legem, quia per eam tantum carnalia sequebatur: nec tandem justificata per Evangelii gratiam, quia gratiam recipere noluit, quin potius latorem gratiae justum injuste peremit, & quodammodo indurationem Pharaonis excedens, omne curantis & curae refutavit antidotum; adeo ut nec verbis, nec signis, nec Sacramentis, quinimmo nec ipsius Christi, & Dei corporali praesentia molliretur. Multifarie enim multisque modis olim Deus loquens antiquis ipsius synagogae patribus in Prophetis, novissime in fine temporum locutus est ipsis & nobis in Filio, quem constituit heredem universorum, per quem fecit & saecula; sed omnem escam abominata est anima ejus: & idcirco iusto Dei iudicio reprobata, exterminavit eam aper de sylva, & singularis ferus depastus est eam. Ablata est sepes ejus, prosternata maceries, & in direptionem posita ut deserta; nec inventus est in terris amplius locus ejus. Verum quia miserationes Dei super omnia sua opera praedicantur, qui omnes salvos fieri, & neminem vult perire, qui se ipsum pro nobis & ipsis hostiam salutis exhibuit Deo Patri: qui exaltatus a terra, expansis in cruce manibus, ad se cuncta trahere evangelica voce praedixit.

Excitata ta-  
men semper  
fuit eorum  
durities.

§. 2. Nos, licet immeriti, vicem ejus tenentes in terris, qui etiam Judaicam perfidiam, a sua misericordia non repellit; libenter pro illius populi obsecratione labores appetimus, ut affectum nostrum divina prosequente clementia, cognita veritatis luce, quae CHRISTUS est, a suis tenebris eruantur. Porro quia Judaeorum ipsorum, quasi per universum Mundum, divino iudicio, praevisa dispersio, ipsos ad recipiendum sacramenta fidei, ac doctrinam commode in unum convenire non patitur, necessitate nos voluntarios urgente compellimur, per diversas Mundi partes diversos seminatores eligere, per quos semen verbi Dei, prout passibile est, spargamus in singulos, quorum salutem universa-  
liter, & singulariter affectamus. Ad te igitur

Jubet, ut praed-  
icetur ver-  
bum Dei, ut  
convertantur.



tur inter alios sub spe divinæ gratiæ mentis nostræ oculos convertentes, cum tui Ordinis claritate reluceas, & credaris ubilibet per opera utilia, & exempla laudabilia fructuosus, & ex data tibi divinitus gratia scire te confidamus, & posse, & fructus uberes in domo Domini germinare, discretioni tuæ per Apostolica scripta mandamus, quatenus confidens in illo, cui proprium est spirituales gratias elargiri, tales umbrarum tenebris obcæcatos, in commissa tibi provincia, per te ac alios fratres tui Ordinis, quos ad hoc honestate morum, experta scientia, probitatis virtutibus, circumspeditione provida, & experientia comprobata idoneos esse cognoveris, & quorum industria atque doctrina divinis donis a Domino fecundata intrepide pro catholica fide reluceat, & sui claritate non titubet, sed tenebrosas mentes radiorum percussione clarificet, & obstinatas cervices reprimat perversorum, Judæos eosdem in terris & locis, in quibus habitant, generaliter & singulariter convocando, semel & pluries, ac toties repetitis instantiis, quoties proficere posse putaveris, prout melius fieri poterit, prædicationibus, salutaribus monitis, & discretis inductionibus, Evangelicis doctrinis informans ipsos, studeas juxta datam tibi à Domino gratiam, fugatis tenebrarum nubibus, ad viam reducere claritatis, ut renati fonte baptismatis, reluceant in lumine vultus CHRISTI, & exinde Chorus angelicus delectetur. Tu quoque ac alii, quos ad prosecutionem tanti negotii duxeris eligendos, perennis boni præmium, nostramque benedictionem & gratiam vobis de bono in melius vendicetis.

Conversi Præ-  
latis & aliis  
comendandi,  
ut humanissi-  
me tractentur.

§. 3. Et ut affectum, quem ad salutem, status ipsorum gerit mater Ecclesia, percipiant per effectum, tu illos ex eis, quos ad susceptionem sacri baptismatis gratia divina perduxerit, Prælatis ac Dominis locorum in quibus tales habitare contigerit, ex parte nostra affectuosissime recommends, ut Deo gratias in recuperata ove deperdita, & filio prodigo redeunte, vitulum exultationis & gaudii exhibentes, eos caritative foveant, favoribus muniant, benigne pertractent, nec ipsos in personis, aut rebus, per Judæos, vel alios indebite molestari permittant, quin potius in omnibus favorabiliter ipsis assistant auxiliis opportunis.

Converti no-  
lentes Papæ  
nuncientur.

§. 4. Sed si forte (quod absit) aliqui ex ipsis, in eorum obstinata perfidia perdurantes, & velut aspis surda suas aures incredulas obturantes, ne tui & illorum, quos ad hæc salutis opera deputabis, vocem audiant, ut de tenebris ad lucem exeant, incantantium sapienter tuas, & per te ad hæc deputandorum fratrum salutes convocationes, aspernantes refugerent, de istis (si tales inveneris) qui sunt, in quibus locis, & sub quorum dominio commorentur, nobis rescribere non omit- tas, ut circa pertinaces hujusmodi, de salu- tari eorum remedio, sicut expedire videbi- mus, cogitemus. Ut autem de præmissis avi- dis nostris conceptibus, juxta nostra desideria satisfiat, frequenter nobis intimare studeas, qualiter commissum tibi negotium prospere-

tur, & qualem fructum seminata repromittant.  
Datum Viterbii II. Nonas Aug. Pont. no-  
stri Anno I.

Dat. die 4.  
Augusti 1278.  
An. I.

## IV.

Excommunicationis, & aliarum poenarum,  
promulgatio in Catharos, Patarenos,  
aliosque hæreticos, ipsorumque fi-  
lios, complices, & fautores.

*Decretas contra hereticos, complices, fautores &c.  
penas legere est in Lucio III. Constit. VIII.  
Tom. III. Par. I. pag. 9. In Innocentio III. Con-  
stit. XLIX. ibid. pag. 116. In Honorio III. Con-  
stit. XLVIII. ibid. pag. 217. In Innocentio IV.  
Constit. II. ibid. pag. 295.*

Nicolaus Episcopus, Servus Servorum Dei,  
universis Christi fidelibus. Salutem & Apo-  
stolicam benedictionem.

**N**overit universitas vestra, quod nos excommunicamus & anathematiza-  
mus universos hæreticos Catharos, Patarenos  
Pauperes de Lugduno, Passaginos, Josefinos,  
Arnaldistas, Speronistas, & alios quibuscum-  
que nominibus censeantur, facies quidem ha-  
bentes diversas, sed caudas ad invicem col-  
ligatas quia de vanitate conveniunt in idipsum.

Excommuni-  
catio hereti-  
corum.

§. 1. Dammati vero per Ecclesiam sæcu-  
lari judicio relinquuntur, animadversione de-  
bita puniendi: Clericis prius à suis ordinibus  
degradatis.

§. 2. Si qui autem de prædictis, postquam  
fuerint deprehensi, redire voluerint ad agen-  
dam condignam poenitentiam, in perpetuo  
carcere detrudantur.

Ipsorum &  
aliorum pena.

§. 3. Credentes autem eorum erroribus  
similiter hæreticos judicamus.

§. 4. Item receptatores, defensores, &  
fautores hæreticorum excommunicationis sen-  
tentia decernimus subjacere. Statuentes, ut,  
si postquam quilibet talium fuerit excommu-  
nicatione notatus, satisfacere contempserit  
infra annum, ex tunc ipso jure sit factus infamis.

§. 5. Nec ad publica officia seu consilia,  
nec ad eligendos alios ad hujusmodi.

§. 6. Nec ad testimonium admittatur.

§. 7. Sit etiam intestabilis, nec testamen-  
ti habeat factionem.

§. 8. Nec ad hæreditatis successionem ac-  
cedat.

§. 9. Nullus præterea ipsi super quocum-  
que negotio, sed ipse aliis respondere cogatur.

§. 10. Quod si forte judex extiterit, ejus  
sententia nullam obtineat firmitatem: nec  
causæ aliquæ ad ejus audientiam perferantur.

§. 11. Si fuerit advocatus, ejus patroci-  
nium nullatenus admittatur.

§. 12. Si Tabellio, instrumenta confecta  
per ipsum nullius penitus sint momenti, sed  
cum auctore damnato damnentur, & in simi-  
libus idem præcipimus observari.

§. 13. Si vero Clericus fuerit ab omni offi-  
cio & beneficio deponatur.

§. 14. Si qui autem tales postquam ab Ec-  
cle.



clesia fuerint denotati, evitare contempserint, excommunicationis sententia percellantur, alias animadversione debita puniendi.

§. 15. Qui autem inventi fuerint sola suspitione notabiles, nisi juxta considerationem suspicionis, qualitatemque personæ, propriam innocentiam congrua purgatione monstraverint, anathematis gladio feriantur, & usque ad satisfactionem condignam ab omnibus evitentur: ita quod si per annum in excommunicatione perstiterint, tunc velut hæretici condemnentur.

§. 16. Item proclamationes aut appellationes hujusmodi personarum minime audiantur.

§. 17. Item Judices, Advocati, & Notarii, nulli eorum officium suum impendant, alioquin eodem officio perpetuo sint privati.

§. 18. Item Clerici non exhibeant hujusmodi pestilentibus ecclesiastica sacramenta; nec eleemosynas aut oblationes eorum recipiant: similiter hospitalarii, aut contemplarii, aut quilibet regulares, alioquin suo priventur officio, ad quod nunquam restituantur absque indulto Sedis Apostolicæ speciali. Item quicumque tales præsumpserint ecclesiasticæ tradere sepulturæ, usque ad satisfactionem idoneam, excommunicationis sententiæ se noverint subiacere, nec absolutionis beneficium mereantur, nisi propriis manibus publicè extumulent, & proiciant hujusmodi corpora damnatorum, & locus ille perpetuo careat sepultura.

§. 19. Item firmiter inhibemus, ne cuiquam laicæ personæ liceat publice vel privatim de fide catholica disputare: qui vero contra fecerit, excommunicationis laqueo innotetur.

§. 20. Item si quis hæreticos sciverit, vel aliquos occulta conventicula celebrantes, seu a communi conversatione fidelium vita & moribus dissidentes, eos studeat indicare confessori suo, vel alii, per quem credat ad Prælati sui, & Inquisitorum hæreticæ pravitatis notitiam pervenire: alioquin excommunicationis sententia percellatur.

§. 21. Hæretici autem & receptatores, defensores, & fautores eorum, ipsorumque filii usque ad secundam generationem, ad nulum ecclesiasticum beneficium seu officium admittantur: quod si secus actum fuerit, decernimus irritum & inane. Nos enim prædictos ex nunc privamus beneficiis acquisitis, volentes ut tales & habitis perpetuo careant, & ad alia similia nequaquam in posterum admittantur. Illorum autem filiorum emancipationem nullius esse momenti, volumus: quorum parentes post emancipationem hujusmodi, ad invium superstitionis hæreticæ via declinasse confiterit veritatis.

Dat. die 3.  
Martii 1280.  
An. III.

Dat. apud Urbem Veterem, V. Non.  
Martii, Pont. nostri Anno III.

## MARTINUS IV.

P A P A CLXXXIX.

ANN. DOM. MCCLXXXI.



**S**imon de Bria vulgo dictus a patria Gallix Provincia, Parisiorum agro vicina, Presbyter Cardinalis tit. S. Cæcilix electus est Viterbii in Romanum Pontificem die 22. Februarii anno 1281. & Martinus IV. appellatus. Consecratur & coronatur apud Urbem veterem die 23. Martii anni ejusdem. Sedet in Pontificatu Annos IV. dies VI. (a) imperantibus in Oriente Michael Paleologo, in Occidente vero Rodolpho Rege Romanorum. Obiit Perusii die 29. Martii 1285. & sepultus est ibidem. Vacavit Sedes dies IV.



## I.

Martini Papæ IV. ad Præsules Catholicos de  
sua promotione in Summum Pontificem  
literæ encyclicæ.

Ex Raynald.  
ad ann. 1281.  
§. 7.

Martinus Episcopus Servus Servorum Dei.

**I**ncomprehensibilia Dei Judicia, & in-  
vestigabiles viæ ejus grandem nimirum  
stuporem considerantibus ingerunt; & causam  
profecto non levis admirationis inducunt. Quis  
enim in illorum consideratione non stupeat?  
Quis non stupendo miretur, & timeat illa ju-  
diciorum secreta cælestium, quorum ordinem  
non datur nosse mortalibus, aut in terra pone-  
re rationem; quorum mysteria mens humana  
nec investigando comprehendere sufficit, nec  
considerando discutere, vel manifestare lo-  
quendo? Quis, inquam, absque stupore ac ter-  
rore latentes quotidianorum eventuum prævi-  
siones attendat? Quis intelligere valeat discre-  
tam lancem æquitatis, qua ille, in quo sibi mi-  
sericordia, & veritas obviarunt; qui Ecclesiæ,  
quam non solum misericorditer, sed mirabili-  
ter suo sanguine pretioso fundavit, & in adeo  
solida firmitate petra inviolabilis stabilivit, ut  
portis inferi, & mortis legibus prævaleret,  
suam in Sanctis Apostolis promisit omnipoten-  
tiam usque ad consumationem sæculi assistri-  
cem; ipsam humano judicio quodammodo de-  
relinquens, eam tam frequentium vacationum,  
& aliquando etiam diffusarum, vexari permit-  
tit incommodis, & substituendi Pontificis ex-  
pectatione languere? Qua ipse idem sapientis-  
simus ponderator, qui sua ineffabili sapientia  
in statera rectissima merita singulorum appen-  
dit, unicuique secundum opera sua reddit, il-  
lius regimen, & si justâ, nobis tamen ignotâ &  
mirandâ libratione dispensans, illud sic librâ  
inscrutabilis dispensationis alternat, ut is sub-  
trahatur interdum, cui suppetebat in abundan-  
tia fortitudo virtutum; cujus vita subditis pro-  
futura sperari poterat, eo ipso longævior, ad  
dandam salutis scientiam plebi suæ; substitua-  
tur vero, qui se potest non indigne fateri & vir-  
tutum inopia debilem, & alias imparem ad  
Summi Pontificis sarcinam supportandam?

Divinæ pro-  
videntiæ com-  
mendatio.

Imparem se  
Prædecessoris  
virtutibus fa-  
cet.

Explicat suam  
in Papam ele-  
ctionem.

§. 1. Hujus modi subtractionem in obitu felicitis  
record. Nicolai Papæ Prædecessoris nostri, cu-  
jus longe lateque fama claruit, emicuit, vita,  
experientia, & prudentia eminebat; eadem  
perpeffa mater Ecclesia viduitatis angustias,  
aliquandiu peramare deflevit; substitutionem  
autem præactæ non absimilem in nostra voea-  
tione ad Apostolatus officium, cujus seriem  
subscripta describunt, nos ex nostrorum consi-  
deratione defectuum, in humilitatis spiritus  
prostemur. Memorato siquidem Prædecessore  
nostro, prout Domino placuit, ab hac luce  
subtracto, ejusque corpore delato ad Urbem,  
ibique in Apostolorum Principis Basilica, ubi  
sepeliri delegerat, cum exequiarum solemnitate  
debita tumulto, nos & Fratres nostri an-  
xii de vacatione ipsius Ecclesiæ, Viterbii, ubi  
tunc Romana residebat Curia, in Episcopali  
Palatio concordi voto convenimus, provisioni

ejusdem Ecclesiæ propensiores daturi operam,  
prout necessitas exigebat. Circa hoc autem plu-  
ribus tractatibus habitis, post aliquanti tempo-  
ris moram, quam casus varii, & diversæ cir-  
cumstantiæ induxerunt, demum in festo Cathedra  
ipsius Apostolorum Principis iidem Fratres  
nostri per viam scrutinii, ad electionem cele-  
brandam electam, concorditer in nos, tunc  
tituli Sanctæ Cæcilie Presbyterum Cardina-  
lem, unanimiter concordantes, ad Summi  
Apostolatus apicem, & ipsius Cathedra nos  
elegere consensum.

§. 2. Quam nos, ut est, speculam existiman-  
tes, eo non immerito altitudinis grandioris,  
quo eidem insidens, constitutus super omnia  
speculator locatus altius, prospectare longius,  
cuncta speculari tenetur attentius, & totius  
orbis ambitum curæ suæ commissi non tam præ-  
sentia, quam providentia circuire, extirpare  
vitia, virtutes inserere, pro viribus Ecclesia-  
rum obviare periculis, providere commodis,  
& saluti specialiter intendere animarum; status,  
eminentiam, & immensitatem imminentis  
oneris pensabamus; tanto ex hujusmodi voca-  
tione redditus proinde magis attoniti, quanto ab  
altioris gradus appetitu fueramus ab olim fixo  
proposito alieni, arbitrati semper tutioris fore  
consilii, nobis altiora non quærere, in Domo  
Domini humiliter habitando de propria salute  
curare, quam periculose super universalem  
omnium curam erigi, & ad tanti fastigii soli-  
tudinem elevari. Hinc insufficientiæ nostræ  
consideratio contrahebat animum, & tanti as-  
sumptione laboris dexteram retrahebat; sua-  
debat instantius, potius tantæ molis pondus ef-  
fugere, quam eorundem Fratrum instantiæ  
consentire. Verum, in contrarium conscien-  
tia suadente, non esse vocationi Domini, quam  
tanto verisimilius eorundem Fratrum adeo una,  
nimis concordia prætendebat, quanto diutius  
ipsorum fuerant vota discordia, contumaciter  
resistendum; ne ipsa Dei Ecclesia eo prolixius  
viduitatis dispendiis gravaretur, quo alia spes  
erat incertior de ipsius provisione vicina; tan-  
dem variis allegatis excusationibus, nec admis-  
sis, sed ab eisdem Fratribus, in eo fervore vo-  
luntatis anxie, importunitatis que multimodæ  
ob auditis, ut manus ad exuendum nos Chla-  
mydem qua tegebamur, extenderint, nec ip-  
sius structuræ pepercerint, sub spe unigeniti Dei  
filii, Domini nostri Jesu Christi humilitatis no-  
stræ colla subiicimus jugo Apostolicæ servitutis,  
de sua pietate sperantes, quod ipse, qui juxta  
Evangelicam veritatem quinque panum, duo-  
rumque piscium paucitatem satiati discumben-  
tis ad jussum ipsius immensæ multitudinis cum  
mira fragmentorum superabundantia coæqua-  
rit, nostræ imbecillitatis insufficientiam sua  
immensa virtute quali, quali saltem sufficientiæ  
tanti oneris, & laboris æquabit.

§. 3. Ad quod de sua misericordia obtinendum  
vestrarum orationum suffragia ferventi deside-  
rio imploramus, universitatem vestram mo-  
nentes & hortantes in Domino, vosque nihilo-  
minus rogantes instanter, quatenus preces hu-  
miles devotas & sedulas frequenter fundatis ad  
Dominum, ut ipse in ubertate clementiæ suæ  
præactam nostram inopiam suppleat, debilita-  
tem

Demisse de se  
sentit.

Quomodo  
invitus Pon-  
tificatus acce-  
perit.

Præfatum  
preces implo-  
rat.



tem fulciat; nobisque, quod est onerosum, leviget; quod laboriosum, alleviet; quod obscurum, suæ claritatis luce revelet, & aspera convertat in plana; sicque vota nostra præveniendo clementer aspiret, & misericorditer adjuvando benignius prosequatur, quod zelus noster semper in ipsius beneplacitis ferveat, nec unquam in illorum executione torpescat. Vos quoque, quos de gregibus diligentiae vestrae commissis pastoralis officii cura sollicitat, ita diligenter illud studeatis implere, quod, cum discussio venerit, & exacti fueritis pro illis reddere rationem, non solum illam cum securitate reddatis; sed exigatis gratiam; & interim, in vestris, Ecclesiarumque vestrarum negotiis, super quibus potestis ad nos cum securitate recurrere, Apostolicæ Sedis propitium mereamini sentire favorem &c.

Datum apud Urbem veterem.

Dat. die anno  
1281. Pét.  
I.

## II.

Prohibitio ne Fratres Ordinum Mendicantium ad alios Ordines transeant.

Martinus Episcopus, Servus  
Servorum Dei.

Ex Voaddin-  
go N. E. Tom.  
V. pag. 125.

Ex mendican-  
tium ordini-  
bus ad alios  
ordines tran-  
situm prohi-  
bet.

§. I. **V**iam ambitiosæ cupiditatis Religiosis potissime mendicantibus præcludere cupientes ad alios ordines præsertim Monasticos (fucatis tamen coloribus asserentibus ob frugem melioris vitæ, aut arctioris observantiæ) tam Sancti Benedicti, quam Cisterciensis, Camaldulensis, Vallis-umbrosæ, Canonorum Regularium Sancti Augustini, vel aliorum Monasticorum ordinum, convolare nitentibus licentiam a Sede Apostolica seu legatis, aut Nuntiis ejusdem Sedis ad transferendum se de mendicantium ordinibus ad alios ordines, præsertim ea ratione (ut verisimile est, prout facti evidentia docet) ut liberius degant, dignitatesque, & beneficia monastica consequi valeant, & ex certis causis honestati non consonis obtinentibus. At volentes etiam conservationi Ordinum mendicantium providere: Auctoritate Apostolica ex certâ scientiâ, tenore præsentium declaramus, & etiam decernimus statuentes, quod de cætero nullus Religiosus Ordinum mendicantium quorumcumque, cujuscumque gradus, status, conditionis, vel religionis existat, quantumcumque, & qualitercumque possit, & debeat, virtute cujuscumque licentiæ, etiam indulti Apostolici, seu Pænitentiarii nostri curam gerentis, vel alia quavis auctoritate hætenus, etiam per literas Apostolicas facultatum quorumvis tam Legatorum, vel Nuntiorum Sedis Apostolicæ, quam alia auctoritate, maxime de transferendis Fratribus, aut aliquibus præsertim Ordinum mendicantium professoribus, in genere vel in specie ab ordinibus hujusmodi Mendicantium sub quacumque verborum forma appareant admitti, vel recipi, per aliquos etiam Superiores Ordinis, seu Monasterii, aut loci Monastici, seu alias in Monachum, vel in Fratrem alicujus

ex Ordinibus Monasticis supradictis, vel aliis expressis (Ordine Carthusiensium dumtaxat excepto) sub pœna excommunicationis, quam tam recipientes, quam recepti ipso facto incurrent, & quam ex nunc prout ex tunc contra quemlibet transgressorem quomodolibet in præmissis, scientia, & auctoritate antefatis proferimus in his scriptis. Et a nemine, nisi dumtaxat a Romano Pontifice (præterquam in mortis articulo) excommunicati hujusmodi possint absolutionis beneficium quomodolibet obtinere. Et nihilominus secus facta non teneant, & nullius existant efficacis vel momenti. Decernentes etiam, & volentes, quod si quis hætenus virtute cujusvis licentiæ, seu mandati hujusmodi fuisset receptus ad aliquem Monasticum ordinem, & habitum consuetum solitum gestari per Monachos talis ordinis successisset, seu professionem emisisset (etiam si beneficia Ecclesiastica, seu Rectorias Ecclesiarum quarumvis obtineat) stare in ejus totali ordinatione, & hujusmodi ordine Monastico Altissimo deservire.

§. 2. Si quis autem prætextu hujusmodi licentiæ, vel sine habitu, vel cum habitu vagando incederet monitione prævia teneatur, & debeat intra terminum quindecim dierum a die monitionis hujusmodi computandorum ad ejus religionem, vel Ordinem, unde cum licentia, vel sine licentia accesserat, remeare: quod si efficere neglexerit, post ipsum terminum tamquam notorius Apostata excommunicatus in omnibus, & per omnia debeat per quemlibet reputari, & ab omnibus retractari etiam per invocationem auxilii brachii sæcularis quoties fuerit opportunum.

§. 3. In futuris autem nullus ex professoribus alicujus ex Ordinibus mendicantium hujusmodi in aliquem Monasticum ordinem (Carthusiensium dumtaxat excepto) possit, aut debeat per quemcumque recipi, aut admitti virtute alicujus licentiæ vel indulti absque hujusmodi licentia speciali, sub dictis pœnis: & nihilominus secus facta non teneant ipso jure hujusmodi licentiis, & indultis, nec non constitutionibus Apostolicis, & Mendicantium Ordinum prædictorum, etiam si de illis specialis, & expressa, ac de verbo ad verbum in nostris literis mentio habenda foret, & aliis contrariis non obstantibus quibuscumque.

§. 4. Nulli ergo omnino hominum liceat hanc prohibitionis nostræ paginam infringere &c.

Datum Sebennis, tertio Kalendas Augusti Pontificatus nostri anno primo.

Ordinem Car-  
thusiensium  
excipit.

Receptiones  
jam factas ab-  
olec.

Receptos in  
suum ordinem  
regredi man-  
dat.

Contumaces,  
Apostatas De-  
clarat.

Obstantium  
derogatio.

Côsueta con-  
clusiones, &  
clausulæ.

Datum die 10.  
Julii anno Do-  
mini 1281.  
Pont. anno I.



## III.

Damnatio & excommunicatio Michaelis  
Palæologi Græcorum Imperatoris ab  
Ecclesia Romana dissidentis.

Martinus Episcopus Servus Servorum  
Dei. Ad certitudinem præsentium,  
& memoriam futurorum.

Excommuni-  
catio Impera-  
toris.

§. 1. **M**ichaelis Palæologum, qui Græcorum Imperator nominatur, tamquam eorumdem Græcorum antiquorum schismaticorum, & in antiquo schismate constitutorum, & per hoc hæreticorum, necnon & hæresis ipsorum, ac schismatis antiqui fauctorem, de fratrum nostrorum consilio denunciavimus præsentis fidelium multitudine copiosa, excommunicationis sententiam latam à canone incurrisse, ac ipsius fore sententiæ vinculo innotatum.

Prohibitio ei  
quomodolibet  
favendi.

§. 2. Cæterum universis, & singulis Regibus, Principibus, Ducibus, Marchionibus, Comitibus, Baronibus, & cæteris omnibus cujuscumque sint præeminentiæ, conditionis aut status, necnon universitatibus civitatum, castrorum, & aliorum locorum, districtius inhibemus, ne cum eodem Michaelis Palæologo in hujusmodi excommunicatione manente, societatem vel confederationem aliquam contrahere, sub quovis ingenio, vel machinatione præsumant, vel etiam ei alias in his, pro quibus excommunicatus est denunciatus a nobis, præstare consilium, auxilium, vel favorem, publicum vel occultum.

Pænarum promulgatio in contravenientes.

§. 3. Et si secus præsumptum fuerit, omnes singulares personas contrarium facientes, non obstante qualibet indulgentia, sub quacumque forma verborum, vel expressione ipsis ab Apostolica Sede concessa, vel in posterum concedenda, quam quoad hoc viribus volumus omnino carere, sententiam excommunicationis, quam ex nunc in ipsos ferimus, volumus incurrere ipso facto. Terras autem ipsorum, necnon universitates prædictas, quæ secus attentare præsumpserint, prout expedire viderimus, ecclesiastico subicere curabimus interdicto: ad privationem omnium bonorum, quæ a quibuslibet tenentur in Ecclesiis, & ad poenas alias spirituales & temporales, prout utile putabimus, processuri: & nihilominus societates confederationes ipsas, etiam si poenarum & juramenti adiectione, vel quacumque fuerint alia firmitate vallata, decernimus irritas, & inanes.

Justio hanc  
sanctionem  
publicandi.

§. 4. Ut autem hujusmodi noster processus ad communem omnium notitiam deducatur, chartas sive membranas processum continentes eundem, in majoris Urbevetanæ Ecclesiæ appendi, vel affigi ostiis, seu superliminaribus faciemus, qua processum ipsum quasi sonoro præconio, & patulo indicio publicabunt, ita quod idem Palæologus, & alii, contra quos processus ipse contigit, nullam possint postmodum excusationem prætere, quod ad eos talis processus non pervenerit, vel quod ignoraverint eundem, cum non sit verisimile remane-

re quoad ipsos incognitum vel occultum, quod tam patenter omnibus publicatur.

Actum apud Urbem Veterem, in platea dictæ majoris Ecclesiæ in festo Dedicationis Basilicæ Principis Apostol. Pont. nostri Anno primo.

Dat. die 18.  
Nov. 1281.  
P. an. I.

## IV.

Commissio Delegatis Apostolicis super inquisitione miraculorum Sancti Ludovici.

Martinus Episcopus, Servus Servorum Dei, Venerabilibus Fratribus Archiepiscopo Rothomagen. & Antisiodoren. & Spoletan. Episcopis.

Ex Voaddin-  
go ad anno  
1281. §. IV.

**I**ntelleto dudum felicitis recordationis Gregorius Papa prædecessor noster, quod omnipotens Dominus, qui facit mirabilia magna solus, grandia, & aperta miracula pro claræ memoriæ Ludovico Rege Franciæ faciebat, voluit præsupponens vitæ ipsius Ludovici sibi notam existere sanctitatem, ut de hujusmodi miraculis per cujusdam secretæ indagationis modum, nos tunc in minori constituti officio, & legationis fungentes officio in partibus Gallicanis, nostrum informaremus animum sibi postmodum informationem hujusmodi transmissuri. Quare nos de prædictis miraculis indagantes, ac de ipsis plenius informati, præfatus Prædecessor nostram super hoc informationem duximus destinandam, quæ ad ipsum cum morte fuisset præventus, non potuit pervenire. Succedente autem piæ memoriæ Innocentio Papa prædecessore nostro Gregorio prælibato nos eidem Innocentio prædictam informationem curavimus intimare: Quo sicut Domino placuit rebus humanis exempto, hujusmodi processus negotii extitit retardatus: piæ quoque memoriæ Joanni Papæ Prædecessori nostro informationem direximus supradictam, qui priusquam super hoc aliquid ordinaret, diem clausit extremum. Cumque postmodum felicitis recordationis Nicolao Papæ Prædecessori nostro informationem misissemuseandem, & charissimus in Christo filius noster Philippus Rex Francorum illustris ab ipso Nicolao Prædecessore solemnibus propter hoc ad eum Nuntiis destinatis cum instantia postulasset, ut faceret ad miraculorum, & meritorum ipsius Ludovici Regis publicam inquisitionem procedi: præfatus Nicolaus Prædecessor scire volens super hoc plenius veritatem nobis adhuc in partibus existentibus supradictis, per suas sub certa forma dedit litteras in mandatis, ut quidquid de præmissis, & circumstantiis eorumdem, ac aliis, quæ pro jam dicto Ludovico Rege virtutum Dominus miraculose fuerat operatus, nos in plena contingeret percipere veritate, clare, & distincte per omnia ei serius scribere curaremus, ut relationibus nostris evidenter, ac seriose perceptis, lucidius appareat, quid in iis providendum existeret, ac in posterum respondendum. Unde nos hujusmodi receptis litteris diligenter processimus super iis, & quæ invenimus

Gregorius X.  
jussit exami-  
nari S. Ludovici miracula.

Nicolaus III.  
committere idem  
negotium lega-  
to Gallicano, qui creatus est Martinus IV.



mus, eidem Nicolao Prædecessori plenius, & apertius duximus intimanda. Qui hujusmodi processu nostro recepto, illum venerabili fratri G. Episcopo Sabinen. tunc XII. Apostolorum Præsbytero, & dilecto filio nostro I. Sancti Eustachii Diacono Cardinalibus discutiendum, commisit, sed eodem Nicolao Prædecessore nostro naturæ debitum persolvente ulterius processum non extitit in negotio supradicto. Porro Venerabiles fratres nostri S. Carnoten., & G. Ambianen. Episcopi nuper ad nostram præsentiam accedentes ex Venerabilium Fratrum nostrorum Remen., Senonensis, & Turonensis Archiepiscoporum, ac quamplurium suffraganeorum suorum, ac aliorum quorundam Regni Franciæ Prælatorum parte, nobis humiliter supplicarunt, ut præfatum Ludovicum Regem, quem prout eorumdem Archiepiscoporum, suffraganeorum, ac Prælatorum missæ nobis litteræ continebant, jam inter cælestis aulae Principes collatum, pro ipso facta miracula profitentur, Sanctorum ascribi catalogo mandarem. Nos autem etsi geramus specialiter cordi negotium, ac ejus votivum, & celebrem exitum propensius cupimus; attendentes tamen, quod quanto solemnius, quantoque maturius, & sollicitius in hac parte proceditur, tanto id procul dubio ad ipsius Ludovici Regis accedet laudis cumulum potioris, ac de vestra multiplici probitate in multis, & arduis probata multotiens specialem in Domino fiduciam obtinentes Fraternitati vestræ, per apostolica scripta mandamus, quatenus ad Monasterium Sancti Dionysii in Francia Parisiensis Diæcesis, ubi ossa ejusdem Ludovici Regis acquiescere dignoscuntur, & ubi Dominus pro ipso miracula specialius fuisse proponitur operatus, aut alium, seu alia loca, de quibus expedire putabitis, vos personaliter conferentes de jam dictis, & aliis quibuscumque etiam novis miraculis, ac vita, & conversatione ipsius Ludovici Regis secundum articulos, quos vobis sub Bulla nostra transmittimus interclusos cum omni diligentia, sollicitudine inquiratis, & quæ super iis inveniri contigerit, in scriptis redacta fideliter ad Sedem Apostolicam sub sigillis vestris inclusa quantocius transmissuri. Si vero testes aliqui recipiendi super præmissis occurrerint, qui propter loci distantiam, & infirmitatis impedimentum vos commodè adire nequiverint, vel vos accedere absque incommodo non poteritis ad eosdem, committendi discretis aliquibus in casu hujusmodi vices vestras præsentium vobis auctoritate concedimus potestatem. Per commissionem autem inquisitionis hujusmodi vobis factam nequaquam intendimus iis, quæ auctoritate prædictarum litterarum ipsius Nicolai prædecessoris per nos super hujusmodi negotio acta sunt, in aliquo derogare, quinimo illa rata esse volumus, atque firma. Quod si non omnes his exequendis potueritis, vel volueritis interesse, duo vestrum ea nihilominus exequantur.

Datum apud Urbem veterem X. Kalendas Januarii Pontificatus nostri anno primo.

Episcopi Gallicani, postulant B. Ludovicum canonicizari.

Committitur Delegatis Apostolicis nova inquisitio.

Dat. die 22. Decembr. anno Domini 1281. Pontif. anno I.

V.

Deposito Petri Regis Aragonum ejusque subditorum a Juramento fidelitatis absolutio.

Martinus Episcopus Servus Servorum Dei Ad certitudinem Præsentium & Memoriam futurorum.

Ex Regest. Vatic.

S. 1. **D**E insurgentis in Regno Siciliae fremitu tempestatis, quam execranda Panormitanæ Rebellionis audacia inchoavit, & reliquorum Siculorum malitia Panormitanam, imitata prosequitur, ad Sedem Apostolicam, infausto rumore perlato; Nos post processum, in hac Urbe vetana Civitate in festo Ascensionis Domini transacto novissime habitum ad compescendam tempestatem eandem, quia procellarum illius spiritus non cessabat, sed per insidias Petri Regis Aragonum, quem stilo circa Reges solito non describi subscripta ejus demerita meruerunt, invalescere potius videbatur; ut ejusdem Regis, qui Regiæ dignitati non deferens, & generis sui claritati non parcens dictorum Rebellium se Ducem constituit & aurigam, nequitia revelaretur apertius, & Ecclesiæ Romanæ Justitia contra eum evidentius appareret; Pridem in festo Dedicationis Basilicæ Principis Apostolorum præterito, nuper in Platea Ecclesiæ Sancti Flaviani Montis Flasconen. Balneoregien. Diocesis, præsentem multitudinem numerosa fidelium duximus recensendum, qualiter felicitis recordationis Innocentius Papa Quartus Prædecessor noster quondam Fridericum olim Romanorum Imperatorem, qui per suos excessus gravissimos, & culpas innumeras Imperio, & Regnis, omni que honore, ac dignitate reddiderat se indignum, in Lugdunensi Concilio ipso approbante Concilio propter suarum iniquitatum multitudinem detestandam adeo ne regnaret vel imperaret abjectum ostendit, & denunciavit omni honore ac Dignitate privatum a Domino, & nihilominus sententiando privavit, prout in ejusdem Prædecessoris sententia contra Fridericum promulgata præfatum noscitur plenius contineri: Qualiter etiam post ejusdem Friderici obitum quamquam Regnum Siciliae ad dispositionem Ecclesiæ Romanæ, cujus Juris, & proprietatis existit, esset libere devolutum, dictusque Prædecessor se de illo publice in eodem prædixisset Concilio provisurum; Quondam Conradus prædicti Friderici filius, licet in eodem Regno ex ipsius sui Genitoris successione nullum penitus Jus haberet, cum sicut apparet liquido ex præmissis, nec ille mortis suæ tempore habuisset, nec alias prædicto Conrado Jus competeret in eodem; Regnum ipsum, præsumptione temeraria occupavit: Quodque ipso Conrado sublato de medio quondam Manfredus tunc Princeps Tarentinus, quem velut de copula damnata susceptum a Regni successione præfati non solum præmissa ejusdem Friderici privatio; sed etiam macula illegitimæ nativitatis arcebat, contra Juramentum fidelitatis ab ipso Prædecessori prædicto prestitum,

De Panormitana rebellion.

Innocent. IV. Fridericum Imp. Regno Siciliae privavit.

Idem regnum a Conrado Friderici filio invasum.

Conrado mortuo occupatum a Manfred.

te-



Ab Alexan-  
dro IV. ex-  
communicatus.

temere veniens sub quondam Conradini nati dicti Conradi, sui que Nepotis simulata protectione tutoria ad quædam Civitates, Castra, & alia ejusdem Regni loca manus occupatrices extendit: propter quod & alios etiam nefarios actus suos, & graves offensas piæ memoriæ Alexander Papa Quartus Prædecessor noster ipsum ex causis variis Excommunicationis vinculo innodatum, Tarentino Principatu, honore Montis Sancti Angeli, omnibus Comitibus, terris, feudis, dignitatibus, & honoribus aliis, ac bonis & juribus, quæ in eodem Regno, & quæ alibi etiam ab Ecclesiis, & Personis Ecclesiasticis obtinebat, immo & Vicaria in quadam ipsius Regni parte sibi ab eadem sede concessa, omnibus etiam concessionibus, donationibus, largitionibus, confirmationibus, & privilegiis, sive ab eisdem Friderico Patre, vel Conrado fratre suis, sive a prædicta Sede in Regno sibi factis eodem, vel alibi etiam ab Ecclesiis quibuscumque, vel Personis Ecclesiasticis, tamquam Rebellem & hostem Romanæ Ecclesiæ, ac violatorem fidelitatis sibi præstitæ manifestum, suorumque Jurium invasorem, occupatorem, & detentorem sacrilegum, & tamquam sociatum nefando fœdere Saracenis, eorum complicem, ductorem, & protectorem publicum apostolica auctoritate privavit.

§.2. Cumque memoratus Manfredus nec his, aliisve remediis contra illius malitiam adhibitis in sua iniquitate remissior, sed in committendo quotidie prioribus deteriora ferventior, postmodum fraudolenter præfati Nepotis sui morte conficta dictum Regnum proprio nomine occupans, & regium in illo titulum & nomen usurpans, se, ortus sui non erubescens primordia, in ejusdem Regni Regem, inungi & coronari fecisset; præfatus Prædecessor Alexander ejus fraudes & iniquitates abhominans, & detestans cassavit & irritavit, cassum, & irritum nunciavit quidquid circa dictum Manfredum per unctionem vel potius execrationem & Coronationem, quas recipere de facto præsumperat, quasque nullas esse constabat, extitit tam temerarie, tam dolose præsumptum: Eisdem vero Manfredo & demum Conradino, qui ætatem præveniando malitia ab eorumdem Prædecessorum suorum iniquis semitis non declinans, sed ad eadem Imperium & Regnum aspirans, præfatam Ecclesiam, & Charissimum in Christo filium nostrum Carolum Sicilia Regem Illustrem insidiis multis impetiit, & multipliciter apertis conatibus infestavit: propter quod contra ipsum suosque fautores per recolendæ memoriæ Clementem Papam Prædecessorem nostrum varii habiti sunt processus, sua sorte successis, nobis, & Ecclesiæ, Regi, Regnoque prædictis pacis & quietis serenitas arrideret in subitas tempestates acta est æstiva tranquillitas; Bellum in media pace surrexit, facti sunt hostes ex subditis, & qui memorato Regi Sicilia ad fidelitatis debitum tenebantur, rebellionis spiritum infideliter assumentes non solum hostilia sed & tyrannica patnaverunt; sicut enim, gravis clamabat & adhuc clamat infamia, processit adeo Panormitanæ Civitatis, & Civium præsumptuosa Rebellio quod rebellandi

Et à Clemente excommunicatus, regnoque privatus Conradinus.

Siciliorum rebellionem, & scelera patrata detestatur Martinus.

audacia & Jurium interversione Regalium, sui que, quantum in eis fuit, objectione Domini non contenta ferinæ immanitatis dexteras ad crudelitates inauditas exposuit, dum eorum exitialis iniquitas non solum quos ex devotis Regis ipsius concepta potuit præoccupare nequitia, sine sexu ætatisque delectu inhumane cecidit, verum etiam partus, quos adhuc viscerum portionem claustra materna celabant, illis sæve defectis sic præcipiti destinatione produxit in lucem, quod eis nimis proculdubio innaturaliter lucis usum antequam concederet natura subtraxit eis, adeo præmatura & impiissima eadē cæsis quod eorum ortus principia prævenit occasus.

§. 3. Quia vero sicut ex tunc plurimorum habebat assertio & evidenter exitus jam probavit, hæc in nostram & ipsius Ecclesiæ turbationem & dispendium tentabantur, & ad hoc plurimum intentio laborabat & studium ut fornacis quasi recenter extinctæ, Nos Ecclesia & Rex prædicti renovata eo graviora sentiremus incendia, quo solent nocere gravius pericula recidiva; Nos tantorum malorum obstare principiis cupientes, ne illis invalescentibus sero parare contingeret medicinam, in dicto festo Ascensionis Domini præsentis fidelium multitudine copiosa de fratrum nostrorum consilio Universos & singulos cujuscumque præminentia, conditionis, aut status attente monuimus, districte præcipientes eisdem, ne in præfato Regno vel ejus parte Nos & eandem Ecclesiam aut præfatum Regem Sicilia, qui dictum Regnum ab Ecclesia ipsa tenet per se, vel per alium molestare, impetere, vel etiam perturbare præsumerent occupando invadendo, seu occupari seu invadi faciendo Regnum ipsum, vel aliquam ejus partem.

§.4. Præcipimus insuper universis, & singulis Christi fidelibus, & specialiter Marchionibus, Comitibus, Baronibus, Civitatibus, Communitatibus, & Universitatibus Castrorum, Villarum, & quorumcumque locorum Italiae maxime ipsius Ecclesiæ Romanæ temporali Jurisdictioni subjectis, ne hujusmodi molestatoribus, impetitoribus, perturbatoribus, occupatoribus, vel invasoribus, aut occupari, vel invadi facientibus Regnum ipsum, vel aliquam partem ejus in præmissis intenderent, & ne cum armis, vel sine armis ad turbandum in eodem Regno pacem prædictorum Ecclesiæ & Regi Sicilia præstarent illis consilium, auxilium, vel favorem publicè, vel occultè neve super hoc societatem, conjurationem, aut fœdus inirent aliquod cum eisdem. Si quis autem contra nostram monitionem & præcepta præmissa per se, vel per alium quibuscumque dolo fraude vel machinatione facerent, cujuscumque forent præminentia, Dignitatis, conditionis, aut status, excommunicationis sententia, quam ex tunc in eos protulimus ipso facto se noscerent innodatos. Civitates quoque ac Communitates quaslibet, quæ contra monitionem & præcepta eadem quocumque dolo, ingenio, arte, vel machinatione venire præsumerent, interdicti Ecclesiastici sententia, quam ex tunc in illos promulgavimus, volumus subjacere.

§.5. Ad hæc prædiximus Patriarchis, Archiepiscopis

Quid ad reprimendos rebelles egerit.

Ut Sicilia Regem peti bello vetuerit.

Aut aliqua illius hostibus impendi auxilia.

Pene contra inobedientes.



piscopis, Episcopis, Abbatibus, & aliis inferioris gradus Prælati, quod si contra præmissa vel eorum aliquod venire tentarent, eos omni Ecclesiastica Dignitatis honore, cæteros autem Clericos non prælationis officium sed Dignitates forsitan vel personatus, seu alia beneficia obtinentes, & privare curaremus obtentis, & inhabiles reddere ad alia obtinenda prout facti qualitas suaderet; Laicis vero cujuscumque præminentia, dignitatis, conditionis, aut status, & præcipue temporaliter ipsi Ecclesiæ Romanæ subiectis expresse denunciavimus, quod si monitionem, & præcepta hujusmodi contra ea per se, vel per alium veniendo temere non servarent, Nos tantam temeritatem impunitam remanere nolentes ipsos fæudis, & aliis omnibus, quæ ab eadem, vel aliis tenerent Ecclesiis, privare Vassallos eorum si quos haberent a fidelitatis Juramento, quo tenerentur eisdem reddere, penitus absolutos, & Personis eorum citra periculum mortis, & mutilationis expositis ad expositionem bonorum suorum prout culpæ ipsorum exigenter, & expediens videretur, procedere curaremus.

De adhibitis  
a Pontifice ad  
Panormitanos  
ad officiū re-  
vocandos cu-  
ris.

§. 6. Et licet Panormitanæ Civitatis, & Civium prædictorum, ac nonnullorum Castrorum illarum partium, quæ contra eundem Regem Siciliæ rebellarant, culpa gravis acerbior processum exigeret: Nos tamen desiderantes quod Civitates, Cives, & loca prædicta mansuetudo corripere, & a tanti erroris invio revocaret, erga eos non rigorem, sed mansuetudinem prosequentes universitatibus eorumdem Civitatis, Castrorum, aliorumque locorum districtè præcepimus, ut submoto cujuslibet difficultatis, & dilationis obstaculo ad nostram, & Ecclesiæ ac Regis prædictorum mandata redirent: Quodque præfatos Molestatores, turbatores, occupatores, Invasores aut dantes eis in hoc auxilium, consilium, vel favorem in dictis Civitate, Castris, Villis, seu Districtibus eorumdem nullatenus receptare vel recipere attentarent nec ipsorum, aut alicujus eorum Dominio vel regimini se quovis modo submitterent, neve ipsis vel eorum alicui contra Ecclesiam, vel Regem præfatos impenderent in prædictis auxilium, consilium, vel favorem publicum, vel occultum, & nihilominus confederationes seu obligationes quaslibet, si quæ inter universitates easdem, vel inter ipsas, & quoscumque alios initas sive factas super occupatione ac invasione prædictis, & Juramenta de illis servandis vel alias pro eis hinc inde præstita penitus relaxantes; Universitatibus ipsis aperte prædiximus, quod nisi præmissa celeriter adimplerent, contra easdem Civitates, & Villas earum spiritualiter, & temporaliter sic procedere actore Domino curaremus, quod pena docente suæ temeritatis, & superbiæ recognoscerent qualitatem.

Ut Messanen-  
ses crudele,  
Panormitano-  
rum exem-  
plum fuerint  
imitati.

§. 7. Cæterum licet dum his & aliis modis & viis filiorum salutem paterna venabatur affectio, reliquarum Civitatum, Castrorum, Villarum cæterorumque locorum, Civium, & Incolarum Siciliæ, in nostram notitiam perlata rebellio, & præcipue Messanen. qui Panormitanorum ipsorum imitati sevitiam quamplures ex Ministris, & devotis ejusdem Regis Siciliæ post securitatem illis præstitam crudeliter trucidasse dicuntur, Castrum Regium loci ejusdem temerariis ausi-

*Bull. Rom. Tom. III. Pars II.*

bus occupantes multæ commotionis causam inducerent; Nos tamen propterea non desistentes a captis Venerabile fratre nostro Guidone Episcopo Sabinen. ad partes illas cum plenæ legationis officio tamquam pacis Angelo destinato bona in illis, & pro illis quæsimus partibus, nec venerunt: expectavimus pacem, & turbinis tempestas gravioris apparuit, machinatis ab olim prout communis quasi tenebat opinio, & subsequutorum consideratio satis indicabat, & indicat evidenter dolis, & insidiis revelatis. Si quidem Petrus Rex Aragonum de procedendo adversus Africam quæsito colore Siciliæ Insulam, Terram utique peculiarem ipsius Ecclesiæ Militum, & Peditum caterva stipatus invadens & occupans, ac in illa ejusdem Ecclesiæ pacem turbans, gravem seditionem excitans contra eam, graviterque Populum concitans in illam temeritatis prorupit audaciam, quod cum Civitatibus aliisque locis, Universitatibus, Civibus, & Incolis ejusdem Insulæ, quibus ratione uxoris filia scilicet Manfredi prædicti natorumque suorum se teneri prætendit confederationibus, pactis, & conventionibus, sicut ex tunc ferebatur, quin potius conspirationibus, & scelestis factionibus initis in Regno prædicto nomen jam usurpabat regium & usurpat, se Regem Siciliæ nominans, & gerere pro Siciliæ Rege præsumens in majoris præsumptionis augmentum, Regi Carolo supradicto in suis literis Regni Siciliæ titulum subtrahendo, sicque non solum Panormitanos eosdem, quos alias pluries ad hæc sollicitasse per Nuncios dicebatur, in inchoatæ contra præfatum Regem Carolum seditionis, & rebellionis contumacia obfirmavit, eos per se ac gentem suam fovens ipsisque favens in illa; sed tam ipsos quam cæteros Insulæ prælibatæ rebelles adeo contra jam dictam Ecclesiam eorum specialem Matrem, & Dominam concitavit, quod nonnulli ex eis & specialiter Messanen. qui ante ipsius in Insula prænominata præsentiam dicti Legati Nuncios devoti ac humiliter admittebant, dominium præfata recognoscen. tes Ecclesiæ, nomenque publice invocantes, illos postmodum contumaciter admittere recusarint, baculo arundineo eidem scilicet Regi Aragonum prætextu eorumdem Vxoris, & filiorum ut fertur periculosius innitentes. Quos tamen Vxorem, & filios sive Regem per eos seu ratione ipsorum in eadem Insula, vel aliqua dicti Regni Siciliæ parte Jus aliquod non habere, apertius præmissa declarant, & Nos nihilominus decernendum duximus, & etiam declarandum. In quæ autem crimina falsa Regiæ Dignitatis immo & simplicis Magistratus assumptio, seditio, violentiæque cum armis commissio incidant, quibus addicendi sint panis talium Patratores, nec fuit nec est opus exprimere, quia id nota & vetustissima decreta sanxerunt.

De misso Le-  
gato Aposto-  
lico.

De Petro Re-  
ge Aragonum,  
invaloque per  
eum S. Apo-  
stolicæ in Si-  
ciliam jure.

§. 8. Et quia memorati Aragonum Regis excessibus non leve pondus adiicit ipsius & Regni sui explicite descripta conditio, seriose duximus explicandum qualiter de Archivio ipsius Ecclesiæ prodeuntia monimenta manifeste testantur, quod pie memoriæ Innocentius Papa Quartus Prædecessor noster quondam Petrum Regem Aragonum ejusdem Petri Aragoniæ Regis Avum Arelatensi Archiepiscopo, qui tunc erat & aliis Personis

Auger facinus  
Ecclesiæ fidu-  
ciarium eum  
extitisse.

E nis



Addita S. A.  
clientela a  
Petro illius  
avo fuerat  
Aragonia.

nis Ecclesiasticis, nec non & quampluribus suis associatum proceribus per mare ad Sedem Apostolicam accedentem, ut inibi ab eodem Innocentio Prædecessore Militiæ cingulum & Regium acciperet Diadema, honoravit multipliciter honorifice, ac benigne recepit, & in Ecclesia Sancti Pancratii Martyris juxta Transyberim, per bonæ memoriæ Petrum tunc Portuensem, Episcopum in Regem inungi faciens, deinde manibus propriis coronavit & Regalia insignia universa Mantum videlicet & Colobium, Sceptrum & Pomum, coronam & Mitram, quæ ad opus ipsius non solum speciosa sed & pretiosa parari fecerat ex more in Regum Coronationibus observando munifice largitus eidem, ab eo Juramentum corporale recepit, per cuius religionem præfatus Rex inter cætera fidelitatem & obedientiam ipsi summo Pontifici, ejusque successoribus, dictæque Romanæ Ecclesiæ, Regnumque suum in ipsius obedientia fideliter conservare promisit; ac demum Rex ipse cum multo tripudio & applausu coronatus juxta eundem Prædecessorem Innocentium ad Beati Petri Apostolorum Principis Basilicam rediens, super illius Altare Sceptrum, & Diadema deposuit & Militarem Ensem de manu ejusdem Prædecessoris accepit, dictumque Regnum suum antea censuale a suis Prædecessoribus eidem Ecclesiæ constitutum cupiens principali post Deum ipsius Beati Petri, & Apostolicæ Sedis protectione muniri, præfato Innocentio Prædecessori, & per eum ipsi Sacrosanctæ Apostolicæ Sedi obtulit, illudque sibi & successoribus ejus in perpetuum divini amoris intuitu, & pro suæ suorumque Progenitorum remedio animarum novo adiecto censu constituit censuale; pollicendo adiciens & adiciendo polliciens, quod ipse ac successores sui specialiter eidem Sedi fideles, & obnoxii teneantur. Hæc autem perpetua lege fore servanda decernens, ut hujus modi regalis concessio robur firmitatis inviolabilis obtineret ipsam in scriptis redactam, & de Procerum Curia suo consilio presentibus dicto Arelaten. Archiepiscopo quondam Sancio Patruo suo Hugone de Baucio, & Arnaldo de Faciano Baronibus suis sigilli sui munimine roboratam eidem Prædecessori concessit.

Regio edito  
Petrus suos  
successores Ec-  
clesiæ stipen-  
diarios con-  
stituit.

Inde fidei  
violatæ Pe-  
trus Siciliæ in-  
vasor argui-  
tur.

Fraude scelus  
operit.

§. 9. Numquid igitur præmissa collata, pariter, & solerti examinatione discussa præfatum Regem Aragonum Nepotem fidelitatis, ad quam memoratus Avus, cujus est in eodem Aragoniæ Regno hæres, ipsum sicut & successores ejus cæteros tam publice tam solemniter obligarat eidem Ecclesiæ, debitorem, & violatorem, publicum reum non accusabant infidelitatis damnabilis & accusant? Profecto fidei debitæ violatio violantem proculdubio arguit infidelem, præsertim cum præmissa non leviter aggravet fraudolenta confictio, qua idem Rex Aragoniæ Nepos non absque fraudis comento notabilis finxisse detegitur, & apud Nos etiam per solemnes Nuncios affirmasse, quod cum sumptuoso, & sollicito apparatu ad Dei, & Ecclesiæ servitium, & exaltationem catholicæ fidei potentiæ suæ brachium dirigebat, quod tamen contra ejusdem utilitatem fidei dictum Regem Carolum Crucesignatum in Terræ Sanctæ subsidium, & publice ad Dei, ejusdemque fidei ob-

sequia prosequenda dispositum nulla diffidatione præmissa, quod multorum judicio prodicionis notam non effugit hostiliter impetendo, nec non & contra ipsam Matrem Ecclesiam Terram, ejus, sicut prædicitur, invadendo, & occupando direxit. Nec eum excusat sed accusat potius, quod ad partes Africæ Insule prædictæ vicinas diebus aliquibus declinavit. Id enim ipsum ideo concinnasse probat, immo & convincit eventus, ut opportunitate captata commodius iniquitatem quam conceperat parturiret: maxime cum per suos Nuncios missos exinde pluries eosdem Panormitanos sollicitasse, ac ipsis in præsumptæ malitia obtulisse consilium, & auxilium diceretur. Nec esset vel sit verisimile quod eandem Africam Terram quippe diffuso vastam ambitu, refertam Incolis non prorsus imbellibus, crebris munitionibus ut habet fama non vacuum, opibus & aliis opulentam; cujus invasionem vix multorum Regum, & Principum, quorumque potentia coacervata præsumeret ipse ad hoc proculdubio divitiis impar, & viribus cum comitiva modica bellatorum solus assumeret invadendam.

§. 10. Numquid & iterum hæc non ostendebant, & patenter ostendunt, quod idem Rex Aragoniæ Nepos tamquam ejusdem Insulæ dicti Regni Siciliæ partis non modicæ manifestus invasor, & occupator ac Panormitanorum rebellium, & seditionis, commotionis, seu concitationis, pacisque turbationis contra præfatum Regem Carolum motæ notorius fotor, & fautor, & adversus eandem Ecclesiam actor & factor sui-que Complices, Comites, satellites & Ministri præmissam per Nos in prædicto Ascensionis festo latam in omnes nostris monitionibus, præceptis, & inhibitionibus non parentes Excommunicationis sententiam incurrerunt, nec absolutionis Vassallorum suorum a Juramento fidelitatis, si quo tenebantur eidem, privationis feudorum, quæ ipsi a Romana vel aliis quibuscumque tenebant Ecclesiis, & expositionis Personarum ultra mortem, & mutilationem bonorumque suorum comminatum in eodem festo periculum, evitarunt. Universos autem Insulæ prælibatæ Rebelles scilicet Messanenses, Agrigentinos, & cæteros Civitatum, Castrorum, Villarum aliorumque locorum ipsius Insulæ Cives habitatores, & Incolas cujuscumque sint præeminentiæ, Dignitatis, conditionis, aut status, qui Panormitanis eidem in pertinacia rebellionis assumptæ saltem se illis audacia simili sociando, ac eos proinde validiores, & firmiores in illa reddendo, nec non societatibus, confederationibus, partitionibus panarum, & Juramenti adjectione firmatis, ut ex tunc dicebatur uniendo faverunt, & tam alios quam Panormitanos eosdem, qui prædicto Regi Aragoniæ Nepoti contra prohibitiones & monita nostra præmissa intendere, in invasione & occupatione præfatis ipsum recipere ac receptare, se illius regimini submittere, sibi-que contra Ecclesiam, vel Regem Carolum prædictos favorem & auxilium impendere præsumpserunt, eidem subjectos sententiæ ac periculo fore proculdubio ex tunc liquebat, & liquet expositos: Civitates vero, Castra, Villas, & alia loca prædicta, nec non & Universitates ipsorum ecclesiastico supposita interdicto. Hæc sunt quippe quæ per eundem Aragoniæ Regem Ne-

Panormita-  
nos ad rebel-  
lionem solli-  
citavit.

Eum anathe-  
ma contra Si-  
ciliæ invaso-  
res latum co-  
traxisse con-  
stat.



Nepotem Deo, & Ecclesiæ servitia exhibentur. Hæc sunt quæ ipsius Ecclesiæ prosequi se jactabat obsequia. Hæc fidei Catholicæ incrementa: sic exaltationem Religionis Christianæ prosequitur, sic procurat, sic Dei, fidei, Ecclesiæ, ac Religionis earundem hostes persequitur, sic impugnat, Talibus in se Regalem Dignitatem intitulabat, Talibus vitam suam, famam, genusque decorat.

Pontifex post  
debitas mo-  
nitiones

§. II. Quamquam autem tantis excessibus excedentiumque demeritis processus gravior deberetur, & ad præmissarum comminationum executionem ex tunc procedere non injuste possemus, Immo etiam, sicuti prædictorum perhibet consideratio deberemus; quia tamen nescit a charis Charitas etiam læsa recedere, paternæ charitatis affectio nos inducit, ut cum simus licet insufficientibus meritis illius Vicarii, qui non mortem Peccatorum, sed ut convertantur, & vivant, se velle fatetur, Regem Aragoniæ, & alios supradictos denunciationibus, monitionibus, mandatis, prohibitionibus, & comminationibus ad conversionem celerem, ne in peccatis, iniquitatibus, & Sententiarum laqueis, quibus se, prout ex præmissis liquet apertius, involverunt, obdormirent in morte, curaremus benignius excitare. Ideoque in festo Dedicationis, & Platea prædictis de fratrum nostrorum consilio denunciavimus sæpefatos Petrum Regem Aragoniæ Nepotem, suos Comites, Complices, satellites, & Ministros, ac Insulæ memoratæ Rebelles ex Causis prædictis Excommunicationis, Civitates, Castra Villas, & alia loca prædicta nec non & Universitates ipsorum interdicti præmissis per Nos latis sententiis subjacere de novo, tam in Regem, & alios sæpe dictos, quam in Universitates Castra Villas & loca prædicta ex Causis eisdem & propter auctam contumaciam eorumdem in non parendo nostris monitis, & præceptis & a Nobis prohibita pertinaciter prosequendo diutius, tunc sententias similes promulgantes, Præfatum autem Regem, & Exteros universos, & singulos, qui cum eo aut alias in præsentisurbationis, sive Rebellionis auxilium prædictam Insulam ingredi præsumpserunt, vel inibi existentes eidemurbationi seu Rebellioni quomodocumque faverunt attente monuimus, eisque districte præcepimus, ut ab hujusmodi suis excessibus, & offensis penitus desistentes eandem Insulam exirent omnino, numquam illuc in nostrum, & Ecclesiæ vel Regis Caroli prædictorum quoad præmissa quaecumque præjudicium reversuri. Adjecimus etiam ne quis de novo ad id Insulam supradictam intraret, vel aliquam ejusdem Siciliæ Regni partem publice vel occulte impeteret, turbaret, vel aliquatenus molestaret. Universis quoque Civibus, Incolis, habitatoribus, & universitatibus Civitatum aliorumque locorum ipsius Insulæ cum similibus monitione, & districtione injunximus, ut Regem Aragonum & exteros antedictos prorsus expellerent nullo unquam tempore ipsos aut alios ad præmissa vel similia inibi recepturi. Districte insuper inhibere curavimus, ne idem Rex Aragonum se Regem Siciliæ nominaret, Regium sub intitulatione Regni Siciliæ Sigillum assumeret, vel uteretur assumpto, neque Privilegia, Immunitates, feuda, donationes, bona, vel Jura quæcumque in eo aut aliqua ejus par-

Bull. Rom. Tom. III. Pars. II.

te concederet, vel tamquam Rex Siciliæ quidquam agere attentaret, neque Dominium vel subjectionem aliquam in quascumque singulares Personas aut terras ipsarum, seu Potestariam vel quamlibet Rectorem, sive officium quocumque nomine censerentur, in Civitate vel quovis alio loco maxime ipsius Regni Siciliæ aut alicujus partis Italiæ in nostrum, Ecclesiæ, aut Regis Caroli eorumdem quomodocumque vel quaecumque gravamen per se, vel per alium reciperet, vel etiam acceptaret, aut cum eis vel eorum aliquo in ipsorum Ecclesiæ vel Regis gravamen, sicut prædicatur, societatem sive aliam confederationem contraheret, vel servaret qualitercumque contractam. Neque singulares Personæ præmissæ, vel aliæ undecumque Civitates vel alia loca eidem in Ecclesiæ ac Regis Caroli prædictorum persecutione hujusmodi persistenti, vel alii pro eo sive in favorem ipsius præmissa concederent, vel aliquid præmissorum, aut ipsum, vel alium pro eodem vel in favorem illius ad prædicta vel aliquod eorum eligerent, nominarent, reciperent vel assumerent quocumque modo. Nec ipse Rex Aragonum vel quivis alius singulares Personas, Civitates, & loca eadem vel universitates ipsorum specialiter aut cujuscumque partis Regni Siciliæ, ut se vel terras suas ejusdem Regis Aragonum Dominio vel obedientiæ cuicumque supponerent, aut eum vel alium pro eo seu in favorem ipsius in Potestatem, Rectorem, vel ad aliud quodcumque Officium, ut prædicatur eligere, nominare, vel admittere attentarent, sive cum eo societatem aliquam vel confederationem contraherent, aut observarent qualitercumque contractam, seu quod Cives, Incolæ, habitatores, Civitates, vel alia loca prædicta sive universitates eorum præsertim cujuscumque partis ejusdem Regni Siciliæ, a nostra, Ecclesiæ, ac Regis Caroli prædictorum fidelitate seu devotione quocumque modo averterentur, vel averfa etiam in hujusmodi aversione persistenter, per se, Nuncium, vel litteras inducere, aut donis, promissionibus, seu alio quovis modo allicere vel sollicitare præsumerent: Neve singulares Personæ, Civitates, Castra, Villæ, seu loca præfata se dicti Regis Aragonum hujusmodi, Ecclesiæ, ac ipsius Regis Caroli persecutioni quomodolibet insistentis Dominio, regimini, vel obedientiæ qualitercumque subicerent, sive in nostrum, Ecclesiæ, seu Regis Siciliæ præjudicium vel gravamen, ut prædicatur ipsum Regem Aragonum, litteras, vel Nuncios suos, vasa quævis apta cuicumque Navigio, Gentemque, reciperent, vel receptarent, aut accederent ad eundem, ipsive litteras mitterent aut sibi, Genti vel Nunciis suis seu alii pro eis maxime in aliqua parte ipsius Regni Siciliæ obedirent vel intenderent, ministrarent fodrum, equos, arma, vel vasa hujusmodi sub venditionis titulo, aut aliter quomodocumque ducerent concedenda, seu ab eodem Rege Aragonum, vel alio pro ipso Immunitates, feuda, vel largitiones quaslibet in eodem Regno Siciliæ, quas constabat, & nos nihilominus declaravimus, & adhuc declaramus, decrevimus & adhuc decernimus non tenere, vel alibi occasione instantis negotii ejusdem Regni Siciliæ, aut stipendia ubicumque,

Variaque,  
prohibitiones,  
eisdem Sicu-  
lis declaratas.

Regi, fauto-  
ribus, fede-  
ratique fa-  
ctas.



Rescissasque  
pactiones mo-  
nes ad hoc  
initas,

Intentatasque  
eisdem Regi,  
fautoribus &c.  
censuras.

contra nos, Ecclesiam, vel Regem Carolum supradictos reciperent, vel pro receptis promissum audeant servitium exhibere, aut alias prestare consilium vel favorem publicum vel occultum, nec cum ipso Rege Aragonum vel alio pro ipso seu in favorem ipsius societatem, colligationem, vel conventiones quascumque in nostrum, Ecclesiam, aut Regis Caroli eorundem dispendium qualecumque contraherent, aut contractas etiam sub vinculo Juramenti vel quarumlibet adiectione penarum sive pactorum, auderent quomodolibet observare: singulariter autem Michaellem Paleologum, qui se Imperatorem nominabat, quemque super his, & precipue super exhibito in praedictis eidem Regi Aragonum contra Nos, & praefatos Ecclesiam, ac Regem Carolum consilio, auxilio & favore, nec non pactis, conventionibus, & confederationibus initis cum eodem ex tunc argumenta verisimilia deferebant, vox praeterea publica, & communis accusationis quasi continue incessabat, omnesque sibi de facto vel quomodocumque subjectos attente monuimus, eisque districte praecipimus, ut omnia monitiones, praepcepta, inhibitionesque praemissa, quae Michaellem, & subditos contingebant eisdem, vel possent quomodo contingere aut in eis seu quoad eos qualitercumque locum habere, quae omnia, & singula volumus pro nominatim singulariter, & expresse repetitis haberi & velut taliter repetita robur efficaciamque fortiri diligentius observarent, eisque studerent in omnibus, & per omnia obedire. Alioquin tam ipsos Regem Aragonum Nepotem, & Michaellem Paleologum quam alios universos, & singulos dictis nostris monitionibus, praepceptis, vel inhibitionibus non parentes cujuscumque forent praegeminentiae, Dignitatis, conditionis, aut status Ecclesiastici vel mundani, Excommunicationis sententia, quam in eos de fratrum praedictorum consilio ex tunc duximus proferendam, proinde innodatos esse decrevimus ipso facto ac si expressi fuissent in hujusmodi processus nostri serie nominatim; Civitates vero Castra, & alia loca quaelibet nec non universitates, quae jam dictis monitionibus, praepceptis vel inhibitionibus non parerent, Ecclesiastico Interdicto, quod ex tunc in illa promulgare curavimus, esse volumus eodem modo subjecta. Interdicta vero praemissa sic arte praecipimus observari, ut in locis, quae incidissent in ea vel inciderent in futurum, nulla Ecclesiastica Sacramenta exceptis dumtaxat Baptismate Parvulorum, & penitentis morientium ministrarentur, nulla divina celebrarentur officia, nisi solum Missarum solemnia, quae in Cathedralibus & aliis Collegiatis, & Parochialibus Ecclesiis ad conficiendum corpus Christi morientibus ministrandum submissa voce clausis Januis, Interdictis, & Excommunicatis prorsus exclusis semel tantum in septimana permixtus celebrari. Non obstantibus quibuslibet Privilegiis vel indulgentiis Cisterciensibus, Praedicatoribus, Minoribus vel Religiosis aliis aut Secularibus Personis Dignitatibus, Civitatibus, Castris, Locis, Collegiis vel universitatibus quibuscumque, sub quavis forma, vel expressione verborum ab eadem Sede concessis, quae omnia quoad haec volumus omnino viribus vacuari.

§. 12. Et nihilominus Societates, Colligationes, Conventiones hujusmodi, & quaelibet alias factas, & etiam faciendas in favore ipsius Regis Aragonum quoad instans negotium ejusdem Regni Siciliae, aut in Ecclesiae, seu Regis Caroli praedictorum qualecumque dispendium, vel gravamen etiam si essent Juramentorum, poenarum adiectione, vel quovis alio vinculo roboratae, de potestatis plenitudine dissolventes, & carere decernentes omni robore firmitatis, Universos, & singulos qui se ad earum observationem quomodocumque, seu quantumcumque solemniter astrinxerunt, ad eas observandas decrevimus non teneri. Nec pro eo quod ipsas deinde minime observarent, de reatu periurii aut ratione poenarum, vel conventionum quarumlibet adiectarum in illis posse in Judicio vel extra Judicium impeti, seu aliquatenus molestari: quin immo eos ab illarum observatione sub poena excommunicationis, quam ex tunc protulimus, & ipsos si secus facerent, incurrere volumus ipso facto, praecipimus penitus abstinere. Praediximus quoque apertius omnibus tam Personis Ecclesiasticis, & Saecularibus, quam Civitatibus locisque aliis, & Universitatibus supradictis, quae hujusmodi mandatis nostris, praepceptis, & inhibitionibus contumaciter non parerent, quod non solum, ad exequendum comminationes praemissas, sed & alias gravius spiritualiter, & temporaliter contra eos, & specialiter contra Civitates, quas contingeret in hujusmodi contumacia deprahendi ad privandum eos Archiepiscopali, vel Episcopali Dignitate. Contra memoratos vero Rebellen Insulae supradictae ad interdicendum, ipsis cum quibuslibet aliis, & aliis quibuscumque cum eis omne commercium quando, & prout facti suaderet qualitas & fore videremus expediens curaremus procedere.

Aliasque penas  
infectas  
inobedientibus,

§. 13. Ad haec praefatis Regi Aragonum, Michaeli Palaeologo, & aliis universis, qui contra praemissa nostra monita, & praepcepta, vel inhibitiones praedictum Regnum Siciliae in eadem Insula, seu in reliquis Regni praefati partibus invadere, turbare, impetere, seu molestare quomodolibet praesumpserunt publice, vel occulte, generali, & publico edicto denunciavimus, quod nisi Rex ipse Aragonum, aliique praedicti in eisdem Insula, & Regno Siciliae ac vicinis seu quibuscumque Italiae partibus commorantes infra festum Purificationis Beatae Virginis nuper praeteritum, alii vero in locis remotioribus constituti infra Kalendas Aprilis ac idem Palaeologus infra Kalendas Maii proxime sequuturas: quod quidem tempus eis pro peremptorio termino duximus assignandum, humiliter ad nostra, & Ecclesiae mandata redirent nostris praecise beneplacitis parituri, & tam nobis & eidem Ecclesiae, quam praefato Regi Carolo de contumacia, & contemptu, damnis, & injuriis omnique interesse satisfactionem plenariam, competentem tempore, quod eis ad hoc praefixerimus impensuri, ex tunc Personas eorum citra mortis, & mutilationis periculum, & bona omnia mobilia exposuimus a quibuslibet fidelibus libere occupanda, ipsosque feudis, bonis, & juribus omnibus, quae ab eadem Romana, vel aliis quibuscumque tenerent Ecclesiis, privilegiis, Indulgentiis, & gratiis quibuslibet ipsis ab eadem

Indictamque  
Petro, Michaeli  
Palaeologo, aliisque  
diem,

Se.



Sede, sub quavis verborum forma concessis apostolica auctoritate privavimus: Vassallos eorum a juramento fidelitatis, quo forsan tenerentur eisdem penitus absolventes. Prædicto autem elapso termino quodcumque. Nobis videretur expediens ad privandum eundem Regem Aragonum ipsius etiam absentia non obstante præfato Regno Aragoniæ, omnibusque aliis terris suis seu ad ipsa Regnum, & terras similiter exponenda, quoad Regnum ipsum terrasque prædictas semper nostro, & ejusdem Romanæ Ecclesiæ Jure salvo. Et nihilominus contra eum pro qualitate criminum, quibus, ut prædictum est, ipsum, prætendunt obnoxium, quantum nostrum officium pateretur, facti suggereret qualitas, nobisque fore videretur expediens actore Domino procedere curaremus.

§. 14. Præmissas vero Excommunicationis sententias prohibuimus absque speciali Apostolicæ Sedis mandato nisi forsan in Mortis articulo relaxari, quo casu nisi absolutionis beneficium obtinentes infra tres Menses postquam forent sanitati pristinæ restituti, de loco interdicto supposito si fortassis existerent inibi recedentes Apostolico se conspectui præsentare curarent, satisfacturi de suis excessibus, pro quibus incurrerent sententias supradictas, & Sedis ejusdem beneplacitis parituri relaberentur in sententias similes eo ipso, dictas quoque sententias sic firmiter & inviolabiliter volumus observari, quod absolventi ab eis, vel relaxandi easdem nisi forte in mortis articulo, ut est dictum, tam omnibus Pœnitentiariis nostris quam aliis quibuslibet Confessoribus, sive Generalibus, sive specialibus seu familiaribus quarumcumque, vel quantumcumque sublimium Personarum ubilibet consistentium ademimus potestatem, etiamsi a Nobis vel aliquo Prædecessorum nostrorum sub quacumque verborum forma generalem, vel specialem aut liberam absolventi aliquem vel aliquos a sententiis hominis vel Canonis, seu alias eas quomodolibet relaxandi obtinuerint facultatem. Si quis autem absque speciali Sedis prælibatæ mandato ex tunc obtinendo contrarium forte præsumerent tam absolventem a prædictis sententiis, seu relaxantem easdem, quam hujusmodi absolutionem, vel relaxationem recipientem, in quacumque forent dignitate præminentia, statu, vel ordine constituti ex causa hujusmodi Excommunicationis vinculo duximus innotandos. Hujus etiam relaxationem sententiæ præfate Sedi similiter reservantes mortis articulo dumtaxat excepto. Et tunc nisi sanitate recepta infra temporis spatium competentis juxta locorum distantiam ad Sedem venerint supradictam, suum humiliter recognituri reatum, & Sedis ejusdem beneplacitis parituri, relaberentur in sententias similes ipso facto. Ab his vero mulieres in hoc tantum excipi volumus, ut si solum præstiterint ratione favoris in hujusmodi sententias forsan inciderent, possent per Diocesanos suos juxta formam Ecclesiæ absolutionis beneficium obtinere.

§. 15. Tantis itaque ac talibus per præmissas monitiones prohibitiones, & poenarum comminationes memoratis Petro Regi Aragonum, Nepoti, Rebellibusque Siculis, Ministris, complicibus, Satellitibus, & fautoribus eorumdem, tamquam apertis datis significationibus, ut a facie arcus fugerent, & se ab instantis recti judicii

merita duritia liberarent, non humiliatum, sed obduratum est in suis perversitatibus Inspiciens cor eorum. Nec enim acquieverunt monitionibus, nec prohibitionibus paruerunt, nec comminationum horruere sevitiam, nec ab earum instantia expaverunt, sed eis contemptis omnimodis suas non solum continuatione aggravavere, nequitias, verum etiam multiplicationibus variis ampliarunt. Ad alias partes Regni Siciliæ extra præfata Insulam constitutas hostiliter impendendas suos sic fertur conatus nefarios extendentes.

§. 16. Ne igitur tam justæ comminationes fiant injustæ ludibrio, si earum justitia prosecutione debita fraudaretur, neve sine vindicta gravis adeo crescat insania, dignum putavimus, ut memoratum Petrum Regem Aragonum, Nepotem tantamque ipsius proterviam ultrix sententia persequatur. Et ideo Regnum Aragoniæ, ceterasque terras Regis ipsius de fratrum ipsorum consilio exponentes ut sequitur, ipsum, Petrum Regem Aragonum eisdem Regno, & terris, regioque honore sententialiter justitia exigente privamus, & privantes exponimus eadem Regnum, & terras occupanda Catholicis, de quibus, & prout Sedes Apostolica duxerit providendum in dictis Regno & terris Ecclesiæ Romanæ ejusdem, ut præmittitur, jure salvo: Vassallos ipsius, quos ut præmissa declarant, a juramento fidelitatis, si qui tenebantur eidem, jam absolvimus, denunciante penitus absolutos, & denuo ab eodem & a quolibet fidelitatis vinculo & homagio expressius absolventes, ac eisdem Petrum quondam Regem, Siculos complices, & fautores eorum, omnesque alios singulares, qui prædictas monitiones, inhibitiones, & comminationes dampnabiliter contempserunt, præmissis Excommunicationis, Universitates vero, Civitates, Castra, & loca cetera denunciamus interdicti sententiis subiacere. Ipsos & ipsa ex causis eisdem & propter continuatam auctamque ipsorum contumaciam similibus sententiis supponentes.

§. 17. Universis præterea Christi fidelibus cujuscumque conditionis, præeminentiæ, sive status etiamsi Dignitate Pontificali, seu Regia forsitan decorentur, & specialiter Archiepiscopis, Episcopis, aliisque inferioris gradus Prælati, & Personis Ecclesiasticis, Religiosis cujuscumque Religionis aut Ordinis, & Sæcularibus, ipsique Petro quondam Regi Aragonum, Comitibus, Vicecomitibus, Baronibus, Universitatibus Civitatum, Castrorum, ceterorumque locorum, ac Universis Incolis, & habitatoribus eorumdem Regni, & Terrarum, quibus dictum Petrum, tunc Aragonum Regem privavimus, districtius inhibemus, ne ipse Petrus de dictis Regno, & Terris se de cætero aliquatenus intromittat. Neve cæteri supradicti eidem Petro dudum Regi vel aliis quibuscumque contra dictas privationem, & expositionem aut prosequentes easdem, per quos dicta Regnum & terras occupanda, Sedes eadem providebit, tentantibus se opponere assistant, vel qualitercumque faveant, sive præstent in hoc consilium, auxilium, seu favorem publicum vel occultum quacumque occasione quaesita, vel prætextu alicujus homagii vel cujuscumque colligationis, confederationis, societatis seu cujusvis conventionis aut ju-

Petrum Regno privat  
subditos a juramento solvens fidelitatis.

Siculosque rebelles, Civitates &c ecclesiastico supponit interdicto.

Dat imperia Præfulibus, ac Proceribus ne Petro adhaereant:

Quæ quidem censuræ non erant relaxandæ nisi in mortis articulo:

Statutis quoque contra secus agentes poenis;

Quæ omnia prædicta obtritaque fuisse constat;



re contractæ hætenus, siue imposterum contrahendæ, etiamsi colligationes, confæderationes, societates, & Conventiones hujusmodi & alia supradicta penarum adjectionis, literarum, vel Juramenti seu cujuslibet alterius sint vinculo firmitatis innexa.

Omnes coitiones, fæderaque cum eo inita rescissa pronuntiat: penisque gravioribus prævaricatores devincit.

§. 18. Nos enim colligationes, confæderationes, societates, conventiones, cæteraque hujusmodi præmissa quoad hoc de potestatis plenitudine dissolvimus: Juramenta super illis præstita, penasque propterea præmissas penitus relaxantes, & Universos, & singulos, qui eas contraxerant se ad earum observantiam quantumcumque solemniter astringendo, ab ipsorum in præmissis observatione penitus absolventes; specialiter autem Archiepiscopis, Episcopis, & cæteris Personis Ecclesiasticis, Comitibus, Vicecomitibus, Baronibus, Incolis, & habitatoribus supradictis eorundem Regni Aragonum, ac terrarum prohibemus expresse, ne dictum Petrum olim Regem Aragonum pro Rege vel Domino recipiant vel habeant, neve sibi obediant, vel intendant, aut ipsi vel alii pro eo de redditibus, vel obventionibus, siue Juribus Regalibus seu ratione Domini debitis respondeant, vel aliquam satisfactionem impendere sub velamine quocumque præsumant: Alioquin memoratum Petrum quondam Regem, & omnes singulares Personas cujuscumque sint præeminentiæ, conditionis, aut status ecclesiastici, vel mundani etiamsi Regalis Dignitatis honore præfulgeant Excommunicationis, Civitates vero, Castra, Villas, & loca cætera, nec non Universitates ipsorum, quæ dictas inhibitiones vel earum aliquam præterire propria temeritate præsumperint, Interdicti sententiis, quas ex nunc ferimus, decernimus subiacere.

Obstantibus derogat.

§. 19. Non obstantibus quibuslibet Privilegiis, vel indulgentiis quibuscumque Imperatoribus, Regibus, Principibus, Archiepiscopis, seu quibuslibet Prælati aliis, Cisterciensibus, Prædicatoribus, Minoribus, Hospitalariis, Templariis, seu Religiosis aliis, aut Sæcularibus Personis etiam in Dignitate qualibet constitutis, Civitatibus, Castris, locis, Communitatibus, Collegiis, vel quibusvis Universitatibus sub quacumque verborum forma, vel expressione ab eadem Sede concessis, & quibuslibet aliis Indulgentiis ejusdem Sedis, per quas præsentis Processus effectus impediri valeat, vel differri. Quæ quidem omnia Privilegia, & indulgentias quoad hoc omnino viribus vacuumus. Et nihilominus contra hujusmodi Præsumptores, & specialiter contra dictos Prælatos, Religiosos, Comites, Vicecomites, Barones, Incolas, Habitatores, Civitates, Castra, Villas, ac alia loca, & Universitates ipsorum ad privandum eos & ea quibuslibet privilegiis, indulgentiis, immunitatibus, siue gratis ipsis ab eadem Sede concessis, nec non Terris, feudis, & Juribus, quæ a præfata Romana, vel aliis quibuscumque tenent Ecclesiis, seu Personis Ecclesiasticis, ac alias gravius spiritualiter & temporaliter, quando & sicut facti fuaserit qualitas, & expedire viderimus, prævia divina gratia procedemus.

Publicatio hujus Processus.

§. 20. Ut autem hujusmodi noster Processus ad communem omnium notitiam deducatur, Car-

tas live membranas Processum continentes eundem in majoris Ecclesiæ Urbe vetan. appendi vel affigi Oñiis, seu superliminaribus faciemus, quæ Processum ipsum suo quasi sonoro præconio & patulo indicio publicabunt; Ita quod idem Petrus vel alii quos Processus ipse contingit, nullam, postea possint excusationem prætere, quod ad eos talis Processus non pervenerit, vel quod ignorarint eundem, cum non sit verisimile remanere quo ad ipsos incognitum, vel occultum, quod tam patenter omnibus publicatur.

Actum apud Urbem veterem in Platea dictæ Majoris Ecclesiæ Duodecimo Kalendas Aprilis Pontificatus nostri anno II.

Dat. die 21. Martii 1283. P. Ann. II.

## HONORIUS IV.

P A P A C X C.

ANNO DOM. MCCLXXXV.



**H**onorius IV. antea Jacobus Sabellus, natione Romanus, Diaconus Cardinalis S. Mariæ in Cosmedin electus est Perusii in summum Pontificem die 2. Aprilis anno 1285. & Romæ consecratus, atque inthronizatus est apud S. Petrum die 15. ejusdem. Sedit in Pontificatu Annos II. imperantibus in Oriente Andronico, in Occidente Rodolpho Rege Romanorum. Obiit siquidem die 3. Aprilis anno 1287. & sepultus est in Ecclesia S. Petri juxta Nicolaum Papam III. Vacavit Sedes Mess. X. dies XIX.

Ency-



I.

Encyclicis literis Christifideles promotionis suæ certiores faciens, ad divinam ipsi opem suis precibus conciliandam provocat.

Ex Raynalde  
ad ann. 1285.  
§. 17.

Honorius Episcopus Servus Servorum Dei.

De divina  
providentia  
in dandis Ec-  
clesiæ Pasto-  
ribus.

**Q**uis loquetur potentias Domini, auditas faciet omnes laudes ejus; mira, & innumera suæ virtutis opera, quæ ipse potens ex omnibus potenter, & ineffabiliter operatur, ita sufficienter enuncians, & explicite differens, ut audiantur ab aliis, & audientes laudibus ipsum condignis attollant, laudandum procul dubio sine fine secundum multitudinis infinitæ? Profecto admiratio mixta quæstioni præmissæ non tam raritatem ad quæsitam sufficientem insinuat, quam generalem omnium in hoc insufficientiam veridica insinuatione designat; nec enim quisquam explicare loquendo, vel comprehendere sufficit meditando, cum sint incomprehensibilia Dei Judicia, & investigabiles viæ ejus, & idcirco, nec ad comprehendendum, vel etiam investigandum humana ratio proficit, sed investigando miratur stupet, & deficit, cur ipse terribilis in consiliis super filios hominum, & præcipue circa regimen Sacrosanctæ Matris Ecclesiæ innotescens interdum Rectores ipsius virtutibus fortes, & viribus pro suæ dispositionis libertate subducit, interdum in successoris substitutione illis, quos aptiores ad id communis hominum censura perhibebat, omissis, Ecclesiæ ipsius gubernationem, & curam longe disparibus in utriusque alto suo consilio licet nobis occulto, & nimirum admirando, saltem præmittendo committit; in hoc etiam sua omnipotentia, & nihilominus eandem Ecclesiam per ipsum principaliter gubernari evidenter ostendens: evidens etenim est opus potentia virtutisque potentis immensi oneris sarcinam culmini Apostolatus annexam adeo levigare debilibus, ut levigantis ope salubriter supportetur, & proinde manifestius pateat ipsam Ecclesiam regi, & dirigi potius opitulantis arbitrio, quam illius, cui regimen ejus erat sua dispositione, seu permissione commissum.

Sic, sic ille Pater omnipotens providentia cuncta gubernans, constitutos inter maris mundi hujus amari procellas, sine rate salvificat populum, qui alias ubi non est Rector, facile corrui, a ruina sine Rectoris idoneitate præservans. Non enim vocat multos sapientes secundum carnem, non multos nobiles multosve potentes, sed infirma mundi eligit, ut superbiam innitentis sibi fortitudinis humanæ retundens, fortia quæque confundat, nec aliquis creaturæ, sapientiæ, nobilitati, vel potentia ipsius Ecclesiæ directionem erronee præsumat adscribere, sed totaliter attribuat Creatori.

Non propriis  
viribus, sed in  
Dei potentia  
confidendum.

Ex hoc etiam est, quos conscientia insufficientiæ suæ premit, spe roborans, fiduciaque confortans, ut si quem hujusmodi ad jugum Domini, & ipsius onera in ejusdem Ecclesiæ regimine subeunda vocari contingat, instante necessitate non sic defectus proprii considerationi

succumbat, quod cedens laboribus, colla subducens oneribus, seque mercenarium exhibens, custodiam dominici ovilis effugiat, & eandem piam Matrem Ecclesiam, in tempestatibus variis fluctuantem, impie derelinquat, sed de se ipso diffidens confidat in Domino, & de illo sperans, Ecclesiæque compatiens subire prout res exigit ipsius onera non pavecat. Hujusmodi spe fiduciaque reficimur in eo, quod in eadem Ecclesia iis accidisse diebus ad humiliationem nostram, & conditoris omnium gloriam in vestram notitiam, licet jam volantis famæ præconio forte deductum, censuimus seriofius, & certius deducendum.

Nuper siquidem quarto Kalendas Aprilis felicitis record. Martino Papa Prædecessore nostro, prudentiæ, ac scientiæ, multarumque aliarum virtutum dono pollente per naturalis mortis occasum de nequam sæculi hujus angustiis liberato, & ipsius corpore cum debita exequiarum solemnitate sepulto, prima die dicti mensis cum Fratribus nostris, de quorum numero tunc eramus, libere nulla inclusionis coactione præambula, quam aliquando in Ecclesiæ ipsius vacationibus damnabilis præsumpsit abusus, convenimus ad tractandum de substituendi electione Pastoris. Et postquam Missarum solemnitas ex more in honore Sancti Spiritus celebrata, tractatu aliquo habito, tandem in crastinum scrutinii via electa concorditer, factoque, ac publicato scrutinio, quod nec sequens habuit, sicut nec oportuit, nec præcedens votorum Fratrum eorundem directorum in nos eo tempore Sanctæ Mariæ in Cosmedin, Diaconum Cardinalem, tanta est inventa concordia, & de unanimi eorum omnium voluntate adeo concors de nobis in summum Pontificem electio subsecuta, quod nos de tam grandi, tamque inexpectata, immo & nobis omnino inopinata novitate plus, quam verbis exprimere possimus, attoniti facti sumus, velut in mentis excessu. Filiis namque Matris nostræ, ipsius videlicet Ecclesiæ Romanæ communis Matris, & Domine, Cardinalibus contra nos pugnantibus, ut nobis jugo apostolicæ servitutis imposito, custodem nos non in alienis vineis ponerent, qui ex nostrorum meditatione defectum, nos nec propriæ custodiendæ sufficere humiliter confitemur, & post defectus eosdem, quos ipsis ad majoris voluntatis indicium quasi palpandos exponebamus objectos, ad obtinendum super hoc consensum nostrum non solum importune instantibus, sed infeste.

O quantæ animum nostrum perplexitatis vexabat anxietas! o quam acutis, quam amaris cor nostrum pungebatur aculeis diversis suggestionibus sub conscientia, ac rationis examine confligentibus altrinsecus in eodem! Hinc enim nostra debilitas suggerebat a molis importabilis universali mundi regimine nostros imbecilles humeros subducendos, nec Apostolorum Principis Cathedram tremendæ altitudinis, vitandæ insufficientibus sollicitudinis speculam conscendendam. E regione vero ejusdem status Ecclesiæ, orbisque totius impacatus graviter immo in gentes fide Catholica insignitas, non tamen infidelibus, sed & orthodoxis insurgentibus gentibus, & Regnis in Re-

De Martini  
morte:

Cardinalium  
suffragiis in  
Honorii tunc  
S. Mariæ Diac.  
Card. colla-  
tis:

Honorii in re-  
sponso Pon-  
tificatu mode-  
stia.

Quibus causis  
honorem ad-  
miserit.

gua



gna periculose divulsus terræ sanctæ nimis damnose retardata subventio, & aliorum negotiorum fidei ejusdem impedita promotio, aliaque ipsius orbis satis nota discrimina contrarium suadebant. Habebat quoque hujusmodi suasionis adjectio, quod cum matri sit honor ex præcepto Domini exhibendus, qui in scripturis non in salutationum solummodo, sed in aliorum suffragiorum exhibitione sentitur, non erat eidem reverendæ Matri Ecclesiæ, quin potius orbi toti, maxime hoc tempore, tam necessarij subsidij solatium subtrahendum: præsertim cum de præteritis vacationibus conjectura consurgens filialem in nobis, & dictis Fratribus ad prosperitatem ipsius matris affectum sollicitatione timoris solliciti plena concuteret, ne si tam prompta eorumdem Fratrum concordia (quæ non absque illius gratia qui unanimis habitare facit in Domo, provenisse devote supponitur) negligere, seu præteriret inefficax, inimico homine superfeminante, zizania, instantis tunc provisionis negotium in discordiam laberetur prolixioris vacationis ipsius Ecclesiæ aliaque grandia pericula comminantem.

His autem, & aliis, quæ subiceri ad præsens brevitatis suasit obtentus, non leviter alternantibus anxie deliberationis nostræ Judicium occurrit deliberantis obtutibus ille Israelitici populi protector egregius, & strenuus bellorum Domini præliator, qui aliis terrore concussis præ multitudine nimia insurgentium, ex adverso constanter ait, inquit intrepide; melius est mori nos in prælio, quam videre mala gentis nostræ, & Sanctorum, sicut fuerit voluntas in cælo, sic fiat; exemplari doctrina vocatum ad regendam Ecclesiam, dirigendam, & protegendam tamquam Salvatoris Vicarium in Summi Pontificatus apice, populi Christiani salutem instruens, & informans, ut instar ipsius pericula regendi gregis abhorreat, in occurrendo illis sua non metuat, & non solum quieti suæ non consulens, immo & vitæ non parcens, nequaquam sic de virium suarum ad ea, quæ imminet, imparitate desperet; quin sub specie cælestis auxilij se illis confidenter exponat, & divinæ voluntati committat. Præmissis sane, spe, ac fiducia roborati, & instructione, ac informatione deducti, prædicta Ecclesiæ, fidei, terræque discrimina, variaque orbis diffidia in nostræ mentis arcano non absque gravi amaritudine recensentes, elegimus potius Nos ipsos ministerio, quod supra nostras est vires, exponere, quam Ecclesiam, fidem, ceteraque prædicta relinquere discriminibus tantis exposita, conscientia reluctante, sicque humiliato spiritu oculos in excelsa levantes ad cæli, Terræque factorem, a quo auxilium procedere confitetur veraciter eximius Prophetarum, sub ipsius spe onus junctum electioni præmissæ consentiendo, cum multo timore, ac tremore subivimus, de insufficientia nostra nimis, nihil vero de sua omnipotentia hæsitantes, sed apud ipsum devotis supplicationibus insistentes, & sicut memorato bellorum Dei belligero in manu ipsius ejusdem Israelitici populi salute directæ, optatum de hostibus tunc imminetibus dedit eventum; Sic & in manibus nostris, gre-

gis sui curæ nostræ commissi salutem dirigat, & de dictarum Ecclesiæ, fidei, terræque persecutoribus votivum exitum sua pietate concedat, ut vertantur impii, & conversi ad Dominum impii amplius non existant, de persecutoribus persecutores effecti excelsi eos dextera immutante.

Quod ut efficaciter vestris adjuti suffragiis obtinere possimus, charitatem vestram assistentem instanter expetimus, & cum instantia humili eadem suffragia imploramus, vos universos, singulos intimo rogantes affectu, & affectuosa exhortatione monentes, quatenus considerato prudenter, quod cum sitis in partem tantæ sollicitudinis vocati, decet vos in prosecutione illius cooperatores esse sollicitos, humilitati nostræ in suscepti executione ministerii devotas, & sedulas fundendo pro nobis preces ad Dominum; & in plebibus diligentia vestra commissis, extirpando vitia, inferendoque virtutes, sic studiose cooperari velitis, quod vobis per vigilis in illis Pastoris partes implentibus adeo nobis, quoad eas onere partito, sit levius, quod in aliis officii nostri debitum liberius exequentes, retributionis æternæ præmium sequamur instantius, & una cum grege nobis credito efficacius de retributionis bonorum omnium misericordia consequamur: vos quoque præter participium retributionis ejusdem in vestris opportunitatibus, in quibus gratiosè quantum cum Deo poterimus, adesse vobis intendimus, proinde favorem Apostolicum propitiam sentiat.

Datum Romæ apud Sanctum Petrum, octavo Kalendas Junii Pontificatus nostri anno I.

Præfules ad  
parciendum,  
cum ipso onus  
hortatur.

Dat. die 25.  
Maii Anno  
Domini 1285.  
Pontif. anno I.

## I I.

Provisiones, & Ordinationes tam quoad spiritualia, quam temporalia pro bono Regimine Regni Siciliæ.

Honorius Episcopus Servus Servorum Dei.  
Ad Perpetuam rei Memoriam.

§. I. **I**ustitia & pax complexæ sunt se, ita societate indissolubili sociatæ, sic se comitatu individuo comitantes, ut una sine altera plene non possit haberi, & qui lædit alteram, pariter offendit utramque. Hinc complexus earum graviter impeditur injuriis: per eas etenim læsa Iustitia, pax turbatur, ipsaque turbata facile in guerrarum discrimina labitur. Quibus invalescentibus Iustitia inefficax redditur, dum debitum sortiri nequit effectum: sicque ipsa sublata nimirum pax tollitur opus ejus, & ipsius fructus subducitur seminandus in pace, ac proinde complexis deficientibus necessario deficit & complexus. In horum vero defectu licentia laxata diffidiis multiplicantur bella, pericula subeunt animarum & corporum, crimina frequentantur, nec rerum vastitas præteritur. Hec in præsentium injuriosis processibus, & inductarum in subditos oppressionum, excessibus patent apertius, evidenter ostenduntur. In quorum multiplicatione sauciantur

Ex Regest.  
Vatic. Consul.  
le Raynaud.  
ad ann. 1285.  
§. 29.

Spem in Deo  
collocat.

cor-



Mederi his  
malis jure ag-  
greditur Ho-  
norius.

corda laeorum, & quanto minus datur oppor-  
tunitas licite propulsandi, quæ illicite infe-  
runtur, tanto rancor altius radicatur interius,  
& periculosius prorumpit exterius opportuni-  
tate concessa. Fiunt enim plerumque hostes  
ex subditis, transeunt auxilia securitatis in me-  
tum, munitiones in formidinem convertuntur;  
nutant regnantium folia, redundant Regna  
periculis intestinis, quatiuntur insidiis extrin-  
secis, insultibus imperuntur audacius, & Re-  
gnantes in eis, qui operantes justitiam exalta-  
tionis gloriam mererentur, humiliati propter  
injustitias frequenter opprobrium dejectionis  
incurrunt. In præmissis etsi Scripturæ Nos in-  
struant, efficacius tamen notis docemur exem-  
plis: Quantis enim tempore quondam Fride-  
rici olim Romanorum Imperatoris propter il-  
latas Regnicolis afflictiones illicitas & oppres-  
siones indebitas in Regno Siciliae non absque im-  
mensitate gravaminum inductas ab ipso, Re-  
gnum ipsum tempestatibus fluctuarit, quot &  
quantis rebellionibus concussum extiterit, quot  
invasionibus attentatum, quantum per ipsum  
& Posteris suos depauperatum opibus, quot in-  
colarum exiliis & stragibus diminutum, nullum  
fere angulum Orbis latet. Quam præcipiti Fri-  
dericus idem & genus ipsius ruina corruerint,  
probat notorius casus ejus & manifestum eo-  
rundem exterminium Posterorum. Verum adeo  
Friderici ejusdem in dictis continuata & aucta  
Posteris, ac in alios exemplari derivatione trans-  
fusa processit iniquitas, quod per eum inventa  
gravamina usque ad hæc tempora duravisse,  
nec non & augmentata dicuntur aliqua eorum-  
dem & adjecta nihilominus alia non minora.  
Propter quod nonnullorum supponit opinio,  
quod claræ memoriæ Carolum Siciliae Regem,  
quem prosecutionis dictorum gravaminum eo-  
rundem Friderici & Posterorum perniciofa  
exempla fecerunt saltem permissione partici-  
pem, dum opinaretur forsitan licita, quæ ab  
illis audiverat tam longis temporibus usurpata,  
reddiderunt etiam prædictorum consequentium  
ad illa discriminum non prorsus expertem,  
prout Siculorum Rebello multo onusta pericu-  
lis, aliorumque ipsam foventium persecutio ma-  
nifestant, non solum in ejusdem Regis ac heredum  
suorum grave adeo excitate discrimen, quod  
ipsis hæredibus, nisi per Nos celeri occurratur  
prædictorum subductione gravaminum, instans  
perditionis totius dicti Regni periculum com-  
minantur, sed & in grande nostrum & Ecclesiæ  
Romanæ dispendium prorogata: Cum sit per  
eas in Sicilia Insula, & in nonnullis aliis ejus-  
dem Regni partibus ipsarum Incolis, nec No-  
bis, nec Ecclesiæ ipsi parentibus sed adhæren-  
tibus potius inimicis, nostra & ipsius Ecclesiæ  
civilis interversa possessio, & in cæterarum  
aliquibus turbata frequentius, & turbetur. Ex  
quo datur patenter intelligi, quantum in his no-  
strum & Ecclesiæ præfatæ interesse versetur,  
quantumque ad nostrum spectet officium, &  
hæredum ipsorum præcipue necessitas exigit,  
non tantum præmissis obortis in eodem Regno,  
quod est ipsius Ecclesiæ speciale tamquam ad  
Jus & proprietatem ejus pertinens, dictisque  
Regi, & hæredibus in feudum ab ipsa conce-  
sum, obviare periculis; sed etiam ne simila-

*Bull. Rom. Tom. III. Pars II.*

orientur in posterum, diligentem curam & cu-  
riosam diligentiam adhibere, præacta grava-  
mina eorundem periculorum, ut veritati con-  
currat expressio, manifestas occasiones, & Cau-  
sas congruæ provisionis beneficio abrogando.  
Cum proprietatis Domino prædium, in quo est  
Jus alii constitutum, pro eo quod sua interest,  
tueri, fines ipsius custodire liceat, eo etiam  
cui Jus debetur, invito; Custodiæ autem no-  
men id habeat, quod qui tenetur ad eam, non  
solum id debeat, ut si casu viderit in re custo-  
dienda fieri quid adversum, prohibeat facien-  
tem; verum etiam ut curet dare operam, ne  
id fiat.

§.2. Multiplex itaque nos ratio interpellat &  
exigit, illud in hujusmodi gravaminibus, super  
quibus fama publica & variæ inquisitiones per  
Venerabilem fratrem nostrum Guidonem Epi-  
scopum Sabinensem Apostolicæ Sedis Legatum  
factæ de speciali mandato Sedis ipsius & indagi-  
nes alias habitæ Nos informant, nostræ provi-  
sionis Edicto remedium adhiberi, per quod in-  
justis submotis oneribus circa ea in Regno præ-  
fato solide stabilita Justitia Regium thronum  
firmet, pacis tranquilla producat, sit inibi pu-  
blicæ tranquillitatis silentium, cultus ejus &  
ipsa vinculum societatis humanæ sic Superio-  
rem Populo sibi subjecto domesticet, eique ip-  
sius Populi corda consolidet, quod superior in-  
sidiarum sollicitudine absolutus securitatis ju-  
cunditate lætetur, Populus pressuris indebitis  
liberatus in pacis pulchritudine sedeat, in re-  
quie opulenta quiescat, & in unanimitate ipso-  
rum ac mutuo sinceritatis affectu ejusdem Re-  
gni statu roborato pacifico non sit profligatis  
hostibus, qui foris exterreat, aut qui pacatis in-  
colarum ejusdem animis intus turbet.

§.3. Instantiæ quoque præmissæ interpellatio-  
nis non modicum adiecit, quod memorati Re-  
gis, dum viveret, & dilecti filii Nobilis viri Ca-  
roli sui Primogeniti ex eo manifeste percepi-  
mus, ad id vota concurrere, quod idem Rex  
super directione, ordinatione, reformatione,  
sen quacumque alia dispositione Collectarum,  
exactionum, Matrimoniorum, aut aliorum,  
quorumlibet, quæ gravamina dicerentur, vel  
dici possent, tam circa Ecclesias, Monasteria,  
& alias Ecclesiasticas Personas, quam circa  
Communitates, & Universitates Civitatum,  
Castrorum, & aliorum locorum, & etiam cir-  
ca singulares Personas totius Regni prædicti,  
aut cujuslibet partis ejus felicis recordationis  
Martini Papæ Quarti Prædecessoris nostri dire-  
ctioni, reformationi, dispositioni, & ordina-  
tioni se plene ac libere, alte ac basse submit-  
tens, & concedens eidem super his plenam & li-  
beram potestatem; ac promittens quidquid per  
eundem Prædecessorem ipso Rege, dictove  
Primogenito tunc ejus Vicario in Regno eodem  
& aliis suis Officialibus requisitis vel irrequisi-  
tis etiam actum foret, se ac hæredes suos ad  
hoc specialiter obligando inviolabiliter obser-  
vare: suis super hoc patentibus literis Prædeces-  
sori concessis eidem. Præmissa quoque in mor-  
tis Articulo per alias suas similiter patentes li-  
teras plenius repetens & confirmans eidem Præ-  
decessori, per eas humiliter supplicavit, ut om-  
nia onera fidelium Regni sui, & quæ gravami-

Carolus I. &  
II. Romanæ  
Pont. ad id  
precibus ur-  
gerant.

Ut Siculi a  
Frid. Impera-  
tore graviore  
jugo sint op-  
pressi.

Nec levati a  
Carolo.

Inde confla-  
ta ab exaspe-  
ratis populis  
conjunctio.



Edite ab iisdem adfer-  
vandos po-  
pulos sanctio-  
nes aliquæ.

na dici possent, remove, tollere, ac cassare, dictumque Regnum prospere reformare, omniaque statuere, quæ ad bonum statum hæredum suorum, & fidelium eorundem expedire videret, sua provisione curaret: Non obstante si Regem ipsum tunc infirmitate graviter laborantem naturalis debiti solutione contingeret præveniri, sicut præmissæ ipsius Regis literæ, quæ per Nos & aliquos ex fratribus nostris diligenter inspectæ in Archivio ejusdem servantur Ecclesiæ, manifestius attestantur. Et tam idem Rex, quam dictus Primogenitus super tollendis aliquibus eorundem gravaminum constitutiones varias edidisse dicuntur, licet & illæ plenioris executione observationis indigeant, non plene ut intelleximus, hætenus observatæ.

§. 4. Volentes igitur illis robur Apostolicæ confirmationis adiacere, ut inferius exprimitur, & prædictum nostrum exequi accommodatæ provisionis adjectione propositum, infra scripta omnia, prout infra scripta eorum series indicat, de fratrum nostrorum consilio & assensu ac potestatis plenitudine providendo, a gravamine illo deliberavimus inchoandum, quod majorem scandali materiam & generalius ministrabat. Ideoque ut omnino cesset in Regno eodem onerosa exactio Collectarum, præsentis edictali provisione ac Constitutione valitura, perpetuo prohibemus, per Reges, qui pro tempore fuerint, seu pro eis Dominantes in Regno prædicto vel Ministros ipsorum, Collectas fieri, nisi tantum in quatuor Casibus infra scriptis.

Decernit Pontifex quibus casibus subsidium esse colligendum sit.

Primus est pro defensione terre, si contingat invadi Regnum invasione notabili, sive gravi, non procurata, non simulata, non momentanea, seu transitura facile, sed manente. Aut si contingat in eodem Regno notabilis Rebellio, sive gravis similiter non simulata, non procurata, non momentanea, sive facile transitura, sed manens.

Secundus est pro Regis Persona redimenda de suis redditibus & Collecta, si eum ab inimicis captivari contingat.

Tertius est pro Militia sua, seu fratris sui Consanguinei & uterini, vel saltem Consanguinei, sive alicujus ex liberis suis, cum hujusmodi fratrem suum vel aliquem ex eisdem liberis militari cingulo decorabit.

Quartus est pro maritanda sorore simili conjunctione sibi conjuncta, vel aliqua ex filiabus aut neptibus suis, seu qualibet alia de genere suo ab eo per rectam lineam descendente quam & quando eam ipse dotabit.

Statuitque pecunie quantitatem.

§. 5. In prædictis enim Casibus prout qualitas tunc imminentis Casus exegerit licebit Regi Collectam imponere, ac exigere a subjectis: dum tamen pro defensione, invasione, seu Rebellionem prædictis, aut ipsius Domini Redemptione Quinquaginta Millium, Pro Militia Duodecim Millium, Pro maritagio vero Quindecim Millium Auri summam Collectæ Universitatis totius Regni ejusdem tam ultra Pharam, quam citra, quantitas non excedat, nec concurrentibus etiam aliquibus ex prædictis Casibus, Collecta in uno & eodem Anno nisi una tantummodo imponatur.

§. 6. Sicut autem Collectæ quantitatem prædi-

ctas summas in suis Casibus limitatas excedere, ut præmittitur prohibemus: sic nec permittimus indistincte ad ipsas extendi, sed tunc tantum, cum Casus instantis qualitas id exposcet.

§. 7. Et ut in prædictis etiam Casibus possit Rex, qui pro tempore fuerit, eo vitare commodius gravamina subditorum, quo uberiores fuerint redditus & obventiones ipsius, eum a Demaniorum donatione volumus abstinere id sibi consultius suadentes.

§. 8. Simili quoque prohibitioni subiicimus mutationem monetæ frequentem, apertius providentes, quod cuilibet Regi Siciliæ liceat semel tantum in vita sua novam cudi facere monetam, legalem tamen & tenetæ secundum Consilium peritorum in talibus competentis, sicut in Regnis illis observatur; in quibus est usus legalium monetarum quodque usualis moneta sit valoris exigui, & talis quod in eodem valore sit apta manere toto tempore vitæ Regis, cujus mandato cudetur. Nec pro ea vel aliqua magna moneta, quam idem Rex semel tantum in vita sua fecerit, expendenda, fiat collecta vel distributio, sed Campforibus & aliis Mercatoribus volentibus eam sponte recipere tribuatur, & hoc ita precipimus perpetuis temporibus observari.

§. 9. In Homicidiis clandestinis providendo præcipimus, nihil ultra penam inferius adnotatam ab Universitatibus exigendum; videlicet ut pro Christiano, quem clandestine occisum inveniri continget, ultra Centum Augustales, pro Judæo vero vel Saraceno ultra quinquaginta nihil penitus exigatur: Augumento quod circa eandem penam idem Rex dicitur induxisse, omnino sublato: Præsertim cum memorati Rex & Primogenitus dicantur idem per suas Constitutiones noviter statuisse, quas quoad hæc decernimus inviolabiliter observandas. Et hoc intelligi tantum in Homicidiis vere clandestinis, in quibus ignoratur maleficus, nec aliquis accusator apparet, adicientes quod non nisi tantum in locis magnis & Populosis exigi possit quantitas supradicta: In aliis vero infra quantitatem eandem pro qualitate locorum exactio temperetur.

Quæ multa infligenda in homicidiis clandestinis.

§. 10. Eidem provisioni adiciendo præcipimus Universitates ad emendationem furtorum, quæ per singulares Personas contingit fieri, nullatenus compellendas: Nec ad mutuandum Regi, seu Curia suæ, aut Officialibus vel Ministris ipsorum, aut recipiendam aliquatenus Regiæ Massariæ custodiam, sive onus, seu possessionum Regalium procuracionem, aut Gabellæ vel Navium, seu quorumcumque Vassellorum fabricandorum curam quemquam cogendum invitum: Usurpationibus, quæ contrarium inducebant, penitus abrogatis: maxime cum dicti Rex, & Primogenitus ad relevanda non tamen plene gravamina in præmissis inducta, Constitutiones varias promulgasse dicantur.

Quibus in casibus abstinendum a multis.

§. 11. Concedimus autem, ut si casus emergat, in quo sit necessarium Naves vel alia Vassella pro utilitate publica fabricari, liceat tunc Regnanti committere curam fabricationis hujusmodi expensis Regiis faciendæ Personis idoneis, videlicet hujus rei peritiam habentibus, & quas

Naves sup-  
ptu Regio  
non privato-  
rum constru-  
enda.

Novum monetæ genus semel tantum conflandum a singulis Regibus.



Ad Captivo-  
rum Custo-  
diam univer-  
sitates non  
cogenda.

Nec in pecu-  
nia Regi de-  
stinanda gra-  
vanda.

Quæ Castra,  
& ædificia im-  
pensa publica  
instauranda.

De Judicio-  
rum forma.

Passuum Cu-  
stodia tem-  
pore belli.

quas officium tale decet, & ipsis satisfaciat pro  
susceptione curæ prædictæ de competenti mer-  
cede: Et idem servari præcipimus in faciendo  
Biscotto.

§. 12. Ad Captivorum Custodiam Universitates,  
vel earum singulares Personæ nullatenus com-  
pellantur, præsertim cum hoc ipsum dicatur  
eiusdem Regis Constitutione provisum, quod  
præcipimus inviolabiliter observari.

§. 13. Gravamen quod in pecunia destinanda  
Regi, vel Regali Camera, seu ad alia loca  
quæcumque alicujus Universitatis expensis per  
aliquas Personas ejusdem Universitatis periculo  
eligendas inferri dicti Regni Universitatibus di-  
cebatur, provisione simili prohibemus ipsis  
Universitatibus, vel singularibus Personis ear-  
um de cætero irrogari: maxime cum dicatur  
idem quoad Universitates dicti Primogeniti  
prohibitoria Constitutione provisum, quam in  
hoc decernimus inviolabiliter observandam.

§. 14. Illud quod in eodem Regno dicitur usur-  
patum, videlicet quod Incolæ ipsius Regni ad  
reparanda Castra, & construenda in eis expen-  
sis propriis nova ædificia cogebantur, emen-  
datione congrua corrigentes providendo præ-  
cipimus, ut nihil ultra expensas necessarias ad  
reparationem illorum antiquorum Castrorum,  
quæ consueverunt hætenus Incolarum sumpti-  
bus reparari, & Ædificiorum, quæ in hujus-  
modi Castris fuerant ab antiquo, ab eisdem In-  
colis peti possit: Et constitutio, quam circa  
hoc idem Primogenitus edidisse dicitur, in hu-  
jusmodi antiquis Castris & ædificiis solummodo  
intelligenda servetur: Antiqua vero Castra in-  
telligi decernimus in hoc casu, quorum con-  
structio annorum quinquaginta jam tempus  
excessit.

§. 15. Circa Personas accusatas, quæ in eodem  
Regno injuste capi dicebantur, si etiam idoneos  
fidejussores offerrent, licet idem Rex aliquid  
statuisse dicatur ad gravamen hujusmodi tem-  
perandum; Nos tamen, ut nulla super hoc  
querela superfit, providendo præcipimus, ju-  
ra Civilia observanda, & eadem observari ju-  
bemus circa destitutionem possessorum Comi-  
tum, Baronum, & quorumlibet aliorum, qui  
per Regalem Curiam, & Officiales ipsius, ac  
alios alienigenas feuda tenentes in Regno suis  
possessionibus, si quando Curia, Officiales, vel  
alienigenæ prædicti se Jus habere prætendebant  
in illis, spoliari sive destitui dicebantur, & de  
possessoribus effici petitores nullo Juris ordine  
observato; Nec non & cum aliquis dicitur in-  
venisse thesaurum, & etiam cum quis apud  
eamdem Curiam pro alio fidejussit: Ita quod  
nec aliquis suæ destituatur possessionis com-  
modo, vel spoliatur, aut destituatur eadem,  
nec quoad illum, qui defertur, aut convincit-  
ur de Inventione thesauri, nec quoad fidejuf-  
sores Curia datos aliter quam eadem Jura sta-  
tuunt, procedatur.

§. 16. Regibus futuris pro tempore in Regno  
prædicto, & memoratis Incolis, qui de inor-  
dinata passuum ejusdem Regni Custodia quere-  
bantur se immoderate gravari, similiter pro-  
videntes eidem Custodiæ moderamen compe-  
tens adhibemus: videlicet quod tempore impa-  
cato, seu imminente turbatione, aut veri-

simili turbationis suspitione contra ipsum Re-  
gem, aut dictum Regnum, seu in Regno eo-  
dem, Rex possit facere passus eosdem ad vitan-  
da pericula custodiri. Tempore vero pacifico  
Incolis Regni habitantibus in eodem, ac aliis  
non suspectis liber sit ex eo exitus & ingressus  
in illud: Ita tamen quod Equi ad arma nullo  
tempore sine Regis licentia extrahantur exinde  
ad vendendum: Victualia vero quælibet de  
suis possessionibus, vel Massariis, seu Oves,  
Boves, & alia Animalia humano competentia  
esui, de propriis gregibus, armentis, vel red-  
ditibus habita, extra Regnum, dummodo ta-  
men non ad Inimicos eorumdem Regis, aut  
Regni, unusquisque libere mittat, etiam ad  
vendendum, nisi sterilitas aut prædictæ turba-  
tionis instantia, seu verisimilis suspicio sua-  
deat circa missionem hujusmodi per Regem,  
ejus temporis aliud ordinandum. Si vero præ-  
dicta victualia, vel Animalia ex negotiationis  
commercio habeantur, etiam fertilitatis tem-  
pore absque Regnantis licentia extra Regnum  
mittere, vel ex ipso extrahere non liceat sic  
habenti: In omnibus præmissis missionis seu  
extractionis casibus Jure, quandocumque Regi  
competit, per omnia semper salvo: Infra Re-  
gnum vero etiam per mare liceat cuilibet Ec-  
clesiasticæ, secularive Personæ frumentum, &  
alia blada, nec non & legumina de propriis  
terris, massariis, atque redditibus habita sine  
Jure exituræ, fundaci, seu duanæ in loco, in  
quo victualia recipientur vel deponentur, pre-  
stando, de uno loco deferre, seu facere deferri  
ad alium, à Rege seu ejus Officialibus licentia  
non petita; Emptitia vero Jure exituræ ac fun-  
daci non soluto, sed alio, si quod Regi debetur,  
dummodo Emptitiorum delatio de Portu licito  
ad similem portum, & cum barca paucis Cen-  
tum solummodo salmarum, vel infra Capu-  
tium tantum fiat: Et deferentes seu deferri fa-  
cientes præmissa Emptitia dent particulari Por-  
tulano loci, in quo fiet oneratio eorumdem,  
fidejussoriam cautionem, quod literas testimo-  
niales de ipsorum victualium, & leguminum  
exoneratione à simili Portulano loci, in quo  
exoneratione ipsa fiet habeant infra certum ter-  
minum pro locorum distantia præfigendum. Et  
hæc omnia præcipimus perpetuo observari.

§. 17. Ausum contra Naufragos, ut fertur, in-  
ductum, in eo quod bona, quæ naufragium  
evadebant, capiebantur per Curiam, nec ipsis  
Naufragis reddebantur, ejusdem provisionis  
oraculo penitus abolemus, præcipientes bona  
hujusmodi illis restitui, ad quos spectant.

§. 18. Querelam gravem hominum Regni ejus-  
dem super eo nobis exhibitam, quod Curiales  
stipendiarii regii, & alii regalem sequentes  
Curiam in Civitatibus & locis, ad quæ cum  
dicta Curia, vel sine ipsis declinare contingit,  
Domos Civitatis, seu Locorum eorumdem pro  
suo arbitrio Dominis intrabant invitatis, & in-  
terdum ejectis, eisque in altilibus, Animalibus,  
& aliis bonis eorum, & quandoque ho-  
rum occasione in Personis ipsorum graves in-  
jurias inferebant, sopire competentis provisio-  
nis remedio cupientes: Prohibemus, ne ali-  
quis Curialis stipendiarius, vel alius Curiam  
sequens memoratam Domum vel Hospitium ali-

Commercii  
usu libero.

Naufragorum  
bona restituenda.

Qua lege re-  
gii stipendia-  
rii hospitium  
sunt habituri.



aliquod capere, sive intrare propria auctoritate presumat, sed per duos, vel tres, aut plures, prout Civitatis, aut loci magnitudo poposcerit, per eandem Curiam & totidem electos a locorum Incolis, auctoritate tamen Regia deputandos, hospitia memoratis Curialibus, stipendiariis, & aliis assignentur. Idem autem Curiales, stipendiarii, & alii nulla bona suorum hospitem capiant, nec in illis, aut in Personis eorum ipsis aliquam injuriam inferant; Nec ipsorum aliquis, pro eo, quod sibi hospitium fuerit aliquando taliter assignatum, si eum alias ad eundem locum cum Curia vel sine Curia venire contingat, sibi Jus hospitandi vendicat in eodem, aut ipsum intrare audeat, nisi fuerit sibi simili modo assignatum. Hujusmodi autem hospitia taliter assignata præfati Rex, & illi de Domo & familia sua gratis semper obtineant; Reliqui vero sive stipendiarii, sive quicumque alii per unum mensem solum, si tanto tempore in eodem loco contingat Curiam residere; Si vero ultra residerit, vel ipsos stipendiarios, aut alios ad aliqua loca sine Curia venire contigerit, satisfaciant Dominis hospitiorum, seu ipsorum Auctoribus de salario competenti per Deputatos, ut præmittitur moderando.

Vina & Vi-  
&ualia vende-  
re nemo co-  
gatur invitus.

§. 19. Similiter prohibemus, ne in locis, in quibus vina & victualia possunt venalia reperiri, quisquam ea per Regalem Curiam, aut Curiales, seu quoslibet alios Ministros ipsorum vel quoscumque alios invitus vendere compellatur, nec aliqua bona nolentibus vendere auferantur, nec eorum vegetes consignentur; Et si de facto fuerint consignate, signa eis imposita liceat Dominis auctoritate propria remove, præsertim cum præfatus Rex hoc ipsum de remotione hujusmodi statuisse dicatur. Si vero in loco, ad quem Curiam, Curiales, ac alios prædictos declinare contingit, talia venalia non habentur abundantes in illis per aliquem vel aliquos ad hoc Regali Curia, & totidem a locorum Incolis electos, auctoritate tamen Regia deputandos, omnia hujusmodi, quæ habent, ultra necessaria suis, & familiarum suarum usibus, non solum Curia, sed Curialibus, & aliis eam sequentibus cogantur vendere pretio competenti per Deputatos, ut præmittitur, moderando.

Matrimonio-  
rum libertas  
restituta.

§. 20. In Matrimoniis, in quibus volentibus ea contrahere varia impedimenta contrahendi adimentia libertatem per Regem & suos ingeri dicebantur, Apostolicæ provisionis beneficium deliberavimus adhibendum. Ideoque provisione irrefragabili prohibentes, Regnicolis Regni habitatoribus Matrimonium intra se contrahere volentibus per Regem, vel suos Officiales, aut alios quoslibet inhibitionis, seu cujuslibet alterius obicem impedimenti præstari declaramus, & declarando precipimus libera esse Matrimonia inter eos; Ita quod bona mobilia vel immobilia, feudalia vel non feudalia libere sibi mutuo dare possint in dotem, nec iidem Regnicola Regni, ut præmittitur, habitatores ejusdem super Matrimonio inter se contrahendo, aut in dotem dando bona quolibet licentiam petere teneantur, nec pro eo quod Matrimonium cum bonis quibuslibet, aut

dote quantumcumque contractum fuerit, a Rege licentia non petita contrahentibus, aut alterutri eorumdem, vel Parentibus, Consanguineis, sive Amicis ipsorum in Personis, aut rebus impedimentum, dispendium, vel gravamen aliquod irrogetur, nulla in præmissis Constitutione vel consuetudine contraria de cætero valitura.

§. 21. Providendo præcipimus, ut si quando in Regno prædicto contra certam Personam fuerit inquisitio facienda, nisi ea præsentem, vel se per contumaciam absentante non fiat. Si vero præsens fuerit, exhibeantur sibi Capitula, super quibus fuerit inquirendum, ut sit ei defensionis copia & facultas.

§. 22. Simili Provisione præcipimus, ut pro generalibus inquisitionibus nihil vel sub compositionis colore, vel alias ab Universitatibus exigatur, sed si procedendum fuerit, iuste procedatur ex eis, præsertim cum dictus Rex Carolus id statuisse dicatur.

§. 23. Hujusmodi præcepto adicimus, ut quoties inter Fiscum & privatum Causam moveri contingit, non solum in examinando Jura partium sed & ad diffinitivam sententiam iuste ferendam sive pro privato, sive pro Fisco nec non & ad ipsius executionem nulla in hac difficultate ingerenda per Fiscum efficaciter procedatur: Ita quod nec in prædicto examine, nec in prolatione, vel executione sententiæ injustam moram, vel aliam injuriam patiat per Fiscus potentiam Justitia Privatorum.

§. 24. Providendo districtius inhibemus, Forestas per Regem, aut Magnates suæ Curia, vel Officiales, seu quoscumque Ministros in terris fieri Privatorum, vel aliquarum Forestarum occasione per Regiam, Curiam, Magistros vel Custodes Forestarum ipsarum aliquem in cultura terrarum suarum, seu etiam perceptione fructuum impediri, sive ipsis propter hoc damnum aliquod vel injuriam irrogari; factas vero de novo forestas hujusmodi omnino præcipimus amoveri.

§. 25. Omnes Ecclesiæ seu Ecclesiasticæ, sacularesve Personæ Regni Sicilia libere suis salinis utantur, & præsentis provisionis oraculo prohibemus, ne illis per Regem, Officiales, aut quoscumque Ministros ipsius usus aut exercitium interdicatur earum; Neque quisquam prohibeatur sal de salinis ipsis proveniens emere ab eisdem.

§. 26. Abusiones Castellanorum, per quas homines dicti Regni ad portandum eis paleas, ligna, & res alias etiam sine pretio cogebantur inviti, & iidem Castellani de rebus, quæ circa seu per Castra eadem portabantur, padagia exigebant, præsentis provisionis beneficio prohibemus.

§. 27. Ejusdem provisionis edicto præcipimus, ut pro literis Regiis, & Sigillo nihil ultra ipsius Regni antiquam consuetudinem exigatur, videlicet ut pro literis Justitiæ nihil omnino, pro literis vero gratiæ, in qua non est feudi, vel terræ concessio, nihil ultra quatuor Tarenos Auri ab impetrante solvatur, nulla in præmissis distinctione habita inter clausas literas, & apertas. Pro literis autem super concessione feudi, vel terræ concessis, nec non & pro privilegiis aliis pro concessionis seu Privilegii qua-

De Inquisitionibus faciendis;

Causis inter Fiscum, & privatos.

Forestas in terris privatorum non faciendæ.

De strenis.



qualitate, ac benevolentia concedentis Curie satisfiat, dummodo tamen summam decem unciarum pro quolibet feudo integro concessio satisfactio non excedat: Sed nec pretextu Sigilli Regii Justitię sive gratię literis in aliquo Casuum prædictorum impressi, vel appensi forsitan impetrans ultra quam præmittitur solvere compellatur.

§. 28. Animalia deputata Molendinis, quæ Centimuli vulgariter nuncupantur, per Regalem Curiam, vel Officiales, aut Ministros ipsius, eamve sequentes, stipendiarios, vel quoscunque alios nullo modo ad aliquod eorum ministerium Dominis capiantur invitis, nec alia, etiam, sed pro competenti pretio, de quo conventum fuerit inter partes, a volentibus conducantur: Et hæc ita de cætero præcipimus observari, maxime cum idem Rex statuisset dicatur, quod Justitiiarii, & subofficiales eorum, ac stipendiarii, & subofficiales eorum non capiant Animalia deputata ad Centimulos, sed cum est necesse, inveniantur Animalia alia habilia ad vecturam, & loerium conveniens; Et si contra fecerint, restitutis Animalibus cum toto damno eorum Dominis pœnæ nomine, & pro qualibet, vice, & quolibet Animalis solvant Curie unciam auri unam.

§. 29. Præmissam quoque Constitutionem dicti Regis similiter observari præcipimus.

§. 30. De Creatione Officialium præsertim extraneorum, qui propter ignorantiam, status Regni, & favorem, qui eis a Regali Curia præstatur, subditos impune gravabant, consulte suggerimus, quod Rex creare studeat Officiales idoneos, qui subditos injuste non gravent.

§. 31. Super eo quod Regnicolæ querebantur, videlicet quod eis gravatis pro relevationis obtinendo remedio ad Regem aditus non patebat, suademus per Regem taliter provideri, quod querele subditorum ad eum valeant libere pervenire.

§. 32. Prohibemus, ne quisquam pro Animalis Sylvæstri extra defensionem, vel limites defensionis invento sine aliqua invenientis impulsione arte vel fraude aliquatenus puniatur, etiam si illud capiat vel occidat.

§. 33. Nullus Comes, Baro, vel alius in Regno prædicto de cætero compellatur ad Terridas, vel alia quæcumque Vassella propriis sumptibus facienda: Per hæc autem Juri Regio in lignaminibus & Marinariis vel alio servitio Vassellorum, quæ a quibusdam Universitatibus, & locis aliis, sive Personis singularibus dicti Regni deberi dicuntur, nolumus in aliquo derogari.

§. 34. Si contigerit Baronem aliquem mori filio, vel filia superstitibus ætatis, quæ debeat cura Balii gubernari, providendo præcipimus, quod Rex alicui de consanguineis ejus Balium concedat ipsius, & quoad hoc inter Consanguineos proximior, si fuerit idoneus, præferatur.

§. 35. Si aliquem feudum a Rege tenentem in capite, vel etiam subfeudatarium nullo hærede legitimo per lineam descendentem sed fratre aut ejus liberis superstitibus mori contingat, si decedentis feudum ab aliquo ex pa-

rentibus sibi & fratri communibus pervenerat ad defunctum, idem frater, aut ex liberis suis usque ad Trinepotem ille, qui tempore mortis supererit defuncto proximior, in feudo succedat, habiturus illud cum onere servitii consueti, ad successionem feudi omnibus personis feudatario aut subfeudatario defuncto simili gradu conjunctis eodem ordine admittendis. In successione vero præmissa inter feudatarios, & subfeudatarios viventes in Regno jure francorum sexus & primogenituræ prerogativa servetur, ut inter duos eodem gradu feudatario defuncto conjunctos feminam masculus, & Juniores major natu præcedat, sive sint masculi sive feminæ concurrentes, nisi forsitan duabus concurrentibus esset Primogenita maritata, & Junior remanserit in Capillo; tunc enim Junior, quæ in Capillo remanserat Primogenita maritata in successione hujusmodi præferatur. Sed si nulla remanente in Capillo dux vel plures fuerint maritata, Majori natu Jus Primogenituræ servetur, ut alias in dicta successione præcedat. Si vero feudum, de quo agitur, non ab aliquo Parentum processerat, sed inceperat a defuncto, tunc solus defuncti frater in eo succedat, nisi lex concessionis in præmissis aliud induxisset; Et hæc ita de cætero præcipimus observari qualibet contraria consuetudine vel constitutione cessante.

§. 36. Nullus subfeudatarius de feudo, quod ab aliquo feudatario Regis tenet, compellatur ipsi Regi servire, sed si aliquod aliud feudum ab ipso Rege tenet in Capite, pro eo sibi serviat, ut tenetur. Si contingat subfeudatarium crimen committere, propter quod publicanda fuerint bona ejus, aut ipsum sine legitimis hæredibus fati munus implere, si feudum ejus fuerit quaternatum, nihilominus immediatus Dominus illud cum onere servitii consueti Personæ concedat idoneæ Regi postmodum præsentandæ, ut ejus super hoc habeatur assensus: Si vero quaternatum non fuerit, sic ad eundem immediatum Dominum revertatur, ut ipsum hujusmodi Personæ pro sua voluntate concedat, nec eam Regi præsentare, aut ejus super hoc requirere teneatur assensum. His itaque deinceps ex nostro præcepto servandis Constitutione vel consuetudine contraria non obstante.

§. 37. Vassalli Baronum per Curiam vel Officiales ipsius ad aliqua privata officia non cogantur, & si ea voluntarii subeant ratione debiti, ex hujusmodi Officii receptione, vel gestione contracti, vel delicti forsitan in ea commissi Baronibus eorum Dominis in bonis Vassallorum ipsorum, vel aliis præjudicium nullum fiat.

§. 38. In terris Ecclesiarum, Comitum, & Baronum Regni prædicti Magistros Juratos poni de cætero prohibemus, & positos exinde præcipimus amoveri.

§. 39. Ad novas communantias Vassalli Baronum, vel aliorum ire non compellantur inviti, sed nec voluntarii admittantur, si sint ascriptitiæ similisve fortunæ, vel ratione Personæ non rerum tantum Personalibus servitiis obligati. Si vero ratione rerum tantummodo

De Feudis  
quaternatis.

Novæ servi-  
tutes non im-  
ponenda.

Animalia re-  
gio nominæ  
capi verita.

Idonei offi-  
ciales a Rege  
creandi.

Monitus rex  
querentibus  
aditum præ-  
beat.

Morientium  
Procerū pro-  
lis clientela  
accipienda a  
Rege.

Successionis  
ratio servan-  
da in bonis fi-  
ducariis.



hujusmodi servitiis teneantur, & ad easdem Communantias transire voluerint, res ipsas Dominis suis sine contradictione dimittant.

§. 40. Barones, vel alii extra Regnum nec servire personaliter, nec adjumenta præstare cogantur. In Casibus quoque, in quibus intra Regnum servire, vel adjumenta præstare tenentur, servitia exhibeant, & adjumenta præstent antiquitus consueta, videlicet ut vel tribus mensibus personaliter serviant cum numero Militum debitorum, vel pro singulis Militibus, ad quos tenentur, pro quolibet trium mensium prædictorum tres uncias & dimidiam auri solvant. Et hæc ita de cætero inconcusse de nostro præcepto servantur.

Provocandi  
ad Sedem  
Ap. facultas  
Siculis data.

§. 41. Cæterum ut contra pericula, quæ sicut prædictum est propter gravamina illata subditis excitata creduntur, ne, quod absit, recidant in tanto periculosius recidivum, quanto recidenti solet esse deterius, quam cadenti; eo major sit Regnantibus in Regno prædicto securitas, quominus erit libera eadem gravamina irrogandi facultas: Provisioni præmissæ subjungimus ad perpetuum sui roboris fulcimentum, quod si ventum fuerit in aliquo contra eam, licitum sit Universitatibus, & gravato cuilibet libere ad Apostolicam Sedem habere pro sua querela exponenda & obtinenda illati gravaminis emendatione recursum: Adicientes inter illa, in quibus contra provisionem eandem fieri contigerit, congrua distinctione delectum, videlicet ut si ea fuerint, quæ per ipsam prohibitorie vel præceptorie sunt provisa, & principaliter factum Regnantis respiciunt, nec solent absque ipsius auctoritate præsumi, ut est Collectarum impositio, monetæ mutatio, Matrimoniorum prohibitio, vel impedimentum aliud eorundem; nisi Rex ejus temporis illa infra decem dies revocaverit per se ipsum, eo ipso Cappella sua Ecclesiastico sit supposita interdicto duraturo solum quousque gravamen fuerit revocatum. In reliquis vero prohibitoriis, & præceptoris, & specialiter si Universitas, singularisve Persona gravata volens propterea recurrere ad Sedem eandem per Officiales Regios, seu quoscunque Ministros, vel quolibet alios fuerit impedita, vel ipse, aut alius pro eis exinde damnum passi, nisi satisfactione laesis præstita impedimentum infra mensem, postquam ipse Rex sciverit, revocetur, ex tunc sit Cappella eadem similiter interdicta. In quolibet autem casuum præmissorum si Regnans interdictum hujusmodi per duos menses sustinuerit animo contumaci, ab inde loca omnia, ad quæ ipsum, Uxorem, vel filios suos declinare contingeret, donec ibi præsentis fuerint, simili subjaceant interdicto. Et si deinde per sex Menses contumacia obstinata sustineat, ex tunc subditi ad mandatum Sedis ejusdem ipsis propterea faciendum in nullo sibi obediant, quandiu in hujusmodi obstinatione persistet.

Edictum, ut  
regum injuri  
ri Reges ad  
hæc servanda  
se obstringat.

§. 42. Ad majorem quoque provisionis hujusmodi firmitatem eidem illud specialiter adiciamus, quod quilibet Rex Siciliæ, quando Juramentum fidelitatis, & homagii præstabit Summo Pontifici, solemniter eidem & Ec-

clesiæ Romanæ pro se, ac suis hæredibus in Regno sibi successuris eodem promittere teneantur, quod provisionem præsentem in omnibus, & per omnia, quantum in eis erit, observabunt inviolabiliter, & facient ab aliis observari; nec contra eam, vel aliquam partem ipsius per se, vel per alium quoquomodo aliquid attentabunt, & super hoc tam ipse, quam quilibet eorundem successorum dent ipsis Pontifici & Ecclesiæ suas patentes literas sui pendens sigilli munimine roboratas. Licet autem præmissæ provisionis verba gravamina certa respiciant, de quibus ad Nos querela pervenit, Reges tamen, qui continuanda temporum & successionum perpetuitate regnabunt in Regno prædicto, non propterea extiment gravandi alias subditos arbitrium sibi fore concessum; Sed sciant potius debere ipsos in bono statu tenere ab omnibus illicitis exactiõibus, & indebitis eorum oneribus per se, ac per alios abstinendo. Sane si quod in eadem Provisione, vel aliquo ejus Articulo dubium non tam sollicitam, quam rationabilem dubitationem continens oriri contingat, interpretationem dubii hujusmodi Nobis, quamquam etiam de Jure competat, reservamus expresse.

§. 43. Decernimus ergo ut nulli omnino hominum liceat hanc paginam nostræ Provisionis, Constitutionis, inhibitionis, præcepti, declarationis, abolitionis, & abrogationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri & Pauli Apostolorum ejus se noverit incursum.

Roboratio  
hujusce Con-  
stitutionis.

EGO HONORIUS Catholicæ Ecclesiæ Episcopus.

Ego Ordonius Tusculanus Episcopus.

Ego frater Bentevenga Albanen. Episc.

Ego frater Latinus Ostien. Velletr. Episc.

Ego frater Hieronymus Prenestin. Episc.

Ego Bernardus Portuen. & S. Rufinæ Episc.

Ego Ancherus tituli S. Praxedis Presbiter Cardinalis.

Ego Hugo tituli S. Laurentii in Lucina Presb. Cardinalis.

Ego Gervasius tituli S. Martini Presb. Cardin.

Ego Comes tituli SS. Marcellini & Petri Presb. Cardin.

Ego Gaufridus tituli S. Susannæ Presb. Card.

Ego Gottifridus S. Georgii ad Vel. an. Diacon. Card.

Ego Jordanus S. Eustachii Diacon. Card.

Ego Jacobus Sanctæ Mariæ in Via lata Diacon. Cardin.

Ego Benedictus Sancti Nicolai in Carcere Tulliano Diacon. Card.

Datum Tibure per manum Magistri Petri de Mediolano S. R. E. Vicecancellarii quindecimo Kalendas Octobris, Indictione quattodecima, Incarnationis Dominicæ anno Millesimo Ducentesimo Octuagesimo quinto, Pontificatus vero Domini Honorii Papæ Quarti anno I.

Honorius PP.  
& S. R. E.  
Cardinalium  
subscriptiones.

Dat. die 17.  
Septembris  
1285. Ann. I.



Subsequitur Confirmatio Constitutionis editæ a Carolo II. Siciliae Rege pro tuitione Ecclesiasticorum, rerumque ad eos pertinentium.

Ex Regest.  
Archiv. Vatic.

Honorius Episcopus Servus Servorum Dei.  
Ad Perpetuam rei Memoriam.

De persolvendis  
Decimis.

§. 1. **D**ilectus filius Nobilis Vir Carolus claræ memoriæ Caroli Regis Siciliae Primogenitus tunc Princeps Salernitanus, & ejusdem Regis in Regno Siciliae Vicarius Generalis, tamquam vir catholicus de genere ortus Christianissimo devotam ad Deum, & ipsius Ecclesias mentem gerens ejusdem generis vestigia imitatus pro bono statu Ecclesiarum Regni prædicti, & ad conservationem Jurium earundem inter cætera, licet sub alio forsan verborum schemate, dicitur statuisse, & mandasse inviolabiliter observari, quod Decimæ, quæ debebantur Ecclesiis, & Personis Ecclesiasticis Regni ejusdem catholicorum Regum Siciliae temporibus, & debentur, & recipi ab Ecclesiis consueverunt eisdem, ipsis Ecclesiis sine difficultate, obstaculo, ac moræ dispendio persolvantur: scilicet, quæ debentur in pecunia in festo Pentecostes, & alia, quæ debentur in frumento, & aliis Victualibus, Vino, Oleo, seu fructibus aliis illis temporibus, quibus percipiuntur. Et si aliqua sint, quæ certis diebus persolvi consueverunt, die debita persolvantur. Et ne de hoc Ecclesiæ, vel Personæ Ecclesiasticæ necesse habeant, singulis Annis a Curia literas impetrare statuit, quod sub pœna dupli ejus, quod pro Decimis, vel aliis Juribus Personis, vel Ecclesiis, quibus secundum ordinationem præmissam solutum non fuit, debetur. Secreti, seu Magistri Procuratores, ac Magistri Salis, Bailivi, vel alii Officiales, qui eas debent persolvere tam præsentibus, quam futuri teneantur ea integraliter solvere, secundum quod superius est distinctum, nullo inde mandato alio expectato. Item quod Comites, Barones, & cæteri, qui tenentur ad decimas, & Jura alia Ecclesiis, vel Personis Ecclesiasticis pro bonis, quæ tenent, ea teneantur solvere suis temporibus, quibus hætenus extitit consuetum; adiciens, quod ad hoc auctoritate sui statuti super hoc editi ad requisitionem Personarum, quibus debentur, per Justitarios Provinciæ compellantur, quodque solvantur a Baliis quibuscumque, a quibus bona Pupillorum, terras, & feuda tenentium procurantur, sive Baliatus Curia teneat, sive alii sint commissi, sive terræ, vel feuda aliquorum occasione delicti, vel quacumque alia Causa per Curiam teneantur.

Clericis non  
trahendis ad  
forum sac-  
ulare:

Immunitate  
Ecclesiastica.

§. 2. Item quod Clerici nisi pro bonis feudalibus, prout continetur in Conventionibus interdictum Regem & Romanam Ecclesiam, habitis, ad Judicia secularia non trahantur.

§. 3. Item quod Ecclesiæ in toto Regno prædicto gaudeant Privilegio eis per Communia Jura indulto, scilicet quod Rei, qui ad eas confugiunt, abinde non extrahantur inviti, nisi in Casibus a Jure permissis.

§. 4. Item quod Domus Prælatorum, Religiosorum, & aliarum Ecclesiasticarum Personarum sine voluntate ipsorum Causa hospitandi ab Officialibus, vel aliis Personis, eis invititis, nullatenus capiantur; Et si de voluntate ipsorum Prælatorum, Religiosorum, vel aliarum Personarum Ecclesiasticarum recepti fuerint, ibi criminalia Judicia exercere, aliquatenus non præsumant; Nec lectos vel res eorum contra voluntatem ipsorum accipiant: Et si secus factum fuerit, post emendationem, & restitutionem damni, si Comes fuerit, vel Baro, qui contrafecerit, teneatur ad pœnam duodecim Unciarum auri, si simplex Miles ad sex, & si Burgenfis ad tres.

§. 5. Item quod Officiales, Comites, Barones, vel aliæ quæcumque Personæ Laicales non intromittant se de Electionibus Prælatorum, vel collationibus Præbendarum, seu quorumlibet Beneficiorum Ecclesiasticorum, directe, vel indirecte, nec de aliis ad spiritualia pertinentibus, nisi quantum ratione Jurispatronatus aliquibus competit, vel ex privilegio est concessum. Nec propter Prælatos, Capitula Ecclesiarum, seu Conventus piorum locorum, ipsorum consanguinei, vel Vassalli quomodolibet molestantur.

§. 6. Item quod Clerici, qui Clericaliter vivant, in Collectis, & exactionibus aliis quibuscumque, nec pro bonis Ecclesiasticis, nec pro Patrimonialibus de portionibus eos legitime contingentibus cum aliis teneantur.

§. 7. Item quod res, & possessiones, quæ non sunt in aliquo Curia, vel alii obligatæ dari, & donari possint Ecclesiis, & legari; sed si ea obligatione tenentur, propter quam, datio, donatio, vel legatio de Jure impediri non possit, hoc Casu res, & possessiones hujusmodi præfatis titulis cum onere suo ad Ecclesias transferantur.

§. 8. Item quod Vassallis Ecclesiarum, qui ea, quæ habent, ab Ecclesiis tenent, & sunt eisdem Ecclesiis ad servitia personalia obligati, Officia per Curiam, Comites, Barones, vel alios sine ipsorum Prælatorum licentia nullatenus committantur.

§. 9. Item quod privilegia, & Jura concessa Ecclesiis, & Personis Ecclesiasticis a Catholicis, & Antiquis Regibus Siciliae, in quorum possessione sunt, servantur illæsa. De illis vero, in quorum possessione non sunt, fiat eis sine difficultate Justitia in Curia competente.

§. 10. Item quod Officiales, & Commissarii Curia possessiones, & res, quæ ab Ecclesiis possidentur, non auferant, nec in ipsis easdem Ecclesias contra justitiam perturbare præsumant.

§. 11. Item quod Officiales, seu Sæculares Personæ se nullatenus intromittant ad cognoscendum de aliquo crimine ecclesiastico, nec impediunt Prælatos, aut ipsorum Officiales, quin de hujusmodi crimine libere cognoscant, & puniant, ut Juris est.

§. 12. Item quod Justitarii, vel alii Officiales Vassallos Ecclesiarum coram se, vel ad ipsorum Judicia in Civilibus trahere non præsumant.

§. 13. Item

Libertate domorum  
Ecclesiasticorum  
ab invito hos-  
pitio.

Provisionibus  
liberis Beneficiorum.

Immunitate  
Clericorum,  
ab exactionibus.

Juvenis juris  
Ecclesiasticorum.



§. 13. Item quod Prælati Ecclesiarum, Ecclesiastica Personæ, ac Officiales ipsarum Vassallos earum debitores suos possint, prout eis competit, compellere ad satisfaciendum sibi de debitis, & Juribus earundem contradictione aliqua illegitima non obstante.

§. 14. Item licet idem Princeps statuerit aliqua de Vassallis Ecclesiarum eis ad personalia servitia obligatis, si forsitan a terris, in quibus morari debent, aufugerint, per Prælatos, & Personas Ecclesiasticas revocandis, Nos tamen dicimus distinguendum, ut si ratione personæ ad hujusmodi servitia teneantur, possint, si recefferint, legitime revocari. Si vero tenentur rerum tantummodo ratione, & recedere voluerint, res ipsas Ecclesiis, & Personis eisdem omnino dimittere compellantur.

§. 15. Item quod Judæis, qui sunt Ecclesiarum Vassalli, nulla committantur Officia, nec eis alias oppressiones, vel gravamina inferantur. Nos itaque cum patribus nostris deliberatione habita, præmissa in favorem Ecclesiarum Dei, & Ministrorum ipsius attendentes inducta, de ipsorum fratrum Consilio, & assensu, ac plenitudine potestatis ea firmitatis perpetuæ robur statuimus obtinere, ipsaque præcipimus perpetuis temporibus inviolabiliter observari.

Clausula.

§. 15. Decernimus ergo ut nulli omnino hominum liceat hanc paginam nostræ Constitutionis, atque præcepti infringere, vel ei ausu temerario contraire; Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursurum. EGO HONORIUS Catholica Ecclesiæ Episcopus.

*Sequuntur nomina Cardinalium prout in præcedenti.*

Dat. die &  
anno eodem.

Datum Tibure per manum Petri Magistri de Mediolano S. R. E. Vicecancellarii quintodecimo Kalendas Octobris Indictione quartadecima Incarnationis Dominicæ Anno Millesimo Ducentesimo Octuagesimo quinto, Pontificatus vero Domini Honorii Papæ IV. anno I.

## I V.

Ibid.

Monasterium S. Silvestri in Capite de Urbe conceditur nonnullis piis fæminis ut inibi vitvant secundum regulam S. Claræ.

Honorius Episcopus Servus Servorum Dei. Dilectis in Christo filiabus Herminie Abbatisse Monasterii Sancti Silvestri in Capite de Urbe, ejusque Sororibus tam præsentibus, quam futuris Regularem vitam professis, in perpetuum salutem & Apostolicam benedictionem.

Moniales  
commendan-  
tur, ac præ-  
cipue Marga-  
rita Colum-  
nalis.

§. 1. **A**scendit fumus Aromatum in considerationis nostræ conspectu fide dignorum assertione diffusus de fama, & conversatione vestra laudabili, de meritis commendabilium processuum vestrorum merito

laudandis, & actibus virtuosis. Fragrat enim in Domo Domini, audientium mentes multo reficit gaudio, multo replet odore, quod, sicut intelleximus, quondam Margarita de Columna divitiis, & nativa proprii generis Nobilitate contemptis, cæterisque sæculi hujus abnegatis illecebris prudenter elegit Christo pauperi humiliter in paupertate servire, ipsique velut Apes argumentosa deserviens, Vos ad id suo commendabili provocavit exemplo; Sicque, vota vestra inspirante Domino, ac vias misericorditer dirigente, vos consultis attendentes, quod transit mundus, transeunt & concupiscentiæ ejus, fallaces illius blanditias repudiando prudentius decrevistis, Vobis ipsum crucifigere, & Vos ipsi, aliquibus ex Vobis ab adolescentia, nonnullis etiam sub religioso habitu ab Infantia, licet nulli adhuc observantiæ specialis essetis Religionis astrictæ, gratum exhibentibus Domino famulatum.

§. 2. Demum vero prævenientis gratiæ vos prosequente virtute, in illud robur animi, sicut speratur, erectæ, ut constanter proponatis habere pro minimo, siue hostis aspera, turbidus insaviet, siue Mundus prospera mentitus illudat, desiderantes in Castris Claustralibus sub observantia Ordinis Sororum Minorum inclusarum dimicare securius contra hostiles incursus, supplicastis humiliter Regulam concessam eidem Ordini a felicis recordationis Alexandro, & correctam & approbatam a piæ memoriæ Urbano Romanis Pontificibus Prædecessoribus nostris, nec non locum ipsius observationi congruum Vobis per Sedem Apostolicam misericorditer assignari.

Earundem  
petitio.

§. 3. Nos autem vestris petitionibus salutis animarum vestrarum accommodis benevolo concurrentes assensu, Venerabili fratri nostro Hieronymo Prænestino Episcopo ad suam Diocesim, ubi tunc temporis in Monte Prænestino habitabatis, & adhuc habitare dicimini sub decenti Clausura, personaliter accedenti, viva voce commisimus, ut Vobis petitam Regulam assignaret, & a Vobis recipiens Regulæ professionem ejusdem, Abbatissam per Vos, sicut in eadem conceditur Regula, eligendam auctoritate Apostolica confirmaret: Qui votis vestris cum maturitate debita diligentius exquisitis, Vos constantes in præmissis proposito vestro comperiens assignavit Vobis Regulam memoratam, & ipsius id a vobis instantiter petentibus professione recepta, teque dilecta in Christo filia Herminia in Abbatissam per viam scrutinii electa concorditer, electionem hujusmodi, quia eam invenit canonicam, & de Persona idonea celebratam, auctoritate sibi a Nobis in hoc tradita confirmavit.

Episcopo Præ-  
nestino com-  
mittitur ut  
regulam po-  
stulacem con-  
cedat.

§. 4. Sane facta Nobis per eundem Episcopum ad nostram præsentiam redeuntem, super hujusmodi suo processu relatione fidei, Nos processum ipsum provide habitum ratum, & gratum habentes, & auctoritate Apostolica confirmantes, ac volentes juxta præmissa vestre petitionis instantiam de loco Vobis congruo providere, Monasterium sancti Silvestri in Capite de Urbe ad Romanam Ecclesiam, nullo medio pertinens hæctenus Ordinis Sancti Be-



Monasterium  
donatum om-  
nibus perti-  
nentiis.FF. Minores  
in Monialium  
obsequium  
destinati.Monasterium  
immediate  
subiectum Se-  
di Apost.

Clausula.

Benedicti vacans per translationem sui Ab-  
batis ad Monasterium Sancti Laurentii foris  
muros Urbis Ordinis supradicti, Monachis ip-  
sius Monasterii Sancti Silvestri alibi, prout eo-  
rum saluti expedire putavimus, collocatis:  
quod quidem Monasterium Sancti Silvestri non  
facile poterat de Personis ejusdem Ordinis re-  
formari, quia ipsum consideravimus habita-  
tioni vestre, nec non observationi ejusdem  
vestri Ordinis congruum, vobis de Fratrum  
nostrorum consilio ex speciali gratia cum Do-  
mibus, hortis, vineis, terris, casalibus, pos-  
sessionibus, vassallis, & omnibus aliis bonis,  
privilegiis, immunitatibus, & quibuslibet suis  
pertinentiis, & juribus duximus concedendum:  
statuentes ipsum Monasterium Sancti Silvestri  
in Capite Ordinis Sororum Minorum inclusa-  
rum de cetero nominandum; & quod idem  
ordo vester inibi perpetuis temporibus obser-  
vetur, & tam Vos, quam Vobis in eodem  
Monasterio successura libere uti possitis om-  
nibus Privilegiis, Indulgentiis, immunitati-  
bus, & gratiis eidem Ordini vestro ab Apo-  
stolica Sede concessis: & idem Monasterium  
S. Silvestri Nobis, & ipsi Ecclesie Romanæ sub-  
jectum immediate remaneat, sicut erat.

§. 5. Volumus quoque, quod quatuor fratres  
Ordinis Minorum, experientia longa probati  
perpetuo in eodem Monasterio seorsum con-  
tinue maneant ad divina celebranda Vobis of-  
ficia, & ministranda Ecclesiastica Sacramen-  
ta: quodque omnia, & singula ea, quæ Vobis  
ex institutione vestre Regule tam circa ele-  
ctionem Abbatissæ, quam circa quæcumque  
alia, nec non & illa, quæ Ordini prefato Mi-  
norum, vel Personis ipsius ex eadem institu-  
tione in Monasteriis sepefati Ordinis vestri  
competunt, vobis ac eidem Ordini Minorum,  
& Personis integra, & illibata remaneant, nec  
illis pro eo, quod idem Monasterium Sancti  
Silvestri remanet nobis & Ecclesie Romanæ,  
ut præmittitur, immediate subiectum, de-  
trahatur in aliquo, seu aliquatenus deroge-  
tur.

§. 6. Ceterum Vobis presentium tenore con-  
cedimus, ut ad idem Monasterium Sancti Sil-  
vestri nulla alia expectata, vel petita licen-  
tia transeatis: Adicientes expressius, quod si  
contingat sepefatum Monasterium vestrum  
Sancti Silvestri a Personis ejusdem vestri Or-  
dinis deferri, & pro derelicto haberi, Mona-  
sterium ipsum cum omnibus bonis suis, per-  
tinentiis, & juribus supradictis volumus in  
nostra, Successorum nostrorum Romanorum  
Pontificum, ac ejusdem Romanæ Ecclesie dis-  
positione libera remanere.

§. 7. Decernimus ergo ut nulli omnino ho-  
minum liceat hanc paginam nostræ confir-  
mationis, concessionis, constitutionis, & man-  
dati nostri infringere, vel ei ausu temerario  
contraire. Si quis &c.

EGO HONORIUS Catholicæ Ecclesie Epi-  
scopus.

*Sequuntur nomina aliorum DD. Card.  
qui Constitutionem eandem subscripse-  
runt.*

Datum Tibure per manum Magistri Pe-  
tri de Mediolano Sanctæ Romanæ Ecclesie Vi-  
Bull. Rom. Tom. III. Par. II.

ce cancellarii Octavo Kalendas Octobris Indi-  
ctione quartadecima Incarnationis Dominicæ  
Anno MCCLXXXV. Pontificatus vero Domi-  
ni Honorii Papæ IV. Anno I.

## V.

Damnatio sectæ, sub nomine Ordinis Apo-  
stolorum, nulla habita Sedis Aposto-  
licæ licentia, temere introductæ.

Honorius Episcopus, Servus Servorum Dei.  
Venerabilibus Patribus, universis Archiepi-  
scopis, & Episcopis, ac dilectis filiis Ca-  
thedralium Ecclesiarum electis, & Vica-  
riis earundem ad quos literę istæ pervene-  
rint, salutem & Apostolicam benedictio-  
nem.

**O**LIM fel. recor. Papa Gregorius X.  
prædecessor noster, in Concilio Lug-  
dunensi omnes religiones & Ordines Men-  
dicantium, adinventos post generale Latera-  
nense Concilium, qui nullam confirmationem  
Sedis Apostolicæ meruerunt, perpetuæ pro-  
hibitioni subiecit: & quatenus processerant,  
revocavit.

§. 1. Verum sicut ad nostri Apostolatus au-  
ditum, fama querula deferente, pervenit,  
quidam, qui post generale, & ante Lugdunen-  
se prædicta concilia sub nomine Ordinis Apo-  
stolorum habitum novæ religionis assumpse-  
runt, quamquam nullam aliquando confir-  
mationem Sedis Apostolicæ meruissent, pro-  
hibitionis ac revocationis prædictæ temerarii  
præsumptores, eundem habitum, seu ei con-  
similem sub eodem nomine usque hodie de-  
ferentes, quamplures etiam alii, assumpto  
post dictum Lugdunense Concilium, hujusce-  
modi habitu, per diversas Mundi partes men-  
dicando discurrere non verentur, facientes ea  
quæ non condecant, in animarum suarum pe-  
riculum, & grave scandalum plurimorum:  
præsertim cum nonnulli, pravitate hereticæ  
vitio laborantes, sub hujusmodi habitu sint  
inventi.

§. 2. Nos igitur volentes, talium præ-  
varicatorum insolentem audaciam refrænari,  
& prædictam, non tam religionem, quam  
perniciosa sectam penitus aboleri, ne forte  
fidelium simplices falsa sanctitatis eorum  
immagine seducantur, universitati vestræ per  
Apostolica scripta mandamus, quatenus quos-  
cumque de prædictis in vestris civitatibus &  
diocesibus inveniri contigerit, eos ad depo-  
nendum hujusmodi habitum, monitione præ-  
missa, per censuram Ecclesiasticam, appella-  
tione postposita, compellatis, monentes eos-  
dem, ut si religiosam vitam ducere cupiunt,  
ad aliquam se transferant de religionibus ap-  
probatis. Quod si aliqui eorum censuram præ-  
dictam contempserint, vos contra ipsos ad  
poenam carceris, seu aliam, prout expedire vi-  
deritis, procedatis, invocato adversus eos, si  
opus fuerit, auxilio brachii secularis.

§. 3. Ceterum ut prædicti eo facilius a  
sua insolentia compescantur, quo magis a  
Christi fidelibus abiici se viderint & contem-  
ni.

Gregorius X.  
vetuit novas  
institui reli-  
giones in c. 1.  
de Relig. don.  
l. n. 5.

Quidam ta-  
men religio-  
nem sub no-  
mine Ordinis  
Apostolorum  
induxerunt  
multa mala  
patrantes.

Hic ergo  
Pontifex eos  
damnat.



Hæc Con-  
stitutio populis  
declaranda.

Dat. die 21.  
Martii 1286.  
ann. I.

Volumus nihilominus, quod huiusmodi proces-  
sum nostrum, in vestrarum civitatum & dioce-  
cesum terminis, iteratis vicibus publicantes,  
ac facientes per aliquos publicari, eosdem  
populos auctoritate nostra moneatis, & indu-  
catis attente, ne aliquem de prædictis præfa-  
tum habitum deferentibus, recipere præsu-  
mant in hospitio, vel eis aliquas elemosy-  
nas largiantur; nec ad deferendum habitum  
illum, seu ei consimilem, impendant consi-  
lium, auxilium, vel favorem.

Dat. Romæ apud S. Sabinam, 5. Id. Mar-  
tii, Pont. nostri Ano primo.

## VI.

Quod filii & nepotes ejus, qui de hæresi inqui-  
situs & absolutus fuit, ad officia & be-  
neficia admitti possint.

*Hæreticorum filios omnibus officiis & dignitati-  
bus privatos voluit Innocentius IV. Constit. II.  
Tom. III. P. I. pag. 295. Huic vero penè  
subjiciendos non esse filios illorum Hæretico-  
rum, quos penitentiam egisse constiterit, de-  
claravit Alexander IV. Constit. XLVI. §. 2.  
Tomo eodem pag. 391.*

Honorius Episcopus, Servus Servorum Dei,  
dilecto filio Fratri Galgano de Eugubio,  
Ordinis Fratrum Minorum Inquisitori hæ-  
reticæ pravitatis in Ducatu Spoletano, sa-  
lutem, & Apostolicam benedictionem.

Romani  
Pont. frequen-  
ter Inquisito-  
rib. commi-  
serunt hære-  
ticos & fau-  
tores, eorum  
que filios &  
nepotes be-  
neficiis & of-  
ficiis privari.

Vide, que  
diximus in  
Rubrica.

Quidam Phi-  
lippus, inqui-  
situs, & en-  
datus fuit, &  
tamen Com-  
munit as Spo-  
leti, nolebat  
admittere ad  
officia Ac-

**E**Xhibita nobis dilecti filii Archioni  
militis nati quondam Philippi dicti  
Palmerii militis Spoletani petitio continebat,  
quod olim significantibus fel. rec. Alexandro  
Papæ prædecessori nostro Inquisitoribus præ-  
vitatatis hæreticæ per Italiam deputatis, quod  
frequenter a Sede Apostolica committebatur  
eisdem, ut tam hæreticos, credentes, fau-  
tores, & receptatores hæreticorum, quam ip-  
sorum filios & nepotes privandi dignitatibus,  
personatibus, & officiis publicis, & beneficiis  
Ecclesiasticis, de diocesanorum, vel eis ab-  
sentibus, vicariorum suorum consilio haberent  
liberam potestatem; & qualiter hoc deberet  
intelligi postulantis declarari, præfatus præ-  
decessor eisdem Inquisitoribus per suas duxit  
litteras respondendum, quod de filiis & nepo-  
tibus illorum hæreticorum, credentium, &  
aliorum huiusmodi, qui modo tales esse pro-  
bantur, intelligendum esse videbatur, non  
autem illorum, quos emendatos esse constar-  
et, ac pro culpa huiusmodi ad mandatum  
Ecclesiæ poenitentiam recepisse, quam ipsi,  
vel jam perfecerant, vel humiliter prosecu-  
tioni ejus instarent, vel parati fuerant, dum  
viverent, ad recipiendum eandem.

§. 2. Verum licet Inquisitor pravitatis hu-  
iusmodi, tunc in partibus illis per Sedem  
Apostolicam deputatus, memoratum Philip-  
pum, qui sibi confessus extitit, quod cuidam  
hæretico reverentiam fecerat, quædam con-  
tra fidem proferendo catholicam, privave-  
rit bonis suis, ac idem Philippus injunctam

sibi propter hoc ab eodem Inquisitore poeni-  
tentiam perfecerit reverenter, ac tandem fi-  
cut vere catholicus receptis Ecclesiasticis Sa-  
cramentis viam fuerit universæ carnis ingres-  
sus, & ab Inquisitore præfato etiam absolu-  
tus, tamen Potestas, Consilium, & Commu-  
ne Spoletanum dictum Archionum ejusque  
filios occasione præmissorum, ad officia Civi-  
tatis Spoletanæ pro sua recusant admittere  
voluntate. Quare prælibatus Archionus no-  
bis humiliter supplicavit; ut nos misericordi-  
ter attendentes, quod idem Philippus, sicut  
præmittitur, tamquam vere Catholicus & fi-  
delis Ecclesiæ Romanæ decessit, eundem Ar-  
chionum & filios ejus decernimus, juxta præ-  
missum ejusdem prædecessoris responsum, in  
aliquo puniri occasione huiusmodi non debe-  
re: sed eos ad omnia secularia officia, & be-  
neficia ecclesiastica, & dignitates, ac ad om-  
nes ordines, impedimento huiusmodi non  
obstante, potius admittendos.

§. 3. Quia igitur de facto huiusmodi &  
ejus circumstantiis habere poteris notitiam  
pleniorum: Nos gerentes de circumspectione  
tua fiduciam in Domino specialem, præsen-  
tium tibi auctoritate committimus & manda-  
mus, ut si diligenti Inquisitione præmissa, præ-  
dicta inveneris veritate fulciri, & tibi etiam  
constiterit, quod præfati Archionus & filii non  
sint de hæretica pravitate suspecti, & in fide-  
litate ac devotione Ecclesiæ supradictæ persi-  
stant (super quibus omnibus tuam intendi-  
mus conscientiam onerare) auctoritate no-  
stra denuncies, & declares, quod propter  
præmissa, vel eorum occasione nihil eis pos-  
sit obici, vel opponi, quin ad omnia secula-  
ria officia, & beneficia Ecclesiastica, etiam  
si dignitates existant, illis non obstantibus,  
assumi libere valeant: & hi, qui liberati esse  
nescuntur, ad omnes ordines promoveri, prout  
secundum Deum, & honorem Catholicæ fidei  
videris expedire. Quicquid autem super his  
inveneris, & duxeris faciendum, nobis per  
tuas patentes litteras harum seriem continen-  
tes fideliter studeas intimare.

Dat. Romæ, apud S. Sabinam, 5. Calen-  
das Decembris, Pontificatus nostri Anno se-  
cundo.

Hic tamen  
Pont. jubet  
eos admitti  
constit. esse  
fideles.

Dat. die 27.  
Nov. 1286.  
P. ann. II.



## NICOLAUS IV.

P A P A CXCI.

ANNO D. MCCLXXXVIII.



**H**ieronymus, patria Asculanus in Piceno, antea Frater Ordinis Minorum S. Francisci, cujus fuerat Minister Generalis, postmodum S. R. E. Cardinalis Episcopus Prænестinus, electus est in Summum Pontificem die 22. Februarii anno 1288. eademque die coronatus Nicolaus voluit appellari. Sedit in Pontificatu Annos V. Mensem I. dies XIII. (a) impetrantibus in Oriente Andronico, in Occidente vero Rodulpho Rege Romanorum. Obiit siquidem die 4. Aprilis 1292. & sepultus est in Basilica S. Mariæ Majoris. Vacavit Sedes Annos II. Mess. III. diem I.

I.

Sanctæ Agathæ Terram, aliaque Castra, & loca ad Provinciam Massæ Trabariæ, non autem ad Romandiolæ spectare declarat.

Ex regest. Vaisie.

Nicolaus Episcopus Servus Servorum Dei.  
Ad perpetuam Rei Memoriam.

**C**um inter alias Provincias, & Terras Romanæ Ecclesiæ, quarum statum præservari à noxiis, & prospere dirigi peroptamus, de pacifico statu hominum Massæ Trabariæ, quæ est Camera Sedis Apostolicæ Demanium speciale, tanto teneamur propensius cogitare, quanto ipsos prerogativa favoris & gratiæ prosequimur potiori; Nos pia consideratione inducti, quod olim plerumque inter ipsius Massæ, & Romandiolæ Rectores dudum diversis temporibus in ipsis partibus per Sedem Apostolicam deputatos, super eo gravi contentione exorta, quod eorum alterutro asserente Castra, & tenimenta, quæ dicuntur Sanctæ Agathæ, Silvæ Planæ, Billis, Raynerii de Monte Anriolo, Rayneri de Castaldeto, Hugolini, Piagnani, Macerata, Gattariæ, Vergnanti, & Trivii, Wittoni, & Savinæ cum omnibus districtibus, Curtibus, Villis, Juribus, finibus, & pertinentiis suis ad suam Jurisdictionem spectare; Homines ipsius Massæ in quadam perplexitate positi nonnunquam damna gravia, & pericula incurrerunt: & ideo cupientes ipsorum indemnitati præcavere, ac quieti paterna impotestum sollicitudine providere; Volumus, & auctoritate Apostolica declaramus statuentes, ut ex nunc in antea prædicta Castra, & tenimenta cum omnibus Districtibus, Curtibus, Villis, Juribus, finibus, & pertinentiis suis, nec non & omnes alii homines, & Castra, quæ infra fines ipsorum locorum existunt, sub Jurisdictione, ac Dominio Rectoris ipsius Massæ, qui pro tempore fuerit inibi auctoritate Apostolica deputatus, perpetuo maneant, & consistent: ac eorumdem locorum homines sicuti Incolæ dictæ Massæ in omnibus & per omnia eidem Rectori teneantur firmiter, & efficaciter obedire.

Massa Trabaria juris Sedis Apost.

Causæ declarationis.

Declaratio.

§. I. Nulli ergo omnino hominum liceat hanc paginam nostrarum declarationis, & Constitutionis infringere, vel ei ausu temerario contraire. Si quis autem hoc attentare præsumpserit indignationem Omnipotentis Dei, ac Beatorum Petri & Pauli Apostolorum ejus se noverit incursum. Datum Reate Kalendis Augusti Pontificatus Nostri Anno Primo.

Dat. die 1. Augusti 1288. ann. I.



## I I.

Quod Christiani ad Iudeorum ritum transeun-  
tes, ipsiq. Iudei ad Christianam fidem con-  
vers, ad illum redeuntes, ab Inquisitori-  
bus uti hæretici, eorumque auxiliares,  
puniantur: Iudei vero, Christianos ad eo-  
rum ritum trahentes, poena debita compe-  
scantur.

*Eiusdem argumenti constitutiones ediderunt Cle-  
mens IV. Const. XXIII. Greg. X. Const. VII.*

Nicolaus Episcopus, Servus Servorum Dei.  
Dilectis filiis Fratribus Prædicatorum, &  
Minorum Ordinum Inquisitoribus hæreticæ  
pravitatis, auctoritate Sedis Apostolicæ de-  
putatis, & in posterum deputandis. Salu-  
tem, & Apostolicam benedictionem.

Causa hujus  
constitutionis.

**T**urbato corde audivimus, & narramus,  
quod non solum quidam de Iudaicæ  
cæcitate errore ad lumen fidei Christianæ con-  
vers, ad priorem reversi esse perfidiam digno-  
scuntur; verum etiam quamplurimi Christiani,  
veritatem Catholicæ fidei abnegantes, se dam-  
nabiliter ad ritum Iudaicum transtulerunt,  
quod tanto magis reprobum fore cognoscitur,  
quanto ex hoc Christi nomen sanctissimum,  
quadam familiari hostilitate, securius blasphematur.

Sanctio con-  
tra Christianos  
ad ritum  
Iudeorum  
transeuntes &  
Iudeos con-  
versos ad il-  
lum redeun-  
tes.

§. 1. Cum autem huic pesti damnabili,  
congruis & festinis deceat remediis obviare,  
universitati vestræ, per Apostolica scripta man-  
damus, quatenus infra terminos vobis ad inqui-  
rendum contra hæreticos, auctoritate Sedis  
Apost. designatos, super præmissis, tam per  
Christianos quam etiam per Iudeos, in-  
quisita diligenter & solícite veritate, contra  
omnes, quos talia inveneritis hætenus com-  
misisse, aut committere in futurum, tamquam  
contra hæreticos; contra fautores quoque,  
receptatores, & defensores eorum, procedere  
studeatis.

Et con-  
tra Iudeos ad  
eorum ritum  
Christianos  
inducantes.

§. 2. Iudeos autem, qui Christianos utrius-  
que sexus, ad eorum ritum execrabilem indu-  
xerint, aut inveneritis de cætero inducentes,  
poena debita puniatis; contradictores per  
censuram ecclesiasticam, appellatione postpo-  
sita compescendo: invocato ad hoc si opus fue-  
rit, auxilio brachii sæcularis.

Dat. die 7. Se-  
ptembr. 1288.  
P. A. I.

Dat. Reate Nonis Septemb. Pontificatus  
nostri Anno primo.

## I I I.

Ex Rainaldo  
ad ann. 1289.  
9. 49.

Certos proventus S. R. E. Cardinalibus affi-  
gnat ex Romanæ Ecclesiæ redditibus.

Nicolaus Episcopus Servus Servorum Dei.  
Ad perpetuam rei memoriam.

**C**ælestis altitudo potentiae, clementi  
providentia cuncta disponens, vo-  
luit cum Summo Pontifice considerare S. R. E.

Cardinales, ut ipsi tamquam membra ejus-  
dem Ecclesiæ Capitis, ipsi Capiti deservirent  
& submissis humeris ad regendum universalis  
Ecclesiæ firmamentum, operosa sedulitate  
cum ipso Summo Pontifice laborarent, &  
tam ipsius Ecclesiæ, quam totius orbis in-  
cumbentia onera in defessis cum eo sollicitu-  
dinibus partirentur. Hi sunt, quos dilexit  
Dominus, & velut præcipuas, & sublimes  
Ecclesiæ prædictæ columnas prærogativa su-  
blimavit honoris. Horum cætus in orbe ma-  
gnificus omnes, & singulos quibuslibet titu-  
lis decoratos, excellit. Horum altitudo con-  
silio, & expertæ circumspectionis industria  
circa dirigenda quælibet, & agenda salubriter  
afferre universaliter majora commoda digno-  
scitur. Ac ideo reputantes incongruum, ut  
ipsi Cardinales tanta præditi dignitate, tan-  
tisque sollicitudinibus, ac laboribus aggrava-  
ti, qui ad ferendum nobiscum tantorum sar-  
cinam onerum nobis incumbentium ex Apo-  
stolicæ officio servitutis, dies laboriosos agunt,  
noctesque perducunt insomnes, reddantur  
ejusdem Romanæ Ecclesiæ proventuum, &  
reddituum, ac prosperitatis expertes, cui  
communicant in diversis; conspicientes quo-  
que in nonnullis Regnis, Provinciis, Insulis,  
Lacubus, Civitatibus, terris, & locis Eccle-  
siæ memoratæ ubilibet constitutis jura, & ju-  
risdictiones ipsius Ecclesiæ multæ hætenus ne-  
gligentiæ patuisse, & alias multis exposita  
fuisse dispendiis per occultatores, & occupa-  
tores multiplices, qui ad ea manus illicitas  
extenderunt; dignum duximus, ut prædictos  
Romanæ Ecclesiæ universos fructus, redditus,  
& proventus, quos in Sicilia, & Angliæ,  
aliisque quibuslibet Regnis, Sardinia, Cor-  
fica, aliisque Insulis; nec non in Marchia,  
Anconitana, Provincia Romaniolæ, Ducatu  
Spoletano, Terra Arnulforum, Patrimonio  
Beati Petri in Tuscia, Campania, & Mariti-  
ma, Sabinia, Massa Trabaria, Carfagnana,  
Comitatu Venesini, Civitate Beneventana,  
ac aliis terris, & locis, & censibus prædicto-  
rum eadem Ecclesia obtinere dignoscitur,  
Cardinales ipsi modo participant infra scripto,  
firmam habentes fiduciam, quod de cætero  
per eorum sollicitudinem, diligentiam, & con-  
siderationem expertam, favorisque præsidium  
in eisdem locis, & terris fidelium crescet de-  
votio, justitia plenius reddetur, & æquitas  
diligentiori studio habita servabitur; occu-  
pata, & alienata in statum debitum reducen-  
tur, & restaurabuntur etiam dissipata; ita  
quod hujusmodi participatio magni honoris,  
& utilitatis pariter sit incrementum.

Cardinalium  
dignitas.

Cum iis Ec-  
clesiæ vecti-  
galia partitur.

§. 1. Quare de communi Fratrum nostro-  
rum consilio, & assensu præsentis Sanctione  
statuimus, & decernimus de plenitudine Apo-  
stolicæ potestatis, ut de universis fructibus,  
redditibus, proventibus, mulctis, condem-  
nationibus, & censibus supradictis fiat divisio  
in duas partes, quarum una Papali Camera  
semper cedat, reliqua vero inter Cardinales  
eosdem æqualiter dividatur, quodque par-  
tem hujusmodi prædictorum fructuum, red-  
dituum, proventuum, mulctarum, condem-  
nationum, & censuum collegium Cardina-  
lium eorundem percipiat jure suo. Ut autem præ-

Pars Pontifi-  
cio Fisco pars  
Cardinalibus  
addicta, æqua  
inter eos por-  
tione divi-  
denda.



prædicta successivis temporibus salubrius, & utilius valeant effectui mancipari, sancimus, ut institutio, & destitutio Rectorum, qui præerunt locis, & terris prædictis, & quorumcumque etiam aliorum fructuum dictorum reddituum, & proventuum, multarum, condemnationum, & censuum collectorum fiat de consilio Cardinalium prædictorum.

Conclusiones.

§.2. Nulli ergo omnino hominum liceat hanc paginam nostræ concessionis, statuti, mandati, Sanctionisque infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, & beatorum Petri, & Pauli Apostolorum eius se noverit incursurum.

Nicolai PP.  
IV. Et Cardinalium subscriptiones.

EGO NICOLAUS Catholicæ Ecclesiæ Episcopus.

Ego Gerardus Sabinensis Episcopus subscripsi.

Ego Joannes Tusculanus Episcopus subscripsi.

Ego Frater Mattheus tituli Sancti Laurentii in Damaso Presbyter Cardinalis subscripsi.

Ego Petrus tituli Sancti Marci Presbyter Cardinalis subscripsi.

Ego Jacobus Sanctæ Mariæ in Via Lata Diaconus Cardinalis subscripsi.

Ego Neapoleo Sancti Adriani Diaconus Cardinalis subscripsi.

Ego Fr. Latinus Ostiensis, & Velletrensis Episcopus subscripsi.

Ego Bernardus Portuensis, & Sanctæ Rufinæ Episcopus subscripsi.

Ego Berardus Prænестinus Episcopus subscripsi.

Ego Frater Hugo tit. Sanctæ Sabinæ Presbyter Cardinalis subscripsi.

Ego Mattheus Sanctæ Mariæ in Porticu Diaconus Cardinalis subscripsi.

Ego Benedictus Sancti Nicolai in Carcere Tulliano Diaconus Cardinalis subscripsi.

Ego Petrus Sancti Eustachii Diaconus Cardinalis subscripsi.

Datum Reate per manum Magistri Ioannis Decani Bajocensis S. R. E. Vice-Cancellarii, decimo quinto Kalendas Augusti, Indictione Secunda Incarnationis Dominicæ anno millesimo ducentesimo octuagesimo nono. Pontificatus verò Domini Nicolai Papæ Quarti anno Secundo.

Dat. die 18.  
Iulii Anno  
Domini 1289.  
Pontif. anno  
11.

## I V.

Approbatio Tertiæ Regulæ Fratrum & Sororum Tertii Ordinis a B. Francisco institutæ, pro secularibus in propriis domibus viventibus, Tertiariis nuncupatis. (a)

Nicolaus Episcopus, Servus Servorum Dei.  
Dilectis filiis Fratribus, & dilectis in Christo filiabus Sororibus Ordinis Fratrum de Pœnitentia, tam præsentibus, quam futuris, Salutem & Apost. benedictionem.

**S**upra montem catholicæ fidei, quam populis gentium, qui ambulabant in tenebris, discipulorum Christi sincera devotio igne caritatis exæstuans, verbo sollicitæ prædicationis edocuit, quamque Romana tenet & servat Ecclesia, solidum Christianæ Religionis positum noscitur fundamentum, nullis umquam concutiendum turbinibus, nullis quassandum fluctibus tempestatum. Hæc est etenim recta, veraque fides, absque cuius confortio nemo in conspectu Altissimi acceptus redditur, nemo graciosus occurrit. Hæc est, quæ salutis semitam præparat, & felicitatis æternæ præmia gaudiaque pollicetur. Ideoque gloriosus Christi Confessor B. Franciscus hujus Ordinis Institutor, viam ascendendi ad Dominum verbo pariter & exemplo demonstrans, ipsius sinceritate fidei suos filios erudit, eosque illam profiteri, constanter tenere, similiter ac opere voluit adimplere, ut per ejus semitam salubriter incedentes, mererentur post vitæ præsentis ergastulum, æternæ beatitudinis effici possessores.

Proemium.

De modo examinandi volentes intrare in Ordinem. Cap. I.

Nos igitur Ordinem ipsum opportunis favoribus prosequentes, ad ejus augmentum, benignius intendentes, statuimus, ut omnes, quos ad servandum hujusmodi vitæ formam, assumi contigerit, ante assumptionem, seu receptionem ipsorum, de Fide Catholica, & obedientia erga præfatam Ecclesiam diligenti examinationi subdantur. Et si eas professi firmiter fuerint, vereque crediderint, admitti, seu recipi tute poterunt ad eandem. Præcavendum est tamen sollicitè, hæreticus ne quis, vel suspectus de hæresi, aut etiam infamatus, ad vitæ observationem ipsius quomodolibet admittatur. Et si talem inveniri contigerit extitisse receptum, assignetur ille quamcitiùs Inquisitoribus pravitatis hæreticæ puniendus.

Examen recipiendorum.

De

(a) Nonnullas Ordinem hunc concernentes Constitutiones se prætermisisse, asserit Cherubinus, illam enim in viridi esse vult, quæ legitur in Leone X. incipien. *Dum infra* Hanc verò Cherubini exemplo non omittebam putavi.



*De forma recipiendi volentes intrare  
Ordinem Cap. II.*

De Receptio-  
ne ad pro-  
bationem &  
professionem  
ac stabilitate  
in Ordine.

Cum autem Fraternitatem hujusmodi quis intrare voluerit, Ministri ad receptionem talium deputati, ejus officium, statum, & conditionem solerter explorent, sibi fraternitatis ejusdem onera, & præcipue alienorum restitutionem apertius exponentes. Quibus præmissis, si eidem placuerit, juxta modum hujusmodi induatur, & de alienis (si qua fuerint apud eum) satisfacere studeat in pecunia numerata, vel secundum exhibitam pignoris cautionem: seque nihilominus proximis reconciliare procurret. Quibus omnibus ad effectum perductis, post unius anni spatium, cum aliquorum discretorum Fratrum consilio, si is videbitur ipsis idoneus, recipiatur hoc modo, videlicet, ut promittat se divina præcepta omnia servaturum, ac etiam satisfacturum (ut convenit) de transgressionibus, quas contra hunc vivendi modum commiserit, cum interpellatus ad Visitatoris extiterit voluntatem. Et hujusmodi ab eo facta promissio, per manum publicam in scriptis inibi redigatur. Alio autem modo nullus a Ministris recipiatur eisdem, nisi visum eis aliter fuerit, conditione personæ, ac ipsius instantia, sollicita consideratione discussis. Ordinamus præterea statuentes, ut nullus post ipsius fraternitatis ingressum de eadem egredi valeat, ad seculum reversurus. Possit tamen transitum habere liberum ad Religionem aliam approbatam. Mulieribus vero viros habentibus (nisi de ipsorum licentia & consensu) non pateat ad consortium dictæ fraternitatis ingressus.

*De forma habitus, & qualitate indu-  
mentorum. Cap. III.*

Habitu & in-  
dumentis Fra-  
trum & Soro-  
rum.

Fratres insuper ipsius fraternitatis, de humili panno in pretio, & colore, non prorsus albo vel nigro, communiter vestiantur, nisi fuerit ad tempus in pretio per Visitatores de consilio Ministri ob causam legitimam, & apertam, cum aliquo dispensatum. Clamydes quoque ac pelles, absque scollaturis, scissas, vel integras, affibulatas tamen, vel patulas, ut congruit honestati, clausasque manicas Fratres habeant supradicti. Sorores etiam chlamyde induantur, & tunica de hujusmodi humili panno factis, vel saltem cum chlamyde habeant guarnellum, seu placentinum, coloris albi vel nigri, aut paludellum amplum de canabo, si ve lino, absque ulla crispatura consutum. Circa humilitatem vero panni, & pellitones Sororum ipsarum, juxta conditionem cujuslibet earundem, ac loci consuetudinem poterit dispensari. Bindis, & ligaturis sericis non utantur, pelles dumtaxat agninas, bursas de corio, & corrigias, simpliciter absque serico ullo factas, & non alias, tam Fratres habeant, quam Sorores, depositis ceteris, (juxta B. Petri Apostolorum Principis salubre consilium) vanis hujus sæculi ornamentis.

*Quod non vadant ad inhonesta convivia, & specta-  
cula, & quod histrionibus non  
donent. Cap. IV.*

Sit eis ad inhonesta convivia, vel spectacula, sive curias, seu choreas, accessus penitus interdictus. Histrionibus, seu vanitatis intuitu nihildonent. Et ne quidquam illis donetur a propria familia, prohibere procurent.

Speculaulis  
& conviviis  
vitandis.

*De abstinentia, & jejunio. Cap. V.*

Ab esu carnium secunda, quarta, & sexta feria, dieq. Sabbati, abstineant universi, nisi aliud Infirmitatis instantia suaderet. Minutis vero per triduum carnes dentur, nec subtrahantur in itinere constitutis, Sit quoque ipsarum comestio licita singulis cum solemnitatem præcipuam intervenire contigerit, in qua ceteri Christiani ab antiquo epulis carneis vesci solent. Aliis autem diebus, in quibus jejunium non servatur, ova, & caseus non negentur. Sed & cum Religiosis ceteris in eorum Conventualibus domibus licite sumere valeant de apposis ab eisdem. Sintque prandii, cænaque refectio contenti, exceptis languidis, & viatoribus, & infirmis. Sit sanis cibus moderatus, & potus, cum textus Evangelicus habeat, Attendite ne corda vestra crapula & ebrietate graventur. Prandium autem, vel coena, nisi præmissa semel dominica oratione non sumatur: post sumptionem cuilibet cum Deo gratias, iteranda, quod si omitti contigerit, dicatur tribus vicibus Pater noster. Quilibet vero sexta feria totius anni jejunium celebretur, nisi forte infirmitatis vel alia causa legitima excusentur, nisi Festum Natalis Domini feria ipsa occurreret observandum. Sed a festo omnium Sanctorum usque ad Pascha, quarta, & sexta feria jejunabunt. Alia, quæ ab Ecclesia sunt statuta, vel Ordinariis ex causa communiter indicta, jejunia nihilominus servaturi. In Quadragesima vero B. Martini usque ad diem Nativitatis Domini, & a Domenica Quinquagesimæ usque ad Pascha, diebus singulis (exceptis Dominicis) jejunare procurent, nisi aliud fortasse infirmitas, vel necessitas alia suaderet. Sorores gavidæ, usque ad suæ purificationis diem ab exercitatione quolibet corporali (orationibus dumtaxat exceptis) poterunt, si voluerint, abstinere. Laborantes autem (propter fatigationis afficientis instantiam) a Dominicæ Resurrectionis festo usque ad festivitatem B. Francisci prædicti, ter in die, qua exercitio laboris incumbit, licite sumere cibum possunt. Cum vero illos contigerit aliorum imminere laboribus, de cunctis apposis, die quolibet sumere licebit eisdem, nisi sexta feria, vel dies sit alia, in qua generaliter ab Ecclesia jejunium noscitur institutum.

Jejuniis.

*Quoties debeant confiteri per annum, &  
sumere Corpus Christi. Cap. VI.*

Singuli autem Fratrum, & Sororum ipsarum, ter in anno, videlicet, in Natali Domini, in Resurrectione ipsius, & Pentecostes festivitibus, peccata propria confiteri, & Eu-  
cha-

Confessione  
& Commu-  
nione.



Eucharistiam devote suscipere non postponant, reconciliando se proximis, & restituendo etiam aliena.

*Quod non ferant arma impugnationis.*  
Cap.VII.

Armorum de-  
latione.

Impugnationis arma secum Fratres non deferant, nisi pro defensione Romanæ Ecclesiæ, Christianæ Fidei, vel etiam terræ ipsorum, aut de suorum licentia Ministrorum.

*De dicendis horis Canonicis.* Cap.VIII.

Horarum re-  
citatione &  
aliis oratio-  
nibus.

Dicant universi quotidie septem horas Canonicas, videlicet, Matutinum, Primam, Tertiam, Sextam, Nonam, Vesperas, & Completorium. Clerici, videlicet psalterium, pro Prima Deus in nomine tuo, Beati immaculati, usque ad Legem pone, ac alios Horarum Psalmos, juxta Clericorum ordinem, cum Gloria Patri dicant. Cum vero ad Ecclesiam non accedent, pro Matutino Psalmos dicere studeant, quos dicunt Clerici, vel Ecclesia Cathedralis, vel saltem, ut illiterati alii pro Matutino duodecim, & pro alia qualibet hora septem vicibus Pater noster cum Gloria Patri dicere non omittant. In quibus, videlicet Primæ ac Completorii horis, minorem symbolum, & Miserere mei Deus, adiciant qui noverunt. Sed si Horis non dixerint constitutis, dicant tribus vicibus Pater noster. Infirmi autem, Horas hujusmodi non teneantur dicere, nisi velint. In Quadragesima vero S. Martini, & etiam in majoribus Ecclesiis in quarum parochiis habitant, matutinalibus Horis personaliter adire procurent, nisi causa rationabili excusentur.

*Quod omnes, qui de jure possunt, faciant testamentum.* Cap. IX.

Testamentis.

Omnes præterea, quibus de jure facultas affuerit, condant, seu faciant testamentum, & de bonis suis infra tres menses post eorum ingressum immediate sequentes, ordinent & disponant, ne quemquam illorum, contingat decedere intestatum.

*De pace reformanda inter Fratres, & alios extraneos.* Cap. X.

Pace.

De pace vero inter Fratres & Sorores, aut etiam externos in discordia positos facienda, sicut Ministris videbitur, ita fiat, adhibito (si facultas affuerit) Episcopi Diocesani consilio in hac parte.

*Quando molestantur contra jus, aut eorum privilegia.* Cap. XI.

Vexatione  
contra privi-  
legia.

Si vero Fratres, vel Sorores contra jus, vel eorum privilegia per Potestates, seu Rectores locorum, ubi domicilium obtinent, vexationibus impetantur, Ministri loci ad Episcopos, & alios locorum ordinarios studeant habere recursum, juxta consilium & ordinationem ipsorum in tabulis processuri.

*Quod caveant, in quantum possunt, a juramentis solemnibus.* Cap. XII.

A juramentis autem solemnibus omnes abstineant, nisi necessitate cogente in casibus per indulgentiam Apostolicæ Sedis exceptis, videlicet, pro pace, fide, calumpnia, & testimonio perhibendo, ac etiam in contractu emptionis, venditionis, & donationis, ubi videbitur expedire. In communi quoque loquela vitent, prout poterunt, juramenta. Et qui die aliqua minus caute juraverint lapsu linguæ (prout contingere in multiloquio consuevit) die ipso in sero, cum debet recogitare quid fecerit, dicat tribus vicibus orationem Dominicam, propter incaute facta hujusmodi iuramenta. Memor autem sit quilibet, ut ad divina obsequia familiam propriam exhortetur.

*De audienda Missa & Congregatione facienda.* Cap. XIII.

Universi sani Fratres & Sorores cujuscunque Civitatis, aut loci, diebus singulis (si commode poterunt) Missæ officium audiant, & mense quolibet ad Ecclesiam, sive loca, ad quam, vel ad quæ Ministri curaverint intimare, conveniant, Missarum solemniam inibi audituri. Unusquisque autem, usualis monetæ denarium Missario tribuat, qui pecuniam hujusmodi colligat, & eam de consilio Ministrorum inter Fratres, & Sorores paupertate gravatos, & præcipue infirmantes, ac eos, qui funeris carere dignoscuntur exequiis, & deinde inter pauperes alios dividant congruenter. Offerant insuper de ipsa pecunia Ecclesiæ memoratæ. Tuncque (si commode poterunt) virum religiosum, & in verbo Dei competenter instructum habere, procurent, qui eos ad poenitentiam, & misericordiæ opera exercenda hortetur, sollicitè moneat, & inducat. Studeat quilibet, dum Missæ celebratur officium, & prædicationis verbum proponitur, servare silentium; orationi, & officio sit intentus, nisi cum communis utilitas fraternitatis impediatur.

Missæ audien-  
da & Congre-  
gatione fa-  
cienda.

*De Fratribus infirmis, & defunctis.* Cap. XIV.

Cum autem quemquam ex Fratribus infirmari contigerit, Ministri per se vel per alium, seu alios (si hoc eis infirmus fecerit intimari) semel in hebdomada, visitare teneantur ægrotum, ipsum sollicitè ad recipiendum poenitentiam (prout melius, & efficacius expedire putaverint) inducentes, necessaria illi de bonis communibus ministrando. Et si præfatus infirmus de præsentī luce migraverit, Fratribus & Sororibus tunc in Civitate, vel loco, ubi cum contigerit mori præsentibus nuntietur, ut defuncti exequiis procurent personaliter interesse. A quibus, donec Missarum fuerint celebrata solemniam, corpus tumulo conditum, non recedant. Hoc quoque circa Sorores infirmas, & decedentes volumus observari. Præterea intra octo dies post ipsius sepulti obitum immediate se-  
quen-

Infirmis, &  
exequiis de-  
functorum.



quentes, quilibet Fratrum & Sororum ipsa-  
rum dicat pro anima ejus, Sacerdos videlicet,  
Missam unam, sciens Psalterium 50. psalmos  
& illiteati totidem Pater noster, & in fine  
cujuslibet Requiem æternam adiciant. Et  
post hæc, infra annum pro Fratrum & So-  
rorum, tam vivorum, quam defunctorum,  
salute, tres Missas faciant celebrari. Qui ve-  
ro psalterium sciverint, illud dicant, & cæ-  
teri orationem Dominicam centies dicere non  
omittant, Requiem æternam in fine cujusli-  
bet addituri.

*De Ministris. Cap. XV.*

Officiis recte  
administran-  
dis.

Ministeria quoque, ac alia officia, quæ  
præsentis formulæ series exprimit, imposita  
sibi quisque devote suscipiat, curetque fide-  
liter exercere. Officium autem cujuslibet  
certi temporis spatio limitetur. Nullus Mi-  
nister instituatur ad vitam, sed ejus ministe-  
rium certum tempus comprehendat.

*De visitatione, & correctione delinquentium.  
Cap. XVI.*

Correctio-  
ne delinquen-  
tium.

Adhæc Ministri, & Fratres, ac Soro-  
res Civitatis, & loci cujuslibet, ad visitatio-  
nem communem in aliquo loco religioso,  
vel Ecclesia, ubi locum hujusmodi contige-  
rit deesse, conveniant, & Visitatorem habeant  
Sacerdotem, qui alicujus approbatæ Religio-  
nis existat, quique illis de commissis exces-  
sibus iniungat poenitentiam salutarem. Nec  
quivis alius possit eis hujusmodi visitationis  
officium exhibere. Quia vero præsens vi-  
vendi forma institutionem à B. Francisco  
prælibato suscepit, consulimus, ut Visitato-  
res, & informatores, de Fratrum Minorum  
Ordine assumantur, quos Custodes, vel Guar-  
diani ejusdem Ordinis, cum super hoc requi-  
siti fuerint, duxerint assignandos. Nolumus  
tamen congregationem hujusmodi à Laico  
visitari. Hujusmodi autem visitationis offi-  
cium semel exerceatur in anno, nisi neces-  
sitate aliqua suadente fuerit pluries facienda.  
Incorrigibiles vero, ac inobedientes moni-  
tio trina præveniat. Qui si se corrigere non  
curaverint, de ipsius Congregationis confor-  
tio expellantur omnino de consilio discre-  
torum.

*De vitandis litigiis inter se, & cum aliis.  
Cap. XVII.*

Litigiis vitan-  
dis.

Vitent insuper Fratres & Sorores (juxta  
posse) litigia inter se, illa (si suscitari conti-  
gerit) sollicitè dirimendo: alioquin, de jure  
coram illo respondeant, apud quem potestas  
residet judicandi.

*Qualiter, & per quos in abstinentiis possit  
dispensari. Cap. XVIII.*

Dispensatione  
circa abstine-  
tias.

Ordinarii autem locorum, vel Visita-  
tor, cum Fratribus, & Sororibus universis,  
in abstinentiis, jejuniis, & austeritatibus aliis,  
ex causa legitima (cum expedire viderint)  
poterunt dispensare.

*Quod Ministri eorum manifestas culpas  
denuncient Visitatori. Cap. XIX.*

Ministri vero manifestas Fratrum & So-  
rorum culpas Visitatori denuncient punien-  
das. Et si quisque incorrigibilis fuerit, post  
trinæ admonitionis instantiam à Ministris  
(de discretorum Fratrum aliquorum consilio)  
Visitatori nunciatur eidem, de fraternitatis  
consortio abiiciendus ab ipso, & in Congrega-  
tione postmodum publicandus.

Incorrigibili-  
bus.

*Qualiter in prædictis nemo obligatur ad culpam  
mortalem. Cap. XX.*

Caterum in præmissis omnibus, ad quæ  
Fratres vestri Ordinis non ex divinis præce-  
ptis, vel statutis tenentur Ecclesiæ, nullum,  
ipsorum ad mortalem culpam volumus obli-  
gari, sed impositam sibi poenitentiam, pro  
transgressionis excessu, prompta humilitate  
recipiat, & efficaciter studeat adimplere.

Non obse-  
vantibus Ré-  
gulam.

§.2. Nulli ergo omnino hominum, liceat  
hanc paginam nostrorum statuti, ordinatio-  
nis, & voluntatis infringere &c.

Sanctio poe-  
nalis.

Dat. Reate, sextodecimo Kalen. Septem-  
bris; Pontificatus nostri anno 2.

Dat. die 17.  
Aug. 1289.  
An. II.

V.

*Declarationes Reformationis Gregorii IX.  
Monachorum Congregationis Cluniacensis  
Ordinis S. Benedicti.*

*Laudatam Gregorii Reformationem legere est in  
Constit. XXXV. Tom. III. Par. I. pag. 278.*

Nicolaus Episcopus Servus Servorum Dei.  
Dilectis filiis Abbati Cluniacensi ejusque  
Coabbatibus, Prioribus, & Conventibus  
universis Cluniacensis Ordinis, Salutem, &  
Apostolicam benedictionem.

**R**Egis pacifici pacis opera diligentis  
gerentes (licet immeriti) vices in  
terris, pacis bonum & concordie stabilis uni-  
tatem cunctis fidei orthodoxæ cultoribus, sed  
potissime regularis observantiæ vinculo alli-  
gatis, ferventibus votis appetimus, & solici-  
tis studiis procuramus, ut divinorum cultui,  
cui salubris illos dedicavit intentio, liberius  
& commodius immorentur. Quamobrem vi-  
giles reddimur, & propensius affectamus, ut  
inter vos divinis obsequiis regulariter depu-  
tatos, tranquilla pax vigeat, fraterna caritas  
ferveat, animorum identitas perseveret.

Exordium.

§.1. Sane foelicis recordationis Gregorius  
Papa IX., prædecessor noster, ad vestrum &  
Monasterii vestri statum prosperum & tran-  
quillum intendens, nonnulla pro reformatio-  
ne Cluniacensis Ordinis duxit dum viveret  
auctoritate Apostolica statuenda, quæ distri-  
cte ac inviolabiliter observari præcepit in Or-  
dine supradicto.

Gregorii IX.  
Constitutio.

§.2. Nos autem diligentius attendentes,  
quod aliquorum ex statutis hujusmodi, quæ no-  
bis non modicum difficilia videbantur, non

Declaratio  
eiusdem.

po-



poterat observatio efficax provenire, circa illa, prout expedire cognovimus, duximus providendum. Et volentes ipsius prædecessoris vestigia imitari, auctoritate apostolica duximus statuendum, ut statuta ipsa juxta moderationem nostram, prout notatur inferius, in eodem Ordine perpetuis futuris temporibus observentur.

Capitulum generale quādo, à quibus & qualiter fieri debeat.

Quæ in eo tractanda sint.

§. 3. In primis itaque statuimus, ut omnes Abbates, & Priores Cluniacensis Ordinis, immediate Monasterio Cluniacen. subiecti, in regno Franciæ constituti annis singulis, existentes autem in Anglia, Hispania, Alemania, & Lombardia, de biennio in biennium conveniant ad Capitulum generale, ubi sine personarum acceptione, secundum Deum, & B. Benedicti regulam & Cluniacen. Ordinis instituta, delinquentium corrigantur excessus, & de salute animarum, & conservatione Ordinis, ac domorum indemnitate tractetur, & statuatur, quod fuerit regulariter statuendum. Nec in hoc Priores, & Cameraarii invicem sibi parcant: sed unusquisque quæ viderit in Ordine corrigenda, in personis, vel rebus, quæ per Visitatores non fuerint correctæ, coram Definitoribus annis singulis in publico vel privatim in caritate proponat. Et hoc idem Visitatores coram Definitoribus facere teneantur, & correctus hoc molestè non ferat, sed correctionem accipiat patienter. Hoc autem Capitulum (in quo volumus, ut nullæ fiant exactiones ab aliquo, nulla dentur munera vel recipiantur, seu etiam promittantur, sed omnia in sinceritate procedant) modo qui sequitur celebretur, & in eo Definitores de Abbatibus & Prioribus Cluniacensis Ordinis eligantur. Ad quod quidem Capitulum Abbates & Priores præfati, modo prædicto per obedientiam venire teneantur (causa dumtaxat infirmitatis excepta) nisi casus inopinatus & multum damnosus incurreret, Definitorum & Capituli judicio relinquendus, & eorum quibus proprium impedimentum seu casum Capitulo & Definitoribus denunciaret supradictis. Qui vero non venerit, & se secundum modum legitime non excusaverit memoratum; post sequens Capitulum, ad quod venire similiter teneatur, in claustro Cluniacensi duorum mensium, spacio assidue moram trahat. Mediarum autem Abbates & Priores, singulis annis semel ad Capitulum conveniant in principalibus Abbatibus & Prioratibus, quibus subsunt statuto tempore, prout visum fuerit expedire. Quod si non fecerint, in suis immediate majoribus Abbatibus vel Prioratibus poena simili puniantur.

Definitores quindecim Capituli generalis pro prima vice eligantur.

§. 4. Circa verò electionem Definitorum Capituli generalis Cluniacensis celebrandi, ordinamus ut dilecti filii nostri Matthæus tit. S. Laurentii in Damaso, & H. tit. S. Sabinae presbyter Cardinalis ac Abbas Mauziacensis, & Magister Albertus Prior S. Lupi, de ipsius Ordinis Cluniacensis reformatione tractantes apud Sedem Apostolicam, quindecim de Abbatibus, & Prioribus Cluniacensis Ordinis supradicti eligant hac vice in Definitores primi Capituli reformationem hujusmodi subsequens.

Bull. Rom. Tom. III. Pars II.

§. 5. Qui quindecim sic ab ipsis electi, jurent in ipso primo futuro Capitulo generali, ad sancta Dei Evangelia corporaliter tacto libro, quod in definitionibus secundum Deum & B. Benedicti regulam & Apostolicæ Sedis statuta, sine omni personarum acceptione, procedent, ac ipsi in principio sequentis Capituli, antequam tractatus Capituli aggrediantur ejusdem, jurent tactis sacrosanctis Evangeliiis, & bona fide sine acceptione personarum eligere quindecim Definidores de abbatibus, & Prioribus. Si Abbates defuerint nihilominus de Prioribus præfati Cluniacensis Ordinis viros probos, ac Deum timentes, ac zelum communis utilitatis habentes, & præfatis ab eis hujusmodi juramento, viros tales postmodum eligant. Volumus autem, quod illi, qui Definidores in uno Capitulo fuerint, in Capitulo immediate sequenti definidores esse non possint: & hæc forma eligendi Definidores in posterum observetur. Si autem aliqui de Definitoribus Capituli præcedentis, ad quos spectat electio Definitorum, abesse contigerit, reliqui, qui præfentes fuerint, nihilominus ad ipsorum electionem procedere non omittant. Et qui à majori parte ipsorum eligentium nominati fuerint & electi, sine aliqua exceptione pro Definitoribus habeantur. Et hoc etiam in Definitoribus & Definitorum sententiis observetur. Diligentiam autem vel negligentiam, Ordinis supradicti, annis singulis Definidores per suas patentes literas, ad moderatas Cluniacensis Ordinis expensas, significare summo Pontifici teneantur: quomodo regula B. Benedicti & præsentia in Ordine ipso servantur statuta.

§. 6. Omnes vero causæ, quæ inter ejusdem Ordinis personas emerferint, & per Abbatem non fuerint terminatæ, delatæ ad Capitulum per Definidores statutos in Capitulo terminentur, & ea statuatur, quæ provenire ad correctionem, conservationem & restrictionem, non ad relaxationem Ordinis vel regulæ videbuntur.

Causæ per Abbates non definitæ, in Capitulo terminentur.

§. 7. Nec aliquis definita seu acta per Definidores Capituli generalis possit vel audeat immutare; nisi in casu magnæ necessitatis & evidentis utilitatis, in quo potestas Abbati intelligitur relinquenda de consilio & assensu peritorum & discretorum duorum ex illis, qui Domini Ordinis appellantur. Nec dispensare præsumat in poenis, nisi contra aliquem sententia excommunicationis, suspensionis, vel interdicti ferretur, qui si paruerit, poterit per Abbatem Cluniacensem aut alium, vel Priorem suum immediate superiorem absolutionis beneficium obtinere, ita tamen quod sic absoluti culpa & satisfactio referatur & appareat Definitoribus in primo tunc sequenti Capitulo generali. In aliis vero poenis impositis a Definitoribus nullus dispense, nisi ex necessaria causa & rationabili, quam significari volumus sequenti Capitulo generali, & si Definidores non judicaverint eam esse legitimam, relaxantes seu dispensantes per ipsos Definidores poena simili puniantur.

Constitutiones Capituli generalis in primis observanda & non immutanda sunt.

§. 8. Definitiones autem seu ordinationes Capituli generalis ad mortalem culpam non

Ordinationes Capituli quando obligent



ad mortalem  
culpam.

Et quoties  
per Prælatos  
recitanda sūt.

Visitatores in  
Capitulo ge-  
nerali ordinē-  
tur, & corri-  
genda corri-  
gant &c.

Visitatores  
quatuor mo-  
nasteriū Clun.  
& personam  
Abbatis visi-  
tent.

obligent, sed ad poenam, nisi contra essen-  
tialia observantiæ regularis existant.

§. 9. Omnes vero Abbates & Priores an-  
nis singulis ad Capitulum venientes, definitio-  
nes si quæ factæ fuerint, in suo reditu habe-  
re procurent, in vigiliis quinque festorum  
præcipuorum, & visitationis tempore nihilo-  
minus recitandas, ut nullus prætextu igno-  
rantia se valeat excusare. Statuta vero præ-  
sentia in prima die mensis cujuslibet legan-  
tur, ne per ignorantiam negligantur.

§. 10. Statuimus insuper, ut in Capitulo  
generali Cluniacensi more solito per Defini-  
tores ordinentur Visitatores discreti, ac Deum  
timentes per singulas Provincias, qui jurent  
ad sancta Dei Evangelia, corporaliter tacto  
libro, quod visitationis officium exercebunt  
(prout eis fuerit possibile) secundum Deum,  
& B. Benedicti regulam, ac Sedis Apostolicæ,  
& Cluniacensis Ordinis instituta; & quæ per  
eos corrigi poterunt, corrigent secundum gra-  
tiam a Domino sibi datam. Ea vero, quæ adeo  
gravia emerferint vel occurrerint, quod per  
eos sufficienter non possint commode corrigi;  
quæ probata fuerint vel per famam deducta,  
in publicum referant corrigenda, & punien-  
da per Definitorum in Capitulo generali, cæ-  
tera autem non nisi Abbati exponant pro-  
pter pericula evitanda. Statum quoque Ab-  
batiarum, & Prioratum quantum ad spiri-  
tualia & temporalia, referre & exponere, quo  
ad prælatos & subditos fideliter coram Defi-  
nitoribus teneantur, sed caveant Visitatores,  
ne ea, quæ invenerint in locis visitatis de præ-  
latis vel subditis, pandant quomodolibet seu  
revelent, nisi eo modo, quo superius est ex-  
pressum. Et Visitatores sic instituti, per Ab-  
batem, vel alium mutari non possunt, nisi ex  
causa rationabili, & multum urgenti, & evi-  
denti, & hoc de consilio, & assensu dictorum  
Dominorum, qui superius nominantur, sed  
causa ipsa in Visitorum exprimatur literis,  
& in sequenti Capitulo, & coram Definitori-  
bus exponatur. Quæ si non fuerit rationabi-  
lis judicata, mutans Definitorum arbitrio pu-  
niatur. Nec dicti Visitatores a personis, & lo-  
cis quæ visitant, recipere quicquam, præter  
moderatas expensas victui necessarias, quo-  
quo modo præsumant, excutientes manus  
suas ab omni munere, & cum quatuor tan-  
tum ratione visitationis, aut alias equitaturis  
incedant.

§. 11. Statuimus insuper, ut quolibet anno  
in Capitulo per Definitorum quatuor discre-  
tæ personæ, ac Deum timentes, videlicet duo  
Abbates, & totidem Priores Cluniacensis Or-  
dinis eligantur, si Abbates præsentis fuerint,  
alioquin loco Abbatum eligantur Priores ad  
visitandum Monasterium Cluniacense, perso-  
nam Abbatis, & loca circumadjacentia. Qui  
terminato generali Capitulo, & licentiatis  
Abbatibus, & Prioribus, ac aliis, qui ad Capi-  
tulum convenerant, prius præstito corporali  
juramento, suæ visitationis officium infra sex  
dies post terminatum Capitulum incipiant exe-  
qui: ne visitationem hujusmodi (quæ nullo  
modo debet omitti) contingat quomodoli-  
bet impediri. Qui de statu dicti Monasterii,

& locorum circumadjacentium in tempora-  
libus, & spiritualibus, & de Abbatis persona  
diligenter inquirent, & ea, quæ corrigenda in-  
venerint, corrigere non omittant. Et ea ve-  
rò, quæ majori consilio indigent, referentur  
annis singulis ad Capitulum generale, ut Ec-  
clesia Cluniacensis in bono statu per visitatio-  
nem hujusmodi perseveret. Et si Abbatis exi-  
gerent demerita, quod tolerari non debeat,  
per visitatores moneatur, ut cedat, & liceat  
Visitoribus, & Conventui Cluniacensi reci-  
pere hujusmodi cessionem. Quod si forte Ab-  
bas sibi de cessionis remedio providere no-  
luerit, quæ de ipso Visitorum inquisitio com-  
prehendet, ad Sedem Apostolicam refe-  
rant.

§. 12. Adiicimus autem, quod Abbas Clu-  
niacensis coram Visitoribus de omnibus obli-  
gationibus per eundem vel de ejus mandato  
factis, ac etiam de proventibus, & expensis  
reddat explicite rationem, & Visitatores præ-  
dicti hoc significare sequenti generali Capitu-  
lo, & deinde summo Pontifici annis singulis  
teneantur.

§. 13. Quia vero propter defectum Abba-  
tis remotas provincias minime visitantis, &  
domus Ordinis existentes in eis spiritualiter,  
& temporaliter male tractantur, & aliqua a  
subjectione Ordinis se subtrahere moliantur,  
præcipimus, ut Abbas Cluniacensis studeat, si-  
cut ei possibile fuerit, Ordinem visitare, ac do-  
mos a Cluniacensis Ordinis subjectione sub-  
tractas procuret cum Apostolicæ Sedis auxi-  
lio ad subjectionem ipsius revocari Ordinis, vel  
reduci. Quod si dictus Abbas in ejusdem Or-  
dinis visitatione, quam per se, vel per alium  
facere debet, negligens fuerit, vel remissus,  
eum Definitorum corrigere teneantur. Qui  
etiam dum sui Ordinis loca visitat, sit tem-  
peratus, & sobrius in expensis, ita quod om-  
nibus computatis summam decem librarum  
turon. parvorum diebus singulis in sumpti-  
bus non excedat. Et visitationis tempore tam  
ipse, quam sui excutiant ab omni munere ma-  
nus suas, prout de acceptione munerum in  
statutis foel. rec. Greg. Papæ IX. Prædecesso-  
ris nostri noscitur contineri. Infra dictam au-  
tem summam idem Abbas se temperet secun-  
dum locorum exigentiam, & facultatem ip-  
sorum, & Definitorum de mora, seu spatio  
temporis ordinent, quo Abbas, & Visitatores  
hujus suæ visitationis officium debeant termi-  
nare.

§. 14. Cæterum quia ex mala ordinatione  
Prioratum, & obedientiarum, vel frequenti  
mutatione Priorum, multa evenisse detrimen-  
ta noscuntur, districte præcipimus, ut priora-  
tus, decanatus, & omnes aliæ administrationes  
gratis conferantur, & absque venalitate & ali-  
qua pactione. Nec Cluniacenses aut alii Ab-  
bates, aut Priores Clun. Ordinis de priora-  
tibus audeant, aut possint facere Decanatus:  
nec de Decanatibus, in quibus Decanus curam  
animarum habet, & Monaci sunt & esse con-  
sueverunt, possint facere grangias; ita quod  
nec a Monaco, nec a sæculari persona pro  
aliquo pretio conducantur, & ubi factum est,  
vel acceptatum contrarium, per Definitorum

Abbates Clu-  
ni de proven-  
tibus, & ex-  
pensis coram  
Visitoribus  
reddat ratio-  
nem.

Abbates  
Clun. loca  
Ordinis visi-  
tent, uthic.

Beneficiorum  
collatio prout  
hic ordinetur.



in statum pristinum, & antiquum reducantur. Et Prioratus, & Decanatus hujusmodi nonnisi Sacerdotibus dicti Ordinis Monacis committantur. Hæc autem nolumus ad illas grangias, seu administrationes extendi, quæ curam animarum non habent, & laicis consuevere committi. Si quis autem propter hæc aliquid dedisse, vel recepisse convictus extiterit, numquam in Ordine Clun. dignitatem habeat, vel honorem. Et si adversus aliquem super hoc apud Visitatores, vel Definidores vehemens habeatur præsumptio, ipsum per eos a prioratu, vel administratione sic obtentam volumus amoveri. Et si quis humana confisus potentia, per interventum secularium personarum committi sibi obedientiam, vel prioratum poposcerit, numquam illum obtineat, sed nec alium infra annum.

Illegitimis  
Prioratus &  
Decanatus ne  
conferantur.

§. 15. Nec personis illegitime natis prioratus & decanatus curam animarum habentes in Ordine ipso ullatenus conferantur: & si secus factum fuerit, id per Definidores de crevimus revocandum.

Priores cur  
amovendi.

§. 16. Conventuales quoque Priores quamdiu in spiritualibus & temporalibus bene administraverint, non nisi ex certis causis debent amoveri; videlicet si dilapidatores, vel inobedientes, aut rebelles, seu infames, vel incontinentes extiterint, seu alio gravi crimine irretiti, sive ad majorem dignitatem fuerint promovendi; quod etiam de minoribus Prioribus volumus observari.

Abbas vel  
Prior crimi-  
nosus aut in-  
famis quo-  
modo & per  
quos deponen-  
dus.

§. 17. In destitutione vero Abbatum, & Priorum Conventualium, videlicet octo Monachorum, & supra, talis modus, & forma serventur. Videlicet quod si Visitatores Abbatem, vel Priorem criminofum, aut infamem invenerint, patri Abbati referre procurent; qui de consilio sex Abbatum, vel Priorum propinquorum ejusdem Ordinis, talem admo- neatur, vel suspendat, ipseque sic admonitus, vel suspensus inclinet humiliter, nec appellet. Nihilominus autem Visitatores, admonitiones, & suspensiones hujusmodi, & earum causas Capitulo referant generali. Et Definidores super hoc ordinent & definiant, secundum quod eis iuste, ac secundum Deum videbitur expedire. Et quidem ut huic morbo plenum adhibeatur remedium, prout infra duximus providendum, videlicet, quod singulis annis in generali Capitulo Definidores scribant, & retineant nomina singulorum Abbatum, & Priorum, qui tunc in eodem fuerint congregati. In sequenti Capitulo lectis eorum nominibus, in quibus Ecclesiis sive Abbates, vel Priores mutati sint, & mutationis causam diligenter attendant; & tunc excessus mutantium, si sine iusta causa mutaverint, & mutatorum hujusmodi puniant, & emendent, secundum qualitatem excessuum eorumdem. Verum quia Monachi nonnumquam Abbatum, vel Priorum suorum delicta revelare formidant, ne ad ignotas, & remotas provincias quasi in exilium relegentur, huic morbo sic duximus providendum: quod videlicet Visitatores cum accesserint ad Monasteria visitanda, diligenter inquirent, si quis e Monasterio illo anno, cui officium visitationis impendunt, & propter

Bull. Rom. Tom. III. Pars II.

quam causam emissus fuerit. Et si causa regularis extiterit, approbetur; alioquin revocetur Monachus, & qui eum emisit, Visitatorum arbitrio puniatur. Si quis autem fuerit ab Abbazia, vel Prioratu sua culpa remotus, ad aliud Monasterium, in quo digne desleat quod commisit, superioris providentia transmittatur. Et si forte propter senectutis defectum, aut aliam causam honestam spontaneus cesserit, revertatur ad claustrum illo sibi quod eligere maluerit deputato, nullusque literas confirmationis habeat, quod a suo Prioratu, vel obedientia non debeat amoveri.

§. 18. Ad institutionem vero Prioris Conventualis absque duorum Priorum Conventualium consilio minime procedatur. Abbates autem, & Priores circa temporalia, & spiritualia negligentes, per definidores graviter puniantur, & tales præficiantur, qui sciant, & possint præesse pariter, & prodesse, ac jura commissorum sibi Prioratum observare. Circa personarum vero dicti Ordinis promotionem, sic provida, & æqua ordinatione censemus, quod Abbas Clun. in arduis & gravibus negotiis uti debeat consilio sapientium, & dicti Ordinis seniorum. Et in promovendo personas Ordinis, & conferendo beneficia, non sequatur carnalem affectum: sed habendo Deum præ oculis, imitetur in omnibus legem Dei. Et quod dictum est de Abbate Clun. idem per alios Abbates, & Priores Ordinis de crevimus observandum. Et quia denunciatum est nobis, quod raro aut numquam de claustro Clun. aliquis, vel aliqui ad regimen Prioratum Cluniacensis Ordinis assumuntur; Statuimus, quod non tam de claustralibus, quam de aliis, sine personarum acceptione, personæ idoneæ ad ipsorum Prioratum regimen assumantur, cum per tales qui sunt in Monasterio enutriti, magis in religione Ordo possit, & debeat informari.

Institutio  
Priorum Con-  
ventualium,  
qualiter fiat.

§. 19. Ad hæc districtius inhibemus, ne quis plures Prioratus, vel Prioratum cum Abbazia ejusdem Ordinis, vel alterius habere, præsumat. Nec Abbas Cluniacensis, vel aliquis alius Abbas, vel Prior ejusdem Ordinis, aliquem de subjectis sibi Prioratibus ad manus suas retineat: sed singulis Prioratibus Priores singuli deputentur.

Pluralitas be-  
neficiorum  
interdicitur.

§. 20. Nec aliquis qui Cluniacensis Ordinis non fuerit professus, habeat ejusdem Ordinis Prioratum. Nec aliquis Prioratus, vel Decanatus Cluniacensis Ordinis, cui annexa est cura animarum, vacet ultra sex menses; sed infra hujusmodi tempus Abbas Cluniacensis ceterique Abbates, & Priores, qui habent Prioratus & hujusmodi decanatus subjectos, eis debeant providere. Aliter provisio Prioratum, & Decanatum eorumdem Abbati Cluniacensi nullo medio subjectorum, intelligatur ad Sedem Apostolicam devoluta. Prioratum vero & decanatum aliorum provisio ad suos immediate superiores devolvatur omnino, nec Prioratus vel decanatus cum cura personis secularibus, Clericis, vel Monacis alterius Ordinis, laicis, prælatis, seu subditis aliquatenus conferantur: & ubi contrarium,

Nellus nisi  
Clun. Ordi-  
nis religio-  
sus in Clun.  
Ordine bene-  
ficiu habere  
debet.



attentatum esse dignoscitur, Definitorum arbitrio revocetur. Circa vero illos Prioratus, qui alienati, & permutati esse dicuntur absq; Sedis memorata licentia, præcipimus, ut quod per Abbatem super illis actum est, penitus revocetur, & Abbas ad revocationem huiusmodi faciendam, quam primum commode poterit, exhibeat se vigilem, sollicitum & etiam studiosum: ita quod ad clerum divinum, & solitum Monachorum numerum, ac subjectionem dicti Ordinis reducantur.

In uno Prioratu unus Monachus manere non debet.

§. 21. Nec in Prioratu aliquo unus solus Monachus commoretur, sed ei, qui solus est, unus, vel plures focii Monaci adjungantur, si loci suppetant facultates. Alioquin Monachus revocetur ad claustrum, proviso quod in eo divina celebrentur honeste.

Refectio Monachorum sit uniformis.

§. 22. Circa qualitatem autem ciborum, & potus, scrutari præcipimus, ut omnes Monaci in uno reficiantur refectorio, de eodem potu, & pane, eademque coquina: nisi forte aliquem ipsorum comedere cum Abbate, vel Priore, seu in infirmaria contingat. Abbas autem cum fratribus in refectorio comedat: nisi propter hospites mutet locum. In infirmaria vero nullus comedat, nisi propter infirmitatem, vel debilitatem illuc fuerit destinatus.

Esum carni-um relinquitur arbitrio Abbatis.

§. 23. Circa esum vero carni-um licentiam relinquimus dispensationi Abbatis, secundum indulgentiam Clementinæ. Caveat tamen Abbas, ne super hoc sit nimis ad dispensandum facilis, vel laxet nimium manus suas.

Habitus honestas præsumitur.

§. 24. Illud quoque præcipimus observari, ut Monaci sicut in claustro, ita foris se habeant: nec incedant sine cuculla & flocco, vel sine cuculla & cappa regulari & honesta, nec nimium sumptuosa. Nec equitet Abbas aliquis, vel Prior sine postella & sella regulari, quæ tamen sumptuosa nimium non existat. Nec aliquis Monachus equitet corrigiatis calceis, nisi in longo itinere constitutus: sed contra imbres, & pluvias, frigus, & æstus, cappellis filtreis possint uti. Nec quisquam in quovis loco tunicis, vel coopertoriis de bruneto, aut pellibus silvaticis, seu camissiis, aut linteaminibus lineis uti præsumat: nec deferat vestes scissas ante & retro. Nec aliquis claustralis habere propriam cappam pluvialem, aut equitaturam sibi deputatam attentet.

Equitaturarum superfluitas submovetur.

§. 25. Circa equitaturas enim, & familiam, omnem superfluitatem amputare volentes, mandamus, ut Abbas Clun. sexdecim equitaturis contentus existat: & alii Abbates ejusdem Ordinis, ac Prior de Caritate octo: Prior S. Martini sex: Priores alii Conventuales tribus, vel quatuor: & ceteri minores duabus elevationibus sint contenti. Abbates quoque, & Priores dicti Ordinis servientes honestos habeant, nec nimis comptos, qui & vestes decentes deferant non nimium curiosas.

Contrahendi & rationis reddende mos maneat.

§. 26. Quia vero ad desolationem domorum plurimum operatur laxa potestas debita contrahendi, & quod ratio non redditur de debitis, vel receptis: præcipimus, ut singuli Abbates, & Priores de consilio fratrum & familiarum, quibus præsumunt, cum testimonio bonorum

virorum, qui ad locum pertinent, cum contrahendum, vel innovandum est mutuum, ita faciant diligenter, ut omnibus liqueat quantas summa, quibus conditionibus, & quibus debeatur, & in quos usus contractum mutuum sit conversum. Et ut status domorum certior habeatur, statuimus, ut in Monasterio Clun. & aliis Abbatiis, & Prioratibus Clun. Ordini subiectos Prioratus habentibus, fiant registra: in quibus scribatur, quot Monaci in qualibet domo, juxta ipsius domus facultates, possint, & debeant commorari, & institutio Abbatum, & Priorum scribatur in eisdem registris, & in quo statu institutus recipiet Abbatiam, seu Prioratum. Et si eam in bono statu receperit, & ipse in malo posuit, bona ejus debitis obligando, vel ad vitam, vel perpetuo alienando, absque causa rationabili, per Definidores approbata post factum, vel ante si per relationem fidelium Visitatorum convictus fuerit de prædictis, absque alia juris solennitate per Definidores Abbatia sua, vel Prioratu privetur. Dicta vero registra ponantur, & conserventur in arca communi, ubi commune sigillum consuevit pro tempore custodiri. Adiciamus etiam, ut nulla litera sigilletur sigillo conventus Clun. vel alterius ejusdem Ordinis, nisi in Capitulo coram conventu in vulgari, & latino prius lecta fuerit: & tunc sigilletur. Et postquam sigillata fuerit, iterum modo prædicto in Capitulo coram omnibus relegatur. Quo facto ponatur tenor literæ in registro, quod registrum servetur in arca eadem, in qua ut præmittitur, servatur commune sigillum. Et si litera data fuerit de debito contrahendo, cancelletur litera in registro: & a creditoribus repetatur: & habita vel recuperata in libro cancelletur. Singuli autem officiales coram Abbate, vel Priore (si non est ibi Abbas) & coram senioribus duobus singulis mensibus de suis officiis rationem, & de omnibus receptis & expensis computationem fideliter faciant. Abbas etiam Clun. & ceteri Abbates, & Priores, quater in anno statum suæ domus in suo Capitulo, & coram Visitatoribus, cum venerint, plene declarent. Nullus quoque Abbas, vel Prior, grangiam, pensionem, vel præbendam monachalem secularibus personis concedere, seu possessionem aliquam, venditionis seu alio aliquo titulo alienare, absque patris Abbatis, aut patris Prioris & conventus sui consilio, & consensu præsumat.

§. 27. Poena insuper Monacis proprietariis infligatur, videlicet, ut per annum ad statum novum redigantur: & infra dictum annum assidue coram Conventu comedant in terra sedentes, & in depositarios, si Monacis proprietariis deposita restituerint, quæ sunt suis Monasteriis resignanda, monitione præmissa, excommunicationis sententia promulgetur.

§. 28. Ad hæc, quoniam Abbas Clun. nec non Abbates, & Priores ejusdem Ordinis, Prioratus sibi subiectos exactionibus, & extorsionibus consueverunt adeo aggravare, quod in eisdem Prioratibus antiquis, & consuetus Monachorum numerus est nimium diminutus, nos id de

Pœna Monacis proprietariis infligenda.

Exactiones & extorsiones vitandæ.



id de cetero fieri sub attestatione divini iudicii prohibemus, injungentes dicto Abbati Clun. & aliis Abbatibus & Prioribus ejusdem Ordinis in virtute sanctæ obedientiæ, ut deinceps novos census subjectis sibi Prioratibus vel Decanatibus non imponant absque licentia Sedis Apostolicæ speciali: cum liqueat Prioratus ipsos non ad destructionem, sed ad conservationem Ordinis, & correctionem sibi esse subjectos, & eisdem Prioratibus pro sustentatione Monachorum inibi domino famulantium possessiones pia devotione fidelium fuisse concessas.

Bona vacantia quæ & qualiter per Abbates percipienda sint.

§. 29. Circa ordinationem vero bonorum Prioratuum vacantium præcipimus, ut in Prioratibus dicti Ordinis per mortem, aut per amotionem Priorum vacantibus, Abbas Clun. palefredum, cappam, & breviarium Prioris præmortui (secundum antiquam consuetudinem) habeat, & deductis debitis (si qua sint) ante omnia & solutis, Monacis etiam ibidem commorantibus, & Priori futuro, ac familiæ domus pro se & necessitatibus suis, usque ad fructus novos prius congrua sustentatione dimissa, relictis etiam ad excolendum possessiones necessariis ad refectorem domorum (si necesse fuerit) de residuis mobilibus possit recipere quartam partem. Præcipimus etiam dicto Abbati, ut nova, vel falsa debita præfatis Prioratibus non imponat, nec Abbas pro Prioratuum, vel talium beneficiorum collatione, aliquid recipere possit: cum hoc non careat vitio simoniæ. Animalia etiam domus (præter dictum palefredum) decernimus, quod nullatenus possit recipere vel habere. Insuper, si aliquis Prior nolens præesse, sed magis in clauistro Domino deservire, renunciaverit Prioratui, hoc idem præcipimus observari. Si autem aliquis Prior ejusdem Ordinis mutatus fuerit, vel translatus alibi præficiatur, ordinamus, & decernimus, quod tunc nihil possit dictus Abbas recipere, ne propter vacationem unius Prioratus, in fraudem, plures vacare faciat, ut bona omnia secum portet. Quod autem de Abbate Cluniacensi statuimus, de aliis Abbatibus, & Prioribus Cluniacensis Ordinis, præcipimus, & decernimus observari. In dictis vero Prioratibus vacantibus, nullus nisi prius institutus (cui committitur Prioratus) officiales, administrantes, vel ministratores amoveat, nisi de ipsorum administratione mala constaret, vel etiam appareret, vel non extiterit bonæ vitæ. Statuimus insuper, ut nullus Abbas, vel Prior det, seu concedat literas suas alicui clerico, vel laico, super ipsius receptione futura in Monachum, vel Conversum, in aliqua Abbazia, seu Prioratu sibi subjecto.

Novitii ante 15. annum non recipiuntur.

§. 30. Caterum quia Ordo videtur grave profitentibus jugum imponere, districtius inhibemus, ne ante quintumdecimum annum ætatis completum ad Monachalem professionem puer aliquis admittatur, mulieribus ingressu claustrum, vel chori interdicto.

Iuste appellans non molestandus est.

§. 31. Statuimus præterea, quod Abbas Cluniacensis nullum ex causis legitimis pro utilitate Ordinis, vel Abbatiarum, vel Prioratuum appellentem excommunicare, vel

incarcerare, seu detinere præsumat. Quod si contrarium factum fuerit, excommunicans, incarcerans, vel detinens, poenam suspensionis merito poterit formidare.

§. 32. Inhibemus tamen, ne Monaci passim, & pro causis levibus contra suos superiores appellent.

Levis appellatio prohibetur.

§. 33. Et cum secundum Evangelicam veritatem, qui mandata Dei propter traditiones transgrediuntur humanas, a domino arguantur: arctissime interdiciamus, ne propter nostras traditiones vel constitutiones, regularia B. Benedicti statuta aliquatenus omitantur.

Regula S. Benedicti observantia non prætermittatur.

§. 34. Ut igitur hujusmodi mandatum lucerna sit vobis, lex, lux, via vitæ, increpatio disciplinæ, universitatem vestram monemus, & hortamur attente, per Apostolica vobis scripta in virtute sanctæ obedientiæ districtè præcipiendo mandantes, quatenus mentes vestras, & animos, tamquam devotionis obedientiæ filii, ad pacem, & quietem vestram solícite dirigentes, præscripta statuta studeatis inviolabiliter observare, ad frugem melioris vitæ conversi, ascensionibus in corde dispositis, de gratia in gratiam, & de virtute proficientes salubriter in virtutem, bonus in omni loco efficiamini odor Christi: Nosque in vestris meritis delectati, ad profectus vestros merito intendere valeamus.

Hæc reformatio ab omnibus observetur.

Datum Reate, II. Idus Septemb. Pont. nostri anno II.

Dat. die 12. Sept. 1289. P. A. II.

## V I.

Quod Processus habitus per Inquisitores contra Hæreticos etiam post obitum Pape, a quo deputati fuerant, validi habeantur.

Nicolaus Episcopus Servus Servorum Dei. Dilectis filiis Fratribus Ordinis Predicatorum Inquisitoribus hæreticæ pravitatis auctoritate Sedis Apostolicæ Deputatis, & posterum Deputandis, salutem & Apostolicam benedictionem.

Ex Regest. Vatic.

**N**E aliqui dubitationem forsan sollicitam excitantes, in dubium revocent, an processus per Vos, quibus Inquisitionis officium contra resperfos hæreticæ pravitatis infra certos limites exstitit ab Apostolica Sede commissum, in casibus aliquibus habitus, qui post Romani Pontificis obitum, ejus auctoritate vobis idem est commissum officium, emerferunt, & in nonnullis aliis, in quibus licet antea emerfissent, vivente tamen eodem Romano Pontifice per Vos, vel alios Inquisitores prædictos non fuerat aliquo modo processum, robur obtineant firmitatis, tenore præsentium in favorem fidei declaramus, decernimus, & etiam statuimus, hujusmodi processibus per Vos, aut alios Inquisitores prædictos taliter habitus nequaquam obstare, quod tempore Romani Pontificis, cujus auctoritate hujusmodi officii erat facta commissio, non fuerint inchoati.

Causa Decreti.

Et



Decretum

Et ne de cætero similem dubitationem moveri contingat, hoc idem in similibus processibus habendis imposterum prætextu commissionum factarum hætenus, & faciendarum a Nobis, vel nostris successoribus decernimus, & statuimus observari. Nulli ergo omnino hominum liceat hanc paginam nostrorum declarationis, Constitutionis, & Decreti infringere &c.

Dat. die 29.  
Junii 1290.  
P. ann. III.

Datum Romæ apud Urbemveterem tertio Kalendas Julii Pontificatus nostri anno III.

## VII.

Confirmatio Erektionis Ulyssipponensis  
Academiæ, quæ variis ornatur  
privilegiis.

Ex Rainal-  
do ad ann.  
1290. f. 52.

Nicolaus Episcopus Servus Servorum Dei.  
Universitati Magistrorum, & Scho-  
larium Ulixbonensium.

Exordium.

**D**E statu Regni Portugalliæ tanto solertius cogitamus, quanto majori desiderio ducimur, ut in Regno ipso, submotis quibusvis obstaculis, divini cultus observantia vigeat, salubribus intendatur operibus, & fidei Catholicæ puritas ad laudem divini nominis, & salutem fidelium in illo degentium invalescat.

Academia  
hec condita a  
Dionysio Re-  
ge.

§. 1. Sane ad audientiam nostram pervenit, quod procurante charissimo in Christo filio nostro Dionysio Portugalliæ Rege illustri cujuslibet licitæ facultatis studia in Civitate Ulixbonensi sunt de novo non sine multa, & laudabili provisione plantata: quorum Magistris, ut liberius possint vacare studiis, & doctrinis, a quibusdam Prælatibus, Abbatibus, Cisterciensibus, ac Prioribus Sancti Augustini, & Sancti Benedicti Ordinum, & Rectoribus quarundam secularium Ecclesiarum Regnorum Portugalliæ, & Algarbii promissum esse dicitur certum salarium statutum.

§. 2. Nos autem diligentius attendentes, quod hujusmodi studia cooperante illo, a quo bona cuncta procedunt, in Regnis ipsis divinus cultus augebitur, crescet devotio, & fidei orthodoxæ cultores informationem suscipient, virtutum decorabuntur insigniis, thesauros scientiæ vendicabunt, & ideo ad augmentum, & corroboracionem studiorum ipsorum solcite intendentes, desiderantes quoque, ut per Apostolici favoris auxilium studia ipsa firmis radicibus fulciantur; quodque super hoc factum est, ratum, & gratum habemus, præfatum Regem rogantes attentius, & hortantes, ut Cives Ulixbonenses Domos vacantes adinhabitandum scholaribus sub competenti pretio, taxando a duobus clericis, & totidem laicis, viris discretis, Catholicis, & juratis, communiter electis a vobis, & Civibus ipsis, locare regia potestate compellat; quodque Ballivos, Officiales, & Ministrales suos Civitatis ejusdem personis, & rebus Scholarium, ac etiam Nuntiis eorundem securitatem, & immunitatem promittere faciat, super hoc ab eis præstito juramento.

§. 3. Statuimus præterea, ut universi Magistri actu regentes in Civitate prædicta, proventus Præbendarum, & beneficiorum suorum etiam si personatus, & dignitates existant, quotidianis distributionibus, quæ iis, qui divinis intersunt officiis assignantur, dumtaxat exceptis, integre percipere valeant & habere. Sanei, mus insuper, ut nulli Magistri, & Scholares, ac servientes ipsorum si, quod absit, contingerit eos in quocumque melesicio deprehendi, ab aliquo laico judicentur, vel etiam puniantur, nisi forte Judicio Ecclesiæ condemnati relinquuntur curiæ seculari, quod Scholares in artibus & jure Canonico, & Civili, ac Medicina, quos Magistri reputabunt idoneos, possint per Ulixbonensem Episcopum, qui pro tempore fuerit, vel Ulixbonensi Sede vacante, per Vicarium ab Ulixbonensi Capitulo in spiritualibus constitutum in studio licentiarum prædicto. Et quicumque Magister in Civitate præfata per Episcopum, vel Vicarium supra dictos examinatus & approbatus fuerit in facultate quacumque, Theologica dumtaxat excepta, ubique sine alia examinatione regendi liberam habeat potestatem.

§. 4. Nulli ergo omnino hominum liceat hanc paginam nostri statuti, concessionis &c. infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum apud Urbemveterem, V. Idus Augusti Pontificatus Nostri Anno III.

Clausula.

Datum die 9.  
Augusti an-  
no Domini  
1290. Pontif.  
anno III.

## VIII.

Prohibitio faciendi Conjuraciones, societates, Confederaciones, seu Colligationes in terris Ecclesiæ, earumque cassatio, & annullatio sub excommunicationis sententia, aliisque penis spiritualibus, & temporalibus.

Nicolaus Episcopus Servus Servorum Dei.  
Ad futuram rei Memoriam.

Ex Regest.  
Vatic.

**S**olent Conjuraciones, & Colligationes aliæ inter Civitatem & Civitatem, vel Universitates alias initæ graves plerumque turbaciones inducere, aliaque grandia Corporum & Animarum pericula germinare. Hinc talia non improvide sunt Imperiali sanctione prohibita, & quæ processerant, ejus auctoritate cassata, poenis, & aliis remediis in ipsis violatores adjectis. Nos igitur quibus Ecclesiæ Romanæ temporaliter subjectorum cura etiam spiritualis incumbit; ideoque ipsis maxime contra quævis salutis Animarum adversa providere tenemur, non immerito hujusmodi periculis occurrere cupientes, hac in perpetuum valitura Constitutione de fratrum nostrorum consilio districtius inhibemus, in quibuscumque terris Ecclesiæ memoratæ inter Civitates vel Universitates quaslibet, seu inter ipsarum aliquam, & singularem Personam Conjuracionem, societatem, confederacionem,

Ex hujusmodi  
confederatio-  
nibus mala so-  
lent oriri.

Eas fieri veti-  
tum.



Facts declarantur irritæ.

Pœna contra inobedientes.

Clausula.

Dat. die  
18. Novembr.  
1290. Pont.  
An. III.

nem, seu colligationem quamlibet absque Sedis Apostolicæ consensu, & expressa licentia deinceps iniri, aut contrahi, vel sub colore quolibet attentari: Et si contra præsumptum fuerit conjurationem, societatem, confederationem, seu colligationem ipsas etiam si penarum, vel Juramentorum fuerint adjunctione vallatæ, irritas decernimus, & inanes: Contractas autem huc usque etiam si penarum, vel Juramentorum simili fuerint adjunctione firmatæ, cassamus: Statuentes, ut singulæ Civitates, Universitates, atque Personæ Constitutionem hujusmodi violantes trium millium Marcarum Argenti penam incurrant: Et nihilominus non solum Censura procellentur Ecclesiastica, sed & alias spiritualiter & temporaliter punientur: prout qualitas commissorum exegerit, & Sedes ipsa viderit expedire: pœna hujusmodi circa minora Loca sive Personas pro ipsorum locorum & Personarum qualitate præfatæ Sedis arbitrio moderanda. Moderandi vero penam hujusmodi, vel remittendi, vel super ipsa quomodolibet componendi Provinciarum, Terrarum, vel locorum Rectoribus omnimodam adimimus facultatem.

Nulli ergo omnino hominum liceat hanc paginam nostrarum inhibitionis, Cassationis, Constitutionis, & ademptionis infringere &c.

Datum apud Urbem veterem quartodecimo Kalendas Decembris Pontificatus nostri anno III.

## I X.

Excommunicationis, aliarumque penarum contra Hæreticos, eorumque Fautores, & alios decretarum promulgatio.

Ex Regest. Vatic.

Nicolaus Episcopus Servus Servorum Dei.  
Universis Christifidelibus salutem &  
Apostolicam benedictionem.

Anathema, corporalesque pœne contra Hæreticos.

**N**overit Universitas vestra, quod Nos excommunicamus, & anathematizamus Universos Hæreticos, Catharos, Patherenos, Pauperes de Lugduno, Passaginos, Josefinos, Arnaldistas, Speronistas, & alios quibuscumque nominibus censeantur, facies quidem habentes diversas, sed Caudas ad invicem colligatas, quia de vanitate conveniunt in idipsum. Damnati vero per Ecclesiam Sæculari Judicio relinquuntur animadversione debita puniendi, Clericis prius a suis ordinibus degradatis. Si quis autem de prædictis, postquam fuerint deprehensi, redire voluerint ad agendam condignam penitentiam, in perpetuo Carcere detrudantur: Credentes autem eorum erroribus similiter Hæreticos judicamus.

Eorumque fautores, &amp;c.

§. 1. Item Receptatores, Defensores, & fautores Hæreticorum excommunicationis sententiæ decernimus subjacere: firmiter statuentes, ut si postquam quilibet talium fuerit excommunicatione notatus, si satisfacere contempserit infra annum, ex tunc ipso Jure

sit factus infamis, nec ad publica officia seu consilia, nec ad eligendos aliquos ad hujusmodi, nec ad testimonium admittatur: Sit etiam intestabilis, nec Testamenti habeat factionem, nec ad hæreditatis successionem accedat. Nullus præterea ipsi super quocumque negotio, sed ipse aliis respondere cogatur. Quod si forte Judex extiterit, ejus sententia nullam obtineat firmitatem, nec Causæ aliaque ad ejus audientiam perferantur: Si fuerit Advocatus, ejus patrocinium nullatenus admittatur. Si Tabellio Instrumenta confecta per ipsum nullius penitus sint momenti: sed cum auctore damnato damnentur, & in similibus idem præcipimus observari: Si vero Clericus fuerit, ab omni officio & beneficio deponatur.

§. 2. Si qui autem tales postquam ab Ecclesia fuerint denotati, evitare contempserint, excommunicationis sententia percellantur; alias animadversione debita puniendi. Qui autem inventi fuerint sola suspitione notabiles, nisi juxta considerationem suspitionis, qualitatemque Personæ propriam innocentiam congrua purgatione monstraverint, anathematis gladio feriantur, & usque ad satisfactionem condignam ab omnibus evitentur: ita quod si per annum in excommunicatione perstiterint, tunc velut hæretici condemnentur. Item proclamationes, aut appellationes hujusmodi Personarum minime audiantur.

§. 3. Item Judices, Advocati, & Notarii nulli eorum officium suum impendant, alioquin eodem officio perpetuo sint privati. Item Clerici non exhibeant hujusmodi pestilentibus ecclesiastica sacramenta, nec elemosynas, aut oblationes eorum recipiant. Similiter Hospitalarii, aut Templarii, aut quilibet Regulares, alioquin suo priventur officio; ad quod nunquam restituantur absque Indulto Sedis Apostolicæ speciali.

§. 4. Item quicumque tales præsumpserint ecclesiasticæ tradere sepulturæ, usque ad satisfactionem idoneam excommunicationis sententiæ se noverint subjacere, nec absolutionis beneficium mereantur, nisi propriis manibus publice extumulent & projiciant hujusmodi corpora damnatorum, & locus ille perpetua careat sepultura.

§. 5. Item firmiter inhibemus, ne cuiquam laicæ personæ liceat publice, vel privatim de fide Catholica disputare: qui vero contrafecerit, excommunicationis laqueo innodetur.

§. 6. Item si quis Hæreticos sciverit, vel aliquos occulta conventicula celebrantes, seu a communi conversatione fidelium vita, & moribus dissidentes, eos studeat indicare Confessori suo, vel alii per quem credat ad Prælati sui & Inquisitorum hæreticæ pravitatis notitiam pervenire: alioquin excommunicationis sententia percellatur: Hæretici autem & Receptatores, Defensores, & fautores eorum, ipsorumque filii usque ad secundam generationem ad nullum Ecclesiasticum Beneficium, seu officium admittantur: Quod si secus actum fuerit, decernimus irritum & inane. Nos enim prædictos ex nunc privamus Beneficiis acquisitis, volentes, ut tales & habitis per-

Et utrosque non vitantes.

De suspectis.

Aliæ pœne.

Ecclesiastica privandi Sepultura.

Laicis interduntur de fide controverbia. Vide Constit. XXV. Innocentii II Hæretici publicandi.



Filiis hæreticorum emancipatio interdicta.

Dat. die 3.  
Martii 1291.  
Pont. an. IV.

perpetuo careant, & ad alia similia nequaquam imposterum admittantur.

§. 7. Illorum autem filiorum emancipationem nullius esse momenti volumus, quorum Parentes post emancipationem hujusmodi ad invium superstitionis hæreticæ a via declinasse constiterit veritatis.

Datum apud Urbem veterem quinto nonas Martii, Pontificatus nostri anno IV.

## X.

Hospitale Sancti Spiritus in Saxia de Urbe, cum omnibus ejus membris & bonis atque personis, sub protectione Sedis Apostolicæ suscipitur, & subjectio Hospitalis S. Spiritus in Monte Pessullano, Hospitali prædicto approbatur.

*De institutione Hospitalis vide in Innoc. III. Tom. III. Par. I. const. XL. pag. 108.*

Nicolaus Episcopus, Servus Servorum Dei. Dilectis filiis Magistro Sancti Spiritus in Saxia de Urbe, ac illius fratribus, tam præsentibus, quam futuris regularem vitam professis in perpetuum.

Exordium.

**I**Nter opera pietatis, &c. *Omittitur residuum hujus proemii, quia est idem cum proemio bullæ Innoc. III.* Hæc igitur attendentes Hospitale nostrum apud S. Mariam in Saxia, locum satis idoneum ad hospitalitatis officium exercendum, eleemosynis Ecclesiæ Romanæ solemner constructum, in quo reficiuntur & recipiuntur pauperes, & infirmi, & exhibentur alia opera pietatis, ad exemplar foelicis recordationis Innocentii III. Honorii III. Gregorii IX. Alexandri IV. Clementis IV. Gregorii X. & Nicolai III. prædecessorum nostrorum Rom. Pontif. sub B. Petri & nostra protectione suscipimus, & præsentis scripti privilegio communimus. Statuentes ut Regularis Ordo, qui secundum Deum in institutione Fratrum Hospitalis S. Spiritus ibidem institutus esse dignoscitur, perpetuis ibidem temporibus inviolabiliter observetur.

Hospitale hoc sub A. S. patrocinio susceprum.

Enunciatio locorum ad illud pertinentium.

In Urbe & ejus territorio.

§. 1. Propterea quascumque possessiones, quæcumque bona quæ idem hospitale in præsentiarum juste & canonice possidet, aut in futurum concessione Pontificum, largitione Regum, vel Principum, oblatione fidelium, seu aliis justis modis, præstante Domino, poterit adipisci, firma vobis & vestris successoribus, & illibata permaneant, in quibus hæc propriis duximus exprimenda vocabulis.

§. 2. Locum ipsum in quo præfatum Hospitale situm est, cum omnibus pertinentiis suis, domos, vineas, hortos, annuos redditus denariorum, & quicquid juris habetis in Urbe, & in territorio & districtu Urbis. Grangiam de Vallecula cum pertinentiis suis: de Brain: de Malliana: de Peccuritia: de Pauli: de Murasuri: de Campagnano: & de Casano grangias, cum domibus, terris, vineis, sylvis, pratis, pascuis, possessionibus cultis & incultis, aquarum decursibus, & omnibus per-

inentiis suis, & Casale novum juxta flumen, cum terris, pratis, possessionibus.

§. 3. In regno Sicilia, Ecclesiam de Dianio, & Ecclesiam S. Laurentii extra Dianum: S. Mariæ de campo Diamefe: S. Quirici, & S. Spiritus de Claromonte Ecclesias, cum pertinentiis earumdem. Apud Castrum Corilionis, domum S. Spiritus cum pertinentiis suis. In dioecesi Caputaquen. Ecclesiam SS. Apostolorum Philippi & Jacobi cum pertinentiis suis. In civitate Marsici hospitale S. Spiritus, & hospitale S. Spiritus, quod habetis in civitate Trojana, & hospitale S. Spiritus, quod habetis in civitate Asculi, domos, terras, anneta, jardinos, & quicquid juris habetis in territorio Genetan. Hospitale novum quod habetis in civitate Aquilen. cum terris, possessionibus, & omnibus pertinentiis suis. Hospitale S. Spiritus de Adria, cum Ecclesia S. Claudii, cum domibus, terris, vineis, pratis, possessionibus, redditibus, & omnibus pertinentiis suis in usum brachie, & flumina Gomau. In civitate Theatin. hospitale S. Spiritus. Et hospitale S. Spiritus in Piscaria. Et hospitale S. Spiritus, quod habetis in civitate Pennen. cum terris, domibus, possessionibus, redditibusve universis, bonis, & juribus spectant. ad Ecclesias & hospitalia supradicta, & quicquid juris in eodem regno hospitale vestrum obtinere noscitur.

In Regno Sicilia.

In Campania.

§. 4. In Campania & maritima, in Civitate Anagnin. Hospitale S. Trinitatis, cum domibus, terris, possessionibus, ac omnibus pertinentiis suis. Casale Ursinum quod habetis in civitate Anagnin. cum pertinentiis suis, & Ecclesiam S. Ægidii de Rapello, cum domibus, vineis, terris, sylvis, possessionibus, & omnibus pertinentiis earumdem. De Monte Fortino, de Velleto, & Cora Grangias, cum domibus, terris, vineis, & omnibus pertinentiis earumdem, domos, terras, vineas, redditus, possessiones, & quicquid juris habetis in Ferentin. ac Alatin. & Terracin. civitate & dioecesi earumdem, domos, terras, vineas, prata, pascua, nemora, molendina, cum aquarum decursibus, & quicquid juris habetis in castro & territorio Nymphæ in civitate Tiburtin. cum domibus, terris, vineis, pratis, possessionibus, ac omnibus pertinentiis suis. In dioecesi Nepesin. Ecclesiam S. Tolomæi cum terris, possessionibus, cum omnibus pertinentiis suis, & etiam quicquid juris in civitate & dioc. Nepesin. hospitale vestrum noscitur obtinere. In civitate & dioecesi Sutrin. castrum sanctæ Pupæ, cum Ecclesia S. Mariæ ad portam in dicto castro, terris, possessionibus, molendinis, aquarum decursibus, ac omnibus aliis juribus & pertinent. & appenden. suis: necnon jurisdictionem temporalem, & quicquid juris habetis ibidem. Oratorium S. Mariæ de Flore cum omnibus pertinentiis suis. Medietatem Caselli in de Gemita, cum terris, sylvis, possessionibus, & aliis ad dictam medietatem spectant. necnon alias possessiones, terras, & redditus, & quicquid juris in Civitate & dioecesi Sutrin. hospitale vestrum noscitur obtinere.

§. 5. In Tuscia, hospitale S. Spiritus de Castro Casali, cum terris, possessionibus, & om.

In Tuscia.



omnibus pertinentiis. Hospitale S. Spiritus quod habetis apud S. Quiricum, cum terris, vineis, possessionibus, & omnibus juribus & pertinentiis suis. Hospitale S. Spiritus de Florentia, cum domibus, terris, vineis, possessionibus, & omnibus juribus & pertinentiis suis.

In Patrimo-  
nio.

§. 6. In Civitate Viterbien. domos, terras, vineas, prata, hortos, & quicquid juris habetis ibidem. In castro Vite alle Placentin. cum turri sibi injuncta, & aliis domibus, terris, vineis, pratis, hortis, & omnibus pertinentiis earundem. Ecclesiam S. Leonardi de Ponte Grandinato cum pertinentiis suis, & molendinum cum aquarum decursibus, terras, vineas, possessiones. Et quicquid juris habetis apud Gallesum, & in ejus territorio obtinetis, terras, vineas, possessiones. Et quicquid juris habetis in civitate, & dioecesi Narnien., medietatem castri Tramise, & partem, quam habetis in castro Turricole, cum domibus, terris, vineis, sylvis, possessionibus, & homagiis, aquarum decursibus, & omnibus juribus, & pertinentiis ad easdem: partem & medietatem spectant. ad Ecclesiam S. Blasii Hortan. cum terris, domibus, possessionibus, & omnibus pertinentiis suis. Castrum Pontani, cum terris, vineis, sylvis, homagiis, aquarum decursibus, & omnibus pertinentiis suis. Ecclesiam S. Leonardi de Septemunis in fratu, cum domibus, terris, vineis, possessionibus, sylvis, & omnibus pertinentiis suis, S. Andreæ de Castro Porchiani, cum terris, vineis, sylvis, homagiis, aquarum decursibus, & omnibus pertinentiis suis, domos, terras, possessiones, & quicquid juris apud Fulginaten. obtinetis.

In Marchia  
Anconitana.

§. 7. In Marchia Anconitan. Hospitale S. Spiritus de Asculo, cum domibus, terris, vineis, possessionibus, & omnibus pertinentiis suis. Castrum Offidæ. Ecclesiam S. Jacobi, & Ecclesiam S. Martini, cum domibus, terris, vineis, possessionibus, & omnibus juribus, & pertinentiis suis.

In Patriar-  
chatu Aquile-  
jen.

§. 8. In Patriarchatu Aquilejen. Hospitale S. Spiritus, & Ecclesiam S. Mariæ de Colibus Clemone, cum domibus, terris, vineis, possessionibus, & omnibus pertinentiis suis.

In Burgundia.

§. 9. In Burgundia, hospitale S. Spiritus de Divione cum pertinentiis suis, de Dola, de Tornodoro, de Barro, de S. Severa hospitalia, cum terris, possessionibus, & omnibus pertinentiis eorumdem, de Bisuntio, de Novosoro, de Fovento, de Calci, de Novocastro, & de Laufanna hospitalia, cum grangiis, terris, possessionibus, & omnibus terris eorumdem.

In Lotharin-  
gia.

§. 10. In Lotharingia, hospitale S. Spiritus de Novocastro, cum grangiis Berthonevalte, terris, pratis, nemoribus, molendinis, aquarum decursibus, cum omnibus pertinentiis suis. Hospitale S. Spiritus de Tullo, cum pratis, vineis, aquarum decursibus cum pertinentiis suis, Hospitale S. Spiritus de Vallicolore, cum capella, terris, pratis, possessionibus, & omnibus pertinentiis suis.

In Regno  
Alemannie.

§. 11. In Regno Alemannie de Gtefelt, & de Vvinipina Ecclesias, cum terris, possessionibus, & omnibus pertinentiis earundem. Hospitale de Vienna, cum terris, possessionibus,

& omnibus pertinentiis suis, de Comundia, de Manuch, & Cracovia hospitalia: cum terris, possessionibus, & omnibus pertinentiis eorumdem. Hospitale S. Spiritus de Stetina, cum grangiis, villis, domibus, terris, vineis, sylvis, molendinis, aquarum decursibus, ac pratis, nemoribus, necnon & domibus eidem hospitali subjectis, & omnibus pertinentiis eorumdem.

In Anglia.

§. 12. In Anglia, Ecclesiam de Vvritell. cum Capellis dependen. ab eadem, terris, possessionibus, & omnibus pertinentiis, ac juribus ad eandem Ecclesiam & Capellas spectantibus.

In Provincia  
Narbonen.

§. 13. In Provincia Narbonen. hospitale S. Spiritus de Montepessulano Magalonen. diocesis, cum capella, grangiis, domibus, terris, vineis, pratis, pascuis, possessionibus, & omnibus pertinentiis suis. Hospitale S. Spiritus de Clapomalauelba, cum capella, & omnibus pertinen. suis.

In Provincia  
Auxitana.

§. 14. In provincia Auxitan, hospitale S. Spiritus juxta S. Severam, cum capella, grangiis, aquarum decursibus, terris, vineis, pratis, pascuis, nemoribus, & omnibus pertinentiis, Hospitale S. Spiritus de Parduvaco, cum capella & omnibus pertinentiis suis.

In Provincia  
Burdegalen.

§. 15. In provincia Burdegalen. Hospitale S. Spiritus de Brageriaco Petragorice. diocesis, cum capella, grangiis, terris, domibus, molendinis, aquarum decursibus, pratis, pascuis, nemoribus, & omnibus pertinentiis suis. Hospitale S. Spiritus de Ponte Bononæ cum omnibus pertinentiis suis. Hospitale S. Spiritus de Sulmaco cum omnibus pertinentiis suis. Hospitale S. Spiritus de S. Fide cum capella & omnibus pertinentiis suis.

In Provincia  
Bituricen.

§. 16. In provincia Bituricen. hospitale S. Spiritus de Confluento Lemovicen. diocesis, cum capella, domibus, terris, vineis, molendinis, aquarum decursibus, pratis, pascuis, nemoribus, & omnibus pertinentiis suis. Hospitale S. Spiritus de Marterello Caturcen. diocesis, cum capella, domibus, terris, vineis, possessionibus, & omnibus pertinentiis suis. Hospitale S. Spiritus de Montevalenti ejusdem diocesis, cum domibus, terris, possessionibus, & omnibus pertinentiis suis. Hospitale S. Spiritus de Amelian. Ruthenen. diocesis, cum grangiis, domibus, terris, vineis possessionibus, & omnibus pertinentiis suis.

In Provincia  
Arelaten.

§. 17. In provincia Arelaten., hospitale S. Spiritus Aurasicen. cum omnibus juribus & pertinentiis suis. Hospitale S. Spiritus de Brizone, cum omnibus pertinentiis suis. Hospitale S. Spiritus Aquen., cum omnibus pertinentiis suis.

In Provincia  
Viennen.

§. 18. In provincia Viennen. hospitale S. Spiritus de Argentaria Vivarien. diocesis cum omnibus pertinentiis suis.

In Provincia  
Tarraconen.

§. 19. In provincia Tarraconen. Hospitale S. Spiritus Ilerden. cum capella, domibus, & pertinentiis suis.

In Provincia  
Toletan.

§. 20. In provincia Toletan., hospitale S. Spiritus Segobien. cum grangiis, domibus, terris, vineis, molendinis, aquarum decursibus, pratis, pascuis, nemoribus, & omnibus pertinentiis suis. Hospitale S. Spiritus de Valentia, cum Ecclesia S. Lucæ, domibus, terris,



possessionibus, cum omnibus pertinentiis suis. Hospitalia S. Spiritus de Valira, & S. Spiritus Iaemia, cum omnibus pertinentiis eorumdem. Monasterium S. Eliæ quondam Ordinis S. Benedicti Nepesin. dioecesis; cum Ecclesiis, castris, & pertinentiis, quod præfatus Alexander prædecessor noster de fratrum suorum consilio, vobis & per vos hospitali vestro concessit, cum terris, pratis, vineis, nemoribus, usagiis & pascuis, in bosco & plano, in aquis & molendinis, in viis & semitis, & in aliis omnibus libertatibus, & immunitatibus suis.

Munus Clericorum in hoc Hospitali.

§. 21. Hoc tamen adiecto, ut in eadem Ecclesia quatuor semper ad minus sint clerici regulares ejusdem hospitalis professi, qui pro nobis, & prædecessoribus, ac successoribus, & fratribus nostris vivis & defunctis specialiter obsecrantes, omnia spiritualia liberaliter administrent, & super his nullius, nisi Rom. Pont. correctioni subiaceant, ad quem quotiens expedierit, monitione præmissa caritativa, fiat à fratribus proclamatio propter Deum, ut ipse cognita veritate, decernat quod suo prudenti consilio duxerit providendum.

Victum & vestitum habeat administratio. nique Sacramentorum vacent.

§. 22. Ipsi autem victu & vestitu contenti, quem eis secundum eandem regulam præcipimus exhiberi, divinis vacent officiis, & intendant sacramentis ecclesiasticis, ita quod de aliis hospitalitatis negotiis, præter concessionem Magistri, se nullatenus intromittant, sed omnia dispositioni tuæ fili Magister, & successorum tuorum, vel eorum, qui per te, vel per eos fuerint deputati ad hoc, sine contradictione, ac murmuratione relinquant.

Hospitalis S. Spiritus in Montepesulano Hospitalis S. Spiritus in Saxia de Urbe qua lege unitum.

§. 23. Ceterum autem prædictus prædecessor Honorius, unionem ejusdem Hospitalis & S. Spiritus in Montepesulano, nobis & hospitali nostro in spiritualibus & temporalibus perniciosam & damnosam recognoscens, ipsam, de consilio fratrum suorum dissolvit, statuens ut nec istud illi, nec illud isti, in aliquo teneatur, nec nobis nec illis sit commune. Non obstant. privilegio dicti Innocentii, nec suo, quod super unione ipsa apparuerit impetratum. Verum postmodum Rector & fratres prædicti Hospitalis de Montepesulano, per procuratorem ad hoc legitime constitutum, ipsum Hospitalis suum cum omnibus domibus sibi subjectis & subiacendis in posterum, universis rebus & juribus supradictis auctoritate bo. mem. Stephan. tit. S. Mariæ in Transtiberim, & R. S. Mariæ in Cosmedin Diaconi Cardinalis, quos ad id deputaverat præfatus Gregorius Papa IX. Domui nostræ sponte & voluntarie submiserunt, ut idem hospitalis cum domibus suis nobis & domui nostræ ita sit suppositum & subiectum, sicut domibus Hospitalis Hierosolymitani ex militia temporali sunt subiectæ & suppositæ domus suæ, quam submissionem & subiectionem admittentes, duximus Apostolica auctoritate confirmandas.

Certum, &c. Residuum omitto, quia est idem ac in Constit. Innocentius III. citata sup. in rub.

Pape subscrip-  
tio.

EGO NICOLAUS Catholicæ Ecclesiæ Episcopus.

Card. subscri-  
ptiones.

Ego Fr. Latinus Ostiensis, & Velletrensis Episcopus subscripsi.

Ego Gerardus Sabinensis Episcopus subscripsi.  
Ego Joannes Tusculanus Episcopus subscripsi.  
Ego Joannes tit. S. Cæcilie Presb. Card. subscripsi.

Ego Frater Hugo tit. Sanctæ Sabinæ Presbyter Cardinalis subscripsi.

Ego Petrus tituli Sancti Marci Presbyter Cardinalis subscripsi.

Ego Jacobus Sanctæ Mariæ in Via Lata Diaconus Cardinalis subscripsi.

Ego Neapoleo Sancti Adriani Diaconus Cardinalis subscripsi.

Ego Petrus Sancti Eustachii Diaconus Cardinalis subscripsi.

Datum apud Urbem Veterem per manum Magistri Joannis Decani Bajocensis S. R. E. Vicecancellarii, 11. Kal. Julii Indictione quarta Incarnationis Dominicæ 1291. Pontificatus vero D. Nicolai IV. Anno IV.

Dat. die 27.  
Junii 1291.  
P. A. IV.

## XI.

De recuperatione Terræ Sanctæ Hierusalem, à Saracenis, & de indultis Crucesignatorum ad id proficiscentium, vel contributionem præstantium.

*Huic recuperationi enixe studuerunt literis ad hoc datis Indulgentiis, & Privilegiis concessis Eugenius III. Const. VIII. Tom. II. pag. 292. Alex. III. Const. XXXVII. ibid. pag. 403. Gregorius VIII. Constit. II. Tom. III. P. I. pag. 28. Innocentius III. Constit. XLII. ibid. pag. 111. & Const. LXII. ibid. pag. 127. & Constit. CVII. ibid. pag. 173. Honorius III. Const. V. ibid. pag. 181.*

Nicolaus Episcopus, Servus Servorum Dei. Universis Christi fidelibus, ad quos præsentis litteræ pervenerint, salutem & Apost. ben.

**I**lluminet super vos Dominus vultum suum, & ita suo lumine ad recensendum attentius, qualiter Redemptor noster salutem humani generis in Terra Sancta dignatus est misericorditer operari, oculos in vobis hominis interioris illustret, quod accendatur ut ignis ad subveniendum Terræ illius necessitatibus, zelus vester concalescat, corda inflammantur, affectum & effectum prompta operis prosecutio subsecuta commendet. Cujus etenim pectoris etiam lapidei quamcumque duriciam non emolliat, considerata illius humanationis humilitas, in qua Dei filius factus homo, exinanivit semetipsum, formam servi accipiens, in similitudinem hominum factus, & habitu inventus ut homo? Cujus viscera non inflammet caritatis ardore pia consideratio illius humilitatis extremæ, in qua ipse factus est obediens usque ad mortem, ad exprobrantium opprobria? velut agnus coram tondeute se vere mitis obmutuit, & sicut ovis ad occisionem deductus, propter contumelias & terrores, post spinas & sputa, post flagella varia, innocens est sine causa damnatus, ac demum, saturatus opprobriis, clavis affixus, aceto & felle

Pia adhortatio ad incumbendum recuperationi Terræ Sanctæ



felle potatus, in crucis patibulo tam diræ mortis subiit passionem, mysterium nostræ Redemptionis consummans, post traditum etiam spiritum lanceæ illusione confossus. Hæc filii, & innumerabilia largitatis divinæ charismata in Terra prædicta ipsi humano impensæ generi, ab eodem Redemptore piissimo, si frequenter intra claustra pectoris, attenta meditatione revolvitis, si, qua decet attentione pensatis, quis vestrum non fervebit intus, foris ebulliet, exclamabit & dicet: Quid retribuam Domino pro omnibus quæ retribuit mihi? & non expectato monitoris, vel sollicitatoris officio subjunget ultroneus: Calicem salutaris accipiam, & nomen Domini invocabo?

Illorum locorum Sanctitas.

§. 1. Quis sine acutissimi doloris aculeis considerare potest, non solum veneranda & piissima loca illa, in quorum altero oriens ex alto pro nobis nasci dignatus est humiliter, in reliquo mori crudeliter non expavit, sed etiam totam quasi jam terram eandem, quam ipse idem sua illustravit corporali præsentia, miraculis clarificavit immensis, & tandem effusione sui pretiosi sanguinis in nostræ salutis effusi pretium consecravimus, occupata per nefandissimos Saracenos, ipsorum immunditia pollui, fœdari? Quis absque amaritudine summa commemoret tot Christianorum Castra, Civitates, & alia loca solemniter destructa penitus, ad nihilumque redacta, & eorum incolas eorundem Saracenorum immanitate peremptos? Proh dolor, quis novitatis (quoniam deplorare libet potius, quàm narrare) solers censor, & discriminum, quæ comminari videtur, discusfor attentus, per noctem & diem, quasi torrentem lacrymas non deducat? Cujus pupilla tacebit? cujus pectoris penetrale continebit suspiria, vel singultuum frequentiam non erumpet, lugubri contemplatione recensens, quod, quantumcumque Mater Ecclesia casum eundem prævenire studuerit, incolis illarum partium in galeis, bellatorum multitudine, ac subventionem pecuniaria; juxta persuasam ab eis denunciata necessitatis exigentiam, & oblata super hoc petitionis instantiam, succurrendo; nihilominus tamen Civitas Acaone sic ejusdem matris Ecclesiæ studio communita quadraginta & quatuor diebus arctissima Babylonicæ potentia obsidione circumdata, terribilibus machinis diu noctuque vexata, impedita crebris & diris insultibus, membris etiam ipsius per cuniculos arietatis occultos, quadragesimo quarto die, obsidentium viribus (Dei permissione admirabili & stupenda) succubuit. capta per eos, & igni exposita, Christicolis inibi existentibus cæsis innumeris, & cæteris qui habere nequiverunt ad maritima vasa recursum, in captivitatem abductis, ut per jugum barbaricæ servitutis horribile, dispendiis civilis mortis adducti, naturali etiam diutius moriantur. Et de Tirenensis Civitatis deditio secuta.

Saracenorum fava crudelitas.

Iterata Papæ ahortatio ad recuperationem Terræ Sanctæ.

§. 2. Quis igitur de cetero marcebit ocio? quis non exurget? quis ad recuperationem Terræ prædictæ non promptus exiliet? quis tardabit? quem non pudebit ingratitude argui? quin potius quasi de infidelitate notari, si Creatori proprio, tam benefico Domino ad redemptionem Terræ illius, quam ipsa sacra-

Bull. Rom. Tom. III. Par. II.

Scriptura testatur omnium cariorum, qua potest promptitudine non assistat? cum etiam secundum Juris humani censuram subditos suis Dominis, & adtuenda, quæ possident, & ad recuperanda injuste subtrahenda, debitum fidelitatis adstringat? Quis de tot fidei orthodoxe cultoribus tam immaniter trucidatis, de tot calamitatibus captivorum, & aliis Christianitatis opprobriis non ex tota mente movebitur? non furebit? non anxietur ad vindictam? Profecto, cum secundum Apostolum, omnes sumus unum corpus in Christo, non immerito cum illis de quibus scriptum est, Percussisti eos, & non doluerunt, insensibilitatis arguitur quisquis tantam hujus nostri corporis mutilationem, prædictorum videlicet Christicolarum non sentit excidium, & tam graviter non mæretur. Accingimini ergo Christifideles, & qui Christiana religione censemini, vos Christianos esse operis prosecutione monstrate; Accipite devotione, qua Rex vivificæ Crucis signum, illud in considerationis vestrae scrutinium deducetes, quod viris quantumcumque magnificis, quantumcumque dignitate præditis & virtute, ad gloriam magnam adscribitur, si eis quovis in bello Dominorum insignia gerere concedatur: sub quibus contigit frequenter non sine salutis æternæ discrimine, mortis subire periculum sub cujuslibet spe remunerationis. Quanto igitur gloriosius, quanto securius Regis Regum in ejus bello victoriosum gestare vexillum, salutiferam videlicet Crucem? sub qua devotione congrua puro corde suscepta, conceptum prosequentibus, munditia continua, propositum mori est vitæ perennis initium, transitoria mortis finis retributionis inæstimabilis certitudo. Festinate itaque, festinate ad salutis vestrae properare compendium. Accendatur cujuscumque virilis animus, & consultius attendentes, quod si forte labor major ex dictarum Civitatum captione proponitur, merces uberius subsequetur, cum sicut scriptum est, secundum laborem accipiet unusquisque mercedem. Corpora vestra, & corda pariter ejusdem vivificæ Crucis signo in d. Terræ sæpe fatum subsidium insignite, nunc præcipue, dum ipsius Terræ subventio multis & olim per Sedem Apostolicam exquisita vigiliis, multis laboribus & oneribus procurata, sed diversis & adversis adventibus diutius impedita, divina, ut supponit devota credulitas, provisione dirigitur, & ad excipiendas Terræ ipsius angustias, eamque de impiorum manibus eruendam, efficaciter sub spe divini numinis preparatur.

§. 3. Si quidem carissimus filius noster Christianissimus Princeps Eberardus Angliæ Rex Illustris, post tractatus varios super generali suo passagio in ipsius Terræ subsidium faciendo, diversorum Pontificum Romanorum temporibus habitos, novissime tamquam benedictionis filius nostris beneplacitis acquievit, & ut post Christum, juxta consilium ejus eat, se ipsum abnegans, ac tollens, ut eundem sequatur Dominum, crucem suam, terminum, festum videlicet Nativitatis B. Joannis Baptistæ (quod erit Anno Domini 1293. & ei ad transfretandum personaliter, nec non ad dictum

Eberardus Angliæ Rex Crucesignatorum Dux.



Crucesignatis  
præsignata  
dies.

Indulgentia  
pro d. Cru-  
cesignatis, vel  
auxilium aut  
subsidiū sub-  
ministratibus.

generale passagium Crucesignatis, & Crucesignandis omnibus duximus præfigendum) humiliter acceptavit, semetipsum exponere sui Redemptoris obsequiis Terræ præfatæ personaliter subveniundo disposuit, negligens natalis soli dulcedinem, prætermittens Regni sui terrarumque divitias, spernens delicias, & gloriam inibi dominandi. Non igitur cunctemini amplius prædicti gloriosi vexilli dominici characterē insignia mercare, felici commercio perpetuam post defunctionem corporis ex ignominio perpetuitatis comparatione, vix momentaneo labore, quietem, & permutatione consulta terrena pro cœlestibus commutantes, transitoria pro mansuris, temporalia pro æternis.

§. 4. Ceterum licet ad excitandos vestros animos in Terræ memoratæ succursum, sufficere debeat solers attentio præmissorum, ut tamen ejusdem Terræ negotium eo libentius, eoque ferventius prosequi studeatis, quo potiorē fructum ex vestris laboribus vos noveritis percepturos; Nos de Omnipotentis Dei misericordia, & BB. Petri, & Pauli Apostolorum ejus, auctoritate confisi, & illa, quam nobis licet indignis Deus ipse ligandi, & solvendi contulit, potestate, omnibus, qui vexilli dominici characterē insigniti, personaliter propriis sumptibus in prædictæ Terræ subsidium proficisci curaverint, plenam suorum peccaminum, de quibus veraciter fuerint corde contriti, & ore confessi, veniam indulgemus, & in retributione justorum salutis æternæ pollicemur augmentum. Eis autem, qui licet in alienis expensis, in propriis tamen illuc personis accefferint, & illis similiter, qui juxta qualitatem & facultatem suam, personas idoneas in expensis propriis destinabunt, quamvis personaliter ipsi non vadant, plenam suorum concedimus veniam peccatorum. Hujusmodi quoque remissionis & indulgentiæ volumus & concedimus esse participes, juxta quantitatem subsidii & devotionis affectum, eos, qui licet non juxta qualitatem & facultatem suam, aliquem tamen, seu aliquas personas, in subsidium dictæ Terræ propriis sumptibus destinabunt, vel de suis temporalibus bonis contribuent ad aliquas destinandas. Necnon omnes, qui ad subventionem ipsius Terræ, de bonis eisdem aliqua ministrabunt, prout singulis divina fuerit inspiratione suggestum, aut alias ad promotionem præmissi negotii consilium & auxilium impenderint opportunum. Porro si forte aliquos eorum, qui cruce suscepta in jam dictum Terræ Sanctæ subsidium proficiscendi laborem subierint, post arreptum iter hujusmodi, ex hac luce migrare contigerit, ipsos nihilominus plene percipere volumus Indulgentiam prælibatam. Personas quoque, familias & bona eorum, quos ad transfretandum personaliter, vel juxta quantitatem & facultatem suam, personas idoneas destinandi, votum assumptæ jam Crucis adstringit, ex nunc; quos vero suscipiendæ Crucis de cetero votum obligabit ad idem, a die qua taliter Crucem assumpserint, sub B. Petri & nostra protectione suscipimus; statuentes ut sub dioecesanorum defensione suorum consistent. Quod si eos aliqui indebite molestare præsum-

pserint, per dioecesanos locorum, in quibus iidem molestatores fuerint, per censuram Ecclesiasticam, appellatione postposita, compescantur.

§. 5. Præterea, ipsis qui prædicto modo Crucem vel jam assumpserint, vel assument in posterum, indulgemus, ut per Sedis Apostolicæ literas, vel Legatorum ejus (nisi forte illæ quæ ab eadem Sede obtentæ fuerint, plenam de indulto hujusmodi fecerint mentionem) extra suas dioeceses non valeant conveniri, dummodo parati existant coram suis Ordinariis de se querelantibus respondere, quos per eosdem Ordinarios ecclesiastica censura defendi, cessante appellationis obstaculo, volumus ab iis, qui eosdem contra Indultum hujusmodi præsumpserint temere molestare.

§. 6. Si qui vero ipsorum ad præstandas usuras juramento teneantur adstricti, creditores eorum per dioecesanos suos censura simili compellantur, ut juramentum hujusmodi penitus relaxantes, ab usuræ ulterius exactiōne desistant. Si autem aliqui creditorum, eos ex tunc ad solutionem coegerint usurarum, ipsos ad restitutionem ipsarum per eosdem dioecesanos simili volumus districtione compelli. Judæos quoque ad remittendas ipsis usuras per secularem compelli præcipimus potestatem, & donec eas remiserint, ab omnibus Christifidelibus, quibus hoc per suos dioecesanos denunciatum extiterit, tam in mercimoniis, quam in aliis, sub excommunicationis poena jubemus eis communionem omnimodam denegari.

§. 7. Postremo, Crucesignatis & Crucesignandis eisdem volentes plenius providere, dioecesanis ipsorum, ac nonnullis aliis, absolventi eos ab excommunicationis sententiis in variis casibus, de quibus secundum facti exigentiam putavimus expedire; necnon dispensandi cum Clericis, qui cum à Canone, vel homine latam sententiam incurrisset irregularitatis notam, immiscendo se divinis Officiis, contraxerunt, per has nostras literas plenam, & liberam concedimus facultatem.

Dat. apud Urbem Veterem, Kalen. Aug. Pont. nostri Anno IV.

Indultum  
quod non  
trahantur ex-  
tra dioecesim  
ad judicium.

Usurarum re-  
laxatio.

Facultas pe-  
tendi absolu-  
tionem ab ex-  
communicationis  
sententia  
in certis casibus.

Datum die 1.  
Augusti 1291.  
P. A. IV.



## XII.

Quod exhibeantur Ordini Fratrum B. Mariæ de Mercede Redemptionis Captivorum, omnia legata, quæ pro d. Redemptione non tamen certis personis relinquuntur.

*Regulam huic Ordini dedit Innocentius III. Constit. XVII. Tom. III. Par. I. pag. 76. Et Constit. LXIX. ibid. pag. 134. nonnulla ei concessit Privilegia. Ejusque Fratribus, vivendi sub Regula S. Augustini facultatem dedit Gregorius IX. Constit. XLII. ibid. pag. 284. Tandem Regulam explicavit Clemens IV. Constit. XXV. ibid. pag. 462.*

Nicolaus Episcopus, Servus Servorum Dei.  
Venerabili Fratri Episcopo Cæsaraugustan.  
Salutem & Apostolicam benedictionem.

Ordinis supplicatio pro  
obtinendo ejus-  
modi indulto.

**E**X parte dilectorum filiorum Magistri, Prioris, & Fratrum S. Mariæ Redemptionis Captivorum, Barchinonen. Ordinis S. Augustini, fuit nobis humiliter supplicatum, ut cum ipsi sua omnia, quæ habent, reponant sollicito studio pro redemptione captivorum, qui detinentur ab inimicis nominis Christiani, exhiberi eis, quæ pro redemptione captivorum hujusmodi, Christi fidelibus relinquuntur, per districtum aliquem mandaremus.

Indultum de  
quo in rub.

§. 1. Nos itaque dignum reputantes, ut relicta hujusmodi exhibeantur Magistro, Priori, & Fratribus supradictis, fraternitati tuæ per Apostolica scripta mandamus, quatenus pecuniam, terras, possessiones, & alia bona, quæ generaliter Christi fidelibus relinquuntur pro redemptione hujusmodi facienda, illis dumtaxat exceptis, quæ certis & expressis personis in captivitate detentis, relicta vel dimissa esse noscuntur, Magistro, Priori, & Fratribus prædictis, per te vel per alium, aut alios facias exhiberi, detentores pecuniarum, terrarum, & bonorum prædictorum, ad exhibendum Magistro, Priori, & Fratribus præfatis, monitione præmissa, per censuram ecclesiasticam appellatione postposita compellendo.

Derogatio  
contrariis.

§. 2. Non obstante si aliquibus à Sede Apostolica fuerit indultum, quod interdicti, suspendi, vel excommunicari non possint per literas Apostolicas, quæ de Indulto hujusmodi plenam & expressam non fecerint mentionem, siue qualibet alia Indulgentia dictæ Sedis, cujuscumque tenoris existat, per quem effectus præsentium impediri valeat, vel differri, & de qua ejusque toto tenore de verbo ad verbum habenda sit in nostris literis mentio specialis.

Datum die 5.  
Augusti 1291.  
P. A. IV.

Dat. apud Urbem Veterem, Nonis Aug.  
Pont. nostri Anno IV.

## COELESTINUS V.

P A P A CXCII.

AN. DOM. MCCXCIV.



**C**Oelestinus Quintus, antea Petrus de Murrhone Monachus, filius Angelerii, patria Isernienensis, electus est in Romanum Pontificem Perusii die 5. Julii anno 1294. Consecratus est Aquilæ die 29. Augusti anno eodem. Sedit in Pontificatu annum 1. Mens. V. dies VIII. Die siquidem 13. Decembris anni 1296. habito Neapoli Cardinalium consensu se Pontificatu abdicavit: tandemque in Eremitio Fumonis pie obiit die 19. Maii 1296. Post ejus abdicationem vacavit Sedes dies XI.



## I.

Approbatio Statutorum Congregationis Monachorum Cœlestinorum Ordinis S. Benedicti, cum indulgatorum, & gratiarum concessione.

Cœlestinus Episcopus Servus Servorum Dei. Dilectis filiis Honufrio Patri Abbati Monasterii S. Spiritus de Sulmona Valven. Dioecesis, ejusque Coabbatibus, ac Prioribus & Prælati Monasteriorum, Prioratum, Ecclesiarum, Membrorum & locorum eidem Monasterio S. Spiritus subjectorum, eorumque Conventibus, Collegiis & Fratribus Ordinis S. Benedicti, præsentibus & futuris in perpetuum.

Pontificis Auctoritas erga  
Ord. S. Benedicti.

**E**tsi cunctos Ordines plantatos in agro Sacrosanctæ ac universalis Ecclesiæ, paternis prosequamur affectibus, & ad statum ipsorum tranquillum & prosperum sollicitè intendamus; Beati tamen Benedicti Ordinem (in quo, dum juventutis nostræ progressio ordiretur, professionis nostræ vota devovimus) singulari & præcipua affectione diligimus, & zelo sincerioris & strictioris caritatis afficimur circa ipsum. Et ad suæ stabilitatis, & promotionis incrementa felicia, opem, operamque sollicitam impendentes, speramus in Domino, quod idem Ordo ab antiquis annis in divinæ laudis caritate fundatus, per vestræ sollicitudinis studium, servabit eo perfectius fructus suos, quo..... per vestræ sollicitudinis studium, quantum vobis ex alto permissum fuerit restauratus, amissi luminis propriam reassumere poterit in summæ lucis, quæ Christus est, potentia claritatem.

Confirmatio Statutorum Ordinis Cœlestinorum.

§. 1. Cupientes igitur, ut circa præfatum Ordinem, hujusmodi nostræ caritatis affectus eniteat operis per effectum, Statuta, Constitutiones, instituta & ordinamenta in eodem Ordine pro salute vestra facta, auctoritate Apostolica confirmamus, & canonice in posterum facienda volumus, & mandamus ex tunc inviolabiliter observari.

Exemptio ab omni jurisdictione pro Monasterio S. Spiritus de Sulmona, & ejus membris.

§. 2. Ac eundem Ordinem, necnon Monasterium S. Spiritus de Sulmona, & alia Monasteria, Ecclesias, Prioratus, Membra, & alia omnia loca dicto Monasterio S. Spiritus subiecta ubicumque consistentia, eidem Ordini incorporata, vel incorporanda in posterum eorumque personas ab omni prorsus jurisdictione, potestate ac dominio Archiepiscoporum, & Episcoporum, & Abbatum omnium, in quorum Civitatibus, & Dioecibus, ac Provinciis illa consistunt & consistent etiam in futurum, ac aliorum quorumlibet Ordinariorum, Prælatorum, & Capitulorum, seu Conventuum, Monasteriorum, & Ecclesiarum, & personarum, quarumlibet, prorsus eximimus, & etiam liberamus, & ea omnia, & singula libera, & exempta volumus perpetuo totaliter permanere. Exemptionum gratiis, in illis ex vestris Monasteriis, quæ prius per Sedem Apostolicam exempta fuerant, in suo robore nihilominus duraturis. Non obstante si Monasteria, Prio-

ratus, Ecclesiæ, Membra, & alia loca præfata Dioecesanis Episcopis, vel aliis personis ad census aliquos teneantur, vel reperirentur forsitan esse aliquibus in aliquo obligata. Et in eo præcipue, quod Fratres d. Ordinis in S. Spiritus de Majella, & S. Spiritus de Sulmona Monasteriorum Conventibus constituti submissiones quasdam dilectis filiis Capitulo Basilicæ Principis Apostolorum de Urbe, de facto, sive de jure fecisse dicuntur, quas submissiones sub quacumque verborum concessione, vel expressione confectas, necnon & præfatos census de plenitudine potestatis enervamus, cassamus, irritamus omnino, & viribus carere decernimus, & nullius ex nunc existere firmitatis, ita quod prætextu earundem submissionum ac censuum aliquorum, tu fili Pater Abbas, tuique successores, & Fratres, ac personæ Monasteriorum, & locorum aliorum vestrorum prædictorum, a quoquam de cætero nequeant molestari, vosque vestrosque successores, ac Monasteria, & loca in perpetuum nolumus molestari.

§. 3. Et quia inter alia quæ immunitates sapiunt, de præcipuis casibus arbitramur hoc esse necessarium, ut de substitutione futuri Abbatis, tibi fili Abbas S. Spiritus, quem Patrem Abbatem cæteris tuis Coabbatibus & Prælati & Fratribus tibi subiectis, præsentibus & futuris perpetuo stabilimus, præcipue ordinamus, & præsentis decreto statuimus, annis singulis in majori vestro Monasterio, vel in alio loco vestri Ordinis, ubi vobis expediens visum fuerit, fiat Capitulum Generale, ubi vestri Ordinis & locorum, secundum B. Benedicti Regulam, facta tractentur. Præsidentes vestri Capitulis celebrandis, & Visitatores vestri, locorumque vestrorum constituantur in illo, secundum vestri Ordinis instituta. Ubi volumus & districte præcipimus observari, quod Pater Abbas singulis trienniis in Generali Capitulo sponte suam offerat, & exhibeat cessionem. Nisi forte dictus Pater Abbas ante tempus hujusmodi in aliqua de gravioribus culpis a Visitoribus, vel alias legitime deprehensus amotionem in dicto Capitulo mereatur. Quod si idem Pater Abbas, vel cesserit, aut amotus extiterit, idem Capitulum statim, & absque temporis intervallo ad Patris Abbatis substitutionem procedat, & juxta formam in Regula traditam debitos constituat Electores. Qui sub conclavi positi, antequam cibum & potum sumant, de Abbate cedente, (si eum utilem esse putaverint) vel de alia persona Monasteriorum & locorum vestrorum per electionem canonicam prædicto Monasterio S. Spiritus provideant de Abbate. Qui quidem Abbas, nulla super hoc a Sede Apostolica confirmatione petita, vel obtenta, eo ipso suæ administrationis officium habeat, & illud tamquam Pater Abbas, prout ad eum pertinet, libere exequatur.

§. 4. Ac idem electus, si alias non extiterit benedictus, benedictionis suæ munus a quocumque maluerit Catholico Episcopo, gratiam & communionem Apostolicæ Sedis habente recipere studeat, illudque sibi dictus Episcopus (si divinam ultionem evitare voluerit) gratis

Celebratio Capituli generalis, & electio Abbatis.

Abbatis benedictio.



gratis impendat . Alioquin prædictum electum, ut præmittitur, in executione suæ administrationis, in ordine tamen Sacerdotii volumus permanere .

Subrogatio  
alterius Priori  
defuncto, du-  
rante officio

§. 5. Et si dictus Pater Abbas infra annum forte decederet, Prior vel Superior dicti Monasterii S. Spiritus, & Visitatores etiam, curam & administrationem ac custodiam dicti Monasterii S. Spiritus gerant & habeant usque ad tempus Capituli Generalis, ubi secundum præmissum modum dicto Monasterio provideri debeat de Abbate .

Ordinis pro-  
tectio, sub Se-  
de Apost.

§. 6. Nosq. volentes, vos & bona vestra paternis favoribus confovere; personas vestras, & loca, in quibus estis divino obsequio mancipati, cum bonis vestris omnibus sub B. Petri, & nostra protectione suscipimus, & præsentis scripti patrocinio communimus .

Ordo appro-  
batur in d.  
Monasterio &  
aliis .

§. 7. In primis siquidem statuentes, ut præfatus Ordo in eodem S. Spiritus, & aliis Monasteriis, Prioratibus, locis, & membris vestris, præsentibus & futuris, perpetuis temporibus inviolabiliter observetur. Et quascunque possessiones, & bona quæ præfatum Monasterium S. Spiritus, cum Monasteriis & locis suis in præsentiarum rationabiliter possidet, aut in futurum concessione Pontificum, largitione Regum, vel Principum, oblatione fidelium, seu aliis iustis modis (præstante Domino) poterit adipisci, firma vobis, vestrisq; successoribus illibata maneat, & quietas, in quibus hæc propriis duximus exprimenda vocabulis, videlicet, locum ipsum, in quo præfatum Monasterium situm esse dignoscitur, cum omnibus pertinentiis suis, Monasterium S. Joannis in Plano, Nucerinæ Diocesis; Sancti Spiritus de Majella; S. Petri Valisbonæ; S. Spiritus de Buclano; S. Spiritus de Ortona; S. Spiritus de Lanzano, Theatinæ Diocesis; S. Eusebii de Urbe; S. Mariæ in Pizano; S. Salvatoris de Civitate Pennensi, Pennensis Diocesis; S. Mariæ de Collemadio, juxta Aquilam S. Spiritus de Isernya; S. Mariæ de Trentento; S. Mariæ de Anglohe, Treventinæ Diocesis; S. Spiritus juxta Venafrum; S. Spiritus Alifanensis; S. Antonii de Campania, Ferentinatis Diocesis; S. Antonii Anagninæ Diocesis; Prioratus S. Joannis de Aquasanta; S. Mariæ inter Montes, S. Georgii de Rocha Morici, & Sancti Petri de Monte plano; cum Ecclesiis, Capellis, Decimis, & grangiis, pratis, vineis, terris, sylvis, nemoribus, usugiis, & pascuis, aquis, aquarumque decursibus, molendinis, viis & semitis, juribus, libertatibus, & immunitatibus, fructibus, & universis obventionibus eorumdem .

Exemptio a  
Decimis .

§. 8. Sane de fructibus terrarum & possessionum vestrarum, ac etiam novalium, quæ propriis manibus & sumptibus colitis, vel per homines vestros, aut alios excoli facietis, in propriis prædiis seu etiam alienis, sive de hortis & piscationibus vestris, vel de nutrimentis animalium vestrorum, nullus a vobis decimas exigere, vel extorquere præsumat; a quarum præstatione vos totaliter liberamus. De decimis namque quæ subsidio Dominorum temporalium de mandato Sedis Apostolicæ a Clericis, & personis ecclesiasticis in Italia partibus pro

tempore exiguntur, circa vos, & vestra Monasteria & loca, sic volumus observari, quod vobis pro singulis vestris Monasteriis, cum, grangiis & pertinentiis eorumdem, pro decimis prædictis singulos florenos auri plene solventibus, ad solutionem majorem, vel aliam, pro prædictis decimis faciendis, vos & Monasteria, Prioratus, Ecclesias, Grangias, & loca vestra omnia decernimus non teneri, & excommunicationum, suspensionum, & interdicti sententias contra vos, & in prædicta loca quavis auctoritate in contrarium proferendas, ipso facto aliquatenus non tenere .

§. 9. Liceat quoque vobis Clericos sæculares vel Religiosos, cujuscunque Religionis existant, vel Laicos quoscunque, qui Mundi relictis illecebris, ad vos & loca vestra convolverint, ad Ordinem vestrum in locis vestris recipere, ac eos absque contradictione aliqua retinere. Non obstantibus quibuscunque privilegiis, literis sive indulgentiis Apostolicæ Sedis super hoc cuicumque Ordini, vel Religioni, seu personis quantumvis exemptione, vel immunitate gaudentibus, sub quavis forma verborum concessis .

Facultas reci-  
piendi quos-  
cumq; etiam  
alterius reli-  
gionis .

§. 10. Prohibemus insuper, ut nulli Fratrum vestrorum post factam in Monasterio vestro, vel in aliis locis vestris ejusdem Ordinis professionem, fas sit sine Abbatis sui licentia Ordinem ipsum relinquere, & ad locum Religionis alterius, vel ad Ordinem alium se transferre. Discedentem vero aliter nullus cujuscunque Religionis, vel status existat, audeat retinere. Quod si secus factum fuerit, tam discedens, quam is, seu illi, qui ipsum talem receperint, si requisiti eum a se non reiecerint infra mensem, ipso facto sententiam excommunicationis incurrant .

Prohibitio  
discedendi ab  
Ordine .

§. 11. Illud quoque districtius inhibentes, ne tu fili Pater Abbas, vel aliquis ex Prælatibus vestris, terras seu quaslibet possessiones d. Monasterio S. Spiritus, vel membris ejus a Christianidelibus collatas, vel in posterum conferendas, aut successores tui, dare, vendere, distrahere, aut alienare absque consensu totius Capituli Generalis, aut majoris, vel sanioris partis, & in casibus a jure permissis, modo quolibet præsumatis. Quod si secus factum fuerit, alienationes hujusmodi, ex nunc irritas esse, & tam concedentes, quam ipsos recipientes, singulos eorum videlicet excommunicationis; Collegia vero & universitates interdicti sententiis si forte requisiti a vobis bona prædicta alienata taliter restituere noluerint infra mensem, ipso facto volumus subiacere .

Prohibitio  
alienandi sta-  
bilia absque  
consensu Ca-  
pituli .

§. 12. Ceterum ne aliquis Monachus, vel Conversus, in Monasteriis, & locis vestris professus, absque consensu & licentia proprii Abbatis, seu majoris partis sui Conventus, pro aliquo fidejubeat, vel ab aliquo pecuniam mutuo recipiat, quoquomodo districtius inhibemus. Quod si secus factum fuerit, Abbatem, & Conventum præfatos ad hæc teneri nolumus & fideiubentem, & recipientem pecuniam mutuatam, eo ipso volumus vinculo excommunicationis astringi .

Fidejubendi  
& mutuo re-  
cipiendi .

§. 13. Inhibemus etiam, ne aliquis Episcopus, vel quævis alia persona, spiritualem, vel aliam

Monachi cogi  
nequeant ad



aliam jurisdictionem habens, vos ad Synodos, vel Conventus forenses, nec ad convocationes suas accedere, vel cum eis, intra vel extra Civitates vel terras, personaliter exire, aut suis Constitutionibus subjacere, seu Capitula, Scrutinia, & Inquisitiones in locis vestris, vel aliquid de vobis, vel de vestrorum aliquo facere, aut fidelitatem juramento firmatam, & manualementem obedientiam a vobis, aut Prioribus, & Subprioribus vestris exigere.

§. 14. Seu etiam prohibere, ne ad Civitates, seu Villas, & ad loca quælibet, ubi religiose, & honeste morari possitis, audeatis accedere, ibique pro vestris usibus Ædificia, Monasteria, Ecclesias, seu Oratoria ex permissione, & indulto nostro construere libere valeatis. Aut in accedentes Fratres, & Monachos vestros, seu constructores hujusmodi, vel receptatores eorum excommunicationis vel interdicti proferre sententias. Aut alias Fratres vestros ire ad Conventus forenses, nec ad Monasteria, Ecclesias, Prioratus, seu membra, & loca vestra præfata causa celebrandi Ordines, aut tractandi causas, vel Conventus aliquos publicos convocandi, vobis invitatis venire præsumat.

§. 15. Nec regulares electiones Abbatum vel Priorum Monasteriorum, & locorum vestrorum impediatur, aut de instituendis aut removendis ipsis se aliquatenus intromittat. Quod si aliter præsumptum extiterit, venientem contra præmissa cujuscunque status, præminentie, dignitatis, vel conditionis existat, interdicti sententie volumus subjacere.

§. 16. Liceat quoque tibi prædicte Pater Abbas, tuisque successoribus inter Fratres ejusdem Ordinis, & aliis ad Missas vestras convenientibus, benedictionem solemnem facere; dummodo ibi præsens non sit aliquis Episcopus, vel alia quævis persona superioris status, sicut sunt Patriarchæ, vel Cardinales.

§. 17. Ac vasa, & alia paramenta ad cultum Divinum pertinentia; necnon in ædificandis Capellis, Ecclesiis, aut Hospitalibus primum lapidem & fundamenta Pontificali more benedicere.

§. 18. Necnon omnes minores ordines Fratribus, & aliis familiaribus, & subditis, vestris, ascribi volentibus militie clericali, vestra largitione conferre, & omnia alia facere, quæ ad Abbates exemptos ipsius Ordinis in suis Monasteriis, & Ordinibus pertinere noscuntur.

§. 19. Pro consecrationibus vero Altarium, vel Ecclesiarum, aut pro Oleo sancto, vel quolibet Ecclesiastico Sacramento, nullus a vobis sub obtentu consuetudinis alicujus, aut alio quovis modo quicquam audeat extorquere; sed hæc omnia vobis gratis, & liberaliter impendantur. Sit etiam in vobis liberum eadem a quocunque Catholico Episcopo, qui gratiam & communionem prædictæ Sedis obtineat, licite recipere, qui nostra fretus auctoritate vobis, quod postulatur impendat.

§. 20. Concedimus quoque vobis, ut si quem hujusmodi Episcopum, de quo plenam

notitiam habeatis, per vos transire contigerit, ab eo consecrationes Altarium, & Monachorum Ordinationes in sacris, ex permissione Sedis Apostolicæ recipere valeatis.

§. 21. Porro cum generale terre fuerit interdictum, in Monasteriis, Ecclesiis, & Oratoriis vestris, & aliis quibuscunque locis competentibus, si in terra sic interdicta constiterint, clausis januis, & interdictis exclusis, non pulsatis Campanis (submissa tamen voce) vobis liceat celebrare Divina, & Ecclesiastica recipere Sacramenta: Dummodo causam non dederitis interdicto, nec id contingat vobis per Sedem Apostolicam specialiter interdicti, neque Monasteria, Ecclesiæ, & Oratoria eadem alias fuerint ejusdem Sedis auctoritate specialiter interdicta.

§. 22. Illis vero, qui vestris immorantur obsequiis, aliisque omnibus Christi fidelibus propter hoc ad vos devote recurrentibus, ex permissione Apostolica, & indulgentia speciali, quas vobis hujusmodi Privilegii auctoritate concedimus, cuncta libere ministrare possitis Ecclesiastica Sacramenta, & ipsorum corpora, cum decedunt, in vestris Cœmeteriis libere, & absque Dioecesanorum, vel aliorum Ordinariorum contradictione, & aliorum quorumlibet sepelire. Sepulturam siquidem vestram liberam esse decernimus, ita quod extremæ voluntati decedentium, & illis qui se illic deliberaverint sepeliri, nisi forte excommunicati, vel interdicti fuerint, aut usurarii manifesti, nullus obsistat. Et si quando in terras, in quibus residetis, vel earum personas, excommunicationis, & interdicti sententias contigerit promulgari, homines vestris servitiis insistentes, negotiorum quoque vestrorum gestores, & procuratores, oblatores & operarii, qui in locis vestris cum eorum operibus personaliter insisterint, hujusmodi sententiis innoxii habeantur, nec prædictis sententiis sint ligati, ibique possint audire Divina juxta formam, quæ locis ipsis, & in eo casu, in quo a Sede Apostolica est concessa, nisi præfata personæ causam dederint interdicto, vel excommunicari specialiter, seu interdicti per dictam Sedem contingat eosdem.

§. 23. Insuper recipientibus Ordinem vestrum, & in eo facta professione, qui suspensionis, aut interdicti, vel excommunicationum sententiis, a jure vel ab homine promulgatis, generaliter & specialiter sunt ligati, absolutionis beneficium juxta formam Ecclesiæ impartiri, ipsosque in Fratres, & Monachos recipere; dummodo in eodem Ordine perseverent; ac eos, qui post assumptum habitum, vel professionem emissam, recoluerint, se talibus in sæculo fuisse sententiis innodatos, secundum formam eandem, tu fili Pater Abbas tempore tuo, & in posterum Successores tui auctoritate nostra de absolutionis beneficio providere, & dispensare cum eis super irregularitatibus, quas contraxerunt, vel contrahent, si talibus forsitan innodati sententiis, vel in locis interdicto suppositis divina præsumpserint officia celebrare, aut Ordines receperunt. Ita tamen, quod si aliqui hujusmodi sententiis propter debita sunt adstricti, in quantum possunt satisfaciant, ut tenentur.

Et celebrare  
tempore in-  
terdicti Ho-  
revocavit Cœc.  
Trid. sess. 25.  
c. 12.

Sacramenta  
ministrare,  
mortuosque  
sepelire.

Absolvere  
etiam intran-  
tes Ordinem.

Facultas alia  
Monasteria  
construendi.

Priorum libe-  
re consultur  
electioni.

Abbatibus fa-  
cultas bene-  
dicendi Po-  
pulum vasa-  
que & para-  
menta Eccle-  
siarum.

Primumque la-  
pidem ponen-  
di in Eccle-  
siis ædifican-  
dis.

Minores Or-  
dines confe-  
rendi. Ad  
hoc vide  
Conc. Trid.  
sess. 7. c. 11.

Ordinarius ni-  
hil capiat pro  
consecratione  
Ecclesiarum  
&c.

Monachi ve-  
ro ad Ordines  
conferendos



tur. Vosq. Abbates, & Prioresparentibus oppressorum, cum ab eis fueritis humiliter requisiti, de poenitentiis salutaribus juxta formam à Canonibus traditam providere salubriter valeatis.

Personæ Ordinis non tenentur publicare interdictionem &c. Reg. vocavit Conc. Trid. sess. ult. cap. 12.

§. 24. Sane quieti vestrae providere volentes, quod per literas Apostolicæ Sedis, aut legatorum ejus, seu delegatorum Apostolicorum seu subdelegatorum ab eis conveniri a quocumque minime valeatis, Quodque nullus correctionis, seu visitationis, vel inquisitionis officium in Monasteriis, vel Ecclesiis, aut Prioratibus, membris, & locis vestris impendere, vel cognitiones causarum audire præsumat, nec subint Inquisitoribus.

Neque Monialium curam suscipere.

§. 25. Nullusque vestrum citationes partium, & denunciationes sententiarum interdicti, vel excommunicationis facere in prædictis locis, aut recipere curam Monialium, seu Religiosarum quarumlibet personarum minime teneamini, & ad id cogi non possitis invitati per literas dictæ Sedis, vel Legatorum ejus, nisi eadem literæ Apostolicæ de indulto hujusmodi, & Ordine vestro, & de dicto Monasterio S. Spiritus de Sulmona fecerint mentionem, auctoritate vobis Apostolica indulgemus.

Facultas eis datur Ordinis apostatas censuris impetendi.

§. 26. Concedentes vobis nihilominus, quod si aliqui vestri Monaci, seu Fratres post obtentam licentiam à Sede Apostolica, vel à vobis, ad Religionem aliam transeundi, infra spatium trium mensium se ad illam Religionem suæ salutis congruam non contulerint, & ipsius non susceperint habitum regularem, licite absque alia requisitione Ordinariorum, seu Dioecesanorum locorum, ubi reperti fuerint, ipsos tamquam Apostatas Monasteriorum vestrorum, & locorum, excommunicare, incarcerare, ac alias rigori subdere vestri Ordinis disciplinæ possitis per vos, aut alios, etiam in quocumque habitu eos contigerit inveniri; & invocare super hoc (si necesse fuerit) auxilium brachii secularis, quod tenore concessionis hujusmodi, per eos quos super hoc requiretis, sub obtestatione divini numinis volumus exhiberi. Insuper omnes Monachos, vel Fratres, quos à Monasteriis, vel locis vestris, eorum culpis exigentibus per vos, aut per vestros Vicarios expelli contigerit, & qui proprio suo motu de locis, vel Monasteriis ipsis exiverint, ad Religionem aliam absque hujusmodi licentia, vel ad sæculum, aut ad laicatum, tamquam canis ad vomitum rediens, convolabunt, ab omni promotione dignitatis, & administrationis Ecclesiasticæ, seu secularis esse decernimus alienos. Prædicandi officium, audiendi etiam confessiones, ac docendi alios in quacumque facultate, potestate talibus Apostatis penitus interdicta.

Habitus eorum similis ceteris prohibetur.

§. 27. Inhibentes expressius, ne aliqua persona cujuscumque status, conditionis, vel Religionis existat, habitum vestrum, aut consimilem (nisi de Monasteriis, & locis vestris fuerint) deferre præsumant. Contra facientes per Dioecesanos locorum, cum à vobis super hoc fuerint requisiti, deponere habitum hujusmodi per censuram Ecclesiasticam, cujuslibet appellationis obice non obstante, arctius compellantur. Quod si iidem Dioecesani, vel Or-

Ball. Rom. Tom. III. Pars II.

dinari id efficere malitiose forte neglexerint, postquam a vobis vel nunciis vestris super hoc requisiti fuerint, in suspensionis laqueum incidunt ipso facto.

§. 28. Adjicimus etiam, quod si aliquis in aliquo Monasteriorum, vel locorum vestrorum professus, ante ingressum suum in Religionem, aliquibus personis, Universitatibus, vel Collegiis, de quibus quorumque nominibus memoria penitus non habetur, in aliqua quantitate pecuniæ, vel ad restitutionem aliquarum rerum esset obnoxius, illam & rerum æstimationem ab eo licite recipere, & in locis vestris, in quibus expedire videbitur, in usus utiles convertere valeatis, & hujusmodi satisfactionem impendens, a præstatione satisfactionis alterius remaneat absolutus.

Ordinē præfinites quomodo de incertis debeant satisfacere.

§. 29. Nullisque Religiosis, vel secularibus, cujuscumque status, vel conditionis existant, liceat aliquorum corpora defunctorum vobis invitati (quod prohibemus) penitus in vestris sepelire Cœmeteriis, nec in Monasteriis, Ecclesiis, Prioratibus, & aliis locis vestris Missarum solemnia, vel mortuorum officia celebrare.

Omnimoda Ecclesiarum Ordinis libertas.

§. 30. Nullisque ex vestris Monachis Fratribus, & conversis licitum sit cuiquam, absque Prælatorum suorum licentia, nisi Prælatis ipsis sua confiteri peccata.

Personæ Ordinis ejus Prælatis confiteantur.

§. 31. Concedimus quoque vobis, ut de iis, quæ in ornamentis, vel pro eis, aut libris, fabrica, luminaribus, anniversario, septimo, vigesimo, trigesimo, sive aliis ad perpetuum cultum divinum, seu pro pitantiis, aut victu ad sustentationem vestram, vel indumentis, & calceamentis vestris, necnon pro annuis censibus redimendis, ad quorum solutionem aliqua Monasteria, Ecclesiæ, Prioratus, Membra, aliaque loca vestri Ordinis obligata forsitan viderentur, aut de iis, quæ pro domibus, prædiis, hortis, aliisque locis emendis vobis legantur; de oblationibus quoque, & obventionibus etiam, quas occasione funerum, & aliis, quæ jure institutionis, seu successionis, aut legati, vel relictis, aut fideicommissi ad vos, & Ecclesias, & loca vestra, pietatis intuitu devenire contigerit, nulli teneamini justitiam, seu portionem canonicam exhibere; & ad hoc vos decernimus aliquatenus non teneri.

De oblativ vel legatis nihil aliis solvant.

§. 32. Ceterum cum foelicis recordationis Innocentius Papa Quartus prædecessor noster olim duxerit statuendum, ut exempti quantacumque gaudeant libertate; nihilominus tamen ratione delicti, seu contractus, aut rei de qua contra ipsos agitur, rite possint coram locorum Ordinariis conveniri, & illi quoad hoc suam in ipsos jurisdictionem, prout jus exigit, exercere. Nos vobis, ut occasione constitutionis hujusmodi nullum libertatibus, & immunitatibus, seu Indulgentiis, vel privilegiis, vobis & Monasteriis, & locis vestris per nos (ut præmittitur) Apostolica auctoritate concessis, præjudicium generetur, auctoritate vobis præsentium indulgemus.

Exemptio a jurisdictione ordinariorum Vide Concil. Trid. sess. 25. c. 11. & 14.

§. 33. Propterea proponendi populo verbum Dei, & dandi omnibus vere poenitentibus,

Prædicandi facultas.

K



1294.

Vide Conc.  
Trid. sess. 24.  
c. 4.Confessione-  
que audiendi.

bus, & confessis, qui hujusmodi prædicationi interesse voluerint quadraginta dierum Indulgentiam de injunctis eis poenitentiis.

§. 34. Audiendi quoque confessiones, & injungendi poenitentias, & imponendi absolutionem debitam pro confessis; conferendi etiam Ecclesiastica Sacramenta, tam hominibus & vassallis vestris, quam ceteris Christi-fidelibus.

Campanam  
pulsandi.

§. 35. Necnon habendi, & pulsandi Campanas die, noctuque ad horas Canonicas, & quandocumque de vestra processerit voluntate, absque cujusque contradictionis objectu.

Dispensandi  
cum iocantibus  
Ordinem.

§. 36. Dispensandi etiam cum Fratribus, seu Monachis ad vestra Monasteria, & loca convolantibus, & ibidem degentibus, super irregularitatibus quibuscumque, etiam si prius eas fortasse contraxerint, quam prædicta loca, & Monasteria intravissent, dummodo ex homicidii, vel mutilationis causa, irregularitates ipsæ minime sint contractæ. Absolvendi etiam Fratres, & Monachos memoratos ab excommunicatione quacumque, etiam si ejus absolutio tantum sit Sedi Apostolicæ reservata, plenam, & liberam vobis, filii Abbates, auctoritate Apostolica concedimus potestatem.

Oblationes  
recipiendi,  
etiam si sint  
bona feuda-  
lia.

§. 37. Indulgemus etiam vobis, ut bona feudalia, vel alia qualibet vobis oblata libere recipere valeatis, ac licite retinere, nulla constitutione, seu consuetudine contraria obfistente; aut etiam si loci Dioecesanus bona ipsa pro decimis non solutis, aut præstationibus aliis sibi, aut Ecclesiæ suæ asserat obligata.

Ex præcipuum  
Monasterium  
ad libitum  
mutandi.

§. 38. Et quia mutatio temporum facti mutationem forte requireret, licitum sit vobis aliquod aliud de Monasteriis vestris, præsentibus aut futuris caput aliorum Monasteriorum, & membrorum vestrorum (si expediens fuerit) ordinare.

Pœna præ-  
missis contra-  
ventionum.

§. 39. Nos enim ex nunc decernimus irritum, & inane quicquid contra tenorem, concessionum, constitutionum, indulgentiarum, & inhibitionum hujusmodi, & capitulorum omnium, & etiam singulorum, quæ superius sunt expressa, per quoscumque attentatum est, vel in posterum contigerit attentari. Et interdicti, suspensionum, & excommunicationum sententias, si quas contra præmissa, vel aliquod præmissorum, in vos, vel in vestrum aliquem, sive aliquos, aut loca vestra, seu benefactores vestros, aut executores, vel hæredes, a quocumque cujuscumque præminentie dignitatis, aut honoris vel status existat, in posterum contigerit promulgari, volumus eo ipso penitus non tenere.

Annua reco-  
gnitio debita  
Sedi Apost.

§. 40. In signum vero perceptæ libertatis vestræ, & subjectionis solius Romanæ Ecclesiæ per nos vobis concessæ, ut superius præmittitur, unam unciam auri solvendam annis singulis in Festo Nativitatis Domini, tam pro capite, quam pro membris vestris, nobis & successoribus nostris Romanis Pontificibus persolvatis.

Nulli ergo omnino hominum &c.

Dat. die 27.  
Sept. 1294.  
Pont. An. I.

Dat. Aquilæ V. Kalendas Octobris, Pontificatus nostri anno I.

## BONIFACIUS VIII.

PAPA CXCIIL.

AN. DOM. MCCXCIV.



**D**ie 14. Decembris anni 1294. electus est Neapoli in Summum Pontificem Benedictus Cajetanus, Anagninus patria, patre vero Luitfredo, illustri Cajetano stemmate ortus, qui fuerat antea Presbyter Cardinalis SS. Silvestri & Martini tituli Equitii. In Pontificem electus, Bonifacius VIII. voluit appellari: consecratus vero est, & coronatus Romæ Mense Januario anni sequentis. Sedit in Pontificatu annos VIII. Mens. IX. dies XVIII. (a) imperantibus in Oriente Andronico, in Occidente vero Rodulpho, mox Alberto Regibus Romanorum. Obiit Romæ die 11. Octobris anno 1303. & sepultus est in Basilica Sancti Petri. Vacavit Sedes dies XI.

Boni.

(a) Ab electionis die computandos.



## I.

Ex Archiv.  
Anglie Ri-  
mer. Tom. II.  
Pag. 667.

Raynaldus  
ejusdem, se-  
re tenoris li-  
teras Seno-  
mensi Archie-  
piscopo, ejus-  
que suffraga-  
neis datas re-  
fert ad ann.  
1295. h. 7.

Exordium.

Dei assisten-  
tia Ecclesie.

Quæ tutior  
est, & constan-  
tior in adver-  
sitatibus.

Maximum  
Ecclesie ma-  
lum, si præ-  
vidum non  
habeat Pa-  
torem.

Bonifacius Papa Eduardum Angliæ Regem, certiores facit de Cœlestini PP. abdicatione, sui que in Pontificem electione.

Bonifacius Episcopus, Servus Servorum Dei. Carissimo in Christo filio Eduardo Regi Angliæ illustri salutem, & Apostolicam benedictionem.

**G**loriosus, & mirabilis in operibus suis Deus, qui, cum sit in misericordia copiosus, in hujus orbis orbita, plena malis, confecta diffidiis, innumeras miserationes exercet; Ecclesiam suam, quam ipse summus Opifex rerum instituit, ac supra fidei firmam petram aliâ & solidâ fabricâ stabilivit, opportunis favoribus prosequi non desistit.

§. 1. Assistit enim illi miserator, & propitiator assiduus, non obdormiens, nec dormitans, in suarum opportunitatum eventibus pervigil custos ejus. Ipse siquidem sibi est in turbatione solamen, in necessitate Succursus; tumque maxime in adjutorium ejus sua pietas larga diffunditur, cum adversus illam mundi nubila tempore caligante levantur, quæ inter molestias & afflictiones intrepida colligens in vexatione vigorem, in ipsa malorum instantia convalescit; Nam, divino semper munita presidio, nec comminationum strepitu deterretur, nec adversitatum superatur incursu, sed in terroribus tutior, & constantior in adversis, pressa prævalet, passa triumphat.

§. 2. Hæc est arca, quæ per confluentias & multiplicationes aquarum elevatur in altum, & sub actis culminibus montium, libera & secunda profundas impetuosi diluvii calcat undas. Hæc est uti navis, quæ, vento contrario irruente, strepentis maris furibundis motibus agitur; firma tamen & solida fragoribus non dissipatur æquoreis, nec marini furoris rapiditate sorbetur; sed elatas procellas obruens, ac spumosa & tumida freta sternens, triumphantes exequitur suæ navigationis incessus, quæ ad vitalem crucis salvificæ arborem rectæ intentionis alis totaliter elatis, in cælum semper intenta procellosum intrepide mundi pelagus peragrat; Eo quod secum habet seduli gubernatoris auxilium, marium præceptoris; unde regente illo, & dirigente salubriter, ac Spiritu Sancto flante, adversitatum quarumlibet nebulis dissipatis, victoriosa peregrinationis suæ liberum agit iter, ad patriæ cœlestis portum supernis nutibus feliciter perducenda. Cumque sic adversis innumeris prematur & turbetur Ecclesia illa; in intimis ipsam acerbius sauciat, duriusque ferit adversitas, cum Pastore provido viduatur.

§. 3. Sed licet sapius Ecclesia eadem, Pastoris regimine destituta, longæ viduitatis lamenta protrahit; expectando, gemebunda diutius consolationem plenariam successoris; in hujusmodi tamen maroris nubilo dignan-

Bull. Rom. Tom. III. Pars II.

ter illi clementia divina illuxit, doloribus & necessitatibus suis opportune subveniens per substitutionem optatam & delectabilem novi sponsi; ac eam de amissione prioris, interdum inutilis, per promotionem celerem accommodi successoris instaurans.

§. 4. Sane, vacante Romana Ecclesia, per liberam, & spontaneam Dilecti filii, fratris Petri de Murrone, olim Romani Pontificis, cessionem coram venerabilibus Fratribus Episcopis, & filiis nostris Presbyteris, & Diaconis Cardinalibus, de quorum numero tunc eramus, ex certis rationabilibus, & legitimis causis factam ab ipso in festo beatæ Lucie Virginis proximo præterito, & a Cardinalibus prædictis admissam, cum illam posse legitime fieri, & priorum gesta Pontificum, & Constitutiones declararent apertius; & ad eam etiam faciendam expressus accesserit Cardinalium, prædictorum assensus;

§. 5. Cardinales ipsi considerantes attentius, quam sit onusta dispendiis, quam gravia malorum incommoda secum trahat prolixa Ecclesiæ memoratæ vacatio; & propterea votis, & ardentibus desideriis cupientes per efficacia, & accelerata remedia hujusmodi periculis obviare; die Jovis decimo calendas Januarii post festum subsequens prædictum, Missarum solemnibus ad honorem Sancti Spiritus celebratis, hymnoque solito cum devotione cantato, se in quodam conclavi apud castrum novum, Civitati Neapolitanæ contiguum, ubi tunc idem Frater cum sua residebat familia, incluserunt, ut per mutui commoditatem, colloquii Ecclesiæ prædictæ provisio, supernâ cooperante virtute, celerius proveniret. Die vero veneris immediate sequente præfati Cardinales, mentis oculis erectis ad Dominum, pia desideria benignius prosequentem in electionis negotio, per viam scrutinii ferventibus studiis, ut prædicta vitarentur incommoda, procedentes; & tandem cum divina clementia Ecclesiæ prælibatæ compatiens eam nollet ulterioris vacationis periculis subiacere, ad personam nostram licet immeritam, intentum animum dirigentes, quamquam inter eos quamplures magis idonei & digniores etiam haberentur;

§. 6. Nos tunc Tituli Sancti Martini Presbyterum, in summum Pontificem canonice elegerunt, gravis oneris sarcinam nostris debilibus humeris imponendo. Nos autem, profunda & sedula meditatione pensantes difficultatem officii Pastoralis, continui laboris angustias, & præcellentiam Apostolicæ dignitatis, quæ sicut honoris Titulis altioris attollit, sic magnitudine ponderis deprimit gravioris; attendentes insuper nostræ simplicis imperfectio- nis instantiam, expavimus, & hæsitavimus vehementer, nimioque concussus extitit stupore cor nostrum.

§. 7. Nam cum ad tolerandas particulares vigilias vix possibilitas nostra sufficiat, ad universalis speculæ sollicitudinem vocabamur, & intolerabile Apostolici ministerii jugum inferebatur instanter debilitatis nostræ cervici jugiter supportandum; ac meritorum non suffulti presidio ad suscipiendas Apostolorum Principis

Cœlestini V. Summi Pontificis cessionem narrat.

Electorem suam in summum Pontificem.

Suam exponit in acceptando Pontificatu dubietatem.



Quid demum  
ad accipien-  
dum moverit.

Petri Claves, & gerendum super omnes ligandi, & solvendi pontificiumangebamus.

§.8. Verum tamen, ne divina providentię opus impedire forsitan videremur, aut nolle nostrę voluntatis arbitrium suo beneplacito confirmare; ac etiam, ne corda Electorum concordia per nostrę dissentionis objectum ad discordiam verteremus, voluntatibus tandem acquievimus eorundem ad subeundum jugum hujusmodi nostros impotentes humeros submittendo; non quod de aliqua nostrę probitatis virtute fiduciam habeamus, sed quia in ejus speramus clementia, qui confidentes in se non deserit, sed eis propitius opportunis auxiliis semper adest, quique de sublimi polorum folio Ecclesiam Sponsam suam intuetur misericorditer, & tuetur; Suxęque illam exaltare non desinit Copiosis beneficiis pietatis.

Anglię Regē  
hortatur ut ad  
ministret ju-  
sticiam Eccle-  
siasticorum-  
que tueatur  
privilegia.

§.9. Ideoque celsitudinem tuam rogamus, & hortamur attente, ac obsecramus in Domino Jesu Christo, quod Judicium diligit regis honor, metas justitię curiosus observes, illamque sincere diligere studeas, æquitatem non deferens, clementiam non omittens, ut subjectus tibi populus copiosus in pacis pulchritudine sedeat, & in requie opulenta quiescat. Ecclesiam insuper matrem tuam, & ipsius Prælatos nostri utique Salvatoris Ministros, ceterasque personas ecclesiasticas, ejus obsequiis dedicatas, quin potius in illis Regem Cęlorum, & Dominum, per quem regnas, & regeris in cessanter, & solerter honorans ipsos, regii favoris ope confoveas. & in pulchritudine libertatum, aliorumque suorum jurium efficaciter protegere studeas, & tueri. Sicque in his tamquam filius benedictionis, & gratiæ te geras, & dirigas, quod clarę memorię progenitores tuos, qui erga præfatam Ecclesiam summę devotionis, & reverentię titulis, dum viverent, claruerunt, non solum imitari solliciti, sed etiam reverenter excedere dignoscaris, ad laudem, & gloriam Dei Patris, & celebre magnumque tui honoris, & nominis in crementum.

§.10. De nobis autem, ut Patre benevolo & sincero, qui te, prout celsitudinem regiam latere non credimus, in minori etiam officio constituti, affectuose dileximus, & diligere non cessamus, spem certam, & fiduciam firmam gerens, in tuis, & ejusdem Regni negotiis, & opportunitatibus, quę occurrent, ad nos recurrere non postponas.

§.11. Nam in his, super quibus ex parte Regia fuerimus requisiti, libenter, quantum cum Deopoterimus, votis regiis annuemus, tuam, & ejusdem Regni prosperitatem omnimodam non solum studiis conservare sollicitis, sed etiam plenis augmentare favoribus intendentes &c.

Datum die 24  
Januarii anno  
Dom. 1295.  
Pontif. anno  
primo.

Datum Laterani nono Calendas Februarii  
Pontificatus nostri anno primo.

## II.

Contra dantes aliquid, vel promittentes, aut recipientes, pro obtinenda gratia, vel justitia apud Sedem Apostolicam, ac etiam contra scientes, & non revelantes. (a)

Bonifacius Episcopus, Servus Servorum Dei, ad perpetuam rei memoriam.

**E**Xcommunicamus & anathematizamus ex parte Dei omnipotentis, Patris, & Filii, & Spiritus sancti, auctoritate quoque Beatorum Apostolorum Petri & Pauli, & nostra, omnes Clericos, Religiosos, & Laicos utriusque sexus, sive sint familiares Curię, sive alii undecumque, qui aliquod pactum fecerint, seu aliquod parvum, vel magnum promiserint, vel promissionem receperint, aut ex pacto, sive promissione occulta vel manifesta facta sub generalibus, & plenarie non expressis aperte verbis, quicquam dederint, aut receperint, magnum vel parvum, vel promissionem de quacumque re, aut utilitate propter hoc consequenda fecerint, vel receperint, pro aliqua justitia, sive gratia, pro se, aut pro alio, in causis, vel judiciis, seu alias per literas Apostolicas, & quibusque modis apud Sedem Apostolicam obtinenda.

Excommuni-  
catio in dan-  
tes quicquam  
aut promit-  
tentes & re-  
cipientes pro  
obtinenda  
gratia vel ju-  
stitia apud  
Sed. Apost.

§.1. Et hanc sententiam ad promittentes, & acceptantes, & dantes & recipientes, duximus extendendam.

Promittentes,  
que & reci-  
pientes.

§.2. Illos quoque, qui aliquem sciverint culpabilem in prædictis, & nobis intra dierum trium spatium non retulerint, vel alicui, per quem ad nos verbum fideliter perferatur, simili decernimus sententię subiacere.

Scientes & nō  
revelantes.

§.3. Decernimus etiam, ut nullus hanc incurrens excommunicationis sententiam pro prædictis, vel aliquo prædictorum, absque speciali mandato nostro absolutionis beneficium valeat obtinere, nisi forsā ad nos habere accessum non posset, in mortis articulo constitutus. Nec etiam ad absolutionis gratiam admittatur, nisi prius quantum dedit, vel recepit, integraliter pauperibus largiatur.

Reservatio ab  
solutionis.

§.4. Justitiam vero, sive gratiam sic obtentam, nullius prorsus esse momenti volumus, omniq. statuimus carere effectu, & robore firmitatis.

Irritatio gra-  
tię, vel justitię  
hac via  
obtentę.

§.5. Sed scienter utentes ipsis, simili sententię excommunicationis adstringimus, & reservantes nobis absolutionem eorum cum præmissis in omnibus ad poenas similes obligamus.

Excommuni-  
catio scienter  
ea utentium.

Quod

(a) Constitutio ista licet sit inter extrav. commun. in tit. de Sentent. excomm. eam tamen posui tamquam Curialibus admodum necessariam, & quia in hoc opere extat Bulla Greg. XIII. incipien. *Ab ipso*, ubi hæc extenditur ad prædictorum complices & auxiliores. Prout etiam confirmata & ampliata fuit a Clem. VIII. in ejus const. *Pro commissa*. Quam diligenter attende, quoniam puto eam esse intelligendam secundum ejus subjectam materiam, id est ligare dantes aliquid vel recipientes de bonis Communitarum Status Ecclesiastici, & non aliis Cherubinis.



## III.

Quod prope Ecclesias, & Conventus Fratrum Eremitarum Ordinis S. Augustini, non possint alii Religiosi Mendicantes nova loca ædificare infra spatium Cannarum centum quadraginta.

Bonifacius Episcopus Servus Servorum Dei. Dilectis filiis Generali, aliisque Provincialibus, Prioribus, ac universis Fratribus Ordinis Eremitarum S. Augustini. Salutem & Apost. bened.

Exordium.

**A**D consequendam gloriam cœlestis Patriæ sic divina pietas per suam gratiam humilitatem vestram cernitur allexisse, quod semper ad hoc intenti estis & vigiles, ut illam vobis, & proximis per innocentis vitæ studium acquiratis. Hæc & alia sancta pauperrimæ religionis vestræ merita nos inducunt, quod simus ex intimo cordis affectu solliciti, ut in omnibus, quæ ad laudem Dei, & tranquillum statum devotionis vestræ cupitis, habeamus providentiæ studium efficacis.

Causa hujus prohibitionis.

§.1. Sane non sine quadam turbatione animi frequenter audivimus, quod inter vos, & religiosos aliquos, illa de causa, emulationis, & dissensionis materia oritur, quod ipsi domos, & Ecclesias regulares juxta loca vestra non sine gravi vestro præjudicio, & scandalo manifesto, quandoque construere præsumebant.

Prohibitio de qua in rub.

§.2. Cum itaque ad Apostolici spectet officii dignitatem de regno militantis Ecclesiæ cuiuslibet scandali materiam abolere: Nos digne volentes, quod huiusmodi æmulationis & dissensionis occasio per diligentiam nostræ studium amputetur; auctoritate præsentium ordinamus, & districtius inhibemus, quod nulli liceat amodo de Minorum, Prædicatorum, Poenitentiarum Jesu Christi, S. Mariæ de monte Carmelo, S. Claræ, aliisque Ordinibus in paupertate fundatis, nullique mulierum de prædictis, seu quibuslibet aliis Ordinibus aliquod Monasterium, Ecclesiam, vel Oratorium ædificare, seu construere; nulli quoque sæculari, vel religioso, cujuscumque professionis, Ecclesiam, vel Monasterium seu Oratorium jam ædificatum, in aliquem transferre de Ordinibus memoratis, infra spatium centum quadraginta cannarum a vestris Ecclesiis mensurandarum per aerem, etiam, ubi alias mensurari loci dispositio non permittit. Præterea, statuimus, ut quodcumque, contra huiusmodi ordinationis & inhibitionis nostræ tenorem ex nunc in antea ædificatum fuerit, diruatur.

Qui sint religiosi Mendicantes.

§.3. Et ne de notitia Ordinum, & quantitate cannarum huiusmodi, aliqua possit dubitatio exoriri, illos Ordines intelligi volumus in paupertate fundatos, qui ex regula vel constitutionibus suis, extra septa Ecclesiarum, monasteriorum suorum, vel officinarum eorum, & clausuram ipsorum nullas debent possessiones habere. quod si aliquis de Ordini-

nibus ipsis possessiones in aliquibus membris habere, in aliis vero non habere noscatur, cum quo ad ordinationem & inhibitionem huiusmodi prædictis Ordinibus in paupertate fundatis annumerari volumus.

§.4. Et quamlibet cannarum ipsarum octo palmorum longitudinem continere.

Qualitas cannarum.

§.5. Non obstantibus varia locorum consuetudine, seu privilegiis, indulgentiis, sive literis quibuscumque tam supradictis Ordinibus quam mulieribus, vel alicui eorum ab Apostolica Sede, sub quacumque forma concessis, seu etiam concedendis, quæ de præsentibus specialem, & expressam non fecerint mentionem. Nulli ergo, &c.

Derogatio contrariorū.

Dat. Later. 11. Kalendas Martii, Pontificatus nostri Anno 1.

Dat. die 21. Februarii 1295. Pontificatus anno 1.

## IV.

Quod Conservatores concessi certis Ecclesiis a Sede Apostolica ab iniuriis manifestis defendantur, qui iubentur esse Canonici, aut præditi dignitatibus in Ecclesiis Cathedralibus.

Ex Archiv. Angliæ Rimer Tom. I. P. I. pag. 33.

Bonifacius Episcopus, Servus Servorum Dei, Ad perpetuam rei memoriam.

§.1. **S**Tatuimus, ut Conservatores, qui ab Apostolica Sede conceduntur interdum, ut aliquos a manifestis iniuriis & molestiis tueantur, sint in alicujus Civitatis Ecclesia Cathedrali Canonici, vel dignitatem aliquam, seu personatum in Civitate, vel Diœcesi eius obtinentes, extra quam siquidem Civitatem vel aliquos ad Judicium evocare non valeant, nec etiam procedere contra illos, qui de Civitate, vel Diœcesi non fuerint supradictis, vel infra Civitatem eandem dumtaxat de commissis sibi negotiis, sive causis possint cognoscere; aliis tamen nequeant committere vices suas, nisi expresse hoc eis ex litterarum conservatoriarum beneficio competere dignoscatur.

Conservatores eligendi qui sint in dignitate aliqua constituti.

Aliis committere vices suas quando possint.

§.2. Citationes tamen, & denuntiationes sententiarum, quas idem personaliter tulerint, possint tantum infra Civitatem, vel Diœcesim prædictam facere per se, vel alium, seu alios, qui de Civitate, vel Diœcesi fuerint memoratis; Quodque conservatorum ipsorum, quoad non cepta negotia ipso iure expiret officium post obitum concedentis; ubi vero huiusmodi Civitas minime haberetur, seu destructa fortasse existeret, & in eius Diœcesi locus reperiretur insignis, in loco ipso de huiusmodi negotio cognoscatur, & totalis processus habeatur in ipso.

Conservatorum officium expirat post obitum concedentis. Vide in Lucio III. Constit. XIV.

§.3. Cum autem per Capitulum Cathedralis Ecclesiæ alicujus Civitatis, vel singulares personas ipsius, aut per immediatum superiorem eorum, utpote Patriarcham, Prælatum, Archiepiscopum, vel Episcopum, quisquam se diceret molestari; tunc illi taliter proponenti, ipsoque volente poterunt Conservatores concedi hi, qui in ipsa Ecclesia

Quibus in causis concedendi ii Conservatores qui a petente postulatur.

Ca-



Cathedrali Canonicatum habeant, vel personatum, seu dignitatem in Civitate, vel Diacefi pralibatis; vel, si maluerit impetrator, sibi concedantur conservatores, qui Canonicatum habeant in Cathedrali Ecclesia Civitatis, vel personatum, seu dignitatem, in eadem Civitate, vel ejus Diacefi illorum, contra quos, qui de Civitatibus, seu Diacesibus prædictis non fuerint, vel extra Civitatem, in cuius Cathedrali Ecclesia Canonicatum, vel in qua seu, cuius Diacefi dignitatem, aut personatum obtinent, possint de negotiis sibi commissis cognoscere, vel ferre sententiam contra eos.

Eadem statuatur de  
judicibus de  
simplici justitia.

§. 4. Adiciamus insuper statutum hujusmodi, ut iudices, qui in litteris de simplici justitia conceduntur, sint in alicuius Civitatis Ecclesia Cathedrali Canonici, vel personatum, seu dignitatem in eadem Civitate, vel ejus Diacefi, obtinentes: extra quam Civitatem, vel Diacesim aliquos ad iudicium evocare non valeant, nec procedere contra illos, qui de Civitate, vel Diacefi non fuerint supradictis; infra quam etiam Civitatem dumtaxat de commissis sibi negotiis sive causis personaliter possint cognoscere, ac vices suas quoad cognitionem causarum talium commissarum eisdem, vel prolationes interlocutoriarum, vel diffinitivarum sententiarum, aut ipsarum executiones committere nequeant, nisi his, qui in ejusdem Civitatis Cathedrali Ecclesia Canonicatum, vel in ipsis Civitate, vel Diacefi dignitatem obtinent, seu etiam personatum, sed nec alia media causæ, articulos, vel ministeria certa minora committere liceat, nisi personis Civitatis vel Diacefis earundem.

§. 5. Cum autem contra Capitulum Cathedralis Ecclesiæ alicujus Civitatis, vel Singulares personas ipsius, aut contra immediatum Superiorem ipsorum, utpote Patriarcham, Primatem, Archiepiscopum, vel Episcopum hujusmodi litteræ de simplici Justitia impetrantur, expresse impetratore volente concedi poterunt iudices talium litterarum, qui in ipsa Cathedrali Ecclesia Canonicatum habent, vel personatum, seu dignitatem in eisdem Civitate, seu Diacefi; vel, si maluerit impetrator, concedantur Iudices, qui Canonicatum habeant in Cathedrali Ecclesia Civitatis, vel personatum, seu dignitatem in eadem Civitate, vel ejus Diacefi vicinis, continuis, seu conterminis Civitatis, vel Diacefi illorum, contra quos, ut præmittitur, tales iudices impetrantur: in hoc etiam casu nullus extra dictas Civitates, vel Diaceses ad iudicium evocetur, nec procedatur contra eos, qui non fuerint de Civitatibus vel Diacesibus memoratis.

§. 6. De causis, auctoritate, & negotiis sibi commissis in Civitate, in cuius Ecclesia Cathedrali Canonicatum, vel in qua, seu cuius Diacefi, personatum, vel dignitatem obtinent, dumtaxat cognoscant; nec quoad cognitionem de negotiis, & causis ipsis prolationem interlocutoriarum, vel diffinitivarum sententiarum, vel executionem ipsarum possint alii, vel aliis committere vices suas, qui in ejusdem Civitatis Cathedrali Ec-

clesia Canonicatum, vel dignitatem, seu personatum in Civitate, ac Diacefi non obtinent supradictis, sed nec alia media causæ, articulos, vel ministeria certa minora committant nisi personis Civitatis, & Diacefis earundem. Decernimus quoque, ut ipso jure sit irritum, & inane; si quid contra præmissa contigerit attentari.

Nulli ergo omnino hominum liceat hanc paginam nostri statuti, & constitutionis infringere, vel ei ausu temerario contraire; Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Laterani VI. Idus Aprilis Pontificatus nostri anno primo.

Clausula.

Dat. die Aprilis 1295. Pont. an. I.

## V.

Restituitur Regi Aragonum Regnum, quo ex Causa occupationis Regni Siciliae privatus fuerat.

Bonifacius Episcopus, Servus Servorum Dei, Ad certitudinem presentium, & memoriam Futurorum.

Ex Regest. in Archiv. Vatic.

**S**plendor gloriæ, & figura substantiæ Dei Patris, in cuius lumine lumen inspicitur, operoso Mysterio lenitatem pacis amare nos instruit, & quodam exemplaris speculo fragilitati nostræ viam humanæ miserationis ostendit.

Proemium.

§. 1. Sane propter injustitiam manifestam quondam Petri, olim Regis Aragonum, circa occupationem Insulæ Siciliae, Terræ peculiaris Ecclesiæ, variosque conatus & insidias ad alias partes Regni Siciliae occupandas, seditionem in ea Insula motam, commotionem, & concitationem Populi factam inibi contra Rempublicam, Ecclesiamve Romanam, & claræ memoriæ Carolum Siciliae Regem, non, absque strage & occisione multorum; felicitis recordationis Martinus Papa Quartus, Prædecessor noster, Regnum Aragoniæ, ceterasque Terras Petri præfati exponens, de Fratrum suorum consilio, ipsum Petrum, dudum Aragonum Regem, eisdem Regno & Terris Regioque honore sententialiter, justitia exigente, privavit, & privans exposuit eadem Regnum & Terras occupanda Catholicis, de quibus, & prout Sedes Apostolica duceret providendum. Post modum vero idem Regnum Aragonum, atque Valentiae, & Comitatum Barchinonæ, quæ sunt de Terris positis, quæ olim fuerant dicti Petri, claræ memoriæ Philippo Regi Francorum, & dilecto Filio Nobili Viro Carolo nato ejus Alanzoni, & Valesii Comiti electo, ad dictorum Regnorum & Comitatus regimen a Rege præfato per Ministerium, seu deputationem bonæ memoriæ Joannis Tituli Sanctæ Cecilie Presbyteri Cardinalis, de ipsorum Fratrum consilio præhabita deliberatione, concessit.

Petrus Aragoniæ Rex excommunicatus, Regnoque privatus.

Aragoniæque Regnum, alii Principatus Philippo Francorum Regni concessi.

§. 2. Verum, præfato Petro sublato de medio, post varios Tractatus pacis habitos inter Charissimum in Christo Filium nostrum Carolum Siciliae Regem Illustrum, ejusdemque Petri posteros, sibi successores in vitium qui



1295.  
Jacobus Petri  
successor Pa-  
cem ferit cum  
Philippo Re-  
ge Franc. &  
Siciliam Pape  
restituit.

qui facit concordiam in sublimibus suis, Iacobi de Aragonia præfati quondam Petri, olim Regis Aragonum, Filii, præcipue succedentis in culpam, præfatam Insulam, & nonnulla alia Loca, in Regno Siciliæ citra Pharum, occupata tenentis, Hostis Ecclesiæ Regisque dictorum, ut insinuatio nobis & Fratribus nostris facta continet, animum convertit ad pacem: Sicque inter jam dictos Regem & Jacobum tractatus Pacis est habitus & firmatus; in quo ex parte præfati Iacobi illa inter cætera sunt conventa; quod Insula memorata Siciliæ cum omnibus Terris, & Castris, Casalibus, Fortalitiis, Insula Maltæ, aliisque omnibus Insulis eidem Insulæ Siciliæ adjacentibus, ubicumque sint, sicuti bonæ memoriæ præfatus Rex Siciliæ ante rebellionem Insulæ prænominatæ tenebat, juxta nostri determinationem arbitrii per eundem Jacobum Romanæ restitueretur Ecclesiæ; aliis locis, Castris, & Insulis, quæ per ipsum Jacobum, Valitores, Factores, Complices, & Ministros ipsius citra Pharum occupata tenentur, restituendis præfato Carolo Regi viventi juxta nostræ provisionis arbitrium; nec non liberis, & aliis Obsidibus dicti Regis, quos idem Jacobus apud se detinet, juxta formam in serie præfati Tractatus annexam, certis hinc inde pro firmiori pacis nexu & charitatis mutue Matrimonii copulandis.

§. 3. Nos itaque cernentes frementia undique Mundi pericula, & quæ instant præ foribus ruinam minantia, gravia detrimenta super Terram Sanctam, desertam incolis Christianis, ipsorum destitutam suffragiis, flentes amare; cum Catholicis Principibus distractis ad bella civilia, non sit, qui consoletur eam ex omnibus charis suis; ac misericordiam potius, quam judicium cantare cupientes Altissimo; ad reparationem quoque status præfati Regis Siciliæ Filii specialis Ecclesiæ specialem habentes considerationis intuitum; & memoratum Tractatum pacis paternæ charitatis brachiis amplectentes, facta jam in manibus nostris per Charissimum in Christo Filium nostrum Philippum Francorum Regem Illustrum, & dilectum Filium nobilem Virum Carolum Fratrem ejus Alanconi & Valesii Comitem, renunciatione legitima & solemni de prædictis Regnis, & Comitatu Barchinonæ, claræ memoriæ prædicto Philippo Regi Francorum eorum Parenti, & eidem Carolo Comiti, ut præmittitur, per Ecclesiam ipsam concessis, omniique Jure & actione ejus, competente pro illis, eidem Jacobo & suis Hæredibus, de Fratrum nostrorum consilio & assensu restituimus, reddimus, atque concedimus jam dicta Regna Aragonum, atque Valentie, ac Comitatum Barchinonæ, honorem regium, ac omnia & singula, quæ sententia dictæ Sedis Apostolicæ lata contra dictum Petrum, olim Regem Aragonum, Patrem suum, continebat expresse; & ea, atque verba sententiæ, vel effectus ejusdem Sententiæ se extendunt, ut ea habeant & teneant eo modo, quo habebat & tenebat dictus Petrus, quondam Rex Aragonum, Pater suus, antequam Romanam Ecclesiam of-

fendisset in aliquo; & de prædictis Regnis & Comitatu in quondam Alphonsum Primogenitum ejus donationem, ut dicitur, contulisset: nec intendimus, quod per prædictas restitutionem, redditionem, & concessionem, nobis, vel ipsi Ecclesiæ jus aliquod acquiratur, nec retineatur in illis, occasione retentionis, seu reservationis, quam fecit Ecclesia in dictis Regnis, & Comitatu, cum ipsa prædicto quondam Philippo Francorum Regi concessit; nec ratione concessionis factæ de ipsis per Romanam Ecclesiam dicto Carolo Comiti, aut renunciationis seu resignationis præfatæ factæ in manibus nostris per eundem Regem Francorum & Carolum Comitem Fratrem ejus; sed eidem Jacobo, suisque Successoribus in eisdem Regnis, Comitatu, seu Terris sua Jura firma & illibata, persistant: nec ex iis sibi vel suis in aliquo præjudicium generetur: sed ea habeant & teneant, ut prædicitur, eo modo, quo habebat & tenebat dictus Petrus, antequam Romanam Ecclesiam in aliquo offendisset, & de præfatis Regnis & Comitatu contulisset donationem in Alphonsum, ut dicitur, memoratum: investientes per nostrum Anulum de prædictis omnibus & singulis, ejusdem Jacobi & Hæredum suorum nomine, dilectum Filium nostrum Guillelmum Tituli Sancti Clementis Presbyterum Cardinalem, quem pro votiva perfectione Tractatus ejusdem versus partes ultramontanas præsentialiter destinamus.

§. 5. Nulli ergo omnino hominum liceat hanc paginam nostrarum restitutionis, redditionis, concessionis, & Investituræ infringere, vel ei ausu temerario contraire si quis autem &c.

Datum Anagninæ per manum Magistri Petri de Piperno Sanctæ Romanæ Ecclesiæ Vice Cancellarii, undecimo Kalendas Julii, Indictione octava, Incarnationis Dominicæ Anno millesimo ducentesimo nonagesimo quinto, Pontificatus vero Domini Bonifacii Pape Octavi Anno Primo.  
EGO BONIFACIUS Catholicæ Ecclesiæ Episcopus.

*Sequuntur subscriptiones Dominorum  
Cardinalium, qui interfuerunt in forma.*

## VI.

Dismembratio Archiepiscopatus Tolosan.  
& erectio Episcopatus Appamiarum.

Bonifacius Episcopus, Servus Servorum Dei,  
ad perpetuam rei memoriam.

**R**omanus Pontifex, qui, supernæ dispositionis arbitrio in supremæ dignitatis specula constitutus, Ecclesiarum omnium Rector agnoscitur, Vineæque Dominicæ Custos generalis & Cultor, ac totius Orbis Catholici, Pastorumque omnium Summus Pastor, de Apostolicæ plenitudine potestatis tradita sibi a Domino, cujus nutui cuncta subser-  
viunt,

De Pontificis  
manu Cardi-  
nalis S. Cle-  
mentis Jacobi  
nomine accep-  
to annulo iis  
investitur.

Dat. die 21.  
Junii 1295. P.  
An. I.

Ex Regest. in  
Archiv. Vati-  
c.

Exordium.

Carolus Valesius ob-  
tenta ab Ecclesia  
regni Arago-  
nici jure de-  
cedit.

Restituit Ja-  
cobo Bonifa-  
cius Arago-  
nia, & Valent.  
Regnorum  
jura.



viunt, obediunt singula, obtemperant universa; interdum Cathedrales, & alias unit & adnectit Ecclesias; interdum vero ad Episcopatum divisiones procedere non omittit: cum temporis qualitas suggerit, causæ rationabiles persuadent: ut omnia, quæ Pontificali noscuntur officio imminere, prudenter & solerter exerceat ac salubri & provida exequi studeat actione.

Causæ erigendi novi Episcopatus.

§.1. Sanè considerantes attentius, & infra claustra pectoris meditatione sollicita revolventes, quod Tolosana Ecclesia usque adeo amplam & diffusam Dioecesim obtinet, prout ex ipsa facti evidentia innotescit, quod Tolosanus Episcopus, qui existit pro tempore, nequit ipsam, ut debet & convenit, visitare, non sine gravi animarum dispendio personarum degentium in eadem: pensantes etiam, quod Ecclesia ipsa in proventibus & redditibus annuis tam affluenter, tamque magnificè abundare conspicitur, prout famæ veridicæ revelat assertio, & clara fide dignorum testimonia profitentur, quod de ipsorum multitudine copiosa non solum duobus, sed pluribus etiam potest Episcopis juxta suæ dignitatis decentiam annis singulis provideri; Quodque propter ea felicitis recordationis Clemens Papa quartus. Prædecessor noster, animarum fidelium saluti prospiciens, & illarum partium notitiam plenam habens, ad divisionem hujusmodi Episcopatus Tholosani, dum viveret, firmiter intendebat, certam ad hoc, sicut asseritur, Dioecesim distinguendo, Villam Appamiarum, pridem de dicta Tholosana Dioecesi existentem, locum utique nobilem & insignem, multisque commoditatibus præditum, ad Dei laudem, & gloriam, exaltationem Catholicæ fidei, & Divini cultus augmentum, de Fratrum nostrorum consilio & assensu, ac potestatis plenitudine supradictæ, in Civitatem erigimus, & Civitatis vocabulo insignimus, eam a jurisdictione qualibet Tholosani Episcopi penitus eximentes: auctoritate Sedis Apostolicæ decernendo, ut Beati Martini Confessoris Ecclesia, eidem Civitati vicina, in qua Corpus Gloriosi Antonini Martyris, prout proponitur, requiescit, sit de cætero, & habeatur prædictæ Civitatis Ecclesia Cathedralis.

Villa Appamiarum in Civitatem erigitur:

Et Ecclesia S. Martini in Cathedralis.

Dos novi Episcopatus.

§.2. Concedimus quoque ex nunc auctoritate prædicta, & donamus, deputamus, & etiam providemus futuro Appamiarum Episcopo, ejusque Successoribus, qui pro tempore fuerint, de situatis redditibus, & proventibus supradictis septemmillia librarum Turonen. parvorum, percipienda integrè anno quolibet ab eisdem: ita quod iidem Appamiarum Episcopus, & Successores ipsius habeant & percipiant in hujusmodi redditibus annuatim decemmillia librarum ejusdem monetæ, computatis in eis tribus millibus libris monetæ ipsius ad quos redditus & proventus Ecclesiæ Appamiarum annis singulis ascendere dignoscuntur.

Robur Decretis addit.

§.3. Quia vero, quod de Civitate ipsa per Apostolicæ Sedis providentiam circumspectam factum & ordinatum esse dignoscitur in hac parte, perpetuis futuris temporibus esse volumus valiturum, & robur obtinere incommutabilis firmitatis, auctoritate prædicta districtius inhibemus, ne aliquis cujuscunque præ-

eminentiæ, ordinis, conditionis, aut status, etiamsi Episcopali vel Archiepiscopali seu regia præfulgeat dignitate, hujusmodi ordinationem Sedis ejusdem quovis quæsito colore, vel modo, sive causa, vel occasione qualibet adinventis, turbare seu quomodolibet impedire, præsumat: Nos enim ex nunc irritum decernimus & inane, si secus super hoc per quemcumque Apostolicam vel aliâ quavis auctoritate contigerit attentari: & nihilominus in eos, qui ex certa scientia contrarium quovis modo præsumpserint, excommunicationis, suspensionis & interdicti sententiam promulgamus, a qua non nisi per Romanum Pontificem absolutionis beneficium valeat obtineri. Nulli ergo omnino hominum liceat, hanc paginam nostrarum erectionis, insignitionis, exemptionis, constitutionis, concessionis, dationis, deputationis, provisionis, inhibitionis, & promulgationis infringere, vel ei ausu temerario contraire. Si quis autem &c.

Datum Anagninæ decimo Kalendas Augusti Pontificatus nostri anno primo.

Dat. die 23. Julii 1295. Pont. an. I.

## VII.

Quod Fratres Ordinis B. Mariæ de Monte Carmelo, cappis albis de cætero utantur, dimissis aliis mantellis diversorum colorum.

*Ordinem, Regulasque Carmelitarum confirmavit Honorius III. P.P. Constit. LXXVIII. Tom. III. P. I. pag. 242. Quas Regulas declaravit Innocentius IV. Constit. XIV. ibid. pag. 314. Illis vero diversas vestium species juxta diversas in Ordine gradus distribuit Alexander IV. Constit. XVI. ibid. pag. 361.*

Bonifacius Episcopus, Servus Servorum Dei, dilectis filiis Generali, & cæteris prioribus, & Fratribus Ordinis B. Mariæ de monte Carmelo. salutem, & Apostolicam benedictionem.

**I**ustis petentium desideriis dignum est nos facile præbere consensum, & vota, quæ a rationis tramite non discordant, effectu prosequente complere.

Exordium.

§.1. Sane lecta coram nobis vestra petitio continebat, quod olim bo. mem. Latino Ostien. Episcopo, & Gervasio tit. S. Martini in Montibus Presbytero Cardinali significantibus, per suas literas inter alias continentes, Priori generali, cæterisque Fratribus vestri Ordinis in generali nunc instanti Capitulo congregandis, quod fel. recor. Honorius Papa IV. Prædecessor noster, de fratrum suorum consilio, eis, pia, & provida deliberatione concesserat, ut eorum habitum, sive varietatem ipsius minus decentem, & displicentem quampluribus, in alium decentem commutaret.

§.2. Idemque Prior generalis, & fratres postmodum in Capitulo congregati prædicto, deliberatione super mutatione hujusmodi præhabita diligenti, unanimiter statuerunt, ut ex tunc ceteri Priores, & Fratres ipsius Ordinis Mantellis diversorum colorum, quibus uti consueverant, dimissis omnino cappis albis in posterum uterentur.

Statutum Capituli Generalis de Capis.

§.3. Nos itaque vestris supplicationibus inclinati, quod circa hujusmodi mutationem habitus

Confirmatur a Pontifice.



bitus in hac parte provide factum, est, ratum & firmum habentes, id auctoritate Apostolica confirmamus, & presentis scripti patrocinio communimus. Nulli ergo, &c.

Dat. die 25.  
Decem. 1295.  
P. An. I.

Datum Romæ apud S. Petrum, 7. Kalendas Decembris Pontificatus nostri Anno I.

## VIII.

De auctoritate Prælatorum Ordinis Fratrum Prædicatorum S. Dominici, eorum subditos juris apicibus, & appellatione postpositis, compescendi.

Bonifacius Episcopus, Servus Servorum Dei, dilectis filiis Magistro, Prioribus, ac Fratribus universis Ordinis Prædicatorum, salutem & Apostolicam benedictionem.

Causæ adden-  
de Constitu-  
tis.

**A**D augmentum continuum Religionum, & Ordinum, quos Romana suscepit, & approbavit Ecclesia, paternis studiis intendentes, & considerantes attentius, quod non intermissa sedulitas disciplinæ, Religiones, & Ordines supradictos, statusque Regulares salubriter dirigit, & conservat, quodque si eam perire vel remitti contingeret, Ordo quilibet collabi necessario cogeretur. Pensantes etiam, quod si regularium personarum correctio, rimas juris, & apices sequeretur, huiusmodi rigor lentesceret, ac multiplici laxatione torperet.

Auctoritas  
Prælatorum  
Ordinis de  
qua in Ru-  
brica.

§. 1. Nos vestris supplicationibus inclinati, vobis, auctoritate Apostolica indulgemus, ut ad correctiones & punitiones, Fratrum ejusdem Ordinis delinquentium infligendas, Prælati Ordinis supradicti, ad quos eadem spectare noscuntur, rimulis, & apicibus ipsis postpositis, libere procedere valeant secundum consuetudines approbatas, & generalia facta, & etiam facienda, ipsius Ordinis instituta.

Prohibitio  
appellandi.

§. 2. Nec volumus eisdem licere Fratribus, ab eisdem correctionibus, & punitionibus aliquatenus appellare, provida in hoc deliberatione, ac maturitate debita observatis. Nulli ergo &c.

Dat. die 11.  
Maii 1296.  
P. An. II.

Datum Romæ apud S. Petrum, 6. Idus Maii, Pontificatus nostri Anno II.

## I X.

Ex Regest. in  
Archiv. Vat.

Novam hæresim in administratione Sacramentorum exortam, aliisque scatentem erroribus damnat.

Bonifacius Episcopus, Servus Servorum Dei, Ad perpetuam rei memoriam.

**S**æpe Sanctam Ecclesiam pestis hæretica impugnavit, in eam a suæ nati-  
vitatatis exordio infilivit, ejus juventutem im-  
Bull. Rom. Tom. III. Pars II.

petiit, nec prosequi desivit senectutem: sed qui eam supra se firmam Petram firmavit, ac sua dextera excelsa tuetur, in tantum, ut non prævaleant Portæ Inferi contra eam, ipsam usque ad senectam & senium non relinquet; Sed fecit & faciet eam de vipereis hostibus triumphare, qui in exercitium dantur fidelibus, ut, eorum expoliti functionibus, & prefuris suis, coaptandi locis per manum Artificis disponantur sacris ædificiis permansuri æternæ vitæ præmium consequendo.

§. 1. Sane nuper ad audientiam nostram pervenit, quod nonnulli in viam Caym noviter abeuntes, errore Balaam effusi, mercede & contradictione Chore incendio perituri, quasi nubes sine aqua, quæ circumferuntur a ventis, infructuosi ut arbores autumnales, sunt errantia sydera, quibus in æternum tenebrarum procella servatur; & novis adinventio-  
nibus cæcitatæ æterni supplicii non contenti conantur in proximos contagionis venena diffundere: ut ad terram tenebrosam & oper-  
tam mortis caligine ipsos deducant, ubi sem-  
piternus horror inhabitat. Accepimus nam-  
que, quod nonnullæ personæ se contra San-  
ctam Catholicam Ecclesiam Romanam eri-  
gentes etiam sexus feminei dogmatizant, se  
ligandi & solvendi Claves habere, peniten-  
tias audiunt, & a peccatis absolvunt, conven-  
tacula non solum diurna faciunt, sed noctur-  
na, in quibus de suis pravitatibus conferunt,  
& de erroribus conveniunt in id ipsum, & præ-  
dicare præsumunt, Tonsura Clericali contra  
ritum Ecclesiæ abutentes, Spiritum Sanctum  
se dare per impositionem manuum mentiuntur,  
& exhibendam soli Deo, & non alteri,  
cujuscumque fuerit conditionis, dignitatis, &  
status: Efficaciores etiam illas Orationes  
affirmant, quæ a nudatis toto corpore offer-  
runtur: Mulieres invicem se desponsant; di-  
cunt, Fidelibus operari manibus non licere:  
Mares nudi huiusmodi sectæ damnatæ femi-  
nas antecedunt; & in dicta Sancta Ecclesia,  
ligandi atque solvendi fore abnegant potesta-  
tem: non solum præmissis, & aliis novis in-  
viis obvoluti, quibus erronee adherentes,  
ipsa sustinent & defendunt, sed & nonnullis  
erroribus, quos vetustas damnata produxit: in-  
ter quos aliqui esse dicuntur Apostatæ, qui  
professi fuerant in ordinibus approbatis; qui  
sagittas pestíferas cordibus simpliciorum in-  
fligunt.

Judiciaria  
acta in hære-  
ticos.

Nova exorta  
hæresis cujus  
præcipua e-  
narrantur ca-  
pita.

§. 6. Commissi ergo nobis universalis Ec-  
clesiæ cura regiminis, & Apostolicæ solium di-  
gnitatis Nos angunt & pungunt & hortantur in-  
stanter, ut talibus, qui Inconsutilem Domini Tu-  
nicam diffuere moliantur, salubribus remediis  
obviantes, insaniæ tantæ malum nostro intuitu,  
Divina nobis assistente Gratia, dissipemus.  
Quapropter huiusmodi sectam tam hæreticam,  
quam insanam de Fratrum nostrorum consilio  
omnino damnautes, damnatam & hæreticam  
nunciamus, & universis Christifidelibus Ec-  
clesiasticis, vel Mundanis cuiuscumque fue-  
rint dignitatis, conditionis, aut status, di-  
strictè præcipimus, ut mortale huiusmodi vi-  
rus abiciant, & talia nefanda credentibus  
nullum per se, vel per alium publice, vel oc-  
culte

Hujus Sectæ  
tores tamquā  
hæretici dam-  
nati.



Inquisitorum  
facultas con-  
tra eosdem  
& c. proceden-  
ti.

culte præstent auxilium, consilium, vel favorem; &, ut non receptent eosdem: Ecclesiarum vero Prelatis, & etiam Inquisitoribus hæreticæ pravitatis autoritate Apostolica institutis ubilibet, & instituendis impostero, districtius injungentes, ut contra tales sicut contra Hæreticos, auxiliares, Consiliatores, Receptatores, & Fautores eorum debitum sui officii diligentius exequantur: quos puniri volumus sententiis, pænis, & multis, illatis ipso jure, & inferendis per Apostolicas Canonicas Ecclesiasticas & Secularium Principum Sanctiones; præsertim quondam Frederici olim Romanorum Imperatoris tempore, quo idem in devotione Romanæ Ecclesiæ persistebat, contra Hæreticos, seu quorumcumque ratione pravitatis hæreticæ ordinatas.

Datum Anagninæ Kalendis Augusti Pontificatus nostri anno secundo.

Datum die 1.  
Augusti 1296  
P. An. II.

## X.

Ex Regest. in  
Arch. Vatic.

Sardinia, & Corsica Aragonum Regi Jacobo jure beneficiario tradita, sub annua præstatione duorum millium Marcharum argenti Sedi Apostolicæ.

Bonifacius Episcopus, Servus Servorum Dei, Charissimo in Christo filio Jacobo, Sardinia & Corsicæ regi Illustri, salutem & Apostolicam benedictionem. Ad perpetuam rei memoriam.

Exordium ab  
auctoritate, &  
stabilitate Sedis  
Apost. peti-  
tum.

**S**uper Reges & Regna positi ex divinæ præminencia potestatis, de ipsis opportune disponimus, prout commodius ex alto prospicitur, actionum se qualitas ingerit, & judicium sanioris inspectionis inducit. Nunquam enim in ipsis evellimus, de gente in gentem propter culpas & dolos solia transferendo regnantium: interdum plantamus & colimus, caros filios & devotos Almæ Matris Ecclesiæ ad nova Regnorum præficiendo dominia, ut, eradicatis vitiis, & plantatis virtutibus, laudetur virtus Altissimi in Ecclesia sponsa sua, quam sic supra petram fidei soliditate fundavit, ei tribuens in confessionis Apostolicæ fortitudine fundamentum, ut ipsam factu novæ prolis amplifcet, & ei nec procella turbinis, nec pravalere possit spiritus tempestatis.

Bonifacii erga  
Jacobum  
Regem amor.

§. 1. Sane ad genus tuum, ex quo prodierunt filii benedictionis & gratiæ, dirigentes intuitum considerationis interne, Tibi de regione dissimilitudinis redeunti brachiis paternæ affectionis accumbimus, & Te solidæ charitatis amplexu pressius osculamur; Et quo plus tuæ ferventis devotionis affectum erga Nos, & ipsam Ecclesiam, a cujus olim unitate recesseras, oculate & attente conspiciamus, eo potius erga Te ipsius benignitas excitatur Ecclesiæ, & nostræ dilectionis sinceritas incalescit.

§. 2. Ad honorem igitur Dei Patris Omnipotentis, & Filii, & Spiritus Sancti, ac Beatæ & Gloriosæ semperque Virginis Mariæ,

Beatorum quoque Apostolorum Petri, & Pauli, necnon & Sanctæ Romanæ Ecclesiæ, de Fratrum nostrorum consilio, & assensu, Regnum Sardinia, & Corsicæ, quod ipsius Ecclesiæ juris, & proprietatis existit, cum juribus omnibus, & pertinentiis suis Tibi, & tuis hæredibus, ex tuo & ipsorum corporibus legitime descendentibus utriusque sexus natis jam, & etiam nascituris, in perpetuum feudum gratiose conferimus, & ex Apostolicæ Sedis liberalitate concedimus, & donamus sub modo, forma, tenore, & conditionibus, seu conventionibus contentis præsentibus, a nobis, nostrisque successoribus canonice intransibilibus, & dicta Romana Ecclesia tenendum in Feudum, & per cuppam auream Te de eodem præsentialiter investimus: Ita quod tam Tu, quam quilibet tuorum hæredum in dicto Regno, pro ipso Regno Sardinia, & Corsicæ nobis, & ipsi Romanæ Ecclesiæ præstabis, & præstare tenebimini Ligium homagium, Vassallagium plenum, & fidelitatis juramentum sub forma inferius adnotata; Et pro eodem Regno Sardinia, & Corsicæ supradicto nobis, & eidem Ecclesiæ servire infra Italiam sitis adstricti de centum Equitibus decenter armatis cum uno Equo ad arma, & duabus Equitaturis ad minus per quemlibet, & quingentis Peditibus, inter quos sint saltem centum Balistarii de bonis Balistis armati & muniti; & reliqui Pedites suo modo sint convenienter armati: & tam Equites quam Pedites sint Incolæ Terræ vestræ, in Aragonia, vel Cathaloniam, vel aliis Partibus eisdem adjacentibus constitutæ, cum sumptibus, gagiis, & expensis vestris per Trimestris temporis spatium, a die, quo ipsi Equites, & Pedites intrabunt Terram Ecclesiæ, computandum. Erit autem in potestate Romani Pontificis, seu dictæ Ecclesiæ prædictos Equites, & Pedites ultra præfati Trimestris temporis spatium ad similia sumptus, gaggia, & expensas ipsius Ecclesiæ, si plus eos vel ipsorum aliquos voluerit retinere. Et si Romanus Pontifex, vel ipsa Ecclesia maluerit dictum servitium Equitum, & Peditum commutare totaliter cum stolio, vel certo numero Galearum, seu Vasorum Marinorum armatorum intra Maritimam Italia, possint hoc facere; & Tu, & hæredes ipsi commutationem eandem facere teneamini, & sitis adstricti, dando infra ipsam Maritimam quinque Galeas bene guarritas, munitas, & armatas de bonis hominibus, & aliis opportunis vestris expensis per tres menses, computandos a die, quo ingressæ fuerint Maritimam Italia, Terris Ecclesiæ supradictæ vicinam: quas munitas taliter ultra dictos tres menses ad similia gaggia, & expensas suas si Romanus Pontifex, vel Ecclesia ipsa voluerit, poterunt retinere; Præstabis autem, & præstare tenebimini supradicta servitia Equitum, Peditum, & Galearum, ut superius est expressum, semel in anno, quodcumque indigebit Romanus Pontifex, seu Romana Ecclesia: de quo ipsius Romani Pontificis, vel ipsius Ecclesiæ simplici verbo credetur.

§. 3. Et insuper tam Tu, quam quilibet tuorum Hæredum in dicto negotio Sardinia, & Cor-

Eum de Sardinia, & Corsica investit; sub nonnullis conditionibus

Militum numerus in Ecclesiæ obsequio sustentandus.

Quâ ratione terrestres copiae cum maritimis commutandæ.



Census An-  
nuus.

Corficæ pro ipso Regno Censum duorum mil-  
lium marcarum argenti bonorum & legalium  
sterlingorum, ubicumque Romanus Pontifex  
fuerit, ipsis, Romano Pontifici, qui erit pro  
tempore, & Ecclesiæ, vel ipsi Ecclesiæ, u-  
bi ipsa fuerit, Sede vacante, recipienti pro  
futuro Pontifice, & proportionem, Collegium  
ipsius Ecclesiæ Cardinalium contingente, in  
Festo Beatorum Apostolorum Petri, & Pauli  
annis singulis integraliter pro dicto Regno  
Sardinia, & Corficæ persolveritis: ad quem Cen-  
sum, ut præmittitur, persolvendum, tam Tu,  
quam quilibet hæredum tuorum in dicto Re-  
gno tenebimini, & sitis astricti. Si vero Tu,  
vel quicumque hæredum tuorum in ipso Re-  
gno, statuto termino non solveritis integre,  
ut præmittitur, Censum ipsum; & expectati  
per quatuor Menses, terminum ipsum imme-  
diate sequentes, de illo ad plenum non satis-  
feceritis, eo ipso eritis excommunicationis vin-  
culo innodati: Quod si tam in secundo termino,  
quam infra subsequentes alios quatuor menses,  
eundem Censum sine diminutione qualibet non  
persolveritis, totum Regnum Sardinie, & Cor-  
ficæ erit Ecclesiastico suppositum interdicto:  
Si vero nec in tertio termino, nec infra alios  
quatuor menses proximos, per plenam satis-  
factionem ejusdem Census Tu, & Hæredes tui  
vobis duxeritis consulendum, ita quod, transactis  
eodem tertio termino & quatuor proxime  
sequentibus mensibus, non sit de hujusmodi  
Censu primi termini ipsi Ecclesiæ integre sa-  
tisfactum, ab eodem Regno Sardinia, & Cor-  
ficæ ipso jure cadatis ex toto, & Regnum  
ad Romanam Ecclesiam ejusque dispositionem  
integre, ac libere revertatur. Nihilominus  
pro singulis duobus millibus marcarum sin-  
gulorum terminorum, si simili modo in eo-  
rum solutione cessaveritis, vel illa non sol-  
veritis, Tu, & quivis tuorum hæredum in  
dicto Regno Sardinia, & Corficæ penas simi-  
les incurratis, salvo aliis penis processibus  
& sententiis, quæ vel qui de jure inferri vel  
haberi seu proferri poterunt per Romanum  
Pontificem, vel Sedem Apostolicam specia-  
liter in hoc casu. Sed ad Censum ipsum sol-  
vendum, & ad ipsum servitium exhibendum  
dictæ Ecclesiæ tunc teneamini cum effectu,  
cum Tu, vel hæredes tui in dicto Regno Sar-  
dinia, & Corficæ ipsius Regni, vel majoris par-  
tis ejus fueritis possessionem adepti.

Ex nunc pro-  
mulgantur  
penæ in Re-  
gem si condi-  
tionibus hisce  
non satisfacere-  
rit.

§.4. Cæterum, quia in quibusdam articu-  
lis, seu Capitulis, formæ, tenoris seu condi-  
tionum, vel conventionum ipsorum, præ-  
sentibus contentorum, expressius continetur,  
quod in certis casibus Tu, & tui in eodem  
Regno hæredes excommunicationis senten-  
tiam incurratis, & dictum Regnum sit Ec-  
clesiastico suppositum Interdicto, quodque  
tam Tu, quam hæredes ipsi cadatis a Regno,  
seu sitis Regno ipso privati; Nos ex nunc  
hujusmodi Sententias, videlicet excommuni-  
cationis in Te, ac eosdem hæredes, & Inter-  
dicti in præfatum Regnum Sardinia, & Cor-  
ficæ, & privationis Regni ejusdem, si Tua  
vel ipsorum culpa hujusmodi casus emerse-  
rit, de dictorum Fratrum nostrorum consi-  
lio auctoritate Apostolica promulgamus.

Bull. Rom. Tom. III. Par. II.

§.5. In succedentibus vero Tibi, tuisque  
Hæredibus circa successionem tuam, tuorum-  
que hæredum in dicto Sardinia, & Corficæ  
Regno forma adicitur, & servabitur infra scri-  
pta, videlicet quod ille, vel illa dumtaxat,  
qui, vel quæ Tibi, tuisque Hæredibus in Ara-  
gonia Regno debet succedere, in dicto  
Sardinia, & Corficæ Regno succedat, & non  
alius vel alia; ita quod unus & idem sit Rex  
Regni Aragonie, & Regni Sardinia, & Corfi-  
cæ prædictorum: & in suis casibus, ubi ad  
successionem Fæmina admitteretur, utrius-  
que Regni eadem sit Regina: & si in Tuo  
vel hæredum tuorum obitu, legitimos hæ-  
redes, prout sequitur, Te, & ipsos, quod ab-  
sit, non habere contingat, de Tuo, vel ip-  
sorum Corporibus legitime procreatos; Re-  
gnum ipsum Sardinia, & Corficæ ad Roma-  
nam Ecclesiam supradictam, & ejus disposi-  
tionem libere revertatur. Descendentes au-  
tem ex Te, & tuis Hæredibus Sardinia, & Cor-  
ficæ Regibus, ex Tuo vel ipsorum Corpori-  
bus de legitimo Matrimonio nati, Mares, &  
Fæminæ in eodem Regno succedent, Sic ta-  
men, quod de Liberis pluribus Maribus in  
eodem gradu per eandem lineam concu-  
rentibus Primogenitus, & de pluribus Fæmi-  
nis similiter primogenita, & de Mare & Fæ-  
mina in eodem gradu similiter concurrenti-  
bus Masculus omnibus aliis præferatur: sed  
nec Mares, nec Fæminæ illegitime natæ suc-  
cedant. Quod autem de Fæminis rectæ lineæ  
dicitur, intelligendum est tam de nuptis quam  
etiam de innuptis; dummodo tamen nuptæ  
sint Fidelibus, & Ecclesiæ Romanæ devotis.  
Et sicut inter has personas gradum servari  
volumus, ut scilicet prior gradu posteriori  
gradu præferatur; sic & in eodem gradu,  
pluribus concurrentibus, priorem natum po-  
steriori, & marem Fæminæ in hujusmodi  
successionibus volumus anteferri; Personarum  
autem hujusmodi nulla superflite, Regnum  
ipsum Sardinia, & Corficæ ad Romanam Ec-  
clesiam, & ejus dispositionem libere rever-  
tatur. Quod si forte, deficientibus Masculis  
contigerit fæminam innuptam in Regno ipso  
succedere, illa maritabitur personæ, quæ ad  
ipsius Regni regimen & defensionem existat  
idonea, Romani tamen Pontificis prius super  
hoc consilio requisito: nec nubet nisi viro  
Catholico, & Ecclesiæ Romanæ devoto: & si  
contra hoc fieret, licebit eidem Romano Pon-  
tifici contra ipsam ad privationem Regni Sar-  
dinia, & Corficæ de plano sine strepitu & fi-  
gura Judicii, & absque omni Juris solemnitate,  
in quacumque ætate Filia ipsa consisteret,  
procedere, si hoc ei videbitur expedire.  
Verumtamen quodcumque, Te vivente,  
vel quovis tuo hærede in eodem Regno Sar-  
dinia, & Corficæ vivente, Tu, vel quis hæ-  
redum tuorum in ipso Regno, volueritis cum  
consensu expresso Summi Pontificis, & Roma-  
næ Ecclesiæ de persona, quæ Tibi, vel ei  
successura sit in prædicto Regno Sardinia, &  
Corficæ, aliter ordinare, illud de hujusmodi  
persona successura servabitur, quod per Te,  
vel per quemvis hæredum tuorum in ipso  
Regno cum consensu expresso Romani Pon-  
tifi-

Ordo succes-  
sionis servan-  
dus qualis, &  
quo casu re-  
gna hæc ad  
Ecclesiam de-  
volvuntur.De successio-  
ne per fæmi-  
nas.



Sardicum &  
Corficum re-  
gna inter plu-  
res hæredes  
non dividen-  
da.

tificis & Romanæ Ecclesiæ, fieri vel ordinari continget. Ad hæc tam Tu quam tui in Regno ipso hæredes, Regnum ipsum Sardinia, & Corficæ nullatenus dividatis, sed semper illud unus tantum sub ipsis modo, & forma, tenore, conditionibus, & conventionibus, immediate, ac in capite a Nobis, ac successoribus nostris, & ab ipsa Romana tenebit Ecclesia.

§.6. Forma vero juramenti fidelitatis, Vassallagii, ligii, & Homagii, quæ tu in nostra præsentia facies, & præstabis pro Regno Sardinia, & Corficæ sæpedito, & quam præstari & fieri volumus, ac servari a tuis Hæredibus in eodem, verbis competenter mutandis, talis est.

Forma juramenti Sedi Apost. per reges præstandi.

§.7. Ego Jacobus, Dei & Apostolicæ Sedis gratia Rex Sardinia, & Corficæ, plenum vassallagium fidelitatem, & ligium homagium faciens, & juramentum præstans pro dicto Regno Sardinia, & Corficæ, ab hac hora in antea fidelis & obediens ero Beato Petro & Domino meo Domino Bonifatio, Divina Providentia Papæ Octavo, suisque Successoribus canonice intrantibus, Sanctæque Apostolicæ Romanæ Ecclesiæ: Non ero in consilio, aut consensu, vel facto, ut vitam perdant, aut membrum, aut capiantur mala captione: Consilium, quod mihi credituri sunt per se, aut per nuncios, sive per Literas, ad eorum damnum me sciente nemini pandam; & si scivero fieri, vel procurari, sive tractari aliquod, quod sit in ipsorum damnum, illud pro posse impediam; & si impedire non poterō, illud eis significare curabo: Papatum Romanum, & Regalia Sancti Petri, tam in Regno prædicto, quam alibi existentia, adiutor eis ero ad retinendum defendendum & recuperandum, & recuperata manutenendum contra omnem hominem: Universas & singulas conditiones, modos, seu formas, & tenores, contentos in literis concessionis dicti Regni Sardinia, & Corficæ, ac omnia & singula, quæ continentur in eisdem Literis, plenarie adimplebo, & inviolabiliter observabo; nec ullo unquam tempore veniam contra illa: sic me Deus adjuvet, & hæc Sancta Dei Evangelia: Similia autem fidelitatem, Vassallagium plenum, & Homagium Ligium, & juramentum renovabis, facies, & præstabis unicuique Romano Pontifici, & dictæ Ecclesiæ infra annum a die, quo in Romanum Pontificem electus fuerit, computandum: Et similia præstabit, faciet, & similiter renovabit, & facere, præstare, & renovare tenebitur unusquisque hæredum tuorum in dicto Regno unicuique Romano Pontifici, qui erit pro tempore, & ipsi Romanæ Ecclesiæ secundum formam præscriptam, nomen Romani Pontificis, qui tunc erit, & suum proprium exprimendo; Sed postquam Tu, & hæredes tui in Regno Sardinia, & Corficæ sæpedito præstiteritis, & feceritis personaliter juramentum, fidelitatem, homagium, seu Vassallagium, secundum prædictam formam uni Romano Pontifici, per vos ipsos alii Romano Pontifici non astringimini personaliter præstare & facere; dummodo illa præstetis & faciatis infra annum per

Idem juramentum singulis Pontificibus renovandum.

idoneum vel idoneos substitutos, ad hoc plenum mandatum habentes: & si plus placuerit Romano Pontifici vel Romanæ Ecclesiæ, juramentum, fidelitatem, vassallagium, & homagium prædicta, præstabitis & facietis Tu & hæredes tui nomine Summi Pontificis & Romanæ Ecclesiæ illi vel illis, quem vel quos ad hoc specialiter ipse Romanus Pontifex, vel sedes eadem, deputabit. Quandocumque vero Tu, vel hæredes tui in Regno prædicto prædicta juramentum, fidelitatem, vassallagium, & homagium præstabitis & facietis per vos vel alium seu alios, ut superius continetur, dabitis infra mensem post Romano Pontifici, & eidem Ecclesiæ Patentes Literas vestras, aurea Bulla bullatas, prædictos & infrascriptos modos, conventiones, conditiones, tenorem, & formam acceptantes expresse; & formam, dictorum Homagii, & juramenti fidelitatis, & vassallagii similiter & specialiter exprimentes. Sane omnibus Ecclesiis tam Cathedralibus, quam aliis Regularibus & Sæcularibus, nec non & omnibus Prælati, & Clericis, ac universis Personis Ecclesiasticis sæcularibus, & Religiosis, & quibuslibet Religiosis locis dicti Regni Sardinia, & Corficæ libere dimittantur & conserventur integre omnia bona, & jura eorum. Omnes insuper Ecclesiæ tam Cathedralis quam aliæ Regulares, & Sæculares, nec non & omnes Prælati & Clerici, ac universæ personæ Ecclesiasticæ Religiosæ & Sæculares, ac quæcumque Religiosa loca cum omnibus Bonis suis in electionibus, postulationibus, nominationibus, provisionibus, & omnibus aliis plena libertate gaudebunt; nec ante electionem, sive in electione, vel post, regius assensus vel consilium aliquatenus requiratur; quam utique libertatem Tu, & tui in eodem Regno hæredes semper manutenebitis, & manuteneri & conservari facietis ab omnibus subditis vestris; dictæque Ecclesiæ & personæ utentur libere omnibus Bonis, & juribus suis, salvo Tibi, & tuis in Regno ipso hæredibus jure patronatus in Ecclesiis in tantum, quantum in hoc Patronis Ecclesiarum canonica Instituta concedunt, in illis dumtaxat Ecclesiis, in quibus Tibi, tuisque hæredibus jus patronatus competere dignoscetur. Omnes etiam causæ, ad forum Ecclesiasticum, pertinentes, libere & absque ullo impedimento agitabuntur, tractabuntur, & ventilabuntur coram suis Ordinariis, & aliis Ecclesiasticis Judicibus, & terminabuntur per eos: Et si ad sedem Apostolicam super hujusmodi causis appellari contigerit, tam appellantes quam appellati ad eandem venire sedem, pro appellationum prosecutionibus libere & absque inhibitione aliqua permittantur. Omnibus insuper Capitulis, Collegiis, Conventibus, & personis Ecclesiasticis Religiosis & Sæcularibus, ac Communitatibus, vel Universitatibus, & personis Sæcularibus quorumcumque locorum dicti Regni; cujuscumque conditionis, & status extiterint, quoties per Te, vel aliquem Hæredum tuorum tuos Officiales vel ministros, aut alicujus eorum senserint se gravatos, ad Apostolicam Sedem liberum super hoc liceat habere recursum: nec

Libertas Ecclesiarum servanda.

Ecclesiasticorum causæ ab Ordinariis cognoscendæ.



nec præstabitur eis obstaculum, quominus libere, & secure recurrant. Sacramenta vero fidelitatis, seu assurationis præstabuntur secundum antiquam & rationabilem consuetudinem, prout Canonica Instituta permittunt, ab illis Ecclesiarum Prælatiis, quorum Prædecessores illa antiquitus soliti sunt præstare.

Antiquæ laudabiles servandæ consuetudines.

§.8. Ab illis autem Prælatiis & Ecclesiis, qui temporalia bona tenent, si qui tamen sunt, qui huiusmodi bona teneant; a Domino dicti Regni, & aliis Dominis temporalibus, & qui ratione huiusmodi Bonorum ab antiquo consueverunt Regibus, vel aliis Dominis temporalibus, in dicto Regno Sardinia, & Corsica constitutis, servitia exhibere, huiusmodi honesta & antiqua servitia eis secundum rationabilem & antiquam consuetudinem, & sicut Instituta patiuntur Canonica, impendantur: Salva semper circa Ecclesias Cathedralis, & alias Regulares, & Sæculares, ac personas, & loca Ecclesiastica, tam in faciendis provisionibus, & electionibus confirmandis, quam in omnibus quibuscumque aliis, Romani Pontificis, & Ecclesiæ Romanæ jurisdictione, ac autoritate plenaria, & libera potestate.

Leges contra libertatem ecclesiasticam late revocandæ.

§.9. Revocabis quoque omnes Constitutiones, seu leges, vel statuta, per Reges seu Principes sæculares Sardinia, & Corsica editas contra Ecclesiasticam libertatem; nec statuta vel Constitutiones aliquas Tu, vel aliquis hæredum tuorum in dicto Regno edetis, aut promulgabitis, per quæ, seu quas iuri, & libertati Ecclesiasticæ derogetur.

Aliæ conditiones.

§.10. Promittes etiam, quod Tuo, vel hæredum tuorum tempore nullus Clericus vel persona Ecclesiastica eiusdem Regni in Civili vel criminali causa convenietur coram Iudice Sæculari, nisi super Feudis Iudicio petitorio conveniatur civiliter, quatenus Canonica Jura permittunt: sed omnibus Ecclesiis, & personis Ecclesiasticis conservetur libertas; nisi sit de illis personis, de quibus iura permittant.

Nova tributa Ecclesiis non imponenda.

§.11. Nullas insuper, Tu aut quivis alius tuus in Regno Sardinia, & Corsica heres Tallias imponetis Ecclesiis, Monasteriis, Clericis, & Viris Ecclesiasticis, vel rebus seu Vassallis eorum; & in Ecclesiis vacantibus Tu, vel tui in prædicto Regno hæredes nulla habebitis Regalia, nullosque fructus, redditus, & proventus, nullas etiam obventiones, ac nulla prorsus alia percipietis ex eis; nihilominus custodiâ earundem Ecclesiarum, iurium, & bonorum ipsarum interim liberâ remanente penes personas Ecclesiasticas iuxta Canonicas Sanctiones; salvis Tibi dictisque hæredibus iisque Tibi vel eis, tanquam Regi vel Domino temporali, competerent ex præscriptione legitima, consuetudine antiqua & rationabili, privilegiis legitimis, aut aliis de iure quibus iura divina vel canonica non obstant.

§.12. Iudices vero, Comites, & Barones, Milites, & personæ ceteræ sæculares Regni eiusdem tam magnæ quam parvæ in suis bonis, iuribus, rationabilibus & laudabilibus consuetudinibus servabuntur: & tam Tu, quam tui in prædicto Regno hæredes per vos vel alium seu alios exercebitis regimen dicti Regni secundum

iura civilia, quibus Canonica instituta non obviant, & laudabiles consuetudines: salvis regiminibus Ecclesiarum, vel sæcularium personarum competentibus eis de approbata & laudabili consuetudine, privilegiis legitimis, aut alias de iure.

§.13. Omnes captivos & obsides, præsertim Romanos, & alios de Terra Ecclesiæ oriundos, si quos Tu, vel tui in dicto Regno Hæredes tempore, quo acquiretis dictum Regnum Sardinia, & Corsicæ, invenietis in eo, ad mandatum Romani Pontificis seu Romanæ Ecclesiæ restituetis pristinae libertati; vel de eis facietis, quod dictus Romanus Pontifex, vel Romana Ecclesia ordinabunt.

Obsides Romani liberaandi.

§.14. Nullam etiam confederationem, seu pactionem, vel Societatem cum aliquo Imperatore, vel Rege, seu Principe, vel Barone Christiano vel Græco, aut Saraceno, vel cum aliqua Provincia, seu Civitate, vel Communitate, aut loco aliquo seu personis, scienter contra Romanam Ecclesiam Tu, vel tui in eodem Regno Hæredes in damnum Ecclesiæ facietis: & si etiam feceritis ignoranter, teneamini ad mandatum Romani Pontificis, seu Romanæ Ecclesiæ revocare. Et tam Tu, quam tui in eodem Regno Hæredes amicos & devotos Ecclesiæ habebitis pro amicis & pro devotis: & inimicos & indevotos Ecclesiæ pro indevotis habebitis, nec Emulis seu Inimicis Ecclesiæ auxilium dabit, consilium, vel favorem.

Fœdus contra Rom. Ecclesiam non faciendum.

§.15. In Urbe urbisque districtu, seu in circumposita regione, aut in Provinciis, Civitatibus, Terris, seu locis, Romanæ Ecclesiæ subiectis, non recipietis vel assumetis aut acquiretis dominium, regimen, seu Rectoris officium, quocumque nomine censeatur: nec de occupandis, vel recipiendis, aut capiendis, vel subiugandis eisdem, seu aliis bonis, & iuribus eiusdem Ecclesiæ Tu, & quivis tuorum hæredum intromittetis vos publicè, vel occulte, scienter: quod si contra feceritis ignoranter, & moniti ab ipsa Ecclesia, non desisteritis, cadetis a iure dicti Regni Sardinia, & Corsicæ ipso facto; & eritis illo privati; & Regnum ipsum ad Romanam Ecclesiam liberè devolvatur.

In Urbe, aut ejus Provinciis nulla Præfectura admittenda.

§.16. Quod si fortè contingeret, Te, vel hæredes tuos in prædicto Regno Sardinia, & Corsicæ Successores, in Regem vel Imperatorem, Romanorum, seu Regem Theutoniæ eligi vel assumi, electus vel assumptus nullo modo dictum Regnum Sardinia, & Corsicæ cum dictis Imperio & regimine valeas vel valeant retinere: & si moniti ab ipsa Ecclesia, dicta Imperium & Regna Romanorum seu Theutoniæ non dimiseritis, a Jure dicti Regni Sardinia, & Corsicæ ipso facto cadetis ex toto; ac Regnum ipsum ad Romanam Ecclesiam liberè devolvatur: nisi forte Tu, vel idem electus aut assumptus Filium habeat successurum sibi in Regno Aragoniæ; quem, si voluerit emancipare, legitime poterit, sine fraude renunciando dicto Regno Sardinia, & Corsicæ, nihil unquam juris habiturus in eo publicè, vel occultè; & dicta Regna Romanorum seu Theutoniæ ac Imperium retinere. Quod si contra Tu, vel tui in prædicto Regno Sardinia, & Corsicæ hæredes, feceritis, & moniti ab ipsa Ecclesia,

Sardinia Rex Rom. Imperii spe exclusus.

non



non defiteritis, a iure dicti Regni Sardiniae, & Corsicae, ipso facto cadatis, & Regnum ipsum ad Romanam Ecclesiam liberè devolvatur. Ad hæc, ut Tibi plus præsidii & favoris accrescat, Te, Regna, & bona tua stabilia, ubilibet constituta, sub Beati Petri & nostra protectione suscepimus; disponentes, Te & ipsa gladio spirituali defendere ac tueri, prout expediens esse videbimus, & tibi fuerit opportunum. Demum in nostra præsentia confiteberis, & recognoscas expresse, ex gratia & liberalitate nostra & dictæ Ecclesiæ dictum Regnum Sardiniae, & Corsicæ Tibi, tuisque hæredibus fore concessum in Feudum; & sic Te illud recipere, vel recepisse sub conditionibus, conventionibus, sive pactis, modo, tenore ac forma, quæ in præsentibus nostris literis continentur: quos per stipulationem solemnem, promittes & iurabis, Te inviolabiliter servaturum; pro quibus etiam servandis dictum Regnum Sardiniae, & Corsicæ, iura tibi in eo competentia, & competitura, & bona tua, quæ ibidem consistent, Nobis, & ipsi Ecclesiæ obligabis: & promittes nihilominus, quod Successores tui, hæredes in dicto Regno Sardiniae, & Corsicæ, eo tempore, quo facient & præstabunt vassallagium, homagium, & fidelitatis iuramentum sub forma prædictâ, similia confessiones, recognitiones, promissiones, iuramentum, & obligationes facient & præstabunt Romano Pontifici, qui erit pro tempore, & Ecclesiæ supradictæ.

§. 17. Insuper tam Tu, quam quilibet heredum tuorum in dicto Regno Sardiniae, & Corsicæ, illis temporibus, quibus feceritis & præstiteritis vassallagium, homagium, & fidelitatis iuramentum pro eodem Regno Sardiniae, & Corsicæ, dabis infra mensem post privilegium seu literas, Aureâ Bullâ bullatas, in quo vel quibus fatebimini, & recognoscetis expresse, dictum Sardiniae, & Corsicæ Regnum, a Nobis, & Romana Ecclesia recepisse in Feudum, sub conditionibus, conventionibus, modo, & forma, atque tenore, quæ in præsentibus nostris literis continentur: quos tenorem, modum, conditiones, conventiones, & formam promittetis vos inviolabiliter servaturos; pro quorum observantiâ obligabitis vos, & dictum Sardiniae, & Corsicæ Regnum, Jura & bona vobis competentia & competitura in eo.

§. 18. Omnium autem prædictorum, & quæ in præsentibus literis nostris continentur declaratio & interpretatio, quoties opus fuerint, faciendæ, ad Romanum Pontificem, seu ad Romanam Ecclesiam pertinebunt, quotiescumque super ipsis vel eorum aliquo, vel aliquibus ambiguitatis aliquid vel dubii oriri contingeret: cujus Romani Pontificis, vel Romanæ Ecclesiæ interpretationi & declarationi stabitur verbo seu literis, prout ipsis Romano Pontifici, vel Ecclesiæ placuerit faciendis. Nulli ergo omnino hominum liceat, hanc paginam, nostrarum collationis, concessionis, donationis, investituræ, promulgationis, & voluntatis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus, se noverit incursum.

Datum Romæ apud Sanctum Petrum secundo nonas Aprilis, Pontificatus nostri anno Tertio.

## XI.

Erectio Prioratus S. Antonii Viennen., ubi ejus corpus requiescit, in Abbatiam, & institutio illius Prioris in Abbatem data Regula S. Augustini, & habitu cum signo T. quod potentiam vocant.

Bonifacius Episcopus, Servus Servorum Dei. Dilectis filiis Priori & Conventui Monasterii S. Antonii, ad Romanam Ecclesiam nullo medio pertinent. Ordinis S. Augustini Viennen. Diocesis. Salutem & Apostolicam benedictionem.

**I**N dispositione Ministrorum Ecclesiæ Dei nobis creditæ potissimum considerare nos expedit, tempus, causas, personas, & loca, secundum quæ pro emergentibus negotiis nova sunt consilia capienda. Et licet ex multarum inopinabilium diversitate causarum iugiter emergentium continua reddamur attentione solliciti, & profundis circa illa vigiliis excitemur, ne desit Apostolicæ sollicitudinis studium, ubi pastorale tenemur iniunctum nobis officium exercere; in eo tamen præcipue studiorum nostrorum sedulitas officiosa versatur, quod ad curam omnium Ecclesiarum & locorum ac religiosorum maxime, quorum (licet immeriti) regimini præsidemus, opportunam solertiam, & solertem diligentiam impendamus, ut gratia cooperante divina, sic eorum statui salubriter consulatur, quod expiatis dissidiis, & perturbationibus, ab eisdem præserventur innoxii, quietis ubertate latentur, & rectoribus providis, cum tempus provisionis occurrit, eorum regimen committatur.

§. 1. Sane inter dilectos filios Abbatem & Conventum Monasterii Montis majoris ad Romanam Ecclesiam nullo medio pertinentium, Ordinis S. Benedicti Arelaten; Diocesis ex parte una, & dilectum filium Aymonem Abbatem Monasterii S. Antonii ad eandem Romanam Ecclesiam nullo medio pertinentis, Ordinis S. Augustini, Viennen. Diocesis, tunc Magistrum, necnon prædecessores suos Magistros, & Fratres Hospitalis S. Antonii ejusdem Dioc. Viennen. ex altera, tam super Prioratu S. Antonii ejusdem Dioc. tunc ad ipsum Monasterium Montis majoris pertinentis, quam super votis, & promissis ipsi S. Antonio factis, & legatis in testamentis relictis ejusdem, aliisque diversis articulis fuscitata, instigante generis humani inimico jam dudum gravi materia quæstionis, ex qua olim strages corporum, animarum pericula, & eorum grandia discrimina pervenerunt, & pervenire poterant in futurum, nisi Sedis Apostolicæ circumspècta providentia, cujus interest singulorum, prout est possibile, præcave-

Præmium.

Controversia inter Abbates Montis majoris Arelaten. & S. Antonii Viennen. exorta super hoc Prioratu.

Regnum ipsum in cautionem dandum.

Dandaque a Rege Bulla &c.

In dubiis declarationi Rom. Pontificis standum.



re periculis, super his opportunum remedium adhiberet.

§. 2. Nos, qui Regis pacifici existentes Ministri, ut commissum nobis ministerium digne implere possimus, quietem & pacem inter universos sollicitudini nostræ commissos, intentæ sollicitudinis studio, votisq; ferventibus procuramus, præacta discrimina sedula meditatione pensantes, & attendentes, quod nondum hujusmodi potuerat discriminibus obviari, licet per aliquos diversæ compositiones, sive ordinationes, diversis temporibus pro danda pace partibus hinc inde factæ fuissent, diligentia excitati paterna, quæ consiliis providis filios libenter fovet & dirigit, illo cogitato remedio in hac parte, per quod superni favoris dextera suffragante, finis prædictæ imponeretur discordiæ, ac via deinceps præactis discriminibus tolleretur, de fratrum nostrorum consilio, & assensu prædictum Prioratum cum omnibus Ecclesiis, membris, juribus & pertinentiis suis existentibus ubicumque ab omni spiritali, & temporali potestate, jurisdictione, dominio, subjectione, jure, obedientia & dispositione quacumque prædicti Monasterii Montis majoris, nec non Abbatis, & Conventus, & personarum ejusdem, de Apostolicæ Sedis plenitudine potestatis omnino duximus eximendum, ipsumque ab eis decernimus esse liberum penitus & exemptum; Priorem, Monachos, & Conversos, & alios quoscumque si qui existant in ipso Prioratu per Abbatem & Conventum eisdem, vel eorum mandato seu auctoritate per alios forsitan deputatos ab eo totaliter amovendum, eisque Priori, Monachis, & Conversis præcipiendum, ut ad dictum Monasterium redire curarent, inibi Domino servituri.

§. 3. Et quia Prioratum eundem propter ipsius B. Antonii reverentiam, cujus gloriosa merita per Universas Ecclesias in hujus Orbis latitudine constitutas manifestius innotescunt, cujusq; corpus, sicut fama celebris misit ad posterum, & innumera, quæ per eundem Sanctum ibidem Dominus miracula jugiter operatur, patenter ostendunt, in prioratu ipso quiescit, condignis efferrî honoribus, non tam dignum, quam debitum existimantes, Prioratum ipsum in Abbatiam ereximus, de prædictorum fratrum consilio, & ejusdem plenitudine potestatis, certo Canonico seu fratrum inibi numero constituto.

§. 4. Ac ut dissensionis, & æmulationis cujuslibet occasio inde præcideretur omnino, prædictum Hospitale cum omnibus membris suis, in quibuscumque Mundi partibus constitutis, eorumque pertinentiis & juribus, ipsi subiecimus, & univimus Abbatiam.

§. 5. Auctoritate Apostolica statuentes, ut locus ipse qui Prioratus in antea dicebatur; foret, & appellaretur de cetero Abbatia, & ii qui præessent eidem, nomen semper & dignitatem obtinerent Abbatis, & Abbatiam ipsam, ac dictum Hospitale sibi unitum simul perpetuis futuris temporibus, constitutione vel consuetudine quavis non obstante contraria gubernarent, nec Magistri, vel Domini de cetero, sed Abbates Monasterii S. Antonii tantummodo appellarentur.

§. 6. Quibus universi fratres Hospitalis & membrorum eorumdem, quos Canonicos seu fratres Monasterii S. Antonii volumus, de cetero nuncupari, parerent humiliter in omnibus & intenderent.

§. 7. Quodque in eodem Monasterio S. Antonii, & Hospitali, ac membris eisdem, B. Augustini regula servaretur, & secundum eam, dicti Abbas & Canonici seu fratres perpetuo vivere tenerentur.

§. 8. Habitum vero cum signo T. quod potentiam vocant, in honorem ipsius B. Antonii tam Abbas, quam Canonici seu fratres præfati, juxta morem solitum ipsius Hospitalis semper & ubique portarent.

§. 9. Ipsum quoque Monasterium cum Hospitali prædicto, & omnibus membris, ac bonis suis existentibus ubicumque, & Abbatem, Canonicos, seu fratres ejusdem nunc præsentem atque futuros, ab omni jurisdictione, ac dominio Archiepiscopi, Episcopi, & Ordinarii cujuscumque omnino duximus eximenda. Decernentes ea omnia immediate soli dumtaxat Romano Pontifici subiacere.

§. 10. Et quia erat æquitati & rationi conveniens, ut prædictum Monasterium Montis majoris Nobis, & Ecclesiæ Romanæ immediate subiectum, & Abbatem & Conventum ejusdem sic benigno respiceremus affectu, quod exemptio, amotio & alia, quæ in favorem Monasterii S. Antonii & Hospitalis prædictorum, & propter bonum pacis, & concordiam per Nos ordinata erant, in ipsorum Monasterii, Abbatis, & Conventus Montis majoris non cederent omnino dispendium & jacturam, in recompensationem eorum, quæ præmissorum occasione subtracta noscebantur eidem, certam quantitatem bonorum stabilium in locis idoneis infra certas Provincias, eisdem Monasterio, Abbati, & Conventui Montis majoris, per Abbatem S. Antonii certo modo præcipimus assignari, prout hæc & alia in aliis nostris literis inde confectis plenius continentur.

§. 11. Cum igitur prædicto Monasterio S. Antonii quod per hujusmodi ordinationem nostram, præfectione Abbatis noscitur indigere, sit de Abbate idoneo providendum, Nos de ipsius statu prospero, more patris solliciti propensius cogitantes, & considerantes attentius, quod vix ulli committi posset melius ejus cura, quam prædicto Aymoni, qui loci & personarum condiciones, & statum oculata fide palpavit, & cui, sicut fide dignorum testimonio accepimus, religionis observantia, morum honestas, circumspeditionis industria, & alia dona virtutum multipliciter suffragantur, præfatum Aymonem olim Hospitalis prædicti Magistrum, a vinculo quo ipsi Hospitali tenebatur, hæcenus absolutum, eidem Monasterio S. Antonii de Fratrum prædictorum consilio, in Abbatem præfecimus & pastorem, sibi curam, administrationem, & regimen ipsius Monasterii S. Antonii in spiritalibus & temporalibus committentes.

§. 12. Quocirca universitatem vestram monemus, rogamus, & hortamur attente, & per Apostolica vobis scripta mandamus, quatenus eundem Abbatem benigne recipientes, & honeste

Cui obediant Monachi:

Eis Regulam dat S. Augustini.

Habitum cum signo T. præscribit.

Monasterium, Abbatem &c. soli subicit Rom. Pontifici.

Monasterio Montis majoris de nonnullis compensat bonis.

Novæ Abbatie dat Abbatem.

De obedientia ei præstanda.

Pontifex eisdem Prioratum soli Apostolicæ Sedis subiectum declarat.

Et in Abbatiam erigit.

Eique unit Hospitale.

Addita lege ut Prior Abbas deinde nuncupetur.



neſte tractantes, exhibeatis ei obedientiam, & reverentiam debitam & devotam, ejus ſalubria monita & mandata ſuſcipiendo, devote & efficaciter adimplendo, ita quod mutuo inter vos ac ipſum & ſpirituale poſſit abundare gaudium, & proſperitatis optatæ conſurgere incrementum: alioquin ſententiam quam ipſe propter hoc rite tulerit in rebelles, ratam habebimus, & faciemus auctore Domino, uſque ad ſatisfactionem condignam inviolabiliter obſervari.

Dat. die 18.  
Maii 1297. P.  
An. III.

Dat. Apud Urbem Veterem, 15. Kalendas Junii, Pontificatus noſtri Anno tertio.

## XII.

Canonizatio S. Ludovici Regis Franciæ, Confessoris; Et inſtitutio Feſtivitatis pro die 25. Auguſti quotannis celebrandæ; Ac indulgentiarum elargitio pro viſitantibus ejus ſepulchrum.

Bonifacius Papa VIII. Uniſverſis Chriſti fidelibus Salutem & Apoſtolic. Benedictionem.

Proemium.

**G**loria, laus & honor Patri luminum, à quo eſt omne datum optimum, & omne donum perfectum, à crucis fidei orthodoxæ cultoribus, quorum ſpes tendit ad ſuperos, ſummis & ſedulis devotionis & reverentiæ ſtudiis referatur. Ipſe namque in miſericordia copioſus, liberalis in gratiis, & in retributione munificus, de ſupremis Cœlorum ad ima Mundi oculos ſuæ Majestatis inſpectens, & benigna conſideratione diſcutiens, B. Ludovici quondam Regis Franciæ inclyti, ſuiq. gloriſſimi Confessoris merita grandia, operaq. mirifica, quibus in tempore conſtitutus in ſæculo ceu lucerna luminosa reſplenduit, eaque velut juſtus Judex & retributor laudabilis, dignanter intendens condignis recompenſare muneribus, eum tamquam emeritum, & retributione digniſſimum, poſt vitæ præſentis ergaſtulum & laborioſa Mundi certamina, quæ fervens in divinis obſequiis potenter & patenter exercuit, æthereis ſedibus collocavit, ut ſedeat cum Principibus, & ſolum gloriæ teneat, foelicitatis æternæ dulcoribus potiturus. Exultet igitur Mater Eccleſia & ſolemnia feſtiva concelebre gaudiorum, quod tantum & talem filium genuit, produxit natum, educavit alumnum, jam inter Regum glorioſa cœleſtium agmina rutilantem. Lætetur inquam, & jubilet, ac in laudes Altiffimi voces promat, quod ſobolis tam præcelſe, tam celebris illuſtrata fulgoribus, inſigniis decorata conſpicitur, quæ ſonoris attollenda præconiis, ſummæque venerationis exhibitione colenda, enucleatius aperit, evidentius explicat, illos ad perennis beatitudinis gaudia, & hæreditatis æternæ participium admittendo, qui prædictam Eccleſiam, Matrem fidelium, Sponſam Chriſti, clariſ fidei & operis testimoniis proſitentur, nullosque in ſupernæ patriæ gloriam, niſi per ejus utpote Cœlorum clavigeri miniſterium virtuoſum oſtiis reſeratis altiffimis, introire. Gaudeant incolarum turbæ cæleſtium, de tam ſublimis, tam lucidi habitatoris adventu, quodque ipſis, ex-

pertus probatusque fidei Chriſtianæ colonus cultorque præcipuus aggregatur. Perſonet lætitiæ jubilum civium generoſa nobilitas ſupernorum, quod tanti talisque concivis ſuſcepſiſſe dignoſcitur adiectivum, ac venerabilis Sanctorum cœtus gaudio & exultatione reſſoreat, de nova digniſſimi adhibitione conſortis. Exurge itaque concio fidelium numeroſa, exurgite fidei zelatores, & una cum eadem Eccleſia, laudis uberis hymnum concinite: perfundantur imbre copioſo lætitiæ veſtra præcordia, & foecundo rore dulcedinis arcana pectoris repleantur, de tanta & tam potentis & egregii Principis exultatione terreni, ſpei tutiſſimæ plenitudine præconcepta, quod nobis de condigena terrenorum compatriota cœleſtium jam effectus, apud æterni Patris Filium efficax patronus accrevit, qui pro ſalutis noſtræ proſectibus iam in eius præſentia poſitus, ſolertis exercet officium Oratoris. Porro quis poſſet amplo famine præpotens, quis diſertus quantumlibet aut eloquentiæ nitore coruſcans, ſufficienter exprimere præcelſa ſanctitatis inſignia, & multiplicum excellentiam meritorum, quibus B. Ludovicus prædictus in terris conſtitutus effulſit cum eo plura de ipſius laudabilibus actibus referenda ſe offerant, quo plura calamus exprimit, pandunt labia, lingua pangit. Sed ne ipſorum actuum claritas ſub nubilo lateat, & tenebris obducatur, dignum duximus, ut de illis aliqua ſermo noſter aperiatur, & deducat in publicam notionem.

§. 1. Hic proſecto clariffimus genere, ſublimis potentia, facultatibus opulentus, præcelſus virtutibus, moribus elegans, conſpicuus extitit honeſtate, inhoneſtis & turpibus à ſe penitus relegatis. Nam ſic pudicitæ adhæſit operibus, ſic carnis ſtudit evitare contagia, quod (ſicut habet certa credulitas plurimorum) niſi ei nexus acceſſiſſet uxoris, candore virgineo rutilaſſet. Longo quippe temporis ſpatio prædicti Regni regimini præſuit, ejuſque gubernacula plena curis, provida circumſpectione direxit. Nulli noxiis, non injurioſus alicui, nemini violentus, Juſtitie limites ſummopere ſervavit & coluit, equitatis tramitem non relinquens, perversorum conatus nefarios pænæ debitæ mucrone compeſcuit, malorum molimina conterens, pravorum illicitos auſus frænans, pacis zelator eximius, fervidus amator concordie, promotor extitit ſolicitus unitatis, diſſidia fugiens, vitans ſcandala, diſſenſiones abhorrens, propter quod ſui foeliciſ regiminis tempore, ſedatis undique fluctibus, ſubductis noxiis, turbinibus profugatis, Regni ejuſdem incolis aurora dulciſſuæ tranquillitatis illuxit, lætaque ſerenitas votivæ proſperitatis arriſit.

§. 2. Et ut de vita ipſius aliqua referamus, licet illa quo majori diſpoſitione diſcutitur, examine indagatur, eo referentis afferat guſtui plus dulcoris, mentesque delectet obnixius auditorum. Ab ineuntis ætatis primordiis Dei Filium tenera mentis affectione dilexit, nec diligere deſiit ſtudia continuando ſalubria, dum vitæ ſibi commoditas affuit temporalis; ſed quanto majori proſecit ætate, ac in tempora prolixiora proſiliit, tanto ejus exarſit amore, fervore ſpiritus ampliori.

Nonnulla de  
ejus virtuti-  
bus delibat.

Amor in  
Deum.

§. 3. Hic



A Blanca ma-  
re prudenter  
edacatus :

§. 3. Hic quidem cum esset annorum duo-  
decim, paterno destitutus auxilio, sub clar.  
mem. Blanca Regina Franciæ matris suæ custo-  
dia & gubernatione remansit, quæ circa divina  
obsequia ferventer intenta, cum prudenter di-  
rigere, ac diligenter instruere satagebat, ut  
ad præfati Regni regimen, quod suæ directio-  
nis expetere providentiam noscebatur, dignus  
& sufficiens fieret, idoneus haberetur.

Divinorum  
officiorum re-  
citationi dili-  
gentem navat  
operam.

§. 4. Cumque per incrementa temporum  
idem Rex ætatis annum quartumdecimum  
attigisset, prædicta Regina illi magistrum pro-  
prium deputavit, qui eum scientia literarum  
imbueret, ac bonis moribus informaret, ipse  
que Rex sub ejusdem magistri ferula positus,  
sic ei obediens & reverens existeret, sicque  
illius recipiebat humiliter disciplinam, quod  
superna præventus gratia, profecit laudabili-  
ter in utrisque circa divina sic intentus offi-  
cia, ut nequaquam ipsorum auditione con-  
tentus existeret, nisi ea quæ coram se die  
nocturne a suis faciebat Clericis solemniter  
celebrari, ab ipso cum eorum aliquo atten-  
tius dicerentur.

Terræ Sanctæ  
Recuperatio-  
ni se vovet.

§. 5. Demum successu temporis in anno  
vigesimo constitutus, & quadam sibi ægritu-  
dine superveniente gravatus, a Parisien. &  
Melden. Episcopis assistentibus tunc eidem,  
vivificæ Crucis signaculum in Terræ Sanctæ  
subsidiu sibi cum multa instantia petiit exhi-  
beri. Et licet hoc ei, rationabili causa mo-  
ti, præfati dissuaderent Episcopi, ipse tamen  
utpote fervens spiritu erga Dominum, eique  
votis ardentibus famulari desiderans, illorum  
salubriter dissuasionibus non admissis, signum  
hujusmodi de manu præfati Parisien. Episco-  
pi cum multa lætitia & exultatione suscepit,  
Prælati, nobiles, & militibus pluribus si-  
gnum ipsum assummentibus cum eodem.

Quo magno  
cum appara-  
tu se confert.

§. 6. Et tandem amplo præparato navigio,  
factisque apparatibus aliis, quæ in talibus re-  
quiruntur, cum trigessimum quartum annum  
attigisset ætatis, in prædictum subsidium trans-  
fretavit, N. consortem, & quondam Rober-  
tum Artebaten., Alphonsum Pictaviæ, &  
clar. mem. Carolum Regem Siciliæ, tunc  
Andegaviæ Comites, fratres suos dum adhuc  
viverent secum ducens, multa graviaque pe-  
ricula, quæ solent æquoris fluctus infligere su-  
stinendo.

Captivitatem  
patienter su-  
stinet.

§. 7. Cumque ad partes illas ingenti cir-  
cumfultus potentia pervenisset, & habito de  
Civitatis Damiatæ captione triumpho, pro-  
cessisset ulterius, generali quasi totius ejusdem  
exercitus, sicut Domino placuit, ægritudine  
subsecuta, & aliis adversis urgentibus, præ-  
fatus Rex cum toto fere exercitu supradicto  
in N. Soldani & Saracenorum manus ac po-  
tentiam incidit, multa opprobria multasque  
injurias, quæ inferentium foeda conditio adau-  
gebat, patienter & humiliter tolerando, præ-  
fato Roberto Comite pro fide CHRISTI ab  
illis immaniter interempto.

§. 8. Postmodum autem habito cum Sol-  
dano tunc vivente tractatu de iam dictis Re-  
ge & exercitu liberandis, maxima interve-  
niente pecuniæ quantitate, ipsoque Soldano  
occasione hujusmodi a vassallis propriis inter-

Bull. Rom. Tom. III. Par. II.

fecto, Saraceni qui ejus dominium usurparant,  
ad pecuniam anhelantes eandem, cum mul-  
ta instantia postulabant, ut in conventionibus  
ordinatis concorditer inter partes jurejurando  
firmandis adderetur, quod nisi ipsi pacta serva-  
rent, omnino Machomettum, quem colunt,  
ut dicitur, denegarent, ac idem Rex in suo  
similiter adiiceret juramento, quod & ipse  
Dei negaret Filium, ac extra fidem ejus exi-  
steret, si conventiones prædictæ ab eo mini-  
me servarentur. Quod præfatus Rex prorsus  
abhominans, id efficere constantissime recu-  
savit, quin potius quadam indignatione com-  
motus patenter asseruit, quod talia tam nefan-  
da suis labiis aliquatenus non proferret, ne-  
que in tam vesanam & reprobam prorumpere-  
ret negativam: quamquam id ei jam dicti  
Pictaviæ & Andegaviæ Comites aliq. tunc plu-  
rimi circumstantes instantissime suaderent,  
cum exinde sibi ceterisque Christicolis mor-  
tis periculum verisimiliter imminere conspi-  
cerent, præsertim cum hoc ageretur cum illis,  
qui, sicut præmittitur, Soldanum prædictum oc-  
ciderant, ejus sibi dominium usurpantes, ipse-  
que Regi apertius diceretur, quod nisi in actum  
perduceret, quod petebant, ipsum & suos crucifi-  
gere non differrent, ipsius Regis ad hoc intrepida  
firmaque responsione secuta, quod si Saraceni  
prædicti ejus corpus occiderent, ipsius tamen  
animam non haberent.

§. 9. Sane cum jam dicti passagii tempore,  
post conflictus diversos & varios, validæ fa-  
mis inedia graves, penurias, diraq. vulnera,  
quæ fideles Christi pertulerant, eodem Rege  
tunc temporis fluxum ventris & egritudines  
alias patiente, Christianus reverteretur exer-  
citus Damiatam, Rex ipse nolens ipsum om-  
nino deferere, sed ejus potius clementer in-  
tendens communicare laboribus, & participa-  
re periculis, quæ tunc ex verisimili poterant  
conjectura timeri, illuc rediit cum eodem,  
contra Saracenorum rabiem truculentam in-  
sultusq. nefarios sibi efficax defensionis im-  
pendendo præsidium, ut ab hujusmodi ho-  
stium scelestis insidiis servaretur. Et tandem  
cum Saracenorum ipsorum astuta nequitia, &  
dolosa calliditas, tam grandi bellantium co-  
pia christianum circumdedit exercitum;  
valida tunc, sicut præmittitur, infirmitate  
detentum, ipsumq. tam graviter invasisset,  
quod Regem & exercitum supradictos opor-  
tuit se præfatis reddere Saracenis, ac idem  
Rex nisi facto voluntatis libitum obtinisset,  
navis tunc promptè potuisset evasisse suffu-  
gium, sibiq. hoc plurimi magniq. præsentis  
inibi suaderent, ipse tamen propter nimiam cari-  
tatis ardorem, quo vehementius estuabat, volens  
potius periculis corpus exponere, ut Christianus  
populus servaretur illæsus, licet Saracenorum  
notitiam ipsius debilitas non lateret exercitus,  
nec Saracenorum existeret innotata potentia  
Christianis, evadere noluit remanentibus cæ-  
teris vinculo captionis adstrictis, apertius  
asserendo, quod Militiam quam secum du-  
xerat, secum si posset reducere intendebat,  
vel capi seu mori pariter cum eodem.

§. 10. Cumque inter Regem & Christianos,  
ac Saracenos prædictos, de ipsorum Regis & Chri-

Christianum  
exercitum pe-  
riculantiem  
nullo pacto  
induci potest,  
ut deserat.



Obfidem se  
pro Exercitu  
Christianorū  
captivo libe-  
rando spon-  
det.

fianorum, sicut superius est expressum, liberatione tractatus habitus, & conventionum subsecuta ordinatio extitissent, Saraceni pro quadam parte pretii redemptionis hujusmodi, quæ solvenda restabat, securitatem plenariam habere intendentes, in electionem ipsius Regis totaliter posuerunt; ut vel ipse liberaretur a carcere, remanentibus cæteris Christianis in vinculis, donec hujusmodi solutio perfecta succederet, vel quod idem in carcere remaneret, Christianis ipsis omnimode liberatis, præfatus Rex super hoc promptum nec dilatum responsum præbuit, quod ipse, quousque solutionis hujusmodi proveniret integritas, remanere in carcere intendebat, Christianis ejusdem libertati pristinae restitutis, quamquam præfati Alphonsus & Carolus, ac alii viri nobiles tunc astantes expresse dicerent, & profiterentur apertius, quod in hoc nullatenus consentirent, supplici adiicientes instantia, quod potius Rex ipse recederet aliis minime absolutis, Rege ipso firmissime replicante contrarium, nec assentiente sermonibus eorundem. Et tandem Rege ceterisque captivis eisdem plene redditis libertati, dictoque Alphonso pro ejusdem solutionis perfectione obside facienda dimisso, præfatus Rex de galea, in qua erat, egredi noluit, donec insus solutionis defectus extitit adimpletus, dictusque Alphonsus ad ejus præsentiam rediit, ac omnes etiam Christiani, quos in propinquo carcere detinebat inclusos, quosque in Babyloniam manus inimica non traxerat, liberati a vinculis, ac illi etiam, qui tunc in Damiana similiter tenebantur, fuerunt in navibus collocati.

Agarenos  
quāplurimos  
convertit ad  
Christum.

§. 11. Demum præfatus Rex cum eodem liberatus exercitu, ad Civitatem rediens Aconen., moramq. inibi fere per quinquennium contrahens, & tamquam fervidus humanæ salutis amator, multorum Agarenorum mentes duras quantumlibet, non solum salubribus eloquiis suadens, sed etiam exemplo vitæ laudabili convertit ad Dominum, ipsos faciens ad laudem divini nominis, & exaltationem Catholicæ fidei honorifice baptizari, eos donis prosequendo largifluus, & gratiosis favoribus confovendo.

In Christia-  
nos liberalis:

§. 12. Multosq. milites & alios Christianos redimi faciens, eis de munificentia regia tam vestes, quam cetera necessaria victu, prout singulorum suadebat conditio, ministrabat.

§. 13. Muros quoque seu mœnia Civitatum & Castrorum quamplurium, quæ in illius partibus a fidelibus tenebantur, fecit reparari solemniter, eaq. alias muniri plenarie, prout necessitas suadebat.

In Franciam  
revertus mul-  
ta pietatis o-  
pera exerceat.

§. 14. Verum prædictus Rex processu temporis, intellecto quod matrem ejus mors amara subtraxerat, & eidem Regno grave periculum immineret, de Procerum suorum consilio, ad partes Franciæ remeavit, nunc sanctitatis insistens operibus, nunc Monasteria, & Hospitalia pauperum, nunc domos alias divinis obsequiis dedicandas, (quæ longum esset enarrare per singula) construi faciendo, eis de bonis propriis amplis dotibus deputatis, nunc etiam infirmos ac debiles in diversis Mo-

nasteriis & Xenodochiis decumbentes, personaliter visitans, ipsos verbis consolatoriis confovebat, eis manibus propriis, flexo genu, potum, & cibaria ministrando.

§. 15. Cumq. in Monasterio Regali Montis Belvacensis Dioecesis, quod idem Rex opere plurimum sumptuoso construxit, ac dotibus decoravit eximiis, Monachus quidam Leodegarius nomine moraretur, quem adeo lepræ morbus invaserat, quod abhominabilis factus & despectus quamplurimum, manebat segregatus ab aliis, in quadam camera positus Monasterii memorati, ejusq. oculi ob gravis infirmatis pondus seu malitiam jam consumpti, nihil omnino videbant, eorum foraminibus sive locis, rubeis & horridis jam effectis, quique nasum perdiderat, ejus tumefactis non modicum labiis, & profunda fixura destructis ac idem Rex cum, presente dumtaxat Abbate Monasterii supradicti, personaliter visitaret, ipsumq. sumentem cibum, ut poterat, invenisset, præfatus Rex præmisso benigne salutationis alloquio, flexit genua coram ipso & sciens manibus propriis carnes eidem appositas, bolos in os ejus studiosissime immittebat, & hujusmodi non contentus obsequio, illatis dapibus ejus jussione regalibus, de ipsis eidem Monaco ministrabat, loci aut ægri qualitatem horribilem non evitans, eodem Abbate vehementi stupore concussu, quod tanti sublimitas Principis, talibus quantumcumque salubribus involui studiis ac servitiis poterit occupari.

Leproso mi-  
nistrat suis  
manibus ali-  
menta.

§. 16. Præterea cum dictus Rex hospitale Compendien. ingressus, ad impendendum humanitatis obsequium infirmis in illo degentibus, & jam fessus non modicum in labore, infirmum quemdam juxta se positum conspexisset, morbum, qui S. Eligii dicitur, patientem, & flexis genibus coram ipso, morsellum piri remoto cortice poneret in os ejus, sanies de illius naribus affluens, foedavit turpiter manus Regis, qui pie benigneque id tolerans, nec in aliquo exinde immutatus, lotis illico manibus, salubre quod inchoaverat obsequium, diligenter extitit persecutus.

Hospitalium  
infirmis ser-  
vit.

§. 17. Hic revera circa servos CHRISTI ac pauperes, aliasque miserabiles ac devotas personas valde compatiens, se ipsis in elemosynarum elargitate munificum exhibebat. Virginibus insuper, quibus inopia effectum maritalis copulæ denegabat, ne illas in carnis lubricum labi contingeret, de dotibus congruis providebat, illud de bonis regalibus laudabiliter, & salubriter expensum reputans, quod in elemosynas, & alios pios usus converti pro tempore noscebatur.

Pauperibus  
elemosinas

Virginibus  
dotes elargi-  
tur.

§. 18. Hic prædicationibus, & aliis propositionibus verbi Dei attentum accomodabat auditum, non auditor obliviosus factus, sed factor operis. Occurrebat hæreticæ pravitatis infectos, ne fidei Christianæ cultores labe hujus contagionis inficerent, de Regni prædicti finibus efficacibus studiis expellendo, ac alias circa statum ejus providendo sollicitus, ut ab ipso fomentis talibus prorsus exclusis, in eo fidei prædictæ sinceritas rutilaret.

In Hæreticos  
severus.

§. 19. Cum vero aliquibus partibus dicti

Re-



Egestatis tē-  
pore pauperi-  
bus consulit.

Humilis in  
festibus.

Ciliciis. &  
Jejuniis car-  
nem domat.

Ligneo con-  
tentus lecto.

Hostis men-  
dacii.

Pius in ser-  
monibus.

Tuniti ani-  
mā Deo red-  
dit.

Regni ob sterilitatem seu malitiam temporis, victualium caristia imminabat, statim de ipsa rumoribus intellectis, certam illuc summam pecuniæ, prout ipsarum exigebat qualitas partium, per fidelem mittebat nuncium inter pauperes dividendam.

§.20. Hic profecto humilitate sublimis, sublimitate humilis, in apparatu & vestibus, quas frequenter pauperibus erogabat, post primum potissimum de ultramarinis partibus redditum, summæ humilitatis insignia demonstravit. Non enim aureis vel argenteis ornamentis, non regalibus vestibus, non variis vel griseis, sed aliis humilibus pellibus usus fuit, sæcularibus pompis a se penitus abdicatis.

§.21. Et ne fervorem spiritus, sociæ carnis ardor extingueret, sed mortificatione & repressione ipsius illum potius accendi contingeret, altiusque subfolli, & carnem ipsam, quam assidui asperitate cilicii, prout asseritur, edomans, effrænæ ipsius libitum, arctæ abstinentiæ fræno coercuit, ejusque nexibus alligavit, ut non voti proprii ducta libidine, non sui desiderii directa remigio, sed salubri moderamine spiritus, tute ad licita pergeret, provide ab illicitis abstinere: districtis enim corpus atterebat jejuniis, priscorum observantiæ a Sanctis Patribus ordinatæ, novorum austeritatem addiciens sibi motu propriæ voluntatis indictam. Nam per totum quadragesimale tempus, & quadraginta dies festum Natalis Domini præcedentes, ac omnium festivitatum vigiliis, necnon & quatuor tempora, quæ Catholica indicit Ecclesia, in jejuniis & orationibus existeret, deliciosis & curiosis cibariis usui proprio penitus interdictis. In festivitatum vero Virginis gloriose, ac Natalis Domini memorati vigiliis, & sexta Feria majoris hebdomadæ, jejunium observabat, panis & aquæ dumtaxat modica sustentatione contentus. Qualibet etiam die Veneris Quadragesimæ supradictæ, ac totius Adventus, ab esu piscium abstinerebat, multis præterea se vigiliis occupans, ne aliqua sibi hora temporis inutiliter pertransiret.

§.22. Post eius redditum supradictum non in pluma vel paleis iacuit, sed super ligneum lectum portatilem, materacio simplici superjecto stramine nullo supposito, decumberebat.

§.23. Hic insuper vitæ puritate prælucidus, sincerus veritatis amicus extitit, hostisque durissimus falsitatis.

§.24. Cuncta quoque ipsius eloquia salutis augmentum, operaque salubria hortabantur, demulcebant auditorum præcordia, & in eorum ædificationem multiplicem redundabant.

§.25. Cumque ad incrementa Catholicæ fidei, & liberationem celerem Terræ Sanctæ votis ardentibus anhelaret, in ipsius Terræ Sanctæ subsidium assumpsit denuo signum Crucis, & denuo potenti & valido congregato navigio, copiosa & strenua comitiva suffultus, cum præfato Pictaviæ Comite, suisque liberis & clar. mem. Regina Navarræ, ipsius Regis filia, quæ in redditu debitum naturæ persolvit, ad partes se transtulit transmarinas, præfato Carolo, qui tunc moram in Italiæ partibus contrahebat, Regis memorati vestigia subse-

*Bull. Rom. Tem. III. Pars II.*

quente, ac tandem ad partes Tunitii foelici gressu perveniens, inibi de magnatum suorum consilio castra fixit, & adversus Saracenorum incursum exercens potentiæ suæ vires gravissimas, ob labores innumeros, quibus premebatur assidue, infirmitates incurrit, qui diebus elapsis aliquibus infirmitatum ipsarum violentia superatus, Sacramenta Ecclesiastica cum summa devotione recepit, ac instante sibi verisimiliter hora mortis, oratione pro exercitu Christiano præmissa, suam Domino devotis precibus animam recommendas, ac literaliter exprimens verba sequentia videlicet, Pater in manus tuas commendo spiritum meum, foeliciter migravit ad Christum, supernis deliciis fruiturus.

§.26. Verum cum vitæ hujusmodi functus curriculo, verius viveret quam vixisset, noluit Altissimi Filius, quem idem tota mentis affectione dilexerat, tam devoti Principis, tantique propugnatoris fidei orthodoxæ, Mundo suppressi sanctitatem, quemadmodum meritorum pluralitate præfulserat, sic miraculorum diversitate claresceret, & qui cum plenissima devotione coluerat, jam secum in cœlesti Palatio collocatus, venerabiliter coleretur. Nam contractis, arctum extensione subvenit, curvis terram fere tangentibus facie plene restituit, eorum sursum erectis vultibus, sanitatem; strumosis beneficium liberationis impendit.

§.27. Mulierem quamdam, cujus brachium aridum & omnino impotens existeret, ab infirmitate hujusmodi liberavit.

§.28. Quidam quoque, cujus velut emortuum pendebat brachium, per ejusdem Sancti virtutem, gratiam curationis obtinuit.

§.29. Quampluribus paralytico morbo percussis, & aliis qui diversis languoribus tenebantur, plena reddita sospitate.

§.30. Cæcisque visu; surdis auditu; claudis gressu: illius invocato nomine restitutis.

§.31. His & quampluribus aliis, Sanctus ipse coruscavit miraculis gloriosis, quorum seriem præsentibus non duximus inferendam.

§.32. Gaudeat itaque domus inclyta Franciæ, quæ talem ac tantum Principem genuit, per cujus merita sublimiter illustratur, letetur devotissimus Franciæ Populus, quod tam electum, tam virtuosum Dominum meruit obtinere. Exultent Prælatorum & Cleri præcordia, quod præfatum Regnum tam claris miraculorum ipsius Regis insigniis propensius decoratur. Jucundentur & procerum, magnatum, nobilium, & militum pectora, quod per sanctissimam opera dicti Regis ejusdem Regni status donis multiplici prærogativa sub tollitur, & quasi solis radius elucescit.

§.33. Ceterum quia, quos superni Regis clementia coronæ gloriæ in cœlo magnificat, devote a fidelibus in hac terrestri patria convenit venerari; Nos de sanctitate vitæ, ac miraculorum veritate ipsius Beatissimi Ludovici curiosæ ac solemnis inquisitionis diligentia, & districti examinis discussione præmissis, plenariam certitudinem obtinentes, ipsum de comuni Fratrum nostrorum, & Prælatorum omnium tunc apud Sedem Apostolicam existen-

Multa per  
eum Deus o-  
peratur mira-  
cula.

Mulieris brā-  
chium aridum

Aliudque pē-  
ne emortuum  
vivificat.

Paralyticos  
sanat.

Cæcos illu-  
minat &c.

SS. Confessio-  
rum Albo ad-  
scribitur.



tium, consilio & assensu, die Dominico III. Idus Augusti Sanctorum Cathalogo duximus adscribendum.

Ejus festus  
dies celebra-  
tus.

§. 34. Ideoque Universitatem vestram monemus & hortamur attente, per Apostolica scripta mandantes, quatenus in crastinum B. Bartholomæi Apostoli, cum foelix ipsius anima, tunc de carnis eruta vinculis, astra petens celestem aulam adiverit, æternis gaudiis portitura, Festum ipsius Sancti devote & solemniter venerari, colereque studeatis, ut ejus intervenientibus precibus, & hic ab imminentibus possitis liberari periculis, & in futuro salutis perpetuæ præmium obtinere.

Indulgentia  
ejus Sepul-  
chrum invi-  
sentibus pro-  
posita.

§. 35. Ut autem ad venerabile sepulchrum ipsius ferventius & copiosius Fidelium confluat multitudo, ac celebrius ejusdem solemnitas peragatur, omnibus vere poenitentibus & confessis, qui reverenter illuc in eodem festo annuatim accesserint, ejus suffragia petituri, de omnipotentis Dei misericordia, & Beatorum Petri & Pauli Apostolorum ejus, auctoritate confissi, unum annum & quadraginta dies; accedentibus vero annis singulis ad prædictum Sepulchrum, infra ejusdem festi Octavas, quadraginta dies de injunctis sibi poenitentiis misericorditer relaxamus.

Dat. die 17.  
Augusti 1297.  
P. An. III.

Datum apud Urbem Veterem, III. Idus Aug. Pont. nostri Anno III.

## XIII.

Ex Regest.  
Archiv. Vatic.

Confirmatis Conciliorum Decretis, & Nicolai IV. Constitutione contra Arma, victualia &c. ad Saracenorum partes deferentes, Inquisitoribus hæreticæ pravitatis facultas datur contra delinquentes procedendi.

Bonifacius Episcopus, Servus Servorum Dei,  
ad perpetuam rei memoriam.

Saracenis arma vel quid  
hujus generis  
ferentes, ven-  
dentes ex-  
communicati  
& Canonibus.

§. 1. **F**UIT olim tam in generali, quam in Lugdunensi, postmodum subsequuto Concilio, per Sedem Apostolicam celebratis, in illos falsos & impios Christianos, qui contra Deum, & Christianum Populum Saracenis ferrum & arma, quibus Christianos impugnant, & Lignamina Galearum, & aliorum vasorum navigabilium deferrent; & in eos etiam, qui eis Galeas venderent, aut Navis; quique in Piraticis Saracenorum Navibus curam gubernationis exercerent; vel in machinis aut quibuslibet aliis aliquod eis in Christianorum, & maxime Terræ Sanctæ dispendium impenderent auxilium, vel consilium, excommunicationis sententia promulgata; ipsosque rerum suarum privatione multari; & servos capientium fore, censent Concilia supradicta: expresse quoque in ipsis præcipitur, ut talibus gremium non aperiretur Ecclesiæ, nisi totum, quod de commercio tam damnato perciperent, & tantundem de suo in subsidium Terræ memoratæ transmitterent; ut e quo judicio, in quo delinquerent, punirentur.

§. 2. Felicis insuper recordationis Nicolaus Papa Quartus Prædecessor noster, gerens cordi negotium dictæ Terræ, duxit hactenus au-

thoritate Apostolica statuendum, ut nullus arma, æquos, ferrum, lignamina, victualia, & alia quæcumque mercimonia in Alexandriam, vel alia loca Saracenorum Terræ Egypti deferre, vel mittere; seu de Portubus suis, ut eisdem deferrentur, extrahere, vel extrahi permittere, aut eis alias auxilium vel favorem præstare quoquomodo præsumerent: ac illos, qui contra hujusmodi Constitutionem ipsius, ausu temerario venire tentarent, eo ipso excommunicationis sententiæ subjacere decrevit, a qua non possent absolvi, nisi tantum de bonis propriis in dictæ Terræ subsidium convertendum exolverent, quantum ad partes prædictas deferrent, vel mitterent, aut deferri, vel de ipsorum Portubus extrahi permetterent deferendum: & si personas eorum capi contingeret, illas in servitutem & capturam illorum esse voluit, in quorum caderent captionem.

§. 3. Postmodum etiam Prædecessor ipse nihilominus statuit, ut nullus omnino aliqua victualia usque ad decennium, a data literarum Prædecessoris ejusdem computandum, alia vero prædicta, vel aliquod, seu aliqua de eisdem, aut aliud quolibet, victualibus sicut præmittitur, usque ad prædictum tempus dumtaxat exceptis, quacumque occasione vel causa, seu quovis ingenio vel colore quæsito, ullo unquam tempore in Alexandriam, vel ad partes Egypti mittere, vel deferre præsumeret; vel, quantum in eo foret, mitti vel deferri permetteret; autoritate Apostolica decernendo, ut ii, qui contra hujusmodi statutum ejus venire præsumerent, præter poenas prædictas, quas illos ipso facto incurrere voluit, perpetuo esse infames, & intestabiles haberentur; ita quod, nec testari neque legata eis, seu relicta percipere possent: & insuper ad successiones tam ex Testamento, quam ab intestato, forent prorsus, & redderentur inhabiles: nec ad publica quælibet admitterentur officia; essentque illis omnes actus legitimi penitus interdicti; & tanquam excommunicati hostes Catholicæ Fidei, postquam de ipsorum hujusmodi temeritate constaret, diebus Dominicis & festivis publicè nunciarentur: & in Fiscum bona omnia devolverentur eorum, prout hæc omnia in ipsius Prædecessoris Literis, quæ in ejusdem conservantur Archivio Ecclesiæ, plenius continentur.

§. 4. Nos vero postmodum, disponente Domino, ad summi Apostolatus Officium, licet insufficientibus meritis, evocati, volentes providere tanto solertius in hac parte, quanto magis dictæ Terræ perurgens necessitas hoc exigere noscebatur, ratificando, confirmando, & innovando prædicta, nonnulla circa hæc per nostros Processus & litteras addenda duximus, & etiam statuenda.

§. 5. Nunc autem quæ ab eodem Prædecessore, ac a Nobis in hac parte facta noscuntur, rata habentes & grata, ea omnia autoritate Apostolica ratificamus, approbamus & innovamus, & præsentis scripti patrocinio communimus: ipsaque præcipimus inconcussa servari. Et nihilominus ad obviandum super hoc notius & efficacius periculis imminentibus dictæ Terræ, tempus supradicti de-

Aliaque penas  
intentavit  
contra illos  
victualia de-  
ferentes, us-  
que ad de-  
cennium.

Bonifacii st-  
dium pro re-  
cuperatione  
Terræ Sanctæ:

Nicolai De-  
creta firmata



Tempus pro-  
rogat ad aliud  
decennium.

Et hæc popu-  
lis explicari  
præcipit.

centii, ab eodem Prædecessore statutum, usque ad aliud decennium prorogamus: ita quod districtè præcipimus ne, aliquis victualia aliqua in Alexandriam, vel ad partes Egypti mittat, vel deferat, vel quantum in eo est, deferri vel mitti permittat: & eos, qui secus fecerint, decernimus supradictas sententias & poenas incurrere ipso facto: & de novo moneamus Venerabiles Fratres nostros, Archiepiscopos, Episcopos, necnon Duces, Potestates, Capitaneos, Rectores, Consiliarios, Communitates, Universitates, & Populos omnium & singularum Civitatum Maritarum, constitutarum ubilibet, ipsis universis & singulis districtius injungentes, ut iidem Archiepiscopi, & Episcopi ea omnia in Civitatibus eorum, & in locis insignibus suarum Dioecesium coram Populo publicent, & faciant per alios solemniter publicari, jubentes & facientes ipsa a Ducibus, Potestatibus, Capitaneis, Rectoribus, Communitatibus, Universitatibus, & personis singularibus Provinciarum, Civitatum & locorum autoritate nostra inviolabiliter observare: Duces vero, Potestates, Capitanei, Rectores, Consilia, Communitates, & Universitates omnia prædicta in Cartulariis, & Capitularibus Civitatum, vel Communitatum suarum conscribi faciant: ipsaque observent firmiter, & faciant a suis Subditis inviolabiliter observari.

§. 6. Et ad subtrahendum lucra, redditus, & proventus, quibus Babilonicus Hostis infamius fortior redditur ad impugnationem Fidelium, & detinentium Terram Sanctam, & alia Christianorum Loca, quæ nequitur occupavit, firmiter statuit, certis gravibusque poenis apposis, ut nullus omnino suarum Civitatum, eorumque Territorii, seu Districtus, ad Terras Soldano subiectas accedat, Mercationes aliquas ferri, Armorum, Lignaminum, & aliarum rerum quarumlibet deferat, sive mittat, sibi vel suis præstet auxilium, vel favorem; Eos, qui secus attentare præsumperint, per exactiones poenarum adhibitarum efficaciter puniendo; Non moleste, sed cum patientia portaturi, quod præsumptores huiusmodi tam per Ecclesiæ, quam per aliorum Galeas, aliaque Vasa Fidelium, juxta ordinationem, seu dispositionem Apostolicæ Sedis impune ac libere perturbentur offensi, ac a talibus compefcantur, ut per auctæ punitionis remedium reprimatur facilius temeritas eorumdem. Districtius insuper inhibemus Universis, & Singulis Christianis Fidelibus, ubique Locorum constitutis, cujuscunque dignitatis, præminentie, conditionis, aut status existant, ut nullus omnino contra præmissa, vel eorum aliquod, quomodolibet scienter attentare præsumat, & qui secus egerit, præmissis poenis, sententiis, conditionibus, & præceptis juxta constitutionem eamdem sit eo ipso ligatus.

§. 7. Sed nihilominus, quia non prodest jura condere, statuta edere, ac emanare præcepta, si eadem non servantes poena debita non mulctarentur, firmiter statuimus, & volumus, ut Inquisitores hæreticæ pravitatis, qui per Romanam Ecclesiam, vel autoritate ipsius, sunt vel fuerint deputati, & eorum

quolibet, eo ipso, quod eis commissum est, vel committi contigerit, contra pravitatem, eandem Inquisitionis officium, autoritatem, jurisdictionem, potestatem, & officii commissionem iteratam, & plenam habeant; ac omnimoda sit eis attributa potestas in Provinciis, ad quas fuerint deputati, inquirendi super iis; & quos in prædictis invenerint deliquisse, declarandi, & denunciandi, prædictas poenas, & sententias incurrisse. Illis etiam ex eis, quibus Processus nostri poenam aliquam non imponunt, poenas spirituales, & temporales, de quibus eis videbitur, imponendi, & præcipiendi, quæ per Nos eis injuncta noscuntur, firmiter observari: Procedendi quoque contra eorum singulos, ac Terras, & Loca ipsorum, & poenas prædictas, & quæ imponuntur, ab eis exigendi, ac huiusmodi poenas & sententias executioni mandandi, & præcipiendi exigi, & executioni mandari, & invocandi ad hoc, si opus fuerit, auxilium brachii secularis: Contradictores quoque cujuscunque status, præminentie, dignitatis, & conditionis extiterint, per Censuram Ecclesiasticam appellatione postposita compefcendi.

§. 8. Non obstante si eis, vel alicui, seu aliquibus eorumdem ab eadem sit Sede indultum, vel contigerit indulgeri, quod interdicti, suspendi, vel excommunicari non possint, per literas Apostolicas, vel eorum autoritate, quæ de Indulto huiusmodi, ac de personarum, & Locorum nominibus plenam, determinatam, & expressam non fecerint mentionem.

§. 9. Decernimus insuper, ut Mandata, & Processus, quæ iidem Inquisitores, ac eorum quilibet in hac parte fecerint; poenæ, quas imposuerint, ac sententiæ, quas protulerint, plenum vigorem habeant, & obtineant perpetui roboris firmitatem, ac si in casu quolibet plena eis, & cuilibet eorum esset specialis commissa potestas, & jurisdictio procedendi; eorumque jurisdictio in prædictis omnibus, & singulis per citationem, vel modum alium perpetuata legitimum extitisset.

§. 10. Nolumus autem, quod Inquisitores prædicti, vel eorum aliquis de huiusmodi poenis, sententiis, & processibus, vel eorum aliquibus ullam remissionem, absolutionem, vel relaxationem, seu transactionem faciant absque speciali mandato dictæ Sedis, faciendo per ejusdem Sedis Literas, quæ plenam, & expressam de iis faciant mentionem, & quod secus fieret, irritum decernimus, & inane.

§. 11. Ut autem huiusmodi noster Processus ad communem omnium notitiam deducatur, cartas, sive membranas, processum continentes eundem, in Basilicæ Lateranensis appendi, vel affigi Oñis, seu Superliminariis faciemus, quæ Processum ipsum suo quasi sonoro præconio, & patulo indicio publicabunt: Ita quod ii, quos Processus ipse contingit, nullam postea possint excusationem prætere, quod ad eos talis Processus non pervenerit, vel quod ignoraverint eundem: cum, non sit verisimile remanere quoad ipsos incognitum, vel occultum, quod tam patenter omnibus publicatur. Actum Laterani in die Coenæ Domini, Pontificatus nostri Anno Quinto.

Obstantium  
derogatio.

Validatio  
singulorum  
Actuum.

Inquisitores  
super his nul-  
lam transac-  
tionem fa-  
cere possunt  
Sede Ap. in-  
consulta.

Publicatio  
huiusce Con-  
stitutionis.

Dat. anno  
Dom. 1299.  
P. An. V.

Amo-

Eadem poenæ  
minatur iis,  
quæ Soldani  
terris merces  
extrahentes,  
eidem ven-  
dent.

Inquisitoribus  
hæreticæ pra-  
vitatæ proce-  
dendi contra  
inobedientes  
data facultas.



## XIV.

Ex Regest. in  
Archiv. Vat.

Amotis Canonici Regularibus Ordinis Sancti Augustini ab Ecclesia Lateranen. secularis Canonici subrogantur.

Bonifatius Episcopus, Servus Servorum Dei  
Ad Perpetuam Rei memoriam.

Proemium.

**R**omana Ecclesia, quæ super Universas Ecclesias obtinet divina institutione Primatum, circa singulas maternæ diligentiae cura sedulo vigilans, earum profectibus velut sollicita mater ardentem intendit, studens ea penitus submovere, per quæ ipsæ Ecclesiæ substinere possent circa spiritualia seu etiam temporalia nocumenta; & illa efficaciter agere, quorum suffragio eis in utrisque augmentum Deo propitio valeat provenire.

Sane intervarias & innumeras sollicitudines, quæ Nobis ex Officio Apostolatus incumbunt, ad Patriarchalem Lateranensem Ecclesiam, quam inter cæteras Urbis & Orbis Ecclesias velut Caput ipsarum antiquitatis, Dignitatis, ac Nobilitatis prærogativa fulgentem, utpote a claræ memoriæ Constantino Imperatore Romano eximia devotione constructam & a Beato Silvestro Romano antistite, ante aliam ejusdem Urbis Ecclesiam dedicatam, dilectionis & devotionis affectu prosequimur speciali: Præsertim ob reverentiam Salvatoris Domini Nostri Jesu Christi, & Beati Joannis, quorum est ipsa Ecclesia vocabulo insignita, nostræ mentis aciem convertentes, ac attendentes, quod dicta Ecclesia, in qua Ordo Sancti Augustini ab antiquo fuerat institutus, ex eo maxime, quod Canonici Regulares ejusdem Ecclesiæ vivebant enormiter, & impotentes erant ad iura ipsius Ecclesiæ defensanda, patiebatur non modicam in spiritualibus, ac in suis bonis & iuribus læsionem; nec per alios, quam sæculares Clericos poterat eadem Ecclesia salubriter reformari; cum propter Religionis nexum, cujus observantiæ recipiendos in dicta Ecclesia se adstringere oportebat, Viri potentes, idonei, & literati ad defensionem ipsorum bonorum & iurium, qui in Ecclesia ipsa vellet institui, non poterant inveniri; firmiterque ac indubitanter credentes, quod si ex providentiæ nostræ præsidio ad sæculares Clericos transferatur; exinde honor proveniet ipsi Ecclesiæ ac profectus: Horum consideratione ducti, post deliberationem super hoc cum Fratribus nostris præhabitam diligentem, de ipsorum fratrum consilio providimus, & fore decrevimus dictam Ecclesiam de hujusmodi solummodo sæcularibus Clericis perpetuo ordinandum, ac amotis exinde Canonici Regularibus in eadem Ecclesia manentibus, quindecim electas & idoneas Personas, per quarum probitatem industriam, & potentiam eadem Ecclesia salubriter poterit in spiritualibus & temporalibus gubernari, & in prædictis bonis & iuribus manuteneri utiliter, & defendi, auctoritate Apostolica instituimus in ipsa Ecclesia in Canonicos & in fratres. Nulli ergo omnino hominum liceat hanc paginam nostræ institutionis infringere

Causæ sub-  
movendi ab  
hac Ecclesia  
Regulares.Quindecim  
Canonici Sæ-  
culares in ea-  
dē instituun-  
tur.

re, vel ei ausu temerario contraire si quis au-  
tem &c.

Datum Trebis tertio Nonas septembris,  
Pontificatus Nostri Anno V.

Datum die 3.  
Sept. 1299.  
P. An. V.

## X V.

Institutio Sanctissimi Jubilæi, plenariæque peccatorum remissionis, pro quolibet centesimo anno, Basilicas SS. Petri, & Pauli Apostolorum de Urbe visitantibus.

Bonifacius Episcopus, Servus Servorum Dei,  
ad perpetuam rei memoriam, &c.

**A**ntiquorum habet fide relatio, quod accedentibus ad honorabilem Basilicam Principis Apostolorum de Urbe, concessæ sunt magnæ remissiones, & indulgentiæ peccatorum.

Visitantibus  
Ecclesiam S.  
Petri Roma  
Indulgentiæ.

§. 1. Nos igitur qui juxta officii nostri debitum salutem appetimus, & procuramus libentius singulorum, hujusmodi remissiones & indulgentias omnes & singulas, ratas & gratas habentes, ipsas auctoritate Apostolica confirmamus, & approbamus, & etiam innovamus, & præsentis scripti patrocínio communimus.

Innovantur &  
Bonificatio.

§. 2. Ut autem Beatissimi Petrus & Paulus Apostoli, eo amplius honorentur, quo eorum Basilicæ de Urbe devotius fuerint a fidelibus frequentatæ, & fideles ipsi spiritualium largitione munerum, ex hujusmodi frequentatione magis senserint se refertos, Nos de omnipotentis Dei misericordia, & eorumdem Apostolorum ejus meritis & auctoritate confisi, de fratrum nostrorum consilio, & Apostolicæ plenitudine potestatis, omnibus in præsentis anno millesimo trecentesimo, a festo Nativitatis Domini nostri Jesu Christi præterito proxime inchoato, & in quolibet anno centesimo secuturo, ad Basilicas ipsas accedentibus reverenter, vere poenitentibus & confessis, vel qui vere poenitebunt, & confitebuntur, in hujusmodi præsentis, & quolibet centesimo secuturo annis, non solum plenam & largiorem, imo plenissimam omnium suorum concedemus & concedimus veniam peccatorum.

Pro quolibet  
centesimo An-  
no Jubilæum  
institutum.

§. 3. Statuentes, ut qui voluerint hujusmodi indulgentiæ a nobis concessæ fieri participes, si fuerint Romani, ad minus triginta diebus, seu interpolatis, & saltem semel in die, si vero peregrini fuerint, aut forenses, simili modo diebus quindecim, ad Basilicas easdem accedant. Unusquisque tamen plus merebitur, & indulgentiam efficacius consequetur, qui Basilicas ipsas amplius & devotius frequentabit. Nulli ergo &c.

Quoties Apo-  
stolorum visi-  
tanda Basili-  
ca.

Datum Romæ apud S. Petrum, 8. Kal.  
Martii, Pont. nostri Anno VI.

Dat. die 22.  
Febr. 1300.  
P. An. VI.



## XVI.

Erectio Studii generalis in Civitate Firmana,  
Provinciae Marchiae Status Ecclesiastici,  
cum privilegiis, gratiis & indultis Studii Bo-  
noniensis.

Bonifacius Episcopus, Servus Servorum Dei.  
Ad perpetuam rei memoriam.

Exordium.

**I**N supremæ dignitatis Apostolicæ spe-  
cula superni dispensatione consilii li-  
cet immeriti constituti, ad universas fidelium  
regiones nobis creditas eorumque profectus,  
& commoda tamquam universalis gregis do-  
minici pastor, commissa nobis speculationis  
aciem, quantum nobis ex alto permittitur,  
intendentes, fidelibus ipsis ad quærendum li-  
terarum studia, per quæ divini nominis suæ-  
que fidei Catholicæ cultus protenditur, ju-  
stitia colitur, tam publica quam privata res  
geritur utiliter, omnibusque prosperitas hu-  
manæ conditionis augetur, libenter favores  
gratiosos impendimus, & opportune commo-  
ditatis auxilia liberaliter impertimur.

Firmanorum  
preces:

§. 1. Cum itaque nuper pro parte dile-  
ctorum filiorum Communitatis, & hominum  
Civitatis nostræ Firmanæ Provinciae Marchiæ  
Anconitanæ propositum fuerit coram nobis,  
quod ipsi non solum ad utilitatem & prospe-  
ritatem huiusmodi reipublicæ ac incolarum,  
Castrorum, & Terrarum eis subiectarum,  
sed etiam aliarum partium vicinarum lauda-  
biliter intendentes, in Civitate Firmana, tam-  
quam in insigniori loco & magis ad hoc com-  
modo & idoneo, cuique aeris viget temperies,  
victualium ubertas, ceterarumque rerum ad  
humanum usum pertinentium copia reperitur,  
desiderent plurimum, fieri & ordinari per Se-  
dem Apostolicam Studium generale, in qua-  
libet licita facultate, ut ibidem fides ipsa di-  
latetur, erudiantur simplices, æquitas serve-  
tur, iudicii vigeat ratio, illuminentur men-  
tes, & intellectus hominum illustrentur.

§. 2. Nos præmissa, & etiam eximiam,  
fidei & devotionis constantiam, quam ipsi ho-  
mines, & Communitas ad Nos & Sanctam Ro-  
manam Ecclesiam, fidemque catholicam ge-  
rere dignoscuntur, attente considerantes, fer-  
venti desiderio inducimur, quod Civitas ipsa  
scientiarum ornatur muneribus, ita ut viros  
producat consilii maturitate conspicuos, vir-  
tutum redimitos ornatibus, ac diversarum  
facultatum dignitatibus eruditos, de quorum  
plenitudine hauriant universi literarum cu-  
pientes imbui documentis. Iis igitur omni-  
bus, & præsertim idoneitate dictæ Civitatis,  
quæ ad multiplicanda sane doctrinæ semina,  
& germina salutaria producendum magis con-  
grua & accommoda inter alias Civitates, ter-  
ras, loca & oppida dictæ Provinciae fore dici-  
tur, diligenti examinatione pensatis, non so-  
lum ad ipsius Civitatis, sed etiam regionum  
circumjacentium incolarum commodum &  
profectum, paternis affectibus anhelantes, præ-  
dictorum Communitatis & hominum in hac  
parte supplicationibus inclinati, ad laudem

divini nominis, & fidei propagationem ortho-  
doxæ, auctoritate Apostolica statuimus, & etiam  
ordinamus, ut in eadem Civitate de cetero sit  
Studium generale, ad instar Studii Bononiensis,  
illudque perpetuis temporibus inibi vigeat, tam  
in Theologia, Jure Canonico, ac Civili, &  
Artibus, quam alia qualibet licita facultate.  
Quodque legentes, & studentes ibidem, om-  
nibus privilegiis, libertatibus & immunitati-  
bus concessis magistris in Theologia & Do-  
ctoribus legentibus, & studentibus commo-  
rantibus in Studio Bononiensi, gaudeant, &  
utantur.

§. 3. At quod ille quo processu tempo-  
ris bravium meruerunt, in illa facultate, in  
qua studuerunt obtinere, sibique docendi licen-  
tiam, ut alios erudire valeant, ac magisterii  
seu doctoratus honorem petierint elargiri,  
per Magistrum, seu Magistros vel Doctores  
illius facultatis, in qua examinatio fuerit fa-  
cienda, Venerabili fratri nostro Episcopo Fir-  
mano pro tempore existenti, vel ejus suffi-  
cienti & idoneo Vicario, quem ad hoc idem  
Episcopus duxerit deputandum; Ecclesia ve-  
ro Firmana vacante, illi, qui ad hoc per di-  
lectos filios Capitulum ipsius Ecclesiæ Firma-  
næ deputatus extiterit, præsententur. Idem-  
que Episcopus aut deputatus, ut præfertur Ma-  
gistris & Doctoribus in eadem facultate actu  
ibi legentibus convocatis, illos in iis, quæ cir-  
ca promovendos ad magisterii, seu doctora-  
tus honorem requiruntur, juxta modum &  
consuetudinem, quæ super talibus in genera-  
libus Studiis observantur, examinare studeat  
diligenter, eisque si ad hoc sufficientes & idonei  
reperi fuerint, huiusmodi licentiam tribuat,  
& magisterii & doctoratus honorem conferat,  
& etiam largiatur.

§. 4. Illi vero, qui in eodem Studio dictæ  
Civitatis examinati & approbati fuerint, ac  
docendi licentiam, & honorem huiusmodi ob-  
tinerint, ut est dictum, ex tunc absque exa-  
mine & approbatione alia, legendi & docen-  
di tam in prædicto ipsius Civitatis, quam in  
singulis aliis generalibus Studiis, in quibus vo-  
luerint legere & docere, statutis & consue-  
tudinibus quibuscumque contrariis, Apostolica  
auctoritate, vel quacumque firmitate alia ro-  
boratis, nequaquam obstantibus, plenam &  
liberam habeant facultatem. Nulli ergo &c.

Datum Romæ apud S. Petrum, 17. Kal.  
Feb. Pont. nostri anno IX.

Erigitur stu-  
dium cū pri-  
vilegiis ad in-  
star studii Bo-  
noniensis.

Magisteria, &  
laureæ con-  
ferenda per  
Episcopum.

Laureatorum  
Privilegia.

Dat. die 16.  
Januarii 1303  
P. An. IX.



## XVII.

*Ex Regest. in  
Archiv. Vatic.*Publicatio Processuum contra offendentes ve-  
nientes, & recedentes ab Urbe.Bonifatius Episcopus, Servus Servorum Dei.  
Ad perpetuam rei Memoriam.

**E**Xcommunicamus & Anathematiza-  
mus omnes illos, qui ad Sedem Apo-  
stolicam venientes, vel recedentes ab ea, ca-  
piunt, spoliant, vel detinere præsumunt, aut  
impedimentum aliquod exhibent, quominus ad  
eamdem Sedem libere cum Personis, bonis,  
& rebus suis veniant, & recedant ab eadem;  
etiãsi Imperiali aut Regali fulgeant Dignita-  
te, seu cujuscumque alterius fuerint præemi-  
nentia, dignitatis, ordinis, conditionis, aut  
status. Non obstantibus quibuscumque Privile-  
giis & indulgentiis, eis vel eorum alicui vel  
aliquibus ab Apostolica Sede sub quavis forma  
vel tenore concessis, quod interdici, suspendi,  
vel excommunicari non possint; quæ prorsus  
tollimus & revocamus omnino ad hoc, quod  
contra hujusmodi nostram sententiam & pro-  
cessus per ea nequeant se tueri, quo minus in-  
cludantur in eis. Declaramus insuper, omnes  
prædictos, & alios, qui per se vel suos officia-  
les seu Ministros aut alios, Incolis Imperii,  
Regnorum, seu Terrarum suarum, vel tran-  
seuntibus per ea, undecumque oriundis, ad  
Sedem venientibus memoratam, vel redeun-  
tibus ab eadem, equitaturas limitant, vel sub-  
trahunt, quæ deferunt, seu reportant pro suis op-  
portunitatibus, vel expensis, vel quasvis alias  
res & bona; aut aperiunt literas, vel ause-  
runt seu taxant numerum Personarum, vel  
familiarium, seu quantitatem expensarum,  
aut evectionum, vel alias directe vel indirecte  
talibus venientibus, vel redeuntibus impedi-  
mentum vel obstaculum præstare præsumunt Im-  
peditores fore ad dictam Sedem venientium,  
& redeuntium ab eadem; & Anathematis &  
excommunicationis sententiam incurrere su-  
prædictam; Ipsosque sic ligatos a Sacramen-  
torum perceptione nunciamus exclusos; dis-  
trictè præcipientes, ut nullus ea ipsis mini-  
strare præsumat, nec etiam Sacramentum  
Poenitentia, nisi in mortis articulo constitutis;  
sed nec tunc, nisi de stando mandatis Ecclesiæ  
satisfactione vel sufficienti cautione præmissis;  
Eos vero cujuscumque fuerint præminentia,  
dignitatis, ordinis, conditionis, aut status,  
etiãsi Archiepiscopali, vel Episcopali dignita-  
te præfulgeant, qui contra hujusmodi nostrum  
præceptum talibus, vel eorum alicui, Sacra-  
menta, vel Sacramentum aliquod præsumpse-  
runt ministrare, Excommunicationis & Ana-  
thematis sententia innodamus, eisque interdi-  
cimus prædicationis, sessionis, administratio-  
nis Sacramentorum, & audiendi Confessiones  
Officium. Prædicantes aperte impredientibus &  
contemptoribus supradictis, Nos gravius con-  
tra eos spiritualiter & temporaliter, prout ex-  
pedire viderimus, processuros. Ut autem hu-  
jusmodi noster Processus ad communem om-  
nium notitiam deducatur, cartas sive mem-

*Pœne prout  
in Rubrica.**Pœne simili-  
ter contra Sa-  
cramenta eis  
ministrantes.**Publicatio  
huiusce Pro-  
cessus.*

branas, Processum continentes eundem, in  
præsentis Lateranensis Basilicæ appendi vel affi-  
gi ostiis seu super liminaribus faciemus, quæ  
Processum ipsum suo quasi novo præconio &  
patulo iudicio publicabunt; Ita quod ii, quos  
Processus ipse contingit, nullam postea possint  
excusationem prætere, quod ad eos talis  
Processus non pervenerit, vel quod ignoverint  
eundem; cum non sit verisimile, remanere  
quoad ipsos incognitum vel occultum, quod  
tam patenter omnibus publicatur. Actum La-  
terani Die Coenæ Domini, Pontificatus Nostri  
Anno IX.

## XVIII.

Confirmatio Electionis Alberti Regi Roma-  
norum in Imperatorem electi.*Ibidem.*Bonifacius Episcopus, Servus Servorum Dei,  
Charissimo in Christo Filio Alberto Regi  
Romanorum Illustri, Salutem & Apostoli-  
cam Benedictionem. Ad perpetuam rei me-  
moriã.

**P**atris Aeterni Filius Dominus Jesus  
Christus, cujus licet immeriti vices  
in terris gerimus, misericordiæ benignitatem  
exerens, ut in ejus beneplacitis feramus ju-  
gum Apostolicæ servitutis, viam nos humi-  
litis edocuit, nosque suorum doctrinis man-  
datorum instruxit, ut ipsius vestigia, qui pa-  
tiens & humilis est atque misericors, quan-  
tum patitur humana fragilitas, imitemur.  
Nos itaque ipsius exemplo dirigi cupientes,  
quos ad Nos fiducia devota reducit, libenter  
brachiis paternæ benignitatis amplectimur,  
illisque sinum mansuetudinis & misericordiæ  
non negamus, dum eis præsertim devotionis  
& humilitatis instantia suffragatur.

*Proemium.*

§. 1. Profecto dum fidem & devotionem  
divæ memoriæ Rodulphi Regis Romanorum,  
Patris tui, quibus ipse, dum viveret, erga  
Sedem Apostolicam studuit cum sinceritate vi-  
gere, ad memoriã nostræ considerationis  
adducimus, dum clara & provida magnifi-  
centiæ tuæ studia, per quæ diebus istis grati-  
ficari Deo, & ipsi Sedi cum summæ devotio-  
nis & humilitatis promptitudine decrevisti,  
diligentius intuemur; suggerit nobis horum  
fervens instantia, ut erga Te mansuetudinem  
& misericordiam exercentes, statui tuo salu-  
briter ad laudem Divini Nominis, honorem  
& exaltationem Sanctæ Matris Ecclesiæ, Sa-  
crique Imperii, ac tranquillitatem & pacem  
fidelium, authore Domino, consulamus.

*Alberti erga  
Apost. Sedem  
merita.*

§. 2. Dudum siquidem claræ memoriæ Rodul-  
pho Rege Romanorum de hac luce subtrac-  
to, & per ejus obitum Romano Regno vacante,  
Principes Ecclesiastici, & sæculares, ad quos,  
translato olim Romano Imperio de Græcis per  
Sedem Apostolicam in persona Magnifici Ca-  
roli in Germanos, futuri Romanorum Regis  
in Imperatorem postmodum promovendi ele-  
ctio pertinet, Te in Romanorum Regem  
unanimitè, & concorditer elegerunt: Tuque,  
hujus-

*Albertus legi-  
time in Impe-  
ratorem ele-  
ctus.*



huiusmodi electioni de Te factę consentiens, fuisti more Romanorum Regum apud Aquigranum, in Romanorum Regem postmodum coronatus: & deinde fere per quinquennium, exercuisti administrationem regiam: sicut Prædecessores tui legitime ac concorditer in Romanorum Reges electi exercere solent hactenus, postquam apud dictum locum Aquigrani, ubi hoc fieri consuevit, coronati fuerunt.

§. 3. Verum, cum medio tempore nonnulla contra Te super iis ad nostram audientiam deducta fuissent, certis a Nobis adversus Te processibus propterea subsecutis; Tu devoti & prudentis more Filii de solita Patris benignitate confidens, super iis non Iudicium, sed misericordiam humiliter implorasti; nihilominus offerens Te paratum tuam, prout posses, super eis ostensus innocentiam, & alias nostra & dictę Sedis beneplacita, & mandata facturum: Præstitisti quoque Nobis & Sedi fidelitatis, & obedientię iuramentum, & nonnulla etiam alia promissisti, & iuramento firmasti, quę tam a prædicto Patre tuo, quam a Prædecessoribus ejus Romanorum Regibus jurata, promissa, facta, recognita, & concessa fuerunt; sicut hæc & alia in duobus patentibus Literis tuo Sigillo signatis, quę in ipsius Archivo conservantur Ecclesię, plenius continentur.

§. 4. Cumque vicem geramus illius, qui, sedens ut Rex circumdante exercitu, est mærentium consolator, & omnipotentiam suam parcendo & miserando maxime manifestat, devotione ac humilitate tua gratanter inspecta, viam mansuetudinis, misericordię, ac dulcedinis erga Te potius elegimus, quam rigoris, ut apud Nos & Ecclesiam memoratam obedientia humilis Tibi profit, sicut obesse debent contemptoribus inobedientia & contemptus. Et quia levantes in circuitu oculos nostros, & Romanorum Regnum & Imperium intuentes, invenimus in ipsis gentem peccatricem, populos graves iniquitate, semen nequam, filios sceleratos, qui deliquerunt in Dominum, blasphemaverunt Sanctum Israel, & alienati sunt retrorsum, & in eis omne caput languidum, & omne cor mærens; ita quod a planta pedis usque ad verticem quasi non est sanitas in eisdem; quorumque vultus & plaga tumens non est circumligata medicamine, nec fota oleo Samaritani illius, qui homini descendenti de Jerusalem in Jerico, vulneribus sauciato, ut proximus verus subvenit, plagis ejus vinum & oleum misericorditer infundendo, vestigia imitantes decrevimus, tecum misericorditer agere, severitatem superando rigoris; ut Tu, memor tam grandis novę nostrę miserationis acceptę, tuorum discas vulnera subjeutorum, & plagas per mansuetudinem olei, & vini acrimoniam restaurare. Modum namque sequi providimus in hac parte, per quem Tu, approbatus a Nobis, ac nostro & ejusdem Ecclesię fultus auxilio & favore, super Reges constituaris, & Regna, ut evellas, & destruas, dissipas, & disperdas, ædifices, & plantes; ac sedens in folio Iudicii tuo intuitu profuges omne malum: accepta secundum Apostolum ad vindi-

*Bull. Rom. Tom. III. Pars II.*

etiam malefactorum, laudemque bonorum gladii potestate.

§. 5. Ad gloriam igitur Omnipotentis Dei Patris, & Filii, & Spiritus Sancti, & Beatę ac gloriosę semperque Virginis Marię, Beatorum quoque Apostolorum Petri, & Pauli & ad honorem & exaltationem Sanctę Romanę Ecclesię, ac Imperii prædictorum, & prosperum statum Mundi, de Fratrum Nostorum consilio, præsentē quoque Prælatorum, & aliorum copiosa multitudine Curialium, autoritate apostolica, & de apostolicę plenitudine potestatis, Te in specialem Filium Nostrum recipimus & Ecclesię memoratę; ac in Regem Romanorum assumimus, in Imperatorem authore Domino promovendum: Volentes & statuentes, ut de cætero talis Filius Rexque Romanorum existas, in Imperatorem, ut præmittitur, promovendus, & quod pro tali ab aliis habearis: Tibique, sicut Romanorum Regi electo legitime, & Aquigrani coronato obediri debere ab omnibus & singulis Sacro Romano subiectis Imperio, sicut pareri solet & debet Prædecessoribus tuis Romanorum Regibus legitime intransitibus, & a præfata Sede hactenus approbatis.

§. 6. Supplentes omnem defectum, si quis aut ratione formę, aut ratione tuę vel tuorum Electorum personarum, seu ex quavis alia ratione, vel causa, sive quocumque modo, in huiusmodi tua electione, coronatione, ac administratione fuisse noscatur. Omnia insuper & singula per Te, vel alios de mandato tuo, facta & habita in administratione prædicta, quę alias iusta & licita extitissent, ita valere decernimus, & tenere, sicut si administratio ipsa Tibi competiisse legitime nosceretur. (a)

§. 7. Excellentiam itaque Regiam moneamus, rogamus, & hortamur attente, ac obsecramus in Filio Dei Patris, quatenus ad ipsum Deum, & præfatam Ecclesiam Matrem tuam mentem & oculos tuos dirigens reverenter, ac benignitatem nostram, dictęque Matris, qua præventus agnosceris, devotā meditatione considerans, illamque conscribens in Sacratio tui pectoris, inibi sub recognitione debita perpetuo permanens, sicut Christianissimus Catholicusque Princeps fide præclarus, claritate fervens, devotione sincerus, & Iudicio rectus, eandem Ecclesiam, & libertatem ecclesiasticam ubilibet summo studio totisque viribus revereri & colere studeas, ac tueri; & grata & grandia ipsi Ecclesię pro gratis & grandibus impensis Tibi muneribus recompenses. Populos quoque in aequitate iudices, & dirigas in Terris Tibi subiectis gentium Nationes ad bonum; ac alias commissa Tibi Regni & Imperii gubernacula congruis temporibus sic laudabiliter & utiliter exequaris, quod æternę vitę præmium, illius Tibi

N

dex-

Eius in Regem Romanorum electionem approbat.

Qui intercesserant in electione eadem defectus, supplet.

Eum ad gratam erga Ecclesiam exolanda officia ac Imperium Recte adnistrandum hortatur.

(a) Aliis literis die eadem datis, quę leguntur apud Bzovium, Bonifacius omnes uniones, confederationes, societates & pactiones cum quibuscumque Regibus, aut Principibus, in præjudicium Romanę Sedis, & Imperii ab eodem Alberto factas, etiamque iuramento firmatas, irritavit, nullas dixit, & quęcumque iuramenta quibuscumque verbis concepta relaxavit.

Ut Albertus postulatus iudicio ob casum Adolphum misericordiam imploravit.

Fidem Ecclesię obstrinxerit eique Privilegia confirmavit.

Mansuetudinis illi Bonifacius monita dat, & exemplum.



dextera suffragante, a cuius misericordia omne datum optimum, & omne perfectum donum descendit, exinde consequi merearis; & præfata Ecclesie Tē gratum & utilem filium representes, ac de bono semper in melius in ejus dilectione concreas, tuique nominis fama latius in gentibus extollatur. Nulli ergo omnino hominum liceat hanc paginam nostrorum receptionis, assumptionis, statuti, suppletionis, & constitutionis infringere; vel ei ausu temerario contraire. Si quis autem &c.

Dat. die 30.  
Aprilis 1303.  
P. An. IX.

Datum Laterani secundo Kalendas Maii  
Pontificatus Nostri Anno Nono.

## XIX.

Declaratio, quod Ungariæ Regnum ad Mariam Siciliæ Reginam, & Carolum ejus nepotem; non autem ad Wenceslaum Bohemiæ Regis natum pertineat.

Ibidem.

Bonifacius Episcopus, Servus Servorum Dei,  
ad perpetuam rei memoriam.

Exordium.

**S**pectator omnium, cunctorum præscius Rex æternus, civitatem Jerusalem ruituram prævidens, flevit compassibiliter super illam: nunquid igitur & nos, ejus officium vicariæ potestatis habentes, fletus arceri possumus, mitigare punitionis aculeos, gemitus cohibere, videntes acerbè Regni Hungariæ collapsi per plurimum dissidia gravia, inculcata frequentius diminutionis incommoda, & ruinam totaliter imminuentem? Illud itaque violenti diripiunt, & apprehenderunt jam inter angustias persequentes; gemunt Sacerdotes ipsius, luget Populus confusionis involutione perplexus; parvuli ejus captivi sunt ducti ante faciem tribulantis; silet ibi belli dissidio coacta iustitia, corrupti sunt mores hominum; eradicatis virtutibus, vitiis propagatis, zelus Christianæ Fidei tepuit, imo jam friguit, & divini cultus observanda religio dormitavit: & dum inibi de regnandi jure contenditur promiscuis actibus, sursum deorsum miscentur confuse singula, & in aperto caduco ruit populus, cum certus non appareat gubernator. Dolendum in iis pariter, & lugendum illa maxime ratio piæ considerationis inducit, quod Regnum ipsum, retrorsum rediens, Reges lactavit hætenus Reginasque catholicos, & in eminentiam cælestis exercitus mirā vigente sanctitate perduxit: literatos utique viros alios, intelligentes & providos, scientiæ claritate conspicuos, & eloquentiæ facunditate disertos; in quorum vices succedere pro dolor! dissidentes, & stolidi, modicæ devotionis & fidei, abicientes jugum disciplinæ laudabilis, & debaccantes improbe sine fræni constrictione pro libito vastatores. Numquid igitur super istis nostra consilia inhumane deficient, opportuna remedia, eclipsante charitatis fomite, & omissa lima iustitiæ, delitescunt? Necessè quidem adesse conspiciamus, ut ruinas hujusmodi pastoralis cura nostræ pro-

visionis impleat, collapsa reparet, iusta confoveat, vastata restauret, & paterna benignitas apta præsidia pro ipsorum congruâ reparatione producat; sedando præcipue, quantum nobis ex alto permittitur, contentionis præfata de iure regnandi turbinem, & de Regno ipso auferendo pro viribus omnem per nostræ reparationis suffragium tempestatem.

§. 1. Sane diebus non longe præteritis charissimus in Christo Filius noster Venceslaus Boemiæ Rex illustris per eius Nuncium & expressas literas Nobis supplicavit attente, ut negotium Filii nobilis Viri Venceslai eiusdem Regis Filii, quem in Regem Ungariæ concorditer & canonicè proponebat electum; & eundem Regem Boemiæ, ac tam suos, quam eiusdem Filii in hac parte sequaces in benevolentiam nostram reciperemus, & gratiam; ac Nos eis adiutores, directores benignos & favorabiles in ipso negotio redderemus: super cuius supplicationis instantia pia & rationabili meditatione pensantes, quod præfatum Regnum Ungariæ, tam nobile hætenus, tam præclarum in spiritualibus & temporalibus, per collusiones varias, sicut prætangitur, est collapsum; quodque charissima in Christo Filia nostra Maria Regina Siciliæ in eodem Regno Ungariæ, tanquam hæres proximior, habere se ius asserbat, & asserit, & dilectus Filius nobilis Vir Carolus Nepos eius Regnum ipsum in parte non modica ex persona iam dictæ suæ paternæ Aviae possidebat, & possidet: de quo etiam in Strigoniensi Ecclesia juxta ritum antiquum Ungariæ per personam idoneam Regale suscepit Diadema; ut tolleremus invicem peccandi materiam, & concertandi discrimen, exhiberemus iustitiæ debitum, ac viam reformationis dicti Regni accommodam sumeremus; inter contententes eosdem tractatum pacis & compositionis amabilis more Patris similiter assumere cupientes, memoratos Reges Boemiæ, ipsius Filium, & sæpèdictum Carolum, eorumque sequaces, & alios, qui sua crederent interesse, per Venerabilem Fratrem nostrum Nicolaum Hostiensem Episcopum, tunc Ungariæ præfati Regni Legatum, peremptorie citari mandavimus, ut infra determinati & convenientis temporis spatium, in ipsa citatione præfixum, cum omnibus iuribus, actis & munimentis suis contingentibus, memoratum negotium coram nobis legitime comparere deberent; super iis complementum recepturi iustitiæ, ac facturi, quæ pro dicti Regni statu prospero per Nos essent provide ordinanda.

§. 2. Eodem vero Legato prædictos Regem, & Filium, ac Carolum legitime citante, sicut per ipsius certas literas, & verbum, postea Nobis evidenter innotuit; ac adveniente peremptorio termino, in ipsa citatione statuto, præfata Regina Siciliæ intimato iam sibi ex nostra parte per alium, quod ipsa etiam, si sua interesse putabat, in memorato termino compareret; & iam dictus Carolus per Procuratores idoneos sufficienter instructos, tamquam devotionis & reverentiæ filii comparuerunt cum debitâ obedientia coram Nobis, Venerabilibus Fratribus nostris S. Archiepiscopo Colocen., M. Zagabrien., T. Jeurien, & B. Vesprien,

Venceslaus  
filium in Re-  
gem Hunga-  
riæ electum  
Sedi Ap. com-  
mendat.

Cōtendit Ma-  
ria Regnum  
idem successi-  
onis jure ad  
se spectare.

Vocatur uter-  
que in judi-  
cium.

Maria & Ca-  
rolus orato-  
rum opera in  
judicio sistant.

Dolet de Hun-  
garici Regni  
calamitatibus

Pontificis ef-  
fectu sollicitudi-  
nis tantis ma-  
lis prospicere.



sprien. Episcopis, ac dilectis Filiis nonnullis Archidiaconis & Præpositis de ipso Regno Ungariæ, ex citationis præfatæ vigore comparentibus similiter cum eisdem.

§. 3. Jam dicti vero Boemiæ Rex, & Natus non comparuerunt per se vel per alium in termino præfinito, nec postea; sed sub cuiusdam palliationis astutia excusatores miserunt ad nostram præsentiam dilectos Filios Honorium Decretorum Doctorem, Joannem Cantorem Ecclesiæ de veteri Buda Clericos, ac Joannem Romani Juris Peritum Laicum, excusantes eosdem, quod Procuratores ad Nos non miserant sufficienter instructos, causas circa hoc minus rationabiles, imo inanes & frivolas pretendentes; & in pluribus consistoriis per Nos ab ipsis seriose petito, si alias causas rationabilis excusationis haberent vel ampliori forent potestate suffulti, in excusatione culpæ contumaciam geminantes, dixerunt improbe, quod præfatus Rex Boemiæ nullo unquam intendebat tempore de ipso Regno Ungariæ litigare; Procuratoribus ipsis & nunciis eorumdem Reginæ Siciliæ ac Nepotis instantibus, ut contumaciam ipsorum Boemiæ Regis, & Filii, ad declarationem, & determinationem Juris, Reginæ ac Nepoti competentis eisdem, procedere deberemus.

§. 4. Nos vero, habita super iis cum Fratribus nostris examinatione solemnī, profunda maxime meditatione pensantes statum præfati Regni Ungariæ miserabilem & depressum, flebili quidem compassione condignum, quod revera ex præfata maxime contentione regnandi in pejus continue labitur; quia, dum utrinque contenditur involuto dissidio, animarum & corporum pericula prodeunt, & ipsius Cives & Incolæ in illo regnantibus cum debita obedientia non intendunt; quodque, sicut facti notorium permanens evidenter ostendit, & licet non in figura iudicii Nobis est notum, prædicta Regina Siciliæ, sicut Primogenituræ Jus obtinens clare memoriæ Stephani Regis Ungariæ patris sui, in eodem Regno propinquior est Successor, & hæres quondam Ladislao Regi Ungariæ Fratri suo ex utroque Parente, per quod opitulatur eidem communis Juris præsumptio, quæ tali casu probandi onus in Adversarium iuste transfert; quia etiam quondam Carolus ipsius Reginæ Primogenitus, dicti Caroli genitor, habitus est quasi communiter, & præcipue per Romanam Ecclesiam, pro Ungariæ Rege, dum vixit, nec ex parte dictorum Boemiæ Regis & Filii de Jure competente ipsis in Ungariæ Regno prædicto allegatum est aliquid vel assertum, nisi sola electio, quæ de ipso Filio Regis facta proponitur: quæ procul dubio diversis ex causis, prout rationum prima facies judicat, minus legitima, imo prorsus inutilis esse videtur; eo maxime, quod sicut scripti canonis series aperiet, Regnum ipsum Ungariæ successionis lure provenit: electionis arbitrio non defertur; rationibus præmissis, & causis aliisque motivis plurimis, quæ religionem debent judicantis instruere, in trutina recte deliberationis appensis, expedientia commixta licentiæ, ac benigna humanitate servata, de plenitudine potestatis in apertam contumaciam eorumdem Boemiæ Regis, & Filii, in præsen-

tia Prælatorum, plurium Cappellanorum, familiarium nostrorum, & aliorum in Consistorio vocatorum; præsentibus eorumdem, Boemiæ Regis & Filii Nunciis, ac Excusatoribus supra scriptis, de Fratrum nostrorum consilio decernimus, diffinimus, declaramus, & volumus, quod prædicta Maria in toto ipso Regno Ungariæ & pertinentiis suis omnibus, ac ubique Terrarum Regina Ungariæ, & dictas Carolus Nepos, Rex nuncupentur apertis labiis scriptionibusque vulgatis, & in documentis publicis titulentur. Quodque Prælati, Clerici cujuscumque dignitatis, status, aut conditionis fuerint, & Religiosi alii, cujuscumque sint Ordinis, nec non Comites, sive Bani, Barones, Milites, Cives, Incolæ cujuscumque status, præminentie, dignitatis, aut conditionis existant, jam dicti Regni Ungariæ omnium Jurium & pertinentiarum ejus, ac aliarum regionum annexarum sibi, etiam si Regnorum titulum habeant, dictis Reginæ Ungariæ & Regi Nepoti, tanquam ejusdem Regni Ungariæ Reginæ & Regi legitimis parere, & intendere, ac de fructibus, redditibus, serviitiis, juribus, & obventionibus aliis consuetis, & Regi Ungariæ debitis, devote respondere, procurent: Prælati, Clerici & Religiosis, Comitibus, sive Banis, Baronibus, Militibus, Civibus, Incolisque præscriptis sub pena excommunicationis injungentes expresse, quam eo ipso, si fecerint secus, incurrant, ut eisdem Reginæ ac Regi Ungariæ circa recuperationem, defensionem, & conservationem Regni prædicti auxiliis, consiliis, & favoribus opportunis assistant.

§. 5. Et quia in prædictis eosdem efficaciter, obedientes, & placide sic agere cupimus, ut a contrariis prorsus abstineant, & desistant, Prælati, Clerici, & Religiosis, Comitibus, sive Banis, Baronibus, Militibus, Civibus, Incolisque præfatis sub simili pena excommunicationis, & eodem modo præcipimus, ne memoratos Regem Boemiæ, vel ejus Filium, Regem Ungariæ nominare, vel titolare aliqua nominatione, vel descriptione præsumant; neve ipsis, aut Ministris eorum de fructibus, redditibus, proventibus, ac juribus aliis dicti Regni, & præfatorum sibi adjacentium respondeant quoquo modo; vel ipsis circa occupationem, invasionem, detentionem, seu usurpationem memorati Regni Ungariæ, & præmissorum, quæ annexa sunt sibi, occulte vel publice consilium, vel auxilium afferant, vel alicujus præsidium favoris impendant. Nos enim Prælatos, Clericos, & Religiosos, Comites sive Banos, Barones, Milites, Cives, & Incolas memoratos ab omnibus homagiis, sacramentis fidelitatis, colligationis, aut conjunctionis, quæ prælibatis Regi Boemiæ, Filio aut Ministris eorum præstiterunt, aut cum ipsis in præjudicium dictorum Reginæ & Regis Ungariæ aliquatenus inierunt, etiam si ea fuerint juramentorum, penarum adiectione, vel quovis alio vinculo roborata; quæ viribus vacua & nulla fore censemus, & carere decernimus omni robore firmitatis; absolvimus, & ad eorum observationem, quomodocumque aut quantumcumque se astrinxerint pro observan-

Quibus bene examinatis Regnum Mariæ & Carolo adjudicatur.

Iussi Proceras ac Præsules obedientiam illis exhibere.

Vetari Juniorum Venceslaus, laum Regis Hung. titulo insignire.

Et præstita ei Sacramenta rescindit.

Venceslaus, & filius inania obediunt diffugia.

Rationes utriusque partis.



Eique quadri-  
mestre consti-  
tuit ad jura  
de petitorio  
producenda.

dis eisdem, ipsos decernimus non teneri.

§. 6. Ceterum, ut, quæ gravitati Sedis Apostolicæ congruunt, cum debita maturitate servemus, nec excludamus a nostris processibus amicam in throno sedentibus æquitatem, Regi Boemiæ, Filioque præfatis peremptorium terminum quatuor mensium, a die datæ præsentium numerandum in antea, & peremptorie præfinimus, infra cuius temporis spatium ipsi per se vel alios aut alium, si qua Jura de proprietate dicti Regni Ungariæ habere se credunt, Nobis & Apostolicæ Sedi reverenter ostendant; illaque petant & prosequantur, ut expedit ordine debito, & rationabile fuerit, sicut ipsis melius videbitur expedire. Super possessorio tamen cujuscumque speciei vel generis pro dicto Regno Ungariæ memorato, Regi Boemiæ vel Filio competente, propter eorum contumaciam sic contractam perpetuum silentium eis duximus imponendum. Ultra præmissi vero temporis spatium quadrimestre, ne in potestate sit dictorum Boemie Regis & Filii inquietare pro libito, molestare frequenter, & ut vitandi scandali occasionem tollamus, & causam, ex nunc prout ex tunc in Jure ac proprietate competentibus ipsis forsitan in Regno præfato jurisdictionis nostræ, & Apostolicæ Sedis denegamus immutabili edictione præsidium; & eis in Tribunali quocumque tam de justitia, fomite, quam de ipsius potestatis plenitudine perpetuum silentium imponimus, de Fratrum consilio prædictorum. Ita quidem, quod prædicta termini præfinitio, jurisdictionis denegatio, impositio silentii ex nunc elapso jam dicto quadrimestris spatio, perinde vigorem habeant & effectum, ac si in ejusdem Boemiæ Regis & Filii notitiam, per formam citationis solitæ pervenissent, cum Magistratus alii etiam non majores de juris licentia per edicta in scriptis publice vel in aedes proposita citare valeant; nec sit verisimile vel præsumptum, ut præmissa in notitiam & conscientiam dictorum Boemiæ Regis & Filii debito tempore devenire non valeant, quæ in præsentia ipsius Consistorii prædictorum Prælatorum, aliorumque plurium, & eorundem Nunciorum ac excusatorum maxime sunt tam vulgate, tamque solemniter publicata.

§. 7. De reformatione præfati Regni collapsi disponere cum ipsorum Fratrum consilio, prout tempora se apta præbuerint, prævisis consiliis, opportunisque remediis, auctore Domino, proponentes, ut in ipso, gratiâ disponente supernâ, tranquilla tempora redeant, inquieta recedant: sicque ipsius Regni status reformetur in prosperum, quod læta pax & amoenitas in locum tam gravium adveniat scandalorum.

Nulli ergo hominum liceat hanc paginam nostrorum Constitutionis, diffinitionis, declarationis, injunctionis, præcepti, absolutionis, decreti, impositionis, & denegationis, infringere, vel ei ausu temerario contraire. Si quis autem &c.

Datum Anagninæ secundo Kalendas Junii, Pontificatus nostri anno IX.

Dat. die 31.  
Maii 1303. P.  
An. IX.

## XX.

Institutio Studii generalis in Alma Urbe, cum privilegiis pro Doctoribus, & Scholaribus.

Bonifacius Episcopus, Servus Servorum Dei, dilectis filiis Abbati Monasterii S. Laurentii extra muros, & Priori Basilicæ ad Sancta Sanctorum, ac Archipresbytero Ecclesiæ S. Eustachii de Urbe, salutem & Apostolicam benedictionem.

**I**N supremæ præeminentia dignitatis divini dispositione consilii constituti, ad universas fidelium regiones nostræ vigilantia creditas tamquam Pastor dominici gregis aciem apostolicæ considerationis extendimus, ad earum profectum quantum nobis ex alto permittitur intendentes: sed ad urbium Urbem, Romanam videlicet civitatem, quam divina clementia statuit caput Orbis, eo attentioris meditationis intuitum retorquemus, quo principalius in eadem nostri Sedem Apostolatus celestis dispositio stabilivit, & firmavit Ecclesiæ fundamenta. Hanc profecto nimirum inter ceteras Urbes sub christianæ religionis fidei militantes, uberioris affectionis prærogativa prosequimur, studiosius apostolicis munimus præfidiis, & condignis libentius gratiis honoramus, ideoque ferventi non immerito desiderio ducimur, quod eadem Vrbs, quam divina bonitas tot gratiarum dotibus insignivit, scientiarum etiam fiat fecunda muneribus, ut viros producat consilii maturitate conspicuos, virtutum redimitos ornatibus, ac diversarum facultatum dogmatibus eruditos, sitque ibi fons scientiarum irriguus, de cujus plenitudine hauriant universi liberalibus cupientes imbui monumentis.

§. 1. Ad hunc igitur universalem profectum non solum incolarum Urbis ipsius, & circumpositæ regionis, sed & aliorum, qui propter, nec quasi continuo de diversis Mundi partibus confluent ad eandem, studio paternæ sollicitudinis intendentes, diligenti super hoc cum fratribus nostris deliberatione præhabita, de ipsorum consilio auctoritate Apostolica duximus statuendum, quod in Vrbe prædicta perpetuis futuris temporibus generale vigeret studium in qualibet facultate, ac docentes & Studentes ibidem, omnibus privilegiis libertatibus & immunitatibus concessis Doctoribus & Scholaribus in studiis generalibus commorantibus, gaudeant & utantur.

§. 2. Et ne hujusmodi ipsorum studium, (quod de bono semper in melius dirigi cupimus) perturbari contingeret, auctoritate prædicta decrevimus, ut Doctores, vel Scholares in hujusmodi Rom. Studio commorantes, non possint inviti in Cur. Capitolis occasione, qualibet civiliter vel criminaliter conveniri, nisi forsân (quod absit) homicidium per aliquem vel aliquos de eodem Studio Romano perpetrari contingeret: quo casu Vicarius Rom. Pont. contra Clericos, Senator vero vel Senatores, qui pro tempore fuerint in Vrbe prædicta,

Proemium.

Studium generale in Urbe instituit.

Exemptio Doctorum, & studentium a Cura Capitolina.



sta, contra Laicos procedant, & faciant quod iustitia suadebit.

Era novis im-  
positionibus.

§.3. Nec ad aliquas contributiones in taliis, aut collectis, quæ imponerentur pro tempore habitatoribus dictæ Urbis, seu aliqua obsequia communi Urbis ipsius præstanda pretextu moræ, quam in eadem Vrbe contraherent, vel aliqua pedagia ratione rerum suarum, quas ad dictum Romanum Studium deferri, vel exinde reportari facerent, doctores, aut scholares ejusdem Romani studii teneantur.

Taxa pensio-  
nis pro Do-  
mibus eorum-  
dem.

§.4. Quodq. pensiones domorum, quas doctores vel scholares in eadem Vrbe studiorum causa morantes inhabitarent, taxari deberent per duos taxatores, quorum unum ipsi doctores & scholares, & alterum commune ipsius Urbis eligant, & si ii duo concordare nequirent, stetur taxationi tertii taxatoris ab eisdem doctoribus & scholaribus eligendi, ac ultra taxationem huiusmodi nihil ab eis possit exigi nomine pensionis pro domibus antedictis.

Cognitio Cau-  
sarum quibus  
injungenda.

§.5. Et licet Roma communis sit patria, si tamen quispiam litem contra scholares peregrinantes causa studiorum in illa super aliquo negotio movere voluerit (huiusmodi rei optione data scholaribus ipsis) eos coram Domino, aut Magistro suo, vel prædicto Vicario conveniat, iuxta legitimam super hoc editam sanctionem, & qui contrafecerint, poenam dictæ sanctionis incurrant. Rectores quoque quos doctores, & scholares eiusdem Romani Studii pro tempore duxerint eligendos, in ipsos doctores, & scholares ac familiares ipsorum, tam circa cognitionem & decisionem causarum civilium, & criminalium civiliter motarum, & etiam criminaliter in criminibus levioribus, quam ipsorum corrigendos excessus leves, ordinariam obtineant potestatem.

Dispensatio a  
residentia in  
Beneficiis da-  
ta facultate  
perciipiendi  
fructus.

§.6. Vt autem doctores & scholares dicti eo liberius intendere studio valeant, ac proficere in eodem, quo maioris fuerint gratiæ favore muniti, ipsis auctoritate prædicta concessimus, ut dum huiusmodi studio docendo, vel audiendo insisterent, fructus, redditus, & proventus omnium beneficiorum suorum cum cura, vel sine cura, etiam si eorum aliqua personatus vel dignitates existerent, cum ea possint integritate percipere (quotidianis distributionibus dumtaxat exceptis) cum quæ illos perciperent, si in Ecclesiis, in quibus illa obtinent, personaliter residerent, & ad residendum in eis interim minime teneantur, neque ad id a quoquam valeant coarctari. Nec obstantibus quibuscumq. statutis & consuetudinibus contrariis, dictarum Ecclesiarum iuramento, confirmatione Sedis Apostolicæ, vel quacumq. firmitate alia roboratis, etiam si de illis servandis per se, vel per procuratores suos præstassent forsitan iuramentum.

Executores  
huiusce Con-  
stitutionis.

§.7. Verum quia non sufficit privilegiorum & indulgentiarum aliquibus dare præsidia, nisi sint, qui super iis eos manuteneant & defendant, cum parum sit in Civitate ius esse, nisi, qui illud tueatur, existat, discretionis vestræ per Apostolica scripta mandamus, quatenus, vos, vel duo aut unus vestrum, per

vos vel alium seu alios eisdem Doctoribus, ac scholaribus, qui in eodem Romano Studio pro tempore fuerint, efficacis defensionis præsidio assistentes, non permittatis eos, vel eorum, aliquos contra huiusmodi statuti, constitutionis, & concessionis nostrarum tenores ab aliquibus molestari. Molestatores huiusmodi, necnon contradictores quoslibet, & rebelles, quicumq. cuiuscumq. conditionis fuerint, aut status, etiam si Pontificali, vel alia quavis præfulgeant dignitate, auctoritate apostolica, postposita appellatione compescendo.

Obstantium  
derogatio.

§. 8. Non obstantibus supradictis, seu de duabus dietis edita in Concilio generali & nostra, qua cavetur, quod Conservatores a Sede deputati prædicta aliquos ultra unam dietam a fine Dioecesis eorundem trahere non præsumant, & quibuscumq. aliis Constitutionibus contrariis, dummodo ultra tertiam, vel quartam dietam extra suam Dioecesim aliquis auctoritate præsentium non trahatur, aut si aliquibus ab eadem sit Sede indultum, vel in posterum indulgeri contingat, quod excommunicari, suspendi, vel interdicti non possint per literas Apostolicas, impetratas, vel etiam impetrandas, nisi eadem literæ impetrandæ plenam & expressam fecerint de indulto huiusmodi mentionem, & quibuslibet literis, & indultis apostolicis, per quas, præsentibus non expressis, vel totaliter non insertis nostræ jurisdictionis explicatio in hac parte posset quomodolibet impediri, & de quibus, quorumq. totis tenoribus de verbo ad verbum in nostris literis mentio sit habenda. Volumus autem, quod quilibet vestrum, etiam super negotio per collegam suum in hac parte primitus inchoato, se intromittere valeat, & procedere in eodem prout, & quotiens fuerit opportunum.

Datum Anagninæ, Anno Incarnationis Dominicæ MCCCIII. 8. Idus Junii, Pontificatus nostri anno IX.

Dat. die 8. Ju-  
nii 1303. P.  
An. IX.

## XXI.

Erectio Studii generalis in Civitate  
Avinionis.

*Hic idem Pontifex simile Studium mox instituit  
in Vrbe, ut in ejus const. præcedenti.*

Bonifacius Episcopus, Servus Servorum Dei.  
Ad perpetuam rei memoriam.

**C**onditoris omnium immensa benignitas rudem hominem, quem post perceptionem mortiferi gustus ad perfectionem discretionis asserre naturalis ratio non poterat, scientiarum artiumq. decrevit dogmatibus erudiri. Sicque dono dato divinitus plurium idiomata nationum, sub diversarum linguarum varietate diffusa, in unum conveniunt loquendi commercium, latinitatis ordine literalis. Sic gesta patrum, & principum redacta sunt, & rediguntur in monu-  
men-

Proemium.



menta librorum. Sic veri & falsi certamina, certis rationibus & argumentis probabilibus dirimuntur. Sicq; generationis & corruptionis corporum universorum, simplicitas elementorum a qualitate discernitur. Sic etiam vocum sonoritas pari concordia prodit in jubilum, & documento colligitur, qualiter in divinis obsequiis modulatione musica Domino ferviatur. Sic terminorum extrema scholastica doctrina metitur, quaslibet longitudinis & latitudinis, sublimitatis, & profundi distantias, punctorum seu mensurarum connumeratione distinguens. Sic de supernorum, essentia corporum prout moventur & consistunt in ordine, philosophiæ perscrutatio arte nititur habere notitiam, licet sit res intellectu difficilis, & aciem humanæ rationis transcendat. Sic datur Juris utriusque cognitio, querela a jurgio dirimitur, & quod suum est, redditur unicuique. Sic quoque ad sacrarum acceditur altitudinem scripturarum, & elicitur vivificans spiritus de literæ visceribus occidentis. Expedi igitur singulis regionibus orthodoxis, ut in eis habeantur viri industres, literarum decore, scientiis & virtutibus præsigniti, ut singula sic ipsorum, consiliis providis, & consulta providentia dirigantur, quod earum incolæ subiectionis observantia gloriosi vivant & qui regnant quietis beatitudine gratulentur. Tales siquidem viros infusa eis cælitus grātia literale studium efficit, parvulos suavitatis lactans dulcedine, cibans adultos uberius, & provectos majoris ubertatis delectatione fecundans, dum circa ipsum studiosa sedulitate versantur. De his profecto non indigne accipitur, quod refulsit sol in clypeos aureos, qui sunt justitiæ defensores, facta causarum ambigua dirimentes. Qui suæ defensionis viribus, in rebus publicis ac privatis, lapsa erigunt, fatigata reparant, nec minus humano generi per scientiarum cooperationem provident, quam si præliis ac vulneribus patriam parentesq; salvarent. Ac Justiniana sanctio non solum illos imperio militare decrevit, qui gladiis, clypeis & thoracibus muniuntur, sed alios qui præsidio gloriosi muniminis, laborantium spem, vitam posterorq; defendunt, ne potentiorum manus validior afficiat humiliores injuriis, prematq; jacturis clypeo justitiæ non adiutos. Tales utiq; clypeos aureo titulo merito præsignivit auctoritas, cum per aurum virtutum nobilitas, & per scutum fortitudo fidei designetur. Habet enim scientia incomparabiles thesauros deliciarum, omniumque bonorum gratiam largitur ad plenum.

§. 1. Nos itaque profectibus publicis ex debito pastoralis officii, cui dante Domino præsidemus, efficacibus studiis intendentes, ingenti utique desiderio ducimur, & cura propensioris sollicitudinis excitamur, ut studia literarum, per quæ scientiarum thesaurus acquiritur, ac ad spiritualis & temporalis gaudii gloriam pervenitur, laudabilibus incrementis dirigantur ubilibet, ac propensius invalescant, & in illis potissime locis & partibus, quæ idonea & accommodata fore noscuntur, ad multiplicanda doctrinæ semina, & germina salutaria producenda.

§. 2. Cum itaque Avinionen. Civitas ob ipsius commoditates & conditiones quamplurimas, habilis & apta non modicum hujusmodi studio censeatur.

§. 3. Nos pro utilitate publica credentes multipliciter expedire, ut in Civitate prædicta cultores sapientiæ inferantur, fructum uberem largiente Domino in tempore producturi, præsentium auctoritate concedimus, ut in Civitate prædicta sit & habeatur de cætero Studium, literarum generale, in quo Magistri doceant, & Scholares libere studeant & audiant, in quavis licita facultate. Ac si qui processu temporis in eodem Studio fuerint, qui scientiæ brævium assequuti, docendi sibi licentiam, ut alios licenter erudire valeant, petierint exhiberi, Sancimus ut in Jure Canonico & Civili, ac in Medicina & liberalibus artibus examinari possint ibidem, & in facultatibus ipsis dumtaxat Magisterii titulo docorari.

§. 4. Statuentes ut quotiens ad id aliqui fuerint promovendi, præsententur Episcopo Avinionensi pro tempore existenti. Qui Magistris facultatis illius, in qua examinatio fuerit facienda, in eodem Studio præsentibus convocatis, eos gratis, & difficultate sublata qualiter de scientia, facundia, modo legendi, & aliis, quæ in promovendis ad Doctoratus seu Magisterii officium requiruntur, examinare studeat diligenter, & illos, quos idoneos repererit, petito secrete Magistrorum eorundem consilio, quod utique consilium in ipsorum consulentium dispendium vel jacturam revelari quomodolibet, sub divine maledictionis interminatione districtius prohibemus, approbet & admittat, eisque petitam licentiam largiatur. Alios minus idoneos penitus repellendo, postpositis omnino gratia, odio vel timore. Ceterum ne vacante Sede Avinion. contingat, volentes promoveri ad Magisterium impediri, volumus ut promovendi hujusmodi, vacationis tempore, Præposito Avinionen. Ecclesiæ præsententur, qui eos examinatos approbet vel reprobet, secundum modum in Episcopo prætaxatum.

§. 5. Illi autem, qui in Civitate prædicta examinati & approbati fuerint, ac docendi licentiam obtinuerint, ut est dictum, ex tunc absque examinatione vel approbatione alia legendi, & docendi ubique in facultate illa, in qua fuerint approbati, plenam & liberam habeant facultatem, nec a quoquam valeant prohiberi.

§. 6. Sane ut rite in jam dictis examinationibus procedatur, præcipimus, ut Magistri legere in eodem Studio cupientes, antequam incipiant, præstent publice juramentum, quod ipsi vocati ad examinationes easdem personaliter venient, nisi fuerint legitimo impedimento detenti, & gratis, sine difficultate, odio & amore postpositis, dabunt examinatori fidele consilium, ut de examinatis digni approbari debeant, & indigni merito reprobari. Qui vero juramentum hujusmodi præstare noluerint, nec ad legendum, nec ad examinationes easdem, nec etiam ad aliqua Universitatis ipsius Studii commoda vel beneficia ullatenus admittantur.

§. 7. Ut

Facultas Magisteria conservandi.

Laureandi prius examinentur.

A quo debeant approbari.

Qui fuerint approbati ubilibet possunt legere.

Juramentum ab Examinatoribus præstandum.



§. 7. Ut autem Doctores & Scholares prædicti, eo libentius valeant intendere studio, ac proficere in eodem, quo se munitos agnoverint gratia & favore, eis auctoritate prædicta concedimus, ut dum hujusmodi Studio docendo vel audiendo duxerint insistendum, omnibus privilegiis, libertatibus & immunitatibus concessis Doctoribus & Scholaribus in Studiis generalibus commorantibus gaudeant, & utantur.

Nulli ergo omnino hominum liceat hanc paginam, &c. Si quis &c.

Dat. Anagninæ Kal. Julii Pont. nostri Anno IX.

Datum die 1.  
Julii 1303.  
Pont. An. IX.

## XXII.

Ex Leibnitio  
Cod. Diplo-  
mat. Tom. II.  
pag. 319.

Philippus Gallie Rex, enarratis, quæ ab eo gesta sunt, fidelium coetu, sacrisque segregatus declaratur.

Bonifacius Episcopus Servus Servorum, Dei.  
Ad perpetuam rei memoriam.

**S**uper Petri Solio, excelsi throno, divina dispositione sedentes, illius vices gerimus, qui per Patrem dicitur: Filius meus es tu, ego hodie genui te: Postula a me, & dabo tibi gentes hereditatem tuam, & possessionem tuam terminos terræ. Reges eos in virga ferrea, & tamquam vas figuli confringes eos. Quo monemur, ut intelligant Reges, disciplinam apprehendant, erudiantur judicantes terram, quod serviant Domino cum timore, & exultent ei cum tremore; ne si irascatur aliquando, pereant, cum exarserit ira eius. Ideoque magnum judicamus ut parvum, quia eius sumus Vicarii, apud quem personarum acceptio indigna reperitur. Hoc Novi & Veteris Testamenti veritas habet; hoc venerandorum Conciliorum probat auctoritas; id Sanctorum Patrum tenet sententia; id etiam naturalis ratio manifestat. Sed, licet tanta potestate sit prædita Petri Sedes, tantaque polleat dignitate, tamen, ut pius pater, severitatem mansuetudine temperantes, ac lenientes æquitate rigorem, non ad confringendum quemquam iuste possumus, ferream, sed ad dirigendum in viam salutis directionis virgam in præsentiarum assumimus, & correctionis ferulam amplexamur. Novum ad hoc nihil; prout neque grana de spicis excuti fecimus, nempe simpliciter judicantis opera fungimur. Quinimo utentes denuntiatorum officio, nullas pœnas Philippo Francorum Regi imponimus; sed ei, propter excessus suos jam excommunicato notorie, inflicta potius a jure intimamus.

§. 1. Bonus itaque medicus, si quibusdam medicamenta morbis officiant, se de gratia vertit, non iis statim duriora subiciens, sed leniora, nisi morborum aliud exposcat acuitas administrans: sic peccatorum ejusdem fauciati Regis vulnera prius palpavimus, exactis lenitatibus mulcivimus, ipsumque pietate paterna favimus, imo lenimenta hujusmodi seminarium contumaciæ fuerunt, & odiorum

eum erexerunt in superbiam, & ad contemptum pertinaciter provocaverunt. Unde nos ad alias non graves tamen medelas convertimus, ut saltem experiamur, utrum tactus leniter, non confractus, se corrigat, sicut Nabuchodonosor præ cæteris terræ Rex inclutus, quod optamus ne obstinatus, in quem transfixit, videat; & cogamur ferro abscondere vulnera, quæ fomentum medicinam non sentiunt; penitentiam agat; an (quod absit) profundum malorum demersus, sordidus fordescat amplius, & veluti Pharaon indurescat.

§. 2. Olim siquidem, dum idem Rex peccaret graviter in diversis articulis in Clerum & Ecclesiam Gallicanos, primum per ejusdem Regis Nuntios ad nos missos, ipsum super hujusmodi salutaribus monuimus monitis; deinde ad suum dilectum filium Jacobum de Normanis, Notarium nostrum, ei nostras deferentem literas, in quibus excedebat, capitula continentes, transmissimus: quanquam imprudenter, quanquam infructu animo, & irreverenter tractaverit, non advertens, quod secundum Evangelicam veritatem, qui spernit missum, spernit mittentem; ideo dignus sententia, quam dudum Constantinus Papa in Justinum Imperatorem Justiniani Filium ex simili causa tulit: qui in vicino erant, evidenter cognoscunt, ac idem patuit de longinquo: nec considerans, quod antiquitus est sancitum a sanctis Patribus, & promulgatum canonibus, quod si quis Romam petentes rebus, quas ferunt, spoliare præsumpserit, communione careat christiana: quodque ii, qui accedunt ad præsentiam Romani Pontificis, cum rebus suis debeant esse sub protectione Apostolica securi; & parvi pendens excommunicationis sententiam, quam inhærentes vestigiis Romanorum Pontificum, & præcipue Nicolai Papæ, prædecessorum nostrorum, qui dictorum canonum auctoritate, suffulti, contra talia facientes ad excommunicationem hæcenus processerunt, addito per Nicolaum eundem processibus ipsis, etiam si hæc committentes Imperiali, aut Regali dignitate radiant. Nos etiam eodem privilegio exclusi, in omnes etiam prædictas fulgeant dignitate, qui ad Sedem Apostolicam venientes, vel recedentes ab ea, capiunt, spoliant, vel detinere præsumunt, aut impedimentum aliquod exhibent, quominus ad eandem sedem libere, cum propriis bonis, & rebus suis veniant, & recedant ab ea, in die cænæ Domini proximo præterito, tali modo declarantes: Etiam illos, qui per se, vel per suos officiales vel ministros, aut incolis Imperii, Regnorum, seu terrarum suarum, vel transeuntibus per ea, undecumque oriundis, ad sedem venientibus memoratam, vel redeuntibus ab eadem, equitaturas limitant; vel subtrahunt, quæ deferunt, vel reportant pro suis opportunitatibus vel expensis, aut quasvis alias res & bona; Si aperiant literas, vel auferant, seu taxent numerum personarum, aut electionum aut alias directe vel indirecte talibus venientibus vel redeuntibus impedimentum, vel obstaculum præstare præsumant, impeditores fore ad dictam Sedem venientium & redeuntium, & ex-

Eū in excommunicatione  
contra Romi  
totas spoliante  
latam in  
corisse.

Que lex a Bonifacio confirmata fuerat  
& ampliata,

Mansuetudine  
se cum Phil-  
ippo usum  
asserit.

com-



Regem multa  
contra Romi-  
petas commi-  
fisse Episcopos  
vero ne Ro-  
mam venirent  
prohibuisse.

communicationis sententiam incurere supra-  
dictam. Adeo nostris temporibus, sicut alias  
fecerat, notorie sui Regni fines in transgres-  
sores gravissimis interminatis poenis, & in nos  
iactatis blasphemiiis arctæ custodię deputat, abla-  
tis contra dictam sententiam nostram non so-  
lum indigenis, sed etiam ad eandem Sedem  
per Regnum ipsius aliunde venientibus rebus  
suis, vel iniuriöse taxatis, imo autem omni-  
no subtractis, ac litteris quas deferunt apertis  
per Custodes passuum, aut retentis quod nul-  
lus libere ad prædictam sedem potest accedere:  
nec Prælatis Franciæ per nos, ut super dictis  
deliberaremus cum iis ad nostram præsen-  
tiam evocari potuerunt, sicut eorum huiusmo-  
di per litteras constat, quas in Archivio Ro-  
manæ Ecclesiæ facimus conservare. Sic, &  
Noviomen. Constantien. Bituricen. Episcopi  
ipsorum Nuntios excusatio, eodem impeden-  
te Rege, venire: qua causa etiam si Princeps  
quisquam fuerit, qui hoc prohibuerit, illum  
censet canon communione privandum. Quis  
enim libere ad memoratam Sedem proficisci  
dicet, qui sic tractatur, & quod retineatur,  
vel Regnum permittatur exire, sub alterius  
potestate consistit? certe nullus qui sane intel-  
ligat, & qui scripti iuris vim in hoc cogno-  
scat, habet aliquam veritatem.

Quare missum  
eidem S. Mar-  
celli Cardina-  
lem qui ab-  
solutionem of-  
ferret.

§.3. Sed volentes secundum Sacrorum Do-  
ctrinam Canonum pacis servare vinculum,  
cum æquitate, & firmitate portare, nec sic  
moti sumus. Immo Evangelica dicta pensan-  
tes conati sumus errantem ovem tam charam  
tamque nobis dilectam quasi propriis humeris  
ne periret ad ovile reducere, in uberibus col-  
locare pascuis, & dulcedinis pabulo confove-  
re. Nam cogitantes secundum Evangelii pa-  
rabolam, quod qui notarium spreverat saltem  
nostrum vereretur filium, ad reducendum eum  
filium nostrum Johannem, & Sanctorum Mar-  
celli, & Petri Presbyterum Cardinalem de  
Regno oriundum ipsius, qui tamquam amicus  
suis ejus zelabat salutem, curavimus destina-  
re offerentem inter cætera sibi ex parte nostra  
absolutionem ab excommunicationum senten-  
tiis quibus erat notabiliter irretitus.

Legatum Re-  
gio banno  
subiicit Phi-  
lippus.

§.2. Verum frustra nos talis cogitatus arri-  
puit, quia si erga prædictum Notarium se,  
ut præmittitur, gessit, filium nostrum magis  
ignominiose compescuit, quia sicut ipse Car-  
dinalis nobis retulit, oblatam absolutionem  
contempsit, eique deputatis custodiis, ne li-  
bere ire posset, quo vellet, nec recipere  
qui venirent ad eum, de Regno suo, non  
reversurum sine licentia, & sic quodammo-  
do ut ejus Cardinalis verbo utamur, Regio  
banno suppositum protulit, & efflavit eun-  
dem. Et etiam ultra parabolam ipse tandem  
nos Patrem familias non dimisit intactum, sed  
iterum laceravit blasphemiiis, & iniuriis lace-  
ssivit, oblitus quod legitur honora patrem tuum  
& matrem tuam, ut sis longævus super ter-  
ram, & quod filio semper honesta, & sancta  
Patris quærela deberet videri, & taliter eius  
non effici castigatores, confederationibus, &  
colligationibus factis eam nonnullis Prælatis,  
& personis aliis Regni sui, pacis vinculum,  
quod saluum esse totis effectibus nitebamur ru-

Canonum  
itaque sen-  
tentias debet  
expavere.

pit perturbavit unitatem Ecclesiasticam, & in-  
consultem Domini tunicam scindere non ex-  
pavit, ac suæ appellationi frivolæ contra  
nos adherere perperam coegit, & cogit in-  
vitos, & in ruinam secum perniciose deducit,  
Sane parabolam timeat, ne vinea locetur  
aliis agricolis, qui suis temporibus fructus  
reddant. Caveat censuram canonum, quæ  
contra tales dignoscitur præparata, & ne ex  
huiusmodi stricta custodia Cardinalis prædi-  
cti canonem excommunicationem latæ Senten-  
tiæ, qui ad eos per interpretationem transit,  
qui clericos sine læsione detinent in custodia  
publica, vel privata; cum non multum a spe-  
cie verborum differant quibus, quo volunt fa-  
cultas recedendi non datur incurrat diligenter  
attendet.

§.3. Ad hoc ut omittamus de dilecto filio  
Abbate Cisterciense detento, & aliis multis re-  
ligiosis maxime italicis, quia iussio Regis ur-  
gebat recedentibus Regno, captis de ipsius con-  
nivencia, & aliquo tempore in castelletto ser-  
vatis, eo quod adhærere nollent appellationi  
prædictæ, ac de eo, quod in persona venera-  
bilis Fratris nostri B. Apamearum Episcopi,  
actum extitit nuper, & Nicolaum de Bonfra-  
ctu Capellanum Cardinalis jam dicti, nostras  
ad eum portantes litteras, quibus Regem ex-  
communicatum per Cardinalem eundem  
mandavimus publice nuntiari, capi fecit, & re-  
petitum a Cardinali eodem a carcere noluit  
relaxare, prout idem Cardinalis nobis id per  
proprias litteras notum fecit; unde perinde  
dicitur habere, cum ipse Rex impedimentum  
præstiterit, sicut si mandata renuntiatio præce-  
pisset.

Maiores dein-  
de patrasse fa-  
cinera.

§.4. Stephanum insuper de Columna, no-  
strum, & Ecclesiæ hostem in suo Regno re-  
ceptavit patenter, non veritus excommunicatio-  
nis sententiam, quam post Columnensium fu-  
gam de Tibore promulgavimus publice quibus-  
cumque privilegiis non obstantibus in omnes  
etiam Imperiali, aut Regali præfulgeant  
dignitate, qui dictum Stephanum, aut alios  
quosdam filios Johannis de Columna, & Ja-  
cobum Fratrem dicti Joannis, Ricardum, &  
Petrum de Monte nigro dicti Joannis Nepotes  
reciperent conducere, receptari, vel reci-  
pi facerent, seu conduci, aut iis, vel ipsorum  
alicui publice vel occulte, auxilium favorem,  
vel consilium exhiberent, quodque contra ad-  
jutores fautores, & receptores prædictorum  
jacobini, & filiarum dicti Johannis ab olim per  
nostras litteras procedi mandavimus, ut con-  
tra hæreticos, receptatores, fautores, & ad-  
jutores eorum. Nequaquam in his servit Deo  
Rex Francorum in timore, aut ei cum tremore  
exultat, ne iratus in eum per suum Vicarium  
exardeat; nempe tanto offendit gravius,  
quanto perniciosius peccat suæ perditionis ad  
alios exempla transmittens.

Columnensi-  
bus publice  
favet.

§.5. Heu ipsum consilia prava commu-  
lant, eum Syrenes, nec non usque in exi-  
tum dulces damnoſe permulcent, periculose  
regalem mentem exagitant, & decipiunt in-  
cessanter: non enim propter eas liberare ip-  
sum possumus nec debemus. Hominem, nam-  
que primum non a peccato Diaboli excusa-

vit



Eum itaque in  
excommunic-  
ationem a  
Canonibus la-  
tan incurrisse.

Ipsoque jure  
Subditos ab  
omni fidelita-  
te erga eum  
esse liberos.

Beneficia si-  
quis ab eo ac-  
ceperit inva-  
sorem Benefi-  
ciorum eo-  
rundem decla-  
rat.

Omnesque  
confederatio-  
nes cum ipso  
initas invali-  
dat.

vit suggestio, quin divini mandati transgres-  
sor solverit penam mortis, & silentium no-  
strum nihil foret, quam delinquendi occa-  
sio, & dissolutio universæ Ecclesiasticæ disci-  
plinæ, cum enim notorium facti continui  
sit, quod ipso faciente, & contra dictam no-  
stram veniente sententiam, libertas non est  
per Regnum ipsius veniendi ad Apostolicam  
Sedem, & quod si dictus Nicolaus est captus,  
& præfatus Stephanus receptatur in Regno,  
nostræque sententiæ supradictæ firmatæ sint,  
& prædicatæ publice, sic quod canonum ex-  
communicatio in aperto liquet ex præmissis,  
ut taceamus ad præsens de custodia jam di-  
cto Cardinali imposita, detentione Abbatis,  
captione Religiosorum dictorum & temerariis  
actionibus in jam dictos commissis ipsum  
eundem Regem manifestis excommunicatio-  
nibus esse ligatum, & per consequens bene-  
ficia ecclesiastica, personatus, & dignitates,  
si eorum aliquo legitimo titulo, quandoque  
ad eum collatio pertinet de jure, interim non  
posse conferre, imperium sive jurisdictionem  
aliquam per se, vel alios, aut communes  
actus, seu legitimos exercere, & collatio-  
nem, & exercitium ipsius nullius existere di-  
gnitatis, ac vassallos ipsius esse a fidelitate,  
etiam juramentis quibus astringuntur eidem,  
& hujusmodi debito totius obsequii auctori-  
tate canorum absolutos; hoc omnibus his præ-  
cipue, qui de ejus Regno sunt, vel in eo mo-  
ram faciunt nuntiantes eum excommunica-  
tum comitari penas hujusmodi declaramus:  
& more periti medici, cum non profuerint  
monita, a levioribus incipientes, ac Sancto-  
rum Patrum nostrorum statuta tenentes om-  
nes fideles vassallos ejus, eique juratos a fi-  
delitate, & juramentis, quousque idem Rex  
in excommunicatione permanserit, apostoli-  
ca nihilominus auctoritate absolvimus, & ne  
eidem fidelitatem observent, vel servant mo-  
dis omnibus, sub interminatione anathema-  
tis, quia magis Deo, quam hominibus servi-  
re oportet, & fidelitatem Christiano Princi-  
pi Deo adversanti ejusque præcepta calcan-  
ti nulla cohibentur auctoritate, persolvere  
prohibemus.

§. 7. Et quia Rex ipse aliquos forsitan  
inveniret, qui beneficia hujusmodi Dei timo-  
re postposito ab ipso reciperent, districte præ-  
cipimus sub excommunicationis, amissionis be-  
neficiorum, quæ alias haberent, & inhabilitatis  
perpetuæ ad Ecclesiastica beneficia, de cætero  
obtinenda poena, quam ipso facto, incurrant, si  
contrarium agant, ne ab eo sic excommuni-  
cato manente illa accipiant quaquomodo di-  
stricte sub hujusmodi a nobis infligendis poenis,  
inhibentes Capitulis Ecclesiarum, in quibus be-  
neficia ipsa per Regem excommunicatione  
durante conferuntur eundem, ne eos, quibus  
conceduntur, ab ipso recipiant, vel admittant.  
Porro cum scriptum sit solve colligationes im-  
pietatis, solve fasciculos deprimentes confæ-  
derationes prædictas, etiam cum quibusvis  
terræ Regibus, aut Principibus, quod non cre-  
dimus, initas, dissolvimus & juramenta, si  
qua sunt præstita annullamus: etiam annun-  
tiantes ipsi Regi, ut a facie arcus fugiat; resi-

*Bull. Rom. Tom. III. Pars II.*

piscat, ad obedientiam redeat, & ad Domi-  
num convertatur, ne quod præterire non va-  
leamus, iusto in eum iudicio animadvertere  
compellamur.

§. 8. Vi autem hujusmodi noster processus  
quem de consilio Fratrum nostrorum facimus,  
ad omnium notitiam deducatur chartas, si-  
ve membranas processum, & nuntiantes eundem,  
in Cathedrali Ecclesia, & in aliis  
ostiiis, vel super altariis, & in aliis  
quasi sonoro præconio, &  
patulo indicio publicabunt, ita quod idem  
Rex, & alii, quos processus ipse contingit, nul-  
lam possint excusationem prætere, quod  
ad eos talis processus non pervenerit, vel quod  
ignoraverint, eundem, cum non sit verifimi-  
le remanere quoad ipsos incognitum, vel oc-  
cultum, quod tam patenter omnibus publica-  
tur.

Processum  
hunc se publi-  
caturum dicit.

Actum Anagninæ in aula nostri Palatii se-  
xto Idus Septembris Pontificatus nostri anno  
nono. (a)

Act. die 8.  
Septem. 1303.  
Pont. IX.

O

BENE-

(a) Hæc literas publicatas non fuisse contendit Pagius in  
Bonifacii Vita §. LXIX. Bonifacium siquidem die 7. Sep-  
tembris fuisse a Nongareto, cæterisque perduellibus  
Anagninæ, captum est in comperto, cum hoc Decretum  
die tantum octava foret promulgandum, prout ex ipsis  
apparet notis chronologicis, quæ in calce leguntur.  
At Bonifacium a Romanis post triduum libertati restitu-  
tum omnes norunt: tunc vero omnem habuisse decreti  
hujus publicandi facultatem quis negaverit? Chronolo-  
gica siquidem notæ diem tantummodo designant, quo  
illud promulgasset, si sui fuisset juris. A Leibnitio,  
Dupuy, aliisque ex Bibliothecarum diversarum MSS.  
illud legitur erutum: ex quo conijci potest, ipsum ori-  
ginale Anagninæ inter tumultus non fuisse deperditum,  
nec in hostium devenisse manus, a Bonifacio autem,  
Romæ cum esset, exemplaria nonnulla ad Principes,  
aliosque missa fuisse. Profecto, nisi in aliquorum sal-  
tem notitiam hæc devenissent literæ, nec absolvi Phi-  
lippus a Clemente V. petiisset, nec illas ab eodem Cle-  
mente irritari oportuisset.



## BENEDICTUS XI.

P A P A CXCIV.

AN. DOM. MCCCIII.



**N**icolaus Bucasinus, patria Tarvisinus, antea Magister Generalis Ordinis Prædicatorum, mox S. R. E. Cardinalis Episcopus Ostiensis, electus est in Romanum Pontificem die 22. Octobris anno 1303. die vero 27. coronatus, & Benedictus XI. appellatus. Sedit in Pontificatu Mess. VIII. dies XV. Imperantibus in Oriente Andronico Imperatore, in Occidente vero Alberto Rege Romanorum Obiit Perusii die 6. Julii 1304. & sequenti die sepultus est in Ecclesia Fratrum Prædicatorum. Vacavit Sedes Mess. fere XI.

## I.

Encyclicæ Benedicti literæ de sua in Pontificem electione.

Ex Rayn.  
ann. 1303.  
§. 47.

Benedictus Episcopus, Servus Servorum Dei, Venerabilibus Fratribus, Archiepiscopo Mediolanensi, & ejus suffraganeis, Salutem, & Apostolicam benedictionem.

**O**pera divinæ potentiae plerumque mens humana miratur, dum mirabiles personarum, & temporum, immutationes attendit; in quorum contemplatione sensus hominis hebetatur, dum conatur perquirere investigabiles vias Domini, & ejus occulta consilia perscrutari; ipse namque nonnunquam potentes humiliat, ponit humiles in sublimi; & dispensat munera gratiarum, plenam & perfectam habens ad singula, tamquam palmo concludens omnia, potestatem. Nos autem, nimirum in admirationem protrahimur, ac timor & tremor nos vehementer invadunt, dum infra mentis arcana revolvimus, quot & quantas immutationes receperit hætenus status noster, qui ab olim Ordinem Fratrum Prædicatorum professi, putabamus abjecti esse in Domino cum humilibus servis ejus, & sub obedientiae jugo Creatori reddere votum nostrum. Sed divini dispositione consilii post ministeria varia in Ordine prædicto nobis imposita, suscepimus Magisterii Generalis officium; ac subsequenter ad Cardinalatus apicem dignitatis per Apostolicam Sedem assumpti, cum aliquandiu ministerii nostri debitum in gradu Sacerdotii egissemus, præfecti fuimus per Sedem eandem in Episcopum Ostiensem. Novissime vero Fratrum nostrorum instantia, prout series infra scripta declarat, nos subire coegit farcinam Apostolicæ servitutis.

De divinæ  
providentiæ  
arcanis.Gradus digni-  
tatum, quos  
gessit.

§. I. Nuper enim felicitis recordationis Bonifacio Papa VIII., sicut Domino placuit, de hac luce substracto, & sicut speramus, post labores impensos ad præmium evocato; ejusque corpore cum exequiarum solemnitate debita tradito ecclesiasticæ sepulturæ, nos tunc ut prætangitur, Episcopus Ostiensis, ceterique Fratres nostri Episcopi, Presbyteri, & Diaconi S. R. E. Cardinales ad tractandum de Romani substitutione Pontificis, in Palatio Sancti Petri de Urbe, in quo decesserat pridem, ipse, convenimus; nobisque, ac ipsis ad id eligentibus per viam procedere Scrutini, contigit illo faciente, qui concordiam diligit, quod unico facto ac publicato Scrutinio, tanta finaliter in votis eorundem Fratrum est inventa concordia, quod per eos de nobis, licet immeritis, fuit ad Apostolatus officium XI. Kalendas Novembris proxime elapsi electio celebrata. In quo præ admirationis magnitudine redditi, nec immerito sumus attoniti, stupor nostrum animum hebetavit; eumque timor, & tremor pariter concusserunt: numquid enim non admiratione dignum, quod inter tot & tantas eorundem Fratrum personas, vitæ ac famæ claritate pollentes, virtutibus redimitas, abundantes insuper multiplicium sufficientia,

Communibus  
Cardinalium  
suffragiis Pon-  
tifex renun-  
tians.

meri-



meritorum, in presidendo Apostolico culmine humilitas nostra, quæ illius fuerat merito postponenda, præfertur? Nonne, dum injuncti oneris molem attendimus, & nostram insufficientiam comparamus, digne invalescunt timor & tremor, ne portantis debilitas sub tantæ molis gravitate succumbat? Nonne timendum iterum, & tremendum, ne justus iudex, rationem de talentis creditis veniat exacturus; servum inutilem a bono torpentem opere sæve damnet?

Tanto oneri  
genitians.

§. 2. Hæc, & alia plura, quæ, prolixitatis vitandæ gratia, sermo succinctus omittit, insufficientiam nostram a tantæ gravitatis onere subducendam a Deo efficaciter suggerebant, quod eorundem Fratrum importunitati diversarum excusationum obicem opposcentes, ea qua potuimus, reluctatione restitimus. Sed Fratres ipsi, nostræ resistantiæ obviantes, nostris excusationibus non admissis, nos ad conscendendum Petri Cathedram multæ importunitatis instantia devicerunt: Nosque, licet ex nostrorum defectuum conscientia diffidentes, de illius tamen confisi omnipotentia, qui non solum sufficit eosdem supplere defectus, sed & potens est omnem gratiam abundare facere in nobis: ne, subobedientia nutriti, diutius eam contemnere per tinaciter, graviæque pericula, quæ imminere ipsi Ecclesiæ, totique Terrarum orbi ex ejus vacatione verisimiliter timebantur, damnabiliter negligere censeremur; votis tandem Fratrum acquievimus eorundem, ac ad deferendum sarcinam summi Apostolatus submittentes humeros imbecilles, recepti ab eis unanimiter in Romanum Pontificem, recepimus consequenter solemnita benedictionis, & cætera secundum morem præficiendorum Romanorum Pontificum in personis Prædecessorum nostrorum hætenus observatum; anxio & humiliato spiritu Domino supplicando, ut ipse, qui nos hujusmodi jugum subire concessit, sic ad ipsum portandum, debilitatem nostram, robore fulciat, sic illud faciat sua benignitate portabile, quod sub eo nos non contingat ex nostra debilitate deficere; Sed ita nobis, & gregi dominico, nostræ vigilantie credito, sua virtute proficere, quod de talento nobis tradito dignam possimus in extremo Judicio reddere rationem.

Præfatum im-  
plorat preces.

§. 3. Quo circa Fraternitatem vestram rogamus, & hortamur in Domino, per Apostolica vobis Scripta mandantes, quatenus, nobis compatientes in tanti ponderis gravitate, ad supportandum illud subministretis, quantum, in vobis est, velut in partem Apostolicæ sollicitudinis evocati, vestri auxilii fulcimentum, commissas vobis Ecclesias gregesque dominicos in eis vobis creditos gubernando, solícite, fideliter, & prudenter; ac fundendo pro nobis pias orationes ad Dominum, ut ipse in executione Pastoralis officii sic sua pietate nos dirigat quod gratum ministerium nostrum fiat; & spem certam de nobis & fiduciam habituri; quod vobis in iis, quæ ad laudem Dei, vestrarumque statum Ecclesiarum spectare videbimus, favorem libenter apostolicum impendimus.

Dat. die 1.  
Novembris  
1303. Pont.  
An. I.

Datum Laterani Kalendis Novembris Pontificatus nostri anno I.

Bull. Rom. Tom. III. Pars II.

## I I.

Nova confirmatio Ordinis Fratrum Servorum B. Mariæ Virginis sub Regula S. Augustini.

Benedictus Episcopus, Servus Servorum Dei. Dilectis filiis Generali & Universis Prioribus & Fratribus Servorum S. Mariæ, Ordinis S. Augustini, Salutem & Apostolicam benedictionem.

Proemium.

**D**UM levamus in circuitu oculos nostros, & gregem dominicum, nobis licet immeritis, divina dispositione commissum, undique juxta pastoralis officii debitum contemplamur, vigilem quantum nobis ex alto permittitur, curam libenter impendimus, ut cultores vineæ Domini DEI Sabaoth, sic cultui salutis intendant, quod eadem Vineæ palmites diffusos extendens, salutarium producat fructuum ubertatem. Et licet erga singulos cultores hujusmodi, personas videlicet Ecclesiasticas, apostolica sollicitudo versetur, erga tamen viros Religiosos, qui contemplationi cælestium, mundanis relegatis illecebris, piæ vitæ studio, sine intermissione defudant, eo propensorem nos decet diligentiam adhibere, quo ipsi pro Religionis favore sunt amplius Apostolicis præfidiis confovendi.

§. 1. Sane vos, qui Ordinem Sancti Augustini per Sedem Apostolicam approbatum, profiteamini & servatis, & devotionis affectu, quem geritis ad B. Mariam Virginem gloriosam, assumitis vobis vocabulum ab eadem, vos Servos ejusdem Virginis humiliter nominando, dictumque Ordinem Sancti Augustini, juxta pias & honestas institutiones vestræ Regulæ in honorem ipsius Virginis editas laudabiliter servastis hætenus; & servatis. Ac vobis per specialia privilegia, dicta Sedes indulgit, quod celebrare possitis Capitulum Generale, ac in eodem Capitulo Priorem vobis Generalem eligere, qui in Fratres vestri Ordinis correctionem, & alia, quæ ad suum spectant officium libere valeat exercere; quodque ad sepulturam possitis recipere illos, qui apud loca vestra elegerint sepeliri. Ex quibus clare insipientibus, satis innuitur, dictam vestram Regulam per eandem Sedem existere quodammodo confirmatam.

Quamvis hic  
Ordo per Se-  
dem Ap. vi-  
deatur confir-  
matus;

§. 2. Nos autem qui ad Virginem ipsam Dominam nostram libenter devotionem, quam possumus exhibemus, nolentes quod aliquis contra vos, & regulam ipsam quicquam possit detractionis impingere, quin eadem Regula plenam habeat apostolici muniminis firmitatem, ad omnem hæsitacionis materiam circa hæc de quorumvis animis amovendam, vestris supplicationibus inclinati, Regulam & ejus institutiones prædictas, expresse auctoritate Apostolica confirmamus & etiam approbamus, & præsentis scripti patrocinio communimus, eamque vobis concedimus.

Eum tamen  
expresse con-  
firmat Bene-  
dictus.

§. 3. Decernentes ipsam per vos fore perpetuis temporibus inviolabiliter observandam.

Clausula.

§. 4. Nulli ergo omnino hominum licet &c.



1304.  
Dat. die 11.  
Februa. 1304.  
P. I.

Dat. Laterani 3. Idus Februarii, Pontificatus nostri Anno I.

## III.

Receptio Congregationis Monachorum Coelestinorum Ordinis S. Benedicti, sub Sedis Apostolicæ protectione, cum nonnullarum gratiarum elargitione.

*Hujus Congregationis statuta approbavit Cælestinus V. qui ante Pontificatum, ejus institutor fuit, in sua Constit.*

Benedictus Episcopus, Servus Servorum Dei. Dilectis filiis Berardo Patri Abbati Monasterii Sancti Spiritus de Sulmone, Valuen. Dioecesis ejusque Coabbatibus & Conventibus aliorum Monasteriorum, & Membrorum eidem Monasterio Sancti Spiritus subjectorum, Ordinis Sancti Benedicti presentibus & futuris in perpetuum.

Proemium.

**R**eligiosam vitam eligentibus, Apostolicum convenit adesse præsidium, ne forte cujuslibet temeritatis incursus, aut eos a proposito revocet, aut robur, quod absit, sacrae Religionis infringat. Cum itaque Regi Regum mentibus humilibus & devotis exhibeatis religiose ac jugiter famulatum, Nos ob vestrae Religionis zelum, quem habere dicimini, & contemplatione felicitis recordationis Cælestini Papæ Quinti prædecessoris nostri, prædicti Ordinis professoris ad vos, vestrumque Ordinem sinceræ gerentes caritatis affectum, in his quæ ipsius Religionis augmentum & prosperum statum respiciunt, quantum cum Deo possumus Nos favorabiles exhibebimus. Ea propter dilecti in Domino filii vestris justis postulationibus clementer annuimus, & Monasterium Sancti Spiritus, ac alia Monasteria, Prioratus, Ecclesias, Membra & loca eidem Monasterio Sancti Spiritus subjecta, quæ per speciale Privilegium Sedis Apostolicæ novimus ad Romanam Ecclesiam nullo medio pertinere, sub Beati Petri, & nostra protectione suscipimus, & presentis scripti Privilegio communimus.

Ordinem cum dependentiis sub Apost. suscipit Protectio.

Regulam injungit observandam.

§. 2. In primis siquidem statuentes, ut Ordo monasticus, qui secundum Deum, & Beati Benedicti Regulam in Monasteriis, Prioratibus, & Membris & aliis locis prædictis institutus esse dignoscitur, perpetuis ibidem temporibus inviolabiliter observetur.

Bona omnia ei confirmat.

§. 3. Præterea quascunque possessiones, quæcumque bona Monasterium S. Spiritus, & alia Monasteria Prioratus & membra prædicta in presentiarum rationabiliter possident, aut in futurum largitione Regum vel Principum, oblatione fidelium seu aliis justis modis, præstante Domino, poterunt adipisci, firma vobis, vestrisque successoribus illibata permanent.

§. 4. In quibus hæc propriis duximus exprimenda vocabulis, videlicet locum ipsum, in quo præfatum Monasterium S. Spiritus si-

tum esse dignoscitur cum omnibus pertinentiis suis, Monasterium S. Joannis in Plano Lucerin. Dioecesis, S. Bartholomæi de Civitate, S. Mariæ olim vocata Luceria, S. Spiritus de Magella, Sancti Gregorii de Rocha Mauricii, S. Petri Valisbonæ, S. Petri de Monte Plano, S. Spiritus, & Hospitale cum Ecclesia, S. Andrea de Bucelano, S. Mariæ de Civitellis de Civitate Theatin. S. Spiritus de Orthona, S. Spiritus de Lonzano, S. Mariæ inter Montes Theatin. Dioecesis, Sancti Eusebii de Urbe, S. Mariæ in Pinezano, Pennen. Dioecesis, Sancti Salvatoris de Civitate Pennensi, Sanctæ Mariæ de Collemadio juxta Aquilam, S. Cecidii de Caporciano, Sancti Spiritus de Iffernia, Sanctæ Mariæ de Trivento, S. Mariæ de Anglono Triventin. Dioecesis, Sancti Spiritus juxta Venafrum, S. Spiritus Alifanensis, S. Antonii de Campania, Ferentinatis Dioecesis, Prioratus S. Antonii & Sancti Leonardi prope Sulculam Anagninæ Dioecesis, S. Joannis de Aqua sancta, S. Marci de Fucis Marfican. Dioecesis, Sancti Nicolai de Civitate, Sancti Martini de Bojano, & S. Joannis de Rodio.

§. 5. Et quia inter alia, quæ salubrem & quietum statum vestrum sapiunt, de præcipuis casibus hoc esse necessarium arbitramur, ut de substitutione futuri Abbatis successoris tibi, fili Abbas S. Spiritus, quem Patrem Abbatem ceteris tuis Coabbatibus, Prælatibus & Fratribus tibi subjectis, presentibus & futuris perpetuo stabilimus, præcipue ordinamus, & districte præcipimus observari. Quod Pater Abbas singulis trienniis in Generali Capitulo sponte suam offerat & exhibeat cessionem, & idem Capitulum statim & absque temporis intervallo ad Patris Abbatis substitutionem, procedat, juxta formam in Regula traditam, & aut de Abbate cedente (si eum talem putaverint) vel de alia persona Monasteriorum & locorum, per electionem canonicam prædicto Monasterio Sancti Spiritus provideant de Abbate.

Abbas Generalis qualibet triennio eligendus.

§. 6. Qui quidem Abbas si fuerit in concordia electus, & nihil obstiterit de canonicis institutis, nulla super hoc a Sede Apostolica confirmatione petita vel obtenta, eo ipso suæ administrationis officium seu jus administrandi in spiritualibus & temporalibus consequatur, & illud tamquam Pater Abbas (prout ad eum pertinet) libere exequatur.

Qui eo ipso suum suscipiat munus.

§. 7. At idem Abbas si alias non extiterit benedictus, benedictionis suæ munus a quocumque maluerit Catholico Episcopo gratiam & communionem Apostolicæ Sedis habente, recipere studeat, illudque sibi dictus Episcopus gratis impendat.

Benedicti tamen debet.

§. 8. Præterea ut idem Pater Abbas non possit a rectitudine suæ Regulæ deviare, mandamus omni anno a tribus Prioribus sui Ordinis, qui pro tempore fuerint, videlicet a Sancti Spiritus de Magella, Sanctæ Mariæ de Collemadio juxta Aquilam, ac Sancti Spiritus de Iffernia Monasteriorum Prioribus visitetur.

Quolibet anno visitandus.

§. 9. Sane de fructibus terrarum ac possessionum vestrarum hactenus acquisitarum,

quæ



1304.  
Ne Novalic-  
bus nihil Or-  
do solvere  
debet.

Alie exem-  
ptiones:

Abbas fa-  
cultates.

Prohibitio co-  
gendi Mona-  
chos ad Syn-  
odos &c.

Vide Concil.  
Trident. Sess.  
24. c. 1. &  
Sess. 35. c. 13.

Exeuntes a  
Religione hac  
in Aliis non  
recipiendi.

quas propriis manibus aut sumptibus colitis, sive de hortis vel de nutrimentis animalium, nullus a vobis decimas exigere vel extorquere præsumat.

§. 10. Concedimus quoque etiam vobis, ne de iis, quæ in ornamentis, vel pro eis aut libris, fabrica, luminaribus, anniversario, septimo, vigesimo ac trigesimo, sive alias ad perpetuum cultum divinum, seu pro pietantiis, vel indumentis, & calceamentis vestris vobis legantur pietatis intuitu, dummodo id in fraudem non fiat, nulli teneamini justitiam seu portionem canonicam exhibere.

§. 11. Concedimus etiam tibi fili Abbas Sancti Spiritus, tuisque successoribus, qui pro tempore fuerint, ut a Fratribus vestri Ordinis in ipso Monasterio Sancti Spiritus, ac aliis Monasteriis, Prioratibus & Membris, ac locis subiectis eidem Monasterio Sancti Spiritus constitutis absolute ac dispensatione indigentibus, sive priusquam intraverint Ordinem, sive post in casibus excefferint, pro quibus excommunicationis, vel interdicti, aut suspensionis incurrunt sententias a canone promulgatas, & huiusmodi sententiis annodati, aut in locis suppositis ecclesiastico interdicto divina officia celebrantes; vel suscipientes ordines sic ligati notam irregularitatis incurrunt, de consilio Fratrum vestrorum, qui literati sint, & Deum timentes absolutionis juxta formam Ecclesiæ, prout secundum Deum expedire videritis, valeatis beneficium impertiri, nisi adeo gravis & enormis foret excessus, quod essent propter hoc ad eandem Sedem merito destinandi, proviso ut laxis satisfaciant competenter.

12. Inhibemus etiam, ne aliquis Episcopus vel quævis alia persona spirituales vel aliam jurisdictionem habens, vos ad Synodos vel Conventus forenses, aut ad convocationes suas accedere, vel cum eis intra vel extra Civitates vel Terras processionaliter exire, aut suis Constitutionibus subiacere, seu Capitula, Scrutinia & Inquisitiones in locis vestris vel alibi, de vobis vel de vestrorum aliquo, aut fidelitatem juramento firmatam, & manulem obedientiam a vobis aut Prioribus & Superioribus vestris exigere, seu etiam prohibere, ne ad Civitates seu Villas & ad loca quælibet, ubi religiose & honeste morari possitis, audeatis accedere, ibique pro vestris usibus Aedificia, Monasteria, Ecclesias seu Oratoria ex permissione & indulto nostro construere libere valeatis, nec in accedentes Fratres & Monachos vestros seu constructores huiusmodi seu receptatores eorum excommunicationis vel interdicti sententias possint proferre.

§. 13. Prohibemus insuper, ne ulli Fratrum vestrorum post factam in Monasterio vestro vel in aliis locis vestris ejusdem Ordinis Professionem, fas sit sine Abbatis sui licentia Ordinem ipsum relinquere, & ad locum Religionis alterius, vel ad Ordinem alium se transferre, discedentes vero aliter, nullus cujuscumque Religionis vel status existat, audeat retinere, quod si secus factum fuerit, tam discedens, quam is seu illi, qui

ipsum talem receperint, si requisiti eum a se non reiecerint infra mensem, ipso facto sententiam excommunicationis incurrant.

§. 14. Decernimus ergo, ut nulli omnino hominum liceat Monasteria, Prioratus, Membra & loca prædicta temere perturbare aut eorum possessiones auferre &c.

EGO BENEDICTUS Catholicæ Ecclesiæ Episcopus.

Ego Joannes Tusculani Episcopus.

Ego Theodoricus Civitatis Populi Episcopus.

Ego Leonardus Alban. Episcopus.

Ego Petrus Sabin. Episcopus.

Ego Frater Joannes Portuen. Episcopus.

Ego Joannes tit. Sanctorum Marcellini & Petri Presbyter Cardinalis.

Ego Frater Robertus tit. Sanctæ Pudencianæ Presbyter Cardinalis.

Ego Frater Gentilis tituli Sancti Martini in Montibus Presbyter Cardinalis.

Ego Neapoleo Sancti Adriani Diaconus Cardinalis.

Ego Londulfus Sancti Angeli Diaconus Cardinalis.

Ego Guilelmus Sancti Nicolai in Carcere Tulliano Diaconus Cardinalis.

Ego Franciscus S. Lucie in Silice Diaconus Cardinalis.

Ego Franciscus Sanctæ Mariæ in Cosmedin. Diaconus Cardinalis.

Ego Ricardus S. Eustachii Diaconus Cardinalis.

Ego Lucas S. Mariæ in Via Lata Diaconus Cardinalis.

Dat. Laterani per manum Papiani Episcopi Parmen. S. R. E. Vicecancellarii, 2. Id. Martii, Indiæ. 2. Incarnationis Dominicæ Anno 1304. Pont. vero Domini Benedicti PP. XI. Anno primo.

Dat. die 14.  
Martii 1304.  
Pont. An. I.



## C L E M E N S V.

P A P A C X C V.

ANNO DOMINI MCCCIV.



**P**ost unius fere anni Sedis Apostolicæ Vacationem, die tandem 5. Junii anno 1305. electus est Perusii in Romanum Pontificem Bertrandus de Gotto natione Vasco, patre Beraudo Archiepiscopus Burdegalenſis, qui, coronatus Lugduni die 14. Novembris ejusdem anni, Clemens Quintus appellatus est. Sedit in Pontificatu Annos VIII. Meſſ. X. dies XV. temporibus Andronici in Oriente Imperatoris, & Alberti, mox Henrici, Regum Romanorum. Obiit Carpentoraci die 20. Aprilis an. 1314. Vacavit Sedes An. II. Meſſ. III. D. XVIII.

I.

Secularizatio Ecclesiæ Burdegalen. Ordinis  
Sancti Augustini.

Ex Reges.  
Vatic.

Clemens Episcopus, Servus Servorum Dei,  
ad perpetuam rei memoriam.

**S**edes Apostolica, quæ super universas Ecclesias obtinet divina institutione Primatum, circa singulas maternæ diligentiae cura sedulo vigilans, earum profectibus velut sollicita mater ardentem intendit, studens ea penitus submovere, per quæ ipsæ Ecclesiæ sustinere possent circa spiritualia, vel etiam temporalia nocumenta; & illa efficaciter agere, quorum suffragio eis in utrisque augmentum Deo propitio valeat provenire.

Exordium.

§. I. Sane inter varias & innumeras sollicitudines, quæ Nobis ex officio Apostolatus incumbunt, ad Burdegalensem Ecclesiam, quæ nos olim ante nostræ promotionis initia fovit ut Filium, ac demum Nos sponsum habuit, nostræ gubernationi commissa, nunc vero demum Nos Patrem ac Dominum recognoscit, cum de ipsa fuerimus, gratia favente divina non nostris meritis ad supremæ dignitatis fastigium evocati; propter quod ejus non possumus nec volumus oblivisci, nostræ mentis aciem convertentes, & attendentes, quod dicta Ecclesia, in qua Ordo Sancti Augustini institutus extitit ab antiquo, propter defectum & impotentiam Canonorum regularium, in ipsa Ecclesia existentium, circa bona & jura ipsius gravia recepit hætenus, & adhuc recipit nocumenta; cum nonnulli per suam potentiam illa occupaverint & invaserint, occupent & invadant, & alias de decimis & redditibus, & aliis juribus dictæ Ecclesiæ debitis non respondeant, nec ipsa occupata restituant, ut tenentur, eidem: quæ quidem omnia possent contingere etiam in futurum: considerantes insuper, quod iidem Canonici a primis institutis & observantiis regularibus sui ordinis a multis retroactis temporibus citra temeritate propria discedentes, ad mores & conditiones sæcularium Canonorum, quasi totaliter se traxerunt, ac attendentes, quod, consideratis statu & conditione illius Patriæ, dicti Canonici ad hujusmodi Instituta & observantias regulares servandas, ut tenentur in habitu & in aliis, sine gravi scandalo reduci non possent, nec hætenus per Nos, dum præeramus ipsi Ecclesiæ, ac alios Burdegalen. Archiepiscopos, qui fuerant pro tempore, potuerunt; nec rigor etiam disciplinæ regularis dicti Ordinis posset deinceps in eos commode exerceri; ex quorum transgressione, neglectu, vel contemptu de facili suarum incurrerent periculum animarum, cui ex debito pastoralis officii, prout est possibile, occurrere Nos oportet; quodque propter Religionis nexum, cujus observantiæ recipiendos Canonicos in ipsa Ecclesia se astringere oporteret, inveniri non possent de facili Viri sic litterati, potentes, & alias idonei, quales dictam Ecclesiam, quæ Me-

Causæ huius  
Secularizan-  
di Ecclesiæ.



Eam seculari-  
zar.Canonicos-  
que Sæculares  
in ea decernit  
instituendos.

Clausula.

Dat. die 11.  
Novembris  
1305. Pont. I.

Metropolitan. & alias insignis existit, ad instruendum alios in literarum scientia, præsertim sacræ paginæ, & in aliis, quæ ad curam pertinent animarum, nec non ad recuperandum & defendendum bona & jura prædicta, habere decet, vellent institui in eadem: ac indubitanter credentes, quod si ex nostræ providentiæ studio de regulari fiat ipsa Ecclesia sæcularis, personæ hujusmodi facilius poterunt reperiri: & quod exinde honoris & commodi eidem Ecclesiæ proveniret non modicum incrementum, & salubrius poterit in spiritualibus & temporalibus gubernari, ac in prædictis bonis & juribus manuteneri utiliter & defendi; horum, & etiam aliorum, quæ rationabiliter animum nostrum movent, consideratione ducti, de Fratrum nostrorum consilio auctoritate Apostolica præfatam Burdegalem Ecclesiam perpetuo constituimus sæcularem, ac de cætero Canonicos instituendos in ea fore volumus sæculares.

§. 2. Decernentes ex nunc eadem auctoritate ipsos ad Regulam Sancti Augustini, in habitu, professione, & aliis observandam non astringi, & ad observantias regulares, disciplinam, & statuta ejusdem regulæ & Ordinis, vel alia quælibet regularis status in aliquo non teneri. Volumus tamen, quod Canonici nunc præfentes, qui jam sunt in prædicta Ecclesia instituti, sub regula, statutis, & observantia dicti Ordinis, & in eo habitu, & professione, in qua olim fuerunt, vivant, & remaneant in ipsa Ecclesia, Domino, ut tenentur, perpetuo servituri.

§. 3. Nulli ergo omnino hominum liceat hanc paginam nostræ Constitutionis, & voluntatis infringere &c.

Datum Pessaci prope Burdegalam quinto Idus Novembris, Pontificatus nostri anno I.

## I I.

Confirmata Bonifacii VIII. Constitutione, qua Hungariæ Regnum Mariæ, Siciliæ Reginæ ejusque Nepoti Carolo adjudicatur, Othoni Bavarix Duci, a nonnullis in Regem electo, dies indicitur, ut coram Apostolica Sede sistat.

*Carolo eidem Ungariæ Regnum adjudicatum vidimus in Bonifacio VIII. Constitutione. XIX. pag. 98.*

Ex Regest.  
Vaticano.

Clemens Episcopus, Servus Servorum Dei, ad perpetuam rei memoriam.

Proemium.

**Æ** Terni providentia Principis, quæ nihil in Terra sine certa causa, propriaque ratione disponit, unicam Sponsam suam, Catholicam scilicet & Matrem Ecclesiam stabilivit in terris; in qua Christi Vicarium Romanum Pontificem Successorem Petri voluit obtinere Primatum, ac ejus caput existere; tradens sibi claves regni cælestis, ligandi scilicet Pontificiam, & solvendi, ut præsit Familiæ Domus Israel, & oportuna singulis renatis Fonte Baptismatis, qui oculis

Fidei suum conspiciunt Creatorem, oportunitatis tempore, præsertim in exhibitione justitiæ dispenset auxilia; & prout personarum, locorum, temporum, & negotiorum qualitas exigit, evellat & destruat, dissipet & disperdat, ædificet atque plantet sub ipsius Creatoris nomine & doctrina; & ut, Gregem pascens Dominicum, infirma consolidet, sanet egrota, fracta colliget, & abjecta reducat; ac ad eum, sicut ad omnis juventutis animæ Magistrum & Dominum, & universale refugium denique recurratur. Quapropter Nos, licet immeriti, ejusdem Ecclesiæ regimini præfidentes, levamus in circuitu vigilis more Pastoris tam corporeos quam mentales oculos, & quod Gregi commissio Nobis expedire conspiciamus, prout Nobis ex alto permittitur, ministramus, fovendo justitiam, deprimendo nequitiam, plantando & colendo virtutes, ac vitia expiando.

§. 1. Verum, licet de universis & singulis Regionibus, & earum Incolis Deo, & Apostolicæ Sedi devotis, ut pacis & quietis, repressis conatibus malignorum, beatitudine prosperentur, sollicitè cogitemus, & ad id attentæ considerationis diffundamus intuitum; nunc tamen Regni Ungariæ, nobilitate polentis, & Incolarum ejus seditiosos tumultus, concertationes varias, ac deploranda discrimina, eidem Sedi frequenter exposita, amare ac præcordialiter intuentes, condolemus eis plurimum, & vastitati eorum oportuna, prout possibilitati nostræ permittitur, justitia superante malitiam, remedia propinamus.

§. 2. Dudum siquidem, claræ memoriæ Venceslao Rege Boemiæ tunc vivente, per ejus Nuntium & literas supplicante felicitis recordationis Bonifacio PP. Octavo Prædecessori nostro, ut negotium quondam Venceslai ejusdem Regis Filii tunc viventis, quem in Regem Ungariæ concorditer & canonice proponebat electum, & eundem Regem Boemiæ, ac tam suos quam ejusdem Filii in hac parte sequaces, in benevolentiam & gratiam ejus reciperet &c. \* prout hæc Enarratis, quæ a Bonifacio gesta sunt; & alia in ipsius Prædecessoris Bonifacii bullatis literis inde confectis plenius & serius continentur, quæ omnia postmodum fuisse dicuntur in locis solemnibus dicti Regni Ungariæ de mandato Prædecessoris ejusdem tempore debito solemniter nihilominus publicata.

§. 3. Nos autem, ejusdem Prædecessoris Bonifacii in hac parte vestigiis inhaerentes, ipsorum Reginæ, ac Regis Ungariæ supplicationibus inclinati, Constitutionem, diffinitionem, declarationem, voluntatem, mandatum sive mandata, censuram, absolutionem, termini præfixionem, silentii impositionem, præsidii denegationem, & alia supradicta, quæ per eundem Prædecessorem Bonifacium taliter facta sunt, rata habentes & grata, ea ex certa scientia de Fratrum nostrorum consilio & assensu, auctoritate Apostolica confirmamus, & præsentis scripti patrocinio communimus. Excommunicationis vero sententiam supradictam volumus usque ad satisfactionem condignam auctoritate nostra, appellatione

Tumultus in  
Hungaria adhuc  
vigentes.\* Cetera omnia  
simus: concordant enim  
cum superal-  
lata Bonifacii  
Constitutione  
mut. usque  
ad illa  
verba sole-  
mniter publi-  
cata.  
Eandem Con-  
stitutionem  
confirmat.



latione remota; inviolabiliter observari.

§. 4. Verum, sicut fama publica, quimo infamia referente, non absq; grandi admiratione seu potius turbatione didicimus, quod, etiamsi sit manifestum atque notorium, nedum in ipso Regno Ungariæ ac vicinis, sed in remotis etiam partibus, esse dicitur, quod nulla potest tergiversatione celari, nonnulli ex Prælatiis, Clericis, Religiosis, Comitibus five Banis, Baronibus, Militibus, Civibus, & Incolis memoratis præfatorum Boemiæ Regis & Filii in hac parte fautores atque sequaces, immemores salutis eorum hujusmodi præcepta, sententias, & processus Prædecessoris ejusdem damnabiliter contemnentes, ac venientes temere contra ea, præfatis Reginæ ac Filio Regi Ungariæ juxta præmissum mandatum ipsius Prædecessoris, assistere circa recuperationem, defensionem, & conservationem jamdicti Regni Ungariæ, ipsisque parere, intendere, ac respondere minime curaverunt; quin potius ipsi Boemiæ Regi & Filio, dum vivebant, eorumque Ministris adversus Reginam eosdem, & Carolum Regem Ungariæ, ac in eorum præjudicium præstiterunt postmodum auxilium, consilium, & favorem, prædictos Reginam & Carolum Regem super ipso Regno ac ejus bonis & juri- bus inquietando nequiter, & multipliciter molestando; propter quod præfatam excommunicationis sententiam latam per eundem Prædecessorem Bonifacium damnabiliter incurrerunt; Eodem autem Rege Boemiæ viam deinde universæ carnis ingresso, præfato adhuc ipsius Regis vivente Filio, nonnulli ex præmissis Prælatiis, Clericis, & Religiosis, Comitibus five Banis, Baronibus, Militibus, Incolis, atque Civibus in sensum dati reprobam, & spiritu obcæcati nequitæ, in multiplicationem excessuum, injuriarum, contemptus, & offensarum ausus præcipuos collabentes, contra eosdem Carolum Regem & Reginam Ungariæ, Nobilem virum Othonem Baviaræ Ducem nequiter convocarunt, seu potius abduxerunt, adhærendo & assistendo sibi patenter & publice ad invasionem, occupationem, & detentionem dicti Regni Ungariæ, vel alicujus partis ipsius, ac præstando auxilium, consilium, & favorem; ex quo etiam ipsos tenet excommunicationis præfatæ laqueus alligatos: Idemque Dux ipsorum & aliorum potentia fultus, & auxiliis communis hujusmodi ad invasionem, occupationem, & detentionem prædicti Ungariæ Regni temeraria præsumptione se transferens, per ipsum B. Vesprimien. & quondam A. Chamadien. Episcopos se coronari, ut dicitur, in Regem Ungariæ procuravit: In hoc etiam officium jurisdictionis Strigonien. Archiepiscopi, ad quem Regis Ungariæ coronatio pertinet, faciens usurpari; & eosdem Carolum Regem & Mariam Reginam Ungariæ in adjudicata, ut prefertur, eis possessione dicti Regni nequiter molestare, inquietare, & perturbare præsumunt, invadendo, occupando, & usurpando violenter & injuste pro viribus Terras, loca, bona, & jura Regni ejusdem, ac etiam deti-

nendo in ipsius Regni subversionem & scandalum suæ, ac suorum complicitum, & sequacium in hac parte salutis dispendium, & prædictorum Reginæ ac Regis grave damnum, præjudicium, & jacturam: propter quæ pro parte prædictorum Reginæ ac Regis Ungariæ pro adhibendo super iis optimo remedio ad nostram & dictæ Sedis providentiam humiliter habitus est recursus.

§. 4. Nos itaque, nolentes hæc non absque divina & præfatæ Sedis injuria & contemptu attentata taliter & præsumpta, sicuti nec debemus conniventibus oculis præterire, quin circa ea, cum simus omnibus in justitia debitores, officii nostri debitum, prout tenemus & expedire credimus, exequamur, Prælatiis Clericis, & Religiosis, Comitibus five Banis, Baronibus, Militibus, Civibus, Incolis, Complicibus, & sequacibus memoratis sub excommunicationis in personas, & Interdicti in Terras & Loca eorum, ac privationis omnium officiorum, & beneficiorum, privilegiorum, & gratiarum, atque bonorum, quæ a Romana, five ab aliis, vel in aliis quibuscumque tenent vel habent Ecclesiis, pænis atque sententiis, quas ipso incurrant facto, si secus egerint, districte præcipimus, ut a præmissis omnibus contra prædictos Carolum & Reginam Ungariæ, in auxilium & favorem Ducis præfati, per eos attentatis taliter & præsumptis, cessent penitus & desistant: & tam eosdem Prælatos, Clericos, & Religiosos, Comites five Banos, Barones, Milites, Cives, Incolas, complices, & sequaces, quam omnes alios & singulos tam de præfato Regno Ungariæ ac ipsius pertinentiis & juribus, quam de aliis regionibus quibuscumque, five annexis five non annexis eidem Regno, cujuscumque sint præeminentiæ, dignitatis, ordinis, conditionis, & status, etiamsi Regali vel alia quavis præfulgeant dignitate, attente monemus, eis omnibus & singulis auctoritate prædicta sub eisdem pænis & sententiis, quas si contra fecerint eos incurrere volumus ipso facto, districte injungentes, ne in præjudicium prædictorum Reginæ ac Regis Ungariæ præfatum Baviaræ Ducem, vel quemvis alium, Regem Ungariæ nominare, titulare, vel describere, seu habere, vel tenere præsumant: neve ipsum, vel Ministros ejus quomodolibet recipiant vel admittant, nec ei vel hujusmodi Ministris ipsius in invasione, occupatione, usurpatione, vel detentione dictorum Regni Ungariæ, jurium, & pertinentiarum ejus, aut annexorum sibi, vel alicujus, præfatis eorum, præstent auxilium, consilium vel favorem publicum vel occultum, vel de alicujus ejusdem Regni redditibus, bonis, & juribus quoquomodo respondeant, vel ministrent, neque cum eis vel pro eis ullam faciant colligationem, conjurationem, convocationem, vel communicationem, seu alias noxiam novitatem, donec de jure & proprietate dicti Regni ab eadem sede plene fuerit diffinitum.

§. 5. Ipsum quoque Ducem Baviaræ attente monemus, sibi que districte injungimus sub similibus excommunicationis, & interdicti, ac privationis pænis & sententiis, quas ex nunc prout ex tunc, si contra fecerit, proferimus con-

Nonnulli  
Proceres, &  
Episcopi con-  
tra Bonifacii  
edicta sensere  
cum Rege  
Bohemie.

Defuncto  
Venceslao Ba-  
varie Ducem  
ad Regnum  
occupandum  
evocaverunt;

Qui profe-  
sus in Hunga-  
riam insigne  
regium acce-  
pit.

Maria & Ca-  
rolus auxiliū  
Sedis Apost.  
implorant.

Annuunt eorum  
precibus Cle-  
mens.

Censuras iis  
incurrit, qui in  
Carolū Re-  
bellionem  
moverint.

Intentatum  
Duci Baviaræ  
anathema.



contra eum; ac eas ipso facto eundem incur-  
rere volumus, ne se Regem Ungariæ nomi-  
net; neve de illo titulum sibi dignitatis Re-  
giæ, vel alterius Dominationis adscribat, ne-  
que præfatum Regnum, vel aliquam ejus par-  
tem occupare, invadere, vel detinere præ-  
sumat; neve prælibatum Carolum Ungariæ  
Regem vel Ministros ipsius in possessione præ-  
dictorum Regni Ungariæ jurium, & perti-  
nentiæ ejus, vel quorumcumque annexo-  
rum eidem, per se vel alium seu alios impe-  
diat, perturbet quomodolibet, vel molestat:  
Sed, a qualibet eorum occupatione, invasio-  
ne, usurpatione, ac detentione cesset & de-  
fistat omnino, quousque super ipsius Regni ju-  
re ac proprietate plena præfata Sedis, ut pre-  
mittitur, diffinitio subsequatur.

Designatum  
eidem Duci  
anni tempus  
adproducenda  
jura apud Se-  
dem Apost.

§. 6. Et ne dici possit, quod quemquam  
a prosecutione sui juris super proprietate di-  
cti Regni excludere intendamus, ipsi Duci  
Bavariæ usque ad annum continuum, post-  
quam hæc in dicto Regno vel vicinis partibus  
juxta tenorem aliarum literarum nostrarum  
extiterint publicata, peremptorium assigna-  
mus terminum, infra quem per se vel alium  
seu alios, si qua de proprietate prædicti Un-  
gariæ Regni jura se habere crediderit, illa  
Nobis & Sedi Apostolicæ reverenter ostende-  
re, petere, ac coram Nobis vel ipsa Sede pro-  
sequi debito procuret ordine; ac sicut ratio-  
nis extiterit, & melius sibi videbitur expedi-  
re. Parati enim sumus exhibere ipsi favora-  
biliter & benigne super hoc justitiæ comple-  
mentum.

§. 7. Cæterum, ne molestandi & turban-  
di pro velle sit ei exceptionis cujuscumque fa-  
cultas, si ultra præmissum assignatum sibi ter-  
minum non prius ostenderit, petierit, & pro-  
secutus fuerit, ut præfertur, super jure pro-  
prietatis, si quod dicto Duci forsitan in Re-  
gno ipso competeret, a nostræ & dictæ Sedis  
sit præsidio jurisdictionis exclusus, & in quo-  
cumque judicio tam de rigore justitiæ, quam  
de Apostolicæ plenitudine potestatis ei super  
hoc perpetuum silentium imponimus de præ-  
dictorum Fratrum consilio & assensu.

Nulli ergo omnino hominum liceat hanc  
paginam nostrorum confirmationis, præcep-  
ti, monitionum, mandatorum, assignatio-  
nis, & impositionis infringere &c.

Datum Pictavis quarto Idus Augusti, Pon-  
tificatus nostri anno II.

Dat. die 10.  
Augusti 1306.  
Pont. II.

## III.

Excommunicatio Andronici Græcorum Im-  
peratoris, ejusque complicum, & adhæ-  
rentium.

Ex Reges.  
eodem.

Clemens Episcopus, Servus Servorum Dei,  
Ad certitudinem præsentium, & memo-  
riam futurorum.

§. 1. **A**ndronicum Paleologum, qui Græ-  
corum Imperatorem se nominat,  
tanquam eorumdem Græcorum antiquorum,  
Schismaticorum, & in antiquato Schismate con-  
stitutorum, & per hoc hæreticorum, & hæresis  
*Bull. Rom. Tom. III. Pars II.*

ipforum, ut Schismatis antiquati fautorem,  
de Fratrum nostrorum consilio, denunciāmus  
excommunicationis sententiam latam a cano-  
ne incurrisse, ac ipsius fore sententiæ vincu-  
lo innodatum.

Anathema, in  
Andronicum.

§. 2. Cæterum universis & singulis Regi-  
bus, Principibus, & Ducibus, Marchioni-  
bus, Comitibus, Baronibus, & cæteris omni-  
bus, cujuscumque sint præeminentiæ, condi-  
tionis, aut status; nec non Universitatibus  
Civitatum, Castrorum, & aliorum locorum  
districte inhibemus, ne cum eodem An-  
dronico Paleologo, in hujusmodi excommu-  
nicatione manente, societatem, vel confæ-  
derationem aliquam contrahere sub quovis  
ingenio vel machinatione præsumant; vel ei  
alias in iis, pro quibus excommunicatus est  
& denunciatus a Nobis, præstare consilium,  
auxilium, vel favorem publicum vel occultum:  
& si secus præsumptum fuerit, omnes  
singulares personas contrarium præsumentes,  
non obstante qualibet indulgentia sub quacum-  
que forma verborum vel expressione ipsis ab  
Apostolica Sede concessa, vel imposterum  
concedenda, quam quo ad hoc viribus vo-  
lumus omnino carere, sententiam excommu-  
nicationis, quam ex nunc in ipsos ferimus,  
incurrere volumus ipso facto. Terras autem  
ipforum, nec non & Universitates prædictas,  
quæ secus attentare præsumpserint, prout  
expedire videbimus, Ecclesiastico subiacere  
curabimus Interdicto: ad privationem omnium  
bonorum, quæ a quibuscumque tenent Ecclesiis,  
& ad pænas alias spirituales & temporales,  
prout utile putabimus, processuri: & nihilo-  
minus societatem & confæderationem ipsas,  
etsi pænarum & juramenti adiectione, vel  
quacumque fuerint alia firmitate vallatæ, de-  
cernimus irritas & inanes.

Vatite Catho-  
lici fædus cum  
ipso coire.

Spernentibus  
imperia infli-  
ctum anathe-  
ma.

Datum Pictavis tertio Nonas Junii, Pon-  
tificatus Nostri Anno secundo.

Dat. die 5.  
Junii 1307.  
An. II.

## I V.

Indictio XV. Sacri & Œcumenici Concilii Vien-  
nensis primi, ad Kalendas Octobris 1309. (a)

Clemens Papa Quintus, Carissimo in Christo  
filio Philippo Regi Francorum Illustri.

**R**egnans in Coelis triumphans Eccle-  
sia, cujus Pastor est Pater aternus,  
cui Sanctorum ministrant agmina, & laudis  
gloriam Angelorum chori decantant, in ter-  
ris ad sui similitudinem & repræsentationem  
constituit Ecclesiam militantem, unigenito  
Filio Dei vivi Domino Jesu Christo ineffabili  
commercio copulatam, in qua idem Unige-  
nitus Dei Filius a Patre progrediens, per il-  
lu-

Exordium.

(a) Ejusmodi fere literas hic idem Pont. direxit aliis Prin-  
cipibus, necnon Archiepiscopis, Episcopisq; & Præ-  
latis, quas prætermisi, una cum aliis literis proro-  
gationis d. Concilii usque ad Kalend. Octobris anni  
1310. & deinde subsequentis anni 1311. In quo qui-  
dem Concilio, Ordo Militum Templariorum ab isto-  
met Pont. damnatus fuit, ut hic infra in ejus Const.  
Cherubinus.



Romane Ecclesie dignitas.

Illustrationem Paracliti, procedentis pariter ab utroque, statuit fidei fundamentum.

§. 1. Sane Romana Ecclesia, Mater alma fidelium, caput est disponente Domino Ecclesiarum aliarum omnium & magistra: a qua veluti a primitivo fonte ad singulas alias ejusdem fidei rivuli derivantur, ad cujus regimen voluit Christi clementia, Romanum Pontificem vice sui deputare ministrum, ut instructionem & doctrinam ipsius eloquio veritatis Evangelicæ traditam, cuncti renati fonte baptismatis teneant, & conservent, ut qui sub hac doctrina cursum vitæ recte peregerint, salvi fiant; qui vero ab ea deviaverint, condemnentur.

Ipsius sollicitudo pro Recuperatione Terræ Sanctæ.

§. 2. Ipsa nempe Romana mater Ecclesia juxta exigentiam possibilitatis ipsius, ad cunctas orbis Provincias, in quibus divini nominis cultus viget, fideique Catholicæ observantia rutilat, intuitum sedulæ considerationis extendens, ac subjiciens ab olim suæ considerationis examini diuturnæ calamitatis angustias illius specialis hæreditatis Dominicæ, videlicet Terræ Sanctæ ab infidelibus miserabiliter conculcatæ, in qua idem Patris æterni Filius nostræ carnis indumento connectus, salutem humani generis pietate ineffabili extitit operatus, quamq; sua ipse voluit corporali insignire præsentia, & proprii aspersione sanguinis consecrare, multa sollicitudine studuit eidem Terræ retroactis temporibus, quibus potuit remediis, ut eriperet ab ipsis impiis subvenire.

Eapropter multa Templariis concessit Privilegia.

§. 3. Et quia inter ceteros, quos professio Christianæ Religionis includit, Milites & fratres domus Militiæ Templi Hierosolymitani, sicut est toti orbi notorium, tamquam speciali ejusdem fidei pugiles, & jam dictæ Terræ præcipui defensores, ipsius Terræ negotium principaliter gerere videbantur, ipsos, & eorum Ordinem præfata Ecclesia specialis favoris plenitudine prosequens eos ad versus Christi hostes Crucis armavit signaculo, multis exaltavit honoribus, ditavit facultatibus, ac diversis libertatibus, & privilegiis communivit.

Multa se audisse a illis, ait, patrari mala.

§. 4. Si nimirum cum crederentur in Domini servitio sub regulari habitu fideliter militare, sibi quasi cunctorum manus fidelium, cum multiplici erogatione bonorum sentiebant multifarie, multisque modis propterea adjutrices, sed (proh dolor) nova, & calamitosa vox, de malignitatis fratrum ipsorum enormitate progrediens, nostrum replevit, imo verius perturbavit auditum. Hæc enim vox nuntia lamentationis & gemitus, audientibus horrorem ingerit, commovet animos, mentes turbat, & cunctis fidei Christianæ cultoribus novæ, & ineffabilis amaritudinis calicem subministrat, & dum facti seriem ejus necessitate præsentis depromimus, noster attenuatur præ angustia spiritus; & valetudinis fatigata confractibus, membra singula præ nimio dolore tabescunt.

§. 5. Dudum siquidem circa nostræ promotionis ad apicem Summi Pontificatus initium etiam antequam Lugdunum, ubi recepimus nostræ Coronationis insignia, veniremus, &

post tam ibi quam alibi secreta quorundam nobis insinuatio intimavit, quod Magister, Præceptores, & alii Fratres dictæ militiæ Templi, & etiam ipse Ordo, qui ad defensionem patrimonii ipsius Domini Nostri Jesu Christi fuerant in transmarinis partibus deputati, contra ipsum Dominum in scelus Apostasiæ nefandum, detestabile Idolatriæ vitium, execrabile facinus Sodomorum, & hæreses varias erant elapsi. Sed quia non erat verisimile, nec credibile videbatur; quod viri tam religiosi, qui præcipue pro Christi nomine suum sæpe sanguinem effundere, ac personas suas mortis periculis frequenter exponere credebantur, quique multa & magna, tam in divinis officiis, quam in jejuniis, & aliis observantiis devotionis signa frequentius prætendebant, suæ sic essent salutis immemores, quod talia perpetrarent, hujusmodi insinuationi, ac delationi ipsorum, ejusdem Domini nostri exemplis in canonicæ scripturæ doctrinis edocti, aurem noluimus inclinare, deinde vero tu, cui eadem fuerant facinora nunciata, non typo avaritiæ, cum de bonis Templariorum nihil tibi vindicare vel appropriare intendas, imo ea nobis, & Ecclesiæ per deputandos super hoc a nobis administranda, gubernanda, conservanda, & custodienda liberaliter, & devote in Regno tuo dimisisti, manum tuam exinde totaliter amovendo, sed fidei Orthodoxæ fervore tuorum progenitorum vestigia clara sequens accensus, de præmissis, quantum licite potuisti te informans, ad instruendum, & informandum nos super iis multas, & magnas nobis informationes per tuos Nuntios & literas destinasti.

§. 6. Infamia vero contra Templarios ipsos increbescente validius super sceleribus ante dictis: & quia etiam quidam miles ejusdem Ordinis magnæ nobilitatis, & qui non levis opinionis in dicto Ordine habebatur, coram nobis secreto juratus deposuit, quod in receptione fratrum præfati Ordinis hæc consuetudo, vel verius corruptela servatur, quod ad recipientis, vel ab eo deputati suggestiorem, qui recipitur, Christum Jesum negat, & super Crucem sibi ostensam spuit in vituperium Crucifixi, & quædam alia faciunt recipiens, & receptus, quæ non sunt licita, nec humanæ conveniunt honestati, prout ipse tunc confessus extitit coram nobis, urgente nos ad id officii nostri debito, vitare nequimus, quin tot, & tantis clamoribus accomodaremus auditum. Sed cum demum fama publica deferente, ac clamorosa insinuatione, Tui necnon, & Ducum, Comitum, & Baronum, ac aliorum nobilium, Cleri quoque, ac populi dicti Regni tui, ad nostram propter hoc tam per se, quam per Procuratores, & Syndicos præsentiam venientium (quod dolementer referimus) ad nostram audientiam pervenisset, quod Magister, Præceptores, & alii fratres dicti Ordinis, & ipse Ordo, præfatis & pluribus aliis erant criminibus irretiti; & præmissa per multas confessiones, attestaciones & depositiones præfati Magistri, & plurimum Præceptorum, & fratrum Ordinis prælibati coram multis Prælatibus, & hæreticæ pravitatis.

Quæ audierit, exponit.

Hæc a Philippo Nuntio fuisse sibi delata.

Scelera nonnulla Templarij quondam fuisse confessum.

Ins.



Inquisitore in Regno Franciæ factas, habitas, & receptas, & in publicam scripturam redactas, nobisque, & fratribus nostris ostensas, probari quodammodo viderentur, ac nihilo minus fama, & clamores prædicti in tantum invaluisse, & etiam ascendissent, tam contra ipsum Ordinem, quam contra personas singulares ejusdem, quod sine gravi scandalo præteriri non poterat, nec absque eminenti periculo tolerari: Nos illius, cujus vices licet immeriti in terris gerimus, vestigiis inhærentes, ad inquirendum de prædictis ratione prævia duximus procedendum, multosque de Præceptoribus, presbyteris, militibus, & aliis fratribus dicti Ordinis reputationis non modicæ in nostra præsentia constitutos, præstito ab eis juramento, quod super præmissis meram, & plenam nobis dicerent veritatem, super prædictis interrogavimus, & examinavimus usque ad numerum septuaginta duorum, multis ex fratribus nostris nobis assistentibus diligenter, eorumque confessiones per publicas manus in authenticam scripturam redactas, illas in nostra, & dictorum fratrum nostrorum præsentia, ac deinde interposito aliquorum dierum spacio in Consistorio legi fecimus coram ipsis, & illas in suo vulgari cuilibet eorum exponi. Qui perseverantes in illis, eas expresse, & sponte prout recitatae fuerant, approbarunt.

§. 7. Postquam cum Magistro, & præcipuis Præceptoribus præfati Ordinis intendentes, super præmissis inquirere per nos ipsos ipsum Magistrum, & Franciæ, Terræ Ultramarinæ, Normandiæ, Aquitanix, ac Pictaviæ Præceptores majores nobis tunc Pictavis existentibus, mandavimus præsentari. Sed quoniam quidam ex eis sic infirmabantur tunc temporis, quod equitare non poterant, nec ad nostram præsentiam quoquomodo adduci, nos cum eis scire volentes de præmissis omnibus veritatem, & an vera essent, quæ continebantur in eorum confessionibus, & depositionibus, quas coram Inquisitore pravitatis hæreticæ in Regno tuo præfato, præsentibus quibusdam notariis publicis, & multis aliis bonis viris dicebantur fecisse, nobis, & fratribus nostris per ipsum Inquisitorem sub manibus publicis exhibitis, & ostensis dilectis filiis nostris Berengario tit. SS. Nerei, & Achillei, Stephano tit. S. Cyriaci in Thermis, presbyteris, ac Landulpho S. Angeli Diacono Cardinalibus, de quorum prudentia, experientia, & fidelitate indubitata fiduciam obtinemus, commissimus & mandavimus, ut ipsi cum præfatis Magistro, & Præceptoribus inquirerent, tam contra ipsos, & alias singulares personas dicti Ordinis generaliter, quam contra ipsum Ordinem super præmissis cum diligentia veritatem, & quicquid super his invenirent, nobis referre, ac eorum confessiones, & depositiones per manum publicam in scriptis redactas nostro Apostolatu deferre, ac præsentare curarent, eisdem Magistro, & Præceptoribus absolutionis beneficium a sententia excommunicationis, quam pro præmissis, si vera essent, incurrerant, si absolutionem humiliter ac devote peterent, ut de-

*Bull. Rom. Pom. III. Pars II.*

berent juxta formam Ecclesiæ impensuri.

§. 8. Qui Cardinales ad ipsos Magistrum, & Præceptores personaliter accedentes, eis sui adventus causam exposuerunt, & quoniam tam personæ, quam res ipsorum, & aliorum Templariorum in dicto Regno tuo consistentium in manibus nostris erant, quod libere absque metu cujusquam plene ac pure super præmissis omnibus ipsis Cardinalibus dicerent veritatem, eis auctoritate Apostolica injunxerunt. Qui Magister, & Præceptores Franciæ, Terræ Ultramarinæ, Normandiæ, Aquitanix, ac Pictaviæ, coram ipsis tribus Cardinalibus, præsentibus quatuor Tabellionibus publicis, & multis aliis bonis viris ad sancta Dei Evangelia ab eis corporaliter tacta, præstito juramento, quod super præmissis omnibus meram, & plenam dicerent veritatem, coram ipsis singulariter libere, ac sponte, absque coactione qualibet, & timore, deposuerunt & confessi fuerunt, inter cetera, Christi abnegationem, & spuitionem super Crucem, cum in Ordine Templi recepti fuerunt, & quidam ex eis se sub eadem forma, scilicet cum abnegatione Christi, & spuitione super Crucem fratres multos recepisse. Sunt etiam quidam ex eis quædam alia horribilia, & inhonesta confessi, quæ ut eorum ad præsens parcamus verecundiæ, subticemus. Dixerunt præterea, & confessi fuerunt esse vera, quæ in eorum confessionibus, & depositionibus continentur, quas dudum fecerant coram Inquisitore hæreticæ pravitatis. Quæ confessiones & depositiones dictorum Magistri, & Præceptorum in scripturam publicam per quatuor publicos Tabelliones redactæ, in ipsorum Magistri, & Præceptorum, & quorundam aliorum bonorum virorum præsentia, ac deinde interposito aliquorum dierum spacio coram ipsis eisdem lectæ fuerunt de mandato, & in præsentia Cardinalium prædictorum, & in suo vulgari expolitæ cuilibet eorundem. Qui perseverantes in illis, eas expresse, ac sponte prout recitatae fuerant, approbarunt, & post confessiones, & depositiones hujusmodi ab ipsis Cardinalibus ab excommunicatione, quam pro præmissis incurrerant, absolutionem flexis genibus, manibusque completis humiliter, & devote, ac cum lacrymarum effusione non modica petierunt.

§. 9. Ipsi vero Cardinales, quia Ecclesia non claudit gremium redeunti, ab eisdem Magistro & Præceptoribus hæresi abjurata expresse, ipsis secundum formam Ecclesiæ auctoritate nostra absolutionis beneficium impenderunt.

§. 10. Ac deinde ad nostram præsentiam redeuntes, confessiones & depositiones prælatorum Magistri, & Præceptorum in scripturam publicam per manus publicas, ut est dictum, redactas nobis præsentaverunt, & quæ cum dictis Magistro, & Præceptoribus fecerant, retulerunt, ex quibus confessionibus, & depositionibus, ac relatione invenimus sæpefatos Magistrum, & fratres in præmissis & circa præmissa, licet quosdam ex eis in pluribus, & alios in paucioribus, graviter deliquisse.

§. 11. Attendentes autem, quod scelera tam horrenda transire incorrecta absque Dei

Ac Templarios eadem deposuisse.

Veniam petentes, fuisse absolutos.

Publicis itaque scripturis Papæ traditis,

Septuaginta duo Templ. eadem scelera in Consistorio publico fuisse confessos.

Tribus Cardinalibus cæterorum commissum examen.



LocorumOrdinariis te commississe inquit, ut super eisdem inquirant;

Ac super his plurimum dolet.

Indictioque Concilio post biconium cogendum;

Omnipotentis, & omnium Catholicorum injuria, non poterant, nec debebant; decrevimus de fratrum nostrorum consilio per ordinarios locorum, ac per alios fideles, & sapientes viros ad hoc deputandos à nobis, contra singulares personas ipsius Ordinis, nec non contra dictum Ordinem per certas directas personas. quas ad hoc duximus deputandas super præmissis criminibus, & excessibus inquirendum.

§. 12. Iis nempe, quæ magis flere cogimur quam narrare, cor nostrum passione nimia cruciatur, & cum tanta proinde nobis immineat gemendi materia, fletum non possumus declinare. Quisnam Catholicus hæc audiens, nimis non doleat, & prorumpat in luctum? quis fidelis hujusmodi sinistrum eventum intelligens, amara non emittat suspiria, verbaque lamentationis & moestitudinis non erumpet, cum tota Christianitas hujusmodi doloris sit particeps, & hic casus fideles percutiat universos. Ex his etiam, dum ministerio debite considerationis nostræ mentis præsentatur obtutibus, ignis in nostris meditationibus exardescit, & ad tanta discrimina relevanda, suspirat affectus, zelus accenditur, & spiritus anxietur.

§. 13. Ad quod cum nos sufficere commode non posse sciamus, levamus oculos nostros ad montem, montem quidem Dei, montem uberem, montem pinguem, unde opportunum nobis provenire auxilium & humiliter petimus, & devote speramus: & quia salubre in his adhiberi remedium, interest generaliter omnium, Nos cum eisdem fratribus nostris, aliisque viris prudentibus exacto ac frequenti tractatu præhabito, prout tantæ necessitatis instantia exigebat, de ipsorum fratrum consilio, Vniversale Concilium sicut imitatione digna Sanctorum Patrum consuetudo laudabilis longævæ observationis exemplo nos instruit, a proximis Kal. Octobris ad duos annos immediate sequentes decrevimus congregandum, ut in eo tam circa dictum Ordinem, & personas singulares, & bona ejusdem, & alia, quæ statum tangunt fidei Catholicæ, quam circa recuperationem, & subsidium Terræ Sanctæ, ac reparationem, ordinationem, & stabilitatem Ecclesiasticarum personarum, & libertatem eorum illa, Deo auspice, communi consilio inveniatur provisio, & ejusdem approbatione Concilii roboretur; per cujus salutiferam executionem, virtus altissimi eliminatis erroribus, roborata fide, ad tramitem veritatis reductis errantibus, redintegrata ejusdem fidei unitate, extirpatis vitiis, virtutibusque plantatis, correctis excessibus, moribus reformatis, repressis oppressionibus, libertate solida stabilitate munita, recuperatis deperditis, & ejusdem Terræ statu prospero reparato, occupata restituat, vastata restauret, & conservet, nobisque viam aperiat idem ipse, qui novit, & facultatem tribuat ipse, qui potest, ut sic in præmissis juxta intensum animi nostri desiderium sibi ministrare possimus salubriter, quod idem, verus ejusdem universalis sponsus Ecclesiæ ipsam dilectam suam purgatam maculis, mu-

nitam virtute, ac monilibus ornatam, unam semper habeat, & formosam ad sui nominis laudem, & gloriam, ad animarum profectum, robor, fidei, pacem & exaltationem populi Christiani. Quia vero prosecutio tanti propositi tempore indiget, ut deductum maturius facilius auctore Domino effectum debitum, fortiatur, prædictum tempus ad id duximus deputandum.

§. 14. Unde Venerabilibus fratribus nostris Archiepiscopis, Episcopis, ac dilectis filiis Electis, Abbatibus, Prioribus, Decanis, Præpositis, Archidiaconis, Archipresbyteris, & aliis Ecclesiarum Prælati, exemptis, & non exemptis, eorumque Capitulis, & Conventibus per alias nostras literas præcipiendo mandamus, ut iidem Archiepiscopi, necnon & cæteri Episcopi per ipsorum Archiepiscoporum Provincias constituti in eisdem literis nominati, reliquis ipsorum Episcoporum in dictis Provinciis remanentibus ad ea, quæ Pontificale officium exigunt, tam in suis, quam illarum dictarum Provinciarum, qui ad hujusmodi Concilium universale accesserint, Civitatibus, & Diocesibus exercenda, omni negligentia relegata, cunctis prout talis & tanti negotii qualitas exigit, dispositis & paratis, sic medio tempore se accingant ad iter, quod in hujusmodi decreto termino, quem eis, & aliis peremptorie assignamus in Viennensi Civitate, iidem Archiepiscopi, & Episcopi taliter nominati personaliter, alii vero remanentes Episcopi, Electi, Abbates, Priores, Decani, Præpositi, Archidiaconi, Presbyteri, & Prælati, Capitula, & Conventus per eosdem Archiepiscopos, & Episcopos ad prædictum Concilium accessuros, quibus ad omnia, quæ in eodem Concilio statuentur, fient, & ordinabuntur, & fuerint opportuna, concedant plenariam potestatem, de qua sufficienter constet per publica documenta, nostro se conspectui representent. Quod si forsan ipsis Archiepiscopis, & Episcopis accessuris hujusmodi noluerint concedere potestatem, eo casu venire, vel alios procuratores idoneos cum potestate simili ad idem teneantur Concilium destinare.

§. 15. Non obstantibus quibuscumque privilegiis, seu Indulgentiis quibuscumque personis, ordini, dignitati, seu Collegio sub quacumque verborum forma, vel expressione a prædicta Sede concessis, per quæ possit effectus hujusmodi mandati nostri quomodolibet impediri, aut eidem in aliquo derogari. Mandavimus insuper, ut iidem Archiepiscopi, & Prælati per se vel alios viros prudentes, Deum timentes, & habentes præ oculis omnia, quæ correctionis, & reformationis limam exposcunt, inquirentes subtiliter, & conscribentes fideliter, eadem ad ipsius Concilii notitiam deferant. Et nos nihilominus variis modis, & viis solers studium, & efficacem operam dare proponimus, ut omnia talia in examen hujusmodi deducta Concilii, correctionem & directionem recipiant opportunam.

§. 16. Hoc etiam in eisdem nostris literis adjecto, ut nullus inobedientiæ notam, & canonicæ ultionis acrimoniam vitare desiderans

Monitisque Prælati omnibus, ut Viennam intra hoc tempus accedant,

Secum hujus examen rei deferentes,



rans, fallacium excusationum velamento se muniat, vel ex impedimentis itinerum, quæ Domino prava in directa, & in vias planas aspera sua omnipotentia convertente cessabunt, frivola allegationis munimenta confingat, ut a tam sancti prosecutione operis se subducatur: sed occurrant singuli voluntarii ad id, quod & divina congruit voluntati, & salutem animarum, ac utilitatem respicit singulorum.

§. 17. Cæterum, quia multipliciter expedit ut tam celebre Concilium tua, & aliorum Catholicorum Principum decoretur presentia, ut salubri consilio, & auxilio fulciatur, serenitatem regiam rogamus, & hortamur attentius in remissionem tibi peccaminum suadentes, quod præscriptis loco, & termino in eodem Concilio, captata interim ad hoc opportunitate, studeas personaliter interesse, meditatione provida prudenter attendens, quod in hoc non solum labor, quem ad tam sancti, & utilis negotii promotionem assumes, tibi cedit ad meritum, verum etiam aliorum, qui ad veniendum ad idem Concilium efficacius tuo inducentur exemplo, & nihilominus vota tua nobis poteris familiariter aperire, quæ in omni benevolentia libenter ad exauditionis gratiam, quantum cum Deo, ac Ecclesie honore poterimus, admittemus.

Philippum hortatur, ut ipse quoque illuc pergat.

Dat. die 12. Augusti. 1307. Pont. III.

Dat. Pictavis 2. Idus Aug. Pont. nostri Anno tertio.

## V.

Ex Regest. Vatic. Universis Christifidelibus, pro reparatione Lateranensis Basilicæ igne consumptæ laborantibus, conceditur Indulgentia decem annorum, totidemque quadragenarum.

Clemens Episcopus, Servus Servorum Dei, Universis Christifidelibus, præsentibus literis inspecturis, salutem & Apostolicam benedictionem.

ET si Fidei Christianæ cultores universas Ecclesias per orbem terrarum, diffusas, in quibus Majestas Altissimi collaudatur, teneantur & debeant devotione celebri venerari; ad Venerabilem tamen Ecclesiam Lateranensem in honorem Salvatoris Mundi dedicatam, ac vulgariter Beati Joannis titulo insignitam, ubi Imago Salvatoris depicta primum visibilis omni Populo Romano apparuit, quam divina clementia prærogativa sublimavit honoris, multisque dotavit singularibus titulis Dignitatum, inter cæteras majorem tenerentur reverentiæ plenitudinem exhibere. Cum igitur nuper eadem Ecclesia, tam celebris quam insignis, incendio fuerit, divina id permittente clementia, quod dolenter referimus, casualiter concremata; Nos ad reparationem ipsius paternis studiis, prout Pastoralis tenemur officio, efficaciter intendentes; & considerantes attente, quam conveniens sit, & dignum, ut Christi fideles eidem Ecclesie debitum honorem exhibeant, & ad ejus decorem sua etiam impendia subministrant; cum frustra non immerito salu-

Lateranensis Basilicæ dignitas.

Fortuito igne concremata.

tem expectet, qui non ex omni corde ac mente suis cum veneratione & honore debitis non reveretur nec invocat Salvatorem; Univerſitatem vestram rogamus & hortamur in Domino, in remissionem vobis peccaminum injungentes, quatenus, attendentes provide, quod inter holocausta virtutum illud Deo acceptabilius redditur, quod de puri animi hilaritate, ac pinguedine charitatis offertur, de bonis vobis a Deo collatis ad reparationem, dictæ Ecclesie, quæ magna plurimum ac sumptuosa exigit onera expensarum, pias & largas eleemosynas, & grata subsidia erogetis; ut cooperantibus vestris charitativis subventionibus possit eadem Ecclesia, decentis consumatione structuræ laudabiliter restituta, superni Regis laudibus apta reddi: Vosque per hoc & alia bona, quæ Domino inspirante feceritis, ad eternæ possitis felicitatis gaudia pervenire. Nos enim de Omnipotentis Dei misericordia, & Beatorum Petri, & Pauli Apostolorum ejus auctoritate confisi, omnibus vere poenitentibus & confessis, qui usque ad consummatum finem tam pii operis, quod incumbit, circa ipsum opus personaliter laboraverint, vel ad illud manum præstiterint adjutricem, decem annos & decem quadragenas de iniunctis eis poenitentibus misericorditer relaxamus: nec non a Domino Deo nostro Salvatore omnium, in cuius honorem supradicta Basilica dedicata, fuisse dignoscitur, secundum quantitatem subsidii & devotionis affectum suorum remissionem peccaminum, & suarum animarum salutem, misericorditer consequatur.

Datum Pictavis tertio Idus Augusti, Pontificatus nostri anno Tertio.

Christi fideles ad ejus reparationem adhortatur.

Præposita indulgentia.

Dat. die 11. Augusti. 1307. Pont. III.

## VI.

Erectio Studii generalis in Civitate Perusii, Provinciæ Hebruriæ.

Clemens Episcopus, Servus Servorum Dei. Ad perpetuam rei memoriam.

Super specula militantis Ecclesie dispositione dominica constituti, fidelium ejusdem Ecclesie profectus, honores & commoda, quantum nobis ex alto permittitur, ferventer appetimus, illaque efficacibus studiis, & promptis operibus, libenti animo promovemus, ad hæc omnem, quam possumus, opem & operam exhibentes.

Exordium.

§. 1. Quare dum Fidei puritatem, & devotionem eximiam, quam Civitas Perusina, spectabilis dictæ Ecclesie filia, ab olim ad ipsam Ecclesiam habuisse dignoscitur, illasque ad nos & dictam Ecclesiam continuare fideliter de bono in melius studuisse probatur, intra præcordia nostra revolvimus, dignum duximus, & æquitati consonum arbitramur, ut Civitatem eandem, quam divina gratia, multarum, prærogativa bonitatum, & fecunditate virtutum, gratiose dotavit, scientiarum etiam muneribus ampliemus.

Civitas Perusina Rom. Ecclesie filia.

§. 2. Et ut favente Deo, ex Civitate ipsa pro-



Studium Ge-  
nerale in ea  
erigitur.

Datum die 8.  
Sepr. 1307.  
P. An. III.

producantur viri docti, qui in Orbe terrarum velut splendor fulgeant firmamenti, & tamquam stellæ in perpetuas æternitates mansuri, ad justitiam valeant plurimos erudire, Apostolica auctoritate statuimus, ut in Civitate prædicta sit generale studium, illudque ibidem perpetuis futuris temporibus vigeat in qualibet facultate.

Nulli ergo omnino hominum liceat hanc paginam nostri statuti infringere &c.

Dat. Zanctoni, VI. Idus Septemb. Pont. nostri Anno III.

## VII.

Confirmatio Electionis Henrici in Regem Romanorum.

Ex Regest.  
Vatic.

Clemens Episcopus, Servus Servorum Dei, Carissimo in Christo Filio Henrico Regi Romanorum Illustri salutem & Apostolicam Benedictionem.

Proemium.

**D**ivina Sapiencia imperscrutabilis altitudo, exemplo caelestium terrena disponens, riganque montes de superioribus suis, ut suorum operum fructu inferior Mundi machina salubriter dirigatur, sicut in firmamento Cæli duo luminaria magna constituit, ut Orbem vicibus alternis illustrent, sic in Terris dona præcipua & suprema, Sacerdotium, videlicet & Imperium, ad plenum regimen & gubernationem spiritualium mundanorumque constituens, utriusque potestatem superna provisione discrevit; ut eorum perutilis ministerii operosa diversitas nulla adversitate dissentiens, tam in executione commissi regiminis, quam in voti unitate concordet, ipsorumque procul dubio universis pro futura concordia, alterutrius fulta præsidii, ac mutuis favoribus utriusque confota, liberius justitiæ opus exercent, pacem Mundo pariat, tranquillitatem inducat, & nutriat unitatem: Imperium quidem ad salutem Fidelium sacerdotali auctoritate dirigitur, & ipsius adjutum præsidii, sedatis interdum procellosis imminentium tempestatum turbinibus, tranquillum redditur, & quietum: Sacerdotium vero pium & tutum debet habere recursum ad Imperialem mansuetudinem, debita sibi veneratione conjunctam, ut Imperii Romani fastigium, & ejus culmini præsidens, specialis Advocati & Defensoris præcipui circa Ecclesiam gerat effectum; & in ipsius fortitudine brachii defensentur Ecclesiastica libertates, & jura manuteneantur ipsarum, extirpentur hereses, cultus christianæ Fidei amplietur, & inimicis consternatis ejusdem, in pacis plenitudine sedeat Populus Christianus & in requie opulenta quiescat.

Nuncii Enrici  
ejus in Regem  
Rom. electionem  
Papæ significat.

§. 1. Sane nuper Venerabiles Fratres nostri Basiliens. & Curien. Episcopi, & Dilectus Filius nobilis Vir Amadeus Sabaudia, Joannes Salphini Viennen. & Albonen. Comites, Guido de Flandria, Joannes de Seraponte, Comes & Magister Simon de Manulla Thesaurarius Ecclesiæ Meten, Ambasciatores Procuratores & Nuntii tui ex parte tua cum pleno sufficienti

mandato, prout per tuas patentes Literas, magni tui Sigilli appensione munitas, Nobis extitit facta fides, ad nostram præsentiam destinati, coram Nobis & Fratribus nostris Sanctæ Romanæ Ecclesiæ Cardinalibus in publico & solemniori Consistorio nomine tuo, & omnium Principum, in Regis in Imperatorem postmodum promovendi, in electione voces habentium tam de consuetudine quam de jure, proposuerunt inter cætera coram Nobis, electionem de te ad prædictum Regnum, & Imperium postmodum promovendo ab omnibus Principibus vocem in hujusmodi electione habentibus fuisse concorditer & legitime celebratam: teque electioni hujusmodi consensisse, & alias solemnitates recepisse Aguisgrani, quas Prædecessores tui recipere consueverunt ibidem: supplicantes instanter, ac inter alia humiliter postulantes, tibi unctionem & consecrationem, per nostras manus impendi, & Te in Imperatorem Romanum, Advocatum & Defensorem Ecclesiæ, Imperiali diademate coronari; & ad hoc tibi certos locum & terminum assignari, & alias tibi concedi per Sedem Apostolicam, favorem & gratiam consuetos.

§. 2. Nos igitur præmissis per eosdem Ambasciatores propositis diligenter auditis, nec non prædicto mandato, electionis quoque prædictæ decreto cum prædictis Fratribus diligenter inspectis, plenaque deliberatione discussis, factaque Nobis de hujusmodi electione concordii & legitima plena fide, examinatione quoque de persona tua in eorumdem Fratrum præsentia per nos facta, in quantum te absente fieri potuit, super conditionibus omnibus, quæ requiruntur in illo, qui est ad Imperialis culminis apicem sublimandus; quia ab olim Nos & Fratres nostri ex frequenti & familiari conversatione tua, & magnorum ac proborum Virorum testimonio indubitato & certo, excellentiam tuam fore percipimus magnarum virtutum gloriosis titulis insignitam, discretionis immensitate sublimem, providentiæ maturitate fecundam devotionis claritate conspicuam; quodque in ea adeo prompti viget intellectus prosperitas, veritatis dilectio, & constantis fortitudinis firmamentum, ut tantarum virtutum Caesaris in ipsa regnantibus sublimium honorum extolli fastigiis rationabiliter mereatur; Te, charissimum Filium nostrum Henricum, in Regem electum, deputamus, nominamus, denunciamus, & declaramus Regem Romanorum de ipsorum Fratrum consilio, justitia exigente; tuamque personam, tot excellentium meritorum claritate suffultam, approbamus, pronuntiamus, & declaramus plene sufficientem & habilem ad suscipiendum hujusmodi Imperialis celsitudinis dignitatem: Decernentes & pronuntiantes, unctionem, consecrationem, & Imperii Romani coronam Tibi per manus nostras debere concedi loco & tempore opportunis, ad quæ ex nunc nos offerimus nos paratos; Magnitudini tuæ nihilominus concedentes nostrum & Romanæ Ecclesiæ favorem & gratiam consuetos; præcipientes ex nunc omnibus subditis tuis, quod Tibi tanquam Regi Romanorum vero, & per Sedem

Ejusque nomen Imperiale diadema postulant.

Discutit cum Cardinalibus Clemens an gerendo Imperio par illis sit.

Perspectis illius virtutibus Regem Roman. pronuntiat.

Jubet Imperii clientes ipsi obtemperare.

Apo.



Apostolicam approbato ad Imperium obtinendum, efficaciter pareant & intendant,

§. 3. Et quia tam pro generali futuro Concilio, quod jam mandavimus convocari, quam pro aliis arduis & inevitabilibus Fidei Christianæ negotiis multa nobis imminere necessario facienda, quæ non possent absque gravi periculo universalis Ecclesiæ prætermitti, ante quorum expeditionem alia ponderosa implicare negotia, vel explicationi ipsorum intendere commode non possemus; ut urgentibus ad præsens negotiis utiliter expeditis, annuente Deo, votis tuis & postulationibus tam feliciter quam celeriter satisfiat, celsitudini tuæ ad unctionem, consecrationem, & coronationem Imperii Romanorum de manibus nostris in Basilica Principis Apostolorum de Urbe, Deo auctore, sumendas Festum Purificationis Beatæ Mariæ, quod erit usque ad biennium computandum a proximo futuro festo Purificationis ejusdem, Tibi de ipsorum Fratrum consilio assignamus; a dictis quoque Procuratoribus & Nuntiis tuis, habentibus super hoc plenum & speciale mandatum, in animam tuam, prout ipsi nobis frequenter obtulerant, recepimus debitum juramentum.

§. 4. Euge igitur, Fili charissime, recognosce humiliter tui beneficentiam Creatoris, ejus beneplacitis te coapta, dirige vias tuas in semitis mandatorum ipsius, ejus Ministros honora immo ipsum in illis, honora Ecclesiam Matrem tuam, longævitatem namque vitæ parentum etiam temporalium honorificatio pollicetur, recogita diligenter, & tenaci commenda memoriæ quam gratiosam tam olim in multis casibus, quam nunc in Nuntiorum tuorum expeditione celeri & felici Romanam Ecclesiam invenisti; & ideo ipsam ejus & aliarum Ecclesiarum honorem & jura dirige, protege & conserva pacem dilige, Regem imitando pacificum; firma justitia Tronum tuum, illam sectare: fructus enim justitiæ pax, illa si ante te ambulet gressus tuos ponens in via, tibi ab invio præcavebit; nec te clementia deserat, quæ amicos & devotos multiplicans, Imperii adicit firmitatem: age viriliter, & semper cor tuum in Domino confortetur.

Datum Avenioni septimo Idus (a) Augusti, Pontificatus nostri anno Quarto.

## V I I I.

Excommunicatio contra Cudentes, & deferentes falsas monetas in Regno Franciæ.

Ex eodem Clemens Episcopus, Servus Servorum Dei.  
Regest. Ad perpetuam rei memoriam.

Causa sciendi legis.

**P**Rodiens quasi ex adipe iniquitatis multorum sceleratorum sinistra cupiditas eos in perniciem præcipitare conatur; dum sequi miserabilem ejus ingluviem, satietatis nescientem, moderamina non verentur; Ipsius etenim turpium lucrorum se facibus

immergentes, ambitiosis nexibus involvuntur, Dei timorem damnablem cæcitate postponunt; &, quasi ambulantes in tenebris, non vitant excidia personarum.

§. 1. Nuper siquidem ad nostri Apostolatus auditum multorum relatio fide digna perduxit, quod nonnulli, nullam habentes auctoritatem de jure vel consuetudine seu privilegio faciendi monetam, falsam monetam cudunt & fabricant in Regno Franciæ & Locis circumvicinis. Alii vero monetam fabricatam sub vero signo Charissimi in Christo Filii nostri Philippi Regis Francorum Illustris studiosè depravant, & ex hoc cadit a suo recto pondere. Quamplures etiam in Locis circumvicinis, quibus de jure ac consuetudine seu privilegio jus competit fabricandi monetam, signum proprium monetæ Regiæ suæ, quam fabricant, imprimere seu insculpere moliantur, ejusdem quantitatis & rotunditatis & Literarum figuræ, quam habet monetæ Regiæ, monetæ suæ, quam fabricant, quantum possunt similis, speciem & formam insculpunt, constituunt, & imponunt. Et quamvis moneta prædicta eorum ad usurpatam similitudinem prædictam deficiat a justo pondere argenti & solito, in Regiæ monetæ & more & consuetudine observata; simplices tamen, & populares personæ, non habentes inter monetas tantæ similitudinis peritiam discernendi, falluntur quotidie in usu monetarum, recipientes monetas falso assimilatas pro veris. Sunt & aliqui, qui scienter falsas monetas extra Regnum ipsum emunt, & postea infra Regnum ipsum eas portant, vendunt, & expendunt.

§. 2. Nos igitur, attendentes, quod iidem Lex. Falsarii, & fabricatores monetarum talium, & emptores prædicti, per hoc se dignos maledictione constituunt; eos, qui, ut præmittitur, præmissa moliri, aut fabricare, emere, vel portare ad Regnum prædictum scienter præsumpserint, Excommunicationis sententia innodamus, absolutione prædictorum Nobis & successoribus nostris, præter quam in mortis articulo, reservata.

Nulli ergo omnino hominum liceat hanc Clausula. paginam nostræ innodationis infringere, vel ei ausu temerario contraire. Si quis autem, hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus, se noverit incursurum.

Datum Tolosæ II. Kalendas Januarii, Pontificatus nostri anno IV.

Dat. die 31<sup>a</sup>  
Decem. 1308.  
Pont. An. IV.

(a) Apud Raynaldum legitur VII. Kal. Augusti.



## IX.

De reditu Civitatis Ferrarię sub antiqua Sedis  
Apostolicę obedientia & iurisdictione,  
eiusque privilegiorum  
confirmatione.

Ex eodem  
Regeſt.

Clemens Episcopus, Servus Servorum Dei,  
dilectis Filiis, Universitati, Consilio, Po-  
pulo, & communi Civitatis Ferrarien., sa-  
lutem, & Apostolicam benedictionem.

Proemium.

**P**la Matris Ecclesię cura, de Filiorum  
suorum salute sollicita, etſi com-  
muni quodam pietatis affectu ad cunctos ge-  
rat sedulę considerationis intuitum, illos prę-  
cipue propensiori studio refovere desiderat, &  
suę dulcedinis suavitate reficere, illosque in  
oblivionem abire non patitur, quos longe a  
suis ablactatos uberibus & in devium raptos  
pręcipiti lapsu fortuna pressit acerbior, & avul-  
sos a dulcibus ejus amplexibus calamitas du-  
rioris adversitatis afflixit. Non enim poterat  
siccis oculis intueri, quos in afflictione posi-  
tos intollerabilis cruciatus attriverat; nec si-  
ne suspiriis illorum considerare miseras, quos  
iugo tyrannicę servitutis absortos, & cuiusli-  
bet penitus respirationis expertes, angustiosis  
cernebat angariis impie cruciari. Hoc enim  
ipsa Mater Ecclesia in vobis, (quos privata  
peculiaritas uteri sui repositos servat in intimis  
& inviolabilis necessitudo connectit) frequen-  
ter experiens, amaras plerumque lacrymas  
est coacta perfundere, sentire dolores, & inge-  
minare suspiria ex diversarum persecutionum  
procellosa tyrannide, quam in vobis hos-  
tilis multotiens & crudelis immanitas agitavit.  
Verum, quantumcumque periculosa sint tem-  
pora, & Mundus positus in maligno, non ta-  
men deserunt in fluctibus quarumlibet tem-  
pestatum consolationum remedia Sponsę Chri-  
sti. Non enim attigit votum proprium Pha-  
raonis astutia, satagens in masculis extingue-  
re Israel: non pręvaluit Herodianę perse-  
cutionis impietas, quin puer nobis datus cę-  
litus in hereditatem gentium supervivat: Nec  
Tyrannorum fervor, in Christi Ecclesiam,  
eiusque membra quantumcumque desęviens,  
evertere potuit eius solida fundamenta, super  
firmam petram solidatę fidei stabilita; quan-  
tumvis procellosis impulsibus sint percussa.

Ferraria prius  
perpleſſa  
calamitates  
sub Longo-  
bardis.

§. 1. Sane, quantis ab olim Ferrariensis Ci-  
vitas eidem Ecclesię peculiariter, ab ipſo sui  
primordio & primario fundamento, pleno iu-  
re etiam temporaliter immediate subiecta fue-  
rit, tempeſtatibus & procellis exposita, quan-  
tisve periculosis discriminibus conquassata,  
nec Mundus ignorat: Nam licet ipsa, post di-  
ram sacrilegi quondam desiderii Regis tyra-  
nidem, eam terribiliter impugnantis, vir-  
tuoſo brachio pręclarissimę memorię Caroli  
Francorum Regis Illustris in succursum eiuf-  
dem Ecclesię invocati & viriliter occurrentis,  
elisa, ad dominium extiterit eiufdem Ec-  
clesię, ipsius incliti Regis virtute suffragante,  
redacta; Et demum etiam post longa tempo-  
rum effluxa curricula diversorum Tyranno-

A Carolos  
Magno ad Ec-  
clesię domi-  
nium Vandi-  
cata.

rum usque ad pręsentia tempora fuerit, cru-  
deli protervia debacchante, convulsa: tandem,  
dextera Domini faciente virtutem, extinctis  
ignibus dirę Tyrannidis, quę ipsam extremę  
servitutis cruciabat angariis, & angustis de-  
primebat, eadem Ecclesia de ipsius Civitatis  
reintegratione sollicita, desideravit anxie, ut  
ipsa, quę diu, temporis faciente malitia eiuf-  
dem pię Matris suavitatem uberum non gu-  
ſtarat, sed per arrupta & invia, per oberra-  
tionis involucrum deviarat, ad viam reduce-  
retur suavis rectitudinis; & salutis modos &  
vias exquirendo multiplices, tam per Legatos  
& Nuntios, quam per alios devotos & fideles  
ipsius, ut cęcitatis excussa caligine, ac iugo  
servitutis abiecto, ad eius reduceretur suave  
dominium, novęque salutis acciperet liberta-  
tem.

Sedis Apost.  
de eadem so-  
licitudo.

§. 2. Sed adhuc Leviathan tortuoſi colu-  
bri, qui habens odio vias rectas, sinuosos  
semper quærît anfractus, exufflante nequitia,  
irruit iterum excitatus ab illo, qui incentor  
est malorum omnium, venenosus Venetorum  
ventus; ut, recidiva peste, ipsius Civitatis  
concuteret angulos, & everteret fundamen-  
tum. Sed eadem Ecclesia, pio sibi semper af-  
fectu compatiens, post intentatam per eosdem  
Venetos hostilitatis dirę sevitię, inter ter-  
ribiles eorum insultus & bellicosos impetus,  
quibus Civitatem ipsam & Incolas, ut eorum  
servituti iterata quadam plaga subigerent, &  
dolorem super dolorem apponerent, undique  
impugnabant, occurrit statim & affuit despe-  
ratis filiis in manu forti & gloriosa potentia  
quę, Venetorum ipsorum furia ignominioſe  
calcata, ab eorum faucibus vos & ipsam prę-  
potenter eripuit; & a rugientibus pręparatis  
ad escam suę victrici dextera liberavit; ut  
iam, per Dei gratiam erepti de durissimo  
Pharaonis imperio, possitis liberius ad super-  
na conscendere, & iugo captivitatis abiecto,  
acceptę letari commodis libertatis.

De Veneto-  
rum tyranni.  
de liberata.

§. 3. Vos ergo, sicut devotione fervidi,  
& fidei sinceritate pręclari, indulta vobis  
per eandem Ecclesiam tot gratiarum benefi-  
cia copiosa ad memoriam reducentes, & pium  
eiufdem matris affectum, sicut benedictionis  
& gratię filii salubriter attendentes, cupien-  
tes humiliter ad benignum & gratiosum ipsius  
redire dominium, unde jam dudum, ut prę-  
mittitur, fueratis exclusi, ut possitis amodo  
suavi suorum uberum dulcedine refoveri, sa-  
lubri usi consilio, & diligenti deliberatione  
pręhabita, per Venerabilem Fratrem nostrum  
Guidonem Episcopum, & dilectos filios Pigna-  
tonum de Pignatonibus & Antonium de Alexio  
Judices, Vassallum Mercatorem Octobonum di-  
ctum, Bracharinum, & Nascimbene de Brinis  
Notarios, Concives vestros Sindicos, & Pro-  
curatores & Nuntios ad hæc specialiter ad Se-  
dem Apostolicam destinatos, habentes ad hæc  
a vobis sufficiens & speciale mandatum, vos  
& eandem Civitatem Ferrariensem, ejus  
personas, bona, Comitatum, Territorium, &  
districtum cum iurisdictione alta & bassa re-  
cognovistis pertinere, & pertinuisse etiam ab  
antiquo, & a fundatione Civitatis eiufdem ad  
dominium Romanę Ecclesię supradictę: Et  
nihil-

Ferrarienses  
per Nuncios  
eiufdem Se-  
dis dominium  
proficuntur.



Ferrariensium  
Nuncii Papæ  
juramentum  
fidelitatis præ-  
stant.

Instrumenti  
peractæ rei.

## Clemens Quintus.

Litteræ Cre-  
dentiales dd.  
Nunciorum.

nihilominus Civitatem, personas, bona, Comitatum, Territorium, & Districtum præfata in nostris, & ejusdem Ecclesiæ manibus, quantum in vobis extitit, libere & totaliter subiecistis, transtulistis, & plenarie submisistis: Pro quibus omnibus & singulis Sindici memorati nomine vestro Nobis & eidem Romanæ Ecclesiæ juramentum fidelitatis, & ligium homagium præstiterunt, prout in Instrumento publico inde confecto plenius continetur, cujus tenorem de verbo ad verbum præsentibus inferi fecimus, qui talis est.

§. 4. In nomine Domini amen. Noverint universi, præfens Instrumentum publicum inspecturi, quod anno Domini millesimo trecentesimo decimo, Indictione octava, die Martis vigesima septima Mensis Januarii, Pontificatus Sanctissimi Patris & Domini, Domini Clementis, Divina Providentia Papæ Quinti Anno quinto, Avenioni in Palatio Loci Fratrum Ordinis Prædicatorum, in quo idem Dominus Papa tunc residentiam faciebat, in Consistorio publico & solemni, ubi idem Dominus Papa una cum Sacro Collegio Reverendissimorum Patrum Dominorum Sanctæ Romanæ Ecclesiæ Cardinalium, videlicet Dominis Leonardo Albanen., Petro Sabinen., Joanne Portuen., & Berengario Tusculan., Episcopis: Joanne Sanctorum Marcellini, & Petri, Thoma Sanctæ Sabinæ, Nicolao Sancti Eusebii, Guillelmo Sanctæ Potentianæ, & Stephano Sancti Ciriaci Tituli, Presbyteris: Landulfo Sancti Angeli, Jacobo Sancti Georgi ad velum aureum, Francisco Sanctæ Mariæ in Cosmedin, Ricardo Sancti Eustachii, Luca Sanctæ Mariæ in Vialata, Petro Sanctæ Romanæ Ecclesiæ, & Raymundo Sanctæ Mariæ Novæ, Diaconis Cardinalibus; aderant, & præsentibus erant, coram eis astante fidelium Clericorum videlicet & Laicorum, multitudine copiosa, Venerabilis Pater Dominus Guido Episcopus Ferrarien., & discreti Viri, Pignatonus de Pignatonibus, & Antonius de Alexio Judices, Vassallus Mercator Octobonus dictus, Bracharinus, & Nascimbene de Brinis Notarii, Cives Ferrarienses, Ambassiatores & Sindici, ad hæc per Reverendum Patrem Dominum Arnaldum Dei gratia Sanctæ Mariæ in Porticu Diaconum Cardinalem, Apostolicæ Sedis Legatum, tam ex plenitudine potestatis, quam habet Romana Ecclesia in Civitate & Districtu Ferrarien., quam ex potestate sibi per nobilem virum Dominum Geraldum de Tartis, Potestatem Vexilliferum, Præconsulem Notariorum, Antianos, Capitulum Societatum, Consilium, Populum, & Commune Ferrariæ, attributa, super hoc specialiter electi, prout de hujusmodi potestate dicto Domino Legato, ut prædicitur, concessa apparet per publicum Instrumentum manu Perini nati Domini Octoboni Bracharini Civis Ferrarien. Notarii confectum: nec non de electione ipsorum Ambassiatorum & Sindicorum facta per dictum Dominum Legatum per litteras ipsius Domini Legati in modum publici Instrumenti per manum Leonis Nigri de Setia publici Apostolicæ & Imperiali auctoritate Notarii, confectas & dicti Domini Legati Si-

Bull. Rom. Tom. III. Pars II.

gillo pendenti munitas, plene constat; idem Dominus Papa prædicta Instrumentum & litteras publice & alta voce per discretum Virum Magistrum Joannem de Verulis Camera suæ Clericum legifecit, quarum tenores tales sunt: In Christi nomine Amen. Anno ejusdem nativitatis millesimo trecentesimo nono, Indictione septima, die secundo Mensis Septembris in præsentia mei Notarii & Testium infra scriptorum, ad hæc specialiter vocatorum & rogatorum, in majori & generali Consilio quingentorum Populi & Communis Civitatis Ferrariæ super Palatio ipsius Communis per Campanam & vocem præconiam, more solito, congregato, ad honorem & reverentiam Sanctissimi Patris & Domini nostri Domini Clementis Papæ Quinti, & Sanctæ Romanæ Ecclesiæ & Sacri Cetus Reverendissimorum Patrum, Dominorum Cardinalium, & Reverendi Patris Domini Arnaldi Sanctæ Mariæ in Porticu Diaconi Cardinalis, Apostolicæ Sedis Legati: in quo quidem Consilio aderant magnificus Vir Dominus Geraldus de Tartis Potestas, Vexillifer, Præconsul Notariorum, Antiani, Capita Societatum, & plusquam trecenti octuaginta ex Consiliariis prædictis, qui fecerunt & faciunt longe plus quam duas partes Consiliariorum dicti Populi & Communis; præfatus Dominus Potestas in dicto majori & generali Consilio, convocato & congregato super dicto Palatio, more solito, ut supra, cum voluntate, consilio, & assensu dictorum Vexilliferi, Præconsulis Notariorum, Antianorum, Capitulum Societatum, & Consiliariorum, & hominum & dictorum Populi Communis & Universitatis Ferrariæ in præsentia cum auctoritate & decreto dicti Domini Potestatis, ibidem præcedente & prius interposito, reputantes ex nunc illum & illos, suum & suos, & dictorum Populi Communis, & Universitatis Syndicum & Sindicos; quem & quos dictus Reverendus Pater Dominus Legatus duxerit eligendum, seu nominandum, eligendos seu nominandos; eumque & eos ex nunc eligentes & approbantes, perinde ac si per ipsos eosdem Potestatem, Vexilliferum, Præconsulem Notariorum, Antianos, Capita Societatum, Consilium, Populum, & Commune Ferrariæ fuissent vel forent specialiter electi, dederunt & concesserunt, & dant & concedunt omni modo & jure, quo melius possunt eisdem sic eligendo & nominandis, plenam generalem & liberam potestatem, & administrationem, & mandatum speciale & generale; & ipsum & ipsos cum hujusmodi potestate & mandato fecerunt & faciunt suum & suos, & dictorum Populi, & communis ac Universitatis Syndicum & Sindicos, Procuratorem & Procuratores, ad præsentandum se dicto modo & nomine & pro eis coram præsentia Sanctissimi Patris & Domini nostri Clementis Summi Pontificis, & Cetus Reverendissimorum Patrum Dominorum, Cardinalium, ad recognoscendum, quod dicta Civitas ab antiquo & antiquissimo tempore Romanæ Ecclesiæ semper subfuit & adhuc subest pleno jure, etiam quoad temporale, jurisdictionem, merum imperium atque mixtum; & ab ea recepit primarium fundamen-

Ipsi Ferrarienses Rom. Ecclesiæ subditos se ab immemorabili factentur.



mentum; & ad libere & absolute offerendum & resignandum, concedendum, subiciendum, transferendum, dandum & submittendum eidem Summo Pontifici, & Ecclesiæ Romanæ Civitatem prædictam, & Comitatum, & districtum ipsius, omnia pedagia, datia, Telonea & Ripatica, aquas, aquarum decursus, omnes redditus & proventus eorumdem Civitatis, & Districtus, & Comitatus, & obventiones quascumque eorumdem, jurisdictiones altas & bassas, merum, mixtum imperium, gladii potestatem & bona & jura omnia, quocumque nomine nominentur, quæ ipsa Civitas, Districtus, & Comitatus, & Populus Ferrariæ, seu quivis ibidem Præsidens soliti sunt tenere, possidere, vel quasi seu exercere per se vel per alium quocumque modo vel nomine; ac etiam ad obligandum dictum Commune, homines, personas, & bona ipsius, & permittendum, quod perpetuo & omni tempore habebunt & tenebunt rata & firma omnia & singula, quæ dicti Syndicus vel Sindici permittent, vel facient; ac etiam omnia, quæ Summus Pontifex & Sedes Apostolica dixerit, fecerit, vel explicaverit in prædictis & circa prædicta, & eorum & cujuscumque eorum occasione: ita quod intellectus prædictorum, & eorum, quæ dicti Sindici permittent vel facient, quel quæ aliquàlter per Dominum Papam & Sedem Apostolicam dicta & ordinata fuerint in prædictis & eorum occasione, semper & omni tempore intelligi debeant ad voluntatem, interpretationem, dispositionem plenam & liberam Domini Papæ & Sedis Apostolicæ; & quod contra ea nullo tempore venient de jure nec de facto per se nec per summam personam aliquo modo vel causa: & ad faciendum & præstandum dicto Domino Papæ & Sedi Apostolicæ fidelitatis homagium, & juramentum, & quascumque alias conventiones, promissiones, transactiones, renunciationes generales & speciales, & pacta, & juramenta cujuscumque generis in dictorum Constituentium animas, obligationes, & submissiones, cum adjectione penarum temporalium & spiritualium, & sive quæ præfatus Summus Pontifex per se & Ecclesia Romana, vel aliis recipere voluerit in prædictis & super prædictis, vel aliis quibuscumque; & quæ dicti Potestas, Vexillifer, Præconsul Notariorum, Antiani, Populus, Consiliarii, & Commune promittere, obligare, facere, & explicare possent, si præsentesset, etiam si talia sint vel fuerint, quæ mandatum exigent vel exigant speciale; & etiam si majora sint vel fuerint, quam ea, quæ expressa sunt in prædicto Instrumento: promittentes habere & tenere perpetuo rata & firma omnia & singula, quæ dicti Syndicus & Sindici in prædictis & circa prædicta, & ea tangentibus, & eorum & cujuscumque eorum occasione, vel aliis quibuscumque dixerint, permiserint, fecerint, vel gesserint, seu procuraverint quocumque modo: dicentes insuper & protestantes, multas alias justas, veras, & rationabiles causas præcessisse, fuisse & inesse, propter quas dicti Potestas, Vexillifer, Præconsul Notariorum, Antiani, Capita Societatum, & Consilium prædicta fecerunt & faciunt; & renuntiaverunt exceptio-

ni & conditioni sine causa, & ex injusta causa doli, & in factum, & omni alii juri, legi, rationi, & defensionem, quibus se contra prædicta & eorum aliquid tueri vel adjuvare possent. Actum Ferrariæ in superscripto Palatio Communis Civitatis Ferrariæ, præsentibus Venerabilibus Patribus, Domino Arnaldo Abbate Tuellen. Lemovicen Diocesis, Domino Guilhelmo Abbate Sancti Fremerii Vasaten. Diocesis, Domino Gerardo de Ginnamis de Parma, Judice & Assessore Dicti Domini Potestatis; & Sapientibus Viris Dominis Petro de Sifante, & Aimerico Sbuga Judicibus; Magistro Gratiadeo Phisicæ Artis Professore, Dominis Octobono Bracharino, Gilio de Compendello, & Jacobo de Oifante Notariis Civibus Ferrarien., Petro & Antonio Præconibus & Bannitoribus Communis Ferrariæ, & multis aliis ad hæc vocatis Testibus, & rogatis. Et licet in majori & generali Consilio Quingentorum Populi Civitatis Ferrariæ in Palatio Communis, more solito congregato, nemine discrepante, excepto uno, obtentum fuerit, & firmatum, secundum quod superius continetur; demum tamen adveniente die quarta superscripti Mensis Septembris Anno Domini, & Indictione prædictis, post prædicta omnia & singula sic peracta in publico parlamento sive arengo, in majori Ecclesia Ferrarien. congregato, in quo erant & fuerant dicti Domini Potestas, Vexillifer, Præconsul Notariorum, Antiani, Populus, & longe major pars hominum dicti Communis Populi dictæ Terræ, in præsentia Venerabilis Patris Domini Arnaldi divina providentia Sanctæ Mariæ in Porticu Diaconi Cardinalis, Apostolicæ Sedis Legati, prædicta omnia & singula superius adnotata, confirmata, approbata, corroborata, & de novo facta fuerunt per prædictos Potestatem, Præconsulem, Vexilliferum, Antianos, & universum Populum, existentes ibidem ad majorem prædictorum omnium perpetuam firmitatem, præsentibus Reverendis Viris Dominis, Florentin., Ferrarien., Bononien., & Perusin., Episcopis; & Domino Guidone de Troctis Milite, Aldigerio de Fontana, & Domino Aimerico Sauga Judice, Domino Pignatono de Pignatonibus Judice, & Lanzaloto ejus Fratre, Domino Joanne de Rossetis, Francisco de Vicedominis, Domino Antonio Carpiava Notario, Domino Octobono Bracharino Notario, & Dominis Albertino de Barile, Nascinbene de Brinis, Andrea de Mancis, Jacobo de Bemammi, Bonmercato de Conte, Naximpace de Nigris, & Egidio de Campedello, Notariis Civibus Ferrarien., & multis aliis ad prædicta vocatis Testibus & rogatis. Qui omnes Norarii prædicti, & omnes alii Notarii, in dicto Arengo seu Consilio existentes, rogati fuerunt facere de præmissis omnibus ejusdem tenoris unum & plura publica Instrumenta. Ego Perinus filius Domini Octoboni Bracharini Notarii, Civis Ferrarien. publicus Imperiali auctoritate Notarius, celebrationi hujusmodi Sindicatus, & corroborationi ejusdem, necnon & omnibus & singulis superius annotatis, præsens fui, scripsi, & in publi-

Eadem confirmata a Populo.



Litteræ Cre-  
dentiales a  
Legato Ec-  
clesiæ ejusdem  
roboratæ.

cam formam redegei, meumque signum feci rogatus.

§. 4. Noverint universi, præsentis literas inspecturi, quod Nos Arnaldus Misericordie Divina Sanctæ Mariæ in Porticu Diaconus Cardinalis, Apostolicæ Sedis Legatus, de plenitudine potestatis, quam habet Ecclesia Romana in Civitate Ferrariensi. & in Districtu; & Nobis etiam per Consilium Quintigentorum Populi, & per universum Populum Civitatis ejusdem specialiter attributa, elegimus apud Civitatem ipsam, dum eramus ibi, & nunc de novo etiam eligimus in Civitate Bononiæ auctoritate potestatis predictæ Venerabilem Patrem Dominum Guidonem Episcopum Ferrariensem. & prudentes Viros atque discretos Pignatonum de Pignatonibus, Antonium de Alexio Judices, Vassallum Mercatorem Octobonum dictum, Bracharinum, & Nascimbene de Brinis, Notarios, Cives Ferrarienses, fideles & devotos Romanæ Ecclesiæ, iatores præsentium, Ambassiatores & Sindicos Populi & Communis Ferrariæ; nec non eligimus similiter pro Notario ipsorum, Ambassiatorum Perinum Filium dicti Octoboni; quibus auctoritate, qua fungimur, concedimus licentiam exponendi Ambassiata eis impositam per ipsum Populum & Commune, sigillatam sigillo Communis predicti, coram Sanctissimo Patre & Domino nostro Domino Clemente Summo Pontifice, & Sacro Cætu Dominorum Cardinalium, semel & pluries, prout ipsis Ambassiatoribus & Sindicis melius & convenientius videbitur, pro utilitate dicti Domini nostri & Sanctæ Romanæ Ecclesiæ, & predictorum Populi & Communis. In cujus rei testimonium præsentis literas scribi & publicari mandavimus per Leonem de Setia Notarium infrascriptum, & Sigilli nostri munimine roborari. Datum & actum Bononiæ in Camera nostra, præsentibus Venerabili & Religioso viro Domino Guillelmo Abbate Monasterii Sancti Fremeirii Vasaten. Diocesis, & Domino Fortonerio Cantore Ecclesiæ de Sancto Asterio, Testibus ad prædicta vocatis specialiter & rogatis. Sub anno Domini millesimo trecentesimo nono, Indictione septima, die vigesima Mensis Octobris, Pontificatus ejusdem Domini Clementis Papæ Quinti anno quarto. Et Ego Leo Joannis Nigri de Setia, publicus Apostolica & Imperiali auctoritate, & dicti Domini Cardinalis Notarius, prædictis omnibus præsens interfui, & ea fideliter de mandato præfati Domini scripsi, & publicavi, signoque meo consueto signavi rogatus.

§. 5. Hujusmodi autem per dictum Magistrum Joannem Instrumento & Literis seriose perlectis, præfati Ambassiatores & Sindici nomine Potestatis, vexilliferi, Præconfulis, Antianorum, Capitum Societatum, Consilii, Populi, & Communis Ferrariæ predictorum, & pro eis & ipsorum quolibet & singulis de dictis Populo, & Comuni, & etiam pro se ipsis recognoverunt, & etiam professi sunt, dictam Civitatem Ferrariæ cum omni suo Comitatu, Territorio, & Districtu, quoad temporalem etiam jurisdictionem, &

omnimodam, & merum imperium atque mixtum, ab antiquissimo tempore & a fundatione ipsius Civitatis eidem Ecclesiæ Romanæ subesse & subfuisse pleno jure; & quod ab eadem Ecclesia receperat primarium fundamentum: propter quod ipsi & eorum quilibet nomine prædictorum Potestatis, Vexilliferi, Præconfulis, Antianorum, Capitum Societatum, Consilii, Populi, & Communis, & cujuslibet eorum, & pro ipsis & eorum singulis, & etiam pro se ipsis, ipsam Civitatem, Comitatum, Territorium, & Districtum, cum Pedagiis, Datis, Theloneis, Ripaticis, Aquis, Aquarum decursibus, jurisdictionibus altis & bassis, mero & mixto imperio, gladii potestate, & omnibus jurisdictione, ac bonis & juribus omnibus, quocumque nomine censeantur, prædicto Domino Papæ præsentis & recipienti, ejusque Successoribus, & eidem Ecclesiæ Romanæ obtulerunt, resignaverunt, subjecerunt, transfulerunt, & submiserunt in hunc modum, Ne sub incerto sint dominio, & superioritatis jura profiteri tenentur, & agnoscere, quocumque sub aliorum dominio & superioritate sunt; & maxime ubi continetur veritatem veri domini Tyrannorum usurpatio se abjecit; quæ cessante, expedit, immo necesse est, quod vera professio declaret, quod per usurpationem tyrannidis aliquantisper fuerat obscuratum, propter quæ Nos Frater Guido Episcopus Ferrariensis, Pignatonus de Pignatonibus, Antonius de Alexio, Judices: Vassallus Mercator Octobonus dictus, Bracharinus, & Nascimbene de Brinis, Notarii, Ambassiatores, & Sindici Populi & Communis Ferrariæ, nostro nomine, & totius Communis & Populi Civitatis ejusdem, cujus Syndicatum cum plenissima potestate in præsentia Sanctitatis Vestræ & Sacri Collegii Dominorum Cardinalium exhibemus, profiteamur, & agnoscimus, Civitatem Ferrariæ ab initio fundatam fuisse per Summum Pontificem in solo Ecclesiæ Romanæ, ipsius sumptibus & expensis, & ab eadem dotatam, ordinatam, & Populorum multitudine decoratam fuisse. Cumque postmodum processu temporis per oppressionem Desiderii Regis Longobardorum servituti subiecta fuisset, per ministerium, Adriani felicitis recordationis summi Pontificis invocato ad hoc brachio invictæ memoriæ Caroli Regis Francorum, restituta extitit eadem Civitas pristina libertati, & diutius in debita libertate permansit. Tempore vero postmodum succedente, tyrannica pestis Salhenguerra Civitatem eandem servili conditioni supposit, & eam longis temporibus quasi servam supeditavit, tyranniceque tractavit. Quod Sancta Romana Ecclesia pia Mater diligenter attendens, & Filiorum suorum Civium Ferrariensium calamitati compatiens, ad partes illas destinavit Legatum, & contra ipsum tyrannum exercitum maximum congregavit; sicque dictam Civitatem, & ejus Comitatum, Districtum, atque Populum, a dicta servitute tyrannica liberavit, & sub Dominio Ecclesiæ redegit & reduxit. Quapropter recognoscimus & avocamus Civitatem Ferrariensem cum pertinen-

Ferrarienses Rom. Ecclesiæ se dede-  
runt, nonnullis additis  
declarationibus.

Salhinguerra  
Ferrariæ Ty-  
rannus.



Uffensum vis;

tinentiis suis & districtu, ac totum Comitatum Ferrarię fuisse ab antiquo & a fundatione ipsius Civitatis, & esse de Dominio temporali Romanorum Pontificum, & Sanctę Romanę Ecclesię; super quo recognoscimus privilegia, & regestra, & Librum Censualem ejusdem Romanę Ecclesię, & ea, quę continent, vera esse, & indubitata; & eis, quantum ad nos attinet, fidem nominę, quo supra, plenariam adhibemus. Item profiterar & agnoscimus, quod pro eo tempore, quo dicta Civitas, Comitatus, & Districtus ipsius, fuerunt sub manu quondam Marchionum Esten., non voluntarie subfuerunt, eisdem obederunt, aut eorum dominium de facto agnoverunt; sed per violentiam & metum mortis & cruciatus Corporum, quibus resistere non potuerunt propter nimiam sevitiā ipsorum & tyrannicam potestatem: sed suspirabant & gemebant sub indebita servitutis mole, aspirantes & desiderantes cum multis gemitibus videre tempora, quę nunc vident, videlicet quod ad naturale Dominium Sanctę Romanę Ecclesię redirent, sub vero dominio ipsius & regimine regerentur, & defenderentur, a tyrannorum impressiois, persecutionis, & usurpationis molestia liberati: qui Tyranni neque centenaria præscriptione quidquam de jure Sanctę Romanę Ecclesię diminuerē potuerunt, eo quod tyrannica & violenta possessio caret bono principio & medio, per quod concluditur quod & fine; licet nec tempus centum Annorum, immo etiam nec septuaginta defluerit, per quod jus & dominium Sanctę Romanę Ecclesię intactum est & extitit, ac illesum ut tunc & nunc, & medio tempore dominium illibatum ipsius Ecclesię est & fuit.

Venetorum  
violentia.

§. 6. Verum Omnipotens Deus, qui suo alto consilio de malo bonum elicit, pro sua Sancta Romana Ecclesia, & pro Nobis, Communi, & Populo Ferrarien., iis diebus operatus est magnalia. Benedictus ipse; Nam Venetorum Populus quærentes, quę suā non sunt nec fuerunt nec erunt, moliti sunt iis diebus Populum Ferrariensem, Civitatem, & Districtum, ut ipsum vel ipsā Sanctę Romanę Ecclesię subtraherent dominio, cujus sunt & fuerunt & semper erunt, Domino concedente; ac ea per turbulentam rabiem, & hostilem incursum suo jugo, igne, gladio, cæde, ac incendio inferentes Nobis, & eidem Populo per terram & aquam vim, vivæque guerrę molestiam, manciparent; sed conatum ipsorum execrabilem pius & misericors Deus ad honorem vestrum, Sanctissime Pater, & Sanctę Romanę Ecclesię, ac tranquillitatem, & pacem nostri Populi Ferrarien., modis & viis divinitus inspiratis convertit. Nam idem Populus Ferrarien., qui multo tempore sub tyrannis ipsum tondentibus obmutuerat, quia os aperire non poterat, nec audebat; Tyrannis ipsis subductis de medio, statim supervenit Venetorum superbia cum furore, adducere moliens calamitatem super capita Populi Ferrarien., & tam vehementis servitutis molem, quod Populus Ferrariensis, ut hujusmodi conatui ob-

sisteret, & ipsius obviaret principiis, os ipsum oportuit aperire, & ad vos Sanctissimum Patrem, verum Dominum suum, recurrere ac clamere, Abba Pater, ut de tantis necessitatibus & tribulationibus liberaret eosdem, & ab eo postulare contra sevientem rabiem, Venetorum defensionis clypeum, ut exurgeret in adjutorium contra Guerram Venetorum illatam; quia Populus Ferrariensis per se etiam ad modicum tempus sufficere non valebat. Vos autem, Pater Sanctissime, Populi vestri Ferrarien. super exhibitione præsidii ac succursus contra Venetos, statim, misso Legato de Latere, & non quocumque, sed de Latere ac vestro Sanguine benedicto, Reverendo scilicet Patre Domino Arnaldo Dei providentia Sanctę Marię in Porticu Diacono Cardinali, Patre videlicet magnę scientiæ ac sapientiæ, magnę discretionis & experiencię, magnę honestatis & munditię, cujus virtuosa opera & fama præclara jam per omnes fines Italię dilatantur, extento brachio virtutis & fortitudinis Sanctę Romanę Ecclesię spiritali & temporali, ex surrexistis nedum in adiutorium ipsius vestri Ferrariensis Populi, immo quasi totum ut Minister & Vicarius Jesu Christi peregistis, quoad obtondendam Venetorum superbiam, & ad nostram est liberationem peractum; vester autem Populus Ferrarien., de faucibus Venetorum, in quas pene lapsi fuerant, erepti, nunc per manum vestram validam, Sanctissime Pater, liberati & in tuto positi, & plena libertate fruētes, ad gratiarum actiones assurgunt, ut Vassalli Domino suo servire parati; certe profiteamur, quod si super dominio Ferrarien. Civitatis & districtus vos, Sanctissime Pater, & sancta Romana Ecclesia illum ab antiquo non haberetis titulum, quem vos habere recognoscimus, pro hac defensione, tuitione, & liberatione Populi Ferrariensis a Tyrannide Venetorum, quos in præsentī manus gloriosa vestra operata est, iustum esset Civitatem & districtum Ferrarię vestro subdi dominio temporali. Cum enim Civitas Ferrarien. & Comitatus a cujuscunque dominio & potestate, præterquam Romanę Ecclesię sint liberi & immunes, nulli facerent injuriam, si invicem tanti beneficii suscepti se & Civitatem Comitatum & districtum & omnia bona sua mobilia & immobilia subicerent vestro, & sanctę Romanę Ecclesię dominio temporali. Quapropter, quia vestra fuit Civitas, & totus Comitatus, & districtus Ferrarien. ab antiquo & a fundatione ipsius Civitatis ex causis & privilegiis contentis in Regestris Sanctę Romanę Ecclesię; & continue vestra permanfit, ut & nunc de vestro dominio sit, ut supra professio a nobis emissa declarat. Ideo dominium ipsius, quod, etsi vestrum non esset, ut est & fuit, & hoc quod a vobis suscepimus in hac necessitate beneficium, ut præmissum est, vobis & Ecclesię Romanę subdi & concedi deberet; scimus, profiteamur, & recognoscimus nomine, quo supra, vobis Domino nostro Clementi Quinto Summo Pontifici, & vestris Successoribus, & Ecclesię Romanę, quod dicta Civitas Ferrarię ab antiquissimo tempore & a fun-



Ferrariensis  
se, suaque  
Rom. Eccle-  
siae offerunt.

fundatione ipsius Civitatis Ecclesiae Romanae subest, & subfuit pleno jure, quod temporalem etiam iurisdictionem, merum scilicet imperium atque mixtum, & omnimodam iurisdictionem, & quod ab ea recepit primarium fundamentum, & liberationes postmodum multas & magnas, ut superius est expressum: quapropter nomine, quo supra, vobis dicto Domino nostro Clementi Quinto, & vestris Successoribus, & Ecclesiae Romanae recognoscimus, & profiteamur, offerimus, & resignamus, concedimus, subiicimus, transferimus, & submittimus, quantum possumus, & ad nos pertinet, licet omnia praedicta, & infra-scripta sint vestra, & Ecclesiae Romanae, ac fuerint ab antiquo & a fundatione ipsius Civitatis omnia pedagia, datia, thelonea, ripatica, aquas, aquarum decursus, iurisdictiones altas & bassas, merum imperium atque mixtum, gladii potestatem, & omnimodam iurisdictionem, & bona, & jura omnia, quocumque nomine censeantur, quae ipsa Civitas & Populus Ferrariensis, seu quivis ibidem praesidens, soliti sunt tenere, possidere, vel quasi seu exercere per se, vel per alium quocumque nomine sive modo in dicta Civitate, Comitatu, & districtu Ferrariæ: & nomine, quo supra obligamus dictum Commune, homines, personas, & bona ipsius, & promittimus, quod omni tempore praefati Populus, & Commune, & singuli de ipso Communi habebunt, & tenebunt rata & firma omnia & singula supra dicta; hoc adiecto, quod si circa praemissa vel aliquod praedictorum dubietas aliqua insurgeret, interpretatio, & declaratio fiat ad voluntatem & dispositionem plenam & liberam Domini Papae Clementis, & Successorum suorum, & Apostolicae Sedis; Promittentes Nos Sindici supradicti nomine, quo supra, sub poena amissionis omnium bonorum, si quae sibi remanserint, & singularium personarum ejusdem, quam ipso facto incurrant, si contra praemissa fecerint, vel aliquod praemissorum, quod Nos, vel Populus, & Commune praedicti contra praemissa vel aliquod praemissorum nullo unquam tempore veniemus de jure vel de facto, per nos vel per alios, aliquo modo vel causa & nomine dicti Communis, nos Sindici praebati, & singularium personarum ejusdem, & in ipsorum animas, de omnibus praedictis adimplendis, Vobis dicto Domino nostro Clementi Papae Quinto, & Successoribus vestris, & Romanae Ecclesiae, ligium, homagium, nec non & fidelitatis iuramentum praestamus.

§. 7. Demum vero dicti Sindici, & quilibet eorum in Animas Potestatis, ac Vexillifer & aliorum omnium praedictorum, quorum sunt Ambassiatores & Nuntii, & cujuscumque eorum, & pro ipsis & eorum singulis, Sacrosanctis Evangeliiis tactis corporaliter ab eisdem, eidem Domino Papae praesenti, ut praedicatur, & recipienti, & Successoribus ejus, & eidem Ecclesiae Romanae, hujusmodi iuramentum fidelitatis; & singulariter singuli eorumdem, junctis eorum manibus inter manus ipsius Domini Papae positis, dictum ligium, homagium fecerunt, & etiam praestiterunt: Quibus sic peractis, idem Dominus Papa publice mandavit

michi Notario infra-scripto; dictique Ambassiatores, & Sindici me rogaverunt instanter, quod de praemissis omnibus conficerem publicum Instrumentum. Acta fuerunt praemissa omnia Anno, Mense, Die, Indictione, Pontificatu, & loco praedictis, praesentibus Venerabilibus Patribus & Dominis, Bertrando Episcopo Albien., praedicti Domini Papae Camerario, Arnaldo Abbate Monasterii Fontis frigidus Ordinis Cisterciensis Narbonensis Diocesis, Sanctae Romanae Ecclesiae Vicecancellario, Guidone de Bayssio Archidiacono Bononiensis, Auditore Contradictarum, Magistro Nicolao de Fractis Correctore Literarum, & Dominis Bernardo Bojardi Archidiacono Xanctonen., Guillelmo Accursi Sacrista Caturcensis, Guillelmo Helye Canonico ejusdem Xanctonen., Gregorio Biffa de Placentia Archipresbytero de Montefilice Paduan. Diocesis, Castellano de Tervisio Canonico Tervisin Ecclesiarum Capellanis; ac Magistris, Oddone de Sermineto, & Joanne de Verulis Clericis Camerae; ac Fratribus Godefredo & Bernardo Bullatoribus Literarum ipsarum, ac Magistris Joanne de Fumone, Andrea de Setia, Manule de Parma, & Nicolao de Ferentino Scriptoribus; ac Nicolao de Vico, & Odetto de Castillione Magistris Hostiariis; Joanne de Mutina, & Henrico de Yporeya fervientibus ipsius Domini Papae; necnon & Magistris Bandino de Aretio, Simone de Podiobonici, & Petro de Sancto Laurentio Abbreviatoribus; ac Dominis Grimerio de Pergamo, Thadeo de Eugubio, & Andrea de Mediolano, in Romana Curia Advocatis; & particularibus aliis ad praedicta vocatis Testibus & rogatis. Et Ego Joannes de Regio Clericus & Notarius Camerae praefati Domini Papae Clementis Quinti, publicus Apostolica & Imperiali auctoritate Notarius praedictus, Sindicatus & Literarum, exhibitioni, recognitioni, professioni, oblationi, resignationi, concessioni, subjectioni translationi, submissioni, obligationi, promissioni, ac juramenti fidelitatis & homagii praestationi, & receptioni; ac omnibus aliis unicuique suprascriptis Testibus interfui, & de mandato supradicti Domini Papae, rogatusque per Ambassiatores & Sindicos supradictos, praedicta omnia & singula scripsi fideliter, & in publicam formam redegei, meoque Signo & nomine roboravi.

§. 8. Nos igitur, vota vestra benigno prosequi cupientes affectu, & volentes vos sicut peculiares, speciales, devotos, ac dilectos Filios in nostro & ipsius Ecclesiae benigno sinu favorabiliter conservare; & considerantes attentius, quod vos, spiritu ferventes, & fide pollentes, posuistis in petra fidei virtutis vestrae constantiam, in devotione ipsius Ecclesiae indefessa, nec flantibus seu furentibus ventorum turbinibus fundamenta vestra super bases solidas stabilita, nec irruentibus hostilis potentiae fulminibus subruui potuerunt; sed contra inimicas acies impugnantium Venetorum, nostrorum & Ecclesiae Hostium, sicut invicti pugiles promptis ac pronis animis, & robustis viribus sic fideliter & valide ipsius Ecclesiae potentiae assististis, quod per Dei gratiam, qui superbis resistit, subsecuta est ex eis gloriose victoria & triumphus; Acceden-

Legalizatio  
supradicti In-  
strumenti.

Homagium  
praestant.

Juramentum  
fidelitatis ab  
eorum Nun-  
ciis praestitum.



Clemens PP.  
Ferrariæ do-  
minium reci-  
pit adjecta  
lege ut nun-  
quam a Rom.  
Ecclesiæ jure  
alienetur.

cedentes etiam angustiosos labores & laborio-  
sas angustias, quas olim sub servitute tyran-  
nica subistis, & desiderantes, ut post labores &  
languores hujusmodi quies vobis, & tranquillitas  
desiderata proveniat, quæ tanto erit, divina  
gratia præeunte, gravior, quanto avidius & diu-  
tius a vobis extitit affectata: vestris supplicatio-  
nibus inclinati, de Fratrum nostrorum con-  
silio & assensu statuimus, ordinamus, volu-  
mus, præcipimus, & mandamus, & nihilomi-  
nus gratiose concedimus, & auctoritate Apo-  
stolica inviolabiliter stabilimus, ut semper sub  
immediato dominio & protectione ipsius Ro-  
manæ Ecclesiæ Civitas ipsa cum ejus bonis,  
Comitatu, Territorio, & districtu permaneat:  
nec ab ejus dominio & jurisdictione subtrahi  
nec alienari perpetuo valeat quoquomodo;  
nec ad alterius personæ, vel Civitatis, aut  
Communitatis dominium pervenire: quod-  
que in Civitate ipsa semper sit unus Vica-  
rius ponendus per Nos, Successores nostros,  
& eandem Romanam Ecclesiam, Clericus  
vel Laicus juxta nostræ, & ipsius Ecclesiæ  
beneplacitum voluntatis; non tamen de Do-  
mo, aut Parentela seu Consanguinitate vel af-  
finitate aliquorum Nobilium, qui habuerint  
dominium in Civitate prædicta, vel aliorum  
quorumvis nobilium de eadem.

Vicarii ad  
eamdem gu-  
bernandam  
Civitatem de-  
legandi mu-  
nus.

§. 9. Qui quidem Vicarius Cives Ferra-  
rienses, ac ejusdem Civitatis Incolas, ejusque  
Comitatus, Territorii, & Districtus, manu-  
teneat ut speciales Filios & fideles ipsius Ec-  
clesiæ prædilectos, & eorum libertates, im-  
munitates, & jura, confinia Districtus, & Bo-  
na conservet; atque custodiat ipsos a quibus-  
cumque potentibus, molestatoribus, vel Ty-  
ramnis, Communitatibus, ac Civitatibus, &  
aliis quibuscumque, eos offendere seu mole-  
stare vel perturbare volentibus, defendendo;  
ut possint sub manu Sanctæ Matris Ecclesiæ  
Matris suæ cum pace, & tranquillitate, ac li-  
bertate plenissima perpetuo remanere: Alia-  
que Vicarius prædictus exerceat, quæ ibidem  
fuerint oportuna; custodiamque totius Civi-  
tatis, Comitatus, & Districtus, Fortalitio-  
rum, & Castrorum gerat; &, prout tempo-  
ris qualitas exiget ac requiret, equestrem se-  
cum & pedestrem habeat comitivam.

De Potesta-  
tis electione:

§. 10. In electione vero seu creatione  
Potestatis Civitatis ipsius hoc volumus ob-  
servari, quod tres personæ per ipsum Vica-  
rium Antianis, Consilio, & Communi no-  
minentur, qui Antiani, Consilium, & Com-  
mune, vel major pars eorum, unam ex eis-  
dem personis, ut prædicitur, nominatis, in-  
fra sex dies in eorum, & dictæ Civitatis Po-  
testatem eligendi habeant facultatem. Quod  
si Antiani, Consilium, & Commune prædi-  
cti, vel major pars eorum, infra prædictos  
sex dies aliquam ipsarum trium personarum  
nominatarum eligere non curarent; prædi-  
ctus Vicarius unum de nominatis a se in Po-  
testatem præficiat, & ille pro Potestate ab  
omnibus habeatur.

Et officii tem-  
pore.

§. 11. Potestatis vero hujusmodi regimen  
per sex Mensium spatium dumtaxat perduret;  
& quod per tres Menses ante finem regimi-  
nis Potestatis ejusdem nominationem præscri-

ptam faciat Vicarius prælibatus. Hic autem  
modus, quo supra circa eligendum seu crean-  
dum Potestatem exprimitur, post biennium,  
vel illa, quæ nunc imminet, guerra finita,  
vendicet sibi locum; & interim solus ipse  
Vicarius ponat & constituat inibi Potestatem;  
vel, si magis vobis videbitur expediens, ex  
nunc idem eligendi modus obtineat & for-  
tatur effectum.

§. 12. Qui Potestas tam in primo quam  
in secundo casu jurabit publice dicto Vicario  
in præsentia Antianorum & Consilii prædi-  
ctorum, quod officium suum bene & fide-  
liter exercebit, & faciet omnibus justitiæ com-  
plementum, & quod servabit statuta facta &  
facienda, & procurabit ea, quæ spectant ad  
honorem Sanctæ Romanæ Ecclesiæ, & bonum  
statum & pacificum Civitatis. Volumus etiam,  
quod idem Potestas, completo officio sui re-  
giminis, sindicetur pro se & sua Familia,  
& alia faciat, prout extitit hætenus consue-  
tum. Habeat etiam Judices, Berruarios &  
personas alias, equitaturas etiam, & stipen-  
dia, & alia omnia juxta consuetudinem hæ-  
tenus observatam; ac etiam in Palatio, ubi  
nunc morantur Antiani, debeat immorari.  
Super interponendis autem seu emittendis,  
& prosequendis appellationibus, ut quorum-  
libet appellantium parcatur expensis & labo-  
ribus, hoc servetur, videlicet quod tam in  
civilibus quam in criminalibus in casibus, in  
quibus appellationes præmissæ fuerint a sen-  
tentiis & Processibus Potestatis, Judicum, &  
Officialium suorum, & Communis Ferrarien-  
sium, ad Sedem Apostolicam appelletur; quodque  
primarum appellationum prosecutio fiat co-  
ram Judice; & per dictum Vicarium & Con-  
siliium de Collegio Judicum eligetur, quem &  
ipsi eligendi habeant potestatem: secundarum  
vero apud Sedem Apostolicam fiat, vel in  
Curia dicti Vicarii, prout elegerint appellan-  
tes.

§. 13. Ubi vero ad ipsum Vicarium, sive  
inter stipendiarios & Familiares suos, in quos  
eum solum, & non alium, jurisdictionem in  
civilibus & criminalibus quibuscumque habe-  
re censemus, sive adversus eos, sive in pla-  
citis, de quibus infra dicitur, per querelam  
haberetur recursus appellationum, quæ inter-  
ponerentur ab eo, quas ad Sedem Apostolicam  
in casibus, in quibus appellari licet, inter-  
poni jubemus, apud Sedem eandem prosecu-  
tio fiat.

§. 14. Verum, cum officium Confalonerii  
a modico tempore citra in Civitate ipsa  
incepisse dicatur, nulla ex eo posse vi-  
deatur ipsi Civitati utilitas, sed potius peri-  
culum provenire; volumus, quod officium  
ipsum cesset omnino, duodecim quoque An-  
tiani de fidelioribus, melioribus, & devotiori-  
bus Civitatis ipsius eligantur per Potestatem,  
& Consilium cum consensu Vicarii memora-  
ti, quorum unus literatus sit Proconsul, eo-  
rumque officium duret per duos Menses, &  
ipsorum singuli duos Bononien. grossos per  
singulos dies percipiant, in Domibus suis dor-  
miant, nec in aliquo casu aliquam jurisdic-  
tionem exerceant; sed cum per Potestatem  
ac

De Judiciis, &  
appellationi-  
bus.

In causis Vi-  
carium, aut  
ejus familia-  
res tangen-  
tibus Sedis  
Apost. peren-  
dum judi-  
cium.

Confalonerii  
officium cas-  
satum.

Duodecim  
Antiani eli-  
gendi.



ac Consilium , de voluntate ac consilio ipsius Vicarii , vel ejus Locumtenentis , vocati fuerint , consulent fideliter super iis , de quibus requirentur , & quæ injungentur eisdem : Qui etiam jurent in manibus dicti Vicarii , quod bene & legaliter in eorum officio se habebunt ; honorem Sanctæ Romanæ Ecclesiæ vestræ Matris & Domine in omnibus fideliter conservabunt : quos , si minus sufficientes reperti fuerint , idem Vicarius amovere , & alios sufficientes & idoneos substituere valeat , cum consilio Potestatis & Consilii prædictorum .

De Consiliariis.

§. 15. Cæterum Potestas , Antiani , & Commune præfati eligant sibi consilium ducentorum ; sed , si majorem numerum velint , possint libere eos eligere cum Vicarii prædicti consensu , prout melius videbitur expedire , dum tamen quadringentorum numerum non excedant ; quorum ducentorum officium ultra sex Mensium spatium non durabit . De juramento namque præstando per ipsos dicto Vicario , & de ipsorum seu cujuslibet eorum insufficientia , remotione , & substitutione fiat , prout de Antianis supra proxime est expressum .

De Statutorum Civitatis examine confirmatione &amp;c.

§. 16. Volumus insuper , quod dilectus Filius noster Arnaldus Sanctæ Mariæ in Porticu Diaconus Cardinalis , Apostolicæ Sedis Legatus , moram trahens in partibus ipsis , per se vel per alium , seu alios , videat , & inspiciat Statuta Civitatis ipsius jam facta , & diligenter examinet ; & utilia ac necessaria approbet & confirmet , superflua vero & inutilia damnosa & periculosa reprobet , refecet , & infirmet . Et deinde , quotiens necessarium vel utile fuerit , prædictus Vicarius a Ferrarien. Consilio requisitus , diligenti examinatione præmissa , Statuta necessaria & utilia , sibi expressa primitus , fieri consentiat ullo modo & aliter facta eo ipso sint nulla ; Et in principio & in fine addatur , quod Statuta sint talia , quæ honori , juribus & jurisdictioni Ecclesiæ Romanæ non derogent , & quod durent ad beneplacitum Ecclesiæ antedictæ .

Militie equestris &amp; pedestris numerus, stipendium &amp;c.

§. 17. Præterea omnes redditus & proventus Civitatis ejusdem Nos & Successores nostri in Ecclesia Romana usque ad triennium percipiemus , qui ejusdem Ecclesiæ nomine leventur & percipiantur per quatuor Viros ad id idoneos , a prædicto Vicario deputandos ; quorum duo saltem sint de Civitate prædicta ; quo casu omnes expensas pro defensione & tuitione Civitatis , Territorii , & Districtus prædictorum , nec non Salariorum Vicarii , Potestatis , & omnium aliorum officialium , & alias expensas fieri faciamus ; vel quod percipiamus in perpetuum medietatem liberam dictorum reddituum & proventuum , & Commune Ferrariæ aliam medietatem percipiat , & de illa omnes expensas faciat supradictas , scilicet stipendia centum Equitibus , & sexcentis Peditibus , eorumque Capitaneis , qui continue sint ibidem , videlicet singulis stipendiariis Equitibus duos Equos habentibus duodecim , eisdem vero singulis stipendiariis peditibus pro eorum stipendiis duos

cum dimidio Auri Florenos pro Mense quolibet persolvendo ; & nihilominus Equorum , & aliorum , quæ consueverunt , restitutio fiat ad arbitrium Vicarii antedicti ; quorum saltem stipendiatorum numerus etiam pacis tempore necessarius & expediens reputatur . Si vero processu temporis Nobis aut Successoribus nostris , vel Sedi Apostolicæ videretur , quod plures stipendiarii necessarii forent , dictum Commune teneatur illis , quotquot fuerint , de stipendiis juxta taxationem præhabitam providere , qui omnes ponantur semper per ipsum Vicarium , quem pro tempore nomine ipsius Ecclesiæ ibi esse contigerit . Quod si etiam Nobis , aut Successoribus , vel Sedi prædictis videretur , non fore necessariam hujusmodi Equitum , & Peditum quantitatem , volumus , ut juxta nostræ , & Successorum ipsorum vel Sedis prædictæ voluntatis beneplacitum ipsorum numerus minuatur & si forte Nobis vel Successoribus aut Sedi præfatis videretur expediens , quod prædictorum stipendiorum quantitas esset minuenda , vel etiam augmentanda , hujusmodi diminutio vel augmentum fiat juxta nostræ , vel Successorum , aut Sedis ipsorum beneplacitum voluntatis , sicut de Stipendiariorum numero augendo vel minuendo superius est expressum .

§. 18. Per dictum quoque Vicarium stipendia de pecunia recipienda ab illis , qui deputati fuerint ad levandum medietatem prædictam dicti Communis nomine , vel etiam aliunde , unde dictum Commune voluerit , dictis Stipendiariis persolvantur : quæ si forte tunc non sufficerent , per Potestatem , Antianos , atque Consilium de consensu , & voluntate Vicarii antedictis , vel quod etiam usque ad finem dicti Triennii hujusmodi facienda divisio fervetur , quia tunc constare plenius poterit , quem modum cum honore , & utilitate Ecclesiæ Communisque prædicti fieri valeat divisio seu distributio reddituum , & proventuum prædictorum ; vel etiam quod Ecclesia in perpetuum totum recipiat , & subeat sumptus hujusmodi , & expensas , nec in hoc ultimo casu aliqui de Civitate , Comitatu , vel Districtu Ferrariæ ad solvendum , aliquam Talliam compellantur ; sed Ecclesia ipsa semper habeat omnes expensas hujusmodi supportare . De præmissis autem quatuor viis vos eligere poteritis , quam magis duxeritis acceptandam .

De Redditibus, expensis, que ad eos exigendos.

§. 19. Cæterum Judex extimatorum & duo Judices instituantur ad breviter ponenda per Vicarium nostrum in Consilio Civitatis ejusdem . Potestates vero , & Judices in Comitatu Ferrariæ , & Districtu ponendi de fidelibus ejusdem Civitatis Civibus ; Custodes vero Fortalitiorum , & Castrorum , ac Capitanei undecumque ; & ponantur libere per solum Vicarium supradictum .

Officiales quales esse debeant.

§. 20. Placita vero tribus diebus singulis annis in Civitate ipsa per eundem Vicarium teneantur , ita tamen quod Potestatis , & aliorum Officialium jurisdictio interim cesset omnino ; reservato nihilominus , quod Nos vel Successores aut Sedes præfati possimus etiam alium quidem Vicarium ad tenendum dicta , si videbitur , deputare .

De Placitis.

§. 21. Po-



1310.  
Potestatis ju-  
risdictio qua-  
lis.

Emendatum  
peritia a qui-  
bus percipien-  
da?

Clausula.

Dat. die 11.  
Febr. 1310.  
Pont. An. V.

§. 21. Postremo declaramus, ut Potestas, qui in ipsa Civitate pro tempore fuerit, illam & eandem jurisdictionem habeat, quam ipsius Civitatis Potestas retroactis habere temporibus consuevit, salvis omnibus, quæ superius sunt expressa. Si vero per Consilium, & Commune præfata acceptari contigerit, quod Nos, & prædicta Ecclesia Romana omnes prædictos fructus, redditus, & proventus recipiamus in totum, medietatem condemnationum faciendarum per Potestatem, & Officiales Civitatis ejusdem in Mobilibus habeatis; de qua medietate Ambassiatarum, Legationumque vestrarum sumptus fieri valeant, & expensæ. Quod si eligeritis Nos medietatem ipsorum, & vos reliquam velle percipere, tunc medietatem omnium condemnationum ipsarum sicut & aliarum volumus, & decernimus Vos habere.

§. 22. Nulli ergo omnino hominum liceat hanc paginam nostrorum Statutorum, ordinationis, voluntatum, præcepti, mandati, concessionis, stabilitionis, iussionis, declarationis, & constitutionis, infringere &c.

Datum Avinioni Tertio Idus Februarii, Pontificatus Nostri Anno Quinto.

## X.

*Ex Regest. Vatic.* Monumentum præstiti ab Henrico VII. in Imperatorem electo Juramenti fidelitatis, & confirmarum Sedi Apostolicæ Imperialium Donationum.

Clemens Episcopus, Servus Servorum Dei, Charissimo in Christo Filio Henrico Regi Romanorum Illustri, salutem & Apostolicam benedictionem.

Proemium.

**I**N humilitatis spiritu, quæ virtutum comprobatur origo, sicut Matris Ecclesiæ filius, a Domino benedictus, tuæ devotionis, ac fidei zelum nobis, & ipsi Ecclesiæ dudum offerens, reverenter juramentum, quod tenor infrascriptarum literarum tuo pendenti munitarum sigillo continet, seriose olim in manibus dilecti filii Magistri Joannis de Mosans Scholastici Tullen, Cappellani nostri, de mandato per nos ei facto, nostro, Ecclesiæ prædictæ, & Apostolicæ Sedis nomine recipientis, per Te Sacrosanctis Euangelis, sicut per easdem literas plene constat, tactis corporaliter præstitisti; Promittens, teque fideliter obligans cum omni efficacia & effectu, quod post Imperialis Diadematis a Te coronationem susceptam, omnia, in juramento & literis contenta prædictis, ratificares, confirmares, recognosceres, faceres, servares atque jurares: & de iis omnibus infra octo dies post coronationem huiusmodi ad perpetuam rei memoriam, ac nostram, & Successorum nostrorum, & Ecclesiæ ac Sedis prædictorum securitatem, atque cautelam patentes quadruplicatas, Imperialis maiestatis Typario communitas, concederes litteras, huiusmodi literarum tuarum seriem continentes.

§. 1. Quare magnificentiam Regiam paterno rogamus & hortamur affectu; quatenus ut

devotionis & fidei ac reverentiæ fervorem huiusmodi cum tuæ promotionis & exaltationis augmento præclara tuæ Celsitudinis gesta erga nos, & præfata Ecclesiam crevisse demonstrares, in manibus Venerabilium Fratrum nostrorum, Arnaldi Sabinen. Legati, & Nicolai Ostien. Episcoporum, Nuntii Apostolicæ Sedis, vel alterius eorumdem, quos ad tui præsentiam duximus destinandos, quibusve, & cuiuslibet eorumdem in solidum iuramenti & aliorum prædictorum omnium, & singulorum receptione per nostras literas speciales commisimus, post susceptum per Te, ut præmittitur, ipsius Imperii Diadema, omnia in iuramento, & literis contenta prædictis ratifices, confirmes, recognoscas, facias, serves, ac præstes de novo simile iuramentum; Nobisque super iis omnibus, & singulis iuxta tuam promissionem & obligationem easdem prædictas literas quadruplicatas, ejusdem Imperialis Majestatis Typario communitas, in eis tenore prædictarum tuarum literarum inserto, concedas; illasque nobis per eisdem Episcopos vel alterum eorumdem transmittas. Tenorem autem prædictarum literarum tuarum, ut de ipsis plenam certitudinem habeas, de verbo ad verbum præsentibus inseri fecimus, qui talis est.

§. 2. Sanctissimo in Christo Patri, & Domino suo, Domino Clementi, Sacrosanctæ Romanæ, ac Universalis Ecclesiæ Summo Pontifici, Henricus Dei gratia Romanorum Rex semper Augustus, cum reverentia debita devota pedum oscula Beatorum.

§. 3. Ferventi desiderio cupientes, sanctitatis vestre pedibus, & Apostolicæ Sedi toto corde, & animo zelum nostræ reverentiæ, fidei, & devotionis offerre; vestris sanctis monitis, exortationibus, & mandatis nos pro viribus coaptando; & honorem vestrum, ac Sanctæ Romanæ Ecclesiæ, & aliarum Ecclesiarum jura diligere, & pro posse protegere ac servare; attendentes propensius, quod nihil est quod lumine clariore præfulgeat, quam recta fides in Principe, nihilque est quod ita nequeat occaecui subjacere quam vera Religio, & quod ad Dei timorem servandum, mandataque ejus custodienda factus est omnis homo, sed præcipue Imperialis, & Regalis potestas, quæ a Domino Deo est, & ad ejus ministerium exequendum, ad fidem & reverentiam sui nominis dilatandam in omnes Regionem, & Regna; promittimus, & obligamus Nos cum omni efficacia Deo omnipotenti, vobisque Domino nostro Clementi Summo Pontifici, vestrisque Successoribus, ac Sacrosanctæ Sedi Apostolicæ, & Romanæ Ecclesiæ, quæ Ecclesiarum omnium caput est, & magistra, quod Sacrosanctam Catholicam, & Apostolicam Ecclesiam, Fidemque Catholicam, fundatam super fundamentum Apostolorum, & Prophetarum, ipso scilicet angulari lapide Christo Jesu, in quo omnis edificatio constructa crescit in Templum sanctum in Domino, in cuius nomine omne genuflectitur caelestium, terrestrium, & infernorum, nec est nomen aliud sub Coelo, in quo salvari oporteat credentes, toto corde & animo, pura fide, & sancta intentione con-

Aliæ quæ factæ  
sponsones.

Henrici Literæ  
super iis.

Ab Henrico  
prestitam ju-  
ramentum  
Clementi PP.

Rom. Ecclesi-  
am, & fidem  
Catholicam  
servaturum  
se pollicetur.



Que promissio-  
rit Henricus  
Rom. Eccle-  
sia.Et antiquas  
Donationes.Eidem Privi-  
legia omnia  
Imperialia co-  
firmat.

servabimus, reverebimur, atque defendemus totis viribus & toto posse: ac omnem heresim & Schisma, extollentem se contra sanctam Catholicam & Apostolicam Ecclesiam, exterminabimus pro viribus: & omnes hæreticos, cuiuscumque secte, & conditionis existant, facies quidem habentes diversas, sed caudas ad invicem colligatas, quibus Vineam Domini Dei Sabaoth perdere, & vastare nituntur; omnesque fautores, adiutores, valitores, & receptatores ac defensores eorum; & quod nullo tempore coniungemur, confederabimur, parentela, vel federe, vel unione quacunque cum quocumque Saraceno, vel Pagano, vel Schismatico Rege, vel Principe, vel quocumque alio fidei Catholicæ unionem non habente; neque cum aliquo rebelle vel inimico ipsius Romanæ Ecclesiæ, vel de eisdem manifeste suspecto: Item, promittimus, & obligamus nos cum omni efficacia & effectu, quod personam vestram, statum, & honorem, & Successorum vestrorum, contra quemcumque seu quoscumque homines cuiuscumque status, præminentie, vel dignitatis existant, conservabimus, defendemus, & manutenebimus: nec non omnia privilegia Regum, & Principum, & Imperatorum Romanorum Prædecessorum nostrorum, cuiuscumque tenoris & continentie existant, quocumque tempore concessa Sanctæ Romanæ Ecclesiæ, ac Romanis Pontificibus, & Sedi Apostolicæ, & quibuscumque Ecclesiis, Prælatibus, & Ministris ipsarum, conservabimus, & manutenebimus; nec aliquo unquam tempore contraveniemus, vel aliquem, quantum in nobis erit, venire permittemus, quacumque occasione vel titulo allegato juris vel facti: imo ad perpetuam rei memoriam, & Sanctæ Ecclesiæ securitatem, atque cautelam ipsa privilegia omnia pro nobis, & successoribus nostris ratificamus, confirmamus, recognoscimus, innovamus, & de novo concedimus, prout melius & plenius possumus ex certa scientia cum omni efficacia & effectu: Volentes, ac etiam decernentes, quod ista generalis ratificatio, confirmatio, recognitio, innovatio, & de novo concessio perinde robur obtineant perpetuæ firmitatis, ac si omnia, & singula privilegiorum verba singulariter & expresse, ac de verbo ad verbum, presentibus inserta fuissent: specialiter autem & expresse cum omni efficacia & effectu supradictis ratificamus, confirmamus, recognoscimus, innovamus, & de novo concedimus omnia privilegia Constantini, Caroli, Henrici, Ottonis IV. Frederici II., atque Rodulphi, Regum & Principum, seu Imperatorum Romanorum, quocumque tempore concessa super quibuscumque, cuiuscumque continentie vel tenoris existant, Sanctæ Romanæ Ecclesiæ, Romanisque Pontificibus, & Apostolicæ Sedi. Promittimus etiam & obligamus Nos cum omni efficacia & effectu, omni jure & forma, quo melius & efficacius fieri potest, manutenebimus & conservare omnia privilegia, cuiuscumque tenoris vel conditionis existant, & nullo unquam tempore contravenire, vel aliquem, quantum in Nobis est, venire permittere, quacumque occasione vel causa vel titulo allegato juris vel facti, per quoscumque Reges vel Principes seu Imperato-

Bull. Rom. Tom III. Pars II.

res Romanos, & precipue per supradictos Constantinum, Carolum, Henricum, Ottonem Quartum, Fredericum Secundum, atque Rodulphum concessa Sanctæ Romanæ Ecclesiæ, ac Romanis Pontificibus, & Apostolicæ Sedi super recognitione, innovatione, advocacy, concessione, quietatione, renunciatione & libera dimissione Terrarum, & Provinciarum Sanctæ Romanæ Ecclesiæ ubicumque positarum; precipue Marchiæ Anconitanæ cum omnibus Civitatibus, Terris, limitibus, terminis, & confinibus suis, integraliter cum omnibus juribus & jurisdictionibus earumdem; Exarcatus Ravennæ, & Pentapolis, ac Romaniolæ, & Brettenorii; Comitatus cum Civitate Bononiæ, & cum omnibus Civitatibus, Terris, limitibus, Terminis, & confinibus, integraliter & cum omnibus juribus & jurisdictionibus earumdem; Massæ quoque, quæ Trabaria nuncupatur, cum omnibus Civitatibus, Terris, limitibus, terminis, & confinibus, integraliter & cum omnibus juribus & jurisdictionibus earumdem; Patrimonii etiam Beati Petri in Tuscia cum Civitatibus Tuderti, Narniæ, Urbis veteris, & Reatæ, & cum omnibus Civitatibus, Terris, Limitibus, terminis, ac confinibus, integraliter & cum omnibus juribus & jurisdictionibus earumdem; Comitatus quoque Sabinae cum Civitate Interamnen., & cum Archevesarum, & Tefra, quæ dicitur Arnulphorum, cum omnibus Civitatibus, Terris, Limitibus, terminis, & confinibus integraliter, & cum omnibus juribus & jurisdictionibus earumdem; Comitatus quoque Campaniæ, atque Maritimæ cum omnibus Civitatibus, Terris, limitibus, terminis, & confinibus suis integraliter, & cum omnibus jurisdictionibus & juribus earumdem: Et ex abundanti de novo, & ad maiorem cautelam supradictas omnes Terras, atque Provincias cum omnibus juribus & jurisdictionibus, terminis, limitibus, & confinibus earumdem, & jus & possessionem & proprietatem ipsorum cum omni plenitudine, recognoscimus jure plenissimo ad jus & proprietatem Sanctæ Romanæ Ecclesiæ spectare, ac omnimode pertinere: ac ipsas omnes Terras, atque Provincias de novo advocamus, innovamus, atque concedimus, quitamus libere, & dimittimus, restituimus, & renuntiamus, necnon ad omnem scrupulum removendum, & ut pax, quies, atque tranquillitas inter Ecclesiam & Imperium, jugiter vigeat, & futuris dante Domino temporibus augeatur, & omnis contentionis & dissensionis cujuslibet materia præcludatur, prout melius & efficacius fieri & intelligi potest, concedimus ipsas, conferimus, & donamus de novo. Promittentes & obligantes Nos, prout plenius & efficacius possumus, quod nullo unquam tempore occupabimus, vel occupari, quantum in Nobis est, permittemus, Civitates, Loca, Castra, Terras, & Provincias supradictas, vel aliquam ipsarum vel earum partem; nec in ipsis vel aliqua ipsarum vel earum parte jurisdictionem aliquam per Nos vel per alium geremus vel exercebimus; nec jura aliqua, possessiones, vel Tenutas habebimus vel possidebimus in eisdem Terris vel Provinciis vel aliqua ipsarum

R

rum



rum, seu parte earum; nec officium aliquod geremus per Nos vel per alium Potestariæ vel Capitaniæ, seu quocumque nomine censeatur, in ipsis, vel aliqua ipsarum, vel earum parte; & quod tanquam Princeps Catholicus, Advocatus & Defensor Sanctæ Romanæ Ecclesiæ iuvabimus ipsam, sibi que assistemus contra quoscumque occupantes, invadentes, vel turbantes Provincias ipsas, Civitates Loca Castra & Terras vel aliquam ipsarum seu earum partem; & quoscumque inobedientes seu rebelles Ecclesiæ, præcipue in Provinciis Civitatibus Locis Castris & Terris eisdem, in nullo fovebimus vel manutenebimus, seu per quoscumque foveri seu manuteneri, quantum in Nobis est, permittemus: sed contra ipsos assistemus consiliis auxiliis & favoribus oportunis Sanctæ Romanæ Ecclesiæ, ac Romanis Pontificibus, & Apostolicæ Sedi: quousque Rebelles & Subditi ad plenam reverentiam & obedientiam reducantur: Promittentes quoque Sanctam Romanam Ecclesiam, & Ecclesias alias, ac libertatem Ecclesiasticam, & bona, iura, Prælatos, & Ministros ipsarum manutene, conservare, & pro viribus defensare: Vassallos quoque Romanæ Ecclesiæ contra iustitiam non offendere, & quod devotos & fideles Ecclesiæ etiam in Imperio constitutos, benigne tractabimus, & contra iustitiam non opprimemus, neque per alium, quantum in nobis est, opprimi permittemus; sed conservabimus in iuribus & iustitiis eorundem. Prædicta autem omnia & singula inviolabiliter observare, & observari facere, & nullo unquam tempore contravenire iuravimus ad Sancta Dei Evangelia, tacto Libro, in manibus Discreti Viri Joannis de Mosans, Scholastici Ecclesiæ Tullen., vestri Capellani nomine Romanæ Ecclesiæ, & Sedis Apostolicæ, ac vestro & de vestro Mandato speciali recipientis; de qua etiam receptione tam per vestras præsentis, quam per ipsius Recipientis Literas seu Instrumentum publicum plene constat: Et ad prædictorum omnium perpetuam rei memoriam, & Sanctæ Romanæ Ecclesiæ, ac Sedis Apostolicæ, & Romanorum Pontificum securitatem atque cautelam præsentis Literas Regiæ Maiestatis Sigillo munitas fecimus communiri: Promittentes & obligantes Nos cum omni efficacia & effectu, quod post Imperialis Diadematis coronationem susceptam, prædicta omnia ratificabimus, confirmabimus, & recognoscemus, & faciemus, & servabimus, atque iurabimus; & de supradictis omnibus infra octo dies nostras patentes dabimus Literas quadruplicatas, harum seriem continentes, ad perpetuam rei memoriam, & ad securitatem & cautelam vestram, & Successorum vestrorum, & Sanctæ Romanæ Ecclesiæ, & Apostolicæ Sedis, Imperialis Maiestatis typario communitas.

Datum Laufannæ Quinto Idus Octobris Anno Domini MCCCX. Regni vero nostri Anno Secundo.

Datum in Prioratu de Graufello prope Malausan. Vasionen. Dioecesis, Decimo Kalendaris Julii, Pontificatus nostri anno VI.

Dat. die 22.  
Iunii 1311.  
P. An. VI.

## XI.

Subsequitur destinatio Legatorum pro ejusdem Imperatoris coronatione; ejusque coronationis ritus & forma præscribuntur.

Ex eodem  
Regeſto.

Clemens Episcopus, Servus Servorum Dei, Venerabilibus Fratribus, Arnaldo Sabinen., Apostolicæ Sedis Legato, ac Leonardo Albanen., & Nicolao Ostien., Episcopis; & dilectis Filiis, Francisco Sanctæ Lucie in Silice, & Lucæ Sanctæ Mariæ in Via lata, Diaconis Cardinalibus, Nuntiis ejusdem Sedis Apostolicæ, Salutem & Apostolicam benedictionem.

**R**EX Regum & Dominus Dominantium, Dei clementissimus Filius, Jesus Christus, honore multiplici Reginam, præfulgidam sibi in vestitu deaurato circumamictam varietate, assistentem a dextris, sanctam videlicet Ecclesiam Sponsam suam, quam suo pretiosissimo Sanguine redemptam clementer sibi inseparabili fœdere conjungi voluit, honore primatus multiplicis ac multipharicæ præminentie insignivit. Sed in eo potissime ipsam honorabilem & felici ac præcellenti reddidit Dignitatis statu fulgentem, quod eidem, tantam tribuit plenitudinem potestatis, ut personis quantumcumque solemnitate insignibus & præclaris, in iis possit sibi que competat adesse magnifice, per quæ ipse clari nominis titulum & famosæ consequantur potentie culmen, & etiam incrementum. Dominator enim Coeli, qui solus Altissimus potestatem habet in Regno hominum, & quemcumque voluerit, suscitatur super illud, potestatem dedit sibi & honorem & Regnum; potestatem inquam, æternam, quæ non aufertur, & Regnum, quod non corrumpitur: ut Imperatores & Reges in ipsa & per ipsam doctrina salutaris intelligant & erudiantur: Judices Orbis Terræ eidem servire & obsequi in timore, qui imperat ventis & mari: Cuncta namque, quæ in Coelo sunt, & in terra, sua sunt; suum est Regnum; ipse est super omnes Principes; suæ sunt divitiæ, sua gloria, qui dominatur omnibus; & in manu ejus virtus & potentia, magnitudo, & Imperium omnium; sub quo curvantur, qui portant orbem. Per eum enim Reges regnant, & Principes, & Legum conditores iusta decernunt; qui habet in favore suo scriptum: Rex Regum, & Dominus Dominantium: ad cuius præceptum elevabitur Aquila, & ponet in arduis nidum suum.

§.1. Sane dudum post electionem charissimi in Christo Filii nostri Henrici Regis Romanorum Illustris, celebratam concorditer per Regni Alamanie Principes, in electione Romanorum Regis vocem habentes; cum imminet facienda, solemnnes dicti Regis Ambasciatores ac Nuntii ad nostram præsentiam accedentes, & nobis ejusdem electionis præsentato Decreto, ad eorum instantem & devotam supplicationis instantiam, coram nobis & Fratribus nostris iteratis vicibus, & per inter

Proemium.

Romanæ Ecclesiæ Potentia super Principes Orbis.

Henrici Regis se confirmasse electionem in Imperatorem ait.



terstitia temporum repetita, præfatum Regem, quia per decreti præfati & conditionis personæ ipsius, non levi notitia antea nobis & Fratribus nostris notæ, examinationem coram nobis & eisdem Fratribus habitam diligenter, in quantum fieri potuit eodem absente, sufficientem ipsum idoneum & habilem invenimus ad præfatum Imperium obtinendum, ac electionem ipsam canonicam exstitisse; de eorundem Fratrum nostrorum consilio ipsum reputavimus, nominavimus, approbavimus, denuntiavimus, & declaravimus Romanorum Regem justitia exigente, ac fore idoneum sufficientem & habilem ad dignitatem Imperialis celsitudinis obtinendam.

Terminum-  
que ad Coro-  
nationem assi-  
gnasse.

§.2 Pronuntiantes insuper ac etiam decernentes, sibi per nostras manus loco & tempore oportunis debere concedi unctionem, & ipsius Imperii diadema, certum ad hoc ei terminum assignantes.

Quibus de  
causis ejus hu-  
iusmodi ter-  
minus fuerit  
abbreviatus.

§.3. Cumque postmodum Rex præfatus Italiæ partes fuisset potenter ingressus, & a Lombardiæ Civitatibus aliisque Locis insignibus, ad quæ declinaverat, honorifice & pacifice jam receptus, alii præfati Regis Ambassiatores & Nuntii ad Apostolicæ Sedis præsentiam accesserunt, qui cum multa nobis instantia inter cætera supplicarunt, quod cum ipsi patenter adverterent, sicut eis jam per nos super hoc responsum extiterat, quod propter generale Concilium, quod in Kalendis Octobris proxime venturi disposueramus, dante Domino, & disponimus celebrare; aliaque multa & ardua plurimumque urgentia, quæ necessario in Citramontanis partibus expedienda nobis negotia incumbabant tunc temporis, & incumbunt, prædictam unctionem & Imperii Diadema, aliaque solemnia per nostras manus Regi non poterant memorato concedi, terminum ipsum sub spatio temporis brevioris concludere: ipsamque unctionem & Imperii Diadema, cæteraque solemnia per aliquos de Fratribus supradictis in Festo Pentecostes tunc proxime secuturo impendi facere dignaremur.

§.4. Nos vero prædictis Nuntiis receptis mansuetudine consueta, & iis & aliis, quæ coram nobis voluerant proponere, diligenter auditis, eis certo modo duximus, respondendum; ejusdem Regis, super hoc cum prædictis Fratribus nostris diligenti deliberatione præhabita, nihilominus desideriis annuere intendentes; & quia propter temporis nimiam brevitatem in dicto Festo Pentecostes solemnitatem unctionis & coronationis hujusmodi non posset fieri credebamus; nec Rex ipse in præfato Festo sibi, ut ejus decebat honorem, de apparatu ad hoc necessario potuisset forsitan providere, significavimus ei per nostras literas speciales, ut tanti arduitate negotii diligenter inspecta, & considerata prudenter temporis qualitate, aliquem certum & solemnem diem, prout crederet convenire, post festum prædictum eligere, ipsumque nobis significare, illius deliberatio non differret: ut infra diem ipsum aliquos de Fratribus supradictis, de quibus Apostolica deliberatio provideret, qui ei unctionis ejusdem munus impenderent, & imponerent vice nostra præfatum Diadema Imperii, ac alia ini-

*Bull. Rom. Tom. III. Pars II.*

bi agenda solemnia peragerent, mitteremus; dilectos filios Magistros Robertum electum Salernitanum, & Hugonem Geraldii Cantorem, Petragoricen. Cappellanos nostros, ad eundem Regem super iis cum eisdem nostris literis destinantes, per quos sibi paternæ sinceritatis affectum, & mentis Apostolicæ puritatem, quos ad status ipsius & exaltationem magnificam habebamus, mandavimus clarius aperiri.

§.5. Verum Rex præfatus, super hoc inatura deliberatione præhabita, Festum Assumptionis Beatæ Virginis proxime venturum pro termino ad recipiendum in Basilica Principis Apostolorum de Urbe more solito unctionem hujusmodi, & ipsius Imperii diadema, aliaque inibi solemnia peragenda recepit, prout Nobis per solemnes suos Ambassiatores ac Nuntios & speciales Literas intimavit, suo Regali Sigillo pendenti munitas; cum multa devotionis instantia supplicans per eosdem, ut ad eum aliquos mitteremus de Fratribus memoratis pro impendenda unctione hujusmodi, & imponendo sibi ejusdem Imperii Diadema, aliisque solemnibus peragendis. Porro si desuper datum esset, ut circa tanti celebritatem negotii exhiberi posset nostra præsentia corporalis, ut ubi mente vigilanter intendimus, ibi præsentialiter nostrum desiderium panderemus, ad quod etiam ejusdem Regis concurrunt, ut pro certo novimus, cum promptitudine multiplicis devotionis affectus, gauderemus in Domino, & plurimum satisfaceret nostris votis. Verum quia ex causis prædictis non possumus in hac parte affectibus satisfacere mentis nostræ, prædicti Regis frequentibus & devotis supplicationibus, inclinati, & ad personas vestras Apostolicæ mentis oculos fiducialiter dirigentes, vobis quorum Nobis sunt notæ virtutes, quasque in magnis & arduis dicta Sedes diversis vicibus est experta, & de quorum operibus fructus uberes provenisse conspiciamus, super hoc nostræ sollicitudinis onus duximus imponendum: sperantes, quod tanquam viri virtute magnifici opus hujusmodi viriliter assumetis ad Divini Nominis laudem & gloriam effectualiter exequentum.

Designat Hen-  
ricus Assum-  
ptionis B. V.  
diem.

Pontifex su-  
loco Cardina-  
les ad pera-  
gendam pom-  
pam deligit.

§.6. Quocirca discretioni vestræ per Apostolica scripta mandamus, quatenus vos ad dictam Urbem die Assumptionis prædictæ personaliter conferentes, ac ibidem convenientes in unum, tu Frater Nicolae Ostien. Episcopo Missam celebres, & Regem inungas eundem; Vosque Fratres Albanen., Ostien., & Sabinen. Episcopi; Vosque Franciscæ, & Luca Diaconi Cardinales, vel illi vestrum, qui præsentis fuerint, eisdem Regi & Regina Mitras & Diademata Imperii; Regi quoque sceptrum, polum, & gladium, & alia solemnia, prout infra patentius & distinctis vobis injungitur, tribuatis; eorumque vertices inclitos reddatis illorum insigniis cum solitis solemnitatibus decoratos: In nomine ac virtute Altissimi prudenter, honorifice, ac etiam diligenter, prout decet tam arduum & solemne negotium, quod vobis committimus, nostris vice & nomine exequentes in dicto Festo Assumptionis, si poteritis comode, vel alio certo convenienti die, quem idem Rex ad hoc pro qualitate negotio-

Inter eos co-  
ronandi Hen-  
rici munera  
partitur.



rum imminentium duxerit eligendum. Quod si non omnes iis exequendis potueritis interesse, quatuor, tres, duo, aut unus ex vobis, ea nihilominus exequatur.

Ritus præferi-  
buntur.

§. 7. Et ne quis in agendis solemnibus antedictis error, quod absit, intervenire valeret, modum & formam & locum agendorum, & ubi & per quas personas agenda fuerint, particulariter & distincte duximus præsentibus inferenda, prout in Archivio Ecclesie & in Pontificali ordinario continetur; quorum forma talis est.

Qua forma  
Imperator in  
Urbem sit ex-  
cipiendus.

§. 8. Cum Rex, in Imperatorem electus, pervenerit ad Portam Collinam, quæ est juxta Castellum Crescentini, recipiatur honorifice a Clero Urbis cum Crucibus & Turribus, & processionaliter deducatur usque ad gradus Basilicæ Sancti Petri, cantantibus universis: Ecce mitto Angelum meum &c. Camerariis ejus missilia spargentibus ante ipsum, & Præfecto Urbis gladium præferente. Cum autem pervenerit ante Basilicam in Plateam, quæ Cortina vocatur, dextrandus est a Senatoribus usque ad gradus prædictos, Ubi eo descendente tradendus est Equus, cui Rex infederat, illis. Interim Summus Pontifex cum omnibus Ordinibus suis præparet se in secretario, tanquam celebraturus divina, & processionaliter exiens usque ad suggestum aræ superioris, quæ est in Capite graduum super Faldestorium, ibi sedeat, confidentibus super gradus a parte dextera Episcopis & Præbyteris, a sinistra vero Diaconis Cardinalibus, & in proximiori gradu Subdiaconis, & Accolitis, Primicerio & Cantoribus astantibus circa illos cum Magnatibus & Nobilibus Officialibus & Ministerialibus Aulae Papalis.

Ut deducen-  
dus ad Basili-  
cam S. Petri.

Quapompa  
Rom. Ponti-  
fex expectet  
in Porticu.

Ut Rex ejus  
pedes sit oscu-  
laturus.

§. 9. Tunc Rex cum Archiepiscopis & Episcopis, Principibus, & Magnatibus suis ascendens ad Summum Pontificem reverenter osculetur pedes ipsius; & offerens ei aurum, quantum sibi placuerit, benigne recipiatur ab eo ad osculum & amplexum: Quo demum surgente, Rex ipse a parte dextera, & Prior Diaconorum a parte sinistra deducant eum usque in Ecclesiam Sanctæ Mariæ in Turribus; ubi ante Altare, Subdiacono Evangelii Textum tenente, Rex super illum corporaliter præstet hujusmodi juramentum: Ego Henricus Rex Romanorum, futurus, annuente Domino, Imperator, promitto, spondeo, & polliceor coram Deo, & Beato Petro, me de cætero Protectorem & Defensorem fore Summi Pontificis & Sanctæ Romanæ Ecclesiæ in omnibus necessitatibus & utilitatibus suis, custodiendo & conservando possessiones honores & jura ejus, quantum divino fultus adjutorio fuero, secundum scire ac posse meum recta & pura fide: sic me Deus adjuvet, & hæc Sancta Dei Evangelia: Forma autem juramenti præstiti in Avinionē per Procuratores & Nuntios prædicti Regis Romanorum, tempore suæ coronationis renovandi, talis est. Nos Sifridus Curien. Episcopus, Amadeus Comes Sabaudia, Joannes Dalsini Viennen., & Albonen. Comes Guido de Flandria, Joannes Comes Sarapon-

Devincturus  
se Sacramento  
ad tuendam  
Ecclesiam.

te, & Symon de Marvilla Thesaurarius Menten., Nuncii & Procuratores Serenissimi Principis Henrici Romanorum Regis, habentes ad omnia infra scripta plenam & generalem ac liberam potestatem, & speciale Mandatum ab eodem, prout constat per prædictas Patentes Literas ipsius, Vobis Sanctissimo Patri, & Domino, Domino Clementi, divina providente clementia, Papæ Quinto, vice & nomine dicti Domini nostri Regis & in animam ipsius promittimus & juramus per Patrem & Filium & Spiritum Sanctum, & per hæc Sancta Dei Evangelia, & per hoc lignum vivificæ Crucis, & per has Reliquias Sanctorum, quod numquam Vitam aut Membra, neque ipsum honorem, quem habetis, sua voluntate aut suo consensu aut suo consilio aut sua exhortatione perdetis: Et in Roma nullum placitum aut ordinationem faciet de omnibus, quæ ad vos pertinent aut Romanos, sine vestro consilio & consensu; & quicquid de Terra Romanæ Ecclesiæ pervenit ad ipsum aut perveniet, vobis reddet quamcitus poterit: Et quancumque in Lombardiam & Tusciam aliquem mittet pro Terris & juribus suis gubernandis, quotiens mittet eum, jurare faciet illum, ut adjutor vester sit ad defendendum Terram Sancti Petri, & Romanam Ecclesiam secundum suum posse: & si permittente Domino, dictus Dominus noster Rex Romam venerit, Sanctam Romanam Ecclesiam, & vos Rectorem ipsius, & Successores Vestros exaltabit secundum suum posse: Et cum Romæ vel alibi per Vos in Imperatorem coronandus fuerit Dominus noster Rex prædictus, dictum Sacramentum, & aliud fieri consuetum ad requisitionem vestram tempore coronationis suæ personaliter renovabit.

§. 10. Deinde Summus Pontifex cum Ordinibus suis ad Altare procedit; & facta ibi coronatione, ad Sedem ascendit, Rege cum suis tribus Episcopis, videlicet Ostien., & Portuen., & Albanen. in Ecclesia Sanctæ Mariæ in Turribus remanente; ubi a Canonicis Sancti Petri receptus in Fratrem Imperialibus induatur insignibus, dato ipsius Pallio Camerario Domini Papæ, qui præcedentibus illis Canonicis, & cantantibus: Patre, amas me? Tu scis Domine, quia amo Te: Pasce Oves meas. Simon Joannis amas me plus his? Tu scis Domine, quia amo Te: Pasce Oves meas: Cum ad ostium Basilicæ Principis Apostolorum pervenerit, quæ Porta argentea nuncupatur, deducantibus eum hinc inde Comite Lateranen. Palatii, & Primicerio Judicum Romanorum, Albanen. Episcopus ante ipsam Portam argenteam, hanc super eum benedictionem effundat: Deus, in cujus manu Corda sunt Regum &c. Cum autem intra Ecclesiam in medio Rotæ pervenerit, Portuen. Episcopus hanc Orationem super eum decantet: Deus, inenarrabilis Auctor Mundi &c. Qui cum ad Confessionem Beati Petri pervenerit, prosternat se pronus in Terram, & Prior Diaconorum super eum faciat Letaniam: qua finita, Prior Presbyterorum dicat Orationem dominicam cum

Rex a Cano-  
nicis S. Petri  
in Fratrem  
ascitus.

Preces pro eo  
fundenda.



Brachio dex-  
tro, & sca-  
pulis inungi-  
tur.

Tamquam  
Diaconus ad-  
mittitur ad  
osculum.

Preces ha-  
bendæ a Pon-  
tifici.

Alia inter  
obferenda in-  
signia Impe-  
rialia.

Festæ accla-  
mationes.

cum Capitulis istis: *Salvum fac servum tuum Domine. Mitte ei auxilium de Sancto: Domine salvum fac Regem; ac deinde dicat Orationem istam: Actiones nostras quæsumus Domine &c. post hæc procedant ad Altare Sancti Mauriti, ubi Ostien. Episcopus ungit ei de oleo exorcizato brachium dextrum, & in Scapulos, hanc Orationem dicendo: Domine Deus Omnipotens, cujus est omnis potestas &c. Item aliam Orationem dicat: Deus Dei filius Jesus Christus &c.*

§. 11. His ita peractis, ascendit Rex ad Altare Beati Petri, ubi Summus Pontifex, facta confessione, recipiat eum ad osculum, sicut unum ex Diaconibus; ipseque procedat ad Pulpitum vel ambonem, ubi thalamus constructus de Lignis, & ornatus de Palliis debet ei esse paratus cum suis Archiepiscopis & Episcopis, Principibus & Magnatibus, secundum capacitatem loci consistat: Primicerius autem, & Scola Cantorum in Choro ante Altare decantant Introitum; & post *Kirie eleison*, & *Himnum Angelicum* decantatum, Summus Pontifex dicit Orationem, quæ competit illi diei; & hanc Orationem pro ipso Imperatore: *Deus Regnorum omnium &c. Item aliam Orationem; Suscipe Domine preces &c. Item aliam Orationem: Deus, qui ad prædicandum &c. Cumque lecta fuerit Epistola, & Graduale decantatum, Imperator ascendat processionaliter ad Altare, ubi Summus Pontifex imponit ei Mitram Clericalem in capite, ac super Mitram Imperatorium Dyadema, dicens: Accipe signum gloriæ &c. Deinde Sceptrum & pomum aureum tradit ei, & post cetera gladium, ita dicens: accipe gladium ad vindictam &c.*

§. 12. Qui coronatus incedens portet in dextra manu Pomum, in sinistra Sceptrum, & sic ad thalamum redeat: Ipsoque ibi cum Principibus suis consistente, Prior Subdiaconorum, cum Subdiaconibus Romanæ Curie, & Capellanis Aulae Imperialis ad pectorale dextrum, ante Crucifixum argenteum laudem Imperatori alta voce decantent hoc modo: *Exaudi Christe &c. Scriniarii vero Urbis, sericis Cappis induti, ante pectorale consistentes in Choro respondeant: Domino Henrico Invißtissimo Romanorum Imperatori & semper Augusto salus & victoria: Qua laude tertio repetita, Prior Subdiaconorum cum suis tribus vicibus dicat: Salvator Mundi: Et Scriniarii vicissim respondeant: Tu illum adjuva: deinde iste cum suis duabus vicibus dicat: Sancta Maria; Et illi vicissim respondeant: Tu illum adjuva: & sic deinceps: Sancte Michael: Sancte Raphael: Sancte Joannes Baptista: Sancte Petre: Sancte Paule: Sancte Andrea: Sancte Stephane: Sancte Laurenti: Sancte Vincenti: Sancte Silvester: Sancte Leo: Sancte Gregori: Sancte Benedicte: Sancte Basili: Sancte Saba: Tu Sancta Agnes: Sancta Cæcilia: Sancta Lucia. Quibus finitis, isti bis dicant. *Kirie eleison; & illi vicissim respondeant: Christe eleison; ac deinde simul omnes Kyrie eleison.**

§. 13. Post hæc, Evangelio decantato, Imperator Corona & Manto depositis, accedat ad Summum Pontificem, & offerat ad pedes ejus aurum, quantum sibi placuerit; Ipsoque Pon-

tifice descendente pro perficiendis Missarum, Misteriis ad Altare, Imperator more Subdiaconi offerat ei Calicem & Ampullam, & stet ibi, donec Pontifex ad Sedem reversus communicet, Sacramque communionem de manu ejus suscipiat cum osculo pacis; & sic ad thalamum rediens in ambone resumat mantum pariter & Coronam; Missaque finita, Pontificalem Benedictionem reverenter accipiat; Et statim procedat ad locum, ubi debet Summus Pontifex equitare; & cum ipse Pontifex equum ascenderit, teneat stapedium, Sellæ ejus; & arrepto freno aliquantulum ipsum adextret; moxque suum equum ascendens, procedat juxta Summum Pontificem usque ad Ecclesiam Sanctæ Mariæ in Traspadiam, ubi, dato sibi osculo ad invicem, non corde sed corpore separentur.

§. 14. Si vero Regina fuerit coronanda, debet super lectorium ex appposito thalamus preparari, ubi cum duabus ad minus Puellis, & aliquibus ex Principibus Imperii, tam Ecclesiasticis quam mundanis, resideat: & post coronationem Imperatoris deducatur ad Altare ante Summum Pontificem amicta regalibus indumentis, cui Summus Pontifex mitram imponat ita, quod cornua mitræ sint a dextris & a sinistris, & super mitram imponat coronam, ita dicendo. Accipe coronam Imperialis excellentiæ &c. Coronata vero Regina reducatur ad thalamum, & post Evangelium, ducatur ab oblationem Summo Pontifici exhibendam, stetque in gradibus juxta absidem versus Altare Sancti Leonis, donec de manu Summi Pontificis post Imperatorem Sacram Communionem accipiat; Et nunc ad thalamum reducta permaneat usque ad finem Missæ.

§. 15. Consuevit autem Imperator larga Presbyteria omnibus Ordinibus exhibere, quibus ea, cum coronatur, Summus Pontifex elargitur; videlicet Episcopis Presbyteris & Diaconis Cardinalibus, Primicerio & Cantoribus, Subdiaconis Basilicariis & Regionariis, Universitati Cleri Romani, Capellanis & cæteris Officialibus & ministris Curie, Prefecto Urbis, Senatoribus, Judicibus, Advocatis, & Scriniariis, ac Præfectis navalium. Consuevit etiam Rex, quando descendit de monte Gaudii, & venit ad Ponticellum, præstare hoc juramentum Romanis: *Ego Henricus Rex futurus Imperator juro, me servaturum Romanis bonas consuetudines suas; sic me Deus adjuvet, & hæc sancta Dei Evangelia.*

§. 16. Quia vero propter nostram absentiam nonnulla solemnia ex prædictis, personam nostram tangentia, expedit intermittere, volumus atque decernimus, quod non obstantibus iis, quæ superius describuntur in gradibus Sclarum dictæ Basilicæ Principis Apostolorum, idem Rex Romanorum solemnitate & honorificentia debitis recipiatur ad osculum per vos Episcopos & Diaconos Cardinales, stantes in Ordinibus vestris, indutos tamen omnes Pluvialibus, processionaliter obviantes eidem cum Subdiaconis & Acolitis, Primicerio, & Cantoribus, astantibus circa

Calicem &  
Ampullam more  
Subdiaconi  
offerat Impe-  
rator.

Quo ritu Im-  
peratrix coro-  
nanda.

De muneribus  
erogandis  
ab Imperato-  
re.

Romanis ju-  
rat de bonis  
consuetudini-  
bus conser-  
vandis.

Quomodo  
propter Pon-  
tificis absen-  
tiam gerere se  
debeat Henri-  
cus.



Quo ritu aurum sit oblatus in gradibus Basilicæ.

Legatis dispensata officia.

circa vos Magnatibus & nobilibus Officialibus & ministerialibus aulæ nostræ. Aurum vero, quod Rex in eisdem gradibus Apostolico consuevit offerre post genuflexionem & deosculationem pedum; omisis illis, quas nulli vestrum faciat idem Rex, quia soli Romano Pontifici competunt & debentur, in eodem loco per eundem Regem nobis humiliter offeratur, ita dicente: Si Sanctissimus Pater Dominus noster Dominus Clemens Summus Pontifex esset hic præsens, sibi offerrem aurum istud præsentialiter; sed propter ejus absentiam offero sibi, vobis Dominis Cardinalibus, ejusdem Domini Papæ vice & nomine recipientibus aurum istud. Quo facto idem Rex existens in medio vestrum vobiscum veniat ad Altare Sanctæ Mariæ in Turribus, & cum ibidem fuerit publice in vestri præsentia recipientium vestro & Ecclesiæ Romanæ nomine, præstet idem Rex Sacramentum suo expresso proprio nomine de verbo ad verbum, prout superius continetur. Renovet autem Sacramentum per Procuratores suos præstitum suæ approbationis tempore coram nobis, secundum tenorem supra descriptum: Et si in adventu suo in gradibus, ubi eidem obviabitis, renovationem prædictam facere præligeret, contentamur.

§. 17. Tu vero Frater Ostien. ut præmittitur, Missam celebres, & Regem prædictum inungas, prout in Ordinario continetur. Quod si te impediri contingat, hoc tu facias Albanen. & si ambo impediremini, hoc facias Sabinen. Episcopi. Letanias dicas tu Franciscæ, si potes, Pluviali tamen indutus; Quod si Te impediri contingat, tu Lucas hoc in eodem habitu exequaris. Orationem autem, quam dicere debet Prior Presbyterorum Cardinalium, Tu dicas Episcopo Sabinen. Quod si Te impediri contingat, Tu facias Albanen. Quod si ambo impediremini, tu facias Ostien. Episcopi. Præstito autem in Cappella prædictæ Sanctæ Mariæ de Turribus juramento, omnes remaneatis cum Rege prædicto præter illum, qui Missarum, solemnia celebrabit. Tu vero Albanen. orationem, quæ Tibi dicenda competit, dicas loco & tempore debitis: Orationem vero, quam deberet dicere Portuen. Episcopus, si adesset, dicas Tu Sabinen.; Quod si te impediri contingat, tu suppleas Ostien. Receptio autem ad osculum inter Diaconos Cardinales post confessionem in Altari Beati Petri factam, quia soli Romano Pontifici competit & concurrat cum osculo pectoris omitatur. Vos autem universi imponatis Mitras suo modo Regi, suoque Reginae, prout in dicto Ordinario de Summo Pontifice continetur, & Diademata Regi & Reginae prædictis.

§. 18. Verba vero dicenda in impositione Diadematum, scilicet. Accipe signum gloriæ, quoad Regem: Item: Accipe coronam Imperialis excellentiæ, quoad Reginam; dicas tu Sabinen. Licet enim ratione Prioratus hoc tibi non competat, quia tamen in legatione nostram repræsentas personam, hoc per te volumus adimpleri. Verba autem,

prædicta dicas alte atque sonare, ita quod ab Assistentibus audiantur. Omnes vero vos alii verba eadem voce submissa dicatis sic, ut nequaquam audiri possitis, sicut in consecrationibus Prælatorum fieri consuevit per Coassistentes principaliter consecranti. Verba autem competentia in assignatione gladii, post sceptrum & pomum aureum ipsumque gladium, per Te Albanen. ac vos alios tradita, scilicet: Accipe gladium ad vindictam malefactorum &c. Et idem alta & sonora voce dicas & proferas Albanen. reliquis submissa voce eadem verba dicentibus, prout in Verbis impositionem Mitrarum & diadematum superius est expressum.

§. 19. Decantato autem Euangelio, Rex coronandus offerat aurum, quod ad pedes Romani Pontificis consuevit offerri, ad pedem majoris altaris, quod vos omnes nostro recipiatis nomine Cardinales. Cætera vero solemnia peragantur cum omni solemnitate & honorificentia, prout in Ordinario continetur. Oblatio vero Calicis & Ampullæ per Imperatorem jam coronatum, decantato Euangelio Corona & Manto depositis, more Subdiaconi Romano fienda Pontifici; & assistentia eidem fienda per Imperatorem, donec Romanus Pontifex ad Sedem propriam revertatur, quia soli Romano Pontifici competunt, omittatur. Idem tamen Imperator, si voluerit, Sacram coronationem de manu recipiat celebrantis, osculo tamen omisso. Quibus peractis, ad thalamum rediens in ambone resumat mantum pariter & Coronam. Processus autem ejusdem Imperatoris ad locum, ubi Summus Pontifex equitare deberet, & detentio stapedii selle ejus, & arrepto freno equi, cui Romanus Pontifex insideret, adextratio, officiique stratoris exhibitio, quia solo Romano Pontifici competunt, & præsentiam ipsius exigunt corporalem, omittantur omnino. Reliqua autem solemnia, prout exprimuntur in Ordinario, solemniter & honorifice compleantur.

§. 20. Quia autem ut ex prædictis apparet, multæ observantiæ, multaque solemnia, multaque reverentiæ & honorificentia, Romano Pontifici competentia, propter nostram absentiam omittuntur, protestamur & volumus, & Apostolica auctoritate decernimus, nullum ex hoc juris vel facti Romanæ Ecclesiæ, ac nobis, nostrisque successoribus præjudicium generari; quin cum casus Regis Romanorum in Imperatorem coronandi occurreret, omnia exhibeantur & fiant per Coronandos Romanis Pontificibus, sicut in forma, quæ in Archivio Ecclesiæ & Pontificali ordinario continetur superius descripta, serius est expressum. Ad ejusdem autem Ecclesiæ Romanæ, nostræ, & successorum nostrorum conservationem juris atque cautelam, volumus per vos ab eodem tam Rege coronando, quam Imperatore coronato, expresse iis nostris protestationi & decreto consentiente, recipi patentes Literas quadruplicatas, de verbo ad verbum tenorem præsentium continentes, suo Regali primum Sigillo, ac postmodum sua Imperiali Bulla aurea communitas: quas

Soli Pontifici exhiberi solita omitti jussu.

Exigit ab Henrico Clemens, ut promulget nil damni ex prætermisiss Rom. Pontifici obventurum.



quas vos Albanen. Ostien. & Lucas, duo, aut alter vestrum Nobis aut Camera nostræ fideliter assignetis.

Dat. die 21.  
Junii 1311. P.  
An. VI.

Datum in Prioratu de Grausello prope Malausan. Vasionen. Dioecesis tertio decimo Kalendas Julii, Pontificatus nostri anno VI.

## XII.

Ex Regest. Vatic. Mandatum de reducendo numero Scriptorum sacre Poenitentiariæ ad duodenarium.

Clemens Episcopus, Servus Servorum Dei, Venerabili Fratri Berengario Episcopo Tusculano, salutem & Apostolicam Benedictionem.

Causæ stabilendi numerum hujusmodi Scriptorum.

**D**ignum est, ut in Apostolicæ Sedis officiis determinatus ministrorum seu Officialium numerus habeatur; ne provisione careat superflua multitudo, vel ex paucitate opportunum eidem sedi servitium subtrahatur. Sane frequenter pro parte dilectorum Filiorum Scriptorum Poenitentiariæ nostræ fuit nobis expositum, quod propter importunam instantiam plurimorum, quibus Sedes prædicta se exhibuit liberalem, eorum numerus adeo dicitur augmentatus, ut ipsi, qui ad præsens viginti unius vel circiter esse noscuntur, secundum eorum decentiam & laudabilem antiquam Romanæ Curie consuetudinem non possint de officii sui obventionibus commode sustentari. Quare ex parte ipsorum fuit nobis humiliter supplicatum, ut cum temporibus aliorum Romanorum Pontificum Prædecessorum nostrorum iidem scriptores in tanta multitudine non fuissent, sed eorum officium in decenti numero personarum, prout incumbentium agendorum exposcebat qualitas & utilitas, fuerat moderatum, providere super hoc de benignitate apostolica dignaremur: Denique officium reduci ad duodenarium Scriptorum numerum mandarem. Cum igitur nostræ intentionis existat, quod dicti Scriptores, qui nostri Officiales existunt, propter superfluum multitudinem non graventur; quinimo ad dictum duodenarium vel alium decentem redacti numerum juxta decentiam & consuetudinem prælibatam commode valeant sustentari; considerantes, quod tam agendorum multiplicum qualitates & onera, quæ variarum rerum producit continuata necessitas, quam dictorum scriptorum multitudo superflua te non latent, sed te ipsa facti jam longa experientia docuit, quod in talibus secundum dictæ Sedis decentiam debeat observari; Fraternitatem tuam, de qua in iis & aliis fiduciam in Domino gerimus, specialem per Apostolica scripta committimus, & mandamus, quatenus, si eorundem scriptorum officium, consideratis circumstantiis universis, quæ in hoc fuerint attendendæ, inveneris in hujusmodi multitudinem prægravatum, officium ipsum reducere ad ipsum duodenarium vel alium certum scriptorum numerum compe-

Mandatum, de quo in Rubrica.

tentem juxta datam Tibia Deo prudentiam, prout consideratis præmissis cognoveris expedire, auctoritate nostra procures: statuens & ordinans auctoritate prædicta, quod dictum officium deinceps prædicto numero sit contentum; nec ad illud de cætero aliquis admitatur, quousque sit ad prædictum numerum per te statuendum redactum, & aliquis defecerit de eodem; nisi forte multiplicium agendorum vel alterius causæ necessitas aliud circa hæc geri & statui in futurum per ejusdem Sedis providentiam postulet.

Datum in Prioratu de Grausello prope Malausanam Vasionen. Dioecesis quarto nonas Septembris, Pontificatus nostri anno sexto.

Dat. die 4.  
Septembris  
1311.

## XIII.

Damnatio Sectæ sub nomine libertatis spiritus, in Spoletana, aliisque diversis Italiæ Provinciis exortæ.

Clemens Episcopus, Servus Servorum Dei, Venerabili Fratri Raynerio Episcopo Cremonen., salutem & Apostolicam benedictionem.

Ex eodem  
Regest.

**D**ilectus Domini & pacificus Solomon, post diversa, quæ edidit opera, Spiritu Sancto inspirante, loquutus, ad extremum jam consummatum virum, & calcato sæculo præparatum, in cantico canticorum Sponsæ vinxit amplexibus, & inspecturum locum in Libello prædicto tradidit, in quo amorem cælestium, divinorumque desiderium inducit animæ sub specie ac mystico nomine Sponsi, & Sponsæ, docens cantantis fervore ad Dei consortium perveniri: Licet ejus cætera cantica, quæ lex & Prophetæ diversimodè cecinerunt, esse videantur, parvulæ adhuc Sponsæ, & quæ nondum sit vestibula maturæ & virilis ætatis ingressa; hoc tamen canticum canticorum, adultæ jam Sponsæ & valde robustæ, & quæ jam capax sit virilis potentiæ perfectique Misterii decantantur, adeo ut perfecta, & unius Sponsi, perfectæ suscipiat verba doctrinæ. Hæc igitur Sponsa Vineæ Domini Sabaot, quam ipse verus Paterfamilias sepivit virtutibus, & lapides hæresum ac spinas & vepres vitiorum elegit ex illa, & plantavit electam, in medio ejus ædificans turrem muniminis virtutum atque donorum, & tortular in ipsa extruens, discretionem dotando & muniendo contra vitia & peccata: vinea, inquam Domini Sabaot juxta Ezechielis vaticinium, plantata in sanguine super aquas multas; in sanguine, inquam, veri & immaculati Agni, cujus fructus & frondes creverunt ex aquis multis gentium diversarum, & factæ sunt ei virgæ solidæ in sceptris dominantium & exaltata est statura ejus inter frondes, & vidit altitudinem suam in multitudine palmitum suorum, & umbra ejus montes operuit, & arbuta ejus cedros Dei, extendens palmites suos usque ad mare, & usque ad flumen propagines suos, diversis patuit & patet insidiis ab exordio Abel iusti,

Proemium.



justi, sed in novissimis heu temporibus destruerentur nituntur materiam eius, & vindemiare eam omnes, qui prætergrediuntur viam: viam, inquam, Catholicæ Fidei, & semitam mandatorum Dei: exterminare autem eam nititur aper de sylva, diversa genera vitiorum immittens; & conatur depascere singularis ferus per infectiones & immisiones hæresum diversarum: propter quod clamare compellimur cum Propheta David: dixit enim in suis verbis idem Filius Isay, saltes egregius Domus Israel, per quem loquutus est Spiritus Domini, & per linguam suam Sermo ejus: Convertere Domine Deus Israel convertere, & respice de cælo & vide, & visita vineam istam; & perfice eam, quam plantavit dextera tua. In supradicto autem Cantico Canticorum, de quo in principio non incompetens sermo occurrit, contra demolitores hujusmodi vineæ Spiritus Sanctus exclamat: capite nobis vulpes parvulas, quæ demoluntur vineas: nam vinea nostra floruit: harum vinearum custodem, vinearum, inquam, universarum per Orbem Catholicarum Ecclesiarum, quæ omnes thalamus unus Christi sunt, ex quibus Ecclesia una ex gentibus congregatur, Nos, licet immeritum, divina dispensatio statuit & præfecit: Absit autem a Nobis, & repetendum, iterum, absit, ut possimus dicere, seu Nobis competat verbum illud prædicti Cantici Canticorum: Posuerunt me custodem in vineis, vineam meam non custodivi. Custodienda est igitur a Nobis toto conamine vitis vera; immo custodiendi sunt palmites in vera vite sistentes, ne convertatur in amaritudinem, vitis alienæ; & ex vinea Sodomorum fiant vites eorum, & palmites eorum ex Gomorra, & Botrus amaritudinis in ipsis, & venenum Draconum vinum eorum, & furor aspidum insanabilis. Veri igitur custodis optamus & cupimus non perfunctorie officium gerere vinearum, virtutum & dogmatum scilicet divinorum, ex quibus per Fideles vinum hauriri possit & bibi, quod cor hominis lætificet; & vinea nostra, quæ floruit de virtute, refloreat in virtutem. Capi igitur eas præcipit sermo divinus, saluti & utilitati consulens animarum. Capi, inquam, & comprehendere, dum adhuc pusillæ sunt, ut obstat errorum principiis, & cum deceptores quasi vulpes cæperint Ecclesiam incurfare, Pastorum & Custodum dextris auxiliis sublevetur, & diligenti provideatur remedio: ne dispareat Mons Syon, & vulpes ambulent in eodem: Vulpes, inquam, fallaces, perversique Doctores, quos velut alter Samson verus Sol justitiæ Christus Deus noster per ministerium verorum fideliumque Doctorum verbo veritatis caudam ad caudam colligat, & adversantes sibi & diversa invicem sentientes docentesque confutet; ad quæ ex ipsorum verbis propositiones collectionesque accipiens in Philistinorum segetes ignem mittant consumptivum falsitatis, & elucidantium catholicæ veritatis: itaut ex eorum propriis argumentis omnes ipsorum amaros fructus, dolosasque vineas, & venenosa oliveta pessima

generationis incendat: Sicque congrue præcipitur & mandatur in Canticorum Cantico antedictis a Sponso suis sodalibus & Ministris, ut capiant & arguant hæreses, quæ insidiantur vineæ Domini, ne exterminent initia Fidei, floremque virtutum sub specie alicujus secretæ & occultæ scientiæ, quin potius fallaciæ, quæ ex Deo non est: quæ quidem hæreses quasi vulpes in foveis ita in iis omnibus, qui semet ipsos ad hæc sectanda præbuerunt, delitescent, & quo fallacius confutari possint & argui, dum sunt parvulæ, capi jubentur: nam fortasse si creverint & fuerint majores effectæ, multiplicabuntur & serpent ut cancer & jam ab amicis & Ministris sponsi capi fortè nequibunt, sed ab ipso solo sponso apud quem non est impossibile omne verbum.

§.1. Nuper siquidem sicut dolenter audivimus, & grandi mentis punctura referimus in nonnullis Italiæ partibus tam Spoletanæ Provinciæ, quam etiam aliarum circumadiacentium Regionum nonnulli Ecclesiastici & mundani Religiosi & seculares utriusque sexus viri pestiferi, qui alienati ab utero Matris Ecclesiæ ac præclaræ fidei fundatæ supra fundamentum Apostolorum & Prophetarum ipso summo angulari lapide Christo Jesu, in quo omnis edificatio constructa crescit in templum sanctum in Domino, qui est solus vita & resurrectio nostra; molientes heu obnubilare nitorem, novam sectam novumque ritum a via salutis omnino degenerantem, etiam ipsis Paganis & animaliter omnino viventibus, odiosum, & ab Apostolica & Prophetica Doctrina & Evangelica veritate remotum, quem libertatis spiritum nominant: Hoc est ut quicquid eis libet, liceat, assumpserunt: Ut quicumque per fidem sanctorum cives fuerant & domestici Dei, fiant nec hospites & advenæ, abjecti de Domo Domini suis culpis & perniciosis erroribus & doctrinis, sed ut & ipsi dumtaxat pereant, non contenti nisi cæci cæcorum ductores penarum socios habeant æternarum simul cadentes in foveis simplices animas astute decipiunt & eas in hujusmodi peccatis mortiferæ professionem adducunt.

§.2. Nos autem more Patris benevoli, quem non prætereunt incommoda filiorum, ut reducamus abjecta, revocemus errata, vinumque infundamus & oleum vulneribus sauciatis, quod infirmum est solidantes, & quod ægrotum sanantes, & quod confractum est alligantes, & quod perierat requirentes, nostræ considerationis convertentes intuitum solliciti reddimur, non immerito anxii scripturarum sacrarum arcana scrutantes, quoniam cum nos simus, in quos fines seculorum iuxta Apostolum devenerunt, sicut idem vas electionis & Doctor gentium, qui in celis didicit, quæ prædicaturus erat in terris, annuntiat loquens ad Thimotheum, & statum novissimorum temporum aperte describens: Scito inquit quod in novissimis diebus instabunt tempora periculosa & erunt homines se ipsos amantes, cupidi, elati, superbi, blasphemii, parentibus non obedientes, ingrati, scelesti, sine affectione, sine pace, crimina-

Novam in  
surgentem hæ-  
resim deplo-  
rat.

Suamque so-  
licitudinem  
explicat.

Que cura  
Pontificibus  
in esse debeat  
de Ecclesia  
Universali.



Hanc hære-  
sim ab Apo-  
stolo præfi-  
gnatum ostē-  
dit.

S. Petri de  
hæreticis hu-  
jusmodi ora-  
cula.

Vasane illius  
libertatis exc-  
ratio.

tores, incontinentes, immites, sine benignitate, proditores, protervi, timidi, ceci, voluptatum amatores magis quam Dei, habentes speciem quidem pietatis, virtutem autem ejus abnegantes, & post pauca subjungit quemadmodum Jannes & Mambres magi utique & Aurioli Faraonis sub servitute egiptiaca Populum Domini opprimētis & figurantis ferocem illum Leonem gentium & Draconem Maris, Leonem rugientem, adversarium humani, generis, sub servitute tenentem damnationis eternæ ex prothoplasti peccato genus humanum, resisterunt Moyſi, in quo & per quem lex Domini immaculata convertens animas mislice designatur, ita & hi resistent veritati, homines corrupti mente & reprobi circa fidem, sed ulterius non proficient.

S. 3. Magis igitur & magis timendum nobis est & Populo Domini, cujus nobis est cura commissa & nobis in ipso, ne tam abominabilis Deo & hominibus pestis, quæ latenter videtur subripere, nimis periculose succrescat; Timendum utique ac toto animo formidandum, quantum sicut Princeps Apostolorum Petrus in canonica sua scribit, quasi liberi & non quasi velamen habentes malitiæ libertatem, sed sicut servi Dei: & idem novit Dominus pios de tentatione eripere; Iniquos vero in die Judicii cruciandos fervare, magis autem eos, qui post carnem in concupiscentia immunditiæ ambulant, damnationemque contemnunt, audaces, sibi placentes, sectas non metuunt facere blasphemantes, statimque subjungit: Si vero velut irrationabilia pecora naturaliter in corruptionem, & in perditionem in iis, quæ ignorant blasphemantes in sua corruptione peribunt percipientes mercedem injustitiæ, voluptatem extimantes Dei delicias coinquinationis, & macule delictis affluentes, in conviviis suis luxuriantes, oculos habentes plenos adulterio, & incessabili delicto pollicentes, Animas instabiles, cor exercitatum avaritia, habentes maledictiones filii derelinquentes rectam viam erraverunt. Expressiusque talium hæreticorum iniquorum reatum, & execrabilis pestis hujusmodi aperte subjungit: Superba vanitatis loquentes pelliciunt in desideriis carnis luxuriæ eos, qui paululum effugiunt qui in errore conversantur, libertatem illis permittentes, cum ipsi servi sint corruptionis, a quo enim quisque superatur, hujus servus est.

S. 4. Oh libertas omni durior servitute: Oh libertas nec nominanda libertas: non utique illa summa libertas, in qua ejus servitus comprobatur, cui servire regnare est, cur non attenditur: cur non pensatur: cur non discutitur, quod Apostolus de hoc exclamat ad Galathas dicens: utinam abscindantur, qui nos conturbant; Vos enim in libertate vocati estis Fratres tantum ne libertatem in occasionem carnis detis: ex vestigioque subjungit, spiritu ambulate, & desideria carnis non perficietis. Caro enim concupiscit adversus spiritum, spiritus adversus carnem. Hæc enim sibi invicem adversantur, ut non quæcumque vultis illa faciatis: nonne tuba evangelica Filius tonitru, qui fluentia Evangelii elevatus, ut aquila gran-

Bull. Rom. Tom. III. Pars II.

dis alarum magnarum plena plumis, & varietate de ipso sacri Dominici pectoris fonte potavit de hujusmodi apud nos erroribus futuris: pro dolor tanquam de jam factis in canonica, sua loquitur manifeste dicens, qui habet spem in Deo sanctificet se, sicut ipse sanctus est, omnis, qui facit peccatum, iniquitatem facit, peccatum enim est iniquitas: scitis autem quod Deus apparuit, ut peccata tolleretur, & peccatum in eo non est: omnis igitur, qui in eo manet non peccat, & omnis qui peccat non videt eum nec cognoscit eum: qui facit justitiam justus est: qui facit peccatum ex diabolo est, quando ab initio Diabolus peccat; apparuit autem in hoc Filius Dei, ut opera Diaboli dissolvat.

S. 4. Nonne hunc ipsum spernendum errorem & abominandum, immo vesaniam Judas Frater Jacobi in sua Canonica expresse designat ponens more prophetico futura tanquam præterita dicens: subintroierunt homines impii, qui olim præscripti sunt in hoc judicium Dei nostri, gratiam transferentes in luxuriam, statimque subiungit: sicut Sodoma & Gomorra finitimæ Civitates simili modo exfornicatæ, & abutentes post carnem alteram factæ sunt exemplum ignis æterni poenam sustinentes, similiter isti, qui carnem quidem maculant, damnationem spernunt, maiestatem blasphemant, & infra: veh illis, qui in via Chaym abierunt, errore Balaam effusi sunt, contradictione, Chore perierunt. Ii sunt qui in epulis suis maculant se convivantes sine timore semetipsos pascentes, nubes sine aqua, quæ circumferuntur a ventis, arbores autumnales infructuosæ bis mortuæ, eradicatæ: Sydera errantia, quibus procella tenebrarum reservatur.

S. 5. Cur igitur contristant Spiritum Sanctum Domini, cur blasphemant per tam horrendas insanias, cur dissimulant, quod scriptum est, qui peccaverit in Spiritum Sanctum non remittetur ei neque in hoc sæculo, neque in futuro. Cum Job ipse testetur, vidi eos, qui operantur iniquitatem flante Deo periisse, & spiritu iræ suæ esse consumptos; cur carnis illecebras sub spiritus tegmine palliant, quas constat in eodem spiritu condemnari. Cum enim Apostolus fornicatorem Corinthum excommunicandum scriberet, ait: ego quidem absens corpore, præsens autem spiritu iam iudicavi, ut præsens, eum, qui sic operatus est. In nomine Domini Nostri Jesu Christi congregatis vobis cum meo spiritu, & cum virtute Domini Nostri Jesu Christi tradere hujusmodi Sathanæ in interitum Carnis, ut Spiritus salvus fiat. Non est igitur a Spiritu Domini talis libertas: Nam incoinquinatus Spiritus Domini & suavis, humanus, benignus, animans bonum, & qui nihil benefacere vetet: In Spiritu enim Domini peccatum dimittitur non peccatur; sed talis libertas est a spiritu tenebrarum, a spiritu malo, qui vexabat Saul, spiritu immundo, qui egrediens ab homine impellit eum assumere septem, alios spiritus nequiores se colubro tortuoso, qui & tortuose incedit, & tortuose suadet incedere suos spiritu cum invidia, mors introivit in Orbem Terrarum spiritu Diaboli, qui nunc ut aspis, nunc ut basiliscus venena diffundit, ut leo devorat, insidiatur, ut Draco spiritu

Que vera sit  
Evangelica li-  
bertas.

D. Judæ Ap.  
adversus im-  
puros hujus-  
modi secta-  
rios senten-  
tiæ.

Spiritum S.  
impuræ liber-  
tatis auctore  
esse non posse  
demonstratur.

Sed demo-  
nem esse  
ostenditur.



inquam illius, qui projectus est, est Drago magnus, & Serpens antiquus, qui vocatur Diabolus, & Sathanas, qui seducit orbem suis seductionibus universum, spiritui inquam illius, qui persecutus est Mulierem Dei Ecclesiam, quæ peperit masculum operis virtuosi, postquam Mulierem ex ore suo Aquam magnam tanquam flumen immittit, ut a flumine atrahatur spiritus erroris, cui divino iudicio acquiescere permittuntur, qui non crediderunt spiritui veritatis. Hic est ille spiritus, qui libertatem male agendi suis satellitibus, & sequacibus repro-mittit; Sed devictus est, & vincetur in Sanguine Agni; quia vicit Leo de Tribu Juda aperire librum, & solvere signacula ejus, de quo triumpho tres pueri tres ordines in unitate Fidelium denotantes benedicunt & laudant, & superexaltant ipsum in sæcula, qui eripuit Nos ab Inferis suo sanguine redimendō, & salvos fecit de umbra mortis, & liberat Nos de medio ardentis flammæ devorantium hæresum, & de medio Ignis vitiorum corruptentium eripuit Nos.

Episcopo Cremonensi, ut contra huiusmodi hæreticos legibus agat de-mandatur.

§. 6. Ex prædictisigitur nec immerito sollicitamur ex intimis sollicitudine indefessa, quod pestis huiusmodi de Dei Ecclesia penitus abscindatur, & pereat, exterminetur radicitus, nec nominetur in Populo Christiano. Te igitur, de cuius prudentia, & circumspectione confidimus, ut evellas & destruas, ædifices, & plantes, ac omnia facias, quæ ad eradicationem erroris huiusmodi, & ædificationem salutiferæ Fidei expedire putaveris ad partes illas decrevimus destinandum. Quocirca Fraternitatem tuam obsecramus in Filio Dei Patris, & nihilominus Tibi per Apostolica scripta mandamus, in remissionem peccaminum injungentes, quod ad prædictas partes in Dei nomine proficiscens auctoritate nostra sussultus, nec dignitati, nec statui, nec Religioni, nec sexui, nec ætati deferens plusquam Deo, de præmissis inquiras cum summa diligentia veritatem, & si quos cujuscunque dignitatis Ordinis Religionis conditionis aut status extiterint, huius erroris labe resperfos inveneris, juxta datam Tibi a Domino gratiam ut ad Cor redeant, oculos ipsorum aperias, & ne in umbra ambulent, increpando corrigas, & corrigendo reducas, & abjurata prorsus hæresi ab eisdem & imposita ipsis salutari penitentia juxta morem reconciliatis Ecclesiæ secundum formam ejusdem beneficium absolutionis impendas.

In respicientes clementia, in pertinaces severitate utatur.

§. 7. Quod si eos quod absit, vel eorum aliquos peccatorum moles præponderans in laqueum desperationis adduxerit, nec proficere Te senseris apud eos, tunc fretus Christi potentia velut ad commune restringendum incendium te accingas, & contra eos & ipsorum quemlibet sub modis & forma justitia mediante procedas, quibus procedi in casibus huiusmodi consuevit. Non obstantibus quibusvis privilegiis, indulgentiis, & literis, personis, vel ordinibus ipsis aut ipsorum aliquibus sub quacunque forma, aut expressione verborum ab Apostolica Sede concessis, quæ cujuscunque tenoris existant quomodolibet contra tenorem præsentium cuiquam nolumus suffragari In-

vocato ad id si opus fuerit auxilio Brachii secularis: contradictores per Censuram Ecclesiasticam appellatione postposita compescendo. Cæterum ad prosequendum viriliter causam Dei ad sui laudem nominis, & exaltationem Catholicæ Fidei sic te gerere studeas in præmissis, quod in futuro dignam tibi præpares pro labore mercedem, & nostram, & Apostolicæ Sedis benedictionem & gratiam uberius merearis.

Datum Avinioni Kal. Aprilis, Pontificatus nostri anno VI.

Dat. die 1. Aprilis 1311. P. An. VI.

## X I V.

Damnatio Militum Templariorum, cum bonorum totius Ord. applicatione Ordini Militum Hierosolymitanorum.

*Hanc promulgavit sententiam iste Pontifex (ut hic patet) in Concilio Viennensi, quod hac & aliis de causis fuerat indictum.*

Clemens Episcopus Servus Servorum Dei. Ad perpetuam rei memoriam.

**A**D providam Christi Vicarii præsentis in specula Apostolicæ dignitatis circumspectionem pertinet, vices pensare temporum emergentium, negotiorum causas discutere, ac personarum attendere qualitates: ut ad singula debitum dirigens necessariæ considerationis intuitum, & opportune manum operationis apponens, de agro Domini sic vitiorum tribulos eruat, ut virtutes amplificet; sic prævaricantium spinas tollat, ut evellendo plus plantet quam destruat, & in loca vacua per eradicationem nocentium tribulorum, devota Deo plantamina transferendo potiore præbeat, de provisa & utili eorum locorum unione & translatione, lætitiā, quam vera Justitia, quæ compassionem habet, doloris intulerit detrimentum personarum, & locorum huiusmodi per ruinam, sic enim sufferendo, quod officit, & subrogando, quod proficit, virtutum profectus amplificat, & sublata de medio meliori subrogatione restaurat.

Proemium

§. 1. Dudum siquidem Ordinem Domus militiæ Templi Hierosolymitani, propter Magistrum, & Fratres, ceterasque personas dicti Ordinis in quibuslibet Mundi partibus consistentes, variis, & diversis non tam nefandis, quam infandis (proh dolor) errorum & scelerum obsoenitibus, pravitatibus, maculis, & labe resperfos, quæ propter tristem, & spurcidam eorum memoriam præsentibus subicimus, ejusque Ordinis statum, habitum, atque nomen, non sine cordis amaritudine, & dolore, sacro approbante Concilio, non per modum definitivæ sententiæ, cum eam super hoc secundum inquisitiones, & processus super his habitos, non possemus ferre de jure, sed per viam provisionis seu ordinationis Apostolicæ, irrefragabili, & perpetuo valitura sustulimus

Sententia per viam provisionis contra hunc Ordinem data.

San.



sanctione, ipsum prohibitioni perpetuæ supponentes, districtius inhibendo, nequis dictum Ordinem de cætero intrare, vel ejus habitum suscipere, vel portare, aut pro Templario gerere se præsumeret, quod si quis contrafaceret, excommunicationis incurreret sententiam ipso facto. Universa etiam bona Ordinis prælibati Apostolicæ Sedis ordinationi, & dispositioni, auctoritate Apostolica duximus reservanda. Inhibentes districtius, ne quis cujuscumque conditionis, vel status existeret, se de personis vel bonis huiusmodi aliquatenus intromitteret, vel circa ea in præjudicium Ordinis, seu dispositionis Apostolicæ per Sedem eandem, ut præmittitur, faciendæ, aliquid faceret, innovaret, vel etiam attentaret, decernentes ex tunc irritum, & inane, si secus a quoquam scienter, vel ignoranter contigerit attentari. Ac postmodum ne dicta bona, quæ dudum ad subsidium Terræ Sanctæ, & impugnationem Inimicorum fidei Christianæ a Christi cultoribus data, legata, concessa, & acquisita fuerunt, debita gubernatione carentia, tamquam vacantia deperirent, vel converterentur in usus alios, ad quos fuerant pia devotione fidelium deputata, vel propter tarditatem ordinationis, & dispositionis huiusmodi eorum destructio, vel dilapidatio sequeretur, cum fratribus nostris S. R. E. Cardinalibus, necnon Patriarchis, Archiepiscopis, Episcopis, Prelatis, ac etiam cum nonnullis excellentibus, & illustribus personis, cum reliquorum quoque absentium Prælatorum, & etiam Capitulorum, & Conventuum, Ecclesiarum, & Monasteriorum Procuratoribus in dicto Concilio constitutis, habuimus ardua, morosa, & diversa consilia, & tractatus: ut per huiusmodi consiliorum, & tractatum de liberationem præhabitam diligentem, dictorum bonorum ordinatio, & dispositio, ad honorem Dei, augmentum fidei, exaltationem Ecclesiæ, dictæ Terræ subsidium, salutem, quoque fidelium, & quietem, salubris & utilis perveniret. Post quæ utique longa, præmeditata, provisæ, & matura consilia, suadentibus plurimis iustis causis, nostra, & dictorum fratrum, necnon Patriarcharum, Archiepiscoporum, Episcoporum, & aliorum Prælatorum, ac excellentium, & illustrium, personarum prædictorum in dicto Concilio tunc præsentium deliberationes, & consilia in hoc finaliter resederunt, ut prædicta bona Ordini Hospitalis S. Joannis Hierosolymitani, & ipsi Hospitali, ac dilectis filiis Magistro, & fratribus Hospitalis ejusdem, nomine Hospitalis, & Ordinis eorumdem, qui tamquam athletæ Domini pro defensione fidei, se periculis mortis iugiter exponentes, onerosa nimis, & periculosa dispendia continue perfecerunt in partibus transmarinis, in perpetuum venirentur.

§. 2. Nos igitur inter cætera mundi loca, in quibus vigere dignoscitur observantia regularis, dictum Ordinem Hospitalis, & ipsum Hospitale sinceræ caritatis plenitudine prosequentes, ac attendentes, quod sicut evidentia facti in eo divinis obsequiis ferventer insistitur, pietatis & misericordiæ opera vigilantibus

*Bull. Rom. Tom. III. Pars II.*

bus studiis exercentur, fratres Hospitalis ipsius mundanis spretis illecebris, devotum impendentes Altissimo famulatum, ac pro recuperatione Terræ prædictæ, tamquam intrepidi Christi pugiles, ferventibus studiis, & desiderii intendentes, quælibet ducunt humana pericula in contemptum. Considerantes quoque, quod ex hoc tanto eorumdem Magistri, & fratrum dictorum Ordinis, & Hospitalis crescet strenuitas, animorum fervor augebitur, & ipsorum roborabitur fortitudo, ad propulsandas nostri Redemptoris injurias, & hostes ejusdem fidei conterendos, quanto ipsorum potentia in opulentioribus facultatibus augmentata, onera, quæ prosecutionis tanti negotii necessitas exigit, levius, & facilius poterunt supportare. Et propterea non indigne vigiles redditus, studiisque sollicitis excitati, ut ad sui status augmentum, opem, & operam impendamus, eodem sacro approbante Concilio ipsam domum militiæ Templi ceteraque domos, Ecclesias, Cappellas, Oratoria, Civitates, Castra, Villas, Terras, Grangias, & loca, possessiones, jurisdictiones, redditus atque jura, omniaque alia bona immobilia & mobilia, vel sese moventia, cum omnibus membris, juribus, & pertinentiis suis, ultra, & citra mare, ac in universis, & quibuslibet Mundi partibus consistentia, quæ ipse Ordo, & dicti Magister, & fratres ipsius Ordinis militiæ Templi tempore, quo ipse Magister, & nonnulli ex eisdem fratribus militiæ Templi in Regno Franciæ communiter capti fuerunt, videlicet anno Domini millesimo trecentesimo octavo, mense Octobris, per se, vel quoscumque alios, habebant, tenebant, possidebant, vel ad eosdem domum, & Ordinem, militiæ Templi, & dictos Magistrum, & fratres ipsius Ordinis militiæ Templi, quomodolibet pertinebant, necnon nomina, actiones, & jura, quæ dicto tempore captionis ipsorum eisdem domui, Ordini, vel personis ipsius Ordinis militiæ Templi, quocumque modo competeant, vel competere poterant, contra quoscumque cujuscumque dignitatis, status, vel conditionis existerent, cum omnibus privilegiis, indulgentiis, immunitatibus, & libertatibus, quibus præfati Magister & fratres dictorum Domus, & Ordinis militiæ Templi, & ipsa Domus, & ordo per Sedem Apostolicam, vel per Catholicos Imperatores, Reges, & Principes, & fideles alios, vel quocumque alio modo erant legitime communiti, eidem Ordini Hospitalis S. Joannis Hierosolymitani, & ipsi Hospitali donamus, concedimus, unimus, incorporamus, applicamus, & annectimus in perpetuum, de Apostolicæ plenitudine potestatis.

§. 3. Exceptis bonis, quondam dicti Ordinis ipsius militiæ Templi consistentibus in Regnis, & Terris carissimorum in Christo filiorum nostrorum Castellæ, Aragoniæ, Portugalliæ, & Majoricarum Regum Illustrum, & extra Regnum Franciæ, quæ a donatione, concessione, unione, applicatione, incorporatione, & annexione prædictis specialiter excipienda duximus, & etiam excludenda, ea nihilominus dispositioni, & ordinationi Sedis

Excipiuntur bona hic enunciata, quæ dispositioni Sedis Ap. Reservantur.



Apostolicæ reservantes, inhibitionem dudum per alios processus nostros factam, ne quis videlicet cujuscumque conditionis, vel status existeret, se de personis, & bonis huiusmodi aliquatenus intromitteret, vel circa ea in præjudicium ordinationis, seu dispositionis Sedis ejusdem faciendæ de illis, nec non decreti nostri interpositionem, quoad personas, & bona in dictis Regnis, & Terris eorundem Regum proxime expressorum consistentia, omnino manere volentes in pleno robore firmitatis, quousque de personis, & rebus prædictis in eisdem Regnis, & Terris consistentibus per dispositionem Sedis ejusdem fuerit aliter ordinatum.

Occupatōri-  
bus dictorum  
bonorum in-  
flictum ana-  
thema.

§. 4. Occupatores quoque dictorum bonorum, aut illicitos detentores, cujuscumque status, conditionis, excellentiæ, vel dignitatis extiterint, etiamsi Pontificali, Imperiali, vel Regali præfulgeant dignitate, nisi infra unius mensis spatium, postquam super hoc per dictos Magistrum, & fratres ipsius Hospitalis, vel ipsorum quemlibet, aut Procuratorem, seu Procuratores eorum fuerint requisiti, dicta bona dimiserint, illaque plene, ac libere restituerint Ordini ipsius Hospitalis, & eidem Hospitali, aut Magistro, seu Prioribus, vel Præceptoribus, aut fratribus Hospitalis ejusdem, in quibuscumque partibus & Provinciis constitutis, eorumque singulis, vel procuratori, seu procuratoribus eorundem ejusdem Ordinis ipsius Hospitalis nomine, etiamsi dicti Priores, Præceptores, & fratres ipsius Hospitalis, & Procuratores ipsorum, & eorum quilibet a dicto Magistro ipsius Hospitalis mandatum super hoc specialiter non haberent, dummodo Procuratores prædicti, a dictis Prioribus, & Præceptoribus, vel eorum singulis, in Provinciis, & partibus, in quibus huiusmodi Priores, & Præceptores extiterint deputati, mandatum super hoc habuerint, vel ostenderint speciale. Qui omnes, & singuli, videlicet Priores, & Præceptores, & fratres dicto Magistro, procuratores vero prædicti eisdem Prioribus, & Præceptoribus, eorumque singulis, a quibus super his fuerint deputati, plenum super omnibus gestis, actis receptis, & procuratis per eos quomodolibet in hac parte, computum & rationem ponere, & reddere teneantur, necnon omnes, qui scienter occupatoribus & detentoribus prælibatis in occupatione, vel detentione huiusmodi dederint consilium, auxilium, vel favorem, publice vel occulte, excommunicationis; Capitula vero, Collegia, seu Conventus Ecclesiarum, & Monasteriorum, necnon Universitates Civitatum, Castrorum, Villarum, & aliorum locorum, & ipsas Civitates, Castra, Villas, & loca, quæ in his culpabilia extiterint, ac etiam Civitates, Castra, & loca in quibus detentores, & occupatores huiusmodi dominium obtinuerint temporale, si huiusmodi Domini temporales in dimittendo bona prædicta, & restituendo illa Magistro, & fratribus, Ordinis, & Hospitalis ejusdem, nomine Hospitalis ipsius, obstaculum adhibebunt, & infra dictum mensem ab huiusmodi præmissis non desiterint, postquam super hoc ut præmittitur, fuerint requi-

siti, ipso facto interdicti sententiis decernimus subiacere, a quibus absolvi non possint, donec super his plenam, & debitam satisfactionem curaverint exhibere. Et nihilominus occupatores, & detentores huiusmodi, vel præstantes eisdem, ut præmittitur, auxilium, consilium, vel favorem, five singulares personæ five Capitula, Collegia, seu Conventus Ecclesiarum, & Monasteriorum, ac Universitates Civitatum, Castrorum, Terrarum, vel aliorum locorum extiterint, præter poenas præscriptas, omnibus, quæ a Romana, vel aliis Ecclesiis quibuscumque tenent in feudum, ipso facto decernimus fore privatos, five privata. Ita quod ad Ecclesias, ad quas spectant, illa libere sine contradictione aliqua revertantur, earumque Ecclesiarum Prælati, five Rectores de ipsis pro sua voluntate disponant, sicut utilitati Ecclesiarum ipsarum viderint expedire.

§. 5. Nulli ergo &c nostrorum donationis, concessionis, unionis, incorporationis, applicationis, annexionis, reservationis, inhibitionis, voluntatis, & constitutionis infringere, &c.

Dat. Viennæ, 6. Nonas Maii, Pont. Nostri Anno 7.

Dat. die 2.  
Maii 1312. P.  
An. VII.

## XV.

Canonizatio S. Petri de Murrone Summi Pontificis Romani, Coelestini Quinti nuncupati, ejusque relatio in Cathalogum SS. Confessorum, cum festivitatis institutione, pro die 19. mensis Maii.

Clemens Episcopus, Servus Servorum Dei. Venerabilibus Fratribus universis Archiepiscopis, ac dilectis Filiis Abbatibus, Prioribus, Decanis, Archidiaconis, aliisque Ecclesiarum Prælati, ad quos literæ istæ pervenerint, salutem & Apostolicam benedictionem.

**Q**UI facit magna, & inscrutabilia, & mirabilia absque numero Dei Filius, increata Sapientia, Verbum Patris: qui olim a principio una cum Patre & sancto Spiritu ex se ex nihilo mundum efficiens dispositione suavi convertit, produxit omnia secundum gradus suis naturis congruos; coelum replevit Angelis, hominem ad imaginem suam factum perfundendo gratia, sydereis mansionibus dignum fecit,

Exordium.

§. 1. Novissime diebus istis, antiqua innovando signa, immutando mirabilia, stupendum, mirandumq. opus ipse fecit Altissimus, gloriam majestatis divinæ clamans altissime: perfundens sponfam suam Ecclesiam novo genere gaudiorum. Ecce namque novi Confessoris insignia Mundo prodeunt: præclara merita Mundi defluentis viatoribus patefiunt, sanctitatis ejus magnitudinem grandia miracula proloquuntur, quæ ipsum probant indubiè in deliciis paradisi juxta secreta Dei cubacula plenam habere requiem post laborem. Et recte quidem. Nam qui in terris non cessavit magnifice de virtute progredi in virtutem, dignum esse cognoscitur, qui in cœlis

B. Petri merita, & virtutes.



lis terras rerum spirituum agmina exultant in gaudio : dum vir sanctus solari fulgore coruscus ipsis inferitur , & de ipso portante gloriam , sacratu horum numerus , quem cadentium ruina minuerat , integratur . Applaudunt & cœli , cum ei gradienti in virtute sursum patulum præbent iter , ipsi regnanti Deus in ipsis ætheream sedem parat . Plaudat ergo & jubilet canora voce sponsa Christi mater Ecclesia , dum quem genuit unda baptismatis , & aluit ubere piæ matris , quem & patrem in Mundo habuit & pastorem , lætabunda gloriosum mittit ad superos , cum de se horto irrigato divinitus , ipsum ut liliū candoris nivei , vernantem rosam odoris eximii , festive divinis conspectibus representat .

Eiusdem Patriæ , & Parentes .

§. 2. O quam foelix es Provincia Terræ laboris , quæ probaris talem & tantum produxisse palmitem , inhærentem firmissimæ Christi viti , cujus propagines odore miræ sanctitatis diffuso , extenduntur usque ad fines orbis , ejusque ex uvis expressus vini liquor devotorum corda lætificans , ad amorem Dei mundanorum mentes allicit & inflamat . Sane B. Petrus , de prædicta Provincia Terræ laboris traxisse fertur originem , ex honestis parentibus , catholicis , & devotis .

§. 3. Hic edoctus cum Tobia Deum timere ab infantia , & abstinere a vitiis , illecebras Mundi considerans , quæ plerumque humanas mentes dum leniunt , vulnerant , vinciunt , & captivant , positus in ætate adhuc tenera , sed sub corpore fragili viri animum secum habens , antequam sæculare quicquam ejus illaberetur animo , fugam prudenter attendens , cum Baptista Joanne , eremi secreta petiit , ubi remotus a noxiis , solus posset suo vivere Creatori . Quanta autem inibi in locis solitariis , horridis , & aridis , & fere hominibus inaccessis , vestium asperitas , quanta victus parsimonia , quantisque vigiliis & orationibus , quotve aliis afflictionibus maceraverit carnem suam , ne delicate nutrita proterviens faviret in spiritum , non posset lingua faciliter seu breviter explicare . Hoc vir sanctus idcirco consulte & provide faciebat , quod excussa & attrita palea suæ carnis , ejus spiritus innocens , ut purgatum & mundum triticum , reponi dignus esset in horreo coelesti .

Vita aspera in Eremito .

Cilicium aliæque Carnis macerationes .

§. 4. Ut autem ad ædificationem Christi fidelium saltem pauca exprimantur de multis , quæ sint velut informativa quædam exemplaria vitæ nostræ ; ipse , sicut pluribus & fide dignis testimoniis est probatum , vestium splendorem ac levitatem despiciens , in quibus amatores hujus sæculi delectantur , ciliciis de pilis equorum factis , reticulatis pariter & nodosis , vestibus quoque aliis vilibus multum & asperis tegebatur . Ad nudam quoque carnem catenam ferream , & circulum quandoque ferreum deferebat . Lecti etiam molliem declinans ( ne caro petulanter lascivians noxie moliretur in spiritum ) in terra , aut nudis tabulis dormiebat , vel in cancellatis craticulis , vestitus cilicio , & pannis solitis , præcinctus lumbos catena ferrea , aut circulo . Pro pulvinari vero , ligno aut lapide , seu du-

rare alia utebatur , & ( quod importabile est ) sanus vel infirmus lectis aliis non est usus .

§. 5. Studens etiam pro viribus domesticum domare hostem , ne prævalere posset spiritui , nec sanus nec infirmus carnibus vesceretur . Vinum vero non bibebat nisi rarissime , sic tamen dilutum , ut videretur vini speciem non habere .

Carnibus nunquā usus .

§. 6. Semper quoque , nisi diebus dominicis , jejunabat . Sex nihilominus quadragenas singulis annis faciens , mentem non ventrem reficere cupiendo , affligebat in ipsis solito durius carnem suam . O stupenda & aliis insueta rerum materies , cernere hominem in carne degentem mortali , & fragili , sub tam austera & longæ macerationis pondere non cadentem , in tribus namq. quadragenis , in pane & aqua jejunabat continue , & quandoque cum solis foliis caulium absque pane . Interdum autem solis pomis , vel castaneis , seu granis fabarum mollificatis in aqua , aut crudis rapis tantummodo vesceretur . In ceteris vero quadragenis , uno tantum ferculo utebatur , insipido tamen & in modica quantitate . In harum vero quadragenarum aliquibus ( quod naturæ humani corporis est horror ) usus est pro veste solo cilicio . In quibusdam vero , cilicio , & super ipsum lorica cujus pondere caro ejus per subintrantes nodos cilicii , ut testantur ejus focii , aliquotiens disrumpebatur . Et revera hæc in homine isto sancto supra hominem gerebantur . Ad hæc enim ferenda tam gravia virtus humana non videtur posse sufficere , sed divina potius in ipso habitans hoc gerebat .

Ejus jejunia :

Et austeritates in quadragenis .

§. 7. Hic beatus vir jam mortificatis spiritu carnis desideriis & repressis , summe devotus Deo , orando assidue animum ad Deum tenuit firmiter elevatum . Ipse etenim ad matutinas laudes media nocte surgebat , ipsisque dictis , legebat Psalterium cum Litanis & collectis , quam pluribus , ac crebris genuflexionibus & disciplinis duris , carnem suam cum vitiis concupiscentiæ crucifigens : In aurora vero , Missa per ipsum celebrata iterum devote incipiens ibi Psalterium , ubi dimiserat , orare usque ad horam tertiam non cessabat .

Continue preces ad Deum .

§. 8. Ne autem ipsum reperire posset diabolus otiosum , laborabat propriis manibus , scribendo , vel suendo cilicia , seu faciendo aliud opus honestum & utile ab hora tertia usque ad nonam . Post cibum denique sumptum usque ad noctem profundam perseverabat cum Deo , ab oratione fervente spiritum non relaxans .

Labori manuum vacat .

§. 9. Morum etiam honestate venustus , odore suæ sanctitatis vitæ communiter jam disperso , ad suum multos attraxit aspectum , & quamplures oberrantes per vitiorum abrupta reduxit ad Deum suis sanctis exhortationibus & exemplis . Nec mirum , nam ipsum reddebat cunctis communem caritas , obedientia promptum , placidum humilitas , pietas patientibus coactum , decorum puritas , parsimonia mirabilem , honestatis maturitas reverendum , benignitas hilarem , constans quoque virtus animi in adversis & prosperis uniformem .

Suo exemplo alios ad bonam frugem Revocat .

§. 10. Denique vir sanctus cupiens divinum am-



Congregatio-  
nem Mona-  
chorum inti-  
tuit.

ampliare cultum, Congregationem Monasti-  
cam sub B. Benedicti Regula, superadditis ei  
statutis arctissimis, ordinavit, ubi fratrum  
suorum Deo famulantium adaucta multitudine  
numerosa, fundatisque locis non paucis,  
in quibus CHRISTUS JESUS ab ipsis jugiter  
laudaretur, vixit cum eis cunctis florens vir-  
tutibus, ac eximie sanctitatis operibus infor-  
mans & reformans universos.

Summus Pon-  
tifex eligitur:

§. 11. Verum quia non erat expediens,  
quod tantæ sanctitatis odor in solo uno Mundi  
angulo sentiretur, sed potius quod ad edifi-  
cationem cunctorum fidelium, circumquaque  
per mundum promptius spargeretur, dispen-  
satione provida ad summum Pontificatus api-  
cem est provectus. In quo totum idem ipse  
manens, qui fuerat sub præcelsæ dignitatis  
habitu, nec vitam Eremiticam, quantum-  
fas fervare fuit, nec animum derelinquens,  
novit inter epulas esse sibi summe austerus  
& abstinent, inter amplas divitias summe  
pauper.

Ab eodem se  
abdicat.

§. 12. At vero hic vir habens simplicita-  
tis miræ, & in spectantibus ad regimen uni-  
versalis Ecclesiæ inexpertus, utpote qui a te-  
neris annis usque ad senium elongatus a Mun-  
do, cor suum mundanis rebus non accomo-  
daverat sed divinis, reflectens prudenter suæ  
considerationis intimæ oculum ad seipsum,  
honori Papatus cessit & oneri libere & ex  
toto, ne ob prædicta posset ex suo regimine,  
quodcumque periculum universali Ecclesiæ  
provenire, & ut turbativa Marthæ sollicitu-  
dine declinata, vacare posset secus pedes  
JESU contemplationis ocio cum Maria.

§. 13. Post hæc itaque divinæ vacans con-  
templationi, assidue usque ad ejus obitum,  
quo beata illa anima carnis evasit ergastulum,  
coelos petens, sanctissimam vitam duxit.

Multis claret  
miraculis.

§. 14. Et quia multum conveniens erat, quod  
ille, quem Deus in mente perfunderat tot &  
tantis carismatibus gratiarum, clarus Mundo  
colendusque divinæ virtutis testimoniis appare-  
ret, non defuere divina miracula in quolibet  
statu suo, ante Papatum videlicet, in Papatu,  
ac etiam post Papatum, in ejus vita pariter &  
post mortem, voce clamorosa proloquuntia ip-  
sius imitandam cunctis eximiam sanctitatem.  
Ut autem hoc Jesu Christi fidelibus amplius no-  
tum fiat, aliquot miracula ipsius meritis de-  
quampulibus exprimere possemus, quæ ac-  
cidisse veraciter certis testimoniis sunt probata.

Cæce mulieri  
restitutus vi-  
sus.

§. 15. Mulier quædam ex infirmitate gra-  
vi sic cæca omnino effecta, ut juvari non pos-  
set per quæcumque adhibita remedia medi-  
cinæ, portata ad locum Eremiti ubi frater Pe-  
trus tunc temporis morabatur, cum se signa-  
set quadam parva cruce lignea, quam idem  
frater Petrus per servum suum ei transmise-  
rat, & eandem ad oculos applicasset, perfe-  
cte statim visibiliter est curata.

Amens sana-  
tus.

§. 16. Quidam factus ita furiosus & amens,  
ut ne seipsum aut alios offenderet, funibus &  
catenis ferreis ligaretur, adductus ad dicti fra-  
tris præsentiam, cum comedisset, de pane sibi  
per ipsum exhibito, sic est curatus perfecte,  
ut de dicta infirmitate nihil ulterius umquam  
senferit.

§. 17. Puella etiam quædam, quæ fistu-  
lam tam gravem habebat in pede cum aper-  
turis pluribus, ut de perditione pedis a me-  
dicis timeretur, portata ad ipsum, & facto  
per eum super plagam ter signo sanctæ Cru-  
cis, statim sanata est, ita ut post dies paucos  
non apparuerit in dicto pede aliquod infirmi-  
tatis prædictæ vestigium, vel cicatrix.

Puellæ fistu-  
lam.

§. 18. Quædam mulier, quæ sic vehe-  
menter gravabatur infirmitate ethica, ut de  
ejus vita desperaretur a medicis, nec pro ne-  
cessitate quacumque absque plurium adiutorio  
de loco posset se movere, cum quievisset per  
horæ spacium sub quodam panno lineo, quem  
per patrem dictæ infirmæ miserat frater Pe-  
trus, statim sanata surrexit.

Ethicam,

§. 19. Quidam etiam strophulam grossam  
ad quantitatem ovi gallinæ in manu per  
quinque annos habuerat; benedictione facta  
per ipsum Sanctum super infirmitatis locum,  
fuit, post morulam modicam, sanatus totali-  
ter & perfecte.

Homini cui-  
dam strophu-  
lam,

§. 20. Cum etiam summi Pontificatus cul-  
mine præmineret, quædam mulier, quæ vi  
morbi per annos quatuor per totum corpus ex-  
titerat crocea & inflata, quæ etiam operari  
quicquam non poterat, nec absque gravamine  
notabili ambulare, delata ad locum, per quem  
erat frater Petrus tunc Summus Pontifex tran-  
siturus, & benedicta ab ipso, restituta est illi-  
co pristinae sanitati.

Croceam, &  
inflatam mu-  
liercam,

§. 21. Alia quædam mulier sic contracta in  
omnibus membris suis, ut nec ambulare pos-  
set, nec mutari de loco ad locum, nisi ab aliis  
portaretur, posita secus viam, per quam ipse  
frater Petrus tunc transitum faciebat, & data  
super ipsam Crucis benedictione, per ipsum  
fuit perfecte continuo liberata.

Aliam con-  
tractam,

§. 22. Postquam renunciavit Papatui, cui-  
dam, qui ex toto pene visum perdiderat, cum  
se ipsi fratri Petro præsentasset, superducta  
quadam parva Cruce lignea oculis patientis  
restituit integre statim visum.

Pene cæcum,  
sanat.

§. 23. Denique ut in ejus obitu suæ Sanctita-  
tis lucidæ divinum testimonium non deesset,  
de ipsa Cruce, quam summe dilexit, & lu-  
mine, fecit Deus signum mirabile apparere.  
Etenim tempore mortis suæ apparuit Crux  
parva & fulgida in medio ostii camerae in qua  
erat, quæ ad modum vertiginis se volvens,  
continuo permansit divinitus suspensa in aere,  
quoadusque corpus ejus de ipsa camera est tran-  
slatum.

In ejus obitu  
Cruce appa-  
ret.

§. 24. Sed & post obitum viri sancti qui-  
dam sic est percussus paralypti, ut nec am-  
bulare, nec stare, nec loqui posset quoquo-  
modo: ductus ad locum ubi frater Petrus pœ-  
nitentiam facere consuevit, & catena quadam,  
quam portasse ad carnem nudam dicebatur  
dum viveret, apposita patientis collo & capi-  
ti, & ceteris membris ejus, fuit statim peni-  
tus liberatus.

Paralyticus.

§. 25. Quidam qui vires ambulandi ac  
standi, usumque manus perdiderat, ductus  
ad Ecclesiam, ubi dicti Sancti corpus jacet  
reconditum, & pernoctans cum animi devo-  
tione in eadem, sensit se mane totaliter a  
dicta infirmitate liberatum.

Viribus desti-  
tutus sanitati.

§. 26. His



§. 26. His & aliis quam plurimis miraculis gloriosis mirificavit Dominus sanctum suum, & clarum mundo reddidit, ac colendum. Gaudens itaque plaudat mater Ecclesia, & suaves depromat melodias. Nam hic Christi confessor eximia sua proles, inter beatorum agmina stellam possidet matutinam, & super Christi mensam cum Angelis ore pleno melle dulcius abditum manna gustat. Jubilare non quiescat plebs catholica: nam accensus calculus, quem ex ejus medio ille intendens Seraphyn tulit forcipe de altari in ea, quæ sursum est Hierusalem, ignitis lapidibus, in quorum medio Rex cælorum ambulat, est conjunctus. Hunc apud Deum advocatum habet, quem fons effluxus perennis jucunde inebriat, abunde faciat lignum vitæ. Iucundetur insuper religio per ipsum instituta, & in laudes Altissimi organa vocis laxet. Nam hic ejus protector indefessus stola immortalitatis induitur, ac sedens cum principibus, solium gloriæ sempiternæ semper clarum tenet.

§. 27. Verum quia dignum est, ut, quem in cælo sursum Deus glorificat: hic inferius ad suum patrocinium Mundus colat, nos de sanctitate vitæ, ac veritate miraculorum sancti hujus, de quibus inquiri fecimus diligenter, prudentis examinis discussione adhibita, plenam & firmam certitudinem obtinentes requisiti: Insuper Prælatorum omnium tunc apud Sedem Apostolicam existentium supplicatione humili & devota, de fratrum nostrorum consilio & assensu, confisi de omnipotentis Dei virtute, auctoritate quoque Beatorum Petri & Pauli Apostolorum ejus, & nostra, ipsum Sanctorum Confessorum cathologo duximus adscribendum.

§. 28. Ideoque universitatem vestram monemus, & hortamur attente per Apostolica scripta vobis præcipiendo mandantes, quatenus quartodecimo Kal. Iunii festum ejusdem Confessoris devote, ac solemniter celebretis, & faciatis a vestris subditis celebrari, ut ejus pia intercessione, & hic a noxiis protegi, & in futuro sempiterna consequi gaudia valeatis. Amen.

Sanctorum  
factis adscri-  
bitur.

Festus ejus  
dies celebra-  
ndus.

## JOANNES XXI. dict. XXII.

P A P A CXCVI.

AN. DOM. MCCCXVI.



**J**acobus de Ossa, seu de Eusa, patre Arnaldo, Caturcensis, antea Episcopus Forojulensis in Provincia, mox Avenionensis, postmodum S. R. E. Cardinalis Portuenfis, electus est Lugduni in Summum Pontificem die 7. Aug. anno 1316. & ibidem coronatus est die 5. Septembris anni ejusdem, & Joannes XXII. appellatus. Sedit in Pontificatu annos XVIII. Mefs. vere IV. (a) imperantibus in Oriente duobus Andronicis. Obiit Avenione die 4. Septembris 1334. & sepultus est in Ecclesia Cathedrali B. Mariæ de Donis. Vacavit Sedes dies XV. (b)

Schisma Trigesimum secundum.

Die duodecima Maii 1328. Ludovicus Bavarus a Joanne Papa anathematizatus Petro Raynalducii de Vico Corbario, natione Aprutino, Ordi-

(a) A die Coronationis numerandos, a qua die annos suos orsum esse Joannem, diserte ostendit Pagius in ejus vita §. 87.

(b) Exclusis extremis.



Ordinis Minorum, Romana plebe confusis vocibus approbante, Romæ in Area Vaticana purpuram propriis manibus iniecit, eum Antipapam indito Nicolai V. nomine eligens contra Joannem legitimum Pontificem. Ille vero eadem die in Basilica S. Petri a Jacobo Castellano Episcopo, aliisque Schismaticis Episcopis consecratus est, seu potius execratus, & a Ludovico coronatus. Postquam suadente Ludovico Joannem condemnarat, depositumque juxta Ludovici sententiam declaraverat, ejusque imaginem tradiderat flammis, errore cognito, culpam Pisis detestatus a Legatis Joannis Papæ absolvitur die 25. Julii, 1330. biennio post occupatam Sedem. Prolixiorē abjuratiōem Avenione emisit coram Pontifice & Cardinalibus, & Ludovicum detestatus est. Tandem exposita fide sua, & petita venia a Pontifice absolvitur atque honeste habitus data tamen custodia, ne in errorem relaberetur. Obiit Avenione in Palatio, ubi morabatur Joannes PP., mense Septembri anno 1333 & sepultus est in Ecclesia Fratrum Minorum.

## I.

Quod, vacante Romano Imperio, nullus assumat nomen Vicarii ejusdem, cum id tantummodo ad Romanum pertineat Pontificem.

*Ex Regest. Vatic.* Joannes Episcopus, Servus Servorum Dei, Ad futuram rei memoriam.

*Exordium.*

**S**I Fratrum & Coepiscoporum nostrorum, & aliorum quorumlibet jura, illibata servari, & ab omni fore dispendio diminutionis extranea cupimus, & ad id libenter nostræ sollicitudinis studium adhibemus; multo fortius equidem pro nostris, & Romanæ Ecclesiæ, Sponsæ nostræ, juribus & honoribus conservandis, ex injuncto Nobis officii debito, Apostolicæ provisionis partes tenemur impendere: ne temporibus nostris usurpationis injuriam subeant, aut detrimentum cujusvis derogationis incurrant.

§. 1. Sane in nostram & Fratrum nostrorum deductum est, fama divulgante, notitiam, quod, licet de jure sit liquidum, & ab olim fuerit inconcusse servatum, quod,

vacante Imperio, sicut & nunc per obitum quondam Henrici Romanorum Imperatoris vacasse dignoscitur, cum in illo ad sæcularem Judicem nequeat haberi recursus, ad Summum Pontificem, cui in persona Beati Petri terreni simul & cælestis Imperii jura Deus ipse commisit, Imperii prædicta jurisdictio, regimen & dispositio devolvuntur, & ea, tempore durante ipsius vacationis Imperii, per se vel alium seu alios exercuisse, noscitur in Imperio memorato; Nonnulli tamen in Italiæ partibus potestatis & dignitatis fastigium illicite ambientes, in nostrum, & Sanctæ Romanæ Matris Ecclesiæ, quantum in eis est, præjudicium evidens, ac diminutionem honoris & juris, Vicariatus seu alterius cujuscumque nominis officium, quod, ipso Imperatore vivente, ex ipsius commissione gerebant in certis Terris, territoriis, sive locis, post decessum ipsius absque nostra, vel Apostolicæ Sedis petita vel obtenta licentia retinere sibi; & nonnulli etiam, de novo assumere, quod non gesserant, aut gestum antea, posteaque dimissum, resumere temerariis ausibus præsumpserunt, quo, vel quibus adhuc non verentur abuti, ac sub ejus vel eorum colore multa facere & fecisse noscuntur, quæ in nostram & Ecclesiæ prædictæ injuriam aperte redundant; non abhorrentes per id variis involvi criminibus, nec divinæ Majestatis formidantes offensam.

§. 2. Quia igitur error, cui non resistitur, approbari videtur; & latum pandit delinquentibus sinum, qui eorum perversis conatibus non resistit; Nos, volentes nostris & Ecclesiæ sponsæ nostræ juribus & honoribus in hac parte prospicere, & malis ac scandalis, quæ ex retentione, assumptione seu resumptione hujusmodi orta sunt hactenus, & quæ periculose possent in antea suboriri, celeriter obviare; nec non periculis animarum hujusmodi retinentium, assumptium seu resumentium nomina, & eis abutentium, ut præferatur, salubriter occurrere cupientes, Præsentium auctoritate monemus sub excommunicationis poena omnes & singulos cujuscumque status, præeminentiæ, dignitatis, aut conditionis existant, etiam si Patriarchali, vel quavis alia superiori aut Pontificali, vel Regia, seu alia quacumque præfulgeant dignitate, qui post vacationem Imperii absque nostra vel Sedis prædictæ licentia hujusmodi Vicarii seu cujusvis alterius Officii nomen sibi ubilibet retinuerunt, assumpserunt, seu resumpserunt, & retinent; & qui assument vel resument fortassis imposterum, & sub talis denominationis pallio abusi sunt & abutuntur, vel etiam abutentur, potestate vel jurisdiCTIONE, quacumque, seu ejus exercitio publice vel occulte, quatenus de cetero a denominatione hujusmodi, seu nominis assumptione, resumptione; ac retentione prædictis, nec non usu, potestate, & exercitio supradictis prorsus abstineant & omnino desistant.

§. 3. Inhibentes insuper sub pæna prædicta omnibus & singulis Patriarchis, & Prælatibus etiam aliis superioribus & inferioribus, ac Regibus Civitatibus, Communitatibus, Uni-

Obeante Rom. Imperatore Imperii Regimen ad Sedem Ap. devolvitur.

Causæ hujusmodi faciendæ declarationis.

Cuilibet sub excommunicationis sententia interdictur, ne tempore dictæ Vacationis Vicarii nomen, vel officium sibi vindicet.



Quicumque  
personæ in-  
terdicitur hæc  
dignitatem  
sibi vindican-  
tibus obtem-  
perare.

veritatibus, Capitaneis, Potestatibus, Re-  
storibus, Comitibus, Vicecomitibus, Baro-  
nibus, & aliis omnibus, cujuscumque sint di-  
gnitatis, conditionis, aut status, ne prædictos  
hujusmodi nomen seu aliud quodlibet in eo-  
dem Imperio retinentes, ut præfertur, aut  
assumentes vel resumentes, vel eorum ali-  
quem sub denominatione vel titulo hujusmo-  
di nominum, seu Procuratores, Commissa-  
rios, Judices, aut vices eorum gerentes quo-  
cumque colore quæsito recipiant vel admit-  
tant; nec ut Vicariis seu Vicario aut Officia-  
libus Imperii pareant vel intendant, aut pa-  
reri vel intendi faciant vel permittant; nec  
in iis eis, vel ei quomodolibet præstent auxi-  
lium, consilium, vel favorem.

§. 4. Alioquin in omnes & singulos Pa-  
triarchas, Prælatos etiam superiores & infe-  
riores, & ceteros denominatione prædicta,  
ut præmissum est, retinentes assumentes seu  
resumentes, ac illius prætextu exercentes que-  
cumque officia potestates seu jurisdictiones, &  
in recipientes eos, ut Vicarios vel Officiales  
Imperii aut Commissarios eorum ut talium,  
& in parentes seu obedientes eis ut talibus,  
aut præstantes in hoc sibi auxilium, consilium,  
vel favorem, nisi infra duorum mensium spa-  
tium, a die datæ præsentium numerandum,  
penitus resipiverint, vel se licentia Sedis Apo-  
stolicæ super hoc ostenderint communitos,  
excommunicationis in singulares personas; &  
in Terras, & loca ipsorum, & quaslibet Com-  
munitates, Universitates, Civitates, aut vil-  
las Interdicti sententias de Fratrum nostro-  
rum consilio publice promulgamus; contra  
eos nihilominus spiritualiter & temporaliter  
gravius processuri, prout inobedientia eorum  
exegerit, & qualitas facti suaserit, & vide-  
rimus expedire.

§. 5. Et ut quibuslibet parendi talibus  
tollatur occasio, omnes & singulos, qui hu-  
jusmodi Vicariatus nomen retinentibus, assu-  
mentibus, seu resumentibus juramento fide-  
litas tenentur astricti, a juramento hujusmo-  
di, quantum ad hoc, de potestatis plenitudine  
absolventes, auctoritate Apostolica firmiter  
inhibemus eisdem, ne talibus ut Vicariis vel  
Officialibus Imperii aliquatenus pareant vel  
intendant.

§. 6. Et insuper omnes pactiones, obli-  
gationes, confederationes, & colligationes,  
a quibuscumque super hoc quolibet initas ju-  
ramento, vel quacumque firmitate vallatas,  
omnino dissolvimus juribus, vacuumus, irri-  
tamus, & quatenus de facto processerint, re-  
vocamus; ac hujusmodi, ac quælibet alia ju-  
ramenta a quibuslibet super iis præstita, per  
quæ posset in prædictis, nostris & Ecclesiæ  
prædictæ juribus derogari, præsertim cum ju-  
ramentum vinculum iniquitatis esse non de-  
beat, relaxamus.

§. 7. Ceterum, ut hujusmodi noster Pro-  
cessus ad communem omnium notitiam de-  
ducatur, cartas seu membranas, processum  
continentes eundem, in Ecclesia Avenionen-  
si appendi vel affigi Oñis seu superliminari-  
bus faciemus, quæ processum ipsum suo quasi  
sonoro præconio & patulo inditio publicabunt,

*Bull. Rom. Tom. III. Pars II.*

ita quod omnes & singuli, quos processus ipse  
contingit, & contingere potest, nullam po-  
stea possint excusationem prætere, quod ad  
eos talis processus non pervenerit, vel quod  
ignoraverit eundem; cum non sit verisimile,  
remanere quoad ipsos incognitum vel occul-  
tum, quod tam patenter omnibus publica-  
tur.

Datum Avenioni in Domo Episcopali,  
secundo Kalendas Aprilis, Pontificatus nostri  
anno Primo.

Dat. die 30.  
Martii 1317.  
Pont. An. I.

## II.

Canonizatio S. Ludovici, Caroli Regis Sicilia  
filii, & Episcopi Tolosani; ejusque adscri-  
ptio in numerum Sanctorum Confessorum,  
cum festivitatis institutione, pro die 19.  
Augusti quotannis celebrandæ.

Joannes Episcopus, Servus Servorum Dei,  
Venerabilibus Fratribus universis Archie-  
piscopis, & Episcopis, ac dilectis Abbati-  
bus, Prioribus, Decanis, Archidiaconis &  
aliis Ecclesiarum Rectoribus, per univer-  
sum Orbem constitutis, salutem & Apo-  
stolicam benedictionem.

**S**OL oriens Mundo in altissimis Dei  
Deus Dei Filius, ex paterno utero  
ante luciferum genitus Deus, Verbum, qui  
rerum in principio fundans, terram in sapien-  
tia, Coelos prudentia stabilivit, adornando  
coelos syderibus, germinantibus cunctis ter-  
ram, quique in fine temporum, pro humani  
generis salute, nostram assumendo naturam,  
textit nube nostræ carnis fragilis semetipsum,  
nunc hora stante novissima, illuminando per  
cuncta respiciens, opus produxit mirabile, ca-  
ritate gloriæ suæ plenum, bonitatem suam  
monstrans magnifice, Sponsamque suam san-  
ctam Matrem Ecclesiam reddens novitate tam  
claræ sobolis lætabundam. Nam qui facit mi-  
rabilia magna solus, dilectum suum Confesso-  
rem eximium, beatum videlicet Ludovicum,  
puritate candidum, caritate fervida rubicun-  
dum, electum ex millibus, produxit noviter  
ut exemplar præfulgidum cunctis fidelibus imi-  
tandum, ejus vitæ singularis excellentiam,  
signis probans, & prodigiis coruscantibus cre-  
bris miraculis manifestans.

§. 1. Igitur latentur Coeli, & exultet Ter-  
ra, jucundetur pariter totus Orbis: Nam qui  
effulsit in templo, dum viveret, in medio ne-  
bulæ suæ carnis, ut matutina stella, ac Luna  
plena, solari lumine, veluti ut sol, refulgens  
in sua formosus stola, in virtute multa, re-  
pentine ad summa graditur, regalibus dignus  
aspectibus, ut candens lilium, ac odoris sua-  
vissimi rosæ rubens. Huic coeli præstant hospi-  
tium, Coeli cives, ut sibi conformem, & com-  
parem ad suum hunc consortium admittunt in  
supernis; Christus hunc reficit idem ipse pran-  
dium, & conviva.

§. 2. Hic felix Sanctus ex regali prosapia,  
patre videlicet claræ memoriæ Carolo Rege  
Sici-

B. Ludovici  
genus.

T

Sici-

Pœne contra  
inobedientes.

Absolvuntur  
a sacramento  
talibus obtri-  
ti.

Ex rescindun-  
tur pactiones  
omnes super  
hoc initas.

Publicatio  
hujusmodi  
Processus.



Siciliæ, matre vero carissima in Christo filia nostra Maria Siciliæ Regina, ex Hungaria originem suam trahens, altum sui generis recusavit sapere, humilia semper diligens, & amplectens. Sciebat namque quod excelsus Dominus, alta de longinquo prospiciens, humilia, & vicina contemplatur. Quamquam autem singula præclara lucidæ vitæ, verbis paucis enarrari non possent, aliqua tamen de quâ plurimis ad utilitatem legentium referemus, ut ex his Deum Patrem glorificent, & in his reperiant vivendi regulam, quam sequantur.

Ejusdem Primordia, & studia literarum.

§. 3. Sanctus iste, sicut probatum est testimoniis fide dignis, in ætate existens tenera, sub magistri religiosa diligentia cum suis fratribus tenebatur. Ipse tamen ibi maturis intendendo moribus, sub teshello pectore gestare se senilem animum ostendebat. Ductus in Cataloniam, cum duobus e suis fratribus datus obses pro liberatione antedicti Regis, tam ferventer dedicavit se studio, quod infra septennium, quo etiam ibi obses fuit, sub instructione Fratrum Minorum, quos secum habebat in socios, in primitivis scientiis, & sacra pagina sic profecit, quod vir pollens ingenio, de prædictis scientiis non solum publice, ac private subtiliter disputare valeret, sed & solemniter Clero, & populo proponere verbum Dei; ut putaretur scientia hæc infusa sibi magis divinitus, quam humanitus acquisita.

Fervens in Oratione.

§. 4. In orationibus sedulus, & devotus, mentem ad Deum elevatam tenuit, profecto sciens, quod oratio humiliantis se, nubes penetrans, pro exauditionis suffragio Deum adit.

Devotus in Sumptione Sacramentorum.

§. 5. In tempore namque dicto, sacramentali confessione præmissa, Missas audiebat devote, in magnis vero festivitatis cum præparatione multa, corpus fumebat dominicum. Factus autem Sacerdos diebus singulis celebrabat: Audientię verbi Dei insistebat attente.

Attentus in lectione SS. Scripturarum.

§. 6. Pro pastu vero animæ, in scripturis devotus studens, habebat ad hoc pro solatio sanctos libros.

Studiofus Castitatis.

§. 7. Castitatis autem amor, a puero affecterat ejus mentem adeo quod, ob ipsius fidam custodiam, mulierum consortia fugiebat omnino, in tantum quod nisi forsitan cum matre, & sororibus, solus cum sola nullo umquam tempore loquebatur. Mulierem namque amariorem noverat esse morte. Verba etiam inhonesta horrebat audire, ac loquentes talia graviter arguebat; attendens prudenter, quod corrumpunt mala colloquia bonos mores. Fratres nihilominus duo, & interdum quatuor in sua jacebant camera, in suæ testimonio nitidæ puritatis.

Severus in seipsum.

§. 8. Cum Apostolo Paulo sobrietate cibi, & potus, corpus suum castigabat assidue, seq. frequenter manu sua, quandoque autem aliqujus fratris consocii, cum catenis ferreis disciplivas, vestiendo pro camisia rude stamen & deferendo ad nudum pro cingulo cordam grossam, ipsam carnem in servitutem redigebat. Summo etiam studio, terrena cuncta calcare studuit, ex desiderio æternorum.

Ordinem Fratrum Minorum.

§. 9. Considerans etiam Sanctus iste, quod Mundus totus sit positus in maligno, quodque

cum concupiscentia sua transit, ipsum fugiendo deseruit totaliter, & contempsit. Nam, rediens de Catalonia cum Rege prædicto, votum quod de intrando Ordinem Fratrum Minorum in obsidione fecerat, in Conventu eorumdem Fratrum de Monte Pessulano, voluit adimplere. Sed videns quod timore dicti Regis ipsum fratres recipere non audebant, votum ipsum solemniter iteravit. Et quia, voventibus præceptum noverat de reddendo, suadenti foel. rec. Papæ Bonifacio Prædecessori nostro, quod assensum præberet provisioni de se factę, Ecclesię Tolosane, nullatenus consensit, quoadusque votum dictum, quod fecerat, complevisset. Cujus devotioni annuente Prædecessore nostro prædicto, habitum Ordinis prædicti suscipiens, in præsentia bon. mem. Joannis Episcopi Portuens, tunc ejusdem Ordinis generalis Ministri, expressam professionem flexis genibus in manibus suis fecit; sicque provisioni prædictæ suum præbendo assensum, mandatis Apostolicis obedivit. Et quamquam de jussu Prædecessoris ejusdem dictum habitum velatum portaverit usque ad festum B. Agathę tunc vicinum, in dicto tamen festo, in præsentia duorum Cardinalium recepit publice; ac ex tunc portavit continue, atque ipso die ad S. Petrum patenter detulit prædicando.

rum profiteatur, & Ecclesię Tolosane præficatur.

§. 10. Miranda res, & alias insueta, Vir namque virtutum positus in sublimi, juri Primogenituræ renunciavit, & Regno, regalis solii sprete pompa, pro regno corruptibili, æternum, ac plenum deliciis regnum mercans.

Regnum recusat.

§. 11. Mira vero compassione ad pauperes ferebatur, quibus largas tam privatas, quam publicas eleemosynas faciebat jam factus Episcopus Tolosanus, per unum suum familiarem secretarium mandavit inquiri, de suorum quantitate reddituum, quantumque sibi sufficeret pro moderatis expensis faciendis, & rationibus, volens quod totum residuum in sustentandis pauperibus poneretur, quamquam prælatus tam magnus esset, & filius tanti Regis.

Benignus in pauperes.

§. 12. Cum autem iret Parisios, pauperem quemdam nudum reperit, cui multum compatiens, abscondite cappam contulit, quam portabat, sibi que fecit aliam secrete asportari.

§. 13. In hoc etiam Christi imitatione nihilominus humilitas vera fulsit. Attendit namque quod Deus, qui moerentes sospitate erigit, ponit humiles in sublimi. Ipse enim vigintiquinque pauperes in domo sua reficiebat quotidie, aquam in manibus fundebat; manumque sua ipsis fercula apponebat, ac panes scindebat, eisdem etiam genuflexo in ipsis Christo servire, & ipsum recipere se delectans.

§. 14. Hospitalia pauperum aliquoties visitabat.

§. 15. Sciens denique, quod qui vestiuntur mollibus, in hoc a Domino non laudantur, post Diaconatus sumptum ordinem, semper veste humili usus fuit. Post ingressum vero prædicti Ordinis, vili habitu, ac bruno colore in tapetiis, cortinis, & lecti coopertoriis utebatur.

Humili veste contentus.

§. 16. Pon-



Attentur in  
Episcopatu.

Zelo Rel.  
nis fervidus

Pie moritur.

Miracula per  
eum Deus  
operatur.

# Joannes XXI. dictus XXII.

§. 16. Pontificatus etiam officium exercebat cum diligentia servus hic Christi fidelis & prudens, Missas dicendo assidue, devotissime ordines celebrando: clericos, quibus de beneficiis providere volebat, examinando de virtutibus, & vitiis, & articulis fidei, vita, & moribus diligenter.

§. 17. Judæos, & gentiles zelo fervens Dei inducebat sedulo ad baptismum, ac quosdam eorumdem sacro de fonte levavit.

§. 18. Demum gloriosus iste Sanctus, cursu vitæ consummato, foeliciter ad Deum fontem vivum, quem avide sitierat, migraturus, infirmitate decumbens ultima, devotissime sumpsit Corpus Dominicum quamvis debilis de lecto exiliens in occursum Domini Salvatoris. Cruce autem sibi data per quemdam ex sociis, deosculabatur illam, genuflexus in lecto, ut potuit, ac in oratione devota, & silentio postmodum diu mansit. In Cruce namque Domini nostri Jesu Christi, & non in alio, didicerat gloriari. Tandem gloriosam resolutus in mortem, qui hic vivus ambulavit in innocentia, in medio domus suæ ad Deum suum contemplandum in gaudio, facie revelata, in sua innocentia est ingressus. Verum, quia decebat multum divine magnitudinem bonitatis, quod illum, quem in terris ipsum præclaris adornando virtutibus, sui imagini fecerat tam conformem, secum ostenderet regnare in cælis virtutis suæ testimoniis; quædam per eum miracula operari dignatus est, quæ ad Sancti hujus declarandam gloriam, præsentibus duimus adnotanda.

§. 19. Quædam namque duorum annorum puella, quæ vi febris quam passa fuit duobus mensibus, expiravit; facto voto per patrem sancto isti, quod ipsi imaginem decera offerret, si vitam a Deo filia suæ impetraret, resuscitata, ubera matris suxit.

§. 20. Quidam etiam quinque annorum puer vehementia febris continuæ vita functus, facto voto per patrem, est vitæ pristina restitutus, nec dictæ febris in eo apparuit ullum signum.

§. 21. Quædam puella annorum septem, quæ per septimanas tres febrem passa continuam expiravit, facto ad dictum Sanctum voto per suos, spiritum recuperavit, & revixit.

§. 22. Quædam denique mulier, quæ duas conceperat filias, una illarum in ventre mortua ex casu dictæ matris de asino, & in ejus ventre ex mora diutina putrefacta, coepit puerperio laborare. Cumque dictus partus jam putridus per frustra fuisset extractus, & alia filia mortua jam educta esset ostetricum ministerio violenter, & projecta in stabulo super finum, emissio ad ipsum Sanctum voto, quod si partus ille resurgeret, unam sibi ceræ imaginem præsentaret, puella palpitare coepit, & baptizata septem mensibus supervixit.

§. 23. Quidam etiam puer ætatis annorum septem, dum sub lecto, in quo cum suis jacebat parentibus, repertus mortuus, rigidus & frigidus aliquo tempore permansisset, facto

per parentes ad hunc Sanctum voto, fuit divinitus suscitatus.

§. 24. Mulieri viduæ, quæ propter vehementem infirmitatem diem extremum clauserat, emissio per suos ad Sanctum istum voto, ejus meritis reddita fuit vitæ.

§. 25. Quædam puella nobilis, quæ ex casu ad terram de nutricis brachiis per octo menses passa fuerat surditatem, facto voto ad prædictum Sanctum per patrem, a dicta surditate ad plenum extitit liberata.

§. 26. Quidam cum post febrem continuam perdidisset loquelam, & sic mutus per mensem integrum permansisset, adductus ad sepulchrum Sancti hujus, fuit ibidem loquelæ finita Missa restitutus.

§. 27. Mulier quædam, quæ subito muta, & impotens de uno brachio facta fuit, ac infirmitate sibi per mensem durante, emissio voto per matrem, statim ad sanitatem pristinam est reducta. Quædam etiam mulier, dum ex partu quodam violento, de puero mortuo, & in ejus utero transversato, contracta in manibus, & pedibus & fæmoribus, biennio permansisset, facto voto ad Sanctum præfatum, quod si curaretur, scoparet in tota vita Ecclesiam in qua jacet, dormire cepit, & expergefata, à morbo prædicto penitus est curata. Vir quidam passus annis sex guttam in manu, & brachio, ventre, ac humero, facto voto quod ejus limina visitaret, statim fuit sanitatis beneficium consequutus. Quidam denique presbyter passus guttam in latere, quæ ipsum afflixit graviter diebus septem, facto voto ad memoratum Sanctum, diligentius ejus tumulum visitando, recepit continuo sanitatem. Quædam mulier, quæ per octo annos, morbo epileptico quasi quotidie gravabatur, emissio voto, quod sepulchrum ejus, si curam reciperet, annis singulis visitaret, curam recepit, sicque ex tunc de morbo ipso penitus nihil sensit. Monialis quædam, quæ post febrem longam, quam passa fuerat, dolorem incurrebat in omnibus membris ejus, in tantum quod in duodecim diebus, nisi alieno adiutorio, de lecto non poterat se movere, portato sibi pedali panno, qui quondam Sancti hujus dicebatur fuisse, ac sibi applicato ad carnem, sana & incolumis est effecta. Cum homo quidam, qui miraculis istius Sancti detrahare nitebatur, reversionem faciei, & oculorum turpiter incurrisset, sicque manens per dies sex, huic Sancto cum devotione qua poterat, se devovisset, ad sepulchrum ejus veniens, & offerens caput cereum, antequam exiret Ecclesiam, perfecte reperit se curatum.

§. 28. Hæc sunt mirabilia opera solius Altissimi, quibus, & aliis quampluribus mirificare voluit Sanctum istum, ac toti mundo reddere venerandum. Laudetur igitur magnifice Deus noster, cujus dextera huic Episcopo confert stelliferum regni diadema. Applaudant & isti pariter cæli cives, quorum coetibus Sanctus hic sole splendidior est insertus. Canant quoque altissime, Francia, Sicilia, ac Hungariæ regna felicia, de quorum horto candoris nivei flos erupit, quorum vitis ger-

Gaudendum  
itaque in Ec-  
clesia.



Validatio  
presentis Con-  
stitutionis.

eam plene & integraliter volentes perpetuo remanere.

§.3. Hæc igitur, per dictæ Sedis prudentiam circumspectam sic facta salubriter, & utiliter ordinata, perpetuis esse valitura temporibus, & robur incommutabilis firmitatis obtinere volentes, auctoritate prædicta districtius inhibemus, ne aliquis cuiuscumque præminentia, ordinis, conditionis, aut status etiam si Archiepiscopali vel Episcopali, seu Regia præfulgeat dignitate, huiusmodi ordinationem Apostolicam & alia supradicta, quovis quæsito colore vel modo, siue causa vel occasione qualibet adinventis, turbare seu quomodolibet impedire præsumat.

Pœnæ contra  
eam quomo-  
dolibet infra-  
gentes.

§.4. Nos enim irritum decernimus & inane, si secus super his a quoquam quavis auctoritate contigerit attentari; & nihilominus in eos, qui ex certa scientia contrarium præsumperint, nisi infra octo dierum spatium, post publicationem præsentium resipuerint cum effectu, excommunicationis in personas & interdicti in Universitates ac suspensionis sententias in Conventus Capitula, seu Collegia promulgamus, de consilio & auctoritate prædictis, a quibus non nisi per Romanum Pontificem absolutionis beneficium, præterquam in mortis articulo, valeant obtinere. Nulli ergo omnino hominum liceat hanc paginam nostrarum divisionis, erectionis, insignitionis, absolutionis, liberationis, translationis, voluntatum, inhibitionis, constitutionis, & promulgationis infringere &c.

Dat. die 6. Ju-  
lii 1317. An. I.

Datum Avenioni septimo Idus Julii, Pontificatus nostri anno Primo.

### V.

Ibidem;

Erectio Ecclesiæ de Sancto Floro cum dismembratione illius ab Episcopatu Claromonten.

Joannes Episcopus, Servus Servorum Dei, ad perpetuam rei memoriam.

Causæ novæ  
faciendæ ere-  
ctionis.

**S**alvator noster &c. ut in superiori usque ad verba quanta fecundavit Altissimus Civitatem, & Dioecesim Claromonten. singulorum vultus nequibat, & condecet, unius Pastor inspicere, aut alias partes boni Pastoris implere; Quodque durum erat atque difficile, in eadem Dioecesi, quæ lata nimium & diffusa existit, ad unum tantum a tot personis Ecclesiasticis & Mundanis recursum haberi; Nos cultum augeri divinum, & spiritualem animarum profectum, quem ex subscriptis indubie provenire speramus promoveri salubriter intendentes, præmissis, & aliis suadentibus iustis causis, cum Venerabili Fratrem nostro Alberto Claromonten. Episcopo habito super hoc diligenti tractatu &c. usque ad verba Fideliumque salutem Episcopatum Claromonten, &c. usque ad verba quod præter Civitatem Claromonten. &c. usque ad verba certis finibus limitandam villam de Sancto Floro dictæ olim Dioecesis &c. usque ad verba

separatam habeat Dioecesim, & Dioecesi remansura Claromonten. Civitati certis limitibus distinguendum; Quodque Prioratus Conventualis quondam Sancti Flori Cluniacen. Ordinis Civitatis ejusdem, ubi corpus ipsius Sancti Flori Confessoris dictæ Ecclesiæ reconditum, sit de cetero & habeatur perpetuo Ecclesia Cathedralis, ipsa & Civitate prædicta cum suis Capitulo ac Dioecesi ab omni jurisdictione potestate ac superioritate Claromonten. Episcopi & Capituli ejusdem ac Claromonten. Ecclesiæ, nec non Ordinis Abbatibus Conventus & Monasterii Cluniacen., remanentibus omnino liberis & exemptis.

§.1. Nos enim, licet idem quondam Prioratus cum membris suis tam in spiritualibus, quam in temporalibus ex prædicto dependere hætenus Monasterio nosceretur, ipsumque Monasterium vel Abbas ejusdem jura quædam temporalia, & superioritatem etiam temporalem, in Civitate prædicta & ejus Incolis obtineret, de consilio auctoritate & potestate prædictis Ecclesiam & Civitatem eadem ad censum aliquem, nullamve prestationem aut servitium, vel subventionem quamcumque memoratis Ordini, Abbati, Conventui, & Monasterio communiter, vel divisim volumus & decernimus in antea non teneri; Quinimo ipsam Ecclesiam & Civitatem cum membris suis juribus pertinentiis, & districtu ab omnibus prædictis absolvimus, & totaliter liberamus, jura omnia superioritatis & alia, quibus in Civitate prædicta, & Incolis, pertinentiis, ac districtus ejusdem, præfatum Monasterium, aut Abbas illius mediate vel immediate, seu alias quomodocumque habebat, quæcumque, & qualiacumque illa sint, & quocumque nomine censeantur, in dictam Sancti Flori Ecclesiam, & ejus Episcopum, qui erit pro tempore, transferentes, illaque penes eos volentes plene & integraliter perpetuo remanere.

§.2. Verum, quia eadem Ecclesia, facultates non habet correspondentes honori, & statui, ad quos noviter est provecta, auctoritate prædicta decernimus, ipsam sic honorandam esse in facultatibus, & augendam, quod Mensæ Episcopalis ejusdem quinque millia librarum parvorum Turonen. annui & perpetui redditus habeat, tam de Bonis & rebus Mensæ Episcopalis Claromonten., eidem Ecclesiæ Sancti Flori magis accomodis & propinquis, quam etiam de bonis & rebus ejusdem Sancti Flori Ecclesiæ, quæ jam dictæ Episcopali mensæ ipsius convenientius remanere poterunt, juxta communem extimationem bonorum & rerum huiusmodi redditualium situanda. Hæc igitur &c. usque ad verba ordinationem Apostolicam seu aliquem vel aliquod de contentis in ea quovis quæsito &c. usque ad verba valeant obtinere. Nulli ergo omnino hominum liceat hanc paginam nostrarum divisionis, voluntatum, constitutionum, erectionis, insignitionis, absolutionis, liberationis, translationis, inhibitionis, & promulgationis infringere &c.

Datum Avenioni septimo Idus Julii, Pontificatus nostri anno Primo.

Dat. die, Au-  
moque eodem.

Di-

Prioratus de  
S. Floro in  
Cathedralem  
erectus ab  
omni depen-  
dentia solvi-  
tur.

Redditus no-  
væ Ecclesiæ af-  
signati.



## V I.

Ibid.

Divisio Episcopatus Tolosan. in quatuor alias Ecclesias suffraganeas, scilicet Montisalbani. Sancti Papuli, Lumbriacen. & Riven. ejusque erectio in Metropolitanam Ecclesiam.

Joannes Episcopus, Servus Servorum Dei,  
Ad perpetuam rei memoriam.

**S**alvator noster &c.

Causa Divi-  
dendi Tolo-  
sanum Episco-  
patum.

§. 1. Sane considerantes attentius, & intra pectoris claustra meditatione sollicita revolventes, quod in tanta multitudo Populi, quanta fecundavit Altissimus Civitatem & Dioecesim Tholosanam, singulorum vultus nequibat, ut condecet, unicus Pastor inspicere, aut alias partes boni Pastoris implere; quodque durum erat atque difficile, in tam lata & diffusa Diocesi ad unum tantum a tot Personis Ecclesiasticis & mundanis recursum haberi; Attendentes etiam, quod, licet Tholosanus Episcopatus divitiis abundaret immensis, vix tamen supererat huc usque memoria, quod ex suorum opulentia copiosa reddituum aliquod in Ecclesia vel Diocesi Tholosana provenisset divini cultus augmentum, immo sic ex adipe prodierit & prodibat iniquitas, ut multo jam tempore luxus, cura carnis in desideriis, evectionum pompa, numerositas clientelæ, immoderata distributio in parentes, sumptus enormes, ac usus extraordinarios sibi vendicassent ibidem quasi totum patrimonium Crucifixi; & verendum erat, ne Præsul unicus Tholosanus incrassatus & dilatatus ex excessivis hujusmodi opibus, & superbis periculose recalcitrans, Deum factorem suum dereliqueret, & a suo salutari recedens, perditionis exempla in subditos derivaret.

Clemens IV.  
hanc divisio-  
nem medita-  
batur.

§. 2. Pensantes quoque, quod Sanctæ memoriæ Clemens Papa quartus Prædecessor noster eo etiam tempore, quo Civitas & Dioecesis antefatæ longe minus in populo, ac redditibus affluebant, cum ex tunc, benedicente Domino, incredibiliter creverint in utroque, & jugiter crescere dignoscantur, spiritu beatæ considerationis inductus, ad divisionem Episcopatus ejusdem firmiter, dum viveret, intendebat, licet morte præventus suum in hac parte nequiverit implere conceptum.

§. 3. Nos pium Prædecessoris prædicti propositum in effectum volentes adducere, & non tam dissipare malum, quod prædictorum reddituum copia excessiva produxit, quam etiam cultum augere divinum, & spirituales animarum profectum, quæ si juxta facultatum exigentiam, ac diffusam latitudinem dictæ Dioecesis sufficiens numerus in eadem utilium Præsulum deputetur, indubie provenire speramus, promovere salubriter intendentes; præmissis, & aliis suadentibus justis causis, ex certa nostra scientia, de Fratrum nostrorum concordii consilio, & Apostolicæ plenitudine potestatis, ad laudem Dei, exaltationem Ecclesiæ Fideliumque salutem, Episcopatum ipsum, dictamque Dioecesim Tholosanam Apo-

Divisio de  
qua in Rubrica.

stolica Auctoritate dividimus in quinque Dioeceses, quas per certos distinguimus limites faciemus.

§. 4. Volentes ac decernentes de Fratrum nostrorum consilio, & prædictæ plenitudine potestatis, quod præter Civitatem Tholosanam, quæ suam propriam & distinctam habebit Dioecesim certis finibus limitandam, subscriptæ quatuor Villæ, quarum quamlibet eodem consilio & auctoritate in Civitatem erigimus, & Civitatis vocabulo insignimus, scilicet de Montealbano pridem de Caturcen. cui adjicietur certa pars dictæ quondam Dioecesis Tholosanæ, ac Sancti Papuli, & Lumberiati, & de Rivi de Bolbestria, de ipsa quondam Tholosana Diocesi existentes, quatuor separatas Dioeceses habeant certis limitibus distinguendas; Quodque beati Martini de Montealbano, ubi Corpus Sancti Theodardi Confessoris dicitur esse reconditum, prædictæ Civitatis Montisalbani, & Beati Papuli dictæ Civitatis Sancti Papuli, ac Beatæ Mariæ de Lumberiaco Civitatis prædictæ Lumberiaci, nec non Beatæ Mariæ de Rivi Ecclesiæ ipsius Civitatis Riven. sint de cætero, & habeantur perpetuo Ecclesiæ Cathedralles.

Erectio quatuor Episcopatum.

§. 5. Et quia Ecclesia Tholosana, sicut solemniori statu & conditione potiori præfulget, sic & est grandioris honoris titulis efferenda, ipsam huc usque suffraganeam Ecclesiæ Narbonensis, ac totam quondam Dioecesim Tholosanam, de Fratrum ipsorum consilio, & ex certa nostra scientia, & Apostolicæ plenitudine potestatis, ab omni jurisdictione potestate ac subjectione Archiepiscopi Capituli & ejusdem Ecclesiæ Narbonen. penitus eximentes, eam ad laudem Divini Nominis, & honorem Ecclesiæ suæ in Archiepiscopalem, seu Metropolitanam erigimus, eamque honoribus & insigniis Sedis Metropolitanæ decoramus, auctoritate Apostolica decernendo, ut ex nunc pro Metropolitana Ecclesia in perpetuum habeatur.

Tolosana Ecclesia in Metropolitanam erectio.

§. 6. Quia etiam dignum est, ut ex quo de Filia facta Mater Metropolitana dignitatis suscepit insignia, suffraganearum congruum numerum Filiarum, ac decentem Provinciam habeat, ut ad judicium Archiepiscopi Tholosan., qui pro tempore fuerit, omnes causæ Suffraganeorum Episcoporum, & personarum Ecclesiasticarum, ac Civitatum ejusdem Provinciæ juxta Sacrorum statuta Canonum, referantur; Nos præfatas quatuor Civitates & Ecclesias Cathedralles cum earum Diocesi, ut præmittitur, distinguendis, nec non Civitatem & Ecclesiam Appamiarum cum sua Diocesi ex nunc ipsius Ecclesiæ Tholosanæ suffraganeas, & de Provincia Tholosana in perpetuum fore decernimus, & jure Metropolitico subicimus, & subiectas esse volumus eas illi prænominatas Montis Albani, quæ de Diocesi Caturcen. & Bituricen. Provincia ac Appamien. Civitates & Ecclesias, quæ de Provincia Narbonen. hætenus fuisse noscuntur, nec non reliquas tres Civitates Ecclesias Sancti Papuli Riven. & Lumbriacen., quæ ab olim de Diocesi Tholosan. fuerunt cum ea-

Dictæ quatuor eidem subiciuntur.



earum Dioecesibus Canonicatibus Collegiis si-  
ve Capitulis a jurisdictione potestate ac subje-  
ctione quacunq[ue] Bituricen. & Narbonen.  
Archiepiscoporum ac Caturcen. & quondam  
Tholosan. Episcoporum Capitulorum etiam  
Abbatum atque Conventuum & Ordinatio-  
rum quorumlibet, & aliarum Ecclesiarum, qui-  
bus quomodolibet fuerunt huc usque subiectæ,  
auctoritate presentium perpetuo eximentes,  
de predictorum consilio, & plenitudine pote-  
statis.

Unicuique sui  
assignantur  
redditus.

§. 7. De bonis autem, redditibus, pro-  
ventibus, & juribus dicti quondam Episcopa-  
tus Tholosan. ipsi Tholosan. decemmillia, &  
singulis aliis predictis Ecclesiis Appamiarum,  
excepta, cui de ipsis bonis redditibus proven-  
tibus & juribus ultra illa, quæ habere digno-  
scitur, certam assignabimus portionem, no-  
stris aliis Litteris distinguendam, singulis quin-  
que millia Librarum Turon. annui & perpetui  
redditus. quæ quidem unicuique illarum suis  
que Pontificalibus dignitate ac onere & cir-  
cumstantiis aliis attente pensatis debere suffi-  
cere vidimus, præter redditus & proventus  
& jura, quæ ad predictas Ecclesias & Con-  
ventus earum antea pertinebant, de quibus  
ad honorem Dei, & ipsarum Ecclesiarum  
commodum intendimus ordinare ex nunc, au-  
thoritate predicta, & de consilio ac plenu-  
tine memoratis, concedimus, donamus, &  
etiam deputamus percipienda integraliter per  
ipsarum Ecclesiarum Præsules, qui pro tem-  
pore fuerint, in rebus & locis cuilibet magis  
adjacentibus & vicinis juxta distinctionem &  
limitationem Diocesium singularum, per alias  
nostras literas faciendam.

Beneficiorum  
collatio Sedi  
Apost. certo  
tempore re-  
servatur.

§. 8. Interim autem, distinctione seu li-  
mitatione predicta pendente, volumus, quod  
eorum quilibet summam eum contingentem  
pro rata percipiat annuatim de bonis reddi-  
tibus & juribus antedictis per manus eorum,  
quos ad id providimus deputandos: Residuum  
vero bonorum, reddituum & proventuum, &  
jurium ipsorum, quod facta de illis, ut præ-  
missum est, assignatione supererit, nec non  
jurisdictionem temporalem & spirituales,  
quæ ad dictum quondam Episcopatum Tholo-  
sanum usque ad tempus divisionis hujusmodi  
pertinebat, & quam, distinctione seu limita-  
tione præacta pendente, faciemus per ido-  
neas exerceri personas, ac Beneficia omnia  
Ecclesiastica, etiam si dignitates, personatus,  
vel officia existant, iis, ad quæ vel quos per  
electionem assumitur, & in quibus vel ad  
quæ auctoritate litterarum Apostolicarum ali-  
cui seu aliquibus jus est aliquod acquisitum,  
quibus per id nullum volumus præiudicium  
generari, vacantibus nunc & in antea usque  
ad distinctionem vel limitationem predictarum  
Diocesium, in Civitate Tholosan., dictaque  
quondam Diocesi vacantia, dispositioni no-  
stræ, ac Sedis Apostolicæ de Fratrum nostro-  
rum consilio reservamus.

Dat. die 8.  
Iulii 1317.  
Pontif. An. I.

§. 9. Hæc igitur &c.  
Datum Avenioni Quinto Idus Iulii, Pon-  
tificatus nostri anno Primo.

## VII.

Divisio Episcopatus Pictavien., ac Malleacen., *Ibid.*  
& Linconien. Ecclesiarum Ordinis  
Sancti Benedicti in Cathedra-  
les Ecclesias erectio.

Joannes Episcopus, Servus Servorum Dei,  
Ad perpetuam rei memoriam.

**S**alvator noster &c.

Causæ divi-  
sionis & ere-  
ctionis.

§. 1. Sane considerantes attentius, & intra  
pectoris claustra meditatione sollicita revol-  
ventes, quod in tanta multitudine Populi,  
quanta fecundavit Altissimus Civitatem, &  
Diocesim Pictaven., singulorum vultus ne-  
quibat, ut quondam unicus Pastor inspicere,  
aut alias partes boni Pastoris implere, quod-  
que durum erat, atque difficile in eadem Di-  
cesi, quæ lata & diffusa extitit ad unum tan-  
tum a tot personis Ecclesiasticis, & munda-  
nis recursus haberi; Nos cultum augere divi-  
num, & spirituales animarum profectum,  
quem ex subscriptis indubie provenire spera-  
mus, promovere salubriter intendentes, præ-  
missis, & aliis suadentibus justis causis cum  
Fratribus nostris habito super hoc diligenti  
tractatu de ipsorum consilio & ex certa scien-  
tia, & Apostolicæ plenitudine potestatis ad lau-  
dem Dei, & exaltationem Ecclesiæ Fidelium-  
que salutem Episcopatum, & Diocesim Pi-  
ctaven. in tres Dioceses certis portionibus seu  
limitibus ipsarum cuilibet, ut infra subiungi-  
tur assignatis Apostolica auctoritate dividi-  
mus, & Malleacen., ac de Linconio Villas  
pridem de Pictaven. Diocesi existentes velu-  
ti loca insignia, & ad id convenientia, & ac-  
commoda, ac rerum ubertate fecunda de no-  
vo in Civitates erigimus, & Civitatis voca-  
bulo decoramus.

Divisio.

§. 1. Volentes ac decernentes auctoritate  
predicta, de ipsorum Fratrum consilio, ac  
eiusdem plenitudine potestatis, ut Malleacen,  
& de Linconio dudum Monasteriorum Ecclesiæ  
Ordinis Sancti Benedicti, sint de cætero, &  
habeantur perpetuo Ecclesiæ Cathedralis, &  
quod tam prælibata Civitas Pictaven, quam  
dictæ Villæ iam per nos, ut præmittitur Ci-  
vitatibus titulis insignite ipsarum videlicet sin-  
gulæ suam propriam, & distinctam Diocesim  
habeant a duabus reliquis prout sequitur sepa-  
ratam, & ut ipsarum quilibet habeat Dioce-  
sim magis accommodam, & decentem de  
Fontiniaco, de Sancto Laurentio, de Vim-  
bris, & de Berterio Decanatus & Archidia-  
conatum de Arduno rurales Civitati Mallea-  
cen Maroli vero Thalenuidum Affianen., &  
Montis acuti Decanatus, & Archidiaconatum,  
Asperien., rurales dudum de predicta Di-  
cesi Pictaven., existentes ipsi Civitati de Lin-  
conio, cum Ecclesiis dignitatibus personati-  
bus Territoriis iuribus, & pertinentiis eorum-  
dem Monasteriis quoque, ac Prioratibus sa-  
cularibus, & regularibus, ac iurisdictionibus  
omnibus temporalibus, & spiritualibus prout  
hactenus fuerant Diocesis Pictaven., & Epi-  
scopo Pictavien. competeant quomodolibet,

Nova erectio.

Reddituum  
assignatio.



Divisio.

in suas Diöceses perpetuo deputamus, & etiam assignamus exceptis homagiis, & deveris, si aliquam prædictis vel earum altera Diöcesi existerent ratione quorum dumtaxat quivis tenetur facere homagium Episcopo Pictaven. ac ipsum in jocundo adventu suo ex debito ratione prædictorum portare, ab Ecclesia Beatæ Mariæ Majoris Pictaven. usque ad Ecclesiam Cathedralem Pictaven. quæ erunt, & remanebunt Episcopo Pictaven. dictasque Diöceses deputatas, & taliter assignatas Episcopis, qui pro tempore fuerint, & Capitulis, & Ecclesiis Malleacen. & de Linconio prædictis juxta divisionem, deputationem, & assignationem nostras hujusmodi de dictis Diöcesibus factas spiritualiter, & temporaliter Ordinario Episcopali juri subiicimus, ac ipsos ab omnimoda spirituali, & temporalis jurisdictione ordinaria, ac superioritate Episcopi, Capituli, & Ecclesiæ Pictaven. in totum eximimus, ac etiam liberamus volentes, ut quicquid in ipsis Malleacen. & de Linconio Diöcesibus per nos totaliter limitatis præeminentiæ majoritatis, superioritatis, jurisdictionis, & exercitii, juris spiritualis, & temporalis prælibato Episcopo, Capitulo, & Ecclesiæ Pictaven. jure ordinario nunc usque competiit de cætero Episcopis, qui erunt pro tempore ac Capitulis, & Ecclesiis Malleacen. & de Linconio prædictis perpetuo juxta præmissas divisionem, deputationem, & assignationem nostras eodem jure competat in eisdem jura proventus, & redditus dignitatum, personatum, & Officiorum Ecclesiæ Pictaven. in nullo præter hoc diminuere intendentes, reliqua parte, dictæ Diöcesis Pictaven. præter eosdem Decanatus, & Archidiaconatus cum suis districtibus, & jurisdictionibus superius nominatis quantacumque, & in quibuscumque consistent prælibatæ Civitati Pictaven. in sua Diöcesi integraliter remanente.

§. 2. Hæc igitur per dictæ Sedis &amp;c.

Datum Avenioni Idibus Augusti Pontificatus nostri anno I.

## VIII.

Ex Regest.  
eodem.

Dismembratio Ecclesiæ Agennen., & Erectio Villæ de Condomio ejusdem Diöcesis in Episcopatum Condomien.

Joannes Episcopus, Servus Servorum Dei,  
Ad perpetuam rei memoriam.

**S**alvator noster &c.  
§. 1. Sane considerantes attentius, & intra pectoris claustra meditatione sollicita revolventes, quod in tanta multitudine Populi quanta fecundavit Altissimus Civitatem, & Diöcesim Agennen., ut singulorum vultus nequibat, ut condecet, unus Pastor inspicere, & alias partes boni Pastoris implere: quod quidem durum erat, atque difficile in eadem Diöcesi quæ lata, & diffusa existit, ad unicum tantum a tot personis Ecclesiasticis, & mundanis recursum haberi: Nos cultum augere divinum,  
*Bull. Rom. Tom. III. Pars II.*

Causa novæ  
faciendæ Ere-  
ctionis.

& spiritualem animarum profectum, quem ex subscriptis indubie provenire speramus, promovere salubriter intendentes, præmissis, & aliis suadentibus justis causis cum Fratribus nostris, habito super hoc diligenti tractatu, de ipsorum consilio & ex certa nostra scientia, ac Apostolicæ plenitudine potestatis, ad laudem Dei, & exaltationem Ecclesiæ, Fideliumque salutem Agennen., Diöcesim auctoritate Apostolica dividimus in duas Diöceses, quas per certos distingui limites faciemus volentes, ac etiam decernentes auctoritate prædicta de Fratrum nostrorum consilio, & ejusdem plenitudine potestatis, quod præter Civitatem Agennen., quæ suam propriam, & distinctam habebit Diöcesim certis finibus limitandam, villa de Condomio dictæ olim Diöcesis, quam veluti ad hoc convenientem, & accomodam eadem auctoritate in Civitatem erigimus, & Civitatis vocabulo insignimus separatam Diöcesim habeat, a Diöcesi remansura Civitati Agennen., certis limitibus distinguendam, quodque Ecclesia Sancti Petri quondam Monasterii Condomien., Civitatis ejusdem sit de cætero & habeatur perpetuo Ecclesia Cathedralis ipsa & Civitate Condomien., prædicta cum suis Capitulo, & Diöcesi per Nos, ut præmittitur, limitanda ab omni jurisdictione, potestate, ac superioritate Agennen., Episcopi & Capituli, & Ecclesiæ Agennen., remanentibus omnino liberis & exemptis, nullo prædictis Agennen., Episcopo, & Capitulo, ac Ecclesiæ Agennen., superioritatis aut majoritatis titulo Civitate Condomien. cum suis Capitulo, & Diöcesi quomodolibet remanente.

§. 2. Hæc igitur &amp;c.

Datum Avenioni Idibus Augusti Pontificatus nostri anno Primo.

Divisio Agen-  
nen. Diöcesis.Erectio novi  
Episcopatus  
Condomien.Dat. die an-  
noque eodem.

## I X.

Erectio Episcopatus Vabrensis.

Ex Call. Chri-  
stian. nov.  
edit. Tom. I.  
pag. 58.

Joannes Episcopus, Servus Servorum Dei,  
Ad perpetuam rei memoriam.

**S**alvator noster &c.  
§. 1. Sane considerantes attentius, & intra pectoris claustra meditatione sollicita revolventes, quod in tanta multitudine populi, quanta fecundavit Altissimus Civitatem, & Diöcesim Ruthen., singulorum vultus nequibat, ut condecet, unicus Pastor inspicere, aut alias partes boni Pastoris implere: Nos cultum augere divinum, & spiritualem animarum profectum, quem ex subscriptis indubie provenire speramus, promovere salubriter intendentes; præmissis, & aliis suadentibus justis causis, præhabito super hoc diligenti tractatu ex certa scientia, de Fratrum nostrorum concordii consilio, & Apostolicæ plenitudine potestatis, ad laudem Dei, & exaltationem Ecclesiæ, fideliumque salutem, Episcopatum Ruthenensem, suamque Diöcesim auctoritate Apostolica dividimus in duas Diöceses,  
*Ruthenen. Diöcesis divi-  
sio in duas.*



Vabrensis Episcopatus ere-  
ctio, qui ex-  
ptus omnino  
a jure Mona-  
sterii Massili-  
ensis declara-  
tur.

ceses, quas per certos distingui limites facie-  
mus, volentes, ac decernentes auctoritate  
prædicta, de Fratrum ipsorum consilio, & præ-  
dictæ plenitudine potestatis, quod præter Ci-  
vitatem Ruthenensem, quæ suam propriam,  
& distinctam habebit Dioecesim, certis finibus  
limitandam, Villa de Vabro dictæ quondam  
Dioecesis, quam veluti ad hoc convenientem,  
& commodam eadem auctoritate, & dicto-  
rum Fratrum consilio in Civitatem erigimus  
Civitatisque titulo insignimus, separatam  
Dioecesim habeat certis limitibus a Diocesi  
remanuram Ruthenensi, ac Civitatem dictis  
limitibus distinguendam: quodque Ecclesia  
Monasterii Sancti Salvatoris Civitatis ejusdem  
Ordinis Sancti Benedicti sit de cætero, & ha-  
beat perpetuo Ecclesia Cathedralis ipsa, &  
Civitate prædicta cum suis Capitulo, Clero,  
& populo, ac Diocesi ab omni jurisdictione,  
& potestate ac Superioritate Ruthenensis Episcopi,  
& Capituli ejusdem Ruthenensis Eccle-  
siæ, necnon Abbatis, & Conventus, & Mo-  
nasterii Massiliensis, a quo hujusmodi Mona-  
sterium Sancti Salvatoris dependebat, remanentibus  
omnino liberis, & exemptis. Nos enim, licet idem  
quondam Monasterium Sancti Salvatoris Vabrensis  
cum membris suis a prædicto dependere hætenus  
Monasterio Massiliensi nosceretur, ipsumque  
Monasterium Massiliense, vel Abbas ejusdem jura  
quædam, & superioritatem in prædicta Ecclesia  
Sancti Salvatoris hætenus obtineret, de consilio,  
auctoritate, & potestate prædictis Ecclesiam, &  
Civitatem easdem ad censum aliquem, ullam-  
ve præstationem, vel subjectionem, quam-  
cumque memoratis Abbati, Conventui, &  
Monasterio Massiliensi volumus, & decernimus  
in antea non teneri, quinimo ipsam ab omnibus  
prædictis absolvimus, & totaliter liberamus.  
Jura quæ in Ecclesia prædicta, Sancti Salvatoris  
Civitate, incolis, pertinentiis ac districtibus  
ejusdem præfatum Monasterium Massiliense, aut  
Abbas illius, mediate, vel immediate olim quomodocumque  
habebat, quæcumque, & qualitercumque illa sint,  
& quocumque nomine censeantur, in dictam  
Ecclesiam Vabrensem transferentes, & illa  
penes eam plene, & integraliter volentes per-  
petuo remanere. Hæc igitur &c.

Dat. die, an-  
noque codæ.

Datum Avenione idibus Augusti Pontifi-  
catus nostri anno I.

## X.

Contra Hæreticos, vel de hæresi suspectos, & Ju-  
dæos ad fidem Catholicam conversos, ab  
eaque apostatantes, quamvis ad Ecclesiam  
confugiant, esse procedendum.

Joannes Papa XXII. Inquisitoribus hæreticæ  
pravitatis per Regnum Franciæ constitutis.

Ab Apostasia  
Redeunt &c.  
ad Ecclesias  
confugiebāt,  
ne caperen-  
tur.

EX parte vestra fuit nuper propositum,  
coram nobis, quod nonnulli de hære-  
tica pravitate culpabiles, vel suspecti, aut accu-  
sati, seu conversi de Judaica cæcitate ad fi-

dem Catholicam, postmodum apostatantes ab  
ipsa, ad Ecclesias confugiunt, non ad salutis  
remedium, sed ut vestras manus effugiant,  
& suorum scelerum vitent judicium ultionis;  
super quo Apostolicæ Sedis providentiam hu-  
militer implorastis.

§. 1. Nos igitur ad extirpandos ortho-  
dæ fidei inimicos, & herbam tam noxiam,  
pestiferam de horto Dominico radicitus evel-  
lendam, sollicitis studiis intendentes, discre-  
tioni vestræ ad instar scilicet. Martini Papæ  
Quarti prædecessoris nostri, qui per Aposto-  
licas literas inquisitoribus hæreticæ pravitatis  
per Regnum Franciæ constitutis idem man-  
davit; per Apostolica scripta mandamus, qua-  
tenus contra illos, quos de huiusmodi hære-  
tica pravitate fore culpabiles, vel de illa  
notabiliter suspectos esse vobis constiterit,  
accusatos etiam de labe prædicta, conversos  
quoque Judæos, & postmodum patenter, vel  
verisimilibus inditiis apostatantes a fide, iuxta  
qualitatem delicti exequamini libere officii  
vestri debitum, ac si ad Ecclesias, & loca  
prædicta minime confugissent: contradic-  
tores per censuram ecclesiasticam, appellatione  
postposita compescendo.

§. 2. Et ut nullum in hac parte possit  
obstaculum vobis poni, Venerabilibus Fratri-  
bus nostris Archiepiscopis, & Episcopis per  
Regnum Franciæ constitutis, per has nostras  
litteras iniungimus, ut vos non impediant,  
quominus huiusmodi mandatum nostrum im-  
plere libere valeatis, sed potius ad requisitionem  
vestram in iis vobis assistant, sicut  
extiterit opportunum.

Dat. Avenione Idibus Augusti, Anno  
primo.

Contra eos  
procedi posse  
ab Inquisito-  
ribus decla-  
rat Pontifex.

Episcopis m-  
dat, ne eos  
impediant.

Dat. die 13.  
Aug. 1317.  
An. I.

## XI.

Dismembratio Episcopatus Narbonen., & ere-  
ctio Cathedralis Ecclesiæ in Villa de Limoso  
ejusdem Diocesis cum iurisdictione & iuri-  
bus ordinariis.

Ex Regest. in  
Archiv. Vat.

Joannes Episcopus, Servus Servorum Dei,  
ad perpetuam rei memoriam.

Salvator noster &c.

§. 1. Sane considerantes attentius & intra  
pectoris claustra meditatione sollicita revol-  
ventes quod in tanta multitudine Populi, quan-  
ta fecundavit Altissimus Civitatem & Diæce-  
sim Narbonen., singulorum vultus nequibat, ut  
condecet unicus Pastor inspicere, aut alias par-  
tes boni Pastoris implere non sine gravi ani-  
marum dispendio & personarum degentium,  
in eisdem, quodque durum erat, atque dif-  
ficile in eadem Diocesi, quæ lata, & diffusa  
existit, ad unicum tantum a tot personis Ec-  
clesiasticis & mundanis recursum haberi; Pen-  
santes quoque, quod Cathedralis Ecclesia Nar-  
bonen. in proventibus, & redditibus annuis  
tam affluenter, tamque magnifice abundare  
conspicitur, quod de ipsorum multitudine co-  
piosa potest Episcopis iuxta sui status decentiam  
pro-

Causæ dis-  
membratio-  
nis.



Divisio Nar-  
bonen. Diœ-  
cesis in duas.Erectio Eisco-  
patus Limo-  
sini.Cui provi-  
dendum de  
Redditibus ex  
bonis Ecclesię  
Narbonen.Dat. die 20.  
Augusti 1317.  
P. An. I.

provideri, nos cultum augere divinum, & spi-  
ritualem animarum profectum, quem ex sub-  
scriptis indubie provenire speramus, promove-  
re salubriter intendentes, præmissis & aliis  
suadentibus iustis causis cum Fratribus nostris  
habito super hoc diligenti tractatu, de ipso-  
rum consilio, & ex nostra certa scientia, &  
Apostolicæ plenitudine potestatis ad laudem  
Dei, & exaltationem Ecclesiæ, Fideliumque  
salutem Narbonen. Diæcesim auctoritate Apo-  
stolica dividimus in duas Diæceses, quas per  
certos distingui limites faciemus: Volentes, ac  
etiam decernentes auctoritate prædicta, de  
Fratrum ipsorum consilio, & prædictæ pleni-  
tudine potestatis, quod præter Civitatem Nar-  
bonen., quæ suam propriam & distinctam ha-  
bebit Diæcesim certis limitibus limitandam,  
villam de Limoso dictæ olim Diæcesis Narbo-  
nen., quam velut ad hoc convenientem & ac-  
commodam eadem auctoritate in Civitatem  
erigimus, & Civitatis vocabulo decoramus,  
separatam Diæcesim habeat a Diæcesi reman-  
sura Narbonen. Civitati certis limitibus distin-  
guendam. Quodque Parochialis Ecclesia San-  
cti Martini eiusdem Civitatis de Limoso sit de  
cætero, & habeatur perpetuo Cathedralis, ipsa  
& Civitate prædicta de Limoso cum suis Capi-  
tulo & Diæcesi limitanda a iurisdictione, do-  
minio, & potestate Archiepiscopi, Capituli,  
& Ecclesiæ Narbonen., quibus subesse antea  
noscebantur; maiori tamen, seu superio-  
ritate in ipsis Ecclesia, Civitate, Capitulo, &  
Diæcesi de Limoso dictæ Narbonen. Ecclesię,  
sicut in aliis suffraganeis suis Metropolitico  
sibi iure subiectis habere dignoscitur, refer-  
vatis remanentibus omnino liberis & ex-  
ceptis. Verum quia dicta Ecclesia de Limoso fa-  
cultates non habet correspondentes honori, &  
statui, ad quos noviter est provecta, aucto-  
ritate prædicta decernimus, ipsam sic honoran-  
dam esse in facultatibus, & augendam, quod  
mensa Episcopalis eiusdem quinque millia li-  
brarum Turonen. parvorum annui & perpe-  
tui redditus de Bonis, & rebus mensæ Archiepi-  
scopalis Narbonen. ipsi Ecclesiæ de Limoso  
accommodis & vicinis iuxta communem esti-  
mationem bonorum, & rerum huiusmodi red-  
ditalium situanda, quæ quidem dictę Eccle-  
siæ de Limoso, suoque Pontifici dignitate, ac  
onere, & circumstantiis aliis attente pensatis  
debere sufficere vidimus, præter redditus &  
proventus, ac iura, quæ ad prædictam Eccle-  
siam Sancti Martini antea pertinebant, ha-  
beat, & percipiat integraliter per ipsius Præsu-  
lem, qui pro tempore fuerit in rebus sibi adia-  
centibus, & vicinis iuxta distinctionem, seu li-  
mitationem Diæcesis per alias nostras literas  
faciendam. Interim tamen distinctione seu  
limitatione prædicta pendente volumus, & au-  
thoritate prædicta decernimus, quod idem  
Episcopus de Limoso, qui pro tempore fuerit,  
summam eandem de bonis & redditibus dictę  
mensæ Narbonen. recipiat annuatim. Hæc igitur &c.

Datum Avenioni tertio decimo Kalendas  
Septembris Pontificatus nostri anno I.

## XII.

Ordinationes, & Statuta pro bono Regimine  
Fratrum Ordinis Grandimonten., ejusque  
Prioratum, aliorumque locorum ad eun-  
dem Ordinem pertinent. definitio.

Ex Regest.  
eodem.

Joannes Episcopus, Servus Servorum Dei. Ad  
perpetuam rei memoriam.

**E**Xigente debito Pastoralis Officii ad  
providam Romani Pontificis, velut  
universalis Pastoris, & Patris, diligentiam,  
pertinet, statum Ecclesiarum, & Monasterio-  
rum omnium sic attenta meditatione prospici-  
cere, quod materia qualibet dissensionis, &  
jurgii quietem, & silentium Personarum in  
Ecclesiis, & Monasteriis ipsis degentium & of-  
ferentium Domino per decantationes laudum  
titulum labiorum impediende præcisâ, pacis  
fundamenta stabiliat, præterita corrigat, dis-  
ponat præsentia, nova plantet, & sic caute  
provideat de futuris, quod in quantum valet  
humana provisio superna suffulta gratia, de  
contingentibus non omittat: Ad fopendum  
siquidem antiquam jurgiorum materiam, quam  
in ordine Grandimonten. antiqui Hostis femi-  
narat invidia, nonnulli Prædecessores nostri  
Romani Pontifices paterna diligentia vigilan-  
tes certas ordinationes, & statuta, per quo-  
rum editionem perpetuæ paci dicti Ordinis  
sperabant consuluisse, salubriter ediderunt:  
sed licet per ipsos super hoc pie fuisset etiam  
anxie laboratum; quia tamen hujusmodi jur-  
gia non erant in eodem Ordine sic evulsa,  
quin adhuc & frequenter insurgerent, & quasi  
gravius solito pullularent; Nos eidem Ordini,  
ad quem zelo charitatis, & dilectionis af-  
ficimur, in hujusmodi suis anxietatibus con-  
dolentes, & Monasterium Grandimonten. ad  
Romanam dumtaxat Ecclesiam pertinens,  
quod ipsius Ordinis caput esse dignoscitur, gu-  
bernari jamdudum solitum per Priorem pa-  
ternis affectibus amplectentes; & cupientes  
ex eodem Ordine ad perpetuam Personarum  
in ipso degentium pacem quaslibet dissentiones  
& Lites Altissimo præstante subsidium sic  
radicitus extirpare, corrigendo præterita,  
plantando nova, in melius ordinando præsen-  
tia, & salubriter providendo futura, quod  
Personæ ipsę perpetuæ pacis opulentia gau-  
deant, & inter ipsas similia jurgia velut era-  
dicata penitus non resurgant: ac propter hoc  
ad reformationem, & statum ejusdem Mona-  
sterii, sui que honoris augmentum nostros  
primo dirigentes intuitus, ac rem dignam,  
& rationabilem arbitantes, ut idem Mona-  
sterium, quod in Orbe Terrarum constat esse  
famosum, & cui multa, nobiliaque Cœno-  
bia, tanquam membra capiti sunt subiecta,  
per Apostolicæ Sedis providentiam honoris,  
& nominis titulis efferatur; habito prius cum  
pluribus ex Fratribus dicti Ordinis fide dignis  
in Curia nostra præsentibus solemni, & dili-  
genti tractatu, ad laudem divini nominis or-  
dinamus, & Apostolica auctoritate decerni-  
mus de Fratribus nostrorum consilio, & Apo-

Proemium.

Pro Ordine  
Grandimon-  
ten. multa a  
summis Ponti-  
ficibus edita  
statuta.Monasterium  
Grandimon-  
ten. totius Or-  
dinis caput.



1317.  
Per Abbatem,  
non per Prio-  
rem guber-  
nandum.

Ordo dividi-  
tur in 39.  
Prioratus Co-  
ventuales.

In Monaste-  
rio vero Gran-  
dimont. 60.  
Fratres præ-  
ter Conver-  
sos sint:

Qui Abbatem  
canonice eli-  
gant.

De Visitato-  
ribus.

Mensa Abba-  
tialis Grandi-  
monten.

Priorum Ele-  
ctio in Prio-  
ratibus ad quos  
pertineat.

stolica plenitudine potestatis, quod ex nunc in antea gubernetur dictum Monasterium perpetuis futuris temporibus per Abbatem, & quod Abbas præsit de cætero in eodem:

§. 1. Et insuper absolventes a sua administratione ex certa scientia Correctores, & Curiosos omnium Domorum, seu Cellarum præfati Ordinis, per quos nuncusque præfata Domus consueverunt gubernari, ordinamus, & statuimus esse deinceps in præfato Ordine pro bono pacis, & personarum in ipso degentium, & maiorem observantiam regularem in dictis Domibus ipsius Ordinis ad hoc magis accomodis trigintanovem Conventuales Prioratus singulariter inferius adnotatos, certis cuilibet ipsorum Prioratum Domibus hætenus Monasterio prædicto subjectis incorporatis pariter & unitis cum certo Fratrum ipsius Ordinis numero singulariter taxato in singulis modo simili descriptis inferius & distinctis.

§. 2. Ad hæc ordinamus, & volumus, ut in eodem Monasterio sit de cætero sexaginta Fratrum numerus præter Conversos, qui resideant in Conventu, & de facultatibus dicti Monasterii possint, & debeant congrue sustentari.

§. 3. Quotiescumque vero præfatum Monasterium Abbate vacare quovis modo contigerit, Conventuales ejusdem Monasterii plenam & liberam eligendi Abbatem ibidem canonice habeant potestatem, quod si non elegerint infra mensem ab ipsius Abbatis obitu numerandum, eadem electio ea vice ad Sedem Apostolicam devolvatur. Si vero contingeret electionem ipsam in discordia celebrari, causam electionis hujusmodi apud Sedem Apostolicam volumus ventilari: Electionem autem hujusmodi si infra prædictum tempus canonice fuerit celebrata, visitationes spirituales ipsius Monasterii, vel majorum pars ipsorum habeant auctoritate Apostolica confirmare.

§. 4. Officium autem Visitatorum ipsorum penes Priores earundem Domorum, quarum Correctoribus hætenus competebat juxta ordinationes piæ memoriæ Innocentii Papæ Quarti Prædecessoris nostri volumus remanere, quibus ex certa nostra scientia Priorem, Prioratus de Defenso, qui est, & pro tempore fuerit, dicti Ordinis Agennen. Dioecesis ex nunc adjungimus, qui similem cum eis habeat potestatem.

§. 5. Mensæ quoque ipsius Abbatis, ut facilius possit incumbentia sibi onera supportare, certas cellas Monasterio præfato propinquas, etiam quasdam alias, prout annotatur inferius, perpetuo applicamus.

§. 6. Quotiens autem aliquem de Prioratibus ipsis quoquo modo vacare contigerit, electio Canonica Prioris ad Conventum Prioratus sic vacantis, confirmatio vero dicti Prioris pertineat ad Abbatem: & si infra unius mensis spatium a die vacationis hujusmodi computandum ad electionem ipsam iidem Conventus non duxerint procedendum, vel talem scienter elegerint, quod ipsius electio de jure cassetur, providendi ea vice de Priore ipsi Prioratui ad eundem Abbatem potestas plenaria devolvatur: Quibus sic confir-

matis illud circa eorum subditos licere, quod aliis Prælatiis circa eorum subditos canonica jura permittunt.

§. 7. Numerus quoque Fratrum statutus singulariter in singulis, ut infra subjungitur, Prioratum prædictorum, nisi forsan dicti Monasterii, seu Prioratus facultates excreverint, nullatenus augmentetur, & augmentum ipsum si fieri debeat, de consensu Conventus Monasterii in Monasterio, aut de consensu Conventus dicti Prioratus, in quo augmentum huiusmodi debet fieri, fiet in Capitulo generali. Si vero aliquem de sic numero statuto recedere vel amoveri seu abesse perpetuo de Monasterio vel Prioratu ipso contigerit, loco illius Abbas, vel Prior dicti Prioratus de consensu sui Conventus, vel maioris partis ipsius alium subroget, qui professionem faciat, & perpetuo in dicto Conventu persistat.

§. 8. Verum licet super Visitationis Officio dudum per Priorem ipsius Monasterii exercendo idem Prædecessor Innocentius Papa Quartus per sua privilegia inter ordinationes alias, quas pro reformatione status Ordinis ejusdem edidit, prudenter attendens, quod quantumvis dicto quondam Priori Grandimonten. exeundi Clausum nisi necessitate coacto Capitulum Regulæ interdicat: quia tamen visitatio & necessitatem, & utilitatem importat, cum in visitationis officio lucri faciat visitans animas subditorum, auctoritate Apostolica statuisset, ut Prior, qui esset pro tempore, tempus anni taliter partiretur, quod per dimidium dicti anni in Grandimonten. Monasterio resideret, & per anni reliquum visitationi aliarum Domorum intenderet, & tunc ultra septem equitaturas non duceret, nec ultra tres noctes, nisi urgens necessitas, vel id exposceret utilitas evidens, in eadem Domo iaceret, nulla prorsus muna cum dictæ visitationi insisteret recepturus: Et insuper quamquam felicitis recordationis Clemens Papa Quintus Prædecessor noster credens ejusdem Ordinis utilitati prospicere eadem auctoritate statuerit, ut dictus quondam Prior ejusdem Monasterii Fratres dicti Ordinis in Cellis suis posset anno quolibet per sex Menses continuos, vel diversis temporibus visitare, & per sex Menses reliquos deberet in eodem Monasterio personaliter residere, ac de ipso a Monasterio seu eius Claustro nunquam exire, nisi pro visitatione dicti Ordinis facienda: Ita videlicet, quod de illis sex Mensibus, quibus, ut præmittitur, deberet personaliter residere, quatuor ad minus continui Menses essent, & cum officio visitationis insisteret, semper duas personas idoneas ejusdem Ordinis, in quarum præsentia dictæ visitationis exequeretur officium, secum haberet, nec non & quos, in dictis sex Mensibus visitare non posset, faceret per alium, vel alios visitari: Itaque anno quolibet omnis Domus Fratres visitarentur Ordinis memorati, & quod postquam unam Domum visitasset, ad aliam sic visitatam quousque omnes Domos, & Fratres, quos idem Prior visitare posset impedimento cessante legitimo

Numerus Fra-  
trum in eis-  
dem.

De modo Vi-  
sitationis ab  
Abbate faci-  
da dierum,  
& Equitatu-  
rarum nume-  
ro.

visi-



visitasset, nisi ex causa legitima non rediret; Nos etsi prædictorum Prædecessorum nostrorum inherere vestigiis in quantum temporum qualitas, & negotiorum suadet utilitas, intendentes, velimus modum & formam visitationis hujusmodi, quod dictos Prioratus & Priores, & ad Conventus, ipsorum Prioratum dumtaxat per Abbatem dicti Monasterii, qui pro tempore fuerit, in perpetuum observari; attendentes tamen Monasterium, ipsum tunc majori quam hætenus dignitate ac nomine insignitum, quodque major honor Abbati congruit, quam Priori, ordinamus atque statuimus, ut idem Abbas, dum officio dictæ Visitationis instituit, ultra septem equitaturas dicto quondam Priori, ut præmittitur, visitanti concessas duas alias Equitaturas pro aliis duabus personis idoneis cum associantibus habeat: Ita, quod in universo novem Equitaturas secum ducere poterit hujusmodi visitationis officium exequendo: licet enim mora contrahenda per dictum quondam Priorem in Domo qualibet dicti Ordinis eodem durante visitationis officio fuerit per eundem Innocentium Prædecessorem nostrum ut præmittitur, limitata; Nos tamen limitationem hujusmodi esse volumus paululum latiore: videlicet quod nox illius diei, in quo ad aliquem de Prioratibus ipsis pervenerit visitans Dioecesim Abbas sub limitatione illa de tribus, ut præmittitur, Noctibus nullatenus includatur.

Abbas quando voluerit Grangias sibi unitas potest visitare.

§. 9. Per hoc autem non intendimus Abbati inhibere prædicto, quin liceat sibi Cellas, seu Grangias, vel Domos sibi unitas visitare seu videre, quoties sibi videbitur expedire.

§. 10. Præcipimus insuper quod Fratres dicti Ordinis in Conventibus, in quibus recepti fuerint, & professionem fecerint, perpetuo immorentur, nec de suis Conventibus immutentur, aut ad alios Prioratus moraturi quomodolibet transferantur nisi propter delicta, vel excessus ipsorum: quo casu dictorum delinquentium, vel excedentium mutatio, sive translatio fiat per Priorem ipsius Loci ad alium Conventualem locum dicti Ordinis de consensu sui Conventus, vel majoris partis ipsius ad dignam peragendam penitentiam de commissis per tempus arbitrio Prioris, de cujus Conventu delinquens fuerit, de ipsius Conventus vel majoris partis assensu juxta delictorum exigentiam moderandum. Prior autem loci, ad quem delinquentem Fratrem, mitti contigerit, seu transferri, expensas per tempus statutum ad agendum, ut præmittitur, penitentiam, ministrabit: Qua peracta idem delinquens emendatus & correctus ad Conventualem suum locum, a quo amotus fuerat, reducat. In aliis vero casibus mutationem, seu translationem de Conventu ad Conventum fieri districtius inhibemus, nisi Personarum, seu Prioratum utilitas id exposcat: Et tunc Abbas Grandimonten. cum consilio Diffinitorum Capituli generalis in Capitulo, vel de consilio, & consensu duorum Priorum vicinorum ipsi Prioratui, de quo imitatio hujusmodi est fienda extra Capitulum translationem ipsam faciat, ubi utilitas evi-

Translatio Conventualium ab una, ad aliam Domum quibus de causis facienda.

dens fuerit Personarum, vel Prioratum prædictorum.

§. 11. Porro considerantes attente fructus felices & uberes, quos tanquam dona ecclesiæ producant studia litterarum, & quanta bona ex doctrina Fidelium scientiarum fecunditate pollentium publica pervenerint, & privata, districtè præcipimus, quod Abbas, & Diffinitores prædicti duodecim Fratres ejusdem Ordinis professos, quos dociles noverint, teneantur & debeant ad studia mittere litterarum, & eis hujusmodi studiis insistentibus etiam alimentis, & aliis necessariis de Bonis dicti Ordinis providere. Quod si propter ea, vel per sustentationem Conventus Fratrum dicti Monasterii Grandimonten., aut ex alia evidenti necessitate, vel pro communi utilitate dicti Ordinis præter provisiones, seu pensiones solitas dictarum Domorum, quas per Priores eosdem pro singulis Domibus sibi subiectis exhiberi volumus Abbati prædicto, sicut exhibebantur nunc usque Priori præfato, prout in Privilegio præfati Clementis Prædecessoris nostri continetur: ad quas solvendas liceat dicto Abbati solum per censuram Ecclesiasticam compellere Priores eosdem: sic interdum ab eisdem Prioratibus subsidium expectandum idem Abbas, & Diffinitores Capituli dicti Ordinis, vel saltem dictus Abbas cum duabus partibus Diffinitorum ipsorum circa hujusmodi necessitatis, vel utilitatis exposita in Capitulo Generali, si eam necessariam & justam esse prospexerit, hujusmodi subsidium per dictum Ordinem exigendum moderate tamen indicant.

§. 12. Super amotione vero Abbatis Grandimonten., & Priorum Prioratum Conventualium prædictorum volumus infra scriptum modum inviolabiliter observari: videlicet quod idem Abbas, & Priores ex quacumque causa per Diffinitores ipsos deponi, seu amoveri non possit: sed si Abbas talia fecerit, aut commiserit, propter quæ videtur debere deponi, seu de jure a sua administratione repelli, in Capitulo Generali Diffinitores ipsius Capituli solerter inquirent, & inquisitione peracta infra mensem a die peractæ inquisitionis hujusmodi per se, vel procuratores idoneos numerandum iter arripiant, & continuatis dietis ad Apostolicam Sedem accedant, Romano Pontifici, & Apostolicæ Sedi ea, quæ per inquisitionem ipsam invenerint, relaturi. Verumtamen priusquam de loco ipso Grandimonten. recedant, insinuent Abbati capitula, super quibus contra eum per ipsos fuerit inquisitum, & de quibus intendunt eisdem Romano Pontifici, & Apostolicæ Sedi referre, adhibitis in insinuatione hujusmodi aliquibus probis viris, in quorum præsentia fiat insinuatio suprascripta, ut Abbas ipse sibi provideat, & provide caveat, an oporteat eum personaliter ad Curiam Romanam accedere, vel idoneum pro se mittere responsalem.

§. 13. Quod si aliqua immineant, propter quæ Priores dictorum Prioratum Conventualium ejusdem Ordinis deponi debeant, vel de jure a suis administrationibus amoveri, Abbas Grandimonten. una cum Diffinitoribus dicti

De mittendis ad studia litterarum, & alimentis eis ministrandis.

De causis, & modo amovendi Abbatem Grandimonten. ceterosque Priores.



dicti Capituli, vel majori parte ipsorum dili-  
genti inquisitione præhabita, si de eorum cul-  
pis & demeritis per Inquisitionem liquebit ean-  
dem, possit eos deponere, & a suis admini-  
strationibus perpetuo remove: quibus sic  
amoris, si in hac parte contra eos visum fue-  
rit injuste processum, liceat juxta Sanctiones  
Canonicas ad Sedem Apostolicam appellare,  
& prosequi Causam suam.

Contrà Prio-  
rem absen-  
tem non licet  
procedere.

§. 14. Sed ne dolus, vel fraus, aut ma-  
litia interveniat, ubi justitiæ zelus, & chari-  
tatis fervor cum omni debent integritate vi-  
gore; Non liceat contra Priorem absentem,  
nisi prout jura permittunt, procedere quomo-  
dolibet ad prædicta.

De Duratio-  
ne Capituli  
Generalis, ej-  
us que proro-  
gatione.

§. 15. Generale vero Capitulum dicti Or-  
dinis duret, & continuetur ordinarie per sex  
dies, & si necessaria causa, vel utilis Abbati,  
& Diffinitoribus videatur, propter quam idem  
Capitulum debeat prorogari, iidem Abbas,  
& Diffinitores, vel major pars eorum possint  
dictum Capitulum usque ad alios sex dies præ-  
dictos sex primos immediate sequentes ulte-  
rius prorogare, ut ea, quæ non potuerunt  
infra prælibatos sex dies forsitan expediri, in  
prorogatione ipsa effectum expeditionis debi-  
te sortiantur. Quo quidem durante generali  
Capitulo Claves Portarum, & Fortalitiorum  
ac dominium dicti Monasterii Grandimonten.  
penes Abbatem remaneant, prout consueve-  
rant penes Priorem hætenus remanere.

Diffinitorum  
facultas com-  
plendi ea, quæ  
in eodem Ca-  
pitulo com-  
pleta non fue-  
runt.

§. 16. Quod si aliqua jam exposita in præ-  
sentia dicti Capituli, vel majoris partis ipsius  
per memoratos Diffinitores restant agenda,  
finito dicto Capitulo memorati Diffinitores vel  
ipsorum pars major, aliis tamen cum Diffi-  
nitoribus, ut cum ipsis super illis procedant  
primitus, requisitis in Monasterio Grandi-  
monten, procedere, illaque complere, diffi-  
nire, punire, & corrigere valeant, ac de ip-  
sis cognoscere, & etiam judicare.

De Die Capi-  
tuli cogendi,  
& Diffinito-  
rum numero.

§. 17. Et quia ubi multitudo, ibi confu-  
sio esse solet, volumus, quod in quolibet Ge-  
nerali Capitulo Grandimonten. octo Diffini-  
tores tantummodo eligantur, qui computato  
Abbate, qui una cum eis in Capitulo eodem  
intererit, novem dumtaxat numero, & non  
plures existant. Quandoquidem generale Ca-  
pitulum anno quolibet in Grandimonten. Mo-  
nasterio præcipimus celebrari: Illudque die  
Lunæ ante Ascensionem Domini nostri Jesu  
Christi incipiat, & continue sine interpola-  
tione duret per sex, vel duodecim dies, ut  
est superius ordinatum.

Qui ad illud  
teneantur ac-  
cedere.

§. 18. Ad hujusmodi autem generale Ca-  
pitulum venire teneantur, & debeant om-  
nes, & singuli Priores Conventuales dicti Or-  
dinis, quilibet videlicet cum uno tantum So-  
cio sui Conventus Clerico, & Professo. Si  
vero venire nequiverint canonico impedi-  
mento detenti excusationem suam per unum  
Fratrem sui Conventus Clericum, & Profes-  
sum sub instrumento publico, vel Sigillo au-  
thentico mittere teneantur, qui coram No-  
tario, qui excusationis hujusmodi conficiet  
Instrumentum, vel authentica persona, cui  
fides debeat adhiberi, excusationem ipsam  
esse justam, veram, & legitimam asseverent  
proprio juramento.

§. 19. Ut autem in eodem Capitulo sin-  
cere quiete, & salubriter procedatur, & ma-  
teria dissentionis cujuscumque amputetur, sta-  
tuimus, quod Abbas, & Prior Clausstralis, qui  
locum Subprioris tenebit, de cætero Can-  
tor & Procurator dicti Monasterii dumtaxat,  
& quilibet Prior Conventualis, ejusque So-  
cius, qui cum eo, ut præmissum est, ad Ca-  
pitulum venerit supradictum, videlicet qui-  
libet ipsorum octo Fratres Clericos ipsius Or-  
dinis professos, qui per sex annos ad minus  
in eodem Ordine professi fuerunt in dicto Mo-  
nasterio, tunc præsentem in Capitulo ipso pro  
Diffinitionibus in scrutinio electis ad hoc tri-  
bus scrutatoribus nominabunt, qui mox post  
scrutinium publicabunt eosdem: illi octo, quos  
plures voces numero habuisse constiterit, Dif-  
finitores existant omnium Negociorum præ-  
dictum Ordinem contingentium, quæ agen-  
da fuerint illo anno; sed hujusmodi eorum  
diffinitionis officium ad sequentem annum,  
nullatenus extendatur, nec in anno proximo  
sequenti possint iidem in Diffinitores etiam  
ex electione assumi. Quod si forte iidem no-  
minati, vel ipsorum aliqui in vocibus sint  
æquales, antiquiores in hujusmodi nominatis  
ad ejusdem diffinitionis officium assumantur.  
Abbas vero cum duobus antiquioribus Diffi-  
nitoribus ipsorum in quolibet Capitulo generali  
tres nominet scrutatores, pro recipiendo scru-  
tinio Capituli subsequenti: districtius inhi-  
bentes, ne super iis colligationes, conjura-  
tiones, aut conspirationes fiant, aut inter-  
veniant quoquomodo: & contrarium facien-  
tes eo ipso penam contra conspiratores in  
Ordine ipso statuta incurrant.

§. 20. Exhortamur itaque omnes ipsos,  
& singulos per misericordiam Dei, eis in vir-  
tute sanctæ obedientiæ injungentes, quod pre-  
ce, pretio, affectione qualibet, promissioni-  
bus, & pactionibus quibuscumque penitus &  
omnino submotis, sinceris, sanctis, & puris  
mentibus, & sine aliqua pravitate solum Deum  
habendo præoculis ad electionem Diffinitorum  
hujusmodi procedatur.

§. 21. Expensas autem trium primorum  
dierum ejusdem Capituli Generalis Priores  
& ipsorum Socii sic persolvant, prout idem  
Clemens Prædecessor noster in suis literis su-  
per ipsius Ordinis reformatione confectis sta-  
tuit persolvendas. Pro expensis vero Festivi-  
tatis Ascensionis Domini dicti Priores penitus  
nihil solvant, sed si ultra tres dies prædictos  
remanere contigerit, nisi retenti fuerint spe-  
cialiter voluntarie per Abbatem, nihilomi-  
nus eis ministrabitur de bonis Monasterii me-  
morati.

De expensis  
Capituli ejus-  
dem.

§. 22. Cæterum quia idem Clemens Præ-  
decessor noster statuit, ut cedente vel dece-  
dente seu amoto quolibet Correctore dictarum  
Domorum, quibus gubernabantur nunc usque,  
omnia bona mobilia, quæ idem Corrector  
tunc habebat in pecunia numerata, auro,  
vel argento, in massa, vel vasis, aut in la-  
pidibus, seu aliis rebus pretiosis, aut libris,  
qui non fuissent proprii illius Cellæ vel Do-  
mus, penes quoscumque reperta fuissent, nec  
non & meliorem Equum, seu Equitaturam,  
quem

De Bonis  
Priorum de-  
cedentium.



quem idem Corrector tunc haberet, liceret dicto quondam Priori Grandimonten. in utilitatem suam, & ipsius Monasterii convertere sine contradictione cujuscumque quacumque Constitutione in contrarium edita non obstante; Nos attendentes, quod idem Statutum in depauperatione ipsarum Domorum, & præjudicium non modicum redundabat, præsentium auctoritate statuimus, quod cedente, vel decedente, aut amoto aliquo de Prioribus antedictis Abbas Grandimonten., qui est, & pro tempore fuerit, de Bonis Prioris cedentis, vel decedentis, aut amoti præfati non nisi unum Equum, seu Equitaturam, unum Breviarium, & unum de melioribus vasis argenteis, vel aureis, & jocalibus, ac lapidibus pretiosis, ac de quolibet jocali unum melius dumtaxat, & non ultra petere debeat, vel habere; sed totum aliud ipsi Prioratui convertendum in utilitatem ipsius volumus remanere.

Quædam Clementis V. Constitutionem confirmat.

§. 23. Quia vero ex præcepto Regulæ dicti Ordinis habetur, quod Fratres dicti Ordinis non nisi bini, & bini propter honestatem incedant, & quod nullus ex dictis Fratribus carnes comedat, nisi sit debilis & infirmus, diebus duobus in Septimana dumtaxat exceptis; Volumus & mandamus ordinationem dicti Clementis in suis super hoc confectis literis adnotatam sine moderatione alia inviolabiliter observari.

Firmitas, & Observantia hujus Constitutionis.

§. 24. Demum tamen ad fundandam Deo auctore perpetuam pacem in Ordine prælibato curiosam nostre sollicitudinis operam duximus apponendam, & speramus in Domino, quælibet ex ipso dissensiones, & scandala radicitus esse submota; decernimus, & Apostolica auctoritate statuimus hujusmodi nostram ordinationem, seu editionem præsentibus adnotatam jubemus, & volumus perpetuo inviolabiliter observari: Non obstante si dictorum Prædecessorum nostrorum præcepta, statuta, ordinationes, seu editiones, vel ipsorum aliqua contenta in suis super hoc confectis privilegiis ab hujusmodi nostræ ordinationis, & reformationis ordine, ac etiam ipsa Regula in punctis aliquibus devient, quæ quantum ad deviationem ipsam, & in quantum huic ordinationi nostræ possent esse contraria juribus vacuumus omnino, & nullius esse volumus firmitatis: In aliis autem, quæ ab hujusmodi nostræ ordinatione non deviant, eisdem privilegiis, & regula in suo robore duraturis.

Enumeratio singulorum Prioratum, cum Grangiis unitis, & Numerus Fratrum in quolibet Prioratu substantandus.

§. 25. Denominationem vero dictorum Prioratum Conventualium, & Domorum, seu Cellarum dicti Ordinis cum numero certo dictorum Fratrum tam ipsi Monasterio, quam singulis ipsorum Prioratum, ut præmittitur, unitarum statuto præsentibus fecimus adnotari, quæ talis est Prioratui de Expeyssa Cabilonen. Dioecesis, Domos de Faetha Bisuntin., & de Brolio Eduen. Dioecesis, in quo sint sexdecim Fratres; Prioratui de Fagia Nivernen. Dioecesis. Domos Columna ejusdem Nivernen., de Fontaneto Antifiodoren., de Fonte Gadonis Bituricen. Dioecesis, in quo sint decem & octo Fratres; Prioratui de San-

cto Mamico Senonen. Domos de Cha unos Bituricen., & de Carboneriis Eduen. Dioecesis, in quo sint sexdecim Fratres; Prioratui de Durione Senonen. Domos de Trahnis ejusdem Senonen., & de Liviano Lingonen. Dioecesis, in quo sint sexdecim Fratres; Prioratui de Castronovo Bituricen. Domos de Castaneriis de Podio Cilheso, & de Fonte Albo ejusdem Bituricen. Dioecesis, in quo sint decem & octo Fratres; Prioratui de Vileriis Turonen. Domos de Sanzeyra, ac de Molins Bituricen. Dioecesis, in quo sint sexdecim Fratres; Prioratui de Bostoraherii Turonen. Dioecesis. Domos de Montemissano, ac de Clarofolio ejusdem Turonen. Dioecesis, in quo sint decem & octo Fratres; Prioratui de Pomerio acri Turonen. Dioecesis, Domos de Fontemoro, & de Boschetto Pictaven. Dioecesis, in quo sint quindecim Fratres; Prioratui Naya Andegaven. Dioecesis. Domum de Crodone ejusdem Andegaven. Dioecesis, in quo sint quindecim Fratres; Prioratui de Monteguidonis Cenomanen. Domum de Primonderia Andegaven. Dioecesis, in quo sint quatuordecim Fratres; Prioratui de Mones Andegaven. Dioecesis. Domum de Brohoberlais ejusdem Andegaven. Dioecesis, in quo sint quatuordecim Fratres; Prioratui de Bursey Cenomanen. Dioecesis. Domum de Hubauderia ejusdem Cenomanen. Dioecesis, in quo sint quatuordecim Fratres; Prioratui de Quercugalonis Sagien. Dioecesis. Domos de Bellafago, ac de Alcone Carnoten. Dioecesis, in quo sint sexdecim Fratres; Prioratui de Bellomonte Ebroicen. Dioecesis. Domum de Berberia Sagien. Dioecesis in quo sint quatuordecim Fratres; Prioratui de Rothomago Lexovien. Dioecesis. Domum de Albania Ebroicen. Dioecesis in quo sint quatuordecim Fratres; Prioratui de Boloma Carnoten. Dioecesis. Domos de Clariaco, ac de Massihiaco Aurelianen. Dioecesis, in quo sint sexdecim Fratres; Prioratui de Loheya Carnoten. Dioecesis. Domos de Bosco Sancti Martini, ac de Mollinellis ejusdem Carnoten., & de Caudra Aurelian. Dioecesis, in quo sint decem & octo Fratres; Prioratui de Meanello Parisien. Dioecesis. Domos de Belvaco Belvacen. Dioecesis, ac de Fontana Rothomagen. Dioecesis, in quo sint sexdecim Fratres; Prioratui de Vicenis Parisien. Dioecesis. Domos de Bonadomo Sveffionen., ac de Alveto Senonen. Dioecesis, in quo sint sexdecim Fratres; Prioratui de Rorayo Melden. Dioecesis. Domos de Ruyssino, & de Savinhiaco Sveffionen. Dioecesis, in quo sint sexdecim Fratres, Prioratui de Machareto Trecen. Dioecesis. Domos de Arvico ejusdem Trecen., de Mastone Cathalamnien., ac de Castrovillani Lingonen. Dioecesis, in quo sint decem & octo Fratres; Prioratui de Podiocaprarii Pictaven. Dioecesis. Domos de Entretis, ac de Espandio ejusdem Pictaven., & de Altis Ripis Turonen. Dioecesis, in quo sint decem & octo Fratres; Prioratui de Valholia Pictaven. Dioecesis. Domos de Troffoya, ac de Bosco pulverelli ejusdem Pictaven., & de Lobertio Lemovicen. Dioecesis, in quo sint decem & octo Fratres; Prioratui de Quarta Pictaven. Dioecesis



ceſis Domos de Fontecrozo, de Eriterva, ac de Fonte Ade ejuſdem Piſtaven. Dioceſis, in quo ſint decem & ſeptem Fratres; Prioratui de Boſco alene Piſtaven. Dioceſis Domos de Chaffayo, ac de Bona Radice Malleacen. Dioceſis, in quo ſint ſexdecim Fratres; Prioratui de Bandolia Malleacen. Dioceſis Domos de Orbifterio, & de Rupe terveria, ac de Dina Lexovien., & Piſtaven. Dioceſis, in quo ſint decem & octo Fratres; Prioratui de Sarmafia Xanctonen. Dioceſis Domos de Lanea ejuſdem Xanctonen., ac de Barbatorta Lexovien. Dioceſis, in quo ſint ſexdecim Fratres: Prioratui de Jartiaco Xanctonen. Dioceſis Domos de Brolio, ac de Urcia prædictæ Xanctonen. Dioceſis, in quo ſint ſexdecim Fratres; Prioratui de Ravello Eugoliſmen. Dioceſis Domos de Ranſeco, ac de Belloſaltu Petragoricen., de Gandalriaco Xanctonen., de Boſco Jenino Lemovicen. Dioceſis, in quo ſint viginti Fratres; Prioratui de Fagia Jumiliaci Petragoricen. Dioceſis Domos de Royſſeto, ac de Bellasilva Lemovicen. Dioceſis, de Planha, de Charrihaco, ac de Podio Guberti Lemovicen. Dioceſis, in quo ſint viginti & duo Fratres; Prioratui de Frantorio Caturcen. Dioceſis Domos de Caturco, de Deganhares, ac de Boſco minori ejuſdem Caturcen., & de Vayſſeriis Sarlaten. Dioceſis, in quo ſint viginti duo Fratres; Prioratui de Deſenſo Agennen. Dioceſis Domos de Ribairolia ejuſdem Agennen. ac de Sancta Roſa Lectoren. Dioceſis, in quo ſint ſexdecim Fratres; Prioratui de Guarugia Agennen. Dioceſis Domos de Moyrinhaco ejuſdem Agennen. de Luco, de Bathuon, & de Lauda Burdegalen., ac de Breda Petragoricen. Dioceſis, in quo ſint viginti & duo Fratres; Prioratui de Pinello Tholoſan. Dioceſis Domum de Loco Dei Montifalban. Dioceſis, in quo ſint quatuordecim Fratres; Prioratui de Monteherbedonis Magalonen. Dioceſis Domos de Salvatico Ruthenen., de Petroſo Caturcen., ac de Montibus Euncis Ajumon. Dioceſis, in quo ſint decem & ſeptem Fratres; Prioratui de Vinaya Anicien. Dioceſis Domos de Bellojoco Lugdun., de Gurcia, ac de Blandona Eduen. & de Prunbols Claromonten., in quo ſint decem & octo Fratres; Prioratui de Chavano Claromonten. Dioceſis Domos de Faheto ejuſdem Claromonten., de Groſſoboſco Bituricen., & de Jayaco Lemovicen. Dioceſis, in quo ſint decem & octo Fratres; Prioratui de Sancto Michaelo Lodoven. Dioceſis Domum de Combaromal Ruthenen. Dioceſis, in quo ſint quatuordecim Fratres; Prioratui de Caſtaneto Lemovicen. Dioceſis Domos de Porteriis, de Chauſelis, de Majorigortia, & de Salmurio ejuſdem Lemovicen. Dioceſis, in quo ſint decem & octo Fratres: Monasterio quoque Grandimonten. Domos de Serra, de Iſpania, de Eſcluſa, de Mureto, de Trezauf, de Roſſeto, de Stricto Cornu, de Brundellis, de Boſco viridi, de Foreſta, de Monteuſto Lemovicen., & de Guarda Xanctonen. Dioceſis: In Regnis quoque Navarra & Angliæ Domos Sancti Martialis de Tutela Ti-

raſonen., & Albisburis Ereforden., de Eſhadda Eboracen. & de Creſſoalle, & Xnenen. Dioceſis Unimus & incorporamus & adnectimus, & huiusmodi unionem, incorporationem, annexionem perpetuis futuris temporibus inviolabiliter obſervari præcipimus Auctoritate Apoſtolica, de dictorum Fratrum conſilio, & Apoſtolice plenitudine poteſtatis. Nulli ergo omnino hominum liceat hanc paginam noſtrorum ordinationum, conſtitutionum, abſolutionis, ſtatutorum, voluntatum, adiunctionis, applicationis, præceptorum, inhibitionum, exortationis, injunctionis, mandati, juſſionis, vacationis, unionis, incorporationis, & annexionis infringere &c.

Datum Avenioni quinto decimo Kalendas Decembris Pontificatus noſtri Anno Secundo.

Clausula.

Dat. die 17. Novembris 1317. An. II.

## XIII.

Damnatione ſectæ Bizochorum, Beguinorum, Fraticellorum, Pſeudofratrum S. Franciſci de Aſſiſio:

Joannes Epiſcopus, Servus Servorum Dei. Venerabilibus Fratribus, Patriarchis, Archiepiſcopis, & Epiſcopis, ac dilectis filiis electis, ad quos literæ iſtæ pervenerint. Salutem & Apoſolicam benedictionem.

**G**lorioſam Eccleſiam non habentem maculam aut rugam, quam Chriſtus dilexit, pro qua ſemetipſum tradidit, ut ipſam ſanctificaret, mundans eam lavacro aque in verbo vitæ, David Propheta cunctis prælatam gentibus, ſpiritu revelante cognovit, & ſplendorem tantæ dignitatis admirans, illam ſub ſimilitudine regalis faſtigii demonſtravit dicens: Aſſitit regina a dextris tuis in veſtitu deaurato, circumdata varietate, nimirum ipſa Chriſti ſponſa virgo Mater Eccleſia, quia inclyto capiti ſuo Domino Jeſu Chriſto inviolabilis fidei glutino copulatur, & ejus imperio prona obeditione ſubſternitur, cum illo unum effecta tam incomparabilis unionis, merito rebus omnibus more regio principatur. Quæ dum pia, ac devota religione terrena deſpicit, cæleſtia appetit, omne ſiniſtrum premens, a dextris ſponſi glorioſa conſiſtit: & quia geminæ caritatis ſplendore omni ex parte rutilat, in veſtitu aureo etiam Angelicis ſpiritibus admiranda coruſcat. Cujus inæſtimabilis decor, quia vario vivendi genere, in una tamen caritate perficitur, quaſi de veſtis pulcherrimæ varietate lætatur.

Proemium.

§. I. In hoc igitur veſtimento tam mirabili varietate diſtincto, Minorum Fratrum, ſacer Ordo, ab ipſo ſuæ foundationis exordio, Almi Confeſſoris B. Franciſci regulari traditione, & Apoſtolice Sedis auctoritate, atque confirmatione indiſſolubili quadam textura, connexus, fide clarus, ſpe validus, caritate profuſus, humilitate placidus, obeditione devotus, velut ſingulare jubar ſanctitatis, exemplo ac doctrinæ verbo per univerſum orbem cla-

Elogium Ordinis Franciscanorum.



Ejus decorem  
perditi quidā  
homines ob-  
nubilare sata-  
gunt.

Se dumtaxat  
§. Francisci  
regulam ob-  
servare disti-  
ntes.

Eos reprime-  
re curavit  
Clemens IV.

At corā Cle-  
mente V. no-  
vas querelas  
propoluere.

His vero de  
Pontificis mā-  
dato exami-  
natis illos suis  
Superioribus  
voluit obedi-  
re, finemque  
querelis fecit.

claruit, & ecclesiastico decori multum uti-  
litatis & plurimum inclytæ alacritatis in-  
vexit.

§. 2. Verum quia humani generis inimi-  
cus, ubi virtutum segetes uberius videt exur-  
gere, ibi scandalorum vepres & dissidiorum  
zizania satagit cumulatius seminare, nonnul-  
li hujus sacre Religionis solo nomine profes-  
sores, dum altiora se petunt, dum præpo-  
steris & perturbatis gradibus citius ruituri, in  
magnis & mirabilibus supra se ambulare co-  
nantur, illius delusi fallaciis, qui se, ut alios  
decipiat, in lucis Angelum transfigurat, si-  
bimetipsis ruinam, infirmioribus scandalum,  
solidioribus vero probationem & meritum,  
pepererunt, pro viribus satagentes tam præ-  
clari Ordinis unitatem scindere, obnubilare  
famam, perturbare quietem.

§. 3. Dudum siquidem hujusmodi super-  
stitiosi & discoli homines, in provincia Pro-  
vinciæ adversus communitatem præfati Or-  
dinis insurgentes, & se solos, suosque com-  
plices de Observantia regulæ B. Francisci mi-  
ra vanitate jactantes, reliquam Ordinis mul-  
titudinem, de transgressione regulæ, perpe-  
ram judicando notabant. Nonnullos profanæ  
multitudinis, verbis mendacibus, & mentis  
sanctitatis obtentu, in sui erroris devium ad-  
ducentes.

§. 4. Quorum vipereos partus in ipso sui  
exortu felicitis recordationis Nicolaus Papa  
Quartus prædecessor noster, ne in multorum  
perniciem alerentur, ad veritatis petram  
elidere cupiens, Generali Ministro, qui tunc  
temporis memorato Ordini præsidebat, distri-  
cte præcipiendo mandavit, ut hujusmodi præ-  
sumptores, disciplina debita coereret, prout  
in literis ipsius prædecessoris nostri plenius  
continetur.

§. 5. Sed horum pestilentissimas novita-  
tes, hoc remedio compressas fuisse potius quam  
extinctas redivivus error enunciat, & tristic  
experientia manifestat. Nuper enim nonnulli  
factionis superstites memoratæ, adjunctis sibi  
quampluribus de dicta Provincia Provinciæ,  
& provincia Thuscæ, & aliis diversarum  
fratribus nationum, coram piæ memoriæ Clem.  
Papa V. prædecessore nostro, diversas regulæ  
quæstiones, diversasque contra universitatem  
dicti Ordinis propoluere querelas, & quasi ipsi  
soli, ipsorumque complices, B. Francisci Re-  
gulam & perspicacius intelligerent, & effi-  
cacius adimplerent, notam actionis contra-  
riæ, in universitatem præfati Ordinis impie  
detorquebant.

§. 6. Qui Clemens prædecessor hujusmo-  
di homines benignitate magis, quam severi-  
tate satagens emendare, illorum pestiferos  
conatus patientiæ virtute tolerans, prædictas  
quæstiones atque querelas pluribus Archie-  
piscopis, Episcopis, & sacre Theologiæ pro-  
fessoribus, & aliis juris scientia præditis discre-  
tione dotatis examinandas commisit, & ad  
suam audientiam perferendas. Quibus dili-  
genter, & cum multa maturitate peractis,  
sæpe nominatus Clem. prædecessor de veri-  
tate certior factus, præfatum religionem san-  
ctam & (ut ejus utamur sermonibus) muris  
observantiæ regularis firmiter undique asseruit

*Bull. Rom. Tom. III. Pars II.*

circumclusam, & quædam, quæ circa regu-  
lam dubium sensum asserre poterant, decla-  
ravit: districte præcipiendo mandans, ut dicti  
fratres, qui contra præfatum communitatem  
Ordinis hujusmodi quæstiones moverant &  
querelas, ad Conventus, unde discesserant,  
reverterentur, & suis superioribus obedirent  
humiliter & devote, harum quæstionum &  
querelarum prætextu ad Romanam Curiam  
de cætero minime reversuri.

§. 7. Et ut ipsius salubris ordinatio ad op-  
tatum duceretur effectum, venerabilibus Fra-  
tribus nostris Archiepiscopo Januensi, & Lu-  
censi, ac Bononien. Episcopis per suas lite-  
ras demandavit, ut ipsi, vel alter eorum per  
se, seu alium, vel alios, fratres illos de  
provincia Thuscæ, qui occasione præfata dis-  
sensionis & adhærentiæ, ad illicita laxatis ha-  
bentis, quædam loca dicti Ordinis in provin-  
cia Thuscæ constituta occupaverant, & oc-  
cupata temeritate damnabili detinebant, suis  
alias obedire Superioribus aspernantes, com-  
pellerent, ut eisdem locis, per eos occupa-  
tis, omnino dimissis, ad suorum Superiorum  
obedientiam, qualibet exceptione & occasio-  
ne postpositis reverterentur, moraturi ubi-  
cumque, & sicut iidem Superiores ducerent  
disponendum.

§. 8. Quarum literarum auctoritate di-  
lectus filius Bernardus Prior Ecclesiæ sancti  
Fidelis juxta Senas, cui præfatus Bononien-  
sis Episcopus super hoc commiserat vices suas,  
in ipsos fratres dicti mandati contemptores,  
eorum exigente contumacia, excommunica-  
tionis sententiam promulgavit, & eos fecit  
excommunicatos publice nunciari.

§. 9. Qui Ecclesiastica vincula non verentes,  
non absque temeritatis audacia, apostasia  
nota, mentisque vesania, contra Apostolica  
mandata, & dicti Ordinis instituta, se ad  
partes Insulæ Siciliæ transfulerunt, & inibi ab  
obedientia, & unitate dicti Ordinis, & Præla-  
torum ejus se totaliter separantes, quasi me-  
morati Ordinis B. Francisci stabilem, firmam-  
que compaginem rescindere stolidæ præsum-  
ptione valerent, novi Ordinis, immo abho-  
minabilis horroris cassis conatibus, moliti sunt  
ponere fundamenta, tam detestabili turbæ  
præficientes magis idolum, quam prælatum,  
Henricum de Cena dicti Ordinis refugam, &  
apostatam fugitium.

§. 10. Et ut tam fædo capiti membra cæ-  
tera responderent, Provinciales Ministros,  
Custodes præterea, & Guardianos eligere te-  
meritate simili præsumperunt, plurimos ad  
ipsorum sectam recipere, Prædicatores, &  
Confessores assumere, eosdemque ad hujusmo-  
di confessionis, & prædicationis officium trans-  
mittere, loca etiam a locis Fratrum ipsius  
Ordinis semota, ad habitandum de novo con-  
struere, seu constructa recipere, contra Ro-  
man. instituta Pontif. in animarum suarum pe-  
riculum, aliorumque perniciem attentantes.

§. 11. Et ut ipsorum error veritas, &  
impietas religio putaretur, temeritate pro-  
pria quosdam habitus cum parvis caputiis, cur-  
tos, strictos, inusitados, & squallidos, simu-  
lationis conscios, irrisu amicos, ac dissi-

Nonnullosque  
delegavit, qui  
eos ad obe-  
diendum Su-  
perioribus  
compellerent.

Incontuma-  
ces quosdam  
prolata ex-  
communica-  
tio.

Si vero in  
Siciliam se-  
cedentes no-  
vum Ordinem  
instituire mo-  
liti sunt, cui  
Apostatam  
quemdam  
præfecere.

Provinciales,  
ceterosque  
elegunt Mi-  
nistros, novos-  
que constru-  
ere Conven-  
tus.

Habitu mu-  
taçunt.



dii non ignaros, discrepantes à communitate Ordinis supradicti assumere, & in simplicium cordibus, ut eosdem secum in devium erroris adducerent seminare, dictos habitus fore secundum regulam B. Francisci, & in ipsis solum pseudofratribus Ordinem consistere, famamque aliorum fratrum præfatae communitatis diversis convitiis lacerare procaci impudentique versutia præsumpserunt.

In multis inde errores lapsi sunt.

§. 12. Verum quia sic sunt casus mentis, ut primo quidem infelix animus per superbiam intumescat, & exinde contentionem, de contentione in schisma, de schismate in hæresim, & de hæresi in blasphemias infelici gradatione, immo præcipiti ruina descendat, prædicti temeritatis atque impietatis filii; ut habet fide digna relatio, ad eam sunt mentis inopiam devoluti, quod adversus præclarissimam & saluberrimam Christianæ fidei veritatem, impie sentiunt, sacramenta Ecclesiæ veneranda contemnunt, & in gloriosum Ecclesiæ Romanæ Primatum, cunctis nationibus percellendum ab ipso conterendi citius impeti, cæci furoris impingunt.

§. 13. Et ne aliquid prædictarum blasphemiarum tolerabile videatur, aut dubium, de plurimis eorum erroribus aliquos ne latere, & perinde nocere valeant, præsentibus duximus annotandos.

Duas fingunt Ecclesias.

§. 14. Primus itaque error, qui de istorum officina tenebrosa prorumpit, duas fingit Ecclesias, unam carnalem, divitiis pressam, effluentem divitiis, sceleribus maculatam, cui Romanum Præfulem, aliosque inferiores prælatos dominari asserunt. Aliam spiritualement frugalitate mundam, virtute decoram, paupertate succinctam: In qua ipsi soli, eorumque complices continentur, cui etiam ipsi spiritualis vitæ merito, si qua fides est adhibenda mendaciis, principantur.

Huiusmodi error reprobat.

§. 15. Quæ impietas sic istis sceleratis est propria, ut a nulla hæresi possit esse sejuncta. Quippe omnes impii; dum prave in fide sentiunt, dum ab unitate Ecclesiæ, atque obedientiæ per contumaciam separantur, universitatem fidelium carni, se ipsos vero spiritui servire frivolis assertionibus mentiuntur: quorum dementiæ nihil adici posse, illi manifeste cognoscunt, qui sicut unicū Christum prædicant, sic unam Ecclesiam profitentur Doctore gentium attestante, qui ait: Ipsum dedit caput super omnem Ecclesiam, quæ est corpus ejus. Una est igitur sancta universalis Apost. atque Rom. Eccl. quæ non humana præsumptione, sub potestate nititur, sed divina, & prorsus incommutabili auctoritate fundatur, cujus egregium primatum, si quis impie docendo negat, non solum criminofus aut schismaticus esse convincitur, sed hæreticus impietatis suæ merito, divina etiam atque humana ratione, & auctoritate censetur. Quia peccatum paganitatis incurrit, quisquis, dum se Christianum asserit, Sedi Apostolicæ obedire contemnit, cui inter cetera dona hoc privata largitione concessum est, ut saluberrima fides, quam B. Petrus cælesti Patre revelante cognovit, & immensa potestas, quam ei in eodem Apostolorum Prin-

cipe Christus indulsit, sic per legitimam Rom. Pont. successionem illibata decurrat, ut illam usque ad finem sæculi, nec perfidia maculet, nec adulterini pastoris Pontificium interrumpat. Quam velut validissimam navem divinæ gubernationis præsidio communitam, nec variarum opinionum, atque hæresum turbines, a suæ unitatis compage divellunt, nec tyrannicæ potestatis incurfus ad ima deprimit, quin potius & illos auctoritate atque veritate superans, & istos patientiæ virtute supplantans, inter blanditias terrenæ felicitatis, & asperitates sæculi felici navigatione media graditur, donec ad portum futuræ beatitudinis duce Domino veniatur. In qua velut in Arca animalia munda, atque immunda servantur: sicut in area frumenta paleis permiscuntur: quemadmodum in sagena boni pisces & mali coeunt, in agro zizania & triticum simili generatione succrescunt, nec tamen ipsam membrorum infirmantium immunditia polluit, extollit levitas, corrumpit nequitia, insolentia scindit, sed manens integra atque perfecta, adoptionis filios fide generat, verbo nutrit, auctoritate defendit, poenitentia purgat, patientiæ virtute supportat, nec illam divitiarum cumulus suffocat, quia illis tamquam creatura Dei bona cum gratiarum actione bene utitur, & aurum habet, non ut in illo finem constituat, sed ut necessitatem patientibus misericorditer largiendo succurrat. Extra quam salus esse non potest, quia natura non patitur, ratio non finit, & divina providentia non permittit, ut membrum, quod a totius corporis unitate sejungitur, virtute, quæ a vertice in corpus influit, aliquid vegetetur. Quo fit, ut apud istos vaniloquos, nec sancta paupertas, nec castitas munda, nec virtus possit esse perfecta, quia consequens est, ut omni virtute, omni bonitate priventur, qui Deum virtutum, cujus est totum quod est optimum, per inobedientiam derelinquunt.

§. 16. Secundus error, quo prædictorum insolentium conscientia maculatur, Venerabiles Ecclesiæ Sacerdotes, aliosque ministros, sic jurisdictionis clamitat auctoritate desertos, ut nec sententias ferre, nec Sacramenta conficere, nec subjectum populum instruere valeant, vel docere; illos fingentes omni Ecclesiastica potestate privatos, quos a sua perfidia viderint alienos, quia ipsos solos (ut ipsi somniant) sicut spiritualis vitæ sanctitas, sic auctoritas perseverat. In qua re Donatarum sequuntur errorem, qui olim facto schismate ab unitate Ecclesiæ recedentes, ita in sua secta Dei gratiam dixerunt esse coactam, ut nullus eam recipere esset idoneus, qui non foret ipsorum scelere maculatus.

§. 17. Quorum impietatem zelus fidelium illo in tempore sic exhorruit, sic pia persecutione compressit, ut homines tam pestilenti contagione respersos, & censura Ecclesiastica anathematis mucrone feriret, & legum publicarum sanctio extremo judicio prædamnaret. Quia dignum erat & æquum, ut contra illos utriusque gladii potestas exurgeret,

Sacerdotes præter ipsos, carere facultate administrandi Sacramenta propugnante qui error refellitur.



ret, qui auctoritatem Ecclesiasticam a solo Deo traditam, & in perpetuum duraturam, profanis assertionibus abnegarent. Manet igitur etiam istis reclamantibus, & usque ad finem sæculi permanebit apud Romanum Præfulem, sicut summa auctoritas, sic immensa potestas, quam sicut gratis accepit, sic in eos, quos in partem sollicitudinis evocat, in unitate fidei & Romanæ Sedis obedientia permanentes, benigne refundit, tam fortiter atque suaviter moderamina indultæ potestatis exercens, ut in corpore Christi, quod est Ecclesia, a summo vertice usque ad extrema vestigia, nihil per inobedientiam dissolutum, nihil relinquat ordinis confusione turbatum. Cujus suavissimum sed validissimum jugum, impii, quia humiliter gestare refugiunt, quod rebus non possunt laceffere, maledictis atque convitiis non desistunt.

Tertius error  
Iuramentum  
a peccato non  
esse sejunctum  
quod impu-  
gnatur.

§. 18. Tertius istorum error in Valdensium errore conjurat, quoniam & ii, & illi in nullum eventum asserunt fore jurandum, dogmatizantes mortalis criminis contagione pollui & poena teneri, quos contigerit iuramenti religione constringi.

§. 19. Quorum blasphemias pietas Christiana condemnans non levitate mota, sed utilitate, aut necessitate coacta, veritatem præteritorum, atque præsentium, & certitudinem futurorum, jurisjurandi religione confirmat, certissime tenens, quia nullatenus de suo genere potest esse peccatum, quod Christus exercuit, qui peccatum non fecit, sed peccatum omne sua passione damnavit, juravit etenim Dominus, juravit & Apostolus Paulus: suæ operationis exemplo monstrantes ad hoc tantum iuramentum esse prohibitum, ne jurandi facultas frequentiam, frequentia consuetudinem, consuetudo periurium introducat. Bonum est ergo iuramentum, per quod veritas rerum divino testimonio confirmatur, sed malum est illi, qui eo male utitur, & a malo infirmitatis humanæ est, ut aliquis verum proferens jurare cogatur.

Quartus error:  
Sacerdotes in  
peccato con-  
stitutos non  
posse confice-  
re vel confer-  
re Sacramen-  
ta.

§. 20. Quarta hujusmodi impiorum blasphemia de prædictorum Valdensium venenato fonte prorumpens, Sacerdotes rite etiam & legitime secundum formam Ecclesiæ ordinatos, quibuslibet tamen criminibus pressos, non posse conficere, vel conferre ecclesiastica Sacramenta confingit.

Quintus er-  
ror: Evange-  
lium in se so-  
los esse com-  
pletum.

§. 21. Quorum utrorumque dementiam ecclesiasticæ veritatis doctrina redarguit, & censura percellit, quoniam nil a bono majus nil a malo minus perficitur Sacerdote, quia Sacramentorum virtus non in merito consecrantis, sed in virtute sancti Spiritus & verbo proficitur Creatoris.

§. 21. Quintus error sic istorum hominum mentes obæcat, ut Evangelium Christi in se solos hoc in tempore asserant esse completum, quod hætenus, ut ipsi somniant obtectum fuerat, immo prorsus extinctum.

§. 23. Quæ impietas sic tenebrosos Manichæorum calles oberrat, ut tamen Montani atque Priscille fœda vestigia non relinquat: illi enim promissionem Domini de Spiritu sancto non in Apostolis, sed in se ipsis comple-

Bull. Rom. Tom. III. Pars II.

am esse asserunt: Isti Evangelium Christi, cujus virtus in Sancti Spiritus perceptione consistit, ita in se completum autumant, ut ab illius claro intellectu, & vera observatione, universitatem fidelium mentiendo secludant. Sancta vero ac universalis Ecclesia talium hominum figmenta deridens firmissime tenet, & nullatenus dubitat, Spiritum sanctum juxta fidele Salvatoris promissum in B. Apostolos die Pentecostes sic plenissime fuisse refusum, ut illos omnem veritatem, quæ ad salutem pertinet perfecte doceret, ut ipsos ad amorem Dei mirabiliter inflammaret, ut eosdem contra omnem tentationem munere virtutis firmitate muniret. Cujus Spiritus virtus illa sanctam Ecclesiam usque ad finem sæculi nova semper prole fecundat, ut renatis fonte baptismatis una sit fides mentium, & pietas actionum: quod profecto non esset, si sanctum Evangelium, in quo Christianæ fidei regula continetur, omnibus esset clausum, & istis solummodo (quod cogitare impiissimum est) esset apertum.

§. 24. Multa sunt alia, quæ isti presumptuosi homines contra conjugii venerabile Sacramentum garrere dicuntur; Multaque de cursu temporum, & fine sæculi somniant; Multaque de Antichristi adventu, quem jamjam instare asserunt, flebili vanitate divulgant. Quæ omnia quia partim hæretica, partim infana, partim fabulosa cognoscimus, damnan- da potius cum suis auctoribus, quam stilo prosequenda, aut refellenda censemus. Ipsa enim mendosa commenta seipsa destruunt, quia nec ratione vigent, nec auctoritate constant, ne aliqua verisimilitudine fulciuntur. In hujusmodi doctrinis variis & peregrinis sæpe nominati homines studia sua conterunt. Ad hæc simplicium corda blandis fictisque sermonibus, & simulaturæ humilitatis prætextu, attrahe- re moluntur.

§. 25. Cupientes igitur, quo dicti pestiferi homines, aut in melius commutato consilio a suis perversitatibus resilirent, aut saltem alios perniciosos sermonibus & suæ pravitatis exemplo contaminare non possent, Carissimum in Christo filium nostrum Fredericum Regem Trinacriæ Illustræm hætenus rogavi- mus, & monuimus per Apostolica scripta mandantes, ut hujusmodi viros pestiferos & seminatores errorum, de prædicta insula expelleret, & penitus extirparet, & Ministris, Custodibus, seu Guardianis dicti Ordinis Minorum, cum ab eis super hoc requireretur, faciendo etiam si expediret sæpeditos pseudo- fratres capi, & eorum superioribus tradi captivos, juxta disciplinam Ordinis corrigendos, studeret impendere favorem, consilium, & auxilium opportunum.

§. 26. Ipse vero tamquam obedientiæ filius per suas patentes literas nostrarum literarum seriem continentes, singulis officia- libus suis, per dictam Insulam constitutis præcipiendo mandavit, ut ad capiendos hujusmodi falsos fratres Rectoribus dicti Ordinis, ut prædictæ nostræ literæ continebant, darent consilium, auxilium, & favorem, quod- que ipsa mandata in nostris contenta literis,

Multos alios  
sectantur er-  
rores, & præ-  
dicant.

Hortatum se,  
Pontifex ait,  
fuisse Siciliæ  
Regem, illos  
ut reprimeret  
eorumque Su-  
perioribus  
traderet cor-  
rigendos.

Quod ab ipso  
Rege com-  
pletum.



Illi vero in  
diversa loca  
aufugerunt.

fluere executioni in omnibus demandare.

§. 27. Quæ præsentientes pestiferi memorati, cum ad sinum piæ matris redire saltem ecclesiastica disciplina coacti humiliter debuissent, salubrem coercionem, & felicem necessitatem, quæ ad meliora compellit, fugæ præsidio declinarunt: nonnullis eorum in locis abditis, & latebrosis diætæ insulæ derelictis, qui suis fautoribus, sub quorum defensione consistunt, pro mercede iniqui favoris, perversi dogmatis venena rependunt. Alii vero per loca infidelium discurrentes, mare & aridam circuire feruntur, ut unum saltem faciant profelitem simul cum illis gehennæ ignibus applicandum, ii sunt quos Doctor gentium caute vitandos admonuit, dicens: Nemo vos seducat, volens in humilitate & religione Angelorum, quæ non vidit ambulans frustra inflatus sensu carnis suæ; & non tenens caput, ex quo totum corpus per nexus & conjunctiones subministratum & constructum, crescit in augmentum Dei. Ii sunt diffidentia filii, nubes sine aqua, quæ ventis circumferuntur, sidera errantia, quibus procella tenebrarum reservata est, qui juxta Psalmistæ vaticinium: Nescierunt, neque intellexerunt, in tenebris ambulant, erraverunt ab utero; a veritate scilicet Sanctæ Matris Ecclesiæ recedendo, locuti sunt falsa, vanos & varios errorum tribulos per diversas regiones præsumptione damnabili seminando.

Eos itaque  
ubi capi præ-  
cipitur, sus-  
que tradi Su-  
perioribus pu-  
niendos.

§. 28. Quamobrem zelus fidei, fervor compassionis animarum, exercitare debet corda omnium, qui Christi nomine gloriantur, & ipsius Sanctæ Romanæ ac universalis Ecclesiæ finibus continentur, ut contra istorum insaniam quasi contra publicam pestem valenter exurgant, nec eos in locis, ubi Christiana religionis viget auctoritas, patiantur pacifice vivere, quos adversus matrem & dominam suam, sanctam scilicet Romanam Ecclesiam rebellionis suæ calcibus & horrorem blasphemiarum conspiciunt insanire. Frustra enim utuntur nomine Christiano, qui talibus impietatibus non resistunt, & consequens est, ut possint hæc credere, qui possunt talia patienter audire. Tantas igitur & tam graves insolentias, errores pestiferos, detestabiles blasphemias in Creatoris injuriam, populi Christiani perniciem, & nephariæ operationis exemplum per patientiam immo vecordiam tolerare nolentes, Universitatem vestram monemus sedule, hortamur attente per Apostolica vobis scripta in virtute obedientiæ districte præcipiendo mandantes, quatenus præfato Henrico de Ceva; aliisque pseudofratribus qui ad memoratam Siciliæ insulam hætenus confugerunt, nullum detis, vel dari quantum in vobis est permittatis in præmissis consilium, auxilium, vel favorem: quin potius ipsos velut apostatas excommunicatos, ipsius Ecclesiæ Romanæ rebelles schismaticos, & perversi dogmatis assertores, lupos graves gregi Dominico non parcentes, a vestris finibus arceatis, capientes ipsos, vel capi facientes, & captos tradentes Rectoribus sepe nominati Ordinis Fratrum Minorum, cum ab ipsis vel eorum Vicariis, Procuratoribus, seu Nunciis fueritis

requisiti, per eos juxta ipsorum demerita castigatione debita puniendos: dignum est enim ut apud illos patratorum scelerum poenas solvant, qui ipsorum lubricos calles, & tortuosas sentinas per patientiam longi temporis exploratus cognoverunt, a quorum sacro consortio per apostasiæ vitium recedentes, omni pudore calcato non sunt confusi sanctam religionem, quæ ipsos in sinu suo foverat pietate materna, damnis afficere, maledictis pungere, convitiis lacerare.

§. 29. Proinde, quia ea, quæ contra jus & fas atque ordinariam potestatem temeritas humana præsumit, in poenam perturbati Ordinis quantocius debent juris auctoritate & Apostolica potestate convelli: Nos quicquid in memoratis Provincia Tusciæ, Insula Sicilia, & ubicumque locorum per sæpeditos Fratres, in personarum ad dictam sectam receptione, in Generalis Ministri, & Provincialium, Ministrorum, Custodum, Guardianorum electione (si tamen electio dici possit) & in quibuscumque aliis communiter vel divisim, sub Religionis, Conventus, Congregationis nomine vel colore, attentatum extitit, vel existit, nullius fuisse, vel esse roboris, nullius extitisse, vel existere decernimus firmitatis, unde ipsa cassa, irrita, & nulla censemus, & nihilominus, quatenus de facto processerant, auctoritate Apostolica revocamus.

§. 30. Ceterum, quia verendum est, ne ii præsertim, qui per professionem licet Fantasticam, ad prædictorum infame consortium transierunt, errores sapiant, & alios pestifera contagione corrumpant, omnes & singulos per eos ad suam sectam receptos, maximeque professores ad vestram præsentiam per censuram ecclesiasticam evocate, examinare de fide, de prædictorum erroribus, per vos vel alium seu alios caute diligenterque perquirere sine strepitu & figura judicii, & ipsorum complicitibus atque fautoribus indagare, & si opus fuerit ipsos capi & detineri curate: & si quos inveneritis culpabiles, secundum canonicas sanctiones poena debita punire curate: Invocato ad hoc si opus fuerit auxilio brachii secularis. Contradictores & rebelles per censuram ecclesiasticam compescendo. Testes autem quos ad præmissa videritis evocandos, censura simili, appellatione cessante, cogatis veritatis testimonium perhibere.

§. 31. Volumus insuper & Apostolica auctoritate decernimus, quod quilibet vestrum prosequi valeat negotium, seu articulum, etiam per alium inchoatum, quamvis idem inchoans nullo fuerit impedimento canonico impeditus, quodque a data præsentium sit vobis & unicuique vestrum in præmissis omnibus & eorum singulis, etiam non ceptis præsentibus & futuris, perpetua potestas, & jurisdictio attributa, ut eo vigore, eaque firmitate possitis in præmissis etiam non ceptis præsentibus & futuris, contra prædictos procedere, ac si jurisdictio vestra & cujuslibet vestrum in prædictis omnibus & singulis per citationem, vel modum alium perpetuata legitimum extitisset.

Ab iisque  
facta omnia, &  
patrata cas-  
santur.

De fide etiam  
examinari  
eos, & culpa-  
biles puniri  
mandatur.

Judicibus  
contra eos  
procedendi  
attributa fa-  
cultas.

§. 32. Non



§. 32. Non obstantibus de duabus dietis edita in Concilio generali, & fel. rec. Bonifacii Papæ VIII. prædecessoris nostri, per quas tam iudices, quam conservatores a Sede deputati prædicta, extra civitates & dioec. in quibus deputati fuerint, procedere, & vices suas committere, aut aliquos ultra unam dietam a finibus suæ dioec. trahere prohibentur, & aliis contrariis constitutionibus quibuscumque, seu si aliquibus sit indultum a Sede prædicta, quod excommunicari, suspendi, vel interdicti, aut extra certa loca trahi, vel ad iudicium evocari non possint per litteras Apostolicas non facientes expressam, ac de verbo ad verbum de indulto huiusmodi, ac eorum personis & locis, nominibus propriis, vel ordinibus mentionem, sive alia indulgentia dictæ Sedis generali vel speciali cujuscumque tenoris existat, per quam vestræ jurisdictionis explicatio valeat in hac parte quomodolibet impediri, & de qua, cujusque toto tenore habenda sit in nostris litteris mentio specialis.

Dat. die 23.  
Jan. 1318. P.  
An. II.

Dat. Avinione X. Kalen. Februarii, Pontificatus nostri anno II.

## XIV.

Ex Regest. in  
Arch. Vatic.

Erectio Ecclesiarum Elesten., & sancti Pontii Thermolarum ac suppressio Episcopatus Limosen.

Joannes Episcopus, Servus Servorum Dei. Ad perpetuam rei memoriam.

Exordium.

**A**lma mater Ecclesia, quæ super omnes alias plenum dominium habere dignoscitur, nonnulla plerumque rationabiliter ordinat, quæ postmodum clarius inspecta veritate ipsorum, prout considerata major suadet utilitas, minorque læsio provenit, in melius consultata deliberatione commutat.

§. 1. Sane dudum ad divini cultus augmentum, & ad salutem Populi, quem in Civitate, & Dioecesi Narbonen. sic multiplicat Altissimus, quod ipsorum vultus nequibat, ut condecet, unicus Pastor inspicere, aut alias partes boni Pastoris implere, non sine animarum dispendio personarum degentium in eisdem, paternis studiis intendentes; pensantes etiam, quod Ecclesia Narbonen. sic in proventibus, & redditibus affluenter abundare noscebatur, & noscitur, quod de ipsorum multitudine copiosa reddituum necdum uni seu pluribus Prælati juxta cujuscumque status decentiam sufficienter poterat provideri; Nos ad ipsius divini cultus augmentum & spirituales animarum profectum anhelantes ex animo, præmissis, & aliis suadentibus justis causis attente pensatis Villam de Limoso infra dictam Narbonen. Dioecsim constitutam de Fratrum nostrorum consilio, & Apostolicæ plenitudine potestatis in Civitatem ereximus, & ipsam volumus Civitatis vocabulo insignire: Decernentes quod Parochialis Ecclesia sancti Martini dictæ villæ de

Ecclesia Limosina nuper ab hoc Pontifice in Episcopatum erecta.

Limoso esset & haberetur ex tunc Ecclesia Cathedralis, ac ipsam cum prædicta villa capitulo, & Dioecesi limitandam ab omni jurisdictione dominio, & potestate Archiepiscopi, Capituli, & Ecclesiæ Narbonen., quibus subesse antea noscebatur; majoritate tantum seu superioritate in ipsis dictæ Narbonen. Ecclesiæ, sicut in aliis suffraganeis suis habere dignoscitur reservatis, duximus eximenda; & quia præfata Ecclesia de Limoso facultates non habebat ad Episcopalem sufficientes honorem, decrevimus Episcopo Limosen., qui esset pro tempore, de situatis redditibus ejusdem Ecclesiæ Narbonen. quinque millia Librarum Turonen. parvorum debere summam annuam assignari, prout hæc in nostris super hoc confectis Litteris serosius narrabantur.

§. 3. Cumque postmodum ad partes illas ad inquirendum, in quibus locis limitatio Dioecesis, & assignatio reddituum prædictorum eidem Ecclesiæ de Limoso magis accomode, & cum minori deformatione, & læsione prædictæ Ecclesiæ Narbonen. fieri deberet, & posset, certas, & sufficientes personas duximus destinandas: quare tam ex relatione fidedigna ipsorum, quam etiam plurium Canonorum ipsius Ecclesiæ Narbonen., & Procuratorum etiam Archiepiscopi memorati, qui conditionem, & statum Ecclesiæ Narbonen. prædictæ, & singularium locorum dictæ Dioecesis plene noverunt, compertum est, quod si in dicto loco de Limoso huiusmodi Cathedralis Ecclesia remaneret, in assignatione Dioecesis, & reddituum prædictorum præfata Ecclesia Narbonen. tam in redditibus, & locis sibi magis accomodis, & vicinis, quam etiam in assignatione Dioecesis deformaretur plurimum, & non modicum cederetur; & quod Monasterium Sororum de Pruliano secundum instituta Fratrum Prædicatorum inventum olim Dioecesis Tholosan., cui prædicta Parochialis Ecclesia de Limoso sic in Cathedrali erecta subiecta fuerat, & in qua multos redditus & proventus percipit annuatim, enormiter lædebatur, nec sibi poterat loci commoditate pensata recompensatio competens exhiberi: quodque ad amplioris ipsius divini cultus augmentum in locis infra scriptis duæ poterant erigi Ecclesiæ Cathedrales cum majori animarum profectu, & longe minori læsione ipsius Ecclesiæ Narbonen., tum quia Monasteria prædictorum locorum in redditibus sic affluenter abundant, quod ipsis ambabus Ecclesiis redditus, qui ipsi Ecclesiæ de Limoso fuerant conferendi, sufficere poterunt equa distributione collati, tum etiam propter ipsorum locorum distantiam ab Ecclesia Narbonen. propter quam in assignatione Dioecesis & reddituum facienda eisdem Ecclesiis erigendis non tantum deformationem seu damnum eadem Narbonen. Ecclesia recipere poterit; sicut in erectione solum Ecclesiæ de Limoso præfatæ; præmissis & aliis suadentibus justis causis cum Fratribus nostris plene discussis, quod super erectione Civitatis & Ecclesiæ prædictarum per nos factum erat, revocantes & cassantes expresse, de consilio & auctoritate prædictis ac ex certa nostra scientia ad laudem Dei & exaltatio-

Quibus de causis ab eodem suppressatur.



tationem Ecclesiæ Fideliumque salutem eandem Narbonen. Diocesim in tres Diocesim auctoritate Apostolica dividentes, quas per certos distingui limites faciemus, volumus, & decernimus auctoritate prædicta, & ejusdem plenitudine potestatis, ut præter Civitatem Narbonen., quam suam propriam & distinctam habebit Diocesim, certis de novo finibus limitandam, Electi & Sancti Poncii Thomeriarum Villæ olim dictæ Diæcesis Narbonen. quas veluti ad hoc, ut prædicitur, magis ex causis prædictis accomodas reputamus, in Civitates erigimus, & Civitatis vocabulo decoramus, separatas Diæceses habeant certis limitibus distinguendas: quodque de Beata Mariæ Electen., & Sancti Pontii Thomeriarum Monasteriorum Ecclesiæ sint ex nunc & habeantur de cætero Ecclesiæ Cathedrales: ita quod ipsæ cum earum Capitulis sive Conventibus ac Civitatibus & Diæcesibus limitandis Archiepiscopo & Ecclesiæ Narbonen. utpote Metropolitanæ eorum, tanquam suffraganeæ sint subjectæ.

Ac novæ erigantur Ecclesiæ.

Obstantium derogatio.

§. 2. Non obstantibus quibuscumque exemptionum privilegiis, quæ de cætero eis in hac parte nolumus suffragari, ac in augmentum aliorum reddituum, quibus, ut præmissum est abundare noscuntur, ut earum Præsules, qui pro tempore fuerint, servare valeant Episcopalis dignitatis honorem, præsentium auctoritate decernimus, ut ipsarum Præsules, qui pro tempore fuerint, videlicet Electen. duorum Millium Librarum Turonen. parvorum, Sancti Pontii Thomeriarum vero, cujus Ecclesia magis in redditibus abundare dignoscitur, quam Ecclesia Electen. mille sexcentarum, & triginta quinque Librarum dictæ monetæ summam annui & perpetui redditus de bonis & rebus Mensæ Archiepiscopalis Narbonen. ipsis Ecclesiis magis accomodis & vicinis juxta communem estimationem bonorum & rerum hujusmodi redditualium faciendam; quam quidem eisdem Ecclesiis ac ipsarum Episcopis una cum aliis bonis, quæ antea, ut prædicitur, obtinebant, & obtinent in rebus unicuique ipsarum magis adjacentibus & vicinis juxta distinctionem, seu limitationem Diæcesum prædictarum per alias nostras literas faciendam percipere debeant & habere. Hæc igitur &c.

Redditus utriusque Ecclesiæ assignati.

Dat. die 28. Febr. 1318. P. An. II.

Datum Avenioni secundo Kal. Martii, Pontificatus nostri anno II.

## X V.

Quod Hospitali & Religioni Militum S. Joannis Hierosolymitani, habenti Annalia beneficiorum vacantium, accrescant fructus, quos illa obtinentes & non residentes percipere possent.

Joannes Episcopus, Servus Servorum Dei, Magistro & Fratribus Hospitalis S. Joannis Hierosolymitani.

§. 1. **E**xhibita nobis ex parte vestra petitio continebat, quod dudum post Constitutionem per nos editam, qua specialiter & expresse cavetur, quod habentes Annalia in Ecclesiis, de consuetudine, privilegio, vel statuto, qui ratione dictorum annalium fructus primi, vel secundi, vel alterius cujuscumque sequentis anni beneficium vacantium ubi hætenus in totum vendicaverant, nihil exinde ultra summam, pro qua unumquodque beneficiorum ipsorum consuevit in decimæ solutione taxari, prætextu cujusvis privilegii, consuetudinis, vel statuti, quovis modo perciperent, sed ipsius summæ perceptione dumtaxat deberent esse contenti, totali residuo prædicta obtinentibus beneficia remansuro, nisi forsitan illi, qui fructus illos soliti essent cum integritate percipere, mallet ipsam habere residuum, & obtinentibus beneficia dimittere summam memoratam, quo casu percipiendi, quod mallet, erat eis optio derelicta.

Causa edende Constitutionis.

§. 2. Quandam aliam declaratoriam Constitutionem fecimus, in qua specialiter cavabatur, quod si huiusmodi beneficium obtinentes, in Ecclesia in qua specialiter illud beneficium existeret, minime residerent, ad debitum servitium impendendum, Capitulo ejusdem Ecclesiæ deberet accrescere, cum cessante causa cessare debeat pariter, quod videbat.

§. 3. Quodque ex verbis declarationis hujus satis innui videbatis, quod fructus beneficiorum non residentium accrescere debeant habentibus annalia memorata.

§. 4. Verum ex eo quod in declaratione dicta non continetur expresse de perceptione annalium beneficiorum vacantium vobis debitorum, de prædictis consuetudine, privilegio, vel statuto, quo ad fructus non residentium in eisdem, qui vobis accrescere debent, nullum adhuc commodum assequi potueritis, licet, ut præmittitur, dicti fructus Capitulo non accrescant. Quare Nobis humiliter supplicastis, ut quod in huiusmodi declaratione nostra tacite innuitur, declarare expressius dignaremur.

§. 5. Nos itaque petitionem vestram juri consonam æstimantes, ac propterea in hac parte quieti & indemnitati vestræ providere volentes, præsentis oraculo declaramus, quod fructus prædictæ Ecclesiæ, vel beneficii vacantis, cujus annalia, in quibus consistunt, debentur vobis ex privilegio, consuetudine, vel statuto, etiam pro ea parte, quæ obtinentibus præ-

Sanctio, de qua in rubrica.



præbendam, vel beneficium hujusmodi (si in Ecclesia, ubi illa consistunt personalem residentiam facerent.) deberetur, si non resideant ibidem vere, vel interpretative, utpote per speciale privilegium Apostolicum, vel alias ex causa rationabili ab hujusmodi residentia legitime excusentur, cum dicta pars (ut præmittitur) Capitulo non accrescat, vobis, accrescere debet secundum intentionem & mentem declaratorie memoratæ. Nulli ergo &c.

Dat. die 1.  
Martii 1318.  
An. II.

Datum Avinione, Kal. Martii, Pontif. nostri anno II.

## X V I.

Ex Regest. in  
Archiv. Vat.

Divisio Provinciæ Tarraconen. in duas, &  
Erectio Ecclesiæ Cesaraugustan. in  
Metropolitanam.

Joannes Episcopus, Servus Servorum Dei; Ad  
perpetuam rei memoriam.

Proemium.

**R**omanus Pontifex, cui super omnes Orbis Ecclesias, & Prælatos earum est a Domino collata potestas, provida deliberatione meliora prospiciens, & salutis animarum intendens, interdum dignitates Ecclesiasticas de novo statuit, honores ascribit, nonnunquam efficit unam ex pluribus, & quandoque in plures unam rationabili consideratione distinguit, ut nec excellentiam dignitatum obnubilet multitudo superflua Præfulum, nec raritas diminuta discrimen pariat animarum.

Quibus de  
causis divi-  
denda sit Tar-  
raconen. Pro-  
vincia.

§. 1. Sanè considerantes attentius, quod dum suscepta cura regiminis cor per diversa diverberat, impar quisque invenitur ad singula, quando confusa mente occupatur ad multa; Unde ne in multis sint actus alicujus, sapiens provide prohibet, ne forsàn neutrum bene peragat, si ad utrumque festinet: & proinde sedula meditatione pensantes, quod unus Metropolitan. in Terraconen. Provincia lata, & diffusa quamplurimum sui debitum nequit implere officii, quodque nimis durum est atque difficile in diffusa latitudine tantæ Provinciæ ad Metropolitanum unicum a tot suffraganeis præsertim spatio magno distantibus, & a tot personis aliis Ecclesiasticis, & Mundanis recursum haberi; Sacrorum insuper sancita Canonum ad memoriam revocantes, qui Episcopales Sedes ita præcipiunt ordinari, ut sibi ipsis longo intervallo minime disiungantur Episcopi, quatenus ad consecrationem sui Comprovincialis sine difficultate possint occurrere, & pro aliis, quæ in Ecclesiarum commodum tractanda fuerint, facile convenire; præmissis aliis suadentibus justis causis, ex certa nostra scientia de Fratrum nostrorum consilio, & Apostolicæ plenitudine potestatis, ac de Venerabilis Fratris nostri Eximini Archiepiscopi Tarraconen. assensu ad laudem Dei, exaltationem, & decorem Ecclesiæ, Fideliumque salutem prædictam Tarraconen. Provinciam in duas Provincias Apostolica auctoritate dividimus, ut tantum onus partitum.

in duos, quod per unum procul dubio comode portari non posset, levius feratur ab illis: Ita videlicet, quod præter Tarraconen. Ecclesiam, quæ Metropolis remanebit, suam distinctam Provinciam, ut sequitur habitura Cesaraugustan. Ecclesia ipsius Tarraconen. hucusque suffraganea, quam & totam ejus Diocesim ab omni jurisdictione potestate, & subjectione Archiepiscopi Capituli, & ejusdem Ecclesiæ Tarraconen. prorsus eximimus, ac honoribus, & insigniis Sedis Metropolitanæ decoramus, ex nunc in perpetuum habeatur pro Metropolitana Ecclesia, certam habitura Provinciam, ut infra describitur, ipsiusque Præful Archiepiscopus censeatur: volentes ac decernentes de Fratrum ipsorum consilio, & prædictæ plenitudine potestatis, quod Tarraconen. Metropolis, quæ solemniori statu, & conditione potiori præfulget, & propter antiquam nobilitatem ipsius est honorabilis, & favorabilis prosequenda Barchinonen., Illerden., Gerunden., Dertusen., Vicen., Urgellen., & Valentin. Ecclesiæ, tanquam sibi adjacentes habilis pro suffraganeis & de sua Provincia juxta solitum debeant remanere.

Erectio Me-  
tropolitanæ  
Cesaraugu-  
stan.

Ecclesiæ suf-  
fraganeæ Me-  
tropolis Tar-  
raconen.

Aliæque Cæ-  
saraugustan.

§. 2. Et quia dignum, est, ut Cesaraugustan. Metropolis, ex quo de Filia facta mater Metropolitanæ Dignitatis suscepit insignia, suffraganearum congruum numerum Filiarum ac decentem Provinciam habeat, ut ad Archiepiscopi Cesaraugustan. judicium omnes causæ suffraganeorum Episcoporum, & personarum Ecclesiasticarum, ac Civitatum ejusdem Provinciæ juxta Sacrorum statuta Canonum referantur, Nos Oscan., Tirasonen., Pampilonen., & Calaguritan., Ecclesias suffraganeas quondam prædictæ Terraconen. Ecclesiæ, quas cum earum Dioecesibus, Collegiis, seu Capitulis a jurisdictione, potestate, & subjectione quacumque Archiepiscopi, Capituli, & Ecclesiæ Tarraconen., & Ordinariorum aliorum quorumlibet, quibus subiectæ fuerant hætenus, eximimus penitus auctoritate præsentium, ipsius Ecclesiæ Cesaraugustanæ suffraganeas, ac de Provincia Cesaraugustan. in perpetuum fore decernimus, & cum suis Dioecesibus Metropolitanico jure subicimus, & subiectas esse volumus eas illi de prædictorum consilio, & plenitudine potestatis.

§. 3. Porro Cathedralem Ecclesiam sanctæ Mariæ Albarresin. sitam in Finibus Regni Aragoniæ, de cujus subjectione prædictus Tarraconen., & Venerabilis Frater noster Toletan. Archiepiscopi diutius contendisse feruntur, cum sit eidem Cesaraugustan. Metropolim plurimum adjacens, ex nunc ab ipsorum Archiepiscoporum, necnon Capitulorum, & Ecclesiarum Toletan., & Tarraconen. jurisdictione, subjectione, ac potestate qualibet, de prædictorum consilio, & plenitudine potestatis eximimus, eamque similiter suffraganeam Cesaraugustan. Ecclesiæ, ac de Cesaraugustan. Provincia esse decernimus ac subicimus Metropolitanico jure: sibi prædicta contentione seu litigio nequaquam obstante.

Cui subicitur  
quoque Ec-  
clesia S. Mariæ  
Albarresin.

§. 4. Hæc igitur &c.

Da-



Datum Avenioni quinto decimo Kalendas Augusti Pontificatus Nostri Anno II.

## XVII.

De Lectorum ad Studium Perusinum admissione, &amp; Scholarium promotione ad Doctoratum.

*Hoc Studium erexit Clemens V. ut sup. in ejus Const. II. fol. 165.*Joannes Episcopus, Servus Servorum Dei,  
Ad perpetuam rei memoriam.

Exordium.

**I**Nter ceteras curas, quas nobis ex iuncto divinitus Apostolatus officio imminere conspiciamus, & desideria cuncta, in quibus iugi meditatione versamur, ad illa precipue affectus noster dirigitur, nostræque mentis intentio ardentius incitatur, ut Catholicæ fidei professores, quos veræ fidei verum lumen illuminat, gloriosa literarum scientia imbuantur, & efficiantur laudabilis sapientiæ studiis eruditi. Hujusmodi enim donum impreiabile pretio nullo conceditur, sed divinitus animabus benevolis indulgetur. Hujusmodi desiderabilis est, & gloriosa possessio, per quam pelluntur ignorantiae tenebræ, ac erroris funditus eliminata caligine, studentium commendanda solertia, suos actus & opera disponit & ordinat in lumine veritatis. Ob hoc igitur magno (nec mirum) desiderio ducimur, ut literarum studia, in quibus margarita scientiæ reperitur, laudanda ubilibet incrementa suscipiant, & propensius invalescant, in illis præsertim locis, quæ ad multiplicanda doctrinæ semina, & germina salutaria producenda, idonea & commoda dignoscantur.

Hæc Academia a Clemente V. erecta.

§. 1. Cum igitur fel. rec. Clemens Papa V. prædecessor noster, attendens fidei puritatem & devotionem eximiam, quam Civitas Perusina Ecclesiæ Romanæ immediate subiecta, ab olim ad ipsam Ecclesiā successionem temporum de bono in melius studuerat augmentare, dignum duxit & æquitati consonum existimavit, ut Civitatem eandem, quam divina gratia, multarum prærogativa bonitatum & fecunditate virtutum gratiose dotavit, scientiarum etiam muneribus ampliaret, & ut favente Deo ex Civitate producerentur viri scientia pollentes, auctoritate Apostolica statuit, ut in Civitate prædicta esset Studium generale, illudque vigeret ibidem perpetuis futuris temporibus in qualibet facultate, prout in Apost. literis prædecessoris ejusdem exinde confectis plenius dicitur contineri.

§. 2. Nos igitur Civitatem eandem propter suæ devotionis insignia, quibus se Apostolicæ Sedis gratia dignam reddit, uberioris dono gratiæ prosequi cupientes, eorum supplicationibus inclinati, auctoritate Apostolica de Fratrum nostrorum consilio.

§. 3. Venerabili fratri nostro Episcopo Perusino & successoribus ejus Episcopis Perusinis, qui erunt pro tempore, impertiendi personis ad hoc idoneis docendi licentiam juxta infra scriptum modum liberam concedimus facultatem, auctoritate prædicta tenore præsentium statuentes; Ut si qui processu temporis fuerint, qui sibi in eodem Studio docendi licentiam, ut alios erudire valeant petierint impertiri, in Jure canonico, & civili examinari possint ibidem, & in eisdem facultatibus dumtaxat titulo Magisterii decorari.

§. 4. Et ut quotiens aliqui fuerint promovendi, præsententur eidem Episcopo qui pro tempore fuerit, vel ei quem ad hoc dictus Episcopus duxerit deputandum, qui Magistris facultatis illius, in qua examinatio fuerit facienda, tam Regentibus quam non Regentibus quinque vel quatuor ad minus in eodem Studio præsentibus convocatis, eos gratis & difficultate quacunque sublata, in dictorum Magistrorum præsentia, de scientia, facundia, modo legendi, & aliis, quæ in promovendis ad Doctoratus sui Magistratus officium requiruntur, examinare studeant diligentius.

§. 5. Nullum tamen qui doctorari petierit in Jure civili ad hujusmodi examinationem admittat, nisi qui ad minus sex annis civilia Jura audiverit, & duobus saltem ex eis illa in aliquo Studio generali, ac Institutionem, vel duos Digestorum vel Codicis libros publice legit in eadem, Uno eorum saltem perlecto in Perusino Studio, in quo fuerit doctorandus. Nullum etiam, qui doctorari petierit in Jure Canonico, ad hujusmodi examinationem recipiant, nisi quinque annis canonica Jura audierit, ex quibus saltem duobus illa similiter in eodem Studio generali, ac duos vel unum Decretalium librum publice legerint in Perusino, in quo fuerit magistrandus. In prædictorum vero duorum annorum numero, tam in Jure canonico, quam in civili illud tempus, quod hujusmodi doctorandi extraordinarie publice aliis legendo, illosque docendo, publice etiam non audiendo expenderint in aliquo studio generali, volumus computari, & proinde haberi ac si per illud audiendo dictorum Iurium generali Studio instituissent, & illos quos idoneos reperient, petito secrete Magistrorum, eorumdem consilio, quod utique consilium fideliter teneantur impendere, quod etiam in ipsorum consulentium dispendium vel jacturam revelari quomodolibet districtius prohibemus, approbet, & admittat, eisque petitam licentiam largiatur. Alios minus idoneos penitus repellendo, postpositis omnino gratia, odio, vel favore.

§. 6. Illi autem qui in Civitate præfata examinati & approbati fuerint, ac docendi licentiam obtinuerint, ut est dictum, ex tunc absque examinatione vel approbatione alia, legendi, & docendi ubique plenam habeant facultatem, nec a quoquam valeant prohiberi.

§. 7. Verum ut rite in præfatis examinationibus procedatur, præcipimus, ut dictus Episcopus, præpositis tantum, sed non tactis Evangelii, juret fideliter se personis quæ per

exa-

Et Promovendos examinandi.

Ac Larueam sub certis legibus concedendi.

Laureatorum Privilegia.

Modus Sacramenti ab eodem Episcopo præstandi.



examinationem hujusmodi repertæ fuerint idoneæ, hujusmodi licentiam impertiri, & quod personaliter non per Vicarium vel substitutum examinationi hujusmodi debeat interesse, nisi esset ex aliqua rationabili causa adeo impeditus, quod suam non posset examinationi prædictæ personalem præsentiam exhibere, in quo casu eidem Episcopo interessendi examinationi hujusmodi per Vicarium vel alium ad hoc idoneum substitutum, tenore præsentium indulgemus. Et quod nemini hujusmodi impertiatur licentiam, nisi ei quem omnis vel major pars Doctorum, qui hujusmodi examinationi intererint, approbabit.

Juramentum  
simile emit-  
tendum a Ma-  
gistris.

§. 8. Magistri quoque in dicta Civitate præsentis sive actu legant sive non, qui ad examinationem hujusmodi fuerint convocandi, semel præsentent publice Juramentum, quod isti vocati ad easdem examinationes venient; nisi fuerint legitime impediti, & gratis dabunt examinationis, fidele consilium, qui de hujusmodi examinatis, vel ut digni approbari debeant, aut minus digni merito reprobari. Qui vero juramentum hujusmodi præstare noluerit, nec ad legendum, nec ad examinationes easdem ullatenus admittatur.

Puncta exa-  
minandis dan-  
da.

§. 9. Modus autem superscriptus in hujusmodi examinatione servetur, nam licentiando in Jure canonico assignentur puncta de mane, videlicet unum Decretum, & unica Decretalis; licentiando etiam in Jure civili, puncta hora prædicta similiter assignentur. Videlicet una lex in Digesto veteri, & altera in Codice per Doctores, super quibus dicti licentiandi examen fuerint subituri. Idem vero Doctores ad mandatum ejusdem Episcopi, circa Vesperas hora debita super prædictis punctis, subiicient licentiandum examini; & tam circa examen hujusmodi, quod fiet in secreto, quam circa examinationem publicam, cetera observent quæ in similib. consuevere in Bononiensi Studio observari. Nulli ergo, &c.

Dat. die 1.  
Augusti 1318.  
An. II.

Dat. Avinione, Kal. Augusti, Pont. nostri Anno II.

## XVIII.

Ex Regest. in  
Archiv. Pa-  
tis.

Ordinatio Studii in Urbe, ejusque Privilegiarum confirmatio.

*Hujusmodi Accademiæ instituit Bonifacius VIII. Constit. XX. superius pag. 100.*

Joannes Episcopus Servus Servorum Dei,  
Ad perpetuam rei memoriam.

Proemium.

**D**ignum duximus & debitum quodammodo arbitramur, ut Urbem Urbium peculiarem Romanæ Ecclesiæ Filiam præcunctis Orbis Urbibus dignitatis titulis præfulgentem in iis præcipue congruis prosequamur favoribus, & præcipuis gratiis attollamus, quæ non solum ejus Incolis super ceteris studiorum causa confluentibus ad eandem præbeant proficiendi desiderium & querendæ sapientiæ inductivum: hujusmodi enim donum impretiabile pretio nullo conceditur, sed divinitus animabus benevolis indulgetur: hujusmodi desiderabilis est gloriosa possessio, per

*Bull. Rom. Tom. III. Pars II.*

quam pelluntur ignorantie tenebræ, ac erroris funditus eliminata caligine studentium, commendanda solertia suos actus disponit & ordinat in lumine veritatis. Ob hoc igitur magno, nec mirum, desiderio ducimur, ut Literarum studia, in quibus Margarita scientiæ reperitur, laudanda ubilibet incrementa suscipiant, & propensius invalescant; sed in Urbe precipue, quæ ad multiplicanda doctrinæ semina, & germina salutaria producenda multipharia idonea & accomoda reperitur.

§. 1. Cum igitur felicitis recordationis Bonifacius Papa Octavus Prædecessor noster attendens fidei puritatem, & devotionem eximiam, quibus prædicta Urbs erga Romanam Ecclesiam ab olim claruisse dignoscitur, & quod illas ad dictam Ecclesiam tanquam ejus prædilecta & inclita Filia successione temporum de bono in melius studuerat augmentare, ut ex Civitate ipsa favente Deo producerentur Viri scientiæ præpollentes, auctoritate Apostolica statuerit, ut ibidem esset studium generale, idque vigeret ibidem perpetuis futuris temporibus, præsertim in facultatibus Juris Canonici & civilis, prout in Apostolicis Literis Prædecessoris ejusdem plenius continetur; Nos Urbem eandem propter præmissæ suæ devotionis insignia uberioris dono gratiæ prosequi cupientes, auctoritate Apostolica de Fratrum nostrorum consilio Vicario nostro in dicta Urbe in spiritualibus, qui nunc est, & pro tempore erit, impertiendi Personis ad hoc idoneis docendi licentiam juxta infra scriptum modum liberam concedimus facultatem, auctoritate prædicta, tenore præsentium statuentes, ut si qui processu temporis fuerint, qui sibi in eodem Studio docendi licentiam, ut alios luculentius erudire valeant, petierint, impertiri, in jure Canonico & Civili examinari possint ibidem, & in eisdem facultatibus dumtaxat titulo Magisterii decorari: & ut quotiens aliqui fuerint promovendi, præsententur eidem Vicario, qui pro tempore fuerit, vel ei, quem ad hoc Vicarius duxerit deputandum: qui Magistris facultatis illius, in qua examinatio fuerit facienda, tam regentibus, quam non regentibus quinque vel quatuor ad minus in eodem studio præsentibus convocatis, eos gratis & difficultate quacumque sublata in dictorum Magistrorum, præsentiam de scientia, facundia, modo legendi, & aliis, quæ in promovendis ad Doctoratus seu Magistratus officium requiruntur, examinare studeant diligenter: nullum tamen, qui doctorari petierit in jure civili ad hujusmodi examinationem admittat, nisi qui ad minus sex annis civilia iura audierit, & duobus saltem & eis illam in aliquo studio generali ac Institutionum vel duos Digestorum vel Codicis Libros publice legit in eodem: Uno eorum saltem perlecto in Romano studio, quo fuerit doctorandus.

Studium in  
Urbe institu-  
tum a Bonifa-  
cio VIII.

De Magisterii  
titulo & lau-  
rea decoran-  
dis.

Laureando-  
rum leges.

§. 2. Nullum etiam qui doctorari petierit in iure canonico hujusmodi examinationem recipiat, nisi quinque annis canonica iura audierit, ex quibus saltem duobus illa similiter in aliquo studio generali, ac duos vel unum Decretalium Librorum publice legerit



erit in Romano, in quo fuerit magistrandus.

§. 3. In prædictorum vero duorum annorum numero tam in Jure Canonico, quam in Civili id temporis, quod hujusmodi doctorandi extraordinarie, publice aliis legendo, illosque docendo publice etiam non audiendo expenderint in aliquo studio generali Volumus computari, & perinde haberi, ac si per illud audiendo dictorum iurium generali studio institisset & illos, quos idoneos repererit, petito secrete Magistrorum eorundem consilio; quod utique consilium fideliter teneantur impendere, quod etiam in ipsorum consulentium, dispendium vel iacturam revelari à quolibet districtius prohibemus, approbet & admittat: eisque petitam licentiam largiatur: alios minus idoneos nullatenus admittendo: postpositis omnino gratia, odio, vel timore, favore.

Licentiatum laureatorumque Privilegia.

§. 4. Illi autem qui in Civitate præfata examinati, & approbati fuerint, ac docendi licentiam obtinuerint, ut est dictum, ex tunc absque examinatione, vel approbatione alia regendi & docendi ubique plenam habeant facultatem, nec a quoquam valeant prohiberi.

Conditiones, ac circumstantie examinis.

§. 5. Sane ut rite in præfatis examinationibus procedatur, præcipimus, ut dictus Vicarius propositis tantum, sed non tactis Evangelii juret, fideliter se personis, quæ per examinationem hujusmodi repertæ fuerint idoneæ, hujusmodi licentiam impartiri, & quod personaliter non per Vicarium vel substitutum examinationi hujusmodi debeat interesse, nisi esset ex aliqua rationabili causa adeo impeditus (super quo ejus conscientiam oneramus,) quod suam non posset examinationi prædictæ personalem præsentiam exhibere: in quo casu eidem Vicario interessendi examinationi hujusmodi per alium ad hoc idoneum substitutum, quod tactis Sacrosanctis Evangelii præstare juramentum simile teneatur, tenore præsentium indulgemus: & quod nemini hujusmodi impertietur licentiam, nisi ei, quem omnes vel major pars Doctorum, qui hujusmodi examinationi intererunt, approbabit.

§. 6. Magistri quoque in dicta Urbe præfates, sive actu legant, sive non, qui ad examinationem hujusmodi fuerint convocandi, semel præstent publice juramentum, quod ipsi vocati ad easdem examinationes veniant, nisi fuerint legitime impediti, & gratis dabunt examinerum fidele consilium, qui de hujusmodi examinaris velut digni approbati debeant aut minus digni merito non admitti. Qui vero hujusmodi juramentum præstare noluerint, nec ad legendum nec ad examinationes easdem ullatenus admittantur.

Puncta pro licentiantis.

§. 7. Modus autem subscriptus in hujusmodi examinatione servetur quoque in licentiantis. Nam licentiendo in jure Canonico assignentur puncta de mane, videlicet unum decretum & unica decretalis; Licentiendo etiam in jure Civili puncta hora prædicta, similiter assignentur una lex videlicet in digesto veteri & altera in Codice per Doctores,

super quibus dicti licentianti examen fuerint subituri: lidem vero Doctores ad mandatum ejusdem Vicarii hora competenti post nonam ejusdem diei super prædictis punctis subicient licentandum examini, & tam circa examen hujusmodi, quod sit in secreto, quam circa examinationem publicam cetera observent, quæ in similibus consueverint in Bononien. studio observari.

Nulli ergo omnino hominum liceat hanc paginam nostræ concessionis, statuti, voluntatis, prohibitionis, & præcepti infringere &c.

Datum Avenioni Kalendas Augusti Pontificatus nostri anno II.

Dat. die anno. que eodem,

## X I X.

Tutellensis Ecclesiæ, divisio a Lemovicensi, & novi Episcopatus Erectio, cum Diocesis, Capituli, & Mensæ assignatione.

Ex Gall. Christ. n. e. Tom. II.

Joannes Episcopus, Servus Servorum Dei, Ad perpetuam rei memoriam.

**S**alvator noster &c.

§. 1. Sane considerantes attentius, & intra pectoris claustra meditatione sollicita revolventes, quod in tanta multitudine populi, quanta fecundavit Altissimus Civitatem, & Diocesim Lemovicensem singulorum vultus nequibat, ut condecet unicus Pastor inspicere, aut alias partes boni Pastoris implere, quodque durum erat, atque difficile in eadem Diocesi, quæ lata, & diffusa existit, ad unicum tantum a tot personis Ecclesiasticis, & mundanis recursum haberi.

Divisionis, novæ que erectionis causæ.

§. 2. Nos cultum augere divinum, & Spiritualem animarum profectum, quem ex subscriptis indubie provenire speramus, promovere salubriter intendentes, præmissis, & aliis suadentibus justis causis cum Fratribus nostris habito super hoc diligenti tractatu de ipsorum consilio ex certa nostra scientia, ac Apostolicæ plenitudine potestatis, ad laudem Dei, & exaltationem Ecclesiæ fideliumque salutem Lemovicensem Diocesim auctoritate Apostolica dividimus in duas Dioceses, quas pro certo distingui limite faciemus volentes, ac etiam decernentes auctoritate prædicta de Fratrum eorundem consilio, & prædictæ plenitudine potestatis, quod præter Civitatem Lemovicensem, quæ suam propriam, & distinctam, habeat Diocesim certis finibus limitandam, Villa Tutellensis dictæ olim Diocesis, quam veluti ad hoc convenientem, & accommodam eadem auctoritate in Civitatem erigimus, & civitatis vocabulo insignimus separatam diocesim habeat a diocesi remansura Civitati Lemovicensi certis limitibus distinguendam: quodque Ecclesia quondam Monasterii Tutellensis Ordinis Sancti Benedicti Civitatis ejusdem sit de cætero, & habeatur perpetuo Ecclesia Cathedralis, ipsa, & Civitate prædicta Tutellensi cum suis Capitulo ac Diocesi per nos, ut præmittitur, limitanda ab omni Iurisdictione, Dominio, & potestate.

Divisio ac erectio, de quibus in Rubrica.



testate, ac Superioritate Episcopi Capituli, & lemovicensis Ecclesie remanentibus omnino liberis, & exemptis, nullo predictis lemovicensi, superioritatis, aut majoritatis titulo in Ecclesia, Civitate Tutellenfi cum suis Capitulo, & Dioecesi quomodolibet remanente.

Dat. die 13.  
Augusti 1319.  
Ann. II.

Datum Avinioni idus Augusti Pontificatus nostri anno II.

## X X.

Ex Regest. in  
Archiv. Vat.

Institutio Militie Jesu Christi in Regnis Portugallie, & Algarbiorum sub regulari observantia Ordinis Militie de Calatrava, ejusdemque Ordinis assignatio primae Domus facta per Regem in Castro de Marino Silven. Dioecesis.

Joannes Episcopus Servus Servorum Dei,  
Ad perpetuam rei memoriam.

Exordium.

**A**D ea, ex quibus cultus augeatur divinus, Fidelium quies in quiete proficiat, & defensionis munus & Vallum fidei inexterminabile adversus incursum infidelium hostium opponantur, adhibemus plenius affectibus sollicitudinis nostrae curas.

Templariorum  
suppresso Or-  
dine:

§. 1. Sane dudum felicitis recordationis Clemens Papa Quintus Praedecessor noster quondam Ordinem Militie Templi Hierosolymitani ex certis rationabilibus causis, ejusque statum, habitum, ac nomen in Concilio Vienneensi eodem approbante Concilio irrefragabili & perpetuo valitura substituit sanctione, illum perpetuae prohibitioni supponens, ac districtius inhibens, ne quis dictum Ordinem, vel habitum ejus suscipere, seu deferre, vel pro Templario se gerere quomodolibet attentaret, bonis omnibus dicti Ordinis Apostolica Sedis ordinationi specialiter reservatis: dictusque Praedecessor attendens, quod dilecti Filii Magister & Fratres Hospitalis Sancti Joannis Hierosolymitani Fidei Orthodoxae Cultores, industrii, & Christianae Religionis in trasmarinis praecipue partibus strenui defensores pro defensione illarum Partium & recuperatione Terrae Sanctae ducebant, sicut & ducunt, pericula quaelibet in contemptum, post deliberationem super hoc cum Fratribus suis Sanctae Romanae Ecclesiae Cardinalibus, nec non Patriarchis, Archiepiscopis, Episcopis, & Praelatis aliis, & nonnullis Principibus, & illustribus viris, nec non Praelatorum absentium, Capitulorumque, atque Conventuum, Ecclesiarum, & Monasteriorum Procuratoribus tunc in dicto Concilio constitutis praehabita diligentem, omnia bona dicti quondam Ordinis Templi, quae idem Ordo tempore, quo Magister, & nonnulli ex Fratribus dicti quondam Ordinis in Regno Franciae communiter capti fuerunt, videlicet Anno Domini Millesimo Trecentesimo octavo Mense Octobris per se, vel quoscumque alios habebat, tenebat, & possidebat ubilibet, vel ad dictum Ordinem, ipsosque Magistrum, &

Bull. Rom. Tom. III. Pars II.

Ejusque bonis  
Ordini S. Jo-  
annis Hiero-  
solym. dona-  
tis, exceptis  
his quae in Re-  
gnis Castellae,  
Aragonum,  
Portugalliae,  
Majoricarum,  
& Franciae  
existerant:

Fratres ipsius pertinebant, seu pertinere poterant & debebant, Ordini dicti Hospitalis ipsique Hospitali donavit, concessit, univit, incorporavit, applicavit, & annexit in perpetuum de Apostolica plenitudine potestatis bonis illis, quae idem Ordo Templariorum in Regnis & Terris Charissimorum in Christo Filiorum nostrorum Castellae, Aragonum, Portugalliae, & Majoricarum Regum Franciae habebat, seu possidebat, & ad eum poterant debite quomodolibet pertinere, dumtaxat exceptis, quae dictus Praedecessor certis ex causis pro parte Regum ipsorum praetensis a donatione, concessione, unione, incorporatione, & annexione predictis excepit, specialiter, & exclusit; ea nihilominus dispositioni, & ordinationi Apostolicae reservando: sed ne propter praetensionem Causarum hujusmodi dictorum bonorum in dictis Regnis & Terris consistentium ordinatio diutius differretur, Idem Praedecessor certum terminum dictis Regibus per suas Literas peremptorium assignavit, in quo per Procuratores seu Nuntios idoneos plenum ad hoc & speciale Mandatum habentes, cum omnibus rationibus & munimentis ad causas pertinentibus memoratas apostolico se conspectui praesentarent, informaturi eum de veritate causarum & essentia praedictarum, ejusque super illis ordinationis beneplacitum audiri.

§. 2. Post haec autem Charissimus in Christo Filius noster Dionisius Portugalliae, & Algarbiorum Rex illustris propter hoc ad Praedecessoris ejusdem & subsequenter ad nostram, postquam fuimus Domino permittente ad apicem Apostolicae Dignitatis assumpti, praesentiam Nuntios suos diversis vicibus destinavit, proponi faciens diversas rationes & causas, propter quas Bona ipsa in Regnis suis consistentia uniri, & incorporari non posse memorato Ordini Hospitalis absque suo & Regnorum suorum evidenti prejudicio & dispendioso periculo assererebat: cuius in hac parte causis & rationibus coram Nobis & Fratribus Nostris expositis diligenter auditis, post longam tamen & diutinam examinationem, quam cum Dilectis Filiis Petro Petri Canonico Columbrien. & Nobili Viro Ioanne Laurentii de Montefaratio Milite Nuntiis & Procuratoribus dicti Regis ad hoc legitimum mandatum habentibus & etiam speciale, cuius mandati copiam praesentibus inseri iussimus ad cautelam, habuimus diligentem; inter alia per Procuratores eosdem expositae Nobis fuerunt graves injuriae, & innumera damna, & alia multiplicia & enormia mala non facile commemoranda praesentibus, quae hostes fidei perfidi Saraceni jani retroantiquis & continuatis successive temporibus partibus illis, quas Fideles inhabitant, hostibus eisdem contiguis intulerunt, & inferre non cessant, qui inter caetera adhibenda remedia ad eorumdem Hostium molimina refraganda, utpote de conditionibus illarum partium plenam notitiam obtinentes, ac de ipsius Regis conscientia ad plenum instructi aperuerunt Nobis plures causas necessarias ac evidentes & probabiles rationes, quod in Castro Marino

Indicatum  
Regibus die  
adproferendu  
rationes, si  
quas superis  
habereat.

Rationes a  
Nuntiis Por-  
tugalliae Re-  
gis adductae.



Supplicatum-  
que Papa, ut  
novam Mili-  
tiam in Ca-  
stro Marino  
contra Sara-  
cenos insti-  
tueret.

Silven. Dioecesis in dicto Regno Algarbii constituto, Castro utpote valido, quod inexpugnabile quodam modo reddit loci dispositio naturalis, in fronteria dictorum Hostium Fidei consistente eisque contiguo nova militia pugilum Christi, qui dimissis vanitatibus seculi Sanctę Religionis spontanei professores circa zelum verę Fidei sint accensi, poterat collocari: quorum ope & prompto præsidio prædictis injuriis, damnis, & malis, quorum illationi fera manus hostilis jamdudum vacavit, liberius obviari salubriter poterit in futurum & via prestari facilior non solum ad resistendum hostium prædictorum congressibus, sed etiam ad impetus & conatus conterendos ipsorum & propulsandum eosdem, & recuperandum partes alias intermedias per ipsorum hostium jam olim fraudolentas insidias occupatas: Exposuerunt quoque Nobis Procuratores prædicti, quod occurrit acceptius votis vestris, quod idem Rex præmissa comoda fidei in examen attentę considerationis inducens, tanquam Princeps Christianissimus Deo devotus dictum Castrum, ex quo sibi non parva proveniebat utilitas temporalis, ob tantum bonum eidem fidei proveniturum cum inero & mixto imperio omnibusque juribus & jurisdictionibus paratus erat prædictę novę militię novi Ordinis inibi ordinandę ex sua propria munificentia donatione perpetua elargiri: propter quod Procuratores prædicti Nobis ex parte ipsius Regis humiliter supplicarunt, ut ejus in hac parte pio desiderio annuentes novam militiam pugilum Christi religiose viventium in dicto Castro constituere dignaremur.

Quam ordi-  
nat Joannes.

§. 3. Nos itaque prædictis causis & rationibus diligentius intellectis, easque in attentę meditationis indaginem deducentes propter securitatem Fidelium, & tutelam, plurimaque bona exinde annuente Domino, proventura cum Fratribus nostris super iis diligenti deliberatione præhabita, ejusdem Regis laudabile in hac parte propositum disposuimus favorabiliter prosequendum. Propter quod de ipsorum Fratrum consilio & Apostolicę plenitudine potestatis ad infrascriptam ordinationem divinum super hoc invocantes auxilium duximus procedendum. Cum enim illa fæda dictorum Saracenorum natio & impia Christiani Nominis inimica in fronteria dicti Regni Algarbii contiguis terminis, ut prætangitur, constituta, Regnum ipsum ejusque Fideles in summi Regis offensam per successus prohdolor! retro temporum diversorum tribulationibus multis affligerit, periculis subiecerit variis, & feritatem frequenter armaverit, sicut & armare conatur in exterminium eorumdem; Nos eisdem Regi, & Regno atque fidelibus adversus eorumdem Hostium conatus nepharios deprimendos assistente Nobis divino præsidio prospicere cupientes, in prædicto Castro marino Domum novi Ordinis pugilum Christi providimus ordinandam.

Eique Do-  
mum Regu-  
lar, & Magi-  
strum dat.

§. 4. Quam quidem Domum ipsius Ordinis caput esse decernimus, & ei Parochialem Ecclesiam Sanctę Marię ejusdem Castri

dictę Silven. Dioecesis cum omnibus juribus & pertinentiis suis donamus, concedimus, annectimus, & unimus, ac ad honorem Dei & exaltationem Catholicę Fidei, tutelam Fidelium, & depressionem Infidelium prædictorum In dicta Domo prædictum Ordinem instituimus auctoritate Apostolica & etiam ordinamus; In quo prefata militia fidei Athletarum, qui ordinem proprium profiteantur sub observatione Regulę de Calatrava, ejusdem Regulatores observantias servaturi idonei & in fidei soliditate præstantes debeant collocari, ut sic idem Regnum, & Fideles eo ferventius dictis Hostibus resistere valeant, quo plurium viribus conflatis in unum majori potentia fulciantur, auctoritate Apostolica de ipsorum Fratrum consilio statuentes, quod Ordo prædictorum militum ejusdem novę militię Ordo militia Jesu Christi perpetuis futuris temporibus nuncupetur, ac dilectum Filium Egidium Martini olim Magistrum, Domus Ordinis militię Calatraven. de Avisio Elboren. Dioecesis ejusdem Calatraven. Ordinis Professore, de cuius vitę munditia, Religionis Zelo, maturitate morum, strenuitate Personę, integritate fidei, & aliis innatę sibi probitatis meritis laudabilia nobis testimonia sunt relata, eidem Ordini militię Jesu Christi de ipsorum Fratrum consilio auctoritate prædicta præficimus in magistrum ipsum a magistro præfati Ordinis militię Calatraven. de Avisio auctoritate præsentium absolventes, sibi que curam, gubernationem, & administrationem dicti Ordinis militię Jesu Christi plenarie committentes, alienatione bonorum immobilium dicti novi Ordinis sibi, & suis Successoribus, & membris eius omnibus penitus interdicta, nisi in casibus a jure permixtis & forma juris debita observata dilectis Filiis Fratribus dictę Domus de Avisio vel iis vel ei, ad quos, vel quem Magistri præfate Domus electio vel provisio pertinet, eligendi sibi personam idoneam, vel providendi de persona idonea in magistrum, dantes tenore præsentium liberam facultatem:

§. 5. Dictumque Ordinis Magistrum, qui nunc, & qui pro tempore fuerit, ac Fratres ejusdem Ordinis eisdem privilegiis, libertatibus, & indulgentiis gaudere volumus, quibus Magister & Fratres Calatraven. gaudent.

Eidem Privi-  
legia Militię  
de Calatrava  
communicat.

§. 6. Cui quidem Ordini plena super hoc cum eisdem Fratribus deliberatione præhabita, & de ipsorum consilio ex causā præmissa Castrum album, Langroviam Thomerium & Almoyrol, nec non omnia alia Castra, Fortalitia, & bona mobilia, & immobilia, universa, & singula, quęcumque, & in quibuscumque consistentia, tam Ecclesiastica, quam mundana, nec non nomina, actiones iura, Iurisdictiones, Imperium merum & mixtum; honores, homines, & Vassallos quoslibet, cum Ecclesiis, Capellis, & Orationibus quibuscumque, ac suis iuribus, terminis, & pertinentiis universis, quęcumque Ordo quondam Templi in præfatis Portugallię, & Algarbii Regnis tenebat, habebat, ha-

Dat nonnulla  
bona, præter  
bona Tem-  
plariorum.



bere debebat: quæcumque sint, & in quibuscumque consistant, & quocumque nomine censeantur, & ad eum quacumque ratione vel causa debebant vel poterant pertinere; auctoritate prædicta concedimus, donamus, unimus, incorporamus, annectimus, & in perpetuum applicamus.

Donato novo  
Ordini a Dio-  
niso Rege  
Portugallia.

§. 7. Decernentes irritum, & inane, si secus super prædictis Castris, bonis, a quocumque, quavis auctoritate, scienter, vel ignoranter attentatum forsitan est hætenus, vel contigerit imposterum attentari: dictique Procuratores procuratorio nomine dicti Regis, prout & de speciali mandato eis super hoc facto a Rege prædicto poterant, donaverunt, dictum Castrum Marini pura, & irrevocabili donatione Deo, & dicto Ordini, ac nobis recipientibus pro Ordine novæ Militiæ Jesu Christi, & Magistro prædictis cum omni jurisdictione, mero & mixto imperio, omnibus Vassallis, homagiis, fidelitatis, seu alterius juramenti præstationibus, juribus, & pertinentiis universis, quæcumque sint, & in quibuscumque consistant, & quocumque nomine censeantur: & cum pleno ac libero, & integro exercitio eorumdem, & quidquid juris in proprietate, dominio, seu possessione, vel quasi Jurepatronatus, jurisdictione, mero, & mixto Imperio, hominibus, vassallis, homagiis, fidelitatis seu alterius juramenti præstationibus, honoribus, hominibus, actionibus, seu alias quovis modo eidem Regi in prædictis Castris nominatis & aliis Castris, Terris, & locis non expressis, Fortalitiis, & Bonis cum terminis, & pertinentiis suis: quæ prædictus Ordo quondam Templi tempore dictæ captionis Magistri, & Fratrum prædictorum tenebat, habebat, vel habere debebat, quæcumque sint, & in quibuscumque consistant, & quocumque nomine censeantur; & ad eum quacumque ratione, vel causa debebant, seu poterant pertinere in Regnis, & Terris Regis ejusdem dictus Rex habebat, vel ad eum in eisdem possit quomodolibet pertinere, eidem novo Ordini Militiæ Jesu Christi in nostra, & dictorum Fratrum præsentia concesserunt, dederunt, & donaverunt libere, munifice, pure, simpliciter, & irrevocabiliter inter vivos promittentes procuratorio nomine dicti Regis, prout similiter in mandatis habebant, quod idem Rex postquam ad eum præmissa pervenerint quamprimum commode poterit, dictum Castrum Marinum, nec non universa Castra, Fortalitia, Terras, Loca, bona, & jura prædicta præfatis Magistro, & Fratribus ejusdem novi Ordinis faciet tradi, & assignare integraliter cum effectu, ipsosque dictorum Castrorum, Terrarum, Locorum, bonorum, jurisdictionis, meri & mixti Imperii, & aliorum jurium prædictorum plena, & pacifica possessione, & quasi gaudere, amotis quibuslibet detentoribus ab eisdem, eisque de ipsorum fructibus, redditibus, proventibus, juribus, & obventionibus, & aliis universis integre responderi.

Abbas Monasterii de Alcobatia per-

§. 8. In prædicto autem Ordine per nos, ut præmittitur, noviter instituto dilectus Fi-

lius Abbas Monasterii de Alcobatia Cisterciensis. Ordinis Ulixbonen. Diocesis, qui est, & erit pro tempore, visitationis, & correctionis officium tam in capite, quam in membris quotiens expedierit, debet exhibere, corrigens, & reformans in eo futuris temporibus, quæ correctionis, & reformationis auxilio indigere prospexerit: contradictores per censuram Ecclesiasticam appellatione postposita compescendo.

§. 9. Volumus insuper quod præfatus Abbas, qui est, & pro tempore fuerit, vel ejus Locumtenens, vel loco vacante Administrator Monasterii a dicto Magistro novi Ordinis Militiæ Jesu Christi, qui est, & successoribus ejus, qui pro tempore fuerint, juramentum fidelitatis nomine nostro, & Romanæ Ecclesiæ recipere debeat sub forma infra scripta, quotiens in eodem novo Ordine Magister aliquis assumetur: dictusque Abbas formam juramenti prædicti, quod dictus Magister præstabit, quamcitus comode poterit, Sedi Apostolicæ destinare procuret: dictoque juramento præstito, ac nihilominus postea pro plena securitate ipsorum Regis, & Regnorum Portugallia, & Algarbii, & ad propellenda imminencia sibi quoque pericula, quod præfatus Magister dicti Ordinis Militiæ Jesu Christi, & Successores sui Magistri novi Ordinis memorati, qui erunt pro tempore, vel dictis Magistris absentibus eorum loca tenentes, antequam administrationi hujusmodi bonorum se ingerant, coram dicto Rege, qui nunc est, vel pro tempore fuerit, si Regem ipsum tunc in aliquo dictorum Regnorum Portugallia, seu Algarbii fore contigerit, personaliter se præsentent, eique præstent juramentum personale, & homagium faciant sub hac forma, videlicet: quod ipse Magister fidelis erit dicto Regi, & per se vel alium, nunquam aliquid faciet vel procurabit vel fieri seu procurari consentiet publice, vel occulte, propter quod eidem Regi, & suis vel Regnis, aut Terris ejus aliquod damnum valeat, evenire: quod si forte sciret aliquid procurari, vel fieri quod in damnum dicti Regis aut Regnorum, & Terrarum ipsius esset vel cedere possit, id eidem Regi, quam cito poterit, intimabit, vel faciet intimari: & nihilominus impediet juxta posse: quodque de Castris, Villis, locis, & bonis, & juribus ac hominibus, quæ dictus novus Ordo Militiæ Jesu Christi habet ad præsens, vel habebit imposterum in Regnis, & Terris prædictis, nunquam dicto Regi, vel Regnis, ac Terris, vel subditis suis eodem magistro sciente, volente, mandante, aut ratum habente, aliquod damnum eveniat in futurum: quod si forte sciverit vel senserit, totis impediet viribus, & quantum in eo fuerit, amovebit: Juramentum verò, & homagium supradicta per dictum Magistrum non ratione dictorum Bonorum, sed ratione personæ præstantis Regi præstari, & fieri volumus supradicto: nullumque ipsi Regi ex juramento, vel homagio supradictis in bonis eisdem quodlibet jus acquiri.

Juramentum a Magistro novi Ordinis S.A. præstandum.

Forma juramenti ab eodem præstandi Regi Portugallia tempore belli.



Terminus ad  
huiusmodi ju-  
ramentum  
præstandum.

§. 10. Quæ quidem juramentum, & homagium idem Rex infra decem dierum spatium, postquam a Magistro, qui est & erit pro tempore, fuerit requisitus ab eodem Magistro offerente recipere teneatur. Quod si Rex ipse juramentum, & homagium huiusmodi infra terminum ipsum forte recipere non curaret; liceat dicto Magistro, qui est, & erit pro tempore, absque prædictorum præstatione, & Regis ipsius licentia recedere, & officium Magisterii bonorum huiusmodi exercere libere; & si pro utilitate dicti novi Ordinis sibi videbitur expedire, administrare plenarie in eisdem.

Absente Rege  
præstandum  
Locumtenen-  
ti ejusdem.

§. 11. Si vero in primo ejusdem Magistri dicti novi Ordinis Militiæ Jesu Christi adventu, quem nunc præficimus, & qui præficietur pro tempore, ad Regna prædicta, dictum Regem, qui nunc est, vel qui pro tempore fuerit, ab ipsis Regnis abesse forte contigerit, idem Magister locumtenenti dicti Regis teneatur juramentum præstare, & homagium facere supradicta.

Absente vero  
Magistro, ju-  
ramentum  
præstet ejus  
Locumtenens

§. 12. Eodem vero Magistro absente locumtenens ipsius teneatur dicto Regi, si in aliquo dictorum Regnorum extiterit; alioquin ejusdem Regis Locumtenenti juramentum præstare, & homagium facere, sicut superius est expressum. Et si contingeret fortassis interdum, quod Ordini & bonis prædictis Magister aliquis non præfesset, Locumtenens ipsius, aut ille, qui bonorum ipsorum administrationem habuerit, præfato Regi vel ipsius Locumtenenti ipso Rege a Regnis prædictis absente Juramentum præstet & homagium faciat supradicta.

Simile jura-  
mentum ab  
inferioribus  
Præceptoribus  
emittendum.

§. 13. Inferiores quoque Præceptores dicti Ordinis Militiæ Jesu Christi, eorumque Locumtenentes, cum Præceptores ipsos a dictis Regnis ejusdem Regis abesse contigerit, antequam incipiant in Bonis administrare prædictis, offerre juramentum & homagium huiusmodi dicto Regi, si ipse in aliquo loco dictorum Regnorum, in quo Præceptoria huiusmodi fuerit, præsens extiterit, alioquin Locumtenenti ejus infra prædictum tempus huiusmodi juramentum præstare & homagium facere teneantur: quo elapso sive prædicta juramentum & homagium sint recepta, vel etiam non recepta; liceat prædictis Inferioribus Præceptoribus, vel ipsorum Locumtenentibus ad eorum loca redire, & absque prædictorum præstatione, Regis ejusdem seu Locumtenentis ipsius licentia, in bonis administrare libere supradictis.

Magister, ac  
Præceptores  
& Regi te-  
neantur præ-  
stare, quæ  
eodem ab Or-  
dine Hospita-  
lar. exhibe-  
antur.

§. 14. Volumus tamen, quod Magister ipse aut Præceptor major prædicti Ordinis Militiæ Jesu Christi, seu Locumtenens ipsius eo absente, & Præceptores alii, seu eorum Locumtenentes, qui fuerint sub eodem in Regnis, & Terris ejusdem Regis ad Curias ipsius Regis accedant, & eis, & suis hæredibus, ac Successoribus omnia faciant, quæ Ordo Hospitalis Sancti Joannis Hierosolymitani in Regnis prædictis consistens sibi, ac Prædecessoribus suis facere consuevit: Reservatis etiam omnibus juribus, & servitiis præfato Regi, & Successoribus suis a præfato Ordine Militiæ Jesu Christi, præ-

standis, quæ dictus Rex, & Prædecessores sui a dicto Ordine Hospitalis in Regnis, præfatis existente retroactis temporibus habere consueverint, & adhuc habere noscuntur.

§. 15. Statuimus præterea, & etiam ordinamus, quod quotiens per cessionem vel decessum ipsius Magistri dicti novi Ordinis, vel quocumque alio modo eundem proprio carere Magistro contigerit, aliqua Militaris, & Religiosa persona eundem novum Ordinem expresse professæ, a Fratribus ejusdem novi Ordinis iuxta morem hætenus in Calatraven. Ordine observatum, eligi debeat in Magistrum: Qui absque alia confirmatione pro confirmato, Auctoritate Apostolica habeatur: quodque a tempore vacationis per ejusdem Magistri obitum, vel alio quocumque modo, novi Ordinis memorati, Illi Milites, & Fratres ejusdem novi Ordinis bona ipsius in eodem novo Ordine libere administrent, quousque eidem novo Ordini fuerit, ut præmittitur, de Magistro provisum, qui iuxta observantias dicti Calatraven. Ordinis, quas circa hoc in prædicto novo Ordine volumus observari, ad administrationem huiusmodi fuerint deputati: & nihilominus dicti Procuratores promiserunt, se bona fide facturos, & curaturos, quod prædictus Rex ea omnia, & singula prout ad eum pertinebit, pertinere poterit, & debet, approbabit, rata habebit, & grata, eaque servare, & adimplere curabit, ullo unquam tempore in contrarium non venturus.

De Magistri  
electione.

§. 16. Tenor autem Procuratorii seu Mandati dictorum Petri, & Joannis per omnia talis est.

Hæc omnia  
rata habita  
Nuntiis Re-  
gis.

§. 17. Noverint universi præsentis procuratoris literas inspecturi, quod Nos Dionisius Dei gratia Rex Portugalliæ & Algarbii constituimus facimus, ac etiam ordinamus Procuratores nostros veros & legitimos & sufficientes ac Nuntios speciales nobilem Virum Joannem Laurentii Militem, & discretum virum Petrum Petri Columbrien. Canonicum, familiares nostros latorem, seu latores præsentium utrumque ipsorum in solidum ita, quod non sit melior conditio occupantis, sed quod unus incæperit, alter mediare valeat & finire super quibuscumque gratiis pro nobis & dictis Regnis nostris a Sanctissimo Patre, ac Domino, Domino Joanne Divina Providentia Sacrosanctæ Romanæ, ac Universalis Ecclesiæ Summo Pontifice impetrandis, necnon ad tractandum ordinandum, & compositionem faciendum, seu componendum cum dicto Domino Summo Pontifice, & cum aliis quibuscumque, qui sua crediderint interesse, super omnibus & singulis bonis, quæ a Fratribus Ordinis quondam Templariorum in Regnis nostris tenebantur, & super omnibus aliis Bonis, quæ in eisdem Regnis nostris a quolibet alio Ordine militari tenentur seu teneri consueverint, & super ponendis, seu ordinandis Magistro seu Magistris, in omnibus præfatis Bonis, prout dictis Procuratoribus nostris & cuilibet eorum videbitur expedire, concedentes sibi, & utrique ipsorum plenam generalem & liberam administrationem super negociis præ-

Tenor man-  
dati Regii.



dictis & quolibet eorundem, & generaliter ad omnia alia, & singula faciendum, & exercendum, quæ circa præmissa, seu præmissorum quodlibet fuerint necessaria, seu etiam opportuna, & quæ Nos facere possemus, si personaliter præsentem essemus, etiam si mandatum exigant speciale: Promittentes Nos ratum, & firmum perpetuo habituros, quicquid per dictos Procuratores nostros seu per alterum ipsorum actum seu procuratum fuerit in præmissis, & in quolibet præmissorum sub hypotheca & obligatione omnium bonorum nostrorum. In cujus rei testimonium has nostræ procuratoris Literas sigillo nostro dependenti fecimus communiri. Datum Ulixbone XIV. die mensis Augusti. Rege mandante Dominicus Joannis notavit era millesima trecentesima quinquagesima sexta.

§. 18. Forma vero Juramenti, quod idem Egidius Martini Magister dictæ Domus Ordinis Militiæ Jesu Christi, & quilibet Successorum suorum præstabit talis est.

§. 19. Ego . . . Magister Domus Ordinis Militiæ Jesu Christi ab hac hora in antea fidelis, & obediens ero Beato Petro Sanctæ Apostolicæ Ecclesiæ Romanæ, & Domino meo Papæ suisque Successoribus canonice intrantibus, non ero in consilio aut consensu vel facto, ut vitam perdant, aut membrum, vel capiantur mala captione, consilium vero quod mihi credituri sunt per se aut per Nuntios suos sive per Literas, ad eorum damnum me sciente nemini pandam: Papatum Romanum, & Regalia Sancti Petri adjutor eis ero ad retinendum, & defendendum salvo meo ordine contra omnem hominem; Legatum Apostolicæ Sedis in eundo, & redeundo honorifice tractabo, & in suis necessitatibus adjuvabo, vocatus ad Synodum veniam, nisi impeditus fuero canonica præpeditio: Apostolorum limina singulis Trienniis visitabo, aut per me, aut per meum Nuntium, nisi Apostolica absolvar licentia: possessiones vero ad domum meam, & Ordinem prædictum spectantes non vendam, nec donabo, neque impignorabo, neque de novo infeudabo, vel aliquo modo alienabo inconsulto Romano Pontifice. Sic me Deus adjuvet, & hæc Sancta Dei Evangelia.

Nulli ergo omnino hominum liceat hanc paginam nostrorum Constitutionum, donationum, concessionum, annexionum, unionum, institutionis, ordinationum, præfectionis, absolutionis, missionis, dationis, voluntatum, incorporationis, applicationis, & statuti infringere &c.

Datum Avenioni secundo Idus Martii, Pontificatus nostri anno III.

Forma Juramenti a Magistro præstandi Rom. Pontifici.

Clausula.

Dat. die 14. Martii 1319. An. III.

## X X I.

Excommunicatio contra Extrahentes, & Introducentes Victualia, merces, & alia in Ducatu Ferrariæ absque Sedis Apostolicæ Officialium licentia, & signo.

Ex Regest. in Archiv. Vat.

Joannes Episcopus, Servus Servorum Dei;  
Ad perpetuam rei memoriam.

**A**D nostri Apostolatus auditum relatio fide digna perduxit, quod nonnulli Ferrarien. Cives, & alii, qui propriis finibus non contenti ad nostra, & Ecclesiæ Romanæ jura aviditatis oculos inicere non verentur, ad Civitatem nostram Ferrarien. sui que districtus loca Bladum, & alia victualia, diversas mercationes, & merces, equos & alia animalia, & res diversas sub signo Bulletæ ipsorum, quod solum ad nos, & ipsam Ecclesiam pertinet, per se, & alios propria temeritate deferunt, & in eis etiam introducunt, & extrahunt exinde non absque nostro, & ipsius Ecclesiæ Romanæ grandi præiudicio, & contemptu: Gabellam vero seu Datium ex iis debitam, & solitam solvi nobis, & eidem Ecclesiæ Romanæ recipiendo, & etiam auferendo.

Causæ faciendæ legis.

§. 1. Nos igitur cohibere tantæ præsumptionis audaciam intendentes auctoritate Apostolica de Fratrum nostrorum consilio, ac in perpetuum valitura constitutione statuimus, & prohibemus expresse, ne aliquis Clericus, vel Laicus undecumque, & cujuscumque conditionis, status, vel dignitatis existat, bladum & quævis alia victualia, mercationes, & merces, Equos, & quæcumque alia Animalia, res, & bona in quibuscumque consistant, sub hujusmodi Bulletæ, & quocumque alio signo, præterquam sub illo, quod ad hoc per Officiales nostros Civitatis ejusdem deputatum existit, de dictis Civitate, ac Districtu quovis colore quæsito extrahere, aut introducere in eosdem, ac hujusmodi Signo uti, aut Gabellam recipere quoquomodo præsumat.

Constitutio, de qua in Rubrica.

§. 2. Nos enim omnes, & singulos contrarium attentantes excommunicationis sententiam incurrere volumus ipso facto ipsorumque Terras, & loca Interdicto Ecclesiastico subiacere. Nulli ergo omnino hominum liceat hanc paginam nostrorum statuti, prohibitionis, & voluntatis infringere &c.

Penz contra inobedientes.

Datum Avenioni secundo Idus Junii Pontificatus nostri anno Tertio.

Dat. die 12. Junii 1319. An. III.



## XXII.

Constitutio penarum contra offendentes, vel alias quibuscumque modis perturbantes Rectorem Beneventanum, ejusque Officiales, & Ministros.

*Bidem.*

Joannes Episcopus, Servus Servorum Dei. Ad perpetuam rei memoriam.

*Proemium.*

**Q**uos prædixit Apostolus dies instare novissimos, quibus abundaret malitia, in nonnullis Matris Ecclesie filiis charitas refrigescit dum fidelitatis debito violato se ad infidelitatis ignominiam convertentes, contra eam ausibus detestandis insurgunt, illam crebris laceffunt injuriis, turbant molestiis, & in suis fidelibus, & Ministris offendere graviter non verentur. Super iis autem recens instantis jactura temporis præteritorum nobis memoriam repræsentans nostros exigat cogitatus, remedia nova perquirere, quibus hujusmodi via præcludatur injuriis, & offensarum temeritas compefcatur, cum publicæ utilitatis intersit, ut excessus vindictæ coerceat, & limes pænæ securitas sit offensæ.

*Causa legis ferenda.*

§. 1. Habet siquidem multorum, Fidelium vulgata relatio immo longe lateque ipsa injuriosa transgressus evidentia manifestat, quod ab olim nonnulli Beneventani Cives tanquam infideles, ac stolidi a fidelitate, qua Ecclesie prædictæ tenentur, in devium declinantes erroris, diversis Rectoribus, qui eis, & Civitatis Beneventanæ nobis, & eidem Ecclesie Romanæ subjectæ, felicitis recordationis Bonifacii, Clementis, ac Benedicti, & aliorum diversorum Romanorum Pontificum, Prædecessorum nostrorum, ac etiam ejusdem Ecclesie Vacantis temporibus auctoritate Apostolica præfuerint, quos revereri, & a quorumlibet tueri molestiis tenebantur, damna gravia irrogantes, eos probrosis provocaverunt injuriis, dispendiosis contumeliis affecerunt, & aliquibus eorum personaliter captivatis, quibusdam vulneratis letaliter, & quampluribus hostiliter ab eodem fugatis regimine, ipsos bonis omnibus non absque multa ipsius Ecclesie iniuria, & contemptu per violentiam spoliaverunt: sed & diebus non longe præteritis Cives ipsi, in sua inveterati malitia nescientes, a tantæ temeritatis excessibus, quos iam in usum perversæ deduxerunt consuetudinis, abstinere, similia repetere præsumpserunt, continuatione damnabili mala malis adicere, & peiora coacervare prioribus, ac si fœdus, cum iniquitate pepigerint, non verentes; Nos igitur talium præsumptorum audaciam nolentes dissimulationi relinquere, quin potius, ut homines tam scelesti penarum saltem impositionibus gravium territi, relabi in consimilis temeritatis invium in antea pertimescant, remediis, quibus possumus, præcavere, ac animarum suarum saluti, & dicte Civitatis pacifico statui paternis affectibus prospicere cupientes, de Fratrum nostrorum consilio, hac in perpetuum valitura con-

stitutione sancimus, ut quicumque Civis Beneventanus, aut Incola famæ suæ prodigus ipsius Ecclesie reverentia calcata, in hoc sceleris genus irrepsit, quod Rectorem qui pro tempore regimini ejusdem Civitatis Apostolica auctoritate præfuerit, aut Vicarium, seu Locumtenentem, aut Judicem eius, quod absit, occiderit, aut ad offendendum illum, insecutus extiterit, ceperit, captivaverit, detinuerit, percusserit, aut etiam vulneraverit, vel ad locum, ubi moram traxerit, insultum fecerit, aut illum obsederit, seu bonis aliquibus spoliaverit, sive de suo regimine vel officio forsan expulerit, vel fugarit, seu socius fuerit facientis, vel ad id dederit auxilium, consilium, vel favorem directe vel indirecte, publice vel occulte, cuiuscumque fuerit conditionis, dignitatis vel status, excommunicationis sententiæ, Universitas vero seu Communitas, si deliquerit, in prædictis ac dicta Civitas Beneventana earumque territorium, & Districtus Interdicto Ecclesiastico subiaceant ipso facto: a qua quidem excommunicationis sententia nullus præterquam a Romano Pontifice, nisi dumtaxat, in mortis articulo, valeat absolutionis beneficium obtinere. Et quia Beneficia propter ingratitudinem revocantur, omnes, & singulos excessuum huiusmodi patratores, & socios, complices, & sequaces ipsorum, & alios supradictos, si sententias substinnerint antedictas, omnibus privilegiis, indulgentiis, libertatibus, & immunitatibus realibus, & personalibus, eis sub quacumque forma verborum, ab Apostolica Sede concessis, nec non dignitatibus, & officiis publicis quibuscumque, dictosque Clericos omnibus eorum beneficiis Ecclesiasticis, cum cura vel sine cura, etiam si dignitates, personatus, vel officia fuerint, quocumque nomine censeantur, Apostolica auctoritate privamus de Fratrum consilio prædictorum, & ab eis sententialiter amovemus: & tam eos, quam laicos supradictos reddimus inhabiles, & indignos ad easdem Dignitates, vel Beneficia Ecclesiastica, aut officia publica, quomodolibet admittantur. Feuda quoque, jura, honores, & officia, & alia quæcumque bona immobilia, quæ in Civitate, Territorio, & Districtu prædictis, & alibi ubicumque, a prædicta Romana Ecclesia obtinere noscuntur, de prædictorum Fratrum consilio confiscamus: aliis vero feudis, iuribus, honoribus, officiis, & bonis immobilibus, quæ a quibusvis aliis tenent Ecclesiis, sint ipso iure privati, quæ sic ad easdem Ecclesias revertantur, quod de illis earum Rectores, pro sua voluntate disponant. Dignum est enim, quod talium patratoribus scelerum reatus suos penarum acerbitate deflentibus penales fletus ipsorum cedant posteris ad terrorem, & ad eorum confusionem perpetuam transeant in memoriam futurorum. Nulli ergo omnino hominum liceat, hanc paginam nostrarum sanctionis, concessionis, & adiectionis infringere, &c.

Datum Avenioni, Quinto decimo Kalendas Augusti, Pontificatus nostri Anno Tertio.

*Pœna prout in Rubrica, iis interdictis qui ea patravenerint, quæ ibidem explicantur.*

*Dat. die 18. Julii 1738. An. III.*

Re-



## XXIII.

Ex Regest. in  
Archiv. Vatic.

Reservatio Ecclesiarum, aliorumque Beneficiorum, in Dominio Romanæ Ecclesiæ consistentium, ad quæ quis consuevit per electionem assumi.

Joannes Episcopus, Servus Servorum Dei, ad futuram rei memoriam.

Exordium.

**I**mmimente nobis, licet immeritis, Ecclesiarum, & Monasteriorum omnium sollicitudine generali, circa illa præcipue nos adhibere convenit salutaris & vigilis providentiæ studium, quæ in Terris ad Nos, & Romanam Ecclesiam spectantibus, constituta fore noscuntur.

§. 1. Ad statum itaque pacificum & tranquillum Terrarum earundem, & partium vicinarum sollicitis studiis intendentes, ac cupientes attentius, quod Archiepiscopales, & Episcopales, ac Collegiatæ Ecclesiæ, nec non Abbatia, Monasteria, Prioratus, & alia loca ecclesiastica quæcumque, sæcularia & regularia, exempta & non exempta, ad quorum regimina per electionem Prælati consueverunt assumi, in eisdem Terris consistentia, ubicumque dictæ Terræ consistent, cum illas vel illa pro tempore per cessum, vel decessum, seu alias quomodocumque Pastorum, vel Administratorum regimine carere continget, personis pacem amantibus, Nobis, & eidem Ecclesiæ Romanæ fidelibus, & alias idoneis, nostræ cooperationis ministerio committantur, provisionem omnium & singulorum Archiepiscopali, Episcopali, aliarumque Collegiatarum Ecclesiarum, nec non Abbatiarum, Monasteriorum, Prioratum, & aliorum locorum Ecclesiasticorum quorumlibet prædictorum, consistentium in Terris prædictis, nunc vacantium & vacaturorum imposterum, quoties eas vel ea quocumque modo vacare continget, aut aliquam seu aliquod eorumdem, dispositioni & ordinationi nostræ, & Sedis Apostolicæ usque ad nostrum & ipsius Sedis beneplacitum, de Apostolicæ potestatis plenitudine reservamus: auctoritate Apostolica universis Ecclesiis, Abbatiarum, Monasteriorum, Prioratum, & aliorum locorum Ecclesiasticorum quorumlibet prædictorum Capitulis, Collegiis, Conventibus, & Personis districtius inhibentes, ne in eisdem, ad aliquam electionem, nominationem, vel postulationem, seu provisionem quamcumque, si vacationis tempus in eis, vel aliqua seu aliquo ex eisdem nunc forsan immineat, vel imposterum imminet, quoquomodo procedant; Nos enim ex nunc irritum decernimus & inane quicquid contra hujusmodi reservationem & inhibitionem nostras a prædictis Capitulis, & Conventibus, ac aliis quibuscumque personis, quavis auctoritate scienter vel ignoranter extiterit attentatum.

Nulli ergo omnino hominum liceat hanc paginam nostrarum reservationis, inhibitionis, & constitutionis infringere &c.

Datum Avenioni Idibus Septembris Pontificatus nostri anno IV.

Bull. Rom. Tom. III. Pars II.

Decretum,  
de quo in Rubrica.

Irritatio contrarium.

Clause.

Dat. die 13.  
Septembris  
1319. An. IV.

## XXIV.

Mandatum Archiepiscopis, & Episcopis Angliæ, ut eos publice denuncient excommunicatos, qui contra Sedis Apostolicæ prohibitionem Hiberniam armis impetere, caedibusque, & rapinis miscere ausi fuerant.

Joannes Episcopus, Servus Servorum Dei, Venerabilibus Fratribus Archiepiscopis, & Episcopis, per Regnum Angliæ constitutis, Salutem, & Apostolicam benedictionem.

**D**udum personam Carissimi in Christo filii nostri Eduardi Regis Angliæ illustris, sui que Regni statum a guerrarum fluctibus liberos, & discriminibusurbationis reddere cupientes immunes, ad procurandum ejusdem Regni quietem, tranquillitatem, & pacem, ut Rex ipse securitatem sibi ab æmulatorum insidiis acquisita utilitatibus propriis posset vacare commodius, seque ad intendendum circa negotium Terræ Sanctæ, nostris præcordiis non mediocriter insidens, ad quod, ut asserit, vehementer anhelabat, idque viriliter prosequendum habiliter præparare, opportunum Apostolicæ Sedis favorem, quantum cum Deo potuimus, studuimus adhibere.

§. 1. Propter quod, tunc fide digna relatione percepta, quod nonnulli Nobiles & Magnates Regem ipsum & Regnum, ac terram suam Hiberniæ invadere ausu temerario & illicito nitebantur: Nos eorumdem, in vasorum in hac parte conatibus opportunis obviare remediis intendentes, & ad id expedire noscentes gladium exerci spirituales, in omnes & singulos cujuscumque forent præminentia, dignitatis, aut status, qui Regem ipsum, Regnum, & Terram prædictam invadere; aut eadem Regnum, & Terram contra Regem eundem cum armis & sine armis intrare præsumerent; vel alias turbarent, aut turbatoribus, seu in vasoribus in pecunia, equis, armis, vel aliis præstarent auxilium, vel favorem publicum vel occultum, excommunicationis sententiam duximus promulgandam, a qua eos, sine speciali mandato Sedis Apostolicæ, nisi forsan in mortis articulo prohibuimus absolvi: in qui si absoluti fuissent, & ipsos contigisset sanitati restitui, nisi post reparatam sanitatem hujusmodi satisfacerent infra mensem, eadem sententia ligari voluimus eo ipso. Dantes dilectis filiis nostris Guacelmo tituli Sanctorum Marcellini & Petri Presbytero, ac Lucæ Sanctæ Mariæ in Vialata Diacono Cardinalibus, nostris litteris in mandatis, ut ipsi, vel alter eorum per se, vel alium, seu alios, hujusmodi excommunicationis sententiam, ubicumque expedire viderent, & præcipue in locis maritimis, seu mari vicinis, solemniter publicarent; non obstante, si alicui vel aliquibus sub quacumque forma vel conceptione verborum a Sede Apostolica esset indultum, quod excommunicari non possent per litteras Sedis ejusdem non facientes plenam & expressam, ac de-

Ex Collect.  
Rimer Tomo III. p. 810.Suas curas  
exponit Pon-  
tifex pro pro-  
curanda Re-  
gno Angliæ  
pace.Ad id anathe-  
mate defi-  
xisse. Hiber-  
niam quomo-  
dolibet per-  
turbantes.Et duobus  
Cardinalibus  
præcipisse, ut  
hujusmodi sen-  
tentiam præ-  
miserent.

Z

ver-



verbo ad verbum de indulto hujusmodi mentionem, prout in litteris nostris inde confectis plenius & seriofius continetur.

Nonnullos vero eo temeritatis devenisse, ut omnia ibidem tradibus, rapinisque iniscuerint;

§. 2. Cum autem prædictæ litteræ in prædictis, & aliis locis illarum partium solemniter, sicut ex prædictis Lucæ Cardinalis relatione percepimus, fuerint publicatæ, & demum post publicationem ipsarum, prout fama publica referente multorum fide dignorum relatione percepimus, nonnulli Magnates, Nobiles Regni Scotiæ, & adhærentes eisdem, Regnum & Terram prædictam manu armata ingredienti hostiliter, illa invadere nequiter, & illicite perturbare, & scelestis actibus laxatis habenis, in multos ipsorum Regni & Terræ fidelium favam, eadem committere; manibus cruentatis innumera damna per spolia, incendia, & rapinas inferre; nonnullos de fidelibus ipsis eorumque animalia, & alia bona in prædam abducere; & alia gravia nocumenta eisdem Regno ac terræ irrogare temerariis ausibus præsumpserunt: quæ, ut asseritur per evidentiam facti, adeo palpabiliter se cunctorum partium illarum oculis ingerunt, quod nulla possunt tergiversatione celari, sed se omnibus exhibent non ignota: sicque tam invasores prædictos, quam duces, & præceptores, adiutores, valitores, fautores, adhærentes, & sequaces eorum, ac præbentes eisdem, ut prædicatur, auxilium, consilium, vel favorem, certum existat prædictam excommunicationis sententiam incurrisse.

§. 3. Fraternitati vestræ per Apostolica scripta mandamus, quatenus vos, & quilibet vestrum per vos, vel alium, seu alios, Magnates, & Nobiles, duces, præceptores, adhærentes, sequaces, valitores, & fautores eorum prædictos, quocumque nomine censeantur, cujuscumque dignitatis, status, vel conditionis existant, qui Regnum ipsum hostiliter, & Terram invadere, & intrare illicite, ut præmittitur, præsumpserunt; vel per alios invadi fecerunt, mandaverunt, seu etiam procurarunt; vel alias turbare, aut turbantibus, seu invadentibus in pecunia equis, & armis, vel alias præstiterint auxilium, consilium, vel favorem publicum, vel occultum, tamdiu per omnia loca, in quibus expedire videritis, & præsertim in locis maritimis, & mari vicinis, & aliis, in quibus ad ipsorum excommunicatorum, & ad participantium cum eisdem, notitiam id valeat pervenire, singulis diebus Dominicis, & festivis pulsatis campanis, & candelis accensis, excommunicatos publice nunciatis, & faciatis ab illis nunciari, ac ab omnibus arctius evitari, donec præfati excommunicati per satisfactionis debitum ad Ecclesiæ mandatum redierint, & absolutionis beneficium meruerint obtinere.

Eos itaque excommunicatos denunciari publice, mandat Archiepiscopis, & Episcopis Angliæ.

Dat. die 27. Decem. 1319. An. IV.

Datum Avenione Sexto Kal. Januarii Pontificatus nostri anno quarto.

## XXV.

Canonizatio S. Thomæ Episcopi Herfordiensis in Anglia, ejusque relatio in numerum SS. Confessorum, cum festivitatis institutione pro die 2. mensis Octobris.

Joannes Episcopus, Servus Servorum Dei, Universis Christifidelibus, præsentis litteras inspecturis, Salutem & Apostolicam benedictionem.

**U**nigenitus Filius, splendor gloriæ, ac figura substantiæ Patris, qui prolapsi medela hominis, exinaniens semetipsum, factus in utero Virginis Verbum caro, de horto militantis Ecclesiæ modo rosas coloris ignei, nunc lilia candoris nivei, nunc violas odoris placidi, colligere, suisque offerre aspectibus non desistit, in hodiernis temporibus advesperascente die, Mundi hujus labilis termino propinquante, de radice matris Ecclesiæ florem fecit ascendere, ex Jacob nostro oriri jussit Stellam splendidam matutinam.

Exordium.

§. 1. Ecce namque quod, qui sedens in throno, omnia facit nova, novi Confessoris, Beati videlicet Thomæ Herfordiensis quondam Episcopi, nova magnalia Mundo prodit, ejus fama offert magnifice, vitam offert imitandam a cunctis, ut regulam fulgidam, & exemplar.

B. Thomas Episcopus Herfordiensis.

§. 2. Letentur igitur Coeli sursum, qui hunc Sanctum gloriosum in se suscipiunt; & exultet Terra deorsum, quæ superius transmittit Præsulem tam mirandum. Plaudant ob hoc coetus Angelici, & canoro jubilo Deum laudent: Huic occurrant coelestes cunei: Hunc collaudent festive Coeli Cives: Collatetur immense Christi sponsa mater Ecclesia tantæ prolis claritate fecunda, quæ terram deserens & terrena, coelestis imperii admirabilis, ipse ineffabili throno gaudet.

De ejus famulamenta laetitiam proposita.

§. 3. Ut autem lucerna splendida vitæ suæ posita super candelabrum domus Dei non lateat, sed pateat cunctis fidelibus; ut coelestis & perpetuæ vitæ norma, de suis felicitibus moribus & actibus, aliqua de multis ad utilitatem audientium referamus. Ipse namque, quem fides firmum, spes erectum, Dei & proximi abundans caritas fecit latum, circumspectum prudentia, temperantia in omnibus ordinatum, innoxium cunctis justitia, audacem & strenuum fortitudo, virtutum omnium aromatibus redolebat, velut plena divinorum carismatum apotheca.

Ejus virtutum brevis enumeratio.

§. 4. Sane beatus hic Thomas, natione Anglicus, Angelicus homo, ipse de parentibus nobilibus & Catholicis originem suam trahens, ab ætate primæva morum honestate præclarus, studiis literarum sic se dedicavit totaliter, sic in ipsis solícite studuit & profecit, quod tam in humanis scientiis, quam etiam in divina honorem magisterii est adeptus; postque doctrinæ suæ radios longe lateque diffundens, quamplures ad justitiam erudit, velut luminare in mundo præfulgidum continens verbum vitæ.

Genus, & Primordia.

§. 5. Ne



§. 5. Ne autem terrenæ carnis inhabitatio, deprimeret ſecum ſenſum cœleſtia cogitantem, ipſam, ut ſerviret ſpiritui, vigiliis & abſtinentiis, necnon pungenti cilicio, ſed & cibi & potus parſimonia continua macerabat, abſtinens a vino ſæpius, ſciens, quod in ipſo lubricum latet carnis. Sciens etiam, quod Deus ſe promittit in objectum & præmium mundis corde, à juventute ſua caſtitaſis pulchritudinem adamavit. Proptereaſue mulierum conſortia, quæ pretioſam viri animam rapiunt, ac ipſarum blanda colloquia prudentiſſime devitabat: noverat namque, quod propter mulieris ſpeciem à qua factum eſt peccati initium, multi perierunt.

Erga pœp-  
res, proximū-  
que charitas.

§. 6. Iſte Sanctus etiam, ut alter Iob, ſimplex, rectus, ac timens Deum, a Chriſto didicit eſſe manſuetus, mitis corde, humilis, & benignus; miſericordia nihilominus, quæ ab infantia ſecum crevit, erga pauperes & afflictoſ ſuæ pietatiſ viſcera ſic affecit, quod ipſe verus pauper ſpiritu, dives rebus, illoſ largiſ ſuſtentabat eleemoſyniſ, iſtoſ vero crebris conſolationibuſ refovebat; cum Apoſtolo namque Paulo infirmabatur cum infirmantibuſ, & cum patientibuſ ſcandalum, urebatur,

Optimus Præ-  
ſul.

§. 7. Hic demum Sanctus de innocente agno factus in Herfordienſi Eccleſia bonus Paſtor ſe ipſo in mente major effectus eſt, ſtudent ſemper de virtute progredi in virtutem, quo in tempore in Dei templo, in virtutum culmine poſituſ ſic effulſit, quod merito gemma Præſulatuſ dici poſſet,

Orationi v-  
cans.

§. 8. Orationi vero inſiſtebat aſſidue, ac ſui fervorem ſpirituſ demonſtrabant in orationibuſ & celebratione Miſſæ abundanter ex oculiſ lacrymæ defluentēſ.

Paſtoris parti-  
buſ optime  
ſungens.

§. 9. Commiſſaſ vero ſibi oves perducebat ad paſcua, & a lupiſ protectaſ rapacibuſ, paſtaſque verbo & exemplo pariter ad Chriſti caulaa ſedule reducebat.

§. 10. Jura vero ſuæ Eccleſiæ deſenſabat, indutuſ juſtitia ut lorica; paratuſ namque pro ſibi commiſſo grege animam ponere, non timuit in hoc Principem nec Magnatem.

Romæ mori-  
tur; multiſque  
ubique claret  
miraculiſ.

§. 11. Et quia dignum erat, quod huic tam excellenti merito daretur æterna requieſ poſt laborem, cum pro ſuæ cauſiſ Eccleſiæ ad Romanam perveniſſet curiam, diem clauſit extremum, receptiſ devote priuſ Eccleſiæ Sacramentiſ. Sicque vir felix iſte, ad Deum tranſmittendo ſpiritum, de peregrino, & advena factuſ eſt eximiuſ cœli civiſ; & quod decebat, multum divinam potentiam maiſtatiſ, ut Sanctum hunc in cœliſ regnare ſecum, per ſignorum evidentiã fidelibuſ declararet, ipſum coruſcare in terriſ miraculiſ multiſ fecit; quorum quædam fidelibuſ probata teſtimoniſ, ad Dei laudem, & gloriam Sancti huiuſ duximuſ inferenda.

Puella de-  
merſa vitæ  
reſtituta.

§. 12. Quædam namque puella ætatiſ annorum quinque, quæ tempore longo in quodam profundo ſtagno ſteterat mortua & ſubmerſa, extracta inde frigida tota & rigida, non habent aliquod ſignum vitæ, facta ad Sanctum hunc pro ejua reſuſcitatione voto, vitæ fuit priſting reſtituta.

Bu. l. Rom. Tom. III. Paſ. II.

§. 13. Infans etiam bienniſ quidam in aqua quadam ſubmerſuſ, & mortuua extractuſ inde, poſt factum pro ipſo votum miraculoſe extitit ſuſcitatuſ.

§. 14. Puer quidam annorum novem, ſubmerſuſ in quodam flumine, poſtquam extractuſ de aqua Sancto huic aliquid devoverunt, reſtitutuſ eſt vitæ pariter & ſaluti.

§. 15. Parvuluſ alter ætatiſ uniuſ anni cum dimidio, cujuſ ſupra caput dormientiſ in area rota tranſiverat onuſti curruſ, qui a bobuſ quatuor trahebatur, mortuua ex hoc, recuperavit vitam & animam meritiſ Sancti huiuſ.

Alii mortui  
ſuſcitati.

§. 16. Infans aliuſ nondum ætatiſ annorum duorum in fundo cujuſdam ſoſſati, in quem locum de ponte altitudiniſ magnæ de nocte, aſſerituſ cecidiſſe, repertuſ mortuua, frigiduſ, omnino, & rigiduſ abſque aliquo ſigno vitæ meſſuratuſ ad hunc Sanctum, vitæ fuit mirabiliter reſtitutuſ.

§. 17. Mulier quædam, quæ ſeptem anniſ ſic contracta fuerat, quod nec ſtare nec ire poterat per ſe ipſam, portata ad tumultum S. Thomæ oratione ibidem facta per ipſam, reſtituta fuit priſtinae libertati ſanitatiſ.

Contracta mu-  
lier,

§. 18. Quædam inſuper puella annorum quinque, quæ pedem unum habebat anniſ pluribuſ, quaſi totum ex fiſtuliſ putrefactuſ, ita quod nec ſtare nec ire poterat, niſi ſe ſuper ſœmur trahendo per terram, portata ad dicti Sancti tumultum per patrem, fuit ibidem a dicta infirmitate curata.

Alia infirma  
pede.

§. 19. Altera mulier, quæ per anniſ plu-  
res viſu caruerat, nec quoquam ire poterat niſi ut cæca ab altero duceretur, ducta ad Eccleſiam Herfordieſi, & facta oratione ad tumultum S. Thomæ, fuit a cæcitate dicta continuo liberata.

Alia quaſi cæ-  
ca,

§. 20. Puer inſuper annorum quinque qui ex infirmitate quadam omnino viſum per-  
diderat, & duobuſ anniſ manſerat ita cæcuſ, ductuſ ad huiuſ Sancti tumultum, oratione facta viſum, recuperavit perfecte.

Item puer ſe-  
re cæcuſ,

§. 21. Quidam etiam homo qui gilbum ad quantitatem uniuſ ovi aſſerit, ortum in collo ſuo portaverat multiſ anniſ, orant ad tumultum huiuſ Sancti, & denarium offerent, cum quo in modum cruciſ tetigerat dictuſ gilbum, ſtatim curatuſ omnino fuit, & a dicto gilbo penituſ liberatuſ.

Gilbo in collo  
oneratuſ,  
ad ejua tumu-  
lum ſanatuſ.

§. 22. Prædictiſ & aliſ multiſ miraculiſ Sanctum ſuum clarificavit Deus, qui facit mirabilia magna ſoluſ. Hæc ſunt certe miracula opera tua Deus, qui ſic per cœleſteſ ſpirituſ gubernaa terrena omnia, & diſponiſ, quod ipſorum ſacratuſ numeruſ, quem cadentiuſ ruina minuit, reparaa mirabiliter de terreniſ. Hi ſunt Sancti tui omnipotentia Deus, qui tuæ dono gratiæ ſemper virent; rubent ut roſa, candent ſicut lilium, ut mel placent, currunt ut ſpirituſ, ſagrant ut baſamum, ut ſol fulgent. Sic clemenaſ Deus ſanctum ſuum Thomam glorificant, fidem firmat, nubiſoſ errorēſ diſſipat & confundit; ad ſuperna noſtroſ rapit affectuſ, amoris flammis ſuccendit frigida corda noſtra. In hac igitur læta die, quam fecit Dominuſ, qua Confeſſor iſte

Mirabiliſ itaque  
Deuſ in  
hoc Sancto.



in Dei throno corona gloriæ clarus sedet, laudet Deum omnis spiritus, cœli cœlorum clamore ineffabili Deo canant, Sanctorum Ecclesia mente ac spiritu in chordis & organo Deo psallat; sed eo magis plande Herfordia, quæ sui thesaurum corporis continet tam immensum; nam quem in Terris habuisti Pastorem, nunc obtines in cœlis sedulum protectorem.

Sanctorum  
Canon ad-  
scribitur B.  
Thomas.

§. 23. Verum quia multum convenit, ut quem Deus in cœlis glorificat, in terris ad suum fructum & gaudium mundus colat: Nos de ipsius vita & miraculis inquiri fecimus diligenter; dehinc super inventis per nos & Fratres nostros, attenta examinatione habita, & discussione solerti, de ipsius sanctitate vite, ac veritate miraculorum plenarie certi facti, ad requisitionem instantem, ac supplicationem humilem & devotam Prælatorum multorum apud Sedem Apostolicam existentium, de dictorum Fratrum nostrorum consilio & assensu, confisi de Omnipotentis Dei misericordia, auctoritate quoque Beatorum Petri & Pauli Apostolorum ejus, & nostra, in Sanctorum Confessorum Catalogo duximus adscribendum.

Ejus celebra-  
da festivas.

§. 24. Ideoque Universitatem vestram monemus, & hortamur attente, per Apostolica vobis scripta mandantes, quatenus 6. Non. Octobris festum Confessoris ejusdem devote & solemniter celebretis, ut pia ejus intercessione & hic a noxiis protegi, & in futuro sempiterna gaudia consequi valeatis.

Indulgentia  
ejus Sepul-  
chrum visi-  
tantibus pro-  
posita.

§. 25. Ut autem ad venerabile ipsius Sepulchrum ardentius & affluentius Christiani Populi confluat multitudo, ac celebrius ejusdem Confessoris extollatur festivitas, omnibus vere poenitentibus & confessis, qui cum reverentia illuc in eodem festo annuatim accesserint, ipsius suffragia petaturi, de omnipotentis Dei misericordia, & Beatorum Petri & Pauli Apostolorum ejus auctoritate confisi, duos annos & duas quadragenas; Accedentibus vero annis singulis ad prædictum Sepulchrum infra ejusdem Festi Octavas, centum dies de injuncta sibi poenitentia misericorditer relaxamus.

Dat. die 17.  
Aprilis 1320.  
An. IV.

Datum Avinion. 15. Kalendas Maii Pontificatus nostri anno IV.

## XXVI.

Ex Regest. in  
Archiv. Vat.

Promulgatio Sententiarum contra retinentes & inhabitantes Domos & Palatia Ecclesiarum, S.R.E. Cardinalibus in titulum seu Commendam concessarum.

Joannes Episcopus, Servus Servorum Dei, ad certitudinem præsentium, & memoriam futurorum.

Exordium.

**R**ationis ordo poscebat, ut qui se de generis nobilitate clarificant, morum venusta te fulgerent, abstinere a vetitis, modeste licitis uterentur: sicque parentum suorum imitati vestigia, illorum virtu-

tes excolerent, normam diligenter actusque pro viribus strenuos sectarentur, quibus Deum Factorem suum in omnibus & per omnia diligentes ejus, velut Matrem venerarentur Ecclesiam, illiusque Prælatos digna cœu Patres reverentia honorarent. Nam honor, qui exhibetur Ministris, ei, cujus Ministri sunt, procul dubio exhibetur.

§. 1. Sed heu nonnulli Nobiles Cives Romani, alique Laici, & Viduæ habitatores Urbis, prout fide dignorum habet assertio, stirpis generositate conspicui, (morum utinam indignitate essent vacui, a innata eis quadam necessitate dissiluit, dum à Majorum in iis virtute degenerant suæ quodammodo antiquitatis obliti!) Habet namque assertio prælibata, quod præfati Nobiles, & alii Laici, ac Viduæ Domos, & Palatia ad Fratres nostros Sanctæ Romanæ Ecclesiæ Cardinales Ecclesiarum dictæ Urbis intitularum, vel commendatarum eisdem ratione spectantia, quorum etiam aliqua dictis Fratribus sunt alias ab Apostolica Sede concessa, temeritate propria introeunt, occupant & inhabitant iidem Nobiles, & Laici cum Uxoribus, & tam ipsi, quam dictæ Viduæ cum utriusque sexus familiis eorundem ipsorum Cardinalium, seu Vicariorum, vel Procuratorum eorundem in dictis Ecclesiis, aut illorum, quibus est ab eis Domorum & Palatiorum hujusmodi deputata custodia, non petita nedum obtenta licentia, quinimo Vicariis, Procuratoribus, & Custodibus hujusmodi renitentibus penitus, & invitis, quodque ab eisdem Vicariis, Procuratoribus, & Custodibus, seu alias pro parte ipsorum Cardinalium requisiti, ut Domos, & Palatia hujusmodi vacua derelinquant, more aspidis obturantis ad voces incantantium aures suas, contra voluntatem etiam Cardinalium eorundem in eisdem Domibus, & Palatiis commorantur in non modicam suæ presumptionis audaciam, derogationem Ecclesiasticæ libertatis, honestatis injuriam, ac eorundem Fratrum nostrorum, quinimmo potius nostram, & ipsius Ecclesiæ, cum ipsi, qui fore noscuntur capitis nostri membra, columnæ sint Ecclesiæ Sanctæ Dei, inobedientiam & contemptum.

§. 2. Nolentes igitur, prout nec debemus, tantæ presumptionis audaciam sub dissimulationis pallio præterire, quinimmo intendentes, prout officii nostri debitum exigit, exurgere contra tales, de Fratrum prædictorum consilio, auctoritate Apostolica edito perpetuo prohibemus, ut nulli Nobilium Civium Romanorum, Viduarum, vel aliorum Habitatum dictæ Urbis deinceps liceat ad habitandum introire, occupare, & inhabitare Domos, & Palatia supradicta sine prædictorum Cardinalium, ad quos spectant, vel Vicariorum, seu Procuratorum ipsorum Cardinalium, aut eorum Custodum in dictis Domibus atque Palatiis, expresso consensu, sive licentia speciali.

§. 3. Si quis autem hujusmodi prohibitionis nostræ temerarius contemptor extiterit, nisi Domos & Palatia prælibata infra triduum dimiserit penitus expedita, ex tunc & quoties in

Titulares  
Cardinalium  
Domos a lai-  
eis femini-  
que occupa-  
tas fuisse nar-  
rat.

Hoc fieri  
prohibet:



Contra secus  
agentes ex-  
communicationem inter-  
minat.

in hoc exceſſerit, & non reſipuerit infra tri-  
duum antedictum, excommunicationis incur-  
rat ſententiam eo ipſo, a qua non niſi per  
Cardinalem, quem taliter offenderit, vel ab  
ejus Vicario in ſpiritualibus in Eccleſia in-  
dicta Urbe intitulata, vel commendata Car-  
dinali præſato, ſeu per alium, cui hoc ſpe-  
cialiter ipſe Cardinalis duxerit committen-  
dum, poſſit abſolutionis beneficium obtinere.  
Si vero per bimeſtris temporis ſpatium poſt  
huiusmodi triduum ſententiam ipſam animo  
ſubſtinuerit indurato, ex tunc, niſi ab eodem  
Cardinali dumtaxat, vel a Summo Pœniten-  
tario noſtro, & ejuſdem Sedis de voluntate  
ipſius Cardinalis abſolvi non valeat a ſenten-  
tia memorata.

Cui dd. Do-  
morum de-  
tentores ſub-  
eſſe declarat,  
niſi infra cer-  
tum tempus  
eaſ diſmiſe-  
rint.

§. 4. Eos vero ex Nobilibus, Civibus,  
Viduis, & habitatoribus antedictis, qui ta-  
liter inhabitare præſumunt Domos & Pala-  
tia ſupradicta, monemus diſtrictius, injun-  
gentes eiſdem, ut infra quindecim dierum  
ſpatium poſtquam huiusmodi noſter Proceſſus  
ad notitiam ipſorum pervenerit, Domos &  
Palatia ipſa dimittant totaliter expedita: illos  
autem, qui ſecus fecerint, ſimilem excom-  
municationis ſententiam incurrere volumus  
ipſo facto, a qua niſi ab illis Cardinalibus,  
quibus taliter derogarunt, vel ab eorum in-  
dictis Eccleſiis, eiſ intitulatis vel commenda-  
tis Vicariis in ſpiritualibus, ſive ab aliis,  
quibus id ſpecialiter ipſi commiſerint Cardi-  
nales, huiusmodi abſolutionis beneficium in-  
fra duos Menſes poſt eoſdem quindecim dies  
nequeant obtinere: ac decurſis eiſdem Men-  
ſibus, niſi a Cardinalibus ſic offenſis tantum-  
modo, vel a Summo Pœnitenſario præſatis  
de voluntate ipſorum Cardinalium abſolvi a  
ſententia prædicta non poſſint, prout de aliis  
eſt expreſſum. Nos enim, ſi ſecus ſuper his  
actum ſeu attentatum extiterit, ex nunc de-  
cernimus irritum & inane.

Claſula.

Nulli ergo omnino hominum liceat hanc  
paginam noſtrarum prohibitionis, monitionis,  
voluntatis, & conſtitutionis infringere &c.

Dat. die 19.  
Aprilis 1320.  
An. IV.

Datum Avenioni decimo octavo Kalen-  
das Maii Pontificatus Noſtri Anno IV.

## XXVII.

Ibid.

Quod Judæi, ad Fidem Catholicam converſi,  
iis bonis gaudeant, quæ conversionis tem-  
pore poſſidebant.

Joannes Episcopus, Servus Servorum Dei,  
ad perpetuam rei memoriam.

Proemium.

Conſtitutio-  
nis huius exe-  
quutio Præ-  
ſidibus Ter-  
rarum ad Se-  
dem Apoſt.  
pertinentium  
commiſſa.

CUM ſit abſurdum, juri contrarium,  
& obviuſ rationi, Judæos, domino  
inſpirante ad Fidem Chriſtianam converſos,  
propter hoc bonis privare, quæ antea poſſi-  
debant, ipſosque mendicitati exponere, qui  
exiſtentes in perfidia judaica abundabant, om-  
nibus Officialibus, & ſingulis Comitatus Ve-  
naſini, qui ad Sedem Apoſtolicam pleno jure  
noſcitur pertinere, aliorumque Comitatum,  
& Terrarum ad eandem Sedem pertinentium,

diſtrictè præcipimus & mandamus, quatenus  
ſic converſos, & imposterum convertendos  
in poſſeſſionibus & bonis aliis, quocumque  
nomine cenſeantur, quæ conversionis tem-  
pore obtinebant in Terris & Comitatibus  
antedictis, occasione prædicta non perturbent,  
vel imepdiant, nec permittant ab aliis mo-  
leſtari; ſed ipſis ſe favorabiles exhibentes,  
ipſosque ab injuriis & violentiis protegant,  
& defendant.

Datum Avenioni, tertio decimo Kalen-  
das Julii, Pontificatus noſtri anno IV.

Dat. die 18.  
Julii 1320.  
An. IV.

## XXVIII.

Ereſtio Cathedrarum Medicinæ, & Artium  
in Peruſino Studio, data inſuper facultate  
Episcopo laureandi, & licentiandi in utra-  
que facultate idoneos, pro quorum exa-  
mine nonnullæ ſanciuntur leges.

Ex eodem  
Regeſt.

Joannes Episcopus, Servus Servorum Dei,  
ad perpetuam rei memoriam.

DUM ſolicite conſiderationis indagi-  
ne in mente revolvimus, quam  
ſit donum ſcientiæ pretioſum, quamque  
illius deſiderabilis, & glorioſa poſſeſſio, per  
quam profugantur ignorantie tenebræ, &  
eliminata funditus erroris caligine, ſtuden-  
tium curioſa ſolertia curſus & actus diſpo-  
nit & ordinat in lumine veritatis; magno  
nimirum deſiderio ducimur, ut Literarum  
ſtudia, in quibus impreſtiabilis margarita  
ſcientiæ reperitur, laudanda ubilibet incre-  
menta ſuſcipiant: ſed in illis præſertim locis  
propenſius vigeant, quæ ad multiplicanda do-  
ctrinæ ſemina, & germina ſalutaria producenda  
fore magis accomoda & idonea dignoſcuntur.

Exordium.

§. 1. Dudum ſiquidem felicis recorda-  
tionis Clemens Papa Prædeceſſor noſter, at-  
tendens fidei puritatem, & devotionem exi-  
miam, quam Civitas Peruſina, Terra pecu-  
liaris Romanæ Eccleſiæ, ad ipſam Eccleſiam  
ab olim habuiſſe dignoſcitur, & quod illas  
ad eam ſucceſſibus temporum de bono in me-  
lius augmentarat, dignum duxit, & æquita-  
ti conſonum exiſtimavit, ut Civitatem eam-  
dem, quam divina gratia multarum præro-  
gativa bonitatum gratioſe dotaverat, conceſ-  
ſione generalis ſtudii inſigniret: & ut auctore  
Deo ex Civitate ipſa producerentur viri ſcien-  
tia præpollentes, auctoritate Apoſtolica ſta-  
tuit, ut in ea eſſet Studium generale, illud-  
que vigeret ibidem perpetuis futuris tempo-  
ribus in qualibet facultate, prout in literis  
Prædeceſſoris ejuſdem inde conſectis plenius  
dicitur contineri.

Studium Pe-  
ruſi a Cle-  
mente V. in-  
ſtitutum:  
Vide in co-  
dem Clemen-  
te.

§. 2. Ac ſubſequenter nos, licet imme-  
riti, ad apicem ſummi Apoſtolatus aſſum-  
pti, Civitatem eamdem propter ſuæ devo-  
tionis inſignia, quibus ſe dignam Apoſtolicæ  
Sedis gratia exhibebat, uberiore dono gratiæ  
proſequi cupientes, auctoritate Apoſtolica,  
de Fratrum noſtrorum conſilio, Venerabili  
Fratri noſtro Episcopo Peruſino, & ſucceſſo-  
ri-

Data vero a  
Joanne Epiſ-  
copo Peruſi-  
no facultas  
ſtudentes li-  
centiandi in  
utroque jure.



ribus ejus Episcopis Perusinis, qui essent pro tempore, impertiendi personis ad hoc idoneis docendi licentiam in Jure canonico, & civili juxta certum modum in literis nostris expressum, liberam concessimus potestatem: prout in eisdem literis nostris plenius & ferrius continetur.

Facultate hujusmodi etiam ad Medicinam, & Artes extendit hac Constitutione.

§. 3. Considerantes igitur, quod eadem Civitas propter ejus comoditates, & conditiones quamplurimas est non modicum apta studentibus, ac propterea concessiones hujusmodi ob profectus publicos, quos exinde provenire speramus, ampliare volentes, Apostolica auctoritate statuimus, ut si qui processu temporis in eodem studio fuerint, qui etiam in Medicinali scientia, & liberalibus artibus scientiæ braviū affecuti, sibi docendi licentiam, ut alios liberius erudire valeant, petierint in perpetuum, in prædictis Medicinali scientia, & artibus examinari possint ibidem, & in eisdem facultatibus titulo magisterii decorari: statuentes, ut quotiens aliqui in prædictis Medicina, & Artibus fuerint doctorandi, præsententur Episcopo Perusino, qui pro tempore fuerit, vel ei, quem ad hoc prædictus Episcopus duxerit deputandum, qui Magistris hujusmodi facultatis, in qua examinatio fuerit facienda, in studio eodem præsentibus, qui ad minus quatuor numero in examinatione hujusmodi esse debeant, convocatis eos gratis, & difficultate quacumque sublata, de scientia, facundia, modo legendi, & aliis, quæ in promovendis ad Doctoratus seu Magistratus officium requiruntur, examinari studeat diligenter; & illos, quos idoneos repererit, petito secrete Magistrorum eorumdem consilio, quod utique consilium in ipsorum consulentium dispendium vel jacturam revelare quomodolibet districtius prohibemus, approbet & admittat, eisque petitam licentiam largiatur: Alios minus idoneos nullatenus admittendo, postpositis gratia, odio, vel favore.

Magistrosque in utraque facultate in hac Accademia esse præcipit.

§. 4. Ut autem in prædictis Medicina, & Artibus præfatum studium tanto plenius coalescat, quanto peritiores Doctores in hujusmodi suis primitiis ibidem caperint actu regere, & docere, statuimus, quod usque ad Triennium vel Quatriennium aliqui Doctores, duo ad minus, qui in Medicinali scientia in Parisien., vel Bononien. aut aliis famosis generalibus Studiis honorem receperint Doctoratus, ad docendum & regendum in scientia Medicinæ, & tres vel duo ad minus, qui in Artibus in Parisien. studio apud majorem Parisien. Ecclesiam docendi licentiam, fuerint affecuti, & saltem per annum rexerint, seu docuerint in Parisien. studio memorato, ad regendum & docendum in dictis Artibus in præfato Perusin. studio assumantur, qui usque ad Quatriennium vel Quinquennium, donec præfatum Studium in bonis studentibus laudabiliter progressum acceperit, regant & doceant in eodem.

Conditiones in laureandis in Medicina requiruntur.

§. 5. Circa Doctorandos vero in scientia Medicinæ hoc præcipue observetur, ut hujusmodi decorandi audierint omnes Libros ejusdem scientiæ, qui in Bononien., vel Parisien. studio a studentibus promovendis consueve-

runt audiri, per septennium, vel qui in Logicalibus aut Philosophia alias forent sufficienter instructi, saltem per Quinquennium in scientia prædicta studuerint, ita quod saltem tribus annis ejusdem Septennii vel Quinquennii, ut prædicitur, in Medicinali scientia audierint in aliquo Studio generali, & ut moris est, responderint sub Doctoribus, & extraordinarie legerint libros legi extraordinarie consuetos, servato circa examinationem ipsius in Medicinæ scientia promovendi more laudabili, qui in talibus erga eos, qui promoventur in Parisien., vel Bononien. studio observatur.

§. 6. Circa Doctorandos vero in Artibus liberalibus etiam observetur, quod studuerint per quatuor vel vel quinque annos, de quibus saltem duobus annis audierint in aliquo Studio generali: ita videlicet ut in Gramatica Priscianum majorem & minorem, & in Dialectica Logicam novam & veterem Aristotelis, ac in Philosophia librum de anima, & saltem quatuor libros Ethicorum; & tam in iis, quam in cæteris aliis liberalibus Artibus illos alios libros audierint, qui in Parisien. studio per Promovendos in dicta facultate Artium consueverint audiri, servato circa examinationem tam in communibus, quam in propriis ipsius in Artibus promovendi more laudabili, qui in talibus erga eos, qui promoventur, apud præfatum majorem Ecclesiam Parisien. observatur.

Alia in doctorandis in Artibus.

§. 7. Verum quia non passim reperiuntur in studiis, qui omnes hujusmodi libros audierint, præfato Perusin. Episcopo suisque successoribus Perusiu. Episcopis, qui pro tempore fuerint, indulgemus, ut in auditione aliorum præfatorum librorum de forma circa Licentiandos ipsos in artibus, prout sufficientia, eorumdem Licentiandorum exegerit, & sibi videbitur expedire, auctoritate nostra valeat dispensare.

Data eidem Episcopo a defectu auditionis nonnullorum librorum dispensandi potestas.

§. 8. Illi autem, qui in dicta Civitate Perusin. taliter examinati, & approbati fuerint, ac docendi licentiam obtinuerint, ut est dictum, ex tunc absque examinatione vel approbatione alia regendi & docendi ubique plenam & liberam habeant auctoritatem præsentium facultatem, nec a quoquam valeant prohiberi.

Approbati in hac Accademia ubique possunt legere.

§. 9. Sane ut rite in præfatis examinationibus procedatur; præcipimus, ut tam Episcopus Perusin., qui pro tempore fuerit, quam ille, cui præfatus Episcopus ex causa rationabili impeditus in hac parte commiserit vices suas, eidem Episcopo, propositis tamen, sed non tactis Evangeliiis, ab aliis vero corporaliter tactis jurent, quod in hac parte officium suum fideliter exequantur. Volumus autem quod personis, quæ per examinationem hujusmodi repertæ fuerint idoneæ, hujusmodi licentiam debeat impertiri, & quod idem Episcopus personaliter, non per Vicarium, vel substitutum examinationi hujusmodi interesse debeat: nisi esset ex aliqua rationabili causa adeo impeditus, quod suam non posset examinationi prædictæ personalem præsentiam exhibere: in quo casu eidem Epi-

Leges in concedenda licentia vel laurea servanda.



scopo interessendi examinationi huiusmodi per Vicarium, vel alium ad hoc idoneum substitutum, tenore presentium indulgemus: & quod nemini huiusmodi impartietur licentiam, nisi ei, quem omnis vel major pars Doctorum, qui huiusmodi examinationi intererint, approbabit.

Juramentum  
Magistris  
præstandum  
circa examen  
laureandorum.

§. 10. Magistri quoque, regere in eodem Studio cupientes, vel alias inibi residentes, antequam incipiant, præstent in manibus dicti Episcopi juramentum, quod ipsi vocati ad examinationes easdem, venient, nisi fuerint legitime impediti, & gratis sine difficultate dabunt Examinatori fidele consilium, qui de examinatis ut digni approbati debeant, aut indigni merito non admitti. Qui vero juramentum huiusmodi præstare noluerint, nec ad examinationes eorumdem, nec etiam ad aliqua ipsius Studii commoda vel beneficia ullatenus admittantur.

§. 11. Nulli ergo omnino hominum liceat hanc paginam nostrarum constitutionis, prohibitionis, concessionis, præcepti, & voluntatis infringere &c.

Dat. die 18.  
Febr. 1321.  
An. V.

Datum Avenioni duodecimo Kalendas Martii, Pontificatus nostri anno V.

## X X I X.

Ex Regest.  
idem.

Revocatio concessionum, donationum, locationum, alienationum, aliorumque omnium per Rectores, & Officiales S.R.E. in Patrimonio Beati Petri in Tuscia, Comitatu Sabine, & Terris Arnulphorum, quibusvis Personis factarum.

Joannes Episcopus, Servus Servorum Dei,  
Ad perpetuam rei memoriam.

Exordium.

**I**Nter cetera, quorum nos cura sollicitat, illa præcipue meditatio mentem nostram occupat, illaque nos sollicitudo fatigat, ut Ecclesie Romanæ jura non pereant; & si qua sint forte deperdita, in statum pristinum restaurentur.

Concessio-  
nes, alienatio-  
nes &c. non  
nullas a Re-  
ctoribus fa-  
ctas ait:

§. 1. Audivimus siquidem relatione fide-  
li, quod quidam Patrimonii Beati Petri in  
Tuscia, Comitatu Sabine, Terræ Arnulpho-  
rum, & quarundam aliarum Terrarum, ad  
nos & Ecclesiam Romanam spectantium, Re-  
ctores & Officiales, qui fuerunt temporibus  
retroactis, diversas locationes, alienationes,  
donationes, & concessionem de Terris, Ca-  
stris, Bonis, & juribus ejusdem Ecclesie sub  
variis formis, modis, & tenoribus fecisse  
noscuntur: & quasdam minores Terras, Ci-  
vitates, Castra, & loca infra Patrimonium,  
Comitatum, & Terram Arnulphorum prædi-  
cta, & alia infra Jurisdictionem ipsius Eccle-  
sie Romanæ consistentia, minoribus Civitati-  
bus, & Communitatibus, Comitibus, Baro-  
nibus, & Nobilibus, quamvis nullam super  
hoc potestatem habuerint, de facto in ipsius  
Ecclesie grave præjudicium subjecerunt, &  
etiam submiserunt; ac se subicientibus, &  
submittentibus, auxilium præstando, concesserunt

pro eorum libito voluntatis, & aliqua  
minora Terræ, Civitates, & Castra dictis  
majoribus Civitatibus, & Communitatibus,  
Comitibus, Baronibus, & Nobilibus tam de  
dictis Terris, quam etiam aliunde, volunta-  
rie, & quædam ab ipsis majoribus coacta se  
per violentiam submiserunt.

§. 2. Nos igitur super iis volentes ejus-  
dem Ecclesie honori & indemnitatibus pro-  
videre, locationes, alienationes, donationes,  
concessionem, subjectionem, & submissionem  
prædictas, & alias quascumque de bonis &  
juribus prædictæ Romanæ Ecclesie, ac Civi-  
tatum, Terrarum, Castrorum, & locorum  
prædictorum, ac Universitatum earundem,  
sub quibusvis modis, formis, tenoribus, aut  
expressionibus verborum factas, non obsta-  
ntibus Apostolicæ Sedis, non ex certa scientia  
factis, & quorumvis aliorum confirmationi-  
bus seu ratificationibus super iis, sub quacum-  
que forma verborum obtentis, nec non pro-  
missionibus, obligationibus, poenarum adje-  
ctionibus, stipulationibus, & renunciationibus  
quibuscumque, ac juramentis super iis præ-  
stitis ab eisdem, ex nunc auctoritate Aposto-  
lica revocamus, cassamus, annullamus, ir-  
ritamus, vacuumus, & nullam habere decer-  
nimus roboris firmitatem: & eadem Ter-  
ras, Civitates, & Castra, bona, & jura, ad jus  
& proprietatem & dominium ejusdem Ec-  
clesie revocamus: easdem minores Terras,  
Civitates, Castra, & loca in eo statu, in quo  
erant ante tempus subjectionis & submis-  
sionis huiusmodi, reducendo: decernentes  
illa prædictis majoribus Civitatibus, &  
Communitatibus, Baronibus, & Nobilibus ad  
servandum submissionem & subjectionem hu-  
jusmodi, vel ad obediendum, seu parendum  
eis in aliquo prætextu submissionis & subje-  
ctionis eorumdem, aliquatenus non teneri.

Eas omnes  
irritat, nul-  
lasque fuisse,  
& esse decla-  
rat;

Nulli ergo omnino hominum liceat hanc  
paginam nostrarum revocationis, cassationis,  
annullationis, irritationis, vacationis, &  
constitutionis infringere, vel ei ausu temera-  
rio contraire. Si quis autem hoc attentare  
presumpserit, indignationem omnipotentis  
Dei, ac Beatorum Petri & Pauli Apostolo-  
rum ejus se noverit incursum.

Clausula.

Datum Avenioni Kalendis Aprilis, Pon-  
tificatus nostri Anno quinto.

Dat. die 10.  
Aprilis 1321.  
An. V.

## X X X.

Sequitur Episcopo Urbevetano ut de his inqui-  
rat, Terras huiusmodi recuperet, detento-  
res censuris compescendo.

Joannes Episcopus, Servus Servorum Dei,  
Venerabili Fratri Guittoni Episcopo Urbe-  
vetano, patrimonii B. Petri in Tuscia Re-  
ctori, Salutem & Apostolicam benedictionem.

**I**Nter cetera &c. prout in superiori.  
§. 1. Quocirca fraternitati tuæ per Aposto-  
lica scripta mandamus, quatenus per te vel  
alium,

De huiusmo-  
di alienatio-  
nibus inqui-  
rat;



alium, seu alios, super præmissis de plano, summarie, sine strepitu & figura judicii te informans, prædictas Terras, Castra, bona, & jura taliter locata, alienata, donata, & concessa, ad manus tuas recipere studeas, & diligenter conservari procures: Non permit- tens, Terras, Civitates, Castra, & loca mi- nora præfata, prætextu submissionis & subje- ctionis hujusmodi ab aliquibus indebite mo- lestari.

Contumaces  
compellat cœ-  
laris.

§. 2. Detentores Terrarum, Castrorum, bonorum, & jurium prædictorum, & contra- dictores ac rebelles, & impediētes, si qui fuerint, necnon & molestatores dictarum mi- norum Terrarum, Civitatum, & Castrorum, ac Universitatum per spirituales, & tempo- rales poenas, appellatione postposita, com- pescendo.

Obstantium  
derogatio.

§. 3. Non obstante, si eis vel eorum aliqui- bus communiter vel divisim a dicta sit Sede in- dultum, quod interdicti, suspendi, vel excom- municari, aut quibusvis poenis affici non pos- sint per literas Apostolicas, non facientes ple- nam & expressam, ac de verbo ad verbum de indulto hujusmodi mentionem.

Dat. die an-  
noq; eodem.

Dat. Avenione, Kal. Aprilis, Pont. no- stri anno V.

## X X X I.

Inquisitoribus hæreticę pravitatis prohibe- tur, quominus Bononię arma deferendi ulli licentiam tribuant, eamque aliis in locis solis dent familiaribus.

Joannes Episcopus, Servus Servorum Dei,  
Dilectis filiis Inquisitoribus hæreticę  
pravitatis in Provincia Lom-  
bardię, Apostolicam  
benedictionem.

Exordium.

**E**Xigit ordinis vestri religio, & com- missi nobis officii mansuetudo requi- rit, ut sic actus vestros virtute modestiæ com- ponatis, quod nemini esse possint ad scanda- lum vel aliquod nocumentum.

Causę Con-  
stitutionis.

§. 1. Accepimus siquidem assertione fide- li, quod vos nonnullis pravis & perversis ho- minibus, qui frequenter ad cades, & alia ne- fanda facinora laxant nequiter manus suas, arma per Civitatem & districtum Bononiensem portandi, non sine multorum scandalo, li- centiam concessistis.

Constitutio  
de qua in Ru-  
brica.

§. 2. Quare volumus, & discretioni ve- strę per Apostolica scripta districte præcipien- do mandamus, quatenus neminem familia- rem, nisi ejusdem Ecclesię fidelem ac de- votum, & laudabilis conversationis & vitę, habere quomodolibet præsumatis; nec ali- quibus de cetero, extra familiam vestram, quam vobiscum habetis continue (nisi forsan illis, qui eundo de Terra ad Terram, vel etiam redeundo vobiscum; & in casibus aliis, in qui- bus vobis pro securitate vestra forsitan expe- diret) alicui deferendi arma per dictas Civita-

tem & districtum licentiam concedatis; & nihi- lominus licentiam, quam olim super hoc aliis concessistis, studeatis, remotis occasione & citatione quibuscumque, revocare. Ut per hoc nulla possit oriri in eisdem Civitate vel di- strictu materia scandalum paritura, nec ad nos de cetero super hoc querelę materia de- feratur.

Dat. Avenione, 6. Non. Maii, Pontifica- tus nostri Anno quinto,

Dat. die 2.  
Maii 1321.  
An. V.

## X X X I I.

Contra facientes cavalcatas, & incurfiones  
in provincia Marchiæ Status  
Ecclesiastici.

Joannes Episcopus, Servus Servorum Dei,  
ad certitudinem præsentium, &  
memoriam futurorum.

**A**D hoc dignoscitur media inter di- scordes justitia constituta, ut nemo dicere sibi jus audeat, nemo ipsius justitię transgredi limites inordinate præsumat: sed quod sibi credit alter adversus alterum forte competere, coram iudice, justitia mediante, prosequatur.

Exordium.

§. 1. Novimus enim, quod dierum cre- scente malitia, sit assueta nequitia malorum, mentes hominum depravare: quod in apertam proflire violentiam non timentes, sæpius al- ter insurgit in alterum: & alius, quod adver- sus alium existimat se fortassis habere, viis pacificis, & juris ordine prætermittis, violentis conatibus obtinere præsumit. Inter alios vero, qui ad hoc ferventer inducuntur indo- mita voluntate, nonnulli de nostra Marchiæ Anconę provincia ad hujusmodi proflire co- natus per motus effrenes & agiles non verentes, ipsius provincię statum sæpe turbant pa- cificum, periculis in ea, non absque dispen- diis animarum, fidelium stragibus, & bono- rum detrimentis, injuriis, & scandalis susci- tatis.

Varias feri  
mansiones in  
Provincia Mar-  
chię asserit.

§. 2. Nos igitur, qui Provinciam ipsam quadam singulari affectione diligimus, & tam- quam recreationis nostrę pomœrium, pater- nę benignitatis oculis intuemur, cupientes in illa (turbationibus & scandalis quibuscum- que remedii nostri appositione subductis) bo- num pacis & concordię non lædatur: ac de- bitum & congruum reputantes, ut talium sic compescatur audacia, quod a violentiis retrahantur: universis, & singulis tam laicis, quam clericis, cujuscumque status, ordinis, vel dignitatis existant; Comitibus quoque, Ba- ronibus, Potestatibus, Capitaneis, & aliis quibuscumque Officialibus, & in inferioribus gradibus positis: necnon Communitatibus, ac Universitatibus Civitatum, Terrarum, Ca- strorum, & aliorum quorumcumque loco- rum in prædicta Provincia consistentium, au- ctoritate præsentium districtius inhibemus; & mandamus expresse, ne ipsorum aliquis con- tra

Eas itaque  
feri vetat.



tra alium sibi jus dicere, aut guerram, vel exercitum, seu cavalcata (nisi de licentia Rectoris Provinciae supradictae) per se, vel alios facere, vel movere per hostiles incursus, seu violentias occupare, invadere, seu aliquem de domo propria, seu civitate, castris, vel loco expellere, capere, seu tenere, sive ad vindictam vel ultionem aliquam, profligare quavis causa vel occasione praesumat; sed quilibet jus suum per viam justitiae coram competenti iudice prosequatur.

Pena contra inobedientes.

§. 3. Nos enim omnes & singulos tam clericos quam laicos contra inhibitionem & mandatum huiusmodi (postquam illa ad notitiam pervenerint eorumdem, vel per eos steterit, quominus potuerit pervenire) facientes, (nisi in casibus a iure permissis) sententiam excommunicationis, & insuper eosdem clericos suspensionis poenam incurrere; ac praedictorum Castra, Terras, Loca, & Communitates, & Universitates, si contra huiusmodi inhibitionem & mandatum nostrum venire praesumpserint, ac dictorum clericorum Ecclesias, (qui facere contra praedicta forsitan attentabunt) interdictione ecclesiastico subiacere volumus ipso facto: omnesque praedictos & singulos omnibus privilegiis, indulgentiis, gratiis, libertatibus, & immunitatibus realibus & personalibus, feudis, locationibus, bonis, juribus, & honoribus, officiis, & quibuscumque concessionibus, quae a Romana Ecclesia, & a quibuscumque aliis Ecclesiasticis obtinere noscuntur, eo ipso fore privatos; & nihilominus omnes & singulos Comites, Barones, Nobiles, Potestates, Capitaneos, Officiales, ac Communitates praedictas mille marcarum argenti, & unamquamque personarum ipsarum, quae contra inhibitionem & mandatum ipsorum facere, vel venire praesumant, ducentorum florenorum auri, quam eo ipso incurrant, poenam mulctamus. Contra Clericos praedictos ad privationem omnium beneficiorum ecclesiasticorum, dignitatum, personatum, & officiorum cum cura vel sine cura, quae forsitan obtinerent; ac reddimus eos inhabiles & indignos ad ea, & quaelibet alia in posterum optinenda.

Nulli ergo omnino, &c.

Dat. die 23.  
Decem. 1321.  
Anno VI.

Datum Avinione, 10. Kalendas Januarii, Pont. nostri anno VI.

### XXXIII.

Ex Regest.  
Archiv. Vat.  
Consule Gatt.  
lan Hist.  
Cassin. Sec.  
IX. 6. V.

Ecclesia Monasterii Cassinen. erigitur in Cathedralam, Monasteriumque in Episcopatum cum omnimoda iurisdictione, Privilegiis, & juribus pro novo Episcopo, & Capitulo, quibus antea Abbas, & Monachi fruebantur.

Joannes Episcopus, Servus Servorum Dei, ad perpetuam rei memoriam.

Proemium.

Supernus opifex, sator Coelorum, & universae conditor Creaturae, coelestia & terrestria inestabilis providentiae ordi-

Bull. Rom. Tom. III. Pars II.

natione disponens, ad instar supernorum Ordinum triumphantis Ecclesiae inferiorem militantis disposuit Hierarchiam, distinguens varietate mirabili dignitates secundum sublimiores & inferiores gradus, & ordines in eadem, cujus dispositione mirifica ab exordio surgentis Ecclesiae Episcopalia gubernacula, utpote in eadem Ecclesia obtinentia sublimitatem gradus ordinis, sunt in locis dignioribus, & frequentioribus Populis collocata, ut multa messis Fidelium superintendens diligens cura Pontificis, ipsam verbo dirigat, & exemplo, ac dignitati loci & populi dignitas respondeat Praesidentis.

§. 1. Sane considerantes attentius, & intra pectoris claustra meditatione sollicita revolventes, quod tam dominicus Populus, quem sacundavit Altissimus in Terra Monasterii Cassinen., quam Fideles alii in certis Locis aliis dictae Terrae contiguas, & vicinis eidem Monasterio spirituali iurisdictione subiecti, qui alterius Dioecesis non existunt, nec retroactis temporibus extiterunt, Episcopalis sollicitudinis curam & diligentiam exigebant: cum periculum esset tanto gregi Fidelium, in singulis casibus, qui sunt Pontificalis Ordinis & Officii, ad alienos Episcopos, & interdum remotos, non absque multarum Animarum periculo habere recursum, ad ipsum quoque Monasterium, quod Confessor almus gratia Benedictus, & nomine multipliciter illustravit, quod etiam Confessoris ejusdem, venerando vocabulo insignitur, cujusque sanctissimi corporis sacrae reliquiae inibi venerabiliter requiescunt, specialiter gerentes devotionis affectum; decens, quinimo necessarium fore censemus, ut dictum Monasterium, ubi Confessor praefatus claruit virtutibus, & miraculis coruscavit, ac normam Sanctae Monasticae Religionis instituit, quae propagata per Orbem, innumeros quasi a mari usque ad mare jam protensos produxit palmites, & per incrementa temporum dilatavit, praerogativa sublimetur honoris, & potioris dignitatis eminentia sub Episcopalis appellatione nominis decoretur.

§. 2. Ex praemissis igitur, & aliis suadentibus causis, quae ad id nostrum animum induxerunt, ex certa scientia, ac de Fratrum nostrorum consilio, & assensu, ac Apostolica plenitudine potestatis, ad divini nominis laudem, gloriam, & honorem, ad exaltationem Ecclesiae militantis dictum Monasterium in Ecclesiam Cathedralam erigimus, & Episcopalis dignitatis titulo insignimus: decernentes, ut Ecclesia ipsius Monasterii sit perpetuis futuris temporibus Cathedralis; & Episcopus canonice assumendus pro tempore praesit illic, qui, quoties imposterum dictam Ecclesiam in Cathedralam electam vacare contigerit, per electionem, vel postulationem, Canonice celebrandam per quondam Conventum dictorum Monasterii, & Ordinis, quem ex nunc Capitulum ejusdem Ecclesiae perpetuis temporibus futuris fore decernimus, assumatur.

§. 3. Eadem quoque auctoritate statui-

A a

tam

Causa erigendi Episcopatus in Monasterio Montis Cassini.

Ereccio, de qua in Rubrica.

Episcopus a Capitulo eligendus.



Novo Epif-  
copatu Pri-  
vilegia omnia  
communican-  
tur, quibus  
Monasterium  
ipsum frueba-  
tur:

Eaque conce-  
ditur Episco-  
po in Terris  
Monasterio su-  
bjectis aucto-  
ritas.

Illaque attri-  
buuntur jura,  
quæ Abbati  
competebant.

tam in capite, quam in membris, per specia-  
lia Sedis Apostolicæ privilegia sit exemptum,  
& Ecclesiæ Romanæ immediate subjectum,  
& diversisque aliis privilegiis, indulgentiis Apo-  
stolicis, exemptionibus, libertatibus, & im-  
munitatibus communitum, dicta Ecclesia Ca-  
thedralis, Episcopus, Capitulum, & perso-  
næ ibidem degentes, ac omnia membra, of-  
ficia, Ecclesiæ, Castra, & Bona ipsius, ubi-  
cumque consistentia, utantur & gaudeant  
privilegiis, exemptionibus, indulgentiis, li-  
bertatibus, & immunitatibus hujusmodi, sicut  
prius.

§. 4. Decernimus insuper, ut in locis sin-  
gulis, insignibus & non insignibus, tam sitis  
in Terra, quæ Abbatia Cassinen. hætenus  
vulgariter nominabatur, quæ in spiritualibus  
& temporalibus, quam etiam in Locis vici-  
nis Terræ prædictæ, quæ in spiritualibus tan-  
tum Monasterio suberant memorato, quæ-  
que alterius Diocesis hætenus non fuerunt,  
& personis eorum, præfatus Episcopus tan-  
quam quivis alius Præsul in propria Diocesi,  
& in quibuscumque locis, & personis ubi-  
cumque consistentibus, sive spiritualiter &  
temporaliter, sive spirituali dumtaxat juris-  
dictione, Abbati, qui pro tempore præfuit  
regimini seu Conventui, vel Officialibus quon-  
dam Monasterii memorati, vel administra-  
tionem habentibus in eodem subjectis, idem  
Episcopus, sicut quondam Abbas, & Capitu-  
lum, & Officiales prædicti, sicut Prædecesso-  
res eorum, similem omnino jurisdictionem  
habeant & exercere valeant in eisdem: &  
eo plus præfato Episcopo in eisdem locis spi-  
ritualiter & temporaliter, vel spiritualiter  
dumtaxat, ut præmittitur, ei subjectis vici-  
nis Monasterio memorato, quæ hætenus ali-  
cui alteri Episcopo spiritualiter minime sub-  
jacebant, competere debeat, quo in iis, quæ  
sunt Ordinis Pontificalis, & ministerium con-  
secrationis desiderant, largiorem Pontifici-  
bus, quam inferioris gradus Prælati pote-  
statem Sacri Canones concesserunt.

§. 5. Caterum auctoritate prædicta de-  
cernimus, quod institutio, & destitutio, vi-  
sitatio, reformatio, & correctio tam in Ec-  
clesia Cathedrali, quam in Membris eisdem,  
ubicumque consistentibus, ac bona ipsius quon-  
dam Monasterii, quæ ad Abbatem, Conven-  
tum, & Officiales spectabant eosdem com-  
muniter vel divisim, simili modo spectent  
ad Episcopum, Capitulum, & Officiales præ-  
dictos: ac de illis dicti Episcopus, Capitulum,  
& Officiales libere disponere valeant simul  
vel separatim, prout eorum dispositio ad  
eosdem Abbatem, Conventum, & Officia-  
les communiter vel divisim antea pertine-  
bat: juribus & consuetudinibus, si qua hæ-  
tenus præfatis Abbati, vel Officialibus, seu  
administrationem habentibus, in installationi-  
bus, præsentationibus, vel investituris Ar-  
chipresbyterorum, vel Rectorum, aut alia-  
rum personarum Ecclesiasticarum in Eccle-  
siis Castrorum, Villarum, seu Locorum etiam  
aliarum Diocesum competeant: nec non  
honoribus, qui eidem Abbati hætenus, cum  
ad eadem Castra, Villas, seu Loca noviter

accedebant, per Clerum & Populum pro-  
cessionally ei obviam occurrentes, in hu-  
jusmodi Processionibus, & quibuscumque aliis  
consueverant exhiberi; Episcopus Casinen.,  
qui erit pro tempore, sicut Abbati, & Offi-  
cialibus, seu administrationem habentibus me-  
moratis, sicut Prædecessoribus eorum, per-  
petuis futuris temporibus reservatis, & inte-  
graliter exhibendis.

Nulli ergo omnino hominum liceat hanc  
paginam nostrarum erectionis, constitutio-  
nis, & voluntatis infringere &c.

Datum Avenioni, sexto nonas Maii,  
Pontificatus nostri anno VI.

Clausula.

Dat. die 24  
Maii 1322.  
An. VI.

## X X X I V.

Canonizatio S. Thomæ de Aquino, Ordinis  
Eratrum Prædicatorum S. Dominici, ejus-  
que relatio in numerum Sanctorum Con-  
fessorum, cum institutione festivitatis pro  
die 7. Martii.

Joannes Episcopus, Servus Servorum Dei,  
Venerabilibus Fratribus universis Patriar-  
chis, Archiepiscopis, & Episcopis, ac Di-  
lectis filiis electis Abbatibus, Prioribus, De-  
canis, Archidiaconis, Archipresbyteris,  
aliisque Ecclesiarum Prælati, ad quos li-  
teræ istæ pervenerint. Salutem & Aposto-  
licam benedictionem.

**R**edemptionem misit Dominus popu-  
lo suo, cum Dei Verbum in vir-  
ginalis uteri thalamo, sancti Spiritus coope-  
ratione conceptum, Caro factum est, & ha-  
bitavit in nobis, verbo suo nos instruens,  
exemplo docens, cœlestia referans, occulta  
miraculis roborans, ac sacri eloqui testi-  
moniis futura eadem esse confirmans, tandem  
se Deo Patri in ara crucis hostiam accepta-  
bilem offerens, peccata nostra pio cruore  
deterisit, descendensque ad inferos, ac die  
tertia resurgens a mortuis, & per quadra-  
ginta dies apparens Discipulis, & loquens de  
Regno Dei, ipsis cernentibus est elevatus in cœ-  
lum, & captivam ducens captivitatem dedit  
dona hominibus, quibus patefcere cœlum  
innotuit, referata dudum clausa in se cre-  
dentibus janua Paradisi. Patet ergo Cœlum  
credentibus, patet humilibus, patet etiam,  
qui honestatis, paupertatis, & obedientiæ  
votis se Deo, (a quo stulti per inobedien-  
tiam discesserunt) voluntaria sponsione de-  
vovent. Regnum enim cœlorum vim patitur,  
& violenti rapiunt illud, dum propriis sub-  
actis affectibus, violentia quadam ad superio-  
ra conscendunt.

§. 1. Hæc igitur B. Thomas de Aquino,  
Ordinis Fratrum Prædicatorum, sacre Theo-  
logiæ Doctor, nobilis quidem genere, sed  
nobilior conversatione, fama clarus, vita  
clarissimus, sedula meditatione revolvens, &  
attenta deliberatione discernens, dum adhuc  
infra pubertatis annos existeret, ipsius Ordinis  
Prædicatorum habitum suscepit, in eo (invi-  
to

Proemium.

B. Thomæ  
encomium.



to etiam patre, qui ejus felicibus actibus in-  
videbat) constantius mansit, ac in ipso tan-  
dem regularem professionem emisit: ubi in-  
brevis adeo scientia, vita, & moribus pro-  
fecit, ut ætate adhuc juvenis, ad Sacerdo-  
tium promoveretur, & ad ejusdem magiste-  
rium Parisiis loco utique celeberrimo as-  
sumptus, magno inibi sui, sui que Ordinis, ac  
Parisiensis studii favore per multorum anno-  
rum curricula cathedram regeret magistra-  
lem. Quippe cum illi vita existentiam, con-  
versatio famam, doctrina pareret opinionem,  
opera divulgationem, eademque tam brevi  
confecta tempore admirationem merito exhi-  
berent; ut illud Psal. Rigans montes de su-  
perioribus suis, de fructu operum tuorum sa-  
tiabitur terra, in eo verissime impleretur.  
Quod utique thema idem Sanctus, dum ef-  
set in sacra Pagina incepturus, assumpsit,  
quodque (ut fertur) revelatione sibi post  
suam orationem facta didicerat, dum propter  
juventutem suam se inhabilem ad magisterium  
reputans, quid proponeret in instanti princi-  
pio hæsitaret.

Opera non-  
nulla scribit.

§. 2. Nam & in primitivis scientiis, & di-  
versis philosophiæ partibus, ut non esset ocio-  
sus, sed operaretur terram; necnon in sacre  
Scripturæ pagina, tam super novum, quam  
vetus Testamentum scripta, plurimæque alia  
in Dei laudem, Fideique dilatationem, eru-  
ditionemque studentium, clara cum sciens  
esset, famosa, cum cognitus non absque spe-  
ciali Dei infusione perfecit. Doctrina quippe  
prudentium facilis, & omnino scientis signum  
est posse docere.

Orationi, &  
studiis assidue  
vacabat.

§. 3. Profecit utique vir peritus, a terre-  
norum ambitione semotus, & ad coelestium  
affectionem intentus, perfecto vacans studio,  
intendebat Deo; prætermittebat terrena, ut  
assequeretur æterna; præmittebat divina, ut  
roboraretur in schola; cum singulis diebus,  
antequam lecturus ascenderet cathedram, vel  
distraheretur ad alia, Missam unam celebra-  
ret, aliam audiret, in quibus & alias in ora-  
tione, (cum in illa foret assiduus) lacryma-  
rum effusione meritis suæ dulcedinem devo-  
tionemque Deo, cui nihil est absconditum,  
revelabat.

Castitate, so-  
brietate, hu-  
militate &  
aliis virtuti-  
bus præfult.

§. 4. Cumque castitatis nitore canderet,  
parsimonia devota custodiebat humilitatem;  
hanc eandem sobrietate medica nutrebat,  
adeo ut multi eum in carne virginitate man-  
sisse incorruptum existimarent. Quod ejusdem  
Sancti Confessor Ordinis memorati, qui longo  
tempore ipsius confessionem audierat, publi-  
ce (ut ad nos testimonio fide digno pervenit)  
coram omnibus die defunctionis ejusdem as-  
seruit, dicens, Ego confessionem generalem  
istius sancti viri audivi, de quo testificor, quia  
ita inveni eum purum, sicut puerum quinque  
annorum, quia numquam suæ carnis sensit  
corruptelam. Qui præterea vir Dei cibis  
Religiosorum, vestimentisque communibus  
contentus, conversatione mitis, benignitate  
suavis, pietate misericors, humilitate subje-  
ctus, cæteraque virtutum varietate redimitus,  
honorum supercilium, mulierumque cautius  
confortia spernebat, non elatus, non præmi-

*Bull. Rom. Tom. III. Pars II.*

nens, nec etiam disputans, (quod & in-  
terdum disputanti solet esse commercium)  
jactator affectus, ut ampulosis (etiã sibi  
eadem injicerentur ab aliis) in illo palestri-  
cæ syllogizationis exercitio uteretur. Totus  
igitur Dei famulus divinis operibus intentus,  
aut eruditioni, qua præcellebat, aut prædica-  
tioni, qua immotus erat, aut orationi qua de-  
votus, aut Scripturæ quæ profundus, sedulus  
vacabat, adeo ut præter naturalis necessita-  
tis, aut quietis horas, nullum sibi aut vix  
temporis spacium relinqueret ociosum.

§. 5. Appropinquante autem die, qua de  
hoc sæculo migraturus esset ad Dominum,  
quaque devicto triumphatoque mundo, in-  
perpetuas æternitates recipiendus in patria,  
(nam bonorum laborum gloriosus est fructus)  
cum a felicis recordationis Gregorio Papa  
Decimo prædecessore nostro, ad Lugdunense  
Concilium diceretur esse vocatus, de Neapoli  
veniens, ubi tunc temporis more solito famose  
legebat ut Doctor, & per maritimam transiens,  
cum ad Monasterium Fossæ-Novæ Ordinis  
Cisterciensis Tarracinen. Dioc. parumper di-  
gressurus per dies aliquot antea ad ipsum  
ut illuc deferretur, affectuose depostulans,  
pervenisset, intrans Monasterium, plenus Dei  
spiritu, hæc verba protulisse refertur: Hæc  
requies mea in sæculum sæculi; hic habita-  
bo quoniam elegi eam. Quod verum esse even-  
tus edocuit, & sacri Corporis sui illic facta  
tumultuatio manifestat. Coepit enim illic in-  
infirmirate gravari eadem, viribus paulatim  
destitui, infirmitatem tamen ipsam, etsi die-  
rum plurium, non impatienter tolerans, sed  
æquanimiter, totus ut erat humilis, patientia  
supportans, quo sibi leniret infirmitatem,  
Deo obedientia placeret, ministris de se, quos  
non intendebat aggravare reverentia, imi-  
tandæ quoque patientiæ exempla præberet,  
adeo quod ejusdem Monasterii Fossæ-Novæ  
Fratres, inibi Deo devotius famulantes,  
hæc in sancto viro religionis exempla con-  
templantes, illius tunc infirmantis corpore  
promptis obsequiis mancipati, quem utique  
tanta refertum patientia fore cernebant, sin-  
guli ligna de sylva, singuli quæque illi oppor-  
tuna voluntarie propriis humeris deferebant,  
non extimantes fore conveniens, ut brutorum  
animalium humeri in portandis eidem rebus  
accommodis præstarent obsequia, qui tanta-  
rum virtutum prærogativa pollebat.

§. 6. Cumque in eadem infirmitate, de  
qua obiit, Sanctissimi Dei & Domini nostri  
Jesu Christi Corpus in cibum sumendum sibi,  
ut viaticum deferretur, totus profusus in  
lacrymis, & dulci amore ejusdem anima as-  
suetæ dulcedine Dei, liquefacta, inter cætera  
multa & decora, quæ protulit, hæc vel si-  
milis fidei & devotionis verba, toto illius  
Monasterii conventu multisque dictorum,  
Prædicatorum, & Minorum Ordinum,  
assistentibus Fratribus, eructasse refer-  
tur: Ego de isto Sanctissimo Corpore Domi-  
ni nostri Jesu Christi, & aliis Sacramen-  
tis, multa docui, multa scripsi in Fide Jesu  
Christi, & Sanctæ Romanæ Ecclesiæ, cujus  
correctioni cuncta subijcio, cuncta suppono.

Ultima infir-  
mitate in Mo-  
nasterio Fos-  
sæ-Novæ la-  
borat.

Viaticum su-  
mens sua  
scripta S. R.  
E. judicio sub-  
mittit.



1323.  
Pie moritur.

§. 7. Recepto deinde ab ipso eodem vivifico Sacramento, cunctisque aliis Sacramentis Ecclesiæ debita veneratione cum lacrymarum effusione susceptis, tertio die obdormivit in Domino, cui credidit, quem amavit, & tota mentis affectione dilexit. Fidelis servus & prudens, non pertinax, non proprio sensui aut prudentiæ innitens, & nulla de se scientiæ suæ opinione superbus; nam, qui scrutator est majestatis, opprimetur à gloria. Unde sapienter Doctor idem atque humiliter (ut præfati sumus) omnem suam verbo vel scripto doctrinam ad ejusdem Ecclesiæ fidei normam fidei devotione reduxit: quam Petri ore diffusam stabilem noverat, & nullis concussionum flatibus agitandam; cum post veram Deitatis Christi recognitionem, qua respondit: Tu es Christus Filius Dei vivi; ab ipso audire meruit: Tu es Petrus, & super hanc petram ædificabo Ecclesiam meam; & alibi: Ego pro te rogavi Petre, ut non deficiat fides tua; Dumque pro Petro Christus rogat, pro ejus Ecclesia intercedit.

Miraculis clar.  
ret.

§. 8. Verum, quia dignum erat & consonum, ut quem Deus viventem in hoc sæculo tantis suis donis gratiisque perfecerat, assumptum in coelis sanctificatum fore hominibus declararet, multis eundem virum Dei post ipsius de hac vita transitum (licet & antea nonnulla fecisse memoretur) magnificæ signis gloriosius coruscare, ut illud Psalmi merito de ipso dicamus: Scitote, quia mirificavit Dominus Sanctum suum; sicque vita ejus attestaretur miraculis, ut illius miracula vitæ testimonium perhiberent. De quibus pauca de multis in Dei laudem, & Sancti hujus commendationem, & ædificationem fidelium, idoneis opprobata testibus, præsentibus subnectemus.

Ejus corpus  
miro manat  
odore.

§. 9. Post septimum namque mensem, vel circa, a die obitus, ipsius S. Thomæ de Aquino, cum Corpus ejus, quod in Cappella S. Stephani dicti Monasterii per idem tempus sepultum extiterat, ad sepulchrum ejusdem primum, scilicet juxta Altare majus Ecclesiæ Monasterii antedicti, unde ad tempus per Monachos ejusdem Monasterii timoris causa sublatum fuerat, ne corpus ipsum omnino de dicto Monasterio tolleretur, per translationem denuo exhumatum, deferri exinde decrevissent, in apertura ipsius sepulchri ejusdem Cappellæ S. Stephani tanta fragrantis odoris suavitas emanavit, quod totam ipsam Cappellam Claustrumque ipsius Monasterii, quod diffusum est, mira eadem suavitate replevit, quæ de ipsius corpore, (prout ex sollicita, curiosaque Monachorum indagine est repertum) mirifice fundebatur. Propter quod majore per Monachos concepta ad ipsum devotione, totus Conventus processionaliter (Priore tamen dicti Monasterii, cum quibusdam ex Monachis paramentis indutis) Corpus ipsum ad præfatum primum ejus sepulchrum honorifice detulerunt. Hanc similem fragrantiam post septem annorum spacium, quidam ex testibus, quidam vero post quatuordecim annorum spacium sensisse se referunt, dum corpus ipsum diversis ex causis per

temporum vices sedulo inspexissent. Quippe odor, carnis ejus munditiam Deo acceptam exprimebat, orationum ejus adorationem repræsentabat, famam quoque ejus claram diffusionem virtutum & illarum aromatum non celabat.

§. 10. Quidam arte chirurgicus, sed per decennium infirmitate podagricus, ita quod ire per se, vel ambulare nequaquam absque baculorum sustentatione, aut aliorum suffragio poterat, se Deo & B. Thomæ devovens, juxta eum tumulum incumbens, (oratione facta) sanus proliit, & currens, ac Deum laudans, quod meritis ejus esset tam longæ infirmitatis languore curatus.

Podagricus  
la.  
borans.

§. 11. Alter quidam ex horribili quadam visione phantasmatis timiditate percussus, pedibus manibusque contractus fuit, & ore, ac facie distortus, sensibus carens, & omni virtute destitutus, ita quod loqui non poterat, sed mortuo similis videbatur, adeo ut ignem ejus membris admotum nullatenus sentiret, portatus ad tumulum illius, post morulam liber & sanus omnino a dicto sepulchro surrexit.

Sensibus Ru.  
pidus.

§. 12. Alius dum non devote de Sancto sentiret, virtutem Dei in Sancto, in se duplicem esse expertus, infirmitatis, dum contemnit, sanitatis, dum a contemptus culpa discessit. Nam cum sibi devotionis causa a quodam Cappellano plures venerandæ Reliquiæ monstrarentur, ipse quoque ostensor preciosiores adhuc se habere Reliquias, videlicet manum F. Thomæ de Aquino fateretur, illico hunc derisorie de his truffantem, cum eas videre non curaret, dicens, Sanctus non est, sed quidam Ordinis Prædicatorum Frater, tremor apprehendit: & caput ejus ad modum magnæ cistæ grossum, & valde ponderosum sibi esse videbatur; sed infirmitate correptus, & poenitens, simulque de sua incredulitate dictisque deplorans, dum veniam a Sacerdote petitam obtinuit reverenter, manum ejusdem Sancti deosculans, confestim a tremore & inflatione capitis liberatus evasit, sensitque progredientem, ut retulit, maximum ex dicta manu suavitatis odorem: Qui odor cum ipsius curati capitio, personæque ex tactu manus ejusdem per magnum tempus inhæreret, multis eundem postmodum percipientibus, sciscitantibusque, quid esset, hoc signo narrare, quod acciderat (etsi nolens) miraculum cogeatur.

Tremebundus,  
& in flatus  
capite.

§. 13. Notarius quidam, dum ad mensam sanus accederet, surgens ab illa gravi squinantia infirmitate correptus est. Duobus diebus propterea linguam movere non potuit, & loquelam amisit. Cumque multa medicorum remedia, ei adhibita, quin eadem infirmitas in augmentum procederet, non prodesse, immo de illo desperarent, ad Sanctum conceptam devotionem, ut ad tumulum ejus deferretur, quam lingua non valebat, manus suæ scriptura depromsit. Verum, cum illuc, repugnantem uxore sua, (quia mulieribus præfati Monasterii Ecclesiam ingredi non liceret) nequaquam duceretur, ipse sic infirmus advertens infra se ipsum, eidem Beato Viro, se ut liberaret, affectuosius commendavit. Coepit ex tunc linguam ducere,

Loquela pri.  
vatus.



re, meliorari, & convalere, ac brevi temporis intervallo curatus perfecte fuit.

Febre quotidiana detentus.

§. 14. Dum alius quidam per septem hebdomadas & ultra febre quotidiana, malo epatis & stomachi affligeretur; quadam die Veneris, cum peius haberet, auditis quibusdam miraculis, quæ per Virum Dei facta esse dicebantur, cum se ad ipsum devotius sequenti die Sabbati de sero, uxoris suæ suavis, eaque præsentem devovisset, die Dominica proximo in mane se à præfatis infirmitatibus plene reperit liberatum.

Mulier surditate.

§. 15. Mulier quædam, cum filium suum duorum mensium decumbentem, periclitari non immerito formidaret, pro eo præsertim, quod per menses quatuor ex surditate adeo gravata esset, ut decies exclamata, vagientem etiam puerum vix audiret, viri sui inductione, qui moestus una cum illa communis filii periculo condolebat, prædicto Viro Dei, ut eam ab eadem infirmitate eriperet, obnoxius devovit: Emissoque voto, cum nocte secuta dormisset, in crastino se liberatam Sancti meritis reperit, ut optabat.

Puella squinantia.

§. 16. Puella, gutturis sui fauces squinantia habens infirmitate constrictas intantum, ut nec quid sumere solidum, aut liquidum valeret, & anhelitus sibi meatus, ut vix respirare posset, includeretur: dum devote se beato Viro a matre persuasa commendaret, ductaque foret in crastinum ad dictum Monasterium Fosse novæ, superpositis gutturi suo dicti Viri sancti ex reliquiis in quadam capsula delatis, confestim melioratam se sensit, panem comedit, perfecteque sanata rediit.

Conversus quidam Monasterii Fosse novæ brachii acerrimo dolore afflictus.

§. 17. Quidam præfati Monasterii Fosse novæ Conversus, adeo gravem in brachio dextro & spatula dolorem patiebatur, ut ipsum brachium, quod per trium mensium cum dimidio spacium detulerat suspensum ad collum, ei esset inutile, dolore præsertim vehementer afflictum. Quod cum requisitum medicorum remedium non haberet, & amplius dolore gravaretur, dum dicto Sancto pro sua liberatione se quodam emisso voto commendasset, seque supra ejus tumulum posuisset, ibidem obdormivit, ac excitatus deinde à quodam dicti Monasterii Monaco, brachio, quod linteo prius habebat incumbens, collo adhuc dependenti, extractum ab eo reperit, excitatorumque à somno more, dum ambas manus capiti suo, ut ipsum scalperet, apposuisse, se liberatum intellexit, ac astantibus, quod notum fuerat, miraculum revelavit.

Infans habens in crure tumorem sanitati restituti.

§. 18. Infans quidam quatuor annorum tumorem & ruborem in costis & crure usque ad pedem patiebatur, adeo afflictivum, ut nec a matre sua vel alio sine læsione & clamore suo aliquatenus tangi potuisset. Movere se non poterat, per mensem in tanto dolore & in anxietate fuit, a medicis spes curationis ejus sine incisione pueruli non inveniebatur, illaque (si fieret) perpetuo eum in persona futurum impeditum moestis amaritudine mentibus nunciabat. Deficiente natura, artisque suffragio non invento, recursus est ad Deum, qui gloriosus est in Sanctis suis, faciens prodigia. Nam mater infantuli, quæ ipsum

diligebat ut mater, eum B. Thomæ devotius commendavit, ut a dicta infirmitate sine incisione suis meritis liberaret. Delatus est puer ad Monasterium, positus super tumulum Sancti, post aliquantulam moram sanus inde surrexit.

§. 19. Hæc sunt igitur testimonia tua, Deus, quæ de hoc Viro justo nobis credibilia facta sunt nimis. Nam si testimonium hominis accipimus, testimonium Dei majus est. Quo animam enim coelum possidere jam credimus, intercessorem ipsum expectamus: ac inter Sanctorum agmina, quasi stellam matutinam, eum fidimus esse locatum. Unde fidem tuam in nobis, bone Jesu, nutris, spem erigis, dilectionis caritatem accendis. Lateatur itaque Mater Ecclesia, exultet Italia, parens Campania jocundetur, Prædicatorum sacer Ordo jam jubilet, Religiosorum devotio concrepet, Doctorum turba complaudat, animentur ad studia juvenes, provecti non torpeant, senes delectentur in illis, omnes in humilitate proficiant, provecti contemplationem non deserant, mandata Dei seduli exequantur. Nam dedit illi Deus cor ad præcepta, & legem vitæ, & disciplinæ; & sapientia humiliati exaltabit caput illius. In medio Ecclesiæ aperuit os ejus: & implevit eum Dominus spiritu sapientiæ, & intellectus; stolam gloriæ induit eum. Nam veritas (quæ est Christus) ipsa veris, non fictis Doctoribus pollicetur: qui elucidant me, vitam æternam habebunt. Quamvis ipse verus justitiæ Sol stellarum illustratione non egeat, nec illarum irradiatione, cum illuminentur ab ipso, clarescat. Habitat enim lucem inaccessibleem, qui est splendor gloriæ, & figura substantiæ ejus, idcirco tenebris non obscuratur, ut deficiat, aut nebulis offuscatur, ut sue claritatis radios non diffundat.

§. 20. Ceterum, quia rationis ordo depostulat, ut triumphantem in cœlis Ecclesiam devota in terris militans subsequatur, illum veneratione præcipua percolat, quem in cœlestibus agminibus, positum Deum glorificare cognoscitur.

§. 21. Nos de sanctitate vitæ, ac miraculorum veritate Confessoris ejusdem non semel tantum, sed primo, & secundo; non festine, sed mature inquiri fecimus; & per nos etiam, & Fratres nostros Sanctæ Romanæ Ecclesiæ Cardinales, inquisitionem hujusmodi exacta discussione examinavimus diligenter, ut tanto firmitus, quanto maturius, tanto certius, quanto disquisitius inquisitum & examinatum existeret, in sic arduo difficile negotio procedere valeremus. Difficile namque extimamus, quæ in terra sunt, & quæ in prospectu sunt, invenimus cum labore, quæ autem in Cœlis sunt, quis investigabit? Cumque per hujusmodi nostram & eorundem Fratrum nostrorum examinationem sollicitam & sollicitudinem examinatum, vitam ejus sanctam, & miracula vera ejus meritis facta, probata esset constiterit; & supplicantibus nobis idipsum humiliter & devote multis tunc Prælatibus apud Sedem Apostolicam existentibus, de dictorum Fratrum nostrorum

Ex iis itaque credendum B. Thomam in cœlis esse.

Miraculisque ejus, & sanctitate vitæ diligenti perquisitis examine SS. Confessorum albo adscribitur.



consilio & assensu, auctoritate Dei omnipotentis, Patris, & Filii, & Spiritus sancti, ac Beatorum Petri & Pauli Apostolorum ejus, ac nostra, eum Sanctorum Confessorum Catalogo duximus adscribendum.

Hujus celebranda festivitas.

§. 22. Ideoque Universitatem vestram monemus & hortamur attente, per Apostolica vobis scripta præcipiendo mandantes, quatenus nonis Martii festum Confessoris ejusdem devote ac solemniter celebretis, & faciatis a vestris subditis veneratione debita celebrari, ut pia ejus intercessione & hic a noxiis protegi, & in futuro sempiterna gaudia consequi valeatis.

Proposita ejus sepulchrum visitantibus indulgentia.

§. 23. Ut autem ad venerabile ejus sepulchrum ardentius & affluentius Christiani Populi confluat multitudo, ac celebris ejusdem Confessoris colatur festivitas, omnibus vere poenitentibus & confessis, qui cum reverentia illuc in eodem festo annuatim accesserint, ipsius suffragia petaturi, de Omnipotentis Dei misericordia, & eorumdem Beatorum Petri & Pauli Apostolorum ejus auctoritate confisi, annum annum & quadraginta dies; accedentibus vero annis singulis ad prædictum sepulchrum infra septem dies, festum ipsum immediate sequentes, centum dies de injuncta sibi poenitentia relaxamus.

Dat. die 18. Julii 1323. An. VII.

Dat. Avinione 15. Kal. Aug. Pont. nostri Anno VII.

#### X X X V.

Ex Regest. in Archiv. Vatic.

Jurisdictionis pars quædam, nonnullique redditus, spectantes ad Ecclesiam Avinionen. in Castris Pontis Sorgiæ, & de Interaquis ab ea separati Romanæ Ecclesiæ, & Comitatus Venaïsino uniuntur.

Joannes Episcopus, Servus Servorum Dei, ad perpetuam rei memoriam.

Exordium.

**D**UM a Nobis, quod justum est, petitur & honestum, tam vigor æquitatis, quam ordo exigit rationis, ut id per sollicitudinem nostri officii ad debitum perducatur effectum.

Ad tollendas incommoditates, & dissensiones Capitulum Avinionen. Papæ supplicat, ut jurisdictionis partem, nonnullosque redditus Romanæ Ecclesiæ uniat, Avinionensi data compensatione.

§. 1. Sane dilecti Filii, Geraldus Præpositus, & Capitulum Ecclesiæ Avinionen. Ordinis Sancti Augustini, attendentes, quod certi redditus & proventus, quos Episcopus Avinionen., qui est pro tempore, in Castris de Ponteforgiæ & de Interaquis ad Romanam Ecclesiam spectantibus, nomine Ecclesiæ prædictæ Avinionen. habere noscitur, ac certa pars jurisdictionis ejusdem Castri de Interaquis, ejusque pertinentiarum, ad eisdem Episcopum & Ecclesiam pertinens, propter periculosas dissensiones, quæ inter Gentes & Officiales Romanæ, & Avinionen. Ecclesiarum prædictarum, prætextu regiminis dictæ partis jurisdictionis & perceptionis reddituum & proventuum prædictorum, sæpe contingunt, parum aut nihil utilitatis, sed potius incommoditates varias afferunt & attulerunt hætenus Episcopo & Ecclesiæ memoratis; Nobis humiliter & unanimiter supplicarunt, ut pro honore & utilitate prædictæ Avinionen. Ecclesiæ partem jurisdictionis, ac redditus & proventus prædictos, in quibus

cumque consistant, ab Ecclesia Avinionen. & Mensa Episcopali ejusdem separare, præfataque Romanæ Ecclesiæ, & Castris prædictis unire & incorporare perpetuo, & eidem Avinionen. Ecclesiæ pro prædictis præstari facere condecens recompenationem in aliis dignaremur, prout in Literis patentibus super hoc confectis, dictorum Præpositi & Capituli sigillis munitis, quarum tenorem de verbo ad verbum præsentibus inseri fecimus, plenius continetur.

§. 2. Nos autem prædictæ Avinionen. Ecclesiæ, quam amoris privilegio complectimur specialis, periculis & incommoditatibus obviare, providereque utilitatibus paternæ sollicitudinis studiis cupientes, ac volentes ipsorum Præpositi & Capituli votis & supplicationibus annuere favorabiliter in hac parte, prædictæ Jurisdictionis partem, ac redditus & proventus prædictos, in quibuscumque consistant, ab Ecclesia Avinionen. prædicta, & ipsius Mensa Episcopali separantes omnino, eidem Romanæ Ecclesiæ, & Castris prædictis auctoritate apostolica & ex certa scientia incorporamus, perpetuo adnectimus, & unimus. Et licet memoratæ Avinionen. Ecclesiæ hætenus contulimus & applicavimus multa bona, nihilominus tamen de recompenatione decenti propter hoc eidem intendimus providere, prout loco & tempore congruis videbimus opportunum.

§. 3. Tenor vero Literarum prædictarum talis est: Sanctissimo in Christo Patri ac Domino nostro Domino Joanni, divina Providentia Sacrosanctæ Romanæ ac universalis Ecclesiæ Summo Pontifici, sui devoti & humiles Filii, Geraldus Præpositus, & Capitulum Ecclesiæ Avinionen. devota pedum oscula beatorum. Quia nostram Avinionen. Ecclesiam, quam in Sponsam divinæ dispensationis providentia, dum ageretur in minoribus, habuistis, & adhuc sub vestri specialis regiminis facitis custodia gubernari, Vos prospicimus prosequi præcipui prærogativa favoris, pro ejusdem Ecclesiæ opportunitatibus ad vestram Beatitudinem tanto duximus majori confidentia recurrendum, quanto speramus, apud vestræ magnitudinem Sanctitatis super illis audiri benignius, & favorabilibus exaudiri. Sane Vestræ Sanctitatis clementiam volumus non latere, quod certi redditus & proventus, quos habet Episcopus Avinionen., qui est pro tempore, in Castris Pontis Sorgiæ & de Interaquis in Comitatu Venaïsino, ad vos & Romanam Ecclesiam pertinente, consistentibus, & certa jurisdictionis pars, quam obtinet in Castro de Interaquis prædicto, propter periculosas dissensiones, quæ inter gentes dicti Comitatus, & præfatæ Avinionen. Ecclesiæ invicem super regimine & perceptione prædictorum contingere consueverint, interdum parum utilitatis afferunt Episcopo & Ecclesiæ Avinionen. prædictis: Quamobrem, diligenti deliberatione præhabita, ac interveniente consensu unanimi & concordia, Vestræ Sanctitati humiliter supplicamus, quatenus pro honore & utilitate dictæ Avinionen. Ecclesiæ dictos redditus & proventus, ac partem jurisdictio-

Vota annuit Joannes.

Litteræ super plices Capituli Avinionen. Pontifici datæ.



nis prædictæ, in quibuscumque consistant, Romanæ Ecclesiæ & Castris prædictis incorporare auctoritate Apostolica dignemini perpetuo, & unire, & a Mensa Episcopali dictæ Avinionen. Ecclesiæ perenniter separare. Dignetur etiam Vestra Sanctitas Ecclesiæ prælibatæ in aliis compensationem præstari facere condecens, sicut vestræ placuerit Sanctitati: Nos enim ex unioni de prædictis a Mensa Episcopali dictæ Avinionen. Ecclesiæ, & unioni ac incorporationi dictis Castris & Comitatu faciendis, melioribus jure, modo, & forma, quibus possumus, assensum nostrum ex nunc tenore præsentium impartimur. In quorum omnium fidem & testimonium præsentibus literas fieri fecimus, & sigillorum nostrorum munimine roborari. Datum Avinioni die undecima Mensis Novembris anno Domini MCCCXXII.

Clausula.

Nulli ergo omnino hominum liceat hanc paginam nostrarum incorporationis, annexionis, & unionis infringere &c.

Dat. 1. Januarii 1324.  
An. VIII.

Datum Avinioni, Kalendas Januarii, Pontificatus nostri anno VIII.

## XXXVI.

Approbatio Congregationis Monachorum  
Beatæ Mariæ montis Oliveti Ordinis  
S. Benedicti.

Joannes Episcopus, Servus Servorum Dei,  
dilectis filiis Abbati Conventui Monasterii  
S. Mariæ de monte Oliveto in Acco-  
na Ordinis S. Benedicti Aretin.  
Dioecesis, Salutem & Apo-  
stolicam benedictionem.

Exordium.

CUM a nobis petitur, quod justum est & honestum, tam vigor equitatis, quam ordo exigit rationis, ut id per sollicitudinem officii nostri ad debitum perducatur effectum.

Congregatio-  
nem hanc sub  
Ap. recipiens  
protectione;  
Bona omnia  
ei confirmat.

§. 1. Eapropter dilecti in Domino filii vestris justis postulationibus grato concurrentes assensu, personas vestras, & locum, in quo divino estis obsequio mancipati, cum omnibus bonis, quæ in præsentiarum rationabiliter possidetis, aut in futurum justis modis, præstante Domino, poteritis adipisci, sub Beati Petri, & nostra protectione suscipimus, specialiter autem, Decimas, Grancias, Curtes, Terras, Vineas, Domos, Prata, Nemora, Possessiones, & alia bona vestra, sicut ea omnia juste ac pacifice possidetis, vobis & per vos Monasterio vestro auctoritate Apostolica confirmamus, & præsentis scripti patrocinio communimus, salva in prædictis decimis moderatione Concilii generalis.

Clausula.

§. 2. Nulli ergo omnino hominum liceat hanc paginam nostræ protectionis & confirmationis infringere, vel ei ausu temerario contraire. Si quis autem hoc attentare presumpserit indignationem Omnipotentis Dei, ac Beatorum Petri & Pauli Apostolorum eius se noverit incursum.

Datum Avinioni 16. Kal. Junii, Pont.  
nostri anno VIII.

## XXXVII.

Quod Regulares cujuscumque Ordinis ad partes Infidelium se conferre, ibique verbum Dei prædicare absque Superiorum suorum licentia speciali, minime possint.

Ex Regest. in  
Archiv. Vatic.  
Consule Ray-  
naldū ad an.  
1325. 26.

Joannes Episcopus, Servus Servorum Dei,  
ad perpetuam rei memoriam.

AD nostrum nuper relatio fide digna perduxit auditum, quod nonnulli Religionis gestantes habitum, sed & virtute Religionis omnino vacui, & modestia penitus alieni, ad partes quandoque infidelium se transferunt, in quibus pauci Fideles respectu Infidelium commorantur; & ut ibidem facilius decipere simplicium animos, ac ipsos & alios in errores præcipitare seu retinere valeant, sub ovina veste, ac humilitatis habitu lupinum animum occultantes, doctrinas suas reprobas & erroneas, quibus Fidelium mentes, quantum in eis est, corrumpere satagunt, in ipsis partibus periculose nimium spargere non omittunt; nec non & os suum ponentes in Cælum, lingua eorum transeunte falsidica super Terram, Sanctæ Romanæ Ecclesiæ detrahare Constitutionibus, & alia multa a fide devia in suis sermonibus & secretis colloctionibus evomere insanis ausibus non verentur; ex quibus Deus offenditur, periculosa suscitantur scandala, paratur simplicibus laqueus, ipsique talium præsumptores de hæresi vehementer arguunt se suspectos; immo ex iis vere fore hæretici comprobantur.

Fraticelli Ori-  
entem suis hæ-  
resibus in-  
cunt.

§. 1. Nos itaque, tantis obviare periculis paternæ diligentie studiis cupientes, universis & singulis Religiosis cujuscumque Religionis, Ordinis, status, vel conditionis existant, de Fratrum nostrorum consilio districtius auctoritate præsentium inhibemus, ne ipsorum aliquis absque Superioris sui Ordinis licentia sibi per ipsius literas patentes concessa, de cetero ad partes se transferat antedictas: Superioribus ipsis nihilominus injungentes ne quibusvis sui Ordinis Fratribus, nisi dumtaxat Viris literatis, providis, & expertis hujusmodi licentiam impertiri præsumant. Nos enim quoscumque scienter, super quo eorum conscientias oneramus, præsumentes contrarium quovis modo excommunicationis subiacere sententiæ volumus & decernimus ipso facto, a qua nullus ab alio, quam a Romano Pontifice possit, nisi dumtaxat in mortis articulo, absolutionis beneficium obtinere.

Vetiti Mona-  
chi Orientem  
petere sine li-  
centia Super-  
iorum, quibus  
idoneis tan-  
tum eam con-  
cedere injun-  
gitur: inten-  
tato iis ana-  
themate, qui  
contra hæc  
teuant.

§. 2. Ceterum universis Ecclesiarum Prælati in virtute sanctæ Obedientiæ districtè præcipiendo præsentium tenore mandamus, quatenus nullos Religiosos ad partes se transferentes prædictas, nisi per patentes Superioris sui Ordinis Literas de licentia speciali, se illuc transferendi sibi concessa, Prælati

Dantur Præla-  
tis impetia,  
ut Monachos  
sine dicta Sin-  
grapha prædi-  
cantes, vel  
aliquid contra  
Religionem ef-  
ficientes d. bi.  
tis coercant  
pœnis.



eisdem fecerint plenam idem, in suis Civitatibus & Diocesis ac Terris & locis aliis ad predicationis officium, vel divinorum celebrationem admittant: sed ipsos potius velut Apostatas capiant, seu capi faciant; eos carcerali custodia, donec de dicta licentia modo predicto sibi constiterit, detinendo. Et nihilominus, si quos Religiosos approbare, quæ Sedes reprobavit Apostolica, vel quæ alias sint fidei obvia, in suis predicationibus seu secretis colloquutionibus dogmatizare præsumpserint, ut tales, quibuscumque cessantibus privilegiis, possint auctoritate Apostolica licite capere, & carcerali custodiæ, sicut suos possent subditos, mancipare, licentiam impertimur: & insuper tenore presentium mandamus eisdem, ut de præmissis summarie simpliciter & de plano ac sine strepitu Judicii & figura per se vel alium seu alios se solerter & fideliter studeant informare: quosque de predictis, seu eorum aliquo, repererint reos esse, juxta statuta Canonum in aliorum exemplum castigare poenis debitis non postponant.

Obstantium  
derogatio.

§. 3. Non obstantibus exemptionis, & quibuscumque aliis privilegiis, indulgentiis, gratiis, & Literis Apostolicis, eisdem Religiosis vel eorum Ordinibus communiter vel divisionem sub quacumque forma vel expressione verborum ab eadem Sede concessis, vel imposterum concedendis; etiam si de illis plena & expressa mentio ac de verbo ad verbum, in præsentibus sit habenda, quæ quantum ad prædicta, vel aliquod eorumdem, eisdem in nullo volumus suffragari.

Dat. die 2.  
Maii 1325.  
Pontif. IX.

Nulli ergo omnino hominum liceat hanc paginam nostrarum inhibitionis, mandatorum, voluntatum, constitutionis, & concessionis infringere &c.

Datum Avenioni sexto Idus Maii, Pontificatus nostri anno IX.

### XXXVIII.

Ex eodem  
Regeff.

Revocatio Concessionum de percipiendis fructibus in absentia in Ecclesiis quibuscumque Urbis, Cardinalibus dumtaxat exceptis.

Joannes Episcopus, Servus Servorum Dei, ad perpetuam rei memoriam.

Exordium.

**L**icet cunctarum Orbis Ecclesiarum curam gerere vigilem ex Apostolicæ servitutis officio teneamur; venerabiles tamen, famaque celebres Urbis Romanæ Patriarchales, & Fratibus nostris Sanctæ Romanæ Ecclesiæ Cardinalibus intitulatas vel commendatas & alias Collegiatis ejusdem Urbis Ecclesias, nec non Basilicam Sancti Laurentii in Palatio Lateranensi, quæ Sancta Sanctorum vulgariter nuncupatur, & Capellas dictæ Urbis, tam nobis immediate, quam ejusdem Cardinalibus ratione Titulorum, vel Cardinalatum suorum, vel Commendarum eis Ecclesiarum, subjectas, eo specialius & vigilantius

opportunis favoribus prosequi, & prærogativa tenemur antollere privilegii singularis; quo eadem Patriarchales, & aliæ præfatæ Urbis Ecclesiæ majorum donorum excellentia coruscantes, multorum Sanctorum sunt rubricatæ Martyriis, & eorum gloriosis Reliquiis decoratæ.

§. 1. Ut igitur in eisdem Patriarchalibus, & aliis præfatis ejusdem Urbis Ecclesiis, ac Basilica Sancti Laurentii, & Cappellis prædictis, devotius & solemnius divinis laudibus insistatur, nec per indulgentias Prædecessorum nostrorum Romanorum Pontificum, atque nostras, multis concessas, de percipiendis in eorum absentia fructibus Beneficiorum suorum, distributionibus quotidianis dumtaxat exceptis, cultus divinus minuat in eis, vel alias eadem Ecclesiæ prægraventur, auctoritate Apostolica de Fratrum nostrorum, consilio ordinamus atque statuimus, quod deinceps omnes & singulæ indulgentiæ dictorum Prædecessorum, & nostræ, sive Cardinalibus Sanctæ Romanæ Ecclesiæ, seu Regibus & Principibus pro Clericis domesticis familiaribus eorumdem, sive personis aliis quibuscumque, vel Generalibus Studiis, Generali tamen Studio Romanæ Urbis dumtaxat excepto, cujus per hoc privilegiis seu indultis, ei ab eadem Sede concessis, nolumus in aliquo derogari, perpetuo vel ad tempus concessæ, vel imposterum concedendæ super percipiendis fructibus in absentia in Romana Curia, vel alio certo loco, vel etiam ubicumque ad Patriarchales, vel alias ejusdem Urbis, quæ Presbyterales vel Diaconales Cardinalatus existunt, nec non Collegiatis Ecclesias, Basilicam, & Cappellas prædictas, nullatenus extendantur: omnes processus jam habitos, & sententias excommunicationis, suspensionis, & interdicti, forsitan jam prolatas contra ordinationem & statutum hujusmodi, Apostolica vel alia quavis auctoritate, in quantum processus hujusmodi & sententiæ, quoad suum obtinendum effectum, futurum tempus respiciunt, vel quos imposterum haberi seu proferri contigerit, decernentes irritos & inanes.

§. 2. Præsentem autem Constitutionem extendi nolumus ad indulgentias vel alia jura, quæ in eisdem Patriarchalibus, & aliis præfatis Urbis Ecclesiis, ac Basilica Sancti Laurentii, & Cappellis prædictis, personas contingunt vel respiciunt Cardinalium prædictorum, quibus in nullo per Constitutionem præsentem, quoad jura eis competentia ex speciali privilegio, consuetudine, seu alio quovis iure, volumus derogari.

Nulli ergo omnino hominum liceat hanc paginam nostrorum ordinationis, statuti, constitutionis, & voluntatis infringere &c.

Datum Avenioni nonis Junii, Pontificatus nostri anno IX.

Constitutio  
de pua in Rubrica.

Ab hac lege  
Cardinales  
excipiuntur.

Dat. die 5.  
Junii 1325.  
An. IX.

Ere-



## XXXIX.

Ex Regest in  
Archiv. Vatic.

Erectio Episcopatus Cortonen. in Ecclesia Sancti Vincentii ejusdem Civitatis cum exemptione a jurisdictione Ecclesie Aretinæ.

Joannes Episcopus, Servus Servorum Dei, ad perpetuam rei memoriam.

Exordium.

**V**igilis speculatoris Officium super Gregem Dominicum, nostre vigilantie creditum, exercere utiliter cupientes, circa illa potissime intentum dirigimus animum, curamque sollicitam adhibemus, per que divini cultus augmentum, exaltatio Catholicę Fidei, & commoda salutis prove- niant animabus.

Causę huius-  
ce erigendi  
Episcopatus.

§. 1. Sane jamdudum multorum fide dignis relatibus plenius informati, quod Universitas Cortonæ, quæ hætenus de Aretina Diocesi existerat, sinistra partis non declinat in devium, nec suam ponit cum inde- votis ejusdem Ecclesie portionem, sed prono & prompto animo in ejusdem Ecclesie obsequium totaliter se exponit; quodque Præsules Ecclesie Aretinæ, qui fuerunt pro tempore, raro dictum locum Cortonæ visitarunt, nec circa illum curam pastoralis curaverunt officii exercere; & quod eadem Ecclesia in pro- ventibus & redditibus annuis sic affluit abundanter, ejusque Diocesis adeo diffusa existit, quod, exempto dicto loco Cortonæ cum suo Territorio, redditus & Diocesis ejusdem Aretinæ Ecclesie sufficiunt abundanter: conside- rantesque attentius, quod eadem Terra Cortonæ est locus nobilis & insignis, latum & magnum habens Territorium & districtum, gregemque fidelium tam infra menia dictæ Terræ, quam extra, fecundum & plurimum copiosum; quodque præfata Universitas per speciales suos Procuratores & Nuntios multas & diversas rationabiles causas coram nobis fecerunt exponi, quæ rectæ meditationis examine in libra præsentis appensæ, juste debebant & poterant ad concedendum eisdem Cathedram Pastoralem Romani Pontificis animum inclinare: eorum, qui proprium habere Pontificem in eadem Terra desiderant, supplicationibus annuentes, ad Dei laudem & gloriam, & exaltationem ejusdem Catholi- cę Fidei, & divini cultus augmentum, ean- dem Terram Cortonæ, quam una cum toto suo Territorio & Districtu ab omni jurisdic- tione spirituali & temporali tam Ecclesie Aretinæ, quam quorumlibet Episcoporum & Capitulorum, & aliarum personarum Eccle- siasticarum sæcularium & regularium, cujus- cumque status, ordinis, vel conditionis exis- tant, auctoritate apostolica prorsus eximimus, & totaliter liberamus, de Fratrum nostrorum consilio & assensu, & Apostolicę plenitudine potestatis in Civitatem erigimus, & Civitatis vocabulo insignimus: auctoritate Apostolica decernentes, ut Ecclesia Sancti Vincentii, sita in dicta Civitate Cortonæ, quæ hætenus Mo- nasterio Sanctę Floræ Aretinæ Ordinis Sancti Benedicti erat pleno jure subjecta, & per ipsius

Terra Corto-  
nen. a subiec-  
tione Episcopi  
Aretini libe-  
ratur, & in  
Civitatem  
erigitur:Ecclesia vero  
S. Vincentii  
ibidem sita  
Cathedralis  
titulo insigni-  
tur.

Monasterii Monachos fuerat solita gubernari, sit de cætero & habeatur perpetuo ejusdem Civitatis Ecclesia Cathedralis.

§. 2. Quam quidem Ecclesiam Sancti Vincentii cum omnibus juribus & pertinentiis suis ab omni jurisdictione, potestate, jure, & dominio Episcopi & Ecclesie Aretinæ, ac ipsius Monasterii, auctoritate prædicta prorsus eximimus, & plenarie liberamus: eamque ad censum aliquem seu præstationem aut ser- vitium vel subjectionem quamcumque dile- ctis Filiis Abbati & Conventui dicti Mona- sterii, eorumque successoribus, necnon præ- fato Monasterio, volumus & decernimus in antea non teneri: eidem Cathedrali Ecclesie Territorium & districtum prædicta pro Dice- cesi auctoritate prædicta in perpetuum allig- nantes.

§. 3. Concedimus quoque ex nunc aucto- ritate præfata, & donamus, deputamus, & etiam applicamus Mensę Episcopali, & Ca- pitulo Cortonen. omnia bona mobilia & im- mobilia, domos, ædificia, & possessiones, redditus, & proventus, pensiones, & census, jurisdictiones, & jura quæcumque spiritualia & temporalia, quocumque nomine censean- tur, & in quibuscumque locis & rebus con- sistant, quæ Episcopi, qui fuerunt pro tempore & Ecclesia Aretina hætenus in dicta Civita- te Cortonæ, ejusque Territorio & districtu habuerunt, vel ad eos quomodolibet compe- tere potuerunt: ita quod prædicta bona & jura universa & singula ad præfata Ecclesiam Cortonen. & Episcopalem Mensam ipsius, & Capituli juxta nostrę Ordinationis tenorem perpetuis futuris temporibus debeant pertine- re: Jura omnia superioritatis & alia quælibet, quæ in Civitate prædicta, Ecclesiis, Ecclesia- sticisque locis, & personis, & Incolis, perti- nentiis, & districtu ejusdem Ecclesia Aretinæ & ejus Capitulum olim quomodolibet habue- runt, in dictam Cathedralem Ecclesiam Cor- tonen. plenarie transferentes; & illa penes eam plene & integraliter volentes perpetuo remanere: Conventiones & pacta, dudum, habita inter Guidonem tunc Episcopum Aretinum & Commune ac Populum Civitatis Cortonen., vel quemcumque alium nomine Populi & Communis prædictorum, in quibus inter alia dicitur contineri, quod Universitas, Commune, & Populus Cortonen. dictas Do- mos, Ædificia, & alia Bona immobilia, Ju- risdictionem, & Jura, ad certum tempus nondum completum, pro mille Florenis auri anno quolibet præfatis Guidoni tunc Episcopo, & Ecclesie Aretinæ, seu alteri eorum nomine persolvendis, tenere debent; omnemque sententiam seu sententias per Epi- scopum Aretinæ, qui fuit pro tempore, vel ejus auctoritate per quemcumque prolatam seu prolata ob præmissa, vel aliquod præ- missorum, confirmatione Apostolica vel qua- cumque alia firmitate vallatis, omnemque contractum seu contractus super hujusmodi conventionibus seu obligationibus habitum, vel habitos, in personam cujusquam singula- ris personæ de dicta Civitate Aretinæ, poena- rum adjectione, & juramentorum præstatio

Et a Jure &  
dominio Mo-  
nasterii Sanctę  
Floræ Aretinæ  
eximitur.Novo Epi-  
scopatu jura  
omnia, & bo-  
na applican-  
tur, quæ in  
Civitate Cor-  
tonen., ejus-  
que Territo-  
ria, & in Ec-  
clesia S. Vin-  
centii Episco-  
pis Aretinis  
competebant.



ne vallatos, auctoritate Apostolica cassantes, irritantes, & revocantes omnino, ac ipsos cassos fore, & irritos decernentes, & nullius prorsus existere firmitatis: Instrumenta quoque super dictis contractibus confecta omnino juribus, quantum ad tempus futurum attinet, vacuamus: ita quod Instrumentis eisdem in Judicio vel extra nulla fides debeat adhiberi.

*Pacta quaelibet cum Episcopo Aretino inita resolvenda penultima qualibet, vel alias irritantur &c.*

§. 4. Dictam quoque Universitatem & Populum Cortonen., & quolibet singulares personas Civitatis Cortonen., ejusque Territorii, et districtus, nec non Fidejussores, si qui super premissis intervenerunt, & quolibet aliam specialem vel singularem personam dictis ex causis obligatam, ab omnibus promissionibus, pactibus, conventionibus, obligationibus, atque poenis & fidejussionibus super premissis, vel premissorum occasione factis & habitis, ac prestatione juramentorum super observantia predictorum, vel aliqujus eorum, auctoritate predicta & de Apostolica plenitudine potestatis totaliter absolvimus & etiam liberamus; & eos ad predictorum juramentorum observantiam decernimus non teneri: ita quod propter premissa pacta, vel aliquod premissorum, per eos vel Fidejussores eorum non servata nec completa, a quorum observatione ipsos & heredes eorum in perpetuum duximus absolvendos, nullam possint poenam incurrere, nec premissorum occasione aliquatenus conveniri.

*Pene contra quid in contrarium attentantes.*

§. 5. Quia vero, quod de Civitate ipsa per Apostolica Sedis providentiam circumspectam factum & ordinatum esse dignoscitur in hac parte, perpetuis futuris temporibus esse volumus valiturum, & robur obtinere incommutabilis firmitatis, auctoritate predicta districtius inhibemus, ne aliquis cujuscumque preeminentiae, ordinis, conditionis, aut status, etiam si Archiepiscopali, vel Episcopali, seu regia praeferantur dignitate, hujusmodi ordinationem Sedis ejusdem quovis quaesito colore vel modo, sive causa vel occasione qualibet adinventis, turbare seu quomodolibet impedire praesumat. Nos enim ex nunc irritum decernimus & inane, si secus super hoc per quemcumque quavis auctoritate contigerit attentari. Et nihilominus in eos, qui ex certa scientia contrarium quovis modo attentare praesumpserint, excommunicationis, suspensionis, & interdicti sententias promulgamus; a quibus nullus ab alio, quam a Romano Pontifice, absolutionem, suspensionem, vel relaxationem, nisi dumtaxat in montis articulo, ab eadem excommunicationis sententia valeat obtinere. Quod si aliquem in mortis articulo a dicta excommunicationis sententia contingat absolvi, nisi post resumptam convalescentiam, quamcitus commode poterit, Apostolico conspecturi se praesentet, mandatum Romani Pontificis humiliter super hoc recepturus, volumus & decernimus, licet sit satis a jure provisum, quod in eandem Excommunicationis sententiam recadat ipso facto.

Nulli ergo omnino hominum liceat hanc paginam nostrarum exemptionum, liberatio-

num, erectionis, insignitionis, constitutionum, voluntatum, assignationis, concessio- nis, donationis, deputationis, applicationis, translationis, cassationis, irritationis, revocationis, vacationis, absolutionis, liberationis, inhibitionis, & promulgationis infringere &c.

Datum Avenioni tertio decimo Kalendas Julii, Pontificatus nostri anno IX.

*Dat. die 19. Junii 1325. An. IX.*

## X L.

Contra ineuntes foedera cum haereticis, aut alio quovis modo eis faventes.

Joannes Episcopus, Servus Servorum Dei, dilecto filio Lamberto de Ordine Fratrum Praedicatorum, Inquisitori haereticae pravitatis in inferiori parte Lombardiae, Salutem & Apostolicam benedictionem.

CUM nonnulli de Provincia Romanodiola, tam Clerici, quam Laici, Deum & Romanam matrem Ecclesiam offendere, seque in praecipitium damnationis & mortis immergere non verentes, adeo favere & favisse dicantur damnatis haereticis, confederationes ligas & societates ineundo cum ipsis, eosque receptando, & sibi praestando multipliciter auxilia, consilia, & favores, quod de labe haerese se reddiderunt & reddunt vehementer suspectos.

*Causa condenda legis*

§. 1. Nos tam ipsorum quam multorum aliorum periculis ex premissis imminetibus, obviare salubriter cupientes: discretioni tuae Apostolica auctoritate mandamus, quatenus contra fautores hujusmodi, & alios quoslibet de crimine pravitatis haereticae culpabiles, vel suspectos, sic solerter secundum formam Canonum, ac privilegiorum concessorum Inquisitionis Officio, procedere non postponas; quod inde debeat tua diligentia merito cominendari.

*Procedendi contra culpabiles.*

Dat. Avinione 12. Kal. Septemb. Pont. nostri anno X.

*Dat. die 27. Augusti 1326. An. X.*

## X L I.

Contra immolantes demonibus, aut responsa & auxilia ab eis postulantibus; sive tenentes libros de ejusmodi erroribus tractantes.

Joannes Episcopus, Servus Servorum Dei, ad perpetuam rei memoriam.

Super illius specula, quamvis immeriti, ejus favente clementia, qui primum hominem humani quidem generis protoplasti, terrenis praelatum, divinis virtutibus adornatum, conformem & consimilem imagini suae fecit, revocavit profugum, legem dando; ac demum liberavit captivum, reinvenit perditum, & redemit venditum, merito suae Passionis, ut contemplaremur ex illa

*Proemium*



super filios hominum, qui christianæ religionis cultu Deum intelligunt & requirunt: dolenter advertimus, quod etiam cum nostrorum turbatione viscerum cogitamus, quamplures esse solo nomine christianos, qui relicto primo veritatis lumine, tanta erroris caligine obnubilantur, quod cum morte foedus ineunt, & pactum faciunt cum inferno: demonibus namque immolant, hos adorant, fabricant ac fabricari procurant imagines, annulum vel speculum, vel phialam, vel rem quamcumque aliam magice ad demones inibi alligandos, ab his petunt responsa, ab his recipiunt, & pro implendis pravis suis desideriis auxilia postulant, pro re fatidissima fatidam exhibent servitutem: Proh dolor! huiusmodi morbus pestifer, nunc per mundum solito amplius convalescens, successive gravius inficit Christi gregem.

Demonibus immolare, superstitiosis insistere auxilia, & Responsa petere interdicitur.

§. 1. Cum igitur ex debito suscepti pastoralis officii, oves oberrantes per devia, teneamur ad caulas Christi reducere, & excludere a grege Dominico morbidas, ne alias corrumpant: hoc edicto in perpetuum valituro, de consilio fratrum nostrorum, moneamus omnes & singulos renatos fonte baptismatis, in virtute sanctæ obedientiæ, & sub interminatione anathematis, præcipientes eisdem, quod nullus ipsorum, aliquid de perverfis dictis dogmatibus docere ac addiscere audeat: vel, quod execrabilius est, quomodolibet alio modo, in aliquo illis uti.

Sub excommunicationis, & corporali quoque pena.

§. 2. Et quia dignum est, quod hi, qui per sua opera perversa spernunt Altissimum, poenis suis proculpis debitis percellantur: Nos in omnes & singulos, qui contra nostra saluberrima monita & mandata facere de prædictis quicquam præsumperint, excommunicationis sententiam promulgamus, quam ipsos incurrere volumus ipso facto. Statuentes firmiter, quod præter poenas prædictas, contra tales, qui admoniti de prædictis seu prædictorum aliquo, infra octo dies a monitione computandos præfata, a præfatis non se correxerint, ad infligendas poenas omnes & singulas, præter bonorum confiscationem, dumtaxat, quas de jure merentur hæretici; per suos competentes iudices procedatur.

Libros vero, & Scripturas de huiusmodi flagitiosis tractantes rebus comburi præceptum.

§. 3. Verum cum sit expediens, quod ad hæc tam nefanda omnis via, omnisque occasio præcludatur, de dictorum nostrorum, Fratrum consilio, universis præcipimus & mandamus, quod nullus eorum libellos, scripturas quascumque ex præfatis damnatis erroribus quicquam continentes, habere aut tenere, vel in ipsis studere præsumat; quin potius volumus, & in virtute sanctæ obedientiæ cunctis præcipimus, quod quicumque de scripturis præfatis, vel libellis quicquam habuerint, infra octo dierum spatium ab huiusmodi edicti nostri notitia computandum, totum, & in toto, & in qualibet sui parte abolere, & comburere teneantur: alioquin volumus, quod incurrant sententiam excommunicationis ipso facto, processuri contra contemptores huiusmodi (cum constiterit) ad poenas alias graviiores.

Datum Avinione &c.

Bull. Rom. Tom. III. Pars II.

## X L I I.

Ordinationes, observandæ ab Auditoribus causarum Romanæ, eorumque Notariis.

Joannes Episcopus, Servus Servorum Dei, ad perpetuam rei memoriam.

**R**atio juris exigit, debitum honestatis exposcit, & pietatis consideratio persuadet, ut in cunctis dirigendis judiciis, & iustitia ministranda, sint quoad Præsidentes, vigilantia studiosa, venusta modestia, cordium puritas, munditia manuum, & consiliorum sanitas requirendæ. In personis quoque, ad conscribendum acta judicialia deputatis, sufficientia operosa, fidelitas comprobata, vitæ honestas, decencia commendanda, mercedis exactio moderata, benignitas ad pauperes compassiva, sint merito exigendæ. Igitur in Romana Curia communi quidem patria, ubi est summum Tribunal Iudicii divinitus constitutum, & ubi lux & forma iustitiæ præminent & prælucent, hæc oportet necessario reperiri. Quare nos, qui, licet immeriti, sumus B. Petri successores, & vice Christi fungimur super Terram, cupientes, ut in Apostolico Palatio audientiæ causarum, ac in personis, ad examinationem & conscriptionem illarum pro tempore ordinatis, habeatur ordinatio limitata, congrua & salubris circa earumdem causarum Auditores, ipsorumque Notarios scribentes in causis huiusmodi, suadentibus rationabilibus causis, Statuta & Ordinamenta, quæ particulariter & seriatim præsentibus adnotantur, auctoritate Apostolica edimus, & ea præcipimus perpetuo futuris temporibus observari.

Proemium.

§. 1. Statuimus igitur & ordinamus, quod Auditores sine cappa & rochetto in loco, ubi residet Curia in publico non incedant.

Auditores sine cappa & rochetto non debent incedere: Sint diligentes.

§. 2. Item quod præfati Auditores earumdem causarum Palatii, sint audiendis & decidendis causis eis commissis, & committendis, fortius solito diligentes.

Causis audiendis debitis horis instant.

§. 3. Item quod Auditores prædicti bona hora diebus singulis juridicis ad Palatium, convenient, & immediate post pulsationem campanæ, quæ pulsatur ad horam Tertie in Ecclesia Cathedrali, incipiant sedere ad audiendum causas; & dictum Palatium non exeant, donec partes satisfecerint suis terminis coram eis.

§. 4. Item quod iidem Auditores illa festa dumtaxat observent, quæ hætenus de mandato nostro per audientiam literarum nostrarum ipsos servari debere statuta fuisse noscuntur; & quod de coetere alia festa seu dies alios ex se ipsis, vel alias statute, vel observare non præsumant aliquatenus; sed diebus aliis sic paratos se & sollicitos exhibeant in exhibenda iustitia partibus litigantibus coram ipsis, quod ex hoc merito debeant commendari.

Festa hætenus statuta tantum servent.

§. 5. Item quod illi ex eisdem Auditoribus, qui fratrum nostrorum S. R. E. Cardinalium familiares existunt, diebus juridicis, & horis, quibus causæ tractabuntur, Cardinales

Diebus juridicis obsequi Cardinalium non incumbant.



non sequantur eosdem, nec alibi se occupent, nisi à nobis, vel à dictis Cardinalibus, quorum familiares, ut præfertur existunt, specialiter vocarentur.

§. 6. Item quod Auditores per se vel alium seu alios a partibus, coram eis causas habentibus, seu a suis Notariis scribentibus coram ipsis, vel aliis, pro eisdem, seu eorum nomine, nihil nec rem, nec obligationem, vel promissionem recipiant; nec etiam pro ipsorum sigillo, aut prorubricis, in causis, in quibus Auditores sunt vel fuerint deputati, vel alio quæsito colore quocumque: Et quod consilia Coauditorum secreta tenere debeant usque post sententiam promulgatam; contrarium vero facientes per unum mensem ab ingressu ejusdem Palatii suspendantur. Si autem iterato in eandem culpam inciderint, priventur perpetuo eorum officio audientie causarum Palatii prælibati.

§. 7. Item quod Auditores prædicti, præfentes videlicet, statim post publicationem præfentis ordinationis, posteri vero antequam ad officium admittantur, in manibus Vicecancellarii Sanctæ Romanæ Ecclesiæ, nostro & ipsius Ecclesiæ nomine Juramentum, præstent in forma, quæ sequitur per hæc verba:

§. 8. Ego N. Auditor ab hac hora in antea fidelis ero B. Petro, S. R. E. & Domino meo D. N. & ejusdem Successoribus canonice intrantibus. Non ero in facto, consilio, vel consensu, quod vitam perdant, aut membrum, vel capiantur mala captione: consilium quod per se vel alium nuncium suum, seu literas mihi credituri sunt, signo, verbo, vel nutu, me sciente, ad eorum damnum, seu præjudicium nemini pandam: & simpliciter sic sua, quæ secreta esse cognovero, servabo secreta, quod nulli personæ, de qua credam sibi displicere, si ei revelarem, ipsa manifestabo scienter. Si damnum eorum tractari scivero, pro posse meo impediam, ne fiat eisdem. Si per me impedire non possem, per nuncium vel literas eis significare curabo, vel illi, per quem citius ad eorum notitiam deducatur. Papatum Romanum, & Regalia B. Petri, & omnia jura Romanæ Ecclesiæ, quæ habet, ubicumque, manutenebo totis viribus & defendam. Negotia & officia, mihi a D. Papa, vel Domino S. R. E. Vicecancellario commissa vel committenda, fideliter geram, & sollicitè exercebo; & specialiter officium Auditorum Sacri Palatii, reddendo justitiam unicuique. Dona, vel munera, seu xenia, aut obligationem, vel promissionem super illis, per me vel alium, seu alios a partibus coram me causas habentibus, seu earum aliqua, vel a Notariis deputatis ad scribendum coram me acta dictarum causarum, vel aliis pro eisdem seu eorum nomine, non recipiam; quinimo omnes familiares & officiales meos omni diligentia, qua potero, faciam abstinere. Nec etiam pro sigillo meo, nec pro rubricis faciendis in causis, in quibus sum vel fuero deputatus Auditor, nec alio quæsito colore aliquid percipiam, nec à prædictis meis officialibus seu familiaribus

recipi permittam. Consilia quoque Coauditorum meorum secreta tenebo, usque quo in causa sententia sit prolata. Supradicta omnia & singula promitto, & juro attendere, & observare sine omni dolo & fraude. Sic me Deus adjuvet, & Sancta Dei Evangelia.

§. 9. Statuimus & ordinamus, quod Auditor ejusdem Palatii a tempore suæ receptionis antiquior, primitus incipiat referre suis Coauditoribus: & causas, quas audit, si ad hoc paratus existat, inter eos in relationibus ponat, ut est moris. Sicque per consequens alii d. Palatii Auditores successive secundum gradum receptionum eorum cujuslibet similiter referant; & causas, quas audiunt, in relationibus ponant, si ad hoc etiam sint parati. Et quod postquam una causa in relationibus hujusmodi posita fuerit, alia ponatur, quousque partes allegaverint, quæ voluerint allegare; non tamen Auditores ipsi audire allegationes superfluas adstringantur.

§. 10. Item quod nullus Auditorum ipsius Palatii aliquam definitivam sententiam, quacumque fuerit, seu quamvis interlocutoriam super devolutionibus causarum in Romana Curia tractandarum, si inter partes de ipsa devolutione controversia fuerit, vel super admissione vel repulsione articulorum, aut super remissione super eisdem articulis, aut aliis probationibus extra Curiam faciendis, nisi forsan de consensu partium fieret remissio vel admissio supradicta. Necnon super restitutione, seu revocatione attentatorum, sive innovatorum, lite vel appellatione pendente, sive super appellationibus ab interlocutoria vel a gravamine interpositis, aut aliam quamcumque interlocutoriam super re, de qua agitur, contra alteram partium finem negotio imponentem, absque relatione publica, & consilio Coauditorum proferat. Super aliis vero interlocutoriis absque publica relatione, cum consilio Coauditorum dictorum, ad eorum prolationem possit procedere, prout hactenus extitit in Palatio laudabiliter observatum. Item quod Auditor referens, facta relatione Coauditoribus suis, consilia eorumdem diligenter quærat, & eisdem consiliis habitis, dictas causas finire & terminare celeriter teneatur.

§. 11. Item quod quilibet dictorum Auditorum Notarios intelligentes fideles & honestos habeat, ita quod quatuor Notariorum numerum non excedat. Qui quidem Notarii per se, & non per alios, coram Auditoribus ipsis, in causis scribant. Nec dicti Auditores committant scribendas alicui alteri Notario causas commissas eisdem; nec aliquis dictorum Auditorum quemquam in Notarium recipiat, qui sit alterius Auditoris Notarius.

§. 12. Item quod præfati Auditores provideant diligenter, quod dicti Notarii super ipsorum receptione salarii non excedant, nec aliquid ultra recipiant, nisi prout est scriptum, taxatum, & etiam ordinatum. Item quod si aliqui sint vel fuerint, qui ob paupertatem nequeant acta redimere suæ causæ,

Ordo servandus in propositionibus causarum.

Ante definitivam sententiam colligenda omnium vota.

Quatuor habeant tantummodo Notarios.

Caveantque, ne hi quid ultra taxant exigant.

Nihil a quoquam recipiant, & Coauditorum consilia secreta servant sub statuis penis.

Juramentum hoc debent Singuli S. R. E. Vicecancellario præstare.

Audi-



Auditores suos compellant Notarios scribentes in actis eisdem ad restituendum gratis hujusmodi actorum copiam parti, solvere (ut pramittitur) nequeunt, si Auditori causa illius paupertas notabilis videatur.

Consilium non præstent in causis coram eis cognoscendis.

§. 13. Item quod nullus eorumdem Auditorum in causis, quæ sunt in dicto Palatio, vel in brevi sperantur existere, consilium nec per se, nec per interpositam personam partibus præbeat, nec aliquod patrocinium præstet, nisi causæ propriæ, vel suorum usque ad tertium gradum consanguinitatis, vel dominorum, aut familiarium suorum, seu Ecclesiarum, in quibus Beneficiatus foret, existerent. Et in præmissis ultimis casibus ad Coauditorum suorum consilia minime admittatur; quodque hoc revelare teneatur, si existeret id occultum. Item quod nullus Auditorum ipsorum causam recipiat audiendam, si committatur eidem, in qua consilium dederit, sed ad Cancellariam ipsam incontinenti remittat alteri committendam.

Auditorum consilia a Notariis secreta servantur.

§. 14. Item quod eorumdem Auditorum consilia, quæ præbentur in causis, scribantur per Notarium illius causæ, in qua hujusmodi consilia impenduntur, & secreta causarum & consiliorum eorumdem, tam per ipsos Auditores dictarum causarum, quam per Notarium in eis scribentem sub sigillo credentiae teneantur.

In arduis testibus per se examinent auditores.

§. 15. Item quod quando testes sint vel fuerint in Curia examinandi in causis, quæ in Palatio ventilantur, in punctis arduis eosdem testes per se dicti examinent Auditores.

Notariis diligentes, fidelesque sint.

§. 16. De supradictis quoque Notariis eorumdem Auditorum scribentibus in causis illis commissis, similiter statuendo & ordinando subjungimus, quod diligentes & attentii existant in commissis eis officio Notarii prælibati, ac fideliter & sollicite scribant, & exerceant officium antedictum, & quod a partibus, vel aliquo alio earum nomine nihil recipiant prout est infra descriptum, taxatum, & etiam ordinatum. Contrarium vero facientes duplum restituere teneantur.

Antquam admittantur debent examinari.

§. 17. Item quod nullus eorumdem Notariorum in eodem Palatio scribat in causis coram aliquo ipsius Palatii Auditore, nisi primo per Vicecancellarium, vel alium de ejus speciali mandato, de literatura ac scriptura sufficienti ad hujusmodi Notariatus officium, exercendum examinatus; ac de vita & conversatione ipsius informatione recepta, necnon approbatus fuerit per eundem; ac etiam juramentum in manu Vicecancellarii præstiterit in hac forma:

Et hujusmodi præstare juramentum.

§. 18. Ego N. Notarius N. Auditoris, commissum mihi officium sollicite & fideliter exercebo. A partibus, causas habentibus vel habituris, in quibus sum vel fuero Notarius deputatus, vel ab earum aliqua, seu a quocumque alio earum nomine quovis colore seu modo quesito, nihil recipiam, ultra taxationem per Sanctiss. D. N. D. Joannem XXII. Summum Pontificem super hoc ordinatam. Nullam causam mihi committi procurabo scribendam, nec adhibebo instantiam aliquam in hac parte. Non ero promotor seu pro-

curator in causis, quæ coram Auditore meo agitantur, seu quas agitari continget. In causis prædictis, in quibus sum vel fuero, ut præfertur, Notarius deputatus, omnes actus judicarios substantialiter in manuali seu memoriali, in Auditoris mei præsentia, & etiam partium, si hoc expectare voluerint; conscribam, & postquam illos conscripsero, eos necnon instrumenta, & omnia alia, & singula in causis producta, ubi requisitus ab Auditore vel partibus, seu earum aliqua fuero, in Registrum fideliter redigam, vel redigi faciam requisitus ab eisdem partibus, vel earum aliqua in singulis terminis successive; & partibus ipsis copiam, cum per Auditorem decreta fuerit, sine difficultate, & fraude quacumque faciam, salvo meo salario per ipsum Dominum Summum Pontificem moderato. Secreta causæ secreta tenebo, & præsertim consilia Auditorum, & sententiam donec ipsa sit prolata. Supradicta omnia, & singula promitto, & juro attendere & servare, sine omni dolo & fraude, sic me Deus adjuvet & hæc sancta Dei Evangelia.

Causas non affectent.

§. 19. Item statuimus, & etiam ordinamus, quod nullus Notariorum ipsorum causam aliquam sibi committi scribendam, per se vel alium procuret, seu adhibeat instantiam in hac parte.

Modestiam servant.

§. 20. Item quod dicti Notarii omnem modestiam, honestatem in omnibus studeant observare.

§. 21. Quodque nullus eorumdem Notariorum, qui per aliquem dictorum Auditorum in Notarium receptus extiterit, alterius Auditoris Notarius esse valeat, quamdiu erit primi Auditoris Notarius.

Uni tantum Auditori servire debeant.

§. 22. Item quod nullus Notariorum ipsorum concubinam tenere præsumat, & si quis eorum ad præsens teneret aliquam, eam dimittere teneatur. Si vero infra octo dies post publicationem statuti, & ordinationis presentis, ipsam non dimiserit, illam vel aliam deinceps minime resumpturus, & deinceps ipse vel alii reperti fuerint aliquam tenere, ab officio Notariatus in dicto Palatio exercendo perpetuo sint privati.

Concubinam non retineant.

§. 23. Item quod præfati Notarii, promotores seu procuratores in causis, quæ coram Auditore suo agitantur, in dicto palatio non existant. Item quod nullus Notarius alicujus Auditoris deinceps audeat scribere, vel præsumat in causa, si alterius partium dictæ causæ in audientia literarum Contradictarum, vel in Palatio Apostolico, seu in Romana Curia procurator vel promotor negotiorum, seu pensionarius quocumque fuerit vel existat. Sed si ex ignorantia contingeret Auditorem aliquam vel aliquas causam seu causas alicui tali Notario committere ad scribendum, statim Notarius hujusmodi causam seu commissionem in manibus dicti Auditoris restituat. Contrarium faciens per annum ab officio Notariatus in Palatio exercendo sit eo ipso privatus.

Causarum quæ coram suis auditoribus agitantur, patroni non sint &c.

§. 24. Item præfati Registrum cujuscumque causæ, in qua Notarii deputati existunt, cum manuali suo, & productis originalibus, ante-

De Registris servandis.



antequam Registrum Auditori exhibeant, & copias in publicam formam seu in simplicem scripturam redactas, cum eodem Registro, antequam partibus tradant, diligenter auscultent, & alias sic perfecte videant & corrigant diligenter, quod per eorum incuriam, negligentiam vel alias nihil de substantialibus omittatur, seu damnum aliquod patiatur aliqua partium earumdem; nec in favorem vel præjudicium unius partium præmissa complere differant vel postponant. Item quod jam dicti Notarii omnes actus judicarios clare distincte & substantialiter in manuali seu memoriali, in Auditoris causâ, in qua scribunt, præsentia, & partium, si expectare voluerint, conscribere non postponant. Et postquam illos conscripserint, in Registrum fideliter redigant vel redigi faciant; & requisiti ab ipsis partibus vel earum aliqua, in singulis terminis, partibus eisdem copiam, cum per dictum Auditorem decreta fuerit, sine difficultate & fraude quacumque faciant, salvo suo justo salario inferius moderato. Item quod iidem Notarii in Registro illius causæ, in qua scribunt, ut prædicitur, omnes sententias definitivas, & interlocutorias, ac inhibitiones, necnon intimaciones, & appellationes verbo vel in scriptis emissas, ex integro de verbo ad verbum conscribant, cum per partem vel partes seu Auditorem ipsius causæ fuerint requisiti. Item quod instrumenta, & alia per partes producta diligenter registrent, vel registrari faciant Notarii memorati. Acta vero in partibus habita minime registrent, sed conserventur per illius causæ Notarium diligenter, nisi partes vel earum altera, illa peterent registrari; pars vero hæc petens de registro satisfacere teneatur. Item quod Notarii, quos interdum perpetuo, & interdum ad tempus de Curia absentari contigerit, omnia Registra, acta, & producta causarum, in quibus erant Notarii deputati, illi videlicet, qui animo non redeundi recedunt, alicui alteri Notario idoneo jurato, examinato, & approbato ut supra, subrogando loco ipsius; ille vero qui ad tempus abesse voluerit, uni ex aliis Notariis Auditoris sui, de ipsius Auditoris licentia & scientia, tradere & ponere teneatur: Qui Notarius depositarius, in prædictis eidem se absentanti commissis pro eodem absente scribat fideliter, & suppleat ejus vices.

§. 25. Ceterum quia optat præmium, quisque labor, & laboranti non est debite mercedis exhibitio deneganda, moderamine nihilominus observato, ne sanguinem eliciat nimietas emungentis, subsequitur per statuta & ordinationes hujusmodi certus modus rationabilis & discretus, per quem prædictis Notariis pro eorum salario moderata satisfactio præbeatur; & litigantes, qui litigiorum involvuntur anfractibus, & plerisque fatigantur laboribus diuturnis, superfluis expensarum effusionibus non graventur. Quod videlicet prædicti Notarii pro petia registri unum turonensem argenti cum dimidio, & non plus habeant, & petia 26. lineas ex qualibet parte contineat, & quælibet dictarum linearum

habeat quatuordecim dictiones. Item quod pro petia registri, redacta in formam publicam, receptione unius turonensis cum dimidio similiter sint contenti.

§. 26. Item quod pro copia five copiis, five in quaterno five in petiis longis fiant, de folio five de petia registri unum tantum similem recipiant turonensem.

§. 27. Item quod pro citatione in audientia publica legenda, ultra medium similem turonensem ipsis recipere licitum non existat.

§. 28. Item quod pro inhibitione, quæ in causis fieri solet, si redigatur in publicum instrumentum, sex similes turonenses recipiant, & non ultra.

§. 29. Item pro intimatione, cum in publicum redigatur instrumentum, non amplius quam quatuor similes valeant recipere turonenses.

§. 30. Item pro appellatione, si redigatur in publicum instrumentum, de petia registri duos dumtaxat turonenses similes recipere licitum sit eisdem.

§. 31. Item quod de attestationibus testium, quos quisque Notariorum examinaverit præfatorum, de petia registri receptionem duorum turonensium similium non excedat; & de copia ipsarum attestationum unum cum dimidio similium turonensium Notarii prædicti de petia ejusdem registri recipiant, si copia ipsa in formam publicam redigatur. Si verò hujusmodi copia in papiro recipiatur, prout supra de aliis copiis est expressum.

§. 32. Item de sententia definitiva pro qualibet petia registri possunt duodecim similes recipere turonenses. De instrumento vero publico, cum per se de sententia ipsa confectum extiterit, duodecim similes turonenses pro qualibet registri petia debeantur, & pro copia sententiæ, in publico five in simplici quantum & de aliis copiis superius est expressum.

§. 33. Item quod de interlocutoria vim definitivæ habente, ut de sententia supra proxime exprimitur, observetur. Si vero talis interlocutoria vim definitivæ nequaquam habeat, recipiantur duo similes turonenses pro petia registri, ut supra dicitur computando; & si de interlocutoria ipsa instrumentum per se publicum fiat, sex pro eodem poterunt recipere instrumento.

§. 34. Item volumus, statuimus, & etiam ordinamus, quod ceteræ scripturæ judiciales taxentur secundum modum superius designatum, hoc tamen adjecto & ordinato specialiter & expresse, quod videlicet ubicumque in taxationibus antedictis de turonensi grosso fit mentio, id de illo intelligi volumus, quamdiu Romana Curia fuerit citra montes; ubi vero ultra montes, Romæ videlicet vel in aliis Italiæ partibus, Curiam esse contigerit ipsam, Romanus loco Turonensis ponatur, & computetur in taxationibus antedictis.

§. 35. Caveant tamen Notarii memorati, quod propter præmissas modificationes, scripturas prolixiores nequaquam efficiant, neque ponant superflua in eisdem, nisi prout

Pro copiis

Citationibus

Inhibitione

Intimatione

Appellatione

Testium depositionibus

Sententia definitiva: Eius Instrumento

Interlocutoriis

Distinctio monetarum

Cavendum iis, ne prolixiores a quo efficiant Scripturas

Taxa Notariorum pro Registro.

Taxa pro singula pagina, &amp; numero linearum.



necessarium fuerit & est, hactenus fieri consuetum, nec malitiose differant vel differre procurent scripturas partibus assignare. Contrarium vero facientes duplum restituant. Et si super hunc frequentaverint excessum, ab Auditorio sui Auditoris, & prædicto Palatio expellantur.

Simile juramentum a Notariis ceterorum Tribunalium emittendum.

§. 36. Volumus insuper, statuimus, & etiam ordinamus, quod Venerabiles fratres nostri Sanctæ Romanæ Ecclesiæ Cardinales, ab Auditoribus & Notariis suis, necnon Camerarius noster ab Auditore vel Viceauditore Curiae Camerae nostrae, ipsiusque Notarii, & etiam Marefcallus Romanæ Curiae & Judicibus & Notariis eorum, seu quicumque alii auctoritate Apostolica causas in Romana Curia audientes, seu etiam audituri, a Notariis suis in eisdem causis juramentum recipiant juxta formas, quibus curare debent dicti Auditores & Notarii Palatii Apostolici, per nos, ut præmittitur ordinatas, in quantum tanget officia eorum.

Qui prædicta tenentur observare.

§. 37. Item statuimus, & ordinamus, quod præfata alia, quoad munera, dona, & xenia, ad scripturarum exactiones, quæ, ut præfertur, de Auditoribus & Notariis dicti Palatii sunt statuta, & etiam ordinata per dictorum Cardinalium, & etiam Curiae Camerae nostrae Auditores & Judices Curiae Marefcalli, ac per ipsorum & quorumcumque aliorum in Romana Curia causas auctoritate Apostolica audientium, & auditorum in posterum, Notarios servantur inviolabiliter.

Hæ leges in Cancellaria Registrandæ.

§. 38. Ut igitur ordinationes & statuta nostra hujusmodi, quæ perpetuis futuris temporibus duratura censemus, inviolabiliter observentur; & ne illa ob memorie labilitatem humanæ oblivioni dentur; & etiam ut Auditores & Notarii prælibati per ordinationum & statutorum eorumdem inspectionem assiduum, circa eorum observantiam attentius & vigilantius sint attentii; volumus & statuimus, ut ordinationes & statuta nostra hujusmodi de verbo ad verbum in Cancellaria, & prædictæ Audientie literarum nostrarum registris, ex integro conscribantur.

Ibi quolibet anno legendæ.

§. 39. Quodque in singulis annis in Kalendis Octobris, vel prima sequentis Audientie die, si festum fuerit, die Kalendarum ipsarum, ordinationes & statuta hujusmodi legantur solemniter in Audientia prælibata. Et quilibet Auditorum, & Notariorum ipsorum penes se copiam conservet, & habeat eorumdem.

Clausulæ.

§. 40. Nulli ergo omnino hominum liceat hanc paginam nostrorum decretorum, statutorum, reformationis, prohibitionis, & voluntatis infringere &c.

## XLIII.

Declarat, Indultum quibuscumque Universitatibus, & Personis concessum, ne extra certos limites vocari in judicium possint, ad causas, & negotia, quæ apud Sedem eandem agitantur, non extendi.

Ex Regest. in Archiv. Vatic.

Joannes Episcopus, Servus Servorum Dei, ad perpetuam rei memoriam.

Contingit plerumque, per Sedem Apostolicam nonnullis Universitatibus Civitatum, Castrorum, & aliorum Locorum, necnon singularibus personis Ecclesiasticis, & Secularibus indulgeri, ut per Literas dictæ Sedis nequeant conveniri, vel extra certa loca ad judicium evocari, nisi dictæ Literæ plenam & expressam, ac de verbo ad verbum de Indulto hujusmodi faciant mentionem. Cujus Indulti prætextu eadem Universitates, & personæ, cum super certis causis, seu negotiis ad Romanam Curiam, evocantur ad comparandum seu litigandum in prædicta Curia, se afferunt non teneri.

Abusus hujusmodi Indultorum ab Apostolica Sede obtentorum.

§. 1. Attendentes igitur quod Romana Curia communis est Patria, Sedesque Apostolica Mater existit omnium Fidelium, & Magistra, hoc Edicto in perpetuum valituro, auctoritate Apostolica declaramus, præfatum Indultum hactenus quibuscumque concessum, vel imposterum concedendum, ad causas & negotia quæ apud Sedem eandem agitantur, seu pro tempore contigerit agitari, propter prærogativam seu eminentiam dictæ Sedis aliquatenus non extendi Universitates & personas prædictas, cujuscumque Dignitatis, conditionis, aut status existant, aliquam immunitatem exinde recipere, quominus apud Sedem eandem Apostolica auctoritate vocata comparere ac respondere legitime teneantur.

Declaratio de qua in rubrica.

Nulli ergo omnino hominum liceat hanc paginam nostræ declarationis infringere &c.

Datum Avenioni nonis Aprilis, Pontificatus nostri anno XI.

Dat. die 5. Aprilis 1327. An. XI.

## XLIV.

Confirmatio Erectionis Universitatis studiorum in Civitate Cadurcensi,

Ex Gall. Christian. n.e. 16. l. in Appendice pag. 39.

Joannes Episcopus, Servus Servorum Dei, ad perpetuam rei memoriam.

CUM Civitas Cadurcensis, quam excellentiæ divinæ bonitas multiplicium gratiarum bonis & dotibus decoravit, propter ipsius commoditates & condiciones quam plurimas apta non modicum generali studio censeatur, nos reipublicæ multipliciter expedire credentes, quod in Civitate præfata fiat & emanet fons scientiarum irriguus, de cujus plenitudine hauriant universi, litteralibus cupientes imbui documentis, & etiam cultores Sapientiæ inserantur & provehantur diver-

Exordium.



Consulum  
Cadurcen. pe-  
titis annuens  
Studium Ge-  
nerale in  
ea Civitate  
confirmat.

diversarum facultatum dogmatibus eruditi facundi, & undique illustrati fructum uberem largiente Domino, suo tempore producturi; attendentes quoque sinceræ fidei puritatem, ac eximie devotionis affectum, quos dilecti filii Consules & Universitas ejusdem Civitatis ad nos & Romanam Ecclesiam habere noscuntur: Ex prædictis causis, porrectis etiam nobis pro parte Consulum & Universitatis prædictæ humilibus & devotis supplicationibus inclinati, auctoritate Apostolica statuimus & ordinamus, quod in Civitate prædicta perpetuis futuris temporibus Generale Studium habeatur, & vigeat in qualibet licita facultate, quodque præfatum Studium, ac ejus Universitas, ac Doctores, Magistri, licentiati, Baccalaurei, & Scholares pro tempore commorantes causa studiorum ibidem, omnibus privilegiis, libertatibus, & immunitatibus, concessis studio Tholosanensi, ac Universitati ejus, plene & libere gaudeant & utantur.

Nulli ergo omnino hominum &c.

Dat. die 3.  
Junii 1332.  
An. XVI.

Datum Avenione VII. Idus Junii, Pontificatus nostri anno XVI.

## BENEDICTUS XII.

P A P A C X C V I I.

ANNO DOM. MCCCXXXIV.



**D**ie 20. Decembris anno 1334. Cardinales in Palatio Avenionensi, ubi decesserat Joannes XXII., inclusi, elegerunt in Pontificem Romanum Jacobum Furnerium, Presbyterum Cardinalem Tituli S. Priscæ, qui in minoribus ex Ordine Cisterciensi, mox Appamiarum, postmodum Mirapiscensis fuerat Episcopus. Hic vocatus est Benedictus XII. qui coronatus est in Ecclesia Fratrum Prædicatorum die 8. Januarii anni sequentis. Sedit itaque in Pontificatu a die coronationis suæ Annos VII. Mefs. III. imperante in Oriente Andronico Juniore Imperatore. Obiit siquidem Avenione die 25. Aprilis 1342. & sepultus est in Ecclesia Cathedrali. Post ejus mortem vacavit Sedes dies XI. (a)

Bene-



## I.

Benedictus Prælatos Ecclesiarum certiores facit de sui electione in Pontificem.

Ex Raynald.  
ad ann. 1334.  
§. 3.

Benedictus Episcopus, Servus Servorum Dei. Venerabilibus Fratribus, Archiepiscopo Rhemenſi, & Episcopis, ac dilectis filiis, Abbatibus, Prioribus, Prepositis, Decanis, Archidiaconis, & aliis Ecclesiarum Prælatiſ, exemptis, & non exemptis, per Rhemenſem Provinciam conſtitutiſ, ſalutem, & Apoſtolicam benedictionem.

Exordium a  
divina provi-  
dentiæ peti-  
tum.

**A**ltitudo cæleſtiſ conſilii, ſupra cuncta tenens in exceliſ imperium, ſic dat eſſe rebus, & diſpenſat ineffabili providentiæ munera gratiarum, ſic creaturarum conditiones & ſtatus ordinat, ac, prout vult, variat & diſponit, quod ſenſus humanuſ, ejus ſecreta conſilii perſcrutari non valens, in horum conſideratione potiuſ hebetatur, cum ſint inveſtigabiles viæ Domini, & ſapientiæ ſuæ magnitudinem humani non capiant intellectuſ: facit enim fortem ex debili, balbutientibuſ eloquium tribuit, & ponit nonnunquam humileſ in ſublimi, plenam & perfectam habens ad ſingula, tamquam palmo concludens omnia, poteſtatem.

§. 1. Sane feliciſ recordationiſ Joanne Papa vigefimo ſecundo Prædeceſſore noſtro nuper, ſicut Domino placuit, ab hac luce ſubtracto, & ad cæleſtem patriam ab huiſmodi miſeria, ſicut pie credimus, evocato, ejuſque corpore cum exequiarum ſolemnitate debita tumulato, venerabileſ Fratres noſtri, Episcopuſ, Presbyteri, & Diaconi Sanctæ Romanę Eccleſiæ Cardinaleſ, de quorum numero tunc eramuſ, pro futuri ſubſtitutione Paſtoris convenientes in unum, ſub deliberatione conſilii, quam tanti negotii qualitas exigebat, habito ſuper electioniſ futuri Papæ celebratione tractatu, licet conſentire potuiſſent in alioſ majorum meritorum claritate conſpicuoſ, & plurium virtutum tituliſ inſignitoſ, tandem ad perſonam noſtram dirigenteſ unanimiter vota ſua, noſ ad ſummi Pontificatuſ Apicem diviniſ dignationiſ clementia evocarunt.

Humiliter de  
ſe ſenſit Be-  
nedictuſ:

§. 1. Noſ igitur, noſtrarum inſufficientia virium, & adminiſtrationiſ tam arduæ ſarcinam, tantique oneriſ gravitatem intentæ conſideratione penſanteſ, intra noſtra præcordia, quid inter tot diverſaſ & variâſ ſæculi fluctuationeſ & pugnaſ agendum, quidve tenendum, quidve penſandum extiterit, animo duximuſ trepido revolvendum. Demum vero ſpirituſ virtute reſumpta, in illo, qui aſſurgit in occurſum timentium & implorantium humiliter nomen ſuum, quique clementer in ſemitis ſuiſ greſſuſ hominiſ perſicit, inter huiſmodi cogitationum fremituſ anchoram ſpei noſtræ fiximuſ, ad ferendum ſub ejus fiducia jugum ſervitutiſ apoſtolicæ imbecilleſ humeroſ humiliter ſubmittenteſ, ac ſubſequenter Benedictioniſ & Coronationiſ Solemnia,  
*Bull. Rom. Tom. III. Pars II.*

Suamque  
exponit in  
Deo fiduciam  
poſitam.

& cætera recepimuſ ſecundum morem, ejuſdem Romanæ Eccleſiæ, in perſoniſ Romanorum Pontificum Prædeceſſorum noſtrorum haſtenuſ obſervatum antea; & humiliato ſpiritu Domino ſupplicando, ut ipſe, qui noſ jugum huiſmodi ſubire conceſſit, ſic ad ipſum portandum debilitatem noſtram ſuæ virtutiſ robore fulciat, ſicque illud faciat ſua benignitate portabile, quod ſub eo non contingat, noſ ex noſtra debilitate deficere, ſed ita ſua omnipotentia nobiſ, & gregi dominico, vigilantiaſ noſtræ commiſſo, potiuſ proficere, quod de talento nobiſ credito dignam valeamuſ in extremo judicio reddere rationem.

§. 2. Cum autem noſ ad tanti moleſ ponderiſ levius & ſalubriuſ perferendam, ac præfatam Eccleſiam, quæ procelliſ ac turbinibuſ agitari aſſolet, piis & devotiſ expediat orationum ſuffragiis adjuvari, univerſitatem veſtram rogamuſ & obſecramuſ in Domino Jeſu Chriſto, quatenuſ apud ipſum, Sponſum ejuſdem Eccleſiæ, ſuppliciter in humilitate ſpirituſ devotiſ precibuſ inſiſtatiſ, ut, tempeſtoſa procellarum moleſtia quieſcente, Eccleſia ipſa ſub facilis auræ ſerenitate lætetur, luxque paciſ copioſa ſibi reſplendeat, errorum & diſſentionum tenebris de medio fidelium proſtigatiſ; ac greſſuſ noſtroſ, dum in præſentiſ valle miſeriæ peregrinamuſ a Domino, per ſuorum dirigat ſemitaſ mandatorum; noſtræque debilitatiſ humeriſ fortitudiniſ robur adjiciens, miſericordi nobiſ pietate concedat, præfatam Eccleſiam ad ſui nominis laudem & gloriâ utiliter gubernare, ut cum domuſ noſtræ habitationiſ terrenæ figmentum ejus imperio, per quem in præſenti ſæculo juxta originariæ conditioniſ curſum ſolituſ ingreſſum habuimuſ, diſſolvetur, in illa cæleſti Jeruſalem, ad cujuſ ædificatiõniſ, ceu quidam expoliti lapideſ, electorum animæ deferuntur, glorioſam non manuſactam, ſed æternam dignetur concedere manſionem.

Datum Avenione quinto Iduſ Januarii, Pontificatuſ noſtri anno I.

Fideleſ humi-  
leſ ad Deum  
preceſ ſua-  
dant cohor-  
tatur.

Dat. die 9. Ja-  
nuarii 1335.  
An. I.

## II.

De Apoſtatiſ, ſeu aliaſ quomodolibet habitum Religioniſ dimittentibuſ, ac extra ſuorum Ordinum clauſtra evagantibuſ, deque eorundem animadverſione, ac Prælatorum facultate abſolvendi reſiſcenteſ ab excommunicatione, & ſuper irregularitate diſpenſandi ratione Apoſtaſiæ.

Ex Regiſ. in  
Archiv. Vati.

Benedictus Episcopus, Servus Servorum Dei,  
ad futuram rei memoriam.

**P**aſtor bonus, diligens, operoſuſ, & pervigil, oveſ ſuaſ errabundaſ & deviaſ, ne lacerentur & devorentur lupiniſ a morſibuſ, ad caulam reducere ſatagentiſ, ſollicite & prudenter ſuper illaſ & aliaſ ſuæ cuſtodiaſ deputataſ inſtituit ſtudioſaſ excubiaſ, ſibi & eiſ ſpiritualiter & temporaliter ſalutareſ. Sic ergo noſ, qui cœleſti diſponente

Proemium.



Pastore, quamquam immeriti, constituti sumus in Summi Pontificii specula & Domini Nostri Jesu Christi Vicariatus officium exercentes ferventer in votis gerimus, & quatenus divinis beneplacitis convenire percipimus, studium apponimus sollicitudinis efficacis, ut cuncti tam æternæ Majestatis obsequiis sub regulari observantia dedicati, quam cæteri Christicolæ deliri a norma rectitudinis & tramite rationis ad reconciliationis Deo grata gratiam admittantur, & ad eam redeant, ne pereant, sed salventur.

Hæc Constitutione consilium se velle ait Pontifex Regularibus adherentibus se in claustris, permanere, non posse.

§. 1. Sane ad Apostolatus nostri non sine mentali molestia jam dudum perducto notitiam, quod nonnulli, stabilitatis suæ professionis violato proposito, Regularem habitum, temere dimittentes, ac de diversis Mundi partibus ad Sedem Apostolicam confluentes, & prætendentes variis coloribus & figmentis exquisitis, se in suis claustris & Religionibus non posse commode permanere; Nos, de Apostolica pietatis abundantia talium periculis Animarum occurrere desiderabiliter affectantes, & ut hujusmodi Religiosis apostatandi, & extra Religiones, Ecclesias, Monasteria, seu alia loca Ordinum eorumdem vagandi materia imposturæ amputetur; ipsique Apostatæ, vel qui jam perniciosè vagantur per sæculum, ab eorum temeritatis revocentur nequitia, & ad eorum Religionis abjectæ propositum reducantur; super præmissis opportuna ordinationis remedia, prout series subscripta describit, digesta in hac parte deliberatione præhabita, providimus apponenda.

Præcipit Prælati Ordini, ut Regulares apostatas, vel vagantes inquirant, & ad Religionem reducant.

§. 2. Volumus namque & Apostolica auctoritate ordinamus universis & singulis tam exemptis, quam non exemptis Prælati immediatis quorumcumque Religiosorum quorumlibet Ordinum, in virtute sanctæ obedientiæ districtè precipiendo mandantes, ut ipsi Prælati Apostatas, & etiam de suis Ordinibus ejectos, & quosvis Religiosos alios eis subditos sine Prælatorum eorumdem licentia per sæculum evagantes inquirant, seu inquiri faciant diligenter, ipsosque ad Religionem reducere studeant eorumdem.

Renitentes vero secundum loci circumstantias diversimode cogant ad id.

§. 3. Quod si Apostatæ, ejecti, ac evagantes Religiosi præfati redire noluerint; aut Prælati ipsorum prædictis super his inobedientes seu rebelles extiterint, illos, qui ad præsens apud Sedem consistunt eandem, Auditor Camera Apostolicæ; alios vero, exemptos videlicet, Apostolica; non exemptos autem ordinaria auctoritate locorum Ordinarii ad requisitionem dictorum Prælatorum capere teneantur; per Auditorem ac Ordinarios antedictos Prælati eisdem sine difficultate quolibet remittendos, ut sic redire ad Religiosis observantiam, & obedientiam Prælatorum suorum, ac in illis persistere, compellantur.

Rogant quoque Regulares, qui ab uno ad alium Ordinem in consilia Sede Apost. transferunt, primum assumere habitum,

§. 4. Nostræ præterea intentionis existit, rursusque volumus & ordinamus, ut omnes Apostatæ, qui Religionem seu Religionis, quam professi sunt, habitum dimiserunt, & ad Religionem aliam absque prædictæ Sedis, seu alia debita licentia transferunt, habitumque assumpserunt hujusmodi Religionis alte-

rius, etiam si in ipsa Religione altera, in qua, ut præfertur, assumpserunt habitum, secundo professi fuerint, ad Religionem earum primam, dum tamen canonice in ea professi fuerint, infra trium mensium spatium, computandum a die, qua hæc intentio voluntas & ordinatio nostræ ad notitiam eorum pervenerint, vel per ipsos steterit, quominus perveniant ad eosdem (quod quidem spatium eis pro peremptorio termino assignamus) curent reverti, & habitum ipsius primæ Religionis nequiter dimissum resumere ac gestare.

§. 5. Volumus quoque ac etiam ordinamus, quod prædicti Prælati Ecclesiarum, Monasteriorum, seu aliorum locorum quorumlibet, a quibus ipsi Apostatæ, ut præmittitur, temere apostatarunt, eosdem Apostatas ad habitum & Religionem eorum priores recipere teneantur. Quod si forte iisdem Prælati, Capitula Ecclesiarum, Conventus Monasteriorum, seu fratres eorum & locorum prædictorum recusarent recipere Apostatas prælibatos; volumus & ordinamus, quod ipsi Prælati, Capitula, Conventus, & fratres per certos exequutores, super hoc a Sede Apostolica deputandos, ad eos recipiendos, salva Ordinis disciplina, quam volumus & mandamus circa illos, qui voluntarie redierint, hac vice, ut infra sequitur, misericorditer temperari, monitione præmissa per censuram Ecclesiasticam, sublato appellationis obstaculo compellantur.

Apostatas vero respicientes recipere omnino teneantur.

§. 6. Nempe circa illos ex dictis Apostatis, qui Ordinum Mendicantium fuerint, etiam volumus & ordinamus, quod si Apostatæ ipsi Ordinum, ut prædicitur, Mendicantium in suis primis locis eorumdem suorum Ordinum recipi commode nequeant, in aliis locis Ordinis cujuscumque ipsorum vel alterius Ordinis dictorum Mendicantium, si alii Mendicantes hujusmodi Apostatas recipere voluerint, hac vice collocentur; & nihilominus Religiosi prædicti locorum ejusdem Ordinis ad recipiendum Apostatas, ipsos, qui transire ad alia loca ejusdem Ordinis, ut præfertur, habebunt ad recipiendum dictos Apostatas in locis hujusmodi per exequutores a prædicta Sede super hoc deputandos, si opus fuerit, censura simili compellantur.

Ex Mendicantibus vero, qui in primis locis recipi nequeunt, alibi recipiantur.

§. 7. Et quia nimia rigoris vel poenalis seu poenitentialis asperitas ob fragilitatem carnis humane non ædificat, sed corrumpit, volumus & ordinamus erga omnes Apostatas supradictos, quemlibet ipsorum per eorum Prælatos, servato subscripto moderamine, provideri: scilicet quod ipsi Prælati circa hujusmodi Apostatas, etiam si ante vel post eorum apostasiam excessus in Ordine suo vel extra illum commiserint, & proinde vel etiam ex quacumque alia causa in Apostasiam hujusmodi lapsi fuerint, vel Ordinis sui carceres effregerint, seu ab ipsis evaserint, quod eis penam seu poenitentiam salutarem imponant juxta eorumdem Ordinum statuta antiqua: quam tamen penam seu poenitentiam sic etiam misericorditer volumus temperari, quod iisdem Apostatæ terrore ultionis seu poenæ a sum-

Pœnâ vero eis imminuenda.

ptio-



Prælati data  
facultas eos a  
censuris ab-  
solvendi cum  
eisque dispen-  
sandi super ir-  
regularitate  
&c.

ptione suorum Religionis & habitus minime retrahantur.

§. 8. Insuper memoratis Prælati eorumdem Apostatarum, dictos Apostatas, ad Religionem suam pristinam, vel aliam Mendicantium, ut prætangitur, redeunt, absolvendi hac vice juxta formam Ecclesiæ ab excommunicationis sententia, in quam apostatando taliter inciderunt; & cum eis super irregularitate, quam occasione apostasiæ hujusmodi, vel alias forsan sic ligati divina officia celebrando, imo verius prophanando, aut illis se immiscendo, damnabiliter incurrerunt, prout eorumdem Apostatarum saluti iidem Prælati expedire viderint, dispensandi plenam & liberam concedimus auctoritate Apostolica potestatem.

Obstantium  
derogatio.

§. 9. Non obstantibus quibuscumque statutis & consuetudinibus quorumlibet Ordinum, Ecclesiarum, Monasteriorum, & aliorum locorum prædictorum, juramento, confirmatione Apostolica, vel quavis firmitate alia roboratis, vel etiam privilegiis, indulgentiis aut literis Apostolicis, seu aliis quibuscumque, per quæ præsentibus non expressa, vel totaliter non inserta, effectus earum impediri valeat quomodolibet vel differri: & de quibus quorumque totis tenoribus de verbo ad verbum plenam & expressam oporteret in nostris literis fieri mentionem.

Potentibus  
literæ Aposto-  
licæ conce-  
dendæ.

§. 10. Ut autem voluntatum & ordinationum nostrarum præmissarum, aliorumque superius expressorum exequutio promptior & efficacior subsequatur, volumus & mandamus, quod Ordinariis, Prælati, Apostatis, ac Religiosis prædictis potentibus, juxta qualitatem casuum eorumdem opportune ipsis literæ Apostolicæ concedantur.

Dat. die 17.  
Junii 1335.  
anno I.

Nulli ergo omnino hominum liceat hanc paginam nostrarum voluntatum, ordinationum, mandatorum, & concessionis infringere &c.

Datum Avenioni quintodecimo Kalendas Julii, Pontificatus nostri Anno Primo

### I I I.

Quod Fratres Mendicantes ad Ordines  
Monachorum Nigrorum, & Cister-  
ciensium transire non possint  
absque licentia Roma-  
ni Pontificis.

Benedictus Episcopus, Servus Servorum Dei,  
ad perpetuam rei memoriam.

Exordium.

**R**egularem vitam professis expedit subtrahi omnem inquietudinis &urbationis materiam, quo in contemplationis suavitate quiescere valeant, & tranquillum reddere Domino famulatum.

Causa huius  
prohibitionis.

§. 1. Cum igitur ex eo, quod professores Ordinum Mendicantium ad Monachorum Nigrorum, & Cisterciensium Ordines consueverunt plerumque transire, multas in dictis Ordinibusurbationes, infestationes, molestias,  
*Bull. Rom. Tom. III. Pars II.*

damna, & scandala provenisse experientia doceat manifeste;

§. 2. Nos his ex debito pastoralis officii pro futuro tempore occurrere cupientes, de consilio Fratrum nostrorum decernimus, ne quis cujusvis Ordinis Mendicantium professor ad aliquem dictorum duorum Ordinum quomodolibet transire valeat sine Romani Pontificis licentia speciali, plebam & expressam de Constitutione hujusmodi mentionem faciente.

Prohibitio de  
qua in Rubrica.

§. 3. Non obstantibus privilegiis Apostolicis quibuscumque concessis in contrarium dictis Ordinibus Mendicantibus, seu eorum Prælati, aut aliquibus eorumdem; quæ quoad hoc nullius ex nunc fore decernimus firmitatis.

Obstantium  
derogatio.

§. 4. Nulli ergo omnino hominum liceat hanc paginam hujus nostræ prohibitionis, derogationis, ac voluntatis infringere, vel ei ausu temerario contraire. Si quis autem &c.

Clausula.

Datum Avenioni, quarto nonas Julii, Pontificatus nostri anno I.

Dat. die 4.  
Julii 1335. an-  
no I.

### I V.

Reformatio Ordinis Cisterciensis  
Monachorum S. Benedicti.

Benedictus Episcopus, Servus Servorum Dei,  
ad perpetuam rei memoriam.

**F**ulgens sicut stella matutina in medio nebulae facer Cisterciensis Ordo in Ecclesia militante strenue militat operibus & exemplis, fervideque satagit per sanctæ contemplationis applausum, & innocentis vitæ meritum montana scandere cum Maria; seque per exercitium laudabilium actionum, & pensum piorum operum curiosum; Martha satagentis officio conformare. Hic nempe Ordo in divini cultus ministerio sedulus, ut sibi & aliis proficiat ad salutem, in sacra lectione Paginae studiosus, ut ad perfectam, excellentiæ supernæ cognitionem valeat pervenire; præstans & promptus in operibus charitatis, ut adimpleat legem Christi, a mari usque ad mare palmites suos meruit dilatare, quia gradualiter ad virtutum culmina patenter ascendit, & proinde per sacri Pneumatis inflammantis corda debilia fistulas gratiis abundavit, dignumque se reddidit a Romana Ecclesia, Ecclesiarum omnium magistra, multis insigniri privilegiis, & gratiosis favoribus communiri.

Cisterciensis  
Ordinis Enco-  
mium.

§. 1. Hujus quoque Ordinis ab adolescentia nostra perseveranter jugum sustulimus, & in eo alumni effecti, per temporum curiculâ diuturna crevimus, tam in illo quam extra ipsum successivis prælationum honoribus; & tandem conscendimus, quamquam immeriti, summi Cathedram Pastoralis. Licet autem, exigente Apostolici ministerii cura, cujuslibet Ordinis approbati incrementum felix & floridum plenius affectibus in eo zelemur, a  
C c 2 quo

Benedictus  
in minoribus  
huius Ordinis  
Monachus.



quo coelicae ac terrenae salutis perfectio derivatur; eundem tamen Cisterciensem Ordinem acie internae devotionis & charitatis aspicimus; & ea, quae ipsius salutem & prosperitatem respiciunt, quatenus aeterni Patris beneplacitis gratificari credimus, favorabiliter promovemus.

Nonnulli gravissimis de causis se motum afferit ad hanc edenda statuta.

§. 2. Sane recensentes memoriter, quod ab olim, dum eramus intra Ordinem praelibatum, certa nos experientia instruebat, quod super quamplurimis articulis inferius explicatis, Ordo ipse Apostolicae provisionis remediis indigebat; nos haecenus & moderno tempore super eis & nonnullis aliis a dilectis filiis Guillelmo Cisterciensi, Joanne de Firmitate, Joanne de Claravalle, & Rainaldo de Morimundo Monasteriorum dicti Ordinis Cabilonensis & Lingonensis Dioecesis Abbatibus, diligenti collatione praehabita, super his omnibus plenarie informati dignum ducimus, & pro urgente necessitate, ac evidenti utilitate Ordinis memorati, suadentibus etiam aliis iustis & rationabilibus causis, statuta & ordinationes, prout series subscripta describit, auctoritate Apostolica edere: quae volumus & decernimus solidam habere roboris firmitatem, eaque debere perpetuis futuris temporibus firmiter observari; videlicet;

Proprii cuiuslibet Monasterii sigillum.

§. 3. Cum cautela provisio in omnibus sit habenda, & praecipue ne paulatim deveniat in collapsum, quod est antiquitate vel prolixitate peracti temporis acquisitum, statumus, ac etiam ordinamus, quod quilibet Conventus cujusvis Monasterii, seu alterius loci Conventualis dicti Ordinis, habeat proprium & speciale sigillum. Et quod quilibet Abbas Monasterii, sive alius loci alterius Conventualis, administrationi principaliter praesidens ejusdem Ordinis, & etiam Abbas Cisterciensis, qui est pro tempore, antequam Abbatia sua vel administrationis hujusmodi se immisceat, iuramentum praestare ad sancta Dei Evangelia teneatur, quilibet scilicet inferior in manibus Abbatis, qui electionem de ipso factam confirmare habebit, & in praesentia sui proprii Conventus, necnon ipse Abbas Cisterciensis, qui est pro tempore, suo Conventui, & praenominatis tribus, necnon Monasterii de Pontignaco dicti Ordinis Antistiodorensis Dioecesis Abbatibus, si apud dictum Monasterium Cisterciense praesentes extiterint; quod possessiones vel jura, ad suum Monasterium vel alium Conventualem locum ejus pertinentes seu pertinentia, non vendet, nec alienabit, neque impignorabit, neque de novo infeudabit, nec per aliquem modum donabit, nisi per modum inferius designatum. Et hoc idem illi, qui nunc sunt Abbates Monasteriorum, seu aliorum locorum Conventualium ipsius Ordinis regimini Praesidentes, teneantur iuramentum praestare infra sex menses, postquam statutum & ordinatio hujusmodi publicata fuerint, in proximo secuturo Capitulo generali ejusdem Ordinis.

Juramentum de non alienando ab Abbatibus emittendum.

Causa & forma alienandi.

§. 4. Quod quotiescumque alienationem rei immobilis, vel jurium alicujus Monasterii, vel alterius loci Conventualis dicti Ordinis, vel diminutionem censuum, seu pen-

sionum, vel canonis, aut venditionem arborum, sylvarum non caeduarum imminere contigerit faciendas, tractatus duorum dierum (ad minus) interpolatorum diligens & maturus praecedere debeat, habendus per Abbatem Monasterii, seu Praesidentem regimini alterius loci Conventualis, cujus erunt res, jura, census, pensiones, canon, & sylvae hujusmodi, cum suo conventu Monasterii seu alterius loci Conventualis praefati. Et nihilominus alienatio seu venditio hujusmodi fiat de consensu ipsius Conventus, vel majoris & sanioris partis ejusdem; & quod de tractatu & consensu jam dictis scriptura conficiatur authentica, in qua nomina & cognomina tractantium & consentientium, & sigilla Abbatis Monasterii, vel Praesidentis regimini alterius loci Conventualis, & Conventus Monasterii seu loci hujusmodi apponantur. Et antequam procedatur ad alienationem seu venditionem ipsam, petatur & obtineatur licentia super hoc ab ipsius Ordinis Capitulo generali; & subsequatur discussio super alienatione seu venditione hujusmodi, facienda per duos Abbates praedicti Ordinis, ab eodem Monasterio seu alio Conventuali loco non remotos, per dictum generale Capitulum deputandos, & cum approbatione seu auctoritate duorum Abbatum praefatorum. Quodque tam Abbas Monasterii, seu Praesidens ipsi Conventuali loco, quam duo Abbates praedicti, & etiam Abbas ejusdem Monasterii, vel deputatus ab eo, praesente Conventu ipsius Monasterii, seu alterius loci Conventualis, cujus res, jura, census, pensiones, vel canon, aut sylvae hujusmodi alienanda seu vendenda fuerint, iuramentum praestent ante discussionem praedictam, quod in praemissis fideliter se habebunt, omni dolo & affectione inordinata remotis; & quod etiam fiat de causis alienationis seu venditionis hujusmodi, & solemnitatibus praefatis, per quatuor Abbates praedictos, & Praesidentem ipsi Conventuali loco, sub eorum sigillis plena & fidelis relatio in proximo subsequenti generali Capitulo antedicto; ut videatur, si circa haec omnia debite processerunt. Verum cum Monasterium seu alius Conventualis locus, Castrum, Villa, Grangia, vel res alia multum notabilis, alienandum vel alienandus seu alienanda fuerit, Capitulum generale ipsius Ordinis alienandi licentiam concedere non praesumat, nec procedatur ad eam quovis modo faciendam vel auctorizandam, nisi prius per idem Capitulum generale Romano Pontifice consulto, & ab eo super hoc petita licentia & obtenta. Si vero aliter, quam praemissum est, aliquis Abbas, vel regimini Praesidens, alienare praesumpserit, tam ipsi, quam Officiales ipsius Monasterii seu loci Conventualis, in hac parte consentientes eisdem, ab administrationibus suis per Abbatem deponantur eorum, & alienatio hujusmodi praesumpta, sit ipso jure irrita & inanis.

§. 5. Coeterum, si propter alicujus Monasterii seu loci Conventualis debita exolvenda, vel ut aliquid aliud, quod eidem Monasterio seu Conventuali loco sit utilius, acquiratur, aliquid alienandum extiterit, pecunia, quae

Pecuniam ex alienationibus utiliter expendi, & conservari mandatur.



quæ inde habebitur, ad nullos usus alios, quam in acquisitionem, seu debitorum solutionem hujusmodi convertatur. Et si secus actum fuerit, Abbas Monasterii, vel alius Præsidentis Conventuali loco, pecuniam hujusmodi ad usus alios, ut præfertur, convertens, vel conversioni hujusmodi consentiens, ab administratione sua per Abbatem deponatur ipsius. Ceteri vero Monachi participes vel consentientes in idipsum, sint ad quodcumque officium seu administrationem ejusdem Ordinis inhabiles ipso facto. Nec pecunia ipsa in solius Abbatis seu alterius regimini Præsidentis, aut Bursarii alicujus eorum remaneat potestate; sed reponatur in aliquo securo loco sub quatuor serraturis, & diversificatis clavibus, quarum primam teneat Abbas Monasterii, seu loci Conventualis regimini Præsidentis, secundam Bursarius, tertiam Prior claustralis, & quartam alius Monachus ipsius Monasterii seu loci Conventualis, de quo ejusdem Monasterii seu loci Conventualis conventui, seu majori & saniori parti ejusdem expedire videbitur, fideliter conservandam.

Locationes  
nonnisi ad  
quinquenniū  
faciendæ.

§. 6. Volumus etiam, quod circa concessionem jurium aut reddituum alicui ad vitam ejus vel aliud certum tempus, & circa locationes, vel etiam reddituum aut fructuum, venditiones, ultra quinquennium faciendas præmissa forma per omnia observetur; hujusmodi tamen consultatione, ac licentia Romani Pontificis, & etiam licentia dicti generalis Capituli, & relatione in eo faciendæ exceptis. Permittimus tamen, quod parvæ, steriles, vel inutiles possessiones concedi possint sub annuo censu pecuniario, vel sub certa portione seu quota proventuum, ad tantum tempus quantum visum fuerit Abbati Monasterii ipsius, & alteri Abbati alicujus Monasterii, vel Præsidenti regimini loci Conventualis ejusdem Ordinis. Præcedente tamen maturo ac diligenti tractatu habito cum suo Conventu, & de consensu ipsius, vel majoris & sanioris partis ejusdem, præstitoque primitus juramento per ambos Abbates prædictos, eodem Conventu præfente, quod concessionem hujusmodi facere intendunt pro utilitate Monasterii, seu loci Conventualis, cujus erunt possessiones prædictæ. Et si a'iter hujusmodi concessio facta fuerit, eo ipso sit irrita & inanis. Si autem multitudo dictarum possessionum, quamvis parvarum, steriliū vel inutilium existeret concedenda, tunc ante hujusmodi concessionem earum consulatur idem Capitulum generale, ac ipsius super hoc habeatur licentia, prout superius est distinctum. Abbas vero, vel Præsidentis regimini loci Conventualis, si contrarium attentare præsumpserit, ac officiales ipsius Monasterii seu loci Conventualis, super hoc ei consentientes, per eorum Abbatem à suis administrationibus deponantur.

Excipiuntur  
tamen, par-  
væ, steriles,  
que possessiones  
ab hac  
lege.

§. 7. Insuper quia plerumque contingit imminere necessitatis articulum, in quo ex diversis causis expedit Abbatibus, & Præsidentibus principaliter regiminibus aliorum locorum Conventualium, contrahere mutuum, hanc provisionis cautelam modificatam in-

Mutui non-  
nullis hic ex-  
pressis de cau-  
sis accipiendi  
norma.

hac parte volumus adhiberi, quod nullus Abbas, vel alius loci Conventualis regimini Præsidentis ipsius Ordinis, sine consensu proprii Conventus mutuum recipere valeat; & quod in authentica scriptura obligationis inde faciendæ apponantur eorundem Abbatis vel Præsidentis regimini, & Conventus sigilla. Sed si Abbas a suo Monasterio, vel regimini Præsidentis ab ejus Conventuali loco remotus existeret, talisque urgeret necessitas, quod sine receptione mutui, sibi vel familiæ suæ aut negociis utilibus seu causis per eum agendis providere non posset; permittimus, quod tunc sine suo consensu & ejus sigillo mutuum recipere valeat, quod, tamen summam centum librarum Turonensium parvorum, seu valorem ipsarum, sive integraliter seu particulariter non excedat; cujus mutui quantitatem, causam obligationis, ac personam, a qua illud receperit, Abbas, vel alius regimini Præsidentis, mutuum ipsum recipiens, infra octo dies post ejus regressum ad Monasterium proprium, vel suum Conventualem locum, ipsius, Conventui ad hoc specialiter congregato explicare teneatur. Et quod ex quo semel usque ad hujusmodi summam, centum librarum mutuum receperit, non possit amplius mutuum recipere sine consensu & sigillo Conventus ejusdem, donec dictæ centum libræ fuerint integraliter persolutæ. Quicumque autem Abbas, vel alius Præsidentis regimini loci Conventualis, per se vel per alium contrafecerit, eo ipso ab ingressu Ecclesiæ ac divinis Officiis sit suspensus.

§. 8. Et quia gesta hominum scripturæ fidei committuntur, ut rei gestæ memoria in posterum habeatur, volumus & ordinamus, ut ubicumque Abbates, vel alii locorum Conventualium regiminibus Præsidentes, aliquid cum expresso consilio suorum Conventuum facient, de quo testimonialis conficiatur scriptura, quod sigilla ipsorum Abbatum, vel aliorum regiminibus Præsidentium, eorumque Conventuum apponantur in illa. Et quod deinceps in sigillo cujuslibet Abbatis, vel alterius loci Conventualis regimini Præsidentis, quocumque nomine censeatur, ipsius nomen proprium exprimatur, ut melius sciri possit, per quem, & cujus tempore, id, de quo agitur, factum extiterit, & ut malitiis falsitatum commentis via melius præcludatur.

Quæ de Con-  
ventuum con-  
sensu peragi  
debent, in  
scriptis redi-  
genda.

§. 9. Præterea, cum sit consonum rationi, ut negotiorum gestores & officiales degerendo fideliter & utiliter negocia & officia exercenda illis commissa, juramenti vinculo adstringantur, volumus & ordinamus, quod Cellarii, Bursarii, negotiorum gestores, Rentarii nuncupati, cæterique Officiales cujuslibet Monasterii, seu alterius loci Conventualis, & eorum Grangiarum Magistri, cum ad officia vel magisteria hujusmodi assumuntur, juramentum præstare teneantur in manibus eorum Abbatis, vel alterius loci Conventualis regimini Præsidentis, sui que Conventus, quod in commissis officiis, administrationibus, vel grangiis, fideliter se habebunt; & quod de receptis & expensis fidele computum reddent, & reliqua ipsi Mona-

Juramentum  
ab Officiali-  
bus de fidei  
administratio-  
ne præstandū.

sterio-



sterio seu Conventuali loco, aut eorum Bursariis assignabunt. Et quod illi Cellarii, Bursarii, negotiorum gestores, Officiales, & Magistri, qui nunc sunt, præstare teneantur simile juramentum.

Depositarii duo in quolibet Monasterio eligendi, qui quater annis singulis rationem reddant.

§. 10. Et quia, ubi prudentia & moderantia fidei firmitate vallatæ non vendicant sibi locum, luxus inest; longique temporis victum brevis hora consumit, decet & expedit, ut per dispensatores prudentes & fidos quæque manuteneatur substantia, & etiam dispersetur. Unde statuimus & etiam ordinamus, quod in singulis Monasteriis, & aliis Conventualibus locis prædicti Ordinis, per Abbatem seu alium regimini Præsidentem, de seniorum sui Conventus consilio, duo Bursarii deputentur, quorum unus principalis existat. Qui siquidem Bursarii omnes pecunias ipsius Monasterii vel loci Conventualis undecumque provenientes, universaliter recipiant, & de dicti Abbatis, vel regimini Præsidentis mandato, ceteris Officialibus & aliis distribuunt, prout fuerit opportunum; ipsique Bursarii quater in anno, sed ceteri Officiales & receptores proventuum semel, & etiam pluries, si eidem Abbati, vel regimini Præsidenti videbitur expedire, de omnibus receptis & expensis coram prædicto Abbate, vel regimini Præsidente, ac senioribus de Conventu ipsius Monasterii seu loci Conventualis, teneantur plenissimam & fidelem reddere rationem.

Iis vero rationem quovis anno reddant de receptis, & expensis Abbatibus.

§. 11. Abbates etiam, vel regiminibus Præsidentes, coram dictis senioribus & Bursariis annis singulis de receptis & expensis per eos, plenam & fidelem rationem reddere teneantur. Recipiantque ipsi Abbates, vel regiminibus Præsidentes, a dictis Bursariis pecunias pro expensis eorum. Et si dum ipsi extra Monasteria vel alia Conventualia loca eorum accesserint, eos pecunias contingat de proventibus Monasteriorum, seu locorum Conventualium eorum, aut aliunde recipere, hujusmodi pecunias in ipsorum regressu tradant bursariis prælibatis, computatis, si quas de ipsis pecuniis expenderunt, Abbates vero seu alii regiminibus Præsidentes, si secus attentare, vel sibi alia retinere præsumpserint, ab ingressu Ecclesiæ ac divinis Officiis post lapsum duorum mensium a die regressus hujusmodi computandorum, tamdiu suspensi existant, donec ea tradant bursariis memoratis.

De Visitatorum numero, officio, & electionibus.

§. 12. Porro quia per visitationis actum, de vita & conversatione illorum, qui visitantur exquiritur, & per eum sincere debet correctionis & reformationis officium exerceri, nec proinde hi juxta canonicas etiam sanctiones superfluis sunt impendiis aggravandi, statuimus ac etiam ordinamus, quod Visitatores dicti Ordinis in aliquo Monasterio per eos visitando, antequam officium visitationis incipiant, nisi prima die, qua declinabunt ad illud, valeant demorari; & si manere ibi voluerint, sequenti die dumtaxat id licitum sit eisdem. Et quod visitationes in eodem Ordine faciendæ, deinceps non durent ultra triduum continuum, nisi apparens ne-

cessitas, vel magna utilitas Monasterii visitati, dies exposceret ampliores: quodque ille Visitator, qui ultra ipsos prædictos duos dies, vel ultra præfatum triduum, absque necessitate vel utilitate prædictis, easdem visitationes prorogare præsumpserit, si Abbas fuerit, sit a stallis chori & loco Capituli Abbatialibus per unum sequentem annum eo ipso suspensus, & sedere in stallis & loco Capituli remotis a stallis aliis & locis Abbatialibus teneatur; si vero fuerit Monachus, eo ipso sit per unum annum sequentem inhabilis ad quodcumque officium, & administrationem seu gubernationem in eodem Ordine obtinenda. Et nihilominus per sex menses sequentes in pane & aqua in suo Monasterio jejunare, qualibet sexta feria teneatur; & quod similes poenas incurrant Abbates & Monaci, qui visitationis officium impendendo, numerum electionum, per fel. recor. Clementem Papam IV. Prædecessorem nostrum super hoc taxatum, excedent. Nec præsumant Visitatores ipsi ante hujusmodi eorum visitationem vel in ipsa seu post eam, occasione dictæ visitationis aliquod munus suspectum per se vel alium recipere, nec illud a suis recipi permittant; expensas tamen, quas fecerint ad visitatum Monasterium eundo, & de ipso redeundo, recipere valeant juxta ordinationem super hoc factam per Clementem eundem.

§. 13. Ubi autem a Monasterio jam visitato usque ad Monasterium visitandum aliquod vel aliqua Monasteria in itinere constituta extiterint, ad quæ dicti Visitatores possint commode declinare, hoc ipsi efficere valeant; dictaque Monasteria taliter constituta eosdem Visitatores caritative recipere, decenterque tractare, ac eis providere in victualibus teneantur, & pro diebus, quibus ad hujusmodi constituta, ut præfertur, Monasteria declinabunt, & eis, ut prætangitur, provisum extiterit, nullas expensas possint a Monasterio seu locis recipere visitatis. Abbas autem contra prædicta recipiens, nisi infra duos menses a receptione hujusmodi computandos, eis a quibus receperat, receptum restituat, ipsis elapsis, duplum restituere teneatur. Monachus vero quicquid contra id receperit, restituere non postponat, & ob hoc regulari subiaceat disciplinæ.

A Monasteriis interjacentibus victum solummodo recipiant.

§. 14. Nec audeant præfati Visitatores in ipsis Visitacionibus sibi alios Abbates adjungere, nec ipsi alii Abbates se illis adjungant, nisi pro consilio vel auxilio, ubi casus depositionis alicujus Abbatis, vel aliud magnum & arduum negotium, seu patriæ vel locorum, per quæ transire haberent, periculum immineret, seu interpretatio linguarum necessaria foret; verumtamen Cisterciensis, & quatuor Abbates quatuor principalium filiarum, qui sunt pro tempore, ac superius nominantur, in eisdem visitacionibus unum alium Abbatem, si velint, secum recipere, vel sibi adjungere valeant.

Quibus de causis Visitatoribus adjungendi Abbates.

§. 15. Neque prædicti Visitatores nomina eorum, qui eis in ipsis visitacionibus secreta revelaverint aliqua, ea revelare præsumant, nisi tunc demum, cum propter revelata hu-

Nomina eorum qui secreta eis notificant revelare non possunt.

jus.



jusmodi ad alicujus punitionem vel poenam, fuerit procedendum, necnon revelantes hujusmodi puniantur plus vel minus, prout facti qualitas exiget, secundum arbitrium ipsius Ordinis Capituli generalis.

Abbates Vi-  
scentes quid  
recipere pos-  
sint.

§. 16. Et quod Abbates majores post Abbatem Cisterciensem, & quatuor alii Abbates earumdem principalium Filiarum, qui sunt pro tempore, extra visitationes eorum, sex tantum; alii vero minores Abbates quatuor electionibus sint contenti; nec hoc pretextu, qui paucioribus uti solebant, credant sibi potestatem plurium attributam.

§. 17. Rursus, praeavere volentes, ne per Abbates vel Monachos dicti Ordinis, declinantes ad alia Monasteria ejusdem Ordinis, veniendo ad hujusmodi Capitulum generale, vel de illo redeundo, seu alias, hujusmodi alia Monasteria plus debito aggraventur, statuimus & ordinamus, quod Abbates aut Monachi praefati ad idem Capitulum venientes, vel de ipso redeuntes, seu alias, tamquam hospites ad aliquod Monasterium seu locum Conventualem jam dicti Ordinis declinantes, non remaneant in eodem Monasterio seu Conventuali loco, vel locorum ipsorum, ultra diem, qua illuc declinaverint, & sequentem, nec ultra dictos dies; Abbas vel Cellerarius aut aliquis alius dicti Monasterii seu loci Conventualis, aut aliquorum locorum eorumdem, ipsos invitare, vel amplius eis aliquid ministrare praesumant. Quod si ex aliqua rationabili causa ipsi, vel aliquis de familia eorumdem, amplius remanere voluerint, expensas, quas tunc ibi fecerint, de bonis proprii Monasterii, vel aliunde procuratis, solvere teneantur. Quicumque vero contrarium fecerint, tam dantes, quam recipientes, de inobedientia & transgressione hujusmodi statuti & ordinationis nostrorum per generale dicti Ordinis Capitulum puniantur. Sed per praedicta nullum jus ipsorum declinantium alicui acquiratur, etiam per ipsos duos dies vel alias ad aliquod Monasterium seu locum Conventualem ejusdem Ordinis, aut locorum eorum declinandi, aut in eorum aliquo remanendi; hoc tamen salvo, quod circa patenter infirmantes solita caritas, & pia hospitalitas observentur.

Abbates non  
accedentes ad  
Capitulum  
generale quo  
pacto coer-  
cendi.

§. 18. Quia vero ideo sunt hujusmodi generalia Capitula instituta, ut in eis de statu Monasteriorum, & aliorum locorum regularium, ac de reformatione Ordinis, & observantia regulari, tractatus debeat diligens adhiberi, dignum & debitum fore dignoscitur, ut ad illa convenient universi, quibus id imminet, praepreditionem canonicam non habentes. Quare statuimus & etiam ordinamus, quod Abbates ipsius Ordinis, qui de cetero non venerint ad dictum Capitulum generale (qui venire tamen tenebantur, secundum Ordinis praedicti statuta, non habentes impedimentum legitimum, seu licentiam specialem ab eo, qui dare possit eandem) exhibere teneantur duplum ejus, quod expensuri essent ad idem Capitulum veniendo, & redeundo de illo, duplumque hujusmodi solvere in sequenti Capitulo generali in utilitatem ipsius generalis

Capituli convertendum: & quod possint Definidores ejusdem Capituli generalis tales Abbates non venientes ad duplum hujusmodi exsolvendum, auctoritate Apostolica per censuram Ecclesiasticam, sublato appellationis obstaculo, coarctare; eorumque super hoc processum habendum, & ferendas sententias publicare, ac facere publicari. Quodque circa ipsum duplum in totum vel in partem nulli valeat fieri gratia, vel remissio indulgeri. Illi vero Abbates, qui legitimum impedimentum seu licentiam hujusmodi asseruerint se habere, illa Conventibus suis tempore, quo iter eundi ad d. Capitulum arripere deberent, exponere teneantur, & nihilominus subsequenter de dictis impedimento sive licentia in ipso generali Capitulo fidem facere per suum procuratorem, seu excusatorem, probum & idoneum virum, habentem speciale mandatum praestandi juramentum in animam ipsius mittentis, causas absentiae, ac impedimentum hujus vera esse; quod quidem juramentum praestare teneantur, si visum fuerit Abbati Cisterciensi, qui est pro tempore, ac Praesidentibus ipsi Capitulo generali. Et si Abbas ac Praesidentes praefati tale impedimentum & licentiam ipsam non esse legitimam fuerint arbitrati, tales Abbates, qui ad idem Capitulum nequaquam venerunt, declarent incurrisse poenam solvendi praefatum duplum, quemadmodum est praemissum.

§. 19. Quia vero nonnulli, sicut accepimus, ad solvendum contributiones, quae in eodem Ordine pro necessitatibus & usibus communibus, & alias consuetis ipsius Ordinis, pro tempore imponuntur, se reddunt difficiles & remissos, nos adversus eos, & circa negotia contributionum ipsarum, aliaque illa contingentia, prout sequitur duximus providendum: videlicet quod Abbati Cisterciensi, & quatuor Coabbatibus principalium Filiarum supradictis, & qui pro tempore fuerint, & cuilibet eorumdem, auctoritate Apostolica, remoto appellationis obstaculo, per censuram Ecclesiasticam, & per alia remedia juxta dicti Ordinis instituta & observantias consuetas, aliaque opportuna remedia, compellendi eos, quibus dictae contributiones pro tempore impositae fuerint, ad solvendum easdem; & ad id etiam coarctandum, recusantes seu negligentes solvere praefatas contributiones jam impositas, & quosvis alios impedimentum praestantes publice vel occulte, quo minus contributiones praedictae solvantur, ad desistendum prorsus ab impedimento hujusmodi, nec non processus habendos, ac excommunicationis suspensionis & interdicti aliasque sententias ferendas in tales recusantes, negligentes, & impedimentum praestantes, nunc & in posterum, in eorum & aliis Monasteriis ac locis circumvicinis dicti Ordinis, prout fuerit opportunum, ac in generali Capitulo ipsius Ordinis publicandi, & publicari faciendi, plenam atque liberam concedimus tenore praesentium potestatem.

De Caonribu-  
tionibus sol-  
vedis.

§. 20. Volumus autem, quod praedictas contributiones deinceps recipiant tres Abbates dicti Ordinis, ad hoc per ipsum generale Ca-  
pi-



Contributio-  
nes a quo sint  
recipiendæ,  
& conservan-  
dæ.

tulum, seu per Definitorum ejusdem annis singulis deputandi, qui juxta ordinationem dicti Capituli, seu Definitorum ejus pro necessitatibus & usibus communibus, aliasque consuetis jam dicti Ordinis dispensent easdem; & si quid de ipsis contributionibus superfuerit, in aliquo Monasterio securo ad hoc per dictum Capitulum, vel per ipsius Definitorum eligendo, ponatur, & sub provisione custodiae per ipsos tres Abbates super hoc adhibenda, sub tribus seraturis, & diversificatis clavibus, de quibus quilibet ipsorum trium Abbatum suam clavem teneat, fideliter conservetur. Tenebuntur namque prefati tres Abbates in subsequenti Capitulo generali de receptis & expensis per eos, Definitoribus ipsius Capituli reddere rationem; & illud quod restabit, ipsi Capitulo seu Definitoribus ipsius Capituli custodiendum restituere, modo praemisso, per alios tres Abbates per ipsum Capitulum seu Definitorum ejus, ut praetenditur, deputandos.

§. 21. Distique tres Abbates, quando ad praedicta deputabuntur, juramentum praestabunt, quod in recipiendo, custodiendo, & expendendo contributiones praedictas, ac in reddendo rationem de ipsis fideliter se habebunt.

§. 22. Poterunt autem dicti tres Abbates receptores, modo praedicto a generali Capitulo seu Definitoribus ipsius Capituli deputati, de ipsorum Abbatis Cisterciensis, & quatuor Coabbatum totidem principalium Filiarum consilio, certis personis fidelibus & discretis, annis singulis vices suas committere, ad recipiendum contributiones, in generali Capitulo non solutas. Qui siquidem Discreti praestabunt solemniter juramentum, quod praefatas contributiones recipient, levabunt, exigent, & servabunt fideliter, & ad sequens generale Capitulum dictis Commissariis generalis Capituli seu Definitoribus ejus, integraliter deportabunt; distique tres Abbates rationem reddent coram eisdem Abbate Cisterciensi, & quatuor Coabbatibus totidem principalium Filiarum, si omnes praesentes fuerint, necnon coram illis Definitoribus, quos prefati Cisterciensis & quatuor Coabbates in Divione decreverint detinendos.

Litteræ So-  
lutionis contri-  
butionis quo  
pacto sigillan-  
dæ, & custo-  
diendæ.

§. 23. Volumus quoque, quod fiat speciale sigillum, quo litteræ solutionis contributionum dicti Ordinis de cetero sigillentur, quod quidem sigillum sub tribus seraturis, & diversificatis clavibus penes dictos tres Abbates, vel in aliquo Monasterio, de quo eis magis expedire videbitur, apud aliquem vel aliquos, quem vel quos eligendum vel eligendos decreverint, jam dictum sigillum modo praefato servetur; praedictæ tamen personæ, quibus de dd. Abbatis Cisterciensis & quatuor Coabbatum totidem principalium Filiarum consilio, ipsi tres Abbates, ut praedicitur, committent vices suas, dum non solutas contributiones receperint, poterunt de solutionibus particularibus, quæ sunt extra Capitulum generale, recognitiones facere sub sigillis propriis eorundem; sed illa, quæ sunt postmodum eis, sigillabuntur praedicto speciali sigillo.

Capitulum  
Gen. nihil de

§. 24. Praemissa vero circa ordinationem contributionum sic exacte ac diligenter obser-

ventur in Ordine antedicto, quod etiam per generale Capitulum, vel alium seu alios quolibet quovis colore quæsito contra ea nihil fieri praesumatur; & si quis secus attentare praesumpserit, incurrat excommunicationis sententiam ipso facto.

§. 25. Nempe cautius providere volentes, quod pro divino cultui & aliis obsequiis praestandis in Ordine praelibato, personæ recipiantur idoneæ ipsis officiis congruentes, statuimus, & ordinamus, quod de cetero in eodem Ordine non recipiantur in Monachos vel conversos nisi personæ idoneæ ad ea, quæ Conveniunt Monachis vel Conversis praedicti Ordinis, & nisi per Abbates Monasteriorum, vel principaliter Praesidentium regiminibus, & aliorum locorum Conventualium ipsius Ordinis, & infra Monasteria seu loca hujusmodi, cum consilio seniorum de Conventu, seu majoris & sanioris partis eorum Monasterii, vel alterius loci Conventualis, in quo Monachorum vel Conversorum fit receptio praedictorum. Si secus actum fuerit, carere viribus decernentes.

§. 26. Profecto, quia honestas, temperantia, & modestia debent in cunctis personis ecclesiasticis, & maxime Regularibus divinis laudibus sedulius dedicatis, locum praecipuum obtinere, statuimus & etiam ordinamus, ut omnes Abbates, & Praesidentes regiminibus aliorum locorum Conventualium, & Monachi ejusdem Ordinis pannis bruni vel albi coloris dumtaxat utantur, & quod domicellum seu domicellos de vestibus, vel robis partitis aut virgatis, sive alias sumptuosius indutum vel indutos ducere non praesumant.

§. 27. Quodque a curiositate aut superfluitate vasorum argenteorum, lectisterniorum, & quorumlibet ornamentorum curent penitus abstinere. Contrarium verò facientes per Abbates eorum, & per Visitatores, vel per Capitulum generale ipsius Ordinis, taliter puniantur, quod metus poenæ aliorum, sic excedere volentium, meta existat.

§. 28. Et quod Abbates Monasteriorum, & Praesidentes regiminibus aliorum Conventualium locorum dicti Ordinis, exceptis Abbate Cisterciense, & quatuor Coabbatibus totidem principalium Filiarum supradictis, qui sunt & pro tempore fuerint, ultra unum saecularem clericum sive laicum equitantem ducere non praesumant.

§. 29. Quia verò personas Regulari observantiae deditas decet potissimum ab esu prohibitorum cibariorum, tam virtutis amore, quam poenæ formidine abstinere, ne ab eis in castimoniam lubricum descendatur, auctoritate praesentium firmiter inhibemus, ne deinceps Abbates & Monachi dicti Ordinis extra Monasteria seu loca Conventualia ejusdem Ordinis, & etiam ipsi Monachi infra Monasteria, seu loca hujusmodi, aut in cameris, & extra infirmitorium commune, carnes vel pulmenta cum carnibus condita vel decocta, praesumant comedere, contra observantiam dicti Ordinis diutius observatam. Nos enim licentias, quas aliqui Abbates & Monachi jam dicti Ordinis dicunt a Sede Apostolica super

hac ordinatio-  
ne potest im-  
mutare.

De recipiendi  
in Ordine.

De habitum  
Abbatum, &  
Monachorum.

Superfluitas  
in omnibus  
vitanda.

Abbates unum  
tantum equi-  
tantem ducere  
possunt.

Esus carni-  
um prohibetur,  
& omnes in con-  
trarium li-  
centie irritan-  
tur.



esu carniū se habere, cum tales licentia redundent in scandalum aliorum, penitus revocamus. Monachus autem vel Conversus, qui hujusmodi nostræ inhibitionis transgressor extiterit, tribus diebus pro qualibet carniū vel dictorum pulmentorum comestione jejunare in pane teneatur & aqua, & quod nihilominus quolibet ipsorum dierum in Capitulo regularem accipiat disciplinam. Sed Abbas inhibitionis præfatæ transgressor, non ad disciplinam ipsam, sed ad hujusmodi jejunia teneatur, & si scienter hæc omiserit negligenter facere observari, etiam ex negligentia hujusmodi teneatur ad jejunia prælibata, quæ quidem poenæ nulli remitti valeant, nec super eis vel ipsarum parte aliqua cum aliquo dispensari. Quod si aliqui super esu carniū vel pulmentorum prædictorum sæpe inventi fuerint delinquentes, seu esum ipsum contra ordinationem hujusmodi frequentantes, & per Abbates proprios, quod à talibus abstineant, canonice moniti non destiterint, sint post monitionem hujusmodi per biennium eo ipso inhabiles ad quæcumque officia & administrationes in eodem Ordine obtinenda; obtinentes vero illa, removeantur, si Abbatibus eorum visum fuerit, ab obtentis. Inhibemus quoque quod nullus Monachus vel Conversus dicti Ordinis cujuscumque conditionis existat, etiam si officium habeat, nisi ægritudine gravi, vel debilitate detentus fuerit, carnes de cetero in cameris Infirmitorii comedere præsumat; sed omnia comedant in Refectorio communi Infirmitorio deputato.

Locus coquendi carnes in casibus permittis.

§. 30. Neque carnes parentur nec decoquantur alibi quam in Infirmitorio communi, seu in coquina eidem Infirmitorio deputata, vel in posterum deputanda, nisi Abbas ex aliqua causa rationabili alibi decoqui vel parari mandaret easdem, vel in ejus absentia, ille cui dictus Abbas commiserit vices suas. Ubi cumque autem carnes pro aliis, quam pro infirmis vel debilibus paratæ fuerint, per Infirmarium inter comedentes in Infirmitorio dividantur.

Abbatibus quando dispensare possunt super esu carniū.

§. 31. Abbatibus vero benemeritis, qui cesserunt, vel cedent in posterum spontanea voluntate, locus & esus carniū per Abbatem proprium secundum suæ discretionis arbitrium concedantur. Et quilibet Abbas dicti Ordinis ex indulgentia possit interdum aliquos Fratrum, nunc hos, & nunc illos, prout necessitas postulaverit, advocare, ipsosque secum in camera sua melius & plenius exhibere. Abbates autem, & aliæ notabiles personæ ipsius Ordinis ad Monasteria declinantes, de Abbatis, vel eo absente, de Præsidentis regimini ejusdem Monasterii licentia, in camera ipsius Abbatis, vel in communi Infirmitorio carniū uti possint.

Consuetudines contrariæ irritantur.

§. 32. Et quoniam aliqui Monachi dicti Ordinis in nonnullis Monasteriis & studiis sibi temere vendicare præsumunt, quod certis diebus qualibet septimana juxta observantias, seu consuetudines, vel statuta, quæ super hoc allegant, minus tamen rationabilia, eis carnes debeant ministrari, Nos hujusmodi abusum, observantias, consuetudines, seu statuta.

*Bull. Rom. Tom. III. Pars II.*

ta hujusmodi, utpote vergentia in eorum Religionis opprobrium, & exemplum & perniciem aliorum, penitus reprobantes, auctoritate ordinamus eadem, quod nullus Abbas, Provisor, Prior, Cellerarius, vel alius deinceps, hæc aliquatenus observare præsumat, nec etiam observari permittat, aut ministrare vel ministrari facere occasione observantiarum, consuetudinum, seu statutorum prædictorum carnes alicui prædicti Ordinis, præterquam in aliis casibus licitis & permittis.

§. 33. Cumque tam secundum canonica, quam regularia instituta, in unum locum dormire debeant Monachi universi, & prætextu camerarum sejunctarum, quæ in aliquibus Monasteriis extra Infirmitoria propter cellas, quæ in dormitoriis sunt constructæ, multæ sunt inhonestates, & dissolutiones inductæ; Nos super his expressius & salubrius providere volentes, statuimus, & ordinamus, quod nullus de cetero Monachorum in cameris jacere audeat, nisi solummodo propter invaliditatem corporalem (& tunc in cameris infirmitorii dumtaxat) sed omnes in dormitorio jaceant, nisi forte ab hoc aliquis propter officium excusetur; & tunc possit alibi, si aliter commode in dormitorio jacere non valeat.

Dormiant Monachi in communi Dormitorio.

§. 34. Ad hoc etiam statuendo & ordinando adiicimus, quod deinceps cellæ in dormitorio nullatenus construantur, & si quæ jam constructæ fuerint, omnino per Abbates vel principales Prælatos proprios infra tres menses a tempore, quo hoc statutum & ordinatio ad eos pervenerit, & eis negligentibus seu non valentibus, per Visitatores in prima visitatione quam impendent, auctoritate Apostolica destruantur; & quod super his resistentes eisdem, vel impedimentum aliquod præstantes, seu præstari procurantes, & ad hoc dantes auxilium, consilium, vel favorem publice vel occulte, incurrant excommunicationis sententiam ipso facto. A qua quidem sententia nequeant nisi per Visitatores absolvi præfatos, quos etiam ipsi Visitatores per alia juris & statutorum ejusdem Ordinis remedia, valeant coercere. Priores tamen claustrales & Superiores possint juxta Abbatis vel Prælati principalis arbitrium, cellam habere infra dormitorium competentem. Dicti autem Visitatores, quod super his invenerint, vel fecerint, referant plene ac fideliter in ipsius Ordinis subsequenti Capitulo generali.

Cellæ in Dormitorio non construantur, & constructæ destruantur.

§. 35. Quia vero in nonnullis Monasteriis & aliis locis Conventualibus dicti Ordinis servari dicitur abusive, quod quilibet Monachus certam bladi, panis, vini, vel pecuniæ recipiat portionem, Nos prorsus abusum hujusmodi detestantes & etiam abolentes, ac volentes in hac parte utiliter providere, auctoritate prædicta firmiter prohibemus, quod deinceps in nullo ipsius Ordinis Monasterio fiant hujusmodi portiones. Sed ministrentur unicuique, prout communitas ejusdem Ordinis observavit hactenus atque servat.

Portio certa per Monachos non recipienda.

§. 36. Adiicientes ac prohibentes etiam, quod nulli Monaco certi redditus aut proventus, seu pars reddituum vel proventuum,

Concessio certi redditus similiter interdicitur.

D d aut



aut aliqua pensio pro victu vel vestitu, seu ex quacumque alia causa, de cetero concedantur, vel alicui assignentur, aut alicui vel aliquibus Monacis ab extraneis concessi vel donati permittantur eisdem: Sed in utilitatem Monasteriorum ipsorum per Abbates proprios convertantur.

Divisio quoque bonorum, & reddituum inter Abbates & Conventus veratur sub poenis hic expressis.

§. 37. Quodque inter Abbates, & Conventus, aut Officiales alicuius Monasterii dicti Ordinis, nequaquam fiat sectio bonorum, fructuum, reddituum vel proventuum eorum, sed communibus ipsorum usibus deputentur. Nos enim concessionem vel assignationem eisdem Monacis de dictis redditibus vel proventibus, seu eorum parte aut pensione aliqua factas, ac sectiones bonorum seu discretionem fructuum, reddituum, vel proventuum huiusmodi, si quæ factæ sunt, totaliter revocamus. Abbates vero, qui deinceps portiones prædictas, aut sectiones, seu divisiones huiusmodi bonorum, & aliorum præfatorum Monasteriorum suorum fecerint, vel fieri concesserint, aut hæcenus factas servare permiserint, deponantur. Monaci autem, qui prædictis resisterint, vel impedimentum per se vel alium præstiterint, seu præstari procuraverint, tanto tempore carceri mancipentur, quanto Abbati, seu alio principali Prælati eorum visum fuerit expedire; ac si etiam Abbati vel ipsi principali Prælati in hoc contradixerint, perpetuo carceri mancipentur. Abbatibus vero benemeritis, qui voluntarie cesserunt vel cedent in posterum, sufficiens & congrua provisio prout Abbati, & Abbati successori cedentis Abbatis de consilio seniorum de Conventu illius Monasterii, cuius regimini cessit vel cedit, visum fuerit, assignetur, & etiam præbeatur.

Equitaturæ quibus sine concedendæ.

§. 38. Et ut omnis evagationis ac inutilium expensarum occasio subtrahatur, auctoritate inhibemus eadem, ne quisquam Monachus vel Conversus dicti Ordinis cujuscumque status vel conditionis existat, equitaturam tenere præsumat, Cellarariis, Procuratoribus, & Grangiarum Gubernatoribus dumtaxat exceptis, quibus Abbas possit hoc de una tantum concedere, si viderit expedire. Cellarariis tamen Cisterciensium, & aliorum quatuor Monasteriorum totidem principalium filiarum prædictarum duæ possint equitaturæ concedi, si eorum Abbatibus videatur.

Contra peculium, & proprietatem,

§. 39. Quamvis autem contra Monachos proprietarios, exceptis administratoribus, sit plene provisum per canonicas sanctiones, cum abdicatio proprietatis sit annexa regulæ Monacali; nos tamen specialius providere volentes, contra illos Monachos, & Conversos dicti Ordinis, qui suæ salutis obliti, contra regularem institutionem, pecunia congregata, jura, possessiones, redditus, pensiones, animalia, & alia bona emerunt, seu emiserunt, & faciunt, aliquando proprio, & sæpe nomine alieno, multis super his figmentis adhibitis, aliisque ipsa tradunt animalia nutrienda, & cum augmento vel lucro, sibi vel alteri reddenda eorum nomine, seu pro ipsis & alios multos contractus tamquam negotiatores exercent; necnon appetentes lucra

turpia, & sectantes peculium occultant, & illicite detinent, in suarum periculum animarum, auctoritate præfata decernimus, omnia præmissa, quæ tamen alias restitutioni non subiaceant aliorum, fore per Abbates proprios Monasteriis propriis applicanda, & in utilitatem ipsorum Monasteriorum totaliter convertenda. Quodque ipsi Abbates alicui Monacho vel Converso, talia faciendi licentiam nequeant impertiri, & quod dicti Monaci & Conversi prædicta committentes, vel huiusmodi applicationi seu conversioni aliquammodo resistentes, vel impedimentum publice, vel occulte præstantes, seu præstari procurantes, & peculium prædictum non revelantes & reddentes Abbatibus prælibatis, sint eo ipso inhabiles ad quocumque officium, administrationem, regimen & gubernationem quamlibet in eodem Ordine obtinenda: permittimus tamen quod cum ipsis Monacis & Conversis possit Abbas eorum, super poenis huiusmodi dispensare, dum prædicta revelaverint, & plene restituerint, quando eis videbitur expedire. Monacis autem, & Conversis etiam administrationes habentibus, pecunias, vel alia bona quibuscumque mutuantibus, vel debita singentibus, quæ non debent, talis poena per Abbates proprios imponatur, quæ sit illis ad salutaris correctionis profectum, & ceteris attentare similia volentibus in exemplum.

§. 40. Et quia per Ministros providos, administrationes bonorum consueverunt fructuose ac laudabiliter exerceri, volumus, ut Abbates Monasteriorum ejusdem Ordinis, sic bona Monasterium suorum dispensare ac providere talia teneantur, quod Monacis & Conversis tam sanis quam infirmis sufficienter provideatur in victu ac vestitu secundum cuiusque Monasterii facultates, & qualitates cuiuslibet regionis.

§. 41. Quodque in Monasteriis prædictis non plures Monaci vel Conversi ponantur, quam ex facultatibus dictorum Monasteriorum possit congrue provideri.

§. 42. Præbere quippe materiam intendentes, quod in eodem Ordine per sacræ Theologiæ studium professores ipsius erudiantur, & illustrentur in illa, ut in Ecclesia Dei sibi ipsis, & aliis, fructus salutis, favoris, honoris, & honestatis, cælesti agricola irrigante ac multiplicante producant, matura deliberatione præhabita, subscripta de præfato & alias literali studio, scholaribus provectis, ac Doctoribus, & alia quæ circa ea, rationabilia & opportuna fore perspeximus, auctoritate sæpedicta, statuimus, ordinavimus, & disposuimus, pro moderno & postero tempore valitura, perpetuo & inviolabiliter observanda, videlicet quod generalia studia dicti Ordinis in sacra pagina Parisiis, Exoniæ, Tolosæ, & apud Montem Pessulanum Magalonen. Dioc. deinceps existant. Studium autem quod Stellæ Pampilonen. dioc. fore consuevit, Salamanticam transferimus propter propinquitatem Studij Tolosani: Ordinantes quod Bononiæ fiat Studium quando commode fieri poterit, & domus pro studentibus, vel ematur.

Fiat.

De Victu, & Vestitu cuiuslibet subministrando.

Numerus Monachorum sit iuxta facultatem Monasterii.

De Locis Studiorum.



Fiatque Salamantica illud idem. Metis quoque sit particulare Studium in scientiis primitivis, ubi etiam domus pro Alamannis per generationem supradicti Monasterii Morimundi ematur, quantum generatio ipsa in Alemania se extendit. Quodque domibus eorum, qui studebunt Bononiæ, ac Salamanticæ, illi Abbates seu Rectores eorum præsent, de quibus ordinabitur per ipsius Ordinis Capitulum generale.

Qui & ad quæ  
Studia hinc  
mittendi.

§. 43. De his namque Provinciis, scilicet de Viennen. Tarentasien. Ebredunen. Arelaten. Aquen. Narbon. Bituricen. Auxinaten. Tarraconen. Casaraugusten. Burdegalen. & Tolosan. ad præfata Tholosan. & montis Pefullani studia transmittantur. Qui vero ad Stellam mitti consueverunt, Salamanticam destinantur, exceptis illis de Regno Navarra, qui mittantur ad ipsum studium Tolosan. Sed Alamanni dirigantur ad studium Meten. pro dictis scientiis primitivis, ad quod quidem Meten. studium nullus de generatione Clarevallis mittatur invitus. Bononiam autem Italici, & Exoniam, Anglici, Scoti, Vallenfes, & Hybernici destinantur. Sed ad Studium Parisiense quod est ceteris præcipuum, & fons omnium studiorum, indistincte mittantur ex omnium natione vel generatione secundum modum inferius annotatum, videlicet quod Abbates Monachos illos, quos habebunt ad dicta studia mittere, ad ea de consilio Patris Abbatis vel Visitatoris & Conventus proprii aut sanioris partis ejusdem Conventus transmittere teneantur. Sic tamen, quod mittantur magis dociles & idonei, necnon ad proficiendum dispositi, & quod tali tempore transmittantur, quod prima die mensis Octobris, vel circa, in Studio Parisiensi existant, in aliis vero Studiis in B. Luca, vel omnium Sanctorum Festis infallibiliter sint præsent.

Quot e quo-  
libet Mona-  
sterio ad stu-  
dium mitti  
debeant.

§. 44. Numerus autem mittendorum videtur sufficere, prout sequitur: consideratis oneribus jam dicti Ordinis, & temporum, qualitate, scilicet de quolibet Monasterio cujusque Provinciæ se generationis, in quo sunt, vel erunt, aut esse poterunt, quadraginta Monaci vel supra, Parisios debent mitti duo. De quolibet vero Monasterio, in quo sunt, vel esse poterunt triginta Monaci & supra, usque ad quadraginta Monachos exclusive, ad idem studium Parisiense debeat mitti unus. Et de quolibet Monasterio, in quo erunt, vel esse poterunt decem & octo Monaci, & supra usque ad triginta Monachos exclusive, ad alia generalia studia, vel Parisios, si mittentes maluerint, debeat similiter unus Monachus destinari. Ad Metense autem Studium, cum fuerit institutum, de quolibet Monasterio generationis dicti Monasterii Morimundi, quantum ipsa generatio se in Alemaniam, & ultra Renum extendit, in quo erunt vel esse poterunt a decem & octo Monaci inclusive usque ad triginta Monachos exclusive, unus mittatur ad minus pro scientiis primitivis. Pro quibus, dummodo ipsi mittentes ad aliud mittant, destinare ad alia non cogantur.

Studentium  
provisiones  
taxat.

§. 45. Provisionem equidem studentium  
*Bull. Rom. Tom. III. Pars II.*

taliter limitamus, & sufficientem esse conspiciamus, videlicet quod Magister Regens Parisiensis de communi contributione dicti Ordinis, vel de redditibus communibus octuaginta libras Turonensium parvorum, & a Monasterio proprio vigintiquinque libras ejusdem monetæ, pro bursa & aliis necessitatibus suis: Baccalarius vero Regens Parisiis, de dicta communi vigintiquinque, & a proprio Monasterio alias vigintiquinque, pro bursa & aliis necessitatibus ejus: Ac Lector Bibliæ in eodem Studio de præfato communi decem, & a proprio Monasterio viginti libras ipsius monetæ percipiant annuatim: Quolibet vero scholarius studens in ipso Studio, viginti libras dictæ monetæ a proprio Monasterio pro bursa & aliis necessitatibus suis percipiant similiter annuatim. Sed in aliis Studiis Abbates ipsorum studiorum Rectores, Magistro in Theologica facultate in illis Regenti, de quadraginta libris prædictæ monetæ pro bursa & aliis necessitatibus suis providere annis singulis teneantur. Quando autem Baccalarius in eisdem Studiis reget, ubi commodè non reperiretur Magister, teneantur dicti Abbates dicto Baccalario de triginta libris prædictæ monetæ pro bursa & omnibus necessitatibus suis annis singulis providere.

§. 46. Ordinamus quoque ut in quolibet generali prædictorum Studiorum unus, qui Bibliam biblice seu textualiter continue legat, existat, cui ultra quindecim libras jam dictæ monetæ, quas percipiat a proprio Monasterio pro bursa, centum solidi ejusdem monetæ pro omnibus aliis necessitatibus suis annuatim a Cellarario de buris scholarius tribuantur. Quilibet autem scholarius in dictis aliis Studiis generalibus præter Studium Parisiense, ac in dicto Studio Metensi quindecim libras prædictæ monetæ a proprio Monasterio pro bursa & omnibus aliis necessitatibus suis percipiat annuatim. Siquidem omnes provisiones hujusmodi tam Abbates dictorum Studiorum Rectores, quam Abbates proprii, prout quemlibet eorum continget seu tangere poterit, mittere teneantur ad dicta studia eorum sumptibus, & illas ibidem solvere, terminis superius designatis, quibus ipsi mittendi esse debent in Studiis memoratis.

Leſio Bibliæ  
fit in quocū-  
que studio ge-  
nerali.

§. 47. Cellarii vero & alii, expensas dictorum Studiorum facientes, teneantur jumentum præstare, quod omnia, quæ recipient de provisionibus ipsorum Studiorum & studentium, fideliter dispensabunt, & tenebunt etiam reddere rationem de receptis & expensis in fine cujuslibet mensis, præsentibus Magistro seu Lectore dictorum Studiorum Baccalario, & provifore, ac septem aliis discretioribus scholaribus, quo dicti Provifor Magister & Baccalarius ad id deliberaverint advocandos.

Studiorum  
expensas fa-  
cientes ju-  
rent ut hic.

§. 48. Et ut ipsi Abbates, qui ad mittendum adstringuntur, prout superius est expressum, diligentiam adhibeant, & abjiciant desidiam in præmissis, volumus & ordinamus, quod Abbas, qui dictis terminis Monachos seu Monachum, quemadmodum prædictum existit, non miserit cum provisionibus supradictis

Abbates cas-  
santes mitte-  
re studentes  
cum dictis  
provisionibus,  
pœnam sub-  
stinent.



etis, teneatur elapso mense duplum provisionum hujusmodi suis expensis mittere ad Studium antedictum. Cujus quidem dupli medietas studentis, pro quo mitti debebant, pro libris applicetur emendis, & alia in usus communes aliorum studentium per Cellarium convertatur. Et si dictus Abbas duplum præfatum, ut præfertur, infra sex menses dictos terminos immediate sequentes non miserit, ei sit eo ipso elapsis ipsis sex mensibus ingressus Ecclesie interdictus, dictasque poenas incurrant Abbates eorumdem Studiorum Rectores, qui dictis terminis non miserint, & non solverint provisiones præfatas, prout superius est descriptum. Quod si prædicti poenas hujusmodi per tres menses dictos, sex immediate sequentes pertinaciter tolerarent, eo ipso a divinis officiis sint suspensi.

Provisores  
animarum  
Studentium  
deputantur.

§. 49. Et ut eisdem studentibus animarum cura non desit, volumus & ordinamus, quod in eisdem Studiis generalibus Abbates ipsorum Studiorum Rectores deputent idoneos Provisores, qui curam habeant animarum studentium in eisdem, quique illos corrigant & absolvant, sicut proprii Abbates subditos proprie corrigere & absolvere possunt in Monasteriis eorumdem: propter hoc tamen dicti Studentes a potestate proprii Abbatis exempti aliquatenus non existant.

Quod si quis  
de Ord. Cisterciensis  
in studio Parisiensi  
assignatus, sit dispositus  
ad Magisterium Theologie  
vel Baccalarium non  
removeatur, &c.

§. 50. Ubi autem erit aliquis de Ordine ipso in Parisiensi studio assignatus, qui sit vite laudabilis, aliasque idoneus & discretus, & ad Baccalarium, vel Magisterium Theologie dispositus & propitius, Abbas Cisterciensis, qui est pro tempore, cum consilio Magistrorum, Baccaliorum & Provisoris domus studentium Parisiis, mandet Abbati proprio, quod talem non revocet, sed eum permittat in hujusmodi scientia perfici, & ad statum Baccalariatus, ac honorem Magisterii provehi, lecturamque continuare, prout ipsis Ordinis generale Capitulum ordinabit: possit tamen ipsum generale Capitulum, deficientibus Magistris seu Baccaliis in Theologia, talem etiam ante Baccalarium vel Magisterium in quolibet prædictorum generalium Studiorum principalem deputare Rectorem, ut eidem generali Capitulo visum fuerit expedire.

Studentes Ordinis  
iura canonica non  
audiant.

§. 51. In favorem utique studii ejusdem Theologie, ut ab alumnis ejusdem Ordinis studentibus illi ferventius attendatur, statuimus ordinamus & prohibemus expresse, quod in nullo dictorum Studiorum legantur vel audiantur iura Canonica, nec etiam extra illa, per aliquem studentium eorumdem; quod si quis contrarium attentare præsumpserit, sit eo ipso ad claustrum suum, ab hujusmodi studio revocatus. Nec Cellarius dictorum Studiorum ex tunc in aliquo illi provideat, sed incontinenti ad proprium Monasterium remittatur, & de transgressione ac inobedientia hujusmodi secundum arbitrium Abbatis proprii puniendus.

Officiales  
idonei pro  
obsequio  
Studentium  
deputentur.

§. 52. Et ut in dictis Studiis pro studentibus in eis necessaria non desint obsequia, volumus & ordinamus, ut præfati Abbates ipsorum Studiorum Rectores, in eis providenat de Cel-

larariis, & aliis Officialibus idoneis, prout necessitas, vel utilitas cujuslibet Studiorum requireret ipsorum. Quodque ipsi Cellarii & Officiales juramentum præstarent de fideliter dispensando, ac de receptis & expensis cautionem reddendo, quemadmodum superius est expressum.

§. 53. Et quia decet & expedit, ut inter studia cetera Studium Parisiense refloreat, & jure sine intermissione dispendio habeatur, statuimus & ordinamus, quod in eodem Studio Parisiensi deputentur Magistri, Baccalarii, Lectores Bibliæ, ac Provisores, Cellarii, & alii Officiales prædicti Ordinis, per Capitulum generale. Quod si ipsi, vel aliqui eorum deficiant, seu ex aliqua causa Magistri, Baccalarii, & Lectores lecturam assumere vel continuare, aut Cellarii, & Officiales præfati sua officia exercere nequirent, subrogentur alii loco eorum per Visitatorem illius anni, usque ad sequens dumtaxat Capitulum generale. In aliis etiam Studiis generalibus Magistri seu Lectores principales per dictum generale Capitulum deputentur. Alii vero minores Rectores & Officiales, per Abbates eorumdem Studiorum Rectores debeant deputari. In ampliorem namque favorem & continuationem durabilem studii hujusmodi Theologie jam dictæ statuimus & ordinamus, quod quamdiu pro dictis Studiis generalibus, præter Bononiense, Salamantinum, & Metense studia, Magistri in Theologia idonei de præfato Ordine in eodem Studio Parisiensi, vel si non ibi, alibi poterunt reperiri, teneatur idem Capitulum generale, Magistrum in Theologia principalem deputare Lectorem, alioquin magis idoneum Baccalarium, quem ad hoc poterunt Parisiis, vel si non ibi, alibi reperiri, quos dictum Capitulum generale ad suscipiendum & continuandum lecturam hujusmodi, si necesse fuerit, per censuram Ecclesiasticam, & alia opportuna remedia, sublato appellationis obice, etiam auctoritate Apostolica coarctandi, dicto Capitulo ac Definitoribus ipsius, nec non Abbatibus dictorum Studiorum Rectoribus, communiter vel divisim plenam atque liberam tenore præsentium concedimus potestatem. Præfato insuper Capitulo generali similem potestatem concedimus compellendi, appellatione remota, per censuram & remedia hujusmodi, Abbates ipsorum Studiorum Rectores ad recipiendum Magistros in Theologia, & Baccalarios ad prædictam lecturam, & ad providendum eisdem de communi contributione ipsius Ordinis, & pro bursa & aliis necessitatibus, annis singulis, prout de provisionibus hujusmodi est superius limitatum. Ipsi vero Magistri non pompose manere, seu laute vivere præsumant in Studiis antedictis, sed humiliter & devote legant, cibis competentibus vescantur, & uno solo servitore clerico sint contenti. In Studio autem Metensi provideat de Lectoribus, & aliis Officialibus domus studentium Abbas prædicti Monasterii Morimundi, qui est & qui pro tempore fuerit, de consilio sui Conventus, vel maioris & sanioris partis ejusdem, prout sibi videbitur expedire.

Qui Rectores & Officiales in Parisiensi & aliis studiis eligantur & a quibus.



Doctorandi  
quid jurare  
quidve ob-  
servare de-  
beant.

## Benedictus Duodecimus.

§. 54. Et cum sit dedecens & deformis, ut quis, præsertim religiosus, cum vanitate & imperitia cathedram ascendat præminentie magistralis, statuiamus & ordinamus, quod de cætero nullus de Ordine prædicto assumatur ad recipiendum Magisterii seu Doctoratus honorem, nisi prius per eum præstito juramento in præsentia Provisoris & studentium ipsius Ordinis tunc præsentium in Studio, in quo hujusmodi honorem recipere voluerit, seu majoris partis numero eorumdem, quod in assumptione ipsius honoris, vel ante seu post occasione illius, circa cibos, vestes, vel alia non expendat per se vel per alium undecumque habuerit, vel fuerit sibi datum; nec quantum in eo fuerit, ultra valorem mille Turonensium argenti expendi permittat ab aliis ejus consanguineis vel amicis. Baccalarii etiam jurare similiter teneantur in præsentia prædictorum, quod occasione Baccalariatus sui, vel ante seu post, nullum festum seu convivium faciant per se vel alium, seu fieri permittant, quantum in eis fuerit, a quibuscumque aliis eorum consanguineis vel amicis.

Qui cursus  
Bibiæ facere  
& qui senten-  
tias legere  
possint.

§. 55. Ad hæc denique statuimus & ordinamus, quod quicumque dicti Ordinis, qui tamen in eodem Studio Parisiensi vel in aliquo alio prædictorum generalium ipsius Ordinis Studiorum per sex annos in Theologia studuerint, & ad hoc idonei extiterint in dicto Studio Parisiensi possint cursus Bibliæ facere, & qui per octo annos studuerint, ut præfertur, sententias legere in Parisiensi studio memorato.

Derogatio  
contrariorum.

§. 56. Non obstantibus quibuscumque statutis & consuetudinibus ac observantiis Ordinis, Monasteriorum, locorum Conventualium, & Studiorum sæpe dictorum contrariis, juramentis, confirmationibus Apostolicis, aut quibuscumque firmitatibus aliis roboratis, & illo præsertim statuto, quo in eodem Studio Parisiensi cavere dicitur, quod nullus possit legere cursum Bibliæ, nisi ibidem studuerit septem annis, quodque non permittatur sententias legere, nisi etiam inibi studuerit decem annis, prout sic vel aliter in statutis ipsius studii Parisiensis dicitur contineri; Nec non quibuslibet privilegiis, indulgentiis, & literis Apostolicis, Ordini, Monasteriis, locis Conventualibus, & Studiis præfatis, sive Universitatibus Magistrorum & Scholarium eorumdem, in contrarium concessis, per quæ præsentibus non expressa, vel totaliter non inserta, effectus hujusmodi statutorum, & ordinationum nostrarum omniumque aliorum & singulorum contentorum in eisdem præsentibus valeat quomodolibet impediri, & de quibus quorumque totis tenoribus plenam & expressam oporteat in nostris literis fieri mentionem.

Justo hæc  
Constitutione  
in l. Capitu-  
lo generali &  
annis singulis  
in aliis legen-  
di, & etiam  
semel in anno  
in particulari  
Capit. cujus-  
libet loci.

§. 27. Ne autem supradicta, vel aliqua, seu aliquid eorumdem in oblivionis lubricum deducantur seu parvipendantur ab aliquo, quinimo ut de ipsis nunc & perpetuis futuris temporibus notitia certior habeatur, eadem auctoritate statuimus, ordinamus, & districte injungimus, ut in primo generali Capitulo

dicti Ordinis, & deinceps singulis annis, in eodem Capitulo generali, ac semel quolibet anno in quocumque Monasteriorum, & locorum Conventualium prædicti Ordinis, omnibus Monacis eorum in Capitulo ad hoc specialiter congregatis, præmissa omnia & singula de verbo ad verbum legentur, & etiam publicentur. Nulli ergo &c. Si quis autem &c.

Datum Apud Pontem Sorgiæ Avinionensis Diocesis, IV. Idus Julii, Pontificatus nostri anno I.

Dat. die 12.  
Julii 1335.  
An. I.

## V.

Definitio quorundam articulorum circa Beatorum visionem, animarumque beatitudinem, & damnationem.

Benedictus Episcopus, Servus Servorum Dei, ad perpetuam rei memoriam.

**B**enedictus Deus in donis suis, & sanctus in omnibus operibus suis, qui Sacrosanctam Romanam Catholicam & Apostolicam Ecclesiam, quam ut vinnem plantavit dextera sua, quamque ut præcipuam in Ecclesiarum omnium caput erexit ut victricem, \* dicente Domino ad Petrum: Tu es Petrus, & super hanc Petram ædificabo Ecclesiam meam, sua miseratione non deserit, sed per Beatos Apostolos suos, præcipue Petrum & Paulum singulares ejusdem Ecclesiæ defensores, pia benignitate & continua pietate custodit: quatenus eisdem rectoribus gubernata, in se stabilis manet, fundata supra firmam petram; omnesque Christianæ fidei cultores illi obediant, illi pareant, illi intendunt, sub illius magisterio degant, sub ejus disciplina & correctione consistant. Non in illa dogmatizetur improvidum, inseratur incautum, in fide temerarium ingeratur: Sicque declinent homines a malo, & faciant bonum, ambulent per vias rectas, & ad meliora per sancta desideria proficiant, ut sperent justorum propinquas æternæ vitæ retributiones, timeant malorum inferni calamitates non remotas. Nam scriptum est: Ecce venio cito, & merces mea mecum est, reddere unicuique juxta opera sua. Quod si secus a quoquam fuerit attentatum, id protinus sua auctoritate, poenis etiam adiectis, prout expedire viderit, prorsus evellat. Pro qua, ut in seipsa subsistens alios informaret, passionis suæ tempore Salvator noster JESUS CHRISTUS Patrem exorasse perhibetur dicens: Simon, ecce Satanas expetivit vos, ut cribraret sicut triticum: ego autem pro te rogavi, ut non deficiat fides tua: & tu aliquando conversus confirma fratres tuos.

\* Alias veritatem.

Romana Ecclesia, est eandem diffinire & corrigere.

§. 1. Sane dudum tempore fel. rec. Joanni XXII. prædecessoris nostri, inter nonnullos etiam Theologicæ facultatis Magistros super visione animarum. Justorum hominum post mortem suam, in quibus nihil erat purgabile, cum de hoc sæculo decesserunt, vel si fuerat, jam purgatum fuerat ex toto, an

Joannes ideo Pont. XXII. censuit definire dissensiones quorundam articulorum de quibus hic, sed morte præ-



ventus id per-  
ficere non po-  
tuit.

\* Alias diffi-  
debant.

Hic modo  
Pont. dictas  
dissentiones  
terminat cum  
infra scriptis  
definitionibus

Definitio cir-  
ca beatitudi-  
nem anima-  
rum fidelium  
defunctorum.

an divinam Essentiam videant ante corporum suorum resurrectionem, & iudicium generale: Et super nonnullis aliis orta materia quæstionis, ipsorum aliqui negativam, aliqui affirmativam, alii vero secundum suas imaginationes, de visione divinæ essentiae ab animabus huiusmodi, diversa & diversimode ostendere nitebantur, prout ex dictis & scriptis ipsorum noscitur apparere; super reiectis vero suis concertationibus, quas hic causa brevitatatis omittimus, quia ita ex nostris determinationibus inter se etiam \* decidebant. Cumque idem prædecessor noster, ad quem prædictorum determinatio pertinebat, ad decisionem concertationum huiusmodi se pararet in suo consistorio publico, tam fratribus suis S. R. E. Cardinalibus, de quorum numero tunc eramus quam Prælatibus & Magistris in Theologia, qui multi aderant præsentibus, iniungendo districtius & mandando, ut super materia de visione prædicta, quando requirerentur ab eo, deliberate unusquisque diceret, quod sentiret. Tamen morte præventus, sicut Domino placuit, perficere illud nequivit.

§. 2. Defuncto itaque prædecessore præfato, nos divina dignatione ad apicem summi Apostolatus assumpti, diligentius attendentes, quanta ex præmissis eorum concertationibus non solutis animarum imminent pericula, quanta exinde possunt scandala suboriri, ut ipsorum varietas pereat, & veritatis soliditas immutescat, habita prius super prædictis sollicita examinatione, & diligenti deliberatione cum fratribus nostris dictæ Romanæ Ecclesiæ Cardinalibus, de ipsorum Fratrum consilio, hac in perpetuum valitura constitutione, Auctoritate Apostolica definimus.

§. 3. Quod secundum communem Dei ordinationem animæ Sanctorum omnium, qui de hoc Mundo ante Domini nostri Jesu Christi passionem decesserunt, necnon Sanctorum Apostolorum, Martyrum, Confessorum, Virginum, & aliorum fidelium defunctorum, post sacrum ab eis Christi baptismum susceptum, in quibus nihil purgabile fuit, quando decesserunt, nec erit, quando decedent etiam in futurum; vel si tunc fuerit aut erit aliquid purgabile in eisdem, cum post mortem suam fuerint purgata; ac quod animæ puerorum eodem Christi baptismate renatorum, & baptizandorum cum fuerint baptizati, ante usum liberi arbitrii decedentium, post mortem suam, & purgationem præfatam in illis, qui purgatione huiusmodi indigebant, etiam ante resurrectionem suorum corporum, & iudicium generale, post Ascensionem Salvatoris Domini nostri Jesu Christi in coelum, fuerunt, sunt, & erunt in coelo, coelorum Regno, & Paradiso coelesti cum Christo, Sanctorum Angelorum consortio aggregata, ac post Domini Jesu Christi passionem & mortem viderunt & vident Divinam essentiam visione intuitiva, & etiam faciali, nulla mediante creatura, in ratione obiecti visi se habente; sed Divina essentia immediate se nude clare & aperte eis ostendente. Quodque sic videntes eadem divina Essentia perfruuntur. Necnon quod ex tali visione & fruitione eorum animæ, qui iam decesserunt,

sunt vere beatæ, & habent vitam & requiem æternam, & erunt illorum, qui postea decedent cum eadem divinam videbunt Essentiam, ipsaque perfruentur ante iudicium generale. Ac quod visio huiusmodi divinæ Essentiae, eiusque fruitio, actus fidei & spei in eis evacuant, prout Fides & Spes propriæ Theologicæ sunt virtutes. Quodque postquam inchoata fuerit vel erit talis intuitiva ac facialis visio & fruitio in eisdem, eadem visio & fruitio sine aliqua intercessione seu evacuatione prædictæ visionis & fruitionis continuata extitit, & continuabitur usque ad finale iudicium, & ex tunc usque in sempiternum.

§. 4. Definimus insuper, quod secundum Dei ordinationem communem animæ decedentium in actuali peccato mortali, mox post mortem suam ad inferna descendunt, ubi poenis infernalibus cruciantur, & quod nihilominus in die Iudicii omnes homines ante tribunal Christi cum suis corporibus comparebunt, reddituri de factis propriis rationem, ut referat unusquisque propria corporis, prout gessit, sive bonum, sive malum.

§. 5. Decernentes prædictas nostras definitiones, seu determinationes & ipsarum singulas, ab omnibus fidelibus esse tenendas. Quicumque autem deinceps prædictarum nostrarum definitionum seu determinationum, ac singularum ipsarum contrarium scienter & pertinaciter tenere, asserere, prædicare, docere, aut defendere verbo vel scripto præsumpserit, contra eum sicut contra hæreticum modo debito procedatur.

§. 6. Nulli ergo hominum liceat hanc paginam nostræ constitutionis, &c.

Dat. Avinione, 4. Kalend. Februarii, Pont. nostri Anno 2.

Definitio cir-  
ca damnatio-  
nem anima-  
rum deceden-  
tium in pec-  
cato mortali.

Prohibitio  
aliter tenendi

Sanctio per-  
nalis.

Dat. die 20.  
Ian. 1336.  
An. II.

## V I.

Ordinationes & reformationes pro bono regimine Monachorum Nigrorum Ordinis S. Benedicti.

Benedictus Episcopus, Servus Servorum Dei, ad perpetuam rei memoriam.

**S**ummi Magistri dignatio nos (quamquam immeritos) miseranter in Apostolici magisterii Cathedra collocavit, ut nolumus præsumere, sed prosumus pariter operibus & exemplis, super cunctum gregem Dominicum nostræ fidei fiducialiter creditum vigilemus, & labores expendamus assiduos, ut nobis & aliis salutis commoda procuremus. Proinde namque inter cæteros Ordines Religionisque sacras in triformis conflictu militantis Ecclesiæ strenue dimicantes, ad sacram Religionem Monachorum nigrorum nostræ dirigentes attente considerationis intuitum, optamus in Domino Jesu Christo, ut sicut ipsa Religio a mari usque ad mare per incrementa temporum suos palmites dilatavit, sic per universa Orbis climata virtutum radiis lumino-

Proemium.



sis jugiter illustretur. Et quamquam circa illius salubrem & felicem statum ejusque attentias, tam per regulares institutiones aliorum patrum qui de hoc sæculo feliciter transiverunt, quam etiam per juridicas sanctiones, provisum existere dignoscatur; Nos tamen ob zelum amplioris salutis, & majoris prosperitatis ejusdem intra nostra præcordia, & cum nonnullis ex fratribus nostris S. R. E. Cardinalibus, & dilectis filiis Petro Cluniacensi, Joanne Casedei, Gilberto Massiliensi, Raymundo Salmodiensi, Guillelmo Montisoluti, & Gregorio Ysiodorensi Monasteriorum Abbatibus ejusdem religionis, decretorum Doctoribus, diligenti tractatu præhabito, & super eo digesta deliberatione secuta, ut eadem religio in divini cultus obsequio floreat, honestatis candore fulgeat, disciplina regulari præmineat, sapientiæ ac scientiæ divinæ pariter & humanæ (sine quibus mortalium vita non regitur) fulgoribus rutillet, nec decreseat in profectu substantiæ temporalis, sed potius augeatur, vigeatque inter Coenobitas suos caritatis soliditas, & persistat sanctimoniarum fortitudo, in virtute Dominica confidentes, ut præmissa valeant, cooperante superna omnipotentia efficaciter provenire, Auctoritate Apostolica, statuta edimus, & ordinationes facimus quæ ordinatim subscripta serie describuntur, quæve ubique terrarum & locorum infra & per ipsam religionem eadem auctoritate volumus perpetuis futurisque temporibus firmiter observari. Per editionem nempe statutorum & ordinationum prædictorum, non intendimus aliis juribus institutis (quatenus eisdem statutis & ordinationibus expresse non obviant, aliquatenus derogare, sed illa potius approbare.

§. 1. Subjunctive igitur statuta & ordinationes hujusmodi explicantes; constitutionem Concilii generalis de communi Capitulo Abbatum, atque Priorum Abbates proprios non habentium, in singulis Regnis sive Provinciis faciendo, de triennio in triennium volumus exacte, ne committatur neglectui observari.

## CAPUT PRIMUM.

**S**tatuimus & etiam ordinamus, quod in Ordine seu Religione dictorum Monachorum nigrorum in singulis Provinciis per nos inferius deputatis, fiat in loco ad hoc deputando de triennio in triennium (salvo jure Dioecesanorum) commune seu provinciale Capitulum Abbatum, & Priorum Abbates proprios non habentium, aliorumque Priorum Ecclesiarum Cathedralium ipsius Ordinis seu Religionis, vel aliorum majorum in ipsis Ecclesiis post Antistites eorum existentium, quocumque nomine nuncupentur, ceterorumque Prælatorum Abbates proprios non habentium, ut præfertur, exemptorum Ordinis seu Religionis ejusdem. Ad quod quidem Capitulum (iusto impedimento cessante) prædicti Abbates, Priores, & Prælati alii conveniant universi. Et circa id ad reformationem Ordinis seu Religionis hujusmodi, & observantiam regularem adimplere studeant,

quæ in constitutione hujusmodi explicantur. Qui vero ad ipsum Capitulum personaliter venire nequiverint: ad allegandam iusti impedimenti causam commonacum suum ejusdem Ecclesiæ vel Monasterii (si commode fieri valeat) alioquin alium idoneum cum sufficienti mandato causam excusationis sufficientem & claram, & etiam potestatem in animas eorum iurandi veram esse causam hujusmodi exprimentem, ad dictum Capitulum transmittere teneantur: reservato Præsidentium hujusmodi provincialibus Capitulis arbitrio. Quorum potestas de uno provinciali ad aliud provinciale Capitulum habeat perdurare: ut pro eorum arbitrio decernere valeant, an causa excusationis vel causæ excusationum, cum diversæ allegatæ fuerint, sufficientes vel insufficientes existant: & quod cuiquam non sit licitum ab eorum decreto super hoc frivole appellare, vel quovis modo alio reclamare. Non venientes autem, legitimo impedimento cessante, vel excusatorem & procuratorem commonacum suum, vel alium idoneum cum sufficienti mandato ad illud, ut præmittitur, non mittentes: teneantur duplum eius quod expensuri fuissent ad prædictum Capitulum veniendo, & in eo morando ac redeundo ab ipso, iuxta eorumdem Præsidentium arbitrium, seu maioris partis eorum æstimando, in termino per ipsos Præsidentes statuendo exolvere, in utilitatem ipsius provincialis Capituli convertendum. Quodque possint ipsi Præsidentes illos ad duplum hujusmodi exolvendum per censuram Ecclesiasticam auctoritate Apostolica coercere. Eorumque super hoc faciendum processum, & ferendas sententias publicare seu publicari facere in locis Ordinis seu religionis ejusdem. Et quod circa ipsum duplum in totum vel in partem nulli valeat gratia fieri, vel remissio indulgeri. Et nihilominus contra non venientes præfatos, maxime si se malitiose subtrahant, vel ut correctionem evitent, sive ut nesciatur status Ecclesiæ vel Monasterii eorumdem, alias, prout dictis Præsidentibus, seu maiori parti eorum visum fuerit procedatur, ipsorum absentia non obstante. Circa Præsidentes namque ac Visitatores in eisdem Capitulis deputandos, & alia omnia in eis exequenda, illa servantur, quæ in dicta generalis Concilii, & fel. rec. Honorii Papæ III. Prædecessoris nostri Constitutionibus expresse continentur. Servatis tamen statutis, ordinationibus, & adjectionibus nostris superscriptis, & infrascriptis, quemadmodum, modificatur & perstringitur in eisdem. Et quia Prælatorum & Monachorum ipsius Ordinis seu Religionis regularis est institutio & observantia salutaris, decernimus, Priores Ecclesiarum Cathedralium Ordinis seu Religionis ejusdem, aut majores in ipsis Ecclesiis post earum Antistites existentes, ac post ipsos Antistites regularem curam Monachorum habentes, quocumque nomine censeantur, ad conveniendum in ipsis Capitulis provincialibus sub modis & pœnis superius designatis, necnon eosdem Priores seu Majores & Capitula cunctosque Monachos eorumdem Ecclesiarum

sive

Sanctio Concilii Generalis de Communi Abbatum Concilio servanda.  
Concil. Gen. cap. 7. de Statu Monac.

De Capitulis Provincialibus.



sive Monasteriorum, etiamsi in ipsis Ecclesiis vel Monasteriis, seu extra ea ubicunque Prioratus, officia, vel administrationes habuerint seu moram traxerint, tam exemptos quam non exemptos, etiamsi ipsi non exempti aliquibus exemptis Antistibus sint subiecti, fore sub dictorum Capitulorum provincialium districtiōibus, correctionibus, & ordinationibus inclusos & etiam comprehensos, & ad illas sub poenis quas dicti Præsidentes eis duxerint imponendas per ipsos Præsidentes, ac etiam quoscunque dictarum Ecclesiarum Monachos, præfatos beneficia Monachalia ad easdem Ecclesias pertinentia obtinentes, ad contributionem in expensis moderatis rationabilibus, quas dicti Priores seu maiores fecerint ad ipsa Capitula veniendo, & in eis stando, ac de illis redeundo per Priores seu Maiores prædictos, auctoritate Apostolica per censuram Ecclesiasticam & alia remedia opportuna, sublato appellationis obstaculo, compellendo. Quodque quivis Ordinarii locorum, exempti, & non exempti, nullum prædictis vel singulis impedimentum apponant vel apponi permittant: sed legitimis temporibus requisiti, ea omnia & singula faciant executioni mandari, & inviolabiliter observari. Præcavere siquidem intendentes, ne impedimentum accidens conventioni alicujus provincialis Capituli obesse valeat, intelligimus & volumus, quod si contigerit Ecclesias Cathedralis, Monachales, Prioribus vel aliis post ipsarum Antistites (existentibus in eis Maioribus ut præfertur) vel Monasteria seu loca alia Ordinis aut Religionis ejusdem suis vacare seu carere pastoribus, qui adstricti essent ad conveniendum in provinciali Capitulo antedicto, tempore, videlicet quo imminet ipsum provinciale Capitulum celebrandum: teneantur Capitula Ecclesiarum & Conventus Monasteriorum, aliorumque locorum Conventualium prædictorum, personam sufficientem de gremio Ecclesiarum, Monasteriorum, & locorum eorundem (si commode fieri possit) vel aliunde (dum tamen idoneum) transmittere ad dictum Capitulum, pro faciendis & adimplendis omnibus, quæ facere possent Abbates, Priores, necnon Priores seu Maiores in ipsis Ecclesiis Cathedralibus, seu aliis ejusdem locis Conventualibus Præsidentes præfati, si venissent ad idem Capitulum, & in eo personaliter interessent. Quod autem præmittitur de provinciali Capitulo de triennio in triennium celebrandi, ad cujuslibet hæsitatiōis scrupulum amputandum, ad sanum referri volumus intellectum: scilicet, ut cum uno anno provinciale Capitulum fuerit celebratum, alio proximo futuro anno ab illo valeat abstineri: & fiat omnino anno tertio subsequenti. Sane quia supervacuum foret edere sanctiones, si prætermitteretur earum executio, & non essent, qui tuerentur easdem: ordinamus & volumus, ut dictum commune seu provinciale Capitulum, apud unum de Monasteriis ejusdem Ordinis seu Religionis ad hoc aptum (si in eadem existat Provincia) debeat celebrari. Alioquin celebretur in loco alio congruo &

seculo, de quo, ac de die primi Capituli hujusmodi celebrandi, & aliis opportune faciendis circa idem, providebunt illi, qui super hoc per Sedem Apostolicam fuerint deputati prima vice. Et ut super eodem Capitulo, & per illud ex tunc in posterum & perpetuo rationabilis ordinatio habeatur: statuimus quod in dicto Capitulo primitus celebrando, & semper in antea successive, Præsidentes singulis Capitulis celebrandis, seu major pars eorum, provideant & ordinare procurent, per quem in sequenti Capitulo sermo fieri, missaque celebrari debeat, & eligant locum pro celebrando alia vice proxima præfato Capitulo, & qui Præsidentes esse debeant in eodem, & sic ex tunc fiat in provincialibus Capitulis successivis. Provideant etiam qui Abbates, quæ & quot ac quotiens Ecclesias Cathedralis, Monachales, Monasteria, & alia loca ejusdem Ordinis seu Religionis, debeant usque ad ipsum sequens provinciale Capitulum visitare. Ut igitur de Provinciis in quibus hujusmodi Capitula fuerint celebranda, distincta limitatio habeatur, nec de ipsis in posterum hæsitetur, quamlibet Provinciam prout sequitur deputamus; videlicet quod Provincia Remensis, & Senonensis, pro una. Rothomagensis & Turonensis, cum Monasterio S. Florentii veteris, & membris suis, quod in nullo Episcopatu esse dicitur, pro alia. Bituriensis, & Burdegalensis, cum toto Episcopatu Aniciensi, pro alia Narbonensis, Tholosanus, & Anxiatensis, pro alia. Cantuariensis, & Eboracensis, pro alia. Compostellana, & Hispalensis, pro alia. Toletana, pro alia. Bracharensis, pro alia. Tarraconensis, & Cæsaraugustana, cum toto Episcopatu Majoricensi, pro alia. Lugdunensis, Bisuntinensis, Tharantasiensis, pro alia. Viennensis, Arelatensis, Aquensis, & Ebre-dunensis, pro alia. Urbs Romana, cum Episcopatibus nobis immediate subiectis, necnon Sublacensi, & Farfensi Monasteriis: quæ in nullo Episcopatu consistunt, in nostra Provincia constitutis, pro alia. Reginensis, Cusentinensis, S. Severinæ, & Rossanensis, cum Miletensi, & Bisignanensi Episcopatibus, pro alia. Consanensis, Acheruntinensis, Taratinensis, Brundusinensis, & Hydruntinensis, pro alia. Barenensis, Tranensis, Sipontinensis, & Beneventanus, cum Trojensi, Melphien-si, Rapallanensi, Episcopatibus, pro alia. Neapolitanensis, Capuanensis, Salernitanensis, Amalphianensis, & Surrentinensis, cum Cassinensis, Ravellensi, & Averfanensi Episcopatibus, & Monasterio S. Vincentii de Vulturno, quod in nullo Episcopatu existit, pro alia. Panormitanus, Messanensis, & Montisfregalis, cum Episcopatu Melevitano, pro alia. Armacanensis, Dublinensis, Cassellensis, & Caumen-sis, pro alia. Regna Scotiæ, pro alia. Boemiæ, pro alia. Daciæ, Norvegiæ, pro alia. Svesiæ, Sardinia, & Corsica, pro alia. Cypri, pro alia. Provincia Thebanensis, Atheniensis, Patracensis, Corinthiensis, & Neopacensis, cum toto Patriarchatu Constantinopolitano habeantur, pro alia. Patriarchatus Aquilejensis, & Grandensis, ac Pro-



Provinciae Jadrensis, Spalatenfis, & Ragusiensis, pro alia. Provinciae, Mediolanensis, Januensis, & Pisana, pro alia. Ravenna, cum Ferrariensi, & Placentinensi Episcopatibus, pro alia. Maguntinensis cum Episcopatu Bambergensi sive Regno Boemiae, pro alia. Colonienfis, & Treverensis, pro alia. Bremensis, & Maldeburgensis, cum Episcopatu Caminensi, pro alia. Salzburgerfis, pro alia. Regensis, pro alia. Cæterum si quis Episcopatus, aut si qua Monasteria, vel loca dicti Ordinis vel Religionis fuerint, quæ in aliqua dictarum Provinciarum minime includantur, quo ad prædicta Capitula, de illa Provincia esse volumus, cui Episcopatus Monasteria, & loca hujusmodi viciniore existent.

## C A P. II.

De Visitatoribus.

Porro Visitatores, qui secundum prædictam constitutionem ipsius generalis Concilii fuerint in hujusmodi Provincialibus Capitulis deputati, sint idonei solliciti & discreti circa Visitationis eorum officium exequendum: & cuncta observent, quæ in præfata ejusdem Concilii & alia dicti Honorii, prædecessorum nostrorum constitutionibus statuta existere dignoscitur. Quod si Visitatores ipsi illa exequi omiserint negligenter, eas poenas incurere volumus ipso facto, quas incurunt hi, qui non veniunt ad Capitulum provinciale, prædicationem canonicam non habentes. Et quia cupimus, ut hujusmodi præfatorum Visitorum officium cum omni sinceritate procedat, interdiciamus, quod nullus Visitoris sibi deputati eodem anno esse valeat Visitor. Prædicti autem Visitatores vel familiares eorum in Ecclesia Cathedrali, Monachali, vel Monasterio, seu loco alio ipsius Ordinis seu Religionis, ad quæ visitationis causa duxerint declinandum, ultra duos dies nequaquam remaneant, nisi evidens necessitas, vel magna utilitas Ecclesiæ, vel Monasterii, seu loci hujusmodi per eos Visitatores ampliorem inibi moram Visitorum vel familiarium exigerent eorumdem, sed tunc id efficiant de Ecclesiæ, vel Monasterii, seu loci hujusmodi præfatorum consilio seniorum: nec Visitatores seu familiares ipsi eisdem Ecclesiis, Monasteriis & locis visitatis onerosi & graves existant. Non sumptuosas epulas quærant: sed cum gratiarum actione recipiant, quod illis honeste & competenter fuerit ministratum. Dicti quoque Visitatores & familiares ipsorum nullam pecuniam hujusmodi occasione, seu quolibet alio modo recipiant; nec ipsi vel quisquam suorum aliquod munus, quodcumque sit, vel qualitercumque offeratur, præsumant recipere: ut non quæ sua sunt, videantur quærere, sed quæ Christi. Unde statuimus & ordinamus, ut universi & singuli Visitatores hujusmodi, vel familiares ipsorum, qui præter expensas eis dumtaxat in victualibus exhibendas, exigere vel recipere pecuniam etiam a volente; quod si ipsi vel quisquam suorum familiarium similiter munera recipere quoquomodo præsumperint, duplum ejus, quod receperunt, Ecclesiæ vel

Bull. Rom. Tom. III. Pars II.

Monasterio, seu alteri loco ipsius Ordinis seu Religionis ejusdem, a qua vel a quo id receptum fuerit, infra mensem reddere teneantur. Alioquin ex tunc Visitatores hujusmodi duplum ipsum eis ultra hujusmodi tempus restituere differentes, ab officio hujusmodi & beneficio noverint se suspensos, quousque hujusmodi gravatis Ecclesiis, vel Monasteriis, aut locis, de hujusmodi duplo plenariam satisfactionem impendant, nulla eis in hoc dantium remissione, libertate vel gratia valituris. Et nihilominus (si expedierit) ipsi Visitatores sic suspensi, per Præsidentes dictis Capitulis, & eorum quemlibet ad restitutionem præfati dupli auctoritate Apostolica per censuram Ecclesiasticam & alia opportuna remedia, remoto appellationis obice, compellantur. Et quia procedit de virtute prudentiæ, si via scandalis præcludatur, inhibemus Visitoribus memoratis, ne illos, seu eorum nomina, qui eis aliqua secreta in Visitationibus revelaverint præsumant aliis revelare: nisi tunc demum cum propter revelata hujusmodi ad alicujus punitionem vel poenam fuerit procedendum. Aliter autem hujusmodi revelantes puniantur plus vel minus, prout facti qualitas exiget, secundum arbitrium Præsidentium eorumdem.

## C A P. III.

Rursus quia Ecclesiis Cathedralibus, & Monasteriis ejusdem Ordinis seu Religionis, ad salutem & prosperitatem noscitur provenire, cum in eorum singulis annuatim generale Capitulum celebratur, in quo alii Abbates, Priores, Prælati, & administratores eis subiecti, Ordinis seu Religionis ipsius conveniant die præstituto in illis, in quibus statutum existit: dieque statuendo in illis, in quibus nondum ad hoc dies hujusmodi constitutus, ut membra suo capiti consonent, & caput respiciat sua membra: Statuimus & etiam ordinamus, ut in singulis Ecclesiis Cathedralibus, & Monasteriis antedictis, die statuto vel statuendo, singulis annis generale Capitulum celebretur, in quo cum Prælatibus eorum alii Abbates, Priores, Prælati, & administratores immediate eisdem subiecti, studeant convenire, ad tractandum de reformatione hujusmodi Ordinis seu Religionis, & observantia regulari: necnon corrigant & reforment ibidem tam in spiritualibus quam in temporalibus quæ corrigenda fuerint ac etiam reformanda. Et in quo tam Abbates, Priores, seu administratores principalium Monasteriorum, & administrantes in ipsis Ecclesiis Cathedralibus, quam prædicti alii subiecti, de administrationibus cujuscumque ipsorum reddant in scriptis (quamvis non requisiti) rationem fideliem: summas videlicet rerum principalium & grossarum, quo ad receptas & expensas annuas veraciter explicando; necnon quanta & qualia supersint, & etiam debeantur; & ex qua causa, & a quibus personis, aut desint etiam, veraciter exprimendo. Qui vero legitime præditi ad Capitulum hujusmodi venire nequiverint, procuratores idoneos suffi-

De Capitulis Generalibus, &amp; reddendis rationibus.

E e

eient



cienter instructos, cum sufficienti mandato excusationum suarum causas rationabiles etiam exprimente, cum potestate jurandi in eorum animas causas hujusmodi fore veras; & reddendi rationem prædictam, & alia faciendi, quæ ipsi facerent, si præsentibus existerent, ad illud transmittere teneantur. Quod si non venerint non impediti legitime, vel non transmiserint ad idem Capitulum (ut præfertur,) poenis subiaceant superius contra non venientes ad Capitula provincialia constitutis. Quorum compulsio, & ipsarum poenarum executio ad Abbatem illius Monasterii principalis, in quo ipsum Capitulum celebratur, vel ad illum, qui major est post Antistitem in illa Cathedrali Ecclesia, in qua celebrari continget Capitulum prælibatum, auctoritate Apostolica pertineat, prout supra de Præsidentibus provincialibus Capitulis est statutum. Et quia memoriam perpetuat & cautelam adiicit conservatio scripturarum, volumus & ordinamus, quod duæ scripturæ consimiles fiant, rationes hujusmodi continentes: quarum una poenes illum, qui Ecclesiæ post Antistitem, seu Monasterio ubi dictum Capitulum celebrari contigerit præsidebit; & alia in arca pro sigillo Capituli Ecclesiæ vel Conventus Monasterii præfatorum deputata vel deputanda; seu alio loco competenti, (de quo hujusmodi Præsidenti, & Capitulo, seu Conventui vel majori parti ejus videbitur) ad cautelam & providentiam necessariam & utilem conserventur. Volumus insuper, ut Cellerarii, Camerarii, Hospitalarii, Eleemosynarii, Infirmarii, & alii Officiales quicumque, quocumque nomine censeantur, victum seu vestitum Conventui vel aliis in dictis Ecclesiis vel Monasteriis, sive locis Conventualibus ministrantes, rationem plenam & explicitam de receptis expensis, ratione administrationum vel officiorum hujusmodi, ter annuatim (computata ratione quam reddiderint in generali Capitulo, ut præfertur) in fine scilicet cujuscumque quarti mensis, etiam irrequisitis Prælatibus, qui Ecclesiis, Monasteriis, & aliis locis Conventualibus præsent & præerunt antedictis, & Capitulis seu Conventibus eorundem, aut illis Discretis, qui ad rationem ipsam audiendam & fideliter eis referendam deputati fuerint, reddere teneantur: Provisio attentius, quod illis ex hujusmodi administratoribus, Prioribus seu officiis, qui gravia & enormia crimina commiserint, vel committent, vel alias demeriti fuerint; sive per annum excommunicationis, suspensionis, aut interdicti sententias rationabiliter in eos latas pertinaciter tolerabunt, & de his convicti fuerint; vel alias legitime constiterit, ab eorum superioribus cum consilio seniorum Ecclesiarum vel Monasteriorum seu locorum prædictorum, nedum a suis administrationibus, Prioratibus vel officiis seu beneficiis amoveri valeant; sed ob crimina vel demerita hujusmodi poenis debitis percellantur; ut sit eis in poenalis confusionis opprobrium, & perniciosum non transeat aliis in exemplum. Ne vero per cujuspiam calliditatis ingenium evenire contingat, quin Capitula prædicta celebrentur locis & temporibus

debitis, quemadmodum superius est distinctum, quia forte prætenderetur occasio, quod Ecclesiæ, Monasteria, & loca prædicta gravata forent, & sumptus existerent evitandi: Nos providere volentes, ne Capitulorum ipsorum generalium, tantæ salutis & prosperitatis fructibus obventuris, malignitatis flatibus resistatur, taliter ordinamus, quod illi, qui venire tenentur ad provinciale Capitulum de triennio in triennium, & ad cujusvis Ecclesiæ vel Monasterii annuatim Capitula prælibata, vivant cum aliis ipsius loci Monachis in communi, & familiaribus suis Clericis & Laicis, & etiam evectionibus extra Ecclesias vel Monasteria, & loca ipsa, de suis propriis redditibus providere in necessariis teneantur, quavis constitutione seu consuetudine contrariis non obstantibus. Licet autem circa rationes de administrationibus & officiis (ut præmittitur) reddendas duxerimus providendum; quia tamen veritatis claritas latebras non requirit, sed metas potius patentis claritatis exposcit, cautius in hac parte super his Ecclesiarum, Monasteriorum, & locorum præfatorum occurrentes dispendiis & profectibus providentes, volumus, ut Visitatoribus Capituli provincialis, qui pro tempore fuerint, cum ad Ecclesias, Monasteria, Prioratus, & loca hujusmodi venerint, eorum officium exequendo, nequaquam omittant, quin de statu spirituali & temporali Ecclesiarum, Monasteriorum, & Prioratuum & locorum prædictorum plenariè se informant, ut sic reformando vel referendo (prout secundum jura & ordinationes Capitulorum hujusmodi salubrius & utilius fuerit) Ecclesiis, Monasteriis, Prioratibus, & locis ipsis providere valeant visitatis; proviso, quod prædicta provincialia & alia Ecclesiarum & Monasteriorum prædictorum Capitula non concurrant ad invicem; ne valeat unum per aliud impediri. Ceterum statuimus, ut omnes & singuli ad eadem Capitula venientes, non ducant, vel duci faciant seu permittant, evectiones seu familiares in numero superfluo seu quomodolibet excessivo: sed numero evectionum & familiarium statui eorum cujuslibet congruo eos volumus & præcipimus esse contentos. Ipsi autem familiares & alii, quos ducent vel duci facient seu tenebunt, sint humiles & honesti, de quibus aliquatenus præsumi nequeat, quod alicui Abbati, Priori, administratori, officiato, monacho, vel cuicumque alteri, cum eis seu aliis ad ipsa Capitula venientibus, aut in eis morantibus, vel de illis redeuntibus, aut Ecclesiis, Monasteriis, Prioratibus, vel aliis eorum locis, inferant per se aut alios seculares vel regulares, seu quoslibet alios, in personis vel rebus injuriam vel offensam: vel quod in aliquo de dictis Capitulis, aut in aliqua Ecclesia vel Monasterio seu loco, ubi celebrantur, scandalum suscitare, vel turbationem facere, seu discordiam vel contentionem movere præsumant. Quod si quis ad inferendum injuriam vel offensam hujusmodi, ut turbetur, vel impediatur quodcumque de dictis Capitulis, scienter & ex proposito tales duxerit, vel alias tenuerit, seu ad hoc disposuerit aut



aut convocaverit vel convocari fecerit; & turbatio vel impedimentum huiusmodi si aliqua ex eis fuerint subsequuta; & qui consentiens extiterit in prædictis, vel aliquo eorumdem, aut dans scienter & ex proposito auxilium, consilium vel favorem, ipso facto sententiam excommunicationis incurrat. A qua dumtaxat, si sit Abbas vel Monachus ipsius Ordinis, per Præsidentes Capituli provinciali, seu eorum aliquem, quantum ad ea, quæ ipsum Capitulum provinciale concernent; quantum vero ad illa de prædictis, quæ annuale Capitulum vel Ecclesiam seu Monasterium, aut alium locum, ubi celebrabitur annuale Capitulum antedictum, seu personas aut bona eorum vel alia concernerent, per Abbatem vel alium huiusmodi annuali Capitulo Præsidentem auctoritate Apostolica. Sæculares vero & alii Religiosi a sententiis huiusmodi per locorum Ordinarios, tunc demum, cum satisfactionem impenderint congruentem, & non ante, possint absolvi: nisi commissæ huiusmodi talia fuerint, propter quod Sedes Apostolica esset merito consulenda. Et si mors, vel membri mutilatio, seu debilitatio alicujus perpetua occasione prædictorum secuta fuerint, talis nedum ad administrationem vel officium seu beneficia aliqua in Ordine seu Religione huiusmodi, vel ab illis obtinenda, existat inhabilis; sed & obtentis in eis vel ab ipsis sit eo ipso privatus: quæ aliis, & non sibi, per illum, ad quem collatio aut quævis alia dispositio pertinerit, libere conferantur, vel alias de illis canonice ordinetur. Eandem quoque sententiam excommunicationis ipso facto incurrat quilibet, cujuscumque sit præeminentiæ, dignitatis, status vel conditionis, qui per se vel per alium malitiose impediverit, vel impediri fecerit scienter & ex proposito, quo minus prædicta Capitula libere valeant celebrari: quique præsumpserit, euntes ad illa vel in eis morantes, seu de ipsis redeuntes capere, capi facere, seu capros detinere aut impedire, vel eis aut eorum familiaribus in personis vel rebus damna iniurias vel offensas occasione huiusmodi, ut videlicet turbetur vel impediatur celebratio cujuscumque ipsorum Capitulorum, inferre: necnon quicumque ipsius Ordinis seu Religionis, qui prætextu visitationis malitiose & ex proposito prædicta vel eorum aliquid per se vel alium commiserit in personas Abbatum, Priorum, & aliorum Maiorum prædictorum, proprios subiectos visitantium, vel in personas Visitorum in provincialibus Capitulis; vel per Abbates alios seu Prælatos principalem, vel priorum Monasteriorum deputandorum, vel familiarium eorumdem, aut in bonis eorum. Et quicumque prædicti Ordinis, qui in visitationibus huiusmodi vel correctionibus, seu executionibus processus eorum malitiose impediverit, vel eis procaciter vel proterve se opposuerit, aut prædicta facientibus consenserit per se vel alium, preces, minas, literas, auxilia potentium sæcularium vel laicorum, seu quæcumque alia impedimenta malitiose procurando; & impediens eundem Ordinem seu Religionem ipsam in contributionibus legitime faciendis. Præsi-

*Bull. Rom. Tom. III. Pars II.*

dentibus autem provincialibus & annualibus Capitulis prælibatis, & eorum quilibet, dum simpliciter & de plano eis constiterit, aliquem ex prædictis præfatam excommunicationis sententiam incurrisse, ipsum per omnia ejusdem Ordinis seu Religionis loca vicina, de quibus eis videbitur, tamdiu solemniter publicent & faciant ab aliis auctoritate Apostolica publicari; eis super hoc non parentes per censuram Ecclesiasticam appellatione postposita, compellendo, donec congruam satisfactionem impenderint; & per ipsos Præsidentes dumtaxat vel per duos eorum ad minus, auctoritate Apostolica fuerit absolutus. Ad hæc tam diversorum locorum diocesani quam aliis personis, quæ pro tempore præfuerint ipsis Capitulis celebrandis, in virtute obedientiæ districte præcipimus, ut per censuram Ecclesiasticam, appellatione cessante, compescant Advocatos, Patronos, Magnates, Rectores, Vicedominos, Consules, milites, seu quoslibet alios, ne Cathedralis Ecclesias, Monasteria, vel alia loca monastica, in personis vel rebus eorum præsumant offendere quoquomodo, & si secus forsan aliud egerint, eos usque ad satisfactionem debitam, per censuram eandem (appellatione remota) cogere non postponant: ut Prælati & alii servi Dei dicti Ordinis seu Religionis huiusmodi, liberis & devotis mentibus Altissimo pensum debitum quotidianum solvere satagant servitutis.

#### C A P. IV.

Profecto cum in sæpe dicta constitutione Concilii generalis inter cætera sit expressum quod hi qui convenerint in trienniali Capitulo, vitam ducant communem; & simul omnes communes expensas proportionaliter faciant: nos attendentes, quod præter expensas huiusmodi, expensæ aliæ nedum pro provinciali, sed etiam annuali Capitulis prædictis necessario requiruntur: Statuimus & ordinamus, quod in eisdem Capitulis cujuscumque contradictione vel absentia non obstante, pro libertate, necessitatibus, utilitatibus, expensis communibus, & aliis consuetis (cum onus divisum in partes levius supportetur) auctoritate Apostolica fiant, imponantur, seu inducantur collectæ, subventiones, seu contributiones, secundum arbitrium Præsidentium seu Definitorum, quo ad huiusmodi Capitulum provinciale vel Abbatis seu alterius Præsidentis, ipsi annuali Capitulo, & Definitorum quo ad annuale Capitulum antedictum. Ut autem in conservatione collectarum, subventionum, seu contributionum huiusmodi, cautela securitatis fideliter habeatur, volumus & ordinamus ut collectæ, quæ fient in Capitulo provinciali per tres probos & fideles Abbates seu alios prælatos ipsius Ordinis seu Religionis illius Provinciæ, in qua idem Capitulum fuerit celebratum, in aliquo securo Monasterio seu alio loco congruenti; quæ vero fient in singularibus Ecclesiis, Monasteriis, vel aliis locis ejusdem Ordinis seu Religionis per tres probos & fideles Monachos cujuslibet Ecclesiæ vel Monasterii seu loci, in qua

*De Subventionibus, & Collectis.*

E c 2

vel



vel in quo (ut præfertur) fient: quorum unum ponet Abbas vel alius Prælatus ipsius loci; alium vero Prior vel Priores administratores seu officarii; & tertium, Capitulum Ecclesiæ seu Conventus Monasterii, seu loci huiusmodi, in una arca serata tribus diversificatis seris & clavibus fideliter collectæ diligenter custodiantur: & ad usum dumtaxat eorum, pro quibus factæ fuerint, & ad nullos usus alios convertantur. Pro quibus fideliter conservandis & complendis præstent dicti tres Abbates in Præsidentium, & præfati Monaci in Abbatis & Capituli, necnon Conventus Ecclesiæ vel Monasterii seu Prælati alterius loci principalis, ubi dictum annuale Capitulum extiterit celebratum, præsentia corporaliter iuramentum. Nec fieri valeat alia contributio, quamdiu aliquid, quod sufficiat, de prima contributione contingerit superesse. Habeantque dicti Præsidentes, & eorum quilibet, quo ad huiusmodi provincialia Capitula, necnon Abbates, Priores, & Majores, seu alii jam dicti, potestatem auctoritate Apostolica supra dicta exigendi colligendi & levandi collectas, subventiones, & contributiones huiusmodi, ab omnibus & singulis Abbatibus subiectis, si quos habeant, & Prioribus, Prælatibus, administratoribus, officiatis, & beneficiatis quibuscumque, qui erunt ipsi annuali Capitulo, seu Ecclesiæ vel Monasterio aut alii loco principali subiecti, & compellendi omnes & singulos antedictos eadem auctoritate per censuram Ecclesiasticam, appellatione remota, & alia iuris, & ipsius Ordinis seu Religionis remedia ad solvendum integre collectas, subventiones, & contributiones præfatas, prout in huiusmodi Provinciali & annuali Capitulis fuerit ordinatum, super hoc terminis assignatis, ac etiam publicandi & exequendi libere prædicta & processus, ac sententias in Ecclesiis Cathedralibus, & Monasteriis, & aliis locis eiusdem Ordinis seu Religionis quando & quoties eis visum fuerit expedire; nec non absolvendi à dictis sententiis, (congrua tamen satisfactione præmissa) & relaxandi ac tollendi omnes processus, sententias suspensionis & interdicti; & cum eis super irregularitate, si qua sint ligati profanando divina, vel alias se illis immiscendo, non tamen in contemptum clavium, incurrerint, dispensandi.

## C A P. V.

De Capitulis quotidianis.

Rursus quia per quotidianam & ordinatam factionem Capituli regularis fortificatur & durat nervus monasticæ disciplinæ, statuimus & ordinamus, ut in cunctis & singulis Ecclesiis Cathedralibus, Monasteriis, & aliis Conventualibus, cæterisque locis huiusmodi Ordinis seu Religionis, in quibus erunt sex Monaci vel supra, & etiam alibi, ubi fieri consuevit Capitulum regulare huiusmodi, Capitulum fiat, & teneatur die qualibet ordinatim. In quo, priusquam ad quævis alia procedatur, plene (secundum Regulam Monasticam & Ecclesiarum Monasteriorum Conventualium & aliorum locorum præfatorum consuetudines ap-

probatas) Monachorum seu Fratrum excessus, transgressiones, & negligentia corrigantur: ac de disciplina & reformatione regulari agatur in illo. Ubi nullus Monachus seu Frater clamose aut irreverenter alterum defendere vel sustinere præsumat. Et quotiens Regula pronunciata fuerit a lectore, per Præsidentem, ipsi Capitulo, vel alium, cui hoc ipse injunxerit, eiusdem Regulæ sententia vulgariter exponatur.

## C A P. VI.

De studiis.

Quia vero per exercitium lectionis acquiritur scientiæ margarita, & per studium sacræ Paginæ ad cognitionem excellentiæ divinæ familiarius pervenitur; ac per agnitionem humani iuris animus rationabilior efficitur, & ad iustitiam certius informatur: Nos cupientes, ut viri eiusdem Ordinis seu Religionis in agro Dominico laborantes, in primitivis, ac deinde in divini & humani, canonici videlicet iurium scientiis instruantur, constitutioni Clementis Papæ V. & prædecessoris nostri, de Monachis in scientiis primitivis instruendis infra Monasteria, quibus degunt, editæ inhærentes, illam volumus & præcipimus firmiter observari. Et nihilominus adiiciendo statuimus & ordinamus, ut quibuslibet Ecclesiis Cathedralibus, Monasteriis, Prioratibus, & aliis Conventualibus & solemnibus locis, quibus ad hoc suppetunt facultates, Ordinis seu Religionis huiusmodi deinceps habeatur magister, qui Monachos eorum doceat in huiusmodi scientiis primitivis, videlicet, Grammatica, Logica, & Philosophia: proviso attentius ut sæculares instruendi cum ipsis Monachis docendis in eisdem Ecclesiis, Monasteriis, Prioratibus, & locis nullatenus admittantur. Cui quidem magistro, si monachus non fuerit ipsius Ordinis seu Religionis, de pane & vino & pitantia providere quotidie, sicut uni ex monachis Ecclesiarum, Monasteriorum, Prioratum, ac locorum huiusmodi, teneantur illi, qui talia tenentur in eis Capitulis Ecclesiarum, Monasteriorum, Prioratum, & locorum ipsorum, Conventibus seu Monachis ministrare; necnon pro vestimentis, calceamentis, & salario congrua pensio annua assignetur; quæ tamen viginti librarum turonensium parvorum summam nequaquam excedat, quæ de infra scripta communi contributione solvetur, donec pro ea & pensionibus Monachorum studentium ad generalia seu solemnia studia mittendorum certi & perpetui redditus assignati fuerint; prout infra expressius & plenius continetur. Si vero in Ecclesiis, Monasteriis, Prioratibus, vel locis prædictis sit Monachus idoneus ad prædicta, monachus ipse per Antistites in Cathedralibus Ecclesiis, in Monasteriis vero & aliis locis præfatis per superiores suos instruere fideliter ipsos monachos in prædictis scientiis deputetur; & ad hoc, si necesse fuerit, compellatur. Cui scilicet Monacho instructori decem libræ turonenses ultra victum & vestitutum pro libris emendis, vel aliis suis necessitatibus juxta dispositionem ipsius



ipsius Antistitis, vel dictorum Superiorum deputentur. Antistites vero & alii Superiores prædicti prædictos monachos, qui dociles fuerint, cum consilio proborum & seniorum Ecclesiarum, Monasteriorum, Prioratum, & locorum huiusmodi eligere teneantur, & ordinare de certo numero eorumdem, ac de locis & temporibus, quibus lectionibus, quibusve divinis officiis seu obsequiis aliis opportunis intendant. Possintque dicti Antistites & Superiores dictos magistros instructores, & instruendos cum consilio proborum, & seniorum prædictorum (prout eis expediens visum fuerit) remove, & loco eorum alios subrogare. Præcipimus insuper in virtute obedientiae cunctis Visitatoribus, in provincialibus Capitulis deputandis, quod omnia & singula de magistris, instructoribus, & personis instruendis, & aliis circa ea superius ordinata, faciant auctoritate Apostolica per censuram Ecclesiasticam, & alia opportuna remedia (appellatione remota) firmiter observare. Et nihilominus ea, quæ super prædictis fecerint & invenerint, Præsidentibus Capitulo provinciali referant: qui etiam auctoritate Apostolica præfata, si videatur eisdem vel ipsorum majori parti, contra negligentes vel rebelles in præmissis fortius procedere non postponant.

## C A P. VII.

Ceterum, quia expedire dignoscitur, ut postquam præfati Monachi in prædictis scientiis primitivis eruditi fuerint, ad sacræ Theologiæ vel Canonum transeant facultates; statuimus & ordinamus, ut Ecclesiæ, Monasteria, Prioratus, & alia loca huiusmodi, singula videlicet eorum cum suis membris inferius declarandis, de quolibet numero vicenario Monachorum unum aptum pro fructu majoris scientiæ acquirendo, ad generalia seu solemnia studia mittere teneantur: & quemlibet ipsorum mittendorum de infra scripta pensione annua providere. Sic autem huiusmodi numerum vicenarium volumus computari, ut illi dumtaxat Monachi numerum ipsum efficiant in hoc casu, qui sunt seu erunt in Ecclesiis, Monasteriis, vel locis principalibus, & in locis aliis eisdem Ecclesiis, Monasteriis & locis principalibus subiectis, habentibus octo monachos sive plures & hi solum cum monachis Ecclesiarum, Monasteriorum, & locorum principalium huiusmodi, in computatione ac missione huiusmodi conjungantur. Declaramus insuper, quod si forsitan ultra dictum numerum vicenarium aliqui superessent, qui tamen vicenarium alium non complerent, non propter hoc arceantur Superiores eorum, eorumque Capitula seu Conventus, aliquem mittere ad studia prælibata; nisi alias essent ad mittendum plures adstricti virtute consuetudinis, statuti, vel ordinationis alterius cujuscunque, quibus consuetudini, statuto vel ordinationi per hæc non intendimus in aliquo derogare. Eligantur quoque ipsi monachi mittendi, prout in scientia Theologiæ vel juris Canonici, seu magis in una quam in alia ipsarum aptiores poterunt inveniri. Sic tamen, quod si apti reperiantur pro ipsius Theolo-

giæ studio, ad minus medietas mittendorum, pro ipso Theologiæ studio destinetur, vel etiam quanto plures aptiores potuerint inveniri: ac reliqua medietas eorumdem mittendorum ad ipsius juris Canonici studium transmittatur. In electione namque dictorum monachorum ad huiusmodi studia mittendorum subsequentem ordinationem modificatam duximus adhibendam: quod videlicet quivis Antistes Cathedralis Ecclesiæ monachalis octo probos & seniores monachos ipsius Ecclesiæ per ejus Capitulum seu majorem partem ipsius eligendos (inter quos non ut Prælatus, sed ut monachus dumtaxat vocem habeat) juramento infra scripto adstringat ad nominandum & eligendum secum mittendos monachos antedictos, ipseque Antistes huiusmodi monachos nominatos & electos per eum & alios octo prædictos seu majorem partem eorum, licentia ad huiusmodi studia teneatur infra tempus inferius declarandum. Quilibet vero Abbas, seu Prior, vel alius locum Conventualem & solemnem obtinens, quatuor monachos eligat de suo Monasterio seu loco seniores, quos esse sinceriores in zelo, & discretiores in iudicio existimaverit: & corporali iuramento adstringat eosdem, quod reiectis gratia, odio, vel timore, quibuscunque & qualitercumque secundum Deum, & prout magis expedire viderint personis & locis, cum consilio instructoris, si Monachus fuerit, cum juramento simili adstringendi, illos ex monachis instructis in eisdem primitivis scientiis, & in observantiis regularibus informatis, sive in Ecclesiis, Monasteriis, & aliis locis principalibus seu membris resideant, ad prædicta studia mittendos, juxta mittendorum huiusmodi prætaxatum numerum, nominent seu eligant coram eo, quos dociles esse noverint, & vitæ ac morum honestate decoros, ad puritatem Religionis tenendam, & ad acquirendum fructum scientiæ aptiores. Taliter autem nominati seu electi ab eis, vel ubi concordēs non essent, à majori parte ipsorum, sive ubi quilibet nominaret & eligeret diversos, illi, quos ex ipsis nominatis & electis Abbas vel Prior seu alius, locum Conventualem, & solemnem obtinens, elegerit, ad prædicta studia destinentur: ita quod in festo Exaltationis S. Crucis vel circa ipsi taliter nominati & electi in studio Parisiensi existant, qui Parisios fuerint destinati, in aliis vero studiis in festo S. Lucæ, vel circa, infallibiliter sint præsentēs. Quod si dictus Antistes annis singulis quibus præfati Monachi ad eadem studia mitti debebunt, vel in locum illorum alii subrogari, infra decem dies, festum Assumptionis B. Mariæ Virginis immediate præcedentes, cum dictis octo probis minime nominaverit & elegerit, ac licentia verit (ut præfertur) ipsis decem diebus elapsis, ad Priorem, qui post eum præerit Monachis Ecclesiæ suæ in regularibus disciplinis, seu alium his & in illis præidentem, quocumque nomine nuncupetur, cum consilio & assensu quatuor proborum monachorum ejusdem Ecclesiæ, quos dictus Prior, vel alius (ut prædicitur) Præsidentem elegerit: & quos similiter, ut de Abbate ac Priore, vel alio locum Conventualem & solemnem obtinente prætangitur, simili juramento adstringat, potestas huiusmodi nomi-



nandi, eligendi, & licentiandi libere devolvatur. Si vero idem Prior vel alius prædens, ut præfertur, id non fecerit, poenas ipso facto incurrat inflicta infra proxime contra Abbates vel Priores, seu alios loca Conventualia & solemnna obtinentes, qui super hoc extiterint negligentes. Abbas quoque, vel Prior, aut alius hujusmodi locum Conventualem & solemnem obtinens, qui seniores prædictos infra præfatos decem dies non elegerit, ut præfertur, ipsosque dicto non adstrinxerit juramento, aut nominatos & electos per illos, ad studia non licentiaverit memorata, poenas incurrat inflicta Abbatibus vel Prioribus, seu aliis loca hujusmodi Conventualia & solemnna obtinentibus, solve re negligentibus id, quod pro hujusmodi mittendis ad ipsa studia fuerit assignandum, pro rata ipsos contingente secundum gradum modum & ordinem infra proxime sequentes: a quibus liberari vel absolvi non valeant nisi per Præsidentes Provincialibus Capitulis illius provinciae, in qua fuerint Abbates, Priores, vel alii loca Conventualia & solemnna (ut prædicatur) obtinentes, super his negligentes, seu per aliquem eorumdem, nec etiam ab ipsis Præsidentibus, quousque præmissa negligenter omissa impleverint, & ad eorumdem Præsidentium arbitrium satisfecerint competenter: quos etiam negligentes ipsi Præsidentes & eorum quilibet ad omnia & singula prædicta & infra scripta complenda per censuram Ecclesiasticam, & alia juris & ipsius Ordinis seu Religionis remedia compellere, submoto appellationis obstaculo, auctoritate Apostolica teneantur. Et ut hæc celerius & expeditius compleantur, ordinamus, quod dicti seniores, eligendi per eosdem Abbates vel Priores seu alios Majores in Ecclesiis Cathedralibus post Antistites, ac alios loca Conventualia & solemnna obtinentes, statim cum electi fuerint, & hujusmodi juramentum præstiterint, includantur in aliquo loco secreto, de quo nullatenus permittantur exire, donec infra diem inclusionis hujusmodi in scriptis eorum Abbatibus vel aliis Superioribus proxime dictis nominaverint, & elegerint supradictos ad studia destinandos. Quod si non fecerint, elapsa die hujusmodi, ad ipsos Abbates & supradictos eligendi & licentiandi eosdem potestas libere devolvatur: qui secundum Deum & bonam conscientiam infra tres dies immediate sequentes, dociles & aptiores, vitamque honestam & religionem servantes, ut præmissum est, licentiarum teneantur ad prædicta studia transmittendos. Si qui vero Abbates, Priores, vel Prælati alii Abbates proprios non habentes, seu administratores, vel ceteri quicumque ad hoc obligati, illud quod ipsis Monachis mittendis ad ipsa studia fuerit assignatum, pro rata ipsos contingente in termino vel terminis ad id statutisolvere non curaverint, ultra quantitatem, quam secundum taxationem contingentem eosdemolvere tenebantur infra mensem, tantumdem nomine poenæolvere sint adstricti. Quod si non fecerint, sit eis tandiu eo ipso Ecclesiæ interdictus ingressus, donec tam principale, ad quod tenebantur, quam hujusmodi aliam quantitatem nomine poenæ, ut præfer-

tur, appositam, duxerint persolvendam. Et si ex tunc per quatuor menses hujusmodi sustinuerint interdictum, sint ipso facto tandiu a divinis suspensi, donec integre hujusmodi principale ac poenam solverint, nulla eis remissione in præmissis quomodolibet profutura. Quantitas autem hujusmodi nomine poenæ, ut prædicatur, exolvenda, in acquisitionem librorum utilium & alios profectus dictorum studentium, quam etiam quantitas (quam per contemnentem satisfacere in termino assignato, studentibus ipsis mitti præcipimus) ad ipsius contemnentis expensas juxta superioris sui arbitrium convertatur. Præmissis quoque adiicimus, quod Priores, & ceteri administratores Abbates proprios non habentes, seu quivis alii beneficiati, qui hujusmodi summasolvere contempserint, & prænomatas poenas per alios quatuor menses immediate sequentes sustinuerint animis induratis, excommunicationis sententiam eo ipso incurrant; a qua non possint absolvi, nisi debita satisfactione præmissa: & tunc per Præsidentes dumtaxat Capituli provincialis illius provinciae, cujus erunt, vel alterum eorumdem: Quam si per annum pertinacibus animis sustinuerint, sint eo ipso cunctis beneficiis, quæ obtinuerint, privati: & de beneficiis hujusmodi per illos, ad quorum collationem, seu quamvis aliam dispositionem pertinuerint, libere in personis aliis disponatur.

## C A P. VIII.

Sane quia prosecutiones liberalium studiorum, præcipue in generalibus seu secularibus studiis, diversa requirunt opera expensarum: nos hujusmodi Monachis mittendis ad ipsa studia, & pro eis & aliis ratione dictorum studiorum, pensiones in quantitatibus subsequenter providemus fore annis singulis ministrandas, & infra scriptis terminis transmittendas. Videlicet Magistro in Theologia in studio generali legenti sexaginta; Baccalaureo, necnon scholari Theologiæ quadraginta; Doctori Decretorum, jura Canonica in hujusmodi studio legenti, quinquaginta; Baccalaureo vero, seu scholari Canonistæ triginta quinque libras Turonensium parvorum, vel earum valorem in alia moneta, tam pro victualibus, vestimentis & calceamentis, quam pro libris & quibuscumque aliis necessitatibus eorumdem; illis videlicet, qui ad studium Parisiense in festo Exaltationis S. Crucis vel circiter; iis vero, qui ad alia studia deputati fuerint, in festo B. Lucæ vel circa, singulis annis per illum vel illos, qui ad ipsas pensiones colligendas deputati fuerint, infallibiliter transmittendas: & per illos, qui tenebuntur ad solvendum easdem, in festo Assumptionis B. Mariæ annis quibuslibet ipsis collectoribus integraliter persolvendas. De quibus quidem pensionibus dictis scholaribus, ut præmittitur, ministrandis, quilibet scholaris habeat pro quotidianis expensis viginti libras dumtaxat, & pro vestimentis & calceamentis sex libras tantum: de residuo vero emanant ac provideatur ei de ipsis, quæ ratione infirmitatum, vel alia necessaria sibi erunt. Nullus autem cujuscumque fuerit præ-

De Pensionibus Studentium.



minentia, dignitatis, conditionis, aut status, siue collector pensionum huiusmodi, seu reddituum assignandorum, pro ipsis vel pro quocumque alio nomine fuerit deputatus, aliquid sibi vel alteri, seu usui cuicumque & quantumcumque pio de praefatis pensionibus, vel de fructibus redditibus, seu proventibus, qui assignabuntur pro pensionibus ipsis, quomodolibet applicare vel dare, seu commutare, aut quomodolibet alienare praesumat. Qui vero contrarium fecerit, & qui addendas vel mittendas illas extiterit deputatus, si eas (ut praemittitur) in eisdem terminis dictis studentibus non dederit vel miserit, poenas eo ipso incurrat statutas contra non solventes id quod Monachis mittendis ad dicta studia fuerit assignatum, secundum statum ipsorum non solventium, & juxta gradus & ordinem superius denotatos. Si vero laicus extiterit, excommunicationis incurrat sententiam eo ipso: a qua (nisi debita satisfactione praemissa) nequeat absolutionis beneficium obtinere. Et ut onus huiusmodi pensionum levius supportetur; Statuimus & ordinamus, ut solvantur pensiones huiusmodi, & etiam pensio dicti magistri, qui Monachos in primitivis scientiis instruet (ut praefertur) per Capitula cuiuslibet Ecclesiae Cathedralis ipsius Ordinis, seu Religionis, & per beneficiatos quorumlibet beneficiorum monacalium ejusdem, & cuiuslibet Monasterii, Prioratus, & loci Ordinis seu Religionis huiusmodi, & membrorum suorum, de communi contributione inter caput, & beneficia seu membra omnia & singula ad ipsum caput pertinentia, vel dependentia, ab eodem facienda, secundum taxationem vel estimationem decimae in taxatis. In non taxatis vero beneficiis, proportionabiliter & rationabiliter secundum valorem ipsorum, in primo cuiuslibet Ecclesiae Cathedralis ejusdem Ordinis seu Religionis, ac Monasterii, seu Prioratus, vel alterius loci, Abbatem proprium non habentis, Capitulo generali per Priores, vel alios Majores post Antistitem in Cathedralibus Ecclesiis. In Monasteriis vero, Prioratibus, vel aliis supradictis, per Abbates vel Priores, seu alios praesidentes ejusdem cum consilio & assensu Capituli, seu Conventus, seu majoris partis ipsorum. Quam si forte facere neglexerint, vel noluerint, praesidentes provinciali Capitulo illius provinciae, ubi tales negligentes fuerint, & quilibet ipsorum praesidentium, ac Visitatores per dictum Provinciale Capitulum deputati, & eorum quilibet, ipsos negligentes Auctoritate Apostolica per censuram Ecclesiasticam, & alia opportuna remedia ad illam faciendam (appellatione cessante) compellere teneantur, quousque certi & perpetui redditus pro ipsis pensionibus exolvendis extiterint assignati. Volumus autem, quod per illos, qui ad hoc per nos cum sufficienti potestate fuerint deputati, cum Antistitibus in Cathedralibus Ecclesiis monacalibus, & cum Abbatibus & Prioribus & aliis loca Conventualia, & solemnia, ut praedicatur, obtinentibus, cum consilio & assensu Capitulorum & Conventuum eorundem, au-

thoritate Apostolica praedicta possint pro praedictis pensionibus assignari, vel ad invicem uniri, aut Ecclesiis Cathedralibus, Monasteriis, seu locis aliis Conventualibus supradictis, vel eorum administrationibus, aut officiis, seu locis vicinioribus ad Ecclesias Cathedrales, Monasteria, Prioratus, seu loca huiusmodi pertinentibus, prout erit commodius, Prioratus aliaque beneficia ecclesiastica sine cura ipsius Ordinis seu Religionis consuetam monachis assignari, & ad Ecclesias Cathedrales, Monasteria seu loca alia Conventualia praefata spectantia: dum tamen ipsa beneficia tanto tempore ab uno, vel pluribus monachis fuerint continue ac pacifice gubernata, ut praescriptio legitima sit completa, etiam si ante vel post clerici saeculares quandoque ministraverint in eisdem: dummodo per ipsos clericos legitima praescriptio minime sit impleta. Quod si forte huiusmodi Prioratus, seu beneficia sine cura non inveniantur accommodata, vel non sufficiant ad praemissa: possint per praedictos modo praemisso, & ut commodius fieri poterit super aliis Prioratibus, administrationibus, seu beneficiis Monacalibus curatis (si facultates eorum ad hoc sufficiant) aliis eorum oneribus supportatis, de parte dumtaxat quam Monachi percipiunt ex eisdem pro praedictis perpetuae pensiones imponi. Prohibemus autem quod nulli monacho quodcumque beneficium quantumcumque modicum, vel aliam pensionem habenti (nisi ea omnino dimitteret aliis conferenda vel assignanda) possit aliqua de dictis pensionibus studentium assignari, vel assignata dimitti. Nec in ipsa sibi jus aliquod acquiratur: immo si assignationi pensionis huiusmodi consenserit, eo ipso privatus existat quocumque beneficio, seu quavis alia pensione: si quod vel siquam forsitan antea obtinebat. Si vero ipsi monacho habenti pensionem huiusmodi studentium, beneficium aliquod quantumcumque modicum conferat: adepta ipsius possessione pacifica, ipso facto vacet dicta pensio, eaque privatus existat, studentem alteri assignanda: ut non desit studens de numero instituto. Nec per literas a Sede Apostolica vel Legatis ipsius, super provisione quorumlibet monachorum aut aliorum directas, de studentium pensione aliqua praedictorum cuiquam valeat provideri: nec alicui alteri, nisi nominatus electus & licentiatum fuerit, prout est superius ordinatum; alias nulla sit assignatio huiusmodi ipso jure, nec per eam jus alicui acquiratur, & tam assignans, quam accipiens teneantur ad restitutionem omnium, quae exinde recepta fuerint faciendam: quae in libris vel aliis necessitatibus dictorum studentium convertantur: & nihilominus poenis subjaceant superius designatis. Prohibemus insuper, ne libri Ecclesiarum Cathedralium, Monasteriorum, & aliorum locorum praedictorum qui dictis studentibus fuerint assignati, seu eis a consanguineis vel amicis dati, aut per eosdem studentes alias licite acquisiti, per eos alienentur, distrahantur, seu etiam obligentur. Quinimo volumus, quod dicti libri (defunctis eisdem studentibus, quibus fuerant assigna-



gnati) ad Ecclesias, Monasteria, seu alia loca prædicta libere revertantur. Volumus etiam, quod si in Ecclesiis, Monasteriis, seu locis præfatis libri multiplicati fuerint, libris necessariis in ipsis Ecclesiis, monasteriis & locis remanentibus, de cæteris libris per Antistites in Ecclesiis Cathedralibus, & in Monasteriis vel aliis locis prædictis, per eorum Prælatos, & de consilio eorum, cum quorum consilio studentes præfati sunt (ut præmissum est) eligendi, fiat conveniens distributio inter studentes eisdem. Fiatque prius memorialis scriptura de personis studentium, quibus dicti libri tradentur, & librorum nominibus prædictorum: Quæ quidem scriptura in Ecclesiis, Monasteriis vel locis huiusmodi conservetur. Si quis vero de studentibus ipsis, per se vel per alium, librum seu libros huiusmodi, qui ad eum præmissis modis pervenerunt, distraxerit aut obligaverit (nisi pro utilioribus vel pluribus libris emendis, & tunc de licentia Superioris sui petita humiliter & obtenta) eo ipso sit inhabilis per biennium ad quodcumque beneficium obtinendum. Et nihilominus ad claustrum suum de studio revocetur, & loco sui alius subrogetur: & etiam per Superiorem suum (prout facti qualitas exegerit) alias graviter puniatur. Præsidentes insuper & alii convenientes in dicto Capitulo provinciali, ordinare debeant, qualiter dicti studentes vivere seu ad invicem habere debebunt: qualiter & ex quibus causis ante tempus etiam regulariter præstitutum, poterunt & debebunt de studiis huiusmodi revocari; & in locum eorum alii totidem numero subrogari, juxta modificationem superius designatam. Ubi autem erit aliquis de ipsis studentibus, qui sit vitæ laudabilis aliasque idoneus & discretus, & ad Baccalaureatum vel Magisterium dispositus vel propinquus, idem Prior dictorum studentium, qui erit pro tempore, cum consilio aliquorum proborum studentium eorundem, scribat Præsidentibus antedictis: ut Prælato ipsius proprio mandent, & ordinent cum eodem, quod talem non revocet: sed eum in scientia proficere, & ad statum Baccalaureatus, & honorem Magisterii pervenire, lectionemque continuare permittat, ac ipsum & alios similes, quos jam in scientia laudabiliter proficere cognoverit, dignis attollat honoribus, & promotionibus efferat opportunis. Provideant quoque Præsidentes & alii præfati convenientes in ipso Capitulo provinciali, quod Monaci ad dicta studia transmittendi (prout communius & commodius fieri poterit distributi) insimul commorentur saltem deni ad minus: & deni huiusmodi non possint ultra quatuor servitores habere, computato in eis coco, seu servitore coquinæ. Deputent etiam jam dicti Præsidentes in singulis eorum provincialibus Capitulis, speciales Visitatores huiusmodi Ordinis seu Religionis provincie infra quam erit studium, in quo studentes huiusmodi morabuntur. Quibus siquidem Visitoribus & etiam aliis Visitoribus per Provincias, ad visitandum Cathedrales Ecclesias Monacales, Monasteria, & alia loca ipsius Ordinis seu

Religionis, per prædicta provincialia ordinandi. Necnon dictis studentium Prioribus in virtute obedientie districte præcipimus, ut omni favore, gratia, odio, & personarum acceptione semotis, ex puritate conscientiarum suarum, secundum quod Deo magis placere, & huiusmodi Ordini seu Religioni expedire crediderint, in his quæ circa ipsos studentes in ordinationibus nostris præscriptis salubriter statuuntur, sint solliciti & attentissimi, & quod si forsitan per Antistites Ecclesiarum, Cathedralium, Monacalium, Abbates, Priores, & administratores alios Monasteriorum, & aliorum locorum ipsius Ordinis seu Religionis, eorumque Capitula & Conventus, illa quæ de Scholaribus mittendis ad studia, & pensionibus aliisque quæ præmittuntur, invenerint incompleta: plenam de ipsis relationem faciant in Capitulis Provincialibus cujuscumque Provincie superius limitatæ, qualiterque in ipsis sequentibus Capitulis ea ordinari & compleri omnino debeant, vel quæ minus considerate ordinata fuerint, corrigantur: aut ut bona etiam in meliora mutantur: prout hæc vel alia ex successione temporum, ac probatione factorum poterunt apparere. Ordinamus insuper, ut iidem Præsidentes habeant plenariam potestatem, faciendi compleri & inviolabiliter observari auctoritate Apostolica omnia & singula supradicta: necnon contradictores & rebelles per censuram Ecclesiasticam, & per alia juris & ipsius Ordinis seu Religionis remedia, sublato appellationis obstaculo, compellendi, & processus ac sententias eorum in locis ejusdem Ordinis seu Religionis solemniter publicandi: & illos qui sententias eorum incurrerint (præmissa congrua satisfactione) juxta formam Ecclesie absolvendi. Præcavere nempe volentes, ac etiam providere dictis scholaribus in eisdem studiis morantibus & etiam moraturis, ut, eo quod absint ab eorum Coenobiis, regularis non desit salubre gubernaculum disciplina: ordinamus & volumus, quod Capitulis Provinciarum, in quibus erunt huiusmodi studia, Præsidentes unum Abbatem vel Priorem ipsius Ordinis seu Religionis cujuslibet ipsorum studiorum vicinum, & quem quotiens eis placuerit ponere valeant & mutare, ordinent & assignent, qui Abbas vel Prior ex prædictis studentibus unum ibi Monachorum; Priorem studentium deputet, per unum tantum annum duraturum. Quem quidem Priorem dicti etiam Præsidentes ipsi mutare valeant, quotiens videbitur expedire, quique potens in opere ac sermone per directionem verbi, & ducatum exempli, eosdem Monachos studentes tractando ipsos, quotiens opus fuerit & sibi videbitur expedire, convocet ad locum aliquem competentem, illisque quoad regularem præsideat disciplinam, & potestatem habeat illos corrigendi, puniendi, & absolvendi, & cum eis dispensandi (quamdiu in ipsis studiis moram traxerint) ab omnibus, a quibus, & super quibus, & prout posset Abbas vel alius Prælatus eorum proprius, in Monasterio, vel alio loco, unde Coenobitæ, seu claustrales existunt, ipso-



ipsosque informandi & instruendi, ac tenendi sub regularibus disciplinis, & illos etiam coercendi ne vagentur, vel actibus seu operibus vacent illicitis: sed studeant & proficiant, sicut decet, vivantque laudabiliter & honeste. Provideat insuper, quod dicti Monaci studentes expensas faciant moderatas & non superfluas, vel aliquatenus excessivas; eosque cogat ad reddendum de receptis & expensis in fine cujuslibet mensis (vel prout alias sibi videatur) rationem illi vel illis providis & discretis, quos idem Prior ad hoc duxerit deputandos. Et quando eorundem studentium demerita seu conditio suaserit eos a studio revocari, Prior ipse teneatur id (consulte tamen caute & sollicitè) Antistiti, Abbati, vel alii Prælato eorum proprio, per suas literas intimare. Idemque Antistes, Abbas, seu Prælatus proprius eos revocare debeat, & in locum eorum totidem Monachos subrogare, appellatione, contradictione, vel reclamatione rejectis. Concedimus quoque dicto Priori eadem auctoritate Apostolica plenariam potestatem dictos Monachos studentes, quamdiu in ipsis studiis fuerint, ab excommunicationum & suspensionis sententiis dumtaxat, quæ contra studentes in locis, ubi erunt dicta studia generaliter ex causis minoribus prolata, vel per statuta sui Ordinis sive suæ Religionis, aut Ecclesiæ seu loci ejus, unde cœnobita sunt, inflictæ fuerint: a quibus Abbas vel alius Prælatus eorum proprius ipsos de jure vel permissione suæ regulæ absolvere potuisset, congrua satisfactione præmissa, juxta præfatam formam Ecclesiæ, absolvendi, & cum eis super irregularitate, quam ex causis hujusmodi sic legati celebrando divina, seu illis se alias immiscendo (non tamen in contemptum clavium) incurrerant, dispensandi. Per prædicta vero dicti monaci studentes, a potestate Antistitis vel alterius Prælati sui exempti aliquatenus non existant. Ordinamus etiam, quod dicti Monaci Parisiensi studio insistentes, ipsi Priori studentium ultra suam pensionem de vigintiquinque librarum Turonensium parvorum annuatim; alii vero cujuslibet studiorum aliorum, si tamen in eo sexaginta monaci, vel supra studentes fuerint, de viginti libris; si vero pauciores numero sexagesimo extiterint, quilibet eorum de quinque solidis ipsius monetæ, seu alterius, de equivalenti summa dumtaxat, per contributionem communem de dictis pensionibus ipsorum inibi studentium annis singulis faciendam, providere procurent: dictosque monachos studentes ad contributionem ipsam faciendam & solvendam eandem iam dicto Priori, præfatus Prior per censuram ecclesiasticam, & alia ipsius Ordinis seu Religionis remedia possit eadem auctoritate Apostolica (semoto appellationis diffugio) coarctare. Volumus tamen, quod idem Prior sumptus nunciorum subeat, quos pro præmissis duxerit transmittendos. Præterea volumus & ordinamus, quod Priores & alii beneficiati & non beneficiati, prælibatis studiis insistendo (qui tamen expensas in ipsis studiis aliunde habuerint, quam sic ut supra tangitur ordinatum) sub correctione &

*Bull. Rom. Tom. III. Pars II.*

obedientia d. Prioris studentium humiliter maneant: & ad contributionem hujusmodi juxta quantitates præmissas eidem Priori solvendas, prout alii studentes præfati, firmiter adstringantur; & ad eas solvendas, sicut de aliis studentibus jam dictum seriatim & modificatim existit, per ipsum Priorem valeant coarctari. Porro statuimus & ordinamus, quod nullus de Ordine seu Religione hujusmodi ad recipiendum magistratus seu doctoratus honorem de cetero assumatur, nisi præstito per eum primitus iuramento in præsentia dicti Prioris studentium, ac duodecim proborum & discretorum ex studentibus antedictis, quod in assumptione ipsius honoris vel ante seu post ejus occasione, circa cibos, vestes, vel alia non expendet per se vel alium, undecumque habuerit, vel fuerit sibi datum, nec quantum in eo fuerit expendi permittet ultra valorem duorum millium Turonensium argenti, ab aliis etiam suis consanguineis vel amicis. Illi etiam, qui ad baccalaureatum extiterint assumendi, præstare similiter teneantur juramentum in præsentia Prioris studentium, & duodecim proborum & discretorum præfatorum, quod hujusmodi sui baccalaureatus prætextu, ipsa die, qua incipiet, vel ante seu post, nulum festum seu convivium facient per se vel alium, seu alias fieri permittent a quibuscumque aliis eorum consanguineis vel amicis. Statuimus etiam & ordinamus, quod quicumque ipsius Ordinis seu Religionis, qui in dicto Parisiensi vel in aliquo alio generali studio per sex annos in sola sacra Theologia studuerit, in aliis primitivis scientiis sufficienter instructi, & ad hoc sufficientes & idonei fuerint, possint in ipso Parisiensi studio cursus consuetos Bibliæ facere. Qui vero per octo annos in sola Theologia studuerint, ut præfertur, librum Sententiarum legere valeant in Parisiensi studio prælibato, & quod in eodem Parisiensi & quocumque alio studio, in quo ad magisterium in Theologia ipsa licentia dari consueverit, cum digni reperti ad hoc extiterint, ad Magisterium & Doctoratum in dicta Theologia, & nihilominus ad Baccalaureatum, Licentiam, Magisterium, seu Doctoratum & Lecturam juris Canonici sive Decretorum in eodem Parisiensi, & quolibet alio studio, in cappa suæ Religionis congruenti, dummodo sufficientes & idonei fuerint; ac illi, qui ad Baccalaureatum & ad legendum Decretales ibi assumi voluerint, & in ipso Parisiensi vel quovis alio generali studio audiverint jura Canonica per sex annos, de quibus per tres annos ad minus audiverint Decretum; nec non illi, qui ad magisterium in Decretis, vel ad lecturam Decretorum assumi voluerint in præfato Parisiensi studio, & ibi vel in alio generali studio audiverint jura Canonica, aut Baccalarei legerint per quinque annos, & de hoc primo fidem fecerint per eorum proprium, & aliorum duorum juramentum, absque dilatione & difficultate malitiosa & impedimento quibuscumque, libere admittantur, sicut cæteri Clerici seculares ibidem consueverunt admitti. Non obstantibus quibuscumque statutis

F f

& con-

De promo-  
vendis ad Bac-  
calaureatum,  
Magisterium  
&c.



& consuetudinibus Monasteriorum & aliorum locorum ejusdem Ordinis seu Religionis Parisiensis, & aliorum studiorum quorumcumque contrariis, juramentis, confirmationibus Apostolicis, & quibuscumque firmitatibus aliis roboratis, & aliis præsertim statutis, quibus in eodem Parisiensi studio caveri dicitur, quod nullus possit legere cursum Bibliæ, nisi studuerit inibi septem annis; nec permittatur sententias legere, nisi etiam inibi studuerit decem annis; quodque nullus Monachus vel Religiosus alius legat ibidem jura Canonica, vel ad Baccalaureatus statum, aut magisterii honorem in jure Canonico permittatur assumi, seu quod nullus sine rubea cappa Decretum legat, seu legere permittatur ibidem; aut quod nullus ibi legere valeat jura Canonica, vel ad Baccalaureatum assumi, seu ut Baccalaureatus legere Decretales, aut ad Magisterium ascendere in Decretis, sive Doctor fieri Decretorum, aut ad lectionem Decretorum in Decretis assumi, seu ipsam continuare, nisi ibidem vel alio studio generali audiverit jura Canonica per quinque, & alibi jura civilia per tres annos; alibi jura civilia per quinque, vel in alio generali studio jura Canonica per tres annos; & prout sic vel aliter in statutis ipsius studii Parisiensis dicitur contineri, vel de consuetudine observari, & aliis consuetudinibus vel statutis ejusdem Parisiensis studii quibuscumque, seu quacumque forma vel expressione verborum in contrarium editis vel edendis: necnon quibuslibet privilegiis vel indulgentiis generalibus aut specialibus, & literis Apostolicis, contrariis ordinibus, Ecclesiis, Monasteriis, locis, ac studiis quibuscumque sine Universitatibus magistrorum vel scholarium eorundem; seu personis Ecclesiasticis, secularibus & regularibus, exemptis & non exemptis, cujuscumque sint præminentie, dignitatis, conditionis, aut status, sub quavis forma vel expressione verborum concessis, per quæ præsentibus non expressa vel totaliter non inserta, effectus hujusmodi statutorum & ordinationum, omniumque aliorum & singulorum contentorum in eisdem, præsentibus impediri valeat quomodolibet vel differri; & de quibus quorumque totis tenoribus plenam & expressam, ac de verbo ad verbum oporteat in illis vel aliis nostris literis fieri mentionem.

## C A P. IX.

De Mutuis,  
venditionibus  
sylvarum, &  
concessionibus  
jurium.

Profecto considerantes attentius nobis fuisse fida & concordie relatione monstratum, qualiter experientia docuerat eum iactura, quod ad desolationes Ecclesiarum Cathedralium, Monasteriorum, Prioratum, administrationum, & aliorum locorum Ordinis seu Religionis ejusdem plurimum redundabant debita contrahendi effrænata potestas, & plerumque innovatio eorundem, ac obligationes & missiones, quæ fiunt pro tempore super eis; necnon arborum, sylvarum non cæduarum & etiam cæduarum venditiones, & jurium, reddituum, possessionum, seu pensionum concessionem ad vitam, & ad longi temporis spacium; Nos Ec-

clesiarum, Monasteriorum, Prioratum, administrationum, & aliorum locorum præfatorum indemnitatibus occurrere desiderabiliter affectantes, & super his intendentes opportune cautelæ profuturum remedium adhibere, statuimus & ordinamus, ut, salvis aliis juris & ordinationum ac statutorum Ecclesiarum Cathedralium, Monacalium, & Monasteriorum, Prioratum, administrationum & aliorum locorum prædictorum remediis, talis in prædictis & circa ea solemnitas debeat observari: Videlicet, quod cum per Antistitem vel per Abbatem seu Priorem, vel administratorem aut alium Prælatum Abbatem proprium non habentem, seu per alium Priorem vel administratorem quemcumque ipsis subiectum conventum non habentem, suscipiendum vel innovandum fuerit mutuum, vel facienda pro necessitate vel utilitate (cum non aliter fieri debeat) venditio arborum, sylvarum non cæduarum, vel ad magnam & notabilem quantitatem etiam cæduarum, seu concessio jurium reddituum vel possessionum, aut annuarum pensionum, sive diminutio censuum, pensionum, seu canonum ad vitam alicujus vel ad certum tempus, etiam pecunia inde recepta: tractatus duorum dierum (ad minus) interpolatorum diligens & maturus præcedere debeat, habendus per Antistitem cum ejus Capitulo in dictis Ecclesiis, seu per Abbatem vel alium Prælatum Abbatem proprium non habentem, cum conventu cujusque ipsorum. Et nihilominus de consensu ipsius Capituli vel conventus, aut maioris partis ejusdem, fiant omnia supradicta. In Prioratibus vero vel administrationibus aliis conventualibus Antistitem, aut Abbatem, vel alium superiorem immediatum habentibus, tractatus habeatur hujusmodi per Priorem, seu alium administratorem ipsius cum proprio conventu ejusdem; & nihilominus postea per Antistitem aut per Abbatem vel alium Prælatum superiorem, immediatum, cum Capitulo seu conventu Ecclesiæ vel Monasterii tractatus etiam habeatur, fiantque contractus hujusmodi de consensu sui ipsius Capituli, & hujusmodi subiecti, Conventus, vel utriusque Conventus, Superioris scilicet & subiecti, seu majoris partis eorum, ac de ipsius Antistitis seu Abbatis vel alterius immediati Superioris auctoritate expressa, & licentia speciali. In tractatibus namque præfatis agatur, ut clare liqueat, ob quam causam, quanta summa, a quibus creditoribus, quibus conditionibus & obligationibus, quibusque terminis solvendum suscipiatur mutuum prælibatum; & quare, cui, ad quantum tempus, & sub quo pretio fiant venditio, & concessio, vel censuum seu canonum, aut pensionum diminutio, seu pensionum assignatio supradicta, ac de cæteris omnibus, quæ in hujusmodi negotio fuerint opportuna, & quod de causis, tractatibus, consensibus, auctoritatibus, licentiis, & aliis prædictis, scripturæ conficiantur autenticæ, in quibus nomina & cognomina tractantium, consentientium, auctorizantium, & licentiæ hujusmodi exprimantur, & sigilla Antistitis vel Abbatis, seu Abbatis, aut aliorum Superio-



periorum, necnon Capituli & conventuum prædictorum apponantur in illis. Prohibemus autem, ne virtute alicujus procuratorii generalis (etiam si contineatur in eo quod procurator mutuum possit recipere, aut obligare Monasterium, vel alium locum ipsius Ordinis seu Religionis, aut pensionem assignare ad vitam vel ad tempus, seu canonem censum seu pensionem diminuere) possit mutuum recipi, vel Ecclesia seu Monasterium aliquod, sive locus alius obligari, aut pensio ad vitam vel alias dari, seu census vel canon aut pensio diminui, nisi prius clare ac explicitè omnia prædicta fuerint observata. Et quod pecunia, quæ mutuo recepta fuerit, vel ex aliis prædictis habita, in solius Antistitis vel Abbatis seu Prioris aut alterius administratorum hujusmodi, contractum principaliter ineuntis, non remaneat potestate, sed tradatur tribus viris providis & discretis ejusdem Ordinis seu Religionis, si commode fieri possit, qui eam ad illas dumtaxat necessitates vel utilitates convertant, propter quas receptum mutuum, vel venditio, aut concessio, seu census, vel canonis aut pensionis diminutio, seu pensionis assignatio & obligatio factæ fuerint supradictæ. Ad quæ fideliter exequenda & observanda ipsi tres viri juramenti vinculo adstringantur, quando tradetur eis pecunia prælibata. Volumus etiam, quod eorum, quæ debentur Ecclesiis vel Monasteriis, seu aliis locis ipsius Ordinis seu Religionis, remissio fraudulosa & notabiliter damnosa à quoquam nequeat attentari. Insuper volumus & ordinamus, quod illa summa, quæ in Capitulo generali cuiuslibet Ecclesiæ vel Monasterii, seu alterius loci ipsius Ordinis seu Religionis eiusdem Provinciæ annis singulis pro evidenti utilitate vel necessitate per Antistitem seu Abbatem, vel alium Superiorem, & Capitulum generale prædictos, seu maiorem eius partem, vel per tres providos & discretos Monachos juratos super hoc, per eos deputandos taxabitur, possit recipi mutuum sine prædictis solemnitatibus, & poenis infra proxime designatis. Et etiam si casus aliquis evidenter utilis seu necessarius occurreret, cui succurri non valeat nisi mutuum contrahatur, si Abbas vel alii supradicti a locis, quibus præfuerint, sint multum remoti, licitum sit eisdem absque solemnitatibus & poenis hujusmodi, ut tali casui valeat provideri tantam absque fraude qualibet summam recipere mutuo, quanta necessaria fuerit pro supportando casu præfato, sive ut sibi provideant per eosdem. Quo videlicet casu, Abbates & Priores ac cæteri, Abbates proprios non habentes, infra octo dies postquam ad monasteria sua redierint, hæc omnia conventibus propriis exponere teneantur. Priores verò & administratores cæteri, suis Superioribus & ipsorum conventibus similiter infra octo dies postquam ipsorum superiorum & conventuum eorum præsentiam adire poterunt, facere teneantur; & quod fiat de his scriptura authentica, quæ in Ecclesia vel monasterio principali fideliter conservetur: & quæ causas & omnia, quare mutuum hujusmodi con-

*Bull. Rom. Tom. III. Pars II.*

tractum fuerit debeant continere. Nec ante solutionem integram mutui sic contracti, dictæque summæ singulis annis, ut præfertur, taxandæ, aliud debeat contrahi per Abbates vel alios supra dictos, nisi solemnitates hujusmodi observentur. Nos insuper decernimus irritum & inane, si contra prædicta extiterit attentatum. Volentes itaque, ut statutum & ordinatio hujusmodi firmitus observentur, ordinamus, quod Abbas seu Prior, aut quicumque alius proprium non habens Abbatem, si omissis solemnitatibus hujusmodi, venditionem seu concessionem, aut pensionis assignationem, vel census seu canonis vel pensionis diminutionem, aut remissionem debitorum, hujusmodi, & obligationes præfatas de prædictis facere, aut mutuum ultra, vel alias quam supra proxime conceditur, recipere præsumpserit, occasione ipsius Ecclesiæ, Monasterii, Prioratus, administrationem, seu locum alium, aut jura, redditus, seu pensiones ipsius obligando, seu submittendo, aut instrumenta vel literas concedendo; præter alias poenas juris, tamdiu ingressum Ecclesiæ sibi eo ipso noverit interdictum, donec obligationes & submissiones, venditiones & concessionem, censum seu canonem & pensionum diminutiones, ac pensionum assignationes, & illarum effectus, necnon gravamen Ecclesiæ, Monasterii, Prioratus, seu alterius administrationis omnino cessent: & Ecclesiæ, Monasterium, Prioratum seu administrationem hujusmodi juxta posse indemnitas reddiderit, seu reddi fecerit, aut procuraverit in præmissis. Quod si per sex menses, hujusmodi sustinuerit interdictum, sit a divinis, & a collatione beneficiorum eo ipso suspensus; & collatio beneficiorum hujusmodi ad Priorem, seu alium Prælatum majorem post Abbatem seu Prælatum Monasterii seu alterius loci, Ordinis seu Religionis hujusmodi, Abbatem proprium non habentem, durante suspensione hujusmodi, libere devolvatur. Nos autem omnibus Præfidentibus Provincialibus Capitulis provinciarum a nobis superius decretarum, & visitatoribus in illis ordinatis & ordinandis, in virtute obedientiæ districtè præcipiendo injungimus, ut contra talem sic interdictum & suspensum, super prædictis, ac de fama, & de regimine ipsius simpliciter & de plano informationem recipiant, & si exemptus Sedi Apostolicæ immediate subjectus, ipsi Sedi, si vero exemptus eidem Sedi mediate subjectus, Superiori suo immediato, si autem exemptus non fuerit, Dioecesano suo informationem hujusmodi sub eorum sigillis inclusam, quam cito commodius poterunt, destinare procurent, & servant contra talem, quæ in supradicta constitutione sæpe dicti Honorii prædecessoris nostri instituta fore noscuntur. Cæteri vero Priores & administratores quilibet ipsius Ordinis, seu Religionis, nedum interdicti hujusmodi poenam eo ipso incurrant; sed etiam (ut de aliis est præmissum) infra sex menses a tempore, quo prædicta commiserint, numerandos, obligationes, submissiones, venditiones, concessionem censum, seu canonem aut pensionum diminutiones, & pensionum

F f 2

assigna-



assignationes, necnon illarum effectus & gravamina cessare non fecerint, & quatenus de facto processerint tolli, ac Prioratus seu administrationes alias indemnes non reddiderint, seu reddi non fecerint, ac procuraverint, donec proxime dicta compleverint, sint a divinis eo ipso suspensi. Quod si suspensionem huiusmodi per alios sex menses proxime secuturos tolerare præsumpserint, sint ipsis Prioratibus & administrationibus ipso facto privati, per illos ad quos eorum collatio pertinerit, aliis idoneis, & nullatenus eis illa vice libere conferendis.

## C A P. X.

De falsis & dolosis contractibus.

Præterea quia plerumque contingit, quod quidam Abbates & Priores, ac nonnulli alii administratores, præfidentes, seu monaci & conversi, ejusdem Ordinis, seu Religionis prætextu administrationum vel aliorum negotiorum quæ gerunt, multas fraudes adhibent, & dolosos seu simulatos seu fictos contractus ineunt: mutua etiam per se & alios simulata & ficta suscipiunt: aliquando proprio & etiam fidejussorio, & etiam diversimode nomine alieno, & inter cetera quandoque consentiuntur in instrumentis publicis, seu authenticis & aliis scripturis se a patre, fratre nepote, vel consanguineo, seu quolibet alio conjuncto, affine, familiari, servitore, amico, seu mercatore, recepisse mutuo, vel alias pecuniam, pannos, vinum, bladum, equos, boves, sive animalia alia, vel res seu cetera bona, eaque in utilitatem locorum de quibus præfident, vel administrationum quas gerunt fuisse conversa: cum tamen aliquando nec pro se, seu eorum locis, neque pro administrationibus suis receperint: sed esse finguntur & ponuntur ac scribuntur frequenter principales: & ut tales se obligant (cum revera fideiussores dumtaxat existant) & interdum pro aliis recipiuntur mutua prælibata, super his etiam frequenter se ac alios, locaque ipsa, possessiones, redditus, proventus: bona, & jura ipsorum multipliciter obligando etiam & submittendo. Quidam insuper in fraudem seu dolose consentiunt, & alios præsertim eorum debitores faciunt confiteri, ac etiam obligari, ac super his instrumenta & authenticas, vel alias scripturas in fraudem confici, jura, redditus, possessiones animalia, blada, pecuniæ, debita, seu alia bona, ad ipsos vel Monasteria, seu quævis alia loca ipsius Ordinis seu Religionis pertinentia, seu debita fuerint, sunt vel esse debent patris, matris, seu fratris eorum, vel aliarum personarum prædictarum, & ad ipsas personas pertinere, vel debita eis fore: aliosque multos contractus similes fingunt, faciunt, seu fieri procurant, aut permittunt fraudulenter seu dolose: per quos Ecclesiæ, Monasteria, & alia loca ipsius Ordinis seu Religionis, quibus præfunt, ac jura, redditus, & possessiones, seu alia bona ipsorum damnificari, gravari, obligari, vel alias impediri, seu deperire possunt; Nos super præmissis Ecclesiarum, Monasteriorum, & aliorum locorum,

præfatorum indemnitatibus, prout tenemur obviare volentes, statuimus & ordinamus, quod præter alias poenas juris, talia committentes, vel fieri facientes, aut eis consentientes vel scientes, & quam cito commode poterunt, quibuslibet fraude ac dolo exclusis, Superioribus talium & eorum Conventibus minime revelantes, si ejusdem Ordinis seu Religionis fuerint, incurrant excommunicationis sententiam ipso facto: a qua nequeant absolvi, scientes videlicet, nisi ea revelaverint: ceteri vero nisi prius præmissa omnia tolli fecerint & cessare, & Ecclesias, Monasteria, Prioratus, administrationes, & loca (quantum eis possibile fuerit) reddiderint, seu reddi fecerint indemnita: seu procuraverint a talibus dispendiis relevari. Et tunc per Præsidentes provincialibus Capitulis dumtaxat, vel per aliquem ipsorum si fuerint Abbates qui deliquerint in præmissis: vel Priores, aut alii Abbates priores non habentes: ceteri vero per proprios Abbates, vel alios superiores eorum a præfata excommunicationis sententia absolvantur. Interim vero cum summarie ac de plano constiterit aliquem huiusmodi sententiam incurrisse, si Abbas fuerit vel Prior, seu alius proprium non habens Abbatem, tunc quilibet Præsidentium Capitulo provinciali, ac Visitator illius Ecclesiæ seu Monasterii, aut loci proprium Abbatem non habentis; si vero alius Prior aut administrator extiterit, Abbas vel alius eius proprius & immediatus Superior, eum publicent, & teneantur facere excommunicatum per loca ipsius Ordinis seu Religionis, usque ad satisfactionem condignam, publice nunciari.

## C A P. XI.

Præterea ut prædictis & aliis damnis, periculis, & scandalis obvietur, Statuimus & ordinamus quod omnes & singuli Abbates, & alii Prælati Ordinis seu Religionis huiusmodi Abbates proprios non habentes, qui per Sedem Apostolicam promoti sunt vel promovebuntur in antea, & eidem Sedi non existunt immediate subjecti, suis immediatis Superioribus juramentum præstare ad sancta Dei Evangelia corporaliter teneantur: quod possessiones vel jura ad mensam sui Monasterii five loci spectantia non vendent nec alienabunt, nec impignorabunt, neque de novo infeudabunt, nec per aliquem modum donabunt, neque census diminuent: nisi quatenus a jure permittitur, & servata solemnitate superius denotata. Nec etiam obligabunt alias, vel ultra quam in præscriptis statutis & ordinationibus continetur, & quod possessiones, redditus & jura mensæ prædictæ indebite alienata, distracta, vel occupata, prout commode poterunt repetent: & ad jus & proprietatem Ecclesiæ, vel Monasterii, seu loci sui Ordinis seu Religionis huiusmodi procurabunt reduci. Non obstante si forte aliud vel simile Romanæ Ecclesiæ præstiterint juramentum, ad quod præstandum per censuram Ecclesiasticam & alia iuris remedia per Superiores prædictos, appellatio-

Forma juramenti a Prælati præstandi.



latione remota valeant coarctari. De præstatione vero huiusmodi iuramenti plena & sufficiens fides fiat Conventibus eorundem. Et idem iuramentum præstare teneantur immediantibus Abbatibus seu aliis Prælatibus suis in præsentia Capituli vel Conventus si commode fieri possit, omnes & singuli Priores, seu quicumque alii administratores & beneficiati Monaci eiusdem Ordinis seu Religionis: quibus per dictam Sedem, vel eius Legatos, seu executores, vel alios provisores a Sede Apostolica seu per ipsius vel dictorum Legatorum literas deputatos, sive per Abbates, aut per quoscumque alios iure ordinario vel alias quomodolibet provisum est hactenus, vel providebitur in futurum, & ad præstandum huiusmodi iuramentum per ipsos Abbates, seu Priores etiam auctoritate Apostolica per censuram Ecclesiasticam & alia remedia, si moniti præstare iuramentum huiusmodi recusarint, remoto appellationis obice, cogi possint per prædictos. Insuper quibuscumque formis aliis licitis iuramentum per quæ ad alia plura iurantes adstringuntur non intendimus derogare: sed si forsan in illis contineantur capitula & alia in præmissa forma non expressa, illos ad ea obligari volumus & adstringi. Decernimus insuper, quod cum civitas, castrum, villa, vel iurisdictio alicuius eorum feudum solemne aut grangia, seu magnum territorium, vel magnus possessionum aut terrarum numerus vendenda vel obliganda, seu Monasteria, Prioratus, vel Ecclesiæ aliquo a iure permissio alienationis titulo alienanda, vel in alios transferenda extiterint, venditiones seu alienationes, aut translationes huiusmodi fieri nequeant: nisi etiam prius consulto Romano Pontifice, ac eius super his petita licentia & obtenta. Aliiter autem venditiones seu alienationes vel translationes præfatæ, sint irritæ ipso iure: & quilibet Præsentium ac Visitatores contra exemptos Sedi Apostolicæ supradictæ, & contra non exemptos contrarium facientes, locorum Ordinariis eorundem quamcito commode poterunt, sub eorum sigillis intimare prædicta nihilominus teneantur.

## C A P. XII.

De spoliis.

Ceterum Antistitibus ordinariis, Abbatibus, Prioribus, & aliis Prælatibus Religionis eiusdem, qui bona mobilia Prioratum, administrationum, & beneficiorum quorumlibet sibi subiectorum vacantium in ipsis tempore huiusmodi vacationis inventa, seu alia causa rationabili ad se afferunt pertinere, districtius inhibemus, ne vasa, vestimenta, seu alia ornamenta quæcumque divino cultui deputata, animalia etiam tam pro agricultura, quam aliis ipsorum locorum necessitatibus teneri inibi consueta, vasa insuper vinaria, & coquina, lectos & alia suppellectilia, seu vasa (nisi forte aurea vel argentea fuerint) occupare, vel exinde asportare, aut sibi appropriare præsumant. Quodque in apprehendendis bonis aliis, formam constitutionis felicis recordat. Bonifacii Papæ VIII. Prædecessoris nostri super

hoc editæ diligenter observent, ac nihilominus de portione dictorum bonorum, quæ rationabiliter eos continget, quartam partem in augmentum ornamentorum ecclesiasticorum, Ecclesiarum seu Monasteriorum suorum, convertere integraliter teneantur. Qui vero secus fecerint iuxta qualitatem delinquentium personarum, poenas incurrant, quæ per constitutionem eandem eius transgressoribus infliguntur.

## C A P. XIII.

Statuimus insuper ac etiam ordinamus, & districte præcipiendo iniungimus, quod deinceps in singulis Ecclesiis Cathedralibus, Monacalibus, ac Monasteriis, & Prioratibus, necnon administrationibus aliis quibuscumque ipsius Ordinis, seu Religionis, per Antistites Ecclesiarum, Abbates, Priores, & alios gerentes administrationes huiusmodi, in eorum novitate, coram uno vel duobus Notariis publicis, & aliquibus probis & senioribus Ecclesiarum, Monasteriorum, & aliorum locorum eorundem, de omnibus bonis mobilibus & immobilibus seseque moventibus ad ipsorum administrationes dumtaxat spectantibus, in quibuscumque locis consistant, fiant inventaria, seu registra consimilia duplicata, in quibus scribatur quot Monaci in quolibet loco ipsarum administrationum iuxta ipsius loci facultates possint & debeant commorari, & in quo statu quilibet recepit Ecclesiam, Monasterium, vel Prioratum, seu administrationem, & inter alia quot extent vel deficiant animalia & qualia, quanta blada, vina, & cætera victualia, & moneta, vasella aurea vel argentea, & quæ, & quot, & quibus, Ecclesia, Monasterium, Prioratus, administratio, seu locus huiusmodi debent, & quæ, & quot, & a quibus debentur eisdem, & sub quibus obligationibus debent & debentur eisdem, & quæ & quot alia bona mobilia, vel vasa, sive ornamenta, vel suppellectilia, & similia inibi fuerint. Et si quid ex prædictis in bono statu receperit, ipseque ad malum statum duxerit, Ecclesiam, Monasterium, Prioratum, administrationem, seu locum eius bona ipsius debitis obligando indebite ad vitam vel perpetuo concedendo, seu alias alienando vel dilapidando; procedatur contra eum, prout iura & statuta, necnon ordinationes nostræ Superiores requirunt, & præsertim supradicta constitutio Honorii super hoc exacte servetur. Prædicta vero inventaria seu registra, clare ac integraliter legantur in Capitulo cujuslibet Ecclesiæ Cathedralis, ac Monasterii Prioratus vel alterius loci huiusmodi, præsentibus Capitulo seu Conventu ad hoc specialiter congregatis. Quibus lectis, unum ponatur & servetur in arca communi, ubi commune sigillum est solitum custodiri, seu loco alio congruenti, & reliquum remaneat penes Antistitem, aut Abbatem vel Priorem, seu administratorem alium a supradictis: Ita quod si aliquem ex prædictis ad Ecclesiam, Monasterium, Prioratum, administrationem, seu locum, alium transferri seu mutari contigerit, ipse tran-

De Inventariis a Superioribus locorum faciendis.



translatus seu mutatus, si Antistes, vel Abbas, aut Prior, seu alius Superiorem ejusdem Religionis non habens, fuerit; Capitulo seu Conventui loci quod dimiserit, seu deputatis ab eis infra sex menses ad tardius post ademptionem pacificæ possessionis Ecclesiarum, Monasteriorum, Prioratum, administrationum, seu ipsorum locorum; vel si hoc ante non fecerint, succedenti sibi in loco dimisso: Alii vero Superioribus suis immediatis, juxta inventaria, seu registra prædicta rationem debitam, vocatis & præsentibus aliquibus probis viris Ecclesiarum, Monasteriorum, Prioratum, & aliorum locorum ipsorum, reddere teneantur; dictaque inventaria, seu registra transmittantur ad Ecclesias, Monasteria, vel alia loca principalia (ut præfertur) legenda & conservanda in illis.

## C A P. XIV.

De locis non tradendis ad firmam nisi cum certa solemnitate.

Verum, quia traditiones ad firmam factæ de locis administrationum ipsius Ordinis seu Religionis, aut proventuum ipsorum, per Antistes, Abbates, Priores, & alios administratores eorum, ipsis Ecclesiis, Monasteriis Prioratibus, administrationibus, de locis, spiritualiter & temporaliter diversa præjudicia generant; Prohibemus ne proventus seu loca prædicta ad firmam de cætero concedantur, nisi ex causa, & in casu necessario sive utili evidenter: Et tunc si Antistes, Abbas, vel Prior, seu alius, proprium non habens Abbatem vel administratorem, hoc facere voluerit, debeat deliberationem super hoc cum Capitulo vel cum Conventu præmittere, & diligentem tractatum cum illo habere de causa hujusmodi, & de quantitate pretii, ac de persona cui fuerit firma seu venditio hujusmodi facienda, & de conditionibus, pactis, obligationibus, solutionibus, & similibus, pertinentibus ad prædicta; & ipsius Capituli vel Conventus, seu majoris partis ejusdem in hac parte consilium adhibere. Si vero Prior seu administrator alius fuerit, Conventum habens proprium, & superiorem Abbatem, vel alium ejusdem Religionis, præmittere debeat deliberationem & tractatum præfatos, nedum cum proprio suo Conventu, sed cum ipso Abbate vel alio Superiore prædicto immediato, & Conventu Superioris Monasterii sui ac expressam auctoritatem & licentiam ejusdem Abbatis, vel alterius Superioris cum consilio Conventus ipsius Abbatis vel alterius Superioris primitus obtinere. Priores autem & administratores alii, Abbatem proprium vel alium Superiorem ejusdem Religionis, non tamen Conventum habentes teneantur deliberationem & tractatum jam dictos cum eorum Abbate vel alio Superiore præmittere; necnon auctoritatem & licentiam specialem ab eo primitus obtinere. Quod si secus actum fuerit, firma seu venditio ipsa, & contractus quilibet super præmissis initus, sint irriti eo ipso; ac instrumenta, & quælibet alia documenta super eis confecta, nullam obtineant firmitatem. Et nihilominus Abbates & Priores, cæterique Abbates proprios non habentes, qui contra fecerint per Præsidentes

Provincialibus Capitulis, cæteri vero per Abbates vel alios Superiores eorum, arguantur graviter, & debite puniantur.

## C A P. XV.

Præterea statuimus & ordinamus, quod Antistes, Abbates, Priores & cæteri administratores, vel Monaci & Conversi ejusdem Ordinis seu Religionis, privilegia, literas, & instrumenta, quibus libertates, possessiones, res & jura locorum & administrationum suarum, firmantur, vasa etiam aurea & argentea, ornamenta Ecclesiastica, libros, pecunias, blada, vina, animalia, & res alias notabiles seu preciosas, ad Ecclesias, Monasteria seu loca eorum spectantia, extra Ecclesias, Monasteria seu loca eadem apud consanguineos vel propinquos seu alios quoscumque, fraudulenter aut dolose in damnum Ecclesiarum, Monasteriorum, locorum, seu administrationum, hujusmodi, nullatenus transportent, seu tenere præsumant; & quod Antistes, Abbates, vel Priores, ac cæteri, Superiorem ejusdem Religionis non habentes, qui contra fecerint, sint eo ipso per mensem ingressu Ecclesie interdicti, & nihilominus ipsi hujusmodi transportata & detenta, ad Ecclesias Monasteria loca & administrationes præfatas reducere teneantur. Et si Abbatum, Priorum, & aliorum administratorum, Superiores (ut præmittitur) non habentium, transgressio manifesta seu nota fuerit, per Præsidentes in Provinciali Capitulo, seu Visitatores per idem Capitulum deputandos, censuræ graviori, ac debite satisfactioni subdantur. Alii vero inferiores administratores & transgressores, ipso facto sint & permaneant per annum integrum ab eorum officiis & administrationibus suspensi. Et si eorum transgressio manifesta seu nota extiterit, per suos Superiores amoveantur perpetuo ab administrationibus eorumdem, & administrationes hujusmodi per eosdem Superiores, ad quos eorum collatio pertinuerit, aliis libere conferantur. Simples autem Monaci & Conversi transgressores, sint inhabiles ad obtinenda quælibet beneficia & officia ipsius Ordinis seu Religionis, usquequo per eorum Superiores (congrua satisfactione præmissa) cum eis extiterit misericorditer dispensarum.

## C A P. XVI.

Rursum, licet contra Monachos proprietarios sit plene provisum per Canonicas sanctiones: tamen specialius providere volentes contra illos Monachos & Conversos ipsius Ordinis seu Religionis, qui suæ salutis obliti, contra Regulares, & Canonicas institutiones pecuniam congregant, jura, possessiones, redditus, seu census annuos & alia bona emunt, seu emi faciunt aliquando proprio, & sæpe nomine alieno, multis super his figmentis adhibitis; aliisque tradunt animalia nutrienda, & cum augmento vel lucro sibi vel alteri reddenda eorum nomine, seu pro ipsis; & alios multos contractus diversimode tamquam negotiatores exercent; necnon appe-

De Privilegiis & rebus aliis non tenendis extra loca administrationum.

De Monachis, & Conversis proprietariis & Negotiatoribus.



tentes & sectantes lucra turpia, peculium occultant, & illicite detinent in suarum periculum animarum: auctoritate Apostolica prædicta decernimus, omnia præmissa (quæ tamen non restitutioni subjaceant aliorum) nedum post obitum, sed etiam in vita ipsorum Monachorum & Conversorum fore per Antistites, Abbates, seu alios Prælatos eorum proprios, cum consilio proborum Monachorum seniorum Ecclesiæ, Monasterii, vel loci cuiuslibet eorum, eiusmodi Ecclesiis, Monasteriis, seu locis propriis applicanda, & in eorum utilitatem totaliter convertenda, usu (immo potius abusu) quocumque contrario non obstante. Quodque ipsi Antistites, Abbates seu alii Prælati proprii, alicui Monacho vel Converso talia faciendi licentiam nequeant impartiri. Et quod tam Prælati, Monaci & Conversi prædicta committentes, quam alii quicumque Ordinis seu Religionis huiusmodi supradicta retinentes, aut sibi ipsi appropriantes, vel applicationi & conversioni huiusmodi resistentes, vel impedimentum publice aut occulte præstantes, seu præstari procurantes, vel dictum peculium non revelantes Antistitibus, Abbatibus, seu Prælatibus propriis antedictis, sint eo ipso inhabiles ad beneficium, Prioratum, administrationem, officium, regimen, & gubernationem quamlibet in Ordine seu Religione huiusmodi obtinenda. Permittimus tamen, quod cum ipsis Monachis & Conversis possit Antistes, Abbas, vel alius eorum Prælati proprius dispensare super pœnis huiusmodi, quando ei videbitur expedire: dummodo præmissa revelaverint, & plene restituerint, ut præfertur.

## C A P. XVII.

Ne Victualia  
in pecunia  
ministrantur.

Nempe statuimus & ordinamus, quod iuxta suppetentiam facultatum Ecclesiarum, Cathedralium, & seu Capitulorum earum, ac Monasteriorum, & aliorum locorum eiusdem Ordinis seu Religionis, & singularum regionum etiam qualitates, per Antistites, Abbates, & alios Prælatos, & quosvis alios administratores, vel officia ad hæc deputata vel deputanda tenentes & exercentes, sufficienter victualia, vestiaria, omniaque alia necessaria Monachis ministrantur: proviso attentius, quod pro huiusmodi victualibus, vestiariis, aut aliis quibuslibet eisdem Monachis necessariis, pecuniæ simul aut per vices seu minutatim, nullatenus eis dentur, aut pensio vel redditus quomodolibet assignentur: sed in victualibus, vestiariis & rebus aliis eis ipsorumque usui congruentibus, provideatur eisdem, quemadmodum fuerit opportunum. Et ubi alius certus terminus super hoc non fuerit ordinatus, singulis annis, prima videlicet die mensis Octobris vestiaria præbeantur. Si qui autem redditus vel pensiones hæctenus propter hoc seu alias extiterint assignati, nullatenus dimittantur eisdem: sed ex nunc pro revocatis ab ipsis totaliter habeantur. Et nihilominus illi, qui pensionem redditus aut pecuniam pro prædictis vel eorum aliquo cuiquam Monacho ministrare vel assignare præsumpse-

rint, si Antistites, Abbates, vel Priores, seu ceteri, Superiores eiusdem Ordinis seu Religionis non habentes, extiterint, infra octo dies tantundem erogare pauperibus teneantur, hoc tamen adhibito moderamine circa idem, quod Monachis de suorum Superiorum licentia extra Cathedrales Ecclesias Monachales, Monasteria, Prioratus, & administrationes præfatas, in scholis vel alibi pro utilitate Ecclesiarum, Monasteriorum, Prioratum, & administrationum huiusmodi commorantibus, possit pro victu & vestitu (sicut eorum Superioribus videbitur) dari pecunia: non tamen pensio vel redditus assignari: salvis etiam statuto & ordinatione præscriptis, de Monachis ad studia generalia transmittendis, & de pensionibus eis, ac de decem libris exhibendis dicto Monacho, qui infra Ecclesias, Monasteria, & alia loca eiusdem Ordinis seu Religionis Monachos dociles instruet, prout seriose superius est distinctum. Ad hæc subiungimus, quod illi, qui prædicta ministrare tenentur, ad ea, omni excusatione cessante, sufficienter (ut præmittitur) ministranda, per Superiores suos, aut in defectu eorum, per Visitatores vel Præsidentes præfatos irremissibiliter compellantur: Nec audiantur, si dicant se privilegium, statutum, ordinationem, vel consuetudinem aliam se habere; aut pro suis personis eorumque statu (iuxta personarum, vel officiorum decentiam sustinendis) se afferant indigere; nulla quoque super hoc appellatio, nullave supplicatio eis prosint. Sed si tertio moniti per aliquorum dierum competentia intervalla, Prælati eorum arbitrio relinquenda, præmissis efficaciter parere contempserint, removeantur libere a suis administrationibus vel officiis, ipsaque aliis idoneis prædicta complere valentibus committantur. Quod si forte redditus officiorum seu administrationum huiusmodi, ad victum, vestiarium, seu alia necessaria Monachis ministranda non sufficiant, de communi contributione, ut de pensionibus studentium (ut præmissum est) facienda, defectus huiusmodi suppleatur, donec pro aliis per deputandos a nobis redditus seu pensiones perpetui fuerint assignati, quos per eosdem deputandos assignari volumus eisdem modis & formis, quibus pro pensionibus dictorum studentium redditus seu pensiones perpetuas ordinavimus & statuimus assignari. Abbates vero, ac Priores, & ceteri, superiores (ut præfertur) non habentes, qui tenentur administrare prædicta, a Præsidentibus, aut Visitatoribus per censuram Ecclesiasticam, modisque aliis congruentibus, ad id omnino cogantur; ipsis, nisi suos subditos, & Præsidentibus ac Visitatoribus nisi Abbates, Priores, & alios supradictos iuxta modum præfatum effectualiter ad præmissa compulerint, in Capitulis Provincialibus graviter arguendis, & taliter corrigendis, quod rubor & confusio de præteritis diligentiam efficiant ad futura.

## C A P. XVIII.

Ceterum, ut viam scandalis præcludamus

Ne Sæculares  
deputentur ad



1336.

viſum Mo-  
nachis mini-  
ſtrandum, nec  
Monachi al-  
terius Mona-  
ſterii aut Or-  
dinis.

mus, prohibemus expreſſe, ne in Eccleſiis vel Monaſteriis ſeu locis aliis Conventualibus eiſdem Ordinis ſeu Religionis, Clerici ſæculares vel laici, ſeu alterius Monaſterii Monaci, vel religioſi alterius Religionis, ad viſum monacis miniſtrandum de cætero deputentur. Quicquid autem ad viſum monacis miniſtrandum in cibo, potu, vel pitantia eiſdem monacis miniſtrandum exiſtit, ſingulis eorum, die qualibet adminiſtretur ad congruentem menſuram, prout erit opus, juxta Eccleſiarum, Monaſteriorum & locorum ipſorum exigentiam facultatum; & quicquid de adminiſtratis ſupererit, eleemoſynæ applicentur per illum, qui ad hoc fuerit deputatus. Nec aliquis alius per ſe vel per alium de reſectorio ſeu infirmitorio vel alio loco, in quo Monaci comedent, aliquid extrahere, vel alibi deferre, ſeu alteri uſui applicare præſumat. Quod ſi fecerit, pro qualibet vice per duos dies panis & aquæ ſolummodo poenitentiariæ ſubdatur.

## C A P. XIX.

Ne Mulieres  
morentur in  
Monaſteriis.

Inſuper ſtatuiſmus & ordinamus, quod Antiſtites, Abbates, Priores, ac ceteri adminiſtratores in Eccleſiis, vel Monaſteriis, ſeu aliis locis eiſdem Ordinis vel Religionis huiusmodi, aut infra ſepta Eccleſiarum, Monaſteriorum, & locorum eorundem, vel in domibus, in quibus Monaci habitant, mulieres tenere (etiam ſi matres vel ſorores fuerint) non præſumant. Antiſtites vero, Abbates, Priores, ac ceteri, ſuperiores Religionis eiſdem non habentes, qui contra fecerint, a collatione beneficiorum ſint per tres menſes eo ipſo ſuſpenſi, quibus durantibus ad Priorem vel alium maiorem poſt Antiſtitem ſeu Abbatem, cum conſenſu Capituli ſeu Conventus vel majoris & ſanioris partis eiſdem, beneficiorum ipſorum ſit collatio devoluta. Alii vero Priores & adminiſtratores, quicumque fuerint, per ſex menſes a perceptione fructuum beneficiorum, quæ obtinuerint, ſint ſuſpenſi; quibus durantibus, Antiſtes, Abbas vel alius Prælatuſ, immediatus eorum ſuperior, ponat in eiſdem beneficiis alios Monachos adminiſtratores providos & diſcretos, ac fructus ex his diſtis ſex menſibus obvenientes, qui ſupererunt (debitis conſuetis oneribus ſupputatis) convertantur in utilitatem Eccleſiæ, Monaſterii, ſeu loci immediate ſuperioris delinquentium prædictorum. Et nihiloſminus diſti Abbates, & Priores, & alii non habentes Superiores, per Præſidentes ſeu Viſitatores, ceteri vero per ſuos Superiores, prout culpæ aut delinquentium qualitas exegerit, alias puniantur.

## C A P. XX.

Ne Monachi  
nutriant vel  
teneant ani-  
malia aut  
laicos in Mo-  
naſteriis.

Ceterum prohibemus, ne aliqui Monachi nutriant ſeu teneant equos vel alias evectiones aut ſervitores, ſeu alias perſonas vel familiares in Eccleſiis, Monaſteriis, ſeu locis aliis Conventualibus Ordinis ſeu Religionis eiſdem, niſi eis ratione adminiſtrationum vel officiolorum, quæ geſſerint, id competere digno-

ſcatur. In infirmitorio tamen pro neceſſitatibus infirmorum coquina Capituli vel Conventus, aliſque officiis honeſti ſervitores ſeu famuli ſæculares teneri poterunt neceſſarii in numero moderato, prout in aliquibus Eccleſiis Cathedralibus, vel Monaſteriis, ſeu locis aliis ipſius Ordinis ſeu Religionis fuerit rationabiliter obſervatum. Qui ſæculares, quanto minus fieri poterit, cum monacis converſentur, nec bibant, nec comedant cum eiſdem in Capitulo vel Conventu. Superiores quoque circa hæc provideant, quod diligentius obſerventur, transgreſſores eorum arguendo, & prout expediens fuerit, puniendo. Prohibemus inſuper, ne Superiores, Abbates, Priores, & ceteri quicumque ipſius Ordinis ſeu Religionis lautis conviviiſ & comefſationibus occupentur; nec in his ſumptus immoderatos & alios exceſſus faciant, volentes quod a familiarium, ſervitorum aut ſequentium, & robarum ſeu veſtium multitudine indecenti & exceſſiva, tam infra Eccleſias, Monaſteria, Prioratus, adminiſtrationes, & alia loca eorum, quam etiam extra illa, diligenter ſtudeant abſtinere, & honeſte ac laudabiliter converſari. Inhibemus namque, ne aliquis Abbas, vel Prior, ſeu adminiſtrator alius, Religionis eiſdem Conventum habens, plures ſæculares perſonas equitantes quam . . . . Monachos (eo pro uno Monaco cõputato) ſecum ducere præſumat, niſi guerræ diſcrimen vel perſonarum ſeu rerum periculum timeretur, aut forſitan immineret, ſiſtione & fraude ceſſantibus quibuſcumque. Ceteri vero, Conventum non habentes, ſi duos equitantes ſecum ducant, volumus, quod unus illorum Monachus exiſtat; ſi autem plures ducat equitantes, circa hoc ſervetur quod ſuperius de Conventum habentibus eſt expreſſum: Adjicientes, quod Abbas, vel Prior, ſeu adminiſtrator, vel Monachus quicumque Religionis eiſdem, domicellum vel domicellos veſtibus virgatis ſeu partitis, aut curioſis, vel quomodolibet inhoneſtis non induat, vel indutos ſecum teneat, ſive ducat. Qui autem contrarium fecerit, ſi Superiorem Religionis eiſdem non habuerit, per Præſidentes diſti Capituli provincialibus; ſi autem Superiorem huiusmodi habuerit, per ipſum Superiorem immediatum videlicet puniatur.

## C A P. XXI.

Sane ſtatuiſmus & ordinamus, quod omnes Abbates, Priores, & adminiſtratores ceteri, & clerici ſæculares, & laici quicumque, qui cenſus, redditus, penſiones ſeu quæcumque alia ſimilia debent vel debebunt in poſterum, pro alimentis quotidianis, vel pro neceſſariis Eccleſiis Cathedralibus, Monaſteriis, Prioratibus, adminiſtrationibus, officiis ſeu locis, Capitulis vel Conventibus Ordinis ſeu Religionis eiſdem, ſive in blado, vino, oleo, piſcibus, pecunia, ſeu rebus aliis quibuſcumque conſiſtant, illa eis ſolvere in terminis conſuetis vel præfixis, ſeu in antea præfigendis, integre non omittant. Et ſi ea in ipſis terminis, vel ſaltem poſt eos infra quindecim dies, non ſolverint, Priores & adminiſtratores ceteri,

De ſolvendis  
cenſibus, &  
redditibus  
pro Alimen-  
tis Monaſte-  
rium.



teri, Ordinis seu Religionis ipsius, totam quantitatem rei debitæ, ac ultra ipsam quartam partem prædictæ quantitatis ejusdem, loco poenæ (infra mensem dictos quindecim dies immediate sequentem) solvere sint adstricti. Quas quidem quantitatem & quartam partem appositam (ut prædicitur) loco poenæ, si solvere contempserint, infra mensem alium ex tunc primo secuturum, a beneficiis quæ obtinuerint, donec prædicta solverint, sint ipso facto suspensi. Et si suspensionem hujusmodi per alium mensem extunc futurum sustinuerint, donec de prædictis integre satisfecerint, ab officio sint suspensi. Quod si per alium mensem proxime sequentem suspensionem hujusmodi ab officio sustinere præsumpserint, incurrant excommunicationis sententiam ipso facto: Quam si per sex menses ex tunc secuturos pertinaciter toleraverint, Prioratibus, administrationibus, & quibuscumque aliis beneficiis quæ obtinuerint, sint ipso facto privati, per illos ad quos eorum collatio, seu quævis alia dispositio pertinuerit, aliis personis idoneis libere committendis, seu etiam conferendis. Abbates vero qui infra præfatos quindecim dies prædicta per eos debita non solverint (ut præfatur) totam debitam quantitatem, & ultra illam, loco poenæ tertiam partem illius, quod debuerint, persolvere teneantur. Et si per tres menses, dictos quindecim dies immediate sequentes, quantitatem quam debuerint, ipsamque tertiam partem loco poenæ non solverint, sint eisdem Abbatibus stallus chori, & locus Capituli Abbatialis, donec super his integre satisfecerint, penitus interdicta. Quod si interdictum hujusmodi per alios tres menses proxime secuturos sustinere præsumpserint, sit ipsis Ecclesiæ interdictus ingressus, quousque satisfecerint competenter integre de principali & tertia parte præfatis. Et nihilominus dicti Abbates, ac omnes & singuli supradicti, damna & expensas ac interesse, quæ Ecclesiæ, Monasteria, Prioratus, administrationes, officia & loca hujusmodi sustinuerint, fecerint, & incurrerint occasione retardatæ solutionis hujusmodi, vel ob defectum prædictorum, reficere & solvere teneantur. Poenæ autem prædictæ quartæ & tertiæ partium prædictarum in eos usus convertantur, in quos principales quantitates fuerant convertendæ. Sententiæ vero præmissæ auctoritate Apostolica, ubi expediens videbitur in Ordine seu Religione hujusmodi, contra ipsos contemptores valeant publicari: & quoties contumacia non solventium exegerit, aggravari per Superiores, qui locis præfuerint, quorum extiterit solutio retardata. Nec in eis valeat remissio seu gratia cujuscumque, nec tempus lapsum, vel per negligentiam non potentium intelligantur remitti, vel possit juri petendi præscribi. Absolutio autem dictarum sententiarum competit Abbatibus prælibatis. Per hæc autem, poenis aliis si quas dicti non solventes juxta statuta vel ordinationes Sedis Apostolicæ aut Ordinis seu Religionis ejusdem, seu quovis modo alias existerent incursum, non intendimus in aliquo derogari.

## C A P. XXII.

Cæterum quia multum Ordini seu Religionis præfatis hætenus obfuit indiscreta receptio Monachorum; statuimus & ordinamus, ut per illos, ad quos in Ecclesiis Cathedralibus, Monasteriis, Prioratibus, Decanatibus seu aliis locis quibuscumque ipsius Ordinis seu Religionis spectat creatio Monachorum, deinceps non recipiantur, aut induantur in Monachos vel Conversos nisi personæ idoneæ, vel de quarum idoneitate verisimiliter spes existat, & tales per quos inibi Deo in divinis officiis congrue deserviri seu impendi valeant obsequia opportuna; & quod per eosdem, ad quos (ut præmittitur) creatio ipsa spectat, infra Ecclesias, Monasteria, Prioratus, Decanatus hujusmodi seu alia Conventualia loca ipsis subiecta & non alibi, cum proborum consilio, Ecclesiæ, Monasteria, Prioratus, decanatus, aut loci hujusmodi, cui hi ad quos dicta creatio pertinet, præfuerint induantur; nec per eos hujusmodi creatio, habitus traditio seu receptio, nisi personis Ordinis seu Religionis ejusdem, de cætero committantur; & quod infra tempus probationis ad loca alia, nisi Conventualia fuerint, non mittantur. Decernimus quoque, quod cum imminebit hujusmodi receptio faciendæ, si ad Antistites, Abbates, vel Prælatos alios, una cum Capitulis vel Conventibus eorumdem, seu cum eorumdem consensu pertineat, & Capitula, seu Conventus hujusmodi, vel eorum major pars ad eam pure procedere vel receptioni hujusmodi pro eorum libito renuant consentire, Antistites, Abbates, seu alii Prælati post ipsos, eos moneant in virtute obedientiæ ut pure ac secundum Deum, & juxta eorum conscientiam infra decem dies, hujusmodi creationi, seu receptioni consensum præstare procurent. Quod si forte id facere negligant vel recusent, ad eosdem Antistites, Abbates, vel Prælatos alios creatio, seu receptio ipsa libere devolvatur, dummodo nil fraudulenter per eos actum fuerit in præmissis. Qui quidem Antistites, Abbates, & Prælati alii in locis in quibus sexaginta Monaci, vel pauciores fuerint, cum consilio seniorum, proborum & discretorum suorum Capitulorum vel Conventuum, eligendorum per eos, tertiam partem numero facientium; in aliis vero locis in quibus Monaci numerum sexagenarium exceperint, cum consilio seniorum, proborum, & discretorum ex eis dumtaxat eandem creationem, & receptionem cum Dei timore ac observantia regulæ de personis, ut prædicitur, idoneis facere non postponant, aliorum contradictione in aliquo non obstante. Prohibemus insuper, ne aliquis recipiatur in Monachum Ordinis seu Religionis ejusdem, nisi statim induatur habitu Monacali, nec literæ seu instrumenta super futura receptione Monachorum, aliquibus concedantur, aut promissiones seu obligationes aliæ inde fiant. Ut autem adversus eos, qui tempore probationis elapso, volunt regularis professionis votum emittere, nullius difficultatis obstaculum ingeratur, uni-

De receptio-  
ne Monacho-  
rum.



veris & singulis Prælatiſ, ad quos pertinet ſuos Monacos ad huiusmodi profeſſionem recipere duximus injungendum, ut omnes illos qui dicto tempore probationis elapſo expreſſe profiteri voluerint, juxta regularia inſtituta ſine dilatione ac difficultate quibuſlibet, ad huiusmodi profeſſionem admittant. Quod ſi facere ſine rationabili cauſa recuſaverint, tamdiu ſint ſtallus chori & locus Capituli Abbatialia, vel Prioralia (ubi per Priorem Monasterium gubernatur) interdicta eiſdem, donec præſatos ad profeſſionem receperint antedictam. Et nihilominus id per Viſitatores Provinciali Capitulo referatur, ut per Præſidentes eidem Capitulo debite puniantur, pro viſo attentius, quod in Eccleſiis Cathedralibus, Monasteriis, & aliis locis Ordinis, ſeu Religionis huiusmodi, non recipiantur plures Monaci vel Converſi, quam tot potuerint de ipſorum proventibus congruè ſuſtentati. Licet autem præcipiatur in ſupradicta Conſtitutione ſæpediti Honori prædeceſſoris noſtri, ut in nullo Monasterio ad præbendas ex tunc recipiant Abbates vel Monaci Clericos ſæculares; Nos tamen ſuper hoc expreſſius providere volentes, ipſorumque Monasteriorum & aliorum locorum ipſius Ordinis ſeu Religionis indemnitatibus (quæ plerumque contigerunt) propterea præcavere, huiusmodi præceptum innovamus & etiam approbamus, & adjicientes prohibemus ne in Eccleſiis Cathedralibus, Monasteriis, Prioratibus Conventualibus, ſive locis aliis ejuſdem Ordinis ſeu Religionis, Prælati, Priores, ſeu adminiſtratores alii, vel Capitula, ſeu Conventus eorum, Clericos ſæculares vel Laicos (niſi eiſdem Eccleſiis, Monasteriis ſeu locis dederint ſe & ſua) ullo modo recipiant ad præbendas; nec eas aliquibus ad vitam, vel ad tempus vendere, ſeu concedere vel dare præſumant: volentes, quod venditio, conceſſio, ſeu datio (quas deinceps contra præmiſſa fieri contigerit) ſint irritæ & inanes; nec ex venditione, conceſſione, ſeu datione huiusmodi eiſ, quibus factę fuerint, juſ aliquod acquiratur. Et nihilominus contra hoc dantes, & concedentes, per Superiores ſuos, vel (ſi Superiores ejuſdem Religionis non habuerint) per Præſidentes Provincialibus Capitulis pro eorum arbitrio puniantur.

## C A P. XXIII.

De Forma &  
honestate ve-  
ſtium.

Quamvis autem in Conſtitutione Viennensis Concilii, ſcilicet, Ne in agro, de veſtibus, caputiis, & ſotularibus Monacorum, eorumque formis provide ſit ſtatutum; Nos tamen præmiſſis adiicimus, quod altitudo ſotularium ipſorum tanta ad minus eſſe debeat, ut quatuor tranſverſalium de tibia ſuper cavillam, ſpaciū comprehendat; quodque nulli Monaco ejuſdem Ordinis, ſeu Religionis portare caputium etiam ſiſſum ſuper humeros ſit licitum quoquomodo, niſi prius ipſius caputii ſiſſura, & honeſtas alia per Abbatem, ſeu Præſidentem alium, ubi præeſt alius, fuerint, arbitrata. Horum namque tranſgreſſores, poenas eo ipſo incurrant, quæ portantibus ſotulares non corrigiatis & alios, aut ca-

putia non ſiſſa, inſlicta noſcuntur per dictam Conſtitutionem ipſius Concilii Viennensis. Adiicendo quoque interdiciamus expreſſe uni-verſis & ſingulis ipſius Ordinis ſeu Religionis Monacis, quod nullus eorum de cætero, rondellum, clochiam, cucullam manicatam vel tabardatam, ſeu epithogiatam, aut in veſte ſuperiori habitui proxima, manicas ligatas, conſuticias, ſeu quomodolibet botonatas portare præſumat, ſed quales portare ſtatuit præſata Conſtitutio ejuſdem Concilii Viennensis. Qui vero interdicti huiusmodi tranſgreſſor extiterit, auferatur ab eo per ſuum Superiorem veſtis ipſa tranſgreſſionis, pauperibus eroganda; & nihilominus tranſgreſſor ipſe per eundem Superiorem ſic alias debite puniatur, quo cæteri a ſimilibus arceantur. Abbates autem in Monasteriis, & in Cathedralibus Eccleſiis Monacalibus; Priores ſeu alii Maiores in illis poſt eorum Antitiſtes, ac Priores, ſeu alii non habentes Superiores Religionis ejuſdem, ſic formam honeſtam veſtium ac calceamentorum ordinent & diſponant, quod ſit omnibus Monacis tam intrinſecus quam extrinſecus uniformis; ipſamque tam Abbates quam Priores, & adminiſtratores, quam cæteri quicumque Monaci, Priores videlicet & alii per proprios eorum Abbates, ſeu Prælatos alios; Abbates vero, & cæteri Abbates proprios Monacos non habentes, per Præſidentes Provincialibus Capituli, ſeu per quemlibet eorumdem, ac per Viſitatores in ipſis Capitulis deputandis tenere ac ſervare cogantur. Per præmiſſa vero, vel per ea, quæ in dicta Conſtitutione Viennensis Concilii ſtatuantur, non intendimus quod in Religionibus ſive locis, in quibus Abbates vel alii Prælati Locorum, ſeu Monaci ejuſdem Ordinis ſeu Religionis uti caputiis vel ſotularibus non ſolebant, ipſis uti licitum ſit eiſdem.

## C A P. XXIV.

Statuimus inſuper & etiam ordinamus, quod nullus Monacus Ordinis ſeu Religionis ejuſdem, de Eccleſia, Coenobio, ſeu alio loco conventuali exire præſumat, niſi petita & obtenta licentia primitus ab eius Superiore, qui eam valeat indulgere, quavis conſuetudine contraria non obſtante. Ipſeque cauſam exitus vel itineris, omni ſiſtione ceſſante, Superiori exponat, dictuſque Superior licentiam huiusmodi, niſi ex cauſa rationabili, non concedat. Et eiſ quibus illa conceſſerit, certum ad redeundum terminum præſigat, ut convenienter poterit breviorē; ipſosque ſalubriter exhortetur, a quibus extra Monasterium habeant abſtinere. Si quis vero Monacus contrarium fecerit, teneatur ſatiſfactionem illam vel poenam ſubire, cui ſine licentia de Monasteriis ſuis ſeu locis exeuntes conſervantur, ſeu debent ſubiici, in Ordine ſeu Religione præſatis. Ad Eccleſias etiam vel Monasteria, ſeu loca huiusmodi redeuntes, ad communionem aliorum Monacorum ſeu Fratrum, donec ſatiſfactionem huiusmodi fecerint, nullatenus admittantur, quæ ſubjicitur eſſe talis: Videlicet quod à porta regulari, parlatorio, ſeu

De Licentiis  
extra Mona-  
ſteria exeundi  
dandis: & de  
penis a poſta-  
tarum.



recreationis, vel alias transgredi eis non liceat in alio loco consueto per claustrum cum magistro Novitiorum, vel alio ad hoc deputato, ad Capitulum veniat in staminea, vel nudus secundum quarundam Ecclesiarum, Monasteriorum, & locorum religiosorum morem, femoralia & caligas sine pedalibus tantum habens, cucullam seu scapulare vel floccum in brachiis, ac ferulam in manibus suis ferens. Cum quibus ibi prius venia recepta, & sua recognita culpa, coram omnibus publice verberetur. Demum vero per Abbatem, vel alium Prælatum principalem si sit ibi, aut Priorem, vel alium post Abbatem, seu per principalem Prælatum huiusmodi, poenitentia seu poena levis aut gravis culpæ sibi pro qualitate demeriti imponatur, secundum morem cuiuslibet Ecclesiæ, Monasterii, seu loci laudabiliter observatum, proviso attentius quod modum peccati modus correctionis nequaquam excedat. Poena quoque simili puniantur Monaci in Prioratibus, seu administrationibus aliis exterioribus deputati, qui de illis redierint ad Ecclesias, vel Monasteria, seu loca Conventualia prædicta, sine vocatione Antistitis, Abbatis, vel alterius Prælati, seu sine licentia ejusdem Prioris vel administratoris alio loci, in quo, ut præfertur, fuerint deputi, per patentes litteras eisdem dandas, justam causam licentiæ huiusmodi continentes. Nullusque Monachus pernoctaturus extra Ecclesiam, monasterium, vel alium locum suum, permittatur abire sine cuculla regulari clausa, necnon brevuario, in quo servitutis suæ pensum possit exolvere Creatori.

## C A P. XXV.

De Monachis  
ad Beneficia  
mittendis, &  
modo con-  
versandi in  
eis.

Ordinamus etiam & volumus, Lateranensis Concilii de Monachis singulis per villas vel oppida, & parochiales Ecclesias non ponendis, supradictam Clementis prædecessoris editam in dicto Concilio Viennensi Constitutiones, ne ipsi singuli Monachi in singulis sibi commissis administrationibus vel Prioratibus habitare præsumant, firmiter observari. Statuimus insuper quod absque personarum delectu transmittantur, cum faciendum fuerit, Monachi per Superiores eorum, prout locis congruere noverint & personis; & non prout Priores seu administratores alii eos duxerint eligendos, vel sibi per Antistites, Abbates, aut alios, ad quos hoc pertinet, petierint assignari. Quod si per ignorantiam vel errorem aliqui ad huiusmodi Prioratus & administrationes ultra numerum constitutum vel constituendum missi forsan extiterint, Priores seu alii administratores locorum ipsorum eos cum literis suis causam huiusmodi exprimentibus, & expensis conventibus ad Superiores remittant eorum. Verum, si cessante causa huiusmodi, Priores seu alii administratores prædicti recusarint admittere aliquem ad se missum, vel eis sufficienter in necessariis providere, tamdiu iidem Priores seu administratores, in claustro principali Ecclesiæ monasterii, seu loci ad modum claustralium se-

quando Capitulum seu Conventum residentiam facere teneantur, ad gubernationem locorum sibi commissorum per Superiores prædictos, Monachis aliis idoneis uno vel pluribus, prout Superioribus ipsis videbitur subrogatis, donec dicti Priores, seu administratores plene paruerint in præmissis; salvis nihilominus aliis rationabilibus poenis statutis & consuetudinibus tales vel alios inobedientes in quibuscumque Monasteriis, vel locis ipsius Ordinis, vel Religionis hætenus observatis. Monachi autem in Prioratibus, seu administrationibus cum dictis Prioribus, seu administrationibus commorantes, in Ecclesia horis congruis, & locis cum dictis Prioribus, seu administratoribus simul sint, & canonicas horas dicant. Et in Missis celebrandis suas hebdomadas ordinare, ac tractum, non sincopando, humiliter & devote, & horis competentibus, & cum nota ubi fuerint tres, vel quatuor seu plures, facere teneantur, & in talibus locis ubi tres sint aut supra sunt, una per eos Missa ad minus cum nota die qualibet celebretur. In unaquaque domo communi regularibus jaceant, camerulis, & cellulis eis penitus interdictis. In domo insuper una Prior, & Monachi vescantur, nisi infirmitas aut alia evidens ratio aliud interdum suaserit faciendum. In vestitu, lectisterniis & tonsura, à communi Ecclesiæ, Monasterii, seu loci cujuscumque alterius Superioribus eorumdem institutione, vel debita observantia non recedant. Monachi quoque suo Priori, vel administratori iuxta ordinationem Antistitis, Abbatis, vel Superioris alterius obediant humiliter, & devote. Prior autem vel administrator ipsos tractet fraterna in Domino caritate; nec ipsi Priores, seu administratores Monachos vel eorum socios extra Prioratus, vel administrationes morari faciant, vel permittant, aut a se remittere valeant absque Superiorum suorum licentia, nisi ad ipsos Superiores, vel Ecclesias, Monasteria, seu alia loca principalia ex causa legitima, & cum eorum Priorum, seu administratorum patentibus literis, & prout superius est expressum; proviso diligentius quod dicti Priores, vel administratores soli non remaneant in eisdem Prioratibus, vel administrationibus. Imo ad residendum ibi continue compellant Monachos antedictos, & si eis obedire noluerint, Superioribus notificent indilate. Idemque faciant, quando mori, vel fugitivos fieri continget monachos prælibatos, diem mortis eorum in suis literis exprimendo, ut in Ecclesiis, Monasteriis, seu locis aliis principalibus pro anima Monachi defuncti fiant suffragia consueta; ac diem etiam fugæ seu recessus eorum, ut fugitivos valeant revocare, seu loco ipsorum alias subrogare. Quod si dum primo id sciverint, Superioribus præfatis significare distulerint, ipsi Priores vel administratores duplum illorum, quæ Monachos, si fuisset ibidem, expendisset pro pietantia Capituli Ecclesiæ, vel Conventus Monasterii seu loci alterius principalis solvere teneantur. Certos autem limites a Priore, vel administratore prædictis prefixos ipsi Monachi habeant, quos etiam causa deductionis seu



ceat sine Prioris vel administratoris licentia speciali. Soli quoque numquam incedant, sed semper cum alio Monaco, vel alia honesta persona. In villa vero, in qua fuerint Prioratus, vel administrationes hujusmodi, comedere, seu bibere, vel domos ingredi non presumant, nisi cum honestis personis, & hoc de sui Prioris vel administratoris licentia speciali. Qui autem præmissa minime observaverint, regulari subiaceant disciplinæ. Ut autem hæc efficacius observentur, Antistites, Abbates, & Superiores, necnon alii, qui ad visitandum, per eos fuerint deputati, cum Prioratus & administrationes hujusmodi visitabunt, circa illa servanda, & non servata etiam corrigenda, curam adhibeant diligentem.

## C A P. XXVI.

De esu car-  
nium, & ab-  
stinencia:  
De Dormito-  
rio, modo-  
que cubandi.

Verum, quia ad salutis profectum tenditur, si moderationis sobrietas, & modestia observentur, volentes ea, quæ circa esum & abstinentiam carnum Beati Benedicti Regularis institutio tradidit, & in Constitutione piæ memoriæ Innocentii Papæ III. prædecessoris nostri sunt statuta, firmiter observari, Statuimus & ordinamus, quod per totum annum FERIA quarta, & die Sabbati, & a prima Dominica de Adventu usque ad diem Natalis Domini, & a Dominica Septuagesimæ usque ad diem Paschæ omnes gentes Regulares ejusdem Ordinis seu Religionis ab esu carnum ubique abstineant, nisi necessitas infirmitatis non fictæ, per Abbatem vel alium Prælatum proprium forte suadeat cum aliquo dispensandum. Diebus autem quibus Monaci in infirmitorio carnes edent, sic provideatur omnino, quod in Refectorio remaneat ad minus medietas Monachorum Capituli vel Conventus; & idem fiat ubi Abbas seu alius Prælatus principalis, aliquos ad domum seu ad cameram suam vocabit ad melius & plenius exhibendum. Quoties vero plures simul carnes in Infirmitorio comedent, versus & oratio in principio mensæ, ac post Refectionem hymnus, & versus dicatur, & continuum discumbendo silentium observetur. Ibi legatur sicut in Refectorio continue aliquid, quod ædificet audientes; nullaque persona secularis ad comedendum inibi aliquatenus invitetur. Caveant autem Abbates, & alii Prælati aliorum locorum ipsius Ordinis seu Religionis, ne seculares personas ad eorum mensas convocent, quarum occasione ipsi, vel Ordo seu Religio hujusmodi denigrari valeant vel notari. Omnes insuper Monaci, vel, si multitudo non sint eorum, saltem, quando plures ex ipsis commode poterunt, in una domo dormiant, & jaceant juxta Regularia, & Canonica instituta, non per separatas cameras, vel per cellas, exceptis his quibus in Cameris, vel Cellis Infirmitorii permittetur propter senectutem, vel invaletudines corporales, vel ex aliis rationabilibus causis, juxta dispositionem Abbatis seu alterius eorum Prælati, vel nisi propter administrationes seu officia super hæc aliqui excu-

sentur. Vestiti autem jaceant Abbates, Priores, Administratores, & Monaci universi, tam infra, quam ubicumque extra Monasterium constituti; lineisque camisiis, cum sint eis expresse prohibita, non utantur. Transgressores vero præmissorum, si Abbates, seu alii Prælati, Abbates proprios non habentes, fuerint, per Præsidentes vel Visitatores provincialis Capituli; cæteri vero per suos Superiores, prout culpæ, ac delinquentium qualitas exegerit, debite puniantur. Cæterum quia cellæ in Dormitoriis inhonestates inducunt, statuimus, & ordinamus, quod in ipsis Dormitoriis cellæ de cætero nullæ fiant; & jam factæ nullatenus dimittantur: sed per Antistites in Cathedralibus Ecclesiis Monacalibus, & per Abbates, vel alios Prælatos principales in Monasteriis, ac Prioratibus & locis aliis, per illos, qui eis præfuerint infra quatuor menses a tempore, quo statutum, seu ordinatio hujusmodi ad eos pervenerit; eisque negligentibus seu non valentibus, per Visitatores in prima visitatione, quam impendant, auctoritate Apostolica destruantur: & quod super his resistentes eisdem, vel impedimentum aliquod præstantes, seu præstari procurantes, & ad hoc dantes auxilium, consilium, vel favorem, publice vel occulte, excommunicationis incurrant sententiam ipso facto, a qua nequeant nisi per prædictos Visitatores absolvi, quos ipsi Visitatores ad hoc per alia juris & ipsius Ordinis seu Religionis remedia valeant auctoritate Apostolica coarctare. Ipsi etiam Visitatores quod super his invenerint vel fecerint, referant plene, ac fideliter in subsequenti cujuslibet Provinciæ, in quam Visitatores deputati extiterint, Capitulo provinciali. Pro studentibus tamen provideatur juxta Dormitorium de cellis, in quibus ipsi studere valeant, non jacere.

## C A P. XXVII.

Monemus insuper universos Priores, Administratores, & Monachos ipsius Ordinis seu Religionis in Sacerdotio constitutos, intra Ecclesias, Monasteria, & alia loca eorum Conventualia residentes, ut eorum quilibet bis vel ter; qui vero in Prioratibus, vel aliis locis non Conventualibus, aut in Scholis, sive alibi fuerint, etsi non frequentius saltem semel in Septimana, salva honestate & debita devotione, Missas studeant celebrare. Et nihilominus qui locis Conventualibus præsidebunt, in Festis solemnibus, Missas majores Conventuales celebrent in eisdem. Alii vero non Sacerdotes, etsi non sæpius, saltem singulis Septimanis confiteantur, & singulis mensibus juxta constitutionem sæpe dicti Clementis prædecessoris editam in præfato Concilio Viennensi, ad communionem accedant. Illi videlicet qui infra Ecclesias, Monasteria, seu alia loca Conventualia erunt, in Altari majori; qui vero extra illa fuerint, ubi magis visum fuerit honestum eisdem; nisi abstineant ex causa rationabili, & de licentia Superioris, aut Confessorum suorum.

De Missarum  
celebratione,  
& communione  
cæterorum.

Quod



Quod si negligenter omiserint, per eosdem Superiores suos graviter arguantur, & nihilominus debite puniantur. Per hæc autem statutis vel consuetudinibus Ecclesiarum, Monasteriorum, seu locorum prædictorum, in quibus observaretur, ut confiteri, vel celebrari seu communicare frequentius habeant, non intendimus in aliquo derogare. Abbates insuper, ac Priores & ceteri non habentes Superiores ejusdem Religionis, qui eo amplius debent forma vitæ pollere, quo magis status præfulgent honore, die qualibet, rationabili causa cessante, Missam celebrent vel audiant, & in solemnibus festis in suis Monasteriis sive locis Missas solemnes studeant celebrare. Quamvis autem satis sit tam in regula beati Benedicti, quam in jure provisum, quomodo in Ecclesiis, Monasteriis, & locis aliis conventualibus supradictis, Monaci convenire debeant ad divina officia, diurna videlicet, & nocturna, atque psallere in eisdem; quia tamen hæc negligenter omittunt interdum, volumus, & etiam ordinamus, ut in eisdem Ecclesiis, Monasteriis sive locis cum gravitate ac modestia humiliter & devote, horis debitis ad divina officia universi & singuli Monaci debeant convenire; ipsasque cum devotione sincera tractim, distincte, convenienter, & debite celebrent, non transcurriendo aut sincopando; & quo ad alia, quæ his impedimentum afferrent, servando silentium, quinimo ad divina ipsa intentis præcordiis attendendo. Transgressores vero præmissorum debitæ subiaceant disciplinæ. Ceterum qui ad chorum, vel ad Ecclesiam, accedere nequiverint, prædicationi, lectioni, studio, seu administrationibus, vel officiis suis, aut piis sive licitis operibus, de licentia illius, ad quem eam dare pertinuerint, occupati, in loco alio congruo, & honesto debitis horis juxta possibilitatem plures simul conveniant, & debite dicant divinum officium, & quotidianum pensum exolvant debitæ servitutis.

## C A P. XXVIII.

Sane universis & singulis Antistitibus, Prioribus, Decanis, Præpositis, Sacristis, & Administratoribus aliis, quibus hoc competit, in virtute obedientiæ districtè iniungimus, ut Ecclesias, Oratoria, Altaria, Vasa, Corporalia, Vestimenta, & alia ornamenta Ecclesiastica, munda & nitida conservent, & faciant ab aliis conservari; quodque de Breviariis, Missalibus, aliisque libris & vestimentis ac ornamentis quibuslibet necessariis omnino provideant seu faciant provideri.

## C A P. XXIX.

Insuper, cum caveatur in supradicta constitutione dicti Clementis prædecessoris, edita in eodem Concilio Viennensi, quod Prioratus conventuales alicui, nisi vigesimum quintum annum attigerit conferri nequeant vel committi; & quod qui tales Prioratus habuerint, infra annum computandum a tempore collationis seu commissionis sibi factæ de illis, &

possessionis eorum adeptæ, se faciant ad Sacerdotium promoveri; quod si, cessante, rationabili causa, non fecerint, eo ipso dictis Prioratibus sint privati: Nos pari ratione inducti, quod super his in prænominata Constitutione cautum existit, ad Decanos, Præpositos & quoscumque alios Præsidentes locis conventualibus Ordinis seu Religionis ejusdem duximus extendendum; & hoc idem statuimus & decernimus existere similiter observandum in assumendis ad officia, seu administrationes claustrales, quæ beneficia censentur ipsius Ordinis seu Religionis; etiam si officia seu administrationes hujusmodi curam non habeant animarum, & quod de Prioratibus non conventualibus curam animarum habentibus, etsi cura ipsa per sæculares presbyteros habeat exerceri, & assumptis ad eos ad Sacerdotium promovendis, ac eorundem ætate, in dicta Constitutione cavetur. In Decanatibus, Præposituris, & aliis quibuscumque administrationibus non Conventualibus similem curam habentibus Ordinis seu Religionis hujusmodi, & in assumendis ad eos idem per omnia volumus observari.

## C A P. XXX.

Sane cum Prior claustralis esse debeat potens in opere ac sermone, Volumus, & in virtute sanctæ obedientiæ districtè præcipiendo mandamus, ut instituat ipse Prior provides & discretus, prout in Congregatione Cathedralis Ecclesiæ, vel Monasteriis, seu alterius loci ejusdem Ordinis seu Religionis aptior poterit inveniri, sitque talis qui continue in Capitulo seu Conventu resideat, claustrique curam & regimen exercere assidue teneatur.

## C A P. XXXI.

Attendentes præterea fore quam plurimos Monachos ipsius Ordinis seu Religionis, qui licet in vel sub alienis Ecclesiis vel Monasteriis, quorum unum ab alio non dependet, ex dispensatione supradictæ Sedis, beneficia sint adepti; remanent tamen in primis Ecclesiis, seu Monasteriis Monaci, nec ad Ecclesias seu Monasteria, in vel sub quibus beneficia obtinent, sunt translati; propter quæ opportune providere volentes, Auctoritate Apostolica statuimus & etiam ordinamus, quod quivis ex Monachis supradictis infra mensem post publicationem præsentis Constitutionis in suo provinciali Capitulo faciendam, dictarum Ecclesiarum seu Monasteriorum alterum eligere teneantur. Quod si secundum elegerit, in quo vel sub quo beneficiatus extiterit, statim eo ipso ejus verus Monachus cessatur, & esse desinat in priori; nisi forsan, in hujusmodi Ecclesia vel Monasterio sic electo, certus esset Monachorum numerus, & de ipso aliquis non deesset. Quo casu translationem ad Ecclesiam vel Monasterium sic electum differri volumus, donec aliquis de numero prædicto defuerit, & tunc in ejus locum eadem auctoritate eo ipso noverit se translatum.

De instituendo Priore Claustrali.

De Monachis obtinentibus Beneficia in Monasteriis alienis.

De Custodia ornamentorum Ecclesiæ, &amp; provisione librorum.

De Decanis, &amp; Præpositis, aliisque ad Sacerdotium promovendis.



tum. Quod si secundam Ecclesiam vel Monasterium omnino elegerit, ut præfertur, Prioratu, administratione, officio, seu beneficio huiusmodi, eo ipso noverit se privatum; & in prioris Ecclesia vel Monasterio remaneat Monachus sicut prius, dispensatione prædicta contra præsens statutum in nullo sibi penitus suffragante. Volentes nihilominus, quod de Prioratu, administratione, officio, seu beneficio huiusmodi per eos, ad quos alias eorum collatio, concessio, seu quævis dispositio pertinet, non obstante contradictione cuiuspiam, libere disponatur; eos nihilominus qui contra Constitutionem præsentem huiusmodi Prioratus, administrationes, officia, seu beneficia in alienis Ecclesiis seu Monasteriis retinere præsumperint, poenis Constitutionis Bonifacianæ, Cum singula Capitula, volumus subiacere. Et nihilominus per Superiores eorum graviter decernimus puniendos.

## C A P. XXXII.

Rursum declaramus quod omnes Monachi beneficia obtinentes in Ordine seu Religione huiusmodi, ex collatione, provisione, vel ordinatione Sedis Apostolicæ, aut Legatorum, executorum, vel provisorum ejusdem, seu per ipsius Sedis vel per prædictorum literas, & qui ea obtinuerint in futurum, teneantur obedire Superioribus suis ejusdem Religionis, eorumque subesse correctionibus, ordinationibus, punitionibus & statutis; & Prioratibus, administrationibus, officiis seu quibuscumque beneficiis, quæ obtinent, ut præfertur, & obtinuerint in futurum, ex causis rationabilibus privari valeant, & ab illis etiam amoveri, ac si per Superiores suos de suis beneficiis eis foret provisum.

## C A P. XXXIII.

Ceterum cupientes cultum divini Nominis non minui, sed potius augeri, sitque rationabile, ut quicumque beneficia regularia obtinent, onera debita & consueta supportent, Statuimus & ordinamus, quod in Monasteriis, Prioratibus, & aliis beneficiis Monachalibus, personis quibuscumque extra Ordinem seu Religionem huiusmodi, cujuscumque sint dignitatis, gradus, seu præminentia, collatis, vel commendatis, seu de cætero commendandis vel conferendis, tot Monachi teneantur, quot in eis tenebantur, cum per Monachos, Monasteria, Prioratus, & beneficia huiusmodi regebantur. Et quod nihilominus Monaco in eisdem Monasteriis, Prioratibus, & beneficiis committatur, id quod supra, vel circa alios Monachos inibi residentes haberet exercere administrator Monachus, si præesset ejusdem, quantum ad ea quæ pertinent ad Regulam seu Disciplinam vel observantiam Regularem; & quod quilibet huiusmodi Monasteria, Prioratus, & beneficia quomodolibet obtinentes ad Procuraciones, & alia quælibet onera imminencia persolvenda, reddenda, & supportanda auctoritate Apostolica per censuram Ecclesiasticam, & alias, sic per

omnia compelli valeat per Capitulum provincialis Præsidentes, sicut per Superiores possent & deberent compelli Monachi, si præessent Monasteriis, Prioratibus, & beneficiis memoratis; nisi fuerint Sanctæ Romanæ Ecclesiæ Cardinales, quos non decet aliorum compulsionibus subiacere.

## C A P. XXXIV.

Statuimus quoque & ordinamus, quod si aliquod Monasterium ipsius Ordinis seu Religionis, lapsum in religione, vel regulari observantia patiat, qui per Abbatem seu alium administratorem vel Monachos ejusdem Monasterii verisimiliter reparari non possit, per Præsidentes provinciali Capitulo, vel quemlibet eorumdem ad requisitionem seu relationem Visitatorum, prout eidem Capitulo super hoc consulendo videbitur expedire; vel sine consultatione huiusmodi, si ex dilatione consulendi dictum Capitulum periculum immineret, auctoritate Apostolica assumantur de alio Monasterio, in cultu ejusdem Religionis vigente, Monachi idonei, & ad dictum Monasterium lapsum patiens transmittantur, inibi quamdiu expediens fuerit moraturi, per quos lapsus huiusmodi reparetur. Illi autem Monachi ob quorum culpam alii transmittentur ad locum seu Monasterium sic collapsum, in dicto Monasterio, de quo alii, ut præfertur, assumpti fuerint, vel in diversis aliis Monasteriis religione vigentibus, ubi eorum conditio valeat reformari, per Præsidentes eosdem, prout expediens fuerit, eadem auctoritate Apostolica collocentur.

## C A P. XXXV.

Statuimus insuper & ordinamus, ut si alicujus Monasterii seu loci ejusdem Ordinis seu Religionis repentinus aut novus in facultatibus suis lapsus, vel aliquorum ipsius Monachorum excessus, Monachos sic excedentes aut alios ad Monasteria mitti exegerit aliena, Præsidentes præfati & eorum quilibet, ad requisitionem seu revelationem præfatorum Visitatorum, ubi provinciali Capitulo prius videbitur, & dilatio consulendi præfatum Capitulum periculum non inducet; alioquin sine consultatione dicti Capituli huiusmodi Monachorum, auctoritate prædicta faciant ad tempus, de quo eis videbitur, missionem ad receptionem ipsorum. Abbates & alios Prælatos principales ipsius Ordinis seu Religionis, qui eos aliter recipere forte noluerint, compellentes: Nisi fuerit talis huiusmodi missorum conditio, quod sine gravi scandalo in Monasteriis seu locis aliis, ad quæ missi fuerint, admitti vel tolerari non possint; vel nisi alias evidens & incalumniabilis ratio ipsos Abbates vel Prælatos ad receptionem talium suaserit non existere compellendos. Quo casu ad alia Monasteria vel loca modo simili transmittantur, contra sua super his consuetudine non obstante, & manente nihilominus illa consuetudine, quam super libera mis-

De reparanda  
Disciplina, ubi  
fuerit collap-  
ta.

De Monachis  
ad alia Mona-  
steria transmi-  
tendis.

De Obtinen-  
tibus Beneficia  
ex collatione  
Apostolica.

De Numero  
Monachorum  
in Beneficiis,  
quæ personis  
extra Ordinem  
conferuntur.



sione & receptione Monachorum hujusmodi, alia Monasteria sive loca inter se hactenus abuisse noscuntur, aut Ecclesias Cathedrales, Monacales quantum ad missionem & receptionem Monachorum eorum, sub statuto & ordinatione presentibus inclusas fore intelligimus & jubemus.

## C A P. XXXVI.

Ex Ordinibus Mendicantibus non Recipiendi Fratres, nisi licentiam, vel Apost. dispensationem obtendant.

Plerumque siquidem contingit, quod nonnulli professores Ordinum medicantium extiterint, de suorum Superiorum qui tunc erant, vel Apostolica licentia quam se habere prætendunt, se ad Ordinem seu Religionem hujusmodi transtulerint, qui asserunt quod ex dispensatione dictæ Sedis possint vocem aut locum in Capitulo habere ac Prioratus, administrationes, seu officia Monacalia licite obtinere. Nos igitur providere volentes, quod unde veritatis claritas pateat in præmissis, universis & singulis Antistitibus dictarum Ecclesiarum, necnon Abbatibus, & Prioribus, aliisque loca Conventualia ipsius Ordinis vel Religionis obtinentibus, a quibus prædicti translati esse noscuntur; Mandamus ut auctoritate Apostolica tales compellantur, quod licentiam & dispensationem hujusmodi legitimas, si quas habent, necnon titulum, Prioratum, administrationum, seu officiorum, si qua obtinent, omnino exhibere procurent infra certum tempus. Antistitem vel Abbatem, aliorumque prædictorum arbitrio rationabiliter moderandum. Quod si non fecerint, vel sufficientem licentiam & dispensationes præfatas non habuerint, prædicti Antistites, Abbates, & alii, non differant ipsos, prout justum fuerit, ab Ecclesiis, Monasteriis, Prioratibus, administrationibus seu officiis hujusmodi amovere, eosque a voce & loco Capituli repellere, aliasque debite procedere contra eos.

## C A P. XXXVII.

Quibus sub conditionibus audiendus Monachus Superiorem suum accusans.

Porro quia nonnulli Monachi contra Prælatos vel Superiores suos multa frequenter proponunt, non ut omnia probent, quia nec possent, sed ut diffament de omnibus, & probatis forsitan illorum aliquibus, finem consequantur optatum; Statuimus & etiam ordinamus, quod nullus omnino Monachus contra suum Prælatum vel Superiorem super crimine vel criminibus deinceps quomodolibet audiatur nisi se prius obligaverit ad poenam congruam, si defecerit in probatione propositorum, vel alicujus ex eis irremissibiliter subeundam. Volumus tamen, quod Prælatus vel alius, si de criminibus legitime convincatur, judicium non effugiat debitæ ultionis.

## C A P. XXXVIII.

De Conspirationibus.

Caterum quia pro eo quod conspiratores & conjuratores illiciti, Ordinis & Religionis ejusdem, interdum ut expediebat puniti hactenus non fuerunt, multa mala & scandala in eisdem Ordine seu Religione sunt secuta;

statuimus & ordinamus, quod ipsi conspiratores & conjuratores, cum de conspiratione & conjuratione hujusmodi legitime convicti fuerint, vel confessi, præter alias poenas talibus a iure, vel alias quovis modo inflictas, sint Prioratibus, administrationibus, & beneficiis quibuscumque, quæ obtinuerint eo ipso privati di vero simplices claustrales fuerint, eo ipso Sredantur inhabiles ad Prioratus, administrationes, seu quævis alia beneficia Ecclesiastica quomodolibet obtinenda. Contra conspiratores autem & coniuratos occultos, seu non convictos, vel non confessos, ut præfertur, per Superiorem aut Visitatores etiam poenæ aliæ prout expedire videbitur, generaliter statuuntur. Statuta namque & ordinationes suprascripta, necnon cuncta & singula in illis expressa, quemadmodum designatur, modificatur, & perstringitur in eisdem, ubique terrarum & locorum infra, & per Ordinem seu Religionem hujusmodi, eadem auctoritate volumus perpetuis futuris temporibus firmiter observari. Non obstantibus quibuscumque privilegiis, indulgentiis, exemptionibus, vel literis quibuscumque Ordinibus, Religionibus, Ecclesiis Cathedralibus, Monasteriis, seu aliis locis sub quacumque forma, vel expressione verborum ab Apostolica Sede concessis. Necnon quibuscumque statutis & consuetudinibus Ordinum, Religionum, Ecclesiarum Cathedralium, Monasteriorum & aliorum locorum ejusdem Ordinis seu Religionis Monachorum Nigrorum Parisiensium, & aliorum studiorum quorumcumque contrariis, juramentis, confirmationibus Apostolicis, aut quibuscumque firmitatibus aliis roboratis, necnon quibuscumque privilegiis, vel indulgentiis & literis Apostolicis, generalibus & specialibus contrariis, Ecclesiis, Monasteriis, locis & studiis quibuscumque, sive Universitatibus Magistrorum vel Scholarium eorundem, seu personis Ecclesiasticis, secularibus, & regularibus, exemptis & non exemptis, cujuscumque sint vel fuerint præeminentiæ, dignitatis, conditionis, aut status sub quibuscumque formis vel expressionibus verborum, ut prætangitur, a dicta Sede concessis, & ordinationibus ab eis, vel pro ipsis factis, per quæ presentibus non expressa, vel totaliter non inserta, effectus hujusmodi statutorum & ordinationum, omniumque aliarum & singularum contentarum in ejusdem presentibus impediri valeat quomodolibet vel differri, & de quibus quorumque totis tenoribus plenam & expressam oporteat in illis vel in aliis nostris literis fieri mentionem, seu si aliquibus a præfata Sede indultum existat communiter vel divisim, quod interdici, suspendi, vel excommunicari non possint per literas Apostolicas non facientes plenam & expressam, ac de verbo ad verbum de indulto hujusmodi mentionem.

## C A P. XXXIX.

Postremo volumus & mandamus, ut ordinationes & statuta nostra hujusmodi, & omnia alia & singula suprascripta (per quæ aliis juris solemnitatibus non intendimus in aliquo de-

De hisce statutis publicis.



derogare) in singulis Ecclesiis Cathedralibus, ac Monasteriis & locis aliis Conventualibus ipsius Ordinis seu Religionis sub scriptura authentica perpetuo habeantur, & fideliter conserventur, & quod in singulis Provincialibus Capitulis quarumlibet Provinciarum superius distinctarum, & nihilominus bis quolibet anno in antea in singulis Ecclesiis, Monasteriis, & aliis locis Conventualibus supradictis integre & attente legantur & etiam auscultentur.

Clausula.

Nulli ergo omnino hominum liceat hanc paginam nostrorum statutorum, ordinationum, voluntatum, constitutionum, deputationis, inhibitionum, declarationum, provisionis, prohibitionis, concessionis innovationis, approbationis, monitionis, extensionis, & mandatorum infringere, vel ei ausu temerario contraire. Si quis autem hoc attentare presumpserit, indignationem omnipotentis Dei & beatorum Petri & Pauli Apostolorum ejus se noverit incursum.

Dat. die 20.  
Junii 1336.  
An. II.

Datum Avenioni XII. Kalend. Julii Pont. nostri anno secundo.

## VII.

Ex Regest. in  
Archiv. Vatic.

Contra Fraticellos, eorumque sequaces & Fautores per Sedem Apostolicam damnatos.

Benedictus Episcopus, Servus Servorum Dei, Venerabilibus Fratribus Bertrando Archiepiscopo Ebredunensis, & Joanni Episcopo Anagnin. nostro in Spiritualibus Urbis Vicario salutem, & apostolicam benedictionem.

**D**Udum ad audientiam nostri Apostolatus perducto, quod quidam perniciosi homines, & perversi se Fraticellos seu Fratres de paupere vita dicentes, quorum secta pestifera olim per Sedem Apostolicam damnata extitit, & perpetuæ prohibitioni subiecta, in Urbe, ac Terris Ecclesiæ Romanæ immediatæ subjectis, circumvicinisque partibus commorantes, errores & hæreses varios periculose nimirum seminabant; tam Ordinariis, quam dilectis filiis Inquisitoribus hæreticæ pravitatis in præfatis Urbe, Terris, ac partibus Auctoritate Apostolica deputatis dedisse per nostras certi tenoris diversas litteras meminimus in mandatis, ut commissum eis inquisitionis officium solemter & fideliter super his & aliis negotium inquisitionis tangentibus exequentes de prædictis nequam hominibus, eorumque Receptatoribus, complicibus, fautoribus, & valitoribus, ac eorum & cujuslibet ipsorum in hac parte criminibus, delictis, & erroribus veritatem inquirere solemter adhibita diligentia procurarent, ad captionem, correctionem, & punitionem eorum secundum sanctiones canonicas & privilegia concessa eidem Inquisitionis officio nihilominus processuri.

§. 1. Sane cum, sicut ad Nos noviter est perlatus, prædictorum malorum, & superstitiosorum hominum præsumptio periculosa

& temeraria non est in illis partibus diminuta, sed aucta: cum nedum ipsi, quinimmo quamplures alii eorum sub aliis tamen diversis fictis habitibus sequentes & imitantes damnata vestigia in eisdem Urbe, Terris, & partibus, nec non & in Regno ac Terris Siciliæ disseminantes varios errores, & hæreses non sine multorum fautorum consiliis & auxiliis commorantur; Nos igitur tantis periculis obviari salubriter cupientes fraternitati vestræ per Apostolica scripta committimus, & mandamus, quatenus vos & quilibet vestrum insolidum per vos vel alium seu alios adversus prædictos homines eorumque sequaces, complices, ac receptores, fautores, & adiutores Clericos & Laicos cujuscumque status, dignitatis, præeminentiæ, vel conditionis existant, etiamsi Potificali vel quavis alia dignitate præmineant, simpliciter & de plano sine strepitu & figura Judicii secundum canonicas sanctiones & privilegia concessa eidem Inquisitionis officio ad inquisitionem, correctionem, & punitionem talium, prout cujuslibet excessus & delicti qualitas exegerit per vos aut cum Ordinariis & Inquisitoribus prædictis, quos sollicitetis super his conjunctim vel separatim, prout quando & quotiens expedierit, procedatis: ita quod pestifera labes extirpetur hujusmodi & Catholicæ fidei claritas remaneat illibata: Contradiçtores per censuram Ecclesiasticam appellatione remota compescendo non obstantibus tam exemptionis quam aliis quibuscumque privilegiis, indulgentiis, & litteris Apostolicis, sub quacumque forma, vel expressione verborum quibuscumque personis aut locis concessis per quæ vestra Jurisdictionis executio posset super his quomodolibet impediri, etiamsi de illis esset in præsentibus plena & expressa de verbo ad verbum mentio faciendâ: seu si aliquibus communiter vel divisim sit ab eadem Sede concessum, quod interdici, suspendi, vel excommunicari non possint per litteras Apostolicas non facientes plenam & expressam ac de verbo ad verbum de indulto hujusmodi mentionem.

Datum Avenioni Nono Kalendas Julii Pontificatus nostri anno II.

Dat. die 23.  
Junii 1336.  
An. II.

## VIII.

Quod Rectores Terrarum Romanæ Ecclesiæ Confaguineos vel Affines suos ad aliquod Officium exercendum in eisdem Terris minime admittant.

Exat. ibid.

Benedictus Episcopus, Servus Servorum Dei, ad futuram rei memoriam.

**D**ESIDERANTES in Terris Ecclesiæ Romanæ immediatæ subjectis serenitatem regnare justitiæ, sublatis, injuriosis oppressionibus, subditorum curam adhibemus libenter sedulam, ut nequaquam ab illis inferantur gravamina subditis, per quos debet ipsius justitiæ cultus coli.

Exordium.

§. 1. Sane ad nostri Apostolatus auditum fide



Causæ seren-  
dæ Constitu-  
tionis.

fide dignis quorundam relationibus est per-  
ductum, quod Marefcalli per Rectores Ter-  
rarum prædictarum, ibidem hætenus deputa-  
ti, de multis excessibus ab eis in gravamen  
& injuriam subditorum prædictorum, & præ-  
judicium Ecclesiæ memoratæ commissis, ex  
eo non extiterunt exinde, ut fieri debebat &  
expediebat, correcti, quia de consanguinitate  
vel affinitate Rectorum erant ipsorum: quin  
potius ex iis præstita eis audacia in subditos  
gravius sæviendi, rationis & justitiæ laxatis  
habenis, excessus excessibus, & oppressiones  
oppressionibus in damnum utilitatis Reipubli-  
cæ non modicum cumularunt.

Rectores Ci-  
vitatum Ma-  
rescallos & co-  
sanguineis af-  
sumere non  
possunt.

§. 2. Occurrere igitur eorumdem sub-  
ditorum in hac parte dispendiis cupientes,  
volumus, statuimus tenore præsentium, &  
etiam ordinamus, quod amodo nullus Rector  
Terrarum prædictarum, vel alicuius earun-  
dem aliquem, qui sit Frater, Nepos, Con-  
sanguineus, vel affinis ipsius, aut de Provin-  
cia, cui Rector ipse præsidet, oriundus,  
suum & Curia suæ Marefcallum, vel sub  
quocumque nomine gerentem officium, quod  
gerere Marefcallus consuevit, deputare præ-  
sumat, seu jam deputatum in eodem officio  
retinere; sed alium discretum fidelem,  
strenuum constituat, qui justitiam diligat,  
avaritiam odiat, & lucra propria contra ho-  
nestatem & justitiam, ac jura & honores  
prædictæ Ecclesiæ non venetur.

Quoto tem-  
pore durare  
debeat horum  
officium & de  
sindicacione  
de eis facien-  
da.

§. 3. Cuius quidem Marefcalli officium,  
per sex menses habeat tantummodo perdu-  
rare, nisi hujusmodi semestri finito tempore,  
facta inquisitione & sindicacione publice con-  
tra eum, justus mundus & fidelis fuerit in-  
ventus: quo casu per alios sex menses pote-  
rit Marefcallus iterum deputari; quibus finitis  
fiat similis inquisitio & sindicatio contra  
ipsum.

§. 4. Si vero Rector, per quem inquisitio-  
nes & sindicaciones habebunt fieri supradictæ,  
circa eas prece, vel precio, amore, favore  
vel odio, aut alias quomodolibet fraudolen-  
ter repertus fuerit deliquisse, pro male factis  
ipsius Marefcalli, quæ correxisse deberet,  
præter alias poenas, quæ sibi propterea pro  
meritis æquitas suaserit infligendas, tenebitur;  
nec Marefcallus ipse, quo minus corrigatur  
& puniatur debite juxta qualitates excessuum  
& delictorum ipsius, propter hoc remanebit  
immunis.

Nulli ergo omnino hominum liceat hanc  
paginam nostræ Constitutionis infringere &c.

Datum apud Pontem Sorgiæ Avenionen.  
Dioecesis sexto Idus Iulii, Pontificatus nostri  
Anno secundo.

Dat. die 10.  
Julii 1336. An.  
II.

## I X.

Quod Rectores & Thesaurarii Terrarum Ro-  
manæ Ecclesiæ stipendia, quæ dantur pro  
militia, familiaribus suis assignare  
non possint.

Ex eodem Re-  
gesto.

Benedictus Episcopus, Servus Servorum Dei,  
ad futuram rei memoriam.

**H**abet fide dignorum relatio nostris  
auribus sæpius inculcata, quod li-  
cet per Ecclesiam Romanam Rectoribus &  
Thesaurariis deputatis in Terris, eidem Eccle-  
siæ immediatæ subjectis, de stipendiis pro se  
suisque Familiaribus provideatur decenter;  
aliqui tamen Rectorum & Thesaurariorum,  
ipsorum hujusmodi stipendiis non contenti, sed  
avaritiæ cæcitate percussi, dum Rectoribus  
ipsis conceditur, ut tenere possint ad stipendia  
Ecclesiæ, aut Terrarum prædictarum certum  
stipendiarium, equitum, & peditum nume-  
rum; vel ipsi etiam pro coercendis rebelli-  
bus, & faciendis executionibus justitiæ, cum  
necessitas imminet, per se tenent familiares  
suos etiam ignaros & ineptos ad actus exer-  
cendos hujusmodi ad dicta stipendia, ut ea  
lucrentur & ditentur ex eis, & non ut in acti-  
bus prædictis serviant; cum nec servire pos-  
sent aut scirent, prout consueverunt inter-  
dum.

Causæ danda  
legis.

§. 1. Nos igitur talia, quæ cedunt in no-  
stræ detrimentum Camera, damnumque ver-  
tunt utilitatis publicæ, tolerare de cætero mi-  
nime intendentes, omnibus & singulis Recto-  
ribus, & Thesaurariis Terrarum ipsarum præ-  
sentibus & posteris, mandamus & inhibemus  
expresse, ne ipsorum aliquis quemquam fa-  
miliarem suum Clericum vel laicum, cujus-  
cumque conditionis existat, ad stipendia ipsa,  
quæ dabuntur pro tenenda, ut præfertur, gen-  
te armigera, ponere, vel ea cuiquam Familia-  
ri prædicto solvere, fraude quacumque cessan-  
te, absque nostra licentia vel mandato speciali  
præsumat. Quicumque vero ponendo vel sol-  
vendo contrarium fecerit, duplum nihilomi-  
nus ipsius, quod sic solutum extiterit, nostræ  
prædictæ Camera restituere præter poenam  
infligendam sibi pro transgressionem hujusmodi  
teneatur.

Constitutio  
de qua in Ru-  
brica.Pena contra  
inobedientes.

Nulli ergo omnino hominum liceat hanc  
paginam nostræ constitutionis infringere &c.

Datum apud Pontem Sorgiæ Avenionen.  
Dioecesis sexto Idus Julii, Pontificatus nostri  
anno II.

Dat. die an-  
noque eodem.



## X.

Quod Beneficia vacatura per adeptionem aliorum Apostolica auctoritate collatorum reservata censeantur, etiamsi ante assecutionem dictorum Beneficiorum ex causa permutationis, vel simplicis resignationis vacaverint.

*Ex eodem Re-* Benedictus Episcopus, Servus Servorum Dei,  
*gest.* ad futuram rei memoriam.

Beneficia nonnulla Sedi Apostolicæ se reservasse ait.

**D**udum nos, ex certis causis rationabilibus inducti, Prioratus, Decanatus, Dignitates, Personatus, Administrationes, Officia, Canonicatus, Præbendas, & Ecclesias, ceteraque Beneficia Ecclesiastica secularia & Regularia, cum cura vel sine cura, quocumque vel qualiacumque forent, etiamsi ad illa Personæ consuevissent, seu deberent per electionem, seu quemvis alium modum assumi, quæ per assecutionem pacificam quorumcumque Prioratum, Dignitatum, Personatum, Officiorum, Canonicatum, Præbendarum, & Ecclesiasticorum Beneficiorum aliorum, per Nos, seu auctoritate literarum nostrarum tunc collatorum, & conferendorum, in posterum, tunc vacantia, & in antea vacatura, ordinationi, dispositioni, & provisioni nostræ auctoritate apostolica duximus reservanda; decernentes ex tunc irritum & inane, si secus super præmissis per quoscumque quavis auctoritate scienter vel ignoranter contingeret attentari.

Quæ dum conferrentur provis de alio beneficio, hi primum beneficium in Ordinarii locanibus dimittebant.

§. 1. Verum, quia, sicut accepimus, frequenter hætenus contingit, quod cum alicui Ecclesiasticum beneficium obtinenti de alio beneficio Ecclesiastico vacante vel vacaturo providebamus seu mandabamus per nostras literas provideri, dictum Beneficium, quod obtinebat, pro eo, quod se non compatiebatur cum aliquo, de quo sibi providebamus seu provideri mandabamus, ut præfertur; seu alias ex voluntate seu dispositione nostra tenebatur dimittere, quamprimum dictum secundum Beneficium existeret pacifice assequutus, idem obtinens ante assecutionem hujusmodi dictum primum Beneficium simpliciter, vel ex Causa permutationis seu alias, in manibus Ordinarii resignabat; & sic per consequens ipsum primum Beneficium ante dictam assecutionem ejusdem secundi Beneficii per Ordinarium vel alium, ad quem alias spectabat ejus collatio, contingebat conferri; propter quod dicta reservatio seu voluntas in eo casu suum fortiri nequibat effectum.

Hujusmodi itaque Beneficia, quæ per assecutionem Beneficiorum a Sede Apost. vacare continger, eidem Sedi reservantur.

§. 2. Nos volentes circa præmissa adhibere, sicut expedit, remedium opportunum, omnes Prioratus, Decanatus, Dignitates, Personatus, Administrationes, Officia, Canonicatus, Præbendas, & Ecclesias, ceteraque Beneficia Ecclesiastica supradicta, quæ de cætero per assecutionem pacificam quorumcumque Prioratum, Dignitatum, Personatum, Officiorum, Canonicatum, Præbendarum, & Beneficiorum Ecclesiasticorum aliorum, per Nos, seu auctoritate nostrarum literarum, collatorum, seu conferendorum in posterum,

fuert vacatura, sive illa per resignationem simplicem, vel ex causa permutationis ante dictam assecutionem forsan vacare contigerit, collationi & dispositioni nostræ auctoritate prædicta specialiter reservamus: districtius inhibendo quibuslibet Ordinariis, & Dioecesanis locorum, ac Personis aliis Ecclesiasticis quibuscumque, ad quos talium Beneficiorum alias collatio vel provisio, seu quævis alia dispositio pertinet, ne de illis, quæ præmissis modis, vel aliquo eorumdem vacant, vel in posterum vacabunt, illa vice disponere, quoquomodo præsumant, ac decernentes ex nunc irritum & inane, si secus super præmissis per quoscumque quavis auctoritate scienter vel ignoranter contingerit attentari.

Nulli ergo omnino hominum liceat hanc paginam nostræ reservationis, inhibitionis, & constitutionis infringere &c.

Datum apud Pontem Sorgiæ Avenionen. Dioec. Decimo Kalendas Octobris, Pontificatus nostri Anno secundo.

Clausula.

Dat. die 22. Septembris 1336. An. II.

## X I.

Ordinationes, & Statuta pro bono regimine Ordinis Fratrum Minorum S. Francisci de Assisio.

Ex Regest.

Benedictus Episcopus, Servus Servorum Dei, ad perpetuam rei memoriam.

**R**edemptor noster, Factor Cælorum, & universæ conditor creaturæ, hominem creaturarum terrestrium dignissimum ideo ad imaginem suam condidit, ut in bonis & sanctis operibus sui sit imitator auctoris; & hanc esse voluit naturalem humani generis dignitatem, ut in eo quasi in quodam speculo & divinæ imaginis forma resplendeat, & sanctarum opera reluceant actionum, donans eis secundum unum & eundem spiritum diversorum dona carismatum, secundum gratias differentes fundans Militantem Ecclesiam, eamque insigniens diversis conditionibus hominum in Christo credentium, & ordinibus in divinis obsequiis militantium personarum: quo, viventes sub Regula, ab ipsa iter recte vivendi recipiunt, & transigendi præsentis militiæ cursum per divinorum semitam mandatorum normam sanctam suscipiunt, & laudabilem disciplinam.

Proemium.

§. 1. Ut igitur in Sacro Minorum Ordine Fratrum, quem ab olim gessimus & gerimus in visceribus charitatis, divinorum Officiorum Sacrificium, debitumque silentium, ciborum abstinentia, sanctimonia habitus observentur; studium quoque Sacræ Paginæ in dicto Ordine vigeat, & personis ejusdem Ordinis ad hoc aptis insistendi disciplinis scholasticis commoditas ministretur; ac charitas Dei, ex qua virtutes ceteræ generantur, regnet & ferveat in cordibus eorumdem, ceteraque laudabiles observantiæ regulares sic exemplariter luceant in eisdem, ut sint in aliis in recte vivendi speculum, & imitandæ sanctitatis exem-

Pontificis studiæ in restituenda regulari disciplina in Ordine Minoritarum.



Quos ad id in  
consilium ad-  
hibuerit.

exemplum; ad laudem Dei, & spiritualement pro-  
fectum omnium militantium in Ordine me-  
morato infrascriptas ordinationes in dicto Or-  
dine, auxiliante Deo, perpetuis futuris tempo-  
ribus observandas adhibitis Nobis ad hæc quam-  
pluribus viris solemnibus Sanctæ Romanæ Ec-  
clesiæ Cardinalibus: videlicet Venerabilibus  
Fratribus Petro Prænestinensi, Gaucelino Al-  
banensi Episcopis, ac dilectis Filiis Petro ti-  
tuli Sanctæ Praxedis Presbytero, ac Calhardo  
Sanctæ Lucæ in Silice, & Bertrando Sanctæ  
Mariæ in Aquiro, Diaconis Cardinalibus: ac  
etiam Venerabilibus Fratribus nostris, Gotio  
Patriarcha Constantinopolitan.; & Jacobo  
Episcopo Brixien.; ac dilectis filiis Gir-  
berto Sancti Victoris Massiliensis, ac Guil-  
lermo Montisfolivi Carcaffonensis Diocesis  
Monasteriorum Abbatibus, necnon Geraldo  
Generali, Henrico Franciæ, Joanne Burgun-  
diæ, Pastore Provinciæ, Petro Tuscæ, nec-  
non Pontio Carboneli Aragoniæ, ac Petro  
de Saxoferrato Marchiæ Anconitan., Phi-  
lippo quondam Mediolanen., Laurentio  
quondam Terrelaboris Provinciarum Mini-  
stris, Nicolao de Nayo, Gualtero Chyaton,  
Guillelmo Bernardi de Podio, Antonio de  
Valentia, Fortanerio Vassalli Sacræ Theolo-  
giæ Magistris, ac Petro de Strata Procurato-  
re in Curia dicti Ordinis Minorum, ejusdem  
Ordinis Professoribus, providimus faciendas.

De divinis  
Officiis.

§. 2. In primis circa agendum divinum.  
Officium in eodem Ordine auctoritate Apo-  
stolica ordinamus, quod ante Missarum & Ho-  
rarum principia Fratres dicti Ordinis omnes,  
quos causa rationabilis non excusat, ad Cho-  
rum convenient, præparaturi Domino corda  
sua, ibique sine discursu, murmure, risu, &  
absque vagis & vanis aspectibus, sub silentio  
in pace & cum debita gravitate permaneant  
cantent & orent, & usque in finem unanimi-  
ter perseverent.

Et psallendi  
modo.

§. 3. Quia vero cantus Ecclesiasticus di-  
vinæ laudis sacrificium fructusque labiorum  
canentium non solum eorum, qui psallunt,  
sed etiam auditorum ædificatio esse debent,  
eosdem Fratres hortamur in Domino, ut Di-  
vinas Laudes integre attente honeste ac re-  
ligiose persolvant; gestus leves, & cantus dis-  
solutos; seu fractos omnino declinent; tra-  
ctum psallant debito more, incepta quæ simul  
cantanda fuerint, simul continuent, simul pau-  
sent.

Obiectæ iis,  
qui contra-  
runt, pœ-  
næ.

§. 4. Ordinamus etiam, quod in singulis  
Ordinis prædicti Conventibus hora sexta, sicut  
aliæ horæ, cum nota dicatur. Custodes autem  
& Guardiani eorumque Vicarii diligenter in-  
tendant, quod præscriptus modus convenien-  
di ad Chorum, & dicendi Divinum Officium  
jugiter observetur. Siquem autem in aliquo  
præmissorum culpabilem compererint, debite  
puniant secundum delicti exigentiam, sive  
culpæ. Minister vero Generalis, seu Provin-  
cialis ipsos Custodes & Guardianos eorumque  
Vicarios, quos super ordinationis hujusmodi  
observantia deprehenderint notorie negligentes,  
a suis officiis tanquam inutiles debeat amo-  
vere: formâ tamen circa hujusmodi anno-  
tationem descripta inferius, observata; nul-  
Bull. Rom. Tom. III. Pars II.

lusque Frater eximatur a Choro, sed omnes  
Fratres teneantur ire ad omnes Horas Cano-  
nicas, & ad Missas, exceptis ægrotantibus actu,  
& multum antiquis, super quibus Guardianus  
habeat arbitrari, & Magistris, & Lectoribus,  
ac Bachalariis in generalibus studiis constitu-  
tis, & legentibus in aliis studiis, dum actu suas  
continuant lectiones; exceptis etiam Studenti-  
bus dum in Lectionibus Theologiæ, vel Dispu-  
tationibus ordinariis fuerint occupati. Porro  
illi de prædictis, qui ne ad Matutinum in  
Oratorio cum aliis convenient, sunt excepti,  
hora congrua simul ad Capitulum vel Lo-  
cum alium idoneum convenient, & ibidem  
simul Officium Matutinale persolvant. Ad  
hoc autem astringi nolumus graviter ægrotan-  
tes vel Lectores actu legentes, qui commo-  
de nequeunt interesse,

Qui eximi a  
Choro possint.

## De Silentio.

§. 5. Præterea, quia pax est opus justitiæ,  
& silentium cultus, ejus ne devotionis fervor  
per inquietudinem multiloquii extinguatur;  
Statuimus & etiam ordinamus, quod silentium  
a Completorio usque ad primam pulsationem  
horæ primæ diei sequentis ab omnibus obser-  
vetur, exceptis hospitibus de novo venientibus,  
& eis ministrantibus vel assistentibus usque  
ad horam congruam de Guardiani sui licen-  
tia, vel mandato. Sileatur autem in Claustro,  
in Choro, & in Ecclesia a principio Chori  
& supra; & in Dormitorio, in quo sunt cel-  
læ seu studia omni tempore: In Dormitorio  
vero a studiis separato temporibus, quibus  
Conventus Fratrum ibi dormit, & in Re-  
fectorio tam in prima quam in secunda Men-  
sa, ac etiam extra Refectorium, ubi erit mul-  
titudine Fratrum simul comedentium, & hoc  
non solum a residentibus, sed a forensibus  
observetur. In Locis autem, ubi Fratres non  
habent officinas distinctas ab immediatis Su-  
perioribus eorum Locorum loca distincta &  
commoda deputentur, ubi Fratres sileant,  
& ubi possint loqui aliis dum oportet. Simili-  
ter hora dormitionis a Festo Resurrectionis  
Domini usque ad Festum Exaltationis Sanctæ  
Crucis qualibet die post secundam mensam,  
immediate pulsatur Campanella Refecto-  
rii, & ex tunc sileatur usque ad Nonam.  
In diebus vero Jejuniorum simili modo a  
pulsata Campanella post mensam secundam,  
silentium observetur, donec fiat signum ad  
surgendum a somno secundum spatium a Guar-  
diano provide assignandum. Liceat tamen  
Fratribus, quod necesse est, loqui breviter  
& submisse. Si quis autem silentium fregerit  
debeat in Capitulo dicere culpam suam, cau-  
sam prout se in hoc deliquisse meminerit  
exprimendo, cui a Guardiano abstinencia a  
pulmento vel a vino, vel ab utrisque, vel  
alia poenitentia secundum culpæ exigentiam  
imponatur.

De salubri Novitiorum, & Juvenum  
informatione.

§. 6. Circa salubrem quoque Novitiorum  
H h 2 & Ju-



& Juvenum dicti Ordinis informationem statuimus & mandamus inviolabiliter observandam, quod quilibet Provincialis Minister, vel ejus Locumtenens annuatim in tabula diffinitionis sui Provincialis Capituli de Diffinitorum consilio certos Conventus in sua Provincia deputet, in quibus omnes Novitii ejusdem Provinciæ debeant commorari; & in quolibet illorum Conventuum Magistrum Novitiorum assignet unum in eadem Religione probatum maturum devotum providum & discretum, qui hujusmodi Novitiorum continuam curam gerat, viam Dei ipsos doceat sæpe & pure eos confiteri faciat, & ad servandam cordis & corporis puritatem informet, mores & observantias ejusdem Religionis eis verbo & exemplo demonstret. Hujusmodi autem novitiatus sive probationis tempore studio scholastico non intendant, sed divinum addiscentes Officium studio devotionis & orationis vigilanter insistant, nec Ordines Sacros suscipiant, nec Confessiones audiant, si fuerint Sacerdotes, nec portam Conventus exeant, nisi causa translationis, vel generalis processionis, vel emergentis necessitatis, vel alia justa seu rationabili, quæ per Fratres Confessores & Prædicatores Conventus, ubi hujusmodi Novitii fuerint, extiterit judicata, nec Literas mittant, nec recipiant sine sui Magistri scientia & licentia speciali, nec loquantur cum aliqua seculari persona, nisi suo præsentem Magistro, aut alio per suum Magistrum vel Guardianum ad hoc specialiter deputato. Caveant autem Guardiani, & ipsorum Novitiorum Magistri, ac Fratres alii, ne quem constitutum infra probationis annum aliquatenus impedire præsumant, quominus ad aliam Religionem, quam maluerit transeat, vel omnino ad sæculum redeat, sicut de sua processit voluntate. Professis quoque Juvenibus, qui ætatis suæ annum vigesimum quintum nondum attigerint, simili modo per ipsum Ministrum alius Magister idoneus deputetur, qui super eorum vita continue & diligenter invigilet, eos moribus instruat, ab insolentia compescat & retrahat, & ad regularem observantiam instanter inducat. Si qui vero instructionem dicti Magistri non reverenter, & cum effectu receperint, ipse Magister defectus & excessus eorum, ac contumaciam Custodi suo vel Guardiani denunciaret, qui eos tali disciplinæ subiiciat, quod cæteris transeat in exemplum. Si qui vero hujusmodi Magistrorum post Provinciale Capitulum morte vel longa ægitudine, vel alia justa & rationabili causa fuerint propediti, Minister eorum cum discretorum Fratrum consilio de aliis idoneis debeat celeriter providere. Tempore autem regiminis seu curæ hujusmodi Magisterii Magistri prædicti non mittantur extra Conventus seu loca, in quibus ad prædicta fuerint deputati, aut alias sic occupentur, quominus utiliter & salubriter curæ intendere valeant prælibatæ. Si autem Fratres ad hujusmodi Magisterium deputati ipsum pertinaciter suscipere recusaverint, puniantur pena, qua Fratres inobedientes debent secundum ipsius Ordinis Instituta puniri.

*De abstinentia.*

§. 7. Circa abstinentiam vero providimus ordinandum, quod in generali & provincialibus Capitulis, & etiam ubique in Refectoriis dicti Ordinis abstinetur ab esu carnis, quodque, ubi commode fieri poterit, in Conventu quolibet Ordinis una magna pars ipsius Conventus juxta dispositionem Guardiani ac Consiliariorum Conventus omni die in Refectorio comedat & in Domo, in qua alia pars Conventus juxta dispositionem dicti Guardiani comederit, sicut in Refectorio ab omnibus silentium observetur, & in Mensa lectio habeatur. In Festivitatibus autem, Nativitatis, Resurrectionis, & Ascensionis Dominice, Pentecostes, Apostolorum Petri & Pauli, Assumptionis Virginis gloriose, & Sancti Francisci, Sancti Antonii, & Beati Ludovici Episcopi totus Conventus in Refectorio comedat. Rursus etiam ordinamus, quod Ministri, Custodes, & Guardiani, ac eorum Vicarii sint cum Fratribus in Conventu, in Ecclesia, & in Mensa, & in cibis, vestibus, & lectis quam diu sani & fortes fuerint eisdem Fratribus se conforment; ubi tamen infirmitas vel debilitas aut labor itineris seu administrationis aliud suaserit faciendum, possint se a communi vita Conventus, infirmi quidem & debiles quamdiu infirmitas vel debilitas duraverit, alii vero, itineris seu administrationis laboribus fatigati diebus aliquibus separate, & in aliquo congruo & honesto loco refici moderate a superfluis & excessivis expensis penitus præcavendo. Ordinamus insuper quod Ministri & Custodes sollicitam curam gerant, quod de eleemosynis, & rebus aliis, quæ obvenient Conventibus, per Guardianos provideatur moderate juxta eleemosynarum & obventionum hujusmodi quantitatem Fratribus in communi; ne Fratres ipsi propter defectum communis & sufficientis victus seorsim comedere, & particulariter ac inordinate vitæ necessaria sibi procurare cogantur. Dicti autem Guardiani diligenter caveant, ne sine manifesta, & rationabili causa dent Fratribus extra Communitatem licentiam comedendi.

*De qualitate Habitus & Vestium*

§. 8. Sane cum felicis recordationis Joannes Papa Vigessimus secundus Prædecessor noster intendens quædam dubia circa vilitatem formam, & qualitatem vestium, & habituum Fratrum exorta plenius declarare, ac temeritatem & præsumptionem quorundam Fratrum, qui Prælati suis inobedientes in iis existerant, & habitus singulares & deformes contra communem ordinationem & observantiam Ordinis & Prælatorum suorum judicium verebantur assumere, & deferre, provide corrigere & cassare inter alias quadam sua Constitutione, quæ incipit *Quorundam exigit* adiecit clausulam, quæ sequitur in hæc verba: Nosque præfatorum Ministrorum Custodum & Guardianorum judicio præsentium auctoritate committimus determinare, videlicet arbitrari atque



atque precipere, cuius longitudinis, latitudinis, & grossitiei, & subtilitatis, cuiusve formæ si-  
ve figere, atque similium accidentium esse  
debeant tam Habitus, quam etiam ipsorum  
Caputia ac interiores Tunicae, quibus Fratres  
dicti Minorum Ordinis induuntur; ac insuper  
cujus quantæque vilitatis indui eos ipsis ve-  
stimentis oporteat, & an in vestimentis hu-  
jusmodi secundum regulam & declarationes  
Prædecessorum nostrorum, & Ordinis consti-  
tutiones, reluceat asperitas vilitas & pauper-  
tas; utrumve quantum ad colorem pretium  
vilitatem, paupertatem quoque, ac cætera  
accidentia supradicta Fratres vestimentis in-  
ducantur, ut debent; super quibus eorum  
Ministrorum, Custodum, & Guardianorum  
conscientias oneramus, districte præcipiendo  
mandantes, quatenus in prædictis, & his si-  
milibus eorum arbitrium & determinationem  
Generalis quidem in totius, Provincialium  
vero in Primitiarum, Ministrorum, Custodum,  
& Guardianorum administrationibus, Custodiis,  
& Guardianiis, seu Conventibus Ordinis me-  
morati commissis eisdem, Fratres omnes &  
singuli sequi omnino, eisque parere per omnia  
teneantur. Ac insuper, quod illorum sequen-  
do determinationem seu iudicium, illisque  
parendo, non sint nec dici possint, nec de-  
beant, nec ipsi se ipsos autument suæ Regu-  
læ vel Constitutionum sui Ordinis transgres-  
sores. Verum quia nondum, ut audivimus, ces-  
sat temeritas seu præsumptio aliquorum Fra-  
trum ejusdem Ordinis, Habitum & Vestes  
singulares & deformes portantium, ut præ-  
fertur, volentes eosdem per poenę adjectionem  
a temeritate & præsumptione hujusmodi ad  
communem Ordinis observantiam revocare,  
præsentium auctoritate statuimus, quod si qui  
ejusdem Ordinis Professores contra arbitrium  
determinationem seu iudicium Ministrorum,  
Custodum, seu Guardianorum in Ordine ipso  
præsentium habitus, aut ipsorum Habituum,  
Caputia, seu Vestes deformes, & vestibus alio-  
rum Fratrum communitatem Ordinis tenen-  
tium dissimiles & difformes portare, aut quod  
Fratres Ordinis talibus uti deformitatibus te-  
neantur, pertinaciter asserere præsumperint,  
nisi infra quindecim dierum spatium, post-  
quam præsens nostra ordinatio ad eos perve-  
nerit, a talibus insolentis obedienter destiterint,  
ipso facto sententiam excommunicationis in-  
currant, a qua per Generalem, seu Provin-  
ciales in suis Provinciis, Ministros dumtaxat,  
satisfactione præmissa possint absolvi. Ut autem  
major sit Vestium uniformitas inter Fratres  
& charitas amplius reluceat inter eos ordina-  
mus, quod pannus communis secundum re-  
gulam & declarationes Prædecessorum nostro-  
rum Ordini, & Fratribus conveniens per illos,  
ad quos pertinuerit procuretur tempore com-  
petenti; de quo communi panno Ministri, Custodes,  
Guardiani Lectores Prædicatores, Confesso-  
res, Procuratores, & ceteri Fratres, omnes sine  
distinctione aliqua, aut specialitate tam interius  
quam exterius induantur. Si quis autem Frater  
superfluas Vestes habuerit, teneatur eas exhibere  
Ministro, Custodi, vel Guardiani, qui eas in  
tali loco reponere teneantur, ut de ipsis ne-

cessitates supervenientium Fratrum, vel alio-  
rum indigentium subleventur. Si vero dicti  
Fratres neglexerint seu contempserint Vestes  
hujusmodi exhibere, Custodes vel Guardiani  
prædicti eas teneantur & possint licite eis  
auferre. Si autem pannus alicui Fratri detur,  
vel pro eo ematur, non præsumat dictus Fra-  
ter ex ipso panno vestes seu habitum sibi  
facere fieri, nisi prius dictum pannum suo  
Superiori ostenderit, & obtinuerit super hoc  
licentiam ab eodem.

*De modo licentiandi Fratres.*

§. 9. Ut autem in Fratribus dicti Ordinis  
debita gravitas & maturitas vigeant, & discursus  
arceantur; providimus salubriter ordinan-  
dum, quod nullus Frater extra locum Fra-  
trum mittatur, vel ad eundem licentietur,  
nisi maturus moribus, vel cum maturo socio  
& honesto; nec detur alicui socius ab ipso  
petitus sed socius, de quo expedire vide-  
bitur Præsidenti; nec extra Civitatem, Villam,  
Castrum vel Oppidum, in quo Fratres morantur  
ad alia loca Fratrum ituri licentientur sine  
litteris testimonialibus obedientiam vel  
licentiam continentibus, in quibus secundum  
locorum distantiam personarum ac negotii  
qualitatem, certus redeundi terminus a con-  
cedente licentiam, vel dante obedientiam præ-  
figatur; nec alicui hujusmodi licentia conce-  
datur sine causa justa & rationabili, quam is  
qui dat licentiam, extimet esse veram. Cum  
autem alicui dabitur licentia ingrediendi Ci-  
vitatem, Villam, Castrum, vel Oppidum,  
ubi Fratres morantur, is, qui licentiabit eum,  
inquirat de loco vel locis, de persona seu per-  
sonis, in quibus & cum quibus Frater licen-  
tiandus habebit aliquid expedire; & præfigat  
sibi certam horam, infra quam redire ad lo-  
cum, de quo egreditur, teneatur. Frater ve-  
ro hujusmodi licentiam accipiens, caveat, ne ad  
alia loca declinet, nec cum personis aliis tra-  
ctet, nec ultra præfixam sibi redeundi horam  
moram protrahat, nisi superveniens necessitatis  
articulus eum cogeret aliter se habere, quem  
ipse & socius ejus in quorum regressu suo Supe-  
riori exponere teneantur. Provinciales vero  
Ministri in eorum Provinciis, & Custodes in  
quorum Custodiis, ac Guardiani, in quorum  
Conventibus discursus inutiles fuerint frequen-  
tati, puniant discurrentes secundum hujusmodi  
discursuum quantitatem, & etiam qualitatem:  
Et si dicti Ministri hujusmodi discursus in suis  
Provinciis permiserint frequentari, per Visita-  
tores id denuntietur generali Capitulo, vel  
generali Ministro, ut prædicti Ministri per  
præfatos Capitulum vel Ministrum; præfati  
vero Custodes & Guardiani per Provinciales  
Ministros de hujusmodi negligentia debite cor-  
rigantur. Porro cum in Regula dicti Ordinis  
contineatur expresse, quod Fratres non de-  
beant equitare, nisi manifesta necessitate vel in-  
firmitate cogantur, tenore præsentium or-  
dinamus, quod priusquam aliquis Frater de  
loco aliquo dicti Ordinis profecturus exeat,  
de prædictis necessitate & infirmitate, Mini-  
ster vel Custos, si fuerint ibidem præsentis, vel



vel in eorum absentia de discretorum consilio Guardianus vel ejus Vicarius debeat arbitrari: Si vero alicui Fratri extra loca dicti Ordinis, itinere, vel alibi constituto necessitas vel infirmitas hujusmodi evenit, ita, quod prædictorum Ministri aut Custodis Guardiani seu Vicarii præsentia commode non possit haberi, tunc frater, quem equitare contigerit, debeat statim cum venerit ad præsentiam alicujus prædictorum Superiorum suorum, causam, propter quam equitaverit, explicare, qui cum consilio Discretorum causam hujusmodi examinare habeat; & si eam approbaverit, Frater hujusmodi sit immunis a pœna, alioquin tam is, qui sine prædicto primo arbitrio præsumpserit equitare, quam etiam ille, cujus in casu proximo causam prædictam non judicaverint esse justam, pro die qualibet, qua hujusmodi rei transgressor extiterit, una die in pane & aqua debeat jejunare, quam poenitentiam infra quindecim dies immediate sequentes debeat inchoare, ad quam etiam peragendam, per suos Superiores cogatur. Quod si Ministri vel alii Superiores prædicti in hoc fuerint reperi culpabiles, per Visitatores acius puniantur, & si hujusmodi vitium equitandi in aliqua Provincia commune fuerit, aut communiter usitatum, per eosdem Visitatores denuntietur Capitulo Generali, per quod provideatur super hoc de remedio opportuno.

*De Muneribus non dandis.*

§. 10. Caterum volumus & mandamus, quod Fratres dicti Ordinis munera, seu donaria Ministris, seu aliis Superioribus suis, aut eorum Sociis seu Familiaribus, per se vel alium non audeant impertiri. Ipsi quoque Ministri seu Superiores alii, eorumque Socii aut Familiares, ea per se vel alium recipere non præsumant; & tam Ministri & Superiores præfati, quam Fratres alii dicti Ordinis caveant, ne personis extra suum Ordinem hujusmodi munera seu donaria dare, seu offerre prorsus attentent, nisi prout ejus in præmissis casibus, & eorum quolibet, est permixtum per Constitutiones Ordinis, vel privilegia Sedis Apostolicæ intra vel extra Ordinem aliis elargiri. Si quis autem contra hujusmodi ordinationem dare vel recipere quicquam præsumpserit; Donator pro qualibet vice per tres dies in pane & aqua jejunet infra octo dies immediate sequentes; Recipiens vero totum quod receperit, in utilitatem seu licitos usus Fratribus Conventus seu Loci dicti Ordinis, in quo receperit, seu magis vicini, si extra Conventum vel Locum hujusmodi receperit, infra sex dies post receptionem prædictam convertere seu converti facere, vel procurare, ac nihilominus conversionem hujusmodi & causam ipsius duobus Fratribus discretis ipsius Conventus seu Loci exprimere teneatur. Quod si eum postea, quod absit receptionem iterare contingat, debeat præter conversionem præfatam pro qualibet vice semel in pane & aqua jejunare infra octo dies, a receptione hujusmodi computandos.

*De Familiaribus.*

§. 11. Nullusque Frater Famulum teneat nisi cui ex officio competierit per nostra, vel ipsius Ordinis instituta, possit tamen Generalis Minister, vel Provincialis cum Magistris in Theologia dicti Ordinis, quod Famulum tenere valeant, dispensare, si hoc eis visum fuerit expedire.

*De Studiis.*

§. 12. Ad promovendum insuper Sacrae Theologiæ doctrinam in Ordine memorato, statuimus, quod Fratrum, qui ordinabuntur ad legendum sententias Parisiis unus assumatur uno anno de Provincia Franciæ, per ipsius Provinciæ provinciale Capitulum eligendus; duo autem duobus annis sequentibus de aliis partibus Ordinis, unus videlicet de Cismontanis, alius de Ultramontanis partibus per generale Capitulum eligendi. Qui autem ordinabuntur ad legendum sententias Oxonii, duo assumantur duobus annis de Provincia Angliæ per ipsius Provinciæ provinciale Capitulum, eligendi; tertius autem pro anno tertio assumatur de aliis partibus Ordinis per generale Capitulum vicissim tam de Cismontanis, quam de Ultramontanis partibus eligendus. Simili quoque modo illorum, qui ordinabuntur ad legendum sententias in Studio Cantabrigiæ, duo assumantur duobus annis de Provincia Angliæ, per ipsius Provinciæ provinciale Capitulum, eligendi; & tertius anno tertio de aliis partibus Ordinis per generale Capitulum, tam de Cismontanis quam de Ultramontanis vicissim partibus eligendus, quorum omnium & singulorum electiones, & personæ electæ, si præsentibus fuerint, præsententur generali Ministro, qui si nihil habuerit contra eos, mittat ipsos cum suis obedientialibus literis ad studia memorata certis temporibus, injuncta eis lectionum & aliorum actuum scholasticorum opera secundum datam ipsis a Deo gratiam impleturos. Si vero contra aliquem prædictorum idem Minister aliquod grave habuerit, ex quo ejus judicio sit merito ab hujusmodi Lectoris officio repellendus, audito quidem eo, si præsens fuerit, in ipso Capitulo generali eorum quinque de Ministris, & quinque aliis Diffinitoribus, qui tunc erunt in eodem Capitulo generali, & responsis ac defensionibus ejus conscriptis, vel si absens extiterit, vocato & per ipsum generalem Ministrum, & defensionibus suis, si quas habuerit sufficienter auditis coram decem bonis sinceris & discretis Fratribus dicti Ordinis, qui vitam & actus ejusdem electi cognoscant: Et si in casu præmissis, in quo electus & præsentatus in dicto Capitulo præsens erit, prædictorum Ministrorum & Diffinitorum, seu majoris partis numero eorumdem, si ubi absens erit, præfatorum decem discretorum, seu majoris partis numero, eorum judicio repellendus fuerit, repellatur, quorum dicta remaneant penes ipsum generalem Ministrum de manibus ipsorum ad consilium vocatorum conscripta, ex qui-



quibus de huiusmodi repulsione ipse generalis Minister, si necesse fuerit, possit reddere rationem: Si tamen dicti Ministri, & Diffinitores in primo casu seu in secundo præfati decem Discreti seu maior pars numero eorundem ipsum repellendum non judicaverint, minime repellatur; sed ad exequendum huiusmodi Officium, ut prædicitur destinatur: In casu vero, in quo aliquis de electis mortuus vel repulsus, seu omnino aliter fuerit impeditus, & alterius loco ejus electio facienda per generale Capitulum in casu, in quo ad ipsum vel per Provinciale, ubi secundum præmissa ad ipsum electio alias pertinuerit, commode expectari non posset; Generalis Minister deliberatione prius habita diligenti cum decem Fratribus dicti Ordinis probis providis & discretis super idoneitate personarum dicti Ordinis notitiam de ipsis personis habentibus, quales sint, si commode haberi possint, de regione illa, de qua fuerat mortuus vel repulsus, seu graviter impeditus, de consilio dictorum decem Fratrum, seu ubi omnes non concordarent de consilio majoris partis numero eorundem provideat de alio idoneo illius regionis seu partis Ordinis, de qua erat mortuus seu repulsus, vel etiam impeditus, ut unicuique regioni, seu parti prædicti Ordinis honor & utilitas conservent. Si tamen hoc casu mora seu dilatio nimia periculum vel damnum afferrent, ita quod generalis Minister cito providere non possit, tunc Frater alius, qui ad legendum immediate post alium sententias extiterat assignatus, legat sententias loco & tempore mortui repulsi vel impediti, quamvis de alia regione seu Ordinis parte existat: Subsequenti tamen anno legat Frater alius de illa Ordinis parte seu regione, de qua erat præfatus mortuus repulsus vel impeditus modo præmisso, si commode fieri possit per electionem generalis Capituli in casu, in quo ad ipsum, vel Provincialis in suo casu, ut præmittitur, assumendus; & generali Ministro præsentandus, & per eum approbandus. Quod si etiam electio huiusmodi tempore congruo fieri vel expectari non possit, provideat generalis Minister præmissa deliberatione prædicta, & de consilio prædictorum, de aliquo idoneo Regionis, de qua erat, ut præmittitur, eligendus subsequenti anno prædicto: Quod si contingat per Sedem Apostolicam imposterum ordinari, quod in aliis Locis, seu Studiis fiant, seu fieri valeant, Sacre Theologiæ Magistri vel Baccalarii; illi qui de dicto Ordine deputabuntur ad legendas Sententias in eis legantur, prout supra de Parisiensi Studio est ordinatum, & ut de aliis est præmissum, præsentent generali Ministro, & in eis observentur, quæ in aliis sunt præmissa. Nullus quoque Frater dicti Ordinis ad legendum in prænominatis Studiis sententias assumatur, nisi prius legerit quater Libros Sententiarum cum scriptis approbatorum Doctorum in aliis Studiis, quæ in eodem Ordine dicuntur generalia, vel in Conventibus infra scriptis videlicet, Rothomagen., Remen., Meten., Brugen., Londonien., Eboracen., Norchvycen. Novicatri, Stanfordien., Comentreien., Oxonien., Bur-

degalien., Narbonen., Massilien., Asten., Varadien., Pragen., Pisan., Erfordien., Ariminen., Tudertin., Nullus autem Baccalarius in aliquo trium prænominatorum principalium studiorum, seu illorum, in quibus, ut præmissum est, continget imposterum per Sedem Apostolicam ordinari, quod fiant in eis in Theologia Magistri, incipiat ut Magister, antequam textum Biblię cum glossis ordinariis studuerit. In quolibet autem eorum trium vel proxime dictorum studiorum ille prior ad Magisterium præsentetur, qui prior in eisdem studiis fuerit in lectura sententiarum, eo semper salvo, quod antequam præsentetur, super ipsius vita, & sufficientia collatio habeatur per Ministrum Provinciale, vel Guardianum cum aliis Fratribus, qui solent ad illius loci, in quo assumendus erit ad Magisterium, consilia evocari, & si inventus fuerit insufficientis vel indignus, nequaquam præsentetur; sed generali Ministro casus instructus cum dictis eorum, qui fuerint in consilio nuntietur, qui cum duodecim discretis Fratribus matura deliberatione præhabita de consilio eorundem mandet dicto Ministro vel Guardiano, quod Baccalarium, qui post prædictum immediate debeat ad Magisterium inibi promoveri, si sit idoneus; alioquin illum, de quo ipse Generalis prædicta deliberatione præmissa, de consilio prædictorum duodecim præfatis Ministro Provinciali vel Guardiano mandaverit, in tali casu debeant ad Magisterium præsentare. Cum autem huiusmodi Fratres assumpti fuerint ad Magisterium, & in Universitate sua perfece- rint cursum suum, fiant Lectores alibi in locis solemnibus, ut in lectura valeant utiliter occupari. Aliis autem Conventibus habentibus ea studia, quæ in Ordine generalia nuncupantur, generalis Minister in Capitulo Generali de idoneis Lectoribus, & Baccalariis provideat, de consilio Ministrorum & Magistrorum, qui erunt in loco dicti Capituli generalis. Ubi autem ex incidenti causa haberet alicui, vel aliquibus studiis extra generale Capitulum providere, provideat de consilio decem discretorum Fratrum, de idoneitate, sufficientia personarum notitiam habentium, & nihilominus de consilio Ministri Provincialis & Custodis, de cujus Provincia vel Custodia erit Frater ad prædicta sumendus, si commode eorum præsentiam possit habere. Generali autem & Provincialibus Ministris, ac Custodibus, Guardianis. Diffinitoribus, Magistris, & Discretis, ac Electoribus prædictis, & aliis quibuscumque, ad quos hoc pertineat, in virtute Sanctæ Obedientiæ districte præcipimus, ne in eligendis vel assumendis, seu mittendis, aut deputandis, seu promovendis in Parisien., Oxonien., Cantabrigien., sive in aliis studiis prædictis Magistris, Lectoribus, seu Baccalariis; vel scholaribus, aut in provisionibus eisdem studiis faciendis, de ipsis vel aliquo, seu aliquibus prædictorum minus sufficientes proponant scienter magis sufficientibus odio gratia vel favore; prædicti vero Magistri, Lectores, & Baccalarii legentes Theologiam dictis Philosophorum non multum insistant, sed quæ theologice possunt tractari



clari, pertractent theologice, & dictis communibus antiquorum & approbatorum Doctorum, prout secundum Deum & veritatem poterunt, se conforment. Magistri quoque, & Lectores alii legentes Textum Biblię, debeant insistere circa dubia, quę sunt juxta ipsum, & circa dicta Sanctorum Catholicorum Patrum, ac Glossarum ordinariorum Biblię memoratę. Circa Fratres siquidem tam ad Parisien. quam ad alia generalia studia Ordinis transmittendos provide duximus statuendum, quod illi, qui ad hujusmodi studia extra suas Provincias de debito transmittuntur, per sua Provincialia Capitula eligantur: Electores autem meliores, & magis ad hoc idoneos eligere in virtute sanctę obedientię teneantur, illi vero, qui de gratia ad hujusmodi studia sunt mittendi, non mittantur sine generalis Ministri licentia speciali, & sine sui Ministri, & Provincialis Capituli approbatione pręcedente: missi vero sive de gratia sive de debito, si fuerint minus idonei ad scientiam capeffendam vel malę converfentur ibidem, seu pacis & Conventuum, seu studentium fuerint turbatores per Ministrum vel Guardianum in ejus absentiā de consilio consilii Conventus loci, in quo studuerint, ad eorum Provincias remittantur. Numerus autem studentium de gratia recipiendorum in singulis Conventibus studia generalia habentibus taxetur in Capitulo generali secundum statum & conditionem Conventuum eorundem, ultra quem numerum nullum recipere teneantur. Ad prędictum autem Parisien. Studium de singulis Provinciis non possint semel mitti, vel in eo recipi, nisi duo studentes de gratia, nec isti seu alii de debito missi possint pro Lectoribus revocari, donec studuerint per duos annos ibidem. Cum autem studentes in generalibus studiis constituto tempore ad suas redibunt Provincias, testimoniales Literas Guardiani & Lectoris Loci, in quo studuerint de sua conversatione & profectu, aut defectu in studio secum portent, quas suis Ministris ostendere teneantur. Et ut proficiendi occasio studentibus prębeatur, prędicti Guardianus & Lector non dent hujusmodi studentibus testimoniales Literas, nec sicut Fratres de consilio Loci, in quo studuerint, vel maior pars numero eorum consuluerint eis dari: Ipsi vero Guardiani & Lectori, ac aliis Fratribus de consilio in virtute Sanctę obedientię injungimus, ut perhibeant fidele testimonium veritati de hujusmodi studentium conversatione profectu & defectu, & de assiduis vel non assiduis Scholarum, & actuum Scholasticorum exercitio, seu sequela: Ministri autem eorum ipsos Lectores non instituant, nisi laudabile testimonium per modum pręscriptum recipiant de eisdem. Ne autem nova cujusvis doctrinę opera per Fratres ipsius Ordinis incaute, vel periculose communicari, aut publicari contingat; districtę pręcipimus, quod novum opus theologicum, juridicum, vel philosophicum scilicet Librum seu Libellum summam compendium postillam Expositiones Glossas, Tractatum, vel Collectionem, seu compilationem quęstionum, vel sermonum a quocumque fuerit editus, vel edi-

ta, seu editum nullus Frater sine subscripto examine, ac Ministri, & Capituli Generalis prius obtenta licentia speciali intra vel extra Ordinem publicare, communicare, vel copiare pręsumat: Si quis autem hoc attentare pręsumpserit, omnibus scholasticis & legitimis artibus, ac usu librorum se noverit ipso facto fore privatum. Prędicti autem operis examen fiat per quatuor Fratres ejusdem Ordinis in theologica facultate Magistros ad hoc per generale Capitulum specialiter deputatos, qui ad diligenter inspiciendum, & examinandum nova hujusmodi opera examini eorum commissa, & ad fideliter referendum per obedientiam astringantur, quive completo examine per se, vel per Literas generali Ministro, & generali Capitulo referre, quę approbatione vel improbatione digna repperint, teneantur: quorum relatio & approbatio vel improbatio in Libris ordinis registrentur.

*De expensis Studentium evitandis.*

§. 13. Ordinamus etiam, quod pro principis Magistrorum dicti Ordinis in Theologia, vel Baccaliorum sententias inchoantium, seu occasione eorum principiorum, non expendant in Cibis vel potibus nisi semel dumtaxat, quantum sufficiat pro una moderata refectione Conventus Loci, in quo fient hujusmodi principia, Ceteri vero Baccalarii Lectores, aut cursus in Biblia facientes, seu quivis alii studentes, tam Parisiis quam in aliis generalibus, vel particularibus studiis pro nullo principio, vel actu Scholastico suo, vel alieno quicquam expendant.

§. 14. Porro, quia nonnulli dicti Ordinis habitum Religionis ejusdem gestantes; sed a puritate ac communitate ipsius recedentes procurante satore malorum, sub simulata quadam sanctitatis specie damnatas, per Sacrosanctam Romanam Ecclesiam, hæreses dogmatizare, prædicare defendere, & approbare pręsumunt, suęque doctrinę, & prædicatione sacrilega, & perversa corda simplicium damnabiliter corrumpere, & depravare conantur, districtę pręcipimus, ut contra tales, & quoscumque alios dicti Ordinis Fratres, qui talia verbo, vel scripto pręsumpserint, sicut contra hæreticos debite procedatur, & contra Fautores Defensores, & receptatores eorum procedi debeat juxta Canonicas Sanctiones: Illos etiam, qui ausi fuerint doctrinam positionem, vel opinionem per dictam Ecclesiam reprobam docere prædicare defendere, vel approbare, aut per eandem Ecclesiam approbatam reprobare animadversione Canonica decernimus puniendos. Districtius etiam inhibemus, ne quis Fratrum dicti Ordinis opinionem de fide vel moribus suspectam, aut per Magistros Sacrę Theologię communiter reprobam, dogmatizare, prædicare, defendere, vel approbare pręsumat, quibuscumque Fratribus dicti Ordinis, qui aliquem ejusdem Ordinis sciverint vel audiverint talia facientem in virtute sanctę obedientię injungentes, ut quamcito commode poterunt, prout ea perceperint, Superiori ipsius debeant intimare, qui

Decretum  
contra Fratri-  
cellorum se-  
quaces.



qui ante omnia ei districte precipiat, ne talia recitet vel attentet, donec insuper eis plene veritas sit discussa: pro cuius discussione idem Superior ad aliquod de vicinioribus studiis Theologiæ festinet recurrere, & super iis veritate comperta Fratri talia dogmatizanti prædicanti, defendenti seu approbanti, ac quibuscumque aliis Fratribus, vel in iis faventibus, vel eum defendentibus, prout culparum eorum qualitas, seu præsumptuosa temeritas exegerit de consilio discretorum Fratrum loci præfati Studii debitam poenam imponat; & ad revocandum cum effectu, prædictam opinionem erroneam ipsos moneat & inducat, quod si pertinaciter parere contempserint, nec a talibus desistere forte voluerint, eos de prædictorum consilio carceri mancipet, & detineri faciat mancipatos, donec efficaciter paruerint, & desisterint a prædictis. Et nihilominus prædictus Superior de præmissis omnibus plenam & fidelem relationem faciat in primo subsequenti Capitulo generali, in quo quid super eis faciendum fuerit, plenius ordinetur. Districte etiam inhibemus, ne postquam super negotio fidei questio seu dubitatio aliqua, super qua sint opiniones adversæ vel diversæ, deducta fuerit ad Apostolicæ Sedis examen, quisquam ex tunc alterutram partem determinare, eligere, vel approbare præsumat; sed super easdem ejus iudicium, seu declaratio expectetur. Præterea ordinamus, quod Magistris, Lectoribus, & Baccalariis in studiis generalibus legentibus, per Conventus locorum, ubi legunt, de vitæ necessariis debeat provideri; alias autem expensas, sive pro itinere sive pro vectura librorum, Conventus, de quo mittentur habeat procurare, moderatas tamen, & prius a Ministro generali, vel provinciali taxatas: Si autem Conventus non sufficiat ad expensas huiusmodi ministrandas; faciat eis dictus Generalis, vel Provincialis provideri per Communitatem Custodiæ vel Provinciæ, de quibus assumuntur, de prædictis expensis: quando autem remittentur provideant eis Conventus, a quibus recedunt; & si Conventus huiusmodi non possint providere, faciat eis prædictus Generalis vel Provincialis, per Custodias vel Provincias, cujus erunt, prout supra in casu alio est provisum.

#### De Libris.

§. 15. Rursus ordinamus, quod de Libris donatis vel legatis cuivis Communitati, seu personæ Ordinis, de quibus donantes provide disposuerint, fiat id dumtaxat, quod dispositum vel ordinatum fuerit per eosdem. Libri vero Fratrum decedentium, quos ipsi Fratres dum viverent, a Communitate Provinciæ vel Custodiæ vel Conventus habuerant, libere ad illam Communitatem, a qua eos habuerant, revertantur; Illi vero Libri, qui Fratribus aliter quam supradictum est, obvenierint vel obvenient, seu de quibus per Donantem seu Legantem expresse non fuerit ordinatum, ipsis Fratribus decedentibus ad eorum Conventus libere revertantur. Nec libri ad Con-

ventum aliquem pertinentes distribuantur vel alienentur; sed de ipsis muniatur plene Conventus, ita quod de Grammatica, Logica, Philosophia, & Theologia habeantur in ipso Conventu libri duplicati, vel amplius multiplicati secundum magnitudinem, numerositatem, conditionem, & statum cujuslibet Conventus. Postquam vero quilibet Conventus fuerit libris præmissis hoc modo munitus, de aliis libris fiat distributio primo Fratribus ejusdem Conventus habilibus & indigentibus; deinde si facta distributione, huiusmodi libri superfuerint, vel si in ipso Conventu Fratres non fuerint habiles vel indigentes, distribuantur aliis Fratribus ex eadem Custodia tantum, cujus erit ipse Conventus. Distributiones autem huiusmodi fiant per Guardianum de consensu Conventus, & de licentia Ministri. Decedentibus autem ipsis Fratribus libri, qui eis fuerant distributi, ad ipsum Conventum, a quo habiti fuerant libere, ut præmittitur, revertantur modo consimili aliis distribuendi, de novo proviso tamen, quod meliores, seu utiliores libri temper remaneant in Conventu pro munitione prædicta. Libri vero ad Communitatem Custodiæ pertinentes distribuantur in Provinciali Capitulo Fratribus ejusdem Custodiæ tantum per Ministrum, & Diffinitores juxta dispositionem Custodis & Fratrum discretorum, seu vocalium, ut eorum verbis utamur, ipsius Custodiæ. Libri autem ad Communitatem Provinciæ pertinentes distribuantur in Provinciali Capitulo per Ministrum, de consilio & assensu Diffinitorum & Custodum. Insuper ordinamus, quod libri Communitatis Provinciæ non possint extra Provinciam, nec libri Custodiæ extra Custodiam, cujus erunt distribui, quodque distributiones prædictæ, & personæ, quibus fient, registrari debeant per illos, per quos hætenus est in Ordine fieri consuetum; & registra huiusmodi fideliter custodiri: nec per illos, quibus libri prædicti fuerint distributi, dicti libri possint distrahi, commutari, vel vendi, seu quomodolibet alienari, nisi pro melioribus, & utilioribus libris, & tunc de consensu & licentia Ministri, & illorum, per quos fuerint distributi: quod si contra præsumpserint, puniantur poena, quæ pro gravibus culpis in Ordine consuevit imponi. Ut autem Libri in ipso Ordine melius valeant conservari, ordinamus, quod Guardiani in sua novitate infra unum mensem, postquam officium Guardianatus assumpserint, & in Conventu suo fuerint, teneantur in præsentia Conventus sui facere fieri Inventarium de omnibus Libris, qui in ipso Conventu tunc fuerint eisdem Libris dicto Conventui realiter demonstratis. Ipsi etiam Guardiani Libros, qui tempore administrationis suæ Conventui obvenient, in præsentia ipsius Conventus cum Inventario recipiant; & huiusmodi Inventaria renoventur annis singulis, & legantur in præsentia Conventus, Libris ipsis tunc etiam, ut præmittitur, realiter demonstratis. Legantur etiam ibidem tunc Literæ seu registra, & nihilominus in dicto Inventario conscribantur super Librorum distributionibus supradictis confecta. Ordinamus etiam, quod Libri Fratrum deced-



De rebus FF.  
decedentium.

dentium in loco Romanæ Curie per Procuratorem Ordinis remittantur Communitati, Provinciæ, Custodiæ, seu Conventui, ad quam seu quem secundum præmissam nostram ordinationem debent reverti; Vestes vero Conventui dicti Loci Curie applicentur. Si vero pecunia fuerit pro necessitatibus huiusmodi Fratrum in loco Romanæ Curie decedentium apud aliquem de dicto loco deposita valorem quatuor Florenorum excedens, & Dominus pecuniæ eam non revocaverit, ad aliquem spirituales amicum Conventus eorumdem Fratrum decedentium remittatur: Quod si pecunia dictam summam non excesserit pro Procuratoris officio expendatur. De rebus autem aliis parvi valoris, si quæ fuerint, prædictus Procurator, & Guardianus dicti loci Romanæ Curie disponant, prout eis secundum Deum videbitur expedire. De omnibus autem inventis, tam retentis, quam remissis, dictus Procurator Ordinis cum Guardiano, & Discretis loci dictæ Curie Inventarium faciant, & ipsum ad Conventum Fratris defuncti, quamcitus poterunt, destinare procurent.

*De Donis & Legatis factis Fratribus.*

§. 16. Quilibet etiam Frater dicti Ordinis, cui aliquid sine determinato usu legati, donari, vel pro aliquo deponi continget, postquam huiusmodi legatum, donatum, seu depositum, ad ejus notitiam pervenerit, Custodi aut Guardiano suo vel ejus Vicario, quamcito commode poterit, debeat fideliter revelare. Hoc idem facere debeat quicumque Frater alius habens notitiam prædictorum. Guardianus autem si Frater, cui legatum, seu donatum, vel pro quo depositum fuerit, sit habilis ad scientiam capeffendam, provideat ei, seu provideri procuret secundum legati vel donati, seu depositi quantitatem, & secundum Fratris ipsius idoneitatem de Libris ad ejus studium opportunis. Si autem Frater huiusmodi Libris non indiget, aut ubi Libris indigeret, proviso de Libris sufficienter, eidem aliquid de legato vel donato, seu deposito huiusmodi superesset Guardianus eius huiusmodi legatum, donatum, seu depositum, vel id quod facta provisione huiusmodi supererit, in communes sui Conventus necessitates converti, seu dispensari procuret; & necessitatibus eius, cuius contemplatione oblatum, datum, seu legatum fuerit favorabile, studeat subvenire. Per hoc tamen, vel per quævis alia supra, vel infrascripta, Constitutioni felicis recordationis Bonifacii Papæ Octavi Prædecessoris nostri, quæ incipit: Super Cathedram: in nullo intendimus derogare. Inhibemus insuper ne, dicti Ordinis Fratres equitaturas eorum usui applicatas ultra usum expletum, aut lectisternia eorum Ordini non congruentia, seu alias excessiva, aut argentea, vel aurea vasa seu alia jocalia pretiosa teneant; sed si talia eis donari, legari vel alias obvenire contingat, vel iam forsitan donata seu legata sunt, vel aliter obvenerunt eisdem, in Libros, vel in alias res, quibus Fratres ipsi possunt uti licite, prout de aliis supra dictum est, conver-

tantur, nisi fuerint deposita seu commendata; vel per dominum revocata. Quod si Superioribus suis infra tres menses, postquam huiusmodi nostra Ordinatio in Provinciali eorum Capitulo fuerit publicata, prædicta non revelaverint, ut præmittitur convertenda, & ex tunc ea retinere præsumpserint, poena proprietarii puniantur.

*De elemosynarum memoria, & Suffragiis faciendis.*

§. 17. Ordinamus etiam, quod in quolibet Conventu seu loco dicti Ordinis sit deinceps unus Liber, in quo scribantur fideliter nomina & cognomina Benefactorum, & beneficia seu elemosynæ Fratribus pro vivis, seu defunctis impensa, & talium Benefactorum nomina, cognomina, & beneficia, seu elemosynæ eorum infra hebdomadam, in qua facta fuerint, in Capitulo Fratribus recitentur & suffragia ibidem fiant pro benefactoribus ipsis, & Orationes, vel Missæ pro ipsis benefactoribus Fratribus imponantur, ibidem secundum quod Guardiano vel ejus Vicario videbitur. Nomina etiam, & cognomina illorum, qui loca dictorum Fratrum in totum, vel pro parte fundaverint, aut Fratribus ædificia construxerint, seu construi fecerint, vel eis notabilia donaria fuerint elargiti, ipsaque beneficia eorumdem anno quolibet in Capitulo recitentur, & pro eorum animabus a Fratribus in speciali oretur. Per hoc autem non intendimus in aliquo derogare ordinationibus, statutis, vel observantiis dicti Ordinis rationabilibus, secundum quæ prædicta debeant frequentius recitari.

*De juramento Generalis, & Provincialium Ministrorum, & aliorum.*

§. 18. Ordinamus etiam, quod deinceps Minister generalis in sua novitate, antequam suum Officium exequatur, teneatur juramentum præstare in præsentia generalis Capituli, si tempore electionis suæ ibi præsens fuerit vel præsentem Conventu Loci, in quo eum decretum suæ electionis recipere continget sub forma, quæ sequitur: Ego Frater N. generalis Minister Ordinis Fratrum Minorum ab hac hora in antea fidelis ero Sancto Petro, Sanctæque Romanæ Ecclesiæ, Dominoque meo Domino Papæ, suisque Successoribus canonice intrantibus: non ero in consilio nec in facto, ut vitam perdant aut membrum, vel capiantur mala captione: Consilium, quod mihi aut per se, aut per literas, aut per nuntium manifestabunt, ad eorum damnum nulli pandam: Vocatus ad Synodum veniam, nisi fuero præpeditus canonica præpeditio: In correctionibus judicialibus gravium criminum, & in provisionibus promotionibus, confirmationibus, destitutionibus, & repulsionibus faciendis de personis dicti Ordinis, fideliter ac secundum Deum, & Regulam Beati Francisci, puramque & rectam conscientiam me habebō; Sic me Deus adjuvet, & hæc Sancta Dei Evangelia. Simile juramentum præstabunt Ministri Provinciales, statim cum fuerint confirma-

ti in

Constitutio  
Bonifac. VIII  
super Cathedram  
validatur.



ti in præsentia primi provincialis Capituli: Et nihilominus, quod subiectionem, & reverentiam, & obedientiam a Sanctis Patribus constitutam secundum Regulam Beati Francisci Generali Ministro, & suis successoribus canonicè substitutis, exhibebunt, quamdiu in obedientia, & unitate Sanctæ Romanæ Ecclesiæ fuerint. Ordinamus etiam, quod Diffinitores Capitulorum generalium, & Provincialium, antequam sua exequantur officia, præstent in præsentia ipsorum Capitulorum, corporaliter juramentum, quod suum officium fideliter exercebunt. Electores etiam Generalium, & Provincialium Ministrorum, antequam ad electionem procedant, in præsentia dictorum Capitulorum jurare teneantur, quod nullum eligent, quem sciant vel credant indignum. Electoribus autem Custodum, & Guardianorum districte injungimus, quatenus in eligendo se habeant secundum Deum, & rectas, ac puras conscientias eorumdem. Ipsis etiam Custodibus & Guardianis in virtute sanctæ obedientiæ præcipimus, ut in commissis sibi officiis diligenter & fideliter debeant se habere.

*De Familia, & expensis Generalis  
Ministri, & ratione reddenda.*

§. 19. Præterea ordinamus, quod Generalis Minister duos Fratres notabiles providos & expertos habeat socios, unum Cismontanum, & alium Ultramontanum, per eum de consilio Provincialium Ministrorum in Generali Capitulo habito assumendos: & si eos vel eorum alterum mori aut impediri contigerit, loco ejus vel eorum alium vel alios secundum modum præmissum, de consilio aliquorum Discretorum debeat surrogare: Et nihilominus habeat duos alios Fratres dicti Ordinis, boni testimonii socios, & duos honestos Famulos, quibus dumtaxat habeat contentari. Eidem autem Generali, & præfatis Sociis ac Famulis provideatur moderate in suis necessariis per Conventus, seu Custodias, vel Provincias, prout est hætenus in Ordine consuetum. Ipse vero Generalis Minister pro se & iis, qui secum erunt, non permittat, immo fieri prohibeat, excessivas expensas: de iis autem, quæ sibi ratione personæ, vel officii dari, legari, vel offerri undecumque continget, per unum de prædictis Sociis reddat in Generali Capitulo fideliter rationem.

*De Visitatione Generalis Ministri.*

§. 20. Ordinamus etiam, quod Generalis Minister teneatur omnes Provincias dicti Ordinis, tribus dumtaxat exceptis inferius designatis, infra decem annos, postquam ad Officium Ministeriatus assumptus fuerit, personaliter visitare; & in visitando easdem Provincias illum ordinem teneat, qui expedientior videbitur Capitulo generali: & postquam unam Provinciam visitaverit, nunquam postea causa visitationis revertatur ad eam, priusquam omnes reliquæ Provinciæ ab eo fuerint visitatæ. Quod si forsan casus aliquis arduus emer-

*Bull. Rom. Tom. III. Pars II.*

ferit, propter quem Provincia visitata plus aliis, quæ visitandæ fuerint, indiguerit visitari; tunc dictus Generalis, si per Ministrum Provinciale, & Provinciale Capitulum Provinciæ visitata fuerit requisitus, vel generali Capitulo, vel etiam ipsi Generali Ministro propter magnam necessitatem, vel moræ periculum videbitur fore ad eandem Provinciam, causa visitationis, intermissis aliis Provinciis redeundum, possit ad eandem causâ visitationis redire Provinciam, nec animarum profectus aliquatenus negligatur. Ubi autem ex quavis causâ rationabili hujusmodi visitationis ordinem interruperit, ipsa causâ cessante eundem ordinem visitandi resumat: Et ubi visitationem Prædecessor dimiserit, ibi eandem debeat inchoare Successor. Si vero eundem Generalem Ministrum contingeret legitime impediri, quod personaliter visitare non posset; tunc per alium vel alios idoneos dicti Ordinis Fratres hujusmodi Visitationis officium exequatur. Ad tres vero Provincias, ut præfertur, exceptas, quas Generalis Minister non tenetur personaliter visitare, videlicet Ibernix, Græciæ, & Terræ Sanctæ infra eosdem decem annos mittat dictus Generalis Fratres idoneos, & discretos ad hujusmodi Visitationis officium exequendum de consilio generalis Capituli deputandos, qui ipsas Provincias visitare teneantur tam publice quam private.

*De Visitatione Provincialium Ministrorum.*

21. Singuli quoque Ministri Provinciales illi videlicet, qui parvas singulis annis qui vero magnas habent Provincias de triennio in triennium ad minus Conventus & alia loca suarum Provinciarum visitare, & complere in eis Visitationis officium teneantur: Quod si rationabili causâ cessante non fecerint, a suis ministeriis debeant amoveri. Præfatus quoque Generalis Minister teneatur fideliter facere relationem in Capitulo Generali de statu Provinciarum, quæ per eum fuerint visitatæ; & quilibet Provincialis Minister in eodem Capitulo Generali hoc idem facere teneatur de statu Provinciæ sibi commissæ; & quicumque alii, qui Provincias visitabunt.

*De destitutione, & renunciatione Provincialium Ministrorum.*

§. 22. Quia vero circa electionem & institutionem Ministrorum Provincialium, est per Constitutionem felicis recordationis Clementis Papæ Quinti Prædecessoris nostri sufficienter provisum, nihil super hoc duximus innovandum. Sed cum eadem Constitutio in destitutione eorumdem Ministrorum Provincialium reservari voluerit, quod hætenus in ipso Ordine extitit observatum, observantiam hujusmodi cum quibusdam nostris additionibus, deinceps volumus modo subscripto in Ordine prædicto teneri: Videlicet, quod in Capitulo generali Provinciales Ministri semper, si præsentis fuerint, per se renunciare teneantur, vel per literas, si absentes, quorum



de ipsis Fratribus promovendis; & de eorum, ac Custodialium Discretorum ad provinciale Capitulum transmissorum consilio illos deputent & assumant. Et nihilominus Minister Generalis, qui tam intus quam extra Capitulum Fratres ad prædicta officia valeat assumere cum extra dicta Capitula eos assumere voluerit, testimonium & consilium suorum Ministri, & Custodis adhibeat & requirat, si præsentiam habeat eorumdem; alioquin per ipsorum literas, si commode fieri valeat, & si ad dicta officia assumendi dicto Ministro, & præfatis Discretis Custodialibus videantur idonei, super quo eorum conscientias oneramus, assumantur & ordinentur per ipsum Generalem Ministrum ad officia supradicta: Qui autem ad hujusmodi confessionis officium assumuntur, prius quam officium hujusmodi exequantur, sint sufficienter instructi de casibus Sedi Apostolicæ, & Dioecesanis reservatis; ac de prohibitionibus, & poenis a jure statutis contra illos, qui temeritate propria, in casibus prædictis absolvunt, vel in aliis, in quibus absolvere non possunt. Caveant autem Fratres prædicti, qui ad confessionum audiendarum officium assumpti fuerint, ut non passim poenitentias pecuniarias imponant, & in casu, in quo poenitentia pecuniaria imponenda rationabiliter fuerit, vel satisfactio indicenda, non mandent eam, vel procurent sibi, aut aliis singularibus Fratribus vel Conventibus sui Ordinis distribui, vel erogari: Ministri autem Custodes, & Guardiani compellant Fratres etiam notabiles ad audiendas confessiones, non solum potentium, & divitum; sed etiam pauperum personarum. Ordinamus etiam, & districte mandamus, quod confessiones mulierum audiantur in aliquo patienti loco Ecclesiæ, vel alio honesto etiam patienti, & nihilominus serventur, quæ circa hæc sunt in dicto Ordine provide instituta. Per præmissa autem non intendimus præfatæ Constitutioni felicitis recordationis Bonifacii Papæ Octavi Prædecessoris nostri, quæ incipit: *Super Cathedram*; in aliquo derogare.

*De Fratribus euntibus seu mittendis ad partes Infidelium.*

§. 28 De Fratribus autem ad partes Infidelium pro prædicatione verbi divini mittendis ordinamus, quod Generalis Minister nullos Fratres mittat, vel licentiet ad dictas partes, nisi præhabito testimonio Ministri Provinciæ, cujus erunt Fratres mittendi. Provincialis autem Minister per obedientiam super hoc requisitus teneatur perhibere fidele testimonium veritatis; an videlicet Fratres hujusmodi sint idonei ad mittendum. Ante vero quam hujusmodi testimonium perhibeat, Fratres mittendos de fide, & doctrina, quam sequuntur vel hætenus secuti sunt, idem Minister Provincialis examinet diligenter; Et nihilominus Fratrum discretorum hujusmodi Fratrum notitiam habentium requirat testimonium, & consilium, ac illi fidele testimonium, & consilium dare per eandem obedientiam teneantur; ita quod nullus de aliquo errore vel de

superstitiosa doctrina vel de mala conversatione suspectus ad partes hujusmodi destinetur. Provinciales vero Ministri nullos ad memoratas partes mittant sine conscientia, & licentia Generalis Ministri; & nihilominus circa illos, quos miserint, habeant, quæ præmissa sunt, per omnia observare.

*De adhibendis ad consilia Fratribus, & modo tenendo in eis.*

§. 29. Præterea salubriter providimus ordinandum, quod Generalis, & Provinciales Ministri, eorumque Vicarii, necnon & Visitatores super confirmatione, vel promotione, seu provisione ad officia Ordinis, ac etiam super judiciali correctione gravium, criminum consilium decem proborum discretorum Fratrum non partialium, sed zelum, Dei habentium, requirere teneantur; vel sex ad minus, ubi decem commode haberi non possent, & auditis responsis eorum, illud, quod ipsis Præsidentibus, & majori seu æquali parti numero dictorum Consulentium videbitur, exequantur. Quod si majori parti numero ipsorum Consulentium aliud, quam eisdem Præsidentibus videatur, & ipsis Præsidentibus consilium ipsius majoris partis minus sanum, vel suspectum appareat; tunc in alio loco solemniter & opportuno totidem aliorum, proborum, & discretorum Fratrum semel dumtaxat requirant consilium, non personam, sed casum cum debitis, & necessariis circumstantiis solummodo exprimendo, nisi deliberatione prius super hoc habita, iidem Præsidentes videant fore expediens nominari personam. Quod autem eisdem Præsidentibus, ac majori vel æquali parti numero hujusmodi Consulentium videbitur, exequantur. Quod si etiam in hoc casu majori parti numero horum Consulentium aliud, quam eisdem Præsidentibus videatur, tunc si ipsis Præsidentibus secundum eorum bonas, & rectas conscientias videatur aliter, quam hujusmodi pars major numero consulat judicandum, vel agendum, Superiorem consulant, vel referant negotium principali Capitulo, vel Generali, prout qualitas seu magnitudo negotii Generali, vel Provinciali Capitulo ipsum exegerit referendum: Quibus tam Præsidentibus quam Consulentibus in virtute sanctæ obedientiæ injungimus, ut postpositis quorumcumque precibus & inductionibus, odiis & favoribus, ad id solum, quod eis secundum Deum, & suas bonas conscientias videbitur, sua consilia dirigere teneantur, iis, quæ circa prædicta, vel alias sunt superius, vel inferius ordinata, in suo robore duraturi. Nullus insuper Præsidentens suam in consilio per se, vel alium aperiat voluntatem, antequam Consiliarii consilium dederint super iis, de quibus ab eis consilium requiretur; sed verbis simplicibus, & planis illud seu illa, de quibus fuerit agendum, proponat; nec contra aliquem de Consiliariis ipsis ante vel post ratione dati, vel dandi consilii turbationem ostendat. Ipsius quoque Consiliariis inhibemus, ne ad verba injuriosa superba, aut scienter superflua, vel turbatio-



bationem seu impedimentum præstantia se convertant; sed reverenter & humiliter dent consilium super iis, de quibus fuerit impediendum.

*De denunciationibus & inquisitionibus  
excessuum.*

§. 30. Ut autem circa correctionem excessuum delinquentium Fratrum, deinceps certius procedatur, & via calumniis præcludatur statuimus, ut excessus enormes Fratrum, de quibus aliquis fuerit condemnatus, aut convictus, legitime seu judicialiter confessus, vel qui evidentia rei erunt notorii, registrentur in libris Ordinis, in quibus talia solent scribi. Enormes autem intelligi volumus in hoc casu illos, pro quibus in dicto Ordine graviores & confusibiles poenæ consueverunt imponi. Si vero excessus enormes occultos tamen, per unum solum contra aliquem dicti Ordinis Fratrem alias bonæ famæ alicui Superiori ipsius secrete denunciari contingat, non recipiatur huiusmodi denuntiatio ad finem, ut propter eam ad inquisitionem seu discussionem judicalem procedatur; nisi denunciatus requisitus per Superiorem eundem dicat se fore paratum, ea, quæ sic dicit, & prout ea denunciat, deponere, ut Testis, & in præsentia denunciati jurare; nec registretur talis denuntiatio in dictis libris Ordinis, nisi præfatus Superior verissimiliter credat, vel æstimet, posse super denunciatis excessibus Testes alios idoneos reperiri. Possit tamen super eis huiusmodi denuntiatio per ipsum Superiorem recipi, ut denuntiatio, quanto brevius poterit, in secreto moneat, si & prout discretioni suæ videbitur faciendum. Ubi autem denunciator seu Testis alius idoneus super huiusmodi occultis excessibus postea appareret, possit Superior ad secretam, si ei visum fuerit, etiam si denunciatus absens & remotus extiterit informationem procedere, & tam primum quam secundum, & quoscumque alios Testes idoneos recipere, recepto ab eis prius corporali juramento: informationemque huiusmodi in præfatis Libris Ordinis registrare; tamen infra biennium, quam cito commode poterit, Fratrem denunciatum vocare, & ea, de quibus delatus est, & factam informationem, seu registrationem ei exponere; ac etiam infra biennium huiusmodi si commode fieri valeat: alioquin quamcitus commode poterit, super prædictis iustitiam facere teneatur. Quod si infra dictum biennium præfatus Superior denuntiatio non vocaverit, & ea, de quibus delatus, seu contra eum informatio, seu registratio facta extiterit, ei non exposuerit, ut præfertur, ipso elapso biennio, informatio vel registratio, seu processus huiusmodi ipsi denunciato nocere non possint. Si vero plurium singularium personarum testimonia contra Fratrem aliquem super excessibus ejusdem generis habeantur, ex quibus probabiliter reddatur suspectus; tunc ad veritatis inquisitionem plenioram, etiam, si expediens videbitur, per arctationem personæ, contra quam habebuntur huiusmodi testimonia, procedatur

secundum modum suspicionis, & qualitatem excessus, ac statum & conditionem personæ. Et, si crimen per inquisitiones huiusmodi non probetur, ipseque denunciatus remaneat infamatus, indicatur ei purgatio, vel alio modo provideatur Ordinis honestati, & famæ denuntiati. Contra tamen infamatos apud bonos & graves etiam unius denuntiatio de enormi excessu, licet secrete facta fuerit, scribatur, & in præfatis Libris Ordinis registretur, & ad inquirendam veritatem excessuum, prout proxime de aliis præmittitur, procedatur, etiam, si expediens videbitur, per arctationem personarum ipsarum secundum modum, suspicionem, qualitatem excessuum, & statum ac conditionem personarum. Et si excessus per inquisitiones huiusmodi non probentur, ipsique remaneant diffamati, indicatur eis purgatio, vel, prout præmittitur provideatur aliter famæ ipsorum, & Ordinis honestati. Cæterum Ministris, Custodibus, & Visitatoribus districte præcipimus, ut ea, quæ, ut præmittitur, fuerint registranda, fidei scripturæ commendent, & toto regimini seu officiorum suorum tempore custodiant diligenter: districte nihilominus præcipientes eisdem, & aliis quibuscumque dicti Ordinis, ne Libros prædictos, seu acta, quæ in ipsis notata vel scripta fuerint, vel aliquid de eis deleant, subtrahant, comburant; vel alias destruunt, sive mutant, vel hoc fieri mandent per alios, permittant, sine generalis Ministri speciali licentia & expressa. Quod si quis prædictorum huiusmodi Libros, seu acta, vel aliquid de eisdem scienter & malitiose delere, subtrahere, comburere, destruere, seu mutare sine prædicta licentia; aut aliquid in eis falso scribere, vel scribi facere; vel si quisquam præfati Ordinis dictis Ministris Custodibus, seu Visitatoribus ipsis ignorantibus, vel invitis clausuras, aut sigilla, sub quibus huiusmodi Libri, seu acta servantur, frangere, vel aperire scienter & malitiose præsumpserit, sententiam excommunicationis incurrat, a qua per Generalem dumtaxat Ministrum, vel per eum, cui hoc ipse duxerit committendum, possit absolvi: & si de hoc fuerit legitime convictus, poena carceris puniatur. Quando vero prædictos Ministros, Custodes, aut Visitatores ab officio removeri, vel eos eidem renunciare contigerit, Successoribus suis libros & acta prædicta integraliter tradere & relinquere per obedientiam teneantur. Si tamen contra huiusmodi Successores in libris seu actis huiusmodi, vel Registris aliqua habeantur, transcribantur plene & integre in libris, seu registris Generalis Ministri de ipsius Ministri Generalis licentia speciali, antequam tradantur vel relinquuntur Successoribus supradictis; & de libris aliis deleantur, de quibus libris, seu registris Generalis Ministri nunquam talia, aut quæcumque alia, quæ in eis scripta extiterint, deleantur, vel immutentur, etiam per ipsum Generalem Ministrum; sed prout veritas se habuerit, perpetuo incorrupta remaneat in eisdem. Præterea ordinamus, quod si in Provincia, Custodia, vel Conventu, aliqua

fuc-



fuert turbatio, & divisio inter Fratres, quæ per Provinciale Ministerium tolli non possit, Generalis Minister per se ipsum, vel per Visitatorem, seu Visitatores visitet huiusmodi Provinciam, Custodiam, vel Conventum; & eos, quos repererit taliumurbationum, & divisionum auctores, si in Officiis fuerint constituti, eos amoveat ab Officiis ipsis, de consilio Discretorum, prout superius duximus ordinandum: & tam ipsos in Officiis constitutos, quam alios, qui non fuerint in Officiis constituti, si visum fuerit expediens, de suis expellat Provincias, vel aliter puniat, prout pacifico statui Ordinis expediet, & culpa exegerit eorundem. Pro salubri quoque puritatis augmento dicti Ordinis tenore presentium providimus ordinandum, quod Capitulum culparum, quod ut audivimus, secundum morem in dicto Ordine hactenus observatum, semel dumtaxat consuevit in septimana teneri, fiat & teneatur deinceps perpetuo ad minus tribus diebus cujuslibet septimane, in quibuscumque Locis Conventualibus ejusdem Ordinis, & aliis, in quibus saltem erunt sex fratres, vel supra, ac etiam in quibuscumque aliis, in quibus dictum Capitulum fieri consuevit: In quo quidem Capitulo culparum quotidianæ culpæ, ac negligentiae singillatim, & specificè plene recognoscantur, & recognitæ debite puniantur. Ordinent autem & statuunt Ministri, & Guardiani in singulis Locis prædictis, & præsertim in illis, in quibus erunt studia, seu studentes, sic prudenter horam huiusmodi Capituli celebrandi secundum qualitatem personarum, varietatem temporum, & conditionem locorum, & aliis omnibus pensatis in talibus, quæ secundum datam eis a Deo prudentiam viderint expedire. Itaque ipsa Capitula plene fieri, & teneri valeant tribus diebus prædictis, & dictæ culpæ ac negligentiae recitari, & puniri, prout superius est præmissum: & nihilominus divinis Officiis, Sermionibus, Lectionibus, & aliis, quæ expedienda fuerint sufficienter vacari, quemadmodum in pluribus Religionibus etiam diebus singulis laudabiliter observatur. Præterea ordinamus, quod si Ministri Generales, seu Provinciales, aut Custodes, vel Guardiani, sive quivis alii præfidentes dicti Ordinis reperti fuerint criminosi seu prævaricatores Ordinis aut Beati Francisci Regulæ contemptores, sive notabiliter negligentes, & remissi, & specialiter si ordinationes, & statuta nostra præsentia vel statuta regularia dicti Ordinis non faciant, quantum in eis fuerit, observari, ab eorum officiis seu præfidentiis deponantur.

#### *De Dormitoriis, Cameris, & Clausuris.*

§. 31. Cæterum ordinamus, quod nullus Fratrum habeat Cameram clausam, vel a Dormitorio sequestratam, exceptis Ministris & Lectoribus constitutis in generalibus studiis; & quod in cellis, vel studiis Fratrum aliorum non habeant velamina vel clausuræ, quominus Fratres intus existentes patere possint aspectibus aliorum. Magistri autem in Theologia etiam non legentes, & Fratres emerita

senectutis possint de licentia Generalis, vel Provincialis Ministri habere cameras a Dormitorio sequestratas. In dictis autem cellis & studiis, seu cameris comedere non præsumant, nisi forte in cameris ratione infirmitatis, vel de licentia Ministrorum ex aliqua alia rationabili causa. Quod si contra fecerint, secundum suorum Superiorum arbitrium, puniantur. Volumus etiam, quod in Locis Ordinis sufficientes clausuras non habentibus clausuræ huiusmodi fieri procurentur: & quod diebus singulis infra spatium compræhendens Ecclesiam seu Oratorium, Claustrum, Dormitorium, & studia a dormitorio separata, & secretæ necessitatis locum, Fratres omnes præter infirmos & forenses, ac servitores eorum, & illos, quibus concessum est habere cameras a dormitorio separatas, a Completorio usque ad primum signum Primæ diei sequentis se recolligant, seu includant sicque per Domos alias vel Porticus aut plateas illo tempore, quieti & orationum dedito nullatenus evagentur, nec ad Lectores de nocte præsumant accedere, etiam si eorum Cameræ fuerint infra inclusionem prædictam: ad Infirmos tamen extra conclusionem prædictam, possint de licentia Guardiani, vel ejus Vicarii accedere, si casus necessitatis emergat. Loca vero dicti Ordinis, quæ ad huiusmodi inclusionem non sunt disposita, quamcito commodius fieri poterit, disponantur, & huic salubri observantiæ coaptentur.

#### *De Ædificiis.*

§. 32. Præterea volumus, & etiam ordinamus, quod in Locis dicti Ordinis Ecclesiæ aut Officinæ, seu quævis alia ædificia sumptuosa non inchoentur, neque destruantur, nisi deliberatione prius habita diligenti per Generalem, seu Provinciale Ministerium, Custodem, Guardianum, & Discretos loci; & nihilominus interveniente auctoritate ipsius Generalis, seu Provincialis Ministri: & cum facienda fuerint, & inchoanda huiusmodi Ædificia, caveant diligenter prædicti & alii, quod propter ipsa, seu occasione ipsorum Conventus victus necessaria non amittant, nec loca ipsa debitis aggraventur constitutione præfati Clementis Prædecessoris nostri super hoc edita in suo robore duratura. Per præmissa vero, vel aliquod præmissorum non intendimus Regulæ dictorum Fratrum, seu Constitutionibus, aut declarationibus quorumcumque, Romanorum Pontificum Prædecessorum nostrorum subsecutis, seu factis, vel habitis super ea, in aliquo derogare: quinimo præmissa omnia & singula secundum Regulam, Constitutiones, & declarationes prædictas, in quantum ipsas tangunt, intelligi volumus, & servari.

#### *De Monialibus, seu Minorissis.*

§. 33. Insuper, quia decet Christi familias, & devotas Ancillas, quæ mundanis contemptis illecebris adversus principes tenebrarum, & contra spirituales nequitias pugnatura,



re, se per professionis votum disciplinis regularibus astrinxerunt, in agone præsentis militiæ sic per rectum iter observantiæ regularis incedere, ut per perfectam cordis & corporis puritatem post consummatum cursum, mundialis certaminis superne vocationis bravium consequi mereantur. Nos statui Monialium, si quæ sunt sub cura, seu regimine Fratrum Ordinis minorum, vel erunt in futurum, sive Minorissarum, aut sanctæ Claræ, seu Sancti Damiani Ordinum, vocabulis nuncupentur, paternæ sollicitudinis studio providere volentes, auctoritate præsentium ordinamus, quod in singulis Monasteriis earumdem per Provinciales Ministros ejusdem Ordinis Minorum de consensu Abbatissarum & Conventuum, seu majoris partis numero earumdem, auctoritate Apostolica certus Monialium numerus statnatur juxta Monasteriorum ipsorum suppetentiam obventionum & etiam facultatum; itaque ex ipsis congrue valeant sustentari: quodque ultra dictum numerum nulla in eis possit recipi nisi de Apostolicæ Sedis auctoritate seu licentia speciali, vel nisi adeo ipsorum Monasteriorum facultates seu obventiones excrescerent, quod pluribus possent sufficere competenter; sed ex tunc prius talis excrescentia referatur Capitulo generali dictorum Fratrum Minorum, in quo ordinari habeat, quot personæ ex ipsis fructibus, vel obventionibus excrescentibus ultra dictum statutum numerum possint poni. Cum autem infra dictum statutum numerum alicuius, vel aliquarum receptio fuerit facienda, talis receptio fieri nequeat nisi de Ministri Generalis, vel Provincialis speciali licentia & expensâ: quibus districte præcipimus, ut antequam hujusmodi concedant licentiam, diligenter provideant, ne aliqua pactio illicita, seu pravitas simoniaca intercedat. Si vero contingat aliquid gratis offerri Monasterio ab ingrediente, parentibus, vel amicis ejus, vel alterius Monialis, vel pensionem seu redditus alicui Moniali, vel quicquid aliud donari vel legari, per Abbatissam ipsius recipiatur, & in usus communes convertatur, & necessitatibus ejus, cujus contemplatione oblatum, datum, seu legatum fuerit, favorabilius subveniatur. Caveant insuper præfati Generalis & Provinciales Ministri, ne pro concedenda prædicta licentia, seu alias quomodocumque occasione ipsius, vel quovis alio colore vel figmento quæsito, aliquid, quacumque seu quibuscumque persona vel personis, per se vel alium seu alios, ante ipsam licentiam, vel etiam postea, recipere quodcumque præsumant, seu recipi a quibuscumque aliis etiam sui Ordinis singularibus Fratribus vel Conventibus, seu dari aut offerri locis vel fabricis, seu aliis usibus quibuscumque dicti Ordinis vel locorum ipsius faciant vel procurent; aut quantum in eis fuerit, hoc fieri permittant, etiam prætextu cujuscumque consuetudinis, quam reputamus potius corruptelam. Si vero contra fecerint, ipso facto excommunicationis sententiam incurrant, a qua nequeant, nisi per Summum Pontificem præterquam in mortis articulo ab-

*Bull. Rom. Tom. III. Pars II.*

solutionis beneficium obtinere: Et si legitime ad hoc convicti fuerint, ab eorum ministeriis seu officiis perpetuo deponantur. Præterea ordinamus, quod tam Abbatissæ, quam alii, seu aliæ, qui, seu quæ, bona, & obventiones dictorum Monasteriorum administrabunt, colligent, recipient, aut expendent, teneantur annis singulis coram Generali, vel Provinciali Ministro, seu Visitatore, & certis Monialibus Monasteriorum ipsorum providis & discretis, ad hoc per Conventus eorumdem Monasteriorum electis, de receptis & expensis, ac de iis, quæ eis vel per eas debentur, & de statu in quo Monasteria erunt, plenam & fidelem reddere rationem. Ordinamus etiam, quod deinceps in singulis Monasteriis sive Locis ipsarum in novitate cujuslibet Abbatissæ infra duos menses, postquam pacificam possessionem bonorum Monasterii habuerit, in præsentia Generalis vel Provincialis Ministri, seu Visitatoris ipsius Monasterii, & sex discretarum Monialium ejusdem, de omnibus Bonis ipsius Monasterii mobilibus & immobilibus, seseque moventibus, in quibuscumque consistant, fiant inventaria seu registra consimilia duplicata, sigillis Abbatissæ, & Conventus sigillata: in quibus inter alia contineatur, quot extent, vel deficient animalia, & qualia quanta blada, vina, & cætera victualia, & quæ & quot & quibus Monasterium debeat, & quæ & quot & a quibus debetur eidem, & sub quibus obligationibus debet, vel debetur ei; & quæ & quot vasa sive ornamenta, vel suppellectilia, & similia inibi fuerint. Et si qua Abbatissa in bono statu receperit Monasterium, ipsumque postea ad malum statum deduxerit, bona ipsius debitis obligando indebite, vel dilapidando seu alienando, ab administratione Abbatissæ removeatur omnino, & alias debite puniatur. Prædicta autem inventaria seu registra clare & integraliter in Capitulo ipsius Monasterii præsentibus Conventu ejusdem, & ad hoc specialiter congregatis legantur, & vulgarizentur. quibus sic lectis, unum penes Abbatissam remaneat, & aliud penes dictum Conventum, & transcriptum ipsius penes dictum Generalem vel Provinciale Ministerium. Cæterum cum universæ & singulæ dictorum Ordinum Moniales secundum earum regulas & Constitutionem felicitis recordationis Bonifacii Papæ Octavi Prædecessoris nostri, super hoc editam, sub perpetua in suis Monasteriis debeant permanere clausura, & in nonnullis Monasteriis Monialium prædictarum id, sicut accepimus, non usquequaque servetur; volentes Constitutionem prædictam super hoc inviolabiliter observari, districte præcipimus Ministris, Visitatoribus, Abbatissis, & quibuscumque aliis, ad quos vel quas hoc pertinuerit, ut clausuram hujusmodi diligenter teneri faciant, & servari; itaque nulli earum tacite vel expresse professæ sit, vel esse valeat quacumque ratione, vel causa clausuram hujusmodi deinceps egrediendi facultas; nisi forte causa plantandi vel ædificandi eandem Religionem ad aliquem locum aliquæ transmittantur, vel tanto forte & tali morbo evidenter earum aliquam labo-

De Clausura  
Monialium.

K k rare



rare constaret; quod non posset cum aliis absque gravi periculo seu scandalo commorari; quodque nulli regulari, aut seculari, vel laicae personae, cujuscumque praegeminentiae, dignitatis, status, vel conditionis extiterit, ingressus pateat ad easdem, sine Apostolicae Sedis licentia speciali, exceptis solummodo personis illis, quibus in certis casibus per dictorum Praedecessorum ordinationes, & earundem Monialium Regulas noscitur esse permittum. Eisdem quoque Ministris, Custodibus, & Guardianis districtius tenore praesentium duximus injungendum, ut Fratres dicti Ordinis sibi subditos arcere studeant ab accessu ad Monasteria Monialium quarumcumque juxta Beati Francisci Regulam, & Apostolica, ac ipsorum Fratrum Ordinis Instituta, poenas in dictis Institutis eorum provide ordinatas eorum transgressoribus infligendo. Quamvis autem in Regula dictarum Monialium Sanctae Clarae sequens clausula inter alia sit inserta videlicet: Possint autem in singulis Monasteriis recipi aliquae, licet paucae, sub servitium nomine vel fororum, ad hujusmodi Professionis observantiam in astringenda; praeterquam in articulum de clausura &c. Nos tamen honestati & famae tam ipsarum Monialium Sanctae Clarae, quam Minorissarum, & Sancti Damiani praedictarum in hac parte providere volentes, ordinatione praesenti perpetuo valitura districte precipimus, quod hujusmodi servitiales seu sorores, ad observantiam Professionis astrictae, & quae de cetero astringentur quemadmodum, & ceterae Moniales debeant sub perpetua clausura manere; possint tamen singula Monasteria dictarum Monialium habere aliquas paucastamen mulieres, moribus & aetate maturas, providas & honestas in seculari honesto tamen habitu incedentes, quae dictam clausuram nullatenus ingredi permittantur; sed negotia Monasterii, ac necessitates Monialium, prout eis commissum fuerit, fideliter exterius peragant & procurent. Porro si Abbatisa contra praemissa clausuram praedictam exire praesumpserit, vel ad exeundum aliquam licentiaverit Monialem, per Ministrum suum de discretorum Fratrum consilio removeatur a regimine Abbatisae; Moniales vero dictam exeuntes clausuram in casibus non permittis, ipso facto sint inhabiles ad quaecumque officia in earum Ordine obtinenda; & nihilominus subdantur poenis illis, quae pro gravioribus culpis in ipso Ordine consueverint imponi. Ad haec districte prohibemus, dictorum Ordinum Moniales in earum dormitoriis cellas habere; si quas vero habent, omnino destrui praecipimus & mandamus per Ministros seu Visitatores in prima visitatione, quam impendent in Monasteriis earundem. Contradictores, si qui, seu si quae fuerint, ac dantes eis in hoc auxilium vel favorem, auctoritate Apostolica per censuram Ecclesiasticam compescendo.

§. 34 Ut autem salutaria statuta & ordinationes hujusmodi, per quorum observantiam Professores eiusdem Ordinis aeterno Regi in puritate mentium obsequentes, de spiritualibus hostibus animarum poterunt Deo

propitio facilius triumphare, per eorum publicationes solemnes ad cunctorum Professorum dicti Ordinis notitiam deducantur, ac devote & fideliter observentur ab eis; auctoritate Apostolica tenore praesentium ordinamus, quod statuta & ordinationes praedictae in primis eorum Generali & Provincialibus Capitulis a principio usque ad finem integre, prout jacent, legantur publice, & solemniter publicentur; earumque singulae copiae singulis Ministris Provincialibus ad praefatum primum Capitulum Generale convenientibus per Ministrum Generalem, ejus & Diffinitorum ejusdem Capituli Generalis sigillis sigillatae tradantur, & etiam assignentur. Itidem quoque Provinciales Ministri copiam statutorum & ordinationum hujusmodi singulis Conventibus Provinciae suarum infra duorum mensium spatium post publicationem eorum in suis Provincialibus Capitulis factam mittere teneantur.

§. 35 Volumus etiam, & auctoritate statuimus supradicta, quod in singulis Conventibus dicti Ordinis statuta & Ordinationes praefata legantur quolibet mense semel; & quod quaelibet alia statuta, & Ordinationes ejusdem Ordinis, contraria iis nostris Ordinationibus & statutis, ipso facto omni robore careant, & etiam firmitate. Dicti quoque Ministri & Fratres dicti Ordinis praesentes, & posterius contra Ordinationes & statuta nostra hujusmodi quicquam statuere vel etiam ordinare, aut observantiam aliquam introducere non praesumant: quod si secus praesumptum fuerit, id auctoritate Apostolica irritum decernimus & inane, & nullius penitus existere firmitatis.

§. 36 Volumus etiam & mandamus, quod singuli Ministri Provinciales in singulis suis Provinciis singulis Conventibus Monialium praedictarum, quae sub cura seu regimine dictorum Fratrum consistunt, in quantum eas tangere vel respicere dignoscuntur, infra dictum terminum sub eorum & Diffinitorum sigillis singulas copias debeant assignare; eaque eisdem Conventibus legi, ac vulgarizari faciant, & exponi: ac sub poenis contentis in eis districte mandari, ut illa deinceps debeant inviolabiliter observare.

§. 37 Nulli ergo omnino hominum liceat hanc paginam nostrorum statutorum, ordinationum, voluntatum, & mandatorum infringere &c.

Datum Avenioni Quarto Kalendas Decembris, Pontificatus nostri anno Secundo.

Contrariis derogatio.

Horum statutorum copia singulis Monialium Conventibus danda.

Clausula.

Dat. die 28. Novembris 1336. Annoll

De Publicatione hujusmodi Constitutionum.



## X I I.

Statuta, & Ordinationes pro bono Regiminæ  
Poenitentiariæ Apostolicæ ejusque Officia-  
lium, ac forma Juramenti præstandi ab eis-  
dem.

Ex Regest. in  
Archiv. Vatic.

Benedictus Episcopus, Servus Servorum Dei,  
ad perpetuam rei memoriam.

Proemium.

**I**N agro Dominico universalis Ecclesiæ  
Operarii & Custodes a Domino, li-  
cet immeriti constituti desideramus, in eo ta-  
lem exercere culturam, per quam sanctorum  
operum fruges, grataque Deo messis, & sin-  
cera fidelium evulsis exinde peccatorum spi-  
nis, & tribulis coalescat. Hinc est, quod Nos  
attenta meditatione pensantes, quod ad Sedem  
Apostolicam universorum Matrem fidelium,  
& Magistrum, velut singularem portum salu-  
tis pro Confessionis lavacro, & medela poeni-  
tentiæ salutaris, præsertim in casibus eidem Se-  
di specialiter reservatis, universi Christifideles  
cum indigent, devote recurrunt, tam Nobis  
quam Majori, & aliis Minoribus Poenitentiariis  
nostris suorum peccaminum pro obtinen-  
da spirituali salute vulnera detegentes: hoc  
votis cupimus, hoc totis desideriis ardentius  
affectamus, ut officium Poenitentiariæ nostræ  
in omni puritate, & sinceritate procedat, &  
ut Major, & alii Minores Poenitentiarii su-  
pradioti, & Scriptores ejusdem Poenitentiariæ  
præsentes, & posterius, ac Procuratores, cæte-  
rique Ministri dicti officii nitide, pure ac sin-  
cere, quæ eis ratione dicti officii imminet  
vel imminere agenda, studeant exercere;  
seque sollicitos & obsequiosos exhibeant ad sa-  
lutarem, & celerem expeditionem eorum, qui  
de diversis Mundi partibus ad eisdem Majorem,  
& Minores Poenitentiarios tamquam  
Medicos animarum duxerint recurrendum,  
eis de spirituali salute, prout ad eorum spe-  
ctat officium, caute, discrete, & salubriter  
providendo.

Sancitæ hæ  
leges ut tuto  
quis in Officio  
Poenitentiariæ  
se gerat.

§. 1. Ut igitur dicti Poenitentiarii, & Scri-  
ptores præsentes, & posterius, & alii Ministri  
dicti officii, ac eorum Procuratores, qui cir-  
ca ea, quæ ad dictum officium Poenitentiariæ  
spectant, Procuratoris ministerium exer-  
cebunt, per salubria instituta, veluti per  
quasdam inviolabilium semitas mandatorum  
rectos faciant gressus suos, infrascriptas Con-  
stitutiones, per Majorem & Minores Poeni-  
tentiarios, Scriptores, Ministros, ac Procu-  
ratores, prædictos præsentes & posteros,  
perpetuis futuris temporibus inviolabiliter  
observandas, auctoritate apostolica duximus  
faciendas.

De Doctore  
adhibendo in  
consilium per  
sumum Poeni-  
tentiarium  
in casibus am-  
biguis.

§. 2. In primis igitur auctoritate apostoli-  
ca statuimus & etiam ordinamus, quod pro  
celeriori expeditione occurrentium Casuum  
dubiorum in officio supradicto, Major Poeni-  
tentiarius habeat secum saltem unum peritum  
& expertum Doctorem in Jure Canonico, ab  
eo specialiter deputandum ad examinandum  
diligenter omnes & singulas petitiones, lite-  
ras Poenitentiariæ prædictæ super occurrenti-

Bull. Rom. Tom. III. Pars II.

bus Casibus ambiguis in petitionibus oblati-  
expressis: Idemque Doctor, quando & quo-  
ties occurrerint tales Casus ambigui, illos re-  
ferat Majori Poenitentiario supradicto, & super  
eis conferat & deliberet cum eodem: qui-  
bus collatione & deliberatione præhabitis, de  
consensu, & secundum ordinationem dicti Ma-  
joris Poenitentiarii conficiantur literæ super  
eis, & expeditionem celerem fortiantur.

§. 3. Idem quoque Major Poenitentiarius  
deputet unam Personam sufficientem & ido-  
neam ad recipiendum, & examinandum om-  
nes, & singulas petitiones ad ipsius Poeni-  
tentiariæ officium pertinentes, & ad expedi-  
endum omnes petitiones secundum communem  
cursum officii Poenitentiariæ nullum dubium  
continentes, & quæ secundum dictum cursum  
consueverunt absque difficultate aliqua expe-  
diri: Dubias vero referat Majori Poeni-  
tentiario, vel Doctori prædictis.

De alia per-  
sona per eun-  
dem deputā-  
da ad expe-  
dienda nego-  
cia non du-  
bia.

§. 4. Correctores insuper literarum dictæ  
Poenitentiariæ, de Scriptoribus ejusdem officii  
magis expertis & idoneis per dictum Mayo-  
rem Poenitentiarium, ad correctionem hujus-  
modi deputentur, qui die qualibet ad certum  
locum ad hoc ordinatum, vel ordinandum,  
per dictum Majorem Poenitentiarium iusto im-  
pedimento cessante, hora Primæ, vel alia com-  
petenti venire personaliter teneantur: ibique  
omnes, & singulas literas dictæ Poenitentiariæ  
examinent diligenter, easque corrigant &  
reformen: & sic examinatas & correctas,  
ipsi, vel alter eorum Sigillatori dicti Majoris  
Poenitentiarii, qui pro tempore fuerit, ma-  
nibus propriis quantocius studeant assignare;  
vel pro celeriori expeditione dictarum litera-  
rum per eosdem Correctores, vel alterum eo-  
rundem ponantur in una Archa in Domo di-  
cti Majoris Poenitentiarii, ad hoc specialiter  
deputanda, quæ duabus consimilibus clavibus  
seretur: quarum una Sigillatoris, & altera  
unius ex dictis Correctoribus custodiæ commit-  
tantur, ex ea per dictum Sigillatorem sumen-  
dæ, & sigillandæ ac restituendæ, prout fue-  
rit hætenus consuetum. Dictæ quoque literæ  
postquam fuerint sigillatæ, donec iis, quorum  
sunt, fuerint restitutæ, per dictum Sigillato-  
rem ponantur in Archa ad earum custodiam  
deputanda: Quæ quidem Archa in Domo di-  
cti Majoris Poenitentiarii conservetur, & ha-  
beat duas claves consimiles, quarum una per  
distributorem dictarum literarum, & alteram  
per certam fidelem Personam, quam ad hoc  
dictus Major Poenitentiarius duxerit deputan-  
dam, debeant custodiri, ut sic facilius expe-  
ditio pauperum, & earundem literarum re-  
stitutio subsequantur.

De Correcto-  
rum Officio,  
sigillatore &c.

§. 5. Declaratorias vero, & alias lite-  
ras, Casus ambiguos continentis dicti Corre-  
ctores præfato Doctori examinandas, & refor-  
mandas assignent, cessante more cujuslibet tar-  
ditate. Idem quoque Doctor, postquam per  
eum examinatæ fuerint & correctæ, nisi oc-  
currerent sibi dubia, super quibus foret Major  
Poenitentiarius consulendus, eas sigillatori  
manualiter, vel sub sigillo suo per Nuntium  
proprium juratum tradere teneatur: & tam-  
Doctor, quam Persona ad recipiendum peti-  
tio-

De juramen-  
to a supradic-  
to Doctore  
& alia perso-  
na deputata  
præstando.



tionem, ut præmittitur, deputata, quam etiam Correctores & sigillator præfati, singulariter singuli in manibus ejusdem Majoris Pœnitentiarum, de iis per eos fideliter exercendis præstabunt debita Juramenta juxta formas, quæ inferius continentur.

De supplicationibus Papæ legendis.

§. 6. Supplicationes autem, quæ Nobis, vel Successoribus Nostri Romanis Pontificibus sunt legendæ, per præfatum Doctorem cum diligentia recipiantur, ordinentur, & conserventur: nullaque ponatur in numero legendarum sine certa & expressa scientia Majoris Pœnitentiarum memorati; & illæ, quæ recipiendæ fuerint, cito recipiantur, & examinentur: & indilate postquam fuerint expeditæ, restituantur illis, quorum sunt, vel Procuratoribus earundem.

Nihil pro literis taliter expeditis accipiendum.

§. 7. Hoc idem circa celerem receptionem & facilem expeditionem, & indilata restitucionem circa alias supplicationes dicti Officii observetur: pro quibus nihil omnino quovis modo ante vel post receptionem, expeditionem; & restitutionem recipiatur, seu detur.

De horis, quibus quisque Pœnitentiarius sistere in Ecclesia debet.

§. 8. Statuimus insuper, & etiam ordinamus, quod omnes & singuli Minores Pœnitentiarum singulis diebus, quibus consuetum est eos ad Confessiones audiendas in Ecclesia residere, quolibet mane, videlicet hora, qua pulsatur ad Primam in Ecclesia majori Civitatis, vel loci ubi Curia residebit, accedant ad Ecclesiam seu locum deputatum vel deputandum pro audiendis Confessionibus, & aliis exequendis, quæ spectant ad officium eorundem. Quodque inibi commorentur, quousque pulsatum fuerit ad Tertiam in Ecclesia majori prædicta; nisi eosdem Pœnitentiarum, vel aliquem seu aliquos eorundem causa rationalis præpediret, omni fraude ac dolo super hoc prorsus exclusis.

Benigne per eos cum Pœnitentibus agendum.

§. 9. Idem quoque Pœnitentiarum mansuete ac etiam charitative audiant peccata, seu Confessiones illorum, qui confitebuntur eisdem, & ipsos absolvant in Casibus dumtaxat eis concessis, sive permissis: nec contentes eosdem ob paupertatem vel abiectum statum eorum, vel quemvis alium defectum dedignentur audire, vel circa eos suum officium exercere; dictosque contentes propter enormitatem, vel turpitudinem peccatorum, quæ in confessione detexerint, non minis exasperent arguendo, sed eos patienter audiant; & per salutaria monita diligenter inducant, ut a talibus peccatis omnino desistant; & ab aliis etiam quibuscumque delictis, & peccatis abstineant, eis saltem in generali malorum poenas, & bonorum præmia salubriter exponendo.

Termini nonnulli facultatem eorundem.

§. 10. Nullus autem eorundem Pœnitentiarum pro hujusmodi confessionibus, vel absolutionibus, vel aliis spectantibus ad Officium eorundem quidquam per se, vel alium exigat vel petat seu recipiat, etiam gratis oblatum, vel etiam sub titulo, vel specie elemosynæ, vel alio quovis modo: nullusque eorum absolvat, vel dispenset scienter in aliquo Casu sibi non permissio. Nullus etiam eorundem quemquam scienter absolvat a peccato vel peccatis aliquibus in aliquo Casu

ambiguo, vel in dicto Casu dispenset cum aliquo, nisi de speciali mandato Romani Pontificis, vel Pœnitentiarum Majoris, cui teneatur exprimere dictum Casum sine alicujus revelatione vel expressione personæ: neque injungat poenitentias pecuniarias, expresse sibi, vel alicui certæ personæ, vel ordini suo, vel alteri applicandas. Satisfactionem vero vel restitutionem pecuniariam, vel realem quamcumque certam, seu de certis per aliquos exhibendam injungat, & fieri mandet illi, vel illis tantum, quibus pro damnis eis illatis, vel rebus ablati, vel aliis similibus casibus fuerit emenda præstanda, vel restitutio facienda. De incertis vero damnis illatis, vel rebus ablati, cum videlicet ignorantur personæ, vel loca, quibus facienda sit restitutio, vel emenda præstanda, dicti Minores Pœnitentiarum se nullatenus intromittant; sed hæc remittant Majori Pœnitentiarum supradicto: si secus fecerint graviter puniendi.

§. 11. Idem quoque Pœnitentiarum mulierum Confessiones audire in loco prædicto eis deputato tantum, & non alibi teneantur: nisi dictarum mulierum infirmitas, vel status earum sublimitas aliud exigeret faciendum: sed hoc ultimo casu in aliqua Ecclesia, & in loco patenti audiant Confessiones earum. Virorum autem Confessiones in prædicto loco eis deputato teneantur audire; nisi eorundem virorum infirmitas, vel personæ confitentis status, & conditio aliud suaserit faciendum.

De mulierum audiendis confessionibus.

§. 12. Eisdem quoque Pœnitentiarum districtius inhibemus, ne literas absolutionis seu dispensationis illorum, quorum Confessiones audient, per alios scribi faciant, quam per scriptores Pœnitentiarum nostræ, qui ad officium hujusmodi Scriptoriarum per Romanum Pontificem sunt vel fuerint deputati.

Literæ absolutionis, vel dispensationis non nisi per Scriptores ad id deputatos scribendæ.

§. 13. Dicti quoque Pœnitentiarum fraternitatem invicem diligentes a qualibet detractone, & emulatione prorsus abstineant, pacisque bonum, & concordie unitatem teneant & observent.

§. 14. Volumus autem, quod si diebus Dominicis vel festivis, quibus dicti Pœnitentiarum ad Ecclesiam vel locum alium, ad hoc eis deputatum non consueverunt accedere, multitudo Peregrinorum supervenerit ad Romanam Curiam pro confessionibus vel absolutionibus seu dispensationibus obtinendis, dicti Pœnitentiarum omnes & singuli, si hoc sciverint, eisdem diebus Dominicis & festivis, justo impedimento cessante ad eandem Ecclesiam seu locum alium ad hoc deputatum dictæ hora Primæ pro faciliiori expeditione dictorum Peregrinorum supervenientium accedere, eosque audire & expedire, quantum ad eorum officium pertinet, teneantur.

De peregrinis expediendis.

§. 15. Districtius etiam inhibemus, ne dicti Pœnitentiarum potestatem audiendi confessiones, eis dicti officii ratione concessam generaliter vel specialiter infra Romanam Curiam vel extra aliis committant; nec etiam poenitentias imponendi, seu dispensandi potestatem eis concessam committant, nisi in casibus eis confessatis, prout in illis de consuetudine dicti officii consueverunt, per eorum lite-

Pœnitentiarum aliis facultates suas communicare non possunt.



litteras sigillo officii sigillatas committere ab antiquo. Sed ubi forte Casus accederet, quod tantus Peregrinorum concursus, tantaque multitudo, seu præstura confluentium immineret, ut dicti Poenitentiarum ad expeditionem eorum sufficere non valerent, habeant recursum ad Majorem Poenitentiarium supradictum qui durante illa necessitate de idoneis Confessoribus, qui dictos Poenitentiarum in iis adjuvent, prout sibi videbitur, studeat providere.

De Confessoribus in adiutorium admittendis.

§. 16. Hujusmodi autem Confessores & adiutores confessiones audiant, absolvant, dispensent, poenitentias imponant in Casibus tantum eisdem Minoribus Poenitentiariis concessis & in loco seu Ecclesia ad sedendum eisdem Poenitentiariis deputatis, à quibus etiam idem Major Poenentiarum recipiat Juramentum, quod in hoc bene & fideliter se habebunt, & quod nihil penitus pro prædictis expediendis recipient a quocumque.

De Sigillis ad litteras sigillandas.

§. 17. Statuimus insuper & etiam ordinamus, quod quilibet dictorum Poenitentiarum sigillum proprium, quo utitur ad litteras dicti officii sub suo & dicti officii nomine sigillandas, duobus Clericis communibus ad hoc specialiter deputatis, vel imposterum deputandis, tenendum, & conservandum assignet pro sigillandis celerius literis antedictis; quodque sigillis quibus dicti Poenitentiarum utuntur in officio supradicto nullæ aliæ literæ, nisi dicti officii sigillentur. Poterit tamen eorum quilibet, si velit, aliud alterius impressionis & formæ sub nomine proprio sigillum habere pro aliis suis literis sigillandis.

Duo Clerici deputandi ad hujusmodi conservanda sigilla.

§. 18. Jurabunt etiam dicti minores Poenitentiarum, qui nunc sunt, & pro tempore fuerint, juxta formam inferius annotatam. Nostre tamen intentionis, seu voluntatis existit, quod Major Poenentiarum prædictus debeat in dicto officio Poenitentiariæ dictos duos Clericos pro tenendis, & conservandis dictis sigillis, & literis sigillandis, sufficientes & idoneos, & fideles ponere & instituere; ac etiam destituere, & destitutorum loco alios subrogare, quando & quoties eis videbitur expedire, a quibus etiam idem Major Poenentiarum recipiet Juramentum juxta formam, quæ inferius continetur. Hi autem duo Clerici pro ducendis aliquibus Clericis defectum seu maculam in membro aliquo patientibus ad præsentiam aliquorum Cardinalium Sanctæ Romanæ Ecclesiæ pro inspectione, & consideratione defectus seu maculæ prædictorum, vel etiam pro aliis Personis ducendis ad alias Ecclesias Civitatis, seu loci, in qua Romana Curia residebit, non recipient a singulis ultra taxationes, per Nos super hoc ordinatas: ubi vero essent notabiliter pauperes nihil recipiatur ab eis in casibus supradictis.

De Distributore petitionum.

§. 19. Rursus statuimus, & ordinamus, quod Scriptores dictæ Poenitentiariæ Distributorem petitionum, & etiam literarum, quem duxerint eligendum, ante quam aliquid distribuat, faciant per Correctores prædictos, vel saltem unum ex eis prædicto Majori Poenentiarum præsentari: a quo etiam idem Major Poenentiarum corporale recipiat Juramentum juxta

formam inferius annotatam. Quilibet autem dictorum Scriptorum in bono, & sufficienti pergamenò, & forma decenti litteras ejusdem Officii sibi distributas de bona, & non cursoria litera, sine omni suspecta rasura, celeriter scribere procurabit: & nihilominus Juramentum præstabit juxta formam, quæ inferius continetur.

§. 20. Statuimus quoque, & etiam ordinamus, quod literæ dicti Officii, declarationem seu dispensationem aliquam continentes, & con similes habeant a parte superiori, & aliis duobus lateribus spatium chartæ non scriptæ latitudinis trium digitorum, vel circa, & a parte inferiori hujusmodi spatium duplicatum. Literæ vero Confessionales in majori seu minori forma a parte superiori, & ab utroque latere habeant spatium saltem duorum digitorum, vel circa; ex parte vero inferiori trium digitorum debeant continere, alioquin per Distributorem petitionum, & literarum ipsius Officii hujusmodi literæ non signentur, neque taxentur, nec etiam sigillentur; sed per eosdem Scriptores, qui eas scripserint, gratis & celeriter cum prædictis spatiis debitis rescribantur; & nisi hoc fecerint, vel si tardaverint infra unius diei naturalis spatium ipsas rescribere justo impedimento cessante, illi vel illis, quorum erunt præfatæ literæ rescribendæ, necessarias expensas ministrent, usque ad expeditionem earundem literarum si recipere velint eas. Quilibet autem dictorum Scriptorum litteras sibi distributas cito expediat nihil ultra taxationem pro celeri expeditione ipsarum, vel alias quomodolibet recepturus: eisdemque Scriptores illos, quorum sunt literæ vel alios, non exasperent, neque per se vel per alium seu alios comminentur eisdem, neque verbo vel facto ipsos offendant; sed benigne & favorabiliter tractent eos, supplicationes, super quibus litteras ipsas fecerint, ut fraus committi nequeat, eisdem literis alligando. Cæterum, quæ literæ sub nomine, etiam minorum Poenitentiarum transibunt, similiter in bonis pergamenò, forma, & litera absque omni suspecta rasura, & fraude vel dolo cito scribantur per Scriptores eosdem, & diligenter per Correctorem videantur, & etiam corrigantur; & literæ apertæ in cordulis de filis quemadmodum fit de literis dicti Officii, quæ fiunt sub nomine Majoris Poenitentiarum, per deputatos ad id Clericos sigillentur. Insuper dicti Scriptores ad Ecclesiam, seu locum ad hoc deputatum, bene mane se conferant, hora videlicet, qua præfati Poenitentiarum accedunt ad eandem Ecclesiam, sive locum. Quilibet autem dictorum Scriptorum petitiones sibi distributas secundum formam debitam in literis redigat atque scribat: recurrentibus ad eum pro ipsis literis scribendis non ironice, vel derisive respondeat, nullaque opprobria dicat eis, sed benigne, & charitative tractet eosdem; nec dicti Scriptores unus cum alio verba injuriosa vel impropertiva maxime in dicta Ecclesia, præsumant sibi dicere, vel habere. Quod si contrarium fecerint, juxta Majoris Poenitentiarum arbitrium puniantur. Præfati etiam Scri-

Leges nonnullæ a Scriptoribus servandæ.

pto-



ptores Distributori literarum dicti Officii in dicta Ecclesia, quoad Scriptores earum, & in aliis, quæ ad suum spectant Officium, pareant & intendant; Contrarium vero facientes absque causa legitima emolumento illius diei, quo taliter excefferint, alias sibi debito sine gratia remissionis priventur, aliis conscriptoribus suis equaliter applicando. Dicti etiam Scriptores extra Romanam Curiam profecturi, antequam de Curia ipsa recedant, id Distributori notificent supradicto; & sive cum licentia sive sine licentia de dicta Curia, se absint, nihil pro eo tempore, quo absentes fuerint, recipiant ratione Officii memorati, nec etiam post regressum ad dictam Curiam aliquid pro tempore absentiae recompensetur eisdem.

Distributoria  
munia.

§. 21. Præfatus etiam Distributor petitiones pauperum singulariter, & per ordinem per Scriptores singulos distribuat nominatim, nec ponat in ipsis petitionibus recipit; quivis gratis pro Deo; sed nomine proprio Scriptores, quibus illas distribuit, nuncupando compellat eosdem, ut eas scribant & præponant aliis petitionibus, ex quibus emolumentum eis provenit in scribendo, quia melius est servire Deo pro pauperibus, quam hominibus propter lucrum: & huiusmodi distributiones pauperum singulis dictis Scriptoribus per ordinem faciat, quoties fuerit opportunum; Et si quis forte recusaverit huiusmodi literas gratis & celeriter scribere, emolumento officii illius diei privetur. Quilibet autem dictorum Scriptorum literas sibi distributas teneatur scribere ac expedire infra unam diem naturalem ab hora receptionis sibi factæ distributionis huiusmodi computandam, legitimo impedimento cessante, nisi contingat quod ipse, cujus erunt literæ, aut Procurator ipsius, dilationem Scriptori indulserit ampliorem, vel nisi tot haberet literas, quod unius diei spatium sibi non sufficeret ad scribendum easdem; vel nisi forte litera declaratoria vel alias difficilis sive gravis, quam scribere nihilominus quamcito poterit, teneatur; quod vel quæ impedimenta, seu causas Distributori dicere teneatur. Si qui vero dictorum Scriptorum huiusmodi literas post receptionem distributionis huiusmodi scribere omiserit sine causa rationabili, ut præfertur, Distributor ipse per alium Scriptorem dicti officii celeriter faciat eas scribi, eum, qui omiserit, vel recusaverit, absque causa legitima eas scribere, ab emolumento ipsius diei totaliter excludendo.

Scriptores honeste vivant.

§. 22. Nullus quoque Scriptor dicti officii teneat concubinam, vel aliam mulierem in domo sua, nisi forsan matrem vel sororem; sed eorum quilibet prout decet caste & honeste vivat, cum honesto habitu incedendo; nec cum armis vel suspectis personis, præsertim nocturno tempore, legitima causa cessante, præsumat incedere: qui vero contrarium fecerit si monitus a Correctore vel Distributore; ac etiam si dictus Corrector vel Distributor in talibus excefferit vel deliquerit, si monitus a Doctore prædicto, cui ceteri Scriptores, qui hoc sciverint id habeant intimare, infra octo dies post huiusmodi monitiones immediate

sequentes se non emendaverint a talibus insolentis penitus desistendo, distributione ac emolumento præfati officii ex tunc in antea careant eo ipso, usque ad arbitrium & voluntatem Majoris Pœnitentarii supradicti: correctione tamen, & emendatione vice debita præcedente.

§. 23. Præterea statuimus & ordinamus, quod omnes & singuli Procuratores in eodem Officio Pœnitentiariæ in petitionibus faciendis, & in literis Pœnitentiariæ procurandis seu impetrandis, fideliter studeant se habere nullam in prædictis fraudem, dolum, vel malitiam, committendo; iidemque Procuratores nihil ultra taxationes, per Nos super hoc factas, pro petitionibus faciendis, & procurandis, seu impetrandis literis dictæ Pœnitentiariæ ratione salarii, seu laboris, vel alias exigere, vel recipere quoquomodo præsumant. Contrarium vero facere præsumentes ad restitutionem dupli illis, a quibus ultra receperint, per Doctorem præfatum confestim arctius compellantur. Quod si ii, quibus esset huiusmodi restitutio facienda, reperti non fuerint, duplum huiusmodi per dictum Doctorem pauperibus erogetur. Quod si dicti Procuratores, vel aliquis eorum bis, vel ter in hoc reperti fuerint culpabiles, per dictum Majorem Pœnitentiarium, vel per deputandos ab eo Officium Procuratoris huiusmodi interdicitur iisdem. Dicti quoque Procuratores sua nomina, & cognomina, cujusve Diocesis & loci existant, coram dicto Majori Pœnitentario, vel alio, cui idem Major Pœnitentarius id duxerit committendum, proprio Juramento fateri, & recognoscere teneantur; quæ etiam in Domo dicti Majoris Pœnitentarii redigantur in scriptis alioquin nulla petitio recipiatur, vel litera ad eorum instantiam scribatur, vel distribuatur, aut sigilletur, nullumque salarium eis detur. Per hæc autem, quæ super dictis Procuratoribus, & eorum officio sunt statuta, nullum quibuscumque personis impedimentum præstetur, quominus ii, qui voluerint, possint pro se, ac pro consanguineis, & amicis suis huiusmodi literas impetrare.

De Procura-  
toribus.

§. 24. Formæ autem Juramentorum, secundum quas præfati Officiales, qui nunc sunt, & qui pro tempore fuerint, jurabunt in præsentia Majoris Pœnitentarii sunt hæc, videlicet--Ego.... Doctor ad examinandum petitiones, & literas Pœnitentiariæ a Majori Pœnitentario Domini Papæ deputatus: Juro quod huiusmodi Officium mihi commissum fideliter & diligenter exercebo: & quod per me, vel alium, seu alios occasione dicti Officii, nihil omnino, quantumcumque gratis oblatum vel donatum etiam sub mutui specie, vel alio quolibet colore quæsito recipiam a quocumque sed gratis sine pravitate, & cum omni puritate meum officium exercebo. Sic me Deus adjuvet, & hæc Sancta Dei Evangelia.

Forma Juramenti ab Officialibus præstandi: Juramentum Doctoris:

§. 25. Persona quoque ad recipiendum petitiones per dictum Majorem Pœnitentiarium deputata præstabit simile Juramentum videlicet--Ego..... ad recipiendum petitiones Pœnitentiariæ a Majori Pœnitentario Domini Papæ deputatus, juro, quod huiusmodi officium

Deputati ad recipiendas petitiones.



cium mihi commissum fideliter & diligenter exercebo : & per me vel alium seu alios , occasione prædicti officii , nihil omnino quantumcumque gratis oblatum vel donatum etiam sub mutui specie , vel alio quolibet colore quesito , recipiam a quocumque ; sed gratis sine pravitare , & cum omni puritate meum officium exercebo . Sic me Deus adjuvet , & hæc Sancta Dei Evangelia .

Correctorum.

§. 26. Correctores etiam sic jurabunt , videlicet -- Ego ..... ad corrigendum literas Poenitentiariæ a Majori Poenitentiario Domini Papæ deputatus Juro , quod huiusmodi officium mihi commissum fideliter & diligenter exercebo : & quod per me , vel alium , seu alios , occasione prædicti officii , nihil omnino quantumcumque gratis oblatum vel donatum etiam sub mutui specie , vel alio quolibet colore quesito , recipiam a quocumque ; sed gratis sine pravitare , & cum omni puritate meum officium exercebo . Sic me Deus adjuvet , & hæc Sancta Dei Evangelia .

Sigillatoris.

§. 27. Forma juramenti Sigillatoris -- Ego ..... ad sigillandum literas Poenitentiariæ sigillo Majoris Poenitentiarii deputatus , Juro , quod huiusmodi officium mihi commissum , fideliter & diligenter exercebo : & quod nullas literas dictæ Poenitentiariæ sigillabo , nisi Correctoris literarum , & Distributoris petitionum ejusdem Poenitentiariæ consuetis signis prius fuerint consignatæ : & quod etiam declaratorias , seu alias literas Juris dubia continentes , nullatenus sigillabo , nisi signo Doctoris ad examinandum & corrigendum huiusmodi literas deputati signatæ fuerint , & per eundem Doctorem vel Nuncium suum juratum mihi fuerint assignatæ , vel quas præfatus Major Poenitentiarius mandabit mihi specialiter sigillari . Literas autem per me sigillatas tradam Distributori ejusdem Officii , vel ponam in archa ad harum literarum custodiam deputata . Pro prædictis vero literis sigillandis , vel alias pro iis , quæ spectant ad dictum Officium Poenitentiariæ nihil omnino recipiam a quocumque , nisi dumtaxat a Scriptoribus dicti Officii , a quibus pro cera ultra taxationes per Dominum Benedictum Papam XII. ordinatas ; Pro literis vero , quæ gratis scribuntur , nihil omnino recipiam , sed gratis eas sigillabo ; nec eas inter alias computabo . Sic me Deus adjuvet , & hæc Sancta Dei Evangelia .

Poenitentiario-  
rum minorum .

§. 28. Poenitentiarii vero Minores jurabunt sub hac forma -- Ego ..... Poenitentiarius Domini Papæ ab hac hora in antea fidelis ero Beato Petro , Sanctæque Romanæ Ecclesiæ , & Domino meo Domino Papæ , ejusque Successoribus canonice intransibis : neque ero in facto , consilio , vel consensu , quod vitam perdat , aut membrum , vel capiatur mala captione . Consilium , quod per se , vel nuncium suum , seu literas mihi credituri sunt , signo , verbo , vel nutu me sciente ad eorum damnum seu præjudicium nulli pandam . Si damnum eorum tractari scivero , pro posse meo impediam ne fiat : quod si per me impedire non possem , per nuncium aut literas eis significare curabo ; vel illi , per quem citius ad

eorum notitiam deducatur . Papatum Romanum , & Regalia Beati Petri , & omnia Jura Romanæ Ecclesiæ , quæ habet ubique , mantenebo totis viribus , & defendam : Adjutor ero ad retinendum & defendendum contra omnem hominem : Res quoque ipsius Domini Papæ , & Ecclesiæ Romanæ , quæ mea custodia committentur , diligenter custodiam , & fideliter resignabo . Ambassiatas etiam , & quæcumque alia negotia mihi commissa fuerint , portabo fideliter , & referam , sine fraude : Et quod pro confessionibus audiendis , vel absolutionibus faciendis , seu aliis , quæ spectant ad meum officium , nihil omnino per me vel alium exigam vel petam , aut recipiam etiam sub titulo vel specie eleemosynæ , vel encemii seu mutui , vel alio quovis modo : Et quod non absolvam vel dispensabo scienter in aliquo Casu mihi non permissio : nec quemquam scienter absolvam a peccato vel peccatis aliquibus in aliquo Casu ambiguo : nec etiam in huiusmodi Casu ambiguo scienter cum aliquo dispensabo , nisi de speciali mandato Romani Pontificis , vel Poenitentiarii Majoris , cui exprimam dictum Casum sine alicujus revelatione , vel expressione personæ : Et quod non injungam Poenitentias pecuniarias , expresse mihi , vel alicui certæ personæ , vel Ordini meo , vel alteri applicandas : Super restitutionibus vero injungendis , & faciendis servabo , prout per Dominum Benedictum Papam XII. est ordinatum : Et supradicta omnia & singula promitto , & juro attendere , & observare , sine omni dolo , & fraude , ac malitia . Sic me Deus adjuvet , & hæc Sancta Dei Evangelia .

Clericorum  
ad custodiam  
sigillorum de-  
putatorum .

§. 29. Clerici vero ad tenendum & conservandum sigilla Minorum Poenitentiario-  
rum deputati , præstabunt huiusmodi juramentum videlicet -- Ego .... Clericus sigilla Minorum Poenitentiario-  
rum una cum .... Clerico ad hoc mecum deputato , fideliter custodiam ; & cum eis , videlicet cum sigillo cujusvis Poenitentiarii literas per ipsum Poenitentiarium concessas & concedendas , scriptas tamen per veros Scriptores dicti officii , seu aliquem eorundem , & per Distributorem deputatum correctas , ejusque signo signatas , & non alias literas , sine morosa dilatione sigillabo , & sigillatas restituam eis , quorum erunt , seu Procuratoribus eorundem : & quod ultra taxationes per Dominum Benedictum Papam XII. factas , pro literis sigillandis & reddendis non recipiam a quocumque ; Pro literis vero , quæ gratis scribuntur , nihil omnino recipiam , sed gratis eas sigillabo : & quod a Clericis defectum seu maculam in membro aliquo patientibus conducendis ad præsentiam aliquorum , Minorum Cardinalium pro inspectione & consideratione defectus , seu maculæ prædictorum , vel etiam pro aliis personis ducendis ad alias Ecclesias Civitatis , seu loci , in qua Romana Curia residebit , non recipiam ultra taxationes per dictum Dominum Benedictum Papam factas : a Pauperibus vero , non valentibus solvere , nihil recipiam omnino . Sic me Deus adjuvet , & hæc Sancta Dei Evangelia .

§. 30. Distributor autem præstabit juramen-

Distributoris.



mentum sub hac forma -- Ego .... Distributor juro, quod Officium meum fideliter exercebo, ac Petitiones mihi traditas spectantes ad dictum Officium, quantum potero, equaliter Scriptoribus distribuam; ac literas de dictis petitionibus confectas secundum taxationes per Dominum Benedictum Papam Duodecimum ordinatas fideliter taxabo, dictas taxationes scienter nullatenus excedendo. Sic me Deus adjuvet, & hæc Sancta Dei Evangelia.

**Scriptorum.** §. 31. Quilibet autem Scriptorum dictæ Poenitentiariæ præstabit Juramentum sub hac forma -- Ego ..... Scriptor Poenitentiariæ Domini Papæ, Juro, quod officium meum fideliter exercebo, & quod ultra taxationes per Dominum Benedictum Papam Duodecimum ordinatas nil exigam vel recipiam, per me, vel per alium; nec super hoc committam fraudem aliquam sive dolum; & quod earumdem literarum, quas scribam, vel aliarum ipsius officii, per me vel alium seu alios Procurator pro pecunia vel aliquo munere non ero. Sic me Deus adjuvet, & hæc Sancta Dei Evangelia.

**Procuratorum.** §. 32. Quilibet vero Procuratorum literarum dictæ Poenitentiariæ præstabit Juramentum sub hac forma -- Ego ..... Procurator literarum Poenitentiariæ Domini Papæ, Juro, quod fideliter, & absque omni dolo, & fraude hujusmodi Procuratoris officium exercebo; & quod diligenter ac fideliter negotium, super quo habeo formare petitionem, inquiram, & dictabo vel dictari faciam, prout per illos, quorum erit negotium, vel per Procuratores eorum informabor, nil addendo in facti substantia, vel etiam subtrahendo vel mutando; & quod pro petitionibus ordinandis, & procurandis hujusmodi literis nihil omnino recipiam ultra taxationes per Dominum Benedictum Papam Duodecimum ordinatas. Sic me Deus adjuvet, & hæc Sancta Dei Evangelia.

**Clausulæ.** Nulli ergo omnino hominum liceat hanc paginam nostrarum Constitutionum, Ordinationum, inhibitionum, intentionis, & voluntatis infringere &c.

**Dat. die 8. Aprilis 1338. An. IV.** Datum Avinioni sexto Idus Aprilis, Pontificatus Nostri Anno IV.

## XIII.

Constitutio totius Ordinis Canoniorum Regularium Ordinis S. Augustini.

Benedictus Episcopus, Servus Servorum Dei, ad perpetuam rei memoriam.

**Proemium.** Ad decorem Ecclesiæ sponsæ Dei, & sanctarum Religionum fundatarum in ea, quæ, licet diversis distinctæ sint gradibus, in unius tamen veræ fidei propositum, coeuntes, eandem Ecclesiam venustant variis floribus meritorum, pro injunctæ nobis Apostolicæ servitutis officio summis vigiliis & indefessis studiis intendentes, ad ea, quæ pro divini nominis laude, Religionum ipsarum statum, puritatem, honestatem morum, regu-

laris observantiæ disciplinam, & sacrarum peritiam Scripturarum respiciunt, labores nostros libenter impendimus, & opportuna sollicitudinis diligentiam adhibemus. Ideoque inter Religiones alias in agro ejusdem plantatas Ecclesiæ, ad Religionem Canoniorum Regularium Ordinis Sancti Augustini, ab Christi gloriosis Discipulis in primitiva Ecclesia sacris institutionibus stabilitam, gerentes præcipuæ caritatis affectum; ac nolentes, quæ in eadem Religione reformanda cognovimus, absque reformationis remedio præterire; omnia, quæ in Religione prædicta tam a prima ipsius institutione, quam a sacris Canonibus sunt salubriter instituta, omnino immota in sua firmitate manere censentes; nonnulla, quæ experientia deesse probavit, & supplenda dictæ Religionis utilitas, quinimo necessitas, persuadet, statuenda providimus, in ea perpetuis futuris temporibus observanda.

§. 1. Statuimus igitur, ut quando in Ecclesia cathedrali, Monasterio, seu loco alio Religionis ejusdem, Canoniorum creatio fuerit facienda, nullus recipiatur vel induatur in Canonicum, nisi persona idonea, vel de cujus idoneitate spes verisimilis habeatur, & talis, quæ inibi in divinis, vel aliis Deo possit & velit debite impendere obsequia opportuna; eo quod hujusmodi creatio, & habitus traditio fiant publice infra Ecclesiam Monasterii, seu alium locum conventualem Religionis ejusdem, nisi causa rationabilis eas alibi fieri suaderet, nullisque promissionibus seu obligationibus cum juramento vel sine, cuiquam faciendis. Quod si secus actum fuerit, eo ipso irritum habeatur; quodque hujusmodi creatio seu habitus traditio non nisi personæ seu personis Religionis ejusdem, quæ tunc etiam in Ecclesia, loco, seu Monasterio prædictis fieri debeat, aliquatenus committatur.

§. 2. Ii vero, qui creati fuerint in Canonicos, infra probationis tempus, in loco, in quo saltem septem Canonici resideant, necessario habeant residere; eisque idoneus & fidelis deputetur instructor, qui eos instruere valeat in divinis officiis, & observantia regulari.

§. 3. Cæterum si Canoniorum creatio fuerit facienda, eaque pertineat ad Prælatum; una cum Capitulo vel Conventu, vel cum consensu fieri debeat eorumdem. Si Capitulum seu Conventus, vel eorum maior pars, pure ad eam non procederent, vel creationi faciendæ sine causa rationabili rennerent consentire, Prælatus, ex quo sibi evidenter expediens vel necessarium apparebit, hujusmodi Canoniorum creationem fieri debere, vel per Prælatum, & Capitulum, seu Conventum, aut per illum seu illos, ad quem seu quos pertinet, concorditer deliberatum & definitum fuerit, fore creationem hujusmodi faciendam; tunc Prælatus moneat Capitulum, seu Conventum, & in virtute obedientiæ eis injungat, ut pure, ac secundum Deum infra unius mensis spacium ad dictam creationem, cum eo in primo casu procedant, vel in secundo creationi faciendæ suum præstent consensum. Quod si præfati Capitulum seu Conventus monitioni vel injuncti hujusmodi pare-

Causæ san-  
endæ Coa-  
stitutionis.

Canoniorum  
recipiendorū  
forma.

Probationis  
modus, & lo-  
cus.

Canonico-  
rum creatio  
ad quem spe-  
ctet.



parere neglexerint vel recusaverint, creatio ipsa ea vice libere pertineat ad Prælatum, dummodo per eum nil in præmissis factum fuerit fraudulenter. In casu autem devolutionis hujusmodi, Prælatus faciendi eandem creationem cum consilio seniorum eorundem Capituli vel Conventus, eligendorum per ipsum Prælatum, tertiam partem numero ad minus facientium eorundem Capituli vel Conventus, de personis idoneis, liberam habeat facultatem; ita tamen, quod tunc per dictum Prælatum tot & non plures creentur, quot, attentis facultatibus, à statu antiquo & debito locorum creandi seu creati rationabiliter fuissent, si Prælatus & Capitulum seu Conventus in creatione hujusmodi concorditer convenissent. Rursus eorum arbitrium, qui ad privata suorum commoda reciprocantes affectum faciendæ creationi Canoniorum hujusmodi nolunt aliter consentire, nisi concedatur eisdem, quod unus vel plures, quos maluerint, seu nominaverint in Canonicos creentur: penitus detestantes, hoc deinceps omnino fieri prohibemus, decernentes concessionem hujusmodi (si quæ eis factæ fuerint) fore nullas; quodque nulli ex receptione seu creatione ex ea vel ob eam secuta, jus aliquod in loco, in quo seu ad quem fuerit, aliquatenus acquiratur. Insuper præmissis adjicimus, quod Capitulum vel Conventus Religionis ejusdem in novitate sui Prælati nequeant eidem Prælato, vel alteri occasione ipsius, facere gratiam super receptione vel creatione Canoniorum plurimum quam duorum, nec ad hujusmodi pro duobus gratiam faciendam, eos nisi de libera eorum voluntate processerint, intendimus obligare.

Professio quomodo facienda.

§. 4. Præsentique statuimus sanctione, quod singuli Canonici Religionis ejusdem professionem expressam faciant, non clandestine, sed patenter, & si commode fieri poterit, in Ecclesia & cum Missa, quod si forte Prælatus, ad quem spectabit professionem ipsam recipere, tempore probationis elapso, per Canonicum profiteri volentem, congruo loco & tempore humiliter requisitus, professionem eandem recipere sine rationabili causa renuerit, vel ultra debitum forte distulerit, dictus Canonicus ex tunc in dicta Ecclesia vel monasterio, ac membris ipsius, ad omnia idoneus censeatur, ad quæ censeretur, si foret expresse professus. Teneatur tamen quum ad hoc oportunitas se obtulerit, expresse nihilominus profiteri. Alioquin ex tunc ad præmissa, donec expresse fuerit professus, minus idoneus habeatur: ac nihilominus possit per proprium Prælatum ad profitendum expresse compelli. Prælatus quoque, qui professionem ab eo recipere renuerit aut distulerit, ut præfertur, ad ipsius professionem admittendam expresse per suum immediatum Superiorem Religionis ejusdem, seu per eum, ad quem pertinuerit, compellatur.

Clericus secularis ad præbendam ulam non admittendus.

§. 5. Prohibemus insuper, ne in Ecclesia Cathedrali seu Monasterio, vel loco alio Religionis ejusdem, quivis Clericus secularis, vel laicus recipiatur ad præbendam, seu etiam portionem, nisi eidem Ecclesiæ seu Monaste-

*Bull. Rom. Tom. III. Pars II.*

rio, vel loco dederit primitus se & sua: nec hujusmodi præbenda seu portio ad vitam vel ad tempus vendatur, detur, seu alias concedatur eidem. Quicquid autem contra prohibitionem hujusmodi attentatum fuerit, omnino decernimus irritum & inane: ac nihilominus recipientes, vendentes, dantes, & concedentes hujusmodi, ultra poenas a jure statutas, Superiorum suorum arbitrio puniantur. Per præmissa vero non intendimus circa officia vel ministeria, aut alia obsequia opportuna, inibi consueta per seculares clericos vel laicos exerceri, aliquid immutare.

§. 6. Ut autem dicta Religio salubriter in omnibus dirigatur, in Ecclesia seu Monasterio, locove alio Collegiato, seu Conventuali Religionis ejusdem, Superiorem dictæ Religionis non habente, ac etiam in quolibet Collegiato seu Conventuali loco, duodecim vel majorem numerum habente Canoniorum, (etiam si Superiorem in ipsa Religione habeat) necnon in alio loco etiam minorem duodecim numerum habente, in quo Prior claustralis esse consueverit, constituatur hujusmodi Prior claustralis, dictaque Prioris constitutio fiat per illum seu illos, ad quem vel ad quos pertinuerit, cum consilio aliquorum seniorum illius loci, in quo constituetur; attentius providendo, quod persona, quæ zelum Religionis ordinatum habeat, quæve existat idonea ad exercendum Prioris claustralis officium, in loco, in quo constituta fuerit, assumatur. Dictus verò Prior, quum eum abesse, vel sic impediri contigerit, quod incumbens sibi officium per se nequeat exercere, teneatur aliquem ex Canonicis dicti loci ad hoc idoneum deputare, qui hujusmodi absentia vel impedimento durante vices ipsius gerat; nisi alicui ex privilegio seu statuto vel consuetudine ratione dignitatis personatus, vel alterius beneficii, in præmissis casibus gerere vices hujusmodi competere nosceretur; vel nisi dicti Prioris Superior aliquem ad hoc pro ipso Priore duxerit deputandum. In loco autem, in quo secundum præmissa Prior claustralis minime fuerit statuendus, Præsident tali loco, quum ipsum impediri vel abesse contigerit, ut de Priore claustrali præmittitur, teneatur aliquem loco sui, quo ad ea, quæ ad officium Prioris claustralis pertinent, deputare. Per hoc autem, quod volumus constitutionem, dicti Prioris fieri de consilio Seniorum, non intendimus circa admonitionem ipsius de pristina observantia aliquod immutare.

Prioris Claustralis electio quibus in Monasteriis, & quomodo facienda.

De Capitulo singulorum Conventuum.

§. 7. Pro regulari disciplina attentius observanda in Ecclesia Cathedrali, Monasterio, locove alio Conventuali Religionis ejusdem, diebus singulis; in aliis vero locis, in quibus quatuor aut plures Canonici fuerint deputati, saltem semel in septimana, & etiam sæpius in eisdem (si in ipsis sæpius, ac in quibusvis locis aliis non Conventualibus totiens, & quando est in eis fieri consuetum) regulare Capitulum teneatur, in quo antequam ad tractanda alia procedatur, Canoniorum excessus transgressiones & negligentie corrigantur, ac de disciplina, & confirmatione regulari tractetur salubriter & agatur, nullo ibidem

De Capitulo singulorum Conventuum.



proterve, aut clamose seu irreverenter se habere quomodolibet præsumente.

De Capitulo  
annuo:

§. 8. In singulis quoque Ecclesiis Cathedralibus Monasteriis atque locis Collegiatis, seu Conventualibus Religionis præfatæ principalibus, non ab aliis dependentibus (etiam si in eis alias non fuerit consuetum) & in singulis aliis locis Religionis ejusdem, habentibus membra sibi subiecta, aut si inibi solitum est Capitulum celebrari, annis singulis Capitulum celebretur, die videlicet ad hoc statuto, vel per ipsum Capitulum annis singulis statuendo, in loco scilicet principali & non alibi, nisi evidens necessitas suaderet hujusmodi Capitulum alibi celebrandum. Prælati autem loci principalis in loco, in quo celebrabitur ipsum Capitulum, eidem Capitulo omnino studeat personaliter interesse, cui etiam præesse debet. Quod si eum tunc ab eodem Capitulo abesse contigerit, teneatur alicui idoneo, loci & Religionis ejusdem, committere vices suas, qui intersit, & præsit Capitulo memorato, nisi ex privilegio, statuto, vel consuetudine alteri hoc competere nosceretur. Ad hujusmodi autem Capitulum Abbates, Præpositi, Priores, & Administratores eidem loco principali immediate subiecti, necnon ubi fuerit consuetum, etiam Canonici administrationem non habentes, extra Ecclesias, Monasteria, & loca prædicta morantes, personaliter convenire impedimento cessante legitimo; aut impedimento hujusmodi subsistente, Abbates, Præpositi, Priores, & Administratores præfati procuratorem idoneum sufficienter instructum, cum mandato legitimo causam, seu causas impedimenti hujusmodi, & expresse jurandi in animas ipsorum constituentium, causas hujusmodi fore veras, & reddendi rationem infra scriptam & illa faciendi, quæ facere possent, si essent, præsentibus, potestatem continentem, ad ipsum Capitulum dirigere teneantur. Is vero, qui tunc prærit dicto Capitulo, cum quatuor Senioribus per ipsum Capitulum, aut maiorem partem ipsius eligendis, an causæ hujusmodi sufficientes fuerint arbitrabitur, vel eis non venientibus aut nullum talem procuratorem mittentibus, vel causas minus sufficientes præsentibus, de poena condigna ob hoc talibus infligenda habeat extimare; quam ipse solus Præfatus infligendi, & alias contra ipsos absentes, si opus fuerit, auctoritate Apostolica prout iustitia, & regularia instituta suaserint, procedendi habeat facultatem. Convenientes ad dictum Capitulum vitam ducant communem, & faciant proportionaliter simul omnes expensas, nisi forte ex consuetudine, vel statuto, aut alia ordinatione rationabili incumbere alii seu aliis onus expensas hujusmodi faciendi, quos tamen si ex hoc, quod singulis annis fieri volumus Capitulum memoratum, vel ex aliis supra vel infra statutis, ampliores expensas fieri contigerit nolumus in expensis publicis plus solito onerari, sed tunc hujusmodi ampliores expensæ fiant per omnes simul proportionaliter, ut præfertur. Quod si forsitan aliquis ex locis prædictis, in quibus ut præfertur, debet dictum Capitulum celebrari, mem-

Præfide ejusdem:

Is, qui eidem debent interesse:

Expensis ejusdem:

bra habeat adeo sibi remota, quod Administratores principales dictorum membrorum, nequeant annis singulis ad ipsum Capitulum absque notabili dispendio convenire; tunc dictum Capitulum teneatur ordinare, quando dicti Administratores ad Capitulum hujusmodi debeant convenire.

In hujusmodi autem Capitulo tractetur præcipue de reformatione morum & observantia regulari, ac corrigantur & reformentur in eo, quæ super spiritualibus & temporalibus Religionis ejusdem corrigenda fuerint, & etiam reformanda, ipsoque Capitulo perdurante Abbates, Priores, Præpositi, ac Archidiaconi ceterique administrationem habentes in Religione prædicta, quovis nomine censeantur, de suis administrationibus eidem Capitulo teneantur afferre, & in scriptis tradere rationem, declarando videlicet si administrationes ipsæ aliquibus, & quantis, & ex quibus causis, quibusque personis, & qualibus obligationibus, & an sub usuris sint debitis obligatæ, & an ipsa debita possint de rebus extantibus mobilibus persolveri, aliaque onera sibi, suisque administrationibus incumbentiâ supportari, sine debitorum augmento, & generaliter, an administrationes ipsæ in casu desolationis, & quare, vel in statu prosperitatis existant. Hujusmodi autem rationum scripturæ, continententes administrationum ipsarum, tam onera, quam augmenta, in loco principali, cujus tenetur Capitulum, sub fida custodia fideliter conserventur, eorum, à quibus ratio reddita fuerit, propriis subscriptionibus communitæ. Volumus autem, quod in casu, ubi Abbatibus, Prioribus, Præpositis, Archidiaconis, & aliis administrationem habentibus minime videretur expediens, sed periculosum esse revelare in dicto Capitulo commoda seu augmenta, quæ de administratione hujusmodi superessent, quatuor eligendis de dicto Capitulo duobus per ipsum Abbatem, seu Præpositum, vel Priorem seu Archidiaconum vel quemvis alium administrationem habentem, & duobus aliis per Capitulum vel maiorem partem ipsius, qui quatuor hujusmodi officium in virtute obedientiæ recipere teneantur, revelare prædicta, quæ supersint in quibuscumque rebus consistunt, fidelius teneatur eisdem quatuor sic electis, juramentis in præsentia dicti Capituli præstitis, quod non revelabunt prædicta, nisi cedentibus, vel decedentibus iis qui reddiderint rationem vel alia causa rationabili exigente: & tunc de licentia Superioris sui, vel illius, qui dictam reddidit rationem.

§. 9. Constitutionem insuper Concilii Generalis de communi Capitulo Abbatum atque Priorum Abbates proprios non habentium, in singulis regnis sive provinciis faciundo, volentes exacta diligentia observari, statuimus quod in Religione prædicta, in singulis provinciis, per nos designatis inferius & distinctis, fiat in loco, qui ad hoc fuerit deputatus, de quadriennio in quadriennium (salvo jure Diocesan.) commune seu Provinciale Capitulum Abbatum, Præpositorum, Priorum, cæterorumque Prælatorum, Abbates seu alios Præ-

Detrahendis  
in Capitulo  
eodem.

Capitulum  
Provinciale  
quolibet qua-  
driennio co-  
gendum.



Qui eidem  
interesse de-  
beant.

Prælatos superiores ejusdem Religionis non habentium; nec non Præpositorum, Priorum, vel aliorum Majorum in Ecclesiis Cathedralibus post Antistites existentium, ac post Antistites ipsos regularem curam Canonico habentium, quocumque nomine censeantur aut nuncupentur, sive prænominati exempti sive non exempti existant: ad quod universi conveniant, impedimentum canonicum non habentes, dictam Constitutionem circa præfatum provinciale Capitulum, & alia in ea tam provide, quam salubriter instituta in Religione præfata irrefragabiliter observantes. Qui vero ad præfatum Capitulum personaliter venire nequiverint legitime impediti, ad allegandam causam impedimenti hujusmodi, & probandam, necnon ad videndum ordinationes seu statuta atque mandata in dicto Capitulo facienda, ac si idem taliter impeditus personaliter præsens esset, concanonicum suum ejusdem Ecclesiæ, Monasterii seu loci si commode fieri possit, alioquin aliam personam idoneam cum sufficienti mandato causam impedimenti huiusmodi continente, & etiam potestatem in animam constituentis eundem iurandi causam huiusmodi veram esse, ad dictum Capitulum mittere teneantur. Personæ vero, quæ præfuerint, huiusmodi provincialibus Capitulis celebrandis, (quarum potestatem de uno provinciali, ad aliud provinciale volumus perdurare) arbitrentur, & decernant an excusationum causæ dictorum non venientium, ad Capitulum sufficientes, vel insufficientes existant, a quarum arbitrio seu decreto super hoc nulli appellare liceat, vel etiam reclamare. Non venientes autem ad dictum Capitulum legitimo impedimento cessante, aut quum subest impedimentum, procuratorem ad illud cum sufficienti mandato, ut præmittitur, non mittentes, teneantur expensas, quas fecerint in veniendo ad dictum Capitulum morando, & redeundo facturi, juxta Præsidentium dicto Capitulo, seu majoris partis eorum arbitrium, estimandas in termino per ipsos Præsidentes statuendo, de bonis suæ administrationis persolvere, in utilitatem ipsius provincialis Capituli convertendas, super quibus nulli in totum vel in partem gratia fieri valeat, vel remissio indulgeri. Possint etiam dicti Præsidentes eosdem ad earum solutionem per censuram Ecclesiasticam auctoritate Apostolica coercere, suosque processus, & sententias publicare, seu facere publicari in locis dictæ Religionis, Provinciæ tamen ejusdem. Et nihilominus alias, contra non venientes præfatos (maxime si ut correctionem evitent, sive ut nesciatur status Ecclesiæ, vel Monasterii eorumdem, vel alias malitiose se subtrahant) prout dictis Præsidentibus, seu maiori parti ipsorum visum fuerit procedatur. Circa Præsidentes vero, ac Visitatores in eisdem Capitulis deputandos, & alia quæque eis exequenda, illa servantur, quæ in ejusdem generalis Concilii, & felicitis recordationis Honorii Papæ III. prædecessoris nostri constitutionibus expressis continentur, prout statui, & religioni congruit eorumdem, servatis tamen

*Bull. Rom. Tom. III. Pars II.*

statutis, ordinationibus & adiectionibus nostris, supra & etiam infra scriptis.

§. 10. Ad hæc, decernimus Abbates, Præpositos, Priores, ac maiores præfatos Capitula, Conventus, cunctosque Canonicos Ecclesiarum, & Monasteriorum ejusdem Religionis, etiam si in ipsis Ecclesiis, vel Monasteriis sive extra ea, ubicumque Prioratus, officia, vel administrationes habuerint, seu moram traxerint, tam exemptos, quam non exemptos, dictorum Capitulorum provincialium districtioibus, correctionibus, & ordinationibus subiaci, & ipsis adstringi, eosque ad observationem illarum fore per Præsidentes seu alios, ad quos pertinuerit, compellendos.

§. 11. Decernimus etiam quosque dictarum Ecclesiarum, & Monasteriorum, vel aliorum locorum ejusdem Canonicos beneficia obtinentes ad contribuendum in expensis moderatis, & rationabilibus per Capitulum annale religionis ejusdem immediate præcedens taxandis, secundum suarum exigentiam facultatum, quas dicti convenientes facient ad illa Capitula eundo morando, & redeundo imposita, tam dictis Conventibus secundum suarum exigentiam facultatum, de dictis expensis congrua fore portione per eosdem convenientes auctoritate Apostolica per remedia opportuna, sublato appellationis obstaculo compellendos. Ordinariis locorum, exemptis & non exemptis districtius iniungentes; quod nullum prædictis impedimentum apponant, vel apponi permittant, sed legitime requisiti ea faciant executioni mandari, & inviolabiliter observari.

§. 12. Quod si forte tempore, quo imminet provinciale Capitulum celebrandum, contigerit Ecclesias Cathedralis Religionis ejusdem carere Maioribus prælibatis, vel Monasteria seu loca Religionis ejusdem suis vacare seu carere pastoribus, qui si adessent, adstricti forent ad conveniendum in provinciali Capitulo memorato, Capitula Ecclesiarum, & Conventus Monasteriorum aliorumque locorum Conventualium prædictorum, teneantur personam sufficientem de gremio eorumdem (si commode fieri possit) alioquin aliunde transmittere ad huiusmodi Capitulum celebrandum, ad faciendum & implendum omnia iuxta arbitrium Præsidentium, quæ facere possent & tenerentur Prælati, seu Maiores præfati si venirent ad dictum Capitulum, & in eo personaliter interessent.

§. 13. Quod autem præmittitur de provinciali Capitulo de quadriennio in quadriennium celebrando, ad cujuslibet hæsitationis scrupulum amputandum, ad sanum referri volumus, ut scilicet, si provinciale Capitulum fuerit celebratum, duobus futuris annis proximis ab illo valeat abstineri, eo in alio anno immediate sequenti omnimode celebrando.

§. 14. Huiusmodi vero commune seu provinciale Capitulum apud unum de Monasteriis Religionis ejusdem ad hoc aptum, si in eadem existat Provincia debeat celebrari. Alioquin celebretur in loco alio congruo, & securo, de quo a die primi Capituli celebrandi, &

Huiusmodi Capituli legibus qui obstringantur.

Capitulorum expensæ a quibus subministrandæ.

Quid sit agendum si tempore huiusmodi Capituli Cathedralis Ecclesiæ suis careant Pastoribus:

Quadriennium pro Capitulo celebrando quomodo intelligatur:

Huiusmodi Capitulum, ubi celebrandum.



Quæ in eodẽ  
sint statuenda  
pro futuro  
Capitulo.

aliis ad hoc facientibus, opportune providebunt illi, qui super hoc per Sedem Apostolicam deputati fuerint prima vice.

§. 15. Et ut super eodem Capitulo & per illud ex tunc in posterum rationabilis ordinatio habeatur, in dicto primitus celebrando, & in aliis etiam per successiones temporum similiter celebrandis, Præsidentes eisdem seu pars major eorum, provideant & ordinare procurent, per quem in sequenti Capitulo sermo fieri, missaque debeat celebrari. Eligant quoque tam locum, in quo alia vice proxima huiusmodi Capitulum fuerit celebrandum, quam eos qui Præsidentes esse debeant in eodem. Provideant etiam, qui Abbates, quive Præpositi seu alii ex eis, qui ad ipsum Capitulum venire tenentur, qui & quot & quotiens Ecclesias Cathedrales, Monasteria, & alia loca Religionis ejusdem debeant usque ad aliud proximum sequens Provinciale Capitulum, visitare.

De numero  
venientium,  
ad Capitulum  
& electionũ.

§. 16. Cæterum prohibemus, ne venientes ad provincialia seu annualia Capitula, secum ducant vel duci faciant, seu permittant evectiones seu familiares numero superfluos, seu quomodolibet excessivos, aut tales, de quibus præsumi valeat, quod alicui ad ipsa Capitula venienti, aut in eis moranti, vel de illis redeunti, aut Ecclesiis, Monasteriis, Prioratibus, vel aliis locis eorum inferant per se vel alios, in personis vel rebus, injuriam vel offensam; vel quod in aliquo de dicto Capitulo aut in Ecclesia, vel Monasterio sive loco, quibus illa contigerit celebrari, scandalum suscitare, vel turbationem facere seu discordiam, vel contentionem movere verisimiliter præsumatur, sed numero evectionum & familiarium, statui cujuslibet eorum congruo sint contenti. Si quis autem eorum, scienter & ex proposito duxerit vel tenuerit aliquem, vel aliquos ad inferendum injuriam vel offensam huiusmodi, ut turbetur vel impediatur imminens Capitulum, vel aliquem seu aliquos ad hoc convocaverit, & ob hoc turbatio seu impedimentum sequuta fuerit, vel sequutum, necnon quicumque alius de personis Religionis ejusdem consentiens in præmissis extiterit, præstando auxilium vel favorem, scienter, & ex proposito, ut præmissum est, excommunicationis incurrat sententiam ipso facto.

Censuræ in-  
tentantur con-  
tra impedi-  
tes huiusmo-  
di Capitula,  
vel Visitatio-  
nis officium.

§. 17. Eandem quoque excommunicationis sententiam quicumque religionis præfate, per se vel alium impediverit molitiose, scienter, & ex proposito, quo minus dicta Capitula, provinciale videlicet & annuale, & eorum quodlibet valeant celebrari, aut propterea præsumpserit euntes ad illa, vel aliquod eorumdem, vel in eis morantes, seu de ipsis redeuntes, capere seu capi facere, seu captos detinere, aut impedire, vel eis aut eorum, familiaribus, in personis vel rebus inferre damna, iniurias, vel offensas, necnon quicumque ipsius religionis, qui ad hoc ne fiat, aut impediatur visitatio malitiose & ex proposito, prædicta vel eorum aliquod per se vel alium commiserit, in personas Abbatum, Priorum vel aliorum proprios subiectos visitantium, vel in personas Visitatorum, qui in provin-

cialibus Capitulis aut per Abbates seu prælatos alios fuerint deputati, vel familiarium eorumdem, aut in bonis eorum, dum tamen, propter hoc visitatio huiusmodi fuerit impedita, ipso facto incurrat. Præsidentes autem provincialibus & annualibus Capitulis prælibatis, & eorum quilibet, postquam simpliciter & de plano eis constiterit, aliquem ex prædictis præfatam excommunicationis sententiam incurrisse, ipsum excommunicatum per omnia ejusdem Religionis loca, de quibus eis videbitur, tamdiu solemniter publicent, & faciant ab aliis auctoritate Apostolica publicari, eos ad hoc per censuram Ecclesiasticam, appellatione postposita compellendo, donec excommunicatus huiusmodi condignam super hoc satisfactionem impenderit, & absolutionis beneficium meruerit obtinere. Possint autem ab huiusmodi excommunicationis sententia, congrua satisfactione præmissa, absolvi per Præsidentes prædictos Provincialibus Capitulis, & quemlibet eorumdem, quorum offensam concernet eorum Provinciale Capitulum, aut per Visitatores deputandos ab eo, illi quorum offensam respiciet annuale Capitulum, per Prælatos qui huiusmodi annali seu annualibus Capitulis præfuerint, aut per ipsos Prælatos visitantes, seu per Visitatores deputatos ab eis congrua satisfactione præmissa absolvi valeant, nisi forsan offensam adeo gravis existeret, quod super ea Sedes Apostolica foret merito consulenda.

§. 18. Ut autem professores Religionis ejusdem, quietius & liberius valeant domino famulari, districte præcipimus tam Dioecesanis, quam personis, quæ provincialibus Capitulis præsidebunt, ut Advocatos, Patronos, Magnates, Rectores, Vicedominos, Consules, Milites, & quoscumque alios per censuram Ecclesiasticam appellatione remota compescant, ne Cathedrales Ecclesias, Monasteria, aut loca Religionis ejusdem præsumant offendere in personis, aut rebus eorum, eosque si forte eisdem offensas intulerint, ad satisfaciendum eis compellere non omittant.

§. 19. Ut autem de provinciis, in quibus dicta provincialia Capitula fuerint celebranda distincta limitatio habeatur, nec de ipsis in posterum hæsitetur, quamlibet provinciam, quoad huiusmodi provincialia tenenda & celebranda Capitula, prout sequitur limitamus. In primis Urbs Romana cum Episcopatibus nobis immediate subiectis, in nostra speciali Provincia constitutis, cum toto Regno Siciliæ pro una Provincia computatur. Provincia Thebana, Cretensis, Atheniensis, Patracensis, Corinthiensis, & Neopatenensis, cum toto Patriarchatu Constantinopolitano pro una. Regnum Cypri pro una. Regnum Corsicæ, & Sardinia pro una. Provincia Pisana, Januensis, Mediolanensis, & Ravennas, cum Episcopatibus Placentinensi, Ferrariensi, Ariminensi pro una. Patriarchatus Aquilejensis, & Gradensis, cum Provinciis Jadrensi, Spalatensi, Ragusinensi, Antibarensi pro una. Provincia Strigoniensis, Colocensis, ac Guezienensis, cum Episcopatu Camineni pro una. Rigiensis pro una. Salsburgensis, Magdeburgensis,

Quieti & in-  
demnitati Mo-  
nasteriorum  
consulitur.

Distinctio Pro-  
vinciarum pro  
dictis Capitu-  
lis celebra-  
dis.



sis, & Bremensis pro una, Coloniensis, Maguntiensis, Treverensis, cum Episcopatu Bambergenſi pro una. Ebredunensis, Viennensis, Aquensis, Arelatensis pro una. Lugdunensis, Tharantasiensis, & Bisuntina pro una. Remensis, Senonensis pro una. Rothomagensis, & Turonensis pro una. Burdegalensis, & Bituricensis, cum Episcopatu Aniciensi pro una. Narbonensis, Tholosana, & Ausitana pro una. Tarraconensis, & Cæsaraugustana cum Episcopatu Majoricensi pro una. Toletanensis, Hispalensis, Compostellanensis, & Braccarenſis pro una. Cantuariensis, & Eboracensis pro una. Tota Ibernica pro una. Regnum Scotiæ pro una. Regna Daciæ, Norvegiæ, & Suetiæ pro una Provincia deputantur. Si qui vero Episcopatus vel Monasteria aut loca alia dictæ Religionis existant, quæ in aliqua dictarum Provinciarum minime includantur, quoad dicta Capitula Provincialia intelligantur esse de illa Provincia, cui viciniora existere dignoscuntur.

De Visitatorum munis.

§. 20. Visitatores siquidem, qui secundum Constitutionem dicti generalis Concilii fuerint in Provincialibus Capitulis deputati, sint solliciti circa huiusmodi visitationis officium exequendum, & quantum statui & Religioni eorum convenit, observare studeant, quæ in dictis Constitutionibus præfatorum Concilii, & Honorii sunt statuta. Quod si omiserint illa exequi negligenter, a Præsidentibus Provincialibus Capitulis, quum eis huiusmodi negligentia nota fuerit, graviter arguantur, & per eos prout qualitas culpæ ipsorum exegerit, puniantur. Ut autem dictorum Visitorum officium cum omni sinceritate procedat, districtius inhibemus, ne quis Visitor sibi deputati eodem anno esse valeat Visitor. Dicti autem Visitatores & familiares eorum in Ecclesia Cathedrali, seu Monasterio vel alio loco Religionis ad quem visitationis causa duxerint declinandum, ultra duos dies nequaquam remaneant, nisi evidens necessitas foret, vel magna utilitas Ecclesiæ, Monasterii, seu loci huiusmodi, ampliorem moram Visitorum, vel familiarium exigeret eorumdem: quo casu possint ulterius remanere, ita tamen quod id faciant de consilio seniorum dictæ Ecclesiæ, seu Monasterii, sive loci. Dicti quoque Visitatores vel familiares eorum, Ecclesiæ, Monasterio, sive loco, cui Officium Visitationis impendunt, onerosi nequaquam existant, nec sumptuosas epulas quarant, sed cum gratiarum actione recipiant, quod honeste, & competenter eis fuerit ministratum. Caveant insuper, ne quisquam ipsorum, aut familiares eorum per se vel per interpositam personam aliquam pecuniam huiusmodi, vel alia occasione quacumque nisi pro expensis dumtaxat, & tunc secundum infrascriptum modum exigant, aut etiam a volente recipiant, neque aliquod munus, quodcumque sit, vel qualitercumque offeratur, præsumant recipere a quocumque, ut non quæ sua sunt videantur querere, sed quæ Christi: quod si fuerit contra præsumptum, duplum ejus, quod receperint, Ecclesiæ, Monasterio, sive loco, a qua vel

Munus nulla recipiant.

quo id receptum fuerit, intra mensem reddere teneantur, alioquin duplum ipsum eis ultra dictum tempus restituere differentes, tamdiu sint ab Officio beneficioque suspensi, quousque gravatis Ecclesiis, Monasteriis, sive locis, de huiusmodi dulplo plenariam satisfactionem impendant, nullis in hoc dantium liberalitate, remissione, vel gratia valituris. Et nihilominus iidem Visitatores, si opus fuerit, per Præsidentes dictis Capitulis provincialibus & eorum quemlibet, ad restitutionem præfati dupli, auctoritate Apostolica per censuram ecclesiasticam, & alia opportuna remedia compellantur. Concedimus tamen, ut Præsidentes dictis Capitulis, vel pars major eorum, ordinare possint, prout & quando eis visum fuerit expedire, quod dicti Visitatores expensas recipiant in pecunia, & eo casu, quo hoc duxerint ordinandum, dictas expensas, omni odio & favore remotis moderari habeant & taxare; proviso tamen quod summa, in constitutione, quam super moderatione procuratorum edidimus, quæ incipit: *Vas electionis*, nullatenus excedatur. Iidem etiam Præsidentes discrete provideant, ut quum inter loca visitata, & visitanda magna fuerit distantia, quantum quilibet eorumdem locorum, visitatus scilicet & etiam visitandus,olvere habeant Visitori pro suis sumptibus moderatis. Si tamen Monasteria visitanda in facultatibus sint collapsa, tunc de expensis, quas dicti Visitatores facturi erunt occasione visitationis locorum huiusmodi collapsorum, provideatur eisdem de communi contributione in provinciali Capitulo facienda. Ut autem via scandalis præcludatur, inhibemus Visitoribus memoratis, ne illos seu eorum nomina, qui eis aliqua secreta in visitationibus revelaverint, præsumant aliis revelare, sed tunc demum dicti Visitatores procedant super dictis revelatis, prout secundum canonica, & regularia instituta fuerit procedendum. Quod si dicti Visitatores contra inhibitionem huiusmodi revelaverint, seu eorum nomina detexerint, prout facti qualitas exigit, per Præsidentes vel eorum quemlibet puniantur.

Expensæ quales eis subministrandæ.

De secretis.

§. 21. Quum in provinciali & annuali Capitulis & aliis negociis expensæ necessariae requirantur, ut onus divisum in partes levius supportetur statuimus, quod in eisdem Capitulis cuiusquam contradictione vel absentia non obstante, pro communibus libertatibus defendendis, necnon necessitatibus, utilitatibus, & aliis plerumque occurrentibus necessariis oneribus & expensis auctoritate Apostolica imponantur collectæ, subventiones, seu contributiones, videlicet in Capitulo provinciali, pro tangentibus ipsum Capitulum, secundum arbitrium ipsius provincialis Capituli, vel majoris partis eiusdem, in annuali vero Capitulo, pro tangentibus ipsum annuale Capitulum, vel locum principalem, ubi debet ipsum Capitulum celebrari, secundum arbitrium Prælati Præsidentis ipsi annuali Capitulo, & Definitorum, ubi Definitores fuerint, & ubi non fuerint, secundum arbitrium ipsius Capituli seu majoris partis eiusdem. Volumus tamen, quod libertates, necessitates, seu utilitates, & alia, pro quibus huius-

Quibus de causis imponende sint collectæ, &amp; quomodo?



huiusmodi collectæ, subventiones, seu contributiones fuerint imponendæ, in eisdem Capitulis Provincialibus, & annualibus clare, & explicite ponantur, & aliter quam ut præmittitur imponi non possint, & si secus actum fuerit, impositio & processus, ac sententiæ occasione huiusmodi impositionis facti, & latæ, omni careant roboris firmitate, ac nihilominus restituatur eisdem quicquid occasione huiusmodi ab ipsis exactum fuerit & receptum. De dictis autem subventionibus, contributionibus, seu collectis, possit membris necessitatem patientibus subveniri, prout expositis prius dictis necessitatibus annuali Capitulo, prædicti, quorum arbitrio subventiones, contributiones, seu collectæ huiusmodi imponi debuerint, in ipso annuali Capitulo fuerint arbitrati, proviso tamen quod administratores dictorum membrorum necessitatem patientium expendere habeant pro dictis necessitatibus, quantum membra ipsa poterint sustinere. Ut autem in conservatione collectarum, subventionum, seu contributionum huiusmodi adhibeatur cautela diligens, & etiam opportuna, præcipimus, ut illæ, quæ impositæ fuerint in Capitulo Provinciali, per tres bonos & fideles de illis, qui ad ipsum Capitulum Provinciale venire tenentur, in aliqua Ecclesia, Monasterio, seu alio loco convenienti, & securo servantur, quæ vero impositæ fuerint in annuali, per tres fideles Canonicos loci, in quo imponentur (quorum unum ponat ille, qui præfuerit ipsi Capitulo annuali, alium vero Priores, & administratores, & tertium Capitulum Ecclesiæ, seu Conventus Monasterii sive loci, ubi huiusmodi annuale Capitulum fieri debet) in una arca secreta tribus diversis feris, & clavibus fideliter custodiantur, & in usus dumtaxat, pro quibus impositæ fuerint, convertantur. Pro iis autem collectis, & subventionibus seu contributionibus fideliter conservandis, & ut præmittitur expendendis, dicti tres, qui ad hoc fuerint in Provinciali Capitulo deputati, præsent in Præsidentium ipsius Capituli, & alii præfati tres Canonici in Prælati, Præsidentis, & Capituli, seu Conventus loci principalis, cuius annuale Capitulum celebrabitur, præsentia, corporaliter iuramentum, nec imponi valeat alia contributio, quamdiu aliquid de prima contributione, quod sufficiat, contigerit superesse. Habeant autem Præsidentes, & eorum quilibet, quoad huiusmodi Provincialia Capitula, similiter quoque Prælati, seu alii, qui præerint dictis annualibus Capitulis, quoad ipsa annualia Capitula auctoritate Apostolica supradicta exigendi, colligendi, & levandi collectas, subventiones, & contributiones prædictas, & contradictores, & rebelles quoslibet eadem auctoritate per censuram Ecclesiasticam, vel alia juris, & ipsius Religionis remedia, remoto cujuslibet appellationis obstaculo compellendi, & etiam puniendi, & exequendi libere suos processus, & sententias super præmissis habitos, & Prælatos in Ecclesiis Cathedralibus, aliisve locis Religionis ejusdem, quando & quotiens eis visum fuerit expedire, necnon etiam absolvendi (congrua tamen satisfactione præmissa)

a dictis sententiis, & relaxandi atque tollendi omnes processus, & sententias eorundem, & cum eis, qui dictis ligati sententiis per simplicitatem, & juris ignorantiam, non tamen in contemptum clavium, celebrando divinam, vel se ingerendo eisdem, irregularitatem incurrerint, super irregularitate huiusmodi dispensandi liberam potestatem.

§. 22. Quoniam per exercitium lectionis <sup>De Studiis, & Magistris.</sup> studentes literarum scientiis imbuuntur, nos cupientes, ut viri Religionis ejusdem in primitivis, & deinde in Divini & Canonici Juris scientiis instruuntur, statuimus, quod in qualibet Ecclesia Cathedrali, Monasterio, locove alio Conventuali, seu Collegiato dictæ Religionis, cui ad hoc suppetent facultates, habeatur Magister, qui Canonicos doceat infra septa locorum in scientiis, videlicet, Grammatica, Logica, & Philosophia, proviso attentius, ut sæculares instruendi cum ipsis Canonici, docendive in eisdem Monasteriis sive locis, nullatenus admittantur. In Ecclesiis tamen Cathedralibus Religionis ejusdem, jura super hoc edita observentur. Provideatur autem quotidie præfato Magistro, si alius quam Canonicus ejusdem loci fuerit, sufficienter in pane, vino, & pitantia, per illos qui talia tenentur in eadem Ecclesia, Monasterio, sive loco Canonicis ministrare. Eidem quoque Magistro pro vestimentis, & calceamentis, ac salario congrua pensio annua assignetur, summam viginti librarum Turonensium parvorum nequaquam excedens, quæ de infrascripta communi contributione solvatur, donec pro ea certi & perpetui redditus fuerint assignati. Si vero in locis prædictis fuerit Canonicus ad huiusmodi instructionem idoneus, per Superiorem suum, ad quem hoc pertinuerit, deputetur instructor, & ad hoc si necesse fuerit compellatur, cui siquidem instructori Canonico ultra victum, & vestitum, pro libris emendis, & aliis necessitatibus suis juxta dispositionem Superioris sui, decem libræ parvorum Turonensium assignentur. Prælati vero, seu alii, ad quos spectaverit, Canonicos instruendos dociles tam de capite, quam de membris, cum consilio seniorum eligere, & de ipsorum certo numero ac de locis, & temporibus, quibus lectionibus quibusve divinis Officiis, seu obsequiis aliis opportunis intendant, ordinare pure, & provide teneantur. Si tamen dicti Canonici instruendi testeri, & instrui commode in loco principali nequiverint, & propter hoc fuerit hætenus consuetum, ipsos instruendos in aliquo de membris ipsius loci teneri atque instrui, non intendimus circa hoc, dummodo ibidem vigeat observantia regularis, aliquid immutare. Possint autem præfatus Magister, seu instructor, & instruendi, cum consilio seniorum, prout expediens visum fuerit eis, ad quos pertinuerit, removeri, & per eos loco eorum, qui remoti fuerint, alii subrogari. Præcipimus insuper cunctis Visitatoribus in provincialibus Capitulis deputatis, quod ea, quæ sunt de Magistro, seu instructore, & personis instruendis, & aliis circa hæc superius ordinata, faciant auctoritate apostolica per censuram ecclesiasticam, & alia opportuna remedia appellationis



latione remota firmiter observari. Et nihilominus, ea quæ super prædictis fecerint, & invenerint, Præsidentibus Capitulo provinciali referant, qui etiam auctoritate Apostolica si eis, vel majori parti ipsorum visum fuerit, contra negligentes, vel rebelles in præmissis procedat, sicut videbitur expedire.

De mittendis  
ad vel studia  
Generalia.

S. 23. Quia vero expedire dignoscitur, ut iidem Canonici postquam in scientiis primitivis fuerint eruditi, ad Sacræ Theologiæ, vel Canonum transeant facultatem, statuimus ut Ecclesia Cathedralis, Monasterium, Prioratus, vel locus alius Religionis ejusdem, cum membris inferius declarandis, de quolibet vicenario numero Canonorum unum aptum, Canonicum hujusmodi scientiis acquirendis ad generalia, seu solemnia Studia mittere, & cuilibet mittendorum ipsorum teneantur de infra scripta annua pensione providere. Huiusmodi autem vicenarium numerum sic volumus computari, ut videlicet illi dumtaxat Canonici numerum ipsum efficiant in hoc casu, qui fuerint in Ecclesia, Monasterio, vel loco alio principali, & in loco alio ei subiecto habente octo, vel plures Canonicos, præter Priorem seu administratorem loci subiecti, & ipsorum, cum Canonicis eiusdem Ecclesiæ, seu Monasterii, & loci alterius principalis in computatione, ac missione huiusmodi coniungantur. Quod si forsan ultra dictum numerum vicenarium, aliqui superessent, qui tamen vicenarium alium non complerent, non propter hoc arceantur aliquem mittere ad Studia prælibata. Ubi autem huiusmodi Ecclesia, Monasteria, sive locus ad mittendum plures ad prædicta Studia, quam præmittitur adstringeretur, ad consuetudinem, vel ordinationem aliam seu statutum, non intendimus consuetudini, ordinationi, seu statuto huiusmodi per præmissa aliquatenus derogare. Si vero in huiusmodi Ecclesia, Monasterio, vel loco alio principali, vicenarius Canonorum numerus non existat, numerus tamen major senario sit ibidem, teneantur Visitatores per provinciale Capitulum deputati, quum in ea vel eo visitationis officium exercebunt, inquirere de facultatibus, & oneribus huiusmodi Ecclesiæ, Monasterii, sive loci, & si huiusmodi oneribus supportatis inveniant facultates sufficere pro uno, vel pluribus Canonicis ad dicta Studia destinandis, relationem de hoc faciant in provinciali Capitulo subsequenti, in quo Præsidentes cum consilio, & assensu maioris partis Capituli, ordinent auctoritate Apostolica juxta huiusmodi suppetentiam facultatum, de uno, vel pluribus Canonicis ad eadem Studia destinandis. Eligantur autem ipsi Canonici mittendi, prout ad scientias Theologiæ, vel Juris Canonici, seu magis ad unam quam ad alteram aptiores poterint inveniri, sic tamen quod (si tot apte reperiantur pro ipsius Theologiæ studio) ad minus medietas mittendorum, pro ipsius Theologiæ studio destinetur, & qui electus fuerit ad unam de iis scientiis, ad aliam proprio arbitrio nequeat se transferre: quod si fecerit, de studio revocetur. Ut autem ad electionem Canonorum ad prædicta Studia mittendorum, sincere, & celeri-

Quibus e Mo-  
nasteriis seli-  
gendi.

tate congrua procedatur, Capitulum Ecclesiæ Cathedralis Religionis ejusdem, septem; Abbas vero, Prior, & quivis alius Prælatus Monasterii, seu Prioratus, & loci Conventualis Religionis ejusdem, habentis vicenarium aut majorem numerum Canonorum, quinque; habentis vero numerum minorem vicenario, tres Canonicos seniores, qui dictam electionem facere habeant infra quinque dies post festum B. Mariæ Magdalene, quod primitus a publicatione hujusmodi nostræ Constitutionis in eorum Capitulis annalibus facta occurrerit, & deinde singulis annis in perpetuum, quotiens electio de Canonicis, ut præmittitur, mittendis extiterit facienda, infra idem tempus eligere teneatur. Seniores autem ipsi antequam ad huiusmodi electionem procedant, juramentum præstent (ad quod præstandum per Superiores suos, si opus fuerit eos volumus coarctari) quod timore, amore, odio, pretio, seu favore rejectis, illos ex Canonicis in scientiis primitivis, & regularibus observantiis informatis, ac vita & moribus commendandis, eligant ad Studia supradicta, quos magis dociles, & aptiores esse crediderint ad alterutram, ex Theologiæ & Juris Canonici scientiis, ad quam fuerint destinandi. Quum vero dicti seniores præstiterint huiusmodi juramentum, teneantur infra tres dies cum consilio Instructoris, si Canonicus extiterit juramento simili adstringendi, coram Ecclesiæ Cathedralis Capitulo, vel Abbate, vel Priore, vel alio Prælato prædictis, mittendos præfatos eligere. Electione autem facta per seniores eosdem, vel majorem partem numeri eorumdem, cum consilio, ut præmittitur Instructoris, is ad quem pertinuerit, licentiam eundi ad Studia supradicta infra sex dies, post habitam de dicta electione notitiam, eis concedere sit adstrictus. Idemque electi mittendi ad Parisiense Studium, illuc in Exaltatione S. Crucis, alii vero ad alia Studia destinandi, illuc in S. Lucæ diebus festis, vel circa, adesse procurent. Quod si forsan, dictum Capitulum infra prædictos quinque dies, præfatos septem seniores, non elegerit, aut si ipsis septem ab eodem Capitulo, vel dictis quinque, seu tribus senioribus a præfato Abbate, seu Priore, vel alio Prælato, ut præfertur electis, iidem seniores, vel eorum pars in casu quolibet prædictorum, infra dictos tres dies huiusmodi Canonicos mittendos non duxerint eligendos; ex tunc in Ecclesia Cathedrali, ad illum, qui præest in regularibus disciplinis post Antistitem, in Monasterio vero, seu Prioratu, locove alio ad Abbatem, seu Priorem, vel alium Prælatum, eo ipso huiusmodi electio devolvatur. Ille vero, ad quem ipsa electio fuerit devoluta, electionem dictorum mittendorum infra triduum post notitiam devolutionis huiusmodi, cum consilio quatuor Canonorum districtorum suæ Ecclesiæ, seu Monasterii, aut loci, vel Prioratus huiusmodi, quos ad hoc elegerit, & simili adstringerint juramento, facere teneatur. Qui vero in præmissis repertus fuerit deliquisse, prout delicti qualitas exegerit puniatur, nihilominus iis, quæ circa hæc negligenter omissa, vel dolose

Electio mittendorum a quibus, & quomodo facienda.



Pensiones Ma-  
gistris, Scho-  
laribus, aliis-  
que assignan-  
da.

loſe commiſſa fuerint ſupplendis quantocius,  
& etiam reformandis.

§. 24. Quoniam inſiſtentes literarum ſtudiis  
diſerſa ſubire oportet onera expenſarum, præ-  
dictis Canonicis, qui mittentur ad ſtudia gene-  
ralia, Magiſtris & Baccalariis, legentibus,  
ac ſcolaribus ſtudentibus, in ſubſequentibus  
quantitatibus pro expenſis huiusmodi, fore  
decernimus penſiones annis ſingulis miniſtran-  
das, videlicet in Theologia magiſtro ſexagin-  
ta, Baccalario quadraginta, ac ſcholari ſimi-  
liter quadraginta. In iure vero Canonico Do-  
ctori quinquaginta, Baccalario vero ac ſchola-  
ri, cuiſlibet eorum videlicet, triginta quinque  
libras Turonenſium parvorum, vel earum va-  
lorem in alia moneta, tam pro victualibus, &  
veſtimentis, quam pro libris & quibuſcumque  
neceſſitatibus aliis eorundem. Si autem in  
aliqua Eccleſia, Monasterio, ſive loco eſt ta-  
xatum ſive ordinatum, quod & quantum aſſi-  
gnari debeat Canonico in ſtudio exiſtenti, illud  
detur, & aſſignetur loco penſionis prædictæ,  
etiam ſi eandem excedat, ei qui, ut præmiſſum  
eſt, ad ſtudium tranſmittetur. Ubi vero hu-  
juſmodi taxatio, vel ordinatio non eſt facta, vo-  
lumus, quod ii, qui tenentur Canonicis residen-  
tibus in ſuis Eccleſiis, Monasteriis, ſeu locis,  
de victualibus, & veſtibus providere, provi-  
ſionem huiusmodi iis, qui mittentur ad huius-  
modi ſtudia (etiam ſi taxationem dictarum  
penſionum excedat) loco penſionum huiusmo-  
di integraliter facere teneantur. Quod ſi hu-  
juſmodi taxatio, ordinatio, ſive proviſio ad  
ſummam dictarum non aſcendent penſionum,  
de inſcripſa communi contributione, id quod  
ei deſuerit, ſuppleatur. Et ſi forte taxatio,  
ordinatio, ſeu proviſio præfata, non in pe-  
cunia, ſed in aliis rebus ipsis Canonicis con-  
ſueverint aſſignari, ne ſuper alienatione ea-  
rum poſſet altercatio ſuboriri, in primo an-  
nali Capitulo Eccleſiæ, Monasterii, ſive loci  
eorum, qui mittentur ad ſtudia, tres probi vi-  
ri per ipſum Capitulum, vel maiorem par-  
tem ipſius deputentur, qui in pecunia valo-  
rem proviſionis ejuſdem computando ea, quæ  
computanda fuerint de bono, & æquo, & com-  
penſando unum annum cum alio, debeant æſti-  
mare, quæ quidem promiſſiones, penſiones,  
ſeu alia, quæ loco earum fuerint aſſignanda  
per eos, qui ad eorum ſolutionem tenebuntur,  
in feſto Aſſumptionis B. Mariæ anno quolibet,  
collectoribus ad eorum collectionem deputa-  
tis, integraliter perſolvantur, & per eos illis  
videlicet, qui ad ſtudium Pariſienſe in feſto  
Exaltationis S. Crucis, vel circa illud, eis  
vero, qui ad alia ſtudia generalia vel ſolem-  
nia fuerint deputati, in feſto B. Lucæ vel  
circa, ſingulis annis infallibiliter tranſmittan-  
tur. Si quis vero Abbas, Præpoſitus, Prior,  
vel Adminiſtrator, vel quicumque alius, qui  
ad prædicta ſolvenda tenebuntur, illud quod  
ipſorum quilibet pro rata contingente in ter-  
mino ad hoc ſtatuto ſolvere dictis collectoribus  
non curarent, teneantur ex tunc ultra  
quantitatem ad quam erunt, ut præmittitur,  
obligati, quintam partem ejuſdem quantitatis,  
nomine pænæ ſolvere dictis collectoribus in-  
tra menſem. Quod ſi non fecerint, ſit eis eo

ipſo tamdiu Eccleſiæ interdictus ingreſſus, do-  
nec tam principalem quantitatem, quam hu-  
juſmodi quintam partem duxerint perſolven-  
das. Et ſi ex tunc per quatuor menſes per-  
tinaciter huiusmodi ſubſtinuerint interdictum,  
ſint ipſo facto tamdiu a divinis ſuſpenſi, do-  
nec utramque duxerint perſolvendam, nulla  
ſibi permiſſione præmiſſorum quomodolibet  
profutura. Quantitas autem huiusmodi pænæ  
nomine, ut præmittitur, exſolvenda, in  
acquiſitione librorum utilium, & profectus  
alios dictorum ſtudentium, iuxta ſuperioris  
eorum arbitrium convertatur. Quod ſi Prio-  
res, Præpoſiti, vel alii adminiſtratores qui-  
cumque, qui non præſunt Collegio, nec ha-  
bent per electionem aſſumi, Abbatibus tamen  
ſeu Prælatiſ aliis Religionis ejuſdem ſubiecti,  
huiusmodi ſummas ſolvere contempſerint, &  
prænominatas pœnas per alios quatuor men-  
ſes immediate ſequentes ſubſtinuerint ani-  
mis induratis, excommunicationis incur-  
rant ſententiam eo ipſo; a qua ſatiſfactione  
præmiſſa poſſint abſolvi, tam per Dioce-  
ſanum locorum, quam per Præſidentes de-  
putatos in Capitulis provincialibus illius Pro-  
vinciæ cuius erunt, vel alterum eorundem.  
Quod ſi huiusmodi ſententiam per annum,  
animis pertinacibus ſubſtinuerint, eo ipſo qui-  
buſcumque obtentis beneficiis ſint privati, per  
illos, ad quorum collationem, vel aliam diſ-  
poſitionem pertinuerint, libere perſonis aliis  
conferendis. Nullus autem cujuſcumque con-  
ditionis, dignitatis, aut ſtatus, ſive collector  
penſionum huiusmodi, ſeu reddituum aſſignan-  
dorum, pro ipsis aliquid ſibi, vel alteri, ſeu  
uſui cuicumque de præfatis penſionibus, vel  
fructibus, redditibus, ſeu proventibus, qui  
aſſignabuntur pro penſionibus ipsis, quomo-  
dolibet applicare, vel alienare præſumat, in  
diminutionem penſionum ſeu præjudicium ſtu-  
dentium prædictorum. Si quis autem colle-  
ctor, vel quivis alius, adverſus hoc aliquid  
applicaverit, vel alienaverit, necnon colle-  
ctor, qui dictas penſiones in ſupradictis ter-  
minis eiſdem ſtudentibus mittere non curave-  
rit, prout culpe qualitas exegerit, per illos  
ad quos pertinuerit, puniatur, & nihilominus  
ſi ſolvendo fuerit, de damnis, & intereſſe ſa-  
tisfacere compellatur.

§. 25. Ut autem onus penſionum huius-  
modi levius ſupportetur, contributiones, quæ  
pro penſionibus ſtudentium & inſtructorum  
prædictorum fuerint faciendæ, ſolvantur per  
Capitulum Eccleſiæ Cathedralis, & per Ab-  
batem, Priorem, Præpoſitum, ſeu Conven-  
tum, & quemvis alium adminiſtratorem Mona-  
ſterii, Prioratus, locive alterius Religionis  
ejuſdem, necnon beneficiatos quorumlibet be-  
neciorum Canonicalium ad Eccleſiam, Mo-  
naſterium, Prioratum, vel locum alium, be-  
neciumque, vel dependentium ab eodem, juxta  
diſiſionem inter eos omnes, ſecundum taxatio-  
nem, vel extimationem decimæ in taxatis, in  
non taxatis vero beneficiis ſecundum taxatio-  
nem proportionaliter, & rationaliter juxta  
valorem ipſorum, in primo cujuſlibet Eccleſiæ  
Cathedralis, Monasterii, ſive Prioratus, vel  
alterius loci ipſius Religionis annali Capitulo,  
facien-

Pœnæ contra  
dictas penſio-  
nes non ſol-  
ventes, vel  
aliis uſibus ap-  
plicantur.

Pensiones hu-  
juſmodi unde  
ſint educen-  
da.



faciendam per illum, qui eidem Capitulo præerit, & per ipsum Capitulum, seu maiorem partem ipsius: quam, si forte in huiusmodi annali Capitulo illius Provinciae, & quilibet ipsorum Præsidentium, ac Visitatores per dictum Provinciale Capitulum deputati, & eorum quilibet, ipsos auctoritate Apostolica, per censuram Ecclesiasticam, & alia opportuna remedia, ad illam faciendam (appellatione cessante) compellere teneantur; donec ea, quæ per communem contributionem in supplementum huiusmodi dari debent studentibus & instructoribus præfatis, certis & perpetuis redditibus de novo pro his acquisitis fuerint assignata. Si qui vero ex prædictis beneficiatis proventus habeant adeo tenues & exiles, quod secundum communem estimationem non sufficiant supportandis ejus necessariis oneribus ad vitam contributionis huiusmodi, ad eandem contributionem minime teneantur. Ad hæc prohibemus, ne ulli Canonico quodcumque beneficium, quantumcumque modicum, vel aliam pensionem habenti nisi illo, vel illa omnino dimissa, vel dimisso aliqua de dictis pensionibus studentium assignetur: quod si secus actum fuerit nullius penitus sit momenti. Si vero ipsi Canonico, huiusmodi pensionem studentium obtinenti, beneficium aliquod quantumcumque modicum conferatur, volumus, quod adepta possessione ipsius, cesset ipsa pensio ipso facto, eaque privatus existat, studentem alteri assignanda, ut non desit studens de numero instituto, nec per literas a Sede Apostolica, vel Legatis ipsius super provisione Canonico- rum, aut quorumlibet aliorum obtentas, de pensione aliqua studentium prædictorum cuiquam valeat provideri; nec possit alicui alteri, nisi fuerit de studentibus, ipsa pensio per aliquem assignari, alias nulla sit assignatio huiusmodi ipso jure, & tam assignans, quam recipiens, ad restitutionem eorum, quæ inde recepta fuerint, teneantur, quæ in libris, vel aliis necessitatibus dictorum studentium convertantur, alienatione quoque librorum, qui dictis studentibus fuerint deputati, seu distractione, vel etiam obligatione ipsorum penitus interdictis, nisi studens huiusmodi utiliores libros emat, & etiam id faciat licentia sui immediate Superioris obtenta, volentes quod libri prædicti defunctis eisdem studentibus, ad Ecclesias, Monasteria, & loca ad quæ pertinerint, libere revertantur.

De divisione  
Librorum &  
promotione  
Studentium.

§. 26. Volumus etiam, quod si in Ecclesia, Monasterio & loco alio Religionis eiusdem libri multiplicati fuerint, libris necessariis in Ecclesiis, Monasteriis, & locis aliis remanentibus, cæterorum librorum per Antistitem, Abbatem, seu alium, ad quem pertinet, de consilio sui Capituli seu Conventus, vel maioris partis ipsorum, fiat conveniens distributio inter studentes eosdem; fiatque prius de personis studentium, quibus dicti libri tradentur, & librorum nominibus prædictorum memorialis scriptura, quæ in Ecclesia, Monasterio seu loco huiusmodi conservetur: proviso tamen, quod pulchriores & utiliores in eisdem Ecclesia, Monasterio, sive loco debeant remanere. Si quis vero de stu-

Bull. Rom. Tom. III. Pars II.

dentibus ipsis per se vel per alium, librum, seu libros huiusmodi, qui sic pervenerint ad eundem, contra hoc distraxerint aut obligaverint, eo ipso sit inhabilis per biennium ad quodcumque beneficium obtinendum; & nihilominus de Studio revocetur, & loco sui alius subrogetur, & etiam per suum Superiorem, prout facti qualitas exegerit, puniatur. Possit tamen dictus super inhabilitate huiusmodi dispensari, si Superiori visum fuerit expedire. Ubi autem erit aliquis de ipsis studentibus, qui sit vitæ laudabilis, & alias idoneus ac discretus, & ad Baccalariatum, vel Magisterium dispositus vel habilis, de cuius fructu scientiæ acquirendæ possit verisimilis spes haberi; Prior dictorum studentium, qui erit pro tempore, cum consilio aliquorum studentium eorundem proborum, scribat Præsidentibus antedictis, ut proprio Prælato ipsius mandent & ordinent cum eodem, quod talem de Studio non revocet, sed eum in scientia proficere, & ad statum Baccalariatus, & honorem Magisterii pervenire, lecturamque continuare permittat; ipsumque & alios similes, quos in scientia laudabiliter proficere noverit, dignis attollat laudibus, honoribus, & promotionibus efferat opportunis. Provideant quoque Præsidentes, & alii Prælati convenientes in ipso Capitulo provinciali, quod Canonici ad dicta studia transmittendi, prout convenientius & commodius fieri poterit, insimul commorentur, saltem quinque vel quatuor ad minus; & quatuor vel quinque huiusmodi duobus servitoribus sint contenti.

§. 27. Præcavere nempe volentes, & etiam providere, ut dictis scholaribus in dictis Studiis pro tempore morantibus regularis non desit salubre gubernaculum disciplinæ, ordinamus, quod in Capitulis Provinciarum, in quibus erunt huiusmodi studia, Præsidentes unum de iis, qui debent ad Provinciale Capitulum convenire, vicinum loco, ubi Studium erit, (quem quotiens eis placuerit, ponere valeant & mutare) deputent & assignent, qui ex dictis studentibus unum inibi Priorem studentium constituat, per annum, solummodo duraturum: quem tamen Priorem tam ipse, quam etiam Præsidentes, & quilibet eorundem, mutare valeant infra annum, si & quotiens eis videbitur expedire. Constituantur autem ipse Prior talis, qui sit potens in opere & sermone, ut Canonicos studentes pensionarios, & alios etiam beneficiatos in bono instruat, & a malo studeat revocare; ipsosque quotiens sibi videbitur expedire, convocet ad alium locum competentem, eisque quo ad regularem præsideat disciplinam. Et potestatem habeat illos corrigendi, puniendi, & absolvendi, & cum eis dispensandi quamdiu in ipsis Studiis moram traxerint, ab omnibus, a quibus & super quibus, & prout posset Superior post Antistitem, vel Abbas seu Prælatum alius eorum proprius in Ecclesia, Monasterio, vel alio loco, unde claustrales existunt; ipsosque informandi, & instruendi, & tenendi sub regularibus disciplinis, & illos etiam coercendi, ne vagentur, vel actibus seu

Regimen studentium cui demandandum.

M m

ope-



operibus vacent illicitis; sed studeant & proficiant, sicut decet, vivantque laudabiliter & honeste. Provideat insuper idem Prior studentium, quod dicti Canonici pensionarii studentes expensas faciant moderatas, non superfluas, nec aliquatenus excessivas, eosque cogat ad reddendum de receptis & expensis in fine mensis cujuslibet, & prout alias sibi videbitur, rationem illi vel illis providis, & discretis, quos idem Prior ad id duxerit deputandos, & quando ipsorum studentium conditio, seu demerita suaserint eos a Studio revocandos, idem Prior teneatur id (consulte tamen & caute) Antistiti, Abbati, vel alii Prælo eorum proprio per suas literas intimare: iidemque Antistites, Abbas, seu Prælati proprius eos revocare debeat, & in locis eorum totidem Canonicos subrogare per modum superscriptum, appellatione, contradictione, vel reclamazione rejectis. Concedimus quoque prædicto Priori, Canonicos studentes pensionarios, & alios etiam beneficiatos, quamdiu fuerint in ipsis Studiis, ab excommunicationis, suspensionum, & interdictorum sententiis, per statuta provincialia, seu cujusvis Ecclesiæ, Monasterii, sive loci dictæ Religionis, vel per Diocesenum contra studentes in locis, ubi erunt studia, generaliter promulgatis, congrua satisfactione præmissa, juxta formam Ecclesiæ auctoritate Apostolica absolvendi, & cum eis super irregularitate, quam sic ligati celebrando divina, seu alias se ingerendo eisdem, per simplicitatem & juris ignorantiam (non tamen in contemptum clavium) incurrerint, dispensandi auctoritate prædicta liberam potestatem. Per hoc vero dictos Canonicos studentes a potestate Antistitis, vel aliorum Ordinariorum suorum, vel alterius Prælati sui, nolumus aliquatenus eximere, vel etiam liberare. Quilibet autem dictorum Canonicorum Religionis ejusdem, hujusmodi Studiis insistens, pensionarius, & alius etiam beneficiatus, præfatus eorum Priori de quinque solidis Turonensium parvorum, vel eorum valore in alia moneta providere annis singulis teneatur, ad quorum solutionem, idem Prior possit eosdem per censuram Ecclesiasticam & alia ipsius religionis remedia, auctoritate Apostolica, remoto appellationis obstaculo coercere. Idem tamen Prior sumptus nunciorum subeat, quos pro præmissis duxerit transmittendos.

§. 28. Dicti quoque Præsidentes in singulis eorum Provincialibus Capitulis deputent aliquem de illis, qui debent ad dictum Provinciale Capitulum convenire, idoneum ac vicinum Studio, in quo studentes hujusmodi morabuntur: & tam hujusmodi deputatus, quam etiam Visitatores in Provinciali Capitulo ordinati, diligenter & fideliter se informant, an ea, quæ per eos de studentibus & eorum pensionibus, & aliis circa hæc statuta & ordinata existunt, fuerint effectui mancipata: & si qua invenerint non completa, eorum plenam relationem, & etiam informationem qualiter compleri possint faciant in proximo Provinciali Capitulo eorumdem, in quo ordinari debeat, quod efficaciter compleantur.

Habeant insuper Præsidentes præfati, & quilibet eorumdem faciendi compleri & inviolabiliter observari auctoritate Apostolica omnia & singula supradicta, necnon contradictores, & rebelles per censuram Ecclesiasticam, & per alia iuris seu ipsius Ordinis remedia, sublato appellationis obstaculo, compellendi, & processus, & sententias eorum in locis Religionis ejusdem solemniter publicandi, & illos, qui sententias ipsorum incurrerint, congrua satisfactione præmissa iuxta formam Ecclesiæ absolvendi; & cum illis, qui huiusmodi ligati sententiis per simplicitatem & juris ignorantiam (non tamen in contemptum clavium) divina celebrant officia, vel ingesserint se eisdem, super irregularitate per eos exinde contracta, auctoritate prædicta dispensandi liberam facultatem.

§. 29. Rursus statuimus, & etiam ordinamus, quod nullus religionis ejusdem ad recipiendum Magistratus seu Doctoratus honorem de cætero assumatur, non præfatus per eum primitus juramento in præsentia dicti Prioris studentium, ac sex proborum & discretorum ex studentibus antedictis, quod in assumptione ipsius honoris, vel ante vel post, ejus occasione circa cibos, vestes vel alia, non expendet, per se vel alium undecumque habuerit, vel fuerit sibi datum, nec quantum in eo fuerit, a quibusvis aliis expendi permittet, ultra valorem duorum millium Turonensium argenti. Illi etiam qui ad Baccalariatum fuerint assumendi, juramentum præstare similiter teneantur in præsentia Prioris studentium, & quatuor proborum & discretorum de studentibus memoratis, quod hujusmodi sui Baccalariatus prætextu ipsa die, qua Baccalarii erunt, vel ante seu post, nullum festum seu convivium facient, per se vel alios, aut quantum in eis fuerit fieri permittent a quibuscumque aliis etiam eorum consanguineis, vel amicis. Ad hoc statuimus, & etiam ordinamus, quod quilibet ipsius Religionis, qui in dicto Parisiensi, vel in aliquo alio generali Studio per sex annos in Theologia studuerint, in aliis primitivis scientiis prius sufficienter instructi, & alias sufficientes ad hoc & idonei reperti, possint in ipso Parisiensi Studio cursus Bibliæ facere consuetos, qui vero per octo annos in Theologia studuerint, librum Sententiarum legere valeant (si ad hoc sufficientes fuerint) in Parisiensi Studio prælibato, & quod in eodem Parisiensi, & alio quocumque Studio, in quo ad Magisterium in Theologia licentia dari poterit seu consueverit, quum digni ad hoc reperti extiterint, ad Magisterium & doctoratum in Theologia libere admittantur. Illi vero religionis ejusdem, qui in ipso Parisiensi Studio vel quovis alio Studio Generali audiverint iura Canonica per sex annos, de quibus per tres annos ad minus audiverint decretum (dummodo sufficientes, & idonei fuerint) possint ad Baccalariatum & lectionem iuris Canonici sive Decretorum in eodem Parisiensi, vel in alio generali Studio in cappa ipsi facultati congruenti assumi. Qui vero per quinque annos in Parisiensi, vel in alio generali Studio iura

Quæ per assumendos ad gradus servari debeant.

Illius facultates quales.

Præsidentiam munus quoad studentes.



Canonica ut Baccalarii legerint, & de hoc primo fidem fecerint per eorum proprium iuramentum, & duorum aliorum testimonium, iurantium, se credere eos recte iurasse, possint, si voluerint, in cappa similiter eidem facultati congruenti, ad magisterium in Decretis, vel ad lecturam Decretorum in eodem, Parisiensi, & quolibet alio Studio generali, dilatione & difficultate malitiosa & impedimento quibuscumque sublati, sicut ibidem consueverunt assumi ceteri clerici seculares. Et per Cancellarium Ecclesie Parisiensis Studii, vel per illum, ad quem pertinuerit, ad huiusmodi Magisterium, seu doctoratus honorem promoveantur libere, & etiam admittantur: Non obstantibus quibuscumque statutis, & consuetudinibus Ecclesiarum, Monasteriorum, & aliorum locorum Religionis ejusdem; necnon Parisiensis, & aliorum quorumcumque Studiorum contrariis iuramentis, confirmationibus Apostolicis, & quibusvis firmitatibus aliis roboratis; & illis præsertim, quibus in eodem Parisiensi Studio caveri dicitur, quod nullus possit legere cursum Bibliæ, nisi ibidem studuerit septem annis; nec permittatur legere sententias, nisi ibidem studuerit decem annis, quodque nullus Canonicus vel Religiosus alius legat ibidem jura Canonica, vel ad Baccalariatus gradum, aut Magisterii honorem in jure Canonico permittatur assumi, seu quod nullus regularis rubea cappa Decretum legat, seu legere permittatur ibidem, aut nullus ibi legere valeat jura Canonica, vel ad Baccalariatum assumi, seu ut Baccalarius legere Decretales, aut ad magisterium ascendere in Decretis, sive doctor fieri Decretorum, aut ad lecturam in Decretis assumi, seu ipsam continuare, nisi ibidem vel in aliquo Studio generali audiverit jura Canonica per quinque, vel alibi jura Civilia per tres annos, aut alibi jura Civilia per quinque, & ibi vel in alio generali Studio jura Canonica per tres annos; prout sic vel aliter in statutis ipsius Parisiensis Studii dicitur contineri, vel de consuetudine observari; & aliis consuetudinibus, vel statutis ejusdem Parisiensis Studii quibuscumque & sub quacumque forma, vel expressione verborum in contrarium editis, vel edendis, necnon quibuslibet privilegiis, & indultis generalibus, aut specialibus, & literis Apostolicis contrariis, Ordinibus, Ecclesiis, Monasteriis, locis, & Studiis quibuscumque sive Universitatibus magistrorum, vel scholarium eorundem, seu personis Ecclesiasticis, secularibus & regularibus exemptis & non exemptis, cujuscumque sint præminentie, dignitatis; conditionis, aut status, sub quavis forma vel expressione verborum concessis, per quæ præsentibus non expressa, vel totaliter non inserta, effectus huiusmodi statutorum, ordinationum, & singulorum contentorum in eisdem impediri valeat quomodolibet, vel differri, & de quibus quorumque totis tenoribus; plena & expressa ac de verbo ad verbum in illis, vel aliis nostris literis fieri mentionem, quibus non intendimus quoad alia in aliquo derogare.

§. 30. Ut cultus augeatur divinus, & Re-

*Ball. Rom. Tom. III. Pars II.*

ligiosis vagandi materia præcludatur, statui-  
mus, quod Canonici Religionis ejusdem, extra Ecclesias, Monasteria, sive loca alia principalia, obtinentes Prioratus, seu quævis alia beneficia, quibus ad hoc suppetant facultates, in ipsis beneficiis residere, & socium vel socios sui Ordinis secum habere juxta ipsorum facultatum suppetentiam teneantur, statutis & consuetudinibus contrariis non obstantibus quibuscumque, quodque socium vel socios huiusmodi Prælatus, seu is, ad quem hoc pertine-  
rit, prout locis congruere noverit & personis & cum consilio & assensu sui Capituli seu conventus, vocatis his, qui dicta beneficia obtine-  
bunt, huiusmodi suppetentiam arbitrando assignet eisdem. Quod si huiusmodi Priores seu administratores, quibus fuerint Canonici in socios assignati, cessante causa rationabili arbitrio assignantis, recusent admittere sibi assignatos, vel eis sufficienter & decenter in necessariis providere, cogantur ad hæc per censuram Ecclesiasticam, & alia iuris remedia, opportune, & nihilominus de huiusmodi inobedientia puniantur. Qui autem in Ecclesiis Cathedralibus seu Monasteriis dignitates, personatus, officia seu administrationes alias habuerint, & in eisdem Ecclesiis, seu Monasteriis consueverint residere, cogantur officium incumbens eis, tam in divinis quam, in aliis debite exercere, familiamque excessivam præsertim infra claustra non teneant, aut talem, per quem verisimiliter præsumatur in ipsis Ecclesiis seu Monasteriis scandalum generari. Et quia secundum præmissa nonnulli de Canonicis Regularibus, qui in Ecclesiis seu Monasteriis consueverant residere, habebunt extra in suis Prioratibus seu beneficiis aliis residentiam facere, in Capitulo annuali cuiuslibet Ecclesie, & Monasterii, per Prælatum & Capitulum, vel maiorem partem ipsius, scito & cognito diligenter, quot mittentur extra pro residentia in dictis Capitulis & beneficiis facienda, proinde ordinetur, quot loco eorum, qui extra mittentur, in ipsis Ecclesiis seu Monasteriis fuerint subrogandi. Ob-  
tinentes autem beneficia simplicia, quibus cura non imminet animarum, quorum ad tenendum socium non sufficiunt facultates; si propinqua sint Ecclesiis vel Monasteriis, a quibus illa dependent, in dictis Ecclesiis, vel Monasteriis residentiam facere compellantur, & habeant de proventibus dictorum suorum beneficiorum expensas, quas in victualibus in ipsis Ecclesiis, vel Monasteriis residendo faciant illi vel illis exsolvi, qui in dictis Ecclesiis, seu Monasteriis victualia Canonicis ministrare tenerentur, dummodo ad hoc redditus beneficii huiusmodi obtinentis sufficere dignoscantur. Quod si huiusmodi beneficia simplicia longe distent ab Ecclesiis, seu Monasteriis, quibus subsunt, & in Prioratibus & administrationibus Canonici residere consueverint, quæ sint propinqua modo præmisso, cum satisfactione simili expensarum, obtinentes huiusmodi beneficia seu administrationes eorum ad residendum in dictis Prioratibus, seu administrationibus deputentur; nisi per fundatores huiusmodi beneficiorum aliter fue-

M m 2

rit



rit ordinatum, cui ordinationi per hoc non intendimus derogare. Super distantia vero seu propinquitate beneficiorum huiusmodi stetur arbitrio annalis Capituli, ejusque in hoc deliberatio observetur. Quod si dicta beneficia simplicia tam ab Ecclesiis, quam Monasteriis, vel ab eorum Prioratibus seu administrationibus sint remota, per dictum annale Capitulum ordinetur, ubi tales debeant residere; proviso tamen quod divinus cultus exerceatur debite in beneficiis memoratis.

Regulari di-  
scipline con-  
sultetur.

§. 31. Canonici autem in huiusmodi Prioratibus, seu administrationibus commorantes, in Ecclesia horis congruis cum dictis Prioribus, seu administratoribus simul intersint, Canonicas horas dicant, in Missis celebrandis suas hebdomadas ordinate teneant, & in loco ubi duodecim fuerint, vel plures, una per eos Missa ad minus cum nota die quolibet celebretur & horæ Canonicæ cum nota dicantur. Dicti quoque Canonici Prioratum, & administrationum prædictorum in una domo communi regulariter jaceant, camerulis, & cellulis eis penitus interdictis. In una etiam domo vescantur Prior insuper & administrator, & Canonici; nisi infirmitas, vel alia evidens ratio interdum aliud suaserint faciendum: in vestitu etiam, & clausura, a communi Ecclesiæ, Monasterii sive loci, cui subijciuntur, institutione vel debita observantia non recedant, ac suo proprio Priori vel administratori, juxta ordinationem Prælati sui, vel Superioris, obediant humiliter & devote. Et si aliquando dictos Canonicos in Prioratibus seu administrationibus mori, aut fugitivos fieri forsan continget, Priores, seu administratores prædicti, diem mortis aut fugæ, seu recessus ipsorum Prælati aut eorum Superioribus, ut in Ecclesiis seu Monasteriis eorum principalibus, pro defunctis eorum consueta fiant suffragia, seu fugitivos revocare, vel in Prioratibus seu administrationibus alios loco eorum subrogare valeant, quam citius commode poterunt, intimare per suas literas teneantur. Quod si Priores seu administratores prædicti, diem obitus, aut fugæ sive recessus huiusmodi Prælati suis, vel Superioribus significare distulerint, tertiam partem illorum, quæ Canonicus expendisset, si non fuisset mortuus, vel in fugâ, pro pitantia Capituli, vel Conventus Ecclesiæ, Monasterii vel loci principalis solvere teneantur. Insuper Canonici prædicti, non solum, sed honeste associati, & cum habitu decenti incedant, nec in villis, in quibus Prioratus, seu administrationes huiusmodi fuerint, comedere, vel bibere, aut ingredi domos præsumant; nisi cum honestis, personis, & tunc de sui Prioris seu administratoris licentia speciali. Qui vero contrarium fecerint, regulari subiaceant disciplinæ. Ut autem hæc efficacius observentur, Antistites, Abbates, & ceteri, in eorundem Canoniconum Superiores, nec non alii, qui ad visitandum per eos fuerint deputati, quum Prioratus & administrationes huiusmodi visitabunt, circa illa servanda, & non servata corrigenda, curam habeant diligentem.

§. 32. Præcipimus, quod Canonicis Religionis præfatæ, qualiacumque in ipsa Religionis auctoritate Sedis Apostolicæ, vel Legatorum ipsius beneficia obtinentes, obediant Superioribus suis Religionis ejusdem, ipsorumque sub sint correctionibus, ordinationibus, punctionibus, & statutis, ac beneficiis huiusmodi ex causis rationabilibus privari, & ab illis amoveri possint, quemadmodum possent, si foret per Superiores suos de ipsis beneficiis provisum.

De cura Ia-  
firmorum.

§. 33. Quum expediat infirmis de domo seu loco congruo provideri, statuimus, quod in Ecclesiis, Monasteris, & locis aliis Conventualibus Religionis ejusdem, in quibus certa domus seu locus deputata, vel deputatus non fuerit pro infirmis, ii, ad quos id pertinerit, quibus ad hoc suppetent facultates, domum seu locum huiusmodi sufficientem, juxta statum, & facultates locorum, quanto citius commode fieri poterit, deputare seu construere teneantur, eisdem infirmis sufficienter de lectis, victualibus, servitore, medicis & rebus medicinalibus, & aliis quibuscumque necessariis providendo, ad quæ peragenda, & complenda, per Superiores suos immediatos, & per Præsidentes, ac Visitatores, & eorum quemlibet auctoritate Apostolica per censuram Ecclesiasticam, & alia opportuna remedia compellantur. Ubi autem administratores eorum, qui ad præmissa tenentur, sufficientes ad ea peragenda non habuerint facultates, in annuali Capitulo, vel per majorem partem ipsius auctoritate Apostolica ordinetur, quod administratores huiusmodi sufficientes ad hoc reddantur per assignationes pensionum, prout infra in alio casu sub rubrica de victualibus & aliis ministrandis.

De congruo  
Canonicorum  
numero in  
quolibet Mo-  
nasterio alean-  
do.

§. 34. Quum sit consonum rationi, ut obtinentes beneficia, ipsorum onera debeant supportare, statuimus, quod in Monasteriis, Prioratibus, & aliis beneficiis quibuscumque Religionis ejusdem, personis quibuscumque extra præfatam Religionem cujuscumque sint dignitatis, gradus seu præminentia (etiam si fuerint Sanctæ Romanæ Ecclesiæ Cardinales) collatis seu commendatis, vel de cætero conferendis, seu commendandis, tot Canonici teneantur, quot in eis tenerentur si per Canonicos Regulares Monasteria, Prioratus, & beneficia huiusmodi regerentur. Et quod nihilominus Canonico in eisdem Monasteriis, Prioratibus & beneficiis, committatur id, quod supra, vel circa alios Canonicos inibi residentes haberet exercere administrator Canonicus, si præfesset eisdem, quantum ad ea quæ pertinent ad regulam seu disciplinam, vel observantiam regularem: & quod quilibet prædictorum, huiusmodi Monasteria Prioratus, & beneficia quomodolibet obtinentes, ad procuraciones & alia quælibet onera, ipsis Monasteriis Prioratibus, & beneficiis incumbentia, supportanda persolvenda, & reddenda, integre sint adstricti: quodque ad hæc & alia supradicta auctoritate Apostolica per censuram Ecclesiasticam, & alias compelli valeant per Capitulum Provincialium Præsidentes, & quemlibet eorum.



eorundem, prout per Superiores suos possent & deberent compelli Canonici regulares, si preessent Monasteriis, Prioratibus, & beneficiis memoratis, nisi fuerint S. R. E. Cardinales, quos nolumus talium compulsionibus subjacere.

De servitori-  
bus Monaste-  
riorum, Ec-  
clesiarum &c.

§. 35. Prohibemus, ne Canonici Regulares in Ecclesiis Cathedralibus, Monasteriis, seu locis aliis Conventualibus Religionis ejusdem teneant, aut nutrant equos seu alias evectiones, neve familiares seu servitores habeant seculares, nisi ratione dignitatum, officiorum, vel administrationum suarum, quæ gesserint, id eis permixtum fore noscatur. In infirmitorio tamen & coquina Monasterii, seu Prioratus, & aliis officiis atque servitiis aliis communibus, possint tenere seculares servitores honestos; si & prout in Ecclesiis, seu Monasteriis, & aliis locis prædictis fuerit hactenus rationabiliter observatum, non in excessivo, sed moderato numero, juxta arbitrium Prælati immediati. Servitores autem seculares hujusmodi, quantum fieri poterit cum Canonicis converfentur; neque cum eis in communi comedant neque bibant, etiam si Presbyteri fuerint, vel Clerici seculares, nisi forte tales forent presbyteri, vel alii in sacris ordinibus constituti, qui essent inibi perpetui, & cum Canonicis etiam in refectorio comedere assueti, & tunc a Canonicis fideant segregati cum habitu consueto, & etiam honesto, se eisdem Canonicis in silentio, & observantiis aliis honestis, quamdiu cum eis fuerint, conformantes, quibus provideatur juxta morem inibi rationabiliter observatum. Et si presbyteri, seu seculares Clerici prædicti perpetui, infra Ecclesiarum seu Monasteriorum septa deliquerint, seu excefferint in levibus, per ademptionem partis pitantiæ seu portionis, quam fuissent alias percepturi, per immediatum Prælatum regularem loci, unde sumunt prædicta, vel per illum, qui inibi præerit, regularibus disciplinis possint corrigi ac puniri.

Caveatur ne  
laura convi-  
via, immoder-  
atique hant  
sumptus.

§. 36. Caveant insuper Abbates, Præpositi, Priores, & cæteri quicumque ipsius Religionis, ne lautis conviviis, & comestationibus occupentur, nec in iis sumptus immoderatos faciant; vel alias etiam excessivos a familiarium quoquam servitorum, aut fervientium fieri permittant, necnon a ferum, seu vestium multitudine indecenti & excessiva, ubique diligenter studeant abstinere, & honeste ac laudabiliter conversari.

Quilibet Re-  
ligiosus cum  
socio incedat

§. 37. Dicti quoque Abbates, necnon Præpositi, Priores, cæterique administratores, & professores alii Religionis ejusdem, extra loca sua proficiscentes associati incedant, prout ipsorum congruit honestati, & ubi Canonice numerus sufficiens fuerit, & ad hoc etiam suppetent facultates, Abbates, & alii Prælati saltem Religionis suæ duos socios secum ducant.

De supradic-  
tis statutis  
observandis.

§. 38. Præsidentes autem Capitulis provincialibus, ac Visitatores per ipsa Capitula deputati, necnon Prælati alii Religionis ejusdem quoad suos subditos attente provideant, quod præmissa diligentius observentur, transgressores

arguendo, & prout expediens fuerit, puniendo.

§. 39. Præsentium auctoritate statuimus, quod Canonici beneficia simplicia obtinentes, & alii beneficiati Religionis ejusdem, ad mandatum Prælati sui infra terminum per eum præfigendum eisdem se faciant ad Ordines quolibet promoveri, nisi eos causa rationabilis, quam ipsi Prælato infra dictum terminum exponere habeant, excusaret, quod si non fecerint, beneficiati eo ipso ab obtentis beneficiis suspensi; non beneficiati vero ad beneficia obtinenda sint & remaneant inhabiles, donec promoti fuerint ad Ordines supradictos: quodque Prioratus curam animarum habentes, & alia beneficia curata, quorum Prioratum & beneficiorum cura per perpetuos Vicarios exercetur, committi nequeant vel conferri, nisi eis, qui vigesimum annum compleverint, qui intra annum computandum a tempore collationis seu commissionis sibi factæ de eis, & possessionis adeptæ, vel infra vigesimum quintum ætatis suæ annum, (si ante annum ipsum Prioratus seu beneficia huiusmodi eis collata fuerint seu commissa) se faciant ad Sacerdotium promoveri, Prioratus quoque Conventuales, Dignitates, Personatus, Officia, seu administrationes; videlicet sacristia, thesauraria, eleemosynaria, operaria, cameraria, & similia, quæ in Ecclesiis & aliis locis Conventualibus seu Collegiatis dictæ Religionis, officia seu administrationes & beneficia fuerint; etiam si eisdem officiis seu administrationibus animarum cura nullatenus sit annexa, alicui nisi vigesimum quintum annum attigerit conferri nequeant, aut committi. Et qui Prioratus, Dignitates, Personatus, Officia, seu administrationes hujusmodi obtinuerint, infra tempus collationis, seu commissionis eis factæ de ipsis, & adeptæ possessionis eorum se faciant ad Sacerdotium promoveri, vel saltem ad Ordinem, quem Dignitates, Officia, vel administrationes obtenta requirunt de jure, consuetudine, seu statuto: nec contra a quoquam valeat dispensari. Nos insuper commissiones, seu collationes factas contra præmissa decernimus fore irritas & inanes. Hi quoque, qui iuxta præmissa cessante causa rationabili ad ordines promoti non fuerint, sint Prioratibus, Dignitatibus, Officiis, Administrationibus, & Beneficiis prædictis eo ipso privati, quæ ipsis iterum ea vice nullatenus conferantur. Nostræ vero intentionis existit quod præfens Constitutio, quantum ad ea, quæ de recipiendis Ordinibus per Priores, & alios beneficiatos præmissimus, illos etiam post duos menses a die publicationis præsentium constitutionum in eorum annali Capitulo factæ constingant, & eos etiam, qui in præfenti talia beneficia obtinent, vel dictæ publicationis tempore obtinebunt, dummodo ætatis legitimæ sint effecti. Alioquin, quum ad ætatem legitimam pervenerint, ad recipiendum secundum præmissa dictos Ordines sint adstricti, nisi impedimentum Canonicum, eos ab huiusmodi susceptione Ordinum excusaret.

De Promo-  
vendis ad Sa-  
cros Ordines

Et ætate  
competenti ad  
obtinenda Be-  
neficia.

§. 40. Dignum fore censentes, ut Canonici Religionis præfata non solum morum & vitæ, sed etiam habitus & vestimentorum reful-

Vestes quales  
esse debeant.



refulgeant honestate, districtius inhibemus, ne dicti Canonici extra septa Ecclesiarum, Monasteriorum, seu locorum suorum proficiscentes, portent alias vestes super habitum, quam cappas seu mantellos honestos, vel redondellos, seu elochias talaris vel circa, juxta usum vel consuetudinem laudabilem Ecclesiarum, Monasteriorum, & locorum suorum; usum seu verius abusum manticarum seu tabardorum, necnon rodondellorum, vel elochiarum notabilem habentium brevitatem, eisdem Canoniciis penitus prohibentes. Præcipimus quoque, quod in Ecclesiis, Monasteriis, & aliis locis Religionis præfatis, in quibus Canonici cappas a parte anteriori apertas de panno laneo consuevere deferre, quæ in quibusdam locis cappæ de choro seu cappella vulgariter nuncupantur, ipsas honestas non nimia longitudine vel brevitate notandas portare debeant, locis & temporibus consuetis. Deferant etiam cappas huiusmodi a festo omnium Sanctorum usque ad festum Paschæ infra septa quarumcumque Cathedralium Ecclesiarum, Religionis eiusdem, ac Monasteriorum, & aliorum locorum immediatos Superiores ipsius Religionis non habentium: in quibus Monasteriis sive locis fuerit duodenarius Canonico- rum numerus, licet hætenus ipsas ibidem non consueverint deportare. Sane infra Ecclesias, claustrum, capitulum, refectarium, ac dormitorium, non caputiis, sed almutiis honestis utantur. Caputia vero, si ea per ipsos extra loca prædicta deferri contigerit, sint honesta, & illa, quæ cum cappis, mantellis, elochiis, seu redondellis portaverint, unius cum eis & ejusdem coloris existant, nisi ex privilegio aut institutione laudabili caputia certi coloris aut formæ essent consueti portare. Almutiæ autem si de panno fuerint, illius, cujus cappæ esse debent, coloris existant. Per hoc autem non liceat portare caputia, vel rodondellos, seu elochias eis, quibus alias portare licitum, non existit. Prohibemus etiam, ne dicti Canonici de cætero ferant forcaturas de ventribus Variorum, aut Squiolorum cum dorsis permixtis, sed sint de Civilibus simplicibus, vel albis vel nigris, aut griseis. Præcipimus etiam, quod Canonici dictæ Religionis infra Ecclesias & claustra locorum Cathedralium, aliorumque Conventualium, seu Collegiatorum ipsius Religionis, & alibi conventualiter incedentes, portent superpellicia magna, & ampla, juxta cujuslibet Ecclesiæ consuetudinem rationabilem, quæ in longitudine manicarum ultra manum quatuor digitis transversalibus, vel circa, & ultra mediam tibiam, vel circa in sui longitudine protendantur. Extra Ecclesias vero, claustra, & loca prædicta, & ubique sub cappis, rodondellis, seu elochiis, vel mantellis in locis debitis uti possint superpelliceis, quorum manicæ usque ad palmum in latitudine, vel circa, & eorum longitudo usque ad mediam tibiam, vel circa protendantur. Per hoc autem nolumus derogare, consuetudini quorundam locorum, quæ ab antiquo, vel ab institutione habent usum superpelliceorum ad formam Rochetorum, seu Camisiarum Romanarum, proviso tamen

quod minoris longitudinis superpellicea huiusmodi non existant, & adeo manicas longas habeant, quod eis brachia usque ad pugnum valeant cooperiri. Per formas autem huiusmodi superpelliceorum alias formas longiores, & honestiores superpelliceorum & habituum non intendimus prohibere, nec circa eas aliquid innovare. Statuimus insuper, quod Canonici dictæ Religionis cappis, & vestibus albi, blavi, nigri, seu quasi nigri coloris dumtaxat utantur, quodque illi, qui altero tantum dictis coloribus uti consueverunt seu tenentur, non possint ad alium portandum, seu assumendum aliquatenus se transferre, nisi ad album dumtaxat. Vestis quoque superior habitui proxima sit rotunda per circuitum, & non fissa, nec longitudine nimia aut brevitate notanda. Ab eisdem quoque Canoniciis in eorum vestibus ligatæ manicæ non portentur, nec in apparenti consuetudine, vel quomodolibet botonatæ. In Cathedralibus autem, Ecclesiis, Antistites, seu Præpositi, Priores, seu alii majores in illis post ipsos Antistites existentes: ac in Monasteriis Abbates, Præpositi, Priores, seu alii non habentes Superiores Religionis ejusdem, sic aliam formam honestam vestium & calceamentorum ordinent & disponant, quod sit in colore saltem omnibus Canoniciis ejusdem Ecclesiæ seu Monasterii, tam extrinsecus, quam intrinsecus uniformis; ipsamque tam Abbates, quam Præpositi, Priores, & Administratores ac ceteri quicumque Canonici, & alii per proprios eorum Antistites, vel Abbates, seu alios; Abbates vero & ceteri Prælati Superiores proprios ejusdem Religionis non habentes, per Præsidentes Provincialibus Capitulis, seu per quemlibet eorum, ac per Visitatores in ipsis Capitulis deputandos tenere & servare cogantur. Qui vero vestem, vel habitum, contra ordinationem præsentis constitutionis deferre præsumpserit, per dictos Superiores, vel per Præsidentes, sive per Visitatores, seu eorum quemlibet, sic debite puniatur, quod ceteri, a similibus arceantur, & nihilominus ab eo auferatur vestis prohibita pauperibus eroganda. Et si infra spacium quindecim dierum a tempore monitionis, seu præcepti sibi facti computandum, vestem vel habitum huiusmodi, non dimiserit cum effectu, vel ablationi prædictæ resistit, si beneficiatus fuerit, per quatuor mensium spatium ab administratione temporalium sit suspensus; non beneficiatus vero, dicto tempore sit inhabilis ad ecclesiasticum beneficium obtinendum, quodcumque. Qui autem exhibens se in publico, habitum (superindumenta scilicet linea) temere occultaverit, si monitus emendare noluerit, juxta præmissam personarum distinctionem, dictas suspensionis, & inhabilitatis poenas per idem tempus incurrat. Injungimus insuper Præsidentibus, Visitoribus, & Prælatis aliis Religionis prædictæ, ut contra transgressores eorum, quæ circa honestatem vestium & habitus superius sunt statuta, prout ad eos & eorum quemlibet pertinuerit, monitionem prædictam (quum transgressio eis nota fuerit) facere non omittant. Et nihilominus Præsiden-



dentes, & Visitatores prædicti monere teneantur Abbates, Præpositos, & alios ad quos id pertinerit, Religionis prædictæ, ut præmissa, quæ ut prædictum est circa honestatem vestium & habitus sunt statuta, fervent & faciant ab aliis sub dictis poenis diligentius observari.

De licentia  
petenda ante  
egressum e  
Monasteriis.

§. 41. Ut in religione prædicta vitetur dissolutio, & obedientia teneatur, districtius inhibemus, ne quisvis Canonicus dictæ religionis de Ecclesia, Monasterio, vel loco suo Conventuali exeat, nisi primitus obtenta licentia ab illo, qui eam valeat impartire, quavis consuetudine contraria non obstante, quodque causam sui exitus veraciter & absque fictione exponat eia quo erit licentia obtinenda. Qui vero huiusmodi licentiam concesserit Canonicis claustralibus nullam administrationem, vel beneficium obtinentibus, terminum redeundi quanto convenientius poterit breviorum assignet. Sane administratoribus, & beneficiatis, qui habent residere in claustris, possit dari licentia sine præfixione termini, si hoc concedenti visum fuerit expedire. Siquis autem exiverit extra Ecclesiam, Monasterium, seu locum alium Conventualem sine licentia, vel in termino assignato iusta causa cessante, non redierit, poena, quæ in tali casu per statuta, vel consuetudines eiusdem Ecclesiæ, vel Monasterii, seu alterius loci infligenda fuerit, infligatur eidem. Et si super hoc statutum, vel consuetudo aliqua non existit, poena, quæ sequitur infligatur, videlicet quod ille qui infra novem dies post exitum, seu terminum prædictos redierit, ultimus stet in choro & secunda, quarta, & sexta feriis eiusdem septimanæ, in pane & aqua jejundet. Illis vero, qui infra huiusmodi novem dies non redierint, poena quæ sequitur imponatur, videlicet, quod a porta regulari, parlatorio, seu alio loco decenti per claustrum, cum Magistro novitiorum, vel alio ad hoc deputato ad Capitulum veniant, camisiam, femoralia, & caligas tantum habentes, superpelliceum in brachiis, ac ferulam seu virgam in manibus suis ferentes, cum quibus in dicto Capitulo venia prius recepta, & recognita culpa sua, coram omnibus verberentur, & nihilominus alia poenitentia sive poena pro qualitate demeriti imponatur eisdem secundum arbitrium imponentis. Quod si sine scandalo huiusmodi poena imponi non posset, in poenam aliam secundum sui Prælati arbitrium, de proborum & seniorum Conventus consilio commutetur, quam in dicti Conventus præsentia facere teneantur, proviso attentius, quod mensuram peccati correctionis inflictio non excedat. Simili quoque vel alia condigna poena puniantur Canonici in Prioratibus seu administrationibus aliis externis assignati, qui sine licentia Priorum seu Administratorum eorumdem, de ipsis Prioratibus seu administrationibus recedentes fuerint evagati, vel in termino non redierint assignato. Si autem de dictis Prioratibus seu administrationibus ad claustrum seu Prælaturam suam a suis Prioribus seu Administratoribus, licentia non petita, vel petita & non obtenta veniunt, eidem Prælati seu Superiori suo causam sui adventus statim exponant, qui Præ-

latus seu Superior, an causa huiusmodi rationabilis & vera fuerit arbitretur, & si causam minus rationabilem seu falsam esse repererit, vel si huiusmodi venientes nullam causam ei exposuerint, aut licentiam non petierint, per Prælaturam aut Superiorem, prout eis visum fuerit expediens puniantur. Nullus quoque Canonicus pernoctaturus extra Ecclesiam, Monasterium, vel alium locum suum abire sine Breviario permittatur, in quo pensum servitutis suæ dicendo horas Canonicas possitolvere Creatori.

§. 42. Perpetuo prohibemus edicto, ne Civitas, Castrum, Villa, vel Feudum notabile, jurisdictio alicujus ipsorum, vel Grangia seu locus, territorium, sive magnus possessio-num vel terrarum numerus, vendi vel etiam principaliter & expresse obligari, vel Monasterium, seu Prioratus, aut Ecclesia Religionis præfata in alium transferri valeant per quoscumque etiam in casu alias a jure concessio, absque licentia Sedis Apostolicæ speciali, omnem venditionem, obligationem, translationem de præmissis, & contra hæc factam irritam decernendo, ac nihilominus quilibet Capitulis Provincialibus Præsidentium ac Visitorum, alienationes huiusmodi easdem, ac consentientes eisdem Sedi Apostolicæ, si exempti fuerint, alioquin Ordinariis seu Diocesanis ipsorum intimare per scripturam authenticam, vel literas eorum sigillis munitas quamcunq; commode poterunt, teneantur.

De non alienando absque  
licentia Sedis  
Apostolicæ.

§. 43. Multis fraudibus atque dolis, quæ per nonnullos Religionis ejusdem, in damnum & præiudicium Ecclesiarum, Prioratum, & aliorum locorum, prout experientia docuit, committuntur, opportunis obviare remediis quantum cum Deo possumus, salubriter cupientes, hoc consulto edicto prohibemus, ne Abbates, Præpositi, ac Priores, vel quisvis administratores, & alii Canonici seu conversi Religionis ejusdem, prætextu Religionum vel negotiorum, quæ gerunt, fraudulentos vel dolosos aut simulatos vel fictos contractus inire vel mutua simulata vel ficta suscipere, sive proprio sive fideiussorio, vel quovis alio nomine alieno, neve etiam consiteri in instrumentis publicis, vel authenticis aliisve scripturis, se a patre, fratre, nepote, vel consanguineo, seu quolibet alio conjuncto, affine, familiari, servo amico, seu mercatore recepisse mutuo, vel alias, pecuniam pannos, bladum, vinum, equos, boves, sive animalia alia, vel res, seu alia bona, eaque in utilitatem locorum, quibus præsent, vel administrationum quas gerunt fuisse conversæ, neque tamen pro se, seu locis eorum neque pro administrationibus suis ipsa receperint, quoquomodo præsumant. Similiter prohibemus, ne fingant seu ponant, vel scribant se fore principales debitores, neve ut tales se obligent, ubi revera non principales sed fideiussores existunt, neve in talibus contractibus, ut præfertur, simulate conceptis, se ac alios suo nomine, locaque ipsa possessiones, redditus, proventus bona & jura locorum obligent vel submittant, neque in fraudem seu dolose constentur, vel alios præsertim debitores eorum faciant

Ficti contra-  
ctus prohibe-  
ntur.



ciant confiteri seu etiam obligari, vel super iis instrumenta, vel authenticas seu alias scripturas in fraudem confici continentia, quod iura, redditus, possessiones, animalia, blada, pecuniam, seu alia bona ad ipsos, vel Monasteria, seu quævis alia bona ipsius Religionis pertinentia seu debita, fuerunt sunt vel esse debent patris, matris seu fratris eorum, vel aliarum personarum prædictarum, & ad ipsas personas pertinere vel debita eis fore, vel alios quoscumque contractus similes fraudulentè, & dolose confici faciant, vel fieri procurent, per quos Ecclesiæ, Monasteria, & alia loca Religionis ipsius, quibus præfunt, ac iura redditus, & possessiones, seu alia loca ipsorum damnificari, gravari, obligari, vel alias impediri, seu deperire valeant quovis modo. Nos autem omnes prænominatos, in grave & enormè præjudicium administrationum suarum talia committentes, vel fieri facientes, aut eis consentientes, præter alias poenas juris (nisi infra duorum mensium spatium a tempore contractus seu commissi huiusmodi numerandum) ea quantum eis possibile fuerit, tolli fecerint, & Ecclesias, Monasteria, Prioratus, administrationes, & loca prædicta reddiderint seu reddi fecerint indemnitas, seu a talibus dispendiis liberarint, excommunicationis sententiæ eo ipso decernimus subjacere. Quod si forte præmissa effectualiter non poterint revocare, teneantur infra alios duos menses, illos duos immediate sequentes, ea suis Superioribus revelare: quod si non fecerint, sententiam excommunicationis incurrant, & alias prædictis excessibus debite puniantur, taliter quod cedat cæteris in exemplum. Possint autem Præsidentes, ac Visitatores in Provincialibus Capitulis deputati, & eorum quilibet, Abbates alioque quoscumque Prælatos ac administrationes non habentes Superiores Religionis ejusdem, qui huiusmodi sententiam excommunicationis incurrerint, satisfactione præmissa absolvere, & secum super irregularitate si per simplicitatem & juris ignorantiam (non tamen in contemptum clavium) divina celebraverint, vel se ingesserint ejusdem, inde contracta misericorditer dispensare, cæteros vero consimiliter absolvere, & cum eis in similibus casibus dispensare valeant immediati Superiores eorum.

Mutua quomodo recipienda.

§. 44. Monasteriorum, & locorum Religionis ejusdem dispendiis, quæ ex mutuum contractu plerumque proveniunt, præcavere consultius intendentes, statuimus, quod Abbas, Præpositus, Prior, seu quivis alius (etiam Apostolicæ Sedis Notarius) Religionis ejusdem, quum per ipsum fuerit mutuum suscipiendum, ultra summam communi providentia per annuale Capitulum seu majorem partem ipsius taxandam, infra scriptam solemnitatem observet, videlicet ut quilibet de prædictis Superiorem ejusdem Religionis non habens, qui habebit recipere mutuum supradictum, tractatum ad minus & consilium duorum dierum non continuatorum, seu interpellatorum cum Capitulo seu Conventu suo diligentem habeat, & maturum. Et nihilominus de con-

sensu sui Capituli vel Conventus, mutuum, huiusmodi recipiatur ab eo. In Monasterio vero Prioratu, & administratione, conventuali vel non conventuali Superiorem immediatum in eadem Religione habente, in conventuali videlicet cum conventu ipsius, in non conventuali, cum conventu Superioris Ecclesiæ Monasterii sive loci, tractatus huiusmodi habeatur. Et nihilominus in utroque licentia seu auctoritas interveniat dicti Superioris quocumque nomine censeatur, eo plene certificato in quantum commodè fieri poterit, de omnibus, quæ intervenire debent in tractatu præfato, in quo quidem agatur, & clare liqueat, ob quam causam cujusve summæ, & si fieri potest, a quibus creditoribus, & sub quibus conditionibus, & obligationibus, quibusve terminis solvendum suscipiatur mutuum sæpèdictum, de iis nihilominus authentica conficienda scriptura, in qua ea omnia, ac nomina illorum, qui interfuerint in tractatu, ac etiam consentientium, & auctorizantium exprimentur, & ipsorum auctorizantium sigilla scripturæ huiusmodi apponantur. Prohibemus insuper, ne prætextu alicujus procuræ generalis, etiam si contineatur in ea, quod procurator mutuum possit recipere, aut obligare Ecclesiam Monasterium, vel alium locum, mutuum recipere valeat Ecclesia, Monasterium, vel locus alius obligari, nisi prius prædicta omnia fuerint observata. Volumus autem, quod pecunia quæ taliter, ut præmittitur, mutuo recipietur, non remaneat in solius Antistitis, seu Abbatis, vel Prioris, aut alterius administratoris huiusmodi contractum ineuntis principaliter potestate, sed si commodè fieri potest, tradatur tribus, seu pluribus aut paucioribus viris, prout expediens videbitur providis, & discretis, qui dictum mutuum ad illas utilitates seu necessitates convertant, ob quas noscitur fuisse contractum, qui super hoc fideliter exequendo juramenti vinculo adstringantur, districtius inhibentes, ne eorum quæ debentur Ecclesiis, Monasteriis, seu locis aliis Religionis ejusdem, remissio fraudulosa, & notabiliter damnosa a quoquam valeat attentari. Permittimus tamen, quod si Antistes, vel Abbas, aut alii quicumque administratores Religionis ejusdem, a locis aliis dictæ Religionis, quibus subsunt, sint multum remoti, & casus aliquis evidenter utilis, seu necessarius occurrat, cui succurri non valeat, nisi ultra dictam summam communi providentia taxatam mutuum contrahatur, licitum sit ejusdem absque solemnitate huiusmodi, & poenis infra scriptis, ut tali casu valeat provideri, tantam absque fraude qualibet summam recipere mutuo, quanta necessaria fuerit pro casu præfato. Recipientes autem mutuum in casu huiusmodi, si Superiores ejusdem Religionis non habuerint in Conventibus propriis, si vero Superiores tales habuerint, ejusdem Superioribus, & nihilominus suis Conventibus, si Conventum habeant, infra octo dies, postquam eorum præsentiam habere commodè poterunt, id exponere, & de iis, qui in ipso contractu intervenerunt, eos certiores reddere teneantur, & conficiatur inde scriptura,



ptura, si ipsis Superioribus, vel Conventibus visum fuerit expedire. Prælatus autem, seu quivis administrator, qui semel recepit, sive particulariter sive simul, summam prædictam, communi providentia, ut præmittitur, prætaxatam, quodcumque mutuum recipiat ultra eam, nisi esset modicum, quod tamen quartam partem ejusdem summæ non excedat, teneatur sub infra scriptis poenis solemnitate secundam plenarie observare. Quod si Abbas, Præpositus, Prior, vel administrator alius dictæ Religionis quocumque nomine censeatur, contra præmissa faciens, mutuum ultra dictam summam communi providentia taxatam absque dicta solemnitate recipiendo, locum sibi commissum, aut jura, redditus, seu possessiones ipsius expresse obligaverit, vel literas, vel instrumenta concessionis, vel recognitionis super hoc conceperit, seu alias submiserit (nisi infra sex menses immediate sequentes, obligationes & submissiones hujusmodi cessare fecerit) sit ei extunc, donec ea compleverit, Ecclesiæ interdictus ingressus, & insuper Præpositi, Priores, & alii administratores Superiorem ejusdem religionis, non tamen Conventum habentes, si præfatum interdictum per alios sex menses præfatos sex immediate sequentes pertinaciter substinerint, sint ex tunc a suis administrationibus suspensi, donec obligationes prædictæ tollantur, & eorum administrationes redditæ fuerint indemnes. Suspensione autem hujusmodi durante Superiores immediati taliter suspensorum administrationes eorum recipiant, easque per se vel alios fideliter gerere, & indemnes pro posse reddere studeant, ac nihilominus suspensos eosdem aliter punire, prout culpæ qualitas exegerit, non omittant. Si quis autem taliter suspensorum Superioribus ipsis in prædictis de facto contradicere præsumperit, & in contradictione hujusmodi per octo dies pertinaciter perseveraverit, excommunicationis incurrat sententiam ipso facto, quam si substinerit pertinaci animo per sex menses, dignitate, officio, administratione, seu beneficio per eum obtenta seu obtento privetur.

Locationes  
quibus de  
causis, & quo  
pacto facien-  
da.

§. 45. Quoniam ex minus provida locatione locorum religionis ejusdem, seu concessione ipsorum ad firmam, proventuum locorum ipsorum plurima pertulit hætenus dicta religio detrimenta, salubri prohibemus, edicto, ne Abbates, Priores, Præpositi, aut ceteri administratores Religionis ipsius, sine causa necessaria, vel utili, loca suæ administrationi commissa, vel proventus ipsorum locorum, ad firmam tradere, seu locare præsumant. Quod si ex causa hujusmodi id facere voluerint, & Capitulum seu Conventum habuerint, non tamen Superiorem Religionis ejusdem, debeant cum eodem Capitulo, seu Conventu præmittere tractatum de causa hujusmodi, & de quantitate pretii, & sub quibus obligationibus, & de persona illius, cui firma, seu obligatio hujusmodi fuerit facienda, ipsaque facere cum consilio ipsius Capituli, seu Conventus, vel majoris partis ejusdem. Si vero Capitulum, seu Conventum proprium, & nihilominus Superiorem ejusdem Religionis ha-

buerint, non solum cum ipso Capitulo seu Conventu, sed etiam cum eodem Superiore dictum tractatum præhabeant, & cum consilio Capituli, seu Conventus ipsorum, vel majoris partis, ac de dicti Superioris licentia, & non aliter ad eas procedant. Si autem Priores, vel Præpositi, aut alii Administratores extiterint, non habentes Conventum, sed Antistitem, Abbatem, vel alium Superiorem Religionis ejusdem, tractatum prædictum cum eodem Superiore præmittant, & cum ipsius licentia, & non aliter faciant firmam, seu locationem præfatum. Per hoc autem non intendimus prohibere, quo minus redditus, & proventus Administrationum suarum locare, seu vendere valeant absque solemnitate præmissa ad tempus modicum, juxta morem in regione, in qua erunt, solitum observari, statutis Ecclesiarum, Monasteriorum, vel aliorum locorum Religionis ejusdem (si qua super hoc fuerint) rationabilibus observatis. Si tamen ex hujusmodi locatione, seu venditione proventuum ad tempus modicum, ut præmittitur, faciendis contingeret infra unum annum recipi pecuniam, vel aliud quodcumque pretium proventuum rei locatæ unius anni excedens, tunc solemnitates præmissas volumus observari. Simili modo etiam prohibemus, ne aliquo casu firmæ seu locationes, seu venditiones hujusmodi fiant per eosdem personis suspectis, neve quibuscumque firmariis, seu conductoribus, sive emptoribus liberi originalis censuum, aut instrumenta seu monumenta originalia super juribus Ecclesiarum vel administrationum confecta tradantur, neve jurisdictiones per se, aut cum Universitate, seu Civitates, vel Villæ, vel insignia loca, seu Castra, vel Fortalicia locentur, seu ad firmam tradantur, sive sub locatione, vel firma includantur. Redditi tamen seu proventus Civitatum dicti Ordinis, Villarum, locorum, Castrorum, & Fortaliciorum hujusmodi, prout superius præmittitur, vendi valeant, seu locari. Ubi autem occasione firmarum, aut locationum, seu venditionum hujusmodi contingeret personas, vel bona Ecclesiastica ipsius Religionis obligari, vel submitti, obligationes & submissiones hujusmodi fieri volumus ecclesiasticæ jurisdictioni, & coercionem dumtaxat, & per ecclesiasticam jurisdictionem, & coercionem executioni mandari. Firmas autem seu locationes aut venditiones prædictas, locorumque traditiones contra præmissa facta, instrumenta quoque & qualibet documenta super eis confecta, justitia carere decernimus, & nullius existere firmitatis. Et nihilominus Abbates, Priores, Præpositi, & ceteri Administratores Superiorem Religionis ejusdem non habentes, qui contrafecerint, per Præsidentes Capitulis, vel per Visitatores deputandos eis corrigantur. Ceteri vero per Antistites, Abbates seu alios immediatos superiores eorum, si eis visum fuerit, in quinta parte pretii locationis, sive firmæ, fabricæ seu ornamentis Ecclesiæ, Monasterii, sive loci, cui immediate suberunt, applicanda, & alias debite puniantur.

§. 46. Ut Ecclesiarum, Monasteriorum, & aliorum locorum Religionis ejusdem, bo-

De Registris  
& Archivis  
conficiendis.



na, & jura salubriter conserventur, statuimus quod Praesidentes Ecclesiis Cathedralibus, Monasteriis, Prioratibus, & administrationibus aliis quibuscumque dictae Religionis, quamprimum commode poterunt, conficiant seu confici faciant registra, in quibus possessiones, census, jura, & cetera bona immobilia quaecumque & qualitercumque fuerint, ad eorum administrationem spectantia, sigillatim & specificè describantur. Fiant etiam per eosdem registra de ornamentis Ecclesiasticis, vasis, lectis, animalibus, & aliis rebus mobilibus, & se moventibus pro agricultura, & alia instructione locorum necessariis, vel utilibus, & hujusmodi registra in locis subjectis aliis Superioribus Religionis ejusdem duplicentur; quorum unum in loco superiori & reliquum in subjecto servantur. Visitatores quoque in Provincialibus Capitulis deputati cum visitabunt loca suae visitationi commissa, Praelati etiam & alii Superiores, cum fuerit opportunum, diligenter inquirent, an res & bona praedicta necessaria pro instructione locorum teneantur in locis eisdem, & provideant quod perpetuo teneantur in eis, aliterque reperta faciant emendari, & secundum quod culpa exegerit, puniant delinquentes. Insuper Praesidentes praefati, cum possessiones administrationum suarum fuerint assecuti, inventaria de bonis mobilibus, & se moventibus repertis in Administrationibus ipsis conficiant. His vero qui habent Superiores Religionis ejusdem, hujusmodi inventaria faciant duplicata, quorum unum in loco subjecto servetur, & Superiori reliquum assignetur, ut per ea, in quo statu Administrationes ipsas receperint, valeat apparere. Fiant autem hujusmodi inventaria & registra per tabellionem, vel saltem in aliarum publicarum praesentia personarum. Adjicimus etiam, quod Praesidentes Ecclesiis Cathedralibus, Monasteriis, & locis aliis dictae Religionis, qui bona mobilia, Prioratum, administrationum, & beneficiorum quorumlibet Religionis ejusdem, sibi subjectorum vacantium in eis, tempore hujusmodi vacationis inventa, seu illa durante obvenientia ex privilegio, vel consuetudine, seu alia causa rationabili ad se afferunt pertinere, vasa, vestimenta, seu alia ornamenta divino cultui deputata, animalia etiam tam pro agricultura, quam pro aliis ipsorum locorum necessitatibus teneri inibi consueta, vasa vinaria, & coquinaria, lectos etiam, & alia suppellectilia necessaria seu vasa (nisi forte aurea vel argentea fuerint) nullatenus occupare, vel exinde asportare, aut sibi appropriare praesumant. In apprehendendis quoque bonis aliis Constitutionem felicis record. Bonifacii Papae Octavi praedecessoris nostri super hoc editam, quae incipit *Præsenti*, diligenter observent. Qui vero secus fecerint, juxta qualitatem delinquentium personarum poenas incurrant, quae per Constitutionem eandem ejus transgressoribus imponuntur.

Alimentorum  
subministratio.  
nes non dis-  
serenda.

S. 47. Quum sit rationi consonum, illos non debere onera recusare, qui rerum commoda complectuntur, statuimus, quod Antistites, Abbates, Praepositi, Archidiaconi,

Priores, & Administratores ceteri Religionis praefatae, qui census, redditus, pensiones, seu quaecumque similia debent vel debebunt in posterum pro alimentis quotidianis, vel pro vestiariis in Ecclesiis Cathedralibus, Monasteriis, Praepositis, Prioratibus, officiis, & administrationibus, seu aliis locis Religionis ejusdem, sive in blado, vino, carnibus, oleo, piscibus, pecunia, seu rebus aliis quibuscumque consistant, illa eis in terminis consuetis, vel praefixis seu in antea praefigendis integre solvere non omittant. Quod si Priores, Praepositi, Archidiaconi, ac ceteri administratores ejusdem Religionis ea in ipsis terminis, vel saltem infra mensem non solverint, requisiti, quantum ascendit quarta pars illius debiti, ultra ipsum debitum nomine poenae solvere teneantur. Et si infra alium mensem, immediate sequentem non solverint, tam poenam, quam etiam ipsum debitum principale, eo ipso sint (donec de praedictis fuerit integraliter satisfactum) a temporalium administratione suspensi, & Praelatus durante suspensione praedicta, ministret per alium temporalia beneficia illius, qui suspensionem incurrerit supradictam, & satisfaciat de praedictis. Antistites vero si post lapsum terminum requisiti infra duorum mensium spatium a die requisitionis hujusmodi computandum, satisfacere contempserint, poenam tertiae partis debiti incurrant irremissibiliter eo ipso. Abbates autem, & alii Praelati Religionis ejusdem, si post requisitionem consimilem infra mensem satisfacere contempserint, incurrant poenam consimilem ipso facto. Et si Abbates, & alii Praelati hujusmodi per alium mensem sequentem solvere non curaverint, a stallis chori, & loco Capituli deputatis eisdem, sint ipso facto, & tamdiu remaneant suspensi, donec integraliter de debito, & poena satisfecerint memoratis, nulla remissione profutura eisdem. In praedictis tamen casibus de principali debito satisfacto Antistites, Abbates, & alii Praelati libere, inferiores vero de suorum licentia Praelatorum, remittere valeant poenas praefatas ab aliis, quam a praefatis Antistitibus, Abbatibus, & Praelatis sibi debitas pro praedictis. Institutionibus Regularibus inhaerentes, statuimus, ut Canonici in Ecclesiis Cathedralibus, Monasteriis sive locis aliis Collegiatis, seu Conventualibus d. Religionis constituti, consuetudine seu usu (quinimo abusu) contrario non obstante in Refectorio comedant in comuni, nisi in casibus, in quibus & prout eisdem licitum est, seu permissum extra Refectorium comedere, secundum regularia & canonica instituta, proviso quod illi, quibus incumbit onus providendi de victu Canonicis, eisdem provideant sufficienter & decenter, non in pecunia, sed in victualibus, prout cuilibet opus erit: de qua sufficientia & decencia victualium, tractetur, & si expedierit ordinetur in Capitulo annuali. Decernentes, quod siqui redditus, vel pensiones alicui ex Canonicis singulariter hactenus pro victualibus fuerint assignati, nullatenus dimittantur eidem. Nos in assignatione hujusmodi revocamus, & pro revocatis haberi volumus, & eas fieri deinceps.



deinceps prohibemus. Illi quoque, quibus incumbit onus de vestimentis, calceamentis, & aliis corporis indumentis necessariis dictis Canonicis providendi, eisdem provideant sufficienter, & decenter, & tempore congruo juxta suppetentiam facultatum, & conditionem seu qualitatem regionis: & illud quod dandum erit singulis pro vestimentis, & aliis prædictis, ordinent & taxent si opus fuerit in annuali Capitulo memorato. Ad hæc subjungimus, quod illi, qui prædicta administrare tenentur, ad ea omni excusatione cessante ut præmittitur ministranda per Superiores suos, aut in defectum eorum, per Visitatores vel Præsidentes in Capitulo Provinciali deputatos, & eorum quemlibet compellantur. Nec audiantur, si dicant privilegium, statutum, ordinationem, vel consuetudinem contraria se habere, aut pro suis personis, eorumque statu personarum, & officiorum decencia sustentandis, se afferant indigere, nulla quoque super hoc appellatio, nullave supplicatio eis profit. Et si tertio moniti per aliqua dierum competentia intervalla monentis arbitrio relinquenda, præmissis efficaciter parere contempserint, removeantur a suis administrationibus vel officiis, ipsaque aliis personis idoneis prædicta complere valentibus committantur. Abbates vero, Præpositi, Priores, ac cæteri, etiam Apostolicæ Sedis Notarii non habentes Superiores Religionis ejusdem, vel habentes, si præsent Collegiis seu Conventibus, qui de prædictis providere teneantur, non habentes quidem Superiores, a Præsidentibus ac Visitatoribus, & eorum quolibet, cæteri vero tam ab eisdem, quam etiam a dictis suis Superioribus per censuram ecclesiasticam, aliisque remediis ad hoc congruentibus ad id omnino cogantur, eisdem Superioribus nisi suos subditos; necnon dictis Præsidentibus ac Visitatoribus, nisi Abbates, Priores, & alios supradictos efficaciter ad præmissa compulerint: in Capitulis provincialibus graviter arguendis, & taliter corrigendis, quod cedat cæteris in exemplum. Cæterum si redditus, & proventus dignitatum, officiorum, seu administrationum, quibus onus prædictum incumbit, aut dicta victualia, vestimenta, seu alia pro victu seu vestitu necessario Canonicis ministrando non suffecerint, possit Prælatus in suo annuali Capitulo, cum consilio & assensu ejusdem Capituli, vel maioris partis ipsius, auctoritate Apostolica Prioratibus, administrationibus, & aliis beneficiis per Canonicos dictæ Religionis solitis gubernari, quibus eorum supportatis oneribus ad hoc suffecerint facultates (vocatis tamen ad hoc Prioribus, vel administratoribus, & aliis beneficiatis, qui eisdem præfuerint) pensiones perpetuas imponere, pro sufficienti supplemento defectus victualium, & vestimentorum, & aliorum necessariorum, pro habitu corporis dumtaxat, quas quidem pensiones ex tunc, tam illi qui eisdem Prioratibus, administrationibus, & beneficiis aliis tempore hujusmodi impositionis præfuerint, quam successores eorumolvere teneantur.

§. 48. Ut salutis Auctori purius serviatur, statuimus quod universi Canonici Religionis

*Bull. Rom. Tom. III. Pars II.*

præfata, ab esu carniū diebus Veneris, Sabbati, & per totum Adventum Domini studeant abstinere, non obstantibus statutis, vel contrariis quibuscumque. Super abstinentia vero ab esu hujusmodi carniū in quarta feria, & Septuagesima, Prælati seu alii, ad quos spectaverit, consuetudines & statuta, antiqua & nova, honesta, & rationabilia suorum locorum servant, & faciant observari. Illis tamen qui ad maiorem abstinentiam sunt adstricti, per hoc esum carniū non intendimus indulgere.

§. 49. Rursus præcipimus, quod Canonici Religionis ejusdem residentes in claustris, omnes simul, vel si multitudo eorum non finit, saltem quanto plures ex ipsis commodè poterunt, in una domo dormiant & quiescant, juxta regularia instituta canonica, non habentes separatas cameras sive cellas, exceptis iis, qui propter senectutem, valetudines corporales, aut propter administrationes seu Officia, quæ gesserint, vel ex aliis causis juxta dispositionem sui Superioris rationabiliter excusantur. Statuimus etiam quod in dormitoriis cellas non habentibus, cellæ de cætero nullæ fiant. Permittimus tamen, quod in eis, ubi sunt cellæ iam factæ remaneant; sed a parte anteriori debeant aperiri, ita quod a transeuntibus, hi qui intra fuerint, conspici valeant, & videri, & quod per Prælatos locorum infra sex menses a tempore, quo præsent constitutiones fuerint publicatæ, vel ipsis negligentibus, seu non valentibus, per Visitatores in Provincialibus Capitulis deputatos, in prima visitatione, quam impenderint, omnes tales cellæ ab anteriori parte debeant aperiri; & si super hoc fuerint aliqui resistentes, vel impedimentum præstantes, seu præstari procurantes, vel ad id dantes auxilium, consilium, vel favorem, publice vel occulte, vel hujusmodi cellas de novo facere præsumentes, excommunicationis incurrant sententiam ipso facto. Quos etiam ipsi Prælati, & Visitatores præfati, per alia juris, & ipsius Religionis remedia, valeant super his auctoritate Apostolica coercere. Ab hujusmodi autem excommunicatione, si ipsam incurrerint, possint absolvi per Visitatores præfatos, vel per Prælatos immediatos eorum, & cum eis super irregularitate, si quam forsan contraxerint, per simplicitatem & juris ignorantiam (non tamen in contemptum clavium) celebrando divina, vel se ingerendo eisdem, per eosdem valeant dispensari.

§. 50. Religionis ejusdem consulere commodis, & præcavere dispendiis cupientes, statuimus ut si quis Ecclesiæ Cathedrali, Monasterio, Prioratui, Præposituræ, seu administrationi cuiusvis dictæ Religionis Præsident, aut simplex Canonicus, seu Conversus Religionis ejusdem privilegia, literas, vel instrumenta concessa, seu confecta super libertatibus, possessionibus, rebus, seu juribus eorumdem, aut vasa aurea, seu argentea divino cultui dedicata, necnon reliquias, ornamenta ecclesiastica, libros aut res alias notabiles vel pretiosas ipsorum, extra Ecclesiam, Monasterium, Prioratum, seu administrationem hujusmodi,

De accubitu  
in Dormito-  
riis.

Privilegia  
aliaque mo-  
bilia, & im-  
mobilia suo  
non movenda  
loco.

Ab esu carniū  
quando absti-  
nendum.



in damnum ipsorum, apud suos consanguineos vel propinquos, seu quoscunque alios fraudulenter transportare, seu tenere præsumperit (nisi infra duorum mensium spatium, prout possibile fuerit ei, ad loca ipsa reduxerit, vel eadem loca, seu administrationes infra idem spatium indemnitas reddiderit) extunc possidens ipsa, tamdiu donec præmissa, ut præfertur emendaverit, ab administratione temporalium sit suspensus. simplex vero Canonicus, vel conversus, ad beneficia seu officia quælibet Religionis ipsius obtinenda, sit eo ipso tamdiu inhabilis quousque per immediatum Superiorem ipsius, satisfactione præmissa cum eis fuerit misericorditer dispensatum. Et si Præsidenti eiusdem, qui tamen Antistes non fuerit, culpa extiterit manifesta per Præsidentes in Provinciali Capitulo, vel Visitatores per idem Capitulum deputatos poenæ graviori subdantur.

De frequen-  
tia celebratio-  
nis Missarum  
per Sacerdo-  
tes.

§. 51. Hortamur Præpositos, Priores, & Administratores, singulosque Canonicos dictæ Religionis in Sacerdotio constitutos, in Ecclesiis, Monasteriis, & aliis eorum locis Conventualibus residentes, ut (si non frequentius) saltem bis in septimana, residentes autem in Prioratibus, vel aliis locis in Conventualibus, saltem semel in hebdomada, in Scholis vero, vel alibi commorantes, infra quindecim dies saltem semel, salva honestate, & debita devotione Missas studeant celebrare.

Et Sacramen-  
torum Pœni-  
tentia, & Eu-  
charistia per  
alios.

§. 52. Alii vero Canonici non Sacerdotes ubilibet constituti, in qualibet quindena saltem semel confiteantur, & quolibet menses reverenter suscipiant Eucharistiæ Sacramentum, nisi forte de proprii Confessoris consilio, ob aliquam rationabilem causam, ad tempus ab ejus perceptione eorum aliquis duxerit abstinendum. Per hoc autem, statutis consuetudinibus, ordinationibus, seu observantiis Ecclesiarum, Monasteriorum, seu locorum prædictorum, quibus frequentius pro certis diebus confiteri, communicare, vel celebrare debeant, vel sæpius celebrando locorum onera supportare, in aliquo non intendimus derogare: adjicientes quod Abbates, Præpositi, seu Priores ceteri locis Conventualibus præsidentes, die qualibet, rationabili causa cessante Missam celebrent, vel audiant, & nihilominus in solemnibus festis, in suis Monasteriis sive locis Missas solemnes studeant celebrare.

De Recita-  
tione Hora-  
rum Canoni-  
carum.

§. 53. Hortamur etiam, quod in Ecclesiis, Monasteriis, sive locis aliis Conventualibus, cum modestia, humiliter, & devote, Horis nocturnis, & diurnis, ad divina Officia universi, & singuli Canonici studeant convenire; ipsaque non transcurrento, aut synopando, sed tractim & distincte psallant, & celebrent devote. Sane in Ecclesiis Cathedralibus, Monasteriis, & locis aliis Conventualibus Religionis ejusdem, Missa major per Canonicum celebretur. Et si inibi magnus & ad hoc sufficiens fuerit Canoniconum numerus, in officiis Diaconatus, & Subdiaconatus ministrent hujusmodi celebranti, & qui hebdomadarius fuerit Missæ majoris, cessante impedimento legitimo, horas Canoni-

cas incipiat, & collectas orationes dicat. Transgressores vero præmissorum debite subiaceant disciplinæ.

§. 54. Denique solliciti sint Antistites, Abbates, Præpositi, Priores, Sacristæ, & administratores alii Religionis præfatæ quocunque nomine censeantur, quibus incumbit Ecclesiæ, Oratoria, Altaria, reliquias, vasa, corporalia, vestimenta, & alia ornamenta ecclesiastica, munda, & nitida conservare, & facere ab aliis conservari, de Breviariis quoque, Missalibus, aliisque libris, & vestimentis, ac ornamentis quibuslibet necessariis, juxta facultates, & exigentiam locorum suorum, Ecclesiis, & locis eisdem omnino provideant, seu faciant provideri: quod si præmissa pro posse adimplere neglexerint, ad ea complenda competentibus remediis compellantur, & si opus fuerit pars proventuum Beneficiorum eorum per Superiores recipiatur eosdem, & in prædictorum provisionem per aliquem idoneum convertatur.

§. 55. In favorem Religionis præfatæ prohibemus, ne Antistites, & alii Ecclesiastici Judices, trahant professores Religionis ejusdem in causis criminalibus ad eorum consistorium, seu judiciale tribunal, ubi causæ communiter audiuntur; sed alibi audiant dictas causas; nisi forte criminis manifesti enormitas aliud suaserit faciendum.

§. 56. Porro a venationibus, & aucupationibus Canonici dictæ Religionis abstineant, nec eis interesse, aut canes ad opus venandi, vel aures venaticas per se, vel alios tenere præsumant, nec a familiaribus secum morantibus teneri permittant; nisi saltus, vivaria, vel garenas propria, vel jus venandi in alienis haberent, quo casu hoc eis permittitur, dum tamen infra Monasterium, seu domos, quas inhabitant, aut eorum clausuras, venaticos canes non teneant, nec venationi præsentiam exhibeant personalem. Siqui vero eorum venationi, aut aucupationi clamoræ, vel alias, cum canibus, vel avibus ex proposito interfuerint; siquidem Abbas fuerit, vel Prior, seu Præpositus aut Apostolicæ Sedis Notarius quicumque non habens Superiorem ejusdem Religionis, per annum se noverit a beneficiorum collatione suspensum, quo casu jus collationis hujusmodi, eo modo quo sibi competeat, ad Priorem claustralem, cum consilio & assensu Conventus, vel majoris partis ipsius durante suspensione hujusmodi devolvatur. Si vero alius fuerit, ab administratione quam obtinet, sit per annum suspensus: quod si nullam administrationem habet, eo ipso per annum reddatur inhabilis ad administrationem, seu aliud Ecclesiasticum Beneficium obtinendum.

§. 57. Dicti quoque Canonici, infra septa suarum Ecclesiarum, seu Monasteriorum, arma nullatenus teneant sine suorum licentia Prælatorum. Tenentes vero absque dicta licentia, per Superiorem suum taliter puniantur, quod ipsorum poena cedat aliis in exemplum. Super inhabilitate tamen & suspensione prædictis, Præsidentes & eorum quilibet cum Prælati, & Prælati cum eorum subdi-

De Ornamentis & Vasis Sacris.

Religionis hujus Canonici ad publica Tribuna- lia non trahendi in criminalibus.

Venationi vel aucupationi non incumbant.

Arma intra Ecclesiarum septa non teneant.



ditis possint, si eis expediens visum fuerit dispensare, injuncta transgressoribus poenitentia salutari.

Canonici  
suos Superiores  
accusantes  
quo pacto audiendi.

§. 57. Quia nonnulli Canonici dictæ Religionis contra Prælatos, vel Superiores suos frequenter multa proponunt, non ut omnia per eos proposita probent, quia nec facere possent, sed ut infament, omnibus & probatis forsitan illorum aliquibus, finem consequantur optatum, districtius inhibemus, ne quivis Canonicus Religionis ejusdem contra suum Prælatum vel Superiorem, super crimine vel criminibus deinceps quomodolibet admittatur; nisi prius se obligaverit ad poenam congruam, si in probatione propositorum, vel alicujus ipsorum defecerit, per eum irremissibiliter subeundam.

Disciplina  
regularis ubi  
fuerit collap-  
sa quomodo  
reparanda.

§. 59. Si aliqua Ecclesia Cathedralis, Monasterium, seu alius locus Religionis ejusdem, in Religione vel regulari observantia adeo sint collapsa, quod per Antistitem, Abbatem vel alium Prælatum, seu administratorem, vel Canonicos proprios verisimiliter nequeat reparari, statuimus, quod per Præsidentes Provinciales, & quemlibet eorundem, ad requisitionem seu relationem Visitatorum, prout eidem Capitulo super hoc consulendo videbitur expedire; vel sine consultatione hujusmodi, si ex dilatione consulendi dictum Capitulum periculum immineret, auctoritate Apostolica de alia Ecclesia, Monasterio seu loco; in qua seu quo ejusdem Religionis noscitur observantia refluere, Canonici assumantur idonei, & ad dictam Ecclesiam, Monasterium sive locum collapsam, seu collapsum mittantur, ut ibidem quamdiu expediens fuerit morentur, per quos Ecclesia, Monasterium seu locus hujusmodi reparetur. Illi vero Canonici, ob quorum culpam ejusdem Ecclesie, Monasterii sive loci hujusmodi lapsus seu deformatio noscitur contigisse, in Ecclesia seu Monasterio vel loco de qua vel quo assumpti fuerint ii, qui ad Ecclesiam vel Monasterium, seu locum collapsam vel collapsum, ut premittitur transmittentur, vel in loco alio, in quo eadem religio vigeat, per Præsidentes eosdem & eorum quemlibet, prout expediens fuerit, auctoritate Apostolica collocentur, ubi eorum mores valeant reformari: districtius inhibentes ne Monasteria seu alia loca Collegiata, seu Conventualia Religionis ejusdem, Ecclesiis, Monasteriis seu locis Religiosorum quorumcumque alterius habitus uniantur, vel etiam submittantur, sine licentia Sedis Apostolicæ speciali, si secus actum fuerit, decernentes irritum & inane.

Contra pecu-  
niam, & pro-  
prietarios.

§. 60. Licet contra Religiosos proprietarios sit provisum per canonicas sanctiones, tamen specialius providere volentes contra illos Canonicos & Conversos dictæ Religionis, qui suæ salutis obliti, contra Regulares & Canonicas institutiones pecuniam congregant, jura, possessiones, redditus, seu census annuos, & alia bona emunt, seu emi faciunt, aliquando proprio, & sæpe nomine alieno, multis super iis figmentis adhibitis, aliisque tradunt animalia nutrienda & cum augmento vel lucro, sibi vel alteri reddenda eorum no-

mine, seu pro ipsis; & alios multos contractus diversimode tamquam negociatores exercent; necnon appetentes & sectantes lucra turpia, peculium occultant, & illicite detinent in suarum periculum animarum. Decernimus omnia præmissa (quæ tamen restitutioni non subiaceant aliorum) nedum post obitum, sed etiam in vita ipsorum Canonorum & Conversorum, fore administrationi, ad quam pertinuerint applicanda quacumque consuetudine contraria non obstante, quodque nulli Canonico vel Converso talia faciendi licentia a quoquam valeat indulgeri, & quod præfati Canonici & Conversi prædicta committentes, & quæcumque Religionis ejusdem supradicta retinentes, aut sibi ipsis appropriantes, vel applicationi hujusmodi resistentes, vel impedimentum publice vel occulte eidem præstantes, seu præstari procurantes, vel dictum peculium habentes & non revelantes Prælati propriis, si per eosdem Prælatos specialiter & nominatim moniti, infra mensem post monitionem hujusmodi immediate sequentem, a prædictis non destiterint, vel peculium non revelaverint, & restituerint si restituendi facultatem habuerint, sint eo ipso inhabiles ad Prioratus officium, administrationes, & beneficia quælibet in Religione hujusmodi obtinenda. Concedimus tamen quod cum talibus Canonicis seu Conversis, Antistites, Abbates, Præpositi & alii Prælati eorum immediati, possint super inhabilitate hujusmodi dispensare, quando eis videbitur expedire; dummodo a prædictis destiterint, & peculium & alia supradicta revelaverint & restituerint, ut præfertur. Teneantur insuper Prælati & Superiores præfati, in suis annualibus Capitulis monere generaliter annuatim omnes proprietarios, ut ab omnibus supradictis desistant excessibus, & peculium, si quod habent, revelent & restituere non postponant.

Contra con-  
spirationes, &  
conjuraciones  
facientes.

§. 61. Quum ex conspirationis & conjurationis crimine (si forte transeat impunitum) multa mala & scandala possint exoriri, statuimus, quod conspiratores & coniuratores, si qui Religionis ejusdem de crimine hujusmodi legitime convicti fuerint vel confessi, præter alias poenas talibus a iure vel aliquo quovis modo inflictas, eo ipso beneficiis & administrationibus quibuscumque quæ obtinuerint, sint privati. Si vero beneficiati non fuerint, eo ipso reddantur inhabiles ad quævis beneficia, seu administrationes ecclesiasticas quomodolibet obtinenda. Contra conspiratores autem & conjuratores occultos, quorum notitia non habetur, per Superiorem aut Visitatores, etiam poenæ aliæ, prout expedire videbitur, generaliter statuuntur. Si vero aliquis de prædictis ad cor reductus, illi vel illis, qui tanguntur ex eis, ipsas patefecerint tali tempore, quod possint hujusmodi factionibus obviare, dignus absolutione & venia habeatur.

§. 62. Ne Canonici Religionis præfate vagandi occasionem habentes, salutis propriæ detrimentum incurrant, statuimus ut Præsidentes Provincialibus Capitulis, necnon Abbates, Præpositi, Priores & alii, ad quos id pertinuerit, fugitivos & eiectiones de Ordine suo,

De fugitivis  
& eiectionibus.



suo, requirant solícite annuatim, qui si in Ecclesiis, seu Monasteriis suis recipi poterunt, secundum Ordinem regularem recipiantur, salva Ordinis disciplina: quod si indisciplinati, & incorrigibiles appaſſerint, auctoritate nostra provideant Præsidentes & alii prædicti, ut apud easdem Ecclesias seu Monasteria, in locis competentibus a communi fratrum consortio segregati, ponantur ad agendum poenitentiam, ibique vite necessaria ministrentur eisdem, nec pateat aliis fratribus, aut cuiquam alteri accessus ad eos, nisi prius a Superiore petita, licentia super hoc & obtenta. Si vero huiusmodi fugitivos vel eieſtos inobedientes invenerint, eos excommunicent, & tamdiu faciant ab Ecclesiarum Prælatis excommunicatos pronunciari publice, donec ad mandatum ipsorum humiliter revertantur. Insuper statuimus, quod Prælati & alii, ad quos pertinuerit in ipsa Religione correctiones facere regulares, quotiens & quando pro gravioribus culpis debebunt poenitentias iniungere, hoc faciant cum aliquorum proborum consilio, & tractatu præhabito cum eisdem.

Per præmissa  
Ordinarius  
juri non de-  
rogatur.  
Hæc statuta  
quomodo pu-  
blicanda.

§. 63. Per præmissa vero jurisdictioni Ordinariorum non intendimus derogare.

§. 64. Ut autem statuta huiusmodi, quæ Religionis ejusdem salutem sapiunt & profectum, ad cunctorum professorum ejusdem Ordinis notitiam deducantur, ac inviolabiliter & fideliter observentur ab eis, auctoritate Apostolica præsentium tenore præcipimus, quod statuta prædicta in primis provincialibus Capitulis eorumdem, a principio usque ad finem publice legantur, & solemniter publicentur, erumq; singulæ copię, singulis Ecclesiis, Monasteriis, atque locis Religionis ejusdem habentibus Capitula, Collegia seu Conventus per Præsidentes dictis Capitulis eorum sigillata sigillis tradantur, & etiam assignentur, expensis tamen Capitulorum seu Conventuum, quibus huiusmodi dandæ fuerint copię, conscribenda, quodque in singulis Ecclesiis, Monasteriis, atque locis dicti Ordinis, statuta præfata bis in anno legantur: statutis & consuetudinibus dicti Ordinis & privilegiis quibuscumque, si qua forsan huiusmodi statutis per nos editis obviarent; omni quoad hoc deinceps robore carituris. Nulli ergo, &c.

Si quis, &c.

Dat. die 13.  
Maii 1339.  
Pontif. An. V. catus nostri anno quinto.

## XIV.

Institutio Studii Generalis in  
Civitate Veronen.

Benedictus Episcopus, Servus Servorum Dei,  
ad perpetuam rei memoriam.

**D**UM solícite considerationis indagine perscrutamur, quam sit domum sapientiæ pretiosum &c. cetera prout in Constitutione .....

§. 1. Cum igitur Civitas Veronen., pro-

pter ipsius commoditates & condiciones, quamplurimas apta non modicum generali studio censeatur; Nos profectibus publicis multipliciter expedire credentes, ut in Civitate prædicta cultores sapientiæ inferantur, fructum uberem largiente Domino in tempore producturi, Apostolica auctoritate concedimus, & tenore præsentium indulgemus, ut in Civitate præfata sit deinceps in jure Canonico, & Civili, & in medicina, & artibus perpetuum Studium Generale, in quo Magistri doceant, & Scholares libere studeant & audiant in facultatibus prælibatis, & in eisdem facultatibus Magisterii titulo valeant idonei decorari. Nulli ergo omnino hominum liceat hanc paginam nostræ concessionis infringere &c.

Datum Avenionidecimo Kalendas Octobris, Pontificatus nostri anno Quinto.

Dat. die 22.  
Septembris  
1339. An. V.

## X V.

De Studio Generali in Civitate Gratianopolitana erecto, nonnullisque  
ejusdem legibus.

Benedictus Episcopus, Servus Servorum Dei,  
Venerabili Fratri Joanni Episcopo Gratianopolitan., ejusque Successoribus canonice substituendis Salutem, & Apostolicam Benedictionem.

Ex Regest. in  
eodem Archi-  
vio.

**I**Nter cuncta desideria, quæ grata nostris occurrunt affectibus, illud præcipue menti nostræ inhærere dignoscitur, ut Catholicæ Fidei Professores expulsis ignorantiae tenebris gloriosa literarum scientia imbuantur, & laudabilibus sapientiæ studiis eruditi suos actus, & opera disponant, & ordinent in lumine veritatis: quodque literarum studia, in quibus margarita scientiæ reperiuntur, laudanda ubilibet incrementa suscipiant, & propensius invalescant, in illis præsertim locis, quæ ad multiplicanda doctrinæ semina & germina salutaria producenda idonea, & accomoda existere dignoscuntur.

Exordium.

§. 1. Sane dudum diligentius attendentes, quod Civitas Gratianopolitan. propter ipsius commoditates, & condiciones quamplurimas erat apta non modicum Studio Generali; Nos profectibus publicis multipliciter expedire credentes, ut in Civitate prædicta cultores sapientiæ inferantur, fructum uberem largiente Domino in tempore producturi, tum ob præmissa tum etiam ob sinceræ fidei puritatem, & eximie devotionis affectum, quos dilectus Filius nobilis Vir Humbertus Delphinus Viennensis ad Nos, & Apostolicam Sedem gerit, qui super hiis nobis humiliter supplicavit, auctoritate Apostolica concessimus, & per nostras literas duximus indulgendum, ut in Civitate præfata ex tunc foret, in jure videlicet Canonico, & in Civili, & in medicina, & artibus, perpetuum Studium Generale, in quo Magistri doceant, & Scholares libere studeant & audiant in facultatibus prælibatis, & in eisdem

Studium Ge-  
nerale Gra-  
tianopoli id  
erexisse ait.

Ex Regest.  
Vatic. unde  
transcriptum  
hoc Diploma  
edidit Vghe-  
lius Ital. Sac.  
ubi de Ecclesia  
Veronenſi.



dem facultatibus Magisterii titulo valeant idonei decorari.

Licentiandi  
jus Episcopo  
asserunt.

§. 2. Ut autem concessio, & indulgentia hujusmodi ad profectum, & utilitatem studentium, & ad dictum Studium, confluentium efficaciter impleantur, tibi Frater Episcopo, tuisque successoribus Episcopis, Grationopolitan. qui erunt pro tempore in perpetuum imperiendi personis ad hoc idoneis docendi licentiam juxta infrascriptum modum liberam concedimus, auctoritate Apostolica facultatem, auctoritate predicta tenore presentium statuantes, ut si qui processu temporis fuerint, qui sibi in dicto studio docendi licentiam, ut alios decentius erudire valeant petierint impartiri, in jure canonico, & civili, & medicina, & artibus examinari possint ibidem, & in eisdem facultatibus magisterii titulo insigniri: ita tamen ut quotiens aliqui fuerint promovendi, presententur Grationopolitan. Episcopo, qui erit pro tempore, vel ei, quem ad hoc idem Episcopus duxerit deputandum, qui magistros facultatis illius, in qua examinatio fuerit facienda in eodem studio presentibus, & vocatis eos gratis, & difficultate quacumque sublata de scientia, facundia, modo legendi, & aliis, quæ in promovendis ad Doctoratus seu Magistratus officium requiruntur, examinare studeat diligenter: & illos, quos idoneos repererit, petito secreto Magistrorum eorundem consilio, quod utique consilium in ipsorum consulentium dispendium vel jacturam revelari quomodolibet sub divina maledictionis interminatione districtissime prohibemus, approbet & admittat, eisque petitam licentiam largiatur, alios minus idoneos penitus repellendo, postpositis omnino gratia, odio vel favore.

Licentiati hujusmodi ubique terrarum legere possunt.

§. 3. Illi autem, qui in Civitate prefata examinati, & approbati fuerint, ac docendi licentiam obtinuerint, ut, est dictum, ex tunc absque examinatione, vel approbatione alia legendi, & docendi ubique terrarum plenam, & liberam habeant facultatem, nec a quoquam valeant prohiberi.

Juramentum a Magistris præstandum.

§. 4. Sane, ut rite in prefatis examinationibus procedatur præcipimus, ut Magistri legere in eodem studio cupientes antequam incipiant præsent publice juramentum, quod ipsi vocati, ad examinationes easdem venient nisi fuerint legitime impediti, & gratis sine difficultate, odio & favore postpositis dabunt examinationi fidele consilium, qui de examinatis, velut digni approbari debeant, aut indigni merito reprobari. Qui vero juramentum hujusmodi præstare noluerint, nec ad legendum, nec ad examinationes easdem, nec etiam, ad aliqua Universitatis ipsius studii commodum, vel beneficia ullatenus admittantur. Nulli ergo omnino hominum liceat, hanc paginam nostrarum constitutionis prohibitionis, & præcepti infringere &c.

Datum Avenioni secundo Kalendas Octobris, Pontificatus nostri anno Quinto.

## XVI.

Revocatio Vestigialium, & Pedagiorum a Populo Romano absque Sedis Apostolicæ licentia impositorum.

Ex Regestis  
eodem.

Benedictus Episcopus, Servus Servorum Dei, ad futuram rei memoriam.

Consulto provida decrevit antiquitas per novorum impositiones vestigialium, quæ sine principali auctoritate institui non possunt, non fore aliquid exigendum: quinimo Pedagiorum seu Vestigialium hujusmodi exactiones tam jure canonico, quam civili regulariter & merito sunt damnatæ; vetusto etiam more Sanctorum Patrum est in Sancta Romana Ecclesia introductum, quod Romani Pontifices in certis & precipuis Ecclesiæ prefatæ solemnitatibus eos, qui novas pedagiorum exactiones statuere vel imponere præsumunt, nisi sint legitima auctoritate sussulti, sententia excommunicationis involvunt.

Jus imponendi Vestigialia ad quos spectet.

§. 1. Sane nuper, sicut accepimus, Officiales, seu Populus Urbis non attendentes præmissa, absque nostra licentia de novo gabellam seu gabellas ac nova vestigialia in dicta Urbe instituere temere præsumpserunt in magnum Reipublicæ ac libertatis Civium Romanorum, nec non Ecclesiarum, Clericorum, & Peregrinorum præjudicium & gravamen, proponentes de dicta Gabella tenere certam Militiam Equitum, & de ejusdem Gabellæ proveniunt stipendia solvere Equitibus memoratis.

Quandam Gabellam ab Officialibus Romanis impositam.

§. 2. Nos igitur attendentes, quod ejusdem Gabellæ seu Vestigialium institutio eidem Reipublicæ ac libertati Ecclesiasticæ, & immunitati dictorum Civium, nec non Clericorum & Peregrinorum plurimum præjudicialis existit, & quod ex prædicta militia eorundem Civium & aliorum plurimum oppressiones & alia mala quamplurima possent sequi, ac volentes propterea perniciosæ hujusmodi novitati congruis remediis obviare, prædictas Gabellas noviter præsumptione temeraria institutas, quatenus processerunt de facto, auctoritate Apostolica revocamus & annullamus omnino, exactionem earundem fieri districtius inhibentes, eos qui contra inhibitiones hujusmodi post presentium obtentam notitiam, prædictas Gabellas de novo institutas exigere vel similes absque nostra licentia speciali de novo instituere, nec non illos, qui super hiis præstare eis consilium, auxilium vel favorem præsumpserint, decernentes ipso facto excommunicationis sententiæ subiacere.

Revocat, exigique vetat.

Nulli ergo &c.

Datum Avenioni Kalendis Decembris Pontificatus nostri anno Quinto.

Dat. die 1. Decembris 1339. An. V.



## XVII.

Contra eos, qui loco sui alios supponunt examini pro consequendis beneficiis Ecclesiasticis, vel se pro aliis dicto examini supponunt.

Benedictus Episcopus, Servus Servorum Dei,  
ad perpetuam rei memoriam.

Causa eden.  
de Constitu-  
tionis.

**Q**uoniam nonnulli, sicut accepimus, honestati nequitiam, & morum salutem temporalia commoda præferentes, ad subeundum examen, quod hi, qui ad Ecclesiastica Beneficia ex provisionis nostræ gratia fuerint promovendi, in literatura examen subire tenentur, se minus idoneos sentientes, ad illud supponunt alios loco sui, qui dictorum minus idoneorum habere nomina & cognomina, & esse de Civitate seu Diocesi eorundem mendaciter consingentes, examen subeunt pro eisdem, sicque præfati minus idonei, nullum subeuntes examen, per fraudem hujusmodi Beneficia Ecclesiastica consequuntur.

Constitutio  
cum opposi-  
tione pena-  
rum.

§. 1. Nos volentes hujusmodi fraudi poenis debitis percellendæ salubriter obviare, omnes hujusmodi, qui alios supponunt examini loco sui; necnon eos qui aliorum mentitis nominibus hujusmodi examen subeunt pro eisdem, excommunicationis sententiæ ipso facto decernimus subjacere, ac literas nostras per hujusmodi fraudem obtentas, & in posterum obtinendas, omnesque processus ipsarum prætextu habitos vel habendos, fore cassos, vacuos, irritos & inanes & nullius penitus existere firmitatis. Prædicti insuper, qui sibi falsa nomina imponentes pro aliis examen subeunt, ut præfatum omnibus Beneficiis Ecclesiasticis siqua habent, sint eo ipso privati. Si vero nulla Beneficia Ecclesiastica obtineant, eo ipso efficiantur inhabiles ad Beneficia Ecclesiastica.

Nulli ergo &c.

Dat. die 19.  
Decembris  
1339. An. V.

Datum Avinionæ 19. Decembris, Pontificatus nostri anno quinto.

## XVIII.

Ex Regest. in  
Archiv. Va-  
tic. legitur  
quoque apud  
Baluzium  
Miscellan.  
Tom. VII.  
pag. 142.

Declaratio super certis Capitulis contentis in Constitutione edita super statu Ordinis Monachorum Nigrorum.

Benedictus Episcopus, Servus Servorum Dei,  
Ad perpetuam rei memoriam.

Nonnulla  
dubia ex Con-  
stitutionibus  
hujusmodi  
Ordinis exorta.

**D**udum pro bono, & salubri statu Religionis, seu Ordinis Monachorum Nigrorum nonnulla statuta, & ordinationes certis distincta Capitulis adhibitis nobis nonnullis ex Fratribus nostris Sanctæ Romanæ Ecclesiæ Cardinalibus & pluribus Prælatibus ejusdem Ordinis Decretorum Doctoribus consulta deliberatione in Religione ipsa vigilanter edidimus in nonnullis ipsorum Capitulorum ad-

jicientes poenas quas transgressores, seu contemptores, vel non observatores ipsorum incurere volumus ipso facto, ex quibus apud Provincialia Capitula secundum dicta statuta postmodum celebrata, & Conventus quamplurium Monasteriorum insignes difficultates, & infra scripta dubia sunt exorta. Quibus ad audientiam nostram deductis, nos ad eorum supplicationis instantiam, quædam ex eis moderanda, & mitiganda aliqua vero mutanda, & declaranda duximus, sicut suadente æquitate, & pro consideratione fragilitatis humanæ, & multorum supplicum, qui in culpas interdum per juris ignorantiam facilius prolabuntur, cognovimus expedire.

§. 1. In primis siquidem quia in Capitulo posito sub rubrica de Visitatoribus sub ipsius Capituli principium continetur, quod si Visitatores ea, quæ in generalis Concilii, & Honorii Papæ Tertii prædecessoris nostri Constitutionibus statuta existere dignoscuntur exequi omiserint negligenter illas poenas ipso facto incurrant, quas incurrunt ii, qui non veniunt ad Capitulum Provinciale præpeditorem canonicam non habentes; Nos ex rationabilibus causis inducti, eos duntaxat puniri volumus in expensis, quas recaperint a locis visitatis per eos, in quibus secundum arbitrium Provincialis Capituli se habuerint negligenter, præfato Capitulo applicandis.

De Visitato-  
ribus.

§. 3. Rursus statuto posito sub rubrica de Capitulis Generalibus celebrandis, ubi circa ejus principium dicitur, quod in singulis Ecclesiis Cathedralibus, & Monasteriis annis singulis Generale Capitulum celebretur, in quo cum Prælatibus eorum alii Abbates, Priores, Prælati, & administratores eisdem immediate subjecti studeant convenire, adjiciendum fore providimus, ut si forsitan aliquis ex locis prædictis, in quibus debet dictum Capitulum celebrari membra habeat adeo sibi remota, quod administratores principales dictorum membrorum nequeant annis singulis ad dictum Capitulum absque notabili dispendio convenire, tunc teneatur dictum Capitulum ordinare, quando administratores hujusmodi sic distantes convenire ad dictum Capitulum teneantur. Illud vero quod in dicto statuto subnectitur, quod illi qui venire tenentur ad Provinciale Capitulum de triennio in triennium, & ad cujuslibet Ecclesiæ, vel Monasterii Capitula annuatim vivant cum aliis ipsius loci Monachis in communi, & familiaribus suis Clericis, & Laicis, & etiam evectionibus extra Ecclesias, & Monasteria, & loca ipsa de suis propriis redditibus providere in necessariis teneantur, quavis constitutione, vel consuetudine contrariis non obstantibus suadentibus rationabilibus causis per modum intelligi volumus infra scriptum, ut si forte, ex consuetudine, vel statuto, aut alia ordinatione rationabili incumberet alii, seu aliis onus expensarum hujusmodi faciendi consuetudine, statuto, seu ordinationi hujusmodi per dictas constitutiones, seu ordinationes nostras nullatenus derogetur. Eos tamen quibus hujusmodi expensarum onus incumbit si ex hoc illis annis, quibus fieri volumus Capitulum me-

De expensis  
subministran-  
dis venienti-  
bus ad annua-  
le Capitulum



memoratum, vel ex aliis supra, vel infra statutis ipsos ampliores expensas facere contigerit, nolumus in expensis plus solito prægravari, sed tunc hujusmodi expensæ in quantum ultra solitum fuerint ampliores, fiant per omnes simul proportionabiliter, ut præfertur.

De Vita communi venientium ad Capitula.

§. 4. Super eo vero, quod in eodem Statuto dicitur, quod convenientes ad dicta Capitula vitam ducant communem, & faciant proportionaliter simul omnes expensas, id intelligi volumus, quoad Provincialia Capitula, si hoc commode fieri possit.

De Studentibus ad Generalia studia transmittendis.

§. 5. Cæterum illud, quod in Capitulo posito sub rubrica de studentibus ad generalia studia transmittendis circa ejus principium continetur: videlicet, quod loca habentia octo Monachos aliis principalibus locis subjecta in computatione Vicenarii numeri, ac Missionem cum eisdem locis principalibus, quibus subsunt, jungantur; intelligi volumus de locis subjectis, in quibus fuerint octo Monachi, etiam illo, qui præest eisdem, in hujusmodi numero computato. Adiciamus etiam, quod si hujusmodi loca subjecta viginti Monachos, vel plures habuerint, per se faciant hujusmodi Studentium missionem, nec quantum ad hoc cum locis principalibus jungantur. Quinimo si alia loca eis subjecta octo Monachos habuerint, cum immediatis Superioribus, quantum ad missionem hujusmodi, jungantur. Si vero fuerit Ecclesia, Monasterium, vel alius locus principalis, in quo Vicenarius Monachorum numerus non existat, si tamen ibi numerus major senario, teneantur Visitatores per Capitulum Provinciale deputati, cum in eis Visitationis officium exercent, inquirere de facultatibus, & oneribus eorumdem, & si hujusmodi oneribus supportatis invenerint facultates sufficere pro uno, vel pluribus Monachis ad dicta studia destinandas, relationem de hoc faciant in Provinciali Capitulo subsequenti, in quo Præsidentes cum consilio, & assensu majoris partis Capituli ordinent auctoritate Apostolica, juxta hujusmodi suppetentiam facultatum, de uno, vel pluribus Monachis ad eadem studia destinandis. Volumus insuper quod in quocumque loco, a quo de consuetudine, vel ordinatione, seu Statuto, quæ decrevimus inviolabiliter observanda, plures ad hujusmodi studia mittendi fuerint, quam sit in Constitutionibus nostris hujusmodi ordinatum, serventur deinceps circa nominandas, eligendas, & licentiandas personas hujusmodi mittendorum, ea, quæ per nos circa alios mittendos ad studia in eisdem Constitutionibus continentur.

De Pensionibus studentium.

§. 6. Præterea illud, quod in Capitulo posito sub rubrica de pensionibus Studentium continetur, videlicet, quod nullus aliquid de hujusmodi pensionibus, seu fructibus, redditibus, vel proventibus, quæ, vel qui assignantur pro pensionibus ipsis, dare seu commutare, aut quomodolibet alienare præsumat, intelligimus, vel intelligi volumus in dimissionem scilicet pensionum, seu præjudicium Studentium prædictorum, volumus tamen, quod in casu, in quo fieret hujusmodi commutatio, ad hoc ut Studentibus præ-

judicium nullum fiat, fructus, redditus, & proventus, seu loca, quæ fuerint subrogata, seu successerint in locum priorum, sicut illa pro dictis pensionibus perpetuo remaneant obligata. Inter alia etiam ordinavimus in eodem Capitulo, quod pensiones Studentium de communi contributione inter caput, & membra ipsum caput pertinentia facienda solverentur, quousque certi perpetui redditus pro ipsis pensionibus existerent assignati, pro prædictis quoque pensionibus beneficiorum uniones, & pensionum impositiones sub certa forma fieri volumus, prout in eodem Capitulo continetur. Cum autem, sicut ex quorundam relatione percepimus, ex unionibus, & impositionibus hujusmodi difficultates, & nonnulla dispendia sint secuta, & plura, & majora sequi in posterum formidentur; nos in hac parte, mederi præteritis, & præcavere futuris dispendiis cupientes, uniones, & pensionum impositiones quasunque auctoritate nostra propterea jam factas omnino cassantes, & potestatem super iis per nos quibuscumque concessam totaliter revocantes, per modum, qui sequitur circa pensiones dictorum studentium providimus, videlicet, quod ubi mittendi ad studia fuerint in Ecclesia, Monasterio, five loco unde mittentur, tantum vel amplius in victualibus, & vestiario percepturi, quantum summæ prætaxatarum pensionum ascendunt, valorem eorum habeant in pecunia pro hujusmodi pensione in studio residendo. Valorem autem hujusmodiolvere teneantur temporibus pro pensionibus solvendis statutis, ii qui victualia, & vestiarius ministrabunt, & in primo Capitulo generali per tres bonos viros per ipsum Capitulum, vel majorem partem, ipsius deputandos fiat estimatio prædictorum in pecunia fideliter, unum annum cum alio compensando, ac illa in estimatione hujusmodi computando, quæ ex bono, & æquo viderint computanda. Si vero ea, quæ recepturi forent, seu valore eorum ad summam dictarum pensionum forsitan non ascendat de communi contributione facienda per modum in eodem Capitulo de pensionibus studentium positum, id quod defuerit, suppleatur, donec de perpetuis, & certis redditibus pro iis de novo acquisitis fieri valeat hujusmodi supplementum: si autem in aliqua Ecclesia, Monasterio, five loco Religionis ejusdem taxatum, seu ordinatum existit, quid, & quantum pro victu, & vestitu Monacho in studio existenti oporteret in pecunia, vel rebus aliis assignari; illud detur, & assignetur loco victus, & vestitus per eos, qui ad eorum solutionem tenebuntur, ei qui, ut præmissum est, ad studia transmittetur, & in eo casu, quo non pecunia, sed res aliæ consueverunt ipsis studentibus assignari, fiat earum rerum estimatio per deputatos prædictos. Et si hujusmodi pecunia, vel res summas dictarum pensionum studentium prædictorum, excedunt, id quod plus recipi consuevit, non diminuatur: si vero ad summas hujusmodi non ascendat, id quod deerit de communi contributione, ut præmittitur, suppleatur, quousque ea, quæ per communem contributionem hujusmodi in supplementum prædictum dari



debent studentibus, instructoribus prælibatis in certis, & perpetuis redditibus pro iis de novo acquisitis fuerint assignata. Illud quoque, quod in eodem Capitulo continetur videlicet, ne de studentium pensione alia prædictorum cuiquam valeat provideri, nisi ipse electus, & licentius fuerit, prout est in dicto Capitulo ordinatum, alias nulla sit assignatio huiusmodi ipso iure, nec per eam jus alicui acquiratur, & tam assignans, quam accipiens teneantur ad restitutionem omnium, quæ exinde recepta fuerint, faciendam, & nihilominus poenis subjaceant superius in eodem Capitulo designatis; id intelligi volumus, cum scilicet peccatum fuerit in modo vel forma electionis, vel nominationis prædictæ. Quia vero in eo Capitulo continetur, quod præfidentes, & alii convenientes ad Provinciale Capitulum provideant, ut Monachi ad dicta studia transmittendi insimul commorentur saltem deni ad minus; concedimus, quo dicti Præfidentes possent in Provinciali Capitulo si eis expediens visum fuerit ordinare, quod Monachi numero pauciores, usque ad senarium numerum simul morari valeant in studiis supradictis. Quod autem in dicto Capitulo, in paragrafo: Rursus statuimus &c. inter alia continetur. Quod illi qui ad Baccalaureatum, & ad legendum Decretales in Parisiensi studio assumi voluerint & in ipso Parisiensi, vel quovis alio generali studio, audiverint jura canonica per sex annos, de quibus per tres annos minus audierit Decretum, necnon illi, qui ad magistrum in decretis, vel ad lecturam Decretorum assumi voluerint in præfato Parisiensi studio, & ibi, vel in alio generali studio jura canonica, ut Baccalauri legerint per quinque annos, & de hoc primo fidem fecerint per eorum proprium, & duorum aliorum juramentum; intelligi volumus, quod duo præfati addito eis tertio solum jurare debeant se credere huiusmodi ad Baccalaureatum assumendos, vel magistrandos, seu etiam ad lecturam decretorum assumendos verum jurasse.

De mutuis.

§. 7. Verba autem illa, quæ in Capitulo posito sub rubrica de Mutuis, in paragrafo: Volentes itaque, continentur scilicet obligando, seu submittendo &c. ad omnem ambiguitatem tollendam intelligi volumus de obligatione, & submissione speciali, & expressa.

De Forma  
juramenti a  
Præfatis præ-  
standi.

§. 8. Rursus illud quod in Capitulo posito sub rubrica de forma juramenti a Præfatis præstandi in paragrafo, qui incipit: Decernimus, continetur, videlicet, quod cum Civitas, Castrum &c. vendenda, vel obliganda extiterint, quo ad obligationem huiusmodi intelligi volumus, si obligatio ipsa fiat principaliter, specialiter, & expressa.

De Locis non  
tradendis ad  
firmam.

§. 9. Porro ad Capitulum positum sub rubrica de locis non tradendis ad firmam, adjicimus, quod per contenta in eo non intendimus prohibere, quo minus Antistites, Abbates, Priores, & administratores alii redditus, & proventus administrationum suarum locare, seu vendere valeant absque solemnitate in Capitulo ipso apposita ad tempus modicum, quod triennium non excedat juxta morem in

regione, in qua erunt, solitum observari statutis etiam rationabilibus Ecclesiarum, vel Monasteriorum, vel aliorum locorum Religionis ejusdem, si qua super hoc fuerint, observatis. Si vero talis traditio, vel concessio ad firmam tempus triennii forsitan excedat, volumus quod omnes solemnitates in ipso Capitulo posite, debeant observari. Volumus etiam quod decimæ, & primitiæ nonnisi usque ad annum tradi possint ad firmam, & quod per hoc in casibus aliis non præjudicetur contentis in ordinationibus prælibatis. Si tamen ex huiusmodi locatione, seu venditione proventuum ad tempus modicum, ut præmittitur, facienda contingeret infra unum annum recipi pecuniam, vel aliud, quod pretium proventuum, unius anni rei venditæ, seu locatæ excederet, tunc servari volumus solemnitates contentas in Capitulo memorato.

§. 10. Quod autem in Capitulo posito sub rubrica, ne mulieres habitent in locis Monachorum, prohibetur expresse, ne Antistites, Abbates, Priores, & ceteri administratores in Ecclesiis Monasteriis, seu locis aliis Ordinis, & Religionis ejusdem, aut infra septa ipsorum mulieres tenere præsumant, declaramus de illis domibus, locis, & septis Religionis ejusdem debere intelligi, in quibus debent Monachi residere.

Ne mulieres  
habitent in  
locis Mona-  
chorum.

§. 11. Illud siquidem quod in Capitulo posito sub rubrica de creatione Monachorum circa ejus principium continetur, videlicet, quod induantur Monachi, cum proborum consilio Ecclesiæ, Monasterii, Prioratus, Decanatus, aut loci, cui ii ad quos pertinet creatio eorumdem præfuerint; intelligi volumus in locis dumtaxat, in quibus de consuetudine, privilegio, vel statuto requiri debet proborum consilium prædictorum.

De creatione  
Monachorum

§. 12. Ceterum illud, quod continetur in Capitulo posito sub rubrica de licentiis eundi extra Monasteria, vel alia loca, in versiculo, qui incipit: Si quis vero Monachus contrarium fecerit; intelligi volumus cum Monachus de Monasterio, & loco Conventuali a Superiore suo non petita licentia, nec obtenta exire præsumserit, vel cum obtenta dicta licentia exiverit, & cessante impedimento legitimo in præfixo sibi termino non duxerit redeundum.

De Licentiis  
eundi extra  
Monasteria.

§. 13. Denique quia in eisdem Constitutionibus nonnulla Capitula continentur per quæ poenæ, seu sententiæ excommunicationis, suspensionis, & interdicti, ac etiam inhabilitatis in personas dictæ Religionis interdum, sine aliqua moderatione temporis proferuntur, quas siquidem poenas, seu sententias nonnulli per inadvertentiam, simplicitatem, seu ignorantiam, seu etiam propter ambiguitatem dictorum Capitulorum forsitan incurrerunt, nos ad eorum supplicationis instantiam pro animarum ipsorum salute præfatis personis dictæ Religionis cujuscunque status, seu conditionis existant, quæ prædictas poenas, vel seu sententias incurrerint, providere salubriter intendentes, volumus, & tenore præsentium concedimus hac vice, quod persone in dicta Religione Superiores non habentes quæ prædictas poenas vel sententias incurrerint, ab ali-

De poenis quæ  
a Constitutio-  
nibus inten-  
tantur contra  
transgressores.



## C L E M E N S V I.

P A P A C X C V I I I .

ANNO DOM. MCCCXLII

aliquo Præsidentium, ceteræ vero personæ per suos immediate Superiores possint si humiliter petierint, a prædictis sententiis iuxta Ecclesiæ formam absolvi, & ab eis tam super irregularitate, si quam forsân prædictis ligatæ sententiis celebrando divina, vel se ingerendo eisdem contraxerunt, quam super inhabilitate præmissorum occasione contracta dispensationis, & habilitationis gratiam obtinere, injunctis eis super iis, quæ de iure fuerint iniungenda. Poenas vero temporales, quas per Constitutiones easdem personæ prædictæ forsân incurrerunt, de quibus per eas nondum extitit satisfactum, volentes hac vice misericorditer agere cum eisdem, Apostolica auctoritate remittimus de gratia speciali.

Clausula.

Nulli ergo hominum liceat hanc paginam nostrarum voluntatum, adiectionum, constitutionum, cassationum, revocationis, declarationis, & remissionis infringere, vel ei ausu temerario contraire.

Si quis autem hoc attentare præsumpserit indignationem omnipotentis Dei, & beatorum Petri, & Pauli Apostolorum eius se noverit incursurum.

Dat. die 5.  
Decembris  
1340. An. VI.

Datum Avenione Nonis Decembris, Pontificatus nostri anno VI.



**D**ie septima Mensis Maii anno 1342. electus est in Romanum Pontificem, & Clemens VI. voluit appellari, Petrus Rogerius Presbyter Cardinalis SS. Nerei & Achillei tituli Fasciolæ, qui solemniter coronatus est Avenione die 19. ejusdem mensis in die Pentecostes. Sedit in Pontificatu annis X. mensibus fere septem a die electionis ejus computandis: a die vero coronationis annis X. mensibus VI. diebus XVIII. imperantibus in Oriente Joanne Palæologo Imperatore, in Occidente vero Carolo IV. Rege Romanorum. Obiit die 6. Decembris 1352. & corpus ejus depositum est Avenione in Ecclesia B. Mariæ: indeque translatum ad Monasterium Casæ-Dei in Alvernia. Vacavit Sedes dies XII.



## I.

Ext. apud  
Raynald. ad  
ann. 1341.  
9.83.

Insignium Sacerdotiorum, atque Ecclesiasticarum dignitatum provisio in Sicilia Regno Sedi Apostolica reservatur ad tempus.

Clemens Episcopus, Servus Servorum Dei, ad futuram rei memoriam.

Miserum Siciliae statum deplorat.

**D**UM statum miserabilem Insulae Siciliae, quae propter inobedientias, & excessus nefandos varios contra Romanam Ecclesiam commissos ibidem, interdicto Ecclesiastico subiacere, ac diu subjacuisse noscitur, mentis oculis intuemur, eidem more paterno compatimur, piis desideriis affectantes, quod per veram obedientiam, & satis factionem debitam a suis relevari periculosis opprobriis, & ad statum dirigi prosperum mereretur.

Causa hujusmodi reservationis factionis.

**S.** 1. Cum autem propter hanc, & alia circa praemissa diligentius attendenda opportunum admodum existimetur, quod in Ecclesiis praesertim Cathedralibus, & aliis locis Ecclesiasticis ejusdem Insulae praecipuis, Praelati, & Rectores praeficiantur idonei, per quorum fidelitatem, & circumspectam industriam Ecclesiarum, & locorum praedictorum posse provideri utilitatibus, & salubriter consuli statui supradicto speretur; nos his, & aliis causis honestis, & rationabilibus animum nostrum ad id moventibus, nonnullorum praedecessorum nostrorum Romanorum Pontificum in hac parte vestigiis inherentes, provisiones, & dispositiones omnium, & singularum Archiepiscopatum, Episcopatum, Collegiarum Ecclesiarum, necnon Abbatiarum, Monasteriorum, & Prioratum Conventualium Regularium, & Sacularium, exemptorum, & non exemptorum nunc vacantium, & in antea vacaturorum infra dictam Insulam consistentium, in quibus Praelati, seu Rectores consueverunt per electionem assumi, si, cum, & quotiens casus vacationis emerferit, usque ad biennium a prima die Junii proximo instantis, quo terminabitur tempus reservationis per felices recordationis Benedictum Papam XII. Praedecessorem nostrum olim de illis factae in antea computandam, nobis, & Sedi Apostolica auctoritate Apostolica reservamus; universis Ecclesiarum, Abbatiarum, Monasteriorum, & Prioratum praedictorum Capitulis, Collegiis, & Conventibus, ac personis districtius inhibentes, ne in eis hujusmodi reservatione durante ad electionem, postulationem, vel provisionem aliquam praesumant procedere, aliquo modo, ac decernentes ex nunc irritum, & inane, si secus super ipsis, per quosvis alios, quavis auctoritate scienter, vel ignoranter contigerit attentari. Caterum volumus, & nostrae intentionis existit, quod reservatio, inhibitio, & Decretum hujusmodi, ad Monasteria Monialium, & aliarum Religiosarum Mulierum, & ad Ecclesias, vel Prioratus non Conventuales, seu quorum fructus, redditus, & proventus annui summam quinquaginta florenorum auri secundum communem estimationem non excedunt nullatenus extendantur.

Reservatio, de qua in Rubrica.

Nulli ergo omnino hominum liceat hanc paginam nostrae reservationis, inhibitionis, & Decreti infringere, vel ei ausu temerario contraire. Si quis autem hoc attentare praesumpserit indignationem omnipotentis Dei, & beatorum Petri, & Pauli Apostolorum ejus se noverit incursurum.

Datum Avenioni tertio nonas Maii Pontificatus nostri anno primo.

Dat. die 5.  
Maii 1343.  
An. I.

## II.

Declaratio, quod Rege Siciliae minore Regni Procuratio spectat ad Sedem Apostolicam.

Ibid. 9.75.

Clemens Episcopus Servus Servorum Dei Ad futuram rei memoriam.

**E**X ore sedentis in Apostolica Solio dignitatis debet adinstar illius, cuius vices gerit, gladius procedere bis acutus, ut aequo libramine cuncta ad examen ipsius deducta prudenter appendens jus suum unicuique tribuat, & in iustitia nulli parcat: quem tunc bene agere nos cognoscimus cum tam nostris, quam subditorum, non declinando ad dextram, vel sinistram, invigilamus remediis, futuris occurrimus periculis, ac iniuste, & improvide attentata, quae partus forsitans se deteriores haberent, si ipsorum inefficacia in publicum pracone iustitia non iusti censura Judicii reformamus. Tuncque cum majora timentur provenire dispendia promptiori, & uberiori cautela sine personarum acceptione provisionis nostrae remedio subvenimus.

Proemium.

**S.** 1. Sane ad Apostolatus nostri notitiam pridem deducto, quod clarae memoriae Robertus Rex Siciliae in ultimo testamento suo inter caetera ordinaverat, & mandaverat, quod venerabilis Frater noster Philippus Episcopus Cavalicensis, & charissima in Christo filia nostra Sancia Regina Siciliae illustris, ac dilecti filii nobiles viri Philippus de Sanguinero Altifluminis Gaufridus de Marsano Squilarii Comites, ac Carolus Artus essent, & esse deberent Gubernatores, dispensatores, Rectores, & administratores, vel quocumque alio modo, & nomine melius poterant de jure censer, Charissimae in Christo filiae nostrae Johanna Reginae Siciliae illustris neptis suae ex unico filio primogenita, eidem Regi in Regno Siciliae, & terris citra Pharum usque ad Confinia Terrarum Ecclesiae (excepta Civitate Beneventana cum ejus territorio ad Romanam Ecclesiam pertinente) juxta conventiones inter ipsam Romanam Ecclesiam, & clarae memoriae Carolum primum Regem Siciliae, ipsius Roberti Avum, initas succedentis, volens, & mandans, quod praefata Johanna, donec complevisset vigesimum quintum annum, nihil deberet, vel posset quomodocumque, & qualitercumque agere, seu facere in judicio, vel extra Judicium contrahendo, dando, & alienando, seu alias quemcumque actum

Qui fuerint a Roberto Rege Procuratores Regni constituti.



actum legitimum faciendo sine expressa conscientia, & assensu principaliter dictæ Sancia, & aliorum prædictorum quos Gubernatores, Dispensatores, Rectores, & administratores dictorum Regine, & Regni statuebat, & quod si ante lapsum prædicti temporis dicta Johanna secus forte faceret, quod non credebatur, nec intendebat ipse Rex, ut dicebat, ipso jure esse nullum, & prorsus vacuum, & inane, quam ordinationem, & voluntatem dicta Johanna se inviolabiliter promiserat servaturam; Intellecto quoque, quod Episcopus, Sancia, & alii supradicti post mortem dicti Regis, virtute ordinationis prædictæ multa gesserant, & administraverant, gerebant, & administrabant, & dicta Johanna gubernanti, & regenti in contractibus judiciis, & aliis diversis agendis auctoritatem, & consensum præstiterant, & præstabant; ipsa enim Johanna interdum cum prædictorum, & aliquorum ex ipsis auctoritate, & assensu, & interdum per se, vel aliquorum ex eis non interveniente consensu gerebat, disponebat, & administrabat in Regno, & terris prædictis donando, investiendo feuda, dignitates, administrationes, & officia perpetua, & temporalia concedendo, & aliter contrahendo, & alios actus judicialiter, & extrajudicialiter exercendo; Nos considerantes, quod dicta Johanna Regina adhuc talis est ætatis, quod ipsa ad administrationem Regni, & Terrarum prædictorum propter defectum ætatis hujusmodi minus idonea existit, & quod propterea ad nos, qui ejusdem Joannæ immediati Superiores existimus, & totius Regni, & terrarum prædictorum directum, & altum Dominium obtinemus, cura, administratio, defensio, gubernatio, & Bailia Regni, & terrarum prædictorum gerenda per nos, vel alium seu alios idoneos, quos ad hoc duxerimus deputandos sic plene, & in solidum de iure & diversorum prædecessorum nostrorum Romanorum Pontificum observantia pacifica istis dignoscitur temporibus pertinere, quod nec prædictus Rex, Gubernatores, Rectores, & administratores hujusmodi, pro tempore, quo gubernatio, administratio per Bailia hujusmodi ad nos ut præmittitur, pertinet, dictis Joannæ, & Regno nullo modo poterat deputare, & propterea prædicti Episcopus, Sancia, Philippus Gaufridus, & Carolus, tamquam dati & deputati administratores, & gubernatores ab illo, cuius dandi saltem pro dicto tempore minime competeat, administrare, gubernare & regere, seu prædictæ Joannæ in agendis auctoritatem, & consensum, seu assensum prætextu, vel virtute ordinationis prædictæ præstare nullatenus potuerunt, nec dicta Johanna cum auctoritate, seu consensu ipsorum, nec etiam per se ipsam, sive illis hujusmodi tempore de dispositione, & gubernatione, Regni, & Terrarum prædictorum, vendendo dando feuda, dignitates, & Officia perpetua vel temporalia concedendo, investituras faciendi, seu quosvis alios actus legitimos in judiciis, vel extra Judicialibus exercendo se proterant intromittere quoquomodo, sive quæ ex gestis per eam cum dictorum Episcopi, Sancia & aliorum vel aliquorum ex eis aucto-

Joanna stare eorum administrationi promissit.

Ad quem Regni administratio spectet.

Joannæ gesta ducuntur fulta.

ritate, seu consensu, vel per se ipsam, eorum non interveniente consensu, seu per ipsos Episcopum, Sancia, & alios supradictos, qui nullum habuerunt, nec habent dispensationis, gubernationis hujusmodi potestatem, decipiuntur subditi, & alii, cum dicta Johanna, seu cum Episcopo, Sancia, & aliis sepafatis vel eorum auctoritate vel assensu contrahentes, seu quævis alia negotia exercentes, & Officia, dignitates, administrationes, investituras, vel quæcumque alia ipsis intervenientibus obtinentes, cum ex administratione gestione, & gubernatione talium umbra quædam solum ostendatur in opere, nulla autem subsit realis veritas in effectu; ac volentes, sicut tenemur, damnis, & periculis, quibus Regni & terrarum prædictorum incolæ nostri quidem, & Ecclesiæ Romanæ homines principaliter vassalli subijci propterea possint occurrere, ac indemnitati prædictæ Romanæ Ecclesiæ, cui ex prædictis magnum, nisi sic præsumptis obviaretur conatibus, præjudicium pararetur, quantum cum Deo possumus, providere, deliberavimus cum Fratribus nostris tam periculoso errori, ne eum approbare tacite videamur, resistere & male incohatis occurrere, ne tractu temporis invalescant per tolerantiam & eisdem vires dissimulatio subministraret.

§. 2. Ideoque de eorumdem Fratrum consilio præsentis sanctionis oraculo decrevimus, & ex certa scientia declaramus prædictum Regem non debuisse, nec potuisse prænominatos Episcopum, Sancia, & alios gubernatores, dispensatores, Rectores, Administratores dictorum Joannæ Regine & Regni pro istis saltem temporibus, quibus gubernatio bailia, & administratio, ut præmittitur pertinet, sicut nec quosvis alios dare, ordinare, vel quomodolibet deputare, nec ipsos Episcopum, Sancia, & alios debuisse, nec potuisse ex ordinatione ipsius Regis administrationem, & gubernationem ipsorum Joannæ & Regni recipere, vel ad ipsam administrationem, & gubernationem sive per se ipsos, sive dictæ Joannæ auctoritatem consensum, vel assensum in Judicio, vel extra Judicium, seu alias qualitercumque præstando se ingerere, vel ipsi administrationi, directe, vel indirecte virtute ordinationis prædictæ quomodolibet immiscere, nec dictam Joannam cum auctoritate, seu consensu ipsorum, neque etiam per se ipsam, prædictorum non interveniente consensu de gubernatione, & administratione prædictorum Regni, & Terrarum se intromittere aliquomodo istis temporibus, ut præmittitur potuisse, nec potuisse.

§. 3. Declaramus insuper omnia gesta, acta, & administrata qualitercumque virtute ordinationis hujusmodi per nominatos Episcopum, Sancia, & alios communiter, vel divisim, & per præfatam Joannam cum auctoritate, & assensu ipsorum auctoritate, vel consensu, sive sint venditiones, donationes feudorum, officiorum, & dignitatum, perpetuorum, vel temporalium concessiones, investituræ, seu quævis alia judicialia, & extrajudicialia quocumque nomine appellentur, cas-

Decretum Pontificium circa Regni procuracione.

Joannæ gesta rescilla.



Irritata etiam  
quæ fieri con-  
tinget in futu-  
rum.

Procuratores  
a Roberto in-  
stituti exau-  
ditorati:

Aymericus  
Tit. S. Marti-  
ni in Monti-  
bus Legatus  
Regno admi-  
nistrando pre-  
facitur.

sa omnino esse, & irrita, nullumque debuisse, vel debere sortiri effectum, nec alicujus existere firmitatis.

§. 4. Et nihilominus hujusmodi acta, gesta, disposita, & administrata, ut præmittitur per prædictam Joannam, quoquomodo, seu per alios supradictos, vel ipsorum, aut aliquorum ex ipsis, auctoritate, consensu, seu assensu, quatenus processerunt de facto, & quæ pro tempore, quo ad nos administratio, ut præmittitur pertinebat, per ipsam Joannam, vel prædictos, vel eorum auctoritate, vel consensu, modo, & forma præmissis fieri, geri, & administrari contingeret in futurum non obstante iuramento per sæpefatam Joannam, præstito, cassamus, irritamus, & cassa, & irrita nuntiamus.

§. 5. Inhibemus quoque præfatis Episcopo, Joannæ, Sancia, Philippo, Gaufrido, & Carolo sub poena excommunicationis, quam ipsos, & eorum singulos non parentes huiusmodi nostris prohibitionibus, & mandatis non obstantibus quibuscumque privilegiis incurrere volumus ipso facto, ne post habitam præsentis decreti, declarationis, ordinationis, & inhibitionis notitiam, prædicta Joanna durante dicto tempore de dispositione, administratione, & gubernatione dictorum Regni, & Terrarum seu sine auctoritate, vel consensu prædictorum Episcopi, Sancia, & aliorum, nec etiam ipsi Episcopus, Sancia, & alii, sive per se gerendo, & administrando, sive ipsi Joannæ auctoritatem, seu consensum virtute prædictæ ordinationis ipsius Roberti Regis, ut præmittitur, præstando directe, vel indirecte, seu aliquammodo intromittant, nec se administratores, seu Gubernatores Regni, seu Regine, vel quovis alio nomine, occasione ordinationis prædicti Regis nullatenus verbo, vel scriptura nominent, vel faciant ab aliis nominari.

§. 6. Cæterum, ut Incolæ dicti Regni, quos in visceribus gerimus charitatis, vel quivis alii cum dictis Episcopo, Sancia, Philippo, Gaufrido, & Carolo tamquam cum administratoribus, & gubernatoribus prædictorum Regni, seu Regine, vel cum dicta Joanna de auctoritate, consensu, vel assensu ipsorum communiter, vel divisim, vel eorum non interveniente consensu quomodolibet contraxerunt, vel ab ipsa Joanna, feuda, investituras, dignitates, officia, seu administrationes aliquas receperunt, vel qui cum ea, seu prædictis, vel Judicibus, seu Officialibus aliis deputatis ab ipsis in iudicio, vel extra quovis modo aliqua gerere, vel agere habuerunt bonam fidem habentes, ex ignorantia se læsos non lugeant, seu deceptos; nos eisdem providere paterna pietate dilecto filio nostro Aymerico tituli Sancti Martini in Montibus Presbytero Cardinali Apostolicæ Sedis Legato per nos in dictis Regno, & Terris administratore, gubernatore, & bailo deputato committimus per præfatos, quod ea, quæ per præfatos Episcopum, Sancia, & alios, vel per prædictam Joannam, cum etiam, vel sine auctoritate, consensu, vel assensu eorum, seu aliquorum ex ipsis gesta, & administrata repererit utiliter, & alias rite, & non in Romanæ Ecclesiæ

seu Regni præjudicium processisse, de patientia toleret, vel prout sibi videbitur auctoritate nostra approbet, & confirmet.

§. 7. Per prædicta autem non intendimus quin ea, quæ præfati Episcopus, Sancia, Philippus, Gaufridus, & Carolus ab ipso Roberto executores etiam deputati, tamquam executores ex virtute executionis dumtaxat, ac prout, & in quantum executorum potestas, & ministerium legitime se extendit, gesserunt, & administraverunt, seu eos gerere, & administrare contigerit in futurum, plenam, & perfectam, ac per præsentem Constitutionem, & ordinationem in nullo diminutam obtineant roboris firmitatem.

Nulli ergo omnino hominum liceat hanc paginam nostri Decreti, recisionis, prohibitionis, & constitutionis infringere, vel ei ausu temerario contraire; Si quis &c.

Datum Avenioni quarto Kalendas Decembris Pontificatus nostri anno secundo.

Clausula.

Dat. die 28.  
Novembris  
1343. An. II.

### III.

Facultas Abbatis Congregationis Monachorum B. Mariæ Montis Oliveti, Ordinis S. Benedicti, retinendi & acquirendi nova loca & Monasteria, ibique Ecclesiastica Sacramenta ministrandi.

*Hanc Congregationem approbavit Joannes XXII. Constitutione XXXVI. pag. 191. Cum a nobis.*

Clemens Episcopus, Servus Servorum Dei; Dilectis filiis Abbati, & Conventui Monasterii S. Mariæ de Monte Oliveti in Accenna, Ordinis S. Benedicti, Aretinæ Diocesis. Salutem & Apostolicam benedictionem.

**S**olitudinis Pastoralis officium, quod super omnes orbis Ecclesias, & Monasteria, dispositione divina, licet immeriti, gerimus, pulsât & excitat mentem nostram, ut cunctorum fidelium, & præsertim regularium personarum, quæ mundanis relegatis illecebris, sub arctioris vitæ observantia se perpetuo divinis obsequiis emanciparunt, commodis intendamus, ac in iis, quæ divini cultus, animarum salutem, & religionis augmentum concernunt, eos apostolici favoris præsidio foveamus.

§. 1. Exhibita siquidem nobis nuper vestra petitio continebat, quod nonnulli Christi fideles, gerentes ad vestrum Monasterium specialis devotionis affectum, ac cupientes, ut Monasterium ipsum ad divini laudem nominis ampliatur, pro animarum ipsorum salute, nonnullas domos, terras, possessiones, loca, & alia bona ad eos spectantia, vobis, ac vestro Monasterio liberalitate provida donaverunt, & ea intentione contulerunt, ut in eisdem domibus, terris, possessionibus, & locis, Prioratus, & Oratoria cum officinis necessariis ad opus personarum dicti Monasterii construantur, & de novo fundentur; ipsaque constructa, & fun-

Exordium.

Multa bona  
his Monachis  
a fidelibus col-  
lata.



data, dicto vestro Monasterio tamquam membra capiti sint subiecta, & in eis sic constructis, & fundatis instituantur, ponantur, & deputentur Priores, Monachi, & Conversi, ac familiares, per te fili Abbas, & successores tuos Abbates, qui erunt pro tempore Monasterii supradicti, quodque quamplurimi alii Christi fideles, similes donationes, & concessiones vobis libenter facerent ad similes usus, ut creditis, si vos super his a Sede Apostolica habereis auctoritatem, licentiam, & etiam facultatem. Quare nobis humiliter supplicastis, ut vos in hac parte, prerogativa Sedis Apostolicę gratia prosequendę consueta ipsius clementia, dignaremur.

Facultas eis concessa hęc recipiendi bona: aliaque condendi Monasteria Oratoria &c.

§. 2. Nos igitur, qui sumus almfici Confessoris Benedicti Ordinis professores, cupientes Ordinem ipsum, ad Dei laudem, & gloriam, ipsiusque Confessoris memoriam celebrem dilatari, ac cultum augeri divini nominis, & animarum salutem etiam procurari, & propterea huiusmodi pia desideria devotorum volentes favoribus Apostolicis confovere, vestris supplicationibus inclinati, recipiendi huiusmodi domos, terras, possessiones, loca, & omnia bona predicta vobis jam concessa, & donata, & ea etiam quę in posterum vobis donabuntur, & concedentur ad usus predictos, & in eisdem domibus, terris, possessionibus, locis donatis, & concessis, ac donandis, & concedendis prout domorum, terrarum, possessionum, locorum huiusmodi magnitudo, seu quantitas, & eorum etiam facultates exposcent, Prioratus vestri Ordinis, & Oratoria cum officinis necessariis construere, & fundare in partibus dumtaxat Italiae, ac in eis Priores, Monachos, Conversos, & familiares juxta dictarum facultatum exigentiam instruere, qui secundum ejusdem B. Benedicti Regulam, & instituta dicti vestri Monasterii, devotum impendant perpetuo Altissimo famulatum. Et quod eisdem Prioribus, Monachis, & Conversis liceat in eisdem Prioratibus, & Oratoriis habere altaria, campanilia, cum campanis, cæmeteria pro sepultura personarum in illis degentium, ac in Oratoriis ipsis Missas, & alia divina officia celebrare. Quodque Prior cujuslibet loci sic construendi, possit Monachorum, & Conversorum Prioratus, seu loci sui confessiones audire, ipsosque absolvere, ac eis pro commissis poenitentiam injungere salutarem, dummodo talia non fuerint, propter quę foret Sedes Apostolica merito consulenda.

Ibique Ecclesiastica ministrandi Sacramenta.

§. 3. Necnon eisdem cuncta Sacramenta Ecclesiastica ministrare, & quod in Prioratibus, & Oratoriis ipsis, erectionem, & consecrationem altarium, & cæmeteriorum benedictionem, a quocumque malueritis Catholico Antistite gratiam, & communionem Apostolicę Sedis habente (si Prioratum, & locorum ipsorum Dioecesani, eas vobis, & ipsis Prioribus, ac Monachis, gratis, & sine pravitate exhibere noluerint) recipere libere valeatis; vobis & eisdem Prioribus, & Monachis Prioratum, & locorum huiusmodi, sine parochialium Ecclesiarum, & cujuslibet alterius juris alieni præjudicio, auctoritate Apostolica licentiam, & facultatem liberam, tenore

presentium, de gratia concedimus speciali. Nulli ergo, &c.

Dat. Avenione 12. Kal. Februarii, Pont. nostri Anno 2.

Dat. die 27. Januarii 1344. Pont. An. 11.

## I V.

Pragensis Ecclesię Erectio in Archiepiscopatum.

Ex Raynaldo ad. ann. 1344. §. 64.

Clemens Episcopus, Servus Servorum Dei, ad perpetuam rei memoriam.

Attendentes Pragensem Ecclesiam, magnę titulo dignitatis inter alias partium Ecclesias præfulgere dignitate, rationabile fore conspiciamus, ut ipsam Pragensem Ecclesiam, & Archiepiscopos, qui pro tempore inibi præfuerint, spiritualibus gratiarum largitionibus in eis potissime, quę ad suum decus, & decorem ex ipsius Ecclesię excellentia dignitatis pertinent, honoremus.

Pragensis Ecclesię dignitas.

§. 1. Nuper si quidem suadentibus rationabilibus causis eandem Pragensem Ecclesiam olim suffraganeam Ecclesię Moguntinensis, ac tunc de Provincia Moguntina existentis, & venerabili Fratri nostro Arnesto Episcopo olim Pragensi in Archiepiscopum Pragensem electo regimini ejusdem &c. Pragensis Ecclesię præfidente de Fratrum nostrorum consilio, & Apostolicę plenitudine potestatis in Archiepiscopalem, & Metropolitanam, ereximus, & honoribus, ac insigniis Sedis Metropoliticę duximus decorandam. Et attendentes, quod ipse Arnestus in ejusdem Ecclesię regimine, dum Episcopalis existeret, hætenus se gessit fideliter, & prudenter, & quod illud in posterum attentius gereret, præfatum Arnestum ipsi Ecclesię Pragensi in Archiepiscopum præfecimus, & pastorem curam, & administrationem ipsius eidem Arnesto in spiritualibus, & temporalibus committendo, sibi que deinde Pallium, insigne videlicet plenitudinis Pontificalis a nobis ex parte sua humiliter postulatum, duximus concedendum.

In Archiepiscopatum erecta.

§. 2. Ut autem idem Arnestus, & ejus successores Archiepiscopi Pragenses, qui erunt pro tempore, eo licentius pallio uti possint, quo specialiori Apostolicę Sedis super hoc fuerint privilegio communiti, ipsius Arnesti supplicationibus inclinati eidem Arnesto, & successoribus suis præfatis, ut in ipsa Pragensi, & aliis suę Pragensis Provincię Ecclesiis, videlicet in Nativitate Domini, & Joannis Evangelistę, Sancti Stephani, & Circumcisionis, ac Epiphanię Domini, Ramis palmarum, & Coenę Domini, Sabbatho Sancto, tribus diebus Resurrectionis, necnon in Ascensionis Domini, Pentecostes, Nativitatis Sancti Joannis Baptistę, & omnium Apostolorum, & quatuor Beatę Marię Virginis, in commemoratione omnium Sanctorum, & Sancti Michaelis Archangeli, & Ecclesiarum dedicationibus, ac in principalibus ipsius Pragensis Ecclesię festivitatibus, & die Anniversarii consecratio-

Dies ad Pallium usum designati.



nis ipsius Arnesti, & Ecclesiarum Provinciae Pragensis praedictae, ubi ipsum Arnestum, vel successores ejus praedictos interesse, & Missarum solemnina celebrare contigerit principalibus festis, ac etiam in consecrationibus Episcoporum, & ordinationibus Clericorum, in Abbatum, & Abbatissarum, ac Monialium benedictionibus Pallio alias eis rite concessio & etiam assignato, ut licite valeant auctoritate Apostolica tenore praesentium indulgemus.

Clausula.

§. 3. Nppli ergo omnino hominum liceat hanc paginam nostrae erectionis, & concessionis infringere, vel ei ausu temerario contrahere. Si quis autem hoc attentare praesumpserit indignationem Omnipotentis Dei & beatorum Petri, & Pauli Apostolorum ejus se noverit incursum.

Dat. die 25.  
Augusti 1344.  
An. III.

Datum apud Villam novam Avenionensis Dioecesis VIII. Kal. Septembris Pont. anno III.

## V.

Ex eodem  
Raynaldo ad  
Ann. 1344. §.  
39.

Ludovicus de Hispania Fortunatarum Insularum Rex constituitur.

Clemens Episcopus, Servus Servorum Dei, Dilecto filio Nobili Viro Ludovico de Hispania Principi Fortunae.

Fortunatarum Insularum status.

Sicut exhibitae nobis tuae petitionis series continebat, in mari Oceano, inter Meridiem, & occidentem sunt quaedam Insulae, quarum aliqua habitatae, aliqua vero inhabitatae fore noscuntur, quae in communi nominantur Insulae Fortunatae, quamquam earum qualibet proprio vocabulo, ut sequitur inferius, sint distinctae quarum aliqua Insulae eidem adiacent: quaedam vero alia est in mari mediterraneo situata. Quarum omnium prima Canaria, alia Ningaria, tertia Pluviaria, quarta Capraria, quinta Junonia, sexta Embronea, septima Athlantia, octava Hesperidum, nona Cernent, decima Gorgones, & illa, quae est in mari mediterraneo Galea vulgariter nuncupantur; omnesque praedictae Insulae sunt a Christi fide, & Christianorum Dominio alienae: ex quo tu pro exaltatione fidei ad honorem nominis Christiani desideras in huiusmodi acquisitione omnium praedictarum Insularum exponere te, & tua; dum tamen a Nobis in eisdem titulus, & autoritas pro quibus nobis humiliter supplicasti, tibi, tuisque haeredibus, & successoribus tam Masculis, quam Feminis concedatur.

Ludovico de Hispania concessio cum mixto imperio.

§. 1. Nos igitur pium, & laudabile propositum, quod te in his habere asseris plurimum in Domino commendantes, & cupientes, ut in eisdem Insulis orthodoxa fides propagetur, & vigeat, cultusque divinus inibi observetur, & quod per tuum Ministerium Christianitatis termini dilatentur; tuis supplicationibus inclinati ad honorem Dei, tuaeque salutis, & status augmentum, omnes praedictas Insulas, & earum quamlibet, dummodo in eis non sit alicui Christiano specialiter jus

quasitum in omnibus juribus, & pertinentiis suis, ac merum, & mixtum imperium, & jurisdictionem omnimodam temporalem in eisdem auctoritate Apostolica, ac nomine nostro, & Successorum nostrorum Romanorum Pontificum, & ipsius Ecclesiae Romanae, tibi, & haeredibus tuis, & successoribus Catholicis, ac legitimis, & in devotione ipsius Romanae Ecclesiae persistentibus, tam masculis, quam feminis in feudum perpetuum de Fratrum nostrorum consilio, & assensu, ac Apostolica plenitudine potestatis sub modo, forma, tenore, conditionibus, & conventionibus contentis praesentibus concedimus, & donamus, teque praedicto feudo per sceptrum aureum praesentialiter investimus, dantes nihilominus tibi, haeredibus, & successoribus supradictis plenam, & liberam potestatem easdem Insulas, absque tamen juris alterius praedicio, ut praemittitur, acquirendi, ac perpetuo possidendi, monetam, seu monetas fabricandi, & alia jura Regalia, salva superioritate Romani Pontificis in eisdem Insulis exercendi, ac licentiam in eis, & earum qualibet Ecclesias, & Monasteria construendi, eisque dotes congruas assignandi, jus patronatus tibi, & haeredibus ac successoribus tuis, prout instituta concedunt Canonica reservando.

§. 2. Postquam vero in eisdem Insulis Deo concedente per te, vel haeredes, aut successores tuos praedictos Ecclesiae, ac Monasteria constructa, seu fundata fuerint & in eisdem de Praelatis, & personis Ecclesiasticis Secularibus, seu Regularibus canonice ordinatum extiterit, Praelati, & Personae, ac Ecclesiae, five Cathedrales, five Collegiatae, Seculares, aut Regulares, & Monasteria supradicta cum locis, & bonis suis in electionibus, provisionibus, & omnibus aliis plena libertate gaudebunt: quam libertatem tu, & haeredes eisdem, & successores semper manu tenebitis, & conservabitis, & manu teneri, & conservari facietis ab omnibus subditis vestris: Dictaque Ecclesiae, & Monasteria, ac personae utentur libere omnibus bonis, & juribus eorundem.

§. 3. Et ut per concessionem nostram huiusmodi potioris dignitatis titulo reddaris insignis auctoritate praedicta de ipsorum Fratrum consilio, & assensu dictarum Insularum, quas de cetero fore decernimus Principatum ipsumque Fortunae nuncupari Principem constituimus, coronam auream in signum adepti dicti Principatus, tuique honoris augmentum tuo capiti nostris manibus imponendo, volentes ut tu, & illorum quilibet, qui tum erit in eodem Principatu haeres, atque successor Princeps Fortunae debeatis de cetero nominari, ita quod tu nobis per te & iidem haeredes, & successores tui in dicto Principatu nobis, & ipsis singulis successoribus nostris Romanis Pontificibus per vos, vel Procuratores vestros ad hoc legitime constitutos recognitionem, & homagium ligium facere, & plenum Vassallagium, & fidelitatis iuramentum praestare tenebimini juxta formam inferius annotatam. Ceterum si forte deficientibus masculis contigerit feminam inuptam

Traditum ei dem sceptrum aureum: concessumque jus condendarum Ecclesiarum.

Data tamen omnimoda libertas Ecclesiis, & Monasteriis, postquam fuerint erectae.

Corona aurea Ludovico imposita.

Addita conditio praestandi homagium Seculi Apostolice.



ptam in dicto Principatu succedere illa maritabitur viro Catholico, & Ecclesie Romanae devoto; Romani tamen Pontificis prius super hoc consilio requisito.

Imperatus  
census qua-  
dringentorum  
aureorum.

§. 4. Et insuper tam tu quam heredum quilibet & Successorum tuorum in dicto Principatu, & pro ipso censum quadringentorum Florenorum boni, & puri auri, ac Conii, & ponderis Florentini, ubicumque Romanus Pontifex fuerit, ipsi Romano Pontifici, qui erit pro tempore, & Ecclesie Romanae, vel ipsi Ecclesie, ubi ipsa fuerit, Sede vacante, recipienti pro futuro Pontifice, & pro portione Collegium ipsius Ecclesie contingente in festo beatorum Petri, & Pauli annis singulis integraliter persolveretis: ad quem censum, ut pramittitur, persolvendum, tam tu, quam quilibet heredum, & Successorum tuorum in dicto Principatu tenebimini, & sitis astricti. Si vero tu, vel quicumque heredum seu Successorum tuorum in dicto Principatu statuto termino non solveritis integre, ut pramittitur censum, & expectati per quatuor menses, terminum ipsum primum immediate sequentes, de illo ad plenum non satisfeceritis eo ipso eritis excommunicationis vinculo innodati. Quod si in secundo termino infra subsequentes quatuor alios menses eundem censum sine diminutione qualibet non persolveritis, totus Principatus predictus erit ecclesiastico suppositus interdicto. Si vero nec in tertio termino, & infra alios quatuor menses primos per plenam satisfactionem ejusdem census tu, & haeredes, vel Successores tui vobis duxeritis consulendum, ita quod transactis eodem tertio termino, & subsequentibus mensibus, non sit de hujusmodi censu primi termini ipsi Ecclesie satisfactum, ab eodem Principatu ipso jure cadatis ex toto, & Principatus ipse ad Romanam Ecclesiam, ejusque dispositionem integre, & libere revertatur; nihilominus pro singulis quadringentis florenis singulorum terminorum, si simili modo in eorum solutione cessaveritis, vel illam non solveritis, tu, & quivis heredum, & Successorum tuorum in dicto Principatu poenas similes incurratis, salvo aliis poenis, processibus, & sententiis, quae, vel qui de jure inferri, vel haberi, seu proferri poterunt per Romanum Pontificem, vel Sedem Apostolicam specialiter in hoc: sed ad censum ipsum persolvendum eidem Ecclesie tunc, & non ante teneamini cum effectu, cum tu, vel haeredes, aut Successores tui in dicto Principatu ejusdem Principatus, vel majorem partem ipsius fueritis possessionem adepti. Nostra nihilominus intentionis existit, quod Romana Ecclesia occasione concessionis hujusmodi ad impendendum tibi, vel eisdem haeredibus aut successoribus aliquod subsidium in acquisitione, seu retentione dicti Principatus ex debito nullatenus astringatur.

Pena ex-  
communicationis, & pri-  
vationis pro-  
mulgate.

§. 5. Et quia in quibusdam articulis supradictis expressius continetur, quod in certis casibus tu, & tui in eodem Principatu haeredes, & successores excommunicationis sententiam incurratis, & dictus Principatus sit ecclesiastico suppositus interdicto, quodque tam tu, quam haeredes, & successores ipsi cadatis

*Bull. Rom. Tom. III. Pars II.*

a Principatu, seu sitis ipso Principatu privati; Nos ex nunc hujusmodi sententias, videlicet excommunicationis in te, ac eosdem haeredes, & successores, interdicti in eundem Principatum, & privationis Principatus ejusdem, si tua, vel ipsorum culpa hujusmodi casus emerferit, de dictorum Fratrum consilio auctoritate Apostolica promulgamus. Forma vero recognitionis homagii, Ligii, Vassallagii, & iuramenti fidelitatis, quae praestari, & fieri volumus a te, & haeredibus, & successoribus tuis in eodem Principatu juxta tenorem, formam, & conditionem presentis concessionis verbis competenter mutandis talis est.

§. 6. Ego Ludovicus de Hispania Princeps Fortunae fateor, & recognosco, me infra scriptas Insulas videlicet Canariam, Ningariam, Pluviariam, Caprariam, Junoniam, Embronea, Athlantiam, Hesperidum, Cernent, Gorgonidem, & Galetam, cum omnibus juribus, & pertinentiis, a vobis Domino meo Domino Clemente Divina Providentia Papa VI. nomine vestro, & Successorum vestrorum Romanorum Pontificum canonice intrantium, & Romanae Ecclesiae mihi, meisque haeredibus, & successoribus catholicis, atque legitimis, & in devotione ipsius Romanae Ecclesiae existentibus tam masculis, quam feminis, in feudum perpetuum fuisse concessas, ipsasque me recipisse, & tenere sub annuo censu quadringentorum florenorum boni, & puri auri, ac ponderis, & conii florentini vobis Domino meo Domino Clementi Papae Sexto, vestrisque successoribus ac Romanae Ecclesiae annis singulis in festo beatorum Apostolorum Petri, & Pauli persolvendo. Pro quibus Insulis faciens plenum Vassallagium vobis, vestrisque successoribus canonice intrantibus, ac Sacrosanctae Romanae Ecclesiae praedictae ab hac hora in antea fidelis, & obediens ero beato Petro, & vobis Domino meo Domino Clementi Papae Sexto vestrisque successoribus canonice intrantibus ac Sacrosanctae Romanae Ecclesiae. Non ero in consilio, auxilio, aut consensu, vel facto, ut vitam perdatis, aut membrum, vel capiamini mala captione. Consilium, quod mihi mandaturi estis per vos vel Nuntios vestros, sive per litteras, ad vestrum damnum scienter nemini pandam, & si scivero fieri, vel procurari, sive tractari aliquid, quod sit in vestrum damnum, illud pro posse impediam, & si impedire non possem, illud vobis significare curabo. Papatum Romanum, & Regalia Sancti Petri tam in praedictis Insulis, quam etiam alibi existentia adjutor vobis ero ad retinendum, & defendendum, ac recuperandum, & recuperata manutenendum contra omnem hominem. Insuper modum, formam, seu condiciones & omnia, & singula, quae continentur in litteris Apostolicis super hujusmodi concessionem confectis, plenarie adimplebo, & inviolabiliter observabo, nec ullo unquam tempore veniam contra ea. Sic me Deus adjuvet, & haec Sancta Dei Evangelia. Me obligo, & praedictos haeredes, & successores meos, ac Principatum praedictum, jura & bona nobis competentia, & competitura in eo.

Prascripta  
Ludovico Sa-  
cramenti for-  
mula.

P p

§. 7. Si-



Hujusmodi  
juramentum  
reperendum a  
Successoribus  
Ludovici.

§. 8. Similem autem recognitionem, Vassallagium, homagium ligium, & juramentum renovabis, facies, & præstabis unicuique Romano Pontifici, & dictæ Ecclesiæ infra biennium a die, quo in Romanum Pontificem electus fuerit, computandum: & similia præstabit, & faciet, & similiter renovabit, & facere, præstare, & renovare tenebitur unusquisque hæredum, & Successorum tuorum in dicto Principatu nobis infra biennium, ex quo ipse hæres tuus in hujusmodi Principatu fuerit, & unicuique alii Romano Pontifici, qui erit pro tempore, & ipsi Romanæ Ecclesiæ secundum præscriptum, formam, nomen Romani Pontificis, qui tunc erit, suum proprium exprimendo. Sed postquam tu per te nobis hujusmodi recognitionem, homagium, vassallagium feceris, ac fidelitatis juramentum, præstiteris secundum formam prædictam, hæredes, & Successores tui, in dicto Principatu nobis, tuque, & ipsi, Successoribus nostris Romanis Pontificibus illa facere, vel præstare personaliter non astringamini, dummodo infra dictum biennium secundum eandem formam per idoneum, vel idoneos subditum, vel subditos ad hoc plenum mandatum habentes, recognitionem, homagium, Vassallagium feceritis, ac juramentum præstiteritis supradicta, & si plus placuerit Romano Pontifici, vel Romanæ Ecclesiæ recognitionem, homagium, Vassallagium, & juramentum prædicta facietis, atque præstabis tu, & hæredes, vel Successores tui prædicti nomine Summi Pontificis, & Romanæ Ecclesiæ illi, vel illis, quem vel quos ad hoc specialiter ipse Romanus Pontifex, vel Sedes eadem deputabit. Quandocumque vero tu, vel hæredes tui in dicto Principatu prædictam recognitionem, obligationem, homagium, Vassallagium, ac fidelitatis juramentum facietis, atque præstabis per vos, vel alium, seu alios, ut superius continentur, dabitis infra mensem post, Romano Pontifici, & eidem Ecclesiæ patentes litteras vestro sigillo sigillatas, in quibus fatebimini, & recognoscetis expresse dictum Principatum a nobis, & Romana Ecclesia recepisse in feudum sub conditionibus, conventionibus, modo, & forma, ac tenore, quæ presentibus nostris litteris continetur.

§. 9. Præterea tu, vel hæredes, aut Successores tui prædicti, nullam confederationem, seu pactionem, societatem, aut ligam scienter contra Romanam Ecclesiam facietis, & si eam forte feceritis ignoranter, teneamini ad mandatum Romani Pontificis, seu Romanæ Ecclesiæ penitus revocare. Omnium autem prædictorum, presentibus litteris nostris contentorum declaratio, & interpretatio, quoties opus fuerit, faciendæ ad Romanum Pontificem, seu Romanam Ecclesiam pertinebit: quoties super his, vel eorum aliquo, vel aliquibus ambiguitatis aliquid, vel dubii oriri contingeret, cujus Romani Pontificis, vel Romanæ Ecclesiæ interpretationi, & declarationi stabitur verbo, seu litteris, prout ipsi Romano Pontifici, vel Ecclesiæ placuerit faciendis.

Nulli ergo &c.

Datum Avinioni XVII. Kal. Decembris anno tertio.

Dat. die  
15. Novem-  
bris 1344.  
Pontif. III.

## V I.

Confirmatio Diplomatis a Joanna Regina  
in favorem Sanciae matris concessi.

Clemens Episcopus, Servus Servorum Dei.  
Ad perpetuam rei memoriam.

**E**Ximia devotionis sinceritas, quam in Christo filia Clara Soror Monasterii Sanctæ Crucis Neapolitan, ordinis Sanctæ Clare olim Sancia Regina Sicilia, ad Sedem Apostolicam semper gessit, & ad nos, & Sedem eandem gerere dignoscitur, promeretur, ut petitionibus suis, illis præsertim, quæ divini cultus augmentum, & aliorum piorum operum executionem contingunt, quantum, cum Deo possumus, ad exauditionis gratiam admittamus.

Sancia Regi-  
ne elogium.

§. 1. Petitio si quidem ejusdem Claræ olim Sanciae nobis nuper exhibita continebat, quod dudum ante ipsius Claræ Religionis ingressum, & assumptum ipsius Religionis habitum regularem, Carissima in Christo filia Joanna Regina Sicilia illustris habens ad ipsam Claram, olim Sanciam Reginam, benevolentiae specialis affectum conformando vota sua super his dispositioni, & beneplacito claræ memoriæ Roberti Siciliæ avi sui, & ejusdem olim Sanciae Reginae Viri, in suo ultimo per eum condito legitime Testamento expressis, præfata tunc Sanciae quascumque donationes, & concessionem factas, & indultas eidem, tam per ipsum Robertum Regem avum suum dum viveret, quam per eam de quibuscumque Terris, Castris, casalibus, & bonis Feudalibus, tam de Regni Demanio ex certa ipsius Joannæ Reginae scientia, ac leges constitutione, & ordinatione, quæ alienationem demaniorum prohibet fieri, & quod Demanio existant, non obstantibus quoquomodo, quas in ea parte de ipsa certa scientia sustulit, ac juribus, & efficacia vacuaverat, quam de ipsis Roberti Regis avi sui, & suas manus suis vicibus rationabiliter devolutis, necnon de quibusvis terris, Castris, casalibus ad manus Regalis curiæ, sive ipsius Joannæ Reginae legitime devolvendis, sive in excambium dictarum terrarum demanii, sive in assecutionem provisionum, quas præfata olim Sancia habebat ab ipsa Regali, & ejusdem Joannæ Reginae curia quocumque modo concessis, & insuper omnes, & singulas provisiones, & stabilitiones jura, & indulta, concessionemque alias eidem Sanciae Reginae factas, super quibuscumque causis rebus, atque negotiis, tam per ipsum Robertum Regem dum viveret, quam per eandem Joannam Reginam postmodum, sub quacumque forma, & expressione verborum, ac litteras privilegia, & indulta proinde concessa cujuscumque continentiae, seu tenoris existerent, eorumque substantiam, & effectum, etiamsi foret expediens quod fieret de illis in suis litteris expressa mentio, ac etiam specialis, per speciale privilegium, de certa ipsius Joannæ Reginae scientia motu libero, gratia speciali, & dominica potestate,

Joanna Regi-  
na Sanciae dis-  
positiones cõ-  
firmat.



state, ac de consilio, & assensu omnium gubernatorum, & administratorum suorum ratificavit, & approbavit, ac specialis confirmationis suæ præsidio communivit, illaque rata, & firma esse decrevit, & obtinere in commutabilem firmitatem, juxta illorum mentem, & seriem, de prædicta ipsius certa scientia declaravit, reservato per eandem Reginam sibi, suisque hæredibus, & successoribus specialiter, & expresse, quod dato prius præfata Claræ olim Sanciæ Reginae, pro illis ex prædictis Castris, terris, seu Civitatibus, quæ de mero demanio Regio non existant, eidem Joannæ Reginae, suisque hæredibus, & successoribus antedictis, sit licitum bona ipsa demanialia ad sui demanium revocare, prout hæc & alia circa illa in quibusdam patentibus litteris exinde confectis, præfata Joannæ Reginae Sigillo munitis, quarum tenorem de verbo ad verbum præsentibus inseri fecimus, plenius, & serius continetur.

Eas ab Apost.  
Sede validari  
petit Sancia:

§. 2. Quare præfata Clara, olim Sancia Regina nobis humiliter supplicavit, ut ratificationem, approbationem, & confirmationem hujusmodi, ac aliis per eandem Joannam Reginam super his factis, & contentis in litteris antedictis Apostolicæ confirmationis robur adjicere de benignitate Apostolica dignaremur.

Quod concessit Pontifex.

§. 3. Nos itaque ipsius Claræ olim Sanciæ devotis in hac parte supplicationibus annuentes ratificationem, approbationem, & confirmationem hujusmodi, & alia in litteris præfatis contenta rata, & grata habentes illa auctoritate Apostolica, ex certa scientia confirmamus, & præsentis scripti patrocinio communimus. Tenor autem datarum litterarum talis est.

Joannæ Reginae  
Litteræ.

§. 4. Joanna Dei gratia Regina Hierusalem, & Siciliæ, Ducatus Apuliæ, & Principatus Capuæ, Provinciæ, & Forqualquerii, ac Pedemontis Comitissa, universis præsens privilegium inspecturis tam præsentibus, quam futuris. Officium filialis reverentiæ admonet, & charitatis affectus signanter inducit, ut inclitæ Domine Sanciæ Dei gratia Hierusalem, & Siciliæ Reginae reverendæ Domine matris nostræ, potestatis nostræ præsidium commoda studiose promoveat, & ejus augmenta cum solerti attentione producat. Hinc itaque considerationis instinctum, ac habentes ad ipsam Reginam matrem nostram specialis benevolentiae zelum; quo interne movemur ejus compendia promovere, conformando in hac parte vota nostra dispositioni, & beneplacitis claræ memoriæ Domini avi nostri Hierusalem, & Siciliæ Regis illustris in suo ultimo per eum condito legitime testamento præfatæ Reginae Matri nostræ quasque donationes, & concessionem factas, & indultas sibi tam per ipsum Dominum avum nostrum, dum viveret, quam per nos de quibuscumque terris, castris, atque casalibus, & bonis feudalibus tam de Regni Demanio, ex certa nostra scientia, ac lege, consuetudine, & ordinatione, quæ alienationem Demaniorum fieri prohibet, & quod Demanio existant, non obstantibus quoquomodo, quas in hac parte de ipsa certa scientia no-

*Bull. Rom. Tom. III. Pars II.*

stra tollimus, ac viribus, & efficacia vacuumus, quam ad ipsius Domini avi nostri, & nostras manus suis vicibus rationabiliter devolutis, necnon de quibusvis terris, castris, atque casalibus, & bonis specialiter, vel generaliter in suis casibus ad manus Regalis curiæ, seu nostras legitime devolvendis, sive in excambium ipsarum terrarum Demanii, sive in assecutionem provisionum, quas habebat, & habet ab ipsa Regali curia, & nostra, seu aliter quocumque modo concessis, & insuper omnes & singulas provisiones, ac stabilitiones, jura & indulta, & concessionem alias factas ipsi Domine matri nostræ super quibuscumque causis, rebus, atque negotiis tam per ipsum Dominum avum nostrum, quas nos postmodum sub quacumque forma, & expressione verborum, eorumque litteras privilegia, & indulta proinde concessa, cujuscumque sint continentie, seu tenoris, eorumque substantiam, & effectum etiam si foret expediens, quod fieret de illis præsentibus expressa mentio, ac etiam specialis hujusmodi privilegii serie, de certa nostra scientia, motu libero, gratia speciali, & Dominica potestate, de consilio, & assensu omnium gubernatorum, & administratorum nostrorum ratificamus, & approbamus, ac specialis nostræ confirmationis præsidio communimus, illaque rata, & firma esse decernimus, & obtinere incommutabilem firmitatem juxta illorum mentem, & seriem, de ipsa nostra certa scientia declaramus: Volentes, & de ipsa certa nostra scientia decernentes expresse, quod hujusmodi nostræ ratificatio, approbatio, & confirmatio, ac Decretum, & declaratio eidem Reginae matri nostræ perpetuo, & efficaciter, & incommutabiliter sint reales, illaque efficaciam, vigorem, effectum realem habeant, ac etiam efficacem, ac si omnia ipsa donationes, concessionem, & dationes, privilegia indulta, & literæ essent de verbo ad verbum, ac specialiter, & expresse contenta, & declarata præsentibus, & serius annotata, & ad eorum quodlibet accessisset nostræ confirmatio specialis, & pro majori efficacia, & robore præmissorum volumus, & sancimus expresse de eadem certa nostra scientia, ut jam dictis nostris confirmationi, ratificationi, & approbationi, ac declarationi, & Decreto nulla in contrarium jurisdictio, interpretatio, vel subtilitas quomodolibet admittatur, per quas ipsis donationibus, concessionibus, donationibus, privilegiis, indultis, & literis, ac præsentibus nostris confirmationi, approbationi, ac declarationi, & Decreto, seu eorum alicui, quocumque colore, sive prætextu, possit quomodolibet derogari, cum existat nostræ firmæ concedentis intentio, a cujus mente non jure receditur, quod ipsæ donationes, concessionem, dationes, privilegia, indulta, & literæ, & præsentem nostræ confirmatio, ratificatio, approbatio, ac declaratio, & Decretum, valida rataque permaneant, & successivis temporibus inconcussam obtineant roboris firmitatem, cujuscumque obviantis & turbinis repulsiva, lege, capitulis, constitutione quibuscumque contrariis, quæ in hoc casu de ipsa nostra scientia tollimus, & viribus, & efficacia vacuumus, his

P p 2

non-



nonomiantibus aliquatenus in adversum, ut ex his erga dictam Dominam matrem nostram in virtuosis actionibus nostræ sinceritatis affectio signanter vigeat, ac firmo, laudabilique primordio præmissis omnibus præsidialis adjectio assidentis firmitatis accedat. Et quia inter prædicta bona feudalia concessa prædictæ Reginæ aliqua castra, terræ, seu civitates, de mero nostro demanio esse censentur, sicque nobis, nostrisque hæredibus, & Successoribus reservamus specialiter, & expresse quod dato prius Reginæ præfatæ competenti, & equivalenti excambio de aliis bonis, quæ de mero demanio non existunt, licitum sit nobis, nostrisque hæredibus, & successoribus bona ipsa demanialia ad nostrum demanium revocare: in cuius rei fidem perpetuamque memoriam, & dictæ Reginæ cautelam præsens privilegium exinde fieri, & pendenti excellentiæ nostræ sigillo iussimus communiri. Datum Neapoli per manus Arnulphi Cumani de Neapoli juris civilis professoris Viceprotonotarii Regni Siciliæ anno Domini MCCCXLIV. die XI. Januarii duodecima Indictione Regnorum nostrorum anno I.

Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Si quis autem hoc attentare præsumperit indignationem omnipotentis Dei, & beatorum Petri, & Pauli Apostolorum ejus se noverit incursum.

Datum Avenione decimo nono Kalendas Februarii Pontificatus nostri anno tertio.

Dat. die  
14. Januarii  
1345. Anno  
III.

## VII.

Reformatio Ordinis Fratrum Servorum Beatae Mariæ Virginis circa Prioris Generalis, & aliorum Priorum, & Definitorum munera, & electiones, Capitulorumque generalium, & provincialium celebrationem.

Clemens Episcopus, Servus Servorum Dei, ad perpetuam rei memoriam.

Proemium.

**R**egimini universalis Ecclesiæ, quamquam immeriti, disponente domino præsidentes, curis continuis angimur, & assidua meditatione pulsamur, ut religiosorum quorumlibet status auctore Domino salubriter dirigatur, & ne loca religiosorum eorumdem, eorumque personæ propter altercationes, quas inter eos interdum suscitari contingit, subeant spiritualiter, & temporaliter detrimenta, sed potius quorumlibet Ordinum professores in tranquillitate mentis, & corporis, devotum, & gratum, prout ad id se dedicaverunt, impendant Domino famulatum, libenter nostræ provisionis remedium adhibentes.

§. 1. Dudum siquidem pro parte quorundam Fratrum Servorum Sanctæ Mariæ Ordinis Sancti Augustini proposito in Consistorio coram felicis recordationis Benedicto Papa XII. Prædecessore nostro, quod quondam Petrus de Tuderto Prior Generalis Fratrum dictorum Servorum, in regimine & administratione sua, male & partialiter se habebat,

propter quod status prædictorum fratrum in spiritualibus, & temporalibus reformatione non modica indigebat; Præfatus prædecessor volens de his, super quibus eorumdem Fratrum status reformandus existeret plenius informari, prædictum Petrum, & nonnullos alios Priores, & Fratres eorumdem Servorum, de quibus visum sibi fuit expedire, pro reformatione hujusmodi facienda, ad Sedem Apostolicam fecit personaliter evocari, eisque venientibus ad Sedem antedictam, venerabilibus fratribus nostris Petro Prænestino, & Bertrando Ostiensi Episcopis commisit oraculo vivæ vocis, ut partes ipsas super iis, quæ ad reformationem prædictam spectarent, ad concordiam reducerent, & quæcumque super his facerent, eidem prædecessori postea fideliter referre curarent. Coram quibus Petro, & Bertrando Episcopis, præfatis Petro Generali, & aliis Prioribus, ac fratribus, ut præmittitur, evocatis personaliter comparentibus, & exhibentibus nonnulla capitula, secundum quæ statum dictorum Fratrum Servorum reformatione indigere dicebant, super iis, quæ coram ipsis super reformatione hujusmodi dicere, & proponere voluerunt, dictoque prædecessore nostro postea, sicut domino placuit, sublato de medio, nobiscum divina favente clementia ad apicem summi Apostolatus assumptis, & præmissis pro parte dictorum Petri Generalis, & aliorum Priorum, & Fratrum propositis coram nobis;

§. 2. Nos ad reformationem status dictorum fratrum sollicitis studiis intendentes, præfata Capitula cum eisdem Petro, & Bertrando Episcopis examinavimus diligenter. Et tandem nonnulla, quæ pro reformatione salubri status dictorum Fratrum suadente utilitate, & necessitate urgente, expedire cognovimus, statuenda providimus, inter, ac per eosdem fratres Servorum perpetuis futuris temporibus observanda.

§. 3. Statuimus igitur, quod per eosdem fratres, per quos omni anno celebrare consuevit dictorum fratrum Capitulum generale, ex nunc de triennio in triennium tantum Generale Capitulum celebretur, ad quod teneantur venire Prior generalis, qui est, & pro tempore fuerit, & omnes Priores provinciales, necnon & studiorum generalium Lectores in sacra Theologia legentes, & etiam Priores Conventuales, & discreti prout pro commoditate ipsorum fratrum generale Capitulum de ipsius conventualibus prioribus, & personis discretis salubriter duxerit ordinandum.

§. 4. Præterea statuimus, quod in qualibet Provincia eorumdem fratrum provinciale Capitulum anno quolibet celebretur, ad quod veniat Prior Provincialis, & Priores conventuales, seu locales, Lectoresque in quacunque facultate legentes, & duo fratres discreti de singulis Conventibus, sive locis illius Provinciæ, electi a majori parte conventus, qui duodecim fratres tantum, vel minus habebunt, unum fratrem discretum dumtaxat ad ipsa Capitula provincialia mittere teneantur. In his autem provincialibus Capitulis, Prior generalis interesse, vel suum generalem Vicarium ad

Ab iis nonnulla confecta Capitula;

Et a Clemente PP. confirmata.

De Capitulo Generali quolibet triennio celebrando: & Vocalibus.

De Capitulis Provincialibus.

Hujus Ordinis reformatio a Benedicto XII. duobus S. R. E. Cardinalibus commissas



ad ea mittere valeat, sicut eidem priori visum fuerit expedire, & eisdem Capitulis assistat idem Prior, vel Vicarius in correctionibus aliis opportunis. In eisdem autem Capitulis provincialibus eligantur studentes Parisiis quotiens fuerit opportunum.

De Priore  
Generali eli-  
gendo, vel  
confirmando.

§. 5. Statuimus etiam, quod ex nunc Prior generalis, qui erit pro tempore, in quolibet generali Capitulo, de triennio in triennium, ut præmittitur, in posterum celebrando sine requisitione aliqua, primo, & ante omnia, suo officio renunciare teneatur in manibus Definitorum generalis Capituli, quod si non fecerit privatus sit eodem officio ipso facto. Postquam vero renunciaverit, possit pro ipsius meritis, vel demeritis, Definitorum ipsius generalis Capituli arbitrio, in eodem generalis Prioris officio dimitti, vel ab eo penitus amoveri, & in locum ipsius alius idoneus per dictum Capitulum subrogari, & in casu, quo, ut præmittitur, amoveretur, vel renunciare contemneret, per ipsum Capitulum alius in Priorem generalem sufficiens, & idoneus eligatur. Eisdem fratribus auctoritate Apostolica de speciali gratia concedentes, quod Priores generales dictorum fratrum, qui erunt pro tempore, postquam ut præmissum est, & alias juxta morem hætenus inter eos observatum, electi fuerint, & per generale Capitulum approbati, eo ipso veri Priores generales dictorum Fratrum sint effecti, & administrandi licentiam, curamque animarum habeant, ac in omnibus pro ipsorum fratrum Prioribus generalibus perinde habeantur, ac si ab Apost. Sede confirmationis literas habuissent.

Qui eligi  
nequeant in  
Priorem Ge-  
neralem.

§. 6. Nullus tamen nisi expresse professus fuerit, & qui inter dictos fratres non steterit ad minus per viginti annos continuos, in Priorem generalem eorumdem fratrum eligi valeat, aut assumi.

De Definito-  
ribus Provin-  
ciarum eligen-  
dis.

§. 7. Ordinamus insuper, ut amodo singularum Provincialium prædictarum fratres eligant unum fratrem providum, & maturum in Definitorum pro generali Capitulo, & fiat hujusmodi electio in Provinciali Capitulo, quod immediate præcedet Capitulum generale: Definitorum vero pro Capitulis Provincialibus eligantur a fratribus, in eisdem Capitulis Provincialibus congregatis.

De Priorum  
provincialium  
electione.

§. 8. Statuimus etiam, quod fratres cujlibet Provinciæ post primum generale Capitulum per ipsos celebrandum, quamcitus poterunt, in aliquo loco ejusdem Provinciæ ad hoc apto, & idoneo, suum celebrent Provinciale Capitulum hac vice congregandum, prout in dicto Generali Capitulo fuerit ordinatum, in quo unum ex dictis Fratribus sufficientem, & idoneum, in suum Provinciale Priorem eligant, qui sic electus, & constitutus, infra mensem a tempore electionis, & constitutionis hujusmodi consentire, & confirmationem a dicto Priori Generali, vel ejus Generali Vicario petere humiliter non omittat: quam quidem electionem, si canonica fuerit, idem Prior Generalis, vel ejus Generalis Vicarius, quem idem Prior Generalis juxta modum infra scriptum deputare habebit, ultra mensem a die, qua petita fuerit, non differat confirmare.

Quod si ex justa, & rationabili causa idem Prior Generalis, seu ejus Vicarius munus confirmationis denegaverit, causam, seu causas hujusmodi, suis publicis, & authenticis literis teneatur expedire, & electoribus, qui eum elegerunt intimare, & de alio sufficiente, & idoneo cum consilio Conventus loci, ubi dictus Prior Generalis, vel ejus Generalis Vicarius, fuerit usque ad tunc immediate sequens Capitulum utiliter providere. Circa confirmationes autem electionum Priorum, Provincialium in posterum celebrandas, modus prædictus per omnia observetur. In primis vero Provincialibus Capitulis dictorum Fratrum celebrandis provide ordinetur de locis, temporibus, & Definitoribus, necnon & aliis opportunis, pro subsequendis Provincialibus Capitulis celebrandis.

§. 9. Statuimus insuper, quod in quolibet loco Conventuali dictorum Fratrum, ubi ad minus duodecim Fratres fuerint, ipsi sibi eligant suum Priorem Conventualem, qui infra quindecim dies post suam electionem immediate sequentes confirmationem a Priore suo Provinciali devote petere debeat, & ipse Prior Provincialis infra alios quindecim dies subsequentes, electionem eandem, dum tamen ipsam Canonicam reperierit, debeat confirmare, vel si ipsam minus canonicam invenierit, causam, seu causas, propter quas eam confirmare omiserit, exprimat, intimet, & una cum consilio discretorum loci, ubi fuerit, provideat, prout supra proxime de Priore Provinciali extitit ordinatum.

De Prioribus  
Conventuali-  
bus eligendis,  
& confirman-  
dis.

§. 10. Volumus quoque quod Priores Provinciales postquam tribus annis continuis in Provincialatus officio præfuerint, absolvantur, seu removeantur penitus ab eodem, prohibentes, quod ad idem officium saltem in eadem Provincia quovis modo per alios tres annos immediate sequentes nullatenus assumantur, vel ad idem officium promoveantur.

Prioris Pro-  
vincialis offi-  
cium quolibet  
triennio ex-  
pleatur.

§. 11. Similiter Definitorum Generalis Capituli non eligantur ad idem definitionis officium, nisi demum elapsis duobus Generalibus Capitulis immediate sequentibus, possint tamen alias licite in Definitorum Provincialis Capituli eligi pariter & assumi. Definitorum etiam Provincialis Capituli ad idem officium, nisi duobus elapsis Capitulis Provincialibus nullatenus assumantur.

Definitorum  
quando iterum  
eligi possint.

§. 12. Priores etiam Conventuales, anno, vel ad longius biennio in suis Prioratibus habeant præsidere.

Priorum Con-  
ventualium  
officium quā-  
to tempore  
duret.

§. 13. Statuimus etiam quod Prior Generalis dictorum Fratrum, qui erit pro tempore, in sui novitate, & antequam suum exequatur officium, in præsentia Generalis Capituli corporale ad sancta Dei Evangelia præstare, debeat juramentum, quod erit fidelis Sanctæ Romanæ Ecclesiæ, Domino Papæ, suisque successoribus, & in provisionibus, promotionibus, confirmationibus, repulsionibus, destitutionibus, & majoribus correctionibus faciendis, sine acceptione personarum secundum Deum, & rectam suam conscientiam, & Beati Augustini regulam, necnon, & eorumdem Fratrum statuta, & consuetudines, lau-

Juramentum  
a Priore Ge-  
nerali a Defi-  
nitoribus, aliis-  
que Prioribus  
emittendum.



laudabiliter, & fideliter se habebit, & suum officium exercebit. Priores quoque Provinciales in suorum Provincialium Capitulorum, & Priores Conventuales in suorum Conventualium, necnon & Definitorum Generalium Capitulorum in ipsorum Capitulorum Generalium, & Definitorum Capitulorum Provincialium in ipsorum Capitulorum Provincialium præsencia jurent, quod in provisionibus, & ceteris superius expressis quantum ad ipsorum officium pertinuerit, fideliter se habebunt.

Munera nec  
danda, nec  
accipienda.

§. 14. Hortamur insuper, & monemus omnes, & singulos Fratres prædictos, ut nullus eorumdem munera, seu donaria suis Superioribus, per se vel per alium audeat quomodolibet impertiri, ipsique Superiores illa recipere non præsumant. Nulli ergo, &c.

Dat. die 23.  
Martii 1346.  
An. IV.

Dat. Avenione, 10. Kal. Aprilis, Pont. nostri Anno IV.

### VIII.

Prohibitio dandi, vel acquirendi dominium aut jurisdictionem, vel præminentiam aut obligationem, super locis & castris patrimonii S. Petri, aut quoquomodo ea occupandi.

Joannes XXII. Const. XXIX. super pag. 183.  
*Alienationes, donationes, locationes, aliaque hujus generis per Rectores S.R.E. in Patrimonio, Tuscia, Sabinensi Comitatu factas voluit irritas.*

Clemens Episcopus, Servus Servorum Dei.  
ad perpetuam rei memoriam.

Proemium.

ET si solertem adhibere vigilantiam, ne quarumlibet Ecclesiarum jura deperiant, ex debito nostri officii teneamur; in-  
manutenendis tamen, defendendis, recuperandisque occupatis juribus Ecclesiæ Romanæ, sponsæ nostræ, quæ disponente Domino caput omnium & magistra cæteris altiori dignitate præcellens, majoribus est juvanda prædiis, & amplioribus honoribus attollenda, esse debemus solliciti, & attenti.

Causæ fan-  
ciendæ legis.

§. 1. Ad obviandum igitur perversis illorum conatibus, qui sibi commoda, non se commodis patrimonii B. Petri in Tuscia, quod juris, & proprietatis ejusdem Ecclesiæ fore, ac eidem immediate subesse dignoscitur, applicantes temere civitates, castra, & villas ejusdem Patrimonii ad eandem Ecclesiam pertinentia, eorumque dominium, superioritatem, advocacionem, capitaneatum, & jurisdictionem, in ipsius Ecclesiæ grave præjudicium, contra constitutiones & ordinationes olim per fel. recor. Urbanum IV. & Joannem XXII. ac diversos alios Romanos Pontifices prædecessores nostros editas, non verentur diversis exquisitis coloribus occupare, & sibi in eisdem dominium, superioritatem, & præminentiam vendicare; hac perpetua constitutione sancimus.

Prohibitio, de  
qua in rubrica

§. 2. Ut nulla Civitas vel Communitas, nullaque singularis persona, cujuscunque conditionis vel status existat, deinceps in aliquibus civitatibus, castris, seu villis ipsius Patrimonii ad prædictam Romanam Ecclesiam spe-

stantibus, dominium, superioritatem, capitaneatum, advocacionem jurisdictionis, seu aliquam præsentiam seu præminentiam prætextu cuiuscunque venditionis, submissionis, recommendationis, concessionis, recognitionis, & obligationis, contractus, vel pacti, aut cuiusvis alterius commercii absque auctoritate Sedis Apostolicæ speciali recipere audeat, vel sibi dominium, præsentiam, capitaneatum seu jurisdictionem in prædictis civitatibus, castris, seu villis ex quavis occasione, & causa quomodolibet vendicare: quodque civitates, & singulares personæ, submissiones, suppositiones & subiectiones quasque iam in eas factas, & receptas, seu de facto, cum de iure non teneant quomodolibet attentas, dimittere teneantur, nec civitates, castra, seu loca alia, quæ se eis, ut præmittitur, submiserunt vel quomodolibet subiecerunt, virtute submissionis, & suppositionis alicuius, vel cuiusvis contractus titulo, valeant retinere: nullaque Universitas seu Communitas civitatis, castri seu villæ Ecclesiæ Romanæ subiecta, in terris Patrimonii constituta, alicui Universitati, seu Communitati, vel privatæ personæ, cuiuscunque conditionis aut status existat, se subicere, submittere, seu supponere valeat, constituendo, recognoscendo, seu profitendo, se subesse alicui Universitati, vel privatæ personæ, seu ad eosdem super eos, & in ipsis ac dictis civitatibus, castris, & villis, aliquam jurisdictionem, dominium, capitaneatum seu quamvis aliam præminentiam pertinere.

§. 3. Et si quæ civitates, castra, vel loca, iam de facto ad submissionem, & suppositionem aliquibus Civitatibus, vel privatis personis de se factam venditionis, donationis, vel cuiusvis alterius contractus colore vel titulo processerunt, illa quamvis de iure valeant, quatenus de facto processerunt realiter & effectualiter studeant revocare, nec illis umquam utantur: nec virtute submissionum huiusmodi vel alias, illis quibus quovis titulo vel colore se submiserint, ullatenus obediant, pareant, vel intendant: contrarium facientes directe, vel indirecte, per se vel alios, tam illi, & eorum singuli, qui in civitatibus, castris, aut villis ejusdem patrimonii, vel eorum aliquo, huiusmodi dominium, superioritatem, capitaneatum, advocacionem, jurisdictionem quamcumque, præminentiam, seu præsentiam sine licentia Sedis Apostolicæ speciali recipient in futurum, & qui iam ex quocumque contractu, vel obligatione receperunt, seu quavis usurpatione quomodolibet occupaverunt, nisi sic recepta, & occupata infraduorum mensium spatium, postquam præsens Constitutio ad eorum notitiam pervenerit, vel per eos steterit, quominus valeat pervenire, dominium seu præsentiam, superioritatem, capitaneatum, advocacionem, jurisdictionem quamcumque, seu præminentiam, huiusmodi realiter dimiserint cum effectu, illa nullo umquam tempore absque ipsius Sedis licentia resumpturi; quam illi, qui se submiserint, seu subiecerint, ut præfertur simili modo cuiuscunque dignitatis, status, ordinis, vel conditionis existant, singulares per-

Pone contra  
in obedientes.



sonæ sententiam excommunicationis incurrant, ac Terræ ipsorum ubicumque fuerint, Ecclesiastico interdicto subiaceant ipso facto. Civitates autem, castra, & villæ, quæ in antea se submittent, supponent, seu subicient, & quæ submissionem, suppositionem seu subiectionem huiusmodi recipient, seu quomodolibet occupabunt, civitates quoque, castra, etiam loca quæcumque, quæ se jam quovis colore vel titulo, ut præmittitur, submiserunt, & subjecerunt, ac civitates, quæ submissiones, & subiectiones huiusmodi receperunt, nisi infra prædictum duorum mensium spatium, ab omni effectu dictæ submissionis, & subiectionis realiter desisterint ipsis ulterius non usuri, seu contra constitutionem, & inhibitionem nostram venire directe, vel indirecte, per se, vel alium seu alios attentabunt, Ecclesiastico subjacere decernimus interdicto. Et nihilominus omnibus indulgentiis, privilegiis, ac gratiis, necnon feudis, bonis, & honoribus, & juribus quibuscumque, quæ ab eadem Romana, & aliis Ecclesiis obtinent, privamus, & privatos, & privata volumus esse ipso facto: Non obstantibus si eis, vel eorum aliquibus, communiter, vel divisim, ab eadem sit Sede indultum, quod excommunicari, ipsorumque Terræ & loca Ecclesiastico interdicto supponi non possint per literas Apostolicas non facientes plenam, & expressam, ac de verbo ad verbum de huiusmodi, ac eorum personis, locis, ordinibus, & nominibus propriis mentionem.

Annulatio  
omnium hu-  
iusmodi con-  
tractuum &c.

§. 4. Nos insuper omnes submissiones, & subiectiones, & suppositiones super prædictis factas, & obligationes, pacta, seu conventiones, sub titulo venditionis, vel cujusvis alterius contractus quomodolibet initas, & habitas, & quascumque poenas adiectas, & iuramenta præstita super illis, sub quibuscumque modis, & forma, vel expressione verborum (præsertim cum in præjudicium ejusdem Ecclesiæ redundant, ac iuramentum vinculum iniquitatis esse non debeat) decernimus fore nulla, vacua, irrita, & inania, & nullius existere firmitatis, & quatenus ad illa de facto processum extitit, tollimus, & revocamus omnino, & viribus vacuamus.

Joannis XXII.  
hæc super re  
Constitutione  
roborat:

§. 5. Cæterum cum præfatus Joannes Papa XXII. Prædecessor noster, dudum universis, & singulis tam Clericis, quam Laicis cujuscumque status, ordinis, conditionis, præminentiae, vel dignitatis existerent, etiam si Pontificali, vel Imperiali, seu Regali, vel quavis alia dignitate fulgerent, ac omnibus Principibus, Ducibus, Marchionibus, Comitibus, Baronibus, Nobilibus, ac Potestatibus, Capitaneis, & aliis Officialibus quibuscumque Comitibus, & Populis, Civitatibus, Terrarum Castrorum, & aliorum quorumcumque locorum ubicumque consistentium, & omnibus aliis quibuscumque, auctoritate Apostolica, inhibendum per suas literas vim Constitutionis habentes duxerit, & mandandum ne per se, vel alios, directe, vel indirecte Patrimonii, Romandiolæ, Marchiæ Anconitanæ, Ducatus Spoletani, Campaniæ, Maritimæque, ac Massæ Trebariæ Provincias, Venaissini, & Urbinatus, olim comitatus, ac Urbinatensis, &

Ravennatensis Civitates, & alias terras, civitates, castra, villas, & loca quæcumque ad eandem Romanam Ecclesiam pertinentes, vel ipsorum, aut alicujus eorum partem occupare, invadere, aut turbare, seu fidelibus eorumdem injurias, damna, seu violentias irrogare, aut occupantibus, invadentibus, turbantibus, vel injurias, damna, seu violentias irrogantibus, publice, vel occulte assistere, aut auxilium, consilium, vel favorem, directe, vel indirecte, publice, vel occulte, per se, vel per alium, seu alios præstare præsumerent quoquomodo, in omnes & singulos, contra inhibitionem, & mandatum huiusmodi venire, aut attentare, per se vel per alios præsumentes, tam Clericos, quam Laicos, etiam si, ut prædicitur, Pontificali aut Imperiali, seu Regali, vel alia quavis dignitate fulgerent, de Fratrum suorum consilio, excommunicationis, quam eo ipso incurrerent sententiam promulgavit, ipsorumque terras necnon quaslibet Universitates, Communitates, & populos ipsorum, civitates, terras, castra, villas, & loca in præmissis, vel aliquo præmissorum culpabiles, Ecclesiastico supposuit interdicto, & eos, ac ipsorum quemlibet omnibus privilegiis, indulgentiis, gratiis, & immunitatibus realibus, & personalibus, ab eadem Ecclesia, & Imperio Romano concessis eisdem, omnium etiam feudorum, bonorum, honorum, officiorum, jurium, & jurisdictionum, quæ ab Ecclesia, & Imperio prædictis obtinerent, de ipsorum Fratrum, consilio, auctoritate privaverit supradicta, ipsos ad illa, & similia, & quælibet alia, eorumque filios, & nepotes ad quælibet beneficia Ecclesiastica, dignitates, personatus, & officia, cum cura, vel sine cura, quovis nomine censeantur, auctoritate qualibet obtinenda usque ad tertiam generationem exclusive reddendo inhabiles, & indignos;

§. 6. Nos per præmissa, vel quæcumque alia, inhibitioni, mandato, poenis, & sententiis per ipsum prædecessorem factis & promulgatis, ut superius est expressum, aliisque contentis in literis supradictis, non intendimus in aliquo derogare, sed inhibitionem mandatum, poenas & sententias, & alia supradicta per præsentem constitutionem nostram roboramus, & in sui vigoris efficacia volumus & decernimus permanere.

§. 7. Nulli ergo omnino hominum liceat hanc paginam nostræ privationis, admonitionis, revocationis, roborationis, voluntatum, & constitutionum infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac Beatorum Petri, & Pauli Apostolorum ejus se noverit incursum.

Dat. Avenione 16. Kal. Aug. Pont. Nostri Anno V.

Clausula.

Dat. die 16.  
Julii 1346.  
An. V.



## I X.

Ex Raynaldo  
ad Ann: 1346  
§ 73.

Confirmatio Actorum Concilii Posonienfis.  
Clemens Episcopus, Servus Servorum Dei,  
Ad perpetuam rei memoriam.

Concilium  
hoc celebra-  
tum Posonii  
Legato Sedis  
Ap. presiden-  
te.

**P**etitio pro parte venerabilis Fratris nostri Apetzconis Episcopi Lubucensis nobis exhibita continebat, quod dudum bonæ memoriæ Gentilis tituli Sancti Martini in Montibus Presbyter Cardinalis in Regno Hungariæ, ac Provincia Poloniæ, infra quam Ecclesia Lubucensis existit, ac quibuscumque aliis terris eidem Regno adjacentibus auctoritate Sedis Apostolicæ plene legationis fungens, officio in Concilio videlicet per eum apud Posonium Strigoniensis Diocesis constitutum in dicto Regno Hungariæ celebrato nonnullas constitutiones pro libertate, ac utilitate Ecclesiarum, ac earum Prælatorum, & aliarum personarum Ecclesiasticarum infra fines legationis suæ consistentium edidit utiles & salubres inhibitiones, prohibitiones, Decreta, interpositiones, ac excommunicationis, suspensionis, & interdicti sententias, & nonnullas poenas alias continentes, prout in literis præfati Cardinalis inde confectis, ipsius sigillo munitis, quarum quidem constitutionum, certa capitula de verbo ad verbum præsentibus inferi fecimus, continentur. Quare pro parte dicti Episcopi nobis existit humiliter supplicatum, ut Capitula prædicta, & omnia in eis contenta, cum præfata literæ timeantur vetustate consumi, fulcire Apostolico munimine dignaremur; Nos igitur Ecclesias & earum Prælatos, ac personas Ecclesiasticas prædictos, in suis libertatibus, ac utilitatibus, quantum cum Deo possumus, confovere volentes ipsius Episcopi supplicationibus inclinati Capitula prædicta, rata, & grata habentes illa auctoritate Apostolica ex certa scientia confirmamus, & præsentis scripti patrocinio communimus, tenores autem dictorum Capitulorum tales sunt.

Quæ in eo  
sancita sunt  
ab eadem Se-  
de confirmari  
petitum.

Quod conce-  
dit Clemens.

Acta Concilii.

In Nomine Dñi Amen: Anno ejusdem 1309. indictione VII. Pontif. Domini Clementis Papæ V. Anno VI. Incipiunt Constitutiones editæ per Reverendum Dominum patrem Gentilem Dei gratia Tituli Sancti Martini in Montibus Presbyterum Cardinalem in Regno Ungariæ Poloniæ, ac partibus illis conterminis Apostolicæ Sedis legatum, & primo proemium super statu Regni: Frater Gentilis miseratione Divina tituli Sancti Martini in Montibus Presbyter Cardinalis Apostolicæ Sedis legatus ad futuram rei memoriam.

Proemium.

§. 1. Varietati morborum diversa medica-  
medicamenta propinant, & ipsorum morbo-  
rum qualitatibus secundum artis peritiam effi-  
cacibus remediis exquisitis, aliquibus graviori-  
bus ferrum adhibent, quibusdam ignem adji-  
ciunt; Aliis vero, qui levi possunt fomento  
sanitatem recipere, facilia medicamentorum  
antidota subministrant; sic & Dominus noster  
Jesus Christus sub figura Samaritani medici for-  
mam assumens vulneribus infudit vinum, &

oleum sauciati. Nos itaque ad Regnum Un-  
gariæ ab eo, qui pacifici Regis, & summi Me-  
dici locum tenet in terris, cum plenæ legatio-  
nis officio licet immeriti destinati, attendentes  
Regnum ipsum infirmitatibus variis, & gravi-  
bus laborare, ac propterea informati exem-  
plo Domini Jesu medicorum præcipui diversi-  
tati infirmitatum hujusmodi, & si non omni-  
bus, magis tamen lethalibus cupientes diversas,  
& congruas adhibere medelas, infra scriptas  
Constitutiones de Prælatorum dicti Regni, ac  
per nos Concilii congregati consilio, & assen-  
su, auctoritate, qua fungimur, duximus promul-  
gandas.

## De non offendendis Prælati.

§. 2. Cum Apostolicam Sedem, in qua Christus  
Catholicæ fidei posuit fundamentum, Christiano-  
rum matrem esse voluerit, & Magistram;  
non est dubium quin Christus ipse graviter of-  
fendatur, si matrem filius, & magistram di-  
scipulus dehonorat. Quia igitur ipsi Apostoli-  
cæ Sedi non est possibile cunctos filios, & de-  
votos materno affectu, & suo Magisterio præ-  
sentialiter confovere, debitum Apostolicæ ser-  
vitutis explere nititur per Episcopos, immo  
per Archiepiscopos nonnunquam, & per Le-  
gatos a latere suo missos, quos quia ejus privi-  
legio gaudent, cujus legatione funguntur, a  
cunctis Christi fidelibus tamquam Apostoli-  
cam Sedem immo Christum, qui in eis se reci-  
pi, & audiri, honorari convenit, & foveri.  
Verumtamen fuerunt, & sunt nonnulli, quos  
termini nostræ legationis includunt, sicut fide  
digna relatione percepimus, qui licet glorien-  
tur nomine christiano ad ipsum tamen Chri-  
stum, & Apostolicam Sedem debitam reve-  
rentiam non habentes, Episcopos, Archie-  
piscopos, & legatos huiusmodi Doctores Ca-  
tholicæ fidei, & Magistros ipsius Christi vere  
Vicarios, & Legatos hostiliter insequi ausu sa-  
cristico capere, & percutere, quandoque ne-  
quiter carceri mancipare, nonnumquam in-  
humaniter perimere non verentur. In quo  
quantum Christi fidei devotio minoratur, evi-  
denter intelligit, qui prudenter attendit. Proin-  
de nos, qui ex injuncto nobis legationis officio  
Sedem Apostolicam licet immeriti repræsen-  
tamus cupientes omnes, & singulos nostræ le-  
gationi commissos de tam nefandis excessibus  
coercere, præfati Decreto statuimus, ut nullus  
de cætero in Dei offensam Apostolicæ Sedis  
contemptum, & Catholicæ fidei læsionem præ-  
sumat tantum facinus attentare. Si quis autem  
propriæ inimicus salutis reverentia Religionis  
resecta, divinis, & humanis legibus in civili  
damnatione calcatis præmissum scelus exer-  
cere præsumperit per se, vel per alium publi-  
ce vel occulte, eum excommunicatum, & a to-  
tius Christianitatis consortio separatam publi-  
ce nunciantes, qua fungimur auctoritate pri-  
vamus omnibus privilegiis, indulgentiis, feudis,  
gratiis, & beneficiis quibuscumque, ei ab Ec-  
clesia quacumque concessis; omnibus, ad quos  
pertinet eorum ordinatio, seu dispositio dis-  
ponendi potestatem liberam concedentes, ter-  
ram suam nihilominus, & quamlibet aliam,  
quæ

De cultu  
Prælati debi-  
to.

Eos offenden-  
tibus obiectum  
anathema.



quæ sibi adhærere præsumperit, interdicto Ecclesiastico supponentes. Et ne minus vindictæ quam excessus memoria prorogetur, decrevimus, ut filii talium in Clericorum Collegium nullatenus admittantur, nec in Domibus regularibus alicuius prælationis assequantur honorem, quod contra factum fuerit irritum, decernentes, nisi cum eis per Apostolicam Sedem, vel Legatum de latere fuerit dispensatum. Et quia dignum est, ut is, qui tot præsumit offendere, poena multiplici castigetur, omnes eorum Vassallos, Castellanos, Comites, Jobagiones, & officiales alios quovis nomine censeantur, a fidelitate homagio, & qualibet alia præstatione, qua eis tenebantur astricti, qua fungimur auctoritate, absolvimus, donec ad gremium Sanctæ Matris Ecclesiæ humiliter redeuntibus absolutionis beneficium meruerint obtinere. Quod si eis in prædicta excommunicatione manentibus adhærere forte presumpserint, illos eadem cum ipsis poena statuius excommunicationis involvi. Caterum ut dictorum sacrilegorum poena sit aliorum cautela, inhibemus Venerabilibus in Christo Archiepiscopis, & Episcopis, & aliis Ecclesiarum Prælatiis, eorumque vicem gerentibus, & Ecclesiasticis personis Sæcularibus, & Religiosis, nec non Ecclesiarum Capitulis, & Conventibus exemptis, & non exemptis, Cisterciensis, Præmonstratensis, Sancti Benedicti, Minorum, Prædicatorum, Sancti Augustini, & aliorum Ordinum, necnon Magistris, Præceptoribus, & Fratribus Militiæ Templi, S. Joannis Hierosolymitani Hospitalis, & B. Mariæ Theutonicorum sub nostra legatione manentibus, non obstantibus aliquibus privilegiis, indulgentiis, & litteris eis, vel eorum aliquibus, aut ipsorum Ordinibus a præfata Sede concessis, ne ipsi, vel eorum aliquis vel aliqui corpora illorum, qui sine digna, & debita satisfactione decesserint, tumulare, aut tumulationi eorum quoquomodo interesse præsumat. Si quis autem prædictorum contra præmissam inhibitionem nostram venire tentaverit excommunicationis vinculo se noverit innodatum, majori poena pro tanta inobedientia puniendum, & loca nihilominus, in quibus talia corpora sepulta fuerint, ecclesiastico supposita interdicto. Publicata Posonii IV. quarto Idus Novembris.

*Ut nulla Ecclesiastica persona præbeat auxilium, consilium, vel favorem alicui laico contra Ecclesias, Ecclesiasticasque personas.*

§. 3. Illi procul dubio sunt majori poena plectendi, qui nituntur offendere, quod totis suis viribus defendere tenebantur. Cum igitur personæ Ecclesiasticæ singulariter teneantur tueri Ecclesiam, a qua suam tuitionem recipiunt, præsentī Decreto statuimus, ut nulla Ecclesiastica persona exempta vel non exempta cujuscumque præeminentiæ, status, aut dignitatis existat, etiamsi pontificali fulgeat dignitate, præbeat alicui laico, cuiuscumque dignitatis aut conditionis existat, contra Ecclesias, ecclesiasticasve personas consilium, auxilium, vel favorem publice vel occulte. Si quis autem hoc ecclesiastico honore postposito contra tam salu-

*Bull. Rom. Tom. III. Pars II.*

bre statutum venire præsumperit, ipso facto sententiam excommunicationis incurrat. Et nihilominus si inferior Episcopo fuerit, Episcopus suus contra eum ad privationem ecclesiastici commodi, & honoris procedere: Si vero Episcopus Metropolitanus, sui Suffraganei excessum hujusmodi teneantur, quam cito commode poterunt, Sedi Apostolicæ nunciare. Publicata Posonii IV. Idus Novembris.

*Ne quis recipiat Ecclesiasticum Beneficium de manu Laici.*

§. 4. Præsentis Constitutionis auctoritate, sacro approbante Concilio inhibemus, ne quis Archiepiscopatum, Episcopatum, dignitatem aliquam inferiorem, Personatum, Parochialem Ecclesiam cum cura, vel sine cura, Beneficium aliquod Ecclesiasticum, seu alicujus prædictorum administrationem, vel detentionem, de manu laicali recipere, vel jam recepta retinere sub quovis colore præsumat. Si quis autem contra fecerit, vel sic receptum beneficium eo ipso, & nisi locum, quem sub crimine tantæ inobedientiæ tantæque ambitionis taliter jam recepit, vel in futurum recipiet, resipiscendo deseruerit liberaliter infra duorum mensium spatium a publicatione Constitutionis præsentis, quoad jam recepta, a receptionis vero tempore quoad ea, quæ deinceps continget sic recipi, numerandum, ad quodlibet aliud inhabilis ipso facto reddatur, itaut ad dignitatem, vel Beneficium Ecclesiasticum nullo unquam tempore absque dispensatione Apostolicæ Sedis, vel nostræ eligi valeat, vel assumi. Insuper, ut quantum exceßerit, poena docente recognoscat; si quam dignitatem, Personatum, vel Beneficium aliquod cum cura, vel sine cura sic recipiens, vel detinens, & ut præmittitur non dimittens, canonice forsan obtineat, ea, sit præsentis Constitutionis vigore ipso facto privatus: indignum enim fore censemus, ut Ecclesiastico beneficio gaudeant, qui eam tam nefandis ausibus despectui habuerunt. Injungimus quoque, & in virtute sanctæ obedientiæ, necnon sub excommunicationis poena præcipiendo mandamus omnibus, & singulis, tam Clericis, quam Laicis, Rusticis, Jobagionibus, Vassallis, Castellanis, Comitibus, & Officialibus aliis quocumque modo subjectionis astrictis dignitati, personatui, vel beneficio taliter, occupatis; quod occupatori, vel detentori prædictis in nullo pareant, vel intendant. Qui vero temere contrafecerit, si Universitas fuerit, interdicti; si autem singularis persona excommunicationis sententiæ se noverit subjacere. Publicata Posonii IV. Idus Novembris.

*De non occupandis, & restituendis Bonis Ecclesiasticis.*

§. 5. Cum multa providentia fuerit olim a felicis recordationis Benedicto Papa XI. Apostolicæ Sedis Legato, dum in his partibus fungeretur legationis officio, constitutum, quod nullus invadere, occupare, illicite detinere præsumeret decimas, tributa, castra, villas, munitiones, possessiones, & bona ad Eccle-



suas, & pia religiosa loca, ac personas Ecclesiasticas spectantia, vel pertinentia quomodo, sententia excommunicationis prolata in hujusmodi invasores, occupatores, & illicitos detentores. Sed quia propter præsumptiones, & quorundam cupiditates nullus fructus hactenus, aut rarus ex prædicta Constitutione provenit, nos tantis animarum periculis præcavere volentes, ne tam salubre statutum videatur in defuetudinem abiisse, & ab hujusmodi præsumptoribus ejus ignorantia prætendatur, prædictum statutum duximus innovandum, & ipsum in suo robore permanere, ac inviolabiliter observari volentes adjicimus, ut quicumque propter invasionem, occupationem, & illicitam detentionem dictarum rerum excommunicatione auctoritate prædicti statuti ligatur, infra trium mensium spatium invasa, spoliata, occupata, & detenta hujusmodi non restituerit spoliatis, omnes eorum Vassalli, Jobagiones, Castellanei, Comites, & Officiales alii quocumque nomine censeantur, & quivis alii eis quoquomodo obnoxii a fidelitate, homagio, & qualibet præstatione, qua eis juramento, pacto, consuetudine, vel qualibet alia firmitate vallata tenebantur astricti, sint absoluti, & liberi præsentis auctoritate Decreti, donec ad eos humiliter redeuntes satisfactionem debitam impenderint de præmissis. Quod si perseverantibus in hujusmodi contumacia, & contemptu adhererint, quia eis in peccatis favere satagunt, excommunicationis vinculo sint legati, & terra quæ eis medio tempore obediens fuerit, Ecclesiastico supposita interdicto: quod interdictum omnes, & singuli Archiepiscopi, Episcopi, & alii Ecclesiarum Prælati, Capellæ, & Conventus tam regulares, quam sæculares, exempti, & non exempti, Cisterciensium, Præmonstratensium, Sancti Benedicti, ac Predicatorum, & Minorum, Heremitarum S. Augustini, aliorumque approbatorum Ordinum, necnon Magistri, & Præceptores militiæ templi, & Hospitalis S. Joannis Ierosolymitani, ac B. Mariæ Theutonicorum in virtute s. obedientiæ, & sub excommunicationis pœna servare inviolabiliter teneantur. Et nihilominus si sine debita satisfactione decesserint, prædictorum omnium corpora perpetuo ecclesiastica careant sepultura: non enim debet illi Ecclesiæ beneficium subvenire, qui dum viveret Ecclesiam hostiliter impugnavit. Publicata Pofonii quarto Idus Novembris.

*De pœna publicorum Concubinariorum.*

S. 4. Almæ matris Ecclesiæ, quæ plerumque rationabiliter ordinat, & consulte, quæ suadente subjectorum utilitate postmodum consultius, ac rationabilius revocat aliquando, subtrahit, addit quandoque pariter, & commutat in melius, imitantes exempla, Constitutionem bonæ memoriæ Philippi quondam Firmani Episcopi in Regno Ungariæ, ac partibus aliis nostræ jurisdictioni subjectis Apostolicæ Sedis Legati contra publicos concubenarios editam, & a felicis recordationis Benedicto Papa XI. tunc in Regno, & partibus supradictis Legato Sedis Apostolicæ confirmatam quibusdam

additis, & subtractis juxta infra scriptam modificationem in posterum observari præcipimus. Ad ipsius quidem temperandum rigorem animarum zelus, quas ex illius contemptu quasi continuo peccatorum sordibus fedari conspiciamus, nos inducit, spes recuperationis hortatur. Confidimus enim, quod spiritali pœna excommunicationis videlicet, quæ quavis sine comparatione periculosior minus tamen peccatis exigentibus formidatur, in temporalem mutata vindictam subditorum mutabunt & mores. Decreto igitur præsentis statuimus, ut quicumque Clericus contra ipsius Constitutionis vigorem deinceps deliquerit, excommunicationis pœna in ea contenta, propter causas prædictas cessante, quartæ partis reddituum beneficiorum suorum præsentis Constitutionis auctoritate damnationi subjaceat. Quia vero nihil prodesse jura, nisi foret, qui ea executioni manderet, omnibus Episcopis, eorumque Superioribus, necnon singulis Ecclesiarum Prælati de jure, vel antiqua consuetudine jurisdictionem habentibus in virtute sanctæ obedientiæ, ac sub excommunicationis pœna, quam, si ad hujusmodi Constitutionis observantiam negligentes fuerint, vel remissi ipso facto incurrant, districte præcipimus, quatenus a subditis suis, qui contra ipsam Constitutionem exceßerint, pœnam præfatam integraliter exigant ipsius quidem parte dimidia in exigentis, reliqua vero parte in pauperum usus, seu Ecclesiæ exigenti commissæ commodum convertenda. Prædicta autem condemnatio tandiu cum exactiōne debita repetatur, quousque mores suos, & vitam, quoad præmissa, curaverint emendare: ad quod etiam corporalis pœna, si Superior suus expedire crediderit, indicatur. Publicata Pofonii IV. Idus Novembris.

*De prohibita depredatione.*

S. 5. Cum Christus vera pax de summis coelorum descenderit, ut quam mundus dare non potest, suis fidelibus pacem daret; profecto non est membrum Christi, nec ejus Ecclesiæ, qui pacem suam non recipit, vel qui, ne alii recipiant, suis perversis actibus, causam præstat. Cum itaque in Regno Ungariæ olim in pulchritudine pacis æmulus, & discordiæ seminator diu procuraverit optatæ pacis exilium, immittendo guerrarum discrimina, & depredationes, seu disturbanceones per perversos homines membra sua inhumaniter exercendo propter quæ pax, & concordia extra dicti Regni terminos diu, quod dolenter referimus, exulavit; Nos, qui præfati Regni, & Incolarum ejus specialem curam suscepimus, ipsorum pacifico statui providere desiderabiliter affectantes, statuimus sacro approbante Concilio, ut omnes, & singuli cujuscumque dignitatis, conditionis, aut status extiterint, qui in Regno Ungariæ præfato depredationes, seu disturbanceones publicas, per quas pax, & tranquillitas dicti Regni, ut plurimum impeditur, per se, vel per alium publice exercere, & qui aliter ipsius Regni statum pacificum impedire præsumperit, nisi per Episcopum proprium monitus, ad quod ipse Episcopus in virtute obedientiæ teneatur, infra octo dies vitam suam melius consulte cor-



rexerit, & si clericus fuerit exemptus, vel non exemptus beneficio privatus ipso facto excommunicatione, qua Deus iratus animas percutit, sit ligatus. Publicata ut supra Pofonii.

*De his qui contumaciter sustinent excommunicationem.*

§. 6. Cum peccata tanto gravius deprimant, atque laboriosius extirpentur, quanto invaluerint consuetudine longiori, præfenti Constitutione sacro approbante Concilio duximus statuendum, quod si quis Clericus, vel Laicus cujuscunque status, vel conditionis existat, aliquam de constitutionibus nostris transgrediens, quas contra recusantes dictum Carolum pro Rege naturali Ungariæ recipere, & habere, vel alium advocantes, vel nominantes, seu recusationi, advocacy, vel nominationi hujusmodi consentientes, seu faventes, ac etiam contra occupatores Regalium generalium, vel Ecclesiasticorum bonorum, contra eos quoque, qui in Regem prædictum, Archiepiscopos, Episcopos, vel Legatos manus injecerint violentas, necnon contra occupatores, & detentores Sacræ Coronæ, eorumque fautores edidimus, majoris excommunicationis sententiam in præfatis constitutionibus, seu aliqua eorum contentam, quod absit, incurrerit, quam citius commode poterit, cum debita instantia illius absolutionem efficaciter obtinere procuret: qui vero concepta malitia, sive damnosa negligentia excommunicationem hujusmodi per annum substinuerit animo indurato, contra eum per Prælatum ad quem de jure pertinere dignoscitur, seu per Inquisitores hæreticæ pravitatis bonis pro facto jure confiscatis ipsius tamquam contra hæreticum procedatur. Publicata Pofonii quarto Idus Novembris.

*Ne aliqua Fidelis alicui Infideli matrimonialiter copuletur.*

§. 7. Ut Fides Catholica, quæ scissuram erroris cujuslibet aspernatur, nullius Schismatis, vel fermento pravitatis hæreticæ maculetur, de consilio, & assensu præfentis Concilii perpetuo prohibemus edicto, ut nullus nostræ Legationi subiectus, qui vult reputari, & haberi catholicus, præsumat de cætero hæretico, Patareno, Lazaro, Schismatico, vel alteri fidei Christianæ contrario, maxime Ruthenis, Bulgaris, Rasciis, Lituaniis in errore manentibus, qui sicut fide dignorum testimonia præstantur, in diminutionem catholicæ fidei, opprobrium Jesu Christi, & Sacrosanctæ Romanæ Ecclesiæ, quæ est veræ fidei fundamentum, non solum Sacri Baptismatis reiterant Sacramentum, verum alia Catholicæ Ecclesiæ salutifera Sacramenta damnabiliter contemnentes habent despectui, fidei veritatem, in qua fidelibus salus datur, abnegant, & eis diversis modis, & variis injuriam irrogare conantur, filiam, neptem, consanguineam suam connubio tradere, vel eas eis modo aliquo copulare, cum hoc sit in prædictæ fidei christianæ detrimentum non modicum, & jacturam; nam sicut didicimus ab experto, viri ab unitate fidei catholicæ separati ux-

*Bull. Rom. Tom. III. Pars II.*

res suas quantumvis catholicas instigante Diabolo ad infidelitatis errorem trahunt, potius, quam trahentur. Qui vero contra inhibitionem præsentem filiam, neptem, vel consanguineam suam prædictis pestiferis hominibus, qui quantum in eis est, catholicam fidem, sine qua nullus omnino salvatur, nituntur confundere, dedit, vel danti consenserit, vel ex proposito, vel scienter hujusmodi scelestis nuptiis assisterit (mulier etiam data, vel tradita, quæ eisdem consenserit) cum per hoc in Christiana Religione scissuram, & maculam ponere satagat, ac per hoc hæreticæ pravitati favere, eo ipso excommunicationis mucrone percussus se noverit, & Ecclesiastica Sepultura privatum. Volumus autem, & in virtute obedientiæ districte præcipimus Archiepiscopo, vel Episcopo, in cujus Diocesi contemptor hujusmodi moram trahit, quod eum excommunicatum denuntiet, & ab omnibus evitandum: Et si infra mensem corde contrito, & humiliato non redierit ad Ecclesiæ unitatem, de tanta injuria irrogata nomini Christiano, & fidei orthodoxæ condignam satisfactionem, & debitam impensurus, ex tunc contra eum tamquam contra fautores hæreticorum, & inimicos fidei Christianæ procedatur juxta Sanctiones Canonicas, & Civiles. Publicata Pofonii IV. Idus Novembris.

*De observantia mandatorum Apostolica Sedis, & Legatorum ipsius.*

§. 8. Cum Apostolica Sedes ad obedientiam omni singulari privilegio præponatur, dolemus, quod quidam, quos termini nostræ Legationis includunt, bonum obedientiæ pervertentes, ipsius Apostolicæ Sedis, vel etiam Legatorum ejus, qui in decreta sibi Provinciæ, secundum in obedientia, & reverentia locum tenent ipsius in obedientiæ debito reverenter subtracto, mandatis, sive in recipiendis Canonis, sive in custodiendis sententiis, sive in quibusvis præceptionibus observandis aliorum damnabiliter voluntatem præponunt, & non attendentes, quod quasi peccatum ariolandi est repugnare, & quasi scelus idolatriæ nolle acquiescere poenæ inobedientiæ debitæ se supponunt, quod in terra Poloniæ maxime per nonnullos Episcopos, & Capitula, quæ præsertim pro aliquibus recipiendis Canonis, nisi de suorum Superiorum voluntate procedat, ab eadem Sede vel Legato ipsius discretis literis obedire contemnunt, factum esse frequentius nostris auribus est relatum: Proinde nostro commissos regimini in bono perfectæ obedientiæ, sine qua infidelis quisque vincitur, etiam si fidelis esse videatur, observari ferventi desiderio affectantes monemus omnes, & singulos Archiepiscopos, Episcopos, electos, Abbates, Priores, Ecclesiarum quoque capitula prædictæ terræ Poloniæ, ut non obstante suorum Superiorum voluntate contraria dictæ Sedis Legatorum, quæ ipsius mandata sic reverenter recipiant, & obedienter adimplendant, quod meritum inobedientiæ non amittant; scituri, quod si mandata hujusmodi per inobedientiæ vitium non duxerint adimplendum, eos taliter puniemus, quod poenæ



docente cognoscent, quam grave sit eorum iussionibus contraire, Publicata ut supra. Datum Posonii quarto Idus Novembris Pontificatus Domini Clementis Papæ V. anno IV.

Clausula.

§. 9. Nulli ergo omnino hominum liceat hanc paginam nostræ confirmationis infringere, vel ei ausu temerario contraire &c.

Dat. die 2.  
Septembris  
1346. An. V.

Datum Avenioni quarto Nonas Septembris Pontificatus nostri anno quinto.

## X.

Ex Regest. in  
Archiv. Vatis.

Confirmatio Electionis Marchionis  
Moraviæ Romanorum Regis in  
Imperatorem electi.

Clemens Episcopus, Servus Servorum Dei,  
Charissimo in Christo Filio Carolo Regi  
Romanorum Illustri, Salutem &  
Apostolicam Benedictionem.

Proemium.

**R**omanus Pontifex, cui Rex æternus & summus in persona Beati Petri Apostoli æternæ vitæ Clavigeri, Celestis simul, & Terreni jura Imperii, & plenitudinem potestatis concessit, supra cunctos Fideles suæ curæ commissos invigilans, & intendens circa ea, quæ fidelibus ipsis ampliora pacis & justitiæ afferre commoda extimat, tanto diligentioribus se tenetur impendere studiis, quanto ad hoc injunctæ desuper Apostolicæ servitutis officium ipsum stimulat, & perurget. Et quia regnantium recte ordinata regimina nutrire consueverunt justitiam, & Christiano Populo pacem dare, Pontificis ejusdem auctoritas, cui dictum a Domino legimus per Prophetam: Ecce constitui te super gentes & super Regna, ut evellas, destruas, disperdas, & dissipas, ædifices, & plantes; ad erigenda hujusmodi regimina, prout ad suam spectat sollicitudinem, nequaquam debet tepescere, sed potius operosas apponere, cum expedire conspicit, manus suas.

Fridericus  
Austriæ & Lu-  
dovicus Ba-  
varie Duces  
in discordia  
electi.

§. 1. Sane dudum Imperio Romano per obitum claræ memoriæ Henrici ultimi Romanorum Imperatoris vacante, duo videlicet quondam Fridericus Austriæ, ac Ludovicus tunc Bavarie Duces in Regem Romanum in discordia electi, ut dicitur, extiterunt. Deindeque Friderico prædicto rebus humanis exempto Ludovicus prædictus propter ipsius excessus, culpas, crimina, & alia demerita detestanda quasi totum divulgata per Orbem per felicis recordationis Joannem Papam vigesimum secundum Predecessorem nostrum de Fratrum suorum consilio extitit omni jure, si quod eidem Ludovico ad Regnum vel Imperium Romanum ex electione discordi prædicta, vel alias competere poterat, quoquomodo, judicio justo privatus, & subsequenter de hæresi & schismate sententialiter condemnatus.

Friderico  
mortuo Lu-  
dovicus om-  
ni jure Impe-  
rii a Joanne  
Papa vacua-  
tus.

Quo pacto  
vacanti Im-  
perio consu-  
luerit Cle-  
mens.

§. 2. Nos autem postmodum licet insufficiens meritis ad apicem summi Apostolatus assumpti, attendentes, quod ex hiis Regnum & Imperium prædicta diu vacaverant & vacabant, & ob hoc Sancta Romana Mater Ecclesia per

longa tempora suo caruerat & carebat speciali advocato & legitimo defensore in Catholica fidei, & ejusdem Romanæ, ac aliarum Ecclesiarum, & libertatis Ecclesiasticæ, reique publicæ grande præjudicium multiplex detrimentum, & multarum periculum animarum, ac hujusmodi dispendiis & periculis, quæ tolerare salva conscientia non poteramus, ulterius occurrere paternæ sollicitudinis studiis cupientes, Principes tam Ecclesiasticos quam Seculares, ad quos jus eligendi Regem Romanum in Imperatorem postmodum promovendum pertinebat, Apostolica auctoritate monuimus, eis districtius injungentes, ut pro electione Regis Romani in Imperatorem, ut prædicitur, promovendi, de persona idonea facienda convenirent invicem & ad electionem hujusmodi procedere non differrent: Alioquin Apostolica Sedes, a qua ius & potestas electionis hujusmodi ad Principes pervenisse, constat, eosdem super hoc de opportuno remedio provideret.

§. 3. Præfati vero Principes salutaribus monitis nostris hujusmodi se devota promptitudine conformantes, ac certis die & loco pro electione hujusmodi celebranda illi videlicet, qui debuerunt, potuerunt, & voluerunt interesse, convenientes in unum, post diligentes deliberationem & tractatus prout tanti magnitudo negotii requirebat habitos inter eos te Marchionem Moraviæ nunc etiam Regem Bohemiæ in Regem promovendum postmodum in Imperatorem Romanum unanimiter & concorditer elegerunt, tuque deliberatione habita super hoc ad instantiam Electorum prædictorum, & aliorum multorum electi hujusmodi consensisti.

Carolus Mo-  
ravia Dux in  
Regem Rom.  
electus.

§. 4. Post hæc autem Venerabilis Frater noster Arnestus Archiepiscopus Pragen., & dilecti Filii Magistri Joannes de Pistorio Decanus Sancti Joannis Traiecten., & Nicolaus de Lucemburgo Præpositus Sarzen. Pragen. Diocesis, & Geraldus de Magnaco Archidiaconus de Bautesio Constantien. Ecclesiarum Cappellani nostri, necnon nobilis Vir Ademarum de Pictavia Miles Procuratores & Nuncii tui, ad nostram præsentiam super hoc destinati habentes ad infrascripta omnia plenum sufficiens & speciale mandatum, sicut per patentes literas tuo sigillo munitas nobis extitit facta fides, coram nobis, & Fratribus nostris Sanctæ Romanæ Ecclesiæ Cardinalibus, in solemni & publico Consistorio præsentem tam Prælatorum, & Clericorum aliorum, quam Laicorum multitudine copiosa Fidelium constituti, pro parte tua inter cetera proponere curaverunt electionem ad Regnum Romanum de te ad Imperium postmodum promovendo ab omnibus Principibus tunc in electione hujusmodi vocem habentibus, qui, ut præfertur, debuerunt, potuerunt, & voluerunt interesse, fuisse concorditer, ac unanimiter celebratam, teque, ut prædicitur, electioni hujusmodi consensisse, filialem reverentiam, & devotionem, quam Tu ad Nos, & eandem Romanam Ecclesiam Matrem tuam gessisti, gerebas & geris, ac proponis gerere in futurum, sinceris affectibus exponentes, ac inter alia supplicantes,

Petita ab eo  
per suos Nun-  
cios Aposto-  
lica confir-  
matio.



tes; Tibi nostros favores & gratias exhiberi, nec non inunctionem, & consecrationem per manus nostras impendi, teque Imperiali Diademate coronari, offerentesque se paratos & promptos pro te & in animam tuam præstare debite Nobis & eidem Ecclesiæ fidelitatis, & cujuslibet alterius generis juramentum.

Ei concessa a  
Clemente.

§. 5. Tandem autem Procuratoribus per se, & unacum dilectis filiis nobilibus Viris Henrico Comite de Salmis, Gautero de Montilio, Gerardo de Uffix, & Joanne de Asperomonte, Militibus Treveren., Valentin., & Viridunen. Dioecesum, ac Radulpho dicto Loffe, Officiali Treveren. Procuratoribus, & Nunciis suis una cum eis per alias tuas literas similiter constitutis hæc omnia pluries petentibus, ac devote offerentibus coram Nobis, nos præmissis per eosdem Procuratores, & Nuncios tuos propositis diligenter auditis, factaque Nobis de hujusmodi electione concordii & unanimi plena fide, eaque necnon persona tua in quantum patiebatur absentia diligenter examinatis, ac de tuis fide, probitate, ac conditionibus omnibus, quæ requiruntur in illo, qui est electus ad Imperialis culminis apicem sublimandus cum pluribus Prælati & aliis magnæ auctoritatis viris, qui tuos mores, conditiones, & statum plenius noverant, inquisito, ad laudem & gloriam Omnipotentis Dei Patris, & Filii, & Spiritus Sancti, & Beatæ ac Gloriosæ semperque Viriginis Dei Genitricis Mariæ, Beatorum quoque Apostolorum Petri & Pauli, ac exaltationem & honorem Ecclesiæ, & bonum, & promotionem Imperii prædicti & prosperum, statum Mundi, de Fratrum eorumdem consilio te in specialem nostrum & Ecclesiæ filium suscepimus, Tibi nostros favorem, & gratiam concedentes, personaque tua, cujus Nos, & iidem Fratres nostri specialem prius notitiam habebamus, idonea reputata, Te nominavimus, denunciavimus, declaravimus, & assumpsimus in Regem Romanum promovendum in Imperatorem, eandem tuam approbantes personam, ac sufficientem & habilem declarantes ad suscipiendam Imperialis celsitudinis dignitatem, ac decernentes unctionem, consecrationem, & coronationem Imperialis Diadematis tibi per manus nostras opportunis loco & tempore impendendas: suppletes quoque omnem defectum, si quis, aut ratione formæ, seu tuæ aut Electorum prædictorum personarum, qui electioni tuæ interfuerunt, seu ex quavis alia ratione sive causa in eadem electione intervenierit quovis modo ex certa scientia, & de Apostolicæ plenitudine potestatis præcipientes etiam omnibus Fidelibus & Vassallis Regni, & Imperii prædictorum, ut Tibi tanquam Regi Romanorum in Imperatorem promovendo pareant efficaciter & intendant.

Prestitum per  
Procuratores  
fidelitatis ju-  
ramentum.

§. 6. Et nihilominus ibidem a prædictis Procuratoribus, & Nunciis tuis ad hæc, ut præmittitur, plenum sufficiens & speciale mandatum habentibus, prout ipsi Nobis frequenter obtulerunt, fidelitatis recepimus juramentum.

§. 7. Attende itaque Fili charissime quæsumus, & intra præcordia tua diligenter revolve dona magnifica & multiplicia beneficia, quibus te largitor bonorum omnium in suis

benedictionibus dignatus est prævenire, illaque sibi devotione humili & operosis affectibus recognoscens mandata & beneplacita in omnibus te coapta, & vitare stude summo opere, quæ suæ offenderent oculos majestatis: pone gressus tuos semper in semitis mandatorum ipsius, & ejus Ministros condigna honorificentia prosequi non omittas: præfatam quoque Romanam Ecclesiam Matrem tuam, quæ internæ charitatis officio & affectu de tui status & honoris augmento sollicita redditur, filiali venerari reverentia semper stude, iustitiam dilige, veritatem ama, sectare pacem, equitatem serva, & clementiam, quæ amicos, & devotos multiplicat, amplexare, ut inde lætentur Coeli & exultet Terra, & de tuis benignis & virtuosus actibus universæ reipublicæ Populus nunc usque vehementer afflictus ilarescat, iugo tuæ dominationis superbæ mentes hostium comprimantur, contriti, & depressi subditorum tuorum animi ope tuæ misericordiæ releventur, te virtus cælestis gratiæ terribilem tuis inimicis faciat, pietas subditis benignum ostendat, tuisque felicibus temporibus in plenitudine pacis Populus Christianus sedeat, in fiduciæ tabernaculis habitet, & requiescat, tuque his & aliis tuis bonis operibus in conspectu divinæ Majestatis acceptus, post multorum annorum curricula, de terreno ac temporali Regno ad cælestis & æterni Regni provehi gloriam merearis.

Nulli ergo omnino hominum liceat hanc paginam nostræ constitutionis infringere vel ei ausu temerario contraire &c.

Clause.

Datum Avenioni octavo Idus Novembris Pontificatus nostri anno quinto.

## XI.

Pragensis Academia instituitur, & Archiepiscopo conferendæ Doctoratus Laureæ jus adjudicatur.

Ex Raynaldo  
ad ann. 1347.

Clemens Episcopus, Servus Servorum Dei, ad perpetuam rei memoriam.

Considerantes eximiam devotionis, & fidei puritatem, quam tam ipse Carolus, & Prædecessores sui Bohemiæ Reges, quam ejusdem Regni Incolæ ad Sanctam Romanam Ecclesiam gessisse, ac ipse Carolus Rex, & Incolæ gerere dignoscuntur, ferventi desiderio ducimur, ut Regnum ipsum, quod divina bonitas multitudine populi, rerumque copia prædotavit, fiat literarum fertilitate fecundum, ac in eo quemadmodum auri, & argenti fore dignoscitur, sic scientiarum prævalentium sit

Proemium.

ut viros producat consilii maturitate conspicuos, virtutum redimitos ornatibus, ac diversarum facultatum dogmatibus eruditos, sitque ibi fons irriguus, de cujus plenitudine hauriant universi liberalibus cupientes imbui documentis.

\* abundantia.

§. 1. His igitur omnibus, & præsertim amœnitatibus civitatis præfatæ diligenti pensatis ad hujusmodi universalem, non solum præmissorum ejusdem Regni, & Regionum cir-



Accademia  
Studiorum  
generalium  
instituta.

Prescripta co-  
ferendæ Lau-  
rez ratio.

Conclusio-  
nes.

Dat. die 26.  
Januarii 1347  
Anno V.

circumjacentium Incolarum, sed etiam alio-  
rum, qui de diversis mundi partibus, ad ean-  
dem confluent civitatem commodum, & pro-  
fectum paternis affectibus anhelantes dicti Re-  
gis supplicationibus inclinati de Fratrum no-  
strorum consilio Apostolica auctoritate statui-  
mus, ut in dicta Civitate Pragensi perpetuis  
futuris temporibus generale studium vigeat in  
qualibet licita facultate, & quod legentes &  
studentes ibidem omnibus privilegiis liberta-  
tibus, & immunitatibus concessis Doctoribus  
legentibus, & studentibus commorantibus in  
Studio generali gaudeant & utantur, quodque  
illi, qui processu temporis scientiæ margari-  
tam fuerint in alia facultate, in qua studie-  
rint, affectu, si bique docendi licentiam, ut  
alios erudire valeant, ac Magisterii honorem,  
seu titulum petierint impertiri per Magistros  
seu Magistrum illius facultatis, in qua exami-  
natio fuerit facienda Archiepiscopo Pragensi,  
qui est pro tempore presentetur. Idem quo-  
que Archiepiscopus Doctoribus, Magistris in  
eadem facultate inibi actu regentibus convo-  
catis, illos in iis quæ in promovendis ad Docto-  
ratus, seu Magisterii honorem requiruntur,  
per se vel alium juxta modum, & consuetu-  
dinem, quæ super talibus in generalibus Studiis  
observantur, examinare studeat diligenter eis-  
que si ad hoc sufficientes, & idonei reperti  
fuerint hujusmodi licentiam tribuat, ac hono-  
rem seu titulum conferat magistralem. Illi  
vero, qui in eodem Studio dictæ Civitatis exa-  
minati, & approbati fuerint, ac docendi licen-  
tiam, & honorem, seu titulum Magisterii ob-  
tinuerint, ut est dictum ex tunc absque exami-  
ne, & approbatione alia regendi, & docendi,  
tam in Civitate prædicta, quam alibi ubicum-  
que tam dictæ Civitatis, quam quorumlibet  
aliorum locorum, seu generalium Studiorum,  
in quibus voluerint, regere, vel docere, sta-  
tutis, consuetudinibus contrariis Apostolica,  
vel alia quacumque firmitate vallatis nequa-  
quam obstantibus plenam, & liberam habeant  
facultatem.

Nulli ergo omnino hominum liceat hanc  
paginam nostræ concessionis infringere, vel ei  
ausu temerario contraire. Si quis autem hoc  
attentare præsumpserit indignationem omnipo-  
tentis Dei, & Beatorum Petri & Pauli Apo-  
stolorum ejus se noverit in cursurum.

Datum Avenioni VII. Kalendas Februarii  
Pontificatus nostri anno quinto.

## XII.

De Canonizatione S. Ivonis Presbyteri Treco-  
rensis Galli, ejusque festivitatis celebra-  
tione sub die 19. Mensis Maii.

Clemens Papa VI. Carissimo in Christo filio  
Philippo Regi Franciæ Illustri, Salutem, &  
Apostolicam benedictionem.

**A**D spiritualis gaudii, & consolationis  
augmentum patefieri Regali Excel-  
lentia volumus per presentes, quod nos super  
negocio canonizationis almi Confessoris Domi-  
ni Jesu Christi, Ivonis videlicet quondam Pre-  
sbyteri Diocesis Trecorensis, pro qua tua su-  
blimitas instanter hactenus nos rogavit, in no-  
mine Domini procedentes, die sextadecima  
præsentis mensis Junii examinatione diutina,  
prolixa providentia, & matura sicut exigit tan-  
ti negotii arduitas, præcedente, præfatum  
Sanctum, qui vitam sanctam piis exuberantem  
operibus castigando, & in servitutem redi-  
gendo carnem suam, spiritum non sine multis,  
& magnis austeritatibus gessisse poenentiali-  
bus, dum in humanis ageret, multorumque  
coruscatione miraculorum, tam in via, quam  
post felicem ipsius transitum claruisse, mani-  
festis ipsius probationibus fuit repertus, præ-  
sente fidelis cleri, & populi multitudine co-  
piosa, observataque solemnitate, quæ consue-  
vit in talibus observari, ad laudem, & gloriam  
divini nominis, ac consolationem fidelium,  
& maxime Regni tui, de quo traxisse noscitur  
originem, ac Tui, & ejusdem Regni exaltatio-  
nem honoris, de consilio Fratrum nostrorum  
canonizavimus, & Sanctorum Cathalogo ad-  
scribendum mandavimus, & ut Sanctum dein-  
ceps a fidelibus venerari.

§. 1. Festum ipsius die decimanona mensis  
Maii, quo eius anima mole carnis exuta, coe-  
los petens, cum scala gloriæ cælitibus civibus  
est coniuncta, statuentes a fidelibus annis sin-  
gulis celebrandum.

§. 2. Ad ipsum quidem Sanctum ingen-  
tem devotionem gerit partium istarum popu-  
lus, & iam multi ad ipsius suffragia devotis ora-  
tionibus, & emissis votis in humilitate spiri-  
tus recurrentes, exinde sanitatum, & alia re-  
media super suis iustis petitionibus reportarunt,  
& reportare non desinunt incessanter.

§. 3. Ex his nempe tibi fili carissime adau-  
geri debet proculdubio magnæ spiritualis læti-  
tiæ incrementum, & inde teneris Deo assur-  
gere, ad gratiarum devotas, & humiles actio-  
nes, qui tibi talem de Regno tuo, in quo  
etiam corpus quiescit, ejusdem patronum  
& intercessorem in sua curia cælesti concessit,  
ad quem super tuis necessitatibus, ut divinam  
tibi propitiationem apud Regem æternam,  
qui omnia palmo concludit, obtineat, recur-  
rere poteris, sicut credimus confidenter.

Dat. Avenione 11. Kal. Julii Pont. no-  
stri Anno VI.

B. Ivonem a  
se canoniza-  
tum ait.

Ejusque sta-  
tutum festum  
diem.

Miracula ad  
B. tumulum  
patrata.

Dat. die 21.  
Junii 1347.  
Anno VI.



## XIII.

## Limitatio finium Agri Beneventan.

Clemens Episcopus, Servus Servorum Dei,  
Ad perpetuam rei memoriam.

Ex Regest. in  
Archiv. Vatic.

Proemium.

**U**Rget Nos Apostolicæ servitutis debitum, ut sic simus aliis in exhibitione Justitiæ debitores, & Jura Romanæ Ecclesiæ, cui licet immeriti Auctore Domino præsidemus, lædi per conniventiam, aut minui per periculosam tolerantiam nullatenus permittamus. quinimo Justitiam ipsius, quantum cum Deo possumus prosequentes, ejus indemnitatibus providere sine cujuscumque injuria studeamus.

In concessio-  
ne a Clemen-  
te IV Carolo  
Andegavensi  
facta excep-  
tus Comitatus  
Beneventanus  
de ipsius  
Comitis con-  
sensu.

§. 1. Sane in Christo carissimam Filiam nostram Joannam Reginam Sicilia Illustrē latere non potest, quod in præstatione Juramenti fidelitatis, & homagii nostro & Ecclesiæ prædictæ nomine receptorum, ratione Regni Sicilia per eam præstitorum, ipsa confessa est, prout Prædecessores sui fecerant, recognoverat, & in illis partibus tanquam in publicam deductum notitiam, notorium existit, quod felicitis recordationis Clemens Quartus Prædecessor noster in concessione per ipsum facta sub certis pactis, modis, & conditionibus claræ memoriæ Carolo Comiti, Provinciæ, & Andegaviæ, de Regno Sicilia, & Terris citra Farum usque ad Confina Terrarum Romanæ Ecclesiæ supradictæ expresse, & nominatim excepit, & a prædicta concessione exclusit Civitatem Beneventanā, quam in signum directi, & majoris Domini, Regni, & Terrarum prædictarum sibi, & præfatæ Romanæ Ecclesiæ retinebat, cum toto ejus Tenimento, districtibus, & pertinentiis suis distinguendis, & limitandis per Romanum Pontificem pro ejus beneplacito voluntatis, cui distinctioni, & limitationi semel bona fide faciendis ipse Carolus, & Successores sui stare deberent absque contradictione, & refragatione quacumque, prout ipsa distinctio per Apostolicas literas appareret: quam Civitatem Beneventanam, cum toto Tenimento, & districtu, ut præmittitur, distinguendo voluit solum, & insolidum ad Jus, & proprietatem, & in Dominio, & Demanio Romanæ Ecclesiæ remanere, ut nec Reges Sicilia nec quicumque alii in dicta Civitate, & ipsius Territorio, & pertinentiis possint sibi Jus aliquod quomodolibet vendicare, acquirere, recipere, vel habere seu etiam retinere, prout in literis Apostolicis dictæ concessionis super hoc confectis, ac registratis Aurea Bulla impressa Zipario communis dicti Caroli, & omnium successorum suorum super receptione homagii, & præstatione Juramenti fidelitatis, & Vassallagii; in quibus tenor concessionis prædictæ, cum suis pactis, modis, & conditionibus inseritur; latius continetur.

§. 2. Licet autem Ecclesia Romana prædictam Civitatem Beneventanam pleno jure ex tunc inconcussa possederit pacifice & quiete; Attamen propter diversas occupationes,

quæ undique Romanis Pontificibus occurrentes non sinunt omnibus accomodæ provisionis remedium adhiberi, & conditionem Regni & Terrarum prædictorum, quæ diversis turbationibus sæpius fluctuarunt; Territorium seu Tenimentum, aut districtus hujusmodi per Prædecessores nostros limitata non fuerunt, neque distincta quamvis ipsorum aliqui ad distinctionem & limitationem Territorii, seu Tenimenti, & Districtus eorundem procedere intendentes informatione super limitibus hujusmodi rite recepta, morte præventi non potuerint coeptum negotium terminare; Nosque olim attendentes, quod ex omissione limitationis, districtus, & Tenimenti seu Territorii prædictorum multa Ecclesiæ præfatæ, ac Civibus seu Incolis Civitatis prædictæ subditis nostris incommoda evenerunt, & dubitantur verisimiliter ampliora in posterum evenire, si limitatio, seu distinctio hujusmodi ulterius differretur, ac volentes prout tenemur periculis futuris occurrere & Ecclesiæ prædictæ nostræ Sponsæ indemnitatibus providere, Venerabili Fratri nostro Bertrando Episcopo Sabinen tunc Tituli Sancti Marci Presbytero Cardinali Apostolicæ Sedis Legato commissimus, ut de Tenimento, Territorio, & districtu prædictis, & eorum finibus prædictis diligentius se informare, & informatione recepta fines Territorii, Tenimenti, & districtus prædictorum nomine, & vice nostris distingueret Terminis evidentibus apposis in eisdem: & licet dictus Episcopus, se per Testes idoneos omni exceptione majores de Tenimento, Territoriis, districtibus, & finibus prædictis diligenter informaverit, vocata ad hoc prædicta Regina legitime, sed comparere per se, vel Procuratorem idoneum non curante; tamen ipse Legatus infirmitate, & aliis legitime impeditus prædictos fines distinguere, non potuit, nec hujusmodi Territorium terminare. Propter quod postmodum venerabili Fratri nostro Hanibaldo, Episcopo Tusculano, Apostolicæ Sedis Legato commissimus, ut super prædictis informatione recepta auctoritate Apostolica, & vice nostra Territorium, Fines, & districtus prædictos distinguere procuraret: qui licet se diligenter informaverit, ad distinctionem, & limitationem tamen hujusmodi procedere noluit, Nobis super hoc inconsultis, sed informationes per eum super iis acceptas Nobis destinare curavit; ac Nos nolentes quod negotium prædictum tanto tempore periculose dilatum ulterius retardetur, informationes prædictas per aliquos ex Fratribus nostris Sanctæ Romanæ Ecclesiæ Cardinalibus, videri, & examinari fecimus diligenter, nihilominus mandantes eisdem, ut ex suprabundanti se per Testes idoneos finium prædictorum habentes notitiam de prædictis informarent.

§. 3. Facta itaque nobis per eos de prædictis informationibus relatione fidei de Fratrū nostrorum consilio ordinamus, & declaramus, fines & limites, Tenimentum & districtum, seu Territorium Civitatis nostræ prædictæ Beneventanæ existere, & esse debere, & ex certa scientia limitamus, per modum, & ter-

Quare dilata  
ulque adhuc  
ejus finium  
distinctio.

Hæc Provin-  
cia pluribus  
Sedis Apost.  
Legatis com-  
missa.

Beneventa-  
norum finium  
decretoria  
descriptio.



& terminos infra scriptos: In primis Castrum Pontis iuhabitatum, & inde ascendendo Castrum Casalbanii, Castrum Campi Lactarii, Castrum Frangeti Monfortis, Castrum Frangeti Abbatis, Castrum Montis Leonis, Castrum Sancti Severi, Castrum Sancti Georgii Mocinarii, Castrum Sancti Andreæ de Molinaria, Castrum Petre Majoris, Castrum Padule, cum suo Suburbio, sive Casali Sancti Arcangeli, Castrum Montis Mari, Casale Timplani, Castrum Apicii cum Casalibus, Castrum Merroni, Castrum Venticani, Castrum Montis Fuscili cum Casalibus, Castrum Zusi, Castrum Petre Sturmini, Castrum Sancti Martini, Castrum Cervinaria, Castrum Montis Sarculi, Castrum Totii cum Casalibus, Castrum Terluosii cum Casali Papisii, & aliis Casalibus. Volumus itaque & Apostolica auctoritate decernimus, quod omnia Castra, Casalia, & Loca supradicta cum suis Territoriis, & pertinentiis universis, ac etiam Castra, Casalia, & loca omnia cum suis pertinentiis, & alia quęcumque, quę inter dicta Castra, Casalia, & loca supradicta, & eorum limites, & pertinentias, dictamque Civitatem Beneventanam includuntur, seu continentur quomodolibet, vel existunt de Territorio, Tenimento, & districtu dictę Civitatis Beneventanę esse perpetuo irrefragabiliter absque cuiusquam contradictione, & impedimento, & infra dictum Territorium existere censeantur. Quę Castra, Casalia, & loca cum omnibus Castris, Casalibus, & locis, ac aliis supradictis ad Jus, & proprietatem Romanę Ecclesię pertinere pleno jure, hoc salvo quod si aliqui nobiles, aut alii in Castris, Casalibus, locis, & aliis prædictis, vel intra ea, & Civitatem prædictam aliquas proprietates habeant acquisitas legitime, per hoc eis non intendamus derogare.

Clausula.

§. 4. Nulli ergo omnino hominum liceat hanc paginam nostrarum ordinationis, declarationis, limitationis, voluntatis, & constitutionis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 26.  
Maii 1350.  
Pontif. anno  
IX.

Datum Avenioni septimo Kalendas Junii Pontificatus nostri Anno IX.

## XIV.

Ex Vaddingo  
N. B. Tom.  
VIII. pag. 73.

Episcopis Carpentoraten. & Uticen. ac Abbati Monasterii S. Rufi prope Valentiam committitur inquisitio super miraculis B. Elzearii Comitis Arianensis.

Clemens Episcopus, Servus Servorum Dei, Venerabilibus Fratribus Carpentoraten. & Uticen. Episcopis, ac dilecto filio Abbati Monasterii Sancti Rufi prope Valentiam.

Præmium.

Grandis nobis adest lætitia, miraue nostra præcordia gaudiorum suavitate replentur, & a nobis magna gratiarum,

actionum, ac laudum Deo debentur impendia, dum celestis Rex ipse, sub cujus ditione cuncta subsistunt, sanctos suos per exemplaris vitę doctrinam, & Sanctitatis merita venerandos, de præsentis vitę carcere ad æternam beatitudinem evocatos crebris corruscare facit miraculis, per quę suos fideles, & in fidei constantia perseverantes efficiat, & ad Sanctorum ipsorum sectanda vestigia, lucidasque semitas incedendas, invitet apertius, quos de multitudine miserationum suarum ad eorum vult confortium pervenire.

§. 1. Sane pro parte venerabilium Fratrum nostrorum Aquen, & Arelaten. Archiepiscoporum, & nonnullorum Episcoporum, Aquen, & Arelaten. Provinciarum, & dilectorum filiorum Prælatorum Ecclesiarum, Religiosorumque, & Baronum, & Nobilium, ac Universitatum, earundem Provinciarum, & Provincia, ac Forqualquerii Comitatum pridem in Consistorio propositum extitit coram nobis, quod recolendę memorię Elzearius de Sabrano, Comes Ariani, ac Baronis Ansfassii Dominus, de dicta Provincia Provincię oriundus generis nobilitate præclarus adeo in exemplari vita, & castitate perfecta in hujusmodi peregrinatione sæculi ejus abjectis voluptatibus, carnisque illecebris procul pulsus, per castos mores virtutumque placitos actus, Domino gratum famulatum impendere, ejusdem vitę merito sibi ipsi, & aliis proficiscere studuit per exemplum, quod omnipotens ipse Dominus virtutis suę in eodem Elzeario opera manifestans, per sancta sua merita in Civitate Aptensi in loco Fratrum Minorum, ubi corpus requiescit ejusdem, & alibi plures suscitavit mortuos, cęcos illuminavit, mundavit leprosos, surdis auditum, mutis loquelam, & paralyticis, ac contractis restituit sanitatem, honorans in terris, quem ut pie creditur, coronavit in coelis. Quare nobis fuit pro parte prædictorum humiliter supplicatum, ut cum de prædictis, quę in dictis Provinciis, & Comitatibus, quasi notoria, & manifesta fore dicuntur, posset fieri per fide dignos, & solemnes viros, ac factorum evidentia plena fides, super iis per aliquos probos viros mandarem inquiri, ut veritate comperta, & certitudine habita præmissorum, cum non deceat eum apud homines sine veneratione relinqui, quem merita, & miracula, sanctum monstrant, ipsum dignaremur sanctorum Catalogo aggregare. Nos igitur, quos in certis festinos, & lentos convenit in dubiis inveniri, de prædictis notitiam non habentes hujusmodi supplicationibus inclinati Discretioni vestrę, de quorum circumspectione plenam in Domino fiduciam obtinemus, de Fratrum nostrorum consilio per Apostolica Scripta committimus, & mandamus, quatenus vos, vel duo vestrum de vita, & meritis dicti Elzearii, ac eius miraculis, & ceteris circumstantiis, circa interrogatoria, quę sub bulla nostra transmittimus interclusa veritatem diligentius inquiratis, & nobis, quę super his inveneritis scripta sub vestris Sigillis cum vestrarum, litterarum harum seriem continentium testimonio intimare curetis.

Datum Avenione Kalendis Septembris Anno X.

De

Multa miracula ad tumulum B. Elzearii parata.

Commis-  
sio de his inquisi-

Dat. die  
1. Septemb.  
1351. An. X.



## X V.

De Cibis, Potuque ministrandis S. R. E.  
Cardinalibus in Conclavi, & numero  
Inservientium eisdem.

Clemens Episcopus, Servus Servorum Dei,  
Ad perpetuam rei memoriam.

Gregorius X.  
Cardinales in  
Conclavi uno  
tantum Con-  
clavista uti  
voluit;

**L**icet in constitutione a felicitis recor-  
dationis Gregorio Papa Decimo pre-  
decessore nostro, super electione Romani Pon-  
tificis edita in Concilio Lugdunensi, inter cæ-  
tera caveatur expresse, quod si eundem Pon-  
tificem in civitate, in qua cum sua curia re-  
sident, diem claudere contingat extremum,  
Cardinales in Palatio, in quo idem Pontifex  
habitabat, omnes conveniant, & in eo singuli,  
singulis tantummodo, nisi illi, quibus ex paten-  
ti necessitate duo permittuntur haberi, con-  
tenti servientibus, clericis, vel laicis prout  
elegerint, unum Conclave nullo intermedio  
pariete, vel alio velamine inhabitent in com-  
muni.

Eique infra  
certum tem-  
pus panem, vi-  
num, & aqua  
dumtaxat mi-  
nistrari.  
Duos servien-  
tes eis conce-  
dit Clemens.

§. 1. Et quod diebus certis non facta  
provisione de Pastore decursis, panis, vinum  
& aqua tantum eisdem Cardinalibus, donec  
subsequetur provisio, ministraretur.

§. 2. Quia tamen sicut frequenti multo-  
rum assertionem, & in Cardinalatu constituto-  
rum percepimus, nonnulli ex Cardinalibus in  
observatione Constitutionis ipsius gravati alias  
nimium extiterunt, multi quoque ex ipsis duos  
in dicto Conclavi abuerint servientes, non  
absque scrupulo conscientie, propter ambi-  
guitatem dictorum verborum, videlicet, qui-  
bus ex patenti necessitate duo permittuntur  
haberi, in dicta constitutione, ut præmittitur  
contentorum; Nos providere super his cu-  
pientes, ex his & certis aliis causis rationabi-  
libus, quæ nostrum ad id animum induxerunt,  
rigorem constitutionis ipsius, & etiam ad fra-  
trum nostrorum supplicationem, in his pro-  
vidimus temperandum, auctoritate Apostoli-  
ca statuentes, quod Cardinales postquam Con-  
clave huiusmodi, seu clausuram pro dicta ele-  
ctione celebranda intraverint, singuli duos  
servientes tantum, Clericos, vel Laicos prout  
duxerint eligendos.

Ciborum  
pluralitatem  
indulget.

§. 3. Ac etiam singulis præter panem vi-  
num, & aquam in prandio, & in coena,  
unum dumtaxat ferculum, seu missum carni-  
um unius speciei tantummodo, aut piscium,  
seu ovorum, cum uno potagio de carnibus,  
vel piscibus principaliter non confectis, & de-  
centibus falcamentis habere valeant, ultra  
carnes salitas, & herbas crudas, ac caseum,  
fructus, sive electuaria. Ex quibus tamen  
nullum specialiter ferculum conficiatur, nisi  
ad condimentum fieret, vel saporem. Nul-  
lus vero eorum de alterius ferculo vesci  
possit.

Cortinas pro  
lectis dat.

§. 4. Liceat etiam eis ex decencia hone-  
statis habere in clausura huiusmodi, cum in  
lectis quiescendi causa, vel dormiendi esse  
voluerint, dumtaxat intermedia, seu velami-  
na simplicium tantummodo cortinarum.

*Bull. Rom. Tom. III. Pars II.*

§. 5. Prædictis & fel. mem. Clementis Pa-  
pæ V. Prædecessoris nostri, & aliis constitu-  
tionibus Apostolicis contrariis, quibus per hoc  
in aliis derogare nolumus, non obstantibus  
quibuscumque. Nulli ergo, &c.

Dat. Avenione 8. Idus Decemb. Pont. no-  
stri Anno X.

Dat. die 6.  
Dec. 1351.  
Anno X.

## XVI.

Rectores Provinciarum, Civitatum, aliorum-  
que Locorum Rom. Ecclesie immedia-  
te subditorum a Thesaurariis earundem  
Provinciarum ultra debitum aliquid per vio-  
lentiam extorquentes vel alias quomodolibet  
exigentes excommunicationis vinculo  
innodantur, suisque officiis privantur.

Ex Regest. in  
Archic. Vatic.

Clemens Episcopus Servus Servorum Dei.  
Ad futuram rei memoriam.

**M**olesta Nobis multorum relatio ad  
nostrum perduxit auditum, quod  
nonnulli Rectores Provinciarum, Civitatum,  
atque Terrarum ad Romanam Ecclesiam im-  
mediate spectantium fines suos, quibus non con-  
tenti sunt, excedentes, frequenter Thesaurariis  
Provinciarum ipsarum ultra stipendia constitu-  
ta eis pecunias, quas de bonis, ac juribus ad  
eamdem Ecclesiam pertinentibus, ac alias ad  
Ecclesiam ipsam spectantes receperant, exige-  
re ac extorquere per violentiam sunt conati:  
quodque Thesaurarios ipsos, si eorumdem  
Rectorum non satisfecerint circa id voluntati,  
multis affecerunt injuriis & contumeliis, &  
interdum ulterius attentantes carceribus man-  
ciparunt non sine gravi contumelia & præju-  
dicio Ecclesie memoratæ.

Rectores hu-  
jusmodi Pro-  
vinciarum se-  
pe Thesaura-  
riis infesti.

§. 1. Huiusmodi igitur Rectorum coerce-  
re in hac parte temeritatis audaciam intenden-  
tes, omnibus & singulis Rectoribus ipsis præ-  
sentibus & futuris districtius inhibemus, ne per  
se, vel alium, seu alios directe vel indirecte,  
publice vel occulte talia de cætero attentare,  
aut Thesaurariis ipsis, in quos nullam jurisdi-  
ctionem habere certum est, eorumque fami-  
liaribus ex quibusvis causis seu occasionibus in-  
jurias irrogare præsumant: contrarium vero  
præsumentes excommunicationis sententia in-  
nodamus, & officiis, quæ exercent privatos  
esse volumus eo ipso. Res enim perniciosi ad-  
modum est exempli, si hi, qui ad corrigenda  
vitia aliorum positi sunt, & in virtuosos operi-  
bus vivendi normam debent aliis demonstrare,  
inquinati vitiis actionum suarum exemplo in-  
centivum præbent aliis delinquendi.

Quidquam a  
Thesaurariis  
exigere eisdem  
veratur sub  
pœna excom-  
municationis.

Nulli ergo omnino hominum liceat hanc  
paginam nostrarum inhibitionis, innodationis,  
ac voluntatis infringere &c.

Clausula,

Datum apud Villam Novam Avenionen.  
Dioecesis octavo Idus Maii Pontificatus nostri  
Anno X.

Dat. die 8.  
Maii 1352.  
Anno X.



## INNOCENTIUS VI.

P A P A CXCIX.

ANNO DOM. MCCCCLII.



**S**tephanus Alberti, Patria Lemovicensis in loco de Monte dicto natus, primum Episcopus Noviomensis, unde translatus est ad Ecclesiam Claromontensem, mox S. R. E. Presbyter Cardinalis tit. SS. Joannis & Pauli, ac postmodum Ostiensis Episcopus electus est Romanus Pontifex die 18. Mensis Decembris anni 1352. & Innocentius VI. appellari voluit: Coronatus autem est die 30. ejusdem Mensis. Sed in Pontificatu annos IX. Menses VIII. dies XXV. imperantibus in Oriente Joanne Paleologo, & Joanne Cantacuzeno, in Occidente vero Carolo IV. Obiit die 12. Septembris anni 1362. & sepultus est Avinionem in Ecclesia Beatae Mariae de Donis. Vacavit Sedes Mensem unum dies XVI.

I.

Jurisdictio, & Facultates Aegidii S. R. E. Cardinalis Legati, & Vicarii Apostolici totius Status Ecclesiastici.

Innocentius Episcopus, Servus Servorum Dei, dilecto filio Aegidio, Tituli Sancti Clementis, Praesbytero Cardinali, Apostolicae Sedis Legato, ac in Provincia Patrimonii beati Petri in Tuscia, Ducatus Spoletani, Marchiae Anconae, ac Romandiola, Campaniae, & in Maritimae Provinciis, ac in Civitatibus, & terris, & aliis omnibus Romanae Ecclesiae immediate subjectis, & intra terminos tuae Legationis constitutis, nostro, & ejusdem Romanae Ecclesiae in temporalibus Vicario Generali, Salutem, & Apostolicam benedictionem.

**C**UM onus universalis regiminis Domini Gregis superna dispositione injunctum attendimus, & nostrum attente prospicimus imperfectum, videntes nullo modo per nos ipsos posse exolvere debitum Apostolicae servitutis, nonnumquam Fratres nostros S. R. E. Cardinales, viros electos ex milibus scientia praeditos & virtute, in quibus timor Domini sanctus permanet, in sollicitudinis partem assumimus, eosdemque in universas Mundi Provincias & partes, incumbentibus negociis designantes, ut ipsis vices nostras suppleantibus, in eisdem & ipsorum, cooperatione laudabili nostri oneris alleviationem facientibus, nos ministerium nobis commissum, favente divina gratia, facilius & efficacius exequamur.

§. 1. Sane, licet ad cunctorum Christi fidelium curam, & regimen, veluti ipsarum ovium pastor & rector, intente mentis nostrae aciem extendamus; Provincias tamen, & terras temporaliter Apostolicae Sedi subjectas, & ipsarum populos diversos ipsius Romanae Ecclesiae speciales filios & devotos, praecordialius intuemur, & super eorum felici regimine, & statu prospero & tranquillo, specialius affectibus peculiaribus cupimus providere. Attendentes itaque quod tu potens opere & sermone, quem in magnis expertum & arduis, probitate ac fidelitate probatum, gratiarum Dominus scientiae magnitudine, industriae claritate, maturitate consilii, morum elegantia, & aliis grandium virtutum titulis insignivit, in cujus affectu geritur, ut indubitanter tenemus, pacificare discordes, sedare fluctuationes, & turbines, justitiae terminos colere, & errantes ad viam rectam reducere, veritatis, quod nos absentes repugnante natura non possumus assistere, commissam tibi curam divina gratia, prudenter, & fideliter exequeris, matura cum Fratribus nostris deliberatione praehabita, de ipsorum communi consilio & assensu,

§. 2. Te in Patrimonio B. Petri in Tuscia, Ducatu Spoletano, Marchiae Anconae, Romandiola, Campaniae, Maritimae Provinciis, ac omnibus, & singulis civitatibus, & ter-

Exordium

Causa Legatos deputandi.

Aegidius Cardinalis talis deputatur in auctoritate Romanae.



Facultates dā-  
tur eidem.

terris ejusdem Romanæ Ecclesiæ tenentaliter, mediate vel immediate subjectis, infra terminos legationis tuæ, ut præmittitur, nostrum, & ejusdem Romanæ Ecclesiæ Vicarium in temporalibus, reformatorem, ac pacis & Provinciarum conservatorem constituimus Generalem, circumspeditioni tuæ Patrimonium, Ducatum Marchiæ Anconæ, Provincias, civitates, & terras prædictas, præfatæ Romanæ Ecclesiæ nomine, prout & in quantum ad Romanam Ecclesiam pertinet, reformandi, regendi, gubernandi, & administrandi, ac in eis jurisdictionem plenariam, prout & in quantum ad dictam Ecclesiam pertinet, vel pertinere poterit, exercendi.

Causas omnes  
cognoscendi.

§. 3. Civiles & criminales causas, per te vel alium seu alios audiendi, examinandi, discutiendi, & causarum cognitionem, & decisionem, alii seu aliis, communiter vel divisim, generaliter vel specialiter committendi, & ad te cum placuerit, revocandi.

Barones, aliosque puniendi.

§. 4. Omnesque & singulos cujuscumque excellentiæ, auctoritatis, nobilitatis, præeminentiæ, conditionis, aut status existant, quos iustitia suadente privandos videris, privandi eos statibus, dignitatibus, honoribus, Principatibus, Ducatibus, Marchionatibus, Comitatibus, Baronis, dominiis, terris, feudis, retrofeudis, jurisdictionibus, juribus, rebus, & bonis mobilibus quibuscumque, easque dictæ Romanæ Ecclesiæ confiscandi, & applicandi.

Omnesque de-  
putandi Officiales.

§. 5. Ac in Patrimonio, Ducatu Marchiæ Anconæ, Provinciis, civitatibus & terris ejusdem, Rectores, Potestates, Capitaneos, Vexilliferos & Castellaneos, Judices, & quoscumque officiales alios generales, temporales, vel spirituales, & officia prædicta, & alia omnia & singula, generalia & specialia, quocumque nomine vel titulo fungantur vel nuncupentur, prout ad Romanam Ecclesiam pertinuerit, creandi, constituendi, instituendi, suspendendi, removendi, deponendi, & destituendi.

Culpabiles  
puniendi.

§. 6. Et culpabiles civiliter & criminaliter per te vel alium, seu alios puniendi, & querelas contra ipsos per quoscumque propositas audiendi summarie, & de plano iudicandi, & emendas & satisfactiones debitas fieri faciendi.

Diffidia com-  
ponendi.

§. 7. Inter Principes, Duces, Marchiones, Comites, Barones, Dominos temporales, nobiles & personas alias, Communitates, & Universitates, ac populos, & omnes alios, & singulos discordes, & dissidentes, Patrimonii, Ducatus Marchiæ, Provinciarum, civitatum, & terrarum prædictarum pacem, & concordiam reformandi, & inter ipsos treguam indicendi, ipsosque ad eas earumque conservationem quibuscumque poenis, & districtionibus ac sententiis, prout ad dictam Ecclesiam pertinuerit, concordantes in caritatis æternæ vinculo confirmandi.

Pactiones & tra-  
ctionum ini-  
tas cassati.

§. 8. Colligationes, confederationes, pactiones, conventiones, societates & ligas contra Romanam Ecclesiam, vel contra bonum pacis, & statum illarum partium pacificum, seu in præjudicium, seu damnum Patrimonii Ducatus Marchiæ, Provinciarum,

*Bull. Rom. Tom. III. Pars II.*

civitatum, & terrarum prædictarum initas ac etiam ineundas, cassandi, & annullandi, & poenas super illis adjectas, vel adjiciendas relaxandi.

Occupata re-  
cuperandi.

§. 9. Occupata injuste ab occupatoribus & detentoribus quibuscumque eripiendi & recuperandi, ejectos, & expulsos a locis, & rebus ac bonis suis quibuscumque inique privatos, ad loca, & bona eorum propria reducendi, restituendi & reintegrandi.

Cum delin-  
quentibus com-  
ponendi.

§. 10. Et super quibuscumque delictis forte factis, rebellionibus per quascumque Universitates, vel singulares personas commissis, vel in posterum Vicariatus tui tempore committendis, dispensandi, componendi, concordandi, & delinquentes ad Ecclesiam Romanam gratiam & obedientiam reducendi, & super inhabilitatibus, & infamiis, quas propterea incurrerint, dispensandi, & Universitates, & personas hujusmodi ad statum pristinum integrum reducendi.

Exercitus  
comparandi.

§. 11. Generales & particulares exercitus in auxilium, & protectionem ejusdem Ecclesiæ, status pacifici Patrimonii, Ducatus Marchiæ, Provinciarum, civitatum & terrarum prædictarum, & contra rebelles, & status pacifici turbatores, & quoscumque, ex causis & aliis quibuscumque, & quomodo- cumque videbitur indicendi, faciendi, congregandi.

Hostes com-  
pescendi.

§. 12. Hostes, rebelles, & contradictores quoslibet per admonitionis, privationis, depositionis, relegationis, præscriptionis perpetuæ vel temporalis, sententias, prout ad ipsam Ecclesiam pertinuerit, sublato appellationis obstaculo, compescendi & coercendi. Et de causis appellationum ad Sedem Apostolicam cognoscendi, & eas sine debito terminandi, ac finiendi, ordinandi, & statuendi, & reali executioni mandandi.

Aliaque hujus  
generis op-  
portuna fa-  
ciendi.

§. 13. Et omnia, quæ ad hujus pleni Vicariatus in temporalibus, & reformatoris officium pertinent, & quæ necessaria, vel utilia fuerint quocumque modo in præmissis, & ea tangentibus, & quomodolibet eorundem, & quæ ad honorem, & commodum ejusdem Romanæ Ecclesiæ, ad utilitatem, & prosperum & tranquillum statum Patrimonii, Ducatus Marchiæ, Provinciarum, civitatum & terrarum prædictarum cedere videris, & tibi visum fuerit expedire.

Obstantium  
derogatio.

§. 14. Non obstantibus quibuscumque privilegiis, indulgentiis & literis Apostolicis, vel imperialibus, sub quorumcumque verborum, expressione concessis & contrariis, etiam Patrimonii, Ducatus Marchiæ, Provinciarum, civitatum, terrarum prædictarum statutis, consuetudinibus observatis, per quæ nullum cuique, cujuscumque præeminentiæ, dignitatis, excellentiæ, conditionis, aut status fuerit, in hac parte volumus adferri suffragium, concedentes liberam & plenariam facultatem.

Tempus Le-  
gationis inde-  
finitum.

§. 15. Vicariatus autem curam, regimen, gubernationem, administrationem potestatem, ac jurisdictionem hujusmodi, tamdiu volumus perdurare, donec per Sedem eandem aliud contigerit ordinari.

§. 16. Nos insuper processus, sententias, R r 2 at-



Faciendis omnibus robur adjicitur.

Per hanc Re-  
fectoribus aliis-  
que Officiali-  
bus Romanæ  
Eccle. nullum  
vult inferri  
præjudicium.

Obedientia  
Legato præ-  
standa.

Dat. die 31.  
Maii 1353.  
Anno I.

atque poenas, quos & quas proferri, ac etiam quæ per te rite fieri contigerit, rata habebimus, & faciemus, auctore Domino, inviolabiliter observari.

§. 17. Per hæc autem Rectoribus, & Officialibus in Patrimonio & Ducatu Marchiæ, Provinciis, civitatibus & terris prædictis, per Sedem Apostolicam constitutis, quominus jurisdictionem, & potestatem eis concessam, quamdiu in suis officiis & administrationibus præfuderint, exercere libere, sicut prius valeant, non intendimus aliquod præjudicium generari.

§. 18. Ut igitur præmissa omnia & singula, melius plenius & utilius exerceri possint, universis & singulis Patrimonio, Ducatus Marchiæ, Provinciarum, civitatum & terrarum prædictarum Rectoribus, vicerectoribus, Potestatibus, Capitaneis, Officialibus & cæteris nostris & Ecclesiæ subiectis, cujuscumque status, præminentię, dignitatis ecclesiasticę vel mundanę, Ordinis vel conditionis existant, damus districtius in mandatis, ut tibi efficaciter pareant, & intendant. Nulli ergo, &c.

Datum apud Villam Novam Avenionensis Diocesis, 2. Kalend. Junii, Pontificatus nostri Anno primo.

## I I.

Ex Regest. in  
Archivo Vatic.

Quod Rectore Provinciarum Rom. Ecclesiæ Processus a Thesaurariis contra non solventes Censibus eidem Ecclesiæ debitos factos suspendere, aut cassare &c. eidem Thesaurariis inconsultis non possint.

Innocentius Episcopus, Servus Servorum Dei.  
Ad perpetuam rei memoriam.

Causa ferenda  
de hujus legis.

§. 1. **M**ultorum sæpe relatio nostrum pul-  
savit auditum, quod Rectores Provinciarum, Civitatum, Castrorum, Terrarum & aliorum Locorum ad Nos, & Ecclesiam Romanam immediate spectantium, dum pro recuperandis, & exigendis Censibus & aliis Juribus eidem Ecclesiæ debitis, contra Universitates, seu Communitates vel singulares personas Civitatum, Castrorum, Terrarum, aliorumque Locorum subditorum eidem, aliquos spiritualiter seu temporaliter contigit haberi processus, Rectores ipsi ad suspensionem seu relaxationem processuum hujusmodi non satisfacto de hujusmodi Censibus & juribus eidem Ecclesiæ sine consultatione, & conscientia Thesaurariorum Provinciarum, Civitatum, Castrorum, Terrarum & locorum ipsorum pro eadem Ecclesia, quorum intererat de hiis habere notitiam, processerunt in grave præjudicium Ecclesiæ memoratæ.

Prohibitio,  
de qua in Rubrica.

§. 2. Volentes itaque indemnitati jurium in hac parte ipsius Ecclesiæ providere, universis & singulis Rectoribus Provinciarum, Civitatum, Castrorum, & Locorum ipsius Ecclesiæ præsentibus & futuris auctoritate Apo-

stolica districtius inhibemus, ne Processus aliquos spirituales, vel temporales per eos & quemlibet eorum habitos, vel habendos pro exigendis & recolligendis, ac recuperandis hujusmodi Censibus & aliis quibuscumque juribus Ecclesiæ memoratę absque speciali conscientia & consensu Thesaurariorum, qui pro tempore fuerint, suspendere, relaxare, cassare, aut annullare præsumant: suspensiones relaxationes, cassationes & cancellationes si quas contra inhibitionem nostram hujusmodi fieri contigerit, decernentes irritas & inanes.

Nulli ergo omnino hominum liceat hanc paginam nostrę constitutionis infringere &c.

Datum apud Villam Novam Avenionensis Diocesis Kalendis Junii Pontificatus nostri Anno Primo.

Clausula.

Dat. die 1.  
Junii 1353.  
Anno I.

## III.

Cassatio Pastorum a S. R. E. Cardinalibus: ante electionem Summi Pontificis in præjudicium auctoritatis ejusdem initorum.

Ext. in eod.  
dem Regest.

Innocentius Episcopus, Servus Servorum, Dei  
ad perpetuam rei memoriam.

**S**ollicitudo Pastoralis officii sicut exigit, ut prospiciamus, ne Ecclesiæ in Juribus suis minorationis detrimentum suscipiant, sic profecto requirit, ut Ecclesiæ Romanæ, cui auctore Domino præsidemus, honores, libertates, & Jura solertioris diligentię studio servemus a diminutione qualibet illibata.

Exordium.

§. 1. Dudum siquidem per obitum felicitis recordationis Clementis PP. VI. Prædecessoris nostri Apostolica Sede vacante Venerabiles Fratres nostri S. R. E. Cardinales, de quorum numero tunc eramus, ad tractandum de hiis, quę circa electionem Romani Pontificis incumbant, Avenioni in Palatio Apostolico, ubi Prædecessor idem obierat, insimul congregati, in scriptura quadam, cujus tenorem de verbo ad verbum præsentibus inseri fecimus, concordarunt: & deinde quidam eorum simpliciter juraverunt, ac Nos & quidam alii sub hac conditione juravimus: scilicet, si & in quantum scriptura hujusmodi de jure procederet; quod ille ex eis, quem assumi contingeret ad Papatum, omnia in eadem scriptura contenta inviolabiliter observaret, & quod eadem die, qua foret, ut præfertur, assumptus profiteretur, ea omnia & singula se fideliter servaturum, rataque habiturum super eis præstita juramenta.

In Conclavi  
Clemente VI.  
mortuo habito  
Cardinales nonnullas ini-  
re pactiones  
præstito ad  
observantiam  
Sacramento

§. 2. Postmodum vero Nos ad Officium hujusmodi licet insufficientibus meritis divina dispositione vocati, præmissa omnia recensentes, & attendentes, quod licet Cardinales iidem ad ea faciendum habuerunt rectum zelum, & aliquibus etiam videretur, Nos debere illa & præstita super eis, ut præmittitur, juramenta servare; quia tamen dicti Cardinales prohibentibus Constitutionibus felicitis recordationis Gregorii X. & Clementis V. Prædecessorum nostrorum Romanorum Pontificum, quibus cavetur, quod Cardinales eadem Sede vacante de

Hujusmodi  
di pactiones  
prohibentur  
in Constitu-  
tionibus Gre-  
gorii X. &  
Clementis V.



de quibuscumque negociis, præterquam de provisione Romanæ Ecclesiæ facienda certis dumtaxat exceptis casibus, de quibus tamen aliquis contentus in scriptura hujusmodi non existit, se intromittere nequeant; ad ea procedere minime potuerunt: & considerantes attente, quod scriptura ipsa in diminutionem, & præjudicium plenitudinis potestatis ex ore Dei collatæ soli dumtaxat Romano Pontifici dignoscitur procul dubio redundare: cum per eandem scripturam præfatæ Sedi grande ac perpetuum præjudicium imminere manifeste, dum potestas hujusmodi adimitur eidem Romano Pontifici, certisque regulis & limitibus sibi præfixis ab homine coarctatur: nec minus intuentes, quod esset apud Catholicos temerarium & insanum, asserere vel sentire, quod Romanus Pontifex Successor Petri & Vicarius Jesu Christi non sit vocatus & assumptus in plenitudinem potestatis: quæ profecto apud ipsum non esset, si ex aliorum consensu vel arbitrio amminiculo dependeret: quodque illa juramenta non canonica imo temeraria sunt censenda, quæ non solum in Romanæ, quinimo in cuiuslibet alterius Ecclesiæ præiudicium lesionemque præstantur; habita super hiis & nonnullis aliis quæ nostrum ad id animum rationabiliter induxerunt, cum quibusdam ex eisdem etiam Cardinalibus, ac pluribus Doctoribus, & Jurisperitis aliis deliberatione matura, ad omne scrupulum, & dubium in hac parte tollendum, auctoritate Apostolica tenore præsentium declaramus eisdem Cardinales contenta in scriptura huiusmodi facere nullatenus potuisse ac illa & omnem eorum effectum nullius fuisse, ac esse penitus roboris vel momenti; Nosque vel Successores nostros Romanos Pontifices, seu Cardinales ipsos ad illorum & iuramentorum prædictorum observantiam non fuisse nec esse obligatos quomodolibet vel astrictos.

§. 3. Tenor vero dictæ scripturæ talis est infra scriptus.

§. 4. Deliberatione plena habita pro bono publico concordant omnes Domini Cardinales nemine discrepante in primis, quod Summus Pontifex Domino providente creandus nullo unquam tempore ex quavis causa procedat ad creationem Cardinalium, nisi secundum modum & formam inferius denotatos: videlicet quod non creet seu faciat aliquos Cardinales, donec numerus Cardinalium venerit ad numerum sexdecim Cardinalium aliis, qui essent supra numerum sexdecim, de medio iam sublatis, & tunc assumat, si ei videbitur tot quot ascendant ad plus usque ad numerum viginti, & non ultra prædictis sexdecim, aut paucioribus si forte tunc superessent in viceno numero computatis.

§. 5. Quos quidem Cardinales per Papam creandos ipse creare & hordinare habeat de omnium Cardinalium tunc superexistentium, seu duarum partium eorumdem consilio & consensu: hoc tamen salvo, quod extante numero, qui nunc est, vel forsitan pauciore, assumat Papa si voluerit, duos Cardinales de consilio omnium Fratrum seu maioris partis eorum.

§. 6. Item quod Papa non procedat ad depositionem, seu personæ captionem alicuius

Cardinalis sine consilio & consensu omnium Fratrum nemine discrepante, nec ad excommunicationem, vel aliam censuram Ecclesiasticam, seu suspensionem vocis, vel Consistorii seu portationis Cappelli, nec ad privationem, nec etiam ad suspensionem Beneficiorum ipsorum Cardinalium sine consensu omnium Fratrum, aut duarum partium eorumdem.

§. 6. Item quod Papa nullo modo ponat manum in bonis quorumcumque Cardinalium eis viventibus & defunctis.

§. 7. Item quod Papa Provincias, Civitates, Castra, aut Terras alias Ecclesiæ Romanæ non alienet, aut in feudum vel emphyteusim, aut sub certo censu concedat: & ubi alienationem seu concessionem prædictas iuxta & rationabili causa fieri expediret, de consilio & consensu omnium Fratrum, seu duarum partium eorum ad prædicta procedat.

§. 8. Item quod Collegium Cardinalium percipere & habere debeat iure suo medietatem omnium fructuum, reddituum, proveniuntum, multarum, condemnationum, & censuum, & omnium aliarum obventionum, & emolumentorum ad Ecclesiam Romanam spectantium, in quibusvis Provinciis ac terris & locis Romanæ Ecclesiæ, prout in Privilegio felicis recordationis Nicolai Papæ IV. super hoc concessio plenius continetur.

§. 9. Item quod tam in Romana Curia, quam in Terris & Provinciis Romanæ Ecclesiæ Officiales in temporalitate majores de consilio & consensu Cardinalium omnium, seu maioris partis ipsorum instituantur, seu destituantur, prout in prædicto Privilegio, seu Constitutione præfati Domini Nicolai Papæ IV. noscitur apparere.

§. 10. Item quod ad Officium Marescalli Romanæ Curie, & Rectorum Terrarum, seu Provinciarum Romanæ Ecclesiæ nullus de consanguinitate, vel affinitate Romani Pontificis assumatur.

§. 11. Item, quod Summus Pontifex nulli Regi vel Principi, seu cuivis alii in Regnis Provinciis, seu Terris eorum concedet decimas, nec tertias decimarum, seu subsidia alia, nec etiam Camera suæ reservabit sine consilio, & consensu omnium Fratrum, vel saltem duarum partium eorumdem, & tunc causa iusta & rationabili suadente.

§. 12. Item quod Papa non impediat, quin omnes & singuli Cardinales in consulendo & consentiendo liberum habeant arbitrium in agendis.

§. 13. Item quod omnes Domini Cardinales, qui hodie supersunt, jurare habeant, quod ille ex dictis Cardinalibus, qui ad Papatum præstante Domino assumetur, prædicta diligenter, & inviolabiliter observabit: & nihilominus ille, qui ad Papatum assumetur, si ve Cardinalis, si ve alius assumptus fuerit, & a Cardinalibus receptus, eadem die omnia & singula supradicta profiteatur fideliter observare, & ratum habeat præstitum iuramentum.

§. 14. Item, quod si aliquod dubium occurrerit vel inciderit, vel Papa videbitur in prædictis Dominus Papa cum consilio & consensu saltem duarum partium Cardinalium habeat declarare.

De Bonis Cardinalium, quod non sint sub ejus jure.

De alienatione Bonorum Ecclesiæ non faciendæ, nisi de consensu Cardinalium.

De medietate fructuum Rom. Ecclesiæ per eosdem percipiendæ.

De institutione, & destitutione Officialium Provinciarum &c.

De consanguineo Papæ in Marescallum non eligendo.

De Decimis imponendis.

De libertate Cardinalium in consulendo

De observantia harum Præsentium.

De adhibendis in consilio Cardinalibus in rebus dubiis.

Romani Pontificis ludent potestatem.

Nullius esse momenti declaratur.

Præfationes huiusmodi quæ fuerint.

De creandis Cardinalibus, eorumque numero.

De consensu Cardinalium ad id requirendo.

Nul-



Nulli ergo omnino hominum liceat hanc paginam nostræ declarationis infringere &c.

Datum apud Villam novam Avenionen. Dioecesis secundo nonis Julii Pontificatus nostri anno I.

## I V.

Ex eodem  
Registr.

Quod in Statu Ecclesiastico Homicidæ ad pecuniariam compositionem non admittantur.

Innocentius Episcopus, Servus Servorum Dei,  
Ad perpetuam rei memoriam.

Exordium.

**S**ICUT facilitas veniæ incentivum præbere affolet delinquendi, sic rigor terminum ponit excessibus & aditum interdicere errori.

Causæ edendæ  
legis.

§. 1. Sane ad audientiam nostram molesta nobis insinuat fide digna perduxit, quod in nonnullis Terris Ecclesiæ Romanæ immediate subiectis, de consuetudine vel alias observatur, quod homicidæ quilibet, tum tamen cum interfecti consanguineis pacem habeant, & de pace hujusmodi per instrumentum facere fidem possint, per Officiales ipsius Ecclesiæ ad compositionem pecuniariam indifferenter & passim & frequenter pro quantitate valde modica admittuntur: Unde fit, quod dum homicidæ iidem reatus sui poenam modici pretii venalitate mercantur, sumpta ex impunitate licentia in culpam facile prolabantur, & ex hoc malignandi exemplo in alios derivato sævit malus frequenter in bonum, laceffit improbus probum, potens opprimit humilem, & gravat sepe noxius innocentem.

Constitutio,  
de qua in Rubrica.

§. 2. Cum autem publicæ utilitatis intersit, ut maleficia non remaneant impunita; Nos huic morbo, qui jam chronicus factus ferrum expetit, volentes congruam adhibere medelam, omnibus & singulis Rectoribus, & aliis quibuscumque Officialibus quarumcumque Provinciarum, Terrarum, Civitatum, Castrorum, & aliorum Locorum ipsius Ecclesiæ præsentibus & futuris auctoritate Apostolica districtius inhibemus, ne pro reatu cujuscumque homicidii aliquem ad compositionem pecuniariam præsumant admittere homicidam: compositiones, si quas contra inhibitionem nostram hujusmodi fieri contigerit, irritas & inanes, & homicidas ad compositiones admissos admissione hujusmodi non obstante, sicut erant ante compositiones easdem, subditos esse legibus decernentes.

Clausula.

§. 3. Non obstantibus Constitutionibus & statutis ac hujusmodi & aliis observantiis contrariis quibuscumque: quæ omnia quoad hæc juribus vacuumus.

Nulli ergo omnino hominum liceat hanc paginam nostræ Constitutionis infringere &c.

Datum apud Villam Novam Avenionen. Dioecesis Idibus Julii Pontificatus nostri Anno Primo.

Dat. die 15.  
Julii 1353.  
An. I.

## V.

Alearum, seu Tax illorum ludi reprobatio, cum prohibitione nequid a Prostitutis Mulieribus exigatur.

Ex Registr.  
eodem.

Innocentius Episcopus, Servus Servorum Dei,  
ad perpetuam rei memoriam.

**Q**UAMVIS omnes, quos regendos nobis bonitas Divina commisit, irreprehensibiliter agere cupiamus; eorum tamen actus, & mores, qui nobis, & Ecclesiæ Romanæ noscuntur immediate subesse, tanto esse irreprehensibiliores appetimus, quanto de illis specialior imminet nobis cura.

Exordium.

§. 1. Sane ad audientiam nostram pervenit, quod in nonnullis Provinciis & Civitatibus nobis, & eidem Ecclesiæ immediate subiectis ex quadam consuetudine seu abusu potius observatur, & in Romana Curia observatum est, quod in certis locis Provinciarum ac Terrarum, & Curia prædictarum Barattaria vulgariter nuncupata, quæ per certos officiales earumdem Provinciarum, Civitatum, & Curia aut alios venduntur ad tempus, licet, & licuit quibuscumque ludum exercere publice Taxillorum: ex quo præter morum deformationem, quæ inde resultat, frequenter scandala oriuntur, & brigæ, & nonnumquam, quod molestius ferimus, nomen Domini blasphematur: Quodque Officiales ipsi stipendiis propriis non contenti, quin immo lucris turpibus non sine præjudicio salutis, & famæ propriæ inhiantes, a prostitutis publice meretricibus, quæ de infami priorum Corporum quæstu vivunt, septimanis singulis sine causa exigunt, & propriis commodis sine incommodis applicant unum Grossum.

Prævas consuetudines, de quibus in Rubrica, & mala inde provenientia refert.

§. 2. Volentes igitur super his de illo remedio providere, per quod talia de cætero non contingant; Baratterias hujusmodi in eisdem Provinciis Civitatibus, & Curia fieri, & vendi de cætero districtius prohibemus, Rectoribus Provinciarum, & Civitatum ipsarum, ac Camerario Papæ præsentibus, & futuris omnibus, & singulis districtè præcipiendo mandantes, ut quorumcumque Officialium vel aliorum contra prohibitionem nostram eandem Baratterias hujusmodi ordinatorum ac vendentium illas, aut ludentium quomodolibet in eisdem ac exigentium a præfatis meretricibus prostitutis aliquid temeritatis audaciam punient, & castigent. Nulli ergo omnino hominum liceat hanc paginam nostrorum voluntatis, prohibitionis, & mandati infringere &c.

Damnat, si-  
rique prohi-  
bet.

Datum apud Villam novam Avenionen. Dioec. Quarto Kalendas Augusti Pontificatus nostri Anno I.

Dat. die 29.  
Julii 1353.  
Pont. An. I.



Ex Regest. in  
Archiv. Vatic.

Literæ Processus Clem. V. & Joan. XXII.  
contra Inuadentes, vel alias quomodolibet  
Siciliæ Regnum occupantes promulgatæ, ex-  
tenduntur ad Beneventanam Civitatem.

Innocentius Episcopus, Servus Servorum Dei,  
Ad perpetuam rei memoriam.

Præmium.

**D**Ebemus subiectis omnibus adversus  
insolentiam perversorum protectio-  
nis opportuna præsidium, sed eis maxime prom-  
ptiori studio adesse nos convenit, qui Romanæ  
immediate subiecti Ecclesiæ nullum agnoscunt  
præter Romanum Pontificem defensorem, ut  
sicut eidem Ecclesiæ specialiter subsunt, sic  
ejus specialiter sentiant favorem propitium in  
opportunitatibus eorumdem.

Cautum a  
Clemente V.  
ne utriusque  
Siciliæ Re-  
gnum invade-  
retur.

§. 1. Dudum siquidem felicitis recordatio-  
nis Clemens Papa V. Prædecessor noster ex cer-  
tis causis rationabilibus tunc expressis universis  
& singulis Clericis & Laicis, cujuscumque  
conditionis status ordinis, vel præminentiae for-  
rent, etiam si Pontificali, vel Imperiali, seu Re-  
gali, vel quavis alia dignitate fulgerent, Uni-  
versitatibus quoque, & Communitatibus qui-  
buscumque auctoritate Apostolica expresse  
prohibuit, ne Regnum Siciliæ vel Terram citra  
Farum, seu partem vel aliqua loca ipsorum  
aut alterius eorumdem quovis colore quesito  
invadere, vel offendere seu propter hoc recipe-  
re, vel exhibere stipendia præsumerent, aut  
super hiis præsumptoribus ipsis præstare publice  
vel occulte, directe vel indirecte consilium  
auxilium vel favorem; in omnes & singulos  
qui contra inhibitionem huiusmodi venire præ-  
sumerent, etiam si ut prædicitur, Pontificali  
aut Imperiali seu Regali vel quavis dignitate  
alia præmererent, de Fratrum suorum consi-  
lio excommunicationis, quam eo ipso incur-  
rerent, sententiam promulgavit: ipsorumque  
terras & loca, aliasque Civitates & Communi-  
tates, ac Universitates contra præmissa vel præ-  
missorum aliquod attentantes ecclesiastico in-  
terdicto subiecit.

Hoc firmans  
Joan. XXII.  
peculiares pe-  
nas adiecit co-  
tra molestantes  
nulla inferentes  
eorumdem  
Regnorum in-  
solis.

§. 2. Et deinde eodem Prædecessore, si-  
cut Domino placuit, sublato de medio pie me-  
ritæ Joannes Papa XXII. dicti Clementis Suc-  
cessor Prædecessor noster ad apicem Apostoli-  
cæ dignitatis assumptus, omnibus & singulis  
tam Clericis quam Laicis, cujuscumque status,  
ordinis, conditionis, præminentiae, vel dignita-  
tis existerent, etiam si Pontificali vel Imperiali  
seu Regali aut quacumque alia dignitate fulge-  
rent, ac Universitatibus, Communitatibus, &  
Populis Civitatum, Castrorum, & aliorum quo-  
rumcumque locorum ubicumque consisten-  
tium similiter inhibuit, ne per se vel alios di-  
cta Regnum Siciliæ, seu Terram citra Farum,  
vel homines consistentes infra Regnum & Ter-  
ram prædicta, sive aliquos ex eis, seu partem ip-  
sorum Regni vel Terræ, aut aliqua ipsorum  
vel alterius eorumdem loca impugnare, offen-  
dere, molestare, turbare, vel invadere quo-  
vis modo, aut iniurias, damna, violentias, rapi-  
nas aut deprædationes seu spolia vel incendia,  
sive secando vel metendo seu conculcando aut

comburendo segetes eorumdem, aut vineas  
seu quascumque fructiferas arbores incidendo,  
seu etiam devastando, vel quocumque alio mo-  
do seu damnificationis genere damnificare præ-  
sumerent, sive præstare super hiis præsumenti-  
bus ipsis per se vel alium seu alios directe vel  
indirecte publice vel occulte consilium auxi-  
lium vel favorem, ac in omnes & singulos  
contra inhibitionem huiusmodi venire aut at-  
tentare per se vel alios præsumentes, tam Cleri-  
cos quam Laicos, etiam si, ut prædicitur, Pon-  
tificali aut Imperiali sive Regali vel quavis di-  
gnitate alia, præfulgerent, de Fratrum suo-  
rum consilio præter poenas & sententias supra-  
dictas excommunicationis, quam eo ipso in-  
currerent, sententiam promulgavit: ipsorum-  
que Terras, & quaslibet Universitates, Com-  
munitates, & Populos ac Civitates, Castra, &  
loca contra præmissa vel præmissorum aliquod  
attentantes ecclesiastico interdicto subiecit, &  
eos ac ipsorum singulos omnibus privilegiis, in-  
dulgentiis, libertatibus, gratiis, & immunitati-  
bus realibus & personalibus, quæ ab eadem Ec-  
clesia vel Imperio Romano, cuius Imperii gu-  
bernatio administratio & cura tunc temporis  
cum Imperatoris careret regimine, ad eundem  
Prædecessorem Joannem plenarie pertinebat;  
concessis eisdem, nec non feudis bonis hono-  
ribus officiis & iuribus, quæ ab Ecclesia ipsa  
vel Imperio prædictis obtinebant, de prædicto-  
rum Fratrum consilio eadem auctoritate priva-  
vit, ac eos & illas, & similia ipsorumque fi-  
lios, & Nepotes ad quolibet Ecclesiastica Be-  
neficia, dignitates, personatus, & officia cum  
cura vel sine cura, auctoritate quorumcumque  
obtinenda usque ad tertiam generationem ex-  
clusive reddidit inhabiles, & indignos; & de-  
crevit idem Prædecessor auctoritate prædicta,  
quod processus suus huiusmodi & in ipso con-  
tenta obtinerent plenam vim constitutionis, &  
ordinationis perpetuæ firmitatem.

§. 3. Nuper autem ad audientiam nostram  
molesta nobis multorum insinuatio fidedigna  
perduxit, quod licet dilecti Filii Commune Ci-  
vitatibus Beneventanæ ad Nos & ipsam Eccle-  
siam nullo medio pertinentis a nonnullis No-  
bilibus, & potentibus, ac aliis vicinis eorum,  
quorum inhiabat, & inhiat illicitus appetitus,  
& qui eidem Civitati ad modum sunt infesti,  
multa dudum fuerint damna passi; a paucis  
tamen elapsis temporibus Regno Siciliæ, ac  
Terra citra Farum, in qua quidem Terra  
ipsa Civitas sita est, gravium guerrarum agi-  
tatione commotis, & exsuscitatis in eisdem  
Regno, & Terra huiusmodi guerrarum oc-  
casione turbinibus oppressa iustitia paceque  
fugata, tot passi sunt & patiuntur iniurias,  
opprobria, violentias, gravamina, præssuras, &  
damna nunc animalibus eorum abductis in  
prædam, nunc segetibus & Vineis ac fructi-  
feris eorum arboribus aliis succisis, aut de-  
captis ignominiose tractatis, carcere affli-  
ctis aliter, nunc hominibus & mulieribus &  
ad importabiles redemptiones per varia tor-  
menta compulsis, & nunc quod gravius est  
ipsorum sæpe Concivibus nequiter interemptis  
in gravem divinæ majestatis contumeliam &  
offensam, ac nostrum & Ecclesiæ memora-  
tæ

Varia expo-  
nit Innocen-  
tius damna  
illata Civibus  
Beneventanis  
occasione bel-  
lorum, & po-  
tentiorum  
malitia.



Dictasq; Præ-  
decessorum  
Cōstitutiones  
ad Ducatum  
Beneventanū  
extendit.

tæ opprobrium, & ipsis ac nostrorum jurium detrimentum; quod nisi eis super hiis de remedio fuerit oportuno provisum, vix adicere poterunt ut resurgant.

§. 4. Nos igitur hujusmodi eorundem Communi injuriis, opprobriis, violentiis, gravaminibus, pressuris, & damnis pia consideratione pensatis volentes de illo super hoc remedio providere, per quod nobilium, potentum, & vicinorum eorundem ac aliorum effræni audacia, & præsumptuosa temeritate repressis Commune ipsi ab injuriis violentiis gravaminibus pressuris, & damnis hujusmodi præservati amoenitate pacis, & quietis dulcedine perfruantur, ac ipsorum, nostrorum, & Ecclesiæ memoratæ indemnitati jurium consulatur, hujusmodi processus dictorum Prædecessorum Clementis, & Joannis ac omnia & singula in eis contenta ad Civitatem Beneventanam eandem ac Territorium, & districtum ejus limitatum jam vel in antea limitandum, & ad dictos Commune sive Universitatem, necnon Cives Incolas, & habitatores Civitatis, & Territorii ac Districtus prædictorum, & morantes in eis præsentēs, & posteros omnes, & singulos auctoritate Apostolica estendimus ac etiam prorogamus.

Clausula.

§. 5. Nulli ergo omnino hominum liceat hanc paginam nostræ constitutionis infringere &c.

Dat. die 21.  
Januar. 1355.  
An. III.

Datum Avenioni duodecimo Kalendas Februarii Pontificatus nostri anno Tertio.

## V I I.

Ex Regest.  
eodem.

Reformatio taxarum Curie Civitatis  
Beneventan.

Innocentius Episcopus, Servus Servorum Dei,  
ad perpetuam rei memoriam.

Exordium.

**D**electat nos omnium modestia subditorum, & eos cupimus sub æquitate jure temperantius vivere, qui publicis officiis deputantur, ut justa pro laboribus mercede contenti, ab exactionibus indebitis se omnino cohibeant, & per intricata diffugia negociantes ad redemptiones indebitas non compellant.

Abusus non-  
nullos in Cu-  
ria Benevent.  
irreptos ait.

§. 1. Sane ad audientiam nostram pervenit, quod Judices, & Notarii publici seu Tabelliones Civitatis Beneventanæ, quæ ad Nos & Romanam Ecclesiam nullo medio pertinet, propriis finibus non contenti, pro Instrumentis, quæ Notarii seu Tabelliones faciunt, & in quibus iidem Judices se subscribunt, frequenter a contrahentibus exigunt excessiva salaria, & sæpe interjectis præjudicialibus dilationibus contrahentes ipsos ad redemptiones illicitas invite coarctant.

Taxas itaque  
præscribit.

§. 2. Volentes igitur super hoc de opportuno remedio providere, hujusmodi Judicum, & Notariorum seu Tabellionum ipsorum salaria auctoritate Apostolica præhabita moderatione debita, prout infra describitur, præsentium tenore taxamus.

§. 3. In primo siquidem salaria Notariorum seu Tabellionum ipsorum pro Instrumentis emptionis vel donationis aut permutationis sive Inventarii bonorum seu rerum, quæ unam vel plures usque ad decem inclusive in Tribus, & quæ plures usque ad triginta similiter inclusive in quatuor, quæ autem plures usque ad quinquaginta etiam inclusive in sex, & quæ plures usque ad octoginta uncias similiter inclusive in octo, quæ ultra quantumcunque valuerint in decem; pro Instrumentis vero locationis, procurationis, quitationis, protestationis, taxationis alimentorum, dationis transactionis, vel in solutum, aut tutelæ vel mundaldi dationis, ac omnium aliorum contractuum minutorum in quatuor Carolenis argenti solvendis eisdem Notariis, per eos quorum fuerint Instrumenta: Salarium vero Judicum pro tertia parte minus quam sit Salarium Notariorum, seu Tabellionum esse volumus prædictorum.

§. 4. Pro salario vero Instrumentorum, quæ confici contigerit de Testamentis, & ultimis voluntatibus Fidelium defunctorum, solvatur tam Notariis, seu Tabellionibus, quam Judicibus ipsis pro tertia parte, plus quam solvatur eis pro Instrumentis aliorum Contractuum quorumcumque, habito tamen respectu ad valorem bonorum, quæ in Instrumentis Testamentorum fuerint comprehensa, sicut de aliis Instrumentis superius est expressum: nam cum sint majoris laboris & tedii, oportet esse illa mercedis etiam amplioris.

§. 5. Pro aliis vero scripturis, quæ non sunt Instrumenta, solvantur eisdem Notariis, seu Tabellionibus eorum Salaria, sicut consueverunt hactenus ei solvi.

§. 6. Pro abbreviatura quoque, quam ipse idem Notarius in suo Prothocollo notavit, unum tantum, & pro illius quam Antecessor suus notaverat inventionem duos Carolenos Argenti volumus querenti, & invenienti eam Notario exhiberi.

§. 7. Pro scriptura etiam, quæ Abbreviatura dicitur tam Judex qua Notarius sive Tabellio uno Caroleno argenti tantummodo sint contenti.

§. 8. Decernimus igitur, & iubemus, ut iudices & notarii seu Tabelliones ipsi Civitatis eiusdem præsentēs & futuri in eorum salariis sic huiusmodi taxationibus contententur, ut ultra illas aliquid petere, vel exigere de cætero non præsumant: ac ordinamus, quod notarii seu Tabelliones infra quindecim dies, Judices vero infra quatuor dies ad tardius, postquam in eis secundum taxationes nostras huiusmodi fuerit de ipsorum salariis debite satisfactum, reddant completa, & testata Instrumenta eis, quorum fuerint contractus, nisi fuerint forsitā impedimento legitimo præpediti.

Nulli ergo omnino hominum liceat hanc paginam nostræ Constitutionis infringere &c.

Datum Avenioni octavo Idus Februarii Pontificatus nostri Anno Tertio.

Salarias No-  
tariis, & Ju-  
dicibus danda  
pro contra-  
ctibus minu-  
tis.

Pro Testa-  
mentis.

Pro scripturis  
ne in Protho-  
collo.

Pro Abbreviatura.

Executio huius  
Constitutionis.

Dat. die 6.  
Februar. 1355  
An. III.



## VIII.

Ex Regest. in  
Archiv. Vatic.

Extensio Constitutionis contra Occupantes Jura & bona S. R. E. ad Invasores Terrarum, Locorum, Juriumque quorumcumque Ecclesie Avenionen.

Innocentius Episcopus, Servus Servorum Dei,  
Ad futuram rei memoriam.

Exordium.

**L**ICET disponente Domino Ecclesiarum omnium cura Nobis imminet generalis, de Ecclesie tamen Avenionen. statu dirigendo & conservando feliciter eo nobis est sollicitudo propensior, quo ipsius administrationem in spiritualibus & temporalibus Sedes Apostolica sibi usque ad ejus beneplacitum reservavit.

§. 1. Cum itaque mundo in maligno posito nonnulli, a quorum oculis Dei timor abcessit, ad Ecclesie prefate Bona & jura occupanda, sicut habet fide dignorum assertio, cogitatus erexerint & occupatrices manus extendere moliantur; Nos cupientes eidem Ecclesie adversus hujusmodi presumptionis audaciam Apostolicum adesse presidium & favorem, ut eis, quos timor Dei a malo non revocat, malignandi licentiam poenarum asperitas interdicat, excommunicationis & anathematis ac alias omnes & singulas sententias, & poenas spirituales & temporales contra Invasores, & Impugnatores, ac Occupatores Civitatum, Terrarum, Castrorum, Locorum, & jurium Ecclesie Romanæ, cui auctore Domino presidemus, ac fautores, consiliatores, auxiliares, & adjuutores eorum per nostros & quorumcumque aliorum Prædecessorum nostrorum Romanorum Pontificum processus promulgatas, & inflictas, ad Invasores, Impugnatores, & Occupatores Castrorum, Villarum, Fortalitiorum, Terrarum, Locorum, ac aliorum Bonorum, & jurium quorumcumque ad ipsam Ecclesiam Avenionen. immediate vel mediate spectantium omnium & singulorum, ac consiliatores, auxiliares, fautores, adiutores, & defensores eorum auctoritate Apostolica extendimus ac etiam prorogamus, volentes extensionem & prorogationem hujusmodi durante administratione hujusmodi duraturas.

Extensio de  
qua in Rubrica.

Clausula.

Nulli ergo omnino hominum liceat hanc paginam nostræ constitutionis infringere &c.

Datum Avenioni undecimo Kalendas Junii Pontificatus nostri Anno Tertio.

Dat. die 22.  
Maii 1355.  
Pont. An. III.

## IX.

Innovatio Sententiarum Clem. PP. VI. contra dantes, vel acquirentes Dominium, aut Jurisdictionem, vel præminentiam, aut obligationem super Castris, & Locis Patrimonii B. Petri in Tuscia, aut quoquomodo ea occupantes, earundemque extensio ad alias Provincias Status Ecclesiastici.

Ex Regest.  
eodem.

*Laudatam hic Clementis Constitutionem  
legere est superius pag. 302.*

Innocentius Episcopus, Servus Servorum Dei,  
Ad perpetuam rei memoriam.

**E**Cclesiarum omnium, quarum disponente Domino curam gerimus, debemus invigilare profectibus, & providere sollicitè, ne suorum detrimenta jurium patiantur: sed Romanæ Ecclesie sponsæ nostræ eo tenemur vigilantius intendere commodis, & dispendiis obviare, quo Ecclesie reliquæ Pastorum, quibus commissæ sunt, in opportunitatibus earum muniuntur auxiliis: hæc Romani dumtaxat Pontificis presidii adjuvatur.

Proemium.

§. 1. Dudum felicitis recordationis Clementis Papa Sextus Prædecessor noster ad obviandum perversis illorum conatibus, qui Provinciæ Patrimonii Beati Petri in Tuscia, quæ juris & proprietatis Ecclesie Romanæ fore, ac eidem Ecclesie immediate subesse dignoscitur, Civitates, Castra, & Villas, eorumque dominium, superioritatem, advocacionem, capitaneatum & jurisdictionem in ipsius Ecclesie grave præjudicium contra Constitutiones & ordinationes olim per felicitis recordationis Urbanum Quartum & Joannem vigesimum, secundum, ac diversos alios Romanos Pontifices Prædecessores dicti Clementis & nostros editas non verebantur diversis questis coloribus tenere, occupare, sibi in eisdem dominium, superioritatem, & præminentiam vindicare, perpetua Constitutione sancivit, ut nulla Civitas, vel Communitas, nullaque singularis persona, cujuscumque conditionis, vel status existeret, deinceps in aliquibus Civitatibus Castris, seu Villis ipsius Patrimonii ad prefatam Romanam Ecclesiam spectantibus dominium, superioritatem, capitaneatum, advocacionem, jurisdictionem, seu aliquam præsentiam, seu præminentiam, prætextu cujuscumque venditionis, submissionis, recommendationis, concessionis, recognitionis, obligationis, contractus, vel pacti aut cujusvis alterius commercii, absque auctoritate Sedis Apostolicæ speciali recipere auderet, vel sibi dominium, præsentiam, capitaneatum, seu jurisdictionem in prædictis Civitatibus, Castris, & Villis, ex quavis occasione seu causa quomodolibet vindicare, quodque Civitates & singulares personæ submissiones, suppositiones, & subjectiones quascumque tunc in eas factas, & receptas, seu de facto, cum de jure non tenerent, quomodolibet attentatas dimittere tenerentur, nec Civitates, Castra, seu loca alia, quæ se eis, ut præmittitur, submiserant, vel quomodolibet subjecerant, prætextu submissionis vel subjectionis alicujus, vel cujusvis contractus titulo valerent retinere: nullaque Universitas, seu Communitas Civitatis, Castrum

A Clemente VI. innovata Pontificum Constitutiones, quibus, ne quis dominium, aut præminentiam ullam in Terris Patrimonii B. Petri sibi vindicet prohibetur.



seu Ville Ecclesiæ Romanæ subiecta in Terris Patrimonii constituta alicui Universitati seu Communitati, vel privatae personæ cuiuscumque conditionis aut status existeret, se subiicere, submittere, seu supponere valeret, constituendo, recognoscendo, seu profitendo se subesse alicui Universitati vel privatae personæ, seu ad eosdem super illis, & in ipsis, ac in dictis Civitatibus, Castris, & Villis aliquam jurisdictionem, dominium, capitaneatum, seu quamvis aliam præminentiam pertinere; & si quæ Civitates, Castra, vel loca, tunc de facto ad submissionem, vel suppositionem aliquibus Civitatibus, vel privatis personis de se factam venditioni, donationis, vel cuiusvis alterius contractus colore, vel titulo processerant, illa quamvis de jure non valerent, quatenus de facto processerant, realiter & effectualiter revocare studeant, nec illis unquam uterentur, nec virtute submissionis huiusmodi, vel alias illis, quibus quovis titulo, vel colore se submitterant, ullatenus obedirent, parerent, vel intenderent: contrarium vero facientes directe, vel indirecte per se, vel alios, tam illi, & eorum singuli, qui in Civitatibus, Castris, aut Villis ejusdem Patrimonii, vel eorum aliquo huiusmodi dominium, superioritatem, capitaneatum, advocatorem, jurisdictionem, quamcumque præminentiam seu præsidentiam sine licentia Sedis Apostolicæ speciali reciperent in futurum, & qui tunc ex quocumque contractu vel obligatione receperant, seu quavis usurpatione quomodolibet occupaverant, nisi sic occupata & recepta infra duorum Mensium spatium, postquam constitutio ipsa ad eorum notitiam pervenisset, vel per eos stare, quominus valeret pervenire, dominium, seu præsidentiam, superioritatem, capitaneatum, jurisdictionem quamcumque, seu præminentiam huiusmodi realiter dimitterent, cum affectu illa nullo unquam tempore absque ipsius Sedis licentia resumpturi, quam illi qui se submitterent, supponerent, seu subiicerent, ut præfertur, simili modo, cuiuscumque dignitatis, status, ordinis, vel conditionis existerent, singulares personæ sententiam excommunicationis incurrerent, ac Terræ ipsorum ubicumque forent ipso facto interdicto Ecclesiastico subjacerent, Civitates, aut Castra, & Villæ, quæ ex tunc in antea se submitterent, supponerent, seu subjacerent, & quæ submissionem, suppositionem, seu subjectionem huiusmodi reciperent, seu quomodolibet occuparent, & quæ se tunc quovis colore, vel titulo, ut præmittitur, submitterant & subjecerant, ac Civitates, quæ submissiones, & subjectiones huiusmodi receperant, nisi infra prædictum duorum Mensium spatium ab omni effectu dictæ submissionis, & subjectionis realiter desisterent, ipsi ulterius non usuri, seu contra Constitutionem, & inhibitionem prædictam venire directe, vel indirecte per se, vel alium seu alias attentarent, Ecclesiastico interdicto subjacere decrevit: & nihilominus omnibus privilegiis, ac grâtiis necnon feudis, bonis, honoribus, & juribus quibuscumque, quæ ab eadem Romana, & aliis Ecclesiis obtinebant privavit & privatos, & privata voluit esse ipso facto: Non obstante si eis, vel eo-

rum aliquibus communiter, vel divisim ab eadem esset Sede indultum, quod excommunicari, eorumque Terræ, & Loca Ecclesiastico interdicto supponi non possent per literas Apostolicas non facientes plenam, & expressam ac de verbo ad verbum, de indulto huiusmodi, ac eorum personis locis ordinibus, & nominibus propriis mentionem.

§. 2. Postmodum vero prædictus Prædecessor Clemens omnes submissiones, subjectiones, suppositiones, super prædictis factas, & obligationes, pacta, seu conventiones sub titulo venditionis, vel cuiusvis alterius contractus quomodolibet initas, habitas, & quasumque penas adjectas, & juramenta præstita, super illis sub quibuscumque modis & formis, vel expressione verborum, præsertim cum in præjudicium eiusdem Ecclesiæ redundarent, ac iuramentum vinculum iniquitatis esse non deberet, decrevit fore nulla vacua, irrita, & inania, & nullius existere firmitatis, & quatenus ad illa de facto processum extiterat, sustulit & revocavit omnino & iuribus vacuavit.

§. 3. Et cum idem Prædecessor Joannes dudum universis & singulis, tam Clericis quam Laicis, cuiuscumque status, ordinis, conditionis, præminentia, vel dignitatis existerent, etiam si Pontificali, vel Imperiali, seu Regali, vel quavis alia dignitate fulgerent, ac omnibus Principibus, Ducibus, Marchionibus, Comitibus, & Nobilibus, ac Potestatibus, Capitaneis, & aliis Officialibus quibuscumque, Communitatibus, & Populis Civitatum, Terrarum, Castrorum, & aliorum quorumcumque locorum ubicumque consistentium, & omnibus aliis quibuscumque auctoritate Apostolica inhibendum per suas literas vim Constitutionis habentes duxerit & mandandum, per se vel alios directe, vel indirecte, Patrimonii Romanodiolæ, Marchiæ, Anconitan., Ducatus, Spoletan. Campaniæ, Maritimæque, ac Massæ, Trebariæ, Provincias Venaissini, & Urbinatus olim Comitatus, ac Urbinaten. & Ravennaten. Civitates, & alias Terras, Civitates, Castra, Villas, & Loca quæcumque ad eandem Romanam Ecclesiam pertinentia, vel ipsorum, aut aliqujus eorum partem occupare, invadere, aut turbare, seu fidelibus eorundem injurias, damna, seu violentias irrogare, aut occupantibus, invadentibus, turbantibus, vel injurias, damna, seu violentias irrogantibus publice vel occulte assistere, aut auxilium, consilium, vel favorem directe vel indirecte, publice vel occulte per se, vel alium, seu alios præstare præsumerent quoquomodo, in omnes & singulos contra inhibitionem & mandatum huiusmodi venire, aut attentare per se, vel alios præsumentes tam Clericos quam Laicos etiam si, ut prædicebatur, Pontificali, aut Imperiali, seu Regali, vel alia quavis dignitate fulgerent, de Fratrum suorum consilio excommunicationis, quam eo ipso incurrerent, sententiam promulgasset, necnon quaslibet Universitates, Communitates, & Populos, ipsorumque Civitates, Terras, Castra, Villas, & Loca in præmissis, vel aliquo præmissorum culpabilem supposuisset Ecclesiastico interdicto, & eos ac ipsorum quemlibet omnibus privilegiis, indulgentiis

In contrariis  
acta viribus  
vacuata.

Cautum quoque, ne quis Terras eorundem quolibet pretextu usurpare sibi, aut earum incolas molestare auderet, innovatis ad hoc Joannis XXII. Literis.

Adiectæ ab  
eodem penę  
contra inobedi-  
entias.



tiis, gratiis, & immunitatibus realibus, & personalibus ab eadem Ecclesia, & Imperio Romano concessis eisdem omnium, etiam Feudorum, bonorum, honorum, officiorum, iurium, & jurisdictionum, quæ ab Ecclesia, & Imperio prædictis obtinerent, de ipsorum Fratrum consilio auctoritate privasset, eadem ipsos ad illa, & similia, & quælibet alia, eorumque filios, ac Nepotes, ad quælibet Beneficia Ecclesiastica, dignitates, personatus, & Officia cum Cura, vel sine cura quovis nomine censerentur, auctoritate quælibet obtinenda, usque ad tertiam generationem exclusive reddendo inhabiles & indignos, idem Prædecessor Clemens per præmissa, vel quæcumque alia, inhibitioni, mandato, penis, & sententiis per ipsum Joannem Prædecessorem factis & promulgatis, ut superius est expressum, aliisque contentis in Literis Joannis Prædecessoris ejusdem per Constitutionem eandem roboravit, & in sui vigoris efficacia voluit, & decrevit permanere, prout in ipsius Prædecessoris Literis plenius continetur.

§. 4. Cum itaque temporum crescente malitia & abundante iniquitate multorum non solum prædictæ Patrimonii sed aliarum Provinciarum, atque Terrarum, quæ præfata Romanæ immediate subsunt Ecclesiæ, jura occupationibus pateant invasorum, & ob hoc provisionem circa ipsam Patrimonii Provinciam particulariter adhibitam ad omnes alias Provincias & Terras easdem generaliter suadeat urgens necessitas prorogandam Constitutionem prædictam, & omnia & singula in ea contenta ad Campaniæ, Maritimæ, Ducatus, Spoletan. Marchiæ, Anconitan. Massæ Trebariæ, Terræ Sanctæ Agathæ, & Romandiolæ Provincias, necnon ad Bretenorii, & quondam Urbini, ac Venaissini Comitatus, & ad Beneventan. Ravennaten., & Bononien., ac alias Civitates Terras, Castra, Villas, Oppida, Fortalitia, jura, jurisdictiones, & bona omnia & singula ubilibet constituta, quæ prædictæ Romanæ immediate subsunt, ut præfertur, Ecclesiæ auctoritate Apostolica de Fratrum nostrorum consilio extendimus ac etiam prorogamus.

Nulli ergo omnino hominum liceat hanc paginam nostræ Constitutionis infringere &c.

Datum Avenioni secundo nonas Octobris Pontificatus nostri anno III.

## X.

Institutio Cathedræ Theologicæ in Studio Generali Civitatis Bononiæ.

Innocentius Episcopus, Servus Servorum Dei,  
Ad perpetuam rei memoriam.

Quasi lignum vitæ in Paradiso Dei, & quasi lucerna fulgens in domo Domini est in Sancta Dei Ecclesia facultatis theologicæ disciplina. Ipsa velut fecunda eruditionis mater ad irrigandam sterilem Orbis faciem fluvios de pectore Salvatoris emittens, humanum genus originalis ignorantiae

*Bull. Rom. Tom. III. Pars II.*

cæcitate deforme, per infusionem veritatis, adviam reducit justitiæ vite, ad vivificat animas easque ad exaltationem catholicæ fidei, & exterminium hæreticæ pravitatis, & cunctorum infidelium, & adversus etiam invisibiles potestates, armis inexpugnabilibus munit, & fortissimas constituit bellatrices.

§. 1. Hæc frequenter intra cordis arcana, sollicita mente revolvimus, & intenta meditatione pensamus, tantoque propterea amplius ad illius dilationem studia & labores libenter impendimus, quanto exinde majora animarum lucra provenire, & universalis Ecclesiæ statum, amplius cognoscimus augmentari.

§. 2. Sane dum fructus uberes, quos Studium Bononiense, quod longissimis temporibus in seipso sicut præfulgida stella emicuit, & diffusa claritate longe lateque refulsit in jure canonico & civili, & liberalibus artibus tamquam ager plenus, cui Dominus benedixit, copiosa fertilitate produxit hactenus, & producit, cum delectatione animi recensemus, & exinde speramus ipsius Theologiæ palmites, si illius studium esset ibidem, amplius propagandum dumque fidei puritatem, & devotionem eximiam, quam dilecti filii: Populus & Commune Civitatis Bononiæ, nostri & Romanæ Ecclesiæ fideles, ad nos & dictam Ecclesiam habuerunt hactenus & habere noscuntur, diligenter attendimus, dignum ducimus, & æquitati congruum existimamus, ut Civitas ipsa, quam divina gratia magnis donis & gratiis illustravit, bonorum multiplicium fecunditate dotavit, & loci amenitate non modica decoravit, hujusmodi scientiæ theologicæ facultatis muneribus ampliatur;

§. 3. Ideoque eorundem Populi & Communis devotis in hac parte supplicationibus benigne annuentes, auctoritate Apostolica statuimus & ordinamus, quod in d. Civitate deinceps, Studium generale in eadem Theologica facultate existat, & perpetuis futuris temporibus vigeat.

§. 4. Ac docentes & studentes ibidem in facultate prædicta, omnibus privilegiis, libertatibus, & immunitatibus concessis docenti- bus, & Scholaribus studentibus in illa in Studiis generalibus ejusdem facultatis commorantibus, gaudeant & utantur. Volumus tamen quod ad docendum & regendum, in ipso studio in hujusmodi facultate Magistri & Baccalarii, qui in Parisiensi, seu aliis famosis studiis ejusdem facultatis honorem magisterii seu baccalariatus acceperint, & alias experti & idonei in huiusmodi studii theologicæ facultatis noviter assumantur, in quod Civitas ipsa tanto insignita honore, dotibus fulgeat honori correspondentibus memorato.

§. 5. Insuper, Civitatem & Studium præfata, ob provectus publicos, quos proinde speramus, amplioribus honoribus prosequi intendentes, auctoritate ordinamus eadem, ut si qui in eodem Studio processu temporis ejusdem scientiæ theologicæ facultatis bravium affecuti, sibi docendi licentiam, ut alios erudire valeant petierint, impertiri possint, examinati diligenter ibidem, & in eadem facultate theologica, titulo magisterii decorari.

Si 2

§. 6. Au-

Ejus itaque dilatationi intentus Pontifex.

Attentisque Civitatis Bononiensis conditionibus.

Eam ibi instituit.

Concessis Studentibus, & legentibus amplissimis Privilegiis.

Data facultas licentandi.

Malce Joannis Literas lege superius pag. 183.

Laudate Constitutiones ad omnes Terras ceteraque Rom. Ecclesiæ jura extenduntur.

Clausula.

Dat. die 6. Octob. 1355. An. III.

Facultatis Theologicæ laus.



De formal-  
i-  
centiandi, &  
laureandi per  
Episcopum  
ejusdem Ci-  
vitatis.

S. 6. Auctoritate Apostolica statuentes, ut quoties aliqui in eadem Theologica facultate, in eodem Studio fuerint magistrandi, presententur Episcopo Bononiensi, qui pro tempore fuerit, vel ejus, sufficienti tamen, & idoneo, quem ad hoc idem Episcopus duxerit specialiter deputandum, seu Ecclesia Bononiensi Pastore carente, dilectorum filiorum Capituli ipsius Ecclesie, qui erit pro tempore, Vicario generali, qui omnibus magistris dictae facultatis Theologicae, in qua hujusmodi examinatio fuerit facienda in Studio ipso actu regentibus, presentibus convocati, eos gratis, pure, & libere, ac omni dolo & fraude ac difficultate cessantibus, de scientia, facundia, modo legendi, & aliis quae in promovendis ad Magisterii honorem in facultate praedicta & ejus officium requiruntur, examinare studeant diligenter, & illos, quos idoneos reperierit, petitio secreta, pure, ac bona fide eorumdem magistrorum consilio (quod utique consilium in ipsorum consulentium dispendium & iacturam, sub debito juramento super hoc praestando, cum ab Episcopo seu Vicario ac singulis magistris hujusmodi revelari, quomodolibet districtius prohibemus) approbet & admittat, eisque petitam licentiam largiatur, & alias minus idoneis postpositis, gratia, odio, vel favore, nullatenus admittendo, super quibus Episcopi, Magistrorum, & Vicarii praedictorum conscientiam oneramus.

S. 7. Volentes quod illi, qui in praefato Studio magistrati fuerint in facultate praedicta in eo, & in aliis generalibus Studiis dictae facultatis legendi & docendi, absque approbatione alia liberam habeant facultatem.

Nulli ergo, &c Si quis autem, &c.

Datum apud Villam Novam Avinionensis Dioecesis, XI. Kalend. Julii, Pontificatus nostri Anno Octavo.

Dat. die 21.  
Junii 1360.  
An. VIII.

URBANUS V.

PAPA CC.

ANNO DOM. MCCCLXII.



**D**ie 28. Octobris anno 1362. electus est in summum Pontificem Guillelmus Grimoardi Abbas S. Victoris Massiliensis, qui Urbanus V. nuncupari voluit. Consecratus die 6. sequentis Novembris sedit in Pontificatu a die Coronationis annos VIII. Mens. I. dies XIV. imperantibus in Oriente Joanne Palaeologo, in Occidente vero Carolo IV. Imperatoribus. Obiit Avinione die 19. Decembris 1370. & sepultus est in Ecclesia majori Avinionensi in Capella Joannis XXII. Vacavit Sedes dies XI.



## I.

Ex Regest.  
Vatic. editis  
Vgbell. Ital.  
Sac. ubi de  
Ecclesia Pa-  
lavina.

Institutio Studii Generalis in Civitate Pata-  
vina etiam in facultate Theologica.

Urbanus Episcopus Servus Servorum Dei,  
Ad perpetuam rei memoriam.

Proemium.

**S**Ane dum fructus uberes, quos Stu-  
dium Paduanum, quod longis tem-  
poribus in se ipso, sicut præfulgida Stella emi-  
cuit, & diffusa claritate longe late refulxit  
in jure canonico, & civili, & liberalibus ar-  
tibus, tamquam ager plenus, cui Dominus be-  
nedixit, copiosa fertilitate produxit hætenus,  
& producit cum delectatione animi recense-  
mus, & exinde speramus ipsius Theologiæ pal-  
mites, si illius studium esset ibidem, amplius  
prorogari. Dumque fidei puritatem, & devo-  
tionem eximiam, quam dilecti filii Universi-  
tas Studii Paduani, & Cives Civitatis ejusdem  
nostri, & Ecclesiæ Romanæ devoti, ad Nos,  
& dictam Ecclesiam habuerunt hætenus, &  
habere noscuntur diligenter attendimus, di-  
gnum ducimus, & æquitati congruum existi-  
mamus, ut Civitas, & Universitas supradictæ,  
quas divina gratia magnis donis, & gratiis il-  
lustravit, ac bonorum multiplicium fecundi-  
tate dotavit, & loci aménitate non modica  
decoravit, hujusmodi scientiæ Theologicæ fa-  
cultatis muneribus amplietur. Ideoque eo-  
rundem Studentium inibi supplicationibus in-  
clinati auctoritate Apostolica statuimus, &  
ordinamus, quod in dicta Civitate deinceps  
Studium generale in eadem Theologica facul-  
tate existat, & perpetuis futuris temporibus  
vigeat. ac docentes, & Studentes ibidem in  
facultate prædicta omnibus privilegiis, liber-  
tatibus, & immunitatibus concessis docentibus,  
& Scholaribus studentibus in studiis generalibus  
ejusdem facultatis commorantibus, gaudeant,  
& utantur. Volumus tamen, quod ad docen-  
dum, & regendum in ipso Studio in hujusmodi  
facultate Magistri & Baccalaurei, qui in Pari-  
sien. seu aliis famosis Studiis ejusdem faculta-  
tis honorem Magisterii, seu Baccalaureatus  
receperunt, & alias experti, & idonei in hu-  
jusmodi Studio Theologicæ facultatis noviter  
assumantur.

Datum Avenioni XVIII. Kalendas Maii  
Pontif. nostri anno I.

Institutio,  
de qua in ru-  
brica.

Scholarium,  
Magistrorum,  
que Privile-  
gia.

Cetera consul-  
to omni & ca-  
di enim ver-  
botenunt sunt  
ac in Consti-  
tutione X. In-  
nocentii VI.  
pro Univer-  
sitate Bono-  
niensi pag.  
323.

Dat. die 14.  
Aprilis 1363.  
An. I.

## II.

Privilegium Ordinis Cartusianorum utendi Al-  
tare portatili pro celebratione Missarum  
in locis ad Ordinem spectantibus.

Urbanus Episcopus, Servus Servorum Dei,  
Dilectis filiis Priori Domus Cartusiæ Grati-  
nopolitane Diocesis, ac Prioribus Priora-  
tuum & domorum aliarum, cæterisque per-  
sonis Cartusiensis Ordinis, Salutem & Apo-  
stolicam benedictionem.

**S**inceræ devotionis affectus, quem ad nos, & Romanam Ecclesiam geritis, Exordium.  
non indigne meretur, ut petitionibus vestris,  
illis præsertim, quas ex devotionis zelo prodire  
conspicimus, quantum cum Deo possumus,  
favorabiliter annuamus.

§. 1. Hinc est, quod nos vestris in hac  
parte supplicationibus inclinati, ut liceat vo-  
bis, & successoribus vestris habere Altaria,  
portatilia cum debita reverentia & honore, su-  
per quibus in domibus, ac grangiis, & cella-  
riis, & aliis locis congruentibus & honestis, ad  
domos, seu Prioratus vestros spectantibus,  
possitis Missam, & alia divina officia celebra-  
re, & in vestra præsentia facere celebrari, de-  
votioni vestræ, tenore præsentium indulge-  
mus.

Privilegium  
de quo in ru-  
brica.

Nulli ergo omnino hominum liceat hanc  
paginam nostrorum statutorum, ordinationum,  
voluntatum, inhibitionum, concessionum, &  
mandatorum infringere &c.

Clausula.

Dat. Aven. VII. Kal. Maii, Pontif. nostri  
Anno I.

Dat. die 27.  
Aprilis 1363.  
An. I.

## III.

Jurisdicctio Camerarii S. R. E. procedendi,  
contra piratas, nova pedagia im-  
ponentes eaque perpetrantes,  
quæ in Bulla in Cena  
Domini vetantur.

Urbanus Episcopus, Servus Servorum Dei,  
Venerabili Fratri Arnoldo Archiepis-  
copo Auxitano Camerario nostro  
Sal. & Apost. Bened.

**A**postolatus officium, cui quamquam  
immeriti disponente Domino præ-  
sidemus, exposcit, ut contra præsumptuosam  
malignorum turbam, Apostolicæ Sedis sen-  
tentias, & canonicas non verentium sanctio-  
nes exequutores justitiæ optimos, quantum,  
cum Deo possumus studiose apponamus.

Proemium.

§. 1. Olim siquidem felicitis recordationis  
Bonifacius Papa VIII. prædecessor noster, eos  
qui ab Ecclesiis, vel personis Ecclesiasticis  
pro eorum rebus propriis, quas non nego-  
ciandi causa deferunt, aut deferri faciunt,  
vel transmittunt, pedagia, seu guidacia, suo  
vel alieno nomine exigere vel extorquere,  
si persona existeret singularis, cujuscumque  
foret

Bonifacius  
VIII. ab Ec-  
clesiasticis pe-  
dagia prohi-  
buit exigi.



foret dignitatis, conditionis, vel status, ex communicationis, si autem Collegium vel Universitas Civitatis, Castri, seu loci alterius cujuscumque, interdicti sententias incurrere voluit ipso facto, & quod ab excommunicatione prædicta absolutionem, vel interdicti relaxationem obtinere non possent, donec exacta plenarie restituerent, & de transgressione satisfacerent competenter.

§. 2. Ac deinde per nonnullos Romanos Pontifices prædecessores nostros, & postremo per nos, in omnes piratas, cursarios & latrunculos marinos, & omnes fautores, receptatores & defensores eorum, & insuper in omnes illos, qui in terris suis nova pedagagia imponunt: ac etiam in illos, qui equos, arma, ferrum, lignamina vel alia prohibita deferunt Saracenis, quibus Christianos impugnant: præterea in omnes illos, qui ad Sedem Apost. venientes vel recedentes ab ea, necnon illos, qui jurisdictionem ordinariam, vel delegatam aliquam non habentes, eos, qui in Romana Curia morantur, temeritate propria capere, detinere vel spoliare, aut ex proposito deliberato vulnerare atrociter, vel interficere præsumunt, & qui victualia vel alia bona ad usum Romanæ Curie necessaria, impediunt, ne ad Sedem prædictam deferantur, & qui talia fieri faciunt sive mandant, ac alios qui scienter eis favent vel receptant aut defendunt, cujuscumque fuerint ordinis, præminentie & conditionis, ac status, etiam si Pontificali vel quavis alia Ecclesiastica vel mundana præfulgeant dignitate. Et in illos, qui per se vel alium, seu alias quascumque personas Ecclesiasticas, & sæculares ad eandem Curiam superiorum causis & negociis recurrentes, illaque in Romana Curia prosequentes, vel procuratores, gestores, ad vocatos, promotores ipsorum, seu etiam Auditores, vel Judices, qui supradictis causis, vel negociis deputantur, vel de eadem Romana Curia recedentes, occasione causarum vel negociorum huiusmodi verberent, mutilent, vel occidant, vel bonis spolient eorumdem, cujuscumque præminentie, dignitatis, ordinis, conditionis, aut status fuerint, etiam si Pontificali vel quavis alia præfulgeant dignitate, vel eorum aliquod committentes. Item in omnes illos, qui per se vel alium seu alios, directe vel indirecte, sub quocumque titulo vel colore, civitates, castra, villas, ac loca, & jura quælibet alia ipsius Ecclesiæ Romanæ, vel aliqua, seu aliquas eorum, aut ipsorum vel aliquorum, seu alicujus ipsorum partem, videlicet, Comitatum & Civitatem Avenionen. & ejus territorium ad ipsam Ecclesiam pertinentem, & scienter occupant, vel detinent occupata, excommunicationis & anathematizationis sententia in certis anni solemnitatibus promulgata fuerunt, prout in nostris, & ipsorum prædecessorum literis plenius continetur.

§. 3. Cum autem sicut accepimus, nonnulli, a quorum oculis Dei timor abscessit, prædictas sententias non verentes, a præmissis Clericis & Ecclesiasticis personis, huiusmodi pedagagia, seu guidagia, pro huiusmodi eorum rebus propriis, quas non negociandi causa defe-

rent, aut deferri faciunt, vel transmittunt, exegerunt & extorserunt hætenus, & exigere & extorquere quotidie moliantur, & nonnulli pravitatem piraticam exercere: Alii vero venientes ad prædictam curiam, & recedentes ab ea capere, vel retinere, vel spoliare: Necnon victualia, & alia ad usum Romanæ Curie necessaria, ne ad præfatam deferantur Curiam, impedire, & nonnullos alios ex excessibus supradictis committere. Et insuper privilegia per Sedem Apostolicam clericis, & personis Ecclesiasticis, ac prædictam Curiam sequentibus concessa, & canones, constitutiones, & consuetudines in ipsorum curialium favorem præsertim officialium, & familiarium nostrorum, præsertim in prædictis propriis eorum rebus ad prædictam Curiam deferendis diutius observatas, violare temere præsumpserunt hætenus, & præsumunt, in animarum suarum periculum, Apostolicæ Sedis contemptum, & præiudicium, & scandalum plurimorum.

§. 4. Nos itaque contra præsumptiones huiusmodi, quas non decet, nec expedit incorrectas dimitti, salubre apponere remedium cupientes, Fraternitati tuæ, de qua in his & aliis plenam in Domino fiduciam obtinemus, per Apostolica scripta mandamus, quatenus per te vel alium seu alios, tam in Romana Curia quam alibi, ubicumque, & quotiescumque tibi expedire videbitur, prædictas tam a iure, quam ab homine latas sententias, debitæ executioni demandetis, easque necnon canones, privilegia, & consuetudines supradictas, facientes ubique auctoritate nostra inviolabiliter observari, & ubi opus fuerit publicari, ac declarationem publicam, nunciationem, & citationem omnium, & singulorum, qui in prædictas sententias inciderunt, etiam per editum publicum affigere de mandato tuo in portis Sacri Palatii Apostolici, & valvis Ecclesiæ Avenionensis, & alias in ipsarum sententiarum executionem, & aggravationem, & alias omnia, & singula supradicta, tam generaliter quam specialiter, vel nominatim, eadem auctoritate procedas, etiam per informationem simplicem summarie, simpliciter, & de plano, sine strepitu, & figura iudicii, prout facti qualitas exegerit, & ubi secundum Deum, & iustitiam videbitur faciendum; ac eorum, necnon fautorum, receptatorum, & defensorum dictorum piratarum, cursariorum, & latrunculorum marinarum, Civitates, Terras, Castra, & loca supponas Ecclesiastico interdicto. Contradictores quoslibet, & rebelles, cujuscumque præminentie, dignitatis, status, gradus, ordinis, vel conditionis existant, etiam si Pontificali, vel quavis alia, ecclesiastica, vel mundana præfulgeant dignitate, auctoritate nostra per censuram Ecclesiasticam appellatione postposita compescendo, invocato etiam ad hoc, si opus fuerit, auxilio brachii secularis.

§. 5. Non obstantibus tam fel. rec. Bonifacii Papæ VIII. prædecessoris nostri, in quibus cavetur, ne aliquis extra suam Civitatem vel Dioecesim, nisi in certis exceptis casibus, & in illis ultra unam dietam a fine suæ dioecesis evocetur, seu quod iudices a Sede Apostolica deputati extra Civitatem, & Dioecesim, in quibus

Cameraria  
itaque ut cō-  
tra eos proce-  
dat injungit.

Obstantium  
derogatio.

Alique Pon-  
tifices hic no-  
minatos ana-  
themati sub-  
jecere.  
Omnes hic ex-  
pressè excom-  
municari so-  
lent in Bulla  
in cœna Do-  
mini.

Multos dicte  
Urbanus his  
legibus non  
obedire, ad-  
jectis quoque  
penis nullo in  
pretio habi-  
tis.



bus deputati fuerint, contra quoscumque procedere, sive alii, vel aliis vices suas committere, aut aliquos ultra unam dietam a fine dioecesium earumdem trahere præsumant, & de duabus dietis in Concilio generali; quam aliis quibuscumque Constitutionibus a prædecessoribus nostris Romanis Pontificibus, tam de iudicibus delegatis, quam personis ultra certum numerum ad iudicium non vocandis, aut aliis edictis, quæ tuæ possent in hac parte jurisdictioni, aut potestati, ejusque libero exercitio quomodolibet obviare, seu qui præfatis, vel quibusvis aliis cujuscumque dignitatis, status, ordinis, vel conditionis existant, etiam si Pontificali, vel alia quavis dignitate præfulgeant, a dicta Sede indultum existat, quod extra, vel ultra certa loca ad iudicium evocari, aut quod interdicti, suspendi, vel excommunicari, aut eorum Ecclesiæ, Monasteria, Civitates, Terræ, Castra, & loca ecclesiastico interdicto supponi non possint per literas Apostolicas non facientes plenam, & expressam ac de verbo ad verbum, de indulto hujusmodi, & earum personis & locis, ordinibus, & nominibus propriis mentionem, & qualibet alia dictæ Sedis indulgentia generali, vel speciali cujuscumque tenoris existat, per quam præsentibus non expressam, vel totaliter non insertam tuæ jurisdictionis in hac parte valeat quomodolibet effectum impedire, & de qua ejusque toto tenore habenda sit de verbo ad verbum in nostris literis mentio specialis, plenam, & liberam eidem Fraternitati tuæ concedimus, tenore præsentium facultatem. Volentes & decernentes, quod citationes, quas in præmissis per edictum, ut præmittitur feceris, perinde valeant, ac citatos arceant, ac si eis personaliter insinuatæ & intimatæ fuissent, Constitutione quacumque contraria non obstante.

Datum Avenione quarto Idus Octobris, Pontif. nostri anno I.

Dat. die 12.  
Octob. 1363.  
An. I.

## I V.

Ex Regest. in  
Archiv. Vatic.

Judæos molestantes, seu alias ipsis injurias quomodolibet inferentes, aut ad recipiendum Baptismum compellentes Excommunicationis poena plectuntur.

Urbanus Episcopus, Servus Servorum Dei, Universis Christianis fidelibus præsentibus Liberas inspecturis Salutem, & Apostolicam Benedictionem.

Exordium.

**S**icuti Judæis non debet esse licentia in Synagogis suis, ultra quam permixtum est eis lege præsumere; ita in iis, quæ concessa sunt ipsis, non debent præjudicium sustinere.

§. 1. Licet igitur præfati Judæi in sua velint magis duritia perdurare, quam Prophetarum verba, & suarum scripturarum, arcana cognoscere, atque ad Christianæ Fidei, & salutis notitiam pervenire; quia tamen christianæ pietatis mansuetudinem in-

terpellant; Nos felicitum Recordationum, Calixti, Eugenii, Alexandri, Coelestini, Innocentii, Gregorii, Nicolai, Honorii, & Nicolai Quarti, ac Clementis Sexti Romanorum Pontificum Prædecessorum nostrorum vestigiis inhærentes, ipsorum Judæorum petitiones admittimus; statuentes, ut nullus Christianus Judæos eosdem invitos, vel nolentes ad Baptismum per violentiam pervenire compellat: Sed si quis eorum sponte ad Christianos fidei causa confugerit, postquam voluntas ejus patefacta fuerit, efficiatur absque aliqua calumnia Christianus: Veram quippe Christianitatis Fidem habere non creditur, qui ad Christianorum Baptisma non spontaneus sed invitus cognoscitur pervenire.

§. 2. Nullus etiam Christianus easdem Judæorum personas sine iudicio Domini Regionis, Civitatis, seu Terræ, in qua inhabitant, vulnerare, aut occidere, vel suas illis pecunias auferre præsumat, nec fustibus, aut lapidibus, aut alias eos perturbet, nec ab eis aliquis coacta servitia exigat, nisi ea quæ ipsi præteritis temporibus consueverunt facere seu præstare.

§. 3. Ad hoc malorum hominum pravitate, & avaritiæ obviantes decernimus, ut nemo Cimiterium Judæorum mutilare, vel minuere audeat, sive obtentu aliquo effodere corpora jam humata.

§. 4. Si quis autem Decreti hujus tenore cognito temere, quod absit, contraire temptaverit, honoris, & officii sui periculum patiat, aut excommunicationis ultione plectatur nisi præsumptionem suam digna satisfactione correxerit; Illos autem Judæos dumtaxat hujusmodi genere præsidio volumus communiri, qui nihil machinari præsumperint in subversionem Fidei memora.

Datum Avenioni Nonis Junii Pontificatus nostri anno Tertio.

Nemini Judæo Baptismus per vim inferatur.

Nec visulla fiat aut damnum.

Eorum Cimiteria non inquietentur.

Poenæ inobedientium.

Dat. die 7.  
Junii 1363.  
Anno III.

## V.

Cassinensis Ecclesia olim in Episcopalem, erecta iterum Abbatialis restituitur.

Urbanus Episcopus, Servus Servorum Dei, Ad perpetuam rei memoriam.

Ex Margarit. Bullar. Cassinens. Par. II. pag. 81.

**R**omanus Pontifex Beati Petri celestis clavigeri Successor, & Vicarius Jesu Christi ex supernæ providentiæ Majestatis in supremæ specula dignitatis constitutus curam Ecclesiarum, & locorum ecclesiasticorum, commodum, prout ex debito eidem incumbit Pastoralis officii, diligenter prospicit, & intendit, ac Ecclesiarum, & locorum hujusmodi statum mutat, prout ipsius Ecclesiis, atque locis conspiciat expedire.

§. 1. Sane considerantes, & infra nostri pectoris claustra meditatione sollicita revolvantes, quod Cassinensis Ecclesia Ordinis Sancti Benedicti, quam idem confessor almus gratia Benedictus, & nomine præfulgore dignitatis immensæ multipliciter illustravit, Mo-

Exordium.

Causæ hanc Ecclesiam in Abbatialem reducere.



Monasterium antequam in Cathedralē erigeretur Ecclesiam existerat; & per Abbatē dicti Ordinis regi consueverat, & quod si ad Monasterium reduceretur, & per Abbatē regeretur, ipsi Ecclesiae, ejusque juribus, magna proveniret utilitas.

Reductio de  
qua supra.

§. 2. Super his attenta meditatione intra nos ipsos praehabita, & matura deliberatione, subsecuta, de Fratrum nostrorum consilio, & Apostolicę plenitudine potestatis praefatam Ecclesiam ad Monasterium, & Abbatialem dignitatem, & ad illum statum in quo erat tempore quo in Cathedralē erecta fuit, ut praefertur, auctoritate Apostolica reducimus per praesentes.

Nulli ergo omnino hominum liceat hanc paginam nostrae reductionis infringere, vel ei ausu temerario contraire. Si quis autem hoc attentare praesumpserit indignationem omnipotentis Dei, & Beatorum Petri & Pauli Apostolorum ejus se noverit incursum.

Dat. die 31.  
Martii 1367.  
An. V.

Datum apud Montem Pessullanum Magalon. Dioecesis secunda Kalendas Aprilis Pontificatus nostri Anno Quinto.

## V I.

Ex Regest.  
Vatic. editis  
etiam Ughell.  
Ital. Sac.  
Tom. I.

Erectio Ecclesiae Montis Falisci in Episcopatum, cui Dioecesis termini assignantur.

Urbanus Episcopus, Servus Servorum Dei,  
Ad perpetuam rei memoriam.

Exordium.

CUM illius, cujus perfecta sunt opera, vices licet immeriti geramus in terris, eum pro viribus imitari nos convenit, ut ea, quae ad ipsius laudem, & gloriam pia dispensatione incœpimus, ad debitae consummationis exitum perducamus.

Causa hujus  
faciendae erec-  
tionis.

§. 1. Sane dudum considerantes, & intra nostri pectoris claustra sollicita meditatione revolventes, quod dilecti filii Commune Montis Flascon., quę tunc Castrum Balneoren. Dioecesis existerat, inter ceteros fideles Italiae ad nos, & Praedecessores nostros Romanos Pontifices ac Romanam Ecclesiam Sponsam nostram semper gesserint, prout gerebant sincerę devotionis affectum, & quod eorum fidelitas meruerat, ut eos Sedes Apostolica favoribus, & gratiis prosequeretur opportunis, quodque nos in Castro ipso cum Romana Curia, seu majori parte ipsius tunc residebamus, & propterea ipsorum devotionem multipliciter in Domino commendantes ipsum Castrum volentes Apostolici favoris praesidio confovere, super his attenta meditatione intra nos ipsos, & etiam cum Fratribus nostris diligenti tractatu praehabito, & matura deliberatione subsecuta, de ipsorum Fratrum consilio, & Apostolicę plenitudine potestatis ad Divini nominis laudem, & gloriam, exaltationem Ecclesiae animarumque profectum, Ecclesiam Beatae Margaritae Castri praedicti in Cathedralē ereximus cum dignitatis Episcopalis titulo decorantes, necnon ipsum Castrum Montis Flascon. tamquam locum insignem, devotum, aptum, & congruum

Ecclesia San-  
ctae Margari-  
tae in Cathedralem, &  
Castrum Montis  
Flasconis  
in Civitatem  
erigitur.

Civitate, constituimus, ac Civitatis vocabulo insignivimus, eamque Civitatem Montis Flasconis volumus perpetuis futuris temporibus vocari.

Assignatur  
Capitulum.

§. 2. Verum ut in eadem Ecclesia eo majorum laudationum praconiis laudetur omnipotens, quo plurium ad hoc Ministrorum ibidem numerus fuit demonstratus, ac Pastor eidem Cathedrali praesit Ecclesiae, ut ipsius Ecclesiae Ministri congruam sustentationem habeant, auctoritate Apostolica tenore praesentium statuimus, & etiam ordinamus, quod in Ecclesia ipsa, sic denuo sint octo Canonici Praebendati Capitulum facientes, quorum unus sit Decanus qui post Episcopum aliis Canonicis, & personis dictae Ecclesiae praesit, quique primum locum, & primam vocem in Choro, & Capitulo, & Ecclesia obtineat, & alius Sacrista, qui campanas pulsare, necnon Vasa Sacra, Jocalia, ac libros, & alia utensilia dictae Ecclesiae fideliter, & reverenter debeat custodire, & secundam vocem in Choro, & Capitulo, ac Ecclesia praedictis habeat. Alii vero Canonici post ipsum Decanum, & Sacristam juxta suarum provisionum ordinem loca, & voces obtineant, & nihilominus Decanum Decanatum, qui dignitatem curatam, & Sacristam in eadem Ecclesia obtinebunt: & insuper quod propter huiusmodi capitulum sint in eadem Ecclesia sex Cappellani perpetui, & quatuor Clerici etiam perpetui, quorum unus sit Diaconus, & alius Subdiaconus, & alii duo Chorarii, seu Ceroferarii nuncupentur, & eidem Ecclesiae in divinis deserviant: quodque idem Decanus, Sacrista, Canonici, & Cappellani sint in Sacerdotio constituti, vel infra annum a tempore, quo Decanatum, Sacristiam, Canonicatus, & praebendas, ac Cappellanas pacifice assequuntur, se faciant ad Sacerdotium promoveri, duoque Canonici, & duo Cappellani in Sacerdotio constituti praefatae Ecclesiae Montis Flasconen. Ecclesiae Sancti Flaviani prope dictam Civitatem, quae parochialis existit continuo deserviant, ita tamen, quod ad praefatam Ecclesiam Cathedralē in die ejusdem Sanctae Margaritae venire teneantur. Reliqui vero Canonici, & Cappellani continuo in ipsa Cathedrali Ecclesia deserviant alias puniantur, & mulctentur, prout praefatis Episcopo, & Capitulo videbitur faciendum.

De servitiis  
Ecclesiae Sancti  
Flaviani  
impendendo.

§. 3. Volumus autem, quod vacante dicto Decanatu electio Decani ad dictos Capitulum, confirmatio vero ad Episcopum, Collatio vero Sacristiae, & Canonicatum, praebendarum, & Cappellaniarum, & aliorum Beneficiorum Ecclesiasticorum, quorumcumque Sæcularium, & Regularium cum cura, & sine cura tam in ipsa Ecclesia, quam in Civitate, & Dioecesi Montis Flasconen. consistentium ad Episcopum Montis Flasconen. cum sui Capituli consilio pertineat.

Collatio Ca-  
nonicatum,  
& Beneficio-  
rum Episcopo  
asserta.

§. 4. Verum memoratus Decanus pro Decanatu suo, & Praebenda sexaginta quinque. Sacrista vero pro sua Sacrista, & Praebenda quinquaginta Florenos annis singulis percipiant, & habebunt. Alii autem residui sex Canonici, videlicet singuli pro singulis praebendis eorum viginti quinque Florenos, & quilibet dictorum Cappellanorum quindecim, & uterque dictorum

Redditus Ca-  
nonicis aliis  
que Beneficio-  
tis attributi.



rum clericorum quatuor pro dimidio Capelano de bonis dicti Capituli percipient annuatim de oblationibus verò, & aliis distributionibus, quæ quotidie prædictas summas poterunt dividi prædicti Decanus, & Sacrista, quod officio Divino præsentem erunt, duplicatam recipiant portionem.

Redditus Episcopo, & Capitulo;

§. 5. Ceterum cum de Ecclesiis, & Ecclesiasticis Beneficiis, Castris, Villis, Territoriis, Terris, Possessionibus, juribus, jurisdictionibus spiritualibus, & temporalibus, aliisque redditibus, proventibus, terris, possessionibus, & bonis tam Ecclesiasticis, quam aliis, in quibus propria Diæcesis Montisflaconensis deputari, & etiam limitari, & quingenti pro Episcopo, & quadringenti quinquaginta floreni annui pro ejusdem Ecclesiæ Capituli portionibus, quas assignare proponimus prædictorum reddituum, proventuum terrarum, possessionum, & aliorum bonorum assignari poterunt, per nonnullos ex venerabilibus Fratribus nostris Sanctæ Romanæ Ecclesiæ Cardinalibus, & alios sufficientes, & fide dignas personas, per quas super his specialiter injunctas mandavimus, plenarie sumus informati; Volentes illud quod tam utiliter incepimus, ad debitum finem perducere, ac per hoc ad limitationem dictæ Diæcesis Montis Flaconen ad assignationem specialem de hujusmodi redditibus, proventibus, terris, possessionibus, & aliis bonis pro hujusmodi dotibus facienda in Dei nomine procedentes, volumus, & decernimus auctoritate Apostolica, & ex certa scientia, ut castra, loca, & territoria infra scripta, necnon Monasteria Ecclesiæ, mansiones, & alia in ea consistentia videlicet, Vallem laterem, Gradularum, Griptarum Sancti Laurentii, necnon Bisentini, & Capitis Montis, cum eorum territoriis, Castra, & insuper locum Insulæ Martanæ infra lacum de Bolseno consistentia, Martiæ, quod etiam prope dictum locum consistit, Cornone, & Fartelluneni Celleni, & Florentini Castra cum eorum territoriis, & tenimentis, ac Insulæ Bisentini, quæ prope Lacum de Bolseno consistit, & Sanctæ Mariæ de Sanguinorio, Sanctorum Joannis, & Victoris, Castri Araldi, Sanctæ Mariæ in Capita, & Sanctæ Mariæ Hospitalis Sancti Joannis Hierosolymitani Mansiones, Castrorum Urbevetan. Viterbien. Tuscanen., & Balneoregionensis Diæcesis &c. necnon quicquid de Diæcesi Balneoregionensi prædicta inter Viterbium, Cellenium, Tuscanellam, & Montem Flaconem, in eorum tenimentis fuit, & esse consuevit, de Diæcesi Montisflaconen. in antea existat, eaque omnia in eadem Diæcesi Montis Flaconen. deputamus, & assignamus, ac ipsam Diæcesim sic limitatam a dominio, & potestate Venerabilium Fratrum nostrorum Castren., Urbevetan. Viterbien., Tuscanen., & Balneoregion. Episcoporum eximimus, & Episcopo Montis Flaconen. qui est, & pro tempore fuerit diæcesano, & ordinario jure subijcimus, volentes, & decernentes, ut quicquid præeminentiæ, majoritatis, superioritatis, jurisdictionis, & exercitii juris spiritualis, & temporalis in eadem Diæcesi per nos taliter

*Bull. Rom. Tom. III, Pars II.*

limitata prædictis Castren. Urbevetan., Tuscan., & Balneoregion. Episcopis quomodolibet spectabat ad Episcopum Montis Flaconen. pertineat antedictum.

§. 6. Ceterum unionem, seu annexionem de parochiali Ecclesia Sancti Stephani in prædicta Insula Martanæ Episcopo Viterbien. pro tempore existenti, & ejus Mensæ Episcopali Viterbien. dudum factam tenore, præsentium dissolvimus, ac ipsam Ecclesiam Sancti Stephani, & ruralem Prioratum nuncupatum Sancti Benedicti de Paterno, & aliam de Pitigliano Balneoregionensis Diæcesis Ecclesiam, quæ quidem Sancti Benedicti Ecclesia ad præsens per obitum quondam Capiti de Amelia vacare dignoscitur, cum omnibus juribus, & pertinentiis earundem in quibuscunque locis existant, Mensæ Episcopali Montis Flaconen. annectimus, incorporamus, & unimus per præsentem, ita quod liceat Episcopo Montis Flaconen. pro tempore existenti Ecclesiarum, ac jurium, & pertinentiarum, prædictarum, quarum valor centum octoginta florenorum esse dignoscitur, corporalem possessionem apprehendere cujuscunque licentia minime requisita: sic tamen quod in prædicta Parochiali Ecclesia perpetuus Vicarius deserviat in divinis; sicut ante unionis hujusmodi dissolutionem consueverat deservire. Et insuper fructus, redditus, & proventus Abbatie, seu Monasterii Sancti Petri de Aliano valoris quadraginta florenorum, in qua nullus est Monachus, nec a longis citra temporibus fuit, & quæ dudum per felicis recordationis Johannem Papam XXII. prædecessorem nostrum Camera Patrimonii beati Petri in Tuscia unita fuit, qui quidem fructus, redditus, & proventus in terris, vineis, sylvis, pascuis, pratis, & Domibus in districtu, & tenimento Castri Canniti, & Civitatis Tuscanen. positus cum omnibus juribus, & pertinentiis suis consistere dignoscuntur, ac etiam redditus, & proventus, quos Camera nostra in Castro de Bulseno, & in tenimento ejus, ac in loco vocato Burgi ad Seretum, & in loco vocato Quare vallis lacus, qui conditus videtur in castro de Bulseno in Domibus sitis juxta plateam, & macellum, & in quodam molendino de aqua ad macinandum de la Sontana, & in quodam molendino de aqua ad macinandum Bladum, vocatum molendinum Prætorii positum juxta portam dicti Castri, redditusque dicti Burgi ad Seretum, quorum fructus consistunt in pratis, terris, & campis positus in districtibus, & tenimentis castrorum Bulsenæ Griptarum, & Sancti Laurentii prædictorum, qui quidem redditus, & emolumenta præmissorum quadraginta septem floren. annuatim valere noscuntur: necnon redditus, & proventus, quos dicta Camera nostra recipit in prædicta Civitate Flaconen. de poderiis vocatis ponderiis Domine Advenentis, & Ser. Bertoldi, quorum fructus, & redditus consisten. in Domibus Vineis, & campis, ultra quindecim florenos non valent annuatim, necnon quandam domum in dicta Civitate consisten. ad Nos, & dictam Camera pertinen. quæ de dicto poderio fore dignoscitur

Alia concessa bona, & Beneficia unita Ecclesiæ Montis Flaconen.

T i

tur



tur, ac aliqua prata, quæ dicuntur prata Camerae, & in quibusdam vineis, sitis in tenimentis dicti loci: census qui consistunt in vino, & fœno, & ultra tres florenos annuatim non valent, redditus quoque proventus, & census, qui recipiuntur pro Camera nostra prædicta in Castro Martæ in ejus tenimento, qui consistunt in Domibus, vineis, molendinis, sylvis, pascuis, & pratis excepto tamen passagio, qui redditus, proventus, & census annui septuaginta floren. non excedunt, & quoddam molendinum aptum ad macinandum bladum positum in tenimento dicti Castri Griptarum, quod est Camerae prædictæ valoris quinque Floren. annuatim: necnon redditus & proventus, quos præfata nostra Camera recepit in Castro, & ejus tenimento Centumcellarum, qui consistunt in pascuis, & glandibus valoris centum quinquaginta florenorum pro dote dicti Episcopi, & mensæ suæ designamus, & etiam deputamus, volentes, & decernentes animalia, quæ in prædictis pascuis Centumcellarum ex parte prædicti Episcopi mittentur pro prædictis pascuis dumtaxat sumendis, possint, & debeant per pascua provinciæ nostræ Patrimonii Sancti Petri in Tuscia absque solutione herbacii, & etiam alicujus pedagii, seu Gabellæ ire redire, & libere transire, quoties fuerit opportunum.

§. 7. Et insuper pro hujusmodi dote dd. Capitulis prædictam Ecclesiam Sancti Flaviani, cum Capellis sibi annexis, & dependentibus ab eadem valoris ducentorum florenorum tenore præsentium incorporamus, annectimus, & unimus, ac volumus, & ordinamus, quod Beneficia obtinentes in eadem sint Canonici Cathedralis Ecclesiæ supradictæ, medietatemque fructuum, & reddituum, ac proventuum ruralis ecclesiæ Sanctæ Lucæ Paterno d. Balneoregionensis Diæcesis, quæ quidem medietas ad censum florenos auri ascendit eidem capitulo tenore præsentium, concedimus Donamus, annectimus, incorporamus, & unimus, ita quod idem Capitulum hujusmodi medietatem dictorum fructuum, reddituum, & proventuum, si ipsa ecclesia Sanctæ Lucæ nunc vacat, vel quam primum eam vacare contigerit, autoritate propria libere percipere, & in usus suos convertere possint, cujuscumque licentia minime requisita, prædicta poderia, seu redditus, & emolumenta, quæ dilecti filii Capitulum Ecclesiæ Lateranensis, & ipsa Ecclesia in territorio dictæ Civitatis Montis Flasconen. percipiunt, & percipere consueverunt, in quibuscunque rebus consistant valoris annuatim quinquaginta florenorum, necnon redditus, & proventus, quos dicta Camera jam in Sancto Savino inter Tuscanellam, & Martam percipere consuevit, quæ valoris annui centum florenorum existunt, pro dote dicti Capituli assignamus, donamus, & etiam deputamus, ac volumus, quod si hujusmodi assignationes, & deputationes nostræ ultra prædictas summas quingent. pro Episcopo, ac quadringent. quadragint. florenorum auri pro Capitulo supradicto modo, vel alias fuerint reperti, nihil pos-

sit ab eisdem Episcopo, & Capitulo de majori valentia peti, seu exigi valeat, quoquo modo, seu deduci, sed totum in ipsorum Capituli, & Episcopi commodum cedat, aut si forte minus reperiantur præmissa valere, nihil petere, vel exigere valeant idem Episcopus, & Capitulum ultra illa: non obstantibus quibuscumque litteris nostris super hoc quoruncumque tenorum existant; quas quatenus huic ordinationi nostræ possint esse contrariæ viribus vacuumus omnino, & nichilominus decernimus fore firmatatis quoad illa contenta in eis in suo robore duraturis.

§. 8. Has igitur limitationem, uniones, annexiones, incorporationes, concessionis, donationes, deputationes, & assignationes nostras sic factas, & utiliter ordinatas, perpetuis valituras temporibus, & robur incommutabilis firmitatis obtinere volentes, auctoritate prædicta districtius inhibemus, ne aliquis cujuscumque præminentie, ordinis, aut status qualicumque perfulgeat dignitate hujusmodi limitationem, & alia præmissa per nos, ut præmittitur facta, seu aliqua, vel aliquid de contentis in eis quovis quæsito colore, modo, vel causa, seu occasione generaliter adinventis turbare; seu quomodo libet impedire præsumat. Nos enim irritum decernimus, & inane si secus super his a quocumque quavis auctoritate scienter, vel ignoranter contigerit attentari.

§. 9. Nulli ergo omnino hominum liceat hanc paginam nostræ limitationis unionis annexionis incorporationis concessionis, deputationis, assignationis, voluntatis, & constitutionis hujusmodi infringere &c.

Datum Viterbii secundo Kalendas Septembris Pontificatus nostri Anno Septimo.

Robur Decreto huic additum.

Clausula.

Dat. die 31. Augusti 1369. An. VII.

## VII.

Decretum quod Oblationes, quæ obveniebant Episcopo Portuen. in Basilica S. Petri, convertantur ab Altarario in beneficium Fabricæ.

Urbanus Episcopus, Servus Servorum Dei. Ad futuram rei memoriam.

Ex Vvaddinge N.E. tom. VIII. pag. 523.

**I**N charitatis visceribus gerentes Basilicam Principis Apostolorum de Urbe, sicut filiam præ dilectam, ad ea paternis studiis libenter intendimus, ex quibus ipsius Basilicæ, & ejus statui, honoris & utilitatis proveniat incrementum, & super hoc prout expedire conspiciamus, providemus auxilii opportunis.

Exordium.

§. 1. Dudum siquidem per nos accepto, quod Episcopus Portuen. pro tempore existens in festo Nativitatis Domini, necnon in die Ramis Palmarum, & quinta, & sexta feria, & Sabbato majoris hebdomadæ, ac in festo Resurrectionis Domini; oblationes in eadem Basilica recipere consueverat; Nos ex certis causis ad hoc animum nostrum moventibus dilecto filio Joanni Cambareti, Ordinis Fratrum Minorum Professori, Altarario di-

Decretum, de quo in rubrica.

Dos Capituli.



dictæ Basilicæ mandavimus, ut oblationes ipsas al cui officiali venerabilis Fratris nostri Guidonis Episcopi Portuen. recipere non fineret, sed eas reciperet, & deductis oneribus pro Fabrica dictæ Basilicæ convertere deberet. (a)

§. 2. Volentes igitur eidem Basilicæ subsidium aliquod impertiri auctoritate Apostolica tenore præsentium statuimus; constituimus, & etiam ordinamus, quod idem Guido Episcopus, & successores sui Episcopi Portuen. qui erunt pro tempore nullas unquam oblationes in præfata Ecclesia, recipere, petere, seu exigere possint, ac volumus quod oblationes prædictæ, quæ per dictum Episcopum Portuensensem ibidem recipi consueverant, per Altarium dictæ Basilicæ existentem pro tempore leventur, recipiantur, & etiam exigantur. Consuetudinibus, privilegiis Apostolicis quorumcumque tenorum existant, etsi de illis, & totis eorum tenoribus esset præsentibus specialis, & expressa mentio facienda &c. quæ omnia, & singula in quantum præsentibus obviarent revocamus, cassamus, irritamus, ac nullius esse volumus roboris vel momenti.

§. 3. Nulli ergo omnino hominum liceat hanc paginam nostræ Constitutionis, ordinationis, revocationis, cassationis, irritationis, & voluntatis infringere, vel ei ausu temerario contraire. Si quis autem hoc attentare præsumpserit indignationem omnipotentis Dei, & Beatorum Petri, & Pauli Apostolorum ejus se noverit incursum.

Datum apud Montem Flasconem Sexto Idus Julii Pontificatus nostri Anno VIII.

Clausulæ :

Dat. die 10.  
Julii 1370.  
An. VIII.

(a) Oblationes, quæ a fidelibus diebus hæc in Constitutione enunciatis super Altare S. Petri ponebantur, ut reciperet, Portuensi Episcopo concessit Joannes XIX. anno 1026. ut in Constitutione a nobis relata Tom. I. pag. 334. ubi quoque ex Cincio Camerario Fragmentum retulimus, in quo hujusmodi oblationes singillatim recensentur.

## GREGORIUS XI.

P A P A C C I.

ANNO DOM. MCCCLXX.



**P**etrus Rogerii Lemovicensis, Guillelmi Comitis Bellifortis filius, Sanctæ Mariæ Novæ Diaconus Cardinalis electus est in Romanum Pontificem die 30. Decembris anni 1370. qui Gregorius XI. voluit appellari: Consecratur autem Avenione die 5. Januarii sequentis anni. Hic sedit in Pontificatu a die susceptæ consecrationis Annos VII. Menses II. dies XXIII. imperantibus in Oriente Joanne Palæologo, in Occidente Carolo IV. Imp. Obiit Romæ die 27. Martii anno 1378. & sepultus est in Ecclesia B. Mariæ Novæ prope Capitolium. Vacavit Sedes dies XIII.



## I.

Beatum Elzearium de Sabrano in Gallia Narbonensi Sanctorum Confessorum Canoniper Urbanum PP. V. Prædecessorem suum adscriptum fuisse denunciat.

*Ex Regest. in Arch. Vatic.* Gregorius Episcopus, Servus Servorum Dei. Ad perpetuam Rei Memoriam.

Proœmium.

**R**ationi congruit, & convenit honestati, ut ea, quæ de Romani Pontificis providentia processerunt, licet ejus superveniente obitu Literæ Apostolicæ confectæ non fuerint super illis, suam consequantur efficaciam.

§. 1. Olim siquidem felicis recordationis Urbanus Papa Quintus Prædecessor noster provide attendens, quod Domino nostro Jesu Christo Regi Regum, & dominantium Domino, sub cujus ditione cuncta consistunt, magna gratiarum actionum, & laudum a cunctis fidelibus Christi debentur impendia, dum ipse Rex cælestis omnium scientiæ gloria, cujus ineffabilis altitudo scientiæ, & providentiæ nullis inclusa limitibus, nullis terminis comprehensa, recti censura Judicii cælestia pariter, & terrena disponit; Sanctos suos per exemplaris vitæ doctrinam, & sanctitatis merita venerandos, de præsentis vitæ carcere ad æternam beatitudinem evocatos crebris coruscare facit miraculis, ac mira, & stupenda, eorum intercedentibus meritis, certis, & perspicacibus ostendens indiciis, illos post labores nimios, duraque præsentis vitæ certamina quietis æternæ satiari dulcedine, palmamque cælestis gloriæ obtinere, & quod ipse opifex Deus in misericordia copiosus, liberalis in gratiis, & in retributione munificus, de supremis Cælorum ad ima Mundi oculos majestatis suæ inflectens, & benigna consideratione discutiens, beati Elzearii de Sabrano Comitis Ariani, & Baronis Ausoyssii, Domini de Provincia Provinciæ oriundi, generis nobilitate præclari, sui que gloriosissimi Confessoris merita grandia, & opera mirifica, quibus ipse constitutus in sæculo lucerna luminosa resplenduit, atque veluti justus Iudex, & retributor laudabilis dignanter intendens condignis recompensare muneribus, eum, tanquam emeritum, & retributione dignissimum, post vitæ præsentis ergastulum, & laboriosa Mundi certamina, quæ fervens in divinis obsequiis potenter, & patenter exercuit, athæreis sedibus collocarat, ut federet cum principibus, & folium gloriæ teneret felicitatis æternæ dulcore positus. Et ne ejusdem beati Elzearii laudabilium actuum claritas, quibus in terris constitutus effulserat, sub nubilo lateret, & tenebris obscuraretur, idem prædecessor aliqua ex eis suis literis, si super his confectæ fuissent, exprimi voluit, quas nos præsentibus inferi fecimus, ut deducantur in publicam notionem.

§. 2. Hic equidem a juvenilis ætatis primordiis Dei filium tenera mente dilexit, nec diligere desinit, studia continuando salu-

bria, dum vitæ sibi commoditas affuit temporalis. Sed quoniam majori profecit ætate, ac in tempora prolixiora profiliit, tanto in ejus exarsit amorem fervore spiritus ampliori, & sic pudicitiae adhæsit operibus, sic carnis studuit evitare contagia, quod, licet Uxorem habuerit ætate Juvenem, & nobilitate præclaram, tamen prout ex dictæ uxoris, & confessoris ejusdem Sancti testimoniis constat, Sanctus ipse semper candore virgineo rutilavit. Præterea Sanctus ipse, qui, dum vixit in præsentis sæculo, clarissimus genere, sublimis potentia, facultatibus opulentus, moribus elegans exstitit, inhonestis, & turpibus animo penitus relegatis, circa servos Christi, ac pauperes, aliasque miserabiles personas valde compatiens, se ipsum in eleemosinarum elargitione, eis plerumque ministrando, munificum exhibebat: tantaque abundavit caritate, quod nil tam carum sibi erat; quin libenter erogasset, ut saltem unam animam trahere potuisset ad Christum; nec de ullo suo æmulo vindictam facere volebat. Et ne fervorem spiritus sociæ carnis ardor extingueret, sed mortificatione, & repressione ipsum potius accendi contingeret; carnem ipsam, quam asidui asperitate cilicii, prout asseritur, edomans, effranem ipsius libidinum artem abstinentiæ fræno coercuit, ut non propriæ voluntatis ducta remigio, sed salubri modamine spiritus tute licita perageret, & prorsus ab illicitis abstinere delictis. Etenim corpus macerabat jejuniis, priscorum observantiæ a Sanctis Patribus ordinatæ novorum austeritatem adiciens, sibi motu propriæ voluntatis inducto. Nam per totum Adventum, & singularum septimanarum sextam, feriam, & cunctis aliis temporibus jejunium observabat: in multis intereâ orationibus se occupabat, ne aliqua sibi hora temporum inutiliter pertransiret, paramentis aliquibus sub genua non utendo, imò quamplurimum vestes proprias admovebat. Et dum consilio Ducis Calabriæ præfuit, petitiones pauperum interim promovebat, quod omnes ipsum advocatum pauperum nominabant.

§. 3. Hic insuper vitæ fuit puritate perlucidus, humilitate præclarus, & sincerus veritatis amicus, ac cuncta eloquia ipsius virtutis augmentum, operaque salubria hortabantur, demulgebant auditorum præcordia, & in eorum ædificationem salutarem multipliciter redundabant. Quandam enim Mulierem, quæ per totum annum, & amplius, toto corpore impotens fuerat, & aliquibus sui corporis partibus adeo desiccata, ut lignum aridum videretur, & quæ, postquam Sanctus ipse migravit ad Christum, ad ejus tumulum se deferri fecerat, ad dicti Sancti invocationem subito fuisse curatam, dubium non existit. In signum hujusmodi, mulier ipsa domum suam propriis pedibus est reversa. Quidam etiam casualiter in uno fossato undique subtus terram prostratus, ita quod aliquis ad ipsum nullo modo pervenire poterat, postquam ibidem tamdiu steterat, quod naturaliter vivere non debebat, ad prædicti Sancti invocationem a morte exstitit præ-

Miracula.

Nonnullæ Elzearii virtutes recensentur.



præservatus. Istum enim Sanctum dilexit Dominus, & in fine consortio hæreditatis elegit, perennis quoque diademate gloriæ decoravit, & ut ejus nomen extolleretur laudibus populorum, tam in ejus vita, quam postquam, ut præmittitur, feliciter migravit ad Christum supernis deliciis fruiturus, ipse opifex Dominus, in Sanctis suis verè mirabilis, eundem Sanctum aliorum quamplurimum, & variorum splendore miraculorum illustravit, manifestè demonstrans, quantum sibi honoris, & reverentiæ deberetur.

Eum Urbanus  
Prædecessor  
Sanctis adnu-  
merare sta-  
uerat:

§. 4. Unde præfatus prædecessor de hujusmodi actibus dicti Sancti, & in raculis habita fide, dignis probationibus, quantum nosse sinebat ipsa fragilitas, certitudine veritatis multorum Prælatorum, & aliorum circumspectarum personarum solem ibus precibus pluries excitatus, ipsum Beatum Elzearium de Fratrum suorum consilio, de quorum numero tunc eramus, auctoritate omnipotentis Dei, & beatorum Apostolorum Petri, & Pauli ejus, atque sua, choro beatorum a Domino ineffabili sanctificatione susceptum, cum solemnitate celebri Sanctorum catalogo, videlicet decimo septimo Kalendarum Maii, Pontificatus sui anno septimo, duxit adscribendum. Et ut devotis laudibus extolleretur in terris, quem ipse dominantium Dominus honorari voluerat in excelsis, festivitatem Confessoris ejusdem die vigesima septima Mensis Septembris, quo migravit ad Dominum, cum debita reverentia voluit celebrari; quoque etiam, ut ad Ecclesiam Fratrum Minorum, ubi corpus ejusdem Sancti venerabiliter requiescit, ferventius, & copiosius fidelium confluat multitudo, & celebris ejusdem solemnitas peragatur, omnibus verè penitentibus, & confessis, qui reverenter illuc in eodem Festo annuatim accesserint, ejus suffragia petaturi, de omnipotentis Dei misericordia, & ipsorum beatorum Petri, & Pauli Apostolorum, ejus auctoritate confisus, unum annum, & quadraginta dies de injunctis eis penitentiis misericorditer relaxavit.

Ejus sepul-  
chrum visi-  
tantibus con-  
cessit indul-  
gentias.

§. 5. O quam laudabilis, o quam mirabilis providentiæ divinæ sublimitas, & immensitas retributionis eternæ, quam sibi servantibus inestimabile præmium compensatur! O felix donum ex summo bono proveniens, & in Christo consistens, quo cum beatissimis spiritibus in præsentia conditoris quis existere meruit, & incircumscripti splendore luminis illustrari! O felicissimæ fertilitatis ager fructus uberes proferens, ubi flores prodeunt, nec arefcunt, ubi semina sparsa non pereunt, & ubi multiplicatis manipulis grana gloriæ colliguntur! Hic nempe confessor almus hunc agrum obsequiosus excoluit, in eo virtutum spargere semina studuit, ac vitæ talia grana colligere meruit post labores. Exultet igitur mater Ecclesia, & solemnia festiva celebret gaudiorum, quæ tantum & talem filium genuit, produxit natum, educavit alumnum, jam inter regum gloriosa celestium agmina rutilantem, lætetur, inquam, & jubilet ac in laudes Altissimi voces promat, quæ sobolis tam præ-

Gaudia pro  
his proponit  
Gregorius.

celsa, tam celebris illustrata fulgoribus insignis decorata conspicitur, quæ sonoris attollendo præconiis, summæque venerationis exhibitione colenda eminentius aperit, evidentius explicat, illos ad perennis beatitudinis gaudia, & hæreditatis æternæ participium admittendos, qui prædictam Ecclesiam Matrem sponsam Fidelium Christi claris fidei, & operis testimoniis profitentur, nullosque in supernæ patriæ gloriam, nisi per ejus utpote cælorum clavigeri, ministerium virtuosum ostiis referatis Altissimus introire permittit. Gaudeant insuper turbæ cælestium de tam sublimis, tam lucidi habitatoris adventu, quodque ipsis expertus, probatusque fidei Christianæ colonus, cultorque præcipuus aggregatur. Personet letitiæ jubilum civium generosa nobilitas supernorum, quod tanti, talisque comitis suscepisse dignoscitur adiectivum, ac venerabilis Sanctorum cætus gaudio, & exultatione refloreat de nova dignissimi habitatione confortis. Exurge igitur numerosa fidelium turba, exurgite fidei zelatores, & una cum eadem etiam laudis uberis hymnum concinite, perfundantur imbre copioso letitiæ nostra precordia, & sæcundæ rore dulcedinis arcana pectoris repleantur de tanta, & tam potentis, & egregii Principis exaltatione, terrenæ spei tutissime plenitudine percepta, quod nobis de condigena terrenorum compatriota cælestium jam effectus apud æterni Patris filium efficax patro us accrevit, qui pro salutis nostræ profectibus jam in ejus præsentia positus, solertis exercet officium oratoris.

Testimonium  
peractæ ab  
Urbano rei.

§. 6. Verum, ne pro eo, quod ejusdem prædecessoris superveniente obitu literæ Apostolicæ super præmissis confectæ non fuerint, de eis valeat aliquatenus hesitari, volumus, & auctoritate Apostolica decernimus, quod præsentis literæ ad probandum plene præmissa omnia per supradictum prædecessorem, ut præmittitur, acta ubique sufficiant, nec ad id alterius probationis adminiculum requiratur.

§. 7. Nulli ergo omnino hominum liceat hanc paginam nostræ voluntatis, & constitutionis infringere &c.

Clausulæ.

Datum Avenione nonis Januarii Pontificatus nostri Anno Primo.

Dat. die 5 Ja-  
nuarii 1371.  
An. I.

## I I.

Basilicæ Santæ Mariæ Majoris de Urbe penè collabenti pro reparatione impendenda Ecclesiam Sancti Lucæ juxta dictam Basilicam existentem unit, & annectit.

Gregorius Episcopus Servus Servorum Dei.  
Ad Perpetuam Rei Memoriam.

Exl eodem  
Regest.

**R**Omani Pontificis providentiæ circumspecta ad ea ex Apostolicæ servitutis officio libenter intendit, per quæ Ecclesiarum utilitatibus providetur.

Exordium.

§. 1. Cum itaque Ecclesia sive Curia San-



Causę facien-  
dę concessio-  
nis.

Sancti Lucę sita juxta Ecclesiam Sanctę Marię Majoris de Urbe, quam Venerabilis Frater noster Stephanus Episcopus Brixien-  
sis tempore promotionis per nos factę de ipso ad Ecclesiam Brixensem tunc vacan-  
tem obtinebat, per hujusmodi promotionem & munus consecrationis eidem Stephano de mandato nostro apud Sedem Apostolicam impensum vacaverit, & vacet ad presens; Nullusque pręter nos hac vice de dicta Ec-  
clesia Sancti Lucę disponere potuerit, ne-  
que possit, pro eo quod nos diu ante va-  
cationem hujusmodi omnes Ecclesias, cęte-  
raque Beneficia Ecclesiastica, tunc apud Se-  
dem prædictam vacantia, & in antea vaca-  
tura collationi, & dispositioni nostrę refer-  
vantes, decrevimus ex tunc irritum, & ina-  
ne, si secus super his a quoquam quavis au-  
thoritate scienter, vel ignoranter contigerit  
attentari: Et sicut accepimus in dicta Ec-  
clesia Officia Divina minime celebrentur,  
dictaque Ecclesia Sanctę Marię minetur rui-  
nam, & ad ejus reparationem propterea  
ipsius Ecclesię non suspetant facultates.

Concessio, de  
qua in rubri-  
ca.

§. 2. Nos dilectorum Filiorum Prioris  
& Capituli Ecclesię Sanctę Marię supra-  
dictę, quę sæcularis est, supplicationibus  
inclinati prædictam Ecclesiam Sancti Lucę  
sic vacantem, cujus fructus, redditus, &  
proventus duodecim florenorum auri vel  
circiter valorem, ut asseritur, non exce-  
dunt, cum omnibus Juribus, & Pertinentiis  
suis eisdem Priori, & Capitulo, ac Eccle-  
się Sanctę Marię Majoris ex nunc auctori-  
tate Apostolica Incorporamus annectimus  
perpetuo, & unimus.

Capitulum S.  
M. M. in pos-  
sessionem Ec-  
clesię datę  
immitten-  
dum.

§. 3. Itaque liceat eisdem Priori, & Ca-  
pitulo corporalem possessionem Ecclesię  
Sancti Lucę, Juriumque, & pertinentiarum  
prædictorum per se vel alium seu alios au-  
thoritate propria apprehendere, & tenere,  
ipsamque Ecclesiam Sancti Lucę licite in  
perpetuum retinere: fructusque ipsius in uti-  
litate ipsius Ecclesię S. Marię Majoris  
committere cujuscumque licentia minime  
requisita.

Obstantium  
derogatio.

§. 4. Non obstantibus felicis recordatio-  
nis Urbani Papę V. Prędecessoris nostri, &  
aliis Constitutionibus Apostolicis contrariis  
quibuscumque: seu si aliquis super provisio-  
nibus sibi faciendis de hujusmodi Ecclesiis,  
vel aliis beneficiis Ecclesiasticis in aliis par-  
tibus speciales, vel generales Apostolicę  
Sedis, vel Legatorum ejus litteras impe-  
traverit: etiam si per eas ad Inhibitionem,  
Reservationem, & Decretum, vel alias quo-  
modolibet sit processum. Quas quidem li-  
teras, & processus habitos per easdem ad  
dictam Ecclesiam Sancti Lucę volumus non  
extendi: sed nullum per hoc eis quoad af-  
secutionem Ecclesiarum, & Beneficiorum,  
aliorum præjudicium generari, ea quibusli-  
bet Privilegiis Indulgentiis, & literis Apo-  
stolicis generalibus, vel specialibus, quo-  
rumque tenorum existant, per quę præ-  
sentibus non expressa, vel totaliter non in-  
serta effectus præsentium impediri valeat  
quomodolibet, vel differri: & de quibus, quo-  
rumque totis tenoribus de verbo ad verbum

habenda sit in nostris literis mentio specialis.  
Nos enim, prout est, irritum decernimus,  
& inane si secus super hiis a quoquam qua-  
vis auctoritate scienter, vel ignoranter at-  
tentatum forsan est hætenus, vel imposterum  
contigerit attentari.

§. 5. Nulli ergo omnino hominum li-  
ceat hanc paginam nostrę incorporationis  
annexionis, unionis, voluntatis, & consti-  
tutionis Infringere &c. Datum Avinioni septi-  
mo Kalendas Novembris Pontificatus nostri  
anno Primo.

Clausulę:

Dat. die 26.  
Octob. 1371.  
An. I.

## I I I.

Beneficia per obitum Familiarium S. R. E.  
Cardinalium vacantia, & quibuscumque Per-  
sonis collata, nisi in literis provisionis  
eorumdem de familiaritate hujusmodi  
mentio fiat, vacare decernit.

Gregorius Episcopus Servus Servorum Dei.  
Ad Futuram Rei Memoriam.

Ex eodem Re-  
gest.

**R**omani Pontificis providentia cir-  
cumspecta ad ea libenter inten-  
dit, per quę Sanctę Romanę Ecclesię Car-  
dinalium defertur honori, & in hiis, quan-  
tum potest, partes suę sollicitudinis inter-  
ponit.

Exordium.

§. 1. Cum itaque nonnulli quamplura  
Canonicatus, & Prębendas, ac Personatus,  
dignitates, & Officia, aliaque Beneficia Ec-  
clesiastica secularia, & regularia cum cu-  
ra, & sine cura per obitum familiarium  
continuatorum commensalium prædictorum  
Cardinalium, seu aliquorum ex eis vacan-  
tia, vel certo modo expresso vacatura a  
Nobis impetrent, de hujusmodi familiarita-  
te non habita mentione.

Causa Decre-  
ti.

§. 2. Nos in præmissis providere volen-  
tes, Auctoritate Apostolica tenore præsen-  
tium declaramus, collationes, provisiones  
gratias, & mandata quæcumque de Cano-  
nicatibus, & Prębendis, ac Dignitatibus,  
Personatibus, vel Officiis, aut aliis Benefi-  
ciis Ecclesiasticis quibuscumque secularibus,  
& regularibus cum cura, & sine cura, quę  
per cessum, vel decessum, aut alias quo-  
rumcumque familiarium dictorum Cardina-  
lium continuorum commensalium jam va-  
carunt, per inadvertentiam per Nos facta,  
& in posterum facienda, fore surreptitia, ac  
nullius roboris, vel momenti, ac irritum de-  
cernimus, & inane, quidquid contra decla-  
rationem nostrā hujusmodi a quoquam qua-  
vis Authoritate scienter, vel ignoranter at-  
tentatum forsan est hætenus, vel imposterum  
contigerit attentari.

Decretum.

§. 3. Nulli ergo omnino hominum li-  
ceat hanc paginam nostrę declarationis,  
Decreti, & voluntatis infringere &c. Da-  
tum Avinioni quarto Idus Decembris Ponti-  
ficatus nostri anno primo.

Clausulę:

Dat. die 16.  
Decemb. 1371.  
An. I.



## I V.

Quod Ecclesia S. Joannis in Laterano de Urbe supremum locum tenet super omnes Ecclesias Urbis, & Orbis. (a)

Gregorius Episcopus Servus Servorum Dei.  
Ad Perpetuam Rei Memoriam.

Præmium.

**S**uper universas Orbis Ecclesias Romanus Pontifex à Domino constitutus circa ea, de quibus dubitari dicitur, ut evitari possint quæcumque dispendia, declarationis, ubi expedit, suæ provisionem adiecit, prout fore conspiciit opportunum.

Dubitatum  
ait a non ul-  
lis de hac  
prærogativa.

§. 1. Sane dudum dum minori fungebamur officio, percipimus quod de Ecclesia Lateranense (quam cl. me: Constantinus fidelissimus Imperator, in Lateranensi Palatio suo miraculose mundatus à lepra, & sacri baptismatis fonte renatus, construxit sub vocabulo Salvatoris, statuens quod ex tunc libera esset unicuique potestas per Urbem, & Orbem Ecclesias construendi, quod antea Imperialis prohibitio inhibuerat) à quibusdam curiosis dubitabatur, ac etiam in præsentem in dubium revocatur, si ipsa in Urbe, & Orbe terrarum, præminentiam, ac honoris prærogativam à Romana Ecclesia, & à cunctis Christianis obtinere debeat potiorrem.

Declaratio  
de qua in ru-  
brica.

§. 2. Nos igitur volentes huic dubio finem imponere, & super hoc amputare materiam hæsitandi, auctoritate Apostolica tenore præsentium declaramus, decernimus, ac etiam definimus, Sacrosanctam Lateranensem Ecclesiam præcipuam Sedem nostram, inter omnes alias Urbis, & Orbis Ecclesias, ac Basilicas, etiam super Ecclesiam, seu Basilicam Principis Apostolorum de Urbe supremum locum tenere. Eamque de jure majorem omnibus aliis Ecclesiis, ac Basilicis suprädictis, ac super omnes & singulas præfatas Ecclesias, seu Basilicas prioritatis, dignitatis & præminentie honore lætari. Et si quid contra hujusmodi nostram declarationem, determinationem, ac definitionem, a quoquam quavis auctoritate scienter, vel ignoranter attentatum fuerit, id irritum decernimus, & inane.

§. 3. Nulli ergo omnino hominum liceat hanc paginam nostræ declarationis, constitutionis, & definitionis infringere, vel ei ausu temerario contraire. Si quis autem hoc artentare præsumpserit, indignationem omnipotentis Dei, & Beatorum Petri, & Pauli Apostolorum ejus se noverit incursurum. Datum Avenionis X. Kal. Februarii Pontificatus nostri anno secundo.

Dat. die 23.  
Januarii 1372  
An. IV.

(a) Huic Ecclesiæ centenariam tantum præscriptionem opponi posse statuit Honorius III. Constit. LIII. Tom. III. P. I. pag. 221. Bullas autem, quibus Martinus V. & Paulus II. Primatum super ceteras Orbis & Urbis Ecclesias obtinere voluerit, consulto cum Cherubino omni utpote Constitutionis Gregorianæ confirmatorias duntaxat.

## V.

Quod Prælati, Abbates, & alii Beneficia Residentialia obtinentes in Ecclesiis eorum Residentiam facere omnino teneantur.

Gregorius Episcopus Servus Servorum Dei.  
Ad Futuram Rei Memoriam.

Ex Regest.  
Vatic.

Exordium:

**S**ollicitudo Ecclesiarum omnium, quibus disponente Domino licet insufficientibus meritis præsidemus, animum nostrum jugiter pungit, & excitat, ut illarum occurramus dispendiis, & prout Nobis ex alto conceditur, utilia procuramus.

§. 1. Sane considerantes attente, quod Ecclesiarum, & Monasteriorum Prælati, ac Rectores ad hoc in eis sunt positi, ut in illis personaliter resideant, & commissos eis gruges pascant pabulo verbi Dei, divinis vacent, & faciant vacare officiis, errata corrigant, prava compescant, deformata reforment, gubernent temporalia bona ipsorum, & Pauperum usibus deputata, aliaque incumbencia ipsis supportent onera, & Ministeria exequantur. Mirari admodum cogimur, & dolere, quod nonnulli ex eis non sine gravi Dei offensa postposita verecundia obauditis justis suorum lamentationibus subditorum, de damnisque suarum Ecclesiarum multiplicibus tam spiritualibus, quam temporalibus, non curantes Sponsas suas tanto derelinquant tempore, quod quasi viduæ reputantur, Curiamque Romanam non pro ipsarum Ecclesiarum necessitatibus, aut notabilibus & veris utilitatibus, sed exquisitis occasionibus frequentare præsumunt, ex quibus animarum pericula, pollutio vitiorum, dissolutorum morum incorrectio, diminutio divini Cultus, Ecclesiasticorum, Aedificiorum ruina, & lapsus rerum, populorumque scandala, aliaque mala plurima provenire noscuntur.

Mala ex negligentia residentiali oborta ægrè recensent.

§. 2. Nos igitur tot, & tantis malis, & periculis congruis obviare remediis cupientes, universos, & singulos Patriarchas, Archiepiscopos, & Episcopos, Abbates, Electos, Priores, Decanos, Præpositos, ac Archidiaconos quarumcumque Ecclesiarum, ac Monasteriorum, ac Prioratum, alioque majores in Cathedralibus post Pontificales, & Principales in Collegiatis Ecclesiis Dignitates obtinentes quocumque nomine nuncupentur, tam seculares quam regulares, nec non Parochialium Ecclesiarum Rectores in Curia prædicta, vel prope illam per duas dietas non tamen in locis Ecclesiarum, & Monasteriorum suorum morantes ad præsens exceptis hiis, quos ad nostra, & Romanæ Ecclesiæ retinemus obsequia per nos nominatim declarandis, auctoritate Apostolica tenore præsentium mandamus, eis districte præcipiendo mandantes, quatenus usque ad Festum Resurrectionis Dominicæ proxime secuturum recedant de Curia prælibata, ad commissas eis Eccle-

Archiepiscopos Episcopos, &c. ut intra præfixum tempus ad residentiam accedant, monent.



clesias, Monasteria, & Prioratus, quamcito commode poterunt, profecturi, & in eis facturi personalem residentiam, ut tenentur.

Recens de  
Ecclesiis, vel  
Beneficiis pro  
visi quoto  
tempore in  
Curia mora-  
ri possint.

§. 3. Patriarchæ verò, Episcopi, electi, Abbates, Priores, Decani, Præpositi, Archidiaconi, alique hujusmodi Dignitates majores, & principales obtinentes, ac Rectores Parochialium Ecclesiarum, qui ad prædictam Curiam venient in futurum, vel in ea ad Ecclesias, & Monasteria, seu Dignitates hujusmodi contigerit promoveri, in illa sine nostra, vel alterius, quem ad hoc duxerimus deputandum, speciali licentia, de qua per nostras, aut ejusdem per nos deputandi, literas constet, ultra tres menses a die, qua eandem curiam intraverint, seu promoti fuerint numerandos non audeant commorari, sed ad suas Ecclesias, & Monasteria revertantur, & in eis etiam residentiam faciant, ut præfertur.

Impediri, cau-  
sas legitimas  
PP debent  
ostendere.

§. 4. Et ut obvietur fraudibus, ad præfatam curiam absque dicta licentia non redeant infra annum a tempore recessus hujusmodi computandum. Si vero aliqui ex prædictis prætendant aliquam justam causam habere, propter quam in ipsa curia habeant moram trahere ultra terminos supradictos; illam coram Nobis, vel eidem per nos ad hoc deputando infra ipsos terminos allegare, ac nostræ, vel ejusdem deputandi responsionis oraculum habere, ac observare procurent.

Inobedientes  
anathemati  
subiecti.

§. 5. Alioquin omnes, & singulos, qui contra monitionem, & mandatum nostra hujusmodi in eadem curia morari, aut ad illam infra dictum annum redire, ut præfertur, præsumperint, cujuscumque status, ordinis, vel conditionis extiterint, etiam si Patriarchali, Archiepiscopali, aut Episcopali præfulgeant Dignitate; Non obstantibus quibuscumque licentiis privilegiis, seu indultis contrariis per nos, vel quoscumque Prædecessores nostros Romanos Pontifices concessis eisdem, etiam si de illis & totis eorum tenoribus esset præsentibus specialis, & expressa mentio facienda, quæ per præfentes penitus revocamus; elapsis dictis terminis excommunicationis sententiam incurere volumus eo ipso, a qua præterquam in Mortis Articulo constituti absolvi nequeant absque nostra, vel successorum nostrorum Romanorum Pontificum licentia speciali.

Clausula.

§. 6. Nulli ergo omnino hominum liceat hanc paginam nostrorum mandati, & voluntatis infringere &c. Datum Avenioni octavo Kalendas Februarii Pontificatus Nostri anno Secundo.

Dat. die 25.  
Januarii 1372  
An. II.

## V I.

Damnatio quorundam Statutorum in Regno Aragoniæ per quæ Ecclesiarum libertas, & Ecclesiasticarum Personarum bona afficiebantur.

Gregorius Episcopus Servus Servorum Dei.  
Ad Perpetuam Rei Memoriam.

Ex Regest.  
eadem.

SI quis culpas delinquentium pæna fineret impunitas, ausus malignandi succresceret, & mali prohibitio nulla esset.

§. 1. Sane nuper relatione fidè digna ad nostrum non sine mentis turbatione pervenit auditum, quod in Terris Carissimi in Christo Filii nostri Petri Regis Aragonum illustri dominio, & ditioni subiectis nonnulli temporale dominium habentes, vero gerentes officia Secularium Potestatum suis terminis non contenti libertatem, & immunitatem Ecclesiasticam prætextu quorundam statutorum cadere multipliciter non verentur: asserunt etenim inter hujusmodi statuta unum esse, quod de *Sono emisso* intitulant, & ejus vigore ipsis licere, dum aliquis malefactor fugiens, ne capiatur ab Officialibus Secularis Justitiæ, receptatur in Castro aliquo seu Fortalitio, si habentes Castrum seu Fortalitium custodiam requisiti eum restituere noluerint, Castrum hujusmodi insultare, capere, ipsum funditus destruere, bona mobilia in eo ex stentia in prædam adducere, & exterius per totum Territorium Fortalitii, siue Castri prædicti tam in bonis immobilibus, quam mobilibus vastum facere, & hujusmodi statuti prætextu Castra, Villas, seu loca Ecclesiarum, Prælatorum, seu aliarum Ecclesiasticarum Personarum per se, seu alios diruunt, vastant, & destruunt; bonaque etiam mobilia eorundem occupant, & asportant, possessionesque dictorum Prælatorum, Ecclesiarum, & Ecclesiasticarum Personarum, et aliorum incolarum, & subditorum Castrorum prædictorum vastant, & penitus destruunt.

Primum Statutum.

§. 2. Etiam aliud asserunt Statutum quod *Pacis, & Treguæ* intitulant; cujus vigore dicunt eis licitum esse, dum aliquis ad alterius querimoniam per literas Justiciarii Secularis monitus, ut conquerenti de debito vel delicto infra quindecim dies satisfaciatur, infra eosdem quindecim dies non satisfecerit, damnum datum non emendaverit, vel saltem coram dicto Justiciario Seculari non comparuerit, et pignora pro satisfactione facienda in manu, et posse dicti Justiciarii realiter, & de facto posuerit; ex tunc lapsis dictis quindecim diebus sic monitum a Tregua, & Pace cum publica præconizatione eicere, et postquam sic ejectus fuerit, damnum quodcumque ei tam in persona, quam in bonis impune dare, et alias diversimode contra eum, & ipsius bona procedere; Et hujusmodi secundi statuti prætextu Prælatos, cæterasque Personas Ecclesiasticas etiam cum præconizatione publi-

Alterum Statutum.



ea non absque Dei gravi offensa, et enormi læsione ecclesiasticæ libertatis a Pace, et Tregua eiciunt, capiunt, interficiunt, et alias in Personis, & bonis damnificant, nec possunt seu audent per aliquos Barones, Nobiles, seu alias personas Ecclesiasticas vel seculares, seu per communia Civitatum, Universitates Castrorum, & Villarum substineri, receptari, seu aliquo modo defendi.

Tertium Statutum.

§. 3. Aliquando vero cum Prælati, five aliæ personæ Jurisdictionem Ecclesiasticam obtinentes, seu eorum; vel alicujus eorum Vicarii, vel Officiales, Missi, vel Exequutores in aliquos obtinentes dominium temporale, seu Officiales, seu Servitores eorum excommunicationis, aut in Terris eorum Dominio, seu ditioni, aut gubernationi subiectis Interdicti proferunt sententias, seu a Jure, vel Provincialibus Conciliis, aut Synodalibus Constitutionibus promulgatis publicant, & observant, ac ab aliis publicari, & observari faciunt; dicti Domini Temporales, aut Officiales eorum Castra, Dominia, & alias Possessiones, ac Jura, & Jurisdictiones temporales ipsorum Prælatorum, seu Ecclesiarum, & Monasteriorum, Religiosorumque Locorum, etiam quod deterius est, libera, & allodialia, & quæ ab eis in Feudum, seu alias non tenentur, ad manus suas capiunt, occupant, & sarciant pro suæ libito voluntatis.

Quartum Statutum.

§. 4. Nonnunquam etiam ob præmissa, seu alio exquisito colore fingentes Prælatos, seu Personas alias Ecclesiasticas esse sibi suspectas, a Terris, & districtibus, quibus suo, vel alio nomine dominantur, ipsos expellunt seu bandiunt, & interdum generaliter, nonnunquam verò specialiter cum voce præconia, & quandoque sine ea inhihent suis subiectis, aut suo commissis regimini, ipsorum Prælatorum, aut aliarum ecclesiasticarum personarum Nominibus, & cognominibus dumtaxat expressis, clericatur, & aliis titulis, per quos posset cognosci, quod essent Personæ Ecclesiasticæ in fraudem, & dolose suppressis: quod eis de suis debitis, aut rebus aliis, in quibus tenentur eisdem, si sunt efficaciter obligati, non respondeant, aut faciant, seu permittant ab aliquo responderi: & interdum præmissa seu eorum aliqua fieri mandant, seu consulunt, factaque nomine suo rata, & grata habent, & ea facientes, seu fieri mandantes sustinent, & defensant.

Ex vi horum Statutorum vim aliquam, injuriam &c. Ecclesiis, & personis Ecclesiasticis inferri vetant Pontifex.

§. 5. Cum igitur manifestè Deo irrogentur injuriæ, cum Ecclesiæ, Monasteria, & alia Pia loca, in quibus ejus laudibus deservitur, gravibus perturbantur Iniuriis; ac Clerici, & aliæ Personæ ecclesiasticæ premuntur onere servitutis, ac nulli super iis deferendum sit honori, quæ præjudicant ecclesiasticæ libertati; Nos attendentes præmissa contra præfatos clericos, ceterasque Personas Ecclesiasticas, Ecclesias, Monasteria, & alia Religiosa, & Pia loca, eorumque bona aliquo modo dictorum statutorum vigore, vel alias fieri non licere; auctoritate apostolica de Fratrum nostrorum consilio hac Constitutione districtius inhihemus, ne ali-

Bull. Rom. Tom. III. Pars II.

quis Dominus temporalis seu exercens sub quovis nomine, seu titulo alicujus domini temporalis Justiciariam, seu quamvis aliam potestatem, aut quivis alius ipsorum nomine, vel mandato dictorum Statutorum vigore ipsorum Prælatorum, Ecclesiarum, Monasteriorum, seu aliarum ecclesiasticarum personarum Castra, Fortalitia, seu munitiones quaslibet insultet, capiat, diruat, seu alias damnificet, ipsorum Prælatorum, Clericorum, & aliarum Ecclesiasticarum Personarum, Ecclesiarum, & Monasteriorum bona mobilia capiat, in prædictam abducat, seu quomodolibet asportet: Territoriaque ipsorum Prælatorum, aut aliarum ecclesiasticarum personarum, seu Castrorum ac fortalitiorum pertinentium ad eosdem destruat, diripiat, seu vastum faciat in eisdem, Prælatosque seu Clericos vel alias personas ecclesiasticas ad querimoniam seu requisitionem, cujusvis, five alias pro quacumque causa civili, five criminali, civiliter vel criminaliter intentanda, vigore prædicti statuti, aut alio quovis loco, seu causa a Tregua, & Pace quomodocumque eiciat, ipsi, vel suis in personis, vel bonis iniuriam inferat, seu pena aliqua punire præsumat.

Spirituales  
Pene contra  
inobedientes.

§. 6. Et quia præmissi excessus eo sunt avius corrigendi, quia talia præsumentes sub specie cujusdam simulate Justitiæ sibi præmissa licere contendunt, & eam sub dictorum statutorum velamine palliant; decernimus omnes, & singulos cujuscumque status, dignitatis, aut conditionis existant, etiam si regali vel alia quavis præfulgeant dignitate, qui præmissos insultus, captiones, depredationes, vastationes, a Tregua, & Pace ejectiones, iniuriarum in personis & rebus illationes facere, seu attentare præmissorum statutorum occasione, necnon eos, qui pro eo, quod ipsi auctorum officialium familiares, seu subditi excommunicantur, aut terræ ipsorum, seu alicujus eorum Interdicto subiciuntur, declarantur, & publicantur, Castra, possessiones, jura, bona, seu temporales jurisdictiones Prælatorum sententias hujusmodi proferentium, seu quorum auctoritate, aut ad quorum Instantiam sunt prolate, capere, occupare, seu sarcire; aut etiam suos in Personis, vel bonis aliquo modo aggravare, eos etiam, qui Prælatos ipsos, Clericos, seu alias ecclesiasticas personas de terris suis, aut sibi subiectis, seu suo commissis regimini expellere, seu bannire præsumpserint, aut mandaverint, seu præmissa vel aliquod præmissorum facta suo nomine rata habuerint, seu fecerint, consilium dederint, aut favorem, seu eos postea scienter præsumpserint defensare; si Personæ fuerint singulares excommunicationis, si vero Commune alicujus civitatis, Universitas, Castra aut Ville, interdicti sententiis subjacere eo ipso, a qua excommunicationis sententia, si in ea per mensem permanerint non possint ab alio, quam a Romano Pontifice præterquam in mortis articulo, nec tunc nisi gravaminibus ipsis effectualiter revocatis, si poterunt, & plenaria satisfactione de damnis, iniuriis, & interesse prius facta, aut cautione sufficienti de integre

V v

gre



gre satisfaciendo, si eam prestare potuerint, prestita, absolutionis Beneficium obtinere. Quod sic absoluti convaluerint, nisi post convalescentiam infra mensem predicta gravamina effectualiter revocaverint, atque plenarie de premissis satisfecerint, ipsos in eandem excommunicationis sententiam re-incidere volumus eo ipso; volentes nihilominus, ut qui non plenaria satisfactione premissa, seu de satisfaciendo cautione, ut premissum est, prestita in mortis articulo ab alio quam a Romano Pontifice fuerint absoluti, ecclesiastica careant sepultura, donec per heredes eorum sit plenarie satisfactum: omnes illos, qui tales tradere, seu interesse presumpserint eorum sepulture ecclesiastice excommunicationis vinculo innodantes. Volumus autem quod prefatum Interdictum post mensem predictum per alium quam per Romanum Pontificem nullatenus possit relaxari.

Extensio huiusmodi parum.

§. 7. Propterea si premissa gravamina, vel eorum aliquod inferentes, aut inferri mandantes, seu fieri consulentes, aut rata ut premittitur, habentes, seu eos, qui ea intulerint, scienter defensores, excommunicationis huiusmodi sententiam per unum mensem animo indurato presumpserint substinere, ex tunc tota terra eorum, dummodo ultra unam Diocesim non contineat, si vero contineat ultra unam Diocesim, ille locus, in quo contra premissa, vel eorum aliquod attentatum fuerit, & etiam tota terra, quam sic delinquens habet in Diocesi, in qua ejus Domicilium principale consistet, ecclesiastico subiaceat interdicto. Si vero huiusmodi interdicti sententiam per alium mensem, quod absit presumpserint substinere, ex tunc una Diocesis, sive Provincia aut aliqua alia pars Terræ contra premissa, vel eorum aliquod temere attentantium & etiam tota ipsa terra, etiam si Regnum fuerit, vel alius quivis Potentatus notabilis, simul vel succellive, prout circumspeditioni illorum videbitur, quos ad hoc Exequutores per alias nostras literas deputamus, supponi valeant ecclesiastico interdicto, ipsius interdicti, postquam appositum fuerit, relaxatione Romano Pontifici reservata.

Obstantium derogatio.

§. 8. Non obstantibus exemptionibus, & aliis quibuscumque privilegiis, indulgentiis, & gratiis, ac literis Apostolicis quibuscumque personis communiter vel divisim sub quacunque forma, vel expressione verborum a Sede Apostolica concessis, vel imposterum concedendis, etiam si de illis plena, & expressa mentio, ac de verbo ad verbum in presentibus sit habenda; Quæ quo ad hoc alicui in nullo volumus suffragari. Per hoc autem aliis apostolicis, ac provincialibus & Synodalibus Constitutionibus super premissis, vel eorum aliquo forsan editis in aliquo nolumus derogari.

Clausula.

§. 9. Nulli ergo omnino hominum liceat hanc paginam nostræ inhibitionis, constitutionis, & voluntatis infringere &c.

Dat. die 5. Februar. 1372. An. II.

Datum Avinioni nonis Februarii Pontificatus nostri. Anno Secundo.

## VII.

Literæ Processus, seu Anathematizatio Hæreticorum, aliorumque S. R. Ecclesiæ quomodolibet se opponentium, quas in Die Cænæ legi consuevit.

Ex Regest. eccl. dem

Gregorius Episcopus, Servus Servorum Dei, Ad perpetuam Rei Memoriam.

§. 1. **E**Xcommunicamus, & anathematizamus ex parte Dei Omnipotentis Patris, & Filii, & Spiritus Sancti, auctoritate quoque Beatorum Apostolorum Petri, & Pauli, ac nostra omnes Cataros, Patarenos, pauperes de Lugduno, Arnaldistas, Speronistas, Passaginos, & Fraticellos, ac quoscumque alios hæreticos quocumque nomine censeantur, ac omnes fautores, receptatores, credentes, & defensores eorum.

Excommunicantur Catari, ceterique hæretici:

§. 2. Item excommunicamus, & anathematizamus omnes Piratas, Cursarios, & latrunculos marinos, ac omnes fautores, receptatores, & Defensores.

Pirata.

§. 3. Item Excommunicamus, & anathematizamus omnes illos, qui in terris suis nova pedagagia imponunt.

Nova imponentes pedagagia.

§. 4. Item excommunicamus, & anathematizamus omnes illos, qui Equos, Arma, ferrum, lignamina, vel alia prohibita deferunt Saracenis, quibus Christianos impugnant.

Arma, aliaque huiusmodi deferentes Saracenis.

§. 5. Item excommunicamus, & anathematizamus omnes falsarios Bullæ, & Literarum Apostolicarum, & petitionum gratiam, & Iustitiam continentium per Summum Pontificem, & Vicecancellarium seu gerentem officium Vicecancellarii Sanctæ Romanæ Ecclesiæ de mandato ejusdem Summi Pontificis signatarum, aut sub nomine Summi Pontificis, seu Vicecancellarii, seu gerentis Officium Vicecancellarii predictorum signantium petitiones easdem.

Literas Apostolicas falsantes.

§. 6. Item excommunicamus, & anathematizamus omnes illos, qui ad Sedem Apostolicam venientes, vel recedentes ab ea, nec non illos, qui Jurisdictionem ordinariam, vel delegatam aliquam non habentes, eos, qui in Romana Ecclesia morantur, temeritate propria, capere, spoliare, vel detinere, aut ex proposito deliberato vulnerare atrociter vel interficere præsumunt, & qui victualia, vel alia ad usum Romanæ Curie necessaria impediunt, ne ad Sedem predictam deferantur, & qui talia fieri faciunt, sive mandant, & alios, qui scienter eis favent, vel ipsos receptari, aut defendunt, cujuscumque fuerint ordinis, præeminentiæ, conditionis, & status, etiam si Pontificali, seu alia Ecclesiastica, vel mundana præfulgeant dignitate.

Curiam frequentibus molestiam inferentes.

§. 7. Item excommunicamus, & anathematizamus omnes illos, qui per se vel alium, seu alios quascumque personas ecclesiasticas, & seculares ad eandem Curiam super eorum causis, & negotiis recurrentes, illaque in Romana Curia prosequentes, aut Procuratores

Causas suas Romæ agentes, aut eorum Patronos quolibet modo offendentes.



res, gestores, Advocatos, vel promotores ipsorum, seu etiam Auditores, vel Judices, qui super dictis Causis vel negotiis deputantur, vel de eadem Romana Curia recedentes occasione causarum, & negotiorum huiusmodi verberant, mutilant, vel occidunt, aut bonis spoliant eorumdem cuiuscumque præminentie, dignitatis, ordinis, conditionis, aut status fuerint; etiam si Pontificali, vel quavis alia præfulgeant dignitate.

Romipetas,  
& peregrinos  
detinentes  
&c.

§. 8. Item excommunicamus, & anathematizamus omnes vulnerantes, mutilantes, interficientes, seu capientes, aut detinentes, vel depredantes Romipetas, & peregrinos ad Urbem causa devotionis, & peregrinationis accedentes, in ea morantes, ac recedentes ab ipsa, & ad hoc dantes auxilium, consilium vel favorem.

Bona R. Ec-  
clesiæ occu-  
pantes.

§. 9. Item excommunicamus, & anathematizamus omnes illos, qui per se, vel alium seu alios directe, vel indirecte sub quocumque titulo, vel colore Civitates, Castra, Villas, Terras, ac loca, & jura quælibet alia ipsius Romanæ Ecclesiæ, vel aliqua seu aliquem eorum, aut ipsorum, vel aliquorum, seu alicujus ipsorum partem, & etiam comitatum nostrum Venaysinum, & Civitatem Avinionensem cum ejus Territorio scienter occupant, & detinent occupata.

Quibuscum-  
que non ob-  
stantibus.

§. 10. Non obstante si aliquibus cuiuscumque ordinis, conditionis, status, dignitatis, & præminentie fuerint etiam ut prædicatur Pontificali seu quavis ecclesiastica vel mundana præfulgeant dignitate, communiter vel divisim a Sede prædicta sit concessum quod excommunicari, aut anathematizari non possint per Literas Apostolicas, quæ plenam, & expressam ac de verbo ad verbum de indulto huiusmodi, necnon ordinibus, locis, nominibus propriis, & cognominibus, ac dignitatibus eorum non fecerint mentionem, necnon privilegiis, indulgentiis, & literas Apostolicas specialibus, vel generalibus consuetudinibus ac observantiis scriptis, & non scriptis contrariis quibuscumque, per quæ contra præmissa, vel eorum aliqua, seu aliquod possent quomodolibet se tueri, quæ quoad hoc cassamus, irritamus, ac tollimus, & viribus vacuumus: eos insuper, qui huiusmodi sententias per nos latas incurrint, nullus nisi dumtaxat Romanus Pontifex absolvere valeat, præterquam in mortis articulo constitutos.

Publicatio ha-  
rum Litera-  
rum.

§. 11. Ut autem huiusmodi nostri processus ad communem omnium notitiam deducantur, Cartas sive membranas processus continententes eisdem majoris Ecclesiæ Avinionensis appendi vel affigi ostiis vel superliminariis faciemus, quæ processus ipsos suo quasi sonoro preconio, & patulo inditio publicabunt, ut ii, quos ipsi processus contigerint, nullam possint excusationem, prætereundere, vel ignorantiam allegare, quod ad eos non pervenerint, vel quod ignoraverint eisdem; cum non sit verisimile, quoad eos remanere incognitum, vel occultum, quod tam patenter omnibus publicatur.

Clausula?

§. 12. Nulli ergo omnino hominum liceat hanc paginam nostræ excommunicatio-

Bull. Rom. Tom. III. Pars II.

nis, & anathematizationis, cassationis, irritationis, annulationis, & vacationis infringere &c.

Datum Avinioni in Palatio nostro Apostolico in die Cænæ Domini Pontificatus nostri Anno Secundo.

Dat. Anno  
1372. Pontif.  
II.

## VIII.

Saraceni ad Christianam fidem conversi, & ad eorum sectam redeunt, & Christiani ad illam transeunt eorumque fautores, ab Inquisitoribus hæreticæ pravitatis puniantur.

## GREGORIUS PAPA XI.

Inquisitoribus hæreticæ pravitatis.

§. 1. Admodum dolenter audivimus, & nar-  
amus, quod non solum quidam de Saracenica impietate ad Christianam fidem conversi, ad eandem sunt impietatem reversi, verum etiam quamplurimi Christiani, veritatem fidei abnegantes, se damnabiliter ad Agarenorum perfidiam transfulerunt; quod tanto magis reprobum fore cognoscitur, quanto ex hoc Christi nomen sanctissimum, quadam familiari hostilitate securius blasphematur.

Quid causam  
huic Constitu-  
tioni dederit,

§. 2. Cum autem huic pesti damnabili, congruis & festinis deceat remediis obviare, Universitati vestræ per Apostolica scripta mandamus, quatenus infra terminos vobis ad inquirendum contra hæreticos, auctoritate Sedis Apostolicæ designatos, super præmissis, tam per Christianos, quam etiam per Saracenos inter Christianos morantes, inquisita diligenter, & solícite veritate, contra omnes, quos talia inveneritis hactenus commisisse & committere in futurum, tamquam contra hæreticos, contra fautores etiam, & receptatores, & defensores eorum, tamquam contra fautores, receptatores, & defensores hæreticorum procedere studeatis.

Sanctio de  
qua in rubri-  
ca.

§. 3. Saracenos quoque, qui Christianos utriusque sexus, ad dictam eorum perfidiam perduxerint, aut inveneritis de cetero inducentes, poena debita puniatis, contradictores per censuram Ecclesiasticam, appellatione postposita compescendo, invocato ad hoc, si opus fuerit, auxilio brachii secularis.

Datum apud Villam novam Aven. dioc. III. Non. Augusti Anno Secundo.

Dat. die 3.  
Augusti 1372  
An. II.

## IX.

Fratricellorum, Dulcinorum, & de Paupere vita Hæreticorum Cineres in Regno Sicilia colentes, eisque Altaria cum luminaribus erigentes, anniversariamque diem obitus eorumdem celebrantes, vel alias ad cultum absque Sedis Apostolicæ licentia extollentes puniendos esse sancitur.

Vv 2 IX.



Ex Regest. in  
Arch. Vatic.  
& Raynaldo.

Gregorius Episcopus, Servus Servorum Dei  
Venerabilibus Fratribus Archiepiscopis,  
Episcopis, aliisque Ecclesiarum  
Prælati in Insula Siciliæ con-  
stituti, ad quos præsentem  
pervenerint, Salutem,  
& Apostolicam Be-  
nedictionem.

Recensitos in  
rubrica abu-  
sus reprobans.

§. 1. **M**olestæ significatio ad nostrum  
perduxit auditum, quod in  
nonnullis Civitatibus, Castris, Villis, & aliis  
locis Insulæ Siciliæ Vobis ordinario Jure sub-  
jectis quidam diabolica fraude decepti ossa,  
& cineres quorundam de Fratricellorum,  
Dulcinorum, & de Paupere Vita Sectis per  
Sedem Apostolicam reprobatis, qui dum-  
viverent, ut simplices sub specie recti deci-  
perent, ipsis simplicibus se viros poenitentiae  
ostendebant, ac si cineres, & ossa hujusmodi  
essent reliquiae adscriptorum Sanctorum Ca-  
thalogi, temeritate propria colere, & Ec-  
clesias, seu Cappellas in talium honorem  
erigere, & erectas cum luminaribus in an-  
niversariis obituum eorumdem catervatim  
annis præsumunt singulis visitare.

Contra eos  
parrantes per  
Episcopos  
procedi man-  
dat.

§. 2. Cumque præmissa, quæ absque au-  
thoritate Romanæ Ecclesiæ fieri a Sacris Ca-  
nonibus prohibentur, nullatenus debeant  
tolerari; Discretionem vestram per Apostolica  
scripta mandamus, quatenus in vestris Ci-  
vitatibus, & Diæcesibus prædicta vel similia  
per quascumque personas de cætero atten-  
tare districtius inhiberi curetis, Contradictio-  
res cujuscumque status, ordinis, sexus,  
vel conditionis existant auctoritate nostra  
per censuram Ecclesiasticam appellatione  
postposita compescendo, invocato ad hoc, si  
opus fuerit, auxilio brachii Secularis.

Quibuscum-  
que non ob-  
stantibus.

§. 3. Non obstantibus quibuscumque pri-  
vilegiis Apostolicis, statutis, & consuetudi-  
nibus contrariis juramento, confirmatione  
Apostolica, vel quacumque firmitate alia  
roboratis, aut si aliquibus communiter vel  
divisim a dicta sit sede indultum, quod inter-  
dicti, suspendi, vel excommunicari non pos-  
sint per literas Apostolicas non facientes  
plenam, & expressam ac de verbo ad ver-  
bum de indulto hujusmodi, ac eorum per-  
sonis, locis, ordinibus, nominibus, agno-  
minibus propriis mentionem. Præsentem au-  
tem literas post opportunam inspectionem  
earum curetis restituere præsentanti.

Dat. die 12.  
Sept. 1372.  
An. II.

Datum apud Villamnovam Avinionen-  
Diæcesis secundo Idus Septembris, Ponti-  
ficatus nostri Anno Secundo.

X.

Ex Regest.  
eodem.

Collegium in Civitate Bononiensi à se Gre-  
gorianum nuncupatum excitat, eidemque  
dotem assignat, Statutaque, & Ordina-  
tiones pro bono Regimine Magistrorum,  
& scholarium inibi degentium decer-  
nit.

Gregorius Episcopus Servus Servorum Dei.  
Ad Perpetuam Rei Memoriam.

**R**es sanctissima utriusque Juris Sa-  
pientia, per quam, & Militans  
Ecclesia regitur, & civilis Res publica gu-  
bernatur, sic erudiendis est mentibus exhi-  
benda, ut non desidiosa provisionis tedio ne-  
gligatur, sed opportuna solertia studio con-  
quiratur. Verum quia sunt nonnulli, qui-  
bus ad compescendam scientiam Ingenii na-  
tura beneficium præbuit, sed ipsius Sapien-  
tiæ donum aut omissio viæ debitæ, hoc est  
continuata lectionis interimit, aut tenuitas  
necessariæ facultatis abscidit, debet non  
immerito iis, qui natura sunt dociles circa  
exercitium studii per loca provida ordina-  
tione disposita initium negligentiae subtrahi,  
& per temporalium supplementa offensio  
paupertati auferri, ut sic & loci opportuni-  
tas ad studium exquisitæ lectionis invitet,  
& necessariorum præbitio Ingeniorum Vires  
summoto inopiæ defectu votiva operatione  
confirmet.

Proemium.

§. 1. Sane attendentes, quæ tanquam  
acceptabile sacrificium summo conditori  
omnium per manus fidelium offeruntur,  
illa maxime Divinæ Majestati placere cre-  
duntur, per quæ ad effugandas ignorantiae  
tenebras ii, quibus ad prosequendum scien-  
tiarum studium propriæ non suppetunt fa-  
cultates, & quilibet locus inabilis aut dam-  
nosæ desidiae aut vagationis arguendæ ma-  
teriam præbent, opportunis remediis, & au-  
xiliaribus commodis sublevantur. Confide-  
rantes etiam, quod grandia commoda ex  
ipsa Juris sapientia spiritualia, & tempora-  
lia, publica, & privata mundo proveniunt,  
quibus Dei cultus augetur, Fides Catho-  
lica roboratur, animarum salutem consulitur,  
pax, & tranquillitas succis litibus, quæ  
occasionem plerumque sunt criminum, pro-  
curatur licitum ab illicito, æquum ab ini-  
quo fecernitur, bonis præmia, malis sup-  
plicia decernuntur, instruuntur animæ ru-  
dium, & provetorum ad majora succrescunt,  
Justitia scripta Regina virtutum lux splen-  
dens, & via vitæ figura Dei & cingulum  
Christi per studium lectionis agnita colit-  
ur; Hæc siquidem jura quasi duo magna  
in firmamento luminaria certissima sunt hu-  
manæ naturæ solatia, infirmorum auxilia,  
potentium fræna. Unde securitas venit, &  
conscientia proficit: sine quibus in Ecclesia  
aut laboriosius, aut inutiliter militatur, &  
res publica non censetur ad honorem, &  
gloriam Sanctæ, & Individuæ Trinitatis  
laudem, præcelsæ Virginis, & totius Curiae  
triumphantis, pro nostrorum quoque remis-  
sione peccaminum, utque in orto Sanctæ  
Matris tuæ auctore Domino licet immeriti  
præsidemus Ecclesiæ virgulta ex generosis  
facultatibus jurium eorumdem, quæ sine  
hominum habitudine, sine Animarum ma-  
lignitate, sine necessariorum carentia, quæ  
noverca est disciplinæ, fatis deficere con-  
cernuntur fructus uberes, Deoque amabiles  
productura in Civitate nostra Bononiensi  
legum alumna præcipua, quam superna Ju-  
stitia

Quæ Pontifi-  
cem moverint  
ad hoc Colle-  
gium con-  
struendum.



Locus Collegii.

Scholarium numerus.

Quibus disciplinis imbuendi.

Qualitatis in recipiendis necessariae.

Quibus ex locis eligendi.

Super crescentibus redditus qua methodo Scholarium numerus augeri debeat.

flitia veluti clarissimum lumen jurium insigni studio illustrat, & quæ imbuta virtutibus fide indefessa Ecclesiam Dei colens nos ad summam sui dilectionem, gloriam, & exultationem attraxit, in domo nostra, in nostro nomine erupta in contrata seu strata Castilionis sita in Parochiis Sanctarum Mariæ, & Agathæ, ac Sancti Stephani, quæ fuit hæredum quondam Joannis de Pepulis Militis Bononiensis, unum Collegium perpetuis temporibus duraturum triginta Scholarium Pauperum sex Cappellanorum & quindecim familiarium constituimus, & ordinamus, ac domum ipsam seu Palatium, cum omnibus juribus pertinentiis, & rebus mobilibus inibi existentibus ex nunc præfato Collegio libere assignamus, ac perpetuo, & ex certa scientia pro scholarium usibus ex nunc donamus, & etiam deputamus, scientes, quod ex eisdem triginta scholaribus quindecim sint studentes in jure Canonico, & totidem in jure Civili, nec aliqua manu, vel casu hujusmodi virium facultates turbentur seu destruantur, sed cum egrediatur Canonista subrogetur alter Canonista, & idem de Legistis, ne contingat in futurum omnes studentes ejusdem existere facultatis.

§. 2. Volumus insuper & mandamus, recipiendos ad dicti Collegii numerum esse debere in prænominatis artibus præcipue in Grammatica sufficienter, & in Logica saltem competenter instructos: declarantes, quod nullus, qui vigesimum ætatis suæ annum compleverit, nisi prius Jura per annum saltem audiverit, nec etiam aliquis licet alias audiverit, & provectus sit, qui annum trigessimum compleverit, in Collegio prædicto recipiatur.

§. 3. Prædictos autem Scholares in dicto Collegio subscripto modo recipi volumus, & assumi: videlicet, quod successivo tempore assumantur tot Lemovicenses de Diocesis scilicet Lemovicensis, & Tullen: quod sint in dicta Domo perpetuo viginti numero, alii vero non vero decem de Terris Ecclesiæ Romanæ, in Italia positis indifferenter, præterquam de Bononia recipiantur.

§. 4. Provisio quod dictus numerus in nullo varietur, sed quoad facultates, nationes, & alia penitus observetur. Quod si contingat in futurum augeri numerum Scholarium propter superexcrecentiam bonorum Collegii prælibati, volumus superexcrecentes etiam de Lemovicinio, & de Terris Ecclesiæ, ut præfertur assumi, ita videlicet, quod semper duæ partes de Lemovicinis, tertia vero de Terris Ecclesiæ ut supra recipiantur, & instituantur: salvo, quod si præter hæc contingat imposterum per Nos expresse augeri numerum scholarium; Volumus ipsos instituendos per Nos ultra numerum præfatum undecumque assumi, & per Romanum Pontificem nostrum successorem, qui pro tempore fuerit, eosdem institui; quem super iis Patronum constituimus prout in literis Apostolicis super hoc confectis latius continetur.

§. 5. Præfatis autem scholaribus sic re-

ceptis indulgemus, ut Canonistæ novem, Legistæ decem continuo tempore gravis infirmitatis, aut etiam tempore, quo fuerint absentes de mandato Rectoris, & majoris partis Collegii memorati negocia Domus tractando, vel etiam si ante eorum receptionem jura per triennium dumtaxat audierint minime deducto in dicto Collegio stare possint: mandantes eisdem, quatenus infra illud tempus ad gradum saltem licentiæ docendi suscipiendæ se disponant, & inhibentes eis expresse, ne formam seu dispositionem statutorum Universitatis Scholarium Bononiensis circa privatum examen limitatum aliqua occasione transcendant. Quo cursu completo, vel etiam licentiæ gradu prius suscepto infra unum mensem exire de prædicto Collegio teneantur, nisi infra sex menses immediate sequentes gradum vellent recipere Doctoratus: quo casu per illud tempus tantummodo tollerentur, vel nisi in sua facultate examinatus, & licentiatus ad aliam facultatem hujusmodi jurium transiret: quo casu, ut amplius in scientia crescat, volumus talem dumtaxat ibidem per alium triennium tolerari.

§. 6. Præterea cum intentionis nostræ sit, præfatum collegium pro scholaribus Pauperibus, qui Parentum opibus, vel sufficientibus proventibus ecclesiasticis in studio sustentari non possunt, vel eis ad proseguenda studia facultates propriæ non suppetunt instituere, & dotare statuimus: quod si quemquam ex dicti Collegii scholaribus contingat in antea beneficium seu beneficia Ecclesiastica valoris annum quinquaginta librarum turonen. parvorum secundum taxationem decimæ, vel septuaginta ducatorum auri Bononiæ portatorum, aut in Patrimonio sibi apparato tantundem obtinere, & de quo seu quibus quam primum sibi obvenierint, Rectori, & Collegio infra mensem a die notitiæ fidem facere teneantur infra unius anni spatium a die, quo fuerit hujusmodi beneficii, vel Patrimonii possessionem pacificam assecutus, nisi forsan infra sex menses proximos immediate gradum licentiæ, vel Doctoratus, ut supra præmittitur, vellet suscipere, de dicto collegio recedere, & alteri cedere teneatur, & alter loco ejus idoneus surrogetur.

§. 6. Verum quia propter annum sterilitatis, aut fortuito casu, qui humanis nequeunt consiliis provideri, contingere forsan poterit in futurum, quod aliquibus annis redditus, & proventus dictæ domus deductis oneribus ad tot personarum præmissarum sustentationem non sufficeret, statuimus quod eo anno, quo vel quibus hujusmodi computum seu casuum eventus occurrerit, nullatenus propterea possessiones, redditus, libri, proventus, aut alia jocalia, seu bona dicti Collegii distraherentur, seu vendantur, sed hic ordo servetur. Primo namque de pecuniis communibus Thesauri, si quæ fuerint, se sustentet, quod si non sint, vel non sufficiant, detrahantur collectæ Doctorum, & Bidellorum, & aliæ expensæ extraordinariæ, & eas quilibet solvat de proprio,

Quo tempore quis in Collegio morari possit.

Qui fuerit vel de patrimonio vel de aliquo Beneficio Eccl. prævisus discedere tenetur.

Sterili tempore non dimittendi Scholares, se supplendum modo hic Statuto.



prio, deinde diminuatur numerus familiæ, & aliorum pensionariorum, demum Vestiarium scholarium; Quod si nec ista sufficiant, nec ideo diminuatur scholarium numerus, nec aliquis eorum exeat, sed quilibet de proprio, quantum erit sibi possibile, contribuat, & tandiu simul cohabitent, quandiu absque penuria vivere simul poterunt. Quod si tanta esset penuria, quod numerus tolerari non possit vel integrari, primo Beneficiati, deinde Graduati, demum alii minus pauperes, durante tali penuria exire ipsum Collegium teneantur; admittendi postmodum in locum pristinum, si suppetent facultates.

De redditibus  
superexcre-  
scentibus quid  
sit agendum.

§. 7. Si vero universa temporum varietate adveniente, prout sepe contingit, redditus, & proventus dicti Collegii deductis omnibus superexcreverint, eos in augmentum possessionum, & reddituum communium dicti Collegii applicari volumus & converti; Quod si tandem clementia divina favente aliquo tempore huiusmodi redditus, & proventus adeo excreverint, quod ex eis posset numerus scholarium augeri, volumus, & ordinamus, quod huiusmodi reddituum excrecentia juxta formam provisionis per Nos annotatam superius, & dispositam, in augmentum numeri scholarium convertatur: ita tamen quod habita prius diligenti deliberatione cum toto Collegio, & ejus Visitatoribus, de quibus statuetur inferius, ampliatur prius Domus, & taliter aptetur, quod omnes intra ipsam Domum, & sub eodem regimine simul inhabitent: proviso semper quod remaneant redditus ampliores, & introitus, quam ascendant expensæ.

Scholarum  
Lemovicen.  
præsentatio  
Gregorio re-  
servata, ejus-  
que consan-  
guineis.

§. 8. Cæterum Nobis, quamdiu Christi gratia in humanis agemus, provisionem & dispositionem dictæ Domus, ac receptionem, & institutionem Scholarium, potestatem, quoque supplendi, emendandi, addendi, & pro nostræ voluntatis arbitrio commutandi, tollendi, & augendi numerum præsum ac omnia præmissa, & subscripta omnifariam reservamus. Nobis autem juxta divinæ permissionis beneplacitum de præsentante luce subtrahitis Ecclesiæ Romanæ Cardinales, si qui fuerint, de genere nostro successive & gradatim unum post alium secundum propinquorem gradum attinentiæ in præsentatione dictorum scholarium nationis Lemovicen. volumus subrogari: quibus non extantibus, aut deficientibus ad Comitem Bellifortis Genitorem nostrum, & post eum ad Vicecomitem Turen. Germanum nostrum, deinde ad filios ejusdem Vicecomitis, ac etiam ejus Nepotes naturales, & legitimos masculos per rectam dumtaxat lineam descendentes, & illis non extantibus, ad eum, qui Comes fuerit Bellifortis per lineam masculinam a Progenitoribus nostris auctore Altissimo descensuros, ejusque liberos, & nepotes naturales, & legitimos per rectam dumtaxat lineam descendentes, eisque deficientibus per Nicolaum Rogeri Germanum nostrum, & ejus liberos, ac nepotes naturales & legitimos per rectam, & masculinam dumtaxat lineam descendentes: & demum iis non extantibus, aut deficientibus ad proximorem

de nostro genere a Progenitoribus nostris per masculinam lineam descendantem perpetuis temporibus dictorum Scholarium Lemovicen. præsentationem volumus pertinere.

§. 9. Eorumque Præsentatorum institutio, & examinatio ad Episcopum Lemovicensem, qui pro tempore fuerit, vel Lemovicensi sede Vacante ad Episcopum Tutellen. perpetuo statuimus pertinere. Scholarium, autem Italicorum præsentationem ad quatuor Doctores de Terris Ecclesiæ vel illis deficientibus de locis aliis, qui pro tempore fuerint antiquiores respectu scilicet lecturæ non ætatis actu Bononiæ legentes, quorum duo sint Doctores Canonistarum, reliqui Legum, & ad Episcopum Bononiensem, qui etiam pro tempore fuerit, eorum examinationem, & institutionem post nostrum obitum volumus perpetuo, & irrevocabili-ter devolvi. Quod si præfati Doctores infra mensem præsentare quoquomodo distulerint, aut concordare nequiverint, ad præsentandum ea vice non admittantur, sed ad Rectorem, & Consiliarios dicti Collegii pro illa vice devolvatur. Monentes, & attentius obsecrantes in Domino omnes, & singulos prædictos juxta fiduciam, & spem plenam, quam de ipsis indubie gerimus, quatenus omni timore, amore, pretio, vel odio postpositis solum Deum habentes præ oculis præsentent, & instituant in ipso Collegio Scholares provectos, dociles, & ad studium bene aptos, vitæ, & conversationis laudabiles, & bonis moribus commendatos super quorum animas oneramus. Declarantes quod si is, ad quem spectabit præsentatio, vel institutio Lemovicen. infra sex menses nullum destinaverit, quod Rector, & Consiliarii, qui pro tunc erunt in dicto Collegio virum provectum, & idoneum, ut præmittitur, possint undecumque in ipso Collegio pro illa vice ad tempus recipere; Qui quidem alteri destinato postea per eum vel eos ad quem, vel ad quos spectabit institutio, statim cedere teneatur, alias de facto expellatur mora quacumque temporum non obstante.

§. 10. Verum quia a spiritali pabulo sumere debent quælibet pietatis opera fundamentum, quo reficiantur, præsertim Clerici ad cælestem patriam operantes, statuimus, ut in loco congruo domus prædictæ, qui divino magis aptus cultui videbitur una Cappella cum campanili, duabus campanis, quæ per modum classis pulsari valeant temporibus opportunis, construatur, & sub vocabulo, & festo Assumptionis Gloriosæ Virginis Mariæ Altare consecratur totaque Domus prædicta a vocabulo Domini Gregorii Papæ suum Titulum, & Nomen assumat, perpetuisque temporibus Gregorianum Collegium nuncupetur.

§. 11. Pro sacris vero debitis mysteriis in dicta Cappella congruis temporibus exequendis perpetuo esse volumus sex Sacerdotes, statuentes quod singulis diebus saltem duæ Missæ, quarum altera sine cantu de mane ante ingressum Scholarium, etiam si expedit in aurora; altera vero cum cantu Ecclesiæ hora debita celebrentur, & earum

Italarum præ-  
sentatio qui-  
bus sit addi-  
cta?

De Cappella  
construenda,  
& nomine  
Collegii.

De divinis of-  
ficiis in eadem  
Cappella pe-  
ragendis.



Preces pro se  
in eadem Cap-  
pella dicendas  
a Sacerdotibus  
indicit Gre-  
gorius.

rum alteram quilibet Scholaris audiat.

§. 12. Quamvis autem præfatos sex Cappellanos ad celebrandum singulis diebus ultra duas missas non volumus adstringi; tamen ipsos, & Scholares si qui fuerint in Sacerdotio constituti, hortamur in Domino, ut diebus præsertim Dominicis, & festivis celebrationi Missarum insistant; in qualibet vero missa, nisi obstet diei solemnitas, ad nostram directionem quandiu vitam duxerimus in humanis quotidie dicatur Oratio *Deus omnium fidelium famulum tuum Gregorium &c.* ac etiam singulis septimanis duæ missæ de Sancto Spiritu celebrentur. Post solum autem nostræ naturæ debitum simili modo pro anima nostra dicatur Oratio: *Deus qui inter Apostolicos Sacerdotes Famulum tuum Gregorium &c.* & singulis septimanis duæ Missæ peculiares de mortuis. Præter hoc quoque jubemus, singulis annis die nostri obitus cum solemnibus Vesperis, Matutinis, & Missa de mortuis, quibus iusta, & evidenti causa cessante omnes tam Scholares, quam sacerdotes interesse debeant, anniversarium pro anima nostra celebrari, & nihilominus quilibet Sacerdos etiam Scholaris dictæ domus illa die Missam de Requiem æternam per se vel per alium, alii vero Scholares non Sacerdotes officium mortuorum submissa voce dicere teneantur.

De divinis officiis festivis diebus in eadem peragendis.

§. 13. Præterea statuimus & ordinamus, quod diebus Paschalibus, & aliis solemnitatibus, videlicet: in festo Nativitatis Domini cum duobus diebus sequentibus, Circumcisionis, Epiphaniæ, Ascensionis, Pentecostes, & Corporis Christi, quatuor Principalibus gloriosæ Virginis Mariæ Festivitatibus, ac Nativitatis beati Joannis Baptistæ, Beatorum Apostolorum Petri, & Pauli, Sancti Michaelis, Sancti Benedicti, & S. Martialis, omnium Sanctorum, & die sequenti, ac Festo Sanctæ Catharinæ officium Divinum celebretur, prout consuetum est fieri in Collegiatis Ecclesiis, ac etiam tribus diebus majoris hebdomadæ officium matutinum, decantetur: quibus diebus, & Festivitatibus omnes Scholares iusto cessante impedimento interfint, & coadiuvent: absentes vero Rectoris arbitrio puniantur.

De Festo Assumptionis B. Virginis celebrando.

§. 14. Insuper permittimus, quod in festo Assumptionis Virginis gloriosæ, quivis Antistes seu Prælatus in Pontificalibus cum ornamentis, quibus in Ecclesia sua utentur celebrando pro parte dicti Collegii requisitus possit absque alicujus licentia in præfata Cappella solemniter celebrare, omnibusque ibidem existentibus Verbum Dei possit illa die proponi, & ad Divina Officia in dicta Cappella audienda tunc, & alias præter illos de Collegio quivis mares dumtaxat sine Juris alieni præjudicio convenire. Oblationem tam Scholarium & familiarium dictæ domus, quam quorumcumque aliorum Parochialibus Ecclesiis, infra cujus limites dicta domus existit, volumus applicari.

De officio vespertino.

§. 15. Insuper statuimus, & volumus, quod singulis Diebus Vespertinum Officium cum nota, & nihilominus Sabatinis vigiliis Apostolorum, Evangelistarum, & quatuor

Doctorum Ecclesiæ completorium cum Nota in prædicta Cappella per Sacerdotes ipsius domus decantetur. Sed ad interessendum iis diebus nolumus Scholares adstringi.

§. 16. Denique singuli scholares, quandiu in præfato Collegio moram traxerint, singulis diebus, quam diu vixerimus, versum solum - *Fac servum tuum* - cum Oratione *Deus omnium fidelium &c.* & post mortem nostram, Psalmum *De profundis clamavi a te &c.* cum Oratione *Deus qui inter Apostolicos &c.* dicere teneantur. Item singuli non sacerdotes qualibet septimana septem Psalmos Pœnitentiales cum Letania semel, Sacerdotes autem quolibet mense unam specialem Missam de Sancto Spiritu nobis viventibus, vel de requiem æternam nobis vita functis, & demum singuli Scholares unum integrum, Psalterium quolibet anno, quandiu ibi erunt, dicere sint astricti.

Aliæ preces a Scholaribus pro eodem Gregorio dicende.

§. 17. Et quia in animam malevolam non ingreditur sapientia, nec in Corpore subdito peccatis, ut eorum opera accepta sint Deo, volumus, quod Scholares præfati ad minus ter in anno confiteantur, & bis communi-cent, aut sæpius captat s temporibus, prout divina gratia suffragabitur eisdem, ad quos si opus fuerit, per Rectorem ipsius Collegii compellantur.

De Confessione facienda, & Sacramento Eucharistiæ sumendo.

§. 18. Verum quia Dei Ministros oportet irreprehensibiles, & absque macula esse, statuimus & ordinamus, ut præfati sex Sacerdotes vita ac moribus comprobati præfati, prius arbitraria cautione Rectori, & Consiliariis de indemnitate ac etiam præfati prius juramento, quod jura honorem, & bona dicti Collegii fideliter conservabunt, necnon statuta edita, & edenda ad suum officium spectantia, & obedientiam observabunt per Rectorem præfatum, & Consiliarios valeant assumi, ac etiam causa exigente depelli. Qui quidem nedum spiritualia sed & temporalia scholaribus administrare & etiam quotidiana officia ad mandatum Rectoris exercere teneantur. Provisio tamen quod Cappella divino Officio non fraudetur. Quæ omnia ut diligentius, & efficacius exequi valeant, prohibemus ne aliquam scientiam audire possint, nisi dumtaxat ab aliquo scholari horis congruis intra domum hora decenti. Præterea libros, Paramenta, Calices, & quæcumque ornamenta per Nos dictæ Cappellæ assignanda, ac etiam luminaria per ipsos Sacerdotes seu aliquos ipsorum vel alterum, de quo, seu quibus Rector seu prædictum Collegium duxerint ordinandum, volumus debita diligentia custodiri, tradi quoque, ac preparari, prout divinorum Officiorum ministeria peragenda suaserint, & eis pro dignitate solemnium vel feriatarum dierum videbitur convenire.

Cappellano-rum officium quale.

§. 19. Præterea quia Societas quælibet absque Rectore, sicut sine gubernatore navis facile deperiret, statuimus, & ordinamus, quod ad prosperum regimen ipsius Collegii singulis annis prima dominica vel die festiva Mensis Maji post celebratas electiones Rector Universitatis studii Bononiensis, convocatis prius, & congregatis scholaribus omnibus

De Rectore singulis annis eligendo.



nibus per Rectorem antiquum ipsius Collegii in loco ad hoc habili; Qui quidem venire, & ad electionem procedere teneantur sub poena periurii, ac præstito primitus juramento in manibus antiqui Rectoris, quod postposito omni amore, timore, precio, vel odio ad electionem procedent; illum unum cum præfato Rectore, qui duas voces habeat, eligant, quem credent sufficientem, & idoneum ad officium, & regimen Collegii exercendum. Qui quidem vigesimum quartum annum ætatis suæ attigerit, ac in Collegio per biennium moram traxerit sui que de corpore Collegii ac natione ultramontana, idest Gallicæ nationis, & is omni exceptione repulsa pro Rectore habeatur, qui a majori parte partium etiam comparatione minorum electus fuerit, nec ad aliquam nostræ formam volumus eligentes adstringi; sed sufficiat, quod singulorum consensus per scriptas cedulas exprimat, prout in electione ejusdem studii est solitum observari; pari numero discordantibus Electoribus permittimus, quod tota die electionis ad alterum de Electis accedere valeant discordantes, alias Visitatores, vel ipsorum major pars infra biduum certificare teneantur, quem maluerint de Electis. Assumptus autem modo præmissis, vel alias a majori parte officium non possit recusare sub poena privationis gratiæ dicti Collegii per totum illum annum.

Idem secundo  
anno non eli-  
gendus.

§. 20. Provisio tamen quod electus uno anno non possit anno immediate sequenti assumi, nisi consentientibus ex mera liberalitate duabus Partibus ipsius Collegii: qui autem quocumque quæsito colore procuraverint se eligi anno secundo immediate sequenti, sit perpetuo inhabilis ad quodcumque officium in dicto Collegio obtinendum & nihilominus electio sit eo ipso: nulla simili modo nulla sit electio alias idonea de eodem ad tertium annum facta; si autem casus occurrat, quo sic electum se absentare ex justa Causa oporteat, exposita per eum dicto Collegio per octo dies ante recessum legitima Causa absentiae, ac reddita primitus ratione de administratis per eum permittimus, quod ipse cum Consiliariis possit unum idoneum, qui eandem potestatem habeat ad duos menses tantum loco sui subrogare, quibus elapsis, vel etiam a principio exposito de majori mora, fiat pro residuo anni illius electio nova, modo, & forma supradictis.

De ætate ad-  
mittendorum  
ad officia.

§. 21. Ad electionem vero præmissam, vel alios tractatus seu officia Collegii admitti nolumus, nisi illos, qui quartumdecimum ætatis suæ annum attigerint, ut videlicet eorum vox suffragium aliquod afferat: singulos tamen volumus cum aliis vocari, & admitti, & ediscant & de negotiis Domus notitiam habeant: quod si fuerit questio de ætate, stetur juramento asserentium se annum quartumdecimum attigisse, & idem in aliis casibus, in quibus de etate questio orietur.

De Consilia-  
riis.

§. 22. Verum quia quod a pluribus queritur facilius invenitur; Statuimus etiam & ordinamus, quod singulis annis expedita Electione Rectoris eadem die vel immediate

sequenti per ipsum Rectorem novum, qui duas voces habeat, & alios scholares eligantur per Cedulas in manibus Rectoris secrete porrectas quatuor Consiliarii sufficientes, & providi cujuscumque nationis existant, & isti nulla juris forma observata, aut aliqua exceptione admissa assumantur, qui plures voces habuerint, etiam comparatione minorum partium. Qui quidem toto illo anno sollicitam curam, & fidelem Collegii, tam in Spiritualibus, quam in Temporalibus unum cum Rectore habeant, nec pro absentia ipsorum electio nova, sed simplex subrogatio tantum per Rectorem, & reliquos Consiliarios fieri debeat, proviso tamen, quod nullus horum possit duobus annis immediate sequentibus ad idem officium assumi, nec semel electus possit officium recusare sub poena privationis veltarii totius anni.

§. 23. Post hoc autem præstito prius juramento per scholares in manibus Rectoris, quod fidelem & idoneum Thesaurarium assument, eadem die vel sequenti eligatur eo modo quo Consiliarii unus Thesaurarius Ultramontanus, idest Nationis Gallicæ fidelis, & expertus de numero scholarium, qui pecunias Collegii modo inferius limitato fidelissime custodiat, & distribuatur.

§. 24. Præfatus vero Rector sic electus in manibus Rectoris antiqui nec non, & Consiliarii ac Thesaurarius in manibus novi ante ullam administrationem presente toto Collegio, vel majori parte tactis Sacrosanctis Evangeliiis jurent, quod officium suum bene, & fideliter exercebunt, utilitatem, commodum & honorem Collegii querentes; Item quod statuta facta, & facienda eorum Officium concernentia pro posse observabunt, & etiam Rectori successori, & Collegio legitimam, & fidelem rationem reddent. Item demum juret Rector, quod statuta rationabilia facta & facienda faciet inviolabiliter juxta posse a singulis observari. Per hoc tamen Juramentum nolumus Rectorem ejus pendente Officio ad penam perjurii obligari, nisi dumtaxat ad Statuta, quæ specialiter suum Officium concernere dignoscuntur.

§. 25. Ad officium quippe Rectoris sic assumpti spectet dispositio tam spiritualium, quam temporalium rerum Collegii habito cum opus fuerit consilio, & consensu omnium vel plurium Consiliariorum, vel etiam in arduis consensu totius, vel majoris partis Collegii, nec non in casibus expressis in Statutis consensu saltem duorum visitorum. Item exactio juramenti quolibet anno post ipsius electionem immediate præstandi per singulos scholares de obediendo eidem Rectori. Item exactio juramenti præstandi per quemlibet scholarem de novo recipiendum.

§. 26. Cujus juramenti forma seu Capitula sunt hæc: scholaris quilibet antequam incorporetur in Collegio præfate Rectore, & Consiliariis juret tactis Sacrosanctis Evangeliiis. Primo presentia Statuta edita, & edenda rationabilia observare. Item Rectori suo in licitis, & honestis obedire, item, quod jura, & bona Collegii pro posse defendet, & conservabit, item quod Rectori bona fide

De Thesaurario.

Præfatorum  
Officialium  
juramentum.

Officium Re-  
ctoris quale.

Juramentum  
a Scholaribus  
præstandum.



fide revelabit omnia, quæ sciverit eidem Collegio notabiliter damnosa. Item quod nunquam contra Collegium verbo, vel facto dabit auxilium, consilium, vel favorem per se vel per alium quocumque colore quæsito. Item quod statutorum rationabilium Collegii revocationem nullo modo procurabit, & iis tribus ultimis casibus contrafaciens ipso facto perjurii reatum incurrat, & ad hæc tria ultima capitula juranda, & eorum poenam volumus etiam tres scholares Bononienses pensionatos assumendos juxta formam infra scriptam adstringi.

Per horum Statutorum inobservantiam perjurii poena non incurritur.

§. 27. Volentes autem prædictorum scholarium animarum providere salutem, nolumus eos per hoc juramentum perjurii reatum incurrare horum statutorum vigore seu occasione, nisi dumtaxat in casibus, qui poenam perjurii infligunt, vel nisi Rector Collegii mandaret expresse aliquid juxta formam statutorum observari, vel fieri sub poena perjurii.

Ea vero bis in anno legi debent.

§. 28. Ne vero prætextu ignorantie statutorum quis valeat excusari, mandamus, quatenus ipsa statuta de verbo ad verbum bis in anno, videlicet in festo Sancti Michaelis & in hebdomada Sancta præsentem toto Collegio perlegantur, & nihilominus cuilibet de novo recipiendo statuta tradantur perlegenda, ut decernat quid debeat observare, & a quibus etiam præcavere.

Rectoris facultates quales sint?

§. 29. Præfatum autem juramentum & diem receptionis cujuslibet mandamus, per Rectorem in matricula in arca communi conservanda fideliter describi, ut per hoc de tempore moræ singulorum, & fidelitate eorum notitia possit haberi. Item ad ipsum spectet correctio gravis & levis omnium scholarium, & Sacerdotum secundum qualitatem excessus, ac potestatem sibi attributam horum statutorum vigore. Item ad ipsum Rectorem tantum spectet expulsio, receptio, & punitio etiam cum ligneis compedibus singulorum famulorum, nisi sint de gerentibus communem administrationem: in quorum receptione & administratione volumus consilium aliquorum de Collegio adhiberi. Item singulorum cameras, & alia quælibet loca Collegii saltem semel in mense jubemus per eum visitari. Qui quidem si eidem videbitur expedire, capias cujuslibet faciat aperiri, resistentes gravi poena juxta ejus arbitrium compescendo. Præterea ad ipsum Rectorem cura Collegii circa refectionem quotidianam spectare noscatur. Quapropter statuimus, quod quocumque tempore tam in prandio quam in cena & collationibus temporibus opportunis, & locis decentibus fieri consuetis tam diebus jejuniorum, quam aliis secundum statutum Patriæ, & Studii Bononiensis consuetudinem, & morem consuetum per Rectorem, & non alium reguletur hora, nec aliquis absque ipsius mandato, vel eo absente ejus, qui primum locum obtinet post eum in mensa, & sui successive horam limitatam, & consuetam immutare audeat: contrarium facientes pro qualibet vice semel pane, & aqua utantur in tinello coram aliis tunc recumbentibus: adiacentes quod singulis diebus facto

Bull. Rom. Tom. III. Pars II.

signo primitus cum campana, ac præmissa benedictione Mensæ legatur de Biblia, vel legendis Sanctorum juxta morem per minores scholares Rectoris arbitrio deputandos.

§. 30. Et ne sit contentio inter eos, quis eorum videatur major, statuimus ut in mensa & alibi hic ordo servetur. Primum videlicet locum Rector semper possideat, deinde graduati si qui fuerint in concursu, primo graduatus, deinde scholares in dignitate constituti, si fuerint, demum scholares singuli secundum tempus, & ordinem receptionis nulla acceptione habita. Salvo quod si aliquis ad mensam venerit aliis jam recumbentibus, in ea mensa, in qua sedere consuevit sedeat ultimus, & nihilominus si in benedictione defecerit, ferculo careat, nisi iusta causa eum excuset. Sacerdotes vero serviant, vel sedeant prout Rector duxerit ordinandum. Post gratiarum actiones continue quandiu vixerimus dicatur Oratio *Deus omnium fidelium Pastor &c.* cum versu *Salvum fac servum tuum &c.* post nostrum vero obitum dicatur Psalmus *De Profundis* cum Oratione *Deus qui inter Apostolicos &c.*

De Præcedentiis in mensa, & gratiarum actione post ipsam.

§. 31. Denique, quia per frequens exercitium acuitur ingenium, statuimus, quatenus finitis gratiarum actionibus quolibet die estatis de mane, de hieme vero iis diebus, quibus a Lectionibus ordinariis cessabitur, fiat collatio, vel disputatio per Canonistas, & Legistas separatim ea forma, & ordine, quibus Rector duxerit imperandum: secundum quod dispositioni temporis, consuetudini studii, & casibus occurrentibus videbitur convenire: permittentes, quod quicumque volens se exercitare, sive intra Domum, sive extra, possit temporibus, & horis congruis juxta studii generalis ritum legere, & disputare, petita tamen prius a Rectore licentia. Qui quidem habito prius consilio cum aliquibus sufficientibus ipsius Collegii possit id concedere vel negare.

De Conferentiis.

§. 32. Insuper statuimus, & ordinamus, quatenus per dictum Rectorem vel alium idoneum per ipsum, & Consiliarios deputandum de redditibus, & Proventibus per Nos ipsi Collegio assignatis, & assignandis fiant singulis annis provisiones in Communi sufficientes pro Scholaribus, Sacerdotibus, ac Familiaribus de blando, vino, sale, oleo, falsis carnibus, & similibus: & præter hoc quolibet die pro Carnibus, vel Piscibus, & aliis consuetis quadraginta solidos Bononiensium dumtaxat valeant expendi: nisi forsan contingeret numerum scholarium augeri, quo casu pro rata augeri valeat etiam hoc casu expensa, vel nisi temporis qualitas, vel alia evidens necessitas amplius suadeat expendendum. Permittimus tamen diebus Paschalibus & tribus diebus Carnis privii dictam summam posse duplicari: de qua quidem summa Collegio memorato provideatur, prout ad vitam bene, & honeste viventium videbitur convenire. Quod si forsan in capite anni aliquid superesset volumus id communibus usibus, & necessitatibus Collegii applicari provisum, quod scholares absentes etiam cum licentia nil percipiant, nisi pro Collegii utilitate dumtaxat

De necessariis ad victum provisionibus & summa, qualibet de expensenda.



rat eos contingat abesse, sed totum in convenientem usum convertatur.

De vestibus,  
earumque uniformitate:  
nullisque alijs  
rebus &c.

§. 31. Præter victum autem memoratum volumus cuilibet scholari pro vestimentis Pannum statuti consuetum deferri ibidem per scholares pro duabus lapsis vel manicis unam videlicet de mense Aprilis, alteram de mense Octobris per Rectorem consignari, proviso quod singuli scholares omnino Pannum in veste superiori ejusdem coloris deferant. Si quis autem præsumptuosus ita esset, quod Pannum statuti in veste superiori alterius coloris, quam alii deferre tentaret, ipso facto toto anno expellatur. Pro reliquis vero vestimentis necessariis volumus cuilibet scholarium per Rectorem, vel Thesaurarium tradi temporibus congruis, & consignari; medietatem scilicet in Festo Sancti Michaelis, & alteram medietatem in Festo Paschæ octo ducatos aureos, & pro candelis studii duos ducatos. Ita tamen quod de omnibus Rector qui pro tempore fuerit in Vestiario, & portione quotidiana, & candelis habeat duplum. Item quilibet Consiliarius ultra ordinarium habeat anno quolibet quatuor ducatos, Thesaurarius vero ducatos sex pro eorum labore, & distractione: statuentes, & declarantes, quod scholaris ad gratiam Collegii receptus, si infra Festum beati Joannis Baptistæ venerit, vestiarius, & cappam, quæ alijs dantur pro tempore ætatis, habeat, alias si post prædictum Festum venerit, portionem Vestiarii hyemalis expectet. Item statuimus de illo, qui infra Festum Epiphaniæ venerit, ut portionem suam hyemalem lucretur, alias expectet sequentem. Item, expensam pro Collectis Doctorum ac Bedellorum persolvendis necnon pro torticiis consuetis in præfato generali studio certis festivitatis deferri volumus scholaribus suis temporibus tradi. Qui vero fraudem commiserit collectam non solvendo, vel oblationem seu cereum non portando, quod receperit, restituere compellatur, & nihilominus graviter puniatur: declarantes quod viginti solidos universitati persolvendos per quemlibet in studio supervenientem de novo, solvat quilibet de proprio. Quod si recusaverit, solvat pro eo incontinenti Rector Collegii, & eidem detrahat, & recuperet de prima solutione Vestiarii sui.

De Cubiculis,  
eorumque  
ornamentis.

§. 32. Præterea cuilibet scholari de novo recepto camera fulcita ad modum Scholasticum de tribus scannis uno disco cum Rota quatuor librorum, & lettica cum culcitra, pulvinari, & lodice consignetur, & ista perpetuo expensis Collegii manteneantur. De alijs autem sibi pro libito provideat: proviso quod Camera Rectoris, qui pro tempore fuerit, perpetuo deputanda expensis Collegii decenter de omnibus necessariis, & opportunis fulciatur: statuentes, quod quilibet de rebus sibi consignatis cedulam propria manuscriptam Rectori tradat: quæ omnia in suo recessu etiam per subtractionem propriorum bonorum, si necesse fuerit, integre restituere compellatur.

De Cubiculi  
optione.

§. 33. Et ne inter scholares pro Cameris oriatur discordia, statuimus ut graduati

primo ordine suo demum antiquiores in receptione gratiæ nulla alia exceptione personarum habita gradatim infra tres dies meliorem Cameram vacantem optare valeant, ut demum ultimo recepto, vel recipiendo relicta consignetur.

§. 34. Insuper dignum arbitantes, & pium infirmis debere necessaria administrari, ut in debitam sanitatem valeant restaurari; Statuimus, & ordinamus, quod Rector & Collegium de bono Medico experto, & approbato diligenter sibi provideant expensis Collegii, qui quoties fuerit expediens, visitare habeat cum summa diligentia scholares singulos, precipue infirmitate gravatos, ac etiam Sacerdotes, & familiares dicti Collegii: Præcipientes districtè Rectori, quod quid legitime Medicus pro scholari infirmo duxerit ordinandum, expensis Collegii exacta diligentia jubeat ministrari: proviso semper, quod exigente necessitate spiritualis servitor bonus, & diligens expensis Collegii ac etiam optima Camera infirmo deputetur, vel si maluerit in loco ad hoc deputando, quæ Infirmaria nuncupetur, quam ex nunc mandamus in ipso Collegio institui durante infirmitate, valeat tolerari: mandantes etiam scholaribus universis, quatenus ante omnia advocent animæ, & salutis medicum, sepe & sæpius confitendo: ad quod possint per Rectorem ipsius Collegii, ut præmittitur supra, compelli: ut postquam fuerit eisdem de spiritali salute provisum, ad corporalis medicinæ remedium salubrius procedatur & in debitam sanitatem velocius instaurentur.

De Medico,  
& diligenti  
Infirmorum  
curatione.

§. 35. Pro salario autem Medici Phisici, & si opus fuerit Chirurgici, ac etiam Barbitonforis convenient cum eisdem Rector, & Collegium, ponderatis facultatibus eorum: secundum quod dispositioni temporis videbitur convenire, & idem fiat de Sacerdotibus, & alijs quibuscumque pensionatis, vel salariatis in dicto Collegio ita tamen, quod Domus ipsa ultra modum debitum ex hujusmodi Personarum interpositione seu ministeriis nimium non gravetur.

De Pensionibus  
Medici,  
aliorumque.

§. 36. Præterea statuimus, & ordinamus, quod si aliquem scholarem intra Collegium contingat ab hoc sæculo migrare, expensis propriis sepeliatur, secundum quod in extremis duxerit ordinandum. Si autem, quod absit, absque ulla dispositione extrema decedat, idem fiat secundum quod personæ convenit, & propriæ suppetunt facultates. Quod si in pecuniis pro tunc non habeat, unde condecens expensa fieri valeat, mutuet Rector de bonis Collegii, & infra sex menses hoc Parentibus intimato, ab eis repetat, quod fuerit mutuatum. Quod si infra dictum terminum non satisfecerint, Rector usque ad summam debitam de libris ipsius recuperet. Si vero adeo pauper existat, quod in bonis penitus nil habeat, expensis Collegii volumus sepelliri, & expendi pro sepultura secundum quod Rector & major pars Collegii duxerit arbitrandum: mandantes scholaribus & Sacerdotibus universis, quod ipsum funus associare, & portare ad ecclesiam teneantur, nec ab inde valeant recedere, donec traditum fue-

De Funere, &  
Sepultura  
mortuorum.



fuerit ecclesiastica sepultura: & nihilominus die ipsius obitus vel sequenti, ac etiam nona die duas solemnes missas de requiem, quibus Scholares omnes & sacerdotes interesse teneantur, precipimus intra Collegium celebrari. Mandantes insuper in virtute sanctæ obedientiæ, quod quilibet scholaris etiam Sacerdos pro ejus anima duas missas, & totum officium mortuorum; alii autem non Sacerdotes quater septem Psalmos poenitentiales infra mensem dicere teneantur.

§. 37. Cæterum quia inter opera caritatis pium est, juvenes bonis moribus informare, & errantes saltem metu pænæ ab erroribus revocare; precipiendo mandamus dictis Scholaribus, & Sacerdotibus universis, quod in licitis, & honestis suo Rectori humiliter obediant, nec eidem, aut sibi invicem molestias etiam verbales inferant, contrafacientes acriter puniantur, satisfactione prius facta læso.

§. 38. Si autem aliquis Scholaris in scholarem, vel Sacerdotem aut familiarem communem administrationem ferentem in suo officio, aut alias ratione officii violentas manus injecerit, pro prima vice vescatur pane, & aqua illa die, pro secunda vescatur similiter duobus diebus: quod si tertio in idem inciderit per Rectorem, & Consiliarios ad tempus secundum qualitatem excessus de consortio aliorum expellatur de bonis Collegii, vel omnino interim percepturis, & nihilominus satisfacere de proprio compellatur, Si vero Sacerdotes in Scholarem vel sibi invicem manus violentas iniciant, statim expelli valeant, vel alias puniri, secundum quod Rectori, & Consiliariis videbitur fore æquum.

§. 39. Præterea Scholaribus ludum taxilorum expressè interdicimus. Item ne scholaris aliquo casu in publico, vel privato cum mulieribus coreare præsumat vel pernoctare, aut hyemali tempore de nocte cenam absque expressa Rectoris licentia extra Domum suscipere, vel intra forenssem præcipue de Nocte in loco communi, vel privato invitare, nisi prius habita Rectoris licentia, ut præmittitur, interdicimus expressè. Item nullus præsumat Cameram sibi consignatam vel aliquem alium locum in aliqua sui parte sine consensu Rectoris perforare, vel immutare: qui contrarium etiam utiliter attentaverit, privetur illa Camera, vel alias arbitrarie puniatur. Præterea intra domum nullo modo etiam de Rectoris licentia fiat Festum Regis, nec aliquis in Camera sua, aliquo tempore de nocte, vel de die Scholares congreget ad coreandum, cantandum, vel pulsandum instrumenta quælibet, nisi hoc contingeret fieri recreationis causa, puta pro licentiato novo, vel doctorato, aut socio infirmo, & tunc de licentia Rectoris. Per hoc tamen non interdicimus quin singuli Scholares absque alicujus præjudicio, vel impedimento instrumentis suis uti valeant moderate. Ulterius inhibemus, ne quisquam prandere, aut cenare audeat in camera sua infirmitate cessante, nisi prius obtenta a Rectore licentia. Item nec quisquam Cella-

*Bull. Rom. Tom. III. Pars II.*

rium aut Coquinam causa turbandi officiales, vel alias, nisi exigente justa causa ingredi valeat: contrarium facientes Rectoris arbitrio puniantur. Adicientes quod extra Tinellum communem nulli de Victualibus communibus aliquid minuetur, nisi secundum quod Rector duxerit limitandum, vel nisi alia legitima causa aliud expostulet.

§. 40. Ulterius mandamus Rectori, quod diligenter hora condecanti, videlicet in tertia campana noctis jubeat portam communem claudi, & de mane in campana diei, & non ante aperiri penes se continue claves de nocte retenturus, nec aliquis cujuscumque status existat, post clausam Januam sine expresso mandato Rectoris ingredi domum, valeat. Sed nihilominus is, quem justa causa Rectori nota non excusaverit in crastinum in pane, & aqua semel, ut supra penitentiam agat. Si autem aliquis precipue de nocte per fenestram, vel alium locum suspectum ingrediatur, vel egrediatur domum, privetur per mensem omni commodo, & gratia ipsius Collegii; quod si secundo inciderit, privetur similiter per sex menses; Si autem tertio exceßerit gravius puniatur.

§. 41. Insuper, ne sine vindicta violentiæ crescat audacia, & ne quidquam incongruum reperiatur, quod in Scholasticæ honestatis gloria maculam inferat; statuimus, & irrevocabiliter ordinamus, quod pro criminibus infra explicandis valeant Scholares excludi a consortio Collegii hac forma penitus observata. Expellendus enim, contra quem laborat infamia, per Rectorem, & alios providos de Collegio, primo increpetur, & eidem secundum exigentiam meritorum pænna imponatur: quod si secundo idem attentaverit, vocato toto Collegio vel majori parte, & uno de Visitatoribus ac præmissa diligenti deliberatione, an sit tolerandus, vel eiiciendus, si deliberatum fuerit debere, eiiciatur, ac privetur gratia Collegii perpetuo, vel ad tempus. Si vero tertio exceßerit, quia contra talem sic frequentem est præsumptio vehemens de incorrigibilitate, ne tuis morbida inficiat totum gregem, per Rectorem, & duos Visitatores, ac etiam totum Collegium de facto absque ulla misericordia expellatur, nec ibidem tolerari, vel de novo recipi valeat ulterius semel expulsus pro criminibus infra scriptis.

§. 42. Crimina vero, propter quæ præmissa expulsio fieri possit sunt hæc: Blasphematio Dei, & Virginis gloriosæ; vituperosa, & frequens manus injectio cum gladio, vel æquivalenti instrumento in Scholarem, Sacerdotem, vel familiarem in communi officio officiantem. Quod si enormis fuerit pro prima vice expellatur. Item atroces iniuriæ etiam verbales contra Rectorem illatæ ita tamen, quod si quis eum violenter percusserit, pro prima vice expellatur, & nullo modo valeat reconciliari. Item detentio Armorum offensibilium, & defensibilium intra hospitium. Item fractio alicujus Archæ, vel hostii intra Collegium animo nocendi. Item furtum rerum communium Collegii, usque

X x 2

Alia mandata.

De expellendis ob parata crimina.

Crimina, ob quæ debet quis expelli.

De obedientia Rectori præstare.

Manus in alium inicere cuilibet vetatur sub certis pœnis.

Nonnulla Scholaribus interdiciuntur.



ad valorem triginta solidorum, Item furtum rerum privatarum usque ad valorem trium librarum Bononien. Iſtis autem duobus caſibus, ſi minus etiam usque ad unum ſolidum quis per ſe vel alium rapuerit, ſecundum quantitatem majorem, & minorem graviter, & gravius puniatur ſatisfactione ſemper præmiſſa. Item Sacrarum Monialium, & Virginum deſloratio, & hoc caſu pro prima vice. Item adulterium. Item continuæ concubinæ extra domum detentio, item introductio alicujus mulieris ſuſpectæ intra hoſpitiū: qui autem non ſuſpectam ex quavis cauſa introduxerit ipſo facto perjurus ſit, & nihilominus graviter puniatur. Item ſeditionem ſeu zizaniā in Collegio ſeminans, per quam ad ſcandalum, vel conſpirationem deveniatur. Item ſcandalum ponens in Collegio cum effractione portarum vel diſſipatione bonorum pro victu quotidiano.

Alii exceſſus  
ſimili punien-  
di poena.

§. 43. Præter hoc etiam, ut a ſingulis de dicto Collegio diſtractionis cujuſlibet tollatur occaſio, per quam impediſſi poſſet, vel etiam retardari debitæ perfectionis excuſus; Volumus, quod ſi aliquis ex Scholaribus, etiam ſi graduati exiſtant, officia, vel procuraciones quorumcumque ſuſcipiant, per quæ a ſtudio retrahi valeant, quod Judicio Rectoris, & Conſiliariorum relinquimus. extimandum, niſi moniti, ut præmittitur, omnino dimittant, eo ipſo expellantur. Et idem de illo ſtatuimus, qui non obtenta a Rectore licentia per ſex dies extra Civitatem, vel Collegium permanſerit & idem de illo, qui etiam obtenta licentia pro ſuis negociis abſens infra quatuor meſes juſta cauſa ceſſante, de qua fide, Rectori, & Conſiliariis teneatur facere, non revertatur: niſi forte pro Collegii negociis ad curiam, vel alio miſſus eſſet: adiciētes, quod nullus Scholaris per diem naturalem ſe abſentare præſumat abſque Rectoris licentia; Qui contrafecerit in craſtino hora prandii cum pane, & aqua poenitentiam agat.

Alia Recto-  
ris facultates.

§. 44. In caſibus autem ſuprà præmiſſis Rector cum Conſiliariis, & duobus viſitatoribus poſſint ex nunc autoritate noſtra ad expulſionem ſimpliciter, & de plano ſine ſtrepitu, & figura judicii omni appellatione remota procedere; Eoſque poſſit ipſe Rector cum Conſiliariis præter hos caſus, prout exegerint demerita, ſimili modo punire, condemnare, ac etiam ſuper ipſorum moribus, & vita, & de dictæ domus regimine quotidiano diſponere, ac alia facere, quæ ad conſervationem ipſius Collegii, dummodo præſenti noſtræ ordinationi non obviet, viderit expedire: Proviſo tamen quod quoties de expulſione alicujus ſcholaris in caſu non expreſſo agetur impoſterum, aut de quocumque negotio arduo, quod quidem an ſit arduum vel non, Rector, & Conſiliarii ac quatuor Scholares per eos aſſumpti diſcutiant, & determinent, convocare, & per duos dies antea aviſare teneatur Rector duos Viſitatores, & totum Collegium, & de conſenſu eorum, aut majoris partis Collegii, & non aliter illud exequatur. Adiciētes,

quod Scholares omnes pro doctorando, licentiando, vel mortuo aſſociando, vel alias rationabiliter per Rectorem convocati ipſum ſequi valeant: inobedientes vero ejus arbitrio puniantur.

§. 45. Verum quia circa temporalium adminiſtrationem, ne propter inſolentiam, aut injuriam præſidentis aliquid de bonis Collegii depereat, diligens cura eſt adhibenda; Statuimus ut per Rectorem, & totum Collegium expenſis eorum aſſumatur unus, vel plures viri providi, & diſcreti, utiles, & experti, qui in præſentia Collegii, præſtito primitus tactis Sacroſanctis Evangeliiſ Juramento, quod eorum officium fideliter exercebunt, omnes, & ſingulos fructus, redditus in quibuſcumque bonis, vel rebus conſiſtant, integraliter Collegio assignabunt, ac fidelem, & legitimam reddent rationem quæcumque bona apprehendendi, gubernandi, recipiendi, poſſeſſiones ſæpe, & ſæpius viſitandi, proviſiones ad mandatum Rectoris debitis temporibus faciendi, ac de receptis quietationem dandi, necnon de conſenſu Rectoris, & Collegii quocuſcumque actus, & contractus licitos tam temporales, quam perpetuos faciendi, celebrandi, exercendi in Judicio, & extra, plenariam habeant poſteſtatem. In fine vero anni aut ſæpius, ſi Rectori, & majori parti Scholarium expediens videbitur de omnibus receptis, geſtis, datis, & adminiſtratis rationem, & computum, plenarie reddere teneantur. Quod ſi Rectori, & Collegio utiles, & expedientes videantur ſic aſſumpti, poſſint in dicto officio diutius tolerari, vel ſi ipſi Rector, & Collegium maluerint, pro libito alios valeant loco eorum ſubrogare, ac etiam Sacerdotes unum, vel plures dicti Collegii, quoties expediet, poſſint eis adjungere. Scholares tamen, ne eos diverſa commiſſa negotia a fructu ſtudiſ diſtrahere poſſint, volentes proficere, volumus ſi forſan urgente neceſſitate & tunc de mandato Rectoris expreſſo, & non alias circa hoc implicari. Mandamus tamen, quod quilibet Scholaris infra annum a die ſuæ receptionis viſitare teneatur omnes poſſeſſiones, & ſingula loca Collegio applicata ſive ſint intra Civitatem ſive extra, ut de ipſis ſinguli Scholares plenam notitiam habeant. Quæ quidem Procurator Collegii teneatur fideliter ſingulis præmiſſo modo manifeſtare.

De admini-  
ſtratoribus  
bonorum.

§. 46. Bona autem ſeu redditus ut præmittitur recollectos, & intra, vel extra Collegium reconditos cuſtodia conſervet, & expendat, & juxta temporis diſpoſitionem pro neceſſitatibus Collegii diſpenſet iſ, cui Rector, & Collegium duxerit committendum. Qui quidem nil omnino poſſit alienare niſi de conſenſu Rectoris, & majoris partis Collegii, niſi eſſent bona, quæ ſervando ſervari non poſſent, & tunc poſſit hoc de Rectoris licentia. Quod ſi in pecuniis exiſtant, volumus eorum cuſtodiam Theſaurario conſignari, ad cujus officium ſpectet dictas pecunias modo inſcripſo diligenter cuſtodire, ac ſummam, expenſamque, & etiam in libro computorum fideliter deſcribere,

De Cuſtodia  
pecuniarum.



re, qui etiam singulis diebus, vel septimanis juxta consilium Rectoris, ac formam statutorum pro quotidianis usibus Collegii eis distribuatur, necnon, & quoties fuerit requisitus, plenariam, & fidelem rationem reddat: eaque sufficienter reputare, & exhibere in presentia Rectoris, & Consiliariorum quantitatem superstantem seu superessentem omnium pecuniarum in Arca communi reponere teneatur.

De Arca pecuniarum, ejusque custodia.

§. 47. Pro quarum pecuniarum, & aliorum Jurium Collegii securiori custodia, & conservatione constituimus, & ordinamus, quod intra Collegium in aliquo loco tuto una Arca seu capsula retineatur, & quatuor diversis clavibus claudatur, quarum unam Rector, aliam Thesaurarius tertiam unus de Consiliariis, quartam autem Bernardus Guidonus quandiu ibi erit, & eo absente aliquis Scholaris fidelis ad hoc deputatus teneat. In qua quidem capsula, seu Arca ab una parte stent omnes pecunie Collegii, quadraginta ducatis dumtaxat pro usibus quotidianis penes Thesaurarium remansuris. Item sigillum commune, cum quo nil sigillari valeat, nisi de consensu totius vel majoris partis Collegii, & lecta prius scriptura in communi, in qua quoties expediet, Rector nomine Collegii se subscribat. Item ibidem omnia Privilegia, & originalia horum statutorum, ac etiam omnia Instrumenta, & alia Jura transcripta dicti Collegii servata hac forma fideliter conserventur. Rector quippe expensis Collegii ne contingat in aliquo ejus Jura deperire, omnia Privilegia, & Instrumenta publica, & authentica cum subscriptione, & auctoritate duorum Tabellionum transcribi faciat, & exemplari, & de transcripto fiant duae copiae authenticae, quarum una penes ipsum Rectorem exhibenda in Judicio, & extra, quoties fuerit opportunum; Reliqua in dicta capsula perpetuo remansura; Originalia autem omnium praedictorum in Sacristia Fratrum Praedicatorum, vel Minorum, aut alibi, secundum quod Rector, & Collegium duxerint ordinandum, custodienda reponantur, & nihilominus omnia praemissa sine authenticatione in uno libro, vel in diversis pergamenis transcribantur. Qui quidem liber, vel libri in bibliotheca communi sub catena, & clavi reponantur.

Quolibet anno de rebus Collegii consiciendum Inventarium.

§. 48. Insuper per Rectorem, & Consiliarios singulis annis fiat inventarium publica manu scriptum de omnibus bonis & rebus tam mobilibus quam immobilibus, videlicet possessionibus, Territoriis, & quibuscumque aliis dicto Collegio applicatis. Quod quidem in dicta communi Arca recludatur, & etiam in libro Pergameni copia transcribatur, ut sic de bonis Collegii praesentibus, & futuris diligenter conservandis clare Notitia possit haberi.

Quolibet anno a Rectore, ceterisque Officialibus reddenda de administratis ratio.

§. 49. Verum ut praefata bona de bono in melius augeri, & conservari valeant. Statuimus, quod anno quolibet infra octo dies post creationem novi Rectoris, Consiliariorum, & Thesaurarii Rector antiquus ac Thesaurarius cum antiquis Consiliariis reddant

rationem suam scriptam novo Rectori, & Thesaurario praesentibus Consiliariis novis, & tribus scholaribus, quos totum Collegium duxerit eligendos. Quam quidem rationem scriptam seu librum rationum, ut per eum de quantitate annua expensarum Collegii liqueat in futurum, volumus in Arca communi exacta diligentia reservari. Post hoc autem incontinenti novis officialibus per antiquos cum instrumento publico omnes pecuniae, quae supererunt, & omnia superius enarrata in Arca communi reposita, necnon & Inventarium omnium bonorum cum clavibus dictae capsulae super praemissis manualiter, & integraliter consignentur: mandamusque sepedictum Inventarium in Personam novorum officialium renovari additis in eodem omnibus, quae de novo fuerint acquisita, ac deletis iis, quae vetustate, aut alias legitime fuerint consumpta.

§. 50. Denique sufficienti, & legitima ratione exhibita ac fideliter integra assignatione facta, ut praemittitur, necnon facta relatione saltem summarie praesente toto Collegio, vel majori parte ipsius de superessentibus, officiales non possint antiquos absolvere, & literas quietantiae dare de omnibus gestis, & administratis per eosdem, & si quod absit, praefati Officiales antiqui in aliquo reperi fuerint culpabiles, debitores, vel obnoxii; per subtractionem librorum, vel aliorum bonorum, ac alia Juris remedia ante illam absolutionem satisfacere, & Collegium indemne conservare cogantur per Rectorem novum: & tunc demum absoluti nullatenus ad aliquod officium amplius in dicto Collegio assumantur.

Culpabilium Officialium poena.

§. 51. Praeterea circa librorum in Armario seu Bibliotheca communi per Nos deputandorum utilem, cautam ac solertem curam adhiberi volentes, statuimus, & mandamus, omnes libros in dicta bibliotheca reponendos, cujuscunque facultatis seu valoris existant, sub bonis clavibus perpetuis temporibus inchatenari, nec ab inde aliqua occasione vel titulo etiam ad brevissimum tempus per aliquem seu aliquos, seu pro aliquibus Personis cujuscunque conditionis, status, vel praeminentiae existant, quocumque colore quesito possint inde extrahi seu dischatenari nisi dumtaxat ligandi vel reparandi causa, aut etiam cum libro utiliori permutandi, & tunc id fiat de consensu Rectoris, & totius Collegii duarum partium ipsius. Provisio, quod liber ligatus seu reparatus, vel ut praemittitur, cum utiliori permutatus cessante omni dolo quantocius fieri poterit, reponi debeat sub clavi in loco priori. Contrarium, facientes, & consentientes, ac scientes & non revelantes pro prima vice expellantur perpetuo ab ipsius Collegii consortio, & nihilominus damnum, si quod fuerit per subtractionem omnium bonorum, ac alia juris remedia refarcire teneantur: Decernentes etiam quemcumque contractum alienationis de quovis libro communi celebratum praeter casum permutationis praemissum, nullius esse momenti: statuimus insuper quod ostium bibliothecae duas claves diversas habeat, unam for-

De Bibliotheca, librorumque custodia.



fortem cum forti clavatura, aliam vero con-  
decentem: primam custodiant scholares sin-  
guli vicissim per mensem fideliter, & diligen-  
ter secundum quod Rector, & Collegium  
eos duxerint deputandos: ad cuius custo-  
dientis officium spectet singulis diebus, horis  
congruis, & ordinatis aperire Librariam, &  
claudere, ac semel in die diligenter investi-  
gare, et si expediat referre Rectori, an circa  
libros, vel eorum clavaturas sit aliquid in-  
novatum, quod reparatione egeat. Clavem  
autem aliam dissimilem habeant singuli scho-  
lares quibus temporibus congruis & opportu-  
nis ad Librariam libere pateat aditus. Pro-  
visio tamen quod nullus Forensis illuc ingre-  
diatur, nisi presentibus uno, vel pluribus  
scholaribus de Collegio: quæ omnia ut effi-  
caciter observentur, & ut securior adhibea-  
tur custodia, præcipimus ut scholares om-  
nes antequam clavem de manibus Rectoris  
suscipiant in manibus ejus specialiter tactis  
Sacrosanctis Evangelii, jurent de omni in-  
demnitate, ac fideli custodia circa librariam  
& singulos ejusdem libros conservandos ad-  
hibenda: mandantes denique Sacerdotibus,  
& aliis servitoribus, quod precipue in schola-  
rium absentia circa librariam, & alia bona  
Domus conservanda diligenter invigilent, ac  
inhibentes expresse, ne Rector etiam cum  
Collegio paramenta, seu jocalia dicti Col-  
legii possit cuivis Personæ commodare, vel  
precario aut alio casu, vel titulo tradere  
sub poena periurii.

Perpetui Vi-  
sitatores de-  
putantur.

§. 54. Ceterum nolentes fructum utilem  
progredi solitum ex facultatibus generosis  
Canonicæ scientiæ, & Civilis propter actus  
reprobos aut desidiam Præsidentis retardari,  
quinimo ut excusso negligentia somno ac se-  
dula cura interposita præfati scholares Di-  
vina sibi cooperante gratia valeant suis tem-  
poribus optatos fructus producere ad con-  
tinuam reformationem Collegii præfati:  
tres Visitatores videlicet Episcopum & Ar-  
chidiaconum Bononien., ac antiquiorem Do-  
ctorem in Lectura non ætate, in jure Cano-  
nico Bononiæ legentem duximus ex nunc di-  
cto Collegio perpetuis temporibus deputan-  
dos, eos obsecrantes in Domino, quod sal-  
tem semel quolibet anno de mense Septem-  
bris, aut sepius si per majorem partem Col-  
legii ipsos contingat evocari, ad ipsum  
Collegium personaliter accedentes Rectoris  
desidiam, insolentiam, negligentiam, seu  
etiam impotentiam favorabiliter supplere ac  
ipsum, & scholares discolors, lascivos, & vaga-  
bundos sine strepitu & figura judicii juxta  
eorum demerita corrigere, punire, & con-  
demnare valeant: nec non singulos schola-  
res, si expediat semel in anno examinationi  
subiicere, & indociles, ac penitus ad fru-  
ctum scientiæ acquirendum inhabiles de  
consensu Rectoris, & Consiliariorum, ne  
frustra occupetur idoneorum locus, expel-  
lere valeant, servata forma in titulo de  
expulsione limitata: & Demum super vita,  
moribus & regimine quotidiano ipsius Do-  
mus reformandi, supplendi, & alia faciendi,  
quæ pro utilitate commodo, & conservatio-  
ne dicti Collegii, dummodo præfati nostræ

ordinationi non contradicant, plenam con-  
cedimus facultatem. Quod si ipsi vel eo-  
rum aliquis nollent, vel non possent aliis  
occupationibus præpediti huic visitationi  
intendere: loco Episcopi Bononien. ejus Vi-  
carium in spiritualibus, loco Archidiaconi  
universitatis Ultramontanæ scilicet Gallicæ  
Rectorem loco Doctoris legentis in jure  
Canonico, antiquiorem in Jure Civili actu le-  
gentem volumus surrogari. Qui quidem pa-  
ri modo visitare, & absentiam seu voluntatem  
præmissorum pro illa vice fideliter supplere  
teneantur. Porro mandamus hoc fieri ab-  
sque expensis & oneribus Collegii: proviso  
tamen quod ipsi Visitatores honorabiliter  
recipiantur & honorabilis collatio, vel pran-  
dium juxta ritum Patriæ ministretur eis-  
dem.

§. 55. Præterea ut dictum Collegium  
ad quod, & ipsius incrementum summe af-  
ficimus, successivis temporibus de bono in-  
melius prosperetur, speciales protectores  
seu defensores videlicet Episcopum Ostien.  
Vice-Cancellarium Romanum, ac unum,  
vel duos alios Cardinales, si qui sint de ge-  
nere nostro, vel de Diacesi Lemovicensi  
successive duximus ipsi Collegio deputandos  
eos in locum nostrum nobis juxta Dei bene-  
placitum de præfati luce subtractis quoad  
Collegii protectionem, & defensionem tenore  
præsentium perpetuo surrogantes: ac con-  
cedentes eisdem in omnibus, & singulis, quæ  
ad reformationem, & conservationem sta-  
tus ipsius Collegii, ac singulorum fuerint  
necessaria, commoda, & opportuna succes-  
sivis temporibus plenariam potestatem. At-  
tenteque rogantes eosdem, & in visceribus  
misericordiæ Jesu Christi obsecrantes, quod  
juxta fiduciam, & spem plenam, quam de  
ipsis gerimus, post nostrum obitum, ut  
præmittitur, præfatum Collegium, & Scho-  
lares universos in suis Juribus, Justitiis, &  
negotiorum promotionibus, pietatis intuitu  
efficaciter foveant, protegant, & manute-  
neant, ac circa protectionem ipsius Collegii  
adeo solerter invigilent, & ulterioris cari-  
tatis affectibus attendant, quod Domus ipsa  
votivis crescat successibus, ac feliciter in  
Domino prosperetur: ut per hoc, & alia  
pietatis opera præmium adeo consequantur  
æternum:

Item Prote-  
ctores, & De-  
fensores.

§. 56. Verum civitatem nostram Bono-  
niensem, in qua prædictum Collegium fun-  
datum extitit favore ac benevolentia spe-  
ciali volentes prosequi, & ut ejus Potestas,  
& Antiani, & alii cives ipsum Collegium  
protegant, manuteneant, & defendant, sta-  
tuimus, & etiam ordinamus, quod Antia-  
ni prædicti, qui pro tempore fuerint de  
triennio in triennium pro majori rememora-  
tione de mense Septembris possint eligere  
tres Scholares pauperes dociles, cives Bo-  
nonienses in Jure Canonico studentes, qui  
eosdem vel alios Rectori dicti Collegii præ-  
sentare, quorum cuilibet Rector, & The-  
saurarius dicti Collegii quolibet anno tradant,  
& realiter assignent extra Collegium quin-  
quaginta libras Bononien. medietatem vi-  
delicet de mense Octobris, & residuum de  
men-

A Collegio  
quolibet anno  
tribus Scho-  
laribus Bono-  
nienibus ali-  
menta tra-  
denda.



menſe Aprilis, nec aliquid commune amplius in Collegio, vel factis ejus habeant. Salvo quod de juramento præſtando per eos, ſuperius eſt expreſſum. Qui quidem ſi criminoſi fuerint, vel ad ſtudio inabiles, revocari valeant, & per dictos Antianos alii loco eorum præſentari. Quod ſi infra quindecim dies eos præſentare neglexerint Episcopus Bononiensis eorum deſidiam, ſeu negligentiam de Bononiensibus ſupplere poſſit pro illa vice: pari autem numero eis diſcordantibus Reſtor, & Conſiliarii ejusdem Collegii magis proveſtos recipere, vel ceteris paribus gratificare poſſint quibus maluerint ultra fraude adhibita.

§. 57. Denique cum ſpem firmam habeamus, quod nobis in Domino quieſcentibus hujusmodi in vinea Domini ſit plantata novi continuo palmites oriantur, qui uberes fructus, & utiles toti orbi producant, per quos Deo propitio militans Eccleſia decorari poterit, & inſigniri, ac etiam reipublicæ multa commoda provenire; Idcirco noſtros ſucceſſores Romanos Pontifices, ac Collegium Cardinalium Romanæ Eccleſiæ præcipue Legatos de latere in partibus illis vices Romani Pontificis gerentes, nec non omnes Prælatos, Barones, Nobiles, & quoscumque Officiales Eccleſiæ, qui pro tempore erunt inibi degentes, ac etiam Univerſitatem Studii Bononiensis in aſperſione pretioſi Sanguinis Noſtri Salvatoris obſecramus, quatenus Collegium prælibatum, & ſingulas Perſonas ipſius, ac ipſorum jura, redditus, & bona velint pro Dei reverentia, & honore ac remiſſione ſuorum peccatorum habere propitius cum commenda ipſumque ſuis auxiliis, favoribus, & præliis conſovere. Scholares quoque, & Sacerdotes ipſius Collegii attente rogamus, ac Paternis affectibus exortamur, quod in timore Dei vitæ, & converſationis bonæ firmum faciant fundamentum: ſint conſtantes in ſtudio, lectionibus aſſidui; & in proficiendi deſiderio ſemper ardentes, ac lux lucernæ in bonis operibus reſplendentes, ut ſic qui fructum, & gradum ſui laboris expectant, prius diſcant, quod doceant: ſint continentia pudici, converſatione pacifici, dulces alloquiis, religioſi moribus, geſtu graves, ſint etiam caritate, dilectione, & humilitate, ſi exaltari velint a Domino, inter ſe conjuncti: & qui major eſt inter eos, Evangelici perſuaſione conſilii ſe reputet minimum: ſic denique in viſu eorum ſimplicitas, in auditu humilitas, claritas in intellectu, benignitas vultu, ſanctitas in mente, caritas in corde, ut ſic vita proficientes pariter, & Doctrina dignis attollantur honoribus in hac via, & mercedem a Domino repromiſſam conſequantur in Patria Beatorum.

§. 57. Nulli ergo omnino hominum liceat hanc paginam noſtrorum conſtitutionis, ordinationis, aſſociationis, donationis, ſtatuti, deputationis, rogationis, ſubrogationis, reſervationis obſecrationis, & exhortationis infringere &c.

Datum Avinioni quinto decimo Kalendas Januarii Pontificatus noſtri anno Secundo.

## X I.

Humiliatorum Ordinis Præpoſitos quamvis ab Apoſtolica Sede de Præpoſituris proviſos correctioni, & obedientiæ Magiſtri Generalis ejusdem Ordinis ſubjectos fore declarat.

Gregorius Episcopus, Servus Servorum Dei, Dilecto Filio Chriſtoforo Magiſtro Generali Ordinis Humiliatorum, Salutem, & Apoſtolicam Benedictionem.

Ex Regeſt. in Arch. Vatic.

Exordium.

Apoſtolice ſervitutis Nobis iniunctæ deſuper officium, mentem noſtram incitat, & inducit, ut circa ea, quæ pro ſtatu proſpero Perſonarum ſub Religionis habitu vacantium ſtudio piæ vitæ, ad perſeverantiam divini ſervitii opportuna fore conſpicimus, operoſis ſtudiis intendamus.

§. 1. Exhibita ſiquidem Nobis nuper pro parte tua petitio continebat, quod licet omnes, & ſinguli Præpoſiti Præpoſiturarum dicti Ordinis Magiſtro generali ipſius Ordinis pro tempore exiſten. tam ex Inſtitutionibus ejusdem Ordinis per Sedem Apoſtolicam approbatis, quam etiam de antiqua, & approbata, & hætenus pacifice obſervata conſuetudine ſubelliſſe noſcantur, & ad obſervantiam regularis diſciplinæ ſint aſtricti; Tamen nonnulli ex eiſdem Præpoſitis ex eo, quod ipſi Præpoſturas, quas obtinent, a Sede Apoſtolica ſe aſſerunt impetraſſe, a correctione, & obedientia tua ſe ſubtrahere conantes, præſtendunt ſe Tibi in aliquo non ſubelliſſe, nec teneri ad obſervantiam regularem in magnum ejusdem Religionis opprobrium, & contemptum Eccleſiaſtica Diſciplinæ: propter quod in ipſo Ordine magnum generatur ſcandalum, & majora exoriri exinde veriſimiliter formidantur.

Cauſæ faciendi Decreti.

§. 2. Quare pro parte tua Nobis extitit humiliter ſupplicatum, ut providere Tibi ſuper hoc de opportuno remedio dignaremur. Nos igitur hujusmodi ſupplicationibus inclinati volumus, & Apoſtolica auctoritate ſtatuiſſimus, & etiam ordinamus, quod Præpoſiti dicti Ordinis, qui ſunt, & erunt pro tempore perinde ſubjecti, & ad obſervantiam regularis diſciplinæ aſtricti exiſtant, ac ſi eos per Magiſtrum Generalem dicti Ordinis pro tempore exiſtentem, ſeu ejus auctoritate proviſum, ſeu electiones de ipſis factæ ejus auctoritate confirmatæ extitiſſent.

Decretum de quo in rubrica.

§. 3. Nulli ergo omnino hominum liceat hanc paginam noſtræ ordinationis, conſeſſionis, & voluntatis infringere &c.

Claufula.

Datum Avinioni Nonis Januarii Pontificatus noſtri Anno Tertio.

Dat. die 9. Januarii 1373. An. III.

## X II.

Exemptio Ordinis Fratrum B. Mariæ de Mercede Redemptionis Captivorum a ſolutione decimarum, de proventibus & redditibus eccleſiaſticis, per Sedem Apoſtolicam Regibus, & Principibus, vel aliis, conſeſſarum, & concedendarum.

Gre-

Romaniſ Pontif. & S. R. E. Cardinalibus ipſum Collegium commendat.

Scholares quoque ipſos ad ſtudia literarum, & ſpirituales quoque profectus excitat.

Claufula.

Dat. die 18. Decembris 1372. An. II.



Gregorius Episcopus, Servus Servorum Dei,  
Dilectis filiis Magistro Generali, & Fratri-  
bus B. Mariæ de Mercede Redemptionis  
Captivorum, Ordinis S. Augustini,  
Salutem, & Apostolicam Be-  
nedictionem.

Exordium:

**D**um salubria laborum vestrorum stu-  
dia, quibus vacatis assidue pro re-  
demptione Christi fidelium, qui ab inimicis  
fidei orthodoxæ miserabili captivitate deti-  
nentur, necnon multiplicia expensarum one-  
ra, quæ pro redemptione huiusmodi continue  
supportatis, diligenter attendimus, dignum  
reputamus, & congruum, ut vos, & loca  
vestra specialibus favore, & gratia prosequa-  
mur.

Causæ exem-  
ptionis con-  
cedendæ.

§. 1. Exhibita siquidem nobis pro parte  
vestra petitio continebat, quod licet omnes  
fructus, redditus, & proventus beneficiorum,  
domorum, & aliorum locorum vestrorum,  
una cum eleemosynis, quæ vobis a Christi fi-  
delibus largiuntur (victu, & vestitu vestris  
dumtaxat deductis) in redemptionem fide-  
lium Christianorum, qui per inimicos ejus-  
dem fidei captivi detinentur, converti de-  
beant, & etiam convertantur, tamen cum  
decimas reddituum, & proventuum ecclesia-  
sticorum Regibus, & aliis Principibus conce-  
ssas, levare seu exigere contingit, collectores  
decimarum huiusmodi, vos ad solutionem,  
seu præstationem decimarum ipsarum com-  
pellunt. Quare pro parte vestra nobis extitit  
humiliter supplicatum, ut cum Hospitalis  
sancti Joannis Hierosolymitani, de Calatra-  
va, & de Montesia domorum Magistri, &  
fratres, a solutione, seu præstatione decima-  
rum ipsarum exempti sint pehitis, & immu-  
nes, vos ut circa redemptionem Captivorum  
ipsorum melius, & liberius insistere valeatis,  
a præstatione seu solutione decimarum  
earundem eximere de benignitate Apostoli-  
ca dignaremur.

Exemptio de  
qua in rubri-  
ca.

§. 2. Nos igitur volentes vobis super hoc  
paterna sollicitudine providere huiusmodi  
supplicationibus inclinati, quod vos de ve-  
stris introitibus, ac beneficiorum, domo-  
rum, & aliorum locorum ipsorum fructibus,  
redditis, seu proventibus prædictis, decima-  
mam huiusmodi, cum ipsam quibuscumque  
Regibus, seu Principibus, aut aliis quibus-  
cumque per Sedem Apostolicam concedi  
contigerit in futurum, solvere, seu præsta-  
re, aut in ea cum aliis personis Ecclesiasti-  
cis contribuere minime teneamini, neque  
ad id a quoquam compelli possitis per literas  
Apostolicas, sub quacumque forma, vel ex-  
pressionem verborum concedendas, non fa-  
cientes plenam, & expressam, ac de verbo  
ad verbum, de indulto, & Ordine, ac do-  
mibus vestris huiusmodi mentionem, devo-  
tioni vestræ auctoritate Apostolica de spe-  
ciali gratia, tenore præsentium indulgemus,  
decernentes suspensionis, interdicti, ac ex-  
communicationis sententias, si quas contra  
vos, vel aliquem vestrum, aut domus, seu  
alia loca vestra prædicta, per quoscumque  
occasione præmissa ferri contigerit, seu etiam  
promulgari, irritas, & inanes. Nulli ergo  
omnino hominum liceat hanc paginam no-

Clausula.

strarum concessionum, constitutionum, &  
inhibitionum infringere, vel ei ausu teme-  
rario contraire. Si quis autem hoc attentat  
presumpserit, indignationem omnipoten-  
tis Dei, ac Beatorum Petri, & Pauli Apo-  
stolorum ejus se noverit incursum.

Datum Avenione XVI. Kal. Junii Pon-  
tificatus nostri Anno Tertio.

Dat. die 17<sup>o</sup>  
Maji 1373.  
An. III.

## XIII.

Declaratio, & limitatio auctoritatis, & fa-  
cultatum Cardinalis pro tempore Prote-  
ctoris Fratrum Ordinis Minorum S. Fran-  
cisci.

*Aliorum Ordinum Protectores majores his fa-  
cultates non habent. Has ergo ponere satis  
esse arbitratus sum, ut ceteris Regularibus  
usui esse possint.* Cherubin.

Gregorius Episcopus Servus Servorum Dei,  
Ad perpetuam rei memoriam.

**C**unctos Christi fideles super quibus  
curam ex debito officii Summi  
Pontificis gerere obligamur, per Præsiden-  
tes eisdem, sic caritative sicque provide, ac  
iuste cupimus gubernari, quod illi in viam  
mandatorum domini dirigantur, & hi ex  
merito præsidialis sollicitudinis, uberius su-  
pernæ remunerationis præmium nanciscan-  
tur.

Proemium.

§. 1. Sed nos nimirum in illis desidera-  
mus ardentius, & affectuoliori studio pro-  
curamus, quorum alii a mundanis abstra-  
cti, & gravibus poenitentiis dediti, cælesti-  
bus inhiant, & ad illa per contemplationis  
pennas suavius, & altius elevantur, ut aq-  
ilæ, & cum Maria parte optima perfruun-  
tur; alii vero sanctam sollicitudinem Mar-  
thæ sectantes, celebrationi divinorum va-  
cant solertius; alii discunt, & docent Dei  
scientiam, & alii plebem instruunt in eadem  
aliquæ ferventioris spiritus ardore succensi,  
non timentes, sed amantes barbaras natio-  
nes, ad illarum conversionem pergunt in-  
trepidi, ut valeant ad dominicam aream  
multos afferre manipulos, & de talentis eis  
creditis bonam domino reddere rationem.

§. 2. Hi profecto sunt fratres Minorum  
Ordinis in Dei Ecclesia multiplicibus splen-  
doribus radiantes, quorum sonus prædica-  
tionis & sanctitatis opera, præ cæteris reli-  
gionum professoribus, usque ad extremum  
terræ noscitur exivisse. Hi sunt quos Deus  
numero multiplicavit, & meritis, quibusque  
sicut & aliis bene currentibus in studio mi-  
lantis Ecclesiæ, æternum bravium, quod  
certatim apprehendere satagunt elargitur.  
Et propterea nos de ipsis digne curam vi-  
gilem gerimus, ut eos in his sanctis ope-  
ribus nil impediatur, nil perturbet, sed ipsi  
opportuna quietis dulcedine potiantur.

Ordinis Mi-  
norum Enco-  
mium.

§. 3. Sane cum in Beati Francisci Regu-  
la, cujus iidem fratres existunt, hæc verba  
contineantur expresse: videlicet: Per obe-  
dientiam ad hæc in iugo ministris, ut petant  
à Domino Papa unum de Sanctæ Ecclesiæ  
Cardinalibus qui sit Gubernator, Protector

In ipsa Re-  
gula manda-  
tur, ut Fra-  
tres aliquem  
S. R. E. Car-  
dinalem in  
Protectorem  
Ordinis pe-  
tant.

&amp;



Hic Ordo a  
Rom. Eccle-  
sia semper  
Cardinales  
Protectores  
obtinuit.

Iis vero suam  
potestate ni-  
mum ex-  
tendentibus.

Interdicitur  
quidquam  
immutare de  
Statutis in  
Capitulis Ge-  
neralibus, Pro-  
vincialibus  
&c.

Officiales or-  
dinis institue-  
re, aut depo-  
nere.

Quemquam  
ad gradum,  
aut lecturam  
promovere,  
&c. v. v.

De loco mo-  
vere.

Delinquentes  
punire, vel  
absolvere. &c.

& corrector istius fraternitatis, ut semper subditi, & subjecti pedibus ejusdem Sanctæ Romanæ Ecclesiæ, stabiles in fide Catholica, paupertatem & humilitatem & sanctum Evangelium Domini Nostri JESU CHRISTI quod firmiter promissimus observemus, iidem fratres existentes pro tempore, hujusmodi protectores dictæ Romanæ Ecclesiæ Cardinales successivis temporibus petierunt a Sede Apostolica, & etiam habuerunt.

§. 4. Sed aliqui eorumdem Protectorum putantes forte, bene, & licite, a certis temporibus citra, suam potestatem nimium extendisse dicuntur in pluribus, ex quibus in ipso Ordine gravia perturbationes & scandala sunt exorta.

§. Nos igitur ut idem Ordo in sua primeva quiete remaneat, de virtute in virtutem eat assidue, & quibuslibet amotis præpediis, eradicatisque spinis & tribulis, fructum non solum consuetum, sed etiam uberiores afferat, ad radicalem submotionem turbationum & scandalorum hujusmodi jam exortorum, & ne oriantur in posterum providere, ac ejusdem Ordinis Protectoribus, qui erunt pro tempore (cum nullus sit ad præsens Ordinis præfati protector) transgressionis suæ potestatis occasionem tollere efficaci remedio cupientes, Auctoritate Apostolica, eisdem Protectoribus districtius inhibemus, ne præsumant quæcumque ordinata, statuta, sive disposita, aut ordinata, statuenda, seu disponenda per generalia, vel provincialia, aut custodialia Capitula, infringere, reprobare, corrigere, suspendere, super ipsis, seu contra ea vel eorum aliquid quomodolibet immutare, nisi contra præmissos articulos in præfata regula ut præfertur, vel aliquem ipsorum existeret manifeste.

§. 6. Aut quemcumque Prælatus seu officialem dicti Ordinis, seu alicujus loci ejusdem, quocumque nomine nuncupetur, ponere seu instituire, aut deponere, destituere seu privare, aut a suo officio suspendere, seu impedire super ejus libero exercitio quovis modo.

§. 7. Aut aliquem fratrem Ordinis antedicti ad lectoratum aut quamcumque lecturam, seu studium vel gradum promovere, aut promotos ab eis, remove seu etiam revocare.

§. 8. Aut de loco ad locum mittere, aut mutare, sive alicui fratrum eorumdem eundi ad quodcumque Monasterium vel locum, alium, aut dominium, vel aliquam personam licentiam impertiri.

§. 9. Et ne insuper in quemvis singularem fratrem memorati Ordinis, de quocumque crimine vel delicto punire, vel a poena seu poenitentia liberare, aut eam minuere, augere, vel immutare.

§. 10. Aut etiam alicui fratri locum, cameram, cellam, libros, vel alias res dicti Ordinis concedere, vel ejus usui deputare.

§. 11. Aut quæcumque per Prælatos ejusdem Ordinis, aut alios deputare quomodolibet amovere.

§. 12. Nec etiam de rebus aut correctione fratrum dicti Ordinis (nisi in casibus præ-

*Bull. Rom. Tom. III. Pars II.*

missis contentis in præfata regula seu eorum aliquo) se aliquatenus intromittere quovis modo, ita quod dictus Ordo seu fratres ejusdem Ordinis, in nullo subsint futuris Protectoribus nisi dumtaxat in casu quo ipsorum fratrum communitas vel generale Capitulum, quod absit, a prædictis articulis, vel eorum aliquo deviant. Alioquin si secus fecerint id decernimus irritum & inane.

§. 13. Et nihilominus fratres, qui contra hujusmodi inhibitionem nostram quicquam impetrabunt, seu post inhibitionem hujusmodi utentur etiam per alios impetratis puniantur illis poenis, quibus essent pro gravibus culpis secundum statuta dicti Ordinis puniendi, & sint nihilominus actibus privati legitimis, & a suis, si qua habent, suspensi officiis ipso facto.

§. 14. Ceterum nos eosdem futuros Protectores hortamur attentius, quod per facti efficaciam sic nominis sui officii procurent effectum, quod Ordo ipse per eos non lædatur in aliquo, sed potius ab adversis (si quando forsitan imminerebunt) suo opportuno defensionis clypeo protegatur, & a noxiis præservetur. Sic acturi proinde, & æquitatis ac modestiæ limites servaturi, ut non trahatur ad noxam, quod provisum extitit ad salutem, sed ex caritativis gestis eorum, Ordo præfatus quietem & consolationem percipiat, & Protectores magnum apud Deum præmium fortiantur, & super contrario non oporteat dictæ Sedis providentiam aliud remedium adhibere. Nulli ergo &c.

Datum apud Pontem Sorgiæ Avinionen. Diæcesis, sexto Kal. Junii Pontificatus nostri Anno Tertio.

Qua punien-  
di Pena Fra-  
tres quid-  
quam ex al-  
latis a Protec-  
toribus obti-  
nentes?

Adhortatio  
ad ipsos Pro-  
tectores.

Dat. die 27.  
Maii 1373.  
An. III.

#### XIV.

Quod Officiales Status Ecclesiastici, neminem cogant ad granum, ligna, & similia, absque solutione iusti pretii sibi deferendum.

Gregorius Episcopus, Servus Servorum Dei.  
Ad perpetuam Rei Memoriam.

**R** elevationi injustorum gravaminum nostrorum subditorum, præsertim pauperum, providere pietatis studiis cupientes,

Exordium.

§. 1. Universis, & singulis Apostolicæ Sedis Legatis, ac Vicariis Gubernatoribus nostris, & successorum nostrorum Romanorum Pontificum, etiam si sint Romanæ Ecclesiæ Cardinales, Thesaurarii, & Rectoribus generalibus, necnon Rectoribus, & Marescallis, ac Potestatibus, Capitaneis, Depositariis, Judicibus, Castellanis, & aliis quibuscumque officialibus nostris, & ejusdem Ecclesiæ, quocumque nomine nuncupentur, presentibus & futuris in civitatibus Bononiæ & Perusii, earumque Communitatibus, & districtibus, necnon Romandiolæ, Marchiæ Anconæ, Ducatus Spoletani, Patrimonii Beatri Petri in Tuscia, Campaniæ, Maritimæ, & Massæ Trabariæ Provinciis, & aliis civitatibus, terris, & locis dictæ Ecclesiæ immediate subiectis, (quorum nomina haberi volumus presentibus pro expressis) tenore præsentium districtius inhibemus, ne

Constitutio  
de qua in ru-  
brica.

Y y

fru-



1373.

frumentum, & alia balda, vinum, ligna, foenum, paleas, aut res alias ad ipsorum, seu officialium, familiarium, & hospitiorum suorum, vel aliorum quorumcumque usum spectantia, per cives, & incolas dictarum civitatum, communitatum, districtuum, provinciarum, terrarum, & locorum, seu per ipsorum civium, & incolarum navigia, currus, aut animalia, gratis, sine iusto, & integro naulo, & prämio statim solvendo deferri faciant, seu compellant.

Obstantium  
derogatio.

§. 2. Non obstantibus statutis, constitutionibus mandatis, & consuetudinibus contrariis quibuscumque, quæ per præsentis revocamus, cassamus, & viribus vacuamus.

Pena inobe-  
dientium.

§. 3. Nos enim, omnia & singula præcepta, damna, multas, condemnationes, & alias penas, si quæ contra nostram huiusmodi inhibitionem, sint vel in posterum fuerint attentata, ex nunc decernimus irrita, & nullius penitus existere firmitatis. Et nihilominus, omnes & singuli, qui contra nostram prædictam inhibitionem, five ex sua temeritate, five ex alieno mandato venire præsumperint, cuiuscumque dignitatis, status, ordinis, conditionis existant, etiam si Pontificali, aut alia quavis fulgeat dignitate, præter dictæ Ecclesiæ Cardinales, excommunicationis incurrant sententiam ipso facto, & duplum ejus, quod pro prædictis solvere debuerint, illis quos super præmissis gravaverint, restituere teneantur, nulla in hac parte remissione, directe vel indirecte faciendâ eis aliquatenus valitura. Qua quidem sententia (cujus absolutionem Sedi Apostolicæ specialiter reservamus) nullus possit absolui, nisi satisfactio, & duplum huiusmodi realiter fuerit primitus persoluta. Nulli ergo, &c.

Dat. die 15.  
Junii 1373.  
An. III.

Datum apud Pontem Sorgiæ, Avenionensis diocesis, decimo septimo Kalendas Julii, Pontificatus nostri anno Tertio.

## X V.

Ex Regest.  
in Archiv.  
Vatic.

De Scriptura Literarum Apostolicarum per Scriptores juxta distributionem Secretariorum cito faciendam, & inobedientium poena.

Gregorius Episcopus Servus Servorum Dei,  
Ad perpetuam Rei Memoriam.

Scriptura Li-  
terarum Apo-  
stolicarum ci-  
to faciendâ.

§. 1. **S**tatutum per felicitis recordationis Urbanum Papam quintum Prædecessorum nostrum editum super scribendis Apostolicis literis per Scriptores literarum ipsarum existentes protempore ex certis rationabilibus causis modificantes, & penas in eo appositas, cum periculosè forent nimium, penitus amoventes, universis, & singulis scriptoribus earumdem literarum auctoritate Apostolica præsentium tenore mandamus, quod literas de curia, & alias de nostro vel Successorum nostrorum Romanorum Pontificum mandato gratis scribendas, quæ per nostros, seu eorumdem Successorum Secretarios, aut Rescribendarium, qui pro tempore fuerit distributionem eisdem

fideliter infra competentem terminum eis per aliquem ex eisdem Secretariis, vel eundem Rescribendarium assignandum cessante impedimento legitimo, quod Secretariis distribuentibus minutas statim notificare debeant de bona litera scribere vel per se, vel per substitutos suos scribi, si eis concessum fuerit, quod per substitutos scribi faciant, non postponant, & postquam illas scripserint ipsas mittant Secretariis, qui minutas fecerint, nec expectent, quod super hoc ab aliquo requirantur.

§. 2. Alioquin contrafacientes emolumento officii Scriptoriæ per unum mensem absque remissione qualibet, quæ per nos vel successores eosdem possit fieri, sint suspensi: Et in hoc ejusdem Rescribendarii, qui referentibus Secretariis super hoc credere debeat conscientiam oneramus.

Pena inobe-  
dientium.

§. 3. Nulli ergo omnino hominum liceat hanc paginam nostræ constitutionis infringere &c.

Clausula.

Datum apud Villam novam Avinionem Diocesis undecimo Kalendas Augusti Pontificatus nostri anno Tertio.

Dat. die 22.  
Julii 1373.  
An. III.

## X V I.

Religiosi cuiuscumque Ordinis etiam Mendicantium, quamvis Sedis Apostolicæ sint Cappellani, eorum Superioribus subiecti remaneant.

Gregorius Episcopus Servus Servorum Dei,  
Ad perpetuam Rei Memoriam,

**P**er Romani Pontificis providentiam circumspectam, sic Sedis Apostolicæ privilegia & indulta moderari dignoscuntur, quod in eis materia malignandi nulli detur, ac personæ, quæ sub religione vacare debent studio piæ vitæ, a bono obedientiæ, & perseverantia divini servitii nullatenus retrahantur.

Exordium.

§. 1. Sane nuper ad nostrum relatione fide digna pervenit auditum, quod nonnulli Religiosi etiam Mendicantes qui in Cappellanos Sedis Apostolicæ se recipi procurarunt, propterea bonum obedientiæ & correctionem recusantes, per mundum per plurimum sine suorum Superiorum licentia, sæpius evagando discurrunt, & quandoque ad Romanam Curiam accedunt, asserentes sine suorum Superiorum licentia se hoc facere posse.

Causa ferenda legis.

§. 2. Nos igitur in præmissis, prout ex debito tenemur Pastoralis officii, salubriter providere cupientes, auctoritate Apostolica tenore præsentium statuimus, volumus & etiam ordinamus, quod omnes & singuli Religiosi quorumcumque Ordinum, etiam Mendicantium dictæ Sedis Cappellani, qui sunt & in antea erunt, perinde eorum Superioribus & Correctoribus ipsorum, in omnibus & per omnia sint subiecti, ac si prædictæ Sedis Cappellani non essent.

Declaratio  
de qua in ru-  
brica.

§. 3. Non obstantibus exceptionibus seu exemptionibus, & aliis quibuscumque privilegiis, indulgentiis, gratiis literis Apostolicis, Cappellanis dictæ Sedis & alias communiter vel divisim sub quacumque forma & expressione verborum à dicta Sede con-

Obstantium  
derogatio.



cessis, & in posterum concedendis, etiam si de illis plena & expressa mentio de verbo ad verbum in presentibus sit habenda, quæ quo ad hoc alicui in nullo volumus suffragari. Nulli ergo &c. nostræ constitutionis, voluntatis, & ordinationis infringere &c.

Datum Avinioni quinto Idus Novembris, Pontificatus nostri Anno tertio.

Dat. die 9.  
Novembris  
1373. An. III.

## XVII.

Quod Ecclesiarum Prælati, seu locorum Ordinarii occasione presentationum, & institutionum per Magistrum & fratres S. Joannis Hierosolymitani de Personis idoneis ad Beneficia curam animarum habentia factarum ab eisdem nil penitus exigant vel audeant extorquere.

Gregorius Episcopus, Servus Servorum Dei. Ad Futuram Rei Memoriam.

**I**ustis petentium votis illis præsertim, per quæ Religiosa, & alia pia loca, ac Personæ degentes in eis a gravaminibus releventur libenter annuimus, illaque favore prosequimur opportuno.

Ex Regest. in  
Arch. Vatic.

Exordium.

§. 1. Exhibita siquidem nobis pro parte Dilectorum Filiorum Magistri, & Fratrum Hospitalis Sancti Joannis Hierosolymitan. petitio continebat, quod licet eis a Sede Apostolica indultum existat, ut ipsi Fratres presbyteros Hospitalis ejusdem, vel seculares Clericos ad regimen Parochialium Ecclesiarum idoneos ad hujusmodi Parochiales Ecclesias, quæ ad ipsorum præsentationem pertinent, cum vacant, locorum Diocesani, seu aliis ordinariis pro Vicariis perpetuis inibi instituendis, valeant præsentare; ipsique Diocesan. & ordinariis Presbyteros & Clericos ipsos sic eis per eisdem Magistrum & Fratres legitime præsentatos in Vicarios perpetuos ipsarum Ecclesiarum sine difficultate qualibet instituere, & investire teneantur; tamen iidem Diocesani dictos Presbyteros, & alios Clericos idoneos cum eis ad easdem Parochiales Ecclesias, cum vacant, per ipsos Magistrum, & Fratres præsentantur, absque magnis pecuniarum quantitatibus sine causa rationabili instituere, & investire differunt, & etiam contradicunt in animarum periculum, divini cultus diminutionem, ac Magistri, & Fratrum prædictorum præjudicium & gravamen; Quare pro parte Magistri, & Fratrum eorumdem nobis extitit humiliter supplicatum, ut providere eis super hoc de opportuno remedio dignaremur.

Præsentati, de  
quibus in rubrica  
ab Episcopis gravati.

Sanctio ad  
eorundem in  
demonstrationem.

§. 2. Nos cupientes in præmissis paterna sollicitudine providere, hujusmodi supplicationibus inclinati, universis, & singulis Locorum Ordinariis, qui sunt, & erunt pro tempore, auctoritate Apostolica præcipiendo mandamus, quatenus hujusmodi Fratres Presbyteros, & alios clericos, quos per ipsum Magistrum, & Fratres ad easdem Parochiales Ecclesias, quæ ad ipsorum præsentationem pertinent, ut præfertur, eis contigerit legitime præsentari, dummodo iidem Presbyteri, & clerici ad regimen Ecclesiarum ipsarum fuerint idonei, in perpe-

Bull. Rom. Tom. III. Pars II.

tuos Vicarios Ecclesiarum earundem, ad quas præsentati fuerint, ut præfertur, libere absque more dispendio instituere, & investire procurent: districtius inhibentes eisdem Diocesani, & ordinariis, ne deinceps ab eisdem Magistro, & Fratribus ac Presbyteris, seu Clericis eis taliter præsentandis, seu aliis quibuscumque Personis occasione institutionum, seu investiturarum hujusmodi quocumque colore, seu modo quesito aliquid exigere, seu extorquere præsumant.

§. 3. Nulli ergo omnino hominum liceat hanc paginam nostræ Inhibitionis infringere &c.

Clausula.

Datum Avinioni Kalendis Martii Pontificatus nostri anno Quarto.

Dat. die 1.  
Martii 1374.  
An. IV.

## XVIII.

De auctoritate, & facultatibus munereque Magistri Generalis & aliorum Prælatorum, Fratrum Prædicatorum Ordinis S. Domini, gratiisque & privilegiis ejusdem Ordinis.

Gregorius Episcopus, Servus Servorum Dei. Dilectis filiis Magistro, Prioribus, & Fratribus universis Ordinis Prædicatorum, Salutem & Apostolicam Benedictionem.

**V**irtute conspicuos sacri vestri Ordinis professores, qui contemplationis celestium ferventer invigilant, & piæ vitæ studio sine intermissione defudant, decet per Apostolicæ circumspectionis auxilium sic provide dirigi, & solcite confoveri, ut aliquis prætextu calumniæ, nullum internæ pacis excidium, nullumque religiosi status perferant detrimentum, sed in his robur & vigorem habeant, per quæ circa cultum divini nominis devotis, & quietis mentibus invalescant.

Proemium.

§. 1. Hinc est quod cum sicut nobis exponere curavistis, tu fili Magister, & predecessores tui, juxta ejusdem Ordinis consuetudinem observatam hætenus, ac a Sede Apostolica toleratam, statim postquam electi secundum prædicti Constitutiones Ordinis extitistis, fratrum ipsius curam gesseritis, Magisterii officium plene ac libere in omnibus exercentes, iidemque fratres vobis devote ac humiliter obedierint, & intenderint reverenter, ac in eodem Ordine sit statutum, ut Magister ipsius, qui pro tempore fuerit, a Magisterii officio amoveri valeat a Definitoribus Capituli generalis;

Causa hujus  
Constitutionis.

§. 2. Non volentes ambiguitatis scrupulum in hac parte de vestris cordibus amputare, ac Ordinem ipsum præfatæ Sedi immediate subiectum, a Sede approbatum eadem, honestate floridum, præclarum scientia, & virtute facundum, privilegio Apostolicæ gratiæ attollere singulari, vestris supplicationibus inclinati, devotionis vestræ ad instar felicitis recordationis Bonifacii VIII. & Benedicti XI. Roman. Pontific. predecessorum nostrorum, ut successores tui, fili Magister, qui erunt pro tempore, statim postquam electi secundum Constitutio-

Magister Generalis statim ac fuerit electus, Ordinis regimen assumit.



nes fuerint supradictas, eo ipso veri ejusdem Ordinis Magistri effecti, curam animarum fratrum ipsius Ordinis plene habeant, & libere gerant, ipsosque fratres auctoritate propria ligare ac solvere, necnon in eodem Ordine agere valeant, quæ ipsi, & præfati Ordinis Definidores juxta prædictas Constitutiones eidem Ordini & fratribus secundum Deum viderint expedire, aliasque possint officium Magisterii licite in omnibus exercere, iidemque fratres, tibi Magistro, & successoribus tuis devotè & humiliter, obediant & intendant.

Ejus amotio  
ad Definitor-  
es Ordinis  
spectat.

§. 3. Et præfati successores, & tu Magister a Definitoribus Capituli generalis ordinis ipsius, secundum Ordinis Constitutiones ejusdem, absolui & amoveri possitis, auctoritate Apostolica indulgemus. Ratum habentes & firmum, quicquid super præmissis per te Magister, dictosque prædecessores, fratres, & Definidores factum & observatum est hætenus, concessa tibi exequendi magisterii officium, quo ad præmissa omnia, & alia, libera facultate,

Lectores ubi-  
que absque li-  
centia do-  
cent.

§. 4. Fratres autem de Ordine vestro, quos secundum Constitutiones ipsius Ordinis Conventibus vestris deputandos duxeritis in Lectores, sine alterius cujuscumque licentia, libere in domibus prædicti Ordinis legere, & docere valeant in Theologica facultate, illis locis exceptis, in quibus viget Studium generale, ac etiam quilibet in facultate ipsa docturus, ut Magister incipere solemniter consuevit.

In iis quæ in-  
stituta Ordi-  
nis respiciunt  
Ordinarii lo-  
corum se non  
immisceant.

§. 5. Et licet Episcopis & Diocesanis, debitam & devotam obedientiam impendatis, nolumus tamen, quod circa instituta, & præcipue super institutione & destitutione Priorum ejusdem Ordinis, ex hoc præjudicium aliquod incurratis.

De Priorum  
confirmatio-  
ne.

§. 6. Quando vero in aliquo capitulo, vel Conventu vestri Ordinis, de Provinciali vel Conventuali Priore occurrerit electio facienda, si ex aliqua causa factam electionem à fratribus ejusdem Ordinis quorum interest, non contingat forsitan confirmari, Superior ad quem confirmatio electionis hujusmodi pertinet, aliquem de illis fratribus, quos ipsi electores, vel major pars eorum per litteras suas ab eo petierint, quando ad ipsum pro electi confirmatione transmittunt, eis de nostra licentia concedere valeant Priorem.

Vocalibus  
longe absen-  
tibus tempus  
non currit.

§. 7. In electionibus quoque eorumdem Magistris, & Priorum provincialium ipsius Ordinis, fratribus, qui debent electionem hujusmodi celebrare (cum eos frequenter de remotis partibus oporteat convenire) tempus super hoc statutum à jure non currat, nec ipsi in hac parte juris regulis coarctentur.

Fratres ab-  
que examine  
ad Ordines  
promovendi.  
Hoc revoca-  
vit Concilium  
Trident. Sess.  
7. c. 11. §.  
Sess. 21. c. 12.

§. 8. Et quia ejusdem Ordinis fratres de locis ad loca ipsius Ordinis sæpius transmittuntur, propter quod stabilem & perpetuam in certis & determinatis ejusdem Ordinis domibus non faciunt mansionem, quia etiam bonos & idoneos, ac probatos à vobis fratres facitis ad ordines promoveri, liceat vobis ordinando fratres ejusdem Ordinis, qui-

buscumque malueritis Catholicis Pontificibus, communionem & gratiam Apostolicæ Sedis habentibus, præsentare, ipsisque Pontificibus præsentatos à vobis fratres sine quolibet examinatione per eosdem Pontifices facienda, & absque omni promissione, vel obligatione ipsorum ordinandorum fratrum, ad ordines promovere.

§. 9. In locis autem in quibus degitis, liceat vobis habere Oratoria, in quibus cum Altari portatili possitis missarum solemnias, & alia divina officia celebrare, ac etiam recipere Ecclesiastica Sacramenta.

§. 10. Cum generale interdictum fuerit, in Ecclesiis & Oratoriis vestris, & aliis quibuscumque, cum ad loca perveneritis Ecclesiastico supposita interdicto, clausis januis interdictis & excommunicatis exclusis, non pulsatis campanis, & submissa voce, liceat vobis celebrare divina, & Ecclesiastica recipere Sacramenta, dummodo causam non dederitis interdicto, nec contingat id vobis specialiter interdicti, nec Ecclesiæ, vel Oratoria ipsa fuerint specialiter interdicta. Iis vero, qui in vestris morantur obsequiis, cuncta libere ministrare possitis Ecclesiastica Sacramenta, & ipsos cum decedunt in vestris Oratoriis sepelire. Si quando autem in terris, in quibus residetis, vel earum personas, excommunicationis, seu interdicti sententias contigerit promulgari, pueri vestris serviitiis deputati, negotiorumque vestrorum procuratores, & operarii, qui in vestris locis, eorum operibus personaliter continue insisterint, hujusmodi sententiis obnoxii minime habeantur, ibique possint audire divina, juxta formam, quæ locis ipsis, eo casu à Sede Apostolica est concessa, nisi eisdem causam dederint, vel excommunicari specialiter, seu interdicti contingat eosdem. Et quia vos extremam patientes pro Christi nomine paupertatem, exhortationis pio studio, bonos ad potiora dirigitis, & errantes in rectitudinis semitam laudabiliter revocatis, concedimus, ut in excommunicatorum terris libere commorari, & ab eis tunc etiam quando vos, vel ipsos transire contigerit, necessaria vitæ deprecari, ac recipere valeatis.

§. 11. Magister quoque, & singuli Priores, Provinciales, & Conventuales, ac vices eorum gerentes in Provinciis, & Conventibus ac locis sibi commissis pro dictis fratribus constitutis ibidem, necnon & fratribus aliis ejusdem Ordinis, interdum ad eos declinantibus undecumque, absolutione & dispensatione indigentibus, sive priusquam intraverint Ordinem, sive post, in casibus quibus exceßerint, pro quibus excommunicationis, vel interdicti, aut suspensionis incurrerint sententias, a jure vel a iudice generaliter promulgatas, & hujusmodi sententiis innodati, aut in locis suppositis Ecclesiastico interdicto divina officia celebrantes, vel suscipientes ordines sic ligati notam irregularitatis incurrerint, absolutionis & dispensationis beneficium valeant impartiri, nisi adeo gravis fuerit, & enormis excessus, quod sint ad eandem Sedem merito destinandi.

De Oratoriis.

Tempore In-  
terdicti sacris  
possunt ope-  
rari.  
Attende Con-  
cil. Trident.  
Sess. 25. c. 12.

Facultas Præ-  
latorum ab-  
solvendi Fra-  
tres.



Et Fratrum  
ipſos abſol-  
vendi Præla-  
tos.

§. 12. Fratres etiam veſtri quos pro tem-  
pore vos Magiſter, & Priores, tam Provin-  
ciales, quam Conventuales necnon & vices  
veſtras gerentes, in proprios habueritis Con-  
ſeſſores, abſolutionis, & diſpenſationis bene-  
ficiū vobis (cum expedierit) valeant im-  
partiri, juxta formam conſeſſionis ſuper ab-  
ſolutione, & diſpenſatione fratrum ejuſdem  
Ordinis ſuperius vobis factæ.

Ac Prælatos  
abſol-  
vendi in ip-  
ſum Ordinem  
ſcoopandos.

§. 13. Ad hæc, volentibus veſtro aggre-  
gari Collegio, qui ſuſpenſionis, aut interdi-  
cti, vel excommunicationis ſententiis a jure  
vel a iudice promulgatis, generaliter ſunt  
ligati, abſolutionis beneficiū (obſervata  
forma Cænonica) impartiri, ipſosque in fra-  
tres recipere, ac eos, qui poſt aſſumptum ha-  
bitum, vel profeſſionem emiſſam, recolue-  
rint ſe talibus in ſæculo fuiſſe ſententiis inno-  
datos, ſecundum formam ipſam, vos Magi-  
ſter, & ſinguli Priores, Provinciales, & Con-  
ventuales, ac vices veſtras gerentes, valeatis  
abſolvere, & cum irregularibus diſpenſare,  
ſi forſitan talibus innodati ſententiis, vel in  
locis interdicto ſuppoſitis divina præſumpſe-  
rint officia celebrare, vel ordines ſuſcepe-  
rint, ita tamen, quod ſi aliqui ex huiusmodi  
eiſdem ſententiis propter debitum ſint ad-  
ſtricti, ſatiſfaciant ut tenentur. Cæterum,  
veſtra diſcretio caute provideat, ut Apoſto-  
licæ Sedis, Legatorum ipſius, & Ordinatio-  
rum locorum, in abſolutionibus huiusmodi  
ſcandalum evitetur.

A nonnullis  
exempti de-  
clarantur Fra-  
tres.  
Quoad pu-  
blicationem  
excommuni-  
cationis Vide  
Concil. Trid.,  
loc. cit.

§. 14. Porro quieti veſtræ providere vo-  
lentes, quod per literas Apoſtolice Sedis,  
aut Legatorum, ſeu delegatorum ipſius,  
conveniri a quoquam minime valeatis, &  
quod ad pecuniam colligendam cogi non  
poſſitis inviti per literas ipſius Sedis de cete-  
ro impetrandas; quodque nullus veſtrum cor-  
rectionis, ſeu viſitationis, vel inquisitionis  
officiū, Monasteriis, vel Eccleſiis, ſive  
quibuſcumque perſonis impendere, vel ad  
cognitiones cauſarum, citationes partium,  
& denunciations ſententiarum, interdicti,  
& excommunicationum procedere, aut reci-  
pere curam Monialium, ſeu Religioſarum,  
quarumlibet perſonarum teneatur, per Apo-  
ſolicas literas impetratas & in poſterum im-  
petrandas, niſi huiusmodi Apoſtolice literæ,  
de hoc indulto, & ordine veſtro expreſſam  
fecerint mentionem, auctoritate vobis Apo-  
ſolica indulgemus. Concedimus etiam, ut  
ad viſitandum aliqua Monasteria Monialium  
cuiuſcumque Ordinis compelli aliquatenus  
non poſſitis, aut recipiendum commiſſiones  
cauſarum, ſeu ſententiarum executiones, vel  
alia contingentia cauſas ipſas, per literas  
præfatæ Sedis, in quibus facta non fuerit de  
indulgentia huiusmodi mentio ſpecialis, ſive  
per Legatos, vel delegatos ipſius. Nullus  
inſuper Archiepiſcopus, vel Epicoſus, nul-  
luſque alius Prælatuſ Eccleſiaſticus, vel eo-  
rum Vicarii, vel officiales, ad portandum,  
vel deferendum literas, vel exequendum,  
aut denunciandum ſententias contra Princi-  
pes ſæculares, Communitates, Populos, ſeu  
quoscumque benefactores veſtros, nulluſque  
delegatus, vel Ordinarius iudex, ad facien-  
dum citationes vel commiſſiones recipiendas,

ſive quod ſitis in cauſis aliquibus aſſeſſores,  
ſeu ad alia lites & controverſias contingen-  
tia, in cauſis, quæ coram ipſis tractantur,  
quemquam veſtrum compellere valeant, ſine  
prædictæ Sedis mandato, & licentia ſpeciali,  
expreſſam faciente de hac indulgentia men-  
tionem, nec quiſquam veſtrum parere, vel  
intendere teneatur ſuper his monitionibus, &  
mandatis, aut juſſionibus eorundem, aut  
facere, vel implere, quod in hac parte du-  
xerint iniungendum.

§. 15. Cæterum Magiſtri, & ſinguli Prio-  
res, Provinciales, atque ipſorum Vicarii, il-  
los ex fratribus, de quibus auctoritate litera-  
rum Sedis Apoſtolice, vel Legatorum ipſius,  
Archiepiſcopis, & Epicoſis, vel aliis qui-  
buſcumque proviſum extitit, vel in poſterum  
contigerit provideri, corrigere, ac non ob-  
ſtante contradictione aliqua poſſint ad ſuum  
Ordinem revocare, nec per literas ejuſdem  
Sedis, ſeu Legatorum ipſius jam de cætero  
obtinendas, aliquos de fratribus ipſius Ordi-  
nis, præſatis Archiepiſcopis, & Epicoſis aut  
aliis teneantur in ſocios deputare, niſi dictæ  
literæ Apoſtolice obtinendæ de indulto hu-  
juſmodi, & Ordine ipſo expreſſam fecerint  
mentionem, & alias id honeſtati Ordinis, &  
illorum ſaluti viderint expedire. Nullus au-  
tem Legatus niſi de latere noſtro maiſſus au-  
thoritate literarum Sedis Apoſtolice ſpecia-  
lem de hoc indulto, & Ordine veſtro non  
facientibus mentionem, nulluſque Prælatuſ,  
aut aliqua perſona religioſa vel ſæcularis, de  
fratribus ejuſdem Ordinis, ſeu Cardinalis  
Romanæ Eccleſiæ, ad ſua, ſeu Eccleſiæ ne-  
gocia procuranda, vel ſecum manendum,  
aliquos aſſumere valeant, niſi quos Magiſter,  
vel Prior provincialis ipſorum, tamquam ido-  
neos & diſcretos ſibi duxerint aſſignandos,  
quos etiam volumus ſubjacere Ordinis diſci-  
plinæ.

§. 16. Illos verò Ordinis ipſius fratres,  
qui ad prædicandum crucem vel inquiren-  
dum contra hæreticam pravtatem, ſeu ad  
aliam huiusmodi negocia ſunt, vel fuerint  
deputati, ubicumque a Sede Apoſtolica, tu  
ſi Magiſter, tuique ſucceſſores remove-  
re, ſeu revocare, & penitus transferre, ipſiſque  
quod ſuperſedeant injungere, alioſque ſub-  
ſtituere, cum expedire videtis licite, & li-  
bere valeatis, ac in eos, ſi contravenerint,  
cenſuram Eccleſiaſticam exercere, ac quilibet  
Prior provincialis, vel ejus Vicarius  
ejuſdem Ordinis, quibus ab eadem Sede ſi-  
milis contigerit in illa committi, facere poſ-  
ſit, non obſtantibus aliquibus literis, vel in-  
dulgentiis Apoſtolicis, impetratis vel in po-  
ſterum impetrandis, quæ de hoc non fece-  
rint mentionem.

§. 17. Inhibemus quoque, ne quis poſt  
profeſſionem in Ordine veſtro factam ab ipſo  
Ordine ſine Magiſtri, vel ſui Prioris licen-  
tia diſcedat: diſcedentem vero abſque cau-  
tione literarum alterius ipſorum prætextu ali-  
cuius privilegii Apoſtolice Sedis, nullus au-  
deat retinere. Quod ſi forte retinere præ-  
ſumpſerit, vobis Magiſter, & ſinguli Priores  
dumtaxat, & veſtris Vicariis licitum ſit, in-  
ipſos diſcedentes fratres excommunicationis ſen-

Prælati Or-  
dinis revo-  
cant Fratres  
extra eum  
morantes.  
Hoc etiam  
ſtatuit Con-  
cil. Trident.  
Seſſ. 25. c. 4.

Idem demiffis  
ad prædican-  
dum, Inqui-  
ſitoribus &c.

Profeſſi rece-  
dentes ab Or-  
dine abſque  
licentia coer-  
centur una-  
cum eos reti-  
nentibus.



sententiam promulgare : detinentes vero eodem secum, vel in Monasteriis, seu Ecclesiis suis ( nisi eos iniecerint ) postquam eis denunciatum fuerit, excommunicationis sententiae volumus subiacere : non obstante, quod excommunicari, suspendi, vel interdicti non possint per literas Apostolicas non facientes plenam & expressam de indulto huiusmodi mentionem.

Item licentia-  
ti ad stric-  
torem Or-  
dinem non  
transierint.

§. 18. Si vero aliqui de fratribus vestri Ordinis post obtentam licentiam a Sede praedicta, aut a vobis ad religionem aliam transeundi, infra duos vel tres menses se ad illam religionem suae salutis congruam non contulerint, & ipsius non susceperint habitum regularem, licitum sit vobis singulis, Magistro & Prioribus, ac vices vestras gerentibus, contra ipsos tamquam contra alios vestri Ordinis apostatas procedere, secundum quod honestati dicti Ordinis videritis expedire. Illud idem intelligi volumus de illis, qui post susceptionem habitus alterius religionis, infra tempus probationis nulla professione facta, inde praesumpserint resilire, aut etiam si post professionem huiusmodi ad religionem laxiorem, seu mitiorem Ordinem transferint, vel ( quod absit ) ad saeculum revertantur, vos volumus contra ipsos rigorem vestri Ordinis exercere.

Item Apostata  
ab Ordine.

§. 19. Apostatas quoque vestri Ordinis excommunicare, capere, ligare, incarceratione, & alias subdere disciplinae rigori possitis, per vos, ac etiam alios, in quocumque habitu contigerit eos inveniri, invocato ad hoc ( si opus fuerit ) auxilio brachii saecularis.

Ejecti, vel  
egressi ab Or-  
dine non praedi-  
cent, nec  
vi aliis Ordini-  
bus recipi-  
antur.

§. 20. Inhibemus etiam, ne fratres quos ab Ordine vestro pro suis culpis, per Magistrum vel Priores, ac eorum Vicarios expelli contigerit, vel qui egressi fuerint proprio suo motu, praedicare, confessiones audire, seu docere praesumant, nisi ad alium Ordinem in quo licite huiusmodi exerceantur officia, transferint, de nostra vel Magistri, seu Prioris, vel Vicariorum ipsorum licentia speciali. Quod si forte ipsi contra huiusmodi inhibitionem nostram aliquid super praemissis temere attentare praesumpserint, vos Magistri, & singuli Priores, vel vestri Vicarii, in illos, quos infra fines praedicationis suae, juxta consuetudinem Ordinis vestri distractos inveneritis talia perpetrantes, monitione praemissa, auctoritate nostra excommunicationis sententiam valeatis promulgare. Ejectos autem de Ordine vestro, vel egressos, qui receptione in eodem ordine suis culpis exigentibus reddiderint se indignos, & alios fratres ejusdem Ordinis ex rationabili causa ad quoscumque Ordines approbatos ( praeterquam ad B. Augustini, hospitaliariorum, & aliorum religiosorum arma portantium ) ad vitandam occasionem evagandi, vos Magister, & singuli Priores, seu vestri Vicarii, cum testimonialibus literis, auctoritate nostra, licentiandi liberam habeatis facultatem. Nos enim districtius inhibemus, ne tales ad alium Ordinem aliter transire, vel aliqui eos recipere seu retinere praesumant, absque licentia speciali Sedis Apostolicae faciente de hoc plenariam mentionem.

§. 21. Inhibemus etiam, ut nulli, sive sit in religionis Ordine, sive extra Ordinem constitutus, habitum vestrum, aut ita confimilem, quod propter eum frater praedicator credi possit, deferre liceat, absque mandato Sedis Apostolicae speciali. Et ut dicta inhibito majorem consequatur effectum, statuimus, ut hi, qui habitum vestrum aut sibi similem praedicto modo deferre praesumpserint, ad deponendum ipsum per Diocesanos locorum ( cum a vobis requisiti fuerint ) monitione praemissa, per centuram Ecclesiasticam, appellatione postposita, compellantur.

Habitus simili-  
lis aliis inter-  
dictus.

§. 22. Ceterum, cum humilitas vestra sibi de latitudine Orbis terrae nil praeter domos, & hortos cum virgultis praemiorum obtentu coelestium duxerit reservandum, nos pie volentes, quod illorum fructus vestrae paupertatis usibus applicentur, ut de dictis hortis, & virgultis vestris nulli decimam teneamini exhibere, vobis auctoritate praesentium indulgemus, districtius inhibendo, ne quis a vobis de praemissis aliquid exigere, vel extorquere praesumat.

Ordo Praedi-  
catorum a  
Decimis ex-  
emptus.

§. 23. Quia vero nonnulli vestrae religionis abitum assumentes, diversis personis, quae sciri & inveniri non possunt, aliqua bona restituere interdum tenentur, vobis Magistro, & Prioribus, ac Vicariis praedictis concedimus, quod singuli vestrum, in locis sibi commissis, bona ipsa in pios usus convertere valeant, prout secundum Deum viderint expedire.

De bonis Or-  
dinis profi-  
tentium.

§. 24. Sepulturam quoque in locis, Coemeteriis, & Ecclesiis vestris concedimus, & eam libera esse censemus, ut eorum devotioni, & extremae voluntati, qui se illic sepeliri desideraverint ( nisi excommunicati, vel interdicti, aut etiam publice usurarii fuerint ) nullus obstat, salva tamen iustitia illarum Ecclesiarum a quibus mortuorum corpora assumuntur.

Sepultura in  
locis Ordinis  
cuique libera.

§. 25. Districtius inhibentes, ut nulli Religiosi, vel saeculares, vobis invititis, aliquorum corpora defunctorum in vestris Coemeteriis sepellire, aut in Ecclesiis vestris missarum solemnia, vel pro animabus eorum qui ad loca vestra tumulandi feruntur, ibidem exequias celebrare, sine vestro assensu & voluntate praesumant.

Cetera de-  
functis per ip-  
sos Ordinis  
Fratres praes-  
tanda.

§. 26. Inhibemus insuper universis fratribus Ordinis vestri, ne aliqui eorum, alii quam Praelatis suis peccata sua confiteri praesumant, nisi necessitatis urgente articulo, vel nisi forsitan Magister, vel Prior proprius alicui fratri dederit fratri alteri ejusdem Ordinis licentiam confitendi.

De Confes-  
sionibus faci-  
endis.

§. 27. Universis autem Ecclesiarum Praelatis, & aliis inhibemus, ne confessiones vestras vobis invititis audire, vel compellere vos ad Synodos, seu convocationes suas accedere, vel cum eis extra Civitatem, vel intra processionaliter exire, aut suis constitutionibus subiacere, vel capitula, scrutinia, vel inquisitores in locis vestris, vel alibi, de vobis facere, aut fidelitatem juramento firmatam, & annualem obedientiam a Prioribus, & Superioribus vestris exigere, aut de

Libertates  
nonnullae Or-  
dini conce-  
duntur.



Vide Concil.  
Trident. Sess.  
25. cap. 13.Exemptio a  
quacumque  
solutione, vel  
onere.Detranslatio-  
ne bonorum  
e domibus di-  
mittendis.Exemptio a  
subventionem  
Legatorum  
&c.

de ipsorum institutione, vel destitutione si-  
ve de statutis vestri Ordinis se aliquatenus  
intromittere, seu prohibere ne ad civitates  
vel villas ubi religiose, & honeste commo-  
rari possitis, à populis evocati audeatis acce-  
dere, ibique pro vestris usibus construere edi-  
ficia, Ecclesias, seu Oratoria, aut id ac-  
cedentes fratres, seu construentes hujusmodi,  
vel receptatores ipsorum, excommunicationis  
sententiam ferre præsumant.

§. 28. Concedimus quoque vobis, ut de  
illis quæ in ornamentis vel pro eis, aut libris,  
fabrica, luminaribus, anniversario, septimo,  
vigesimo, trigentesimo, five aliis ad perpe-  
tuum cultum divinum, seu pro pitantiis,  
aut victu ad sustentationem vestram, vel in-  
dumentis, necnon pro annuis censibus re-  
dimendis, ad quarum solutionem aliqua do-  
mus vestri Ordinis obligari noscuntur, vel  
de domibus, prædiis, & hortis, aliisque lo-  
cis vobis secundum instituta vestri Ordinis  
opportunitis, aut de his, quæ pro hujusmodi  
domibus, prædiis, hortis, & locis emen-  
dis vobis legantur ( dummodo præmissa non  
convertantur in alios usus, sed in illos dum-  
taxat, pro quibus relinquuntur ) aut alios  
etiam, qui in hac concessione vel indulgentia  
continentur, nulli canonicam portionem ali-  
quam teneamini exhibere. Et ne quis à vobis,  
vel ultimarum executoribus voluntatum,  
seu decedentium hæredibus, de præmissis,  
aut de his, quæ vobis in ultimis voluntatibus  
absolute legantur, vel alias pro vestris ne-  
cessitatibus conferuntur, aliquid exigere,  
vel extorquere præsumat, districtius inhibe-  
mus.

§. 29. Ad hæc, liceat fratribus vestri  
Ordinis, cum de prioribus locis suis ad alia  
loca se transferunt, tam ædificia, seu om-  
nem ædificiorum materiam locorum, quæ di-  
mittunt ( dedicatis Ecclesiis dumtaxat ex-  
ceptis ) quam libros, calices, & paramen-  
ta, secum ad alia loca transferre, ac ædi-  
ficia ipsa cum solo, & aliis ad eadem loca  
pertinentibus, præter Ecclesias vendere,  
ipsorumque pretium in aliorum locorum ad  
quæ dicti fratres se transferunt, ædificatio-  
nem seu alias in eorum utilitatem conver-  
tere, secundum quod eis videbitur melius  
expedire. Et ne aliqui Archiepiscopi, vel  
Episcopi, aut alii Ecclesiarum Prælati, seu  
quævis alia persona Ecclesiastica vel sæcu-  
laris, prædicta loca seu bona occupare, ac-  
cipere vel usurpare, aut quoquo modo si-  
bi vendicare præsumant absque dictæ Se-  
dis licentia speciali, districtius inhibemus.

§. 30. Indulgentes vobis, ut ad præsta-  
tionem procurationum Legatorum Sedis præ-  
dictæ, vel Nunciorum ipsius, seu Dioce-  
sanorum locorum, aut exactionum, vel col-  
lectarum, seu subsidiorum, vel provisionum  
quacumque minime teneamini, nec ad ea  
solvenda per literas dictæ Sedis, aut Lega-  
torum, aut Nunciorum ejusdem, seu Re-  
ctorum terrarum Ecclesiæ Romanæ, impe-  
tratas, seu in posterum impetrandas, cujus-  
cumque tenoris fuerint, in perpetuum com-  
pelli possitis, nisi dictæ Sedis literæ impe-  
trandæ, plenam & expressam de indulto

hujusmodi, & dicto Ordine fecerint mentio-  
nem.

§. 31. Ceterum, cum fel. record. In-  
nocentius Papa IV. prædecessor noster, olim  
duxerit statuendum, ut exempti quantacum-  
que gaudeant libertate, nihilominus tamen  
ratione delicti seu contractus, aut rei de  
qua contra ipsos agitur rite possint coram  
locorum Ordinariis conveniri, & illi quo  
ad hoc suam in illis jurisdictionem prout jus  
exigit, exercere; Nos vobis ut occasione  
constitutionis hujusmodi, nullum libertati-  
bus & immunitatibus, vobis & Ordini ve-  
stro, per privilegia & indulgentias ab Apo-  
stolica Sede concessis, vel in posterum con-  
cedendis, præjudicium generetur, auctori-  
tate præsentium indulgemus, decernentes  
vos seu personas vestri Ordinis, in prædi-  
ctis casibus, Ordinariis ipsis minime subia-  
cere.

§. 31. Decernimus ergo irritum & ina-  
ne, quicquid contra tenorem concessionum,  
constitutionum, & inhibitionum hujusmodi  
per quoscumque fuerit attentatum, & in-  
terdicti, suspensionis, & excommunicatio-  
nis sententias, si quas contra concessionem,  
constitutiones, & inhibitiones easdem, in  
vos vel vestrum aliquos, vel loca vestra,  
seu benefactores, vel executores, aut hæ-  
redes prædictos imposterum promulgari  
contigerit, penitus non tenere. Nulli er-  
go, &c.

Datum Avenione, 2. Nonas Martii, Pon-  
tificatus nostri anno Quarto.

Exemptio a  
Judiciis Or-  
dinariis.Attentata in  
contrarium  
irritantur.Dat. die 6.  
Martii 1374.  
An. IV.

## XIX.

Damnatio legum, seu Errorum in Saxonia.  
*Speculum Saxonum* nuncupatorum, eorum-  
demque sequacium cum penarum imposi-  
tione.

Ex Regest.  
in Archiv.  
Vatic.

Gregorius Episcopus, Servus Servorum Dei.  
Ad Perpetuam Rei Memoriam.

**S**alvator humani generis Dominus noster  
Jesus Christus, cujus licet indigni vices  
tenemus in terris, cernens ipsum genus, quod  
ad delicias paradisi creaverat, ex lapsu Pro-  
thoplasti diabolica fraude decepti per pec-  
catum inobedientiæ corruisse, & in perpe-  
tue damnationis descendisse profundum, ac  
sine intermissione descendere, sua ipsi generi  
ineffabili pietate compatiens, & miseratione  
subveniens, ut illud pretiosissimo suo cruore  
redimeret, & secum in cælestibus colloca-  
ret, descendit in mundum misericorditer fa-  
ctus homo in eo, quod præsentia corporali  
consistens suam sacratissimam Fidem, &  
mandata salubria docuit Discipulos, quos  
elegit, ut ea per illos in Terram transfunde-  
retur universam, & cuncta humana creatu-  
ra premissa jam redempta sanguine precioso,  
fideque firmata, & salubribus consiliis, &  
mandatis instructa per ipsam Fidem, & Ju-  
stitiæ opera ad perpetuam salvationis gratiam  
perveniret. Idemque discipuli plenitudine  
Spiritus Sancti recepta mandata Dominica  
promptis affectibus, & effectibus exequentes  
hujusmodi doctrinam continentem Fidem,  
Spem, & Caritatem, aliaque virtuosa opera  
nec-

Præmium.



necnon consilia, & mandata salubria, bonoque mores universi orbis Populis prædictorum documentisque Sanctissimis, per quæ credentium, & fatentium ea certa, & æterna salvatio provenit, universam Ecclesiam instruxerunt. Et quia futurorum prescius Deus prævidebat inter statum purissimum triticum mundum hostem seminaturum zizaniam, ac inter sancta profana, inter sincera fermentum, & inter recta iniqua machinatione hostica, callidisque suis astutiis positurum; Cultores agri sui videlicet beati Petri Apostolorum Principis, cui & suis successoribus per eundem tradidit plenissimam potestatem, aliorumque Apostolorum, & Discipulorum successores, scilicet Ecclesiarum Præsules, qui supernatum evellerent lolium, ne inficeret semen bonum, agrumque præfatum purgarent assidue, ut in eo fructus uber, & suavis excresceret in suum horreum inferendus, ineffabili providentia sustituentos esse providit, ut propii. Sanctis Patribus filii nascerentur futuri spirituales Principes per climata Orbis Terræ. Ideoque ad nostrum principaliter, aliorumque Prælatorum Ecclesiæ Sanctæ Dei spectat officium, ut animarum saluti solerti sollicitudine intendentes, & agrum huiusmodi, cum expedit, sæpius expurgantes, ea, quæ noverimus dictæ saluti contraria, studio pastoralis sollicitudinis evellamus.

§. 1. Sane fide digna, & admodum molesta, pluriesque inculcata relatio plurimorum ad nostrum perduxit auditum, quod in Saxoniâ, & nonnullis aliis partibus quædam detestabilia scripta Leges, seu *Speculum Saxonum* vulgariter appellata, & inferius annotata apud nonnullos tam Nobiles, quam Plebeos reperiuntur, quæ Judices, & Incolæ partium earundem omiſſis Canonibus, aliisque Scripturis Sacris, contemptisque naturæ, ac Civilibus Legibus, & bonis moribus procul pulsas a longis citra temporibus observant, & servant etiam de præſenti, ex quorumque observantia Deus offenditur, proximus gravatur, vera Justitia, & æquitas rumpitur, Canones, & leges contemnuntur enormiter, rectum Judicium subvertitur, veritas impugnatur, contra bonos mores, & legem naturæ agitur, dehonestatur honestas, libertas ecclesiastica calcatur, & quod est deterius, apostolica denegatur potestas, & veritati Catholicæ Fidei derogatur.

§. 2. Nos igitur de iis tanto dolentes amarius, quanto exinde illa servantium animæ longioribus temporibus, & strictioribus laqueis alligatæ fuerunt, & propterea paternis desiderantes affectibus, tot, & tantis malis, & periculis obviare, quæ Nobis prædicta dissimulantibus sanguis per ipsa peccantium de nostris manibus a Domino requiratur, ipsa scripta, seu Leges, quæ Nos mature vidimus, & per nonnullos ex Fratribus nostris S. R. E. Cardinales, & alios etiam in sacra pagina Magistros, ac utriusque Juris Doctores diligenter examinari fecimus, habita super eis deliberatione matura tanquam falsa, temeraria, iniqua, iniusta, & in quibusdam eorum hæretica & scismaticæ, & contra bonos

mores existentia, periculosaque nimium. Animabus, de ipsorum fratrum consilio auctoritate Apostolica tenore præſentium reprobamus, damnamus, ac decernimus irrita, & inania, ac carere omni robore firmitatis.

§. 3. Necnon processus, & sententias si quos, & si quas forsan ipsorum scriptorum, & reprobatarum Legum prætextu fieri, & ferri contingat in posterum, penitus non valere.

§. 4. Universis Christi fidelibus per Apostolica scripta mandantes, quod ipsis scriptis seu legibus reprobatis de cetero non utantur, & Domini Terrarum, tam Ecclesiastici, quam Seculares suos uti subditos non permittant. Alioquin contrarium præsumentes cuiuscumque præminentie Dignitatis status, vel conditionis existant, etiam si Pontificali, Imperiali, Regali, vel alia qualibet præfulgeant Dignitate, excommunicationis sententiam incurrere volumus ipso facto.

§. 5. Et ut reprobatio, damnatio, & mandatum nostra huiusmodi tam salubria effectum debitum irrefragabilius consequantur, universos, & singulos Principes, ac Dominos Temporales tam ecclesiasticos, quam etiam seculares per præſentes requirimus, & rogamus, quod per eorum constitutiones, & statuta perpetua ordinent, mandent sub gravibus temporalibus penis, quod nullus suorum subditorum deinceps utatur reprobatis scriptis seu legibus memoratis, ipsasque penas in contrafacientes taliter exequantur, quod eorundem scriptorum seu legum detestanda iniquitas de terris eorum totaliter extirpetur.

§. 6. Tenor autem dictorum scriptorum seu legum, five effectus eorum talis est. Primus Articulus continet, quod quidquid homo fuerit extra Judicium, quantumlibet hoc sit notorium, se liberare poterit per suum Juramentum, nec contra tale valet aliquod Testimonium. Secundus est quod Papa non potest, nec aliquis alius Imperatorem excommunicare, postquam consecratus, vel alias inunctus est, nisi solum in tribus casibus, si dubius sit in Fide, repudiet uxorem legitimam, vel destruat Ecclesias. Tertius, quod excommunicatio neminem debilitat in Jure Terræ, vel Feudi, nisi sequatur regalis proscriptio. Quartus quod Papa non potest aliquod Jus concedere, vel statuere, per quod valeat Jus, hoc est statutum Terræ, vel Feudi Saxonum deteriorari. Quintus, quod nulla Sententia tam iusta dari poterit in Saxonia coram Regno, alias iudicio regali, quoniam si Saxo talem sententiam reprehendat, testans in manum suam dexteram, & maiorem Communitatem septimus pugnare volens contra septem alios pro dicta sententia, quin tunc ubi major pars triumphaverit alis sententiam obtineat. Sextus, quod si quis fuerit interfectus in spolio, vel Furto, pro quo consanguineus interfecti se præbeat ad duellum, repellit omne Testimonium, nec talis mortuus tunc sine duello poterit convinci. Septimus, quod si duo dicant in Judicio sententias contradictorias, tunc quicumque talium

Leges Saxonice (de quibus hic) Sacris Canonibus contraria.

Eas annullat, irritasque declarat Pontifex.

Necnon Processus inde confectos.

Intentatum anathema illud posthac utentibus.

Rogatique Principes, ut eas ablegent omnino.

Tenor huiusmodi legum.



Ium habuerit maiorem sequelam, talem sententiam obtinebit. Octavus, quod qui cumque fuerit appellatus ad duellum, secundum istius libri formam, talis non potest negare duellum, nisi sic appellans minus bene natus fuerit quam appellatus. Novus, quod quicumque perdidit Jus suum ratione Furti, vel Spolii, talis inculpatus secundo de furto, vel spolio non potest se liberare Juramento, sed electionem habet ad ferrum ignitum, aquam bullientem, vel ad duellum: hujus quidem articuli pars ultima, quæ electionem ad ferrum &c. concedit, erronea est. Decimus quicumque cognoverit violenter aliquam Mulierem, si postea ducat eam in Matrimonium, nunquam ex ea poterit prolem legitimam generare. Undecimus, quod quicumque cognovit publice uxorem alicujus vivente marito, si post mortem mariti talis eam ducat in uxorem, nunquam ex ea prolem legitimam generabit. Iste enim articulus indistincte, & in omni casu intellectus non distinguendo, prout canonice distinguunt Saxones, erroneus est. Duodecimus, quod hæres non teneatur de furto vel spolio respondere perpatrato per illum, cui succedit in hæreditate, quod erroneum est saltem in foro conscientie. Tertius decimus, quod quicumque Vir succinctus gladio clypeum tenens non potest de ligno, vel lapide pollicis ulnam, quantum ad altitudinem habente super dextrarum scandere, talis non potest cedere, dimittere, infeudare, nec etiam mobilia bona dare potest, sic quod iste custoditus sit, qui talia post mortem suam expectat. Quartus decimus, quod nullus sine licentia suorum hæredum, & Judicio, quod Saxoniæ dicitur Enghedinghe, potest dare proprietatem suam, vel homines suos; & si talia daret, aliter hæredes acquirerent illa per Judicium, ac si dans illa mortuus esset: isti enim duo articuli sunt erronei, in quantum elemosynas, & alia pietatis opera prohibent.

**Clausula:** §. 5. Nulli ergo omnino hominum liceat hanc paginam nostræ reprobationis, damnationis, constitutionis, mandati, voluntatis, & requisitionis infringere &c.

**Dat. die 8. Aprilis 1374. An. IV.** Datum Avinioni sexto Idus Aprilis Pontificatus nostri anno Quarto.

## X X.

Clerici illegitimi non admittantur ad Canonicatus & alia Beneficia trium Ecclesiarum Patriarchalium de Urbe, absque speciali Sedis Apostolicæ dispensatione.

Gregorius Episcopus, Servus Servorum Dei.  
Ad perpetuam Rei Memoriam.

**E**T si a sacris Canonibus ad decorem Ecclesiarum, & in defecationem illegitimorum natalium, tam sancte quam provide inhibitum demonstratur, quod illegitime nati absque dispensatione canonica, ad Canonicatus & Præbendas, ac dignitates, personatus, & officia, aut alia Ecclesiastica beneficia, inhabiles habeantur; hoc in Patriarchalibus Ecclesiis Urbis tanto dignius con-

*Bull. Rom. Tom. III. Pars II.*

A Sacris cavetur Canonibus, ne illegitimi Ecclesiastica obtineant Beneficia.

venit observari, quanto illæ ceteras Orbis Ecclesias majori dignitate præcellunt, & honestiori debent decorari obsequio ministrorum.

§. 1. Ea propter hac perpetua Constitutione statuimus, quod de cetero nullus Clericus defectum natalium patiens, in Lateranensi, vel B. Petri Principis Apostolorum, aut B. Mariæ Maioris Patriarchalibus Ecclesiis dictæ Urbis, vel aliqua earundem Canonicatum, & Præbendam, aut dignitatem, personatum, vel officium prætextu cujuscunque dispensationis sibi super eodem defectu, sub quacunque forma, seu conceptione verborum a memorata Sede jam forsitan concessæ (cujus auctoritate nondum quis fuerit canonicatus & Præbendas, dignitates, personatus, vel officia hujusmodi assecutus), vel de cetero concedendæ, etiam si dispensatio ipsa contineat, quod in quibusvis Cathedralibus, etiam Metropolitanis, & Patriarchalibus Ecclesiis possit Canonicatus, & Præbendas, dignitates, personatus, vel officia licite obtinere, si sibi canonice conferantur, nisi de prænominatis Ecclesiis Patriarchalibus dictæ Urbis, seu illa ex eis, in qua Canonicatus & Præbendæ, aut dignitates personatus, vel officia hujusmodi, seu aliquod ex eis, impetrata fuerint, & toto tenore præsentium in literis dispensationis hujusmodi caveatur expresse, valeat obtinere.

§. 2. Decernentes ex nunc irritum & inane si secus contigerit attentari.

§. 3. Per præsentem autem constitutionem, illis qui defectum hujusmodi patientes, in prædictis Ecclesiis, vel ipsarum aliqua, Canonicatus, & Præbendas, dignitates, personatus, vel officia canonice nunc obtinent, nolumus in aliquo præjudicium generari. Nulli ergo, &c.

Datum Avinione, tertio Idus Novembris, Pontificatus nostri anno Quarto.

Prohibitio de qua in rubrica.

Irritatio secus actorum.

Dat. die 11. Novembris 1374. An. IV.

## X X I.

Contra Prælatos, & alios dantes munera, seu strenas Nunciis provisiones Ecclesiarum, vel Beneficiorum sibi a Sede Apostolica collatorum quomodolibet deferentibus.

Gregorius Episcopus Servus Servorum Dei,  
Ad perpetuam rei memoriam.

**S**olicite vitari debet, quod indecens esse dignoscitur, & ex turpitudinis radicem etiam in honoris Apostolicæ Sedis depressionem ortum habuisse videtur.

§. 1. Sane nuper ad nostrum pervenit auditum quod nonnulli inhonesta lucra quærentes; dum per sedem prædictam de Personis aliquorum apud Sedem constitutis eandem Patriarchalibus, Metropolitanis, & aliis Cathedralibus Ecclesiis five Monasteriis vacantibus providetur, vel personæ ipsæ ad hujusmodi Ecclesias per dictam sedem de aliis Ecclesiis transferuntur, seu personis ejusdem hujusmodi Ecclesiæ, & Monasteria commendantur, aut alias ipsorum gubernationi committuntur, hujusmodi provisiones,

Ex Regest in Arc. b. Vatic.

Exordium.

Cupiditatis radix prava.



translationes, commendas sive commissiones prædictis personis sic apud dictam sedem constitutis, ut aliquod munus ab ipsis recipiant, denunciare festinant.

Prohibitio  
Arenas dandi  
pro Beneficiis  
Ecclesiasticis  
acceptis.

§. 2. Nos igitur in præmissis prout ex debito tenemur pastoralis officii providere volentes, universis, & singulis personis Ecclesiasticis, secularibus, & regularibus cujuscumque status, gradus, sexus, ordinis, vel conditionis existant, etiam si pontificali, vel alia qualibet Ecclesiastica præfulgeant dignitate, auctoritate Apostolica tenore præsentium, districtius inhibemus, ne de cætero illis, qui ipsis hujusmodi provisiones, translationes, commendas, seu commissiones eorumdem, sive de Romani Pontificis pro tempore existentis, sive de alicujus seu aliquorum ex Venerabilibus fratribus nostris S. R. E. Cardinalibus, aut alterius cujuscumque mandato, seu alias qualitercumque apud dictam Sedem nuntiabunt seu nunciari facient sive dici vel super hoc nova portari, aliquid directe vel indirecte per se vel alium donent seu promittant neque per alium datum seu promissum persolvant.

Inobedientiæ  
penæ.

§. 3. Nos enim quoscumque præsumentes contrarium quoquomodo excommunicationis subiacere sententiæ volumus & decernimus ipso facto, a qua nullus ab alio quam à Romano Pontifice possit nisi dumtaxat in mortis articulo, absolutionis beneficium obtinere. Non obstantibus exemptionibus, & aliis quibuscumque privilegiis, indulgentiis, & gratiis ac literis Apostolicis quibuscumque personis communiter vel divisim sub quacumque forma vel expressione verborum a Sede Apostolica concessis, & in posterum concedendis etiam si de illis plena, & expressa mentio, ac de verbo ad verbum in præsentibus sit habenda, quæ quoad hoc alicui in nullo volumus suffragari.

De publica-  
tione Decre-  
ti hujus.

§. 4. Ut autem nostra inhibitio, voluntas, & decretum hujusmodi ad communem omnium notitiam deducantur cartas sive membranas inhibitionem, voluntatem, & Decretum hujusmodi continentem in Audientia publica legi, & Ecclesiæ Avinionensi appendi vel affigi ostiis sive superliminaribus faciemus, quæ præmissa suo quasi sonoro præconio, & patulo indicio publicabunt, ita quod nullus in hoc possit ignorantiam allegare cum non sit verisimile remanere incognitum vel occultum, quod tam patenter omnibus publicatur.

Clausulæ.

§. 5. Nulli ergo omnino hominum liceat hanc paginam nostræ inhibitionis, voluntatis, & decreti infringere &c.

Dat. die 18.  
Octobris  
1375. An. V.

Datum Avinioni sexto Kalendas Novembris Pontificatus nostri anno Quinto.

## XXII.

Quod in Ecclesia S. Ambrosii ad Nemus Mediolanen., ob reverentiam ejusdem Sancti, Fratres S. Ambrosii nuncupandi, sub Regula S. Augustini religiosam vitam ducant, Ambrosianumq. officium recitare possint.

Gregorius Episcopus, Servus Servorum Dei,  
Dilectis filiis Priori & Fratribus Ecclesiæ  
S. Ambrosii extra muros Mediolanen., in fine suburbii Portæ  
Cumanæ consistentis.  
Salutem, & Apostolicam Benedictionem.

**C**Upientes a sæculi vanitatibus elongari, & relictis mundanis illecebris virtutum Domino sub regulari observantia famulari, ut in ea secularibus curis exuti, per viam salutis liberius currere possint ad bravium, Apostolicum convenit præbere consensum, ut cum in hujusmodi suo proposito se foveri conspexerint, in eo fortius exardescant.

§. 1. Sane petitio pro parte vestra nobis nuper exhibita continebat, quod in vestra Ecclesia, quæ ad Nemus Sancti Ambrosii nuncupatur, & in qua moramini de præsentibus, ab antiquo morati sunt fratres unum Priorem habentes, quodque per constitutiones canonicas, & præcipue per constitutiones fel. rec. Bonifacii Papæ VIII. prædecessoris nostri hæsitatis ibidem salva conscientia sub Regula sine licentia Sedis Apostolicæ vitam collegialiter ducere religiosam. Quare Venerabilis frater noster Symon Archiepiscopus Mediolanensis nobis humiliter supplicavit, ut etiam ob reverentiam ejusdem B. Ambrosii (qui antequam educeret eum Dominus de vitæ hergastulo hujus Mundi, quandoque, à multitudine se segregans, ad hujusmodi locum tunc solitarium se transferebat, ut in solitudine devotius contemplationi divine posset insistere) vobis & statui vestro in præmissis providere de benignitate Apostolica dignaremur.

§. 2. Nos igitur, qui piis illorum desideriis, per quæ via paratur securior ad salutem, libenter impertimur assensum, volentes super his paterna sollicitudine providere, hujusmodi dicti Archiepiscopi, ac vestris in hac parte supplicationibus inclinati, auctoritate Apostolica tenore præsentium statuimus, & etiam concedimus, quod in præfata vestra Ecclesia, vos & alii fratres, qui post vos erunt, ibidem commorari & existere sub professione & Regula B. Augustini valeatis.

§. 3. Et fratres S. Ambrosii ad Nemus nuncupemini, officium quoque divinum Ambrosianum dicatis.

§. 4. Et semper inibi sit unus Prior, qui aliis Fratribus præsit.

§. 5. Ac hujusmodi Prioris electio ad hujusmodi fratres, ipsiusque electionis confirmatio ad Archiepiscopum Mediolanensem pro tempore existentem pertineat.

§. 6. Ac vestri, & successorum vestrorum fratrum dictæ Ecclesiæ habitus sit scapulare cum cappa desuper. Et intra locum liceat vobis sine cappa cum hujusmodi scapulari incedere. Fratres vero dicti loci cappæ scapulare deferant, & totus habitus sit de panno, qui in partibus illis berretinus nuncupatur.

§. 7. Quodque fratres dicti loci ad hoc idonei, petita prius & obtenta licentia à lo-

Proemium.

Fratrum &  
Archiepiscopi  
preces pro  
obtinenda re-  
ligiosæ vitæ  
confirmatio-  
ne.

Quam conce-  
dit Gregorius.

Regulas non  
nullas eisdem  
dat.



Concedit Pri-  
vilegia non-  
nulla.Ad Beneficia  
ecclesiastica  
Promoveri  
Fratres non  
possint.Dat. die 19.  
Novembris  
1375. An. V.

ci Dioecesano, prædicare possint verbum Dei, & confessiones audire.

§. 8. Et si aliqui ibidem ex devotione elegerint sepulturam, eos ibidem sine præjudicio Parochialis Ecclesiæ, & alterius cujuscunque libere sepelire valeatis.

§. 9. Districtius inhibentes, ne aliquis ex fratribus dicti loci ad Beneficium Ecclesiasticum etiam curatum, sine licentia Sedis Apostolicæ speciali faciente de prohibitione hujusmodi plenam, & expressam mentionem, transire, vel assumi possit, immediate nec mediate in fraudem ad aliam religionem aut beneficium... animarum curam habere valeat, se transferendo. Et si secus attentatum fuerit, id irritum sit & inane. Præmissis, nec non aliis constitutionibus Apostolicis non obstantibus quibuscunque. Per hoc autem non intendimus prohibere, quin ii ex vobis, qui non fide sed vere causa devotionis ad strictiorem religionem transire voluerint, hoc possint, prout volunt canonica sanctiones. Nulli ergo, &c. Si quis autem &c.

Dat. Avenione III. Kal. Decembris Pontificatus nostri Anno V.

## XXIII.

Declaratio & extensio Privilegii exemptionis a solutione Decimarum, Congregationis Monachorum Cælestinorum, Ordinis S. Benedicti.

Ordinationes, & gratias hujus Congregationis vide supra in Cælest. V. const. I. Et si cunctos sup. pag. 70.

Gregorius Episcopus, Servus Servorum Dei. Dilectis filiis Abbati Monasterii Sancti Spiritus de Sulmona Valvensis Diæcesis, ejusque Coabbatibus, & Prioribus, ac Prælatibus Monasteriorum, Prioratum, Ecclesiarum, Membrorum, & locorum dicto Monasterio Sancti Spiritus subjectorum, eorumque Conventibus, & Fratribus Ordinis S. Benedicti secundum Instituta B. Petri Confessoris viventibus, Salutem, & Apostolicam Benedictionem.

Exordium:

**S**Acra, & immaculata vestra religio, sub qua carnem subdentes spiritui, & motus corporeos rationis moderamine cohibentes, gratæ servitutis libamina offertis Altissimo, promeretur, ut Apostolica Sedes propitiam se vobis exhibeat, & in vestris opportunitatibus gratiosam.

Benedictus  
XI. hisce Fra-  
tribus exem-  
ptionem a de-  
cimis solven-  
dis concessit.

§. 1. Sane dudum felicitis record. Benedictus Papa XI. prædecessor noster quondam Berardo Abbati Monasterii Sancti Spiritus de Sulmona Ordinis S. Benedicti Valvensis Diæcesis, ejusque Coabbatibus, & Conventibus aliorum Monasteriorum, & membrorum eidem Monasterio Sancti Spiritus subjectorum dicti Ordinis tunc præsentibus, & futuris in perpetuum gratiose concessit, ut de fructibus terrarum, & possessionum suarum tunc acquisitarum, quas propriis manibus aut sumptibus colerent, sive de hortis, vel de nutrimentis animalium suorum, nullus ab eis de-

Bull. Rom. Tom. III. Pars II.

cimas exigere, vel extorquere præsumeret.

§. 2. Ac deinde piæ memoriæ Joannes Papa XXII. ipsius Benedicti successor, ac prædecessor noster, Dilectis filiis Abbati & Conventui prædicti Monasterii S. Spiritus paterno affectu compatiens, ipsosque & prædictum eorum Monasterium, ipsiusque membra condignis munire libertatibus cupiens, voluit, & auctoritate Apostolica decrevit, quod omnia Monasteria, Prioratus, Ecclesiæ, Capellæ, & quæcumque alia loca post exemptionem prædictam ab eisdem Abbate, & Conventu licite acquisita, & in posterum acquirenda, cum personis degentibus in eisdem tunc præsentibus & futuris, omnibus privilegiis, exemptionibus, libertatibus, & immunitatibus gauderent, & gaudere deberent, quibus dictum Monasterium, & alia Monasteria Prioratus, Ecclesiæ, Capellæ, loca, & membra ipsius, quæ dictum Monasterium habebat tempore concessionis, & exemptionis hujusmodi gaudebant, & potiebantur, prout in literis dictorum prædecessorum inde confectis plenius continetur.

§. 3. Cum autem sicut exhibita nobis pro parte vestra petitio continebat, ab aliquibus in dubium revocari videatur, an hujusmodi extensio dicti Joannis prædecessoris solum exemptiones, vel omnia alia præmissa concernat, pro parte vestra nobis fuit humiliter supplicatum, ut ne occasione præmissorum, attenta simplicitate vestra involvamini litigiorum anfractibus, providere vobis super hoc de benignitate Apostolica dignaremur.

§. 4. Nos itaque volentes vos, ac Monasterium, & alia loca vestra ob reverentiam etiam ejusdem B. Petri, ad quem devotionem gerimus specialem, favore prosequi gratiæ specialis, hujusmodi supplicationibus inclinati, ut de possessionibus vestris jam acquisitis (illis tamen exceptis de quibus decimasolvere consuevistis) necnon de novalibus possessionum per vos in posterum justo titulo acquirendarum, quas propriis manibus, aut sumptibus excolitis, & excoletis in antea, sive de hortis, vel nutrimentis animalium vestrorum decimasolvere non teneamini, nec ad id a quoquam compelli possitis inviti, vobis, & per vos vestris Monasterii, Prioratibus, Ecclesiis, membris atque locis auctoritate Apostolica tenore præsentium concedimus, de gratia speciali. Nulli ergo &c.

Datum Avenione XVIII. Kal. Februarii Pontificatus nostri Anno VI.

Vide super.  
pag. 108. &  
seq.  
Joannes XXII.  
hac exem-  
ptione frui  
voluit Mona-  
steria usque  
ad illu n tem-  
pus acquisita.

Causæ hujus  
faciendæ De-  
clarationis.

Extensio &  
Declaratio.

Dat. die 15.  
Januarii 1376.  
An. VI.



## URBANUS SESTUS

P A P A C C I I .

ANNO DOM. MCCCLXXVIII.



**B**artholomæus Butillus, Neapolitanus, antea Barrensis Archiepiscopus electus est, & intronizatus Romanus Pontifex die 9. Aprilis 1378. novemque post dies coronatus Urbanus VI. voluit appellari. Sedit in Pontificatu Annos XI. dies VI. ab electionis die computandos imperantibus in Oriente Joanne Palæologo mox Emmanuele II.: in Occidente Carolo IV. deinde Venceslao Regé Romanorum. Obiit Romæ die 15. Octobris 1389. & sepultus est ad S. Petrum. Ab ejus obitu ad electionem Bonifacii IX. fluxerunt dies XVIII.

Schisma XXXIII. in Ecclesia Romana, quod in Concilio Constantiensi extinctum est.

A Cardinalibus tumultuarie, ac per metum Urbanum se elegisse asserentibus, Fundosque se receptis die 20. Septembris anni 1378. creatus est alius

Pontifex Clemens scilicet VII. antea Robertus ex Comitibus Gebennensibus Episcopus Cameracensis & S. R. E. Presbyter Cardinalis Tituli SS. XII. Apostolorum. Obiit Avenione die 16. Septembris 1394. & sepultus est in Ecclesia Cathedrali S. Mariæ de Donis. XVI. ab electione sua anno nondum completo.

## I.

Jurisdicção Camerarii Sanctæ Romanæ Ecclesiæ summarie quascunque causas interesse Rever. Camera Apostolicæ quomodolibet concernentes, cognoscendi.

*Ad hanc jurisdictionem vide Bullas quas tibi indicavi sup. in Const. III. Urb. V. Apostolatus pag. 325.*

Urbanus Episcopus, Servus Servorum Dei. Venerabili Fratri Marino Archiepiscopo Brundusino, Camerario nostro, Salutem, & Apostolicam Benedictionem.

**A**postolicæ Camera, per quam S. R. E. necessitatibus, & incumbentibus oneribus multipliciter subvenitur, sic tenemur indemnitatibus subvenire, commodisque intendere, & dispendiis obviare, quod ipsius jura debite possint repeti, ejusque officialibus suppetat opportunitas prosequendi.

§. 1. Sane, quia sæpe contingit, sicut accepimus, quod extra præfatam Camera super rebus, ac juribus ad eam pertinentibus, ac super aliis negotiis ipsam tangentibus litigatur, & sæpe coram Judicibus de juribus ipsius Camera nullam, vel modicam habentibus rationem, quique per Fiscalem advocatum, seu Procuratorem, aut alios ex officialibus ejusdem Camera, qui circa ipsam habent insistere, non possunt commodè super iis informari, propter quod causæ nimium protelantur, & quodam modo pereunt jura sua;

§. 2. Nos super iis providere volentes, & gerentes in Domino fiduciam specialem de tuæ circumspectionis industria, cui principaliter est ejusdem Camera cura commissa, cognoscendi, auctoritate Apostolica, per te vel alium, seu alios, de omnibus, & singulis quæstionibus, controversiis, causis, & litibus præsentibus, & futuris, spiritualibus, ecclesiasticis, & temporalibus, civilibus, & criminalibus, nedum ad ipsam Camera pertinentibus, sicut est hætenus consuetum, sed etiam de quibuscunque jura, & negotia ipsius Camera directe, vel indirecte quoquo modo tangentibus, seu etiam, quæ secundum tuum liberum arbitrium viderentur ea posse tangere quomodolibet in futurum, ipsasque cum

Causæ hujus  
Constitutio-  
nis.

Facultas Ca-  
merarii, prout  
ut in rubrica.



cum emergentibus, & ab eis dependentibus, ac connexis, ac eos quos tangere poterunt, tam personas Ecclesiasticas, quam sæculares, necnon Capitula, Collegia, & Conventus Ecclesiarum, & Monasteriorum, ac Ordinum exemptorum & non exemptorum, Communitatesque & Universitates locorum, prout, & quotiens tibi videbitur, ad te, & ad eandem Cameram advocandi, & citandi per literas, vel nuntium intra, vel extra Curiam, & ad partes etiam, si causæ ipsæ de natura sui non sint apud Sedem Apostolicam per appellationem, aut alias legitime devolutæ, necnon in ea tractandæ, seu etiam finiendæ, ac etiam si coram Judicibus ordinariis, auditoribus, inquisitoribus, delegatis, subdelegatis, commissariis executoribus, arbitris, arbitratoribus, compromissariis, seu aliis quibuscumque, etiam per Sedem Apostolicam deputatis, vel deputandis in præfata Romana Curia, vel extra ubilibet pendere, nunc & in posterum dicerentur, etiam si in ipsis ad litis contestationem processum fuerit, vel ulterius quantumcumque, & etiam super literis ad nos, seu Sedem eandem per viam appellationis, seu simplicis querelæ, vel alias habitus sit, vel in posterum haberetur recursus, dictas causas reassumendi, & reassumi faciendi.

§. 3. Easque per te, vel alium, seu alios audiendi, & examinandi summarie, simpliciter, & de plano, & sine strepitu, & figura iudicii, & sine debito terminandi, & alias iustitiam omnimodam exhibendi.

§. 4. Judicibus quoque ordinariis, auditoribus, & aliis supradictis inhibendi, ne de causis ipsis post advocationem huiusmodi cognoscere vel se intromittere quoquomodo præsumant, & quaslibet alias inhibitiones in ipsis causis, ac etiam revocationes, & sententias excommunicationis, suspensionis, & interdicti per eos promulgatarum, relaxationes, & absolutiones, necnon ordinationes, declarationes, mandata, decreta, monitiones, executiones, & processus quoslibet faciendi, & sententias proferendi, ac omnia alia, & singula faciendi, & exercendi, quæ circa præmissa, vel ea tangantur juxta tuum liberum arbitrium videbuntur opportuna. Contradictores quoslibet, & rebelles cujuscumque status, dignitatis, ordinis, vel conditionis existant, etiam si Regali, Pontificali, vel majori, aut alia quavis præfulgeant dignitate, eadem auctoritate per censuram Ecclesiasticam compescendi.

§. 5. Non obstantibus generalis Concilii, & aliis constitutionibus a prædecessoribus nostris Romanis Pontificibus in contrarium editis, necnon consuetudinibus, statutis, ordinibus, seu inhibitionibus quibuscumque iuramentorum, aut excommunicationum suspensionis vel interdicti sententiarum per quoscumque promulgatarum, vel promulgandarum munimine, aut quibuscumque aliis firmitatibus roboratis, seu si aliquibus communiter, vel divisim a Sede Apostolica sit indultum, vel in posterum indulgeri contingerit, quod extra, vel ultra certa loca ad iudicium non trahantur, quod interdicti, su-

spendi, vel excommunicari non possint per literas Apostolicas non facientes plenam & expressam, ac de verbo ad verbum de indulto huiusmodi mentionem, & quibuslibet aliis privilegiis, exemptionibus, immunitatibus, gratiis, & literis generalibus, vel specialibus Ecclesiis, Monasteriis, locis, Collegiis, Ordinibus, ac Universitatibus, seu personis ecclesiasticis, aut sæcularibus quibuscumque, cujuscumque fuerint præeminentiæ, vel dignitatis ab Apostolica Sede concessis, vel in posterum concedendis, sub quacumque forma, vel expressione verborum, per quæ præsentibus non expressa, vel totaliter non inserta effectus earum impediri valeat quomodolibet, vel differri etiam si talia sint de quibus, & ipsarum personarum, & locorum, ordinum, & statuum propriis nominibus specialibus, ac de totis ipsarum tenoribus, plena, & expressa, ac de verbo ad verbum, mentio sit habenda; quæ omnia, haberi volumus pro expressis, specialiter, & insertis, & ipsa, vel eorum aliqua contra præmissa nolumus in aliquo suffragari, plenam, & liberam tenore præsentium ex certa scientia concedimus facultatem, & ad hoc tui potestatem officii ampliamus, & etiam prorogamus.

§. 6. Eandem fraternitatem tuam exhortantes, ut sic in præmissis te fidelem exhibeas, & etiam studiosum, omnibus iustitiam ministrando, quod tam eidem Cameræ, quam aliis quibuscumque sua jura servantur, tuæque circumscriptio inde possit merito commendari.

§. 7. Volumus autem, quod a tempore datæ præsentium in omnibus & singulis suprascriptis per nos concessis, perinde sit tibi perpetua potestas & jurisdictio attributa, tam quoad negocia præsentia, quam futura, ac si tu ea omnia, & singula exequi judicialiter incepisses, præsentibus, usque ab beneplacitum Apostolicæ Sedis duraturis.

Datum Romæ apud S. Petrum, VI. Idus Septembris, Pontificatus nostri Anno Secundo.

Adhortatio  
ad hoc officiū  
diligenter  
exercendum.

Concessione  
tempore datæ  
Constitutio-  
nis inchoari  
præcipit.

Dat. die 8.  
Septembris  
1379. An. II.

# I I.

Maremagnum, seu Privilegium privilegiis conflatum pro Ordine Fratrum Servorum B. Mariæ Virginis.

Urbanus Episcopus, Servus Servorum Dei. Dilectis filiis Andreæ Priori Generali, & universis fratribus Servorum S. Mariæ Ordinis S. Augustini, præsentibus & futuris, Salutem, & Apostolicam Benedictionem.

**S**acrofanta Romana Ecclesia mater cunctorum Christifidelium, & magistra in agro virtutum vestri Ordinis, cui altissimus Dominus benedixit, & in decore sacre religionis, sub qua eidem Domino ejusque Genitrici devotum exhibetis & sedulum famulatum, exultat, & jubilat: præsertim dum prospicit, quod vos ad alta virtutum gradatim per bonorum operum exercitium, & præclara sanctitatis merita conscendentes trahitis ad divinæ majestatis obsequium

Præmium.

Facultas sum-  
marie & de  
plano proce-  
dendi.

Judicibusque  
inhibendi, &  
contradicto-  
res compen-  
dendi.

Obstantium  
derogatio.



quum alios, non solum per doctrinæ verba, sed etiam per exempla, vitam duce do purissimam, & verbi prædicationibus insistentem, ac divinæ laudis, frequentiaque celebrisque venerationis instantia, ex qua gloria divinæ majestatis attollitur, devotissime persistendo: propter quæ nos, & prædicta Ecclesia, vos & vestrum Ordinem prædictum, quem erga nos & eandem Ecclesiam devotione præluere conspiciamus, infra claustra nostri pectoris paternis affectibus amplectentes circa bonum statum vestrum, totis studiis vigilamus, ut Deo propitio a noxiis protegimini, & suscipiatis semper salubria incrementa.

Ordinis hujus  
Fratres quocumque  
dati & quolibet  
Ordinarii jurisdictione  
liberi, & exempti.

§. 1. Volentes igitur præmissorum intuitu, vos ac loca vestra præsentia & futura prærogativa specialis favoris, & gratiæ insignire, ac singulari privilegio decorare, vestris in hac parte supplicationibus inclinatis, vos vestrasque personas, ac omnia loca vestra tam præsentia quam futura omni jurisdictione, potestate, dominio, visitatione, caritativi subsidii subventionum, & exactio-  
num quorumlibet præstatione, necnon a synodalis, & alterius cujusvis congregationis evocatione omnium, & singulorum Patriarcharum, Archiepiscoporum, Episcoporum, & quorumlibet aliorum judicum Ordinarium; de speciali dono gratiæ plenarie eximimus, & totaliter liberamus, vosque, ac personas, & loca ipsa in jus, & proprietatem B. Petri, & Sedis Apostolicæ, & sub eorum, & nostra protectione speciali, & immediate suscipientes, decernimus vos ac personas, & loca prædicta soli & immediate Sedi prædictæ subiacere: volentes quod locorum diocesani, vel alia quavis persona Vos, vel loca prædicta, utpote prorsus exempta, & dictæ Sedi immediate subiecta non possint auctoritate ordinaria excommunicationis, suspensionis, vel interdicti, aut alias sententias specialiter, vel generaliter promulgare, vel alias etiam ratione cujuslibet delicti, seu contractus, aut rei, de qua ageretur ubicumque committitur delictum, ineatur contractus, aut res ipsa consistat potestatem, dominium, aut jurisdictionem aliquam quomodolibet exercere.

Sedi Apostolicæ immediate subiecti.

Secus acta vel imposterum intentanda, nulla declarantur & irrita.

§. 2. Felicis recordationis Innocentii Papæ IV. prædecessoris nostri circa exemptos, quæ incipit, Dolentes, & aliis constitutionibus Apostolicis in contrarium editis non obstantibus quibuscumque. Nos enim quaslibet excommunicationum, suspensionum, interdicti sententias, & quoscumque processus, quasvis penas, & sententias generales, vel speciales continentes, quas seu quos contra vos seu aliquem vestrum, vel prædicta loca contra tenorem, & formam præsentium, quomodolibet promulgari, vel haberi contigerit, irritas decernimus, & inanes.

Clausula.

§. 3. Nulli ergo omnino hominum liceat hanc paginam nostræ exemptionis, liberationis, suspensionis, & constitutionis infringere &c.

Dat. die 7. Aprilis 1380. An. II.

Datum Romæ apud S. Petrum VII. Idus Aprilis, Pontificatus nostri Anno Secundo.

## I I I.

Confederationes cum Hæreticis quacumque firmitate roboratæ, nullæ & irritæ declarantur.

Urbanus Episcopus Servus Servorum Dei. Ad futuram Rei Memoriam.

**I**nter sollicitudines varias, quibus affidue premimur, illa potissime pulsat, & excitat mentem nostram, ut circa salutem animarum Christifidelium sollicitis studiis intendamus, & ne fideles ipsi ex confortio, & participatione Schismaticorum, seu Hæreticorum labefactari valeant, adhibeamus remedia opportuna.

xx Collectio-  
ne Altorum  
Rimer.

Exordium.

§. 1. Sane ad nostrum nuper pervenit auditum, quod tam carissimus in Christo filius noster Venceslaus Romanorum, & Bohemiæ Rex illustris, quam etiam clare memoriæ Carolus Romanorum Imperator & ipsius Regis genitor, simul, vel successive nonnullas confederationes, vel colligationes, seu ligas, & Conventiones cum diversis Regibus, Principibus, ducibus, Comitibus, ac Magnatibus, nobilibus, & certis aliis, inierunt, seu fecerunt, & quod aliqui ex hujusmodi Regibus, Principibus, Ducibus, Comitibus, Magnatibus, seu Nobilibus, aut aliis, tunc erant, seu postea sunt effecti Schismatici, seu Hæretici manifesti & ab unitate Sanctæ Romanæ, & universalis Ecclesiæ separati, quamvis per nos alias declarati non sint.

Venceslaus  
& Carolus  
Reges Roma-  
norum fede-  
ra nonnulla  
cum hereti-  
cis, & Schis-  
maticis inisse  
asserit.

§. 2. Nos igitur attendentes, quod hujusmodi confederationes, & ligæ, seu conventiones, factæ cum hujusmodi Hæreticis, aut Schismaticis, postquam tales effecti erant, sunt temerariæ, illicitæ, & ipso jure nullæ, etiam si ante ipsorum lapsum in Schisma, seu Hæresim initæ, seu factæ fuissent etiam si forent juramento, vel fide data firmatæ, aut confirmatione Apostolica, vel quacumque firmitate alia roboratæ, postquam tales, ut præmittitur, sunt effecti, eo ipso tam idem Rex, quam alii qui forsitan una cum eo hujusmodi confederationes, colligationes, & ligas, seu conventiones cum talibus inierunt, seu fecerunt, & ad quos hujusmodi confederationes, colligationes, ligæ, seu conventiones quomodolibet extendi possunt, & quorum interest, vel interesse poterit ab earum observatione absoluti existunt, illasque ipsis servare non debent. Quinimo ipse Rex hujusmodi Schismaticos, & Hæreticos ratione Imperii, ad quod electus, & per nos approbatus in favorem Sanctæ Romanæ, & Universalis Ecclesiæ, cujus est Advocatus, pro posse prosequi tenetur, quodque omnis communio cum talibus Hæreticis, seu Schismaticis nimis periculosa existit, cum nulla sit prorsus, nec esse debeat participatio lucis ad tenebras, vel Christi ad Belial; Et cupiente super his animarum saluti, & honori, ac statuti ejusdem Regis, & aliorum quorum inter est, ut præfertur salubriter providere, & periculis, & scandalis, quæ ipsis exinde provenire possent utiliter præcavere, eundem Regem, & omnes illos, quorum interest, & interesse poterit Apostolica auctoritate tenore præ-

Hujusmodi  
federa nulla  
declarat; ab  
eisque solvit  
Venceslaus.

fen-



sentium declaramus fuisse & esse ab earundem confederationum, colligationum ligarum, & conventionum observatione penitus absolutas, & ad earum observationem aliquatenus non teneri, illasque quatenus de facto processerunt, cassamus, irritamus & nullius esse decernimus firmitatis. Et insuper cupientes animarum periculis obviare tam eidem Regi, quam etiam omnibus huiusmodi aliis, quorum interest, seu interesse potest, tenore presentium districtius inhibemus, ne confederationes, colligationes, ligas, aut conventiones huiusmodi aliquatenus observent, seu ab illis observari quomodolibet permittant. Decernentes, ex nunc irritum, & inane quicquid in contrarium a quoquam quavis auctoritate scienter, vel ignoranter contigerit attentari.

§. 3. Nulli ergo omnino hominum liceat hanc paginam nostre declarationis, cassationis, irritationis, inhibitionis, vel constitutionis infringere &c.

Datum Romę apud Sanctum Petrum tertio Kalendas Aprilis Pontificatus nostri anno Quarto.

## I V.

Erectio Studii Generalis in Civitate Quinquecclesien. Regni Hungarię cum privilegiis pro Doctoribus, & Scholaribus; reservata Ludovico Regi presentandi facultate.

Urbanus Episcopus Servus Servorum Dei, Ad perpetuam Rei Memoriam.

**I**N supremę dignitatis Apostolicę specula licet immeriti disponente Domino constituti ad universas fidelium regiones, eorum profectus & commoda tanquam universalis gregis dominici Pastor commissę nobis speculationis aciem, quanto nobis ex alto permittitur, extendentes, fidelibus ipsis ad querenda literarum studia, per quę divini nominis, & fidei Catholicę cultus protenditur, Justitia colitur, tam publica quam privata res geritur utiliter, omnisque prosperitas humanę conditionis augetur; libenter favores gratiosos impedimus, & opportune commoditatis auxilia liberaliter impartimur.

§. 1. Cum itaque, sicut nuper pro parte Carissimi in Christo Filii nostri Ludovici Regis Ungarię illustris fuit propositum in Consistorio coram nobis, ipse Rex non solum ad utilitatem, & prosperitatem huius rei publicę, & incolarum Regni sui Vngarię, sed etiam aliarum partium vicinarum laudabiliter intendens, in Civitate Quinquecclesien. in Regno predicto consistente, tanquam insigniori & magis ad hoc accommoda, & idonea, plurimum desideret fieri, & ordinari per Sedem Apostolicam Studium generale in qualibet licita facultate, ut ibidem fides ipsa dilatetur, erudiantur simplices, equitas fervetur Iudicii, existat ratio, & intellectus hominis augeatur.

§. 2. Nos pręmissa, ac etiam eximiam fidei puritatem, quam tam ipse Rex & Progenitores sui quam Vngarię Regni Incole ad Sanctam Romanam Ecclesiam gessisse, prout ipse Rex, & Incolę gerere dignoscuntur atten-

te considerantes, ferventi, desiderio ducimur, quod Regnum ipsum scientiarum muneribus amplietur, fiatque literarum feralitate fecundum, ut Viros producat consilii maturitate conspicuos, virtutum splendore ornatos, ac diversarum facultatum dogmatibus eruditos: sitque illis scientiarum fons originis, de cuius plenitudine hauriant universi literarum cupientes imbui documentis.

§. 3. His igitur omnibus, & pręsertim idoneitate dicte Civitatis, quę ad multiplicanda Doctrinę semina, ac germina salutaria producenda magis accommoda, & idonea inter alias Civitates dicti Regni fore dicitur, diligenti examinatione pensantes, non solum ad ipsius Regni, & Civitatis, sed etiam Regnorum circumjacentium incolarum commodum, & profectum paternis affectibus anelantes, dicti Regis in hac parte supplicationibus inclinati, de fratrum nostrorum consilio statuimus ac etiam ordinamus, ut in dicta Civitate Quinquecclesien. de cetero sit Studium generale, ibique perpetuis temporibus vigeat tam in Juris Canonici, & Civilis, quam alia qualibet licita, pręterquam in Theologica facultate, & quod legentes, & studentes ibidem omnibus Privilegiis, libertatibus, & immunitatibus concessis doctoribus legentibus, & studentibus commorantibus in studio generali gaudeant, & utantur.

§. 4. Quodque illi, qui processu temporis bravium fuerint in illa facultate, in qua studuerint, assecuti, sibi que docendi Licentiam, ut alias erudire valeant, ac Doctoratus seu Magisterii honorem petierint, elargiri per Doctores seu Doctorem ac magistros, seu Magistrum illius facultatis, in qua examinatio fuerit facienda, Episcopo Quinquecclesien. qui pro tempore fuerit, vel Ecclesia Quinquecclesien. Pastore carente, Vicario seu officiali dilectorum filiorum Capituli ipsius Ecclesię presententur. Idem quoque Episcopus, aut Vicarius seu Officialis Doctoribus, & Magistris in eadem facultate actu inibi regentibus convocatis illos in iis, quę circa promovendos ad Doctoratus seu Magisterii honorem requiruntur, per se vel per alium juxta modum, & consuetudinem, qui super talibus in generalibus studiis observantur, examinare studeant diligenter: eisque si ad hoc sufficientes, & idonei reperti fuerint, huiusmodi licentiam tribuat, & Doctoratus seu Magisterii conferat honorem.

§. 5. Illi vero qui in eodem studio dicte Civitatis examinati, & approbati fuerint, ac docendi licentiam, & honorem huiusmodi obtinuerint, ut est dictum, ex tunc absque examinatione, & approbatione alia regendi, & docendi tam in Civitate predicta, quam singulis aliis generalibus studiis, in quibus voluerint regere, docere, statutis, & consuetudinibus quibuscumque contrariis, Apostolica vel quacumque alia firmitate vallis nequaquam obstantibus, plenam, & liberam habeant facultatem.

§. 6. Volumus autem, quod Magistris & Do-

Civitas Quinquecclesien. studiis literarum accommoda.

Universitas in ea erigitur: quę munitur Privilegiis.

De Laureandis.

Facultate laureatorum.

Ex observari vetat omni- no.

Clausula.

Dat. die 30. Martii 1382. An. IV.

Ex Regest. in Archiv. Vatic.

Præmissum.

Ludovici Regis hac super se petitio.



Doctoribus, qui in hujusmodi legent studio, per Regem Vngariæ pro tempore existentem incompetentibus stipendiis provideatur; alioquin præsentis literæ nullius sint roboris vel momenti.

§. 7. Nulli ergo omnino hominum liceat hanc paginam nostrarum Constitutionis, ordinationis, & voluntatis infringere &c.

Datum Viterbii Kalendis Septembris Pontificatus nostri anno Quinto.

Clausula:

Dat. die 7.  
Septembris  
1383. An. V.

## V.

Lateranensis Ecclesiæ oblationes in alios quam fabricæ ejusdem Basilicæ usus converti prohibet.

Urbanus Episcopus, Servus Servorum Dei.  
Ad perpetuam Rei Memoriam.

§. 1. **C**eteri reparationi venerandæ Lateranensis Ecclesiæ pro dolor in sui magna parte destructæ opportuno providere remedio, ac piæ intentioni fidelium pro ipsa reparatione largientium bona sua satisfacere, ac præsumptionem quarundam personarum ejusdem Ecclesiæ, ad ea, quæ ad ipsos non pertinent, manus temerarias extendentes, reprimere cupientes, universis, & singulis tam dictæ Ecclesiæ Capitulo singularibusque personis, quam aliis quibuscunque tenore præsentium auctoritate apostolica districtius inhibemus, ne pias oblationes, seu elemosynas eorumdem fidelium, quæ factæ sunt, seu fient pro tempore pro fabrica in Ecclesia memorata præscripta, sicut sæpe hæctenus præsumpsisse dicuntur, recipere, aut in aliud opus, quam in reparationem, seu fabricam Ecclesiæ memoratæ & suorum circumstantium locorum convertere præsumant absque nostra vel successorum nostrorum Romanorum Pontificum licentia speciali.

§. 2. Quod si quisquam secus attemptare præsumperit, non solum id, quod de iis receperit, reddere, sed tantundem de suis bonis propriis pro dicta exhibere fabrica teneatur.

§. 3. Nulli ergo omnino hominum liceat hanc paginam nostrarum inhibitionis, & constitutionis infringere &c.

Datum apud Montem Flasconem Octavo Idus Julii, Pontificatus nostri Anno Sexto.

Pæna contra  
inobedientes.

Clausula.

Dat. die 8.  
Julii 1384.  
An. VI.

## VI.

Quod fratres Hospitalis Sancti Joannis Hierosolymitani unum tantummodo in eorum Ordine Beneficium acquirere possint decernit.

Urbanus Episcopus Servus Servorum Dei.  
Ad perpetuam rei memoriam.

**A**mbitionis execrabilis vitium in cunctis Personis Ecclesiasticis, quæ non quæ sua sunt, sed quæ Christi desiderare debent, & querere, merito detestantes, illud in Personis Religiosis tanto amplius execramur, quantum ipsi secundum suæ professionis de-

Ex Regest.  
eodem.Ambitio in  
Ecclesiasticis  
execrabile vi-  
tium.

bitum plus esse debent ab eodem vitio alieni.

§. 1. Cum itaque sicut ex fide dignorum relatione didicimus, nonnulli Fratres Hospitalis Sancti Joannis Hierosolymitani, singuli videlicet ipsorum, plures Prioratus, Capellanas, Præceptorias, seu Domos ejusdem hospitalis, quique etiam minus digni, etiam in diversis & remotis partibus obtinere noscantur, nonnullis ex Fratribus Hospitalis ejusdem etiam benemeritis nullum seu nullam ex Prioratibus, Præceptoris, seu Domibus hujusmodi obtinentibus seu valentibus obtinere: ex quo cum alius minus abundet, alius vero indigeat: sæpe inter Fratres eodem insurgit murmur, & dissolvitur vinculum charitatis: iidemque Prioratus, Capellaniæ, Præceptorie, seu domus, dum Gubernatores seu Administratores intenti sunt pluribus, nimis utiliter gubernantur, minoratur ejusdem Hospitalis militia, & hospitalitas attenuatur: ex iis quoque contemnitur memorati hospitalis religio, & in animas fidelium scandalum generatur.

§. 2. Nos igitur, qui pluralitatem hujusmodi, præsertim in personis regularibus nimium detestamur, pluralitatem ipsam moderari & eisdem Fratribus benemeritis, & indigentibus providere volentes, omnes, & singulos Fratres hospitalis jam dicti plures Prioratus, Capellanas, Præceptorias, seu Domos hospitalis præfati seu alterum cum altero, seu altera obtinentes, gubernantes, & administrantes, eis omnibus uno seu una ex eis excepto vel excepta, quem, vel quam, infra octo menses a data præsentium, quas faciemus in Romana Curia publicari, computandos, eligere omnino dimissis reliquis teneantur, auctoritate Apostolica tenore præsentium privamus: eis in virtute sanctæ obedientiæ præcipientes districtè, quod de ipsis Prioratibus, Capellaniis, Præceptoris, seu Domibus dimissis, seu quos, & quas dimittere debent, ut præfertur, se de cetero nullatenus intromittant.

§. 3. Quod si forsitan quod absit, aliqui ex eisdem Fratribus, qui pluralitatem hujusmodi obtinent, ut præfertur, præceptum nostrum hujusmodi contemnentes, illos, seu illas, quos, seu quas ultra unum, vel unam ex Prioratibus, Capellaniis, Præceptoris, seu Domibus prædictis obtinent, dimittere, ut præmittitur, recusaverint, aut eorum, sive earum administrationi se ingesserint quoquomodo, Nos omnes hujusmodi recusantes, & ingerentes ex tunc omnibus Prioratibus, Capellaniis, Præceptoris, & Domibus, quos & quas singuli singulas licite retinere possent, volumus eo ipso esse privatos, & inhabiles ad quamcumque administrationem cujuscunque Prioratus, Capellaniæ, Præceptorie, seu Domus sepedicti hospitalis de cetero obtinendorum.

§. 4. Ceterum de probitate, & circumspeditione dilecti Filii Magistri hospitalis prædicti gerentes in Domino fiduciam, plenioribus sibi omnes, & singulos Prioratus, Capellanas, Præceptorias, seu Domos hujusmodi, quos seu quas tam per dimissionem, quam

Causæ edende  
hujus Consti-  
tutionis.Prohibet Fra-  
tribus plures  
Prioratus &c.  
in ordine ob-  
tinere.Pæna inobe-  
dientium.Præceptorii  
facultatem  
dat de Præ-  
ceptoris, cæ-  
terisque Be-  
nificiis pro-  
videre.



per privationem hujusmodi vacare continget singulos, seu singulas videlicet eorum seu eorum singulis ex dictis Fratribus ejusdem hospitalis idoneis, quos secundum Deum, & utilitatem dicti Hospitalis reputaverit meliores, super quo conscientiam suam oneramus, hac vice conferendi, illisque de ipsis providendi secundum consuetudinem dicti hospitalis in collatione, seu provisione hujusmodi Prioratum, Capellaniarum, Preceptoriarum, seu Domorum alias solitam gubernari plenam concedimus tenore presentium facultatem.

§. 5. Decernentes ex nunc irritum, & inane, si secus super iis a quoquam quavis auctoritate scienter vel ignoranter contigerit attentari.

§. 6. Nulli ergo omnino hominum liceat hanc paginam nostrorum privationis precepti, voluntatis, concessionis, & constitutionis infringere &c.

Datum apud Montem Flasconem decimo septimo Kalendas Octobris Pontificatus nostri Anno Sexto.

## VII.

Contra Officiales Laicos, quoquo modo personas Ecclesiasticas bannientes, relegantes, aut proscribentes.

Urbanus Episcopus Servus Servorum Dei.  
Ad perpetuam Rei Memoriam.

**Q**uia, sicut displicenter accepimus, nonnulli diversarum partium Principes, Marchiones, Duces, Comites, Barones, & alii nobiles, necnon potestates, capitanei, bajulivi, scabini, advocati, rectores, iudices, & consules, alique officiales, & consilarii civitatum, oppidorum, terrarum, castrorum, & aliorum locorum, alique laici, & laicales personae, dominium, seu jurisdictionem in temporalibus obtinentes, necnon ipsarum civitatum communia, & oppidorum, castrorum, terrarum, & aliorum locorum universitates, non attendentes, quod laicis in clericos, & personas Ecclesiasticas, & illorum bona, nulla sit attributa potestas, nihilominus Ministros Ecclesiae, etiam interdum in dignitatibus constitutos, temeritate propria bannire, seu relegare, aut proscribere non verentur.

§. 1. Nos adversus temeritatem hujusmodi remedium apponere cupientes, omnes & singulos talia praesumentes, & ea fieri mandantes, seu eorum nomine, vel mandato facta, rata habentes, vel in eis faciendis dantes auxilium, consilium, vel favorem, si singulares personae fuerint, cujuscunque praeminentiae, dignitatis, status, vel conditionis existant, earum videlicet singulas; si vero communitates vel universitates extiterint, omnes & singulos earum communitatum, & universitatum potestates, capitaneos, bajulivos, scabinos, advocatos, rectores, iudices, consules, & officiales, quocumque nomine censeantur, ac consilarios, & privatas personas, quae hujusmodi sacrilegii principales patratore existere, excommunicationis sententias incurrere, necnon

*Bull. Rom. Tom. III. Pars II.*

quamlibet earundem communitatum, seu universitatum, ac illa ipsorum Principum, Marchionum, Ducum, Comitum, Baronum, Nobilium, & aliorum quorumcumque laicorum, & laicalium personarum, talia praesumentium, in quibus talia fierent, civitates, terras, oppida, castra, & alia loca, Ecclesiastico interdicto subiacere volumus ipso facto.

§. 2. Nullusque ab eisdem sententiis per alium, quam per Romanum Pontificem, praeterquam in mortis articulo, possit absolvi, nec interdictum hujusmodi per alium etiam relaxari. Non obstante si aliquibus communiter, vel divisim a Sede Apostolica sit indultum, quod excommunicari, suspendi, vel interdicti non possint per literas Apostolicas non facientes plenam & expressam, ac de verbo ad verbum de indulto hujusmodi, & eorum propriis nominibus mentionem, & quibuslibet constitutionibus, privilegiis, & literis Apostolicis contrariis, de quibus etiam plena, & expressa in nostris fieri oporteat mentionem.

§. 3. Nulli ergo omnino hominum liceat hanc paginam nostrae voluntatis, & concessionis infringere &c.

Datum Romae apud S. Petrum, quarto Idus Decembris Pontificatus nostri Anno Sexto.

## VIII.

Reprobatio Pignorum, seu Sportularum occasione Litigiorum Judicibus Ecclesiasticis quovis modo exhibendorum.

Urbanus Episcopus Servus Servorum Dei.  
Ad perpetuam Rei Memoriam.

**Q**uamvis ab omni specie mali sit per quoslibet abstinendum, Personas tamen Ecclesiasticas tanto ab illa diligentius abstinere convenit, quanto in eis cuncta vitia magis reprehensibilia judicantur.

§. 1. Cum itaque sicut ad Apostolatus nostri pervenit auditum, in nonnullis diversarum Partium ordinariis Ecclesiasticis Curiis de quadam consuetudine, quae dicenda est potius corruptela, partes in ipsis Curiis litigantes, sive litigare volentes seu earum altera, de decima, seu vigesima, aut alia parte litis secundum diversitatem locorum pignora, seu sportulas, alias Pignus Bandi nuncupata, dare, seu deponere compellantur, quae postea in finalem litis eventum Domini, seu Officiales ipsarum Curiarum de ipsa consuetudine sibi retinent, & appropriant pro ipsorum libito voluntatis.

§. 2. Nos hujusmodi corruptelam, seu consuetudinem Canonibus, & bonis moribus inimicam auctoritate Apostolica reprobantes, praesentium tenore districtius inhibemus praecipiendo mandantes universis, & singulis Patriarchis, Archiepiscopis Electis, & aliis quibuscumque locorum ordinariis, & Personis Ecclesiasticis, jurisdictionem spirituales, vel temporalem obtinentibus, ne de cetero pignora, seu sportulas, aut res alias, quocumque nomine censeantur

Obstantibus derogat.

Et huic Constitutioni robor adiicit firmitatis.

Dat. die 10. Decembris 1383. An. VI.

Ex Regest. in Archiv. Vatic.

In ecclesiasticis quam sit reprehensibilis ipsa mali species.

Sportulas Judicibus ecclesiasticis dari vetat.

Clausulae irritantes.

Dat. die 15. Septembris 1383. An. VI.

Causae edenda Constitutionis.

Lata anathematis poena caver, ne Officiales quicumque Laici Ecclesiasticos banniant, at quovis modo proscribant.



occasione prædicta; aut alio quovis modo, vel colore petere, exigere, vel fieri, seu dari facere, seu mandare quoquomodo præsumant.

Clausula.

§. 3. Nulli ergo omnino hominum liceat hanc paginam nostrarum inhibitionis, & constitutionis infringere, &c.

Dat. die 10.  
Decembris  
1383. An. VI.

Datum Romæ apud Sanctum Petrum, quarto Idus Decembris Pontificatus nostri anno Sexto.

## IX.

Ex Regest.  
eodem.

Approbatio, & ratificatio Ordinis Fratrum Sancti Pauli Primi Eremitæ in Ungariæ Partibus a Joanne PP. XXII. instituti.

Urbanus Episcopus, Servus Servorum Dei.  
Ad Perpetuam Rei Memoriam.

Proemium.

**A**postolicæ servitutis Nobis injunctæ desuper Officium mentem nostram excitat, & inducit, ut circa ea, quæ statui prospero personarum sub Religionis habitu studio vacantium piæ vitæ ad perseverantiam Divini servitii opportuna prospicimus, operosis studiis intendamus.

Fratribus hinc  
a Jo. XXII.  
tradita Regu-  
la S. Augusti-  
ni.

§. 1. Olim siquidem felicitis recordationis Joannes Papa XXII. Prædecessor noster dilectis Filiis Priori Generali, & Fratribus S. Pauli Primi Eremitæ in Ungaria, & aliis mundi partibus constitutis Ordinis Sancti Augustini Regulam ejusdem Sancti Augustini per eos & successores ipsorum in locis suis, quæ habebant, & præstante Domino haberent imposterum, perpetuis futuris temporibus observandam auctoritate Apostolica concessit ac nonnulla alia indulgit Priori, & Fratribus supraddictis; Nosque postmodum hujusmodi privilegium dicti Joannis Prædecessoris duximus innovandum.

Eis confirma-  
tur ab Urba-  
no.

§. 2. Cum autem sicut exhibita Nobis pro parte dictorum Prioris, & Fratrum petitio continebat, quidam curiosi, ac simplices se de ipsis, quæ non multum expediunt, introumittere volentes, ipsis Priori, & Fratribus & eorum Ordini, pro eo quod in prædicto Privilegio verbum confirmationis, seu approbationis non exprimitur, sed eis dumtaxat dicta Regula conceditur palam, & occulte detrahant, & de ipsis obloquantur, pro parte ipsorum Prioris, & Fratrum Nobis fuit humiliter supplicatum, ut providere eis super præmissis de benignitate Apostolica dignemur. Nos igitur, qui de ipsorum Prioris, & Fratrum vita, & institutis sumus plenarie informati, eis in præmissis providere volentes consideratione etiam carissimi in Christo filii nostri Ludovici Regis Ungariæ illustris ipsorum Regis, ac Prioris, & Fratrum in hac parte supplicationibus inclinati prædictum ordinem dictorum Prioris, & Fratrum sub dicta Regula, & habitu, quem gestant auctoritate Apostolica tenore præsentium ratificamus, & etiam approbamus.

Clausula.

§. 3. Nulli ergo omnino hominum liceat hanc paginam nostrarum ratificationis, & approbationis infringere &c.

Datum Romæ apud Sanctum Petrum secundo Idus Martii, Pontificatus nostri Anno Sexto.

## X.

Fratribus Ordinis Servorum Sanctæ Mariæ nullam antehac in Urbe Domum habentibus Ecclesia Sancti Marcelli conceditur.

Ex Regest.  
eodem.

Urbanus Episcopus, Servus Servorum Dei  
Venerabili Fratri Jacobo Episcopo Aretino, Salutem, & Apostolicam Benedictionem.

**A**postolicæ servitutis officium desuper Nobis injunctæ mentem nostram ad ea incitat & inducit, quæ pro statu personarum sub Religionis habitu studio vacantium piæ vitæ salubriter ampliando opportuna, conspiciamus: illaque favore prosequimur opportuno.

Exordium.

§. 1. Sane nuper dilectus filius noster Andruinus Tituli S. Marcelli Presbyter Cardinalis Nobis exposuit, quod Ecclesia S. Marcelli de Urbe, quæ Titulus sui Cardinalatus existit, magnam habet curam animarum, & quod in ipsa Ecclesia, licet octo Canonicos habeat, quorum unus dumtaxat inibi residet, modicus vel quasi nullus servatur cultus Divinus, ac iidem Canonici ad divinum Officium sufficientes, aut dispositi non existant: dictaque Ecclesia in suis edificiis nimium est collapsa, ac etiam ruinosa; quodque idem Cardinalis prædictam Ecclesiam, ad Religiosos transferri, & in ea tot Fratres Servorum Sanctæ Mariæ Ordinis Sancti Augustini, qui in dicta Urbe nullum locum habent, & quorum unus sit Prior, qui curam aliorum Fratrum, & Parochianorum dictæ Ecclesiæ habeat, creari, & institui, quot poterunt ex ipsius Ecclesiæ fructibus congrue sustentari, desiderat, & affectat.

Causa Con-  
cessionis.

§. 2. Quare pro parte dicti Cardinalis Nobis fuit humiliter supplicatum, & cum Prior generalis dictorum Fratrum in dicta Urbe sit præsens, & ad reparationem dictæ Ecclesiæ paratum se offerat, atque promptum, pluresque Parochiales Ecclesiæ de dicta Urbe per Religiosos sint solitæ gubernari, dictam Ecclesiam ad hujusmodi Religiosos transferri, & ibidem fratres creari, & institui prædictos, ita quod cedentibus, vel decedentibus dictis octo Canonicis, ac aliis Presbyteris, & Clericis perpetuis beneficiis in eadem Ecclesia, vel suos Canonicatus, Præbendas, ac Officia quomodolibet dimittentibus fructus, redditus, & proventus hujusmodi Canonicatum, Præbendarum, ac Beneficiorum, necnon possessiones, & bona quæcumque ad dictos Canonicos, & perpetuos Beneficiarios ratione suorum Canonicatum, Præbendarum, ac Beneficiorum hujusmodi pertinentia prædictis Fratribus, & eorum ordini applicentur de benignitate Apostolica mandarem.

Ecclesia S.  
Marcelli, in  
qua Canonici  
degebant Fra-  
tribus S.B.M.  
conceditur.

§. 3. Nos itaque hujusmodi supplicationibus inclinati Fraternitati tuæ per apostolica scri-



Data ex-  
quendi facul-  
tas Jacobo  
Episc. Are-  
tino.

scripta mandamus, quatenus dictam Ecclesiam auctoritate Apostolica ad hujusmodi Religiosos transferas, & ibidem tot ex hujusmodi Fratribus Servorum Sanctæ Mariæ, quorum unus sit Prior, & curam animarum aliorum fratrum, & Parochianorum dictæ Ecclesiæ habeat, & ipsis Parochianis ministret Ecclesiastica Sacramenta, ibidem intuitus, quot ex fructibus prædictis poterunt congrue sustentari: ac statuas auctoritate prædicta & ordines, quod cedentibus, vel decedentibus Canonicis, & Beneficiatis prædictis vel suos Canonicatus, & Præbendas, ac Beneficia supradicta quomodolibet dimittentibus fructus, redditus, & proventus, ac possessiones, & bona præfata ad Canonicos, & Beneficiarios prædictos ratione Canonicatum, & Præbendarum ac Beneficiorum hujusmodi pertinentia, ut præfertur, etiam si ipsi Canonicatus, & Præbendæ, ac Beneficia sint dispositioni apostolicæ quomodolibet reservata, eisdem fratribus, & eorum ordini applicentur eo ipso. Ac nihilominus eisdem Priori, & Fratribus, postquam in dicta Ecclesia creati & instituti fuerint, etiam locandi, & arrendandi fructus, redditus, & proventus jura, & obventiones Canonicatum, & Præbendarum, ac Beneficiorum prædictorum a Canonicis, & Beneficiatis prædictis illa obtinentibus, quandiu ipsi Canonici ea obtinuerint, pro certo pretio ejusdem Canonicis, & Beneficiatis annuatim persolvendo: ita quod si dictis Canonicis, & Beneficiatis satisfiat, ipsi ad hujusmodi Canonicatus, & Præbendas ac Beneficia redire non valeant, auctoritate prædicta licentiam largiaris: contradictores per censuram Ecclesiasticam appellatione postposita compescendo.

Obstantium  
derogatio.

§. 4. Non obstantibus quibuscunque constitutionibus Privilegiis, ac Literis Apostolicis, necnon statutis, & consuetudinibus Ecclesiæ, & Ordinis prædictorum contrariis juramento, confirmatione Apostolica, vel quacunque firmitate alia roboratis, seu si aliqui Apostolica vel alia quavis auctoritate in eadem Ecclesia in Canonicos sint recepti, vel ut recipiantur insistant, seu si super provisionibus sibi faciendis de hujusmodi Canonicatibus, & Præbendis ipsius Ecclesiæ speciales vel aliis beneficiis Ecclesiasticis in illis partibus generales Apostolicæ Sedis, vel Legatorum ejus Literas impetrarint: etiam si per eas ad inhibitionem reservationem, & Decretum, vel alias quomodolibet sit processum, quas literas, & Processus habitos per easdem, & quæcumque inde sequuta ad hujusmodi Canonicatus, & Præbendas, ac alia Beneficia ipsius Ecclesiæ volumus non extendi, sed nullum per hoc eis quoad assequutionem Canonicatum Præbendarum, ac aliorum Beneficiorum præjudicium generali, seu quibuscunque Privilegiis, indulgentiis, & Literis Apostolicis generalibus, vel specialibus quorumcumque tenorum existant, per quæ præsentibus non expressa vel totaliter non inserta effectus earum impediri valeat quomodolibet, vel differri, & de quibus quorumque totis tenoribus de

Bull. Rom. Tom. III. Pars II.

verbo ad verbum habenda sit in nostris literis mentio specialis.

§. 5. Nos enim dicto Cardinali, & suis successoribus prædictum titulum obtenturis in dicta Ecclesia ac ipso Priori, & Fratribus dum inibi fuerint, necnon Parochianis dictæ Ecclesiæ omnem jurisdictionem correctionem, ac Justitiam reservamus, quam in Canonicis, & Beneficiatis, ac Parochianis dictæ Ecclesiæ ipsius Cardinalis prædecessores dictam Ecclesiam obtinentes habuerunt, & idem Cardinalis habere noscitur de præfenti. Et insuper ex nunc irritum decernimus, & inane si secus super iis a quoquam quavis auctoritate scienter vel ignoranter contigerit attentari.

Datum Romæ apud Sanctum Petrum septimo Idus Decembris Pontificatus nostri Anno Septimo.

Alieno juri  
cautum.

Dat. die 7.  
Novembris  
1384. An.  
VII

## XI.

Sanctorum Petri, & Pauli Apostolorum Icones argenteas deauratas, Gemmisque pretiosis elegantissime elaboratas quarum altera scilicet Beati Petri de Ligno Crucis Domini Nostri Jesu Christi particulam in vertice retinet, & in quibus SS. Apostolorum eorumdem Capita sunt recondita, aliasque nonnullorum SS. Reliquias decenter ornatas in Sacrosancta Lateranensis Ecclesia asservatas auferentes, diripientes, seu alias quomodolibet depredantes Excommunicationis vinculo innodantur, perpetuæque infamiæ poena plectuntur.

Ex Regest.

Urbanus Episcopus, Servus Servorum Dei.  
Ad perpetuam rei memoriam.

**S**acrilegorum damnanda præsumptio eo est gravior, & durius castigari meretur, quo in locis venerabilioribus rebusque sacrioribus fuerit perpetrata.

Exordium

§. 1. Cum itaque Nos ad reverentiam Dei & Beatissimorum Apostolorum suorum Petri & Pauli duas eorumdem Apostolorum Imagines Argenteas deauratas ac Margaritis, & lapidibus pretiosis ornatas ponderis Milleducentarum Marcharum Argenti, super quarum alteram videlicet verticem Beati Petri est una Crux aurea parva Gemmis pretiosis ornata, in qua est de Ligno Crucis Domini Nostri Jesu Christi, & oro sumptuosoque opere fecerimus fabricari, ac in Ecclesia Lateranensi supra Altare majus venerabiliter collocari: in eisque Sacratissima Capita dictorum Apostolorum & alias Reliquias Sanctorum ibidem ad majorem venerationem ipsorum Apostolorum, & devotionem fidelium recondi, perpetuis temporibus permansura; Dignum est, & ad cautelam reputamus expediens, quod ut ipsa Crux, Capita, Reliquiæ, & Imagines duæ, capse parvæ argenteæ, in quibus præfata Sacratissima Capita olim in Ecclesia Sancti Laurentii ad Sancta Sanctorum prope ipsam Lateranensem Ecclesiam consistente retroa-

Hæ reliquiæ  
unde sumptæ.  
Eas, earum-  
que orname-  
ta auferentes  
quibus subje-  
ctipenis.



his temporibus fuerant conservata, custodita & intacta, permaneant, penas graves contrarium præsumptibus inferamus, omnes & singulos cujuscumque præminentia, dignitatis, status, gradus, ordinis vel conditionis extiterint, etiam si Imperiali, Regali, Pontificali, vel quacumque alia præfulserint dignitate, qui dicta Capita, Crucem, aut alias Reliquias Sanctorum cum eis, ut præfertur, reconditas, vel Imagines, aut capsas, vel aliquod, seu aliquem ipsorum, aut alicujus eorum partem, aut Gemmas, Margarithas, jocalia, seu ornatus ipsis, seu ipsarum alteri adherentia, palam vel occulte, violenter vel furtive etiam de conscientia Canonorum & Capituli Ecclesiæ Lateranensis præfata, vel alterius ipsorum, subripere, auferre, asportare, seu destruere præsumperint, aut talia præsumptes seu præsumptum scienter socii fuerint, seu ea fieri mandaverint, vel facta ipsorum nomine rata habuerint, sive in iis publice vel occulte auxilium, consilium, vel favorem dederint, aut eos vel præmissa subtrahita, seu ablata, seu aliquos vel aliqua eorumdem, scienter receptaverint, & retinuerint vel defensaverint, excommunicationis sententia innodamus: eorumque Civitates, Terras, Castra, & loca, Ecclesiastico interdicto supponimus; Et si quod detestabilius esset, Populus Romanus seu Urbem Regentes pro tempore per se vel alium seu alios perpetrando mandando aut consentiendo in iis exceßerint, ipsi Populus & Urbs, si vero universitas cujuscumque Civitatis, Castri, aut loci tanti criminis fuerint patratores, hujusmodi Civitas, Castrum aut locus prædicto subiaceant interdicto, hujusmodique sententia irretiti quamdiu prædicta rapta & asportata detinuerint seu non restituerint & in sua contumacia perduraverint singulis diebus Dominicis & festivis pulsatis Campanis & Candelis accensis per omnes Urbis & ipsius districtus, necnon Civitatum & Diæcesum vicinarum Ecclesias Parochiales Collegiatas & Curatas excommunicati publice nuncientur nec ab alio, quam a Romano Pontifice possint absolutionis Beneficium obtinere nisi dumtaxat in mortis articulo constituti: & si tunc absoluti fuerint Ecclesiastica careant sepultura: & si forsan post absolutionem hujusmodi convaluerint, in eandem excommunicationis sententiam relabantur. Nullusque nisi idem Romanus Pontifex hujusmodi relaxare vel suspendere valeat interdictum. Et si quod ab æ Personæ Ecclesiasticæ fuerint omnibus Prælaturis, & Dignitatibus etiam si Episcopales & superiores fuerint necnon Personatibus Officiis & Beneficiis ac administrationibus Ecclesiasticis, quas obtinerent sint ipso facto private, & reddantur inhabiles ad ea & alia obtinenda.

Alia pena  
temporales.

§. 2. Et quia tam execrabile sacrilegium penis multiplicibus plecti mereretur, talia præsumptes sicut rei criminis læse Majestatis perpetuo sint infames & banniti, sint intestabiles, ut nec testamenti liberam habeant factionem, eorumque bona non feudaliter pro aliquali satisfactione prædictorum dictæ La-

teranensi Ecclesiæ absque remissionis gratia perpetuo applicentur: Feudalia vero ad suos Dominos ipso facto libere revertantur quod si qui prædictorum Reorum, filios vel filium, aut Nepotem, vel Nepotes habeant per rectam lineam descendentes Beneficium, seu Beneficiatos quibusvis Beneficiis etiam si Pontificalem adeptus vel adepti fuerint dignitatem, sint eis ipso Jure privati spe promotionis omnino sublata. Nulli præterea talium filiorum atque Nepotum ex virili sexu descendendum ab eisdem alicujus aperiatur janua dignitatis, aut honoris Ecclesiastici, seu Mundani, seu ad alicujus loci regimen sit accessus, sit eis postulandi negata facultas, sit notorie judicatus, & quodlibet aliud Officium, seu ministerium publicum interdictum: in judiciis eorum assertio contra quemquam nihil fidei, nihil fidelitatis credelitatis inveniant, ut ad testimonium, prorsus reddantur indigni sit eis ad Ordines, & ad Beneficium, vel officium Ecclesiasticum negatus, ascensus: & ut magis famosa sit eorum infamia, ad actus legitimos nullus eis pateat aditus, super aliquo præmissorum omni spe dispensationis adempta.

§. 3. Nulli ergo omnino hominum liceat hanc paginam, nostrorum excommunicationis interdicti, & illationis poenarum infringere &c.

Datum apud Montem Flasconem, quinto Kalendas Augusti, Pontificatus nostri Anno Octavo.

Filiorum quoque poenæ.

Dat. die 28.  
Julii 1385.  
An. VIII.

## XII.

Hereticis, Schismaticis, aliisque à Sacrosancta Apostolica Romana, & Universali Catholica Ecclesia quomodolibet deviantibus, & ad ejusdem Ecclesiæ unitatem, obedientiam, & reverentiam redeuntibus formam professionis Fidei præstandam præscribit.

Ex Regest.

Urbanus Episcopus Servus Servorum Dei,  
Ad perpetuam Rei Memoriam.

AD propagationem catholicæ fidei, super cujus custodia sumus licet insufficientibus meritis à Domino deputati. & quorumlibet glorantium nomine Christiano, sed deviantium a gremio Sacrosanctæ Romanæ ac Catholicæ & Apostolicæ Ecclesiæ Matris & Magistræ cunctorum Christianorum Fidelium, cui auctore ipso Domino præsidemus, reductionem ad obedientiam, & reverentiam ipsius Ecclesiæ pastoralis sollicitudine intendentes; viam & formam omnibus hujusmodi deviis tenemur ostendere, per quas salubriter ad dictum gremium possint accedere: in eoque perpetuo commorari.

Exordium.

§. 1. Sane cum sicut lætanter audivimus, nonnulli Reges, Principes, & alii Christiani tam Clerici, & Ecclesiasticæ Personæ Religiosæ, & etiam seculares, quam laici, qui extra obedientiam dictæ Ecclesiæ, extra quam non est salus, damnabiliter permanserunt ha-

Redeuntibus ad Ecclesiæ gremium.

ste-



Alienus & permanere noscuntur, ad dictæ Ecclesiæ redire seu venire desiderant unitatem ac obedientiam, & reverentiam debitam & devotam; Nos volentes eos dictæ fidei professionem, quam debent facere, salutari edocere doctrina, infra scriptam formam, quam in talibus servari consuevit dicta Ecclesia, præsentibus fecimus annotari: Volentes, ac mandantes, quod quilibet, qui fuit seu est Schismaticus, & præcisus a præfatæ Ecclesiæ unitate, & ad eam redire voluerit dictam professionem in manibus alicujus Prælati vel Clerici, aut Religiosi Catholici, & præfatæ Ecclesiæ communionem habentis faciant in ipsa forma, quæ talis est.

§. 2. Ego talis profiteor & credo Sanctam Trinitatem Patrem, & Filium & Spiritum Sanctum unum Deum Omnipotentem, totamque in Trinitate Dignitatem coessentiali, & consubstantiali, coeternam, & coomnipotentem, unius voluntatis, potestatis, & Majestatis Creatorem omnium Creaturarum, ex quo omnia, per quem omnia, quæ sunt in Cœlo & in Terra visibilia & invisibilia, Corporalia & Spiritualia.

§. 3. Item Credo singulam quamque in Trinitate Personam, unum Deum verum, plenum, & perfectum.

§. 4. Credo ipsum filium Dei Verbum Dei æternaliter natum ex Patre, consubstantiali, unius & ejusdem Omnipotentis, & coequalem per omnia Patri in Divinitate, in tempore natum de Spiritu Sancto ex Maria semper Virgine cum anima rationali, duas habentem Nativitates unam ex Patre æternam, alteram ex Matre temporalem, Deum verum, & hominem verum, proprium in utraque natura atque perfectum, non adoptivum neque secundum fantasiam, sed unum & unicum filium Dei in duabus, & ex duabus divina scilicet & humana naturis, sed in unius Personæ singularitate, impassibilem & immortalem divinitate, sed in humanitate pro nobis & salute nostra passum vera carnis passione, mortuum & sepultum, & descendisse ad Inferos, & tertia die resurrexisse a mortuis vera carnis resurrectione, & die quadragesimo post resurrectionem cum Carne, qua resurrexit, & anima ascendisse ad Cœlum, & sedere ad dexteram Patris: inde venturum judicare vivos, & mortuos, & redditurum unicuique secundum opera sua, sive bona fuerint, sive mala.

§. 5. Credo etiam Spiritum Sanctum plenum & perfectum, utrumque Deum ex Patre & Filio procedentem, coequalem, & coessentiali, & coomnipotentem, & coeternum per omnia Patri & Filio.

§. 6. Credo hanc Sanctam Trinitatem non tres Deos, sed unum Deum Omnipotentem, æternum, invisibilem, & incommutabilem.

§. 7. Credo Sanctam Catholicam & Apostolicam unam esse veram Ecclesiam, in qua unum datur Baptisma, & vera omnium remissio peccatorum.

§. 8. Credo etiam veram Resurrectionem ejusdem Carnis, quam nunc gestamus & vitam æternam.

§. 9. Credo etiam novi & veteris Testamenti idest legis & Prophetarum & Apostolorum unum esse autorem Deum & Dominum Omnipotentem.

§. 10. Credo hanc esse veram fidem Catholicam, & quod hanc super dictis articulis tenet & prædicat Sacrosancta Romana Ecclesia: & propter diversas hæreses a quibusdam ex ignorantia, & ab aliis ex malitia introductas dicit & prædicat eos, qui post Baptismum in peccata labuntur, non rebaptizandos, sed per veram penitentiam suorum posse consequi veniam peccatorum. Quod si vero penitentes in charitate decesserint, antequam dignis penitentis fructibus de commissis satisfecerint, & omissis, eorum animas penis Purgatorii post mortem purgari, & ad penarum hujusmodi alleviationem & liberationem prodesse eis fidelium vivorum suffragia, scilicet Sacrificia, orationes, & elemosynas, & alia pietatis officia, quæ a fidelibus pro aliis fidelibus fieri consueverunt secundum Ecclesiæ instituta.

§. 11. Credo etiam illorum animas, qui post Sacrum Baptisma susceptum nullam omnino peccati maculam vel in suis habentes Corporibus, vel eisdem exuta, prout dictum est superius, sunt purgata, in Cœlum mox recipi. Illorum autem animas, qui in mortali peccato, vel cum solo originali decessunt, mox in Infernum descendere penis tamen disparibus puniendas eadem Sancta Romana Ecclesia credit & firmiter asseverat. Et quod nihilominus in die Judicii omnes homines ante Tribunal Christi cum suis corporibus comparebunt, reddituri de factis propriis rationem.

§. 12. Credo sicut etiam tenet, & docet eadem Ecclesia Romana, septem esse Ecclesiastica Sacramenta, unum scilicet Baptisma, de quo dictum est supra, aliud est Sacramentum Confirmationis, quod per manus impositionem Episcopi conferunt crismando renatos. Aliud est Penitentia. Aliud est Eucharistia. Aliud est Sacramentum ordinis. Aliud Matrimonium. Aliud est Extrema Unctio, quæ secundum doctrinam Beati Jacobi infirmantibus exhibetur. Sacramenta Eucharistiæ ex Azimo sacrificat Ecclesia Romana prædicta, tenens, & docens, quod in ipso Sacramento panis vere transmutatur in Corpus, & Vinum in Sanguinem Domini Nostri Jesu Christi. De Matrimonio vero tenet, quod nec unus Vir simul habere permittitur plures Viros. Soluta vero lege Matrimonii per mortem alterutrius coniugum secundas, & tertias & deinceps nuptias successive licitas esse dicit: si impedimentum canonicum & causa alia non obstat. Ipsa quoque Sacrosancta Romana Ecclesia summum & plenum Primatum & Principatum super universam Catholicam Ecclesiam obtinet, quæ se ab ipso Domino in Beato Petro Apostolorum Principe, seu Vertice, cujus Romanus Pontifex est Successor, cum plena potestate recipisse veraciter & humiliter recognoscit, & sicut præ cæteris tenetur, fidei veritatem de-

Hanc emit-  
tendam pro-  
fessionem præ-  
scribit.



fendere, sic & si quæ de fide subortæ fuerint quæstiones, suo debent iudicio diffiniri: ad quam potest gravatus quilibet in negotiis ad forum Ecclesiasticum pertinentibus appellare, sed in omnibus causis ad examen Ecclesiasticum spectantibus ad ipsius recurri potest iudicium, & eidem omnes Ecclesiæ sunt subiectæ. Ipsarum Episcopi obedientiam & reverentiam sibi debent: apud quem sic plenitudo potestatis consistit, quod Ecclesias cæteras ad sollicitudinis partem admittit, quarum multas Patriarchales præcipue diversis privilegiis eadem Romana Ecclesia honoravit, sua tamen præcellenti dignitate & superioritate tam in Generalibus Conciliis, quam in quibuscumque aliis semper salva. Unde superscriptam fidei veritatem prout plene scripta & lecta est & fideliter exposita veram Sanctam & Orthodoxam fidem esse recognosco: eam accepto & corde, ac ore profiteor, ipsamque, prout eam veraciter tenet & fideliter docet & prædicat Sacrosancta Romana Ecclesia, me inviolabiliter servaturum, & in ea omni tempore perseveraturum, nec ab ea ullo unquam tempore recessurum, & quomodo deviaturum promitto: & abrenuncio omni Schismati. Primatum quoque ipsius Sacrosanctæ Romanæ Ecclesiæ, prout in præmissa serie continetur, ad ipsius Ecclesiæ obedientiam spontaneus veniens fateor & recognosco accepto, & sponte suscipio, & me omnia præmissa, tam circa fidei veritatem, quam circa ejusdem Ecclesiæ Romanæ Primatum, & ipsorum recognitionem, acceptionem, susceptionem, observantiam, & perseverantiam servaturum, præfinito corporaliter Juramento promitto & confirmo, sic me Deus adjuvet, & hæc Sancta Dei Evangelia. Quod si contra hæc aliquid sentire, confiteri, aut alias agere præsumpsero, me Schismaticum, Anathematizatum eo ipso recognosco, ac severitati Sacrorum Canonum subiacere.

Clausulæ:

§. 13. Nulli ergo omnino hominum liceat hanc paginam nostrarum voluntatis, & mandati infringere &c.

Dat. die 2.  
Augusti 1385  
An. VIII.

Datum apud Montem Flasconem Kalendis Augusti Pontificatus nostri anno octavo.

## XIII.

Causarum Curie Capitoline cognitionem, & diffinitionem etiam in gradu appellationis, & in quibuscumque instantiis, iudicibus ejusdem Curie tantummodo, cæteris Romanæ Curie iudicibus, & Officialibus procedendi in causis huiusmodi facultate interdicta, spectare declarat.

Urbanus Episcopus, Servus Servorum Dei.

Ad perpetuam Rei Memoriam.

**A**postolicæ sollicitudinis exposcit officium, ut subiectorum intendentes utilitatibus, & dispendiis devitantes litigantium, malitiis opportunis remediis occurramus.

§. 1. Dudum siquidem celerem finem imponi litibus præsertim Romanorum Civium peculiarium nostrorum & Romanæ

Ecclesiæ filiorum, in quantum suadet ratio, cupientes in Curia Capitolii mandavimus, & fecimus ordinare, quod in ea esset unus iudex primarum appellationum, quas interponi contingeret ab Officialibus Curie supradictæ, à cuius quidem iudicis sententiis & aliis gravaminibus posset ad alium iudicem, quem in ipsa Curia esse & maiorem iudicem secundarum appellationum nuncupari volumus, appellari: quodque ab ipsius iudicis majoris diffinitionibus, & sententiis nemine appellare vel reclamare, aut in integrum restitutionem petere liceret: & si secus forsitan fieri contingeret, omnes processus & sententias quorumcumque iudicum Romanæ Curie contra ordinationem huiusmodi ex tunc forsitan faciendos, eo ipso volumus esse irritos, & inanes ac nullius penitus firmitatis.

§. 2. Cum autem, sicut accepimus, nonnulli tam Romani Cives, quam alii de foro dictæ Curie Capitolii existentes, contra quos in ipsa Curia exigente iustitia tres diffinitivæ sententiæ sunt legitimæ promulgatæ, executionem iustitiæ & sententiarum huiusmodi fugere per frivolarum appellationum, quas ad nos interponunt, diffugia moliantur, se ipsos partemque adversam vanis expensis & laboribus nequiter fatigando; Nos talium obviare malitiis cupientes Vicecancellario & Camerario nostris, ac Camera nostra, utrisque Auditoribus Causarum Palatii Apostolici, qui sunt & pro tempore, fuerint, tenore præsentium districtius inhibemus, ne ipse Vicecancellarius super huiusmodi appellationibus interpositis, seu interponendis à quibuscumque sententiis vel gravaminibus Officialium, seu iudicum dictæ Curie Capitolii, aut primarum, & secundarum appellationum prædictorum Auditores dare nec ipsi Camerarius, & Auditores in huiusmodi causis ad eos delatis, seu commissis eisdem contra dictam ordinationem de cætero procedere quoquomodo præsumant: sed ipsas causas & partes earum, ad Priores iudices, seu Officiales, a quibus appellatum extitit, remittere non postponant: ac ex nunc irritum decernimus & inane quidquid contra inhibitionem nostram huiusmodi contigerit impofterum attentari.

§. 3. Nulli ergo omnino hominum liceat hanc paginam nostrorum voluntatis & decreti infringere, &c.

Datum Romæ apud Sanctum Petrum quarto Kalendas Decembris Pontificatus nostri anno Octavo.

Clausulæ.

Dat. die 28.  
Novembr.  
1385. An.  
VIII.

## XIV.

Institutio Universitatis Studii Generalis ad normam Academiæ Parisiensis in Urbe Coloniensi.

Urbanus Episcopus, Servus Servorum Dei.

Ad perpetuam rei memoriam.

**I**n supræmæ dignitatis Apostolicæ specula superni dispensatione consilii licet immeriti constituti, ad universas fidelium regiones nostræ vigilantie creditas, earumque

Varii appellationum iudices in Curia Capitolina statuti.

Constitutio de qua in rubrica.

Ex eodem  
Regest.

Ex Oper. Diplomati. Mirai Tom. II. pag. 1253.

Proemium.



que profectus, & commoda tamquam universalis gregis Dominici Pastor commissæ nobis speculationis apicem, quantum nobis ex alto permittitur, extendentes, fidelibus ipsis ad quærendum literarum studia, & scientiæ margaritam, cujus acquisitio dum invenitur, gloriosa est, & fructus suavissimi, per quam pelluntur ignorantiae nubila, ac erroris eliminata caligine mortalium curiosa solertia suos actus, & opera disponit, & ordinat in lumine veritatis, per quam etiam divini nominis fideique catholicæ cultus protenditur, justitia colitur, tam publica, quam privata res geritur utiliter, omnisque prosperitas humanæ conditionis augetur.

Ob hoc igitur magno nec mirum desiderio ducimur, ut literarum Studia in quibus pretiosa ipsius scientiæ margarita reperitur laudanda suscipiant incrementa frequentius, præsertim in locis illis, quæ ad multiplicanda doctrinæ semina, & germina salubria producenda apta, & idonea dignoscuntur.

§. 1. Nos præmissa attendentes, & etiam fidei puritatem, & devotionem eximiam, quam dilecti Filii N. N. Consules, Scabini, cives, & commune Civitatis Colonienfis devoti nostri, & Ecclesiæ Romanæ filii ab olim ad ipsam Ecclesiam, & nos habuisse dignoscuntur, illamque successionem temporum de bono in melius studuerunt augmentare, dignum ducimus, & æquitati consonum existimamus, ut civitas ipsa, quam divina gratia multarum prærogativa bonitatum, & fecunditate virtutum gratiosa dotavit scientiarum etiam ornetur muneribus, & etiam amplietur, ita ut viros producat consilii maturitate conspicuos, virtutum redimitos honoribus, & diversarum facultatum dogmatibus eruditos, sitque ibi fons irriguus, de cujus plenitudine hauriant universi qui literarum imbui cupiunt documentis.

§. 2. Præmissis igitur diligenti examinatione pensatis, non solum ad ipsius Civitatis, sed etiam regionum circumjacentium, incolarum commodum, & profectum, paternis affectionibus anhelantes, dictorum etiam Consulum, Scabinorum, Civium, & communis gratiam nostram suppliciter implorantium in hac parte devotis supplicationibus favorabiliter annuentes ad laudem divini nominis, & fidei propagationem orthodoxæ, auctoritate Apostolica statuimus, & etiam ordinamus, ut in dicta Civitate Colonienfi sit de cætero Studium generale, ad instar Studii Parisiensis, illudque perpetuis futuris temporibus vigeat tam in Theologiæ, & Juris Canonici, quam alia qualibet licita facultate, quod legentes, & studentes ibidem omnibus libertatibus, & immunitatibus concessis Magistris in Theologia, ac Doctoribus legentibus, & studentibus commorantibus in dicto Parisiensi Studio generali gaudeant.

§. 3. Insuper Civitatem, & Studium præfata ob profectus publicos, quos exinde provenire speramus, amplioribus honoribus prosequi intendentes, auctoritate ordinamus eadem, ut si qui in eodem Studio Colonienfi

fuerint, qui processu temporis bravium meruerint in illa facultate, in qua studuerunt, obtinere, sibi que docendi licentiam, ut alios erudire valeant, ac Magisterii, seu Doctoratus honorem petierint elargiri, per Magisterium, seu Magistros, Doctorem, vel Doctores illius Facultatis, in qua examinatio fuerit facienda, Præposito Ecclesiæ Colonienfis, qui pro tempore fuerit, vel eo absente idoneo, quem ad hoc idem Præpositus duxerit deputandum, Vicario, vel Præpositura ipsius Ecclesiæ vacante, illi qui ad hoc per dilectos filios Capitulum ipsius Ecclesiæ deputatus extiterit, præsententur: idemque, Præpositus, vel Vicarius, aut Deputatus, ut præfertur Magistris, & Doctoribus in eadem facultate actu inibi regentibus convocatis illos, sic præsentatos in his quæ circa promovendos ad Magisterii, seu Doctoratus honorem requiruntur juxta modum, & consuetudinem quæ circa consuetudinem, quæ super tali in generalibus Studiis observantur, observatis examinare studeat diligenter, eis que si ad hoc sufficientes, & idonei reperti fuerint hujusmodi licentiam tribuat, & Magisterii, seu Doctoratus honorem conferat, & etiam largiatur.

§. 4. Illi vero, qui in eodem Studio dictæ Civitatis examinati, & approbati fuerint, ac docendi licentiam, & honorem hujusmodi obtinuerint, ut est dictum ex tunc abique examine, & approbatione alia legendi, & docendi tam in civitate prædicta, quam in singulis aliis generalibus Studiis, in quibus voluerint legere, & docere Statutis & consuetudinibus contrariis Apostolica, vel quacumque firmitate alia roboratis nequaquam obstantibus plenam, & liberam habeant facultatem.

§. 5. Nulli ergo omnino hominum liceat hanc paginam nostri statuti, & ordinationis infringere &c.

Datum Perusii duodecimo Kalendas Junii Pontificatus nostri Anno Undecimo.

## XV.

Terra Montis regalis (nunc vulgo *Mondovi*) in Civitatem, & Ecclesia S. Donati in Cathedralem erigitur.

Urbanus Episcopus Servus Servorum Dei,  
Ad perpetuam rei memoriam.

**S**alvator noster, cujus nutui cuncta subserviunt, in agro hujus mundi messem multam, & operariorum raritatem attendens, Dominum messis rogandum ut illam operarios mitteret, censuit. Et ipse idem exiens mane veluti Pater familias diligens horis variis operarios in vineam suam misit. Romanus itaque Pontifex, qui sicut eodem Domino disponente Vicarius ejus in terris esse dignoscitur, & sic, & ipsius actibus in quantum sicut humana fragilitas se conformare tenetur, ubi super excrescere messem, populi videlicet multitudinem, vi-

Colonien-  
sum erga Ro-  
manam Ec-  
clesiam meri-  
ta.

Colonienfis  
Accademia  
institutio cum  
applicatione  
Privilegio-  
rum Universi-  
tatis Parisien-  
sis.

De Laurean-  
dis.

Licentia-  
rum Privile-  
gia.

Clausula.

Dat. die 21.  
Maii 1388.  
An. XI.

Ex Regest.  
eodem.

Proemium.



Causæ novæ  
faciendæ Ere-  
ctionis.Erectio Epi-  
scopatus Mon-  
tis regalis.Capituli affi-  
gnatio.

viderit, operarios debet opportunos ad-  
cere, & juxta Propheticum verbum au-  
gere custodiam locare custodes, & cultor-  
es Idoneos in dominicam vineam desti-  
nare.

§. 1. Cum igitur in Terra de Montevi-  
co, quæ usque in præsentem diem fuit Asten-  
sis diæcesis, adeo, ut ipsa facti notorie-  
tas manifestat, benedicente Domino crevit po-  
puli multitudo, ut terra ipsa personarum  
numerofitate, & aliis Domini benedictioni-  
bus ultra Civitates quamplures sit foecun-  
da. Accedit etiam, quod cum Ecclesia Asten-  
sis latam, & diffusam Diæcesim habeat in qua  
civitate Astensi degit populus numerosus, in  
tanta personarum multitudine singulorum  
vultus apte nequit unicus Pastor inspicere,  
aut alias partes boni Pastoris implere, est  
que onerosum, atque difficile in tam lata,  
& diffusa Diæcesi ad unum tantum, a tot  
personis Ecclesiasticis, & mundanis recur-  
sus haberi.

§. 2. Nos præmissa attenta meditatio-  
ne pensantes, & in hac populi videlicet  
multitudine operariorum utilium nume-  
rum augere volentes: ex quibusdam aliis  
etiam rationabilibus suadentibus causis, ex  
certa nostra scientia de Fratrum nostrorum  
consilio, & Apostolicæ plenitudine potesta-  
tis, ad Dei laudem, & gloriam, & exalta-  
tionem Ecclesiæ Sanctæ suæ, divini cultus au-  
gmentum, fideliumque salutem, terram  
prædictam cum parte ejusdem Diæcesis, quam  
quidem partem certis distingui limitibus fe-  
cimus, cum omnibus personis Ecclesiasticis,  
& sæcularibus degentibus, ac rebus existen-  
tibus in ejusdem terræ parte ab omni juris-  
dictione, potestate, & subjectione Episcopi  
pro tempore Astensis, & dilectorum filio-  
rum Capituli Astensis, & ejusdem Astensis  
Ecclesiæ prorsus eximimus, & perpetuo li-  
beramus, ipsamque terram in Civitatem  
erigimus, & civitatis titulo, & insigniis de-  
coramus, eamque in memoriam indecibilem  
eorum, quæ circa hæc in parte geruntur civi-  
tatem Montis Regalis perpetuis futuris  
temporibus volumus nuncupari, & insuper  
Collegiatam Ecclesiam Sancti Donati in  
hujusmodi nova Civitate sitam in Cathedralem  
Ecclesiam similiter erigimus, & constituimus  
de consilio, & potestate prædictis  
sponsum proprium, & idoneum Deo auctore  
per Apostolicæ Sedis providentiam habi-  
tutam, cui sponsus ipse præsit pariter atque  
profit.

§. 3. statuentes, ac de ipsis consilio, &  
potestate decernentes, ut in hujusmodi Ec-  
clesia de novo in Cathedralem erecta toti-  
dem sub ejusdem nominibus, ac in dicta  
Astensi Ecclesia, dignitates existant, necnon  
decem Canonicorum Capitulum facientium  
numerus, quorum aliqui, singuli videlicet  
singulas, ex ejusdem dignitatibus ipsius Eccle-  
siæ Montis Regalis obtineant perpetuis  
temporibus. Ceterum de consilio, & po-  
testate prædictis statuimus, & etiam or-  
dinamus, quod personæ tam Ecclesiasticæ,  
quam sæculares in eisdem nova civitate, &  
parte degentes præsentis, & posteræ quem-

admodum Episcopo, & Capitulo, & Eccle-  
siæ Astensi præfatis, in spiritualibus, con-  
junctim, vel semotim teneantur obedire,  
& sint ordinario jure subiecti. Ad hæc omnia,  
& singula possessiones, & bona, ac jura,  
quæ in prædicta civitate Montis Regalis,  
& parte ad Episcopalem mensam, necnon  
ad præfatos Capitulum, & Ecclesiam Asten-  
sem usque modo conjunctum, vel divisim  
pertinuerunt, etiam si feudalia, & emphiteu-  
tica, censualia, vel hujusmodi quæcumque,  
quotcumque fuerint, & in quibuscumque  
consistant, quæ per loca, & vocabula, confi-  
nes, qualitates, quantitates, & valorem  
ipsorum haberi volumus præsentibus pro ex-  
pressis, & sufficienter specificatis cum omni-  
bus juribus, & pertinentiis suis ab eisdem  
mensa, & Capitulo, & Ecclesiæ Astensi præ-  
sentium tenore subtrahimus & omnimodo  
separamus, illaque omnia, & singula cum  
dictis juribus, & pertinentiis quemadmodum  
ad mensam, Capitulum, & Ecclesiam Asten-  
sem prædictos usque nunc communiter, vel  
divisim pertinuerunt, ita Episcopali mensæ  
& dicto Capitulo, & Ecclesiæ Montis Re-  
galis communiter, vel divisim applicamus,  
& in eorum dote volumus computari. In  
Ecclesia quoque Montis Regalis divina præ-  
fata peragantur officia juxta ritum, mo-  
dum, & consuetudinem ibidem hætenus usi-  
tatos.

§. 4. Demum volumus, & de ipsius  
consilio, & potestate mandamus, quod si  
fructus, proventus, redditus possessionum vel  
bonorum ab eisdem mensa Capitulo, &  
Ecclesia Astensi subtractorum, & mensæ,  
Capitulo Ecclesiæ Montis Regalis præfatis  
applicatorum per nos, ut præfertur nec-  
non possessionum, bonorum, quæ dicta  
Ecclesia in Cathedralem erecta in præ-  
sentiarum canonice possidet, non tantum  
forfan secundum communem existimationem  
valerent annuatim, quod ex illis dictus  
Episcopus sexcentos, & singuli ex prædi-  
ctis decem Canonicis singulos quinquaginta  
Florenos auri singulis annis percipere possent,  
dilecti filii commune Montis Regalis Civi-  
tatis supradictæ de bonis eorum eisdem Epi-  
scopo, & Canonicis, id quod ex dictis Flo-  
renorum summis deesset anno quolibet tan-  
diu supplere, donec dictum Commune alias  
possessiones, & bona de quibus hujusmodi  
suppletio sufficienter fieri possit propriis sum-  
ptibus justis titulis acquisierint, ipsisque  
Episcopo Montis Regalis, domos pulchras,  
& honestas, in loco honesto, & congruo  
sitæ, in quibus ipse Episcopus sui que Suc-  
cessores Episcopi Montis Regalis, qui pro  
tempore fuerint cum eorum familia congrue  
pro dignitatis Pontificalis decentia habitare  
valeant, tradere ex jure proprio, & in per-  
petuum, & hac vice duntaxat suis expensis  
Episcopo Montis Regalis de novo creando  
de mitra, annulo, & baculo Pastoralis, cali-  
ce, libris cæterisque indigentis, & necessa-  
riis ad ornamentum Pontificalis dignitatis,  
& ipsius Ecclesiæ erectæ in Cathedralem re-  
quisitis providere. Et quia dictus Episcopus  
Astensis ad exercitium jurisdictionis tempo-  
ralis

Quæ in nova  
Civitate Epi-  
scopo Astensi  
competebant  
novi Episco-  
patus conce-  
duntur.Dos novo  
Episcopo &  
Canonicis a  
Communi  
novæ Civita-  
tis danda.



## BONIFACIUS IX.

P A P A C C I I I.

ANNO DOM. MCCCLXXXIX.



**P**ost Urbani VI. obitum Cardinales, qui illi adhæserant, Conclave ingressi, die 2. Novembris anni 1389. in Romanum Pontificem elegerunt Petrum Tornacellum Neapolitanum S. R. E. Presbyterum Cardinalem Tituli S. Anastasiæ, qui septimum post diem consecratus Bonifacius voluit appellari: Sedit in Pontificatu Annos XIV. Menses XI. uno minus die: imperantibus in Oriente Emanuele; in Occidente Venceslao, mox Ruperto Bavaro Imperatoribus. Obiit die 1. Octobris 1404. & sepultus est ad S. Petrum. Vacavit post ejus obitum Sedes dies XVI.

Mortuo Avenione, ut superius vidimus, Clemente VII. qui contra Urbanum VI. fuerat electus, Cardinales qui sequuti eum fuerant, die 28. Septembris anno 1394. elegerunt

Bbb

in

ralis ad se pro nunc in hujusmodi nova civitate pertinentis consueverat deputare unum Vicarium, cui ratione hujusmodi Vicariatus officii trecentos, & quinquaginta florenos auri annuatim solvere tenebatur, Vicario, quem ipse Episcopus Montis Regalis de novo creandus, & sui in perpetuum Successores ad exercitium jurisdictionis hujusmodi deputaverint, similiter 350. florenos auri singulis annis de propriis ipsorum communis bonis persolvere, prout etiam præfati Commune voluerunt, & ad id per eorum Ambasciatorem, & Syndacum se sponte obtulerunt, & efficaciter obligaverunt omnimode teneantur, ipseque Episcopus, & Ecclesia Montis Regalis, ac Successores hujusmodi solutione salarii dicti Vicarii in perpetuum sint penitus liberati, & quod omnia privilegia, jura, & bona dictæ Ecclesiæ Sancti Donati qualitercumque concessa, & in quorum possessione pacifica in presentiarum canonice extitit, eidem permaneant illibata: non obstante quod dicta Ecclesia in Cathedralem ut præmittitur sit erecta.

§. 5. Deinde vero auctoritate Apostolica approbantes, & ratificantes omnia, & singula gesta, firmata, & concessa ordinata, & conventa conjunctim, vel divisim inter dilectos fratres nostros Nicolaum tituli Sancti Ciriaci, & Petri Sanctæ Anastasiæ Presbyteros, & Franciscum Sancti Eustachii Diaconum Cardinales ex commissione eisdem per nos factæ vivæ vocis oraculo nomine Romanæ Ecclesiæ ex una parte, & Syndacum Communis Montis Regalis ex altera parte non obstantibus aliquibus expressis in contrarium facientibus, quæ huic confirmatio in nihil habeant in aliquo derogare, volentes prædicta gesta ordinata, firmata concessa perpetuis temporibus duratura, & efficaciter observari, ac si præsentem forent privilegio declarata patentibus de præmissis publicis documentis.

§. 6. Volumus insuper, quod Episcopus qui pro tempore fuerit Ecclesiæ, & Capitulum Montis Regalis prædictum, prout quemadmodum præfati Episcopus, & Capitulum, & Ecclesia Astensis sub sunt Archiepiscopo pro tempore existenti, & Ecclesiæ Mediolanensi, Metropolitano jure subsint.

§. 5. Nulli ergo omnino hominum liceat hanc paginam nostre exemptionis, liberationis, erectionis, decorationis, statuti, consuetudinis, ordinationis, subtractionis, separationis, applicationis, mandati, voluntatis, infringere &c.

Datum Perusii sexto Idus Junii Pontificatus nostri anno Undecimo.

Conventio  
quedam con-  
firmata.Metropolitani  
Medio-  
lanensis Ec-  
clesiæ jus su-  
pra novam  
Ecclesiam.

Clausula:

Dat. die 8.  
Junii 1388.  
An. XI.



in Pseudo-Papam Petrum de Luna Diaconum Cardinalem S. Mariæ in Cosmedin, qui Benedicti XIII. nomen sumpsit. Male adeptam, raptamque potius dignitatem ægre quidem dimisit in Concilio Constantiensi. Obiit vero mense Septembris anno 1424.

## I.

Institutio Festivitatis Visitationis B. Mariæ Virginis pro die 2. Julii, cum adhortatione ad jejunium Vigiliæ; Indulgentiisque pro interessentibus officiis dictæ Festivitatis, ex constitutione Urbani VI.

Bonifacius Episcopus, Servus Servorum Dei.  
Ad perpetuam rei memoriam.

Proemium.

**S**uperni benignitas Conditoris, humanam creaturam ad similitudinem suam creatam misericordie pietate respiciens etiam collapsam fore primi parentis lapsu considerans, illam miro decrevit consilio relevandam, ut scilicet Verbum supernum, quod erat in principio, eam a mortis nexibus liberaret. Igitur pii Patris, qua nos dilexit, caritas temporis veniente plenitudine Verbum ipsum æternum sub forma servi, carnem nostræ mortalitatis assumere, ut eandem mortem nostram moriendo destrueret, ac damnationis sententiam simul & maculam, quam per reatum primi hominis generis humani posteritas incurrisset noscebatur, clemens Verbi æterni bonitas aboleret. Quapropter de clara stirpe regia Davidica prælegit Virginem, in cujus utero mystico spiramine Verbum ipsum carnem susciperet, ut egrederetur juxta verbum propheticum, Virga de radice Jesse, & flos de radice ejus ascenderet, & requiesceret spiritus Domini super eum, perfectam Reginam, inclytam matrem eligens, quæ tanto Regi digna fuit sui corporis thalamum præparare, de quo tamquam sponsus præ filiis hominum procederet speciosus, locum in Nazareth, quæ flos sive sanctitatis dicitur, ad suam conceptionem elegit, in quo per Angelicæ salutationis eloquia ipsius incarnati Verbi mysteria, miraque fuerunt solemnia celebrata. Ibi enim sumpsimus nostræ redemptionis exordia, ibique primum dies sanctificationis illuxit, qui nobis de salute spem intulit, & de æternitate lætitiā. In hoc etenim tantæ fecunditatis loco Virgo regia venustissima a Domino conservata, flos sanctitatis, vas cælestis gratiæ mundissimum, omnium virtutum floribus redimita, cujus pulchritudinem Sol, & Luna mirantur, Redemptorem gentium Virgo concepit datura, lucem gentibus sub mortis caligine constitutis.

§. 1. Sane ipsa Regina Cælorum, in cujus se clausit viscera Dei Filius factus homo, ex tanti honoris fastigio sibi per Angelum,

nunciato, nequaquam elationis assumpsit spiritum, sed tamquam Ancilla humilis quamvis mater effecta Domini, humilitatis suæ, quam respexit Dominus, exequens officium, exurgens abiit in montana ad Elisabeth cognatam suam, quæ vocabatur sterilis jam semestri prægnantem, cum festinatione: & quemadmodum ab Angelo humillime salutationis susceperat oraculum, sic etiam ipsa Elisabeth humiliter salutavit: Elisabeth vero ut salutationem audivit Virginis gloriosæ, repleta Spiritu Sancto, & incarnati Verbi mysterium in utero sentiens virginali, voce magna exclamavit, & dixit, Benedicta tu inter mulieres, & benedictus fructus ventris tui. Et unde hoc mihi, ut veniat mater Domini mei ad me? Ecce enim ut facta est vox salutationis tuæ in auribus meis, exultavit præ gaudio infans in utero meo: & beata quæ credidisti, quoniam perficientur in te, quæ dicta sunt tibi a Domino.

§. 2. Ad quam Virgo veneranda in humilitatis spiritu respondens, illud mirabile Canticum decantavit. Magnificat anima mea Dominum, & exultavit spiritus meus in Deo salutari meo. Quia respexit humilitatem ancillæ suæ: ecce enim ex hoc beatam me dicent omnes generationes. Quia fecit mihi magna, qui potens est, & sanctum nomen ejus. O magnum mysterium, o admirabile commercium, o ineffabile sacramentum, ut matres de pignoribus, quæ gestabant in uteris, in spiritu præsentirent, & etiam prophetarent, & ut sacri Evangelii pandit historia, Cæli Regina gravida partu consecranda divino pro humilitatis amplioris signaculo præcursoris sui, quem gestabat Filii, Genitricis gravidæ humanitatis impendit obsequium: quo impenso completoque hujusmodi Visitationis quasi trium mensium tempore, in domum suam est reversa. Hæc est enim illa, de qua sacra cunctis elogia, Sole amicta, Lunam habens sub pedibus, Stellis coronari meruit duodenis. Hæc est enim illa, quæ in suis castis visceribus Cæli terræque gestavit opificem, & sola cunctas hæreses interemit, & pro Christiano populo ut advocata strenua & exoratrix pervigil ad Regem, quem genuit intercedit.

§. 3. Igitur felicitis recordationis Urbanus Papa Sextus prædecessor noster dignum reputans & debitum, ut festum Visitationis ipsius B. Mariæ Virginis, quando, ut præfertur, vilitavit Elisabeth, in Dei Ecclesia celebretur, pro testimonio sancti suffultum Evangelii humanis nequit rationibus detrectari: ac attendens, quod laudes tantæ Virginis humana lingua non sufficit exprimere, nec etiam sancti & iusti eam, in cujus ille, quem Cæli capere non poterant, se contulit aula Virginali, dignis laudum præconiis ad plenum efferre poterunt: & considerans quod ex quo Dominum in Sanctis suis laudare jubemur, quanto magis in veneratione B. Mariæ Virginis matris ipsius exultantibus animis colaudare, & ejus laudum augendo titulos gratias referre, quem genuit, Filio debeamus, quæ etiam exaltata super sydera stellato confedit sui solio genitoris, nec etiam divinæ visus

Fjus humilitas in visitando Elisabeth.

Sequuntur Mariæ encomia.

Incarnationis mysterium.

Virginis Mariæ elogium.

Festum Visitationis ab Urbano institutum.



visus fuisset resistere voluntati, quæ tam sibi, quam aliis viris devotis ad hujusmodi sanctam festivitatem celebrandam, ut pie idem prædecessor credidit, dignata fuit mentem inspirare, deliberatione etiam super hoc matura præhabita de Fratrum suorum Sanctæ Romanæ Ecclesiæ Cardinalium, de quo numero tunc eramus, consilio, ad exaltationem fidei Catholicæ digne & rationabiliter videlicet sexto Idus Aprilis, Pontificatus sui Anno undecimo statuit, ut festum præfatum videlicet Visitationis B. Mariæ Virginis, quando ut præfertur, visitavit Elisabeth sexto Nonas Julii annis singulis in Dei Ecclesia cum laudum cantico, lætitiæ jubilo, cordisque tripudio, sub duplici officio per Orbem universum solemniter celebraretur. Suasit etiam & consuluit idem prædecessor, ut ipsius festi Vigilia, ut Vigilia Nativitatis & Assumptionis prædictæ Virginis festivitatum etiam in observatione jejunii devotius observaretur. Et mandavit quod simile, non tamen duplex officium absque alicujus Sancti commemoratione, exceptis primis Vesperis ante octavam Apostolorum Petri, & Pauli, & officio totius diei octavæ, cum commemoratione tamen ejusdem novi festi, per septem sequentes dies in Dei Ecclesia cum celebritate debita decantetur.

§. 4. Ac etiam volens idem prædecessor CHRISTI fideles ad colendum tantæ festum Virginis & etiam celebrandum donis spiritualibus animare, ipsosque mysticis de thesauris militantis Ecclesiæ, benedictionum muneribus cupiens prævenire: & omnibus vere poenitentibus & confessis, qui matutinali officio festi ejusdem in Ecclesia, qua idem officium celebraretur interessent, centum: qui vero Missæ totidem: qui autem primi festi Vesperis, similiter centum: qui autem secundis, totidem: illis vero qui Primæ, Tertiæ, Sextæ, Nonæ, ac Completorii officiis, pro qualibet horarum ipsarum quadraginta dies, illis autem, qui per octavas festi prædicti Matutinalibus, Vesperorum, Missæ, ac prædictarum Horarum officiis interessent, centum dies singulis octavarum ipsarum diebus de omnipotentis Dei misericordia, & Beatorum Petri, & Pauli Apostolorum ejus auctoritate confusus, de injunctis sibi poenitentiis misericorditer relaxavit.

§. 5. Ne autem, pro eo quod ipsius prædecessoris superveniente obitu literæ Apostolicæ super præmissis confectæ minime extiterunt, hujusmodi constitutio dicti prædecessoris frustraretur effectus: Volentes & auctoritate Apostolica decernentes, quod hujusmodi constitutio a dicta die videlicet sexto Idus Aprilis perinde fortiatur effectum, ac si super ea prædecessoris literæ sub ipsius diei data, confectæ fuissent, prout superius enarratur: quodque præsentis literæ ad probandum plene constitutionem hujusmodi ubique sufficiant, nec ad id probationis alterius adminiculum requiratur: universos Patriarchas, Archiepiscopos, Episcopos, & alios Ecclesiarum Prelatos monemus & hortamur in Domino, per Apostolica eis scripta in virtute

*Bull. Rom. Tom. III. Pars II.*

sanctæ obedientiæ districtè præcipiendo mandantes, & in remissionem peccaminum injungentes, quatenus tam gloriosum festum & celebre annis singulis sexto Nonas Julii, ut præfertur, devote ac solemniter celebrent, ac jejunium Vigiliæ hujusmodi suadeant in augmentum meriti observari, & faciant per universas Ecclesias suarum Civitatum & Diocesum celebrari, ac officium peragi supradictum: ut pia ejusdem Virginis MARIÆ intercessione ipsi CHRISTI fideles, & hic a noxiis protegi, & in futuro sempiterna gaudia consequi mereantur.

§. 6. Nulli ergo omnino hominum liceat hanc nostræ voluntatis, constitutionis, monitionis, hortationis, & mandati paginam infringere &c.

Datum Romæ apud S. Petrum, quinto Idus Novembris, Pontificatus nostri Anno Primo.

Clausula.

Dat. die 9.  
Novembris  
1389. An. I.

# I I.

Camere Apostolicæ bona detinentes, seu alias quomodolibet occupantes, scientes quoque, & non revelantes Excommunicationis, aliisque penis plectuntur.

Ex Regest.  
in Archiv.  
Vatic.

Bonifacius Episcopus Servus, Servorum Dei.  
Ad futuram rei memoriam.

§. 1. **C**æca Cupiditas, inestinguibilis ardor, & sitis insatiabilis quorundam in tantum crevit habendi, ut experientia teste non viis, & artibus honestis, atque permissis ad rem familiarem tutandam & augendam insudent; verumetiam viis ipsis, ut plurimum derelictis, & abstinere a vetitis nescientes, ac furto, fraudi, dolo malo, rapinis, occultationi, aliisque modis reprobis inhiantes ad bona Ecclesiastica ad Cameram Apostolicam, & ad Nos vel de directo, vel ex reservatione aliqua, ad nostram, & ejus dispositionem pertinentia, quæ pro conservatione, & augmento fidei Catholicæ, ac universalis rei publicæ, & alimonia pauperum, aliisque piis usibus deputata sunt, avidas manus extendant: illaque rapiant, capiant, occupent, & usurpent, ea restituere dictæ Cameræ non curantes. Quidam vero alii præmissorum non ignari, vel pusillanimitate, aut negligentia quadam ea gentibus dictæ Cameræ, per quas ad Nos proveniant, non revelant in animarum suarum grave periculum, & ejusdem Cameræ non modicum detrimentum.

Humanam  
cupiditatem  
fraudibus  
sempre in-  
nixam dolet.

§. 2. Expediit ergo, ut quos Dei timor, ac virtutis amor, & propriæ conscientiæ stimulus non commovet, subsecuta pœna urgeat, & Ecclesiastica Censura percellat, ad videlicet occupata restituendum, & revelandum Detentores illicitos, ac de cetero a similibus abstinendum, & vel sic animarum saluti, & Cameræ ipsius commodis eodem contextu pariformiter consulatur. Quamobrem in hiis salubriter, & sollicitè providere volentes omnes, & singulos cujuscumque status, gradus, ordinis, præeminentiæ, vel conditionis existant, etiam si Pontificali, aut Regali, seu quavis alia Ecclesiastica, vel mundana præfulgeant dignitate,

B b 2

etiam si

Cum duplici  
Officio, jeju-  
nio, & Octa-  
va.

Officium, &  
Missæ hujus-  
modi præsen-  
tibus indul-  
gentias con-  
cessit.

His firmitatis  
ad hujusmodi  
festi publica-  
tionem, & ob-  
servantiam.  
Episcopos ca-  
terosque ad-  
hortatur.



Bona Camera occupata eidem restitui jubet.

etiamsi fuerint Sanctæ Romanæ Ecclesiæ Cardinales, auctoritate Apostolica tenore presentium peremptorie requirimus, & monemus, eis nihilominus in virtute sanctæ obedientiæ, & sub infrascriptis pænis districtè præcipiendo mandantes, quatenus infra unius mensis spatium a die affixionis presentium in valvis Basilicæ Principis Apostolorum, & quarumdam aliarum Ecclesiarum Urbis faciendæ proxime computandum, quem terminum ipsis, & eorum cuilibet pro omnibus dilationibus peremptoriis, & monitione canonica assignamus, ea, quæ de bonis mobilibus, & stabilibus ad nos, & ipsam Camera pertinentibus etiam de illis, quæ felicitis recordationis Gregorii Undecimi, & Urbani Sexti Romanorum Pontificum Prædecessorum nostrorum, vel alterius eorum fuerunt, vel spectaverunt quomodolibet ad eos aut alterum eorumdem, & quorum omnimoda dispositio, maxime cum dictus Urbanus prædecessor Deo permittente decesserit, est Nobis, & eidem Camera reservata, occupant, aut sciunt occupari, Nobis, vel gentibus ipsius Camera, per quas ad nos perveniant, cum effectu restituant, & revelent.

Addita dupli.

Excommunicationis.

Et Privationis tum Beneficiorum, tum bonorum pænis.

§. 3. Alioquin eo ipso pænam dupli & si bona occupata huiusmodi valorem decem florenorum auri transcenderint, etiam excommunicationis sententiam incurrant, a qua quidem excommunicationis sententia etiam in mortis articulo præsertim illi ex prædictis, qui Romanam Curiam sequuntur, vel in loco, ubi residet ipsa Camera, morantur, ab alio quam a Romano Pontifice non possint absolui, & ultra pænam, & sententiam huiusmodi, si personæ Ecclesiasticæ fuerint, omnibus Prælaturis, dignitatibus, & beneficiis Ecclesiasticis, quæ obtinent absque alio hominis ministerio sint privata, & inhabiles ad illa, vel ad alia impoterum obtinenda: si vero laicales existant omnibus Feudis, & bonis, quæ in Terris prædictæ Romanæ, aut aliarum Ecclesiarum obtinent, etiam sint privata, & Feuda ad Dominos devoluta, bona vero huiusmodi eidem Camera confiscata.

Pœnas eadem ad non revelantes, vel impoterum eadem bona occupantes extendit.

§. 4. Cæterum, ne præsentis literæ tantum in præteritis, & præsentibus consulant sed etiam utilitatem afferant in futurum, universis, & singulis cujuscunque status, gradus, ordinis, præminentia, vel conditionis existant, etiamsi Pontificali, aut Regali, seu quavis alia Ecclesiastica, vel mundana dignitate præfulgeant, etiamsi fuerint dictæ Ecclesiæ Romanæ Cardinales eadem auctoritate districtius inhibemus, ne aliquid de bonis huiusmodi, quæ ad nos, & ipsam Camera quomodolibet pertinuerint directe, vel indirecte, sub quovis quæsito colore invadere, capere, detinere, aut occupare præsumant. Alias Personæ talia præsumentes, nisi infra decem dies a præsumptionis numerandos ea restituerint aut revelaverint nobis, vel dictis gentibus aut aliis, per quos ad nos perveniant in pænas, & sententias prædictas incurrant ipso facto, a qua quidem excommunicationis sententia non nisi,

ut supra scribitur, absolvantur.

§. 5. Præsentis quoque literas eisdem, valuis mandamus affigi, ut quasi quondam sonoro præconio, & patulo indicio ad cunctorum notitiam valeant pervenire, nec aliquis de illis ignorantiam prætereundum possit quovis modo, cum non sit verisimile apud aliquos remanere incognitum, quod tam patenter omnibus publicatur.

§. 6. Nulli ergo omnino hominum liceat hanc paginam nostrorum requisitionis, monitionis, assignationis, inhibitionis, & mandati infringere &c.

Datum Romæ apud Sanctum Petrum, Quarto decimo Kalendas Octobris Pontificatus nostri anno Primo.

Publicari præsentis Literas mandat.

Dat. die 18. Septembr. 1390. An. I.

### III.

Damnatio Ordinationum in Parlamento Angliæ editarum super provisione Ecclesiarum, aliorumque Beneficiorum Ecclesiasticorum ejusdem Regni.

Ex eodem Regest.

Bonifacius Episcopus, Servus Servorum Dei. Ad perpetuam Rei Memoriam.

**A**B eo, qui pro Redemptione generis humani de intacta Virgine carnem assumere, & nasci, ac tandem pati, & mori dignatus est, super Reges, & Regna nullis nostris præcedentibus meritis, sed sola sua permissione in eminenti militantis Ecclesiæ specula constituti inter gravia nostris humeris incumbencia onera, non in ultimis habemus ad omnes oves curæ nostræ divina dispositione commissas, & in quibus depascuntur, regiones, & loca nostræ fixæ considerationis intuitum extendere, & illis pabula salubria procurare, malefana vero, & contagiosa, ne se illis inficiant, declinare, & si forsitan aliquæ ex huiusmodi ovibus ad insalubres, & pestiferas herbas, vel saltus periculosos diverterint, eas, ne tabescant, aut ruant. sed in hiis, ut dumtaxat, quæ illis vitam, & salutem conservare, & fetus multiplicare valeant, pascuis diverferentur, provida, & solerti diligentia coercere, ut vel sic a noxiis, & adversis præserventur, & cum multiplicato fructu Domini nutriantur in caulis, nec lupi rapaces, neque venenosa contagia illis obstant, nec etiam parum sanguinis nostris de manibus requiratur.

Qualis de singulis Christianis cura Pontifici Rom. inesse debeat.

§. 1. Sane sicut cumulata relatio quamplurimum fide dignorum ad nostrum non absque gravi molestia perduxit auditum, nonnullis seditiosis viris reproba, & inordinata ambitione concitatis, & non quæ Dei, sed quæ sua sunt, quærentibus, cum eorum excogitatis, & perastutis abusionibus carissimo in Christo Filio nostro Richardo Regi Angliæ illustri in ejus Regio Parlamento pridam celebrato dolose suggerentibus, quod claræ memoriæ Edvardus Rex Angliæ dicti Richardi Regis Avus ad instar claræ memoriæ alterius Edwardi Regis Angliæ Avi sui in quodam suo Regio parlamento apud west-Monasterium Londonien. certo tunc expresso tempore celebrato de assensu Magnatum Communitatum Regni sui ordina-

Politicorum ad jus ecclesiasticum labefactandum fraudes.



Nefaria edi-  
ta.Sacerdotio-  
rum confe-  
rendorum jus  
temere occu-  
patum.

verat, ut illorum verbis utamur, & stabili-  
verat, quod liberæ electiones Archiepiscopa-  
tum, & omnium aliarum dignitatum, &  
Beneficiorum in Anglia tenerent, & a mo-  
do in modo, sicut fuerant concessæ per Pro-  
genitores ejusdem Edwardi Regis, & per  
Antecessores aliorum fundatorum, & quod  
omnes Prælati, & aliæ gentes Ecclesiasticæ  
Anglicanæ, qui haberent Patronatus de quo-  
cumque Beneficio de dono Regis, Progeni-  
torum, vel aliorum Patronorum, sive Do-  
natorum hujusmodi ad faciendum divinum  
servitium & alia onera inde ordinata habe-  
rent eorum collationes, & præsentationes  
libere, & per modum sicut fuerant servatæ  
per suos donatores, & in casu quo de aliquo  
Archiepiscopatu, Episcopatu, Dignitate,  
vel alio quocumque Beneficio reservatio,  
collatio, vel provisio facta forent per Cu-  
riam Romanam in impedimentum electio-  
num, collationum, seu præsentationum su-  
perius expressarum; quod tunc eodem tem-  
pore vacationum, quo tales reservationes,  
collationes & provisiones deberent capere  
effectum, de ejusdem vacationibus Rex An-  
gliæ, qui tunc esset, haberet, & gauderet  
pro illa vice collationes ad Archiepiscopatus,  
Episcopatus, & alias dignitates electivas, quæ  
essent de suo Patronatu, taliter, sicut pro-  
genitores dicti Edwardi Regis ordinantis  
sub certa forma, & conditione, videlicet  
ad petendum licentiam Regis de eligendo  
& post electionem factam de habendo assen-  
sum regium, & nullo alio modo: etsi de  
aliqua domo Religiosorum de Fundatione,  
seu Patronatu Regis facta foret talis reserva-  
tio, collatio, vel provisio in impedimentum  
liberæ electionis, haberet dictus Rex, qui  
tunc esset, illa vice collationem ad donan-  
dum ipsam dignitatem alicui personæ idoneæ;  
& in casu quo collatio reservatio, vel pro-  
visio facta foret in Romana Curia de aliqua  
Ecclesiastica præbenda, vel alio beneficio,  
quæ forent de patronatu gentium dictæ Ec-  
clesiæ Anglicanæ; Unde Rex superius esset  
fundator immediatus; tunc eodem tem-  
pore vacationis, ad quod tempus reservatio  
collatio, seu provisio deberent, ut præmit-  
titur, capere effectum, dictus Rex, qui  
tunc esset, haberet collationem, & præsen-  
tationem pro illa vice, & sic de tempore in  
tempus ad omnes vices, quibus tales gen-  
tes dictæ Ecclesiæ Anglicanæ forent impedi-  
tæ de ipsarum præsentationibus, & colla-  
tionibus per tales reservationes, collationes,  
seu provisiones, prout superius est descriptum.  
Salvo tamen Jure Patronatus, & præsen-  
tationis, quando nullæ collationes, seu provi-  
siones de Romana Curia inde factæ forent,  
vel quando dictæ gentes Ecclesiæ Anglica-  
næ haberent, & vellent ad eadem beneficia  
præsentare, vel collationem facere, & præ-  
sentati sui possent effectum collationum, &  
præsentationum suarum gaudere, & eodem  
modo haberent quilibet alter cujuscumque  
conditionis facere præsentationes, vel colla-  
tiones ad domus Religiosorum, quæ forent  
de suo patronatu, & ad beneficia Ecclesia-  
stica pertinentia ad easdem domos. Etsi ta-

les patroni non præsentarent ad talia Bene-  
ficia infra dimidium annum, Episcopus lo-  
ci conferret per lapsum temporis infra unum  
mensem post dictum dimidium annum, tunc  
dictus Rex talium Beneficiorum haberet  
præsentationes, & collationes, sicut habet de  
aliis de patronatu, seu fundatione propria,  
& in casu, quo præsentati aliorum Patrono-  
rum, vel de eorum Fundatoribus, vel illi,  
quibus Rex, vel Patroni, seu Fundatores  
hujusmodi donassent beneficia pertinentia ad  
eorum præsentationes, seu collationes, essent  
impediti per tales provisores, ita quod non  
possent habere possessiones de talibus bene-  
ficiis virtute præsentationum, seu collatio-  
num sic eis factarum, vel illi, qui essent  
in possessione talium beneficiorum forent  
impediti super hujusmodi suis possessionibus  
per tales provisores, tunc essent hujusmodi  
Provisores, & eorum Procuratores, et exe-  
cutores, & Notarii attachiati per eorum  
corpora & positi ad responsionem suam, &  
si forent convicti, manerent in persona absque  
deliberatione ad manucaptionem in valuna,  
nec essent deliberati, antequam facerent  
suam redemptionem dicto Regi ad volun-  
tatem suam necnon satisfactionem Parti,  
quæ se sentiret gravatam: & nihilominus  
antequam essent deliberati, facerent plenam  
renunciationem, & invenirent sufficientem  
securitatem, quod non attentarent talia tem-  
pore futuro, nec alioquin Processum pro se  
quererent per illos nec per alios versus ali-  
quem in dicta Romana Curia, nec alibi in ali-  
quibus partibus pro hujusmodi manucaptioni-  
bus, redemptionibus, satisfactionibus, vel  
renunciationibus, nec de aliquo alio facto de-  
pendente ab eisdem. Et in casu quo tales Pro-  
visores, Procuratores, executores, & Notarii  
non essent inventi, tunc curreret exigentia,  
contra illos per debitum processum, & quod  
beneficia exirent ad capiendum Corpora sua,  
in quibuscunque partibus essent inventi, tam  
ad Sectam dicti Regis, quam ad Sectam Par-  
tis, & quod medio tempore dictus Rex ha-  
beret commoda, & proficua de talibus Be-  
neficiis sic occupatis per tales Provisores,  
exceptis Abbatiis, Prioratibus, & aliis Do-  
mibus, quæ haberent Collegia vel Conven-  
tus, & in talibus Domibus haberent Con-  
ventus sive Collegia commoda, & proven-  
tus salvo totis temporibus dicto Regi, & aliis  
Dominis eorum antiquo jure: & haberet  
hoc statutum locum tam bene de reserva-  
tionibus, collationibus, & provisionibus fa-  
ctis, & concessis tempore elapso versus om-  
nes illos, qui adhuc non erant adepti corpo-  
ralem possessionem beneficiorum eis conce-  
ssorum per hujusmodi reservationes, collatio-  
nes, & Provisiones, quam versus omnes  
alios tempore futuro. Præfatus Ricardus  
Rex mala temeraria profana, & sacrilega  
suggestione hujusmodi circumventus in eo-  
dem Parlamento per se celebrato de assensu  
ut asseritur Magnatum Regni sui ultra præ-  
missa ordinavit, & stabilivit licet de facto,  
quod ordinatio superius enarrata de omnibus  
Archiepiscopatibus, Episcopatibus & aliis  
Dignitatibus & Beneficiis electi vis, & aliis  
Bene-

Sacra vesti-  
galia addicta  
Fisco Regio.A sacrilegis  
Regi imperi-  
to ea sugge-  
sta.



Proscripti Sa-  
cras dignita-  
tes a Pontifi-  
ce accipien-  
tes.

Multa pecu-  
niaria ipsis in-  
tentata.

Beneficiis Ecclesiasticis quibuscunque, quæ incepterunt vacare de facto a certo tempore tunc expresso, vel post, vel quæ vacarent tempore futuro infra Regnum Angliæ in debita executione de tempore in tempus servaretur in omnibus suis punctis, & si aliquis faceret aliquam acceptationem de aliquo beneficio Ecclesiastico in contrarium istius statuti, & esset debite probata, ac esset ille acceptans, in partibus transmarinis, maneret exulatus, & bannitus pro perpetuo, & omnia bona, & Cathalla terre, & tenimenta sua eidem Regi manerent foris facta, & si esset infra Regnum Angliæ, esset etiam exulatus, & bannitus prout superius est expressum, & incurreret eandem forisfacturam, & arriperet iter suum ita quod esset extra Regnum infra sex septimanas talem acceptationem proxime sequentes, & si aliquis reciperet aliquem talem Bannitum venientem de Partibus transmarinis vel exeuntem infra Regnum post sex septimanas antedictas sciens inde, esset ille, etiam exulatus, & bannitus, & incurreret talem forisfacturam ut superius est expressum, & quod Procuratores, Notarii, Executores, & apparitores sui haberent forisfacturam, & penam antedictam; Et si dictus Riccardus Rex mitteret per Literam, vel per alium modum ad Curiam Romanam ad excitationem alicujus Personæ, vel si aliquis alius mitteret dictæ Romanæ Curiae, vel supplicaret unde contrarium ipsius statuti esset factum, quantum ad aliquem Archiepiscopatum, Episcopatum Dignitatem, vel aliud beneficium Ecclesiasticum infra dictum Regnum, si ipse, qui faceret talem excitationem vel supplicationem, Prælati foret Ecclesiæ Sanctæ, solveret dicto Regi valorem terrarum, & possessionum suarum immobilium unius anni, & si esset alia persona de statu inferiori solveret Regi valorem Beneficii, pro quo talis supplicatio facta foret, unius anni, & quod de aliqua Dignitate, vel Beneficio, de quo excitatio plene dicto tempore tunc expresso facta non fuerat nullius ratione alicujus reservationis, Collationis, vel Provisionis, vel alterius gratiæ Apostolicæ cujuscunque non excitans ante hujusmodi tempus expressum aliquam executionem prosequeretur sub pena in hoc prædicto statuto contenta, & quod si aliquis portaret, vel mitteret intra Regnum vel potestatem dicti Riccardi Regis aliquas citationes, sententias, vel excommunicationes adversus aliquam Personam cujuscunque conditionis, motionis, facturæ, consensus, seu executionis dicti statuti provisorum, esset ille captus, & arrestatus, & positus in persona, & forisfaceret omnes Terras, & tenimenta bona, & Chatalla sua pro perpetuo, & ultra hoc incurreret penam vite & membrorum, & si aliquis Prælati faceret executionem de talibus Citationibus sententiis vel excommunicationibus, essent temporalia sua appretiata, & remanerent in manibus dicti Regis, quousque debita reformatio, & correctio inde fierent: & si aliqua Persona inferioris status, quam Prælati cujuscunque conditionis foret, talem faceret

executionem, esset illa Personæ capta, & arrestata, & posita in persona, & haberet imprisonment & faceret finem & redemptionem secundum consilium & discretionem dicti Regis.

§. 2. Quanto igitur profundius, quanto crebrius præmissa in mente revolvimus, tanto acerbius dolemus, tanto vehementius admiramur, quod tantus Princeps tam Catholicus Rex, tam secundus orthodoxæ fidei zelator, tam præcipuus Sacrosanctæ Romanæ & universalis Ecclesiæ venerator, tam severus laudabilium morum assertor, tanta spectabilium Procerum, & aliarum notabilium Personarum numerositate præfulgidus, tantaque externarum & bonarum rerum affluentia copiosus, ut super eum Dominus largam benedictionem effuderit, viris talibus, si tamen Viri dici mereantur, in quibus ut apparet, refriguit charitas, intepuit Fides, Spes labavit, Justitia ceteræque virtutes parvum locum, aut nullum habere videntur, faciles in hoc aures præbuit, & non attentiori gravitate discussit, quid ageret in præmissis; vidisset enim luce meridiana clarius, quod Laicis quamvis Religiosis disponendi de rebus Ecclesiasticis nulla est attributa potestas, quos manet subsequendi necessitas non auctoritas imperandi, a quibus etiam si quid statuatur, quod Ecclesiarum respiciat commodum vel favorem, nullius firmitatis existit, & talium, & in talibus constitutio a Sanctis Patribus destitutio, vel destructio, necnon usurpatio Jurisdictionis non suæ veneranda approbatione censetur.

§. 3. Tacemus de penis, & Censuris gravibus quas statuentes ordinantes, & ut talia statuta fiant consulentes, vel secundum ea judicantes seu etiam hujusmodi statutorum Scriptores contra ecclesiasticam libertatem, & maxime Romanæ Ecclesiæ incurrunt eo ipso.

§. 4. Et licet tam Sacris Canonibus, quam etiam civilibus, & autenticis Legibus bonisque moribus suadentibus sint cassa, & irrita ipso facto omnia statuta, & consuetudines inductæ contra libertates Ecclesiarum earumque personas, & quamquam præfatum Riccardum Regem utpote filium ejusdem Romanæ Ecclesiæ merito diligendum plenis complectamur affectibus caritatis, suumque honorem nec minus animæ salutem, sui que status, & incliti Regni prosperitatem singularibus desideriis affectemus, & ad id adhibuerimus simulque dispositi adhibere cum omni effectu quantum cum Deo possumus partes nostras; ne tamen sua hujusmodi & Avi, ac Abavi præfatorum statuta, mentes incautas, vel male edificatas plus equo offendant, vel apud eas vindicent sibi locum, & ne vulnus, quod hac in parte ratio sanat, passio sensualitatis instauret, matura super hoc deliberatione præhabita tam antiquioris Edvvardi, & subsequenter Edvvardi, quam etiam Riccardi Regum prædictorum ordinationa seu stabilimenta, aut statuta hujusmodi superius recitata, quæ alias haberi volumus presentibus pro sufficienter expressis & specificatis, utpote notorie contra liber-

Obiecta etiam suppli-  
cia.

Non spectat  
ad Laicos sa-  
crarum re-  
rum admini-  
stratio.

Hæc suaden-  
tes quas pec-  
nas incurre-  
rint, exponit  
Bonifacius.

Has itaque  
iniquas leges  
rescindit.

tatem



tatem Ecclesiasticam, & Romanam Ecclesiam, editam, & omnia, & singula ab eis, & ob ea secuta auctoritate Apostolica de Fratrum nostrorum consilio tenore presentium declaramus fuisse, & esse cassam, & irritam, ipsaque ex superabundanti cassamus, irritamus, & viribus vacuamus, ac nullius esse decernimus roboris, efficaciam, vel momenti, & ab illorum observatione in omnibus suis clausulis omnes, & singulas tam Ecclesiasticas, quam seculares Personas cujuscunque conditionis dignitatis, status fuisse, & esse liberas, & absolutas, ac liberamus, & absolvimus per presentes.

Earum prohibitio  
bitas usus.

§. 5. Prohibemus quoque sub poenis ab eisdem Canonibus, & Legibus in similibus casibus inflictis, ne quis de cetero statuta predicta, vel similia fervare, aut innovare, vel secundum ea Judicare, aut eis uti in iudicio, vel extra directe, vel indirecte publice, vel occulte quoquo modo præsumat.

Iussu e publicis  
eis legum co-  
dicibus eradi.

§. 6. Mandamus insuper sub eisdem poenis hujusmodi statuta de omnibus libris, Quaternionibus, Capitularibus, & regestris publicis, & privatis, in quibus descripta forent, infra duorum mensium spatium a publicatione presentium proxime computandorum, cancellari, cassari, tolli, & penitus aboleri.

Defixi anathemate  
Sacerdotiorum  
invasores.

§. 7. Monemus etiam auctoritate predicta omnes, & singulos, qui pretextu ordinatorum seu stabilimentorum, aut statutorum hujusmodi aliqua beneficia Ecclesiastica seu Canonicatus, & Præbendas sive Dignitates Personatus vel officia cum Cura, vel sine Cura Secularia, aut Regularia quocunque nomine nuncupentur, occupassent, & detinerent quomodolibet occupata cujuscunque status, gradus ordinis præminentie vel conditionis existant etiam Pontificali, vel alia quavis præfulgeant Dignitate, eisque in virtute Sanctæ obedientie & sub excommunicationis, & privationis omnium Beneficiorum ecclesiasticorum, quæ obtinent, & inhabilitationis ad illa, & alia imposterum obtinenda poenis, quas si contrafecerint eos incurere volumus ipso facto, districte præcipiendo mandamus, quatenus infra terminum duorum mensium predictorum Beneficia, Canonicatus, & Præbendas, dignitates, Personatus, & officia hujusmodi, quæ ut præmittitur occupant, vacua, libera, & expedita realiter, & omnino dimittant, & nihilominus de fructibus male perceptis Ecclesiis, aut locis, a quibus illos perceperunt, seu Personis illis quibus alias legitime debeantur, non differant satisfactionem debitam exhibere.

Clausula.

§. 8. Nulli ergo omnino hominum liceat hanc paginam nostrorum declarationis cassationis irritationis vacationis constitutionis prohibitionis, monitionis, voluntatis, & mandati infringere &c.

Dat. die 4.  
Februarii  
1391. An. II.

Datum & Actum Romæ apud Sanctum Petrum secundo Nonas Februarii, Pontificatus nostri Anno Secundo.

## IV.

Erectio Studii generalis in Civitate Ferrariæ, Status Ecclesiastici.

Bonifacius Episcopus, Servus Servorum Dei.  
Ad perpetuam rei memoriam.

**I**N supremæ dignitatis Apostolicæ speculatione licet immeriti disponente Domino constituti, ad universas regiones fidelium nostræ vigilantie creditas, earumque profectus, & commoda, tamquam universalis gregis Dominici pastor, commissam nobis speculationis aciem, quantum nobis ex alto permittitur, extendentes, fidelibus ipsis, ad quærendum literarum studia, per quæ divini nominis suæque fidei Catholicæ cultus protenditur, justitia colitur, tam publica quam privata res geritur utiliter, omnisque prosperitas humanæ conditionis augetur, libenter favores gratiosos impendimus, & opportuna commoditatis auxilia liberaliter impartimur.

Premium

§. 1. Cum itaque, sicut nuper pro parte dilectorum filiorum nobilis Alberti Marchionis Estensis, nostri in nostra Civitate Ferrariensi pro nobis, & Romana Ecclesia, Generalis Vicarii, & Communis Civitatis ejusdem, fuit nobis expositum, quod ipsi Marchio, & commune, non solum ad utilitatem, & prosperitatem hujusmodi reipublicæ, ac Incolarum prædictæ Civitatis, & districtus ejusdem, sed etiam aliarum partium vicinarum laudabiliter intendentes, in eadem Civitate, loco utique ad hoc accommodo admodum, & idoneo desiderant plurimum vigere Studium auctoritate Apostolica generale, in qualibet facultate licita, ut ibidem fides ipsa dilatetur, erudiantur simplices, æquitas fervetur, iudicii crescat ratio, & intellectus hujusmodi augeantur.

Causa hujus  
institutionis  
studii.

§. 2. Nos præmissa, & etiam eximiam devotionem, & fidei puritatem, quas ipsi Marchio, & commune ad nos, & Romanam Ecclesiam gerere dignoscuntur, attente considerantes, & quod illas ad eandem Ecclesiam matrem cunctorum fidelium, & magistratam, eo amplius debeant augmentare, quo per nos, & Sedem Apostolicam se prospererint gratiis, & privilegiis Apostolicis specialius honorari, ferventi desiderio appetimus, quod Civitas ipsa, quam divina bonitas, Cleri, & populi numerositate abundanter, ac tot gratiarum dotibus insignivit, & aliorum multiplicium bonorum fecunditate dotavit, locique amœnitate non modica decoravit, ac districtus & partes prædictæ scientiarum muneribus amplientur, ut viros producant consilii maturitate perspicuos, virtutum redimitos ornatibus, ac diversarum facultatum dogmatibus eruditos, sitque ibi scientiarum fons irriguus, de cujus plenitudine hauriant universi literarum cupientes imbui documentis.

Ferraria locus  
ad studia accommodatus.

§. 3. His igitur omnibus, & præsertim idoneitate dictæ Civitatis, quæ ad multiplicanda doctrinæ semina, & germina salutaria producenda valde congrua & accommodata fore dicitur, ac victualium fertilitate, hospitiorum insignium multitudine, aliisque commoditatibus quamplurimis, quas Civitas ipsa ibidem opportunas habere dignoscitur, & quod



& quod quanto magis si privilegiorum Sedis prædictæ muniatur præfidiis, amplioribus proficiet incrementis, diligenti examinatione pensatis, non solum ad ipsorum Civitatis, ac districtius, & partium incolarum, sed etiam aliorum, qui propterea de universis mundi partibus Civitatem confluent ad eandem, commodum & profectum, studio paternæ sollicitudine anhelantes, devotis Marchionis, & Communis prædictorum supplicationibus inclinati, ad laudem divini nominis, & fidei Catholicæ propagationem, exaltationemque Ecclesiæ supradictæ auctoritate prædicta, præsentium tenore statuimus, & etiam ordinamus, ut in dicta Civitate de cetero sit Studium generale, illudque perpetuis temporibus inibi vigeat, in sacra pagina, jure Canonico, & Civili, necnon in Medicina, & qualibet alia literarum licita facultate.

Prædictio studii.

Concessio Privilegiorum ad instar aliarum Universitatum.

De promovendis ad Lauream &amp; Licentiam.

Privilegia Promotorum.

Clausula.

§. 4. Et quod docentes, legentes, & studentes ibidem omnibus privilegiis, libertatibus, immunitatibus, & indulgentiis concessis Doctoribus legentibus magis, & scholaribus, & præsertim in eadem sacra pagina in Bononiensi, & Parisiensi Studiis commorantibus, gaudeant, & utantur.

§. 5. Quodque illi, qui processu temporis bravium meruerint in illa facultate, in qua studuerint obtinere, sibi que docendi licentiam, ut alios erudire valeant, ac doctoratus, seu magisterii honorem petierint elargiri, per doctorem, seu doctores, aut Magistrum, seu magistros illius facultatis, in qua examinatio fuerit facienda, Episcopo Ferrariensi, qui pro tempore fuerit, vel Ecclesia Ferrariensi vacante, dilectis filiis Archipresbytero, & Capitulo ejusdem Ecclesiæ, aut illi, vel illis, qui per eosdem Archipresbyterum, & Capitulum deputatus, vel deputati fuerit, seu fuerint, præsententur, idemque Episcopus seu Archipresbyter, Capitulum, aut deputatus, seu deputati hujusmodi, ut præfertur doctoribus, & magistris in eadem facultate actu inibi legentibus convocatis, illis in iis, quæ circa promovendos ad doctoratus, seu magisterii honorem requiruntur, per se, vel alium, seu alios juxta modum, & consuetudinem, qui super talibus in Bononiensi, & Parisiensi prædictis, ac aliis generalibus Studiis observantur, examinare studeat, seu studeant diligenter, eisque, si ad hoc idonei & sufficientes reperti fuerint, hujusmodi licentiam tribuat, seu tribuant, & doctoratus, seu magisterii honorem conferat, seu conferant.

§. 6. Illi vero, qui in eodem Studio Ferrariensi examinati, & approbati fuerint, ac docendi licentiam, & honorem hujusmodi obtinuerint, ut est dictum, ex tunc absque examine, & approbatione alia legendi, & docendi, tam in prædicto Ferrariensi, quam in singulis aliis generalibus Studiis, in quibus voluerint, legere, vel docere, statutis, & consuetudinibus quibuscunque contrariis Apostolica, vel quacumque firmitate vallatis, nequaquam obstantibus, plenam & liberam habeant facultatem.

§. 7. Nulli ergo omnino hominum liceat

hanc paginam, nostræ constitutionis, & ordinationis infringere &c.

Datum Romæ apud S. Petrum, quarto Nonas Martii, Pontificatus nostri Anno Secundo.

Dat. die 4. Martii 1391. An. II.

## V.

Exemptio Fratrum Ordinis Cartusianorum, a Jurisdictione visitatione & correctione, Episcoporum, & aliorum omnium.

Bonifacius Episcopus Servus Servorum Dei. Dilectis filiis Priori Generali, & Universis Fratribus Ordinis Cartusien- sis, tam presentibus, quam futuris. Salutem & Apostolicam Benedictionem.

**S**acrofancta Romana Ecclesia mater cunctorum fidelium & magistra in agro virtutum vestri Ordinis, cui Altissimus benedixit, & in decore sanctæ religionis, sub qua mundanis abjectis illecebris devotum ac sedulum exhibetis Domino famulatum, exultat, & jubilat, præsertim dum prospicit, quod vos ad alta virtutum gradibus per exercitium bonorum operum, & præclara sanctitatis merita procedentes, trahitis ad divine Majestatis obsequium alios per exempla, vitam ducendo piissimam, & frequenter divinis laudibus, ex quibus divinæ gloria Majestatis attollitur, devotissime insistendo, & huic mundo mortui, ac Domino nostro Jesu Christo, qui est vita, viventes, pro universali salute fidelium ad Dominum preces funditis incessanter, propter quæ eundem vestrum Ordinem, quem erga nos & prædictam Ecclesiam devotionis claritate præluere conspiciamus, infra claustra nostri pectoris paternis affectibus contemplantes, circa bonum statum ipsius Ordinis, ferventibus studiis vigilamus; & ut Deo propitio idem, Ordo protegatur a noxiis, & salubria semper suscipiat incrementa, personæque ipsius pacis & tranquillitatis affluant ubertate, ab omni perturbatione securæ, & oppressionibus indebitis præserventur illæsæ, Ordinem ipsum prærogativa Apostolicæ libertatis & exemptionis præsidio communi- mus.

Proemium.

§. 1. Sane petitio pro parte vestra nobis nuper exhibita continebat, quod licet prædictus Ordo vester cum omnibus Monasteriis, Prioratibus, domibus & locis ejusdem atque personis degentibus in eisdem ab olim reputatus fuerit, & adhuc etiam communiter reputetur fore a jurisdictione quorumlibet Ordinariorum Judicum exemptus, & soli Sedi Apostolicæ immediate subiectus, tamen nonnulli locorum Ordinarii cupientes vestra, & dicti Ordinis privilegia, & libertates infringere, & alias diversis ex causis vos inquietare, & multipliciter molestare, & personas ejusdem Ordinis ad forum suum trahere, & alias vexare præsumunt, propter quæ nonnunquam vos a contemplatione, & quiete vestra contra religionis vestræ statum retrahi, & sæcularibus negotiis implicari oportet. Quare pro parte vestra nobis fuit hu-

Fratrum petitio.



humiliter supplicatum, ut ad evitandum cujuslibet molestiæ & inquietationis materiam, & gravamina, quæ contra hujusmodi exemptionis libertatem possent vobis inferri; & ut tollatur quælibet contra vos occasio malignandi, vos & eundem vestrum Ordinem, cum omnibus Monasteriis, Prioratibus, domibus, ac locis ejusdem, pro incremento vestri status, & pro pace & tranquillitate personarum degentium in eisdem, de novo plenarie eximere de speciali gratia dignaremur.

§. 2. Nos igitur huiusmodi supplicationibus inclinati, vos & prædictum Ordinem, vestrum cum omnibus, & singulis Monasteriis, Prioratibus, domibus, & locis ejusdem, quæ nunc habetis, & in posterum vos habere contigerit, et cum personis degentibus in eisdem presentibus, et futuris, ab omni ordinaria jurisdictione, dominio, visitatione, ac potestate qualibet omnium, et singulorum Patriarcharum, Archiepiscoporum, Episcoporum, et aliorum quorumlibet Judicum ordinariorum, de specialis dono gratiæ de novo prorsus eximimus, et totaliter liberamus, illaque in jus, et proprietatem Beati Petri ac Sedis Apostolicæ, ac sub eorum, et nostra speciali, et immediata protectione præsentium tenore suscipimus. Decernentes Ordinem, Monasteria, Prioratus, domos, et loca et personas hujusmodi, soli, et immediate Sedi prædictæ fore subiecta; Et quod locorum Ordinarii, seu Diocesani, vel alia quævis persona, in vos, seu Monasteria, Prioratus, domos, aut loca, vel personas præfata utpote prorsus exempta, non possint auctoritate ordinaria excommunicationis, suspensionis, aut interdicti sententias promulgare, vel alias etiam ratione delicti, vel contractus, aut rei, de qua agetur, ubicumque committatur delictum, ineatur contractus, vel res ipsa consistat, jurisdictionem aliquam exercere.

§. 3. Felicis recordationis Innocentii Papæ Quarti prædecessoris nostri circa exemptos edita, quæ incipit Volentes, et aliis constitutionibus Apostolicis in contrarium editis, non obstantibus quibuscumque. Nos enim omnes excommunicationis, suspensionis, et interdicti sententias, et quoscumque processus, quasvis poenas, et sententias continentes, quas et quos adversus vos, et Monasteria, Prioratus, domos, vel loca, aut personas hujusmodi, contra tenorem et formam exemptionis hujusmodi, quomodolibet promulgari et haberi contigerit, irritos decernimus, et inanes, ac nullius existere firmitatis. Per exemptionem autem, et libertatem hujusmodi, et alia supradicta libertatibus, privilegiis, et immunitatibus, vel aliis juribus vestris, et prædicti Ordinis, ac Monasteriorum, Prioratum, et domorum atque locorum prædictorum, nullum intendimus præjudicium generari. Quinimo volumus, quod illa in sua plena remaneant firmitate.

§. 4. Nulli ergo omnino hominum liceat hanc paginam nostræ constitutionis, et ordinationis infringere &c.

*Bull. Rom. Tom. III. Pars II.*

Datum Romæ apud Sanctum Petrum, decimo septimo Kal. Aprilis Pontificatus nostri anno Secundo.

Dat. die 16.  
Martii 1391.  
An. II.

## V I.

Confirmatio constitutionum a Friderico Secundo, et Carolo Quarto Imperatoribus, pro immunitate, libertateque, et jurisdictione Ecclesiastica editarum.

Bonifacius Episcopus Servus Servorum Dei, Venerabilibus Fratribus Mindenensi, & Verdensi Episcopis, & dilecto filio Decano Ecclesiæ Mindenensis, Salutem, & Apostolicam Benedictionem.

**I**ustis & honestis supplicum votis libenter annuimus, illaque favoribus prosequimur opportunis.

§. 1. Dudum siquidem Honorius Papa III. prædecessor noster attente considerans, quod claræ memoriæ Fridericus Secundus Imperator Anglus ad laudem Romanæ Ecclesiæ, & sacri decus Imperii, &c.

*Cetera leguntur in Constitutione XLVIII. Honorii III. Tom. III. Par. I. pag. 217.*

§. 2. Dictusque prædecessor noster constitutionem ipsam de consilio etiam fratrum, suorum S.R.E. Cardinalium, qui tunc erant, auctoritate Apostolica confirmando approbavit, & ipsam mandavit inviolabiliter observari, necnon statutos, & scriptores, ac violatores prædictos, excommunicatos auctoritate Apostolica prædicta publice nunciari.

§. 3. Et deinde ad audientiam dictæ memoriæ Caroli Quarti, etiam Romani Imperatoris, &c.

*Omittitur narratio hujus const. Carol. IV. quia per extensum ponitur hic in fine.*

§. 4. Cum autem sicut exhibita nobis bis nuper pro parte dilectorum filiorum SS. Blasii intra, & Cyriaci extra muros Ecclesiarum Decanorum, & Canonorum & personarum, ac totius Cleri Brunsvicensis, Hildensemensis, Halalaustratensis Diocesis, petitio continebat, quod quorundam laicorum, & dominorum temporalium hujusmodi Civitatum, & Diocesis prædictarum, & in locis circumvicinis malitia inolevit, quod hujusmodi Imperiales constitutiones, & sanctiones transgredi non verentur, & Ecclesiasticas libertates violare præsumunt, pro parte eorundem dominorum Decanorum, Canonorum, & personarum prædictarum, fuit nobis supplicatum, ut eis super præmissis de opportuno remedio providere de benignitate Apostolica dignaremur.

§. 5. Nos igitur vestigiis præfati Honorii Papæ prædecessoris nostri inhærentes, hujusmodi supplicationibus inclinati, Discretioni vestræ per Apostolica scripta mandamus, quatenus vos, vel duo, aut unus vestrum per vos, seu alium, vel alios, constitutiones prædictas in præfatis Civitatibus, & Dioc-

Exordium.

Constitutiones a Friderico II. latus confirmavit Honorius III.

Causæ harum legum confirmandarum.

Eorundem demandata exequutio.

Exemptio de qua in rubrica.

Hic ordo cum suis Monasteriis sub speciali Sedis Apostolicæ protectione.

Cap. 1. de Privilegiis in 6. & ceteris contrariis derogatur. Attende tamen quæ statuerit. Concil. Trident. Sess. 7. c. 14.

Clausulæ.



Dioecesibus, & in aliis locis circumvicinis, ubi, & quando expedierit auctoritate nostra faciatis inviolabiliter observari, transgressores, seu violatores, & contemptores, ac sacrilegos prædictos, necnon contraditores quoslibet & rebelles per censuram Ecclesiasticam appellatione postposita compescendo. Invocato adhuc si opus fuerit auxilio brachii secularis, non obstante constitutione, quod interdici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto huiusmodi mentionem. Nulli ergo hominum liceat &c.

Dat. die 27. Maii 1391. An. II. Datum Romæ 6. Kal. Junii Pontificatus nostri anno Secundo.

*Sequitur Constitutio Caroli IV.*

Carolus Quartus Divina favente Clementia, Romanorum Imperator semper Augustus, & Bohemiæ Rex &c. Ad perpetuam rei memoriam.

Præmium.

**E**T si Imperialis benignitatis clementia quorumlibet devotorum fidelium, quos Sacrum Romanum ambit Imperium, ex officii debito teneatur necessitatibus, & injustis oppressiōibus consulere, & de opportunis remediis providere; ad illos tamen maxime dirigitur nostræ mentis affectio, quos indebite pati cognoscimus, quorumque oppressiōibus status ecclesiasticæ libertatis, quam semper nostris temporibus augeri volumus, in nihilum redigitur, & minus debite prægravatur.

Edita a Rectoribus Civitatum statuta contra libertatem Ecclesiasticam.

§. 1. Sane ad Imperialis Majestatis audientiam pro parte honorabilium Præpositi, Decani, & aliorum Prælatorum, & Capituli Magdeburgensis, Maguntinensis, & Colonienſis Ecclesiarum devotorum nostrorum dilectorum per insinuationem querulosam suppliciter fuit deductum, quod seculares quidam in potestatibus, & officiis publicis constituti, videlicet Duces, Comites, & Barones, & alii domini temporales, necnon Consules civitatum, oppidorum, villarum, & locorum Rectores dictarum Magdeburgensis, Maguntinensis, & Colonienſis, provinciarum Dei nomine postposito, Statuta singularia & iniquas ordinationes motu proprio, & de facto contra personas Ecclesiasticas, Ecclesiarum libertates, & privilegia condiderunt, eisque publice, & de facto insistere præsumpserunt contra legitimas, Civiles, & Canonicas sanctiones, utputa, quod nulla bona temporalia in potestatem Ecclesiasticam transferantur, neve Clerici in sacris constituti ad agendum, & testificandum in civilibus, & maxime in piis causis aliquatenus admittantur, quodque excommunicati laici, & publice denunciati, in civili foro minime repellantur. Item præfati domini temporales, Consules, & Rectores per secularem potestatem, res, & bona Clericorum occupant, & arrestant, oblationes fidelium diminuunt, & restringunt, exactiones, & tallias indebite de bo-

nis Ecclesiæ, & redditibus exigunt, & extorquent; possessiones Ecclesiæ, & personarum earum devastant incendiis, & rapinis. Contractus inter Clericos, & laicos factos legitimos ad libros civitatum, villarum, & locorum recusant inscribere, & figillare donata & legata ad fabricas, & Ecclesiarum structuras contra Prælatorum voluntatem, & aliorum, quorum interest, præsumunt usurpare contra iustitiam, in fraudem & odium Clericorum, de rebus & bonis etiam Clericorum, quas non causa negotiationis, sed pro usibus propriis per terras ducunt, seu duci faciunt, teloneum exigunt, & recipere non verentur. Et confugientes ad Ecclesias, & Coemeteria inde extrahere contra sanctiones Imperiales præsumunt.

§. 2. Quæ omnia, & quælibet ab inde secuta, cum per sacras, & Civiles, & Canonicas sanctiones expresse reprobata sint, & in fraudem Ecclesiasticæ libertatis de facto præsumpta, de Principum, Ducum, Comitum, Baronum fideliumque nostrorum consilio, & certa scientia, auctoritate Imperiali cassamus, irritamus, & annullamus, cassaque & irrita, & nullius esse momenti penitus declaramus, & expresse pronunciamus. Præcipientes sub indignatione Imperialis banni universis, et singulis, dictarum Magdeburgensis, Maguntinensis, et Colonienſis provinciarum, et locorum vicinorum, Principibus et dominis temporalibus, Consulibus, et potestatibus, et in officiis publicis constitutis, quatenus mox visis, et intellectis præsentibus, dicta ipsorum statuta, et ordinationes sicut in præjudicium Ecclesiasticæ libertatis edita sunt, omnino revocent, et luce tollant. Quodque secundum ea non judicent amplius, nec sententias dicent, aut extra iudicium quomodolibet pro se, et contra ecclesiasticam libertatem potiantur. Item pronunciamus, et declaramus Imperiali auctoritate, quod quicumque laicus cujuscunque status, vel conditionis existat ausu sacrilego, et propriæ temeritatis audacia sacerdotem, vel Clericum secularem, vel religiosum diffidaverit, vel captivaverit, proſcripserit, spoliaverit, occiderit, mutilaverit, aut in carcere detinuerit, aut huiusmodi maleficia perpetrantes scienter receptaverit, vel favorem in his eis præstiterit, præter poenas a sacris Imperialibus, et Canonicis sanctionibus eis inflictas, sint ipso facto infames, et omni honore privati, nec ad placita, vel Concilia Nobilium admitti quovis modo possint.

Irritat.

Et iusta ea iudicare lites prohibet.

Statuitque poenas contra Ecclesiasticos molestantes.

§. 3. Volumus etiam, hortamur, et requirimus ipsos Prælatos Ecclesiasticos, ut hanc nostram legem, et constitutionem in Synodis, et Ecclesiis publicari procurent, et requisiti poenarum, et sententiarum executiones denuncient, ne in præmissis excedentes per simulatam ignorantiam suas malitias valeant excusare.

Hanc constitutionem publicari mandat.

§. 4. Nulli ergo hominum omnino liceat hanc nostræ cassationis, et immutationis, seu pronunciationis, denunciationis, et declarationis paginam ausu temerario infringere &c.

Clausula.

Da-



Data Tangerumdem, Anno Domini, Millesimo, Tricentelimo, Septuagesimo septimo. Indictione quintadecima. Quinto Kal. Julii. Regnorum nostrorum anno Trigesimo Imperii vero 23.

## VII.

Canonizatio S. Brigittæ, de Regno Svetiæ, cum festivitatis institutione, pro die 23. Mensis Julii, indulgentiarumque elargitione pro visitantibus ejus sepulchrum.

Bonifacius Episcopus, Servus Servorum Dei. Venerabilibus fratribus Patriarchis, Archiepiscopis, Episcopis, ac dilectis filiis electis, & Patriarchalium, Metropolitanarum, & Cathedralium Ecclesiarum Capitulis, ubilibet constitutis. Salutem, et Apostolicam Benedictionem.

Proemium.

Redemptio-  
nis benefici-  
um.

**A**B origine Mundi, post primi parentis lapsum, cum eam ob rem universum genus humanum æternæ morti teneretur obnoxium, cunctipotens, et misericors Deus ex alto prospiciens, ne in totum perderet hominem quem creaverat, sed sue divinitatis faceret esse participem, cum primos ex spiramine sancti Spiritus afflatos Prophetas, adventus Filii sui in carnem, sub typicis enigmatibus, ac divinis revelationibus nuncios præmississet, eundem unicum Filium suum ante sæcula genitum, adveniente plenitudine temporis, in uterum præelectæ Virginis matris, quæ imperscrutabili sancti Spiritus obumbratione, Angelo nunciante concepit, de proprio sinu transmisit, qui ex eadem Virgine natus, et progressus in tempus, cepit facere, et docere, omnibusque monstrare, qualiter sacri baptismatis fonte renatis de æterna morte viæ pateret ad vitam, et coadunatis Discipulis, ne quis fidelis hujus transitoria, et fugitiva vitæ molestias, vel tædia, seu temporalis acerbæ necis poenas, pro æternæ adeptione vitæ perhorreret, sese hostiam immaculatam, consummato debito cursu in ara crucis morte cruenta obtulit Deo Patri, et militantem Ecclesiam suo pretioso sanguine fundavit, consecravit, et eternaliter stabilivit.

§. 1. Tandem vero de mundo transiturus ad Patrem, Principi Apostolorum cælesti clavigero, in suam suorumque successorum summorum Pontificum personas, collatis clavibus, ligandi videlicet, et solvendi tradita potestate, supremum Pontificium specialem curam sui gregis, et regimen universale commisit, pollicitus nihilominus Ecclesiam in æternum se non deserturum eandem.

§. 2. Ad cujus uberem utilitatem divi fiones gratiarum, per Spiritum sanctum tribuit, suis fidelibus. Nam secundum Apostolum, Unicuique datur manifestatio spiritus

Bull. Rom. Tom. III. Pars II.

ad utilitatem. Alii quidem per Spiritum datur sermo sapientiæ. Alii sermo scientiæ, secundum eundem spiritum. Alii fides, in eodem spiritu. Alii grætia sanitatum, in uno spiritu. Alii operatio virtutum. Alii prophetia. Alii discretio spirituum. Alii genera linguarum. Alii interpretatio sermonum. Hæc autem omnia operatur unus atque idem Spiritus dividens singulis prout vult. Quamque militantem Ecclesiam Pater luminum sustulit in eodem Spiritu Sancto structura admirabili preciosorum lapidum, mira varietate decoram, ipso summo angulari lapide Christo Jesu, quos elegit ante mundi constitutionem, conformes fieri imaginis ejusdem Filii sui, ut sit ipse primogenitus in multis fratribus, in quo eos gratificavit, donans charismata meliora, qui suo exemplo viam ostenderent excellentiorem.

§. 3. Hinc igitur Apostoli Sancti prodire per universum orbem, genus humanum, quod sub peccati jugo tenebatur, ad vitam, & salutem excitantes, & cum firmissima constantia prædicantes verbum Dei, ut in omnem terram exiret sonus eorum, & in fines orbis terræ verba eorum.

§. 4. Splendidi quoque Martyres fidei lorica induiti, & inconculsæ stabilitatis baltheo succincti, laverunt stolas suas in sanguine innocentis agni, & imitati candidato exercitu Christum Jesum, ad structuram supernæ Hierusalem, hoc est triumphantis Ecclesiæ, cum gloriosa victoria palmas gestantes in manibus, sese vivos lapides addiderunt, exemplum venerabile, & æternam dignamque memoriam militanti Ecclesiæ relinquentes.

§. 5. Progressi sunt, & Doctores lucidissimi, qui pseudochristianis, falsisque prophetis, superstitiosis, & varias opiniones in vera fide Catholica adducere, ipsamque fidem subvertere satagentibus, se opposcentes, talium confutatis erroribus, miro eloquio, solidis, ac rectis sententiis operante Sancto Spiritu ipsam fidem, & militantem Ecclesiam illustrarunt, quibus eadem Ecclesia communita progreditur, quasi aurora consurgens, pulchra ut luna, electa ut sol, terribilis ut castrorum acies ordinata.

§. 6. Sequuntur & limpidi confessores ornati gemmis, & virtutibus corruscantes, Domino rationem de talentis creditis repofcenti, cum se assidua, & vigili sanctarum operationum exercuerunt mercatura, utpote fideles, & boni servi, multiplicatum de suis laboribus fructum afferunt, ac donum repofnunt in arcam.

§. 7. Etiam Anachoretæ, & solitudinis acerrimi sectatores, blandientis & captiosi, sed venenosi mundi vana spectacula fugientes, ut securi ad patriam pervenirent, latibula petierunt, & antris abditæ, parvo & rudi victu scaturientis aquæ, & levi potu, carnem propriam macerantes, & Sathanæ stimulos reprimentes, palastro, vel tegmini hirtio amicti, ut plurimum nudis pedibus, & squallida humo, aut stramineo cubili fessa membra somno foventes, in sacra-

Diffusum per orbem ab Apostolis Evangelium.

Confirmata a Martyribus proprio sanguine fides.

Illustrata veritas a Doctoribus.

Præposita virtutum exempla a Confessoribus.

Repressæ per anachoretas ab Anachoretis animæ affectus.

Data B. Petro Universalis Ecclesiæ curæ.

Diversa donâ celestia fidelibus data.



contemplatione, & supernæ majestatis laude vacantes, demum ex hac lacrymarum valle, & miseriarum acervo, ad Dei præsentiam evocati, immarcescibilibus deliciis potiuntur.

A Virginibus servatus puritatis candor.

§. 8. Adfunt & Virgines nitidæ mundo corpore, & corde sincero, mentem sanctam spontaneam, & oleum secum suis deferentes in vasis, venienti sponso obviam exeunt, eique desponsantur, qui est præ filiis hominum speciosus.

A Viduis, aliisque magnificatus bonis operibus Deus.

§. 9. Devotæ autem, & continentes Viduæ, & aliæ sexus utriusque personæ, piis sanctisque operibus semper intentæ, & se ante Dei tribunal cum plenis manipulis repræsentant, & cum sanctis Angelis canunt gloriam in altissimis Deo, & in terra pacem bonæ voluntates hominibus deprecantur. Hæc omnia profecto ille idem spiritus de quo supra, operatur ministerio multiformiter admirando. Et secundum sanctam promissionem Christus Jesus hanc vineam suam militantem Ecclesiam, post ejus admirabilem Ascensionem, talibus cultoribus, & cultricibus, usque in diem hodiernum visitavit, fovit, defendavit, firmavit, iuvit, & auxit, & per sui gratiam sic in futurum faciet temporibus successivis.

Inter hæc B. Brigitta.

§. 10. Novissimis vero diebus, ut etiam ab aquilone aliqui boni esset, ille celestis agricola eandem vineam suo de more visitans, mulierem fortem procul, & de ultimis finibus, suum secum precium deferentem ad huiusmodi vineæ culturam adduxit, beatam scilicet viduam Brigittam quam vulgares Brigidam appellant, tam sacro superius descripto coetui merito fociandam, seu verius sociatam. Cujus, propter quod præsentem operam nobis damus, ut originem, vitam, mores, & merita, necnon miracula, quæ in præmium sanctitatis ejus benedictus Deus mundo monstrare dignatus est, ne de tam celebri muliere ætas præsens immane ignara, & surda posteritas famam ingrati acculare, vel prætereunda silentio excerpimus, vestraque charitati harum serie volumus intimari.

Ex Sueciæ regum stirpe.

§. 11. Hæc nempe mulier gloriosa ex patre Birghero, & matre Sighride conjugibus de nobilissima regia stirpe Catholicorum Svetiæ Regum procedentibus, nec minus fide orthodoxa, & animi constantia, ac virtutibus, quam nobilitate claris duxit originem.

Mater prægnas a naufragio liberata.

§. 12. Quæ quidem mater dum eam gestaret in utero, maris in quodam sinu passa naufragium, cum multis promiscui sexus in eodem naufragio procella absorbuisset, sana pervenit in littus, & nocte sequenti in visione adstitit sibi persona admirando vestitu refulgens, & ne viduæ tam venerandæ sine prænuncio foret adventus, dixit, salvata es propter bonum, quod habes in utero. Ideo nutri illud cum charitate Dei, quia tibi a Deo datum est.

§. 13. Cumque puella Brigitta de genitricis alvo in mundum recenter fuisset edu-

cta, sacerdos parochialis in Ecclesia propinqua approbatæ vitæ, & ætatis perfectæ, dum nocte orationi vacaret, nubem lucidam, & in medio nubis, Virginem sedentem vidit, librum habentem in manu, sibi que dicentem, nata est Birghero quædam filia, cujus vox per mundum admirabilis audietur.

Ejus sanctitas prænunciata.

§. 14. Nata ergo puella usque ad finem triennii quasi elinguis visa est, sed mox contra naturalem decursum non balbutiendo infantium more fari, gestientiumque audierint, sed completa, & formata verba de auditis per eam loquebatur, & visis.

Infans erudite loquitur.

§. 15. Procedens vero in annis, pueritiam mira devotione transiegit, orationibus videlicet, ac jejuniis, & alias numquam a bonis operibus ociosa.

Puella orationibus vacat.

§. 16. Tandem licet in statu virginali servire Domino totis desideriis affectaret, tamen per parentes compulsa quondam Vulfoni de Ulphasum Principi Nericiæ, nobilissimo quippe & Christianissimo juveni in matrimonium desponsatur.

Nuber.

§. 17. Et cum insimul convenire deberent, quamquam idonei essent ad viriles amplexus, maritus videlicet in decimo octavo, & sponsa in tertiodécimo anno constituti, communi tamen voluntate Thobiam junio-rem, & sacram Raguelis imitati, annum continuum & ultra a concubitu abstinuerunt, Deum humiliter deprecantes, ut si conjungi foret expediens in commixtione non peccarent, & Deus illis talem prolem concederet, quæ ad servitium ejus esset. Simul postea convenerunt in timore, ac tremore, non libidini, sed posteritati vacantes. Cum interim devota mulier nec jejunia, nec orationes, nec alia pia, & solita opera præteriret.

In conjugali statu bonis vacat operibus.

§. 18. Et cum semper B. Virgini præcipue devota foret, ac tempore procedente, pene partu periclitaretur, & obstetrices, ac mulieres adstantes de vita illius desperarent, visa est quædam imperiosa, sed incognita mulier, albis sericeis induta vestibus intrare cubile, & assistere strato, & singula jacentis membra pertractare, mox cum talis mulier disparuisset, eadem puerpera, sine dolore partu integro exonerata remansit.

In partu periclitans B. Virginis præsidium experitur.

§. 19. Et cum etiam dicti jugales adhuc juvenes & recentes, maritus felicitis uxoris sanctis monitionibus persuasus, cor enim viri spoliis non indigens, confisus in ea, reddidit ei bonum & non malum, omnibus diebus vitæ suæ, ipsaque mulier indixerunt sibi sponte invicem, & perpetuam continentiam servaverunt.

Hinc servat continentiam.

§. 20. Et nihilominus conjuges devoti in Dei timore, & amore proximi semper ferventiores, limina B. Jacobi Apostoli in Compostella, communi voto peregre visitarunt.

Cum marito B. Jacobi Compostellani limina visitat.

§. 21. Et ad propria reversi cum deliberassent, ut liberius devotioni vacare possent, pro sexus diversitate diversa ingredi monasteria, dictus princeps in tali deliberatione quievit in Domino.

De vita Monastica cogitat.

§. 22. San-



In terram  
sanctam pere-  
gre proficisci-  
tur.

§. 22. Sancta autem vidua, quæ ab ine-  
untis ætatis principio Deo dicata fuerat, ut  
jejuniis & orationibus indefesse vacaret, so-  
luto conjugio, & sui juris effecta, quasi na-  
vis institoris de longe portans panem suum  
a Spiritu Sancto præmonita, egrediens de  
terra & cognatione sua, ad Almam Urbem,  
ac Hierosolymam deinde perrexit, & loca  
singula, in quibus Dominus noster Jesus Chri-  
stus annuntiatus, natus, educatus, baptiza-  
tus, conversatus, mirabilia operatus, illus-  
sus, crucifixus, & sepultus fuit, & ad cœ-  
los ascendit, insigni devotione, & venera-  
bunda conspexit. Ad urbem quoque regres-  
sa, cum antea sive in Galliis, sive in His-  
pania, sive in Italia, sive in aliis cismarinis,  
aut ultramarinis partibus Sanctorum, ac  
Sanctarum corpora, seu memorandæ reli-  
quæ quiescerent, pauca admodum absque  
personali visitatione dictæ sanctæ Viduæ fuif-  
sent prætermissa, in eadem Urbe reliquum  
vitæ peregit.

Cilicis car-  
nem domat.

§. 23. Sed post mariti mortem, ob reve-  
rentiam sanctæ Trinitatis, ad nudam carnem  
quamdam chordam de canapo cum plerisque  
nodis detulit stricte ligatam, & similiter cir-  
ca singulas tybias subtus genua singulas chor-  
das similiter connodatas, etiam tempore in-  
firmitatis, nec pannis lineis præterquam in  
capite, usque veste hispida circa carnem, supe-  
rius vero non secundum personæ conditio-  
nem, sed multum humiles, & abiectas.

Jejuniis, aliis-  
que corporis  
macerationi-  
bus incumbit.

§. 24. Et non solum eas, quas sancta ma-  
ter jubet Ecclesia, vigilias, seu jejunia obser-  
vabat, sed alia multa superaddebat, ut etiam  
ultra Ecclesiæ mandatum quater in hebdo-  
mada jejunaret, & similiter quater in heb-  
domada conjuge nondum vita functo, & post  
obitum ejus continue usque ad paucos annos  
ante suum felicem transitum, solitis pannis  
induta, super tapeto, absque paleis, culci-  
tra, vel similibus, ad terram vel pavimen-  
tum posito corpus ab orationibus, abstinen-  
tiis: ac divino labore fessum, tenui & brevi  
somno recreabat. Singulis sextis feriis ob  
memoriam Sacratissimæ Passionis Domini  
Nostri JESU CHRISTI pane dumtaxat &  
aqua contenta jejunium non omisit, cum  
etiam multos alios dies, ob diversorum San-  
ctorum reverentiam simili abstinentia per-  
transiret, & sine jejuniis abstinere, sive aliter  
discumberet, cum sobriissima foret, de-  
mensa surgebat non saturata, sed refecta:  
eisdem quoque sextis feriis de candelis ce-  
reis accensis, stillas candentes & ignitas eli-  
quabat super nudam carnem, ita ut adustæ  
cicatrices continue remanerent, & gentia-  
nam amarissimam herbam, seu radicem ejus  
retinebat in ore.

Romæ Eccle-  
sias quotidie  
visitat.

§. 25. Romæ insuper degens non rigo-  
rem frigoris, non æstivos calores, non impe-  
dimenta vitæ lautæ, non pluviarum, aut  
nivium, seu grandinum asperitates curans, sta-  
tiones per Ecclesiam ordinatas, variasque  
alias sanctas Ecclesias, licet eques pro suis  
facultatibus ire potuisset, tamen supra ex-  
tenuati corporis vires enitens, peditans visi-  
tavit quacumque die. Tot namque longis  
genuflexionibus usque fuit, ut genua ejus ri-

gerent in duritiam, ut ita dixerimus came-  
lorum.

§. 26. Admirabilis, & spectata humilita-  
tis extitit, ita ut nonnumquam cum paupe-  
ribus peregrinis incognita, simul sedens,  
apud Monasterium Sancti Laurentii in Palis-  
perna de Urbe, Ordinis Sanctæ Claræ, elee-  
mosynam reciperet, & oscularetur cum gra-  
tiarum actione, & frequenter propriis ma-  
nibus, & ob Dei reverentiam, reparabat  
pauperum vestimenta.

Humilitatem  
apprime colit.

§. 27. Tenacem obedientiam Prælati, &  
suis Superioribus, & confessoribus observabat,  
adeo quod absque saltem confessoris licentia,  
poene oculos attollere non præsumeret.

Suis obediens  
Prælati.

§. 28. Et superstiti marito cum singulis  
sextis feriis confessa fuisset, post ejus transi-  
tum, veram confessionem semel saltem in  
die cum magna contritione studuit iterare,  
tam amare leviter, sicut alii gravissima de-  
plorans, & nihil de suis verbis, moribus,  
cogitationibus, & actibus præteriens indiscuf-  
sum.

Sedula in quo-  
tidianis Con-  
fessionibus.

§. 29. Verbi Dei prædicationibus, quas  
viri probati facerent, assidua aderat, & in-  
tenta.

Prædicationi-  
bus intenta.

§. 30. Singulis quoque diebus Dominicis  
& solemnibus, cum devotione, & lacrymis  
sumpsit venerabile Christi Corporis Sacra-  
mentum.

Singulis do-  
minicis &c.  
Eucharistiam  
sumit.

§. 31. Considerans semitas domus suæ,  
ne panes comederet ociosa, manus suas ape-  
ruit inopibus, & palmas suas extendit ad pau-  
peres, inexhaustæ enim charitatis officia erga  
egentes, infirmas, & abiectas personas ob  
Dei reverentiam exercuit indefesse.

Liberalis er-  
ga pauperes.

§. 32. Nam cum etiam adhuc maritus  
superesset, die qualibet duodecim pauperes  
consuevit propria in domo cibare, illis inser-  
viens, & necessaria ministrans: Et quintis fe-  
riis memor coenæ Domini propriis manibus  
lavit pedes eorum.

Eis inservit  
discumbenti-  
bus.

§. 33. De propria quoque facultate re-  
paravit in partibus suæ originis, multa hos-  
pitalia desolata, & pauperes, & infirmos ibi  
degentes pia benigna, misericors, & sedula  
ministratrix cum summa pietate visitavit.  
Ulcerum eorum absque horrore, vel fastidio at-  
trectavit, lavit, circumligavit, & fovit.

Benigna in In-  
firmos, & mi-  
sericos.

§. 34. In loco etiam de Vvatzsteno Lyn-  
copensis diocesis de suis facultatibus unum  
venerabile monasterium canonicè construi  
fecit, pro sexaginta monialibus sub clausura  
viventibus, & vigintiquinque fratribus Ordinis  
S. Augustini, S. Salvatoris nuncupati, qui  
tam moniales, quam fratres certas constitu-  
tiones per ipsam Beatam Viduam editas, &  
postea per Sedem Apostolicam approbatas  
observare tenentur, sufficienti dote nihilomi-  
nus assignata.

Monasterium  
Monialium, &  
Domum Fra-  
trum S. Sal-  
vatoris con-  
struit.

§. 35. Admirabilis patientia vixit in ea,  
ut infirmitates proprii corporis, injurias illa-  
tas, mariti, & Caroli filii mortem, & adver-  
sa reliqua toleraret patientissime, sine mur-  
mure, sine querela, semper in cunctis cum  
humilitate summissima Dominum benedi-  
cens.

Fortis in ad-  
versis, & pa-  
tiens.

§. 36. In fide semper constantior; præ-  
stantior spe, vera charitate ardentior; justitiam

Justitiæ amas.



tiam summe dilexit & æquitatem.

Rerum inanum contemptrix.

§. 37. Stimulos carnis, & varias illecebras, pravitatem & arrogantiam, pompam, & inanem gloriam magnanima curiositate contempsit.

Prudens.

§. 38. De singulari continentia, & modestia sua satis est superius recitatum. Sed quis inveniretur illa prudentior, cum optima discretione ab ætate primæva, usque ad horam ultimam, quantum sinebat humana fragilitas, cuncta secernens, non dixit bonum malum, neque malum bonum; nec posuit lucem tenebras, nec tenebras ipsam lucem.

Revelationum scribit volumen.

§. 39. Quibus quidem sanctis & absque intermissione continuatis operibus, hæc generosa Vidua per gratiam sancti Spiritus promeruit, multis eorum cogitationes, & affectiones intimas, & gesta secretissima propagare, & visiones, ac revelationes varias videre, & audire, ac spiritu prophetico multa prædicere, quorum nonnulla effectu completa fuere, prout hæc & alia in ejus revelationum volumine, plenissime describuntur.

Mortem suam prænunciat.

§. 40. Quinta vero præcedente die prænunciavit suæ vitæ finem adesse.

Romæ pie moritur.

§. 41. Et cum fuisset annum septuagesimum supergressa, adveniente jam termino prænunciato, vocata familia, quæ fieri deberet edixit, ac demum Birghero filio, & Catherina filia tunc superstitis accersitis, & de multis commonitis, ut super omnia in Dei timore, & amore proximi, ac sanctis perseverarent operibus, ultima confessione debite facta, sumpto viatico, & extrema unctione delibuta, cum usque ad flatus emissionem sua memoria integra perdurasset, dum Missa coram se celebraretur, post adoratum Corpus CHRISTI, oculis elevatis ad coelum, dicens: in manus tuas Domine, commendo spiritum meum, vocanti benemeritam animam reddidit Creatori.

Maxima populi frequentia ejus tumulationem differt.

§. 42. Ex templo de transitu hujus Viduæ venerandæ magna fit fama per Urbem, concurrunt frequens populus cum summa devotione, ac reverentia sacrum videre corpus, Deum unanimiter glorificans & collaudans, ad Monasterium S. Laurentii supraddictum, ubi se indicarat, funus in longe majori populi frequentia defertur, & præ nimia multitudine usque ad biduum apte non potuit sepeliri, quod tamen cum eximia Dei laude fuit humatum.

Mulierem ab accubitu mali spiritus liberat.

§. 43. Dum autem celebris hæc Vidua Neapoli degeret, Nolanensis quædam mulier Pictiolella nomine, quæ violentum mali spiritus in humanam se imaginem transformantis patiebatur accubitu, cui nec fortium vigiliæ aut excubiæ obfistere potuerant, ad Viduam sanctam accessisset, eam super tali materia & expedienti remedio consultura, mox vidua præcellens, & secreta mulieris prævidens, quæsit a muliere, an secum aliquid arte magica compilatum, vel quid tale deferret, cum illa respondisset quod non, egregia vidua subiecit, Quære in capillis seu tricis tuis, & contrarium invenies. Confusa & recordata mulier, quod certum breve cum characteribus & incantamine

propriis habebat in crinibus; suum fuit errorem sponte fassa. Insignis autem vidua injunxit, & suasit illi, ut devote confiteretur, & veraciter poeniteret, & communicaret, ac etiam jejunaret, quod & fecit; ac meritis & precibus memoratæ Viduæ, nunquam similem accubitu passa fuit.

§. 44. Cum autem spectabilis hæc vidua de longa peregrinatione ad Ortonam Theatinæ dioec. terram, in qua Beatissimi Thomæ Apostoli reliquiarum pars magna servatur, vice secunda supervenisset, fuerat enim antea longe per visionem sibi revelatum, quod secunda vice sui adventus ad ipsam terram, devotum ejus desiderium impleretur. Et dum stans reliquias devotione solita visitaret, idem Apostolus devotæ Viduæ apprens, dixit, Dabitur tibi diu desideratum, & mox nemine tangente vel alias impellente, de capsâ reliquiarum quoddam frustulum unius ossis dicti Apostoli sua sponte Viduæ expectantis prosiliit ad manus, quod illa cum gaudio ac devotione recipiens, summa veneratione servavit.

§. 45. Fuit quoque hæc admirabilis Vidua, dum orationi & contemplationi vacaret per plerasque devotas personas elevata a terra, per hominis mensuram, vel circiter, cum splendida & radiante facie, sæpe visa.

§. 46. Funus nondum erat traditum sepulturæ, cum mulier quædam Agnes de Contessa nomine, in Urbe commorans, quæ a nativitate guttur habebat grossissimum ac deforme, cum aliis venerandum currit ad funus, & cum propria zona manus sanctæ jacentis Brigittæ cum devotione tangi fecisset, zonam eandem simili devotione circumduxit ad collum, & paulo post guttur detumuit, & ad conformitatem debitam divino miraculo fuit redactum.

§. 47. Verum Francisca de Sabellis dicti Monasterii S. Laurentii monialis, quæ biennio debilitatem & adversam stomachi valetudinem passa, fere semper lecto decubuerat infirma, & honorandæ Viduæ familiaris fuerat, dum adhuc insepultum corpus intra claustrum servaretur, cum gravi labore de lecto surrexit, tam longam infirmitatem patiens, & adiuta pervenit ad feretrum, & secum illic jacuit tota nocte, nec Deum desinit cum devotione & instantia deprecari, quod meritis, & precibus Viduæ, cujus corpus aderat, tam molesta tamque diutina valetudine in tantum saltem alleviaretur, quod cum reliquis monialibus, divinis officiis interesse, & per claustrum cum expediret adiuta per neminem ire posset, & mane sancto reperit se circa proprii sanitatem corporis efficacius remedium, quam deprecata fuerat, impetrasse.

§. 48. Verum ut Deus benedictus hujus dilectæ Viduæ mundo magna merita demonstraret, contigit, ut Elsebismara mulier dictæ Lincopensis dioec. cum infantulum mortuum peperisset, summo dolore plena, ac tandem ad se reversa, Deum prece humili exoraret, quod meritis Viduæ tantopere celebrandæ infantulus vitam susciperet, & emissio voto, quod cum infantulo, si ad vitam veniret, & ima-

Frustulum ossis B. Andreae Ap. mirè recipit.

In estasm rapitur.

Tumidum mulieris guttur attenuatum.

Monialis infirma valetudini restituta.

Mortuus natus vitæ restitutus.



immagine cerea sepulchrum Viduæ sanctæ visitaret, ex templo infantulus calefcere, & palpitare coepit, vitamque plene suscepit. Mulier vero plena devotione atque gaudio, vetum implevit emissum.

Miracula alia  
perpetrata.

§. 49. Sed quid pluribus immoramur, cum Deus omnipotens hujus almæ Viduæ meritis, surdis aures aperuerit, mutis linguæ officium solverit, tremulis paraliticis soliditatem præbuerit, curvis erectionem, contractis, & invalidis liberum beneficium graviendi, cæcis visum, mulieribus partu periclitantibus liberationem, morbis alias incurabilibus sanitatem, naufragos, & aquis vehementibus laborantes perduxerit ad salutis portum? Et, si ea quæ Deus benedictus Viduæ sapientiæ meritis tam illa superstitæ, quam post ejus resolutionem felicem, mirabilia præter, & super vires naturæ, fuit operatus, nec desinit operari, vellemus per singula recensere, Nos aliis diversis implicatos, longa valde in tali recitatione prolixitas detineret, possunt tamen fideles avidi talia gesta pernoscere, librum in quo fideliter annotantur perquirere curiose.

§. 50. Vota autem apud monasterium in Vuatziteno supradictum, ad quod venerabile corpus hujus benedictæ Viduæ translatus fuit, persoluta, & appositæ imagines ac statuæ, magnum testimonium perhibent veritati.

§. 51. Et quoniam per Sancti Spiritus operationem, hæc Vidua pervigil, per excellentia merita, in Dei Patris gloria collocata militantem propemodum illustrat Ecclesiam, Nosque gustamus, & videmus quia bona fuit, & est negotiatio ejus, & propterea in nocte supervenientis temporalis mortis ejus, virtutum & meritorum lucerna non debet extinguï, est enim non sub modio, sed super candelabrum posita, & per Domini universam domum inextinguibile lumen affert, quin potius filii sanctæ matris Ecclesiæ surgant, & beatissimam prædicent, eique dent de fructu manuum suarum, laudentque eam in portis Matris Ecclesiæ opera ejus. Nos qui pro instructo ministerii pastoralis officio, sumus sapientibus, & insipientibus debitores, per ea quæ tam de felicis recordationis Gregorii XI. & Urbani VI. Rom. Pontificum, prædecessorum nostrorum, quam mandato nostro super his habita sunt, de veritate præmissorum per testes idoneos, & alias probationes legitimas, certius informati, eisque veris compertis, & pro parte carissimæ filiæ in Christo filiæ nostræ Margaritæ Reginae Sveciæ illustris, ac Prælatorum, & Procerum Regni sui necnon dilectorum filiorum, Populi officialium Almæ Urbis, ac dilectarum in Christo filiarum S. Laurentii, & de Vuatziteno monasteriorum prædictorum Abbatissarum conventuum, sæpius & cum instantia requisiti, in nomine Domini, ut jam tandem Viduam ejus celeberrimam benedictentes benedicamus, & super ea effloreat sanctificatio nostra, ad honorem Dei omnipotentis, Patris, & Filii, & Spiritus sancti, & ad exaltationem orthodoxæ fidei, & Christianæ religionis augmentum, necnon

ad sedationem schismatis, ac fidei, & Ecclesiæ unionem, auctoritate ipsius Dei omnipotentis, Patris & Filii & Spiritus Sancti, ac Beatorum Apostolorum, Petri supradicti & Pauli, atque nostra, de fratrum nostrorum consilio, & assensu omnium Prælatorum in Romana Curia consistentium, discernimus, declaramus, definimus, pronunciamus, bonæ memoriæ Beatam Brigittam, alias Brigidam supra sæpius nominatam, Sanctam esse, & tamquam Sanctam ab universali Ecclesia venerari, ac Sanctorum Cathalogo adscribi debere, & ipsam nunc adscribimus de præsentibus.

§. 52. Statuentes ut ab universali Ecclesia anno quolibet, in die, qua illam post devictum triumphatumque mundum, in perpetuas æternitates præsens vita parturit, videlicet X. Kal. Augusti, festum ipsius, & officium sicut pro una sancta non virgine, nec martyre, devote & solemniter celebretur.

Ejus celebranda  
Festivitas.

§. 53. Et ut ad venerabile sepulchrum ipsius ardentius & affluentius Christi fidelium confluat multitudo, & ejusdem Sanctæ celebrius colatur festivitas, & ejus nomen celebrius recolatur, auctoritate prædicta, omnibus vere poenitentibus, & confessis, qui sepulchrum ejus hujusmodi apud ipsum Monasterium in Vuatziteno in ejusdem festi, necnon V. Kal. Junii, quo videlicet die hujusmodi corpus venerandum apud ipsum Monasterium translatus fuit, & sub ad præsens\* occurrentibus diebus devote visitaverint annuatim, singulis videlicet eorundem dierum diebus, quibus dictum sepulchrum visitaverint, ut præfertur, septem annos & totidem quadragenas de injunctis eis poenitentis misericorditer relaxamus.

Ejus sepulchrum  
visitantibus  
propositæ  
Indulgentiæ.

§. 54. Quocirca universitatem vestram monemus, requirimus, & hortamur attente, vobis nihilominus in virtute sanctæ obedientiæ, & ad æternorum præmiorum augmentum districtius injungentes: quatenus præsentibus nostras literas Cleris & populis vestris, auctoritate nostra solemniter publicantes hujusmodi venerabilis Sanctæ festum, cum solemnitate debita celebretis & faciatis etiam celebrari; omnipotentem Deum, a quo sancta desideria, recta consilia, & iusta sunt opera, totis cordis affectibus humiliter deprecantes, ut ejusdem sanctæ precibus & meritis exoratus, det servis suis, illam quam mundus dare non potest pacem, ut & corda nostra mandatis suis dedita, & hostium sublecta formidine, tempora nostra sint sua protectione tranquilla, nobisque concedat, ut post peractum nostræ villicationis ministerium, una cum credito nobis grege, mereamur ad sempiterna gaudia pervenire.

De publicatione  
huiusce  
Constitutionis.

Datum Romæ apud S. Petrum, Nonis Octobris, Pontificatus nostri Anno Secundo.

Dat. die 7.  
Octob. 1391.  
An. II.



## VIII.

Cavenſe Cœnobium in Episcopalem Sedem erigitur.

Ex Ughell.  
Ital. Sac. som.  
I.

Bonifacius Episcopus, Servus Servorum Dei.  
Ad Perpetuam Rei Memoriam.

Præmium.

**S**alvatoris nostri Jesu Christi qui benemeritum ad Convivium Domini cum in ultimis recumbentem jubet superius ascendere, ut sibi sit gloria, vices quamquam insufficientibus meritis gerentes in terris exemplo unico inserta, ut de suprema Apostolica dignitate specula ad singulas orbis partes profunde considerationis aciem extendentes, si locum insignem minus decore tractatum, & neglectum videamus, pro rei qualitate superius elevemus, ut dignitatum insigniis fulciamus: ex hoc enim cum Dei gratia boni Præsulis partes implemus si nostro Ministerio singulis locis pro eorum qualitate correspondeant tituli dignitatum.

Causæ Ere-  
ctionis facien-  
dæ.

Cavenſe Mo-  
naſterium,  
Diaceſana le-  
ge Archiep.  
Salernitano  
non ſubjectū.

§. 1. Cum itaque sicuti facti notorietas manifestat terra Cavenſis Salernitanæ Diœceſis benedicente Domino personarum numerositate, & aliis divinis muneribus ultra civitates quam plurimas partium illarum sit fecunda, satisque amplum habeat territorium, quod territorium Monasterii Sanctæ Trinitatis Cavenſis ad Romanam Ecclesiam nullo medio pertinentis, & Ordinis Sancti Benedicti ejusdem Diœceſis nuncupati, in quo Castrum Sancti Adjutoris consistit, & personæ sexus utriusque degunt in multitudine, numerosa, Abbas quoque pro tempore existens, & dilecti filii Conventus dicti Monasterii, in hujusmodi Terra, ac Territorio, & personis degentibus, ac rebus existentibus in eisdem, quantum ad Spirituale forum pertinet ordinariam jurisdictionem conjunctim, vel diviſim exerceant, & ad exercitium Secularis jurisdictionis ad ipsum Monasterium pleno jure pertinentis deputare officiales idoneos, adeoque licet Monasterium, terra, & territorium hujusmodi sint de Diœceſi Salernitana, & infra illud tantum Abbas, conventus, personæ, Monasterium, terra, ac territorium præfato Archiepiscopo pro tempore existenti, & dilectis filiis Capitulo, & Ecclesiæ Salernitate Diœceſano, vel alio quocumque jure præterquam ad certum parvum annum censum in nullo tenentur astricti, & accedat quod ipsum Monasterium gratia Domini favente etiam ultra multas Cathedralæ Ecclesias partium illarum opulentum, & multipliciter ornatum existit: proventus etiam bona, & jura dicti Monasterii ad Abbatem & conventum præfatos communiter, & indistincte pertinere noscuntur, quæ solus Abbas administrare consuevit. Si ergo eadem terra in Civitatem, & Ecclesia dicti Monasterii in Cathedralæ Ecclesiam erigantur, opus merito censeretur laude dignum, & singulariter commendandum, & incolis terræ, & Monasterii præfatorum in eo maxime accommodum, & jucundum, qui perpetuum habebunt Episcopum, & pro sacramentali confirmatione, & suscipiendis ordinibus, necnon Chrismate, & Oleo san-

cto recipiendo, & aliis necessariis quæ ad Pontificale ministerium pertinent procurandis adire alios Antistites non cogentur.

§. 2. Nos igitur præmissa attenta meditatione pensantes, & opus erectionis hujusmodi ad effectum deducere cupientes & quibusdam, & aliis rationabilibus suadentibus causis ad id nostrum inducentibus animam, ex certa nostra scientia de Fratrum nostrorum consilio, & Apostolicæ plenitudine potestatis ad ejusdem Sanctæ Trinitatis, Patris, & Filii, & Spiritus Sancti laudem, & gloriam, & exaltationem Ecclesiæ Sanctæ Sux divini cultus augmentum, fideliumque salutem terram in civitatem erigimus, & civitatis titulo, & insigniis decoramus, eamque in memoriam indelebilem eorum, quæ circa id hac in parte geruntur civitatem Cavenſem perpetuis temporibus volumus nuncupari, & insuper eandem ipsius Monasterii ad præsens Abbatis regimine destituti Ecclesiam, in Ecclesiam Cathedralæ similiter erigimus, & constituimus de consilio, & potestate præfatis, Sponsum idoneum cum Episcopalis officii plenitudine per Apostolicæ diligentie ministerium habiturum, qui sponsus ipse præsit, atque profit, statuentes, & de ipsius consilio, & potestate decernentes, ut in hujusmodi Ecclesia in Cathedralæ erecta, sit unus Prior dicti ordinis, qui majorem post pontificalem dignitatem in hujusmodi nova Cathedrali obtineat, & eisdem hætenus Conventui nunc Capitulo effectis præsideat, & divinum cultum in Ecclesia diligenter peragi, & regularem observantiam per monachos, & ministros ipsius novæ Cathedralis sollicita cura faciat observari, & animarum curam si qua illi imminet, absque negligentia, & cum diligenti studio exerceri, & leves ac minores excessus ad Episcopi Cavenſis pro tempore existentis referatur examen, sitque unus Decanus, qui post Priorem secundam habeat dignitatem, & Priore absente, vel Prioratu vacante Prioris in omnibus vices gerat, & tam Prior, quam Decanus hujusmodi de prædictis proventibus bonis, & juribus pro dignitatum decentia congruas percipiant portiones nostro moderamine nihilominus declarandas, & tunc ipsa quam vicibus successivis quotiescumque Prioratum, vel Decanatum vacare contigerit Prior, & Decanus salvis reservationibus Apostolicis per electionem Capituli, & confirmationem Episcopi præfatorum assumantur. Per hoc autem, alias dignitates, & administrationes, seu alios personatus aut alia officia si qua forsân sub aliis vocabulis ibidem hætenus fuerunt alias non intendimus remove, sed præter Priorem claustralem, qui de cætero secundum præmissa necessarius non est in suo esse remaneant sicut prius, proventus autem bona, & jura ejusdem noviter erectæ Ecclesiæ præfatæ inter Episcopum, & Capitulum præfatos Deo auctore cum debito moderamine distingui, & ab invicem separari, ac etiam numerum Monachorum inibi Capitulum facientium pro juribus facultatum proventuum bonorum, & jurium hujusmodi,

Erectio de  
qua in rubrica.

Capituli affi-  
gnatio.

Dos novi  
Episcopatus.



di, quæ in ipsa distinctione, & separatione dictis Capitulo remanebunt, statim faciemus perpetuis temporibus observanda, sed proventus bona, & jura, quæ ad Episcopalem mensam, & Episcopum, quæ vero in distinctione, & separatione prædictis ad Capitularem mensam fuerint deputata ad Priorem, Decanum, & Capitulum præfatos & eorum administratorem aliter servata juris forma debeat libere pertinere.

§. 3. Cæterum de consilio, & potestate præfatis statuimus, ac etiam ordinamus, quod personæ tam Ecclesiasticæ, quam seculares sexus utriusque in eisdem nova civitate, ac territorio, quod quidem territorium de cætero Diæcesis Cavenfis erit, degentes præfatis, & posteri quemadmodum Abbati, & Conventui præfatis in spiritualibus, & temporalibus communiter, vel divisim parere tenebantur, ac etiam ordinario jure subiecti de cætero ipsis Episcopo, Capitulo, & Ecclesiæ Cavenfis in eisdem spiritualibus, & temporalibus conjunctim, vel semotim teneantur obedire, ac Diæcesano sint subiecti. Præterea sicut Abbas, & Conventus præfati, necnon personæ, Monasterium, terra, & territorium hujusmodi eisdem Archiepiscopo, Capitulo, & Ecclesiæ Salernitanæ Diæcesano, vel alio jure non suberant, ita in posterum Episcopus, Capitulum, & Ecclesia Cavenfis, necnon personæ, terra, & Diæcesis præfata dictis Archiepiscopo, Capitulo, & Ecclesiæ Salernitanæ, nec Metropolitico, neque alio quovis jure subsint, sed eidem Ecclesiæ Romanæ immediate subiecti remaneant, sicut ante, & quemadmodum hætenus de Diocesi fuerunt, ita post hac alias de Provincia Salernitana existant: ipsis tamen Archiepiscopo, Capitulo, & Ecclesiæ Salernitanæ quo ad prædictum censum nullum præjudicium generetur. Ad hoc, quia tam in præfata Salernitana, quam in aliis Diæcesibus, ac Civitatibus nonnulla Castra, & terræ, & villæ, loca & possessiones consistunt quæ etiam jure ordinario præfatis Abbati, & Conventui hætenus plenarie conjunctim, vel separatim subfuerunt cum personis degentibus, & rebus existentibus in eisdem, & quamplura Prioratus, Præpositatus, dignitates, personatus, officia, administrationes, & alia beneficia Ecclesiastica secularia, vel regularia cum cura consistentia ad collationem, provisionem, præsentationem, electionem, confirmationem, institutionem, seu quamvis aliam dispositionem Abbatis, & Conventus præfatorum communiter, vel divisim hætenus spectaverunt, volumus, & de præfatis consilio, & potestate ordinamus, quod castra, terræ, villæ, loca, & possessiones hujusmodi non Diæcesano, vel alio quam consueverant jure, sed dumtaxat commodo, quo usque nunc Abbati, & Conventui, de cætero Episcopo, & Capitulo præfatis cum dictis personis, & rebus eodem ordinario debeant jure subesse: Prioratus vero & Præpositatus, dignitates, personatus, officia, administrationes, & alia beneficia superscripta de cætero ad Episcopi,

*Bull. Rom. Tom. III. Pars II.*

& Capituli præfatorum collationem, provisionem, præsentationem, electionem confirmationem, constitutionem, seu quamvis aliam dispositionem hujusmodi conjunctim, vel separatim debeant pertinere, & eis alias consueto more remanere subiecta. In Ecclesia jam Cavenfis prædicta divina peragantur officia juxta ritum modum, & consuetudinem ibidem hætenus usitatas.

§. 4. Demum volumus, quod Episcopus Cavenfis pro tempore existens in ædificiis ibidem existentibus habitationem honorabilem, ac decentem habeat pro se, & sua familia, quæ ab ipsorum Prioris, Decani, & Capituli habitatione per muros convenientes penitus secludatur, & quod luminaribus, libris, paramentis, & ornamentis ad divinum cultum pertinentibus, ac pro aliis solitis oneribus, ac expensis de proventibus, bonis, & juribus superscriptis, tam ad Episcopum, quam ad Capitulum præfatos conjunctim, vel divisim spectantibus diligenter possideatur sicut alias est fieri hætenus consuetum, & quod omnia privilegia, bona, & jura hujusmodi Monasterio qualitercumque concessa, ac in quorum possessione pacifica impræsentiarum canonica existit, eidem permaneant illibata: non obstante quod eadem Ecclesia dicti Monasterii in Cathedrali, ut præmittitur sit erecta. Decernimus tandem ex nunc irritum, & inane, si secus super his a quoquam quavis auctoritate, scienter, vel ignoranter contigerit attentari.

§. 5. Nulli ergo omnino hominum liceat hanc paginam nostræ creationis decorationis, statuti, ordinationis, voluntatis, & constitutionis &c.

Datum Romæ apud Sanctum Petrum septimo Idus Augusti Pontificatus nostri anno quinto.

## IX.

Servorum Beatæ Mariæ Fratibus Ordinis Officia recipiendi, seu obtinendi absque Prioris Generalis speciali licentia facultatem interdicat.

Bonifacius Episcopus, Servus Servorum Dei.  
Ad perpetuam rei memoriam.

**P**astoralis Officii debitum cui disponente Domino præsidemus exposcit, ut circa statum personarum Ecclesiasticarum præsertim Religiosarum salubriter intendamus, & ut eis materia vagandi, ac insolentiarum, & inobedientiæ vitia subtrahantur studeamus sollicitè providere.

§. 1. Cum itaque, sicut exhibita Nobis nuper pro parte dilecti Filii Joannis Fratrum servorum Beatæ Mariæ Ordinis Sancti Augustini Prioris generalis petitio continebat, sæpe contingat, quod Fratres dicti Ordinis Prælaturas, Dignitates, Officia, & etiam alia beneficia Ecclesiastica Priore generali ipsius Ordinis pro tempore existente infcio sibi conferri, vel alias se ad illa promoveri

De Episcopali Aede.

Novæ Ecclesiæ antiquo confirmantur Privilegia.

Dat. die 7. Augusti 1394.  
An. V.

Ex Regest. Vatic.

Præmium.

Causæ ferendæ legis.

De jure novi Episcopi &c.

De Beneficiis a Monasterio ipso Cavenfis dependentibus.



ri procurent, & propter collationes, vel promotiones hujusmodi Fratres ipsi ut plurimum insolentes & vagabundi, ac reprobii reddantur, & non paucorum materiam præbeant scandalorum, pro parte dicti Prioris Nobis fuit humiliter supplicatum, ut super hoc providere de opportuno remedio de benignitate Apostolica dignaremur.

§. 2. Nos itaque hujusmodi supplicationibus inclinati auctoritate Apostolica tenore præsentium, statuimus, & etiam ordinamus, quod de cætero perpetuis temporibus nullus Fratrum dicti Ordinis (quacumque, etiam Apostolica auctoritate) Prælaturam seu Dignitatem aut Officium, vel quodcumque aliud Ecclesiasticum Beneficium, per Fratres dicti Ordinis gubernari, seu regi consuetum, absque Prioris Generalis dicti Ordinis, pro tempore existentis licentia speciali, præter quam ex indulgentia Sedis Apostolicæ faciente plenam, & expressam, ac de verbo ad verbum, de indulto hujusmodi mentionem, assequi valeat quoquo modo. Nos enim ex nunc irritum, decernimus, & inane, si secus super his a quoquam, quavis auctoritate scienter, vel ignoranter contigerit attentari.

§. 3. Nulli ergo omnino hominum liceat, hanc paginam nostrorum Constitutionis, Ordinationis, & Decreti infringere &c.

Datum Romæ apud Sanctum Petrum, Kalendis Februarii, Pontificatus nostri Anno Nono.

## X.

Ex Regest. eodem. Statuta a Cardinali S. Sabinæ pro Terracinenfibus edita firmat.

Bonifacius Episcopus, Servus Servorum Dei.  
Ad perpetuam rei memoriam.

Exordium.

**A**D ea ex injuncto Nobis Apostolatus officio libenter intendimus, quæ Civitatum ac Terrarum Nobis, & Romanæ Ecclesiæ subiectarum immediate utilitatem respiciunt, & ut ea, quæ ad ipsorum prosperitatem, & statum bonum utiliter dirigendum sunt salubriter ordinata, illibata consistant, libenter adicimus apostolici muniminis firmitatem.

§. 1. Exhibita siquidem Nobis, nuper pro parte Dilectorum Filiorum Universitatis, & singularium Personarum Civitatis Terracinen. Nobis, & Romanæ Ecclesiæ immediate subiectarum nostræ Provinciæ Maritimæ petitio continebat, quod olim boni me: Franciscus Tit. S. Sabinæ Presbyter Cardinalis, tunc in nonnullis Terris Italiæ, præfatæ Ecclesiæ immediate subiectis, in temporalibus Vicarius generalis, Universitati hominum, & Communi dictæ Civitatis apostolica auctoritate, qua fungebatur, vigore literarum fere. Gregorii Papæ XI. Prædecessoris nostri, ac de consilio Rectoris dictarum Provinciarum tunc temporis existentis voluit, statuit, & ordinavit, ut Privilegium, & Indultum, Constitutiones, Statuta, & ordina-

tiones Provinciarum prædictarum per feli. rec. Bonifacium PP. VIII. Prædecessorem nostrum edita continens in Civitate, Territorio, districtu Terracinen. prædictæ vigeret, eoque ipsis uti liceret, & in omnibus suis Capitulis efficaciter observaretur.

§. 2. Statuit, & etiam ordinavit de consilio, & auctoritate prædictis, quod ab inde in antea quatuor Potestates, & duos Judices in Civitate, Territorio, districtu præfatis pro singulis sex mensibus, vice qualibet valerent eligere, Rectori ipsarum Provinciarum præsentandos, & per eundem Rectorem unum Potestatem, & unum Judicem, quos ex prædictis præsentatis ipse Rector duceret eligendos, & per syndicos eligendos per ipsos cum Consilio alicujus Jurisperiti tempore debito sindicandos, quorum sindicandorum poenas Cameræ dictæ Civitatis voluit applicari.

§. 3. Statuit insuper, concessit, & ordinavit de consilio, & auctoritate prædictis, ut pro salubri, & utili statu earum in Civitate, Territorio, Districtu præfatis statuta, quæ contra statum, & libertatem Romanæ Ecclesiæ, ac libertatem ecclesiasticam non existerent, edere valerent, & obtinerent roboris firmitatem, quæ per Rectorem earundem Provinciarum approbata forent.

§. 4. Voluit etiam, quod hujusmodi statuta, infra decem dies continuos post præsentationem eorum, per eundem Rectorem confirmari deberent, & eis restitui absque solutione alicujus pecuniæ: hoc addito quod ubicunque, seu quotiescumque ex delicto aliquo de Jure communi, poena corporalis, vel sanguinis deberet infligi, in statutis ipsis faciendis poena pecuniaria minime possit imponi: sed in eo casu Constitutiones Provinciales, ubi veræ constitutiones Provinciales deficerent, Jus commune per eorum Officiales voluit observari.

§. 5. Et nonnulla alia concessit, & voluit, prout in Literis præfati Cardinalis suo pendente sigillo munitis, quas inspicere, & examinari diligenter quarumque tenores hic de verbo ad verbum inseri fecimus, dicitur plenius contineri.

§. 6. Quare pro parte Universitatis, & singularium personarum prædictarum Nobis fuit humiliter supplicatum, ut statutis, ordinationibus, concessionibus, declarationibus, & voluntatibus hujusmodi, & aliis in dictis literis robor apostolicæ confirmationis adicere de benignitate apostolica dignaremur. Nos igitur hujusmodi supplicationibus inclinati statuta, Ordinationes, Concessioniones, declarationes, & voluntates prædictæ, & alia omnia, & singula in dictis literis, contenta rata habentes, & grata, illaque auctoritate apostolica, ex certa scientia confirmamus, & præsentis scripti patrocinio communimus. Per hoc autem nullum Jus alias eis de novo acquiri volumus, sed antiquum tantummodo conservari.

Nulli ergo omnino hominum liceat &c.  
Datum Romæ apud S. Petrum secundo Idus Junii, Pontificatus nostri Anno Undecimo.

Potestates & Judices in hac civitate voluit eligi.

Prudentes inhiberi fieri leges.

Pœnas corporales in pecuniarias non commutandas, sanxit.

Examinatis hujusmodi literis.

In iis contenta firmat Bonifacius.

Dat. die 12. Junii 1400. An. XI.

Con-

Constitutio de qua in rubrica.

Clausula.

Dat. die 1. Februarii 1398. An. IX.

A Cardinali S. Sabinæ datæ Terracinenfibus leges, & Privilegia juxta Constitutionem Gregorii XI. hac de re.



## XI.

Confirmatio Statutorum, & Ordinationum  
Provinciarum Campaniæ, & Maritimæ  
per Bonifacium PP. VIII. editorum.

Ex Regest.  
eodem.

Bonifacius Episcopus, Servus Servorum Dei.  
Ad futuram rei memoriam.

Exordium.

**H**umilibus, & honestis supplicum  
votis, & præsertim Romanæ Ec-  
clesiæ subjectorum libenter annuimus, illif-  
que, quantum cum Deo possumus, favorem  
Apostolicum impartimur.

Bonifacii PP.  
VIII. literas  
in Rubrica  
laudatas con-  
firmat.

§. 1. Sane Literas Apostolicas fe. re. Bo-  
nifacii PP. VIII. Prædecessoris nostri, Ordi-  
nationes, Statuta, & Constitutiones Provin-  
ciarum nostrarum Campaniæ, & Maritimæ  
per ipsum Prædecessorem nostrum edita,  
prout in Literis Apostolicis ejusdem Præde-  
cessoris solita Bulla munitis, quas inspicere, &  
examinari fecimus diligenter per dilectum  
Filium nostrum Ludovicum Sancti Adriani  
Diaconum Cardinalem pro Nobis, & eadem  
Ecclesia in dictis Provinciis in spiritualibus,  
& temporalibus generalem, quarumque te-  
norem hic de verbo ad verbum, inseri feci-  
mus nullo habito, vel diminuto, quod facti  
substantiam, aut veritatem immutet, au-  
thoritate Apostolica, & ex certa scientia, te-  
nore præsentium confirmamus, & præsentis  
scripti Patrocinio communimus.

Antiquum  
servando no-  
vum, nulli jus  
hinc vult ac-  
quiri.

§. 2. Per hoc autem nullum Jus, alias  
Provincialibus dictarum Provinciarum, aut  
Universitatibus, vel singularibus Personis,  
seu Provinciis ipsis de novo acquiri volumus,  
sed antiquum tantummodo conservari.

Bonifacii lite-  
re.

§. 3. Tenor vero dictarum Literarum se-  
quitur, & est talis = *Bonifacius Episcopus, Ser-  
vus Servorum Dei. Ad perpetuam rei memo-  
riam.* Romana Mater Ecclesia, quæ visceri-  
bus Pietatis exuberans, & circa statum soler-  
ter invigilans subditorum, se illis in favo-  
rem munificans, & in gratiis exhibet libera-  
lem, præclara Campaniæ Maritimæque Pro-  
vinciæ merita solerter attendens, & sedula  
consideratione discutiens, digne circa ipsam  
specialis zelo dilectionis afficitur, digne il-  
lam prosequitur intima caritate, sinceris am-  
plectitur brachiis, ad statum ejus felicem, &  
prosperum vigilantibus studiis intendendo.  
Hæc est enim Provincia, quæ felicitis benedi-  
ctionis, & gratiæ gratitudinis, & obe-  
dientiæ producit Alumnos, & in qua  
semper erga Ecclesiam supradictam fidei  
constantia viguit, claruit devotionis in-  
tegritas, splenduit reverentiæ plenitudo. Hæc  
est profecto columna fidelitatis, immobilis,  
super firmam Petram Fidei constituta, quæ  
nullius unquam concuti potuit frangentis  
fremitu tempestatis. Hæc est Provincia, quæ  
semper ipsius Ecclesiæ viriliter, & constanter  
in necessitatibus affuit personarum pericula,  
damna rerum, & laborum onera non evi-  
tans, cujusque prompto, & patienti auxilio  
Terras sibi subjectas regis dirigitque Pro-  
vincias, ipsarum compescit excessus, ausus  
temerarios reprimat, illicitos motus frenat.  
Hic est utique prædilectus, & deliciosus Hor-  
tus Ecclesiæ. In quo ipsa reperit, quod de-

Campaniæ, &  
Maritimæ En-  
comium.

Bull. Rom. Tom. III. Pars II.

lectat, colligit, quod blanditur affectui, gu-  
stat, & percipit dulces fructus. Ideoque ip-  
sius Ecclesiæ gratiosa benignitas merito ad  
eamdem provinciam benevolam extendit  
intuitum, & de statu ejus sollicita redditur,  
ut subductis noxiis subsequenter prosperis  
in pacis pulchritudine sedeat, & in requie  
opulenta quiescat. Inde fit quod Nos Pro-  
vinciam ipsam sincerissime diligentes, Apo-  
stolica auctoritate statuimus, & etiam ordi-  
namus, quod si Potestas, Capitaneus, vel De-  
fensor aliquis Communitatis alicujus, Civita-  
tis, vel Castri Provinciæ memoratæ, in quo  
quidem Castro Potestas seu Rector ad ipsius  
regimen hætenus eligi consuevit aut Eccle-  
siasticus Judex seu Loci ordinarius, Primo  
contra quemlibet ipsius Provinciæ incolam  
super delictis, & excessibus quibuscunque,  
per accusationem, aut denunciationem vel  
inquisitionem duxerit procedendum, tunc  
ejusdem Rector Provinciæ, tam in spiritua-  
libus, & temporalibus contra hujusmodi de-  
linquentem ulterius non procedat, quantum-  
cunque in Curia Rectoris prædicti super eo-  
dem delicto fuerit accusatus. Si vero præ-  
fatus Rector contra hujusmodi delinquen-  
tem prius duxerit procedendum, memoratus  
Potestas, Capitaneus, vel Defensor non pro-  
cedant in aliquo contra eum. Ordinamus, &  
statuimus, ut cuilibet appellanti, & appel-  
lare volenti coram Rectore prædicto aut  
ejus officialibus, liceat sibi quem maluerit  
habere Notarium ad formandum, seu facien-  
dum fieri appellationem, vel appellationes,  
quæ fuerint faciendæ, ipsasque in formam pu-  
blicam redigi, prout fuerit opportunum. Ita  
tamen quod prænominatus Notarius, ante-  
quam de ipsius Rectoris Curia se absentet,  
appellationis hujusmodi copiam in eadem  
forma redactam penes dictum Rectorem,  
seu Officiales ipsius si petita fuerit dimittere  
teneatur. Si autem præfatus Rector, vel  
ejus Officiales appellanti voluerit, non tam  
protinus respondere, Appellanti, vel No-  
tarium, qui appellationis confecerit Instru-  
mentum, nequaquam retineat, vel faciat  
aliquatenus detineri: quinimo ipsum libere  
abire permittat præfixo termino appellanti,  
in quo appellans compareat ipse Responsio-  
nem, quam sibi super appellatione hujusmo-  
di fecerit, auditurus. Præterea dictus Rector,  
vel Officiales ejusdem aliquem de Com-  
munitatibus ipsis, vel officiales eorum quo-  
modolibet non compellat, nec compelli fa-  
ciat, vel permittat ad dandum, vel assi-  
gnandum sibi, aut suis Officialibus pignora  
propter Romanam Ecclesiam contingentem  
dictarum Civitatum, vel Communitatum,  
vel alicujus earundem Officialibus, per  
quemcumque ob suum exhibita, vel assigna-  
ta delictum ante, vel post definitivam sen-  
tentiam vel infra tempus deliberationis ap-  
pellationis faciendæ, videlicet decem die-  
rum, vel postquam appellatum fuerit, hujus-  
modi appellatione pendente. Ad hæc si per  
eundem Rectorem adversus aliquem pro-  
cedi contigerit, a quo pecuniam vel aliud  
loco pecuniæ, per viam compositionis, seu  
condemnationis exegerit, aut exigi fecerit

De forma Ju-  
diciozum.

De Appella-  
tionibus.

Pignora non  
danda ab Ap-  
pellantibus.

D d d 2

pro



De depositio  
Compositio-  
num.De Custodi-  
bus Commu-  
nitarum.De custodia  
viarum.De Citationi-  
bus.

Pro commissis excessibus ab eodem dictus Rector exhibeat, & assignet, ac faciat assignari illi Communitati seu Civitati, unde delinquens existit, partem pene huiusmodi prout ad illam ex speciali privilegio, vel consuetudine pertineret. Si vero nec Privilegium subsit, nec consuetudo aliqua in hoc esse noscatur, pars huiusmodi penes sit Civitatis, seu communitatis illius, in cuius Territorio seu districtu maleficio extitit perpetratum. Si autem Custodes aut alii Officiales alicujus Communitatum ipsarum de Potestatis seu Capitanei vel Defensoris eorum mandato, aut ex ipsorum officio juxta formam Statuti aliquem in bonis, vel rebus cujuslibet executionem duxerint faciendam, & ex eo Custodes, vel Officiales predicti coram sepefatto Rectore vel ejus Officialibus fuerint accusati, Rector, vel Officiales ipsi contra Custodes, aut Officiales predictarum Communitatum, vel alterius earum, dummodo Rectori, vel Officiali constiterit supradictis, quod earundem Communitatum, & alicujus ipsarum Custodes, vel Officiales existant aliquatenus non procedant. Si vero quispiam de quovis delicto delatus ad declarandum Forum per se, vel per Procuratorem exceptionem opponat, ipsum audiri precipimus, prout de Jure fuerit audiendus, nisi excessus adeo evidens, tantaque casus enormitas fuerint, quod aliud suaderet faciendum. Volumus etiam, quod pro delicto Filii portionem Juris naturæ debitam Pater dare tantum, & non amplius retineatur ipsaque Patris Filio imputetur. Cæterum, si Civitas, vel Castrum Provinciæ circa viarum, seu stratarum custodiam, sollicitudinem adhibeat diligentem, nolumus illa per ipsius Provinciæ Rectores, vel Officiales eorum occasione huiusmodi quomodolibet molestari. Cum autem Provinciæ Rector, vel Officiales ipsius alicujus recipiunt pignora contra quem intendunt procedere pignora, eadem ad ipsius Rectoris mandatum penes Officiales juratos Civitatis, vel Castri, cujus est Incola is, adversus quem agitur, deponi volumus custodienda per eos, ne illa distrahi, vel amitti contingat: nisi forsan excessus enormitas vel qualitas delinquentis aliud fieri suaderet: citationem vero ad Bancum Rectoris factam nullius esse valoris volumus, vel vigoris, sed per inde habeatur, ac si facta nullatenus extitisset. Super facto autem Grasciæ ad locum in Romanam Curiam, vel Rectorem ipsum morari contigerit, deferendæ ne fraus aut dolus in hoc vendicet sibi locum, providere intendimus, prout viderimus expedire volentes omnino quod quis pro aliquo delicto Turonensem unum argenteum teneatur solvere Citatori, sed in hoc consuetudo servetur antiqua. Ad hæc super citandis mulieribus ad Testimonium perhibendum, vel ad respondendum super inquisitionis ac accusationis Negocio constitutionem nostram, quæ super hoc loquitur, precipimus observari, ac Notarios utriusque Rectoris contentos esse Scripturarum suarum salario consueto. Si quis autem pro quovis delicto citatus per se, vel per

Procuratorem compareret, & rei fidei, vel judicate solutionis, aut transactionis exceptionem opponat, si de ipsa constiterit respondere, non cogatur invitus: pecuniam insuper, quæ citatus, si Clericus existat, aut Laicus, qui fidejussores antequam recederet iuxta mandatum sibi factum exhibuit, per Portatarium vel personarum Rectoris ejusdem, pro introitu, vel egressu exigatur ac si citatus, ipse in compedibus extitisset ulterius exigi prohibemus. Præterea si Clericus coram spirituali vel seculari citatus Judice ad portam Rocchæ Cultellum vult ponere, ut est moris, Portatarius causa Custodiæ ipsum petit, & receptum spirituali defert eidem, qui Clerico precipit, ut vaginam præbeat deferenti eum in quadraginta solidis monetæ currentis nihilominus condemnando receptis propter hoc fidejussoribus ab eodem, & eum Clericus ipse instat ad reditum, idem Portatarius ab ipso salarium exigit pro Cultelli custodia memorati, quæ utpote insolita, nunquam de cetero fieri prohibemus. Porro spirituales, & sæculares Rectorum ipsorum Judices volentibus ad Sedem Apostolicam appellare, ac Notariis quos tales propterea secum ducunt graves carceris minas incutiunt; Precipientes illis districtius ne recedant, & nihilominus ab eis fidejussoriam exigunt cautionem ab eodem in solutione Custodiæ, ac scripturarum non modicum prægravando, quæ similiter perpetuæ prohibitioni subicimus, ne ulterius attententur. Præfati quoque Judices super antiquis determinatis, & sopitis quæstionibus siue Causis plures faciunt injuste citari, & ut suam excusam exhibeant, & pro invenienda Cause determinatione in Processu siue subscripta decem, vel sex solidos ad minus exsolvant, compellunt eosdem, & si citatus liberationis absolutionis, vel quietationis deferat instrumentum, & illud recipere renuat nisi prius suas exhibeat exceptiones in scriptis, & Notarius pro huiusmodi exceptionibus, & instrumenti registratione predicti quinque, vel quatuor solidos exigit ab eodem, alias ipsum multipliciter aggravando; quibus quidem exactionibus finem penitus imponi precipimus, & ab eis omnimode abstineri. Si autem Rector provinciæ adversus aliquem per inquisitionis vel denunciationis viam procedat, & is contra quem Processus dirigitur, in quacunque parte Judicii, aliquam exceptionem opponat, eam ipsius Rectoris Judex admittere renuat, nisi iuxta videatur eidem: sed si forte perpenderet quod talis per exceptionem, vel allegationem huiusmodi foret absolvendus de jure pecuniam pro Consilio exigit ab eodem, & intantum exhibendo consilio ipsum gravat, inquantum existeret condemnandus, sicque condemnationis partem ad sui commodum sub huiusmodi velamine recipit Notarius, & etiam salarium exigit pro scriptura, super quibus illius correctionis, & emendationis remedium per prudentiam Rectoris volumus adhiberi, ut ulterius non contingat. Cum vero præfatus Rector contra universitatem, vel aliquem ad inquisitionem procedit effrenatam mul-  
titu-

Appellantes  
non molestan-  
di.De variis cau-  
sarum mode-  
randis expen-  
sis.



titudinem Testium recipit, & universitatem ipsam, vel eum contra quem inquiritur, ad solvendum tres, aut plures solidos pro quolibet Testium prædictorum pro sua voluntate compellit, quod omnino corrigi volumus: dum vero non agatur in fraudem cogit etiam idem Rector litigantes, sua per Advocatos Jura proponere, nec aliter ipsos audit, & si forte contra eam contingeret, compellitur litigator non solum suo, sed etiam ipsius Curia nomine satisfacere Advocatis. Idemque Rector indifferenter exhibere non desinit pro quolibet delicto citatum, & in ejus Curia manere constringit receptis etiam fidejussoribus ab eodem. Nihilominus sibi Custodiam, sive Carcerem sumptibus propriis imponendo, quæ quidem ulterius fieri prohibemus, nisi facti qualitas, vel casus enormitas aliud suaserit faciendum. Constitutionem autem per Rectorem Provincia editam per quam minor quatuordecim annis super quovis delicto in Testem recipitur, cassamus, vacuamus, & penitus annullamus. Super gravaminibus vero, quæ hominibus de Montanis ejusdem Provincia a Rectoris Vicariis per novas Inquisitiones, quas de antiquis, & fictis excessibus faciunt, & alias etiam multipliciter inferunt taliter per eundem Rectorem volumus, & præcipimus provideri, ut, & illa finem recipiant, & Ecclesie Romanæ subiecti, ad quorum quietem intendimus indebitis vexationibus non turbentur. Baronibus autem Campaniæ, & Maritimæ prædictarum & eorum Vassallis Jura, jurisdictiones, & consuetudines ipsorum tam in Civilibus, quam in Criminalibus auferre, nequaquam intendimus, sed potius sibi ea illæsa, & integra conservare. Nos itaque ad statum bonum & prosperum ejusdem Provincia vigilantibus studiis intendentes, & cupientes, ut in illa pax vigeat, regnet concordia, justitia observetur, præmissa omnia, per Nos facta prohibita, & statuta sic in perpetuum custodiri volumus, & servari, ut contra ea, vel eorum aliquod scienter temere venientes excommunicationis, sententiam, quam nunc in ipsos auctoritate Apostolica promulgamus, incurrant, qui non, nisi per summum Pontificem possint absolutionis beneficium obtineri. Decernentes nihilominus omnem processum siquidem per eundem Rectorem per se, vel alium, seu alios contra prædicta omnia, per statuta ordinata, & decreta, vel aliquid prædictorum haberi contigerit, irritum, & inane, & nullius existere penitus firmitatis. Nulli ergo &c. Datum Anagninæ, quarto Kalendas Octobris Pontificatus nostri Anno Primo.

Nulli ergo omnino hominum liceat hanc paginam nostrarum confirmationis, voluntatis, & constitutionis infringere &c.

Datum Romæ apud Sanctum Petrum, secundo Idus Junii, Pontificatus nostri Anno Undecimo.

De minoribus  
in testimoni-  
um non ad-  
mittendis.

Inobedientes  
huius Constitu-  
tioni anathe-  
mate percussi.

Dat. die 12.  
Junii 1400.  
An. XI.

## XII.

Ecclesia S. Michaelis in Monte Gargano erigitur in Cathedralem addita lege, ut Sipontinus Archiepiscopus Garganicus quoque nuncupatur.

Bonifacius Episcopus, Servus Servorum Dei.  
Ad perpetuam rei memoriam.

**R**etum omnium summi, & providi ordinatoris Domini Nostri Jesu Christi, quod benemeritum ad convivium dominicum in ultimis recumbentem superius jubet ascendere, ut sibi sit gloria, vices quamquam insufficientibus meritis gerentes in terris exemplo dominico invitamur, ut de supremæ apostolicæ dignitatis speculo ad singulas orbis partes profundæ considerationis aciem extendentes, si locum insignem minus decore tractatum, & neglectum videamus, pro rei qualitate superius elevemus, & dignitatum titulis fulciamus. Per hoc enim cum Dei gratia boni præsidis partes implemus, si nostro ministerio singulis locis pro temporum qualitate correspondeant insignia dignitatum.

§. 1. Cum itaque sicut ipsa veritas, & facti evidentia manifestant, civitas Sipontina, quæ Cathedralis, & Metropolitana in Apuliæ finibus sita malitia temporum faciente multarum calamitatum concussa turbinis adeo diruta, & neglecta, ac desolata jaceat, quod a multis annorum circulis nullus in ea moram traxit, nec speratur, quod in futurum aliqui sint mansuri, & in Dioecesi Sipontina Mons Garganus a dicta civitate, non longe distans situs est, in cujus Montis vertice supremo in honorem beati Michaelis Archangeli toto orbe terrarum veneranda habetur Ecclesia cælesti quidem virtute prædicta, ac ibidem terra Montis Sancti Angeli nuncupata, dictæ Dioecesis benedicente Domino personarum numerositate, aliisque Domini muneribus ultra Civitates quam plurimas illarum partium stet fecunda, in qua personæ utriusque sexus degunt in multitudine copiosa: Archiepiscopus quoque Sipontinus pro tempore existens in ejusmodi terra, & ejus districtu, ac personis degentibus, & rebus existentibus in eisdem, quantum ad spirituale forum pertinet ordinariam jurisdictionem, & prædicta Ecclesia ultra multas, & Cathedrales Ecclesias partium earundem opulenta, & sufficienter ornata extat, proventus etiam bona, & jura dictæ Ecclesie in Archiepiscopum prædictum, & Capitulum ejusdem Ecclesie communiter, & indistincte pertinere dignoscuntur. Quorum medietatem Archiepiscopus, aliam Capitulum prædictum percipere consueverunt. Si ergo terra in civitatem, & Ecclesia prædicta in Cathedralem, & Metropolitanam Ecclesiam erigantur merito censeretur poterit laude dignum, & opus singulariter commendandum.

§. 2. Nos igitur attendentes, quod felic. Benedictus Papa IX. Prædecessor noster Sipontinam Ecclesiam, quæ tunc dumtaxat Cathedralis erat, post miraculosam inven-

Ex Ugbell.  
Ital. Sac. rom.  
VII.

Proemium.

Infelix Sipontina civitatis status.

Ecclesia S. Michaelis in Monte Gargano.

Terra Montis S. Angeli incolis, cæterisque fecunda rebus.

Sipontina Ecclesia in Metropolitana a Benedicto IX. erecta.



tionem ejusdem Michaelis Archangeli, ipsiusque reverentiam in Metropolitanam erexerat, & multis honoribus decoraverat, ac cupientes præterea eandem Ecclesiam prædicti gloriosissimi Principis Michaelis Archangeli, qui de hoste humani generis triumphans militiæ celestis exercitus obtinet providentia divina primatum, amplius honorare, ac præmissa attenta meditatione pensantes, & onus erectionis hujusmodi ad effectum deducere cum maturitate volentes, ex quibusdam aliis rationalibus suadentibus causis ad id animum nostrum moventibus, & ex nostra scientia, & de Fratrum nostrorum consilio, de Apostolicæ potestatis plenitudine, ad honorem omnipotens Dei Patris, & filii, & Spiritus Sancti, & ejusdem gloriosissimi Principis Michaelis Archangeli laudem, & gloriam, & exaltationem Ecclesiæ sanctæ suæ, divini cultus augmentum, fideliumque salutem, & earundem terræ, & Ecclesiæ statum honorificum, & tranquillum, Terram prædictam in Civitatem erigimus, & Civitatis titulo, & insigniis decoramus: ipsamque in memoriam indelebilem eorum, quæ cura nostra in hac parte geruntur, civitatem Pargariam perpetuis futuris temporibus volumus nuncupari. Et insuper eandem Ecclesiam (cui venerabilem Fratrem nostrum Nicolaum Archiepiscopum Sipontinum prout Sipontinæ Ecclesiæ præesse dignoscitur, præsidere volumus, & jubemus.) in Cathedralē & Metropolitanam Ecclesiam similiter erigimus, & constituimus de consilio, & potestate prædicta ipsasque ambas Ecclesias Sipontinam, & Garganicam simul unimus, annectimus, & incorporamus. Perpetuo per præsentēs decernentes, ut prædictus Nicolaus Archiepiscopus ex nunc Archiepiscopus Sipontinus, & Garganicus nuncupetur, & subsequenter sui in posterum successores. Statuentes, & de ipsis consilio, & potestate decernentes, ut Archidiaconus qui est in dicta Ecclesia Garganica majorem post Pontificalem dignitatem obtineat, reliqua autem dignitates, personatus, & officia, si quæ, si qui, aut si qua forsan sub aliis vocabulis ibidem hætenus extiterint, alias non intendimus removere, & tam Archidiaconatus, dignitates, personatus, & officia hujusmodi necnon duodecim Canonico- rum, & Præbendarum, & perpetuorum beneficiorum servientium nuncupatorum numerus ejusdem novæ Ecclesiæ, ac collationes, & provisiones, necnon consuetudines, & statuta in suo esse remaneant sicut prius.

§. 3. Quæ quidem numerus, & consuetudines, & statuta de consilio, & potestate prædicta harum serie confirmamus, & præsentis scripti patrocínio communimus. Proventus, & bona, & jura ipsius novæ Ecclesiæ quoad Archiepiscopalem mensam ad Archiepiscopum, quo vero ad capitulum prædictum pertinent, juxta consuetudinem hætenus observatam, & alias juxta juris formam percipiantur, & libere dividantur.

§. 4. Cæterum de consilio, & potestate prædicta statuimus, & ordinamus, quod personæ tam Ecclesiasticæ quam sæculares sexus

utriusque in eadem civitate degentes præsentēs, & posteri prædicto Archiepiscopo, ejusque posteris subiecti remaneant, & pareant in omnibus sicut ante. In eadem Ecclesia nova prædicta divina officia peragantur juxta ritum, modum, & consuetudinem ibidem hætenus usitata. Quandoque ipsa nova Ecclesia omnibus privilegiis juribus, & jurisdictionibus potiatur, & gaudeat quibus eadem Sipontina gaudet & gaudere etiam consuevit hujusmodi, necnon aliis privilegiis indulitis, & concessionibus Apostolicis eidem Sipontinæ Ecclesiæ concessis, quæ possent præsentibus obviare non obstantibus quibuscumque. Decernimus insuper ex nunc irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Nulli ergo omnino hominum liceat hanc paginam nostrarum erectionis, decorationis, jussionis, voluntatis, unionis, & annexionis, incorporationis, statuti, confirmationis, communitationis, ordinationis, & constitutionis infringere &c.

Datum Romæ apud Sanctum Petrum, Nonis Decembris Pontificatus nostri Anno Duodecimo.

Clausula.

Dat. die 4.  
Decembris  
1400 An. XII.

### XIII.

Prohibitio infeudandi, locandi, seu alias quomodolibet alienandi bona Ecclesiarum, & Monasteriorum Urbis, ejusque Districtus nisi de triennio in triennium.

Ex Regest.  
in Archiv.  
Vatic.

Bonifacius Episcopus, Servus Servorum Dei.  
Ad futuram rei memoriam.

**E**T si universas Orbis Ecclesias, cunctaque Monasteria, atque loca in Divini Nominis laudem, & gloriam dedicata incrementis salutaribus ampliari, & ab ingruentium dispendiorum noxiis illæsa servari ferventibus desideriis, prout ex debito Apostolicæ servitutis obnoxii reddimur, exoptemus, ac opem & operam circa ea impendamus studiis indefessis; ad Monasteria tamen, Prioratus, & Ecclesias in Alma Urbe, ac in ejus Territorio vel Districtu existentia tanto, ut salutaribus proficiant augmentis, excitamur ardentius, quantum in ea Urbe fundamenta Militantis Ecclesiæ cælestis altitudo consilii mirabilius stabilivit, & esse voluit tam spiritualis, quam temporalis Monarchiæ ex Throno suæ ineffabilis sapientiæ Principatum.

§. 1. Sentientes igitur, sicut habet fidedigna relatio facta nobis, quod nonnulli Abbates, Priores, Capitula, & Conventus Monasteriorum, & Prioratum, tam regularium quam sæcularium etiam Ordinum diversorum, necnon quamplures alii in dignitatibus, Administrationibus, & Officiis constituti, & etiam Rectores, tam Parochialium quam aliarum Ecclesiarum, ac Hospitalium tam in dicta Urbe, quam in Territorio seu districtu ejusdem situatorum sub variis, & diversis coloribus in maximum Monasteriorum Prioratum & Ecclesiarum, ac hospitalium hu-

Ex locationibus bonorum Ecclesiarum. ipsæ Ecclesiæ summe de pauperantur.

Proemium.

Terræ prædictæ in Civitatem erigitur.

Ecclesia vero S. Michaelis in Cathedralē, & Metropolitanam.

Archiepiscopus Sipontinus, & Garganicus appellandus.

Capituli assignatio.

De redditibus Archiepiscopi & capituli.



huiusmodi præiudicium, & gravamen, ac in ipsorum animarum æternæ salutis periculum bona stabilia ad Monasteria, Prioratus, & Ecclesias, seu Hospitalia huiusmodi pertinentia infeudare, seu in emphiteusim concedere, necnon ad longum locare tempus de iurabili haftenus præsumpserunt, & præsumunt assidue fructus, redditus, & proventus ex eis ante tempus percipientes, nec curantes fructus huiusmodi, ac bonorum ipsorum, aut nutrimenta, & sustentationem degentium in eisdem.

§. 2. Nos volentes, cum ad hoc nostra potissime versetur intentio ut Monasteria, Prioratus, Ecclesie, & bona huiusmodi, ac Personæ in eis, & potissime deservientes laudabiliter in divinis augmenta suscipiant & ab incommodis ex malitia concessionum, & locationum huiusmodi emergentibus præferantur illæsa, præmissis, & nonnullis aliis rationabilibus causis animum nostrum ad hoc moventibus auctoritate Apostolica tenore præsentium statuimus, & ordinamus, quod de cætero nullus Abbas, Prior, Conventus, aut Capitulum, Collegia, regulares, vel sæculares, aut Rector Monasteriorum, Prioratum, aut Ecclesiarum ac Hospitalium huiusmodi, vel alicujus eorum cuiuscumque status, dignitatis, vel conditionis existat per se vel alium directe vel indirecte, quibuscumque titulo causa seu quæsto colore infeudare, aut in emphiteusim concedere, seu aliter locare bona huiusmodi, quæ infeudari haftenus non consueverint, aut fructus, redditus, & proventus bonorum stabilium Monasteriorum, Prioratum, & Ecclesiarum huiusmodi, vel alicujus eorum ad tempus vendere, vel aliter alienare seu concedere: nisi dumtaxat pro tempore, & termino trium annorum ad plus, nec fructus, redditus, aut proventus ipsos ante tempus percipere, nisi pro uno anno dumtaxat, & non ultra audeat, vel præsumat, sub pena excommunicationis, in quam contrafacientes incurrere volumus ipso facto, necnon privationis omnium Monasteriorum, Prioratum, Dignitatum, Ecclesiarum, beneficiorum, hospitalium, & bonorum quorumlibet, quæ quomodolibet obtinerent, Feudatarii quoque, Emphiteote, conductores ac Emptores bonorum huiusmodi solum contra inhibitionem huiusmodi Canonem, & pretium amississe eo ipso intelligantur, nec repetitioni, aut compensationi sit locus in aliquo.

§. 3. Volentes ac decernentes quod Castra seu Fortalitia Monasteriorum, Prioratum, aut Ecclesiarum seu hospitalium huiusmodi, vel eorum aliquod absque speciali Sedis Apostolicæ licentia sub dicta pena Infeudari, locari, dari, vel concedi non possint, vel debeant quovis modo, & nihilominus, quod secus, vel aliter factum fuerit carere viribus decernimus ipso facto.

§. 4. Constitutionibus Apostolicis statutis, & Consuetudinibus Monasteriorum, Prioratum, Ordinum, Ecclesiarum, & locorum huiusmodi Legibus Imperialibus, statutis municipalibus præfatæ Urbis & aliis contrariis

non obstantibus quibuscumque.

§. 5. Prædicta autem ad hospitale nostrum Sancti Spiritus in Saxia de Urbe & ejus Præceptorem Capitulum atque bona non vendicent sibi locum.

§. 6. Nulli ergo omnino hominum liceat hanc paginam, nostrorum statuti, ordinationis, voluntatis, & constitutionis infringere &c.

Datum Romæ apud S. Petrum, quarto Nonas Januarii, Pontificatus nostri Anno Quartodecimo.

Excipitur  
Hospitale S.  
Spiritus in Sa.  
xia.

Dat. die 2.  
Januar. 1403.  
An. XIV.

## INNOCENTIUS VII.

P A P A C C I V.

ANNO DOM. MCCCCIV.



**D**ie 17. Octobris 1404. electus est Romæ in Summum Pontificem Cosmus Melioratus Presbyter Cardinalis tituli S. Crucis in Hierusalem sub nomine Innocentii VII. qui coronatus est die 11. sequentis Novembris. Erat Cosmus Sulmone natus, in Aprutio: quem Urbanus VI. Archiepiscopum fecerat Ravennatensem, mox Bononiensi præfecerat Ecclesiæ, unde a nonnullis Cardinalis Bononiensis appellatur. Sedit in

Prohibitio, de  
qua in rubrica.

Pena contra  
inobedientes.

Locationes  
vero &c. non  
nisi de consen-  
su Rom. Pon-  
tificis facien-  
da.

Contrariis  
quibuscum-  
que non ob-  
stantibus.



in Pontificatu annos II. dies XIX. imperantibus in Occidente Roberto Rege Romanorum, in Oriente vero Emmanuele II. Imperatore. Obiit die 6. Novembris anno 1406. & sepultus est in Basilica S. Petri. Vacavit Sedes dies XXVI.

## I.

Approbatio Regulę Fratrum & Sororum de Pœnitentia Ordinis S. Dominici.

Innocentius Episcopus Servus Servorum Dei.  
Ad futuram rei memoriam.

Exordium.

**S**edis Apostolicę providentia circumspēcta, personas regulari observantię vacantes assidue, studio pię vitę benigno favore prosequitur, & ea quę pro earum Statu salubriter dirigendo provide ordinata sunt, ut illibata persistant, Apostolico consuevit munimine roborare.

Supplex Fratrum &amp; Sororum petitio.

§. 1. Sane petitio pro parte dilectorum filiorum fratrum, & dilectarum in Christo filiarum, sororum Ordinis Prędicatorum, qui quidem fratres, & sorores de Pœnitentia Sancti Dominici nuncupantur, nobis nuper exhibita continebat, quod ipsi quamdam regulam, sive religiose vivendi formam, in qua nonnulla honesta, & rationabilia, ac regulari disciplinę congruentia statuta, & ordinata fore noscuntur, hætenus laudabiliter observarunt, prout observant. Quodque licet Ordo, Fratres & Sorores huiusmodi, variis per Sedem Apostolicam sint privilegiis communiti, tamen pro solidiori eorum subsistentia, & ut clementia altissimi operante, de virtute in virtutem gradientes, devotiorem reddere valeant Domino famulatum, desiderant, huiusmodi regulam, sive vivendi formam per Sedem eandem approbari. Quare pro parte fratrum & sororum eorundem, nobis fuit humiliter supplicatum, ut regulę, seu vivendi formę huiusmodi robur apostolicę confirmationis adicere, illamque per dictos fratres, & sorores pręsentes & posteros in perpetuum observari, mandare, de benignitate Apostolica dignaremur.

Confirmatio de qua in Rubrica.

§. 2. Nos igitur, qui super pręmissis omnibus & singulis Venerabilis Fratris nostri Angeli Episcopi Hostiensis, (cui examinationem eorundem commisimus per ipsum faciendam, & quod ea quę per illam reperiret, nobis referre curaret) relatione plenaria, & fidei fuimus clarius informati, huiusmodi supplicationibus inclinati, Regulam sive vivendi formam, quam per singula ejus capitula clare, & distincte, ac de verbo ad verbum pręsentibus fecimus adnotari, necnon statuta, & ordinationes prędicta rata habentes & grata, illa auctoritate Apostolica, ex certa scientia confir-

mamus, & pręsentis scripti patrociniocommunimus, & nihilominus regulam, seu vivendi formam eandem per ipsos fratres, & sorores pręsentes, & in posterum volumus, & mandamus perpetuis futuris temporibus inviolabiliter observari.

Tenor vero Regulę sive vivendi formę huiusmodi sequitur & est talis.

*Incipit Regula Fratrum & Sororum Ordinis de Pœnitentia B. Dominici Tertiavorum Fundatoris, & Patris Fratrum Ordinis Prędicatorum.*

## CAPUT PRIMUM.

**I**N primis, ut hic Ordo continuum, & perpetuum de bono in melius valeat recipere incrementum, quod ex receptione personarum bene dispositarum plurimum noscitur dependere, volumus, & ordinamus, quod nullus recipiatur ad Ordinem huius fraternitatis, nisi per Magistrum sive directorem, & per Priorem dictę Fraternitatis, vel de ipsorum licentia, ac etiam de assensu majoris partis fratrum professorum fraternitatis ejusdem illius loci, pręmissa tamen diligenti examinatione, quę sit honestę vitę & bonę famę, ac de hæresi nullatenus sit suspectus, quinimo tamquam S. Dominici singularis in Domino filius, sit veritatis catholicę fidei juxta suum modulum æmulator, & zelator pręcipuus. Qui etiam antequam habitum huius religionis recipiat, de alienis (si qua habuerit) satisfaciatur ad plenum, & proximis reconciliari, necnon & paratum sive conditum suum testamentum tenere studeat, juxta consilium & ordinationem confessoris discreti, & eadem examinatio fiat de mulieribus ingressum huius Ordinis petentibus: habentibus tamen viros, non pateat ingressus ad consortium dictę fraternitatis, nisi de virorum suorum licentia & consensu, de quo consensu fiat publicum instrumentum. Idem quo ad hoc servari volentes in viris uxorem habentibus, nisi obstaret in ipsis, vel aliquo ipsorum aliqua causa, quę legitima judicaretur de consilio discretorum.

De recipiendis, &amp; eorum conditione.

## CAP. II.

Omnes autem tam fratres quam sorores dictę fraternitatis induantur panno albo & nigro, qui nec in colore nec in valore nimiam preciositatem prætendat, sicut decet honestatem servorum CHRISTI. Mantellum sit de nigro, & fratrum capucia similiter sint de nigro, tunicę verò sint de albo, quarum manicę protendantur usque ad pugnū, & sint clausę, corrigias de corio tantum habeant, quibus sorores cingantur sub tunica, in bursis etiam, calceamentis, & cęteris, omnem mundanam rescent vanitatem: vela vero sororum, & bindę sint alba de panno lineo, vel canapino.

De habitu Fratrum, &amp; Sororum.

## CAP. III.

Recipiatur autem recipiendus in loco Capituli fraternitatis, vel ante altare Ecclesię Fratrum Prędicatorum, illius loci, & a

De modo recipiendi in Ordinem.



De Benedi-  
ctione vestiū.

magistro, five directore supradicto, vel ejus Vicario, qui Magister assistente induendo, & petente humiliter flexis genibus recipi, presentibus aliquibus aliis Fratribus Prædicatoribus, & Priore Fraternitatis, vel ejus vices gerente, cum aliis de fraternitate, benedictet primo habitum ejus qui debet recipi, hoc modo videlicet. Ostende nobis Domine misericordiam tuam. Dominus vobiscum. Oremus. Domine JESU CHRISTE qui tegimen nostræ mortalitatis induere dignatus es, &c. Postea vero tali habitu benedicto, & per receptum seorsum induto, atque ad gradus altaris reverso, & ante Magistrum genuflexo, dicet Magister. Veni Creator Spiritus, & Fratres, qui ei assistunt ipsum prosequantur usque ad finem, deinde dicatur. Kyrie eleison, Christe eleison, Kyrie eleison. Pater noster &c. Emitte Spiritum tuum, &c. Salvum fac servum tuum, &c. Oremus. Deus qui corda fidelium sancti Spiritus illustratione docuisti, &c. & Præstende famulo, &c. & Responso, Amen. Aspergatur sic indutus, a Magistro aqua benedicta, deinde omnes fratres fraternitatis, ipsum recipiant ad osculum pacis, & eodem modo ante altare recipiantur mulieres, quemadmodum est de Fratribus supradictum.

## C A P. IV.

De Professio-  
ne seu modo  
profutendi.

Completo anno, vel ante, si Magistro, & Priori supradictis, vel cui commiserint, & etiam majori parti Fratrum professorum fraternitatis, visus fuerit idoneus, ad professionem recipiatur. Profitebitur autem hoc modo, videlicet. Ad honorem Omnipotentis Dei, Patris & Filii & Spiritus Sancti, & Beatæ MARIÆ Virginis, & Beati Dominici. Ego N. coram vobis N. Magistro & Priore, Fratrum Ordinis de Pœnitentia B. Dominici, talis loci, profiteor me velle de cætero vivere secundum formam & regulam fratrum & sororum ejusdem Ordinis de Pœnitentia B. Dominici usque ad mortem. Mulieres vero eodem modo profiteantur coram Magistro supradicto, & Priorissa, vel cui commiserit.

## C A P. V.

De permā-  
nentia in hoc  
statu.

Statuimus autem, ut nullus frater, nec soror hujus fraternitatis & Ordinis, post supradictam professionem de hoc Ordine egredi valeat, nec eisdem ad sæculum reverti liceat, sed bene possint libere transire ad unam de approbatis Religionibus tria vota solemnia profitentibus.

## C A P. VI.

De horis ca-  
nonicis dicen-  
dis.

Fratres & sorores dicant quotidie omnes horas canonicas, nisi infirmitate impediatur. Pro matutinis dicant viginti octo Pater noster, pro Vesperis, & pro qualibet aliarum septem. Ad honorem vero B. MARIÆ semper Virginis pro qualibet hora superius nominata tot Ave Maria, quot Pater noster dicere teneantur. Pro benedictione autem mensæ, dicant unum Pater noster. Cum vero surgunt à mensa, similiter dicant unum Pater noster, vel Psalmum, Miserere mei Deus, vel Laudate, qui sciunt. Omnes etiam

*Bull. Rom. Tom. III. Pars II.*

qui sciunt Symbolum Apostolorum videlicet Credo in Deum, dicant illud semel in principio Matutinarum, & etiam ante Primam, & quando Completorium fuerit terminatum. Qui autem sciunt, & dicunt horas canonicas quemadmodum faciunt clerici, prædicta Pater noster, & Ave Maria dicere minime teneantur.

## C A P. VII.

Ad Matutinas Dominicis diebus, & festivis, a festo omnium Sanctorum, usque ad festum Resurrectionis Dominicæ omnes surgant. In Adventu autem Domini & Quadragesima, surgant omni nocte. Qui vero occupantur quotidiano opere manuali, horas suas dicere possunt de mane, usque ad Vesperas exclusive, de sero verò, vespas & completorium simul dicant.

De surgendo  
ad Matutinas.

## C A P. VIII.

Omnes quater in anno ad minus, videlicet in festo Nativitatis Domini, Resurrectionis ipsius, Pentecostes, & in festo Assumptionis, aut Nativitatis B. Virginis, peccata sua confiteantur diligenter, & Eucharistiæ devote studeant accipere Sacramentum, nisi forsitan ex aliqua causa rationabili, alicui ex ipsis esset a suis confessoribus interdictum. Qui autem ex devotione sua sæpius voluerint infra annum communicare, petita a suo Prælato licentia & obtenta, devotionem suam, cum Dei benedictione possunt executioni demandare.

De Confessio-  
ne, & Com-  
munionem.

## C A P. IX.

In Ecclesia dum celebrantur Missæ, vel cantatur divinum officium, seu actualiter ibi proponitur verbum Dei, omnes silentium servare studeant, & orationi, ac divino officio diligenter intendant, nisi ex aliqua speciali & occurrente necessitate, aliquid silenter loquantur.

De silentio  
observando.

## C A P. X.

Fratres & sorores, Ecclesias quarum Parochiani, & Parochianæ existunt, juxta Canonicas sanctiones, & bonos mores & cum omni devotione studeant visitare. Ecclesiarum suarum Prælatos, videlicet Episcopos & inferiores, summe reverentur, ipsorumque jura absque omni diminutione, & fideliter eis solvant, & hoc tam in decimis quam oblationibus alias quomodolibet consuetis.

De reverentia  
exhibenda Ec-  
clesiarum Præ-  
latis, ipsisque  
Ecclesiis.

## C A P. XI.

A Dominica prima Adventus usque ad Nativitatem Domini quotidie tam fratres quam sorores jejunent, & similiter a Dominica in Quinquagesima usque ad Pascha Resurrectionis idem observent, ferias autem sextas jejunabunt omni tempore, & jejunia omnia ab Ecclesia instituta. Qui autem voluerint amplius jejunare seu austeritates alias facere, poterunt habita licentia a suo Prælato, vel de consilio confessoris discreti.

De Jeuniis.

## C A P. XII.

Fratres, & sorores hujus fraternitatis  
E e e uti

De Cibo.



uti possunt carnibus diebus Dominicis, & tertia, & quinta feria. Ceteris vero diebus abstineant, nisi sint infirmi, aut multum debiles, vel minuti, vel nisi præcipuum festum fuerit illa die, aut quia essent in itinere constituti.

## CAP. XIII.

De discursibus.

Vagos, curiososque discursus per civitatem non faciant. Sorores vero solæ non discurrant, maxime juniores, ad nuptias & choreas sive ad dissoluta & mundana convivia, sive ad vana spectacula nullo modo accedant. De civitate vero, vel castro ubi habitant non exeant, etiam causa peregrinationis, absque licentia speciali Prælati, vel Magistri fraternitatis jam dictæ.

## CAP. XIV.

De armis non ferendis.

Invasionis seu impugnationis arma secum fratres non deferant, nisi propter defensionem fidei Christianæ, aut alia rationabili causa, & de suorum Prælatorum licentia.

## CAP. XV.

De infirmis visitandis.

Deputentur per Priorem duo ex fratribus, qui cum quempiam ex eisdem noverint infirmari, quamcitus potuerint, caritative studeant visitare, & statim a principio ad recipiendum poenitentiam, & alia Ecclesiastica Sacramenta, eundem efficaciter adhortentur, & si necesse fuerit, ministerium corporale prout commode poterunt eidem studeant adhibere. Si vero fuerit pauper, necessaria de bonis propriis, vel communibus, prout facultas permiserit, sibi ministrare procurent. Et idem faciant sorores circa sorores suas infirmas.

## CAP. XVI.

De suffragiis Fratrum &amp; Sororum defunctorum.

Quando continget, aliquem ex fratribus ex hac luce migrare, cæteris confratribus in eadem Civitate vel Castro nuncietur, ut procurent defuncti exequiis personaliter interesse, a quibus non recedant, donec corpus fuerit traditum sepulturæ. Hoc idem circa sorores decedentes volumus observari. Præterea infra octo dies post ipsius defuncti sepulturam immediate sequentes, quilibet frater & sorores dicant pro anima ejus; Sacerdos unam missam; Sciens vero psalterium, psalmos quinquaginta; Illiterati vero centum Pater noster dicant, addendo in fine cujuslibet Requiem æternam &c. Et præter hæc, quilibet infra annum, pro fratrum & sororum tam vivorum quam defunctorum salute, tres Missas faciat celebrari. Qui vero sciunt psalterium, illud dicant, & ceteri quingenta Pater noster dicere teneantur.

## CAP. XVII.

De institutione Prioris &amp; Priorissæ.

Priore fraternitatis mortuo, vel amoto, Magister sive director fraternitatis cum consilio antiquorum de fraternitate instituat Priorem singulis annis infra octavas Paschæ, vel alio supradictus Magister habeat consilium cum antiquioribus de fraternitate, super amotione, vel confirmatione Prioris: & sic Priorem confirmare, vel amovere po-

terit, secundum, quod ipse cum præfatis judicaverit expedire. Consimiliter etiam de consilio dicti Magistri & aliquorum de fraternitate magis antiquorum, poterit Prior fraternitatis ordinare de superiore, vel Vicario fraternitatis, & etiam postmodum confirmare vel amovere, secundum quod eisdem visum fuerit expedire. Qui Supprior, vel Vicarius tantam potestatem habeat quantam Prior sibi concedet: & hæc eadem forma de institutione Priorissæ, vel Subpriorissæ modo simili observetur.

## CAP. XVIII.

De officio Prioris, &amp; Priorissæ.

Prioris officium erit cum omni diligentia servare in se, quæ in regula scripta sunt, & sollicitam dare operam, ut ab aliis confratribus observentur: si quos vero viderit transgredientes, aut etiam negligentes, caritative corripiat, & emendet, vel si magis sibi videbitur expediens, fraternitatis magistro, & directori, ut corrigat, poterit intimare. Priorissæ etiam erit officium sollicite Ecclesiam visitare, cæteras etiam sorores excitare ad observantiam regularem. diligenter etiam per se ipsam, & alias quibus imponet observare, quo in incessu, statu, habitu, nil per aliquam sororem fiat, quod cujusquam merito turbare possit aspectum, præcipue autem attendat, ne sorores cum quocumque viro cujuscumque conditionis exeat, familiaritatem contrahant, & maxime juniores, nisi forsan talis vir sorori illi attineat infra tertium consanguinitatis gradum ad longius, cum hoc existens bonæ vitæ & famæ.

## CAP. XIX.

De correctione Fratrum, atque Sororum.

Si quis notatus fuerit de aliqua familiaritate suspecta, & ter admonitus per Prælatum, se non emendaverit, excludatur ad tempus a Capitulo & consortio cæterorum confratrum. Quod si nec sic se correxerit, tunc de fratrum consilio discretorum, de ipsorum penitus consortio publice excludatur, nec admittatur de cætero, nisi confratribus omnibus videatur esse correctus. Item si quis confratri, vel alteri cuicumque opprobrium dixerit, quod sonare infamiam videatur, aut ex ira quemquam percusserit, vel ad locum prohibitum ire præsumpserit, seu inobedientiam quamcumque commiserit, aut etiam Prælato mendacium ex industria dixisse depræhensus fuerit, abstinencia panis & aquæ, vel exclusionem a Capitulo, aut etiam a consortio aliorum fratrum, plus vel minus secundum conditionem personæ, & exigentiam delicti, gravius & levius corrigatur. Item si quis crimen mortale commiserit, talis de consilio majoris partis fratrum professorum fraternitatis illius loci, secundum exigentiam culpæ & conditionem personæ, gravius, vel levius puniatur, sic tamen quod sit cæteris in exemplum. Quam punitionem si facere recusaverit, de consilio discretorum de isto ordine expellatur. Circa vero sororum correctionem illud idem volumus per omnia observari.



C A P. X X.

In quolibet autem mense semel certa die & hora per supradictum Magistrum, vel Vicarium deputandis, ad Ecclesiam fratrum Prædicatorum conveniant fratres omnes Ordinis fraternitatis, Dei verbum & etiam Missam, si hora competens fuerit, pariter audituri, & tunc per ipsum Magistrum ipsis legatur regula ista, & exponatur, & tunc de agendis fratres informet, & negligentes corrigat, & emendet, prout secundum Deum, & istam vivendi formulam viderit expedire. In cujuslibet etiam mensis prima sexta feria, sorores ad Ecclesiam Prædicatorum conveniant similiter Dei verbum & Missam audituræ communiter, quibus etiam legatur regula ista & exponatur, de suisque excessibus corrigantur per Magistrum deputatum eidem. Volumus autem, quod in qualibet Civitate & Castro ubi fuerint fratres hujusmodi, habeant in Magistrum & directorem aliquem idoneum fratrem sacerdotem de ordine Prædicatorum, quem postulaverint a Generali Magistro, vel Provinciali illius Provinciae, dicti Ordinis Prædicatorum, aut quem ipsi Generalis Magister, sive Provincialis per se vel alium eidem concedere, & assignare decreverit, insuper, & statuentes, universos fratres & sorores hujusmodi de poenitentia Sancti Dominici ubicumque existant, directioni, & correctioni ipsius Generalis Magistri Ordinis antedicti, & Prioris provincialis illius Provinciae ejusdem Ordinis, pro eorundem ampliori conservatione & promotione, totaliter subjacere, quantum ad illa videlicet quæ eorundem vivendi modum & formulam concernere dignoscuntur.

C A P. X X I.

Prior fraternitatis cum fratribus suis, & Priorissa cum sororibus suis, Magister autem & director eis deputati, cum utrisque, in abstinentiis & auctoritatibus aliis, in supradictis Capitulis contentis ex causa legitima, & rationabili, cum expedire viderint, poterint dispensare.

C A P. X X I I.

Demum quemadmodum in constitutionibus Ordinis fratrum Prædicatorum continetur, ita volumus & ordinamus, quod in ista regula seu vivendi formula habeatur, quod præter divina & ecclesiastica præcepta atque statuta in ea contenta, in reliquis hujusmodi Regulæ constitutionibus, sive ordinationibus fratres & sorores ad culpam nullatenus obligentur, sed solum ad poenam, quæ cum a Prælato vel Magistro continget ex quavis transgressione imponi, per transgressorem humiliter & prompte suscipiatur, & similiter opere perficiatur, cooperante gratia Domini & Redemptoris nostri Jesu Christi. Qui cum Patre & Spiritu Sancto vivit & regnat Deus per omnia sæcula sæculorum. Amen.

§. 3. Nulli ergo omnino hominum liceat hanc paginam nostræ confirmationis, com-

Bull. Rom. Tom. I. H. Pars II.

munitionis, voluntatis, & mandati infringere &c.

Datum Romæ apud Sanctum Petrum sexto Kalend Julii, Pontificatus nostri anno Primo.

Dat. die 26. Junii 1405. An. I.

II.

Quod Vicarii, & Feudatarii ad solutionem antiquorum Censuum Romanæ Ecclesiæ debitorum teneantur, etiam in eorum investituris Censuum hujusmodi mentio nulla facta fuerit.

Ex Regest. Vatic.

Innocentius Episcopus, Servus Servorum Dei. Ad futuram rei memoriam.

**R**ationi congruit, & convenit honestati, ut ea, quæ de voluntate Romani Potificis processerunt, & conservationem Jurium Ecclesiæ Romanæ concernunt, robor obtineant, & ad executionem, plenariam deducantur.

Exordium.

§. 1. Nuper siquidem fel. rec. Bonifacius PP. IX. Prædecessor Noster Pontificatus sui Anno Undecimo inter cætera salubriter apostolica auctoritate decrevit, quod si in aliquibus concessionibus Vicariatuum, Gubernationum seu Feudorum, Emphiteoticarum, seu aliarum administrationum de aliquibus Civitatibus, Terris, Castris, seu locis ad præfatam Romanam Ecclesiam spectantibus per ipsum Prædecessorem nostrum, vel alios quibuscunque de causis factis quomodolibet apparet, quod census antiqui, affectus, fumantariæ Salinæ, tracta quorumcumque victualium, aut alia regalia Beati Petri Romanæ Ecclesiæ, & Apostolicæ Camera debiti, remissi, extenuati, vel diminuti cum censibus novis ratione Vicariatuum, Feudorum, aut Emphiteoticarum, vel aliarum concessionum, & inclusi, seu confusi viderentur, aut essent concessionibus ipsæ quantum ad dictos census antiquos, affectus, fumantarias Salinæ, tractas, & alia regalia supradicta nullius essent roboris vel momenti.

Bonifacius IX. hac super re prævia Constitutione.

§. 2. Et quod Vicarii, Rectores, Gubernatores, Administratores, Feudatarii, & Emphiteotæ hujusmodi perinde tenerentur ad præstationem, & solutionem censuum antiquorum, affectuum, fumantariarum Salinarum, tractatum, & aliorum Regalium, ac si de ipsis solvendi se personaliter obligassent, nec per solutionem novorum censuum, aut alias solutiones, quæ in hujusmodi Vicariatibus, aut concessionibus imponuntur, antiqui census aut aliquod prædictorum Regalium intelligerentur exclusi: sed ad ea solvenda teneantur adstricti, prout ante Vicariatus, aut concessionis hujusmodi universitates, seu singulares Personæ Provincialium, Civitatum, Terrarum, Castrorum, & locorum hujusmodi de consuetudine vel de Jure Romanæ Ecclesiæ, & Camera supradictis, seu ejus Thesaurariis per Provincias deputatis in genere, vel specie tenebantur.

§. 3. Nos igitur attendentes præmissa per dictum

E e e 2

De eorumdē dependentia a Generale Magistro, & Prioribus Provincialibus Fratrum Prædicatorum.

Dedandis Dispensationibus.

De obligatione hujus regule.

Clausula.



Ea statuit, quæ  
in rubrica re-  
tulimus.

Clausula.

Dat. die 1.  
Febr. 1406.  
An. II.

dictum Predecessorem nostrum decreta Juri  
consona, & publicum bonum concernere ea  
omnia ex certa scientia auctoritate Apo-  
stolica tenore presentium confirmamus, &  
ipsa de novo decernimus, & volumus tam  
in Vicariatibus, quam in Concessionibus  
hujusmodi jam factis & faciendis imposterum  
inviolabiliter observari perinde ac si in ipsis  
specialiter, & per expressum appositum essent  
Constitutionibus Apostolicis seu legibus im-  
perialibus, & aliis contrariis non obstantibus  
quibuscumque.

Nulli ergo omnino hominum liceat hanc  
paginam nostre confirmationis, constitutionis,  
& voluntatis infringere &c.

Datum Viterbii Kal. Februarii Pontifica-  
tus nostri anno Secundo.

GREGORIUS XII.

P A P A C C V.

ANNO DOM. MCCCCVI.



**D**ie 2. Decembris anni 1406.  
Cardinales, qui Romæ  
erant in Pontificem elegerunt  
Angelum Corarium, natione  
Venetum, Patriarcham Con-  
stantinopolitanum, & S. R. E.  
Presbyterum Cardinalem Ti-  
tuli S. Marci, qui Gregorii XII.  
nomine sumpto coronatus est  
die 19. mensis ejusdem. Ab ele-

ctionis Gregorii die usque ad  
liberam cessionem ab eodem  
in Concilio Constantiensi facta  
fluxerunt anni VIII. Menses  
VII. ad electionem vero Ale-  
xandri V. An. II. Menses VI.  
dies XXIV. Obiit tandem  
Recineti ( Concilii Constan-  
tensis Patres eum Cardinalem  
Episcopum Portuensem esse  
voluerunt ) Anno 1417. & tu-  
mulatus est in Templo majore.

I.

Facultas Sanctæ Romanæ Ecclesiæ Cardina-  
lis Camerarii avocandi ad se causas quas-  
cumque Camera Apostolicam quomo-  
dolibet tangentes.

Ex Regest.  
Vatic.

Gregorius Episcopus, Servus Servorum Dei.  
Venerabili Fratri Antonio Episcopo Bo-  
noniensi, Camerario nostro, & ejus  
in Officio successoribus, Salu-  
tem, et Apostolicam Be-  
nedictionem.

**A**postolicæ Camera, per quam S. R. Ec-  
clesiæ necessitatibus incumbuntibus  
oneribus multipliciter subvenitur, sic tene-  
mur indemnitatibus subvenire, intendere  
commodis, & dispendiis obviare, quod ip-  
sius jura debite possint repeti, ejusque Offi-  
cialibus suppetat opportunitas prosequendi.

Exordium

§. 1. Sane, quia sæpe contingit, sicut ac-  
cepimus, quod extra præfatam Camera  
super rebus, & juribus ad eam pertinentibus,  
ac super omnibus negotiis ipsam tangenti-  
bus litigatur, & sæpe coram Judicibus de  
juribus ipsius Camera nullam vel modi-  
cam habentibus notionem, quique per Fis-  
calem Advocatum, seu Procuratorem, aut  
aliis ex Officialibus ejusdem Camera, qui  
circa ipsam habeant insistere, non possint  
commode super iis informari: propter quod  
Causæ nimium prolongantur, & quandoque  
pereunt jura nostra.

Ex cognitio-  
ne causarum  
extra Came-  
ram damnis  
eidem obve-  
nientibus.

§. 2. Nos super iis providere volentes, ac  
gerentes de vobis fiduciam in Domino spe-  
ciali, quibus principaliter est ejusdem Ca-  
meræ cura commissa, Prædecessorum no-  
strorum vestigiis inhærentes, cognoscendi  
auctoritate Apostolica per vos, vel alium,  
seu alios de omnibus, & singulis quæstioni-  
bus, controversiis, Causis, & Litibus præ-  
sentibus, & futuris, spiritualibus, & tem-  
poralibus, ecclesiasticis, & Civilibus, ac Cri-  
minalibus, nedum ad ipsam Camera per-  
tinentibus, sicut est hætenus consuetum, sed  
etiam de quibuscumque Jura, & negocia ip-  
sius Camera directe, vel indirecte quoquo  
modo tangentibus, seu etiam, quæ secun-  
dum vestrum liberum arbitrium viderentur  
ea posse tangere quomodolibet in futurum,  
ipsas-

Camerario  
eas cogno-  
scendi facul-  
tatem dat.



ipsasque cum emergentibus, & ab eis dependentibus, ac connexis, & eos, quos tangere poterunt, tam personas Ecclesiasticas, quam seculares, necnon Capitula, Collegia, & Conventus Ecclesiarum, & Monasteriorum, ac Ordinum exemptorum, & non exemptorum, Communitatesque ac universitates locorum, prout, & quoties vobis videbitur, ad vos, & eandem Cameram advocandi, & citandi per literas, vel nuncium intra vel extra Curiam, & ad partes: etiam si Causæ ipsæ de natura sui non sint apud Sedem Apostolicam per appellationem, aut alias legitime devolutæ, nec in ea tractandæ seu etiam finiendæ, & etiam si coram Iudicibus Ordinariis, Auditoribus, Inquisitoribus, Legatis, Subdelegatis, Commissariis, Executoribus, Arbitris, Arbitratoribus, Compromissariis, seu aliis quibuscumque etiam per Sedem Apostolicam deputatis seu deputandis in præfata Romana Curia, vel extra, ubilibet penderent, seu pendere nunc, vel imposterum dicerentur: & si in ipsis ad Litis contestationem processum fuerit, vel ulterius quantumcumque, & etiam super iis ad Nos seu Sedem eandem per viam appellationis, seu simplicis querelæ, vel alias habitus sit vel imposterum haberetur recursus, dictas Causas resumendi, & resumendi faciendi in statu, in quo fuerunt, sicut juxta vestrum arbitrium videritis expedire: easque per Vos, seu alium, vel alios audiendi, & examinandi summarie, simpliciter, de plano sine strepitu, & figura Judicii, & sine debito terminandi, & alias Justitiam omnimodam exhibendi.

Aliis iudicibus  
ne in iis ullo  
modo se im-  
miscant in-  
terdicendi.

§. 3. Iudicibus quoque Ordinariis, Auditoribus, & aliis supradictis inhibendi, ne de Causis ipsis post advocationem huiusmodi cognoscere, vel se intromittere quoquo modo præsumant, & quaslibet alias inhibitiones ac etiam revocationes in ipsis causis cum interpositione Decreti & sententiarum excommunicationis, suspensionis, & interdicti per eos promulgatarum, relaxationes, & absolutiones, necnon ordinationes, declarationes, Mandata, Decreta, Monitiones, executiones, & Processus quoslibet faciendi, & sententias proferendi, & omnia alia, & singula exercendi, quæ circa præmissa, vel ea tanguntur juxta vestrum liberum arbitrium videbuntur opportuna: contradictores quoslibet, & rebelles cujuscumque status, Dignitatis, ordinis, vel conditionis existant, etiam si Regali, Pontificali, vel majori, aut alia quavis fulgeant Dignitate, eadem auctoritate per Censuram Ecclesiasticam compescendo.

Obstantibus  
quibuscum-  
que derogat.

§. 4. Non obstantibus generalis Concilii, & aliis Constitutionibus a Prædecessoribus nostris Romanis Pontificibus in contrarium editis, necnon consuetudinibus, statutis, ordinationibus, seu inhibitionibus quibuscumque juramentorum, aut excommunicationum suspensionum, vel interdicti sententiarum per quoscumque promulgatarum vel promulgandarum munimine, aut quibusvis aliis firmitatibus roboratis, seu si aliquibus com-

muniter, vel divisim a Sede Apostolica sit indultum, vel imposterum indulgeri contingat, quod extra, vel ultra certa loca ad Judicium trahi aut quod interdicti suspendi vel excommunicari non possint per Literas Apostolicas non facientes plenam & expressam, ac de verbo ad verbum de indultu huiusmodi mentionem, & quibuslibet aliis Privilegiis exemptionibus immunitatibus gratiis, & literis generalibus, vel specialibus Ecclesiis Monasteriis, Locis, Collegiis, Ordinibus ac universitatibus seu Personis Ecclesiasticis, seu secularibus quibuscumque, cujuscumque fuerint præminentia, vel dignitatis, & Apostolica Sede concessis, vel imposterum concedendis, sub quacumque forma, vel expressione verborum, per quæ præsentibus non expressa, vel totaliter non inserta effectus earum impediri valeat quomodolibet vel differri, etiam si talia sunt, de quibus & ipsarum personarum, & locorum ordinum, & statutorum propriis nominibus specialis, ac de totis ipsarum tenoribus plena, & expressa, ac de verbo ad verbum, mentio sit habenda, quæ omnia haberi volumus pro hic expressis specialiter, & insertis, & ipsa, vel eorum aliqua contra præmissa nolumus. in aliquo suffragari plenam, & liberam tenore præsentium ex certa scientia concedimus facultatem.

§. 5. Ad hoc vestri potestatem Officii ampliantes, & etiam prorogantes Vos attentius exhortantes, ut sic in præmissis vos fideles exhibeatis, & etiam studiosis omnibus Justitiam ministrando quod tam eidem Camera, quam aliis quibuscumque, sua jura serventur vestra circumscriptio inde possit merito commendari.

Camerarium  
ipsum ad equi-  
tatem exhortatur.

Datum Romæ apud Sanctum Petrum, decimo octavo Kalendas Julii, Pontificatus nostri Anno Primo.

Dat. die 15.  
Junii 1407.  
An. I.

## I I.

Institutio Canonorum & Clericorum secularium in Ecclesia Sancti Gregorii in Alga Venetiarum, Castellensis diocesis.

Gregorius Episcopus Servus Servorum Dei.  
Ad perpetuam Rei Memoriam.

**I**llis, quæ pro divini cultus augmento auctoritate Apostolica processerunt, ut illibata persistant, libenter cum a nobis petitur, Apostolicæ confirmationis adjuvamus firmitatem.

Præmium.

§. 1. Sane petitio dilectorum filiorum Ludovici Prioris & Capituli secularis, & Collegiæ Ecclesiæ S. Gregorii in Alga Castellensis diocesis, nobis exhibita continebat, quod olim venerabilis frater noster Angelus Episcopus Kisamensis auctoritate, quarundam literarum fel. rec. Bonifacii Papæ Noni prædecessoris nostris, eandem Ecclesiam, quæ tunc Monasterium Ordinis S. Augustini erat, necnon per Priorem regi con-



Habita a Bonifacio IX. facultate Episcopus Kiffamensis hanc erexit collegiatam.

Capituli petio.

Erectionem confirmat Gregorius, & Statuta Kiffamensis Episcopi.

Confectum hac de re ab Episcopo Instrumentum.

consueverat, in Collegiatam erexerat, & in ea Priorem & Canonicos seculares Capitulum facientes, necnon quosdam alios etiam Clericos seculares in perpetuos Vicarios seu beneficiatos, in eadem Ecclesia instituit; & impugnatores huiusmodi erectionis, & aliorum quæ prædictus Episcopus in præmissis & circa ea ordinavit, excommunicationis vinculo innodavit, a qua nisi auctoritate prædicta munus absolutionis nequirent obtinere, etiam si tales impugnatores Episcopali, vel quacunque alia Ecclesiastica, vel seculari præfulgerent dignitate, necnon quædam alia circa hæc fecit, statuit, & ordinavit, prout in quodam publico instrumento inde confecto, prædicti Episcopi sigillo munito, cuius tenorem de verbo ad verbum præsentibus inferi fecimus, plenius continetur.

§. 2. Quare pro parte ipsorum Prioris & Capituli nobis fuit humiliter supplicatum, ut erectioni & institutioni prædictis & aliis in ipso instrumento contentis, robur Apostolicæ confirmationis adiacere, de speciali gratia dignaremur.

§. 3. Nos itaque huiusmodi supplicationibus inclinati, erectionem & institutionem prædictas, necnon alia in ipso instrumento contenta, & quæcumque inde secuta, sub infra scripta modificatione rata habentes & grata, ea auctoritate Apostolica, ex certa scientia confirmamus, & præsentis scripti patrocinio communimus, suppletes omnes defectus, si qui intervenerint in eisdem. Nihilominus huiusmodi clausulam in eodem instrumento contentam, sive articulum excommunicationis ejusdem contra impugnatores ipsos, ut præmittitur latæ, auctoritate prædicta dumtaxat cassamus, ac volumus nullius existere firmitatis. Tenor vero prædicti instrumenti talis est.

§. 4. Angelus Dei, & Apostolicæ Sedis gratia Episcopus Kiffamensis, Sanctissimi in Christo Patris, & D. N. D. Bonifacii divina providentia PP. Noni ad infra scripta specialiter delegatus, universis, & singulis præsentibus nostras literas inspecturis, & quos infra scriptum tangit negotium, seu tangere poterit quomodolibet in futurum, salutem in Domino sempiternam.

§. 5. Cum deceat maxime in ecclesiasticis ministeriis docere, cuius auctoritate quisque ministret, universitati vestræ, necnon & vestrum singulis tenore præsentium, intimamus, quod venerabilis & religiosus vir Dominus frater Ludovicus Prior loci Monasterii, & Ecclesiæ S. Georgii in Alga Ordinis S. Augustini de Venetiis, Castellanenensis Dioecesis, die 22. mensis Septembris proxime decursi, nobis quasdam literas Apostolicas, cum earum vera Bulla plumbea, ad cordulam canapis, more Romanæ Curiae, non vitiatas, non cancellatas, non abrasas, nec in aliqua sui parte suspectas, sed omni prorsus vitio, & suspicione carentes præsentavit (licet alias pro ejus parte nobis præsentari fecerit) petens humiliter, & devote, quatenus ipsas literas executioni mittere dignaremur, quod nobis per ipsas Apostolicas literas mandabatur; quarum

literarum tenor per omnia sequitur & est talis.

§. 6. Bonifacius Episcopus Servus Servorum Dei, Venerabili Angelo Episcopo Kiffamensi in loco de Venetiis Castellanenensis dioec. commoranti, salutem & Apostolicam benedictionem.

§. 7. Ad Ecclesiarum, & Monasteriorum omnium statum salubriter dirigendum, iuxta pastoralis officii debitum intendentes, ad reformationem illorum, quæ deformata, sentimus, partes Apostolicæ sollicitudinis adhibemus. Sane petitio pro parte dilecti filii Ludovici Prioris Monasterii S. Georgii in Alga per Priorem soliti gubernari, Ordinis S. Augustini Castellanenensis dioecesis, nobis nuper exhibita continebat, quod Monasterium prædictum, in quo ab olim laudabiliter viguit observantia regularis, & ejus instituta regularia fuerunt per Sedem Apostolicam approbata, a longis retroactis temporibus extitit, prout existit huiusmodi regulari observantia destitutum, ac in spiritualibus, & divinis officiis ibidem peragendis multipliciter deformatum. Quare pro parte dicti Prioris, qui ut asserit ad reformationem ipsius Monasterii ferventer anhelat, nobis fuit humiliter supplicatum, ut in præmissis de opportuno remedio providere de benignitate Apostolica dignaremur. Nos igitur huiusmodi supplicationibus inclinati, fraternitati tuæ, de qua in his & aliis specialem in Domino fiduciam obtinemus, per Apostolica scripta committimus, & mandamus, quatenus ad Monasterium præfatum personaliter accedens, & habens præ oculis solum Deum, super præmissis, eorumque circumstantiis universis, auctoritate nostra te diligenter informes, & huiusmodi informatione per te sic recepta, ipsum Monasterium, & quicquid in eo correctionis, seu reformationis ministerio cognoveris indigere, tam in capite, quam in membris eadem auctoritate hac vice corrigas, & reformes, ac statuas, & instituas in perpetuum, vel ad certum tempus, augmentando, diminuendo, seu mutando præfati Monasterii statum, statuta, constitutiones, & alia etiam pro divinis officiis huiusmodi peragendis, rationabilia, & salubria in ipso Monasterio observanda ordines, & disponas, ac omnia alia, quæ Episcopus Castellanenensis existens pro tempore cum dilectis filiis Capitulo Castellanenensi circa præfatum Monasterium facere posset, seu quomodolibet exercere, facias, & exerceas, prout secundum Deum, pro utilitate dicti Monasterii, & personarum in illo degentium animarum saluti, tibi videbitur expedire. Ac nihilominus per te sic facienda, ordinanda, disponenda, instituenda, & statuenda, facias auctoritate prædicta inviolabiliter observari. Contradictores per censuram Ecclesiasticam appellatione postposita compescendo. Non obstantibus constitutionibus Apostolicis, necnon statutis, & consuetudinibus Monasterii, & Ordinis prædictorum, ac aliis contrariis quibuscumque, seu si aliquibus communiter vel divisim ab Apostolica sit Sede indultum quod

Bonifacii PP. Literæ commissoriales Episcopo Kiffamensi de Monasterio S. Georgii visitando & reformatando.



quod interdici, suspendi, vel excommunicari non possint, per literas Apostolicas non facientes plenam, & expressam ac de verbo ad verbum de indulto hujusmodi mentionem. Datum Romæ apud S. Petrum, Idus Martii, Pontificatus nostri Anno quatuordecimo.

§. 8. Nos igitur cupientes omnibus Apostolicis semper parere mandatis, prædictas Apostolicas literas licet alias receperimus, iterum recepimus reverenter, & communicato consilio sæpessimè cum dicto D. Priore, aliisque quam pluribus venerabilibus viris ecclesiasticis, morum gravitate & scientia, necnon & experientia decoratis, tractatibus, & consiliis multis præcedentibus, ac ipsius Domini Prioris, apud quem solum ad præsens totum jus Capituli, & Conventus dictorum Monasterii, & Ecclesiæ pertinere dignoscitur, accedente consensu, & devota precum instantia, solum Deum præ oculis habentes, pro perpetua reformatione dictorum Monasterii, & Ecclesiæ, ad dictum Monasterium personaliter accessimus, & informatione præhabita, & cum non invenerimus in dicto Monasterio, nisi D. Ludovicum Priorem, & fratrem Honorium de Venetiis, & Fratrem Ludovicum de Florentia fratres conversos tacite professos, nullumque alium religiosum reperimus in dicto Monasterio; sed & ipsum invenerimus omni bona religione, & observantia regulari destitutum, nec spem aliquam haberemus reformationis ipsius Monasterii & religiosi in dicto Monasterio morari consueti cum in tam parvo numero reperiantur, ut propriis Monasteriis, in quibus degunt deservire minime valeant, nec etiam in ipsis Monasteriis vigeat observantia regularis, consideratisque difficultatibus, & mature ac diligenter examinatis, cum D. Priore, & aliis Venerabilibus viris, & peritis, difficillimum, & longissimum, ac quasi impossibile reputavimus, ad reperiendum Fratres seu religiosos alterius Ordinis, & Religionis, per quos dictum Monasterium posset in bona & regulari observantia reformari.

§. 9. Quapropter scientes Venerabiles viros D. Martinum Quirinum, & socios ejus clericos sæculares, qui ad præsens moram trahunt in supradicto Monasterio, magnarum virtutum & morum esse gravitate decoratos, ac in eisdem clericalem honestatem, adeo enitentem, ut vitæ ipsorum odore status ecclesiasticus mirabiliter venustetur; & dictorum exemplo ad disciplinam ecclesiasticam, & mundi contemptum quamplurimum attrahantur: Sicque habilem exemplarem certum & clarum reformationis prædicti Monasterii modum de personis nobis plenissime cognitis, necnon & Clero & Populo Civitatis hujus habentes vias incertas, & personas incognitas, ac ut supra diximus difficultates quamplurimas declinantes, de consilio plurium venerabilium, & approbatorum virorum, ac etiam de consensu antedicti D. Prioris, auctoritate Apostolica tenore præsentium, prædicti Monasterii, Capituli & Ecclesiæ statum antiquatum præsentiali-

ter mutamus; transferentes in novum statum Collegiæ Ecclesiæ sæcularis, Canonico-  
rum sæcularium, & Clericorum simul conventuum, convalescentium, commorantium, & Deum collaudantium, officiis nocturnis pariter & diurnis, ac ad hoc venerabiles viros videlicet DD. Antonium Corario, Gabriele Condolmerio, Stephanum Mauroceno, Franciscum Barbo de Venetiis, Matthæum de Strada de Papia, Romanum de Roduillo de Mediolano, Lucamque Philippi de Este Sacerdotes, & Dominos Marinum Quirino, Michaellem Condolmerio, Laurentium Justiniano de Venetiis, Joannem de Pizzinardis, Simonem de Persicis de Cremona, Hieronymum de Mussis de Papia Diaconos, ac etiam DD. Augustinum de Gastaldis de Papia, Angelum Serdonati de Culcitris, Marcum Condolmerio, Dominicum Mauroceno de Venetiis Subdiaconos, coram nobis evocatos, & flexis genibus constitutos, eadem auctoritate recepimus in Canonicos & Fratres dictæ Ecclesiæ seu loci S. Georgii in Alga, & ipsos omnes & singulos instituimus, & præsentialiter investimus, cum omni plenitudine juris canonici per anulum nostrum.

§. 10. Statuentes ipsos Canonicos, & ipsorum successores per eosdem canonice recipiendos, & instituendos, de cetero constituere Collegium, & Capitulum dictæ Ecclesiæ sive loci, in quod Collegium omnia jura spiritualia, & temporalia, necnon & curam animarum, Prioratum, ac quamcumque aliam præsentiam, & dignitatem tam in spiritualibus quam in temporalibus, circa res & personas spectantes Monasterio, Ecclesiæ, Capitulo & Conventui prælibatis, præsentialiter transferimus pleno jure.

§. 11. Inducentes omnes & singulos Canonicos sæculares supradictos in corporalem possessionem, vel quasi dictorum Canoniciatum sæcularium, per pannum majoris altaris dictæ Ecclesiæ S. Georgii, stallum in Choro, & loco in Capitulo sibi assignatis ipsorum propriis nominibus, & omnium aliorum præsentialiter absentium, reservato tamen semper præfato venerabili viro D. Ludovico Priori dumtaxat titulo ipsius Prioratus, itaut de cura seu regimine dictorum Canonico-  
rum, & aliorum Clericorum conversorum, oblatorum, & aliorum cujuscunque conditionis laicorum in dicto loco morantium, se nullatenus valeat impedire, ac etiam pro suo honesto victu reservata sibi tertia parte omnium reddituum, fructuum, & proventuum dictæ Ecclesiæ, sive loci, defalcatis, & deductis expensis faciendis pro recolligendis & conducendis fructibus Venetiis, & omnibus aliis expensis, quæ faciendæ erunt extra corpus dictæ Ecclesiæ, sive loci. Expensas autem circa locum sive Ecclesiam opportunas fieri volumus sumptibus dictorum Canonico-  
rum, qui præsentialiter sunt, sive pro tempore erunt, nulla detractio-  
ne, seu defalcatione faciendæ de dicta tertia parte dicti D. Prioris, cui ipsa tertia pars integre assignetur pro mensa, victu, vestitu, & aliis necessariis & op-

Canonicos,  
Clericosque  
inibi instituit.

Et de bonis  
Monasterii  
ejusdem in-  
vestit.

Priori anti-  
quo consulit  
de redditibus  
annis.

Quo pacto fa-  
cta fuerit ab  
Episcopo Kiff.  
Monasterii vi-  
sitatio.

Qua de causa  
Monasterium  
reformari non  
possent.

Illud in Col-  
legiatam mu-  
tat.



portunis, & pro libito dispensanda. Et ne alicui, quod absit, dicta divisio sit suspecta, volumus quod per supradictum D. Ludovicum Priorem & Vicarium secularem, seu Rectorem cum Capitulo, constituentur unus vel duo syndici de prefato Capitulo, qui exigant, & recipiant omnes fructus, redditus & proventus dicti loci, & partes faciant, & dividant, dentque tertiam partem D. Ludovico Priori, & medietatem regalium, & alias duas designent Vicario, seu Rectori, & Capitulo dispensandas prout ipsius Collegii requireret necessitas. Volentes quod quicquid circa possessiones ipsius loci extra corpus dictae Ecclesiae, sive loci fuerit tractandum, modificandum, & innovandum, absque ipsius D. Ludovici Prioris consensu fieri nequeat.

Mortuo eodem Prioratum regularem extingui vult, & in secularem verti.

§. 12. Cum autem dictus D. Ludovicus Prior suo assensu ad aliud beneficium fuerit translatus, sive religionem mutaverit, vel vita functus fuerit, ac etiam si ipsum Prioratum vacare contigerit per spontaneam renunciationem dicti D. Ludovici Prioris, vel alio quovis modo, ex nunc, prout ex tunc, Prioratum regularem annullamus, & infringimus, & auctoritate praedicta statuimus, nullum Priorem fore, & in Prioratus Canonorum secularium clericorum dignitatem transferimus & innovamus.

De ipso seculari Priore eligendo.

§. 13. Statuentes ut dicti Canonici vocem habentes in Capitulo prefato, unum de ipsorum Collegio Sacerdotem virum probatae prudentiae, & oculati regiminis, quousque D. Ludovicus Prior in dignitate permanferit Prioratus, sibi Vicarium, deinceps vero Priorem secularem, sive Rectorem, annis singulis eligant, vel confirment, cuius Prioris secularis electioni vim tribuimus & confirmamus.

Prioris auctoritas quae sit.

§. 14. Statuentes ut quilibet Vicarius, & Prior secularis sive Rector electus per maiorem partem dicti Capituli, sive alia solemnitate dictos Canonicos seculares secundum Deum statim regere & gubernare incipiat, & per annum continuum curam gerat in spiritualibus & temporalibus, & tam de rebus quam de personis cum omni potestate & auctoritate ordinaria, quam habent Priores perpetui in locis regularibus sive secularibus.

Annuatim eligendus.

§. 15. Completo vero anno talis Vicarius & Prior secularis, sive Rector, ipso iure sit solutus officio, & alius per Capitulum eligatur modo supradicto, nisi praeteritus de novo confirmetur.

Ejus facultas Canonicos instituendi & destituendi.

§. 16. Institutionem autem, & destitutionem Canonorum huiusmodi ad ipsum Vicarium, & Priorem secularem, sive Rectorem, & Capitulum volumus pertinere.

Etas admit-tendorum in Canonicos.

§. 17. Verum nullus in canonicum assumi valeat, nisi ad decimumoctavum aetatis suae pervenerit annum, & per annum continuum in eorum probatus fuerit congregatione, & a maiori parte Capituli electus.

De Praebendis non dividendis.

§. 18. Praebendas siquidem nolumus esse distinctas, sed volumus & districte praecipiendo mandamus, omnes redditus & proven-

tus esse communes, & per Vicarios, Priores seu Rectores seculares huiusmodi, qui per tempora erunt, taliter ordinentur, quod omnibus detur quod unicuique opus esse iudicabitur.

§. 19. In uno autem dormiant dormitorio, ac in uno comedant Refectorio, & sic continue sint praesentes & residentes, nisi fuerint licita & honesta causa absentati, & cum licentia Vicarii, Rectoris, sive Prioris secularis praedicti.

Dormitorio & Refectorio communi.

§. 20. Absentes vero extra locum, sine licentia Vicarii, seu Prioris vel Rectoris secularis, nisi poenituerint infra mensem satisfactione condigna, ad Vicarii, Prioris, seu Rectoris, & Capituli praedictorum arbitrium privari valeant Canonicatu & licentia.

Pena absentium absque Prioris licentia.

§. 21. Vestes quoque eorum, secundum quod jus disponit deferant, nec nimia longitudine, aut brevitate notentur, ut merito dici valeant temporalium contemptores.

De vestium forma.

§. 22. Numerum autem Canonorum taxatum, seu certificatum esse nolumus.

Número Canonorum.

§. 23. Si quis vero Canonorum, quod absit, propria bona habere voluerit, nisi post trinam admonitionem se correxerit, & ea libenter voluerit, ut decens est, esse communia ad arbitrium Vicarii Prioris, seu Rectoris, & Capituli praedictorum, Canonicatu privari valeat, & extra locum licentia.

Proprietarium pena.

§. 24. Porro officium divinum secundum ritum Romanae Curiae horis congruis collegialiter persolvatur.

Officio divino.

§. 25. Ne vero cultus divinus impediat, pro ministerio mensarum, & aliorum operum manualium, volumus & auctoritate praedicta potestatem tradimus praedicto Vicario, Priori, sive Rectori seculari praedicto, ut ipse cum Capitulo suo possit recipere laicos Deo dicatos, sive conversos, & oblatos, nullatenus uxoratos, volentes vivere in communi sine proprio: quos gaudere volumus privilegiis converforum, dummodo in decimo octavo sint anno constituti, qui recepti honeste, & decenter induantur. Conversi autem tacite professi existentes in loco supradicto, videlicet frater Honoratus, & frater Ludovicus si secundum Deum vivere volunt, de bonis ipsius loci, & Ecclesiae nutrantur, vivantque una cum D. Ludovico Priore secundum regulam suae professionis, in quantum eis erit possibile, & humana fragilitas vivere sinet. Qui quidem Prior deinceps in praedicto Monasterio ad suae professionis regulam quemquam assumere non valeat.

Converforum admissione.

§. 26. Si vero inter praedictos Canonicos, aut conversos, sive laicos Deo dicatos, aut oblatos, fuerit aliquis perditionis, seu iniquitatis filius, & commonitus, quod absit, se emendare noluerit, ad arbitrium Vicarii, Prioris, seu Rectoris, & Capituli praedictorum, canonicatu privari possit, & de loco expelli.

Et delinquentium expulsionem.

§. 27. Constitutiones autem alias, sive statuta, ultra praedicta in quantum spectant, &



& spectare possint ad prædictam Ecclesiam, sive locum auctoritate prædicta, revocamus, annullamus, infringimus, & irritamus, & pro irritatis, revocatis, & annullatis haberi volumus, & mandamus.

§. 28. Prædictis vero Vicario, Priori seculari sive Rectori, cum suo Capitulo plenam dantes auctoritatem, ut possint novas sibi constitutiones, seu statuta condere, corrigere, addere, vel minuere, prout eis secundum Deum videbitur, quotiescumque voluerint, & quæcumque alia ordinandi, quæ ipsis utilia visa fuerint, & opportuna, ad augmentum divini cultus, & clericalis honestatis, & pro observatione hujusmodi reformationis, institutionum, & statutorum. Quæ omnia & singula approbamus, & volumus esse perpetua. Addentes, ut non obligent ad culpam aliquam mortalem, aut venialem, sed tantummodo per Vicarium, Priorem, seu Rectorem sæcularem, prædictum, delinquentibus poenitentia imponatur.

§. 29. Et si quid in contrarium a quoquam fuerit attentatum quavis auctoritate, ex nunc prout ex tunc statuimus, & dicta auctoritate apostolica decernimus ipso facto irritum, & inane.

§. 30. Impugnatores autem hujusmodi excommunicationis vinculo innodantes, a quo nisi eadem auctoritate Apostolica munus absolutionis nequeant obtinere, etiam si tales impugnatores Episcopali, vel quacumque alia Ecclesiastica, vel sæculari præfulgeant dignitate, reservata nobis usque ad annum a data præsentium computandum addendi, minuendi, corrigendi, mutandi reformandi, in omnibus, & singulis præmissorum, prout nobis videbitur secundum Deum, nihilominus potestate. In quorum omnium testimonium præsentis fieri iussimus, nostrique Pontificatus sigilli munimine roborari. Datum, & actum Venetiarum in loco supradicti S. Georgii in Alga Castellanen. diocesis, Anno Nativitatis Domini 1404. Indictione duodecima, die Jovis trigesimo mensis Octobris; præsentibus Venet. viro Domino Presbytero Joanne de Puteo Archidiacono, & Diacono Ecclesiæ Nigropontensis, Petro Mauroceno filio quondam D. Marini Canonico Ecclesiæ Thaurisinae, nob. viro D. Alberto Dente quondam D. Andreae de Parochia S. Juliani, D. Bartholomeo Faba filio quondam D. Donati de Parochia S. Vitalis, & aliis testibus ad præmissa vocatis specialiter, & rogatis, Pontificatus Sanctissimi in Christo Patris, & D.N.D. Innocentii divina providentia electi Papæ Septimi, anno Primo.

§. 31. Ego Luchinus filius q. D. Marci Civis & habitator Venetiarum Apostolica & Imperiali auctoritate Notarius publicus prædictarum literarum Apostolicarum præsentationi, & ipsarum executioni, seu ipsius D. Executoris & Commissarii Apostolici dispositioni, modificationi mutationi Prioratus prædicti, & novæ reformationis ipsius loci S. Georgii in Alga, & omnibus aliis & singulis supradictis una cum supradictis

*Bull. Rom. Tom. III. Pars II.*

testibus præsens fui, & sic fieri vidi, & audi, eaque rogatus de mandato prælibati D. Commissarii, & Executoris Apostolici, scripsi, & in hanc publicam formam redegi, signoque meo, & nomine solitis me subscripsi in fidem & testimonium præmissorum omnium, & singulorum.

§. 32. Nulli ergo omnino hominum, &c. Si quis &c.

Datum Romæ apud Sanctum Petrum quinto Kalend. Julii, Pontificatus nostri anno Primo.

Clausula.

Dat. die 27.  
Junii 1407.  
An. 1.

### I I I.

Institutio Congregationis Canonicorum Regularium S. Salvatoris, Ordinis S. Augustini, in Domo de Silvalacus Senen. Diocesis.

Gregorius Episcopus, Servus Servorum Dei.  
Ad futuram rei memoriam.

**E**Xcitatio nostræ mentis arcanum specialis & affectuosa dilectio, qua domum Prioratus S. Salvatoris de Silvalacus ad Romanam Ecclesiam nullo medio pertinentem Ordinis S. Augustini, Senensis Diocesis, sumus hæcenus prosecuti, & paterno prosequi studio non cessamus, ut circa statum ejus attentæ considerationis intuitum dirigentes, opem impendentes & operam, ut illa ad Dei laudem, & gloriam non solum in suis bonis, & juribus conservetur, sed etiam prosperis jugiter gratuletur eventibus, & votivis favente Domino in spiritualibus, & temporalibus successibus augeatur.

§. 1. Hinc est quod nos motu proprio non ad dilectorum filiorum fratrum dictæ domus, quæ hæcenus Ordinis Fratrum Eremitarum d. S. Augustini extitit, vel alicujus alterius, pro ipsis nobis super hoc oblata petitionis instantiam, sed de nostra mera liberalitate, ex certa scientia eandem domum in Prioratum Conventualem auctoritate Apostolica erigimus, per Priorem sub conditione & modo infra scriptis perpetuo gubernandam.

§. 2. Volentes & eadem auctoritate statuentes, quod ipsi Fratres actu in eadem domo residentes, eorumque successores, qui erunt pro tempore, Canonici regulares, & secundum regularia instituta hujusmodi Canonicorum regularium deinceps vivere, & fratres S. Salvatoris nuncupari debeant, & quorum quilibet sub scapulari Rochetum, superius autem Cappam grisei coloris lanæ mordentis ad instar capparum Conversorum Carthusiensium Ordinis gestabit, qua quidem cappa ipsi fratres utantur, cum eos exire contigerit septa Prioratus, seu Domus hujusmodi ad populum sive turbam.

§. 3. Necnon Prioratum sive Domum hujusmodi cum eisdem fratribus, & conversis, & personis in ea degentibus presentibus & posteris, cum omnibus membris, necnon bonis mobilibus, & immobilibus ipsius Do-

Exordium.

Domus S. Salvatoris de Silvalacus in Prioratum Conventualem erecta.

Canonicis hujusmodi præscriptæ vestes.

Hujusmodi vero Prioratus Sedi Apost. immediate subiectus.

Fff

mus

Priori data facultas nova condendi statuta.

Secus attentata nulla omnino, & irrita.

Impugnatores vero anathemate percussii.

Testes Instrumento præsentis.

Instrumenti hujus Legalizatio.



mus sive Prioratus, ad domum sive Prioratum huiusmodi, tam ratione domus sive Prioratus, quam personarum huiusmodi quomodolibet pertinentibus, & devolutis, & devolvendis pro tempore ab omni superioritate, dominio & potestate Prioris generalis dicti Ordinis Fratrum Eremitarum, necnon Episcopi existentis pro tempore, ac dilectorum filiorum Capituli Senensis, ac quorumlibet aliorum Superiorum, secularium, & regularium, auctoritate prædicta prorsus eximimus, & totaliter liberamus. Ita quod Prior generalis, Episcopus, Capitulum, & alii Superiores prædicti nullam possint in eos visitationem, correctionem, vel aliam jurisdictionem exercere, sed nobis, & Apostolicæ Sedi immediate sint subiecti.

§. 4. Et insuper præsentibus adiicimus, quod ipsi Canonici, seu fratres qui regularem vitam eorundem Canoniarum regularium pro tempore professi fuerint, & sub eadem observantia regulari dictorum Canoniarum regularium pro tempore in domo huiusmodi residebunt, possint quoties opportunum fuerit, tamen juxta eadem regularia instituta Canoniarum regularium, idoneum fratrem, etiam ejusdem Ordinis professorem, in Priorem eorum, & ejusdem domus eligere.

§. 5. Qui tamen postquam electioni de se factæ præstiterit consensum, Diocesano loci vel ejus Vicario in spiritualibus generali, qui erit pro tempore, per electores huiusmodi dumtaxat debeat reverenter, & humiliter præsentari. Quique postquam taliter præsentatus extiterit censeatur eo ipso a Sede præfata confirmatus: & ex tunc dictum Prioratum in eisdem spiritualibus, & temporalibus libere, & licite valeat gubernare.

§. 6. Qui quidem Prior semper uno anno completo intelligatur absolutus, nisi tunc per maiorem partem eorundem Fratrum domus prædictæ in electione dicti Prioris vocem habentium determinatum fuerit, ipsum Priorem in dicto debere Prioratus officio domus ejusdem ulterius remanere. Quodque dicta domo Prioris solatio destituta per mortem Prioris ejusdem, vel aliquo alio casu eadem vacatione contingente, quod durante vacatione huiusmodi, prædictum officium per antiquiorem Fratrem dictæ domus in sacerdotio constitutum exerceatur, quousque nova electio alterius Prioris juxta præfatum modum fiat, & ad effectum debitum perducatur.

§. 7. Volentes etiam, & auctoritate præfata concedentes eisdem Priori, & Fratribus sive Canonicis, conversis, & personis, quos pro tempore in domo huiusmodi residere contigerit, ut præfertur, quod ipsi potiri, & gaudere possint, & debeant libere & absolute omnibus privilegiis, indulgentiis, gratiis, exemptionibus, & libertatibus eis hæcenus, ac Ordini Fratrum Eremitarum, & Canonicis Regularibus huiusmodi, ac Monasteriis, & locis eorum, tam per Sedem præfata, quam per alios quoscumque concessis, & quibus ipsi Fratres Ordinis Ere-

mitarum, ac ceteri Canonici regulares, ac eorum domus, Monasteria, & loca quomodolibet potiuntur, & gaudent.

§. 8. Et insuper volumus & ordinamus, quod Ven. Frater noster Antonius Episcopus Bononiensis Camerarius, ac dilecti filii Gabriel electus Senensis Thesaurarius noster, necnon Joannes Electus Ragusin. eisdem Priori, & Fratribus sive Canonicis conversis, & personis, de conventibus constitutionibus, & norma vivendi pro conservatione Prioris, & Fratrum, sive Canonicorum, conversorum & personarum prædictorum provideant, & omnia alia & singula faciant, ordinent & disponant in præmissis & circa ea, prout eis visum fuerit expedire.

§. 9. Decernentes ex nunc irritos & inanes omnes processus, ac excommunicationis, suspensionis, & interdicti sententias, si quos forsan circa hæc quacumque auctoritate contigerit promulgari, & etiam ex nunc ratum & firmum motu simili habemus, quicquid per eosdem Camerarium, Thesaurarium & Electum Ragusinum in præmissis & circa ea dispositum fuerit seu quomodolibet ordinatum.

Nulli ergo omnino hominum liceat &c. Si quis autem &c.

Datum Lucæ Nonis Aprilis, Pontificatus nostri Anno Secundo.

Dati Præfides  
ad condendas  
Constitutiones.

Secus auctoritate.

Dat. die 3.  
Aprilis 1407.  
An. II.

#### I V.

Confirmatio Fratrum Eremitarum S. Hieronymi de Fesulis Ordini alias ab Innocentio VII. approbato alia accipiendi loca Fratresque alios admittendi facultas conceditur.

Gregorius Episcopus, Servus Servorum Dei.  
Ad Perpetuam Rei Memoriam.

**S**acrum nonnullorum Fratrum Eremitarum, Fratrum S. Hieronymi nuncupatorum, loci ejusdem scilicet Fesulan. Ordinem, quem evidens ex eo utilitas Deo vivere volentium proveniens perhibet approbatum, ampliari patimur, & ut ad bonam ampliationem perveniat, cum a nobis petitur, favorem Apostolicæ Sedis, & gratiam impartimur.

§. 1. Dudum siquidem fel. rec. Innocentio Papæ VII. prædecessori nostro pro parte dilectorum filiorum Caroli quondam Antonii Comitis Montisgranelli nati Presbyteri Sarasinatensis diocesis, & nonnullorum ejus sociorum exposito, quod ipsi de vita Eremitica, quam zelo piæ vitæ mundanis abiectionis illecebris amplexatam aliquandiu duxerant, ad frugem vitæ melioris adspirantes, in humilitatis spiritu, & paupertate, desideraverant sua aliqua regulari observantia virtutum Domino famulari, ac propterea supplicato, ut eos, qui numero duodecim vel circa fuerint, in huiusmodi laudabili proposito confovere de benignitate apostolica dignaretur.

§. 2. Idem prædecessor cupiens huiusmodi

Petita ab Innocentio VII.  
Ordinis huius confirmatio.

Data facultas  
Priorem eligendi.

Prior electus  
ipso facto ab  
Apost. Sede  
confirmatus  
censendus.

Prior singulis  
annis eligendus.

Communicata  
eis Privilegia  
totius Ordinis  
FF. Eremitarum  
S. Augustini.



Concessa ab  
eodem Ponti-  
fice.

Literis vero  
super hoc ab  
eodem nro  
confectis sup-  
plet Apost. au-  
thoritate Gre-  
gorius.

Acquisitaque  
usque adhuc  
bona confir-  
mat.

Nova petitio  
ab illis Gre-  
gorio facta.

Alia eis con-  
firmata do-  
mus.

di eorum pium propositum ad laudem di-  
vini nominis adimpleri, Carolo & sociis an-  
tedictis, ut ipsi in aliquo loco eis fidelium  
largitione dato vel dando vitam huiusmodi  
sub regula secundum constitutiones S. Hie-  
ronymi ducere, & regularem professionem  
juxta regulam & constitutiones huiusmodi,  
emittere libere, & licite valerent, aucto-  
ritate apostolica concessit.

§. 3. Ipsoque prædecessore, sicut Domi-  
no placuit, super huiusmodi concessionis gra-  
tia literis non confectis sublato de medio;  
Nos divina favente clementia ad apicem sum-  
mi Apostolatus assumpti, ne ipsi Carolus &  
socii huiusmodi concessionis frustrarentur  
effectum voluimus, & apostolica auctoritate  
decrevimus, quod concessio ipsa perinde a  
die datæ ipsius concessionis valeret, & ple-  
nam obtineret roboris firmitatem, ac si  
super ea, ejusdem prædecessoris literæ sub  
ipsius diei datæ confectæ fuissent, quodque  
nostræ literæ ad probandum plene conces-  
sionem huiusmodi ubique sufficerent, nec  
ad id alterius probationis adminiculum re-  
quireretur.

§. 4. Et nihilominus, quod quidam locus  
eis post concessionem huiusmodi in Civitate  
Fesulana ad hoc congruus, & honestus, in  
quo idem Carolus, & Fratres etiam ultra  
numerum prædictum secundum regulam, &  
statuta præfata, regularem professionem per  
huiusmodi fratres Eremitas emitti consue-  
tam emisissent primo, & successive eis plura  
alia loca possessiones & bona dicta largitio-  
ne donata fuerunt, nos dicta loca, posses-  
siones & bona ubicumque consistenter, quæ  
tunc eidem Carolo & sociis largitione præ-  
fata donata fuerant, habentes pro sufficien-  
ter expressis ac donationes & professionem  
prædictas, & etiam illorum ultra præfatum  
numerum professorum ratas & gratas habentes,  
auctoritate apostolica confirmamus:  
supplentes omnes defectus, si qui forsan in-  
tervenissent quomodolibet in eisdem, prout  
in nostris inde confectis literis plenius con-  
tinetur.

§. 5. Quare iidem Carolus & Fratres,  
qui in humilitatis spiritu, quantum eis permit-  
tit humana fragilitas, ambulantes, divina  
mansuetudine suffragante quamplurimos eli-  
gentes secum pompis mundanis abiectis, cir-  
ca divina obsequia, finire labiles dies suos  
dietim inveniunt, nobis humiliter supplica-  
runt, quatenus eis & successoribus eorum,  
duo alia loca ultra obtenta, ac quoscumque  
ad eos venire, & ipsorum habitum assumere,  
professionemque secundum instituta præfata  
in eisdem locis emittere volentes recipiendi,  
eaque cum cæmeteriis pro se ipsis dumtaxat  
habere libere, & licite possint, licentiam  
concedere de benignitate apostolica digna-  
remur.

§. 6. Nos qui cultum divinum nostris cu-  
pimus temporibus adaugeri, huiusmodi sup-  
plicationibus inclinati, duo alia loca ultra ea,  
quæ in præsentiarum habent, cum omnibus  
juribus, & pertinentiis suis, quæ eidem Carolo,  
& Fratribus alias canonice concedentur, vel  
eos illa alias iusto titulo continget adipisci;

*Bull. Rom. Tom. III. Pars II.*

Necnon, quoscumque ad ipsos venire, pompis  
mundanis abiectis divina gratia suadente ha-  
bitum assumere, & professionem per Fratres  
prædictos emitti consuetam, emittere volentes,  
recipiendi, & admittendi in eisdem  
solummodo locis, ac cæmeteria in locis ip-  
sis pro eis dumtaxat habendi, juribus pa-  
rochialium & aliarum quarumcumque Ec-  
clesiarum in omnibus aliis semper salvis, eis-  
dem Carolo, & Fratribus, ac successoribus eo-  
rum in Fesulano, & aliis locis prædictis, au-  
thoritate apostolica tenore præsentium facul-  
tatem & licentiam elargimur.

§. 7. Non obstante tam fel. rec. Bonifa-  
cii PP. VIII. prædecessoris nostri prohibente,  
ne Fratres Ordinum Mendicantium loca de  
novo recipere, aut recepta mutare præsu-  
mant, absque dictæ Sedis licentia speciali  
faciente plenam & expressam de prohibitione  
huiusmodi mentionem, quam aliis constitu-  
tionibus Apostolicis contrariis quibuscum-  
que. Nulli ergo &c.

Datum in Castro Montisflorum Arimi-  
nen. diocesis, VIII. Idus Julii, Pontifica-  
tus nostri Anno Nono.

Alios reci-  
piendi, cæme-  
teriumque ha-  
bendi data fa-  
cultas.

Obstantium  
derogatio.

Dat. die 8.  
Julii 1415.  
An. IX.

ALEXANDER V.

P A P A . C C V I .

ANNO DOM. MCCCCIX.



Alexander V. antea Petrus  
Philargus, Cretensis, (Bo-  
noniensem illum fuisse nonnulli

Fff 2

asse,



asserunt (a)) Vicentinus olim Episcopus mox S. R. E. Presbyter Cardinalis Tituli S. S. Duodecim Apostolorum, & Mediolanensis Archiepiscopus Sessione XIX. Concilii Pisani die 26. Junii 1409. a Cardinalibus Conclavi inclusis Pontifex factus est, sub Alexandri V. nomine, qui die 7. sequentis Julii coronatus est. Pontificali munere functus Menses X. dies VIII. (b) temporibus Roberti Regis Romanorum, & Emmanuelis II. in Oriente Imperatoris obiit Bononiæ die 4. Maji 1410. & sepultus est in Ecclesia Fratrum Minorum. A die obitus Alexandri ad Joannis XXIII. electionem fluxerunt dies XIV. (c).

## UNICA CONSTITUTIO.

Ex Regest.  
Valis.

Contra se ingerentes, vel regimen, & administrationem Ecclesiarum, Monasteriorum, aliorumque Beneficiorum, Ecclesiasticorum quomodolibet exercentes Literis Apostolicis suæ Provisionis minime expeditis.

Alexander Episcopus, Servus Servorum Dei.  
Ad Futuram rei memoriam.

Exordium.

**E**X inuncto Nobis desuper onere ministerii pastoralis ad illa libenter intendimus, per quæ animarum periculis, Ecclesiarum & Monasteriorum dispendiis obviatur.

Causæ faciendæ  
Constitutionis.

§. 1. Sane ad audientiam nostram fide dignorum nuper relatione perducto, nonnullos ad Patriarchales, Metropolitanas, Episcopales, Abbatiales, & alias dignitates spirituales tam Regulares, quam Seculares promotos, seu de quibus per Nos, aut auctoritate nostra prædictis Ecclesiis, Monasteriis, sive Prioratibus Conventualibus hætenus quomodolibet provisum fuit, in expeditione Literarum Apostolicarum super provisionibus sibi factis negligentes in grave hujusmodi præjudicium, dispendium, & gravamen existere, quosdam vero ex prædictis, quod deterius arbitramur, absque hujusmodi Literis ea ductos cupidine, ac in suæ salutis interitum, ad Ecclesias, Monasteria, & Prioratus eis collata præter, & contra stylum, & morem Romanæ Curie hætenus laudabiliter observatos, ac etiam contra prohibitionem se. re. Bonifacii PP. VIII.

Predecessoris nostri, quæ incipit *Iniuncta* accedere præsumpsisse, ac Ecclesiarum, Monasteriorum, & Prioratuum hujusmodi Regimini, gubernationi, & administrationi se etiam ingessisse, ac immiscuisse, & ingerere, ac se immiscere damnabiliter etiam de præfenti.

§. 2. Nos cupientes hujusmodi damnis instantibus, & futuris remedium adhibere, præmissis, & nonnullis aliis rationabilibus causis ad hoc nostrum moventibus animum, ac de Venerabilium Fratrum nostrorum S. R. E. Cardinalium consilio auctoritate apostolica, & ex certa scientia præfenti constitutione statuimus, atque decernimus, quod omnes, & singuli Patriarchæ, Archiepiscopi, Episcopi, Electi, Administratores, & Commendatarii, Abbates, & Priores hujusmodi, de quibus per nos, aut auctoritate nostra hætenus alicui Patriarchali, Metropolitanæ, vel Episcopali Ecclesiis, aut Monasteriis, seu Prioratibus Conventualibus etiam in administrationem, vel commendam provisum extitisset, & eorum literas usque ad totalem expeditionem ac receptionem earundem literarum inclusive expediri hætenus non fecissent, sub pena privationis Ecclesiarum, Monasteriorum, & Prioratuum hujusmodi, & omnis juris eis ex provisionibus prædictis quomodolibet acquisiti, quam quemlibet negligentem incurrere volumus eo ipso, & quæ Ecclesias, Monasteria, ac Prioratus negligentium præmissa ad effectum perducere ex nunc prout ex tunc præfata auctoritate vacare, & Apostolicæ Sedis dispositioni specialiter reservata declaramus, & decernimus, teneantur, & debeant literas hujusmodi super provisionibus ipsis per se vel alios usque ad præfata earundem totalem expeditionem, ac receptionem, ut præmittitur inclusive expediri, fecisse infra annum a data hujusmodi Provisionis factæ continuæ computandum. Illi vero, de quibus provideri contigerit quomodolibet in futurum Ecclesiis, Monasteriis, aut Prioratibus hujusmodi seu alicui eorum eadem pena simili, & quam, ut præfertur, incurrant etiam infra annum a die provisionis faciendæ continue computandum, similiter teneantur & debeant literas ipsas usque ad prædictam totalem expeditionem, & receptionem inclusive expediri fecisse: & interim sub eadem pena per se vel alios absque literis provisionum in forma de regimine, gubernatione, seu administratione, vel quasi Ecclesiarum, Monasteriorum, Prioratuum prædictorum, vel alicujus eorum, sive bonorum eorundem in Spiritualibus, vel temporalibus nullatenus se ingerere vel aliter immiscere, aut super hiis, vel eorum aliquo seu dependentibus, vel connexis jurisdictionem aliquam quomodolibet exercere præsumant.

§. 3. Cæteris quoque penis contra prædictos a Jure, vel ab Homine etiam ratione negligentia muneris, consecrationis non susceptæ statutis, aut inflictis, & aliis in suo robore permansuris.

§. 4. Irritum & inane censentes ex nunc, si secus vel aliter super hiis a quoquam, &

Constitutio  
de qua in rubrica.Penæ contra  
inobedientes.Rescriptio  
secus actorum.

(a) Ghirardaccius Hist. Bononien. lib. XXVIII.

(b) Ab electione die computandos.

(c) Inclusis extremis.

qua-



quavis auctoritate scienter, vel ignoranter imposterum contigerit quomodolibet attentari.

Clausula.

Nulli ergo omnino hominum liceat hanc paginam nostrorum statuti, decreti, declarationis, reservationis, & constitutionis infringere &c.

Dat. die 2.  
Aprilis 1410.

Datum Bononiæ quarto Nonas Aprilis, Pontificatus nostri Anno Primo.

JOANNES XXIII.

PAPA CCVII.

ANNO DOM. MCCCCX.



**P**ost Alexandri V. mortem Cardinales, qui Bononiæ cum eo erant Conclave ingressi die 17. Maii 1410. in Pontificem elegerunt Balthasarem Cossam, patria Neapolitanum, Diaconum Cardinalem S. Eustachii, qui Joannis XXIII. nomine sumpto solemniter consecratur, & coronatur die 25. mensis ejusdem. Perlatam depositionis suæ in Concilii Constantiensis Sessione XII. habita die 29. Maii 1415. sententiam ipsemet comprobavit, quinquennio postquam Papa electus fuerat.

Martinus V. Balthasarem respicientem, humique provolutum S. R. E. Cardinalium Decanum, & Portuensem Episcopum esse voluit, die 23. Junii anno 1419. Ille vero sex post menses Florentiæ, Papæ Curiam sequens, mortuus est, & sepultus in Baptisterio S. Joannis.

I.

Declaratio penarum contra dantes aliquid vel promittentes, aut recipientes pro obtinenda gratia, vel justitia apud Sedem Apostolicam.

Ex Regest.  
in Archiv.  
Vatic.

*Non dissimilia statuit Bonifacius VIII. anno 1295. Constit. II. pag. 76.*

Joannes Episcopus, Servus Servorum Dei.  
Ad perpetuam rei memoriam.

§.1. **C**um ex debito Pastoralis Officii

Nobis quanquam immeritis superna dispositione commissi periculis animarum, quantum cum Deo possumus, & ut cæca cupiditas ac insatiabilis ardor habendi formidine penę ab illicitis arceantur, de salutari providere remedio reddamur obnoxii, & ad audientiam nostram fuerit fide dignorum relatione perductum, nonnullos tam Curiales Curiamque Romanam sequentes, quam alios post assumptionem nostram ad apicem summi Apostolatus multa tam gratiam, quam Justitiam, concernentia, & in Beneficiis vacantibus, ac vacaturis, & in data etiam circa Rotulos, ac in dispensationibus, & absolutionibus, & aliis spiritualibus negotiis, seu Causis obtinuisse retrorsis temporibus per simoniacam pravitatem, considerantesque, quod talia vergunt in dispendium animarum tam dantium, & recipientium, quam mediatorum, & procurantium illa fieri, & in denigrationem nominis Romanæ Curie, & sollicitantium actus hujusmodi detestabiles, & infandos.

Mala ex illicitis  
pactionibus  
provenientia  
narrat.

§.2. Nos igitur, quorum interest talibus detestandis criminibus obviare, & volentes, ut quos Dei timor a malo non revocat, saltem rigor ecclesiasticæ disciplinæ compescat, de Fratrum nostrorum consilio auctoritate apostolica præsentī Constitutione perpetuo valitura decernimus, statuimus, & etiam declaramus, quascunque gratias per quoscunque, & in quibusvis causis, seu negotiis gratiam, seu Justitiam concernentibus factas, & quæ imposterum fierent, in quibus intervenit, siue interveniet in futurum simoniacæ pravitatis, illicitæ pactionis, seu etiam corruptelæ, & omnia, & singula inde secuta, & quæ sequerentur imposterum, necnon descriptiones quorumcunque facta, ac etiam facienda in Rotulis expectativarum, vel aliarum gratiarum, Cardinalium prædictorum Regum, Prælatorum, Ducum, Principum, & aliorum Dominorum contra, seu præter

Gratias quascunque  
prævia qualibet  
pactione factas  
irritat.

VO-



voluntatem illorum, pro quorum parte Rotuli sunt descripti, seu describendi de cætero, & etiam præſentati, ac præſentandi, fuiſſe, & eſſe nullas, ac nullius efficaciæ, roboris vel momenti, & nullum Jus potuiſſe, vel poſſe propterea, vel ob id in judicio, ſeu extra alicui quomodolibet reſultare.

§. 3. Et nihilominus tales dantes, paciſcentes, vel promittentes, ſimoniace recipientes, Proxenetæ, mediatores, ſeu tractatores, cujuſcunque ſtatus, gradus, habitus, ſeu conditionis exiſtant, incidiffe in pœnas, & ſententias a ſacris Canonibus, & noſtris Prædeceſſoribus Romanis Pontificibus hæcenus contra ſimoniacos editas, & inſtitutas.

§. 4. Si quis autem in futurum contra prohibitionem, & conſtitutionem noſtram huiſmodi, cujuſcunque ſtatus, gradus, ſeu conditionis fuerit, ut præfertur, aliquid dederit, promiſerit, pactus fuerit, vel receperit, ſeu tractaverit pro prædictis, vel aliquo ipſorum, quod penſata qualitate dantis, ac recipientis, & quantitate promiſſi vel donati ſimoniacam pravitatem ſapiat, excommunicationis, & anathematis ſententiis eo ipſo percellatur, a quibus nullus abſolutionis beneficium ab alio, quam a Romano Pontifice, niſi dumtaxat in mortis articulo, nec ad abſolutionis huiſmodi beneficium, niſi prius tantumdem ejus, quod dederit, vel receperit, aut ejus quod dederit, vel receperit, aut ejus condignam eſtimationem miſerabilibus, aut infirmis pauperibus integraliter largiatur, ſeu reſtituat, ullatenus admittatur, niſi forte ad hanc reſtitutionem ſit penitus impotens, quo caſu facta compenſatione alterius boni operis poſſit abſolui. Ita tamen quod ſi ad fortunam pinguiorum pervenerit, reſtitutionem ipſam faciet dicto modo.

§. 5. Laicales quoque perſonæ etiam cujuſcunque ſtatus, gradus, ſeu conditionis fuerint, quæ præmiſſa, vel eorum aliqua contempſerint, ſeu neglexerint obſervare, eo ipſo ſimili ſententia innodentur. Et nihilominus eas omnibus honoribus, dignitatibus, Privilegiis, exemptionibus, & gratiis, nec non feudis, & retrofeudis, & bonis aliis, quæ a Romana, vel aliis Eccleſiis, Monaſteriis, aut ſingularibus Perſonis Eccleſiaſticis, etiam in quibuſvis dignitatibus conſtitutis quomodolibet obtinuiffent, privamus, & privatas declaramus, atque decernimus eo ipſo: ipſaque Feuda, & alia bona ad concedentes eſſe protinus devoluta, ac illas inhabilitamus ad ſimilia & alia impoſterum obtinenda. Et præmiſſa trahi, extendique volumus ad præterita poſt aſſumptionem huiſmodi præſentia, & futura.

Nulli ergo omnino hominum liceat hanc paginam noſtrarum Conſtitutionis, declarationis, & privationis infringere &c.

Datum Romæ apud Sanctum Petrum Kalendis Junii, Pontificatus noſtri Anno Secundo.

Illas qui inierint, pœnas a Canonibus, & Conſtitutionibus Apoſt. ſtatutas incurriſſe declarat.

Insuper anathemateſerit, a qua nonniſi in mortis articulo, aliſque hic expreſſis perfectis conditionibus abſolvi vult.

Pœnas adſciit temporales.

Claſula.

Dat. die 1. Junii 1411. An. II.

## II.

Ereſtio Cathedralis Eccleſiæ Leopoliensis in partibus Ruſſiæ cum privilegiorum conſeſſione.

Ex Regeſt. eo. dem

Joannes Epicoſopus Servus Servorum Dei, Ad perpetuam rei memoriam.

Proemium.

**I**N eminenti ſpecula militantis Eccleſiæ Romanus Pontifex beati Petri cæleſtis Clavigeri Succeſſor, ac in terris ab eo, qui Cælum terramque regit ſolus, habet ſuper univerſam creaturam plenitudinem poſteſtatis, ex trono ſuæ ineffabilis poſteſtiæ ſuper univerſas Orbis Eccleſias, terræque latitudinem præcipuum facultatis obtinens principatum, pervigilis more Paſtoris ſuæ providentiæ oculis univerſum Orbem Terrarum, ac Nationum in illo degentium qualitates paterna conſideratione diſcutiens, ac examinans diligenter, ex injuncto ſibi deſuper paſtoralis officii onere ſingulorum ſalutem appetens, & exquirens ſuperna ſulctus poſteſtia diverſis diverſa pro mudanorum eventuum caſibus, ac pro meritis præmia diſtribuens quosdam exaltat & ſublevat, & ad alta rerum ſaſtigia magnitudine dignitatis attollit, & tanquam diſpenſator munificus donis ſpecialibus ac electivis muneribus erga devotos filios ſinum aperit apoſtolicæ largitatis: præſertim erga loca, illa, in quibus in agro irriguo Eccleſiæ ſanctæ Dei novellæ plantationis in odorem ſuavitatis fructus in ubertate ſuccedit, & quæ fidelis ex nova plantatione huiſmodi & celeberrimè incolit populus: in hiis præcipue, quæ exaltationem Catholicæ fidei, ac etiam Eccleſiarum incrementa reſpicere dignoſcuntur, ut ſi & quemadmodum ipſarum Eccleſiarum neceſſitas exigit, catholici Populi profeſſus expoſcat, requirat animarum ſalus, & accedat commoditas Populorum, ac locus alias populofitate, ac reliquis ad humanæ vitæ commodum neceſſariis celeberrimè ac inſignis, ubi ſedes Epicoſpalis aut Metropolis non conſuevit exiſtere, videatur merito illuſtrandus decore præcipuo Eccleſiarum in illo ſtatum immutet, ac illis per ereſtionis, ac translationis miniſterium titulum adaugeat ſublimioris excellentiæ, atque gradus honoris tituli pariter, & decoris ut per harum diſtributionem providam partes ſibi creditæ ſollicitudinis, prout in Altiffimo conſpicit expedire, ſalubriter exequatur.

Quibus de cauſis novæ erigendæ ſint Eccleſiæ.

§. 1. Cum itaque nuper pro parte cariffimi in Chriſto Filii noſtri wladislai Regis Poloniæ Illuſtris, ac Domini Ruſſiæ nobis expoſitum fuerit, & ſumma cum inſtantia ſupplicatum, ut pro deſenſione fidei orthodoxæ, ac etiam incremento, fideliumque ſalute ac reductione ad ovile dominicum infidelium, & oberrantium Populorum oppidum Lamburiga alias Lywowen. ſeu Leopole vulgariter nuncupatum in Partibus Ruſſiæ Kalitien. Diæceſis in Civitatem, & Parochialem Eccleſiam Sanctæ Mariæ in dicto oppido ſituatam in Cathedrali, & Metropolitanam Eccleſiam erigere, & Civitatis ac

Petente itaque wladislao Poloniæ Rege.

Me-



Metropolitica dignitatum titulis decoramus, ac Kalitien. Metropolitan. ad Leopoliem. Ecclesias & Locum, utpote celebriorem, ac insigniorem, & cunctis opportunitatibus & populi magnitudine, atque frequentia potiore transferre de benignitate Apostolica dignaremur.

§. 2. Nos igitur attendentes maximum ex præmissis profectum Catholicæ fidei emerſurum, ac paterna illis benignitate, ac maturitate discuffis, ſuadentibus nonnullis aliis rationabilibus cauſis ad id noſtrum inducentibus animum, ac præſati Regis in hac parte ſupplicationibus inclinati, matura cum Venerabilibus Fratribus noſtris S. R. E. Cardinalibus ſuper hoc deliberatione præhabita, ac de eorundem conſilio & aſſenſu, & de Apoſtolica poteſtatis plenitudine, ac ex certa ſcientia, ad honorem Omnipotentis Dei Patris, & Filii & Spiritus Sancti, beatę ſemperque Virginis Marię, ſub cujus vocabulo præſata Leopoliem. Eccleſia fundata fore dignoſcitur, ac Beatorum Petri, & Pauli Apoſtolorum, totiuſque Cęleſtis Curię laudem, gloriam, & exaltationem, ſtatus noſtri, & Eccleſiæ Sanctę Dei, divini cultus augmentum, fideliumque ſalutem, præſatum oppidum Lamburga alias Leopoliem ſeu Lywown. vulgari-ter nuncupatum, in Civitatem Leopoliem, ac præſatam Parochialem Eccleſiam B. Marię in Cathedralem, atque Metropolim auctoritate Apoſtolica præſentium tenore erigimus: ac ipſum oppidum Leopoliem. Civitatis, ac ipſam Eccleſiam B. Marię Metropolitica dignitatis, honoris, & decoris titulo de ſpecialis dono gratiæ decoramus, ac etiam inſignimus & ipſam Leopoliem. Eccleſiam in memoriam indelebilem eorum, quæ in hac parte geruntur, Metropolitan. perpetuis futuris temporibus volumus nuncupari.

§. 3. Ac præſatam Kalitien. Eccleſiam, ſedemque Metropolitica cum electo ipſius, cui nuper eſt de ipſa Kalitien. Eccleſia per nos gratioſe proviſum, prout in aliis noſtris deſuper conſectis literis plenius continetur, ad ſedem Leopoliem. atque Metropolim ſupradictam de conſilio ac ſcientia, & auctoritate præſatis transferimus per præſentes.

§. 4. Statuentes, quod de cętero qui dictæ præficiuntur Eccleſiæ Leopoliem. in perpetuum Archiepiſcopi Leopoliem nuncupari debeant, & cenſeri, ac Archiepiſcopalia, & Metropolitana inſignia gerere, jura, Jurisdictiones, & cętera exercere, adminiſtrare, ac exequi valeant, quę Metropolitan. in eorum Civitatibus, Diaceſibus, atque Provinciis de jure poſſint.

§. 5. Ac etiam ſcientia, & auctoritate præſatis de eorundem fratrum noſtrorum conſilio noſtras filias prædilectas, Premislien. Chelmenſem, Camenecen., woldimurien. Cereten., Kyowien. Eccleſias, & earum quamlibet, ipſarumque Episcopos tam præſentes, quam qui eis pro tempore præſeſſe contigerit, & quacuſque alias in partibus illis ſecundum Ritus Græcorum viventes Ec-

cleſias, earumque Episcopos cum earum, & cujuſlibet ipſarum Civitatibus, & Diaceſibus, juribus, & pertinentiis univerſis ipſi Leopoliem. Eccleſię, tanquam ipſarum Metropoli, & Archiepiſcopo Leopoliem pro tempore exiſtenti pro eorum ſuffraganeis, atque Provincia harum ſerie decernimus perpetuo fore, & eſſe ſubiectos, atque ſubiectas, & ſubiicimus per præſentes: ita quod de cętero ad illa omnia & ſingula teneantur, & aſtriſti ſint eiſdem Metropoli, & Archiepiſcopo Leopoliem. pro tempore exiſtenti, ad quæ ſuffraganei ſui Metropolitanę Eccleſiæ, atque Metropolitan. tenentur Archiepiſcopo ſecundum canonicas ſanctiones.

§. 6. Necnon quod Archiepiſcopus, Eccleſia, & Capitulum Leopoliem. huiusmodi, qui ſunt pro tempore, de cętero omnibus Privilegiis, exemptionibus, gratiis, ac Indultis Apoſtolicis, & aliis quibuſcumque potiantur, & gaudeant, quibus de Jure Metropolitanę Eccleſiæ, & Archiepiſcopi, & eorum Capitula poſſunt, & quæ poterant etiam ante erectionem, & translationem huiusmodi Archiepiſcopus, Eccleſia, & Capitulum Kalitien huiusmodi, necnon præſata Parochialis Eccleſia B. Marię Leopoliem, ac Reſtor, qui ei pro tempore præerat.

§. 7. Quodque cuncti ſuffraganei, Clerici, & Laici Leopoliem. prius Kalitien. Provinciæ Archiepiſcopi Leopoliem, qui erunt pro tempore, tanquam Metropolitanis eorum debitos obedientiam, reverentiam, & honores exhibeant, ſicut Archiepiſcopi Kalitien., qui fuerunt pro tempore, exhibere, haſtenus conſueverunt, ac etiam debuerunt.

§. 8. Et quod nullus ipſius prius Kalitien. Eccleſiæ ſeu Metropolis poſſeſſiones auferre, aut ablatas retinere ſeu minuire, aut ipſos Archiepiſcopum, Eccleſiam, & Capitulum Leopoliem. aliquibus moleſtiis fatigare ſeu perturbare præſumat: ſed omnia eis integra, & illibata ſerventur eorum, pro quorum gubernatione, ac ſubſtentatione conceſſa ſunt, uſibus omnimodis perpetuis temporibus profutura Sedis Apoſtolicę licentia ſemper ſalva.

§. 9. Huiusmodi, & aliis Privilegiis Indultis, & conceſſionibus eiſdem Kalitien. Leopoliem. Premislien. Chelmen. Camenecen. woldimurien. Cereten., & Kyovien., & aliis Eccleſiis ſupradictis conceſſis, quæ poſſent præſentibus obviare, non obſtantibus quibuſcumque.

§. 10. Volumus autem ſtatuentes, quod ſi qua ex Premislien., Chelmen., Camenecen. woldimurien., Cereten., & Kyovien., ſeu aliis ſecundum Ritus Græcorum viventibus Eccleſiis ſupradictis alicui Metropoli Chriſtianorum ſubjecta exiſteret, quæ ad ſubjectam unam ſeu plures Eccleſias præſens conceſſio pro ſuffraganeis, cęteris tamen in ſuo robore duraturis nullius exiſtat efficacię vel valoris.

§. 11. Decernentes ex nunc irritum, & inane ſi ſecus ſuper iis a quoquam quavis auctoritate ſcienter, vel ignoranter contigerit attentari.

§. 12. Nul-

Archiepiſcopum Leopoliem. erigis.

Ad illum transfert Kalitien. Eccleſiæ Metropolitan. jus.

Archiepiſcopis cętera Metropolitan. Privilegia conce- dit.

Suffraganeas designat Eccleſias.

Antiqua novæ Metropoli confirmat Privilegia.

De obedientia ejus Archiepiſcopo exhibenda.

Leopoliem. Eccleſia conſulit indemnitati.

Obſtantibus derogat.



Clausula.

Dat. die 28.  
Augusti 1412.  
An. III.

§. 12. Nulli ergo omnino hominum liceat hanc paginam nostrorum erectionis decorationis translationis statuti constitutionis subjectionis, & voluntatis infringere &c.

Datum Romæ apud Sanctum Petrum, quinto Kalendas Septembris, Pontificatus nostri Anno Tertio.

## III.

Ex Regest.  
eodem.

Damnatio Librorum seu Tractatum Joannis Vviclef Dialogi, & Trialogi nuncupatorum, cum prohibitione eos legendi, seu exponendi in quibuscumque Universitatibus seu Studiis.

Joannes Episcopus, Servus Servorum Dei.  
Ad perpetuam rei memoriam.

Cura Sedis  
Apost. succrescentes hereses extirpare.

**I**N Generali Concilio inter omnes Apostolicæ Sedis instantias, quas ad regimen christiani populi jugiter impendit, illa videtur esse præcipua, ut cum aliquam doctrinam suboriri senserit, quæ oculos divinæ Majestatis offendere, & grave in se periculum animarum continere possit, eam, ne propagetur ulterius, & per eam mentes fidelium damnabiliter capiantur mox studeat extirpare.

Libros Jo. Vviclef erroribus scatentes.

§. 1. Cum ergo in nonnullis mundi partibus quidam curiosi ea discere atque docere, non quæ ad animarum salutem & augmentum fidei, sed ad suum fastum ampliandum, & Catholicæ Fidei subversionem cedunt, quosdam Libellos, seu volumina vel tractatus, & opuscula, quæ dicuntur Joannis Vviclef, videlicet Dialogum, Trialogum, & alios plures libros, quos præsentibus haberi volumus pro expressis, nomine dicti Joannis wiklef inscriptos, & intitolatos non solum in scholis frequentare, sed etiam ad populum in sermonibus exponere nitantur; in quibus Libellis, Voluminibus, seu tractatibus multa hæretica Dogmata, multique continentur errores, & in fide minus recte sonantes, & per quos simplices, & indocti a veritatis tramite deviari, experti vero atque docti nimium scandalizari perhibentur; quæ ad nostram & hujus Sacri Concilii deducta sunt publicam notionem.

A Sapientibus examinatos viris.

§. 2. Nos, ut ex injuncti nobis Pastoralis officii debito tenemur, volumus in iis, quantum cum Deo possumus, occurrere animarum periculis, ne, quod ait Apostolus, variis & peregrinis Doctrinis Christi fideles in devium abducantur, quos etiam summa cura salvator ammonuit, ut caverent a fermento Phariseorum, cujus rei perniciosissimam pestiferamque malitiam optime frequenti testimonio Apostolico tam massam corrumpit, sic hæreticorum falsa doctrina omnem Catholicam eruditionem, cui admiscetur veluti rabidum venenum, nisi occurreretur, inficeret. Quam etiam doctrinam abominationem desolationis idem Salvator appellavit: dicens cum audieritis abominationem desolationis, quem locum Doctor fa-

cer Hieronymus exponens abominationem dicit posse intelligi omne dogma perversum: volentes autem in præmissis, licet notoria sint, mature procedere, & omne scrupulositatis dubium amputare, certis ex Venerabilibus Fratribus nostris S. R. E. Cardinalibus, atque nonnullis Episcopis Sacræ Theologiæ utriusque Juris Professoribus, & aliis, commisimus de præmissis inquirere, & negotium hujusmodi diligenti examinatione discutere.

§. 3. Ex quorum Processu, & relatione nobis, & eidem Sacro Concilio constitit atque constat præmissa tam per facti evidentiam, quam per plures diffinitivas sententias tam auctoritate apostolica, quam nonnullorum Archiepiscoporum in suis Conciliis, & locis insignibus, & diversis fuisse, & esse notoria, atque vera.

§. 4. Nos igitur eodem approbante Concilio declaramus, & decernimus illa esse notoria, quæ nulla possint defensione tueri, & super illis fore tanquam super notoriis procedendum, & exurgentes in Dei virtute contra hanc falsam, perversam, pestiferamque doctrinam eodem sacro approbante Concilio dictos Libellos, tractatus, & opuscula videlicet Dialogum, Trialogum et omnes alios hujusmodi Libellos, & alia, quæ ejusdem Joannis Vviclef nomine inscribuntur, & intitulantur, cujuscumque Artis, & facultatis existant, attento maxime, quod in eis licet aliqua vera scripta sint, falsa tamen illis veluti Lepra in humano Corpore permixta sunt, & in eorum Lectione periculose, tanquam inter scorpiones, & colubres Christiani fideles versarentur, damnamus, & reprobamus atque Salvatoris sententiam exequentes dicentis, si quis in me non manserit mittetur foras, & sicut palmes arefcet, & in ignem mittetur, & ardet igne, jubemus publice concremari.

Igni tradi jubet.

§. 5. Eiusdem etiam auctoritate Concilii districtius inhibentes, ne quis Christi nomine insignitus, audeat aliquem vel aliquos seu aliqua ex dictis Libellis, tractatibus, & opusculis dicti Joannis wiklef nomine inscriptos aut intitolatos legere & exponere, docere vel tenere, aut illis ac nomine & auctore illo wiklef uti, vel illum ut auctorem, nisi forte in illorum reprobationem allegare publice vel occulte.

A quoquam teneri, vel doceri vetat.

§. 6. Et ut de medio Ecclesiæ illa periculosa, spurcissimaque Doctrina eliminetur omnino, jubemus, per locorum ordinarios libros tractatus, & opuscula hujusmodi etiam auctoritate apostolica per Censuram Ecclesiasticam etiam si sit opus cum adiectione, quod contra non parentes procedetur, tanquam contra fautores hæresis, diligenter inquire, & repertos ignibus publice concremari.

Episcopis imperat, ut per quistos publice cremari faciant.

§. 7. Si quis autem hujusmodi sententiæ, inhibitionis, decreti, atque jussionis violator, aut attemptator extiterit, statuimus eodem approbante Concilio, contra ipsum veluti suspectum de fide procedere.

Contra inobedientes tanquam de fide suspectos procedendum.

§. 8. Monemus insuper auctoritate præmissa omnes, & singulos, qui voluerint tueri me-



Vvicleffi de-  
fenforibus in  
dista dies.

Clausula.

Dat. die 2.  
Februarii  
1413. An. III.

memoriam dicti Joannis wickleffi, ut infra novem menses proxime futuros, quos pro primo secundo, & tertio, atque peremptorio termino assignamus compareant apud Sedem Apostolicam coram Nobis, vel nostro successore canonice intrante, vel in hoc sacro Concilio, vel alibi, ubi contigerit nos, vel successorem prædictum residere, dicturi, allegaturi, quidquid voluerint, ne idem Joannes licet ab humanis ereptus de hæresi condemnatur.

§. 9. Nulli ergo omnino hominum liceat hanc paginam nostrorum declarationis, Decreti, damnationis, reprobationis, jussionis inhibitionis, statuti, monitionis, & assignationis infringere &c.

Datum Romæ apud Sanctum Petrum, Quarto Nonas Februarii, Pontificatus nostri Anno Tertio.

## IV.

Indictio Generalis Concilii Constantiensis pro die 1. mensis Novembris anni 1414.

Joannes Episcopus, Servus Servorum Dei.  
Ad futuram rei memoriam.

Proemium.

**A**D pacem & exaltationem Ecclesiæ, & tranquillitatem christiani populi, prompto corde, & efficaci desiderio intendentes, ea libenter ordinamus, & quærimus, per quæ hujusmodi pax, & exaltatio tranquillitatis merito valeant provenire.

§. 1. Dudum siquidem fel. record. Alexander PP. V. antecessor noster, in sacro Generali Pisano Concilio tunc præsidens, ex quibusdam magnis & arduis causis eundem moventibus, ipso approbante Concilio inter cætera decrevit, iterum generale Concilium ex tunc ad triennium per se, vel successorem suum, in loco, de quo sibi, vel eidem successori videretur, fore solemniter convocandum. Idemque prædecessor ea, quæ circa reformationem Ecclesiæ expedienda restabant, pro tunc suspendit, ipsumque Concilium usque ad tempus triennii præfatum continuandum statuit, & prorogavit.

§. 2. Postmodum vero ipso Alexandro prædecessore nostro, sicut Deo placuit, vita functo, nobisque divina favente clementia ad apicem summi Apostolatus assumptis, dum tempus ejusdem triennii jam advenerat, & nos per vestigia ejusdem prædecessoris incedere, & ordinationem præfatum ab eo in Concilio, ut præfertur, factam puro corde, & recta voluntate adimplere properaremus, quibusdam rationibus tunc expressis, animum nostrum moventibus Concilium hujusmodi in Romana Urbe (quæ paulo ante de manibus hostium recuperata, præsentiam nostram pro ipsius conservatione plurimum flagitabat) debito tempore convocavimus.

§. 3. Verum quia veniente postea tempore constituto Prælati, & cæteri qui hujus-

*Bull. Rom. Tom. III. Pars II.*

modi Concilio interesse debebant, nequam in tanto numero convenerunt, quantum rerum agendarum pondus & magnitudo requirere videbatur, nos post alias prorogationes per nos factas, tandem Concilium ipsum ad mensem Novembris nunc præsentem solemniter prorogavimus, ac celebrandum statuimus. Locum autem reliquimus infra certum tempus declarandum, ut interim super eo maturius consuleremus.

§. 4. Post hæc vero, infradictum tempus nondum elapsum, per literas carissimi in Christo filii nostri Sigismundi electi in Regem Romanorum, & Hungariæ Regis Illustris, instantissime requisiti, ut non properaremus in declaratione hujusmodi loci pro Concilio faciendo, sed tam in declaratione loci prædicti, quam etiam in tempore dicti Concilii celebrandi supersedere vellemus, donec ipsi Nuncios suos super hoc instructos ad nostram præsentiam destinarent;

§. 5. Nos votis ejusdem Regis, quæ ex zelo devotionis, & puritate fidei emanare conspicebamus, annuentes, adventum præfatorum Nunciorum de venerabilium fratrum nostrorum S. R. E. Cardinalium, & Prælatorum, qui Romæ in generali Concilio ad hoc vocati fuerunt, voluntate, consilio, & assensu duximus expectandum. Deinde cum post Romanæ Urbis miserabilem casum ad nos tunc apud Florentiam existentes ejusdem Regis Nuncii accessissent, & ex parte ejusdem Regis multa nobis circa materiam suggerissent, eorum auditis re-  
latibus, pro pleniori expeditione dilectos filios nostros Antonium tit. S. Cæcilie Presbyterum, & Franciscum tit. SS. Cosmæ & Damiani Diaconum, S. R. E. Cardinales, cum plena potestate super hujusmodi electione loci, & deputatione temporis, ac simul cum eis dilectum filium nostrum nobilem virum Manuelem Chrisoloram Militem Constantinopolitanum, ad præsentiam ejusdem Regis transmisimus; qui ad eum venientes, tandem de ipsius Regis consilio, & assensu Civitatem Constantien. Provinciae Moguntinen. pro loco hujusmodi Concilii celebrandi concorditer elegerunt, ac tempus ad initiandum hujusmodi Concilium statuerunt diem primum mensis Novembris proxime venturi.

§. 6. Deinde vero Nos, qui pro quibusdam arduis, & magnis negotiis cum eodem Rege juxta nostrum, & ipsius desiderium personaliter convenientes, certificati ab eo de habilitate, capacitate, & securitate Civitatis Constantiæ antedictæ, quam securitatem ipse Rex præstiturum, & in ipso Concilio personaliter affuturum pollicetur, volentes, & ab intimis cupientes, ut præfata celebratio Concilii salubriter impleatur, & optatum consequatur effectum, hujusmodi electionem loci, & temporis, ut præfertur, factam, auctoritate apostolica tenore præsentium de eorumdem Fratrum nostrorum consilio, & assensu ratificamus, approbamus, & confirmamus, ac ei Apostolici roboris adjicimus firmitatem, præfatum Concilium in Ci-

Ggg

vita-

Vocatis non  
venientibus  
alio indi-  
cium.Instante vero  
Sigismundo  
Augusto tem-  
pus convoca-  
tionis proro-  
gatum.Ab ejusdem  
Regis Orato-  
ribus, & Jo-  
annis delega-  
tis selecta ad  
hoc Constanti-  
æ Urbis, &  
die prima  
Novembris  
futuri.Hæc ab eo-  
dem firmata  
Joanne.Ab Alexan-  
dro V. statu-  
tum jam de  
Generali in-  
dicendo Con-  
cilio.A Joanne  
convocatum  
Concilium  
Romæ.



Ecclesiarum  
Prælatos, Re-  
ges, aliosque  
ut Concilio  
interfuit, hor-  
tatur.

vitæ prædictæ Constantiensi die 1. mensis Novembris proxime venturi, initiandum, & auctore Domino exinde celebrandum, eadem auctoritate, & consensu harum serie statui-  
mus, pronunciamus, & decernimus.

§. 7. Venerabiles Fratres nostros Patriarchas, Archiepiscopos, Episcopos, & dilectos filios electos Abbates, & cæteros Ecclesiarum, & Monasteriorum Prælatos requirentes, hortantes, & monentes, ac in virtute præstiti juramenti, & sanctæ obedientiæ eisdem mandantes, quatenus personaliter; nec non carissimos in Christo Filios Reges, & nobiles viros Duces, Principes, Marchiones, & alios, qui huiusmodi Concilio interesse debent, vel qui prodesse possunt quoquomodo, per viscera caritatis D. N. JESU CHRISTI invitantes, & exhortantes, quatenus pro pace Ecclesiæ, & omnium Christianorum, etiam personaliter, vel si personaliter non possint, per solemnes Oratores congruo tempore Concilio dicto debeant interesse; ut sic congregata fidelium multitudo copiosa, ea, quæ in eodem Concilio agenda incumbunt, Deo auctore & adiutore salubriter ordinentur. Nulli ergo &c.

Datum Laudæ, quinto Idus Decembris, Pontificatus nostri Anno Quarto.

Dat. die 9.  
Decem. 1413  
An. IV.

## MARTINUS QUINTUS.

P A P A C C V I I I .

ANNO DOM. MCCCCXVII.



**A** Nno 1417. die 11. Novembris Cardinales, alii que a Concilio Constantiensi nomi-

nati Electores Nationum universali Ecclesiæ præfecere Odonem Columna S. Georgii ad Velum aureum Diaconum Cardinalem, qui Martinus V. voluit appellari & die 21. mensis ejusdem consecratione suscepta solemniter coronatus est. Hic annis XIII. mensibus III. diebus X. quibus summo præ fuit Sacerdotio, regnante in Occidente Sigismundo, in Oriente vero Emmanuele II. mox Joanne VII. Palæologo, tribus habitis promotionibus decem & octo Cardinales creavit præter Balthasarem Cossam, quem Sacri Cardinalium Collegii Decanum, & Portuensensem Episcopum esse permisit, & quatuor Pseudo-Cardinales Petri de Luna, quos vera Cardinalitia dignitate decoravit. Obiit vero Romæ die 20. Februarii 1413. & sepultus est in Ecclesia Lateranensi. Vacavit Sedes dies XI.

Mortuo Petro de Luna anno 1424., tres ii, quos Pseudo-Cardinales ante obitum dixerat, ejus loco non absque enormi Simonia mense Junio sequentis anni Papam dixere Ægydium Sancii Munionis Canonicum Barcinonensem, qui Clemens VIII. appellatus est. Hic quintum post annum papalia deprensens insignia ac Martinum V. pro legitimo Pontifice agnoscens exemplum suis dedit pacem Ecclesiæ hac quoque ex parte reddendi, quod præstiterunt.

I.

Damnatio errorum Joannis Vvicleff, Joannis Huff, Hieronymi de Praga, & aliorum, de Sacramentis Ecclesiæ male sentientibus, eorumque complicum & fautorum. Ac forma hæreticos, suspectosque de hæresi examinandi.

Damnatum alias a Joanne XXIII. Vickleffum vidimus superius in Const. Joannis III. pag. 416.

Mar-



Martinus Episcopus, Servus Servorum Dei. Venerabilibus Fratribus, Archiepiscopis, Episcopis, ac Inquisitoribus hæreticæ pravitatis ubilibet constitutis, ad quos literæ præsentis pervenerint, Salutem, & Apostolicam Benedictionem.

Proemium.

**I**nter cunctas pastoralis curæ sollicitudines, quibus premimur incessanter, illa potissime fortius nos angit, ut hæreticis de finibus Christianorum expulsis, suisque falsis doctrinis & erroribus perversis penitus, quantum nobis ex alto conceditur, extirpatis, orthodoxa & catholica fides integra & illibata permaneat, ac populus Christianus in ejusdem fidei sinceritate, quolibet obscuræ semoto velamine, immobilis & inviolatus persistat.

§. 1. Sane dudum plusquam omnibus retroactis temporibus in nonnullis regionibus & dominiis, præsertim in Regno Bohemiæ & Marchionatu Moraviæ, ac locis & districtibus illis vicinis, adversus fidei catholicæ dogmata insurrexerunt quondam hæresiarchæ, circuncelliones, schismatici & seditiosi luciferina superbia & rabie lupina evecti, dæmoniorum fraudibus illusi, de vanitate in idipsum (licet forent de diversis mundi partibus oriundi) convenientes, & caudas colligatas habentes, dannatæ videlicet mem. Joannes Vvicleff. de Anglia, Joannes Hufz de Bohemia, & Hieronymus de Praga, qui utinam alios secum ad infidelitatis interitum non traxissent. Nam ubi hujusmodi pestilentes personæ perversa dogmata pertinaciter seminabant, in suæ doctrinæ pestiferæ primordio prælati, & alii judicariæ potestatis regimina exercentes, tamquam canes muti non valentes latrare, nec ulciscentes cum Apostolo in promptu omnem inobedientem, hæresiarchas ipsos pestiferos & dolosos, eorum lupinam rabiem truculentam statim, ut adstricti fuerant canonice coercere, eosque de domo Domini corporaliter eiicere non curarunt, sed sacrilegam, falsam, & perniciosam ipsorum doctrinam, per longas moras negligenter convalere permiserunt: populorum multitudo illorum opinionibus falsis decepta pro veris accepit, quæ diu mendaciter & perniciose, ac damnabiliter seminaverant, eisque credendo a recta fide cecidit turba multa, & errore devio involvitur, proh dolor, paganorum, adeo quod per diversa illarum, eisdemque convicinarum partium climata, oves Christi catholicas hæresiarchæ ipsi successive infecerunt, & in stercore mendaciorum fecerunt putrescere.

§. 2. Quapropter generalis Constantiensis Synodus tantam fidelium, & fidei orthodoxæ plagam, & ruinam videns, exclamare compulsa est cum Augustino. Quid faciet Ecclesiæ medicina, salutem omnium, materna caritate conquirens, tamquam inter phreneticos, & lethargicos æstuans? Numquid contemnere, numquid desistere, vel debet, vel potest? Certe non, secundum eundem, imo utriusque sit necesse est molestus, quæ neutris est inimica. Nam &

*Bull. Rom. Tom. III. Pars II.*

molestus est medicus furenti phrenetico, & pater indisciplinato filio, ille ligando, iste cædendo, sed ambo diligendo. Si autem negligant, & eos perire permittant, inquit Augustinus, ista mansuetudo potius fallæ crudelitas est. Proinde Synodus præfata ad omnipotentis Dei gloriam, ipsiusque catholicæ fidei, ac Christianæ Religionis conservationem, augmentum, & animarum salutem, & præsertim eisdem Joannem Vvicleff, & Joannem Hufz, & Hieronymum, qui inter cetera de sacro Eucharistiæ sacramento, & aliis sacramentis Ecclesiæ, & articulis fidei, aliter quam sancta Romana Ecclesia credit, & tenet, & prædicat, & docet, quamplurima temere, & damnabiliter credere, ac tenere, prædicare, atque docere pertinaciter attentabant, velut hæreticos & pertinaces ac obstinatos jam a communione fidelium separatos, de domo Dei corporaliter ejecit, & spiritualiter ejectos declaravit, & alia nonnulla circa præmissa utilia, & salubria statuit, & decrevit, per quæ alii, qui causantibus hæresiarchis, eorumque falsis doctrinis hujusmodi spiritualiter de domo Dei exierant, per vias canonicas reducerentur ad semitas veritatis.

§. 3. Et quia sicut dolenter accepimus, non solum in regno Bohemiæ, & Marchionatus dominiis, & locis supradictis, verum etiam in quibusdam partibus, & provinciis contiguis, seu vicinis eisdem, etiam nonnulli ex sectatoribus & sequacibus hæresum, ac errorum hæresiarcharum prædictorum, timore divino, & pudore humano prorsus abiectis, nec de ipsorum, & præsertim Joannis Hufz, & Hieronymi interitu miserabili sumentes conversionis, & poenitentiae fructum, sed tamquam in profundum pressi peccatorum, dominum Deum blasphemare non cessant, ducentes in irritum nomen ejus, quorum mentes pater mendacii sic damnabiliter excæcavit, ut prædictos libros, codices, & opuscula, hæreses, & errores continentes seu continentia, dudum etiam per Synodum præfatum damnatos, & damnata, ac ignibus concremanda deputata, & concremata, legunt, student, ac ex eis in sui & multorum simplicium periculum, nedum contra statuta, decreta, & ordinata in Synodo supradicta, sed etiam contra canonicas sanctiones dogmatizare præsumunt in animarum periculum, ac puritatis fidei denigrationem, & scandalum plurimorum.

§. 4. Nos igitur attendentes, quod error, cui non resistitur, approbari videtur, ac malis, & perniciosis erroribus hujusmodi resistere, ac eos de medio Christi fidelium, & præsertim de supradictis Bohemiæ, & Moraviæ dominiis, & districtibus ac confinibus, & viciniis eorum, ne amplius, & latius se extendant, funditus evellere cupientes, discretioni vestræ, sacro approbante Concilio Constantiensi, per Apostolica scripta committimus, & mandamus, quatenus vos Archiepiscopi, & Episcopi, ac electi, & quilibet vestrum, per se, seu alium, vel alios,

G g g 2 quos

Sed nonnullis eorum Sectatoribus illorum legentibus libros, hæresesque tuentibus.

Martino PP. Ecclesiarum mandat Prælati, ut eosdem tamquam hæreticos judicatos seculari tradant Curie puniendos.

Episcoporum negligentia novas hæreses a Vvicleffo, Hufz, & Hieronymo de Praga disseminatas deploret.

Eos itaque Concilium Constantiense a fidelium catu segregavit.



quos graves, & idoneas personas spiritua-  
lem jurisdictionem habentes esse volumus,  
omnes & singulos cujuscunque dignitatis  
officii, præminentie, status, vel conditio-  
nis existant, & quibuscunque nominibus  
censeantur, qui de præexcelso, salutifero,  
& supermirabili sacramento Corporis & san-  
guinis D. N. JESU CHRISTI, vel de Ba-  
ptismate seu peccatorum confessione, pœni-  
tentie pro peccatis injunctio vel reliquis  
Ecclesiasticis sacramentis, seu fidei articulis,  
aliter sentire aut docere, quam Sacrosancta  
Romana Ecclesia, & universalis docet, præ-  
dicat & observat, aut articulos, seu libros,  
& doctrinas præfatorum hæresiarcharum,  
Ioannis Vvicleff, & Ioannis Hufz, & Hie-  
ronymi, per eandem Constantiensem Syno-  
dum cum suis auctoribus, ut prædicitur,  
damnatos, & damnatas, tenere, credere,  
& dogmatizare, ac vitæ finem ipsorum hæ-  
resiarcharum publice vel occulte pertinaci-  
ter quomodolibet laudare, vel approbare,  
præsumperint, eorumque receptatores, de-  
fensores, & fautores quoslibet etiam con-  
templatione prædictorum errorum, necnon  
credentes, & adhærentes eisdem, tamquam  
hæreticos judicetis, & velut hæreticos sæcu-  
lari Curie relinquatis.

Receptatores  
eorum coer-  
ceant.

§. 5. Receptatores quoque, fautores, &  
defensores hujusmodi pestiferarum persona-  
rum, quæ erroribus ipsis crediderint, nec fa-  
vorem, aut contemplationem errorum ipsorum,  
sed forte carnalis amoris causa, vel occasio-  
ne alia hujusmodi personas pestiferas recepta-  
verint, præter penas ab utroque jure talibus  
inflictas, per iudices competentes tanta se-  
veritate poenarum in tam enormi scelere ul-  
tione accipiant, quod cedat ceteris cras-  
santibus in exemplum, ut quos Dei timor a  
malo non revocat, saltem coerceat severitas  
disciplina.

Cum obdu-  
ratis prævis  
monitionibus  
severe utan-  
tur.

§. 6. Cum reliquis vero, hujusmodi secta  
damnabili quomodolibet infectis, qui post  
competentem monitionem, ac frequentem  
exhortationem, qua pie erga eos, spe corre-  
ctionis, & emendationis, ac ad melioris vitæ  
frugem conversionis, usum est, a prædictis  
erroribus, & secta noluerint resipiscere, & ad  
gremium unitatemque sanctæ matris Eccle-  
siæ, ac fidem catholicam, quæ sola salvare  
potest, sine qua nulli veræ salutis subsidium  
contingit, plene recognoscere, & confiteri,  
justitiæ severitas, prout facti poposcerit qual-  
itas dulcore misericordiæ temperetur.

Principesque  
omnes mo-  
neant eosdem  
ut expellant  
suis ex domi-  
niis.

§. 7. Et nihilominus omnes Christianæ,  
& Catholicæ fidei professores, Imperatorem,  
reges, duces, principes, marchiones, comi-  
tes, barones, milites, potestates, rectores,  
consules, proconsules, scabinos, communi-  
tates, & universitates regnorum, provincia-  
rum, civitatum, oppidorum, castrorum,  
villarum, terrarum, aliorumque locorum  
hujusmodi, necnon ceteros jurisdictionem  
temporalem exercentes, juxta jurisformam,  
& exigentiam auctoritate apostolica exhor-  
tando moneatis, & requiratis, ut de regnis,  
provinciis, civitatibus, oppidis, castris, vil-  
lis, terris, & omnibus aliis locis, ac domi-  
niis supradictis, omnes, & singulos hæreti-

cos hujusmodi secundum tenorem Latera-  
nensis Concilii, quod incipit, sicut ait, ad  
instar etiam irretitorum crimine usurarum,  
quos publice, vel manifeste per facti evi-  
dentiæ cognoverint esse tales, tamquam  
oves morbidas gregem Domini inscientes  
expellant, donec, & quousque a nobis seu  
vobis, vel aliis Iudicibus Ecclesiasticis vel  
Inquisitoribus, fidem & communionem Ro-  
manæ Ecclesiæ tenentibus, aliud recipiant in  
mandatis, nec eosdem in suis districtibus præ-  
dicare, domicilia tenere, larem fovere, con-  
tractus inire, negotiationes, & mercantias  
quaslibet exercere, aut humanitatis solatia,  
cum Christi fidelibus habere permittant.

§. 8. Et si tales hæretici publici ac mani-  
festi, licet nondum per Ecclesiam declarati,  
in hoc tam gravi crimine decesserint, Eccle-  
siastica careant sepultura, nec oblationes  
fiant, aut recipiantur pro eisdem: bona ta-  
men ipsorum a tempore commissi criminis  
secundum canonicas sanctiones, confiscata,  
non occupentur per illos, ad quos alias per-  
tinerent, donec per hujusmodi iudices Ec-  
clesiasticos super hoc potestatem habentes,  
sententia declaratoria super ipso hæresis cri-  
mine fuerit promulgata.

§. 9. Qui autem de hæresi per iudicem  
competentem ecclesiasticum inventi fuerint  
sola suspitione notati seu suspecti, nisi juxta  
considerationem, & exigentiam suspitionis  
qualitatemque personæ, ad arbitrium iudicis  
hujusmodi propriam innocentiam congrua  
devotione monstraverint, in purgatione eis  
canonice indicta deficientes, & se canonice  
purgare non valentes, aut pro hujusmodi  
purgatione facienda, obstinatione damnabili  
jurare renuentes, tamquam hæretici con-  
demnentur. Qui vero dictam innocentiam  
monstrare ex quadam negligentia seu desidia,  
& purgationem hujusmodi facere omiserint,  
anathematis gladio feriantur, & usque ad sa-  
tisfactionem condignam ab omnibus eviten-  
tur, ita quod si per annum in excommunica-  
tione hujusmodi persistierint, ex tunc velut  
hæretici condemnentur. Si quis vero super  
aliquo sæpeditæ pestiferæ doctrinæ hæresi-  
archarum prædictorum, vel aliquibus articulis  
dumtaxat scandalosis, temerariis, seditio-  
sis, vel piarum aurium offensivis, culpabilis  
repertus fuerit, canonice puniatur. Si vero  
propter solam infamiam, aut suspitionem  
dictorum articulorum, vel alicujus ipsorum,  
quis repertus fuerit suspectus, & in purgatio-  
ne canonica propter hoc sibi indicta defice-  
ret, pro convicto habeatur, & tamquam ca-  
nonicus victus puniatur.

§. 10. Et insuper dispositionem fel. rec.  
Bonifacii Papæ Octavii prædecessoris nostri,  
quæ incipit, ut inquisitionis negotium reno-  
vantes, & etiam exequentes, universas pote-  
states, & dominos temporales, & iudices  
antedictos quibuscunque dignitatibus vel of-  
ficiis seu nominibus censeantur, exhortan-  
do requirimus, & mandamus eisdem, ut  
sicut reputari cupiunt & haberi fideles, ac  
filii Ecclesiæ nuncupari, & in Christi nomine  
gloriarī, ita pro defensione fidei vobis Ar-  
chiepiscopis, Episcopis, & electis, ac inquisi-  
tori-

Hæreticos  
ecclesiastica,  
privari vult  
sepultura  
eorum autem  
bona confis-  
cari.

De suspectis.

Innovata Bo-  
nifacii VIII.  
in cap. 18.  
de Hæret.  
Constitutio.



toribus hæreticæ pravitatis, & aliis iudicibus seu personis Ecclesiasticis, per vos ad hoc, ut præmittitur, deputandis, fidem, & communionem sanctæ matris Ecclesiæ tenentibus, pareant, & intendant, præbeantque auxilium, & favorem in hæreticorum, necnon credentium, fautorum, receptatorum, & defensorum ipsorum investigatione, captione, custodia diligenti cum ab eisdem fuerint requisiti, ut præfatas personas pestiferas, alios secum perdere molientes, in potestatem seu carcerem per vos Archiepiscopos, Episcopos, electos, & inquisitores prædictos, aut deputandos a vobis, vel ad locum de quo vos, vel ipsi mandabitis, infra eorumdem dominorum potestatem, rectorum, seu iudicum districtum ducant, vel duci faciant sine mora, ubi per viros catholicos a vobis Archiepiscopis, vel Episcopis, electis, seu inquisitoribus, seu deputandis personis huiusmodi, vel vestrum aliquo deputato, sub arcta, & diligenti custodia, ne fugiant, ponendo eos, etiam compedibus & manicis ferreis teneant, donec eorum negotium per Ecclesiæ iudicium terminetur, & quod de hæresi a iudice Ecclesiastico competenti, qui fidem, & communionem dictæ Sanctæ Romanæ Ecclesiæ teneat, condemnentur, præfati domini temporales, seu rectores, iudices, vel eorum officiales seu nuncii, sibi relictos recipiant indilate animadversione debita puniendos.

§. II. Verum ne præiudicium, & scandalum præfate fidei orthodoxæ religionis Christianæ, prætextu ignorantie quemquam in hoc circumveniri, aut versutos homines sub frivolæ excusationis velamine in hac materia palliare contingat, & ut de convincendis seu cognoscendis hæreticis, receptatoribus, defensoribus, fautoribus, credentibus, & adherentibus, necnon de hæresi suspectis, & aliis huiusmodi perversa doctrina quomodolibet maculatis, plenior habeatur in futurum instructio, tam ad regnum Bohemiæ, & convicinas illi, quam alias quaslibet partes, in quibus hæc superstitiosa doctrina quomodolibet pullulaverit, articulos infra scriptos sectam dictorum hæresiarcharum concernentes, pro directione dictæ fidei decernimus transmittendos & etiam destinandos, super quibus vobis, & aliis omnibus Archiepiscopis, Episcopis, & electis, ac commissariis, & inquisitoribus in virtute sanctæ obedientiæ præcipimus, & mandamus, ut quilibet eorum infra limites, & loca suæ jurisdictionis, necnon regno, & marchionatu, & locis eis vicinis prædictis, etiam si loca ipsa extra jurisdictionem eandem ultra duas dietas consistant, circa extirpationem, & correctionem errorum ac hæresum, ac huiusmodi sectæ pestiferæ, in favorem ipsius fidei orthodoxæ, diligenter invigilent, & omnes infamatos seu suspectos de tam pestifera labe sub confessati criminis, excommunicationis, suspensionis, interdicti aut alia formidabili poena canonica, vel legali, prout, quando, & quemadmodum eis videatur expedire, & facti requireret qualitas, ad singulos huiusmodi articulos per iura-

mentum corporaliter præstitum, tactis sacrosanctis Evangeliiis seu sanctorum reliquiis, imagine Crucifixi, secundum quorundam locorum observantiam, juxta infra scripta interrogatoria, ad quemlibet articulum convenientia, respondere compellant. Nos enim contra omnes, & singulos Archiepiscopos, Episcopos, & electos, & inquisitores, qui super extirpando hæreticæ pravitatis fermento, & expurgando suum territorium, districtum seu locum de talibus malis, & sceleratis hominibus, negligentes fuerint seu remisse egerint, usque ad privationem seu depositionem Pontificalis dignitatis procedere intendimus, & procedemus, ac procedi faciemus, aliosque loco illorum substituemus, qui pravitatem hæreticam possint, & valeant confundere, & ad alias poenas contra tales a jure inflictas, & alias graviores, si expediat, infligendas, procedemus, procedique faciemus, juxta juris, & facti exigentiam ac huiusmodi culpæ, & criminis foeditatem.

Tenores vero eorumdem articulorum, seu capitulorum, de quibus supra fit mentio, sequuntur per ordinem in hæc verba.

*Tenor Articulorum Joannis Vvicleff.*

1. **S**ubstantia panis materialis, & similiter substantia vini materialis, remanent in Sacramento altaris.
2. Accidentia panis non manent sine subiecto in eodem Sacramento.
3. CHRISTUS non est in eodem Sacramento identice & realiter in propria præsentia corporali.
4. Si Episcopus, vel Sacerdos existat in peccato mortali non ordinat, non consecrat, non conficit, non baptizat.
5. Non est fundatum in Evangelio, quod Christus Missam ordinaverit.
6. Deus debet obedire Diabolo.
7. Si homo fuerit debite contritus, omnis confessio exterior est sibi superflua & inutilis.
8. Si Papa sit præscitus, & malus, & per consequens membrum Diaboli, non habet potestatem super fideles sibi ab aliquo datam, nisi forte a Cæsare.
9. Post Urbanum VI. non est aliquis recipiendus in Papam, sed vivendum est more Græcorum sub legibus propriis.
10. Contra Scripturam sacram est, quod viri Ecclesiastici habeant possessiones.
11. Nullus Prælatus debet aliquem excommunicare, nisi prius sciat eum excommunicatum a Deo: & qui sic excommunicat, fit ex hoc hæreticus, vel excommunicatus.
12. Prælatus excommunicans clericum, qui appellavit ad Regem, vel ad Concilium Regni, eo ipso traditor est Regis, & Regni.
13. Illi, qui dimittunt prædicare, sive audire verbum Dei, propter excommunicationem hominum, sunt excommunicati, & in Dei iudicio traditores Christi habebuntur.



14. Licet alicui diacono, vel presbytero predicare verbum Dei, absque auctoritate Sedis Apostolicæ, sive Episcopi Catholici.

15. Nullus est Dominus civilis, nullus est prælatus, nullus est Episcopus, dum est in peccato mortali.

16. Domini temporales possunt ad arbitrium suum auferre bona temporalia ab Ecclesia, possessionis habitualiter delinquentibus, idest ex habitu, non solum actu, delinquentibus.

17. Populares possunt ad suum arbitrium dominos delinquentes corrigere.

18. Decimæ sunt puræ eleemosynæ, & possunt parochiani, propter peccata suorum Prælatorum, ad libitum suum eas auferre.

19. Speciales orationes applicatæ uni personæ per Prælatos, vel Religiosos, non plus profunt eidem, quam generales, ceteris paribus.

20. Conferens eleemosynam fratribus est excommunicatus eo facto.

21. Si aliquis ingreditur religionem privatam qualemcumque, tam possessionatorum, quam mendicantium redditur ineptior, & inhabilior ad observationem mandatorum Dei.

22. Sancti instituentes Religiones privatas, sic instituendo peccaverunt.

23. Religiosi viventes in religionibus privatis, non sunt de religione Christiana.

24. Fratres tenentur per labores manuum victum acquirere, & non per mendicitatem.

Prima pars est scandalosa, & præsumptuose asserta, pro quanto sic generaliter, & indirecte loquitur, & secunda erronea, pro quanto asserit mendicitatem fratribus non licere.

25. Omnes sunt Simoniaci, qui se obligant orare pro aliis, eis in temporalibus subvenientibus.

26. Oratio præsciti, nulli valet.

27. Omnia de necessitate absoluta eveniunt.

28. Confirmatio juvenum, clericorum ordinatio, locorum consecratio, reservantur Papæ, & Episcopis propter cupiditatem lucri temporalis & honoris.

29. Universitates, Studia, Collegia, graduationes, & magisteria in eisdem, sunt vana gentilitate introducta, & profunt Ecclesiæ sicut diabolus.

30. Excommunicatio Papæ, vel cujuscumque Prælati non est timenda, quia est censura Antichristi.

31. Peccant fundantes claustra; & ingredientes sunt viri diabolici.

32. Ditare Clerum est contra regulam Christi.

33. Silvester Papa, & Constantinus Imperator erraverunt Ecclesiam dotando\*.

34. Omnes de ordine Mendicantium sunt hæretici: & dantes eis eleemosynam sunt excommunicati.

35. Ingredientes religionem aut aliquem

Ordinem, eo ipso inhabiles sunt ad observanda divina præcepta, & per consequens ad perveniendum ad regnum Cœlorum, nisi apostataverit ab eisdem.

36. Papa cum omnibus Clericis suis possessionem habentibus, sunt hæretici, eo quod possessiones habent; & consentientes eis, omnes videlicet domini sæculares, & ceteri laici.

37. Ecclesia Romana est sinagoga Satanæ, nec Papa est proximus & immediatus Vicarius Christi, & Apostolorum.

38. Decretales Epistolæ sunt apocryphæ, & seducunt a fide Christi, & Clerici sunt stulti, qui student eas.

39. Imperator, & domini sæculares, sunt seducti a diabolo, ut Ecclesiam dotarent\* bonis temporalibus.

40. Electio Papæ a Cardinalibus a diabolo est introducta.

41. Non est de necessitate, credere Romanam Ecclesiam esse supremam inter alias Ecclesias.

Error est, si per Romanam Ecclesiam intelligat universalem Ecclesiam, aut Concilium generale, aut pro quanto negaret primatum summi Pontificis super alias Ecclesias particulares.

42. Fatuum est credere indulgentiis Papæ & Episcoporum.

43. Juramenta illicita sunt, quæ fiunt ad corroborandum humanos contractus, & commercia civilia.

44. Augustinus, Benedictus, & Bernardus damnati sunt, nisi poenituerint de hoc, quod habuerunt possessiones, & instituerunt, & intraverunt religiones: & sic a Papa usque ad ultimum religiosum, omnes sunt hæretici.

45. Omnes religiones indifferenter introductæ sunt a diabolo.

*Tenor Articulorum Joannis Husz.*

**U**Nica est sancta universalis Ecclesia, quæ est prædestinatorum universitas, & infra sequitur: Universalis sancta Ecclesia tantum est una, sicut tantum unus est numerus omnium prædestinatorum.

2. Paulus numquam fuit membrum diaboli, licet fecit quosdam actus actibus Ecclesiæ malignantium consimiles.

3. Præsciti non sunt partes Ecclesiæ, cum nulla pars ejus finaliter excidet ab ea, eo quod prædestinationis caritas, quæ ipsam ligat, non excidet.

4. Duæ naturæ Divinitas, & Humanitas, sunt unus Christus.

5. Præscitus, etsi aliquando est in gratia secundum præsentem justitiam, tamen nunquam est pars sanctæ Ecclesiæ: & prædestinatus semper manet membrum Ecclesiæ, licet aliquando excidat a gratia adventitia, sed non a gratia prædestinationis.

6. Sumendo Ecclesiam pro convocatione prædestinatorum, sive fuerint in gratia,



tia, sive non secundum præsentem justitiam, isto modo Ecclesia est articulus fidei.

7. Petrus non est nec fuit caput Ecclesiæ Sanctæ Catholicæ.

8. Sacerdotes quilibet criminosè viventes, sacerdotii pollunt potestatem: & sic, ut filii infideles, sentiunt infideliter de septem sacramentis Ecclesiæ, de clavibus, officiis, censuris, moribus, ceremoniis, & sacris rebus Ecclesiæ, veneratione reliquiarum, indulgentiis, & ordinibus.

9. Papalis dignitas a Cæsare inolevit: Papæ præfectio, & institutio a Cæsaris potentia emanavit.

10. Nullus sine revelatione assereret rationabiliter de se vel alio, quod esset caput Ecclesiæ particularis, nec Romanus Pontifex est caput Romanæ Ecclesiæ particularis.

11. Non oportet credere, quod iste quicumque est Romanus Pontifex, sit caput cujuscumque particularis Ecclesiæ sanctæ, nisi Deus eum prædestinaverit.

12. Nemo gerit vicem Christi vel Petri, nisi sequatur eum in moribus, cum nulla alia sequela sit pertinentior, nec aliter recipiat a Deo procuratoriam potestatem, quia ad illud officium Vicariatus requiritur, & morum conformitas, & instituentis auctoritas.

13. Papa non est verus, & manifestus successor Apostolorum Principis Petri, si vivit moribus contrariis Petro: & si querit avaritiam, tunc est vicarius Judæ Scarioth. Et pari evidentia Cardinales non sunt veri, & manifesti successores Collegii aliorum Apostolorum Christi, nisi vixerint more Apostolorum, servantes mandata, & consilia Domini nostri JESU CHRISTI.

14. Doctores ponentes, quod aliquis per censuram Ecclesiasticam emendandus, si corrigi noluerit, sæculari Judicio est tradendus, pro certo sequuntur in hoc Pontifices, Scribas, & Phariseos, qui CHRISTUM non volentem eis obedire in omnibus, dicentes: Nobis non licet interficere quemquam, ipsum sæculari judicio tradiderunt, & quod tales sint homicide graviores quam Pilatus.

15. Obedientia Ecclesiastica, est obedientia secundum adinventionem sacerdotum Ecclesiæ, præter expressam auctoritatem scripturæ.

16. Divisio immediata humanorum operum est, quod sunt vel virtuosa, vel vitiosa: quia si homo est vitiosus, & agit quidquam, tunc agit virtuosè: quia sicut vitium quod crimen dicitur seu mortale peccatum inficit universaliter actus hominis vitiosi, sic virtus vivificat omnes actus hominis virtuosus.

17. Sacerdotes Christi viventes secundum legem ejus & habentes scripture notitiam, & effectum ad edificandum populum, debent prædicare, non obstante prætenso excommunicatione, & infra: Quod si Papa vel aliquis Prælati mandat sacerdoti sic disposi-

to, non prædicare, non debet subditus obedire.

18. Quilibet prædicantis officium de mandato accipit, qui ad sacerdotium accedit: & illud mandatum debet exequi, prætenso excommunicatione non obstante.

19. Per censuras Ecclesiasticas excommunicationis, suspensionis & interdicti, ad sui exaltationem Clerus populum laicalem sibi suppeditat, avaritiam multiplicat, malitiam protegit, & viam præparat Antichristo. Signum autem evidens est, quod ab Antichristo tales procedunt censuræ, quas vocant in suis processibus fulminationes, quibus Clerus principalissime procedit contra illos, qui deudant nequitiam Antichristi, qui Clerum pro se maxime usurpabit.

20. Si Papa est malus, & præsertim præscitus, tunc ut Judas Apostolus est Diabolus, fur, & filius perditionis, & non est caput sanctæ militantis Ecclesiæ, cum nec sit membrum ejus.

21. Gratia prædestinationis est vinculum, quo corpus Ecclesiæ, & quodlibet ejus membrum jungitur Christo capiti insolubiliter.

22. Papa vel Prælati malus & præscitus est æquivoce pastor, & vere fur, & latro.

23. Papa non debet dici sanctissimus, etiam secundum officium, quia alias Rex deberet etiam dici sanctissimus secundum officium, & tortores, & præcones dicerentur sancti, immo etiam diabolus deberet dici sanctus, cum sit officarius Dei.

24. Si Papa vivat Christo contrarie, etiam si ascenderet per rectam & legitimam electionem secundum constitutionem humanam vulgatam, tamen aliunde ascenderet, quam per Christum, dato etiam quod intraret per electionem a Deo principaliter factam: nam Judas Scarioth, rite & legitime est electus a Deo CHRISTO JESU ad Episcopatum, & tamen ascendit aliunde in ovile ovium.

25. Condemnatio quadraginta quinque articulorum Joannis Vicleff per Doctores facta, est irrationabilis & iniusta, & malefacta, & ficta est causa per eos allegata, videlicet ex eo, quod nullus eorum sit Catholicus, sed quilibet eorum aut est hæreticus, aut erroneus, aut scandalosus.

26. Non eo ipso, quo electores vel major pars eorum consenserit viva voce secundum ritum hominum in personam aliquam, eo ipso illa persona est legitime electa, vel eo ipso est verus & manifestus successor vel Vicarius Petri Apostoli, vel alterius Apostoli in officio Ecclesiastico: unde sive electores bene, sive male elegerint, operibus electi debemus credere. Nam eo ipso quo quis copiosius operatur meritorie ad protectum Ecclesiæ, habet a Deo ad hoc copiosius potestatem.

27. Non est scintilla apparentiæ, quod oporteat esse unum caput in spiritualibus regens Ecclesiam, quod semper cum ipsa Ecclesia militante conversetur, & conservetur.

28. Chri-



28. Christus sine talibus monstruosis capitibus per suos veraces Discipulos sparsos per orbem terrarum, melius suam Ecclesiam regularet.

29. Apostoli & fideles sacerdotes strenue Domini in necessariis ad salutem regularent Ecclesiam, antequam Papæ officium foret introductum: sic facerent, deficiente per summe possibile Papa usque ad diem iudicii.

30. Nullus est dominus civilis, nullus est Prælatus, nullus est Episcopus dum est in peccato mortali.

*Tenor interrogatoriorum juxta quæ Hæretici aut de hæresi suspecti interrogari debent.*

1. **S**uper præmissis autem articulis, quilibet de eis suspectus, seu in eorum assertione deprehensus, juxta modum interrogetur infrascriptum: In primis, utrum cognoverit Joannem Vvicleff de Anglia, Joannem Hufz de Bohemia, Hieronymum de Praga, seu aliquem eorum, & unde habuerit eorum notitiam, & utrum cum eis vel eorum aliquo, dum viverent, conversationem vel amicitiam habuerit.

2. Item, utrum sciens ipsos seu aliquem ipsorum excommunicatos, scienter participaverit cum illis reputans & dicens talem participationem non esse peccatum.

3. Item, utrum post mortem eorum, pro eisdem seu aliquo eorum oraverit, & publice vel occulte opera pietatis exercuerit, asserens eos fore beatos, & salvos.

4. Item, utrum eos vel aliquem eorum sanctos reputaverit, & dixerit, & eis venerationes velut sanctis exhibuerit.

5. Item, utrum credat, teneat & asserat, quod quodlibet Concilium generale & etiam Constantiense, universalem Ecclesiam repræsentet.

6. Item, utrum credat, quod illud quod sacrum Concilium Constantiense, Universalem Ecclesiam repræsentans, approbavit, & approbat in favorem fidei & ad salutem animarum, quod hoc est ab universis Christi-fidelibus approbandum, & tenendum, pro condemnato credendum & asserendum.

7. Item, utrum credat quod condemnationes Joannis Vvicleff, Joannis Hufz, & Hieronymi de Praga, factæ de personis eorum, libris, & documentis per sacrum generale Constantiense Concilium, fuerint rite & iuste factæ, & a quolibet Catholico pro talibus tenendæ, & firmiter asserendæ.

8. Item, utrum credat, teneat, asserat Joannem Vvicleff de Anglia, Joannem Hufz de Bohemia, & Hieronymum de Praga, fuisse hæreticos & pro hæreticis nominandos ac reputandos, & libros & doctrinas eorum fuisse & esse perversos, propter quos & quas & per eorum pertinacias, per sacrum Concilium Constantiense pro hæreticis sunt condemnati.

9. Item, utrum habeat in sua potestate aliquos tractatus, opuscula, epistolas, vel quæcumque alia scripta in quocumque idiomate per Joannem Vvicleff, Joannem Hufz,

& Hieronymum hæreticos, seu eorum pseudodiscipulos, & sequaces editos, vel translatos, edita vel translata, quod illos vel illa Ordinario loci, vel ejus Commissario seu Inquisitori sub juramento præsentet. Quod si apud se scripta hujusmodi se habere non cognoverit, sed alibi, quod juret illa circa suum Ordinarium vel alios supradictos infra certum terminum sibi præfigendum deponere.

10. Item, utrum sciat aliquem vel aliquos habentes præfatorum tractatus, opuscula, epistolas, vel quæcumque alia scripta in quocumque idiomate composita sive translata, quod illum vel illos detegat, vel manifestet, pro purificatione fidei sive executione justitiæ.

11. Item specialiter literatus interrogetur, utrum credat sententiam sacri Constantiensis Concilii super quadraginta quinque Joannis Vvicleff, & Joannis Hufz triginta articulis superius descriptis, latam, fore veram, & catholicam, scilicet, quod supradicti quadraginta quinque articuli Joannis Vvicleff, & Joannis Hufz triginta non sunt catholici, sed quidam ex eis sunt notorie hæretici, quidam erronei, alii temerarii, & seditiosi, alii piarum aurium offensivi.

12. Item, utrum credat & asserat, quod in nullo casu sit licitum jurare.

13. Item, utrum credat, quod ad mandatum judicis juramentum de veritate dicenda, vel quodlibet aliud ad causam opportunum, etiam pro purificatione infamiæ facendum, sit licitum.

14. Item, utrum credat, quod perjurium scienter commissum, ex quacumque causa vel occasione, pro conservatione vitæ corporalis propriæ vel alterius, etiam in favorem fidei, sit peccatum mortale.

15. Item, utrum credat, quod deliberato animo contemnens ritum Ecclesiæ, caeremonias Exorcismi, & Cathechismi, Aquæ baptismatis consecratæ, peccet mortaliter.

16. Item, utrum credat, quod post consecrationem sacerdotis in sacramento Altaris sub velamento panis, & vini non sit panis materialis, & vinum materiale, sed idem per omnia CHRISTUS, qui fuit in cruce passus, & sedet ad dexteram Patris.

17. Item, utrum credat & asserat, quod facta consecratione per sacerdotem, sub sola specie panis tantum, & præter speciem vini, sit vera caro CHRISTI, & sanguis, & anima, & deitas, & totus CHRISTUS, ac idem corpus absolute, & sub una qualibet illarum specierum singulariter.

18. Item, utrum credat, quod consuetudo communicandi personas laicales sub specie panis tantum, ab Ecclesia universali observata, & per sacrum Concilium Constantiæ approbata, sit servanda, sic quod non liceat eam reprobare, aut sine Ecclesiæ auctoritate pro libito immutare. Et quod dicentes pertinaciter oppositum præmissorum,



rum, tamquam hæretici vel sapientes hæresim, sint arcendi, & puniendi.

19. Item, utrum credat, quod Christianus contemnens susceptionem sacramentorum Confirmationis, vel extremæ unctionis, aut solemnizationis Matrimonii peccet mortaliter.

20. Item, utrum credat, quod Christianus ultra contritionem cordis, habita copia sacerdotis idonei, soli sacerdoti de necessitate salutis confiteri teneatur, & non laico seu laicis quantumcumque bonis, & devotis.

21. Item, utrum credat, quod sacerdos in casibus sibi permixtis, possit peccatorem confessum, & contritum a peccatis absolvere, & sibi poenitentiam iniungere.

22. Item, utrum credat, quod malus sacerdos cum debita materia, & forma, & cum intentione faciendi quod facit Ecclesia, vere conficiat, vere absolvat, vere baptizet, & vere conferat alia sacramenta.

23. Item, utrum credat, quod B. Petrus fuerit Vicarius Christi, habens potestatem ligandi, & solvendi super terram.

24. Item, utrum credat, quod Papa canonice electus, qui pro tempore fuerit ejus nomine proprio expresso, sit successor B. Petri habens supremam auctoritatem in Ecclesia Dei.

25. Item, utrum credat auctoritatem jurisdictionis Papæ, Archiepiscopi & Episcopi in solvendo, & ligando, esse majorem auctoritate simplicis sacerdotis, etiam si curam animarum habeat.

26. Item, utrum credat, quod Papa omnibus Christianis vere contritis, & confessis, ex causa pia, & iusta possit concedere indulgentias in remissionem peccatorum, maxime pia loca visitantibus, & ipsis manus suas porrigentibus adiutrices. Et utrum credat, quod ex tali concessione visitantes Ecclesias ipsas, & manus adiutrices eis porrigentes, hujusmodi indulgentias consequi possint.

27. Item, utrum credat, quod singuli Episcopi suis subditis secundum limitationem sacrorum Canonum hujusmodi indulgentias concedere possint.

28. Item, utrum credat, & asserat, licitum esse Sanctorum reliquias, & imagines a Christi fidelibus venerari.

29. Item, utrum credat, quod Papa vel alius Prælatus propriis nominibus Papæ pro tempore expressis, vel ipsorum Vicarii, possint suum subditum ecclesiasticum sive sæcularem, propter inobedientiam sive contumaciam excommunicare, ita quod talis pro excommunicato sit habendus.

30. Item, utrum credat, quod inobedientia sive contumacia excommunicatorum crescente, Prælati vel eorum Vicarii in spiritualibus, habeant potestatem aggravandi, & reaggravandi, interdictum ponendi, & brachium sæculare invocandi, & quod illis censuris per inferiores sit obediendum.

31. Item, utrum credat, quod Papa vel alii Prælati & eorum Vicarii in spiritualibus habeant potestatem sacerdotes, & laicos inobedientes, & contumaces excommunicandi, ab officio, beneficio, ingressu Eccle-

*Bull. Rom. Tom. III. Pars II.*

się, & administratione ecclesiasticorum sacramentorum suspendendi.

32. Item, utrum credat, quod liceat personis Ecclesiasticis absque peccato, hujus mundi habere possessiones, & bona temporalia.

33. Item, utrum credat, quod laicis ipsa ab eis auferre potestate propria non liceat, immo quod sic auferentes, tollentes & invadentes bona ipsa Ecclesiastica, sint tamquam sacrilegi puniendi, etiam si male viverent personæ Ecclesiasticæ bona hujusmodi possidentes.

34. Item, utrum credat, quod hujusmodi ablatio, & invasio cuicumque sacerdoti, etiam male viventi, temere vel violenter facta, vel illata, inducant sacrilegium.

35. Item, utrum credat, quod liceat laicis utriusque sexus, viris scilicet & mulieribus, libere prædicare verbum Dei.

36. Item, utrum credat, quod singulis sacerdotibus libere liceat prædicare verbum Dei, ubicumque & quandocumque placuerit, etiam si non sint missi.

37. Item, utrum credat, quod omnia peccata mortaliter, & specialiter manifesta, sint publice corrigenda, & extirpanda.

§. 12. Volumus insuper ac statuimus & decernimus, quod si quis per secretam informationem per vos recipiendam, vel alias repertus fuerit infamatus, seu suspectus de quacumque specie hæresis, pestiferæ sectæ, vel doctrinæ pestilentium Joannis Vvicleff, Joannis Hus, & Hieronymi de Praga, hæresiarum prædictorum aut de fovendo, receptando, defendendo præfatos damnatos homines, dum viverent in humanis, vel ipsorum perfidos sequaces & pseudodi scipulos aut ipsorum erroribus credendo, pro ipsis defunctis vel aliquo ipsorum post obitum orando, vel inter Catholicos nominando & defendendo, vel ipsos ut sanctos colendo, prædicando, vel adorando, vel alias circa eos suspecte agendo, citetur per vos seu alterum vestrum, personaliter coram vobis seu altero vestrum compariturus, semotis procuratore, & avvocato, responsurus medio juramento per ipsum sic (ut prædictum est) corporaliter præstito de plena & mera veritate dicenda super prædictis articulis seu eorum singulis vel aliis opportunis, secundum exigentiam casus & occurrentium circumstantiam ad arbitrium vestrum, & prout vobis seu alteri vestrum videbitur expedire, vel alias contra eosdem ipsorum singulos prout præsentibus exprimitur vel alias canonice procedatis.

§. 13. Necnon præsentibus litteras, exclusis articulis & interrogatoriis superius positis, atque omissis, in civitatibus dioecesibus, terris & locis aliis, ubi tute fieri poterit, auctoritate nostra solemniter publicetis & publicari faciatis, omnes & singulos hæreticos hujusmodi, necnon sectatores ipsarum hæresum & errorum utriusque sexus, tuentes, & etiam defendentes eosdem, aut hæreticis ipsis quomodolibet publice, vel oc-

De modo procedendi contra infamatos, vel suspectos de hæresi.

De hac publicanda Constitutione: & denunciandis excommunicatis hujusmodi hæreticos &c. defendentes &c.



culte in divinis vel alias participantes, etiam si Patriarchali, Archiepiscopali, Episcopali, regali, reginali, ducali, aut alia quavis Ecclesiastica, vel mundana præfulgeant dignitate; necnon advocatos & procuratores quoslibet, qui hæreticos hujusmodi aut eorum credentes, sequaces, fautores, defensores, & receptatores super crimine hæresis aut credulitatis, sequele, fautorie, defensionis & receptationis hujusmodi defenderint, excommunicatos singulis diebus Dominicis & festivis in præsentia populi nuncietis, et per alios nunciari faciatis.

§. 14. Et nihilominus contra eosdem omnes, et singulos utriusque sexus, hujusmodi errores tenentes, approbantes, defendentes, dogmatizantes, ac fautores, et receptatores, et defensores eorumdem exemptos, et non exemptos, et quemlibet ipsorum, cujuscumque dignitatis, status, præminentie, gradus, ordinis vel conditionis (ut præfertur) existant, auctoritate nostra diligenter inquirere studeatis, et eos, quos per inquisitionem hujusmodi diffamatos, vel per confessionem eorum seu per facti evidentiam, vel alias hujusmodi hæresis et erroris labe resperfos reperietis, auctoritate prædicta etiam per excommunicationis, suspensionis et interdicti, necnon privationis dignitatum, personatum et officiorum aliorumque Beneficiorum Ecclesiasticorum ac feudorum, quæ a quibuscumque Ecclesiis, Monasteriis, ac aliis locis Ecclesiasticis obtinent, ac etiam honorum et dignitatum secularium, ac graduum scientiarum quarumcumque facultatum, et per alias poenas, sententias, et censuras Ecclesiasticas, ac vias et modos, quos ad hoc expedire seu opportunos esse videritis, etiam per captiones, et incarcerationes personarum, et alias penas corporales, quibus hæretici puniuntur seu puniri jubentur, aut solent juxta canonicas sanctiones. Similiter vel clericos ipsos et ecclesiasticas personas, usque ad degradationem inclusive, si eorum culpa ac pertinacia vel rebellio id exigat aut requirat, corrigatis, et puniatis ac diligenter corrigi, et puniri faciatis. Necnon contra eosdem & ipsorum, laicorumque bona secundum canonicas sanctiones, et legales contra hæreticos, et eorum sequaces editas, quibus eosdem sectatores sive sequaces subjacere decernimus, animose confurgatis juxta modum et formam supradictos. Et qui de præmissis hæresibus vel articulis, vel aliquo præmissorum infamati fuerint, ad arbitrium vestrum se purgare teneantur. Alii vero, qui per testes seu propriam confessionem vel alias legitimas probationes convicti fuerint de præmissis hæresibus vel articulis vel aliquo præmissorum, eosdem articulos, et errores solemniter, et publice revocare, abiurare, penitentiam condignam, etiam ad immurationem (si delictum exegerit) subire cogantur. Necnon quod errores, et hæreses hujusmodi cujuscumque generis vel speciei censeantur, de cetero verbo, nutu vel facto non fovebunt, seu alios ad credendum illis verbo de facto, publice, vel

occulte, directe, vel indirecte; aut alio quovis modo inducent, sufficientem & idoneam cautionem præstare teneantur. Quod si forsan eosdem articulos solemniter & publice revocare & abiurare, & penitentiam condignam, etiam ad immurationem perpetuam vel temporalem juxta vestre discretionis arbitrium sine dilatione subire, ac sufficientem cautionem, quod errores, & hæreses ipsas de cetero non tenebunt, nec fovebunt, nec alios ad credendum vel verbo, vel facto publice, vel occulte, directe, vel indirecte, vel quovis quæsito colore inducent, præstare, seu aliquod præmissorum facere noluerint, ex tunc contra ipsos juxta qualitatem errorum ad delictorum suorum, etiam (si expediat) tamquam contra hæreticos, aut hæretica labe resperfos, auctoritate nostra juxta canonicas, & legales sanctiones summarie, & simpliciter ac de plano sine strepitu, & figura judicii, & etiam ex officio, appellatione, seu appellationibus quibuscumque cessantibus, procedatis, ac ipsos juxta easdem canonicas traditiones puniatis, etiam si opus fuerit curie seculari relinquendo: Contra dictores per censuram Ecclesiasticam, appellatione postposita, compescendo, invocato ad hoc (si opus fuerit) auxilio ejusdem brachii secularis.

§. 15. Non obstantibus tam felic. record. Bonifacii Papæ Octavi prædecessoris nostri, qua cavetur, ne quis extra civitatem, & diocesim suam, nisi in certis exceptis casibus, & in illis ultra unam dietam a fine sue diocesis ad judicium evocetur, seu ne iudices a Sede Apostolica deputati, extra civitatem, & diocesim in quibus deputati fuerint, contra quoscumque procedere, sive alii vel aliis vires suas committere, aut aliquos ultra unam dietam a fine diocesim eorumdem trahere præsumant, & de duabus dietis in Concilio generali, quam aliis quibuscumque constitutionibus Romanorum Pontificum, tam a iudicibus delegatis, quam personis ultra certum numerum ad judicium non vocandis, aut aliis editis, quæ possint in hac parte vestre jurisdictioni aut potestati, ejusque libero exercitio quomodolibet obviare, seu si aliquibus communiter, vel divisim ab eadem sit Sede indultum, quod interdicti, suspendi, vel excommunicari, seu ultra, vel extra loca ad judicium evocari non possint per literas Apostolicas non facientes plenam & expressam, ac de verbo ad verbum de indulto hujusmodi, & eorum personis, locis, & ordinibus, & nominibus propriis mentionem, & qualibet alia dictæ Sedis indulgentia generali, vel speciali, cujuscumque tenoris existat, per quam præsentibus non expressam, vel totaliter non insertam, vestre jurisdictionis explicatio in hac parte valeat quomodolibet impediri & de qua, cujusque toto tenore de verbo ad verbum in nostris literis habenda sit mentio specialis.

Datum Constantiæ, octavo Kal. Martii, Pontificatus nostri Anno Primo.

Obstantibus  
quibuscum-  
que deroga-  
tur.

Dat. die 22.  
Febr. 1418.  
An. I.

Con-

De penis con-  
tra hujusmodi  
errores tenen-  
tes, dogmati-  
zantes &c.

De modo ab-  
jurandi.



## II.

Contra impediētes executionem literarum  
Apostolicarum, prætextu concessionis, vel  
indulti Urbani VI.

Martinus Episcopus, Servus Servorum Dei.  
Ad futuram rei memoriam.

Præmium.

**Q**uod antidota morbis, hoc præstare  
solent statuta negotiis; sed plerum-  
que contingit, ut quod profuturum putaba-  
tur iudicio, noxium inveniatur experi-  
mento.

Quæ fuerit  
Urbani VI.  
concessio.

§. 1. Sane, cum dudum in exordiis pesti-  
feri, & antiquati schismatis, jam per Dei  
gratiam extincti, ad tollendum scandala,  
quæ propter executionem diversarum litera-  
rum, quæ ab iis, qui pro Romanis Pontifici-  
bus in diversis obedientiis se gerebant, in  
nonnullis partibus oriebantur, Urbanus Se-  
xtus in sua obedientia nuncupatus, concessit  
quibusdam Prælati, quod in eorum civi-  
tatibus, & diœcesibus non posset fieri execu-  
tio aliquarum literarum Apostolicarum nisi  
prius huiusmodi literæ Prælati ipsis, vel eo-  
rum officialibus ad hoc deputatis exhiberen-  
tur, & per ipsos approbata forent.

Quæ malâ in-  
de provenie-  
runt.

§. 2. Verum, quia etiam deinde, ipsi  
Prælati, seu officiales in consuetudinem tra-  
xerunt, & aliqui prætextu statutorum Pro-  
vincialium, seu Synodaliū similiter servant,  
& servari faciunt, quod literas Apostolicas,  
nullus exequi audeat, nisi postquam Prælati,  
seu officiales ipsi per suas literas, quas, Vi-  
dimus, seu Placet, nuncupant, mandant,  
& concedunt, quod possint exequi per iudi-  
ces in eis deputatos, propter quod executio  
literarum Apostolicarum plus debito ple-  
rumque retardata fuit, & sæpe ipsæ literæ  
Apostolicæ executione caruerunt totaliter  
in gravem iniuriam Sedis Apostolicæ, &  
enorme impetrantium præiudiciū, & gra-  
vamen.

Illam conces-  
sionem revo-  
cat Martinus.

§. 3. Nos igitur censes rationi conso-  
num, ut quod huiusmodi schismatis calami-  
tas introduxit, pacis tempore auferatur,  
concessionem prædictam & quæcumque statu-  
ta, circa præmissa quomodolibet facta, au-  
thoritate Apostolica, tenore præsentium hoc  
sacro Constantiense approbante Concilio, re-  
vocamus, cassamus, & etiam annullamus.  
Ac volumus, & decernimus, quod iudices,  
& executores quibuscumque in literis Apo-  
stolicis deputati, & deputandi, & alii qui-  
cumque ad quos spectabit, necnon notarii, &  
tabelliones super iis requisiti, vel requiren-  
di, absque huiusmodi litera, Vidimus, seu  
Placet, nuncupata, ac etiam licentia, vel  
assensu quorumcumque Prælatorum, Pa-  
triarchali, aut alia quavis dignitate insigni-  
torum, & locorum ordinariorum, aut offi-  
cialium eorundem, libere huiusmodi literas  
Apostolicas exequi debeant, atque possint.

Literasque  
Apostolicas  
libere vult  
executioni  
mandari.

§. 4. Nos enim eadem auctoritate decer-  
nimus omnes, & singulas sententias, quas præ-  
dicti Prælati, & scriptores, aut eorum offi-  
ciales contra huiusmodi iudices, vel execu-

Bull. Rom. Tom. III. Pars II.

tores, seu impetrantes propter excommu-  
nicationes huiusmodi per eos faciendas for-  
san inflixerint, & promulgaverint, irritas, &  
inanes, ac nullius existere roboris, vel mo-  
menti.

§. 5. Necnon quemcumque, qui contra  
præmissa aliquid attentare præsumpserit, ab  
exercitio jurisdictionis Ecclesiasticæ per tres  
menses, ipso facto suspensum. Nulli ergo &c.  
Si quis autem &c.

Secusque  
agente debi-  
tis coercet  
penis.

Datum Constantiæ, secundo Kal. Maii,  
Pontificatus nostri Anno Primo.

Dat. die 30.  
Aprilis 1418.  
An. I.

## III.

Ordinis Mendicantium Professoribus qui-  
busvis ad alios, quam Carthusien. Ordin-  
em, transitum absque Sedis Apostolicæ  
licentia speciali interdicat.

Ex Regest.  
Vatic.

Martinus Episcopus, Servus Servorum Dei.  
Ad futuram rei memoriam.

§. 1. **V**iam ambitiosæ cupiditati Reli-  
giosis potissime Mendicantibus  
præcludere cupientes, ad alios Ordines præ-  
sertim Monasticos fucatis tamen coloribus  
asserentibus ob frugem melioris vitæ, aut  
arctioris observantiæ tam Sancti Benedicti,  
quam Cisterciensis, Camaldulensis, Vallis  
umbrosæ, Canonorum Regularium Sancti  
Augustini, vel aliorum Monasticorum Or-  
dinum convolare nitentibus licentiam a Sede  
Apostolica, seu Legatis, aut Nuntiis ejus-  
dem Sedis de transferendo se a Mendican-  
tium Ordinibus, ea ratione præsertim, ut ve-  
rissimiliter, prout facti evidentia docet, est  
putandum, quod liberius degant, Dignitates-  
que, & Beneficia Monastica consequi valeant,  
& ex certis aliis causis honestati non consonis  
obtinentibus, ac volentes conservationi Or-  
dinum Mendicantium etiam providere au-  
thoritate Apostolica ex certa scientia tenore  
præsentium declaramus ac decernimus, sta-  
tuentes quod de cætero nullus Religiosus de  
Ordinibus Mendicantium quorumcumque cu-  
juscumque status, conditionis, vel Religio-  
nis existat, quomodocumque aut qualiter-  
cumque possit, vel debeat virtute cujuscum-  
que licentiæ, ac indulti Apostolici, seu Pe-  
nitentiariæ nostræ curam gerentis, vel alia  
quavis auctoritate hætenus etiam per Bullas  
Apostolicas facultatum quarumvis tam Le-  
gatorum & Nuntiorum Sedis præfatæ, necnon  
Penitentiariæ huiusmodi pro tempore curam  
gerentis, quam aliorum quorumcumque sub  
quavis potestate, aut auctoritate maxime de  
transferendis fratribus, aut aliquibus præser-  
tim Ordinum Mendicantium Professoribus in  
genere vel in specie ab Ordinibus huiusmodi  
Mendicantium ad Monasticos sub quacum-  
que verborum conceptione appareant ad-  
mitti aut recipi per aliquos, etiam superio-  
res Ordinis, seu Monasterii, aut loci Mona-  
stici, seu alias in Monachum, vel in fratrem  
alicujus ex Ordinibus Monasticis supradictis,  
vel aliis expressis, & non expressis Ordine

Ordinum  
Mendicantiū  
Professoris ad  
alios Or. lines,  
Carthusienſi  
excepto, tran-  
ſire prohibet.

H h h 2

Car-



Carthusiensi dumtaxat excepto, sub pena excommunicationis, in quam tam recipientes, quam recepti ipso facto incurrant, & quam ex nunc prout ex tunc contra quemlibet transgressorem quomodolibet in præmissis scientia, & auctoritate præfatis proferimus in his scriptis, & a nemine, nisi dumtaxat a Romano Pontifice, præterquam in mortis articulo excommunicati hujusmodi possint absolutionis beneficium quomodolibet obtinere.

Secus ista irritat.

§. 2. Et nihilominus secus vel aliter facta non teneant, & nullius existant efficaciam, roboris, vel momenti.

Quemque in Ordine, in quo novam emisit professionem stare præcipit.

§. 3. Decernentes etiam, & volentes, quod si quis hætenus virtute cujusvis licentiam, seu indulti hujusmodi fuisset receptus ad aliquem Monasticum Ordinem, & habitum consuetum gestari per Monachos talis Ordinis suscepisset, sive professionem emisisset, sive non, sub dicta pena teneatur in Monasterio, in quo receptus fuit, etiam si Beneficia Ecclesiastica, seu Rectorias Ecclesiarum quarumvis obtineat, stare in ejus totali vocatione in hujusmodi Ordine Monastico, & altissimo deservire,

Vagos autem ad suam religionem vult remeare.

§. 4. Si quis autem prætextu hujusmodi licentiam cum habitu, vel sine, quomodolibet vagando incederet, monitione prævia teneatur, & debeat infra terminum quindecim dierum a die monitionis hujusmodi computandorum, ad ejus Religionem & Ordinem, unde cum licentia, vel sine, recesserat, remeare: quod si efficere neglexerit post ipsum terminum, tanquam notorius Apostata, & excommunicatus in omnibus, & per omnia debeat per quemlibet reputari, & tractari, etiam per invocationem Brachii Sæcularis, quoties fuerit opportunum.

Hunc vero transitum fieri in posterum vetat.

§. 5. In futurum autem nullus ex professoribus alicujus ex Ordinibus Mendicantium hujusmodi ad aliquem Monasticum Ordinem Carthusiensi dumtaxat excepto, possit aut debeat per quemcumque recipi, vel admitti virtute alicujus licentiam vel indulti absque Sedis ejusdem licentia speciali sub dictis penis: Et nihilominus secus facta non teneant ipso jure.

Obstantibus derogat.

§. 6. Hujusmodi licentiis & indultis, necnon Constitutionibus Apostolicis & Mendicantium Ordinum prædictorum, etiam si de his specialis, & expressa, ac de verbo ad verbum in nostris literis mentio habenda foret, & aliis contrariis non obstantibus quibuscunque,

Dat. die 29. Julii 1418. An. I.

§. 7. Nulli ergo omnino hominum liceat hanc paginam nostræ declarationis, decreti, statuti, prolationis, & voluntatis infringere &c.

Datum Gebennis, Quarto Kalendas Augusti Anno Primo.

## IV.

De Officio, & Qualitatibus Scriptorum, & Abbreviatorum literarum Apostolicarum; Custodisque Cancellariarum, ac Examinatorum, Bullatorum, & Registratorum; Auditorumque, Procuratorum, & Notariorum Rotæ, & Advocatorum Consistorialium.

Martinus Episcopus Servus Servorum Dei.  
Ad perpetuam rei memoriam.

**I**N Apostolicæ dignitatis specula super gregem dominicum licet immeriti constituti, injunctum nobis desuper Apostolatus officium, debite, ut tenemur, exequi coadiuvante Domino cupientes, ad ea libenter nostræ dirigimus considerationis intuitum, ut diligenter conspiciamus, quæ reipublicæ utilitatem respiciunt, & commodum, ut per nostræ provisionis auxilium, evellantur vitia, plantentur virtutes, destruantur iniqua, & reedificentur honesta, ac prava transeant in directa, & sublatis deformibus, reluceant debitæ reformationis decor, & pulchritudo, ut totius æquitatis, & justitiæ exinde proveniant incrementa.

Exordium.

§. 1. Sane licet fel. rec. Joannis XXII. Benedictus XII. & Gregorius XI. Romani Pontifices prædecessores nostri, necnon de mandato Apostolico nonnulli Auditores Audientiæ contradictarum literarum Apostolicarum, & demum bonæ memoriæ Gaufridus Episcopus Cabillonensis, & Petrus tunc electus Vivariensis diocesis audientiæ Auditores nonnullas constitutiones, & ordinationes regimen, & gubernationem officialium, ac officiorum Cancellariarum, & Poenitentiariarum Apostolicarum, necnon prædictarum contradictarum, & causarum Palatii Apostolici audientiarum, & aliorum in Romana Curia Judicum, seu Commissariorum, eorumque Notariorum, necnon Advocatorum Consistorialium, & Procuratorum in audientia prædictis, concernentes laudabiliter ediderint; Quia tamen hujusmodi crescente malitia postmodum aut debite non observata, aut additionibus utilibus indigere noscuntur; Nos igitur super hoc intendentes, prout ex debito pastoralis officii nobis injuncti licet immeriti obligamur, laudabiliter, & utiliter providere, tenore præsentium præfatas constitutiones, & ordinationes, (quas hic haberi volumus pro expressis) auctoritate apostolica tenore præsentium innovantes, ac eas cum additionibus infra scriptis præcipientes firmiter observari, eadem auctoritate statuimus, & etiam ordinamus.

Prædecessorum Pontificum editas hæc de re constitutiones confirmans.

§. 2. Quod si Notarii Apostolici, ac eorum Abbreviatores, & alii in justitia, & etiam gratia literarum Apostolicarum Abbreviatores taxam nimiam pro minutis suis petierint, ac etiam si literæ Apostolicæ excessive taxatæ fuerint, super excessibus hujusmodi per partes ad Vicecancellarium aut

De non exigendo ultra taxam,



Pena præter  
taxam exi-  
gentibus infi-  
genda.

aut de mandato suo, vel ipso absente ad  
ejus Locumtenentem, seu Præsidentem in  
Cancellaria prædicta habeatur recursus, qui  
deliberatione habita cum Abbreviatoribus  
Assistentibus eidem Vicecancellario in ex-  
peditione literarum Apostolicarum in Can-  
cellaria, & aliis de quibus sibi videbitur in  
hoc peritis, excessus prædictos ad debitam  
reducant moderationem, ac medietatem  
hujus quod excessive petierint, a scriptori-  
bus, vel Abbreviatoribus, qui illud petierint,  
necnon taxatoribus literarum earum, qui  
illas sic excessive taxaverint, exigant, in-  
usus Cappellæ Scriptorum prædictorum, aut  
alia pia opera convertendum. Quodque  
Notarii prædicti pro minutis literarum pro-  
visionum Patriarchalium, Metropolitanarum,  
ac aliarum Cathedralium Ecclesiarum,  
& Monasteriorum quorumcumque  
Consistorialiter factarum, cum aliæ non  
pertineant ad ipsos, recipere valeant, si-  
cut plus, vel minus pro communi servitio  
solvitur ab eisdem, videlicet pro primo  
centenario florenorum communis servitii ul-  
tra quinque, & pro quolibet alio similium  
florenorum centenario, si plura sint ultra  
unum, & si servitium hujusmodi ad centum  
florenos non ascenderit, pro quolibet decen-  
nario numero florenorum hujusmodi, ultra  
medium florenum nullatenus recipiant, vel  
exigant quocumque quæsito colore, alioquin  
eorum quemlibet poenas in dictarum litera-  
rum Abbreviatores plus debito a minutis  
quas faciunt exigentes latas inferius, de-  
claratas incurrere volumus ipso facto. Quod  
si eorum, & cujuscumque alterius Abbrevia-  
toris culpa literæ, quarum fecerint minutas,  
& pro quibus salaria seu emolumenta reci-  
piunt, fuerint rescribendæ, eorum sive illius  
expensis rescribantur, qui fuerint vel fuerit in  
culpa, sub poenis infra dictis. Et insuper cum  
præfati Notarii expertos, & sufficientes habe-  
re debeant Abbreviatores, quandoque reci-  
piunt in arte Abbreviatoria minus expertos,  
ex quibus secuta sunt quandoque detrimenta  
atque damna, statuimus, quod nullus di-  
ctorum Notariorum aliquem in suum Ab-  
breviatorem recipere valeat neque possit,  
nisi primitus ad id per assistentes Vicecan-  
cellario in expeditione literarum Apostolica-  
rum, & alios quibus sibi videbitur, Abbrevia-  
tores in minutis super ipsis de justitia forman-  
dis experti & sufficientes reperti fuerint, &  
etiam approbati.

De literis re-  
scribendis, &  
pena erran-  
tium in scri-  
bendo, vel  
Abbreviando.

§. 3. Statuimus, & etiam ordinamus,  
quod si litera fuerit in Cancellaria rescri-  
benda judicata, quod infra tres dies natu-  
rales, a die requisitionis partis prosequen-  
tis, aut sollicitatoris expeditionis ejusdem,  
ille cujus culpa judicata fuerit rescribenda,  
expensis suis propriis sine quocumque alio  
salario quantumcumque modico, etiam gra-  
tis oblato, teneatur rescribere, aut rescribi  
facere, sub poena suspensionis ab officio scri-  
ptoriæ literarum prædictarum, & ingressu  
Cancellariæ, si Scriptor fuerit literarum  
prædictarum quadraginta dierum continuo-  
rum tempore, nec interim literam alicujus  
taxæ sibi distribuat Distributor, sive Refe-

rendarius literarum earundem sub excom-  
municationis poena, quam si contrarium  
faciat scienter, incurrat ipso facto, a qua  
absolui non possit, nisi a Romano Pontifice,  
prius satisfacto realiter, & cum effectu par-  
ti læsæ de damnis & interesse, & tres ducatos  
solvat applicandos eidem Cappellæ  
Scriptorum literarum prædictarum pro pœ-  
na. Si vero fuerit abbreviator, similiter  
compellatur literam facere scribi infra præ-  
dictum terminum, sub poena suspensionis ab  
ejus officio, & ejus ingressu Cancellariæ per  
tres menses, quo suspensionis tempore du-  
rante nihil sibi distribuat Vicecancellarius,  
Quod si inadvertenter, vel alias Vicecan-  
cellarius quicquam sibi distribuat, & ipse  
recipiat hujusmodi suspensionis tempore du-  
rante ipso facto sententiam excommunica-  
tionis incurrat, a qua nullo modo possit ab-  
solui, nisi a Romano Pontifice, prius satis-  
facto parti læsæ de damnis, & interesse,  
& donec realiter solverit tres ducatos con-  
vertendos ut præfertur, & ad reiterationem  
delicti sive excessus locum habeat multipli-  
catio poenæ.

§. 4. Et quod nulli ex Scriptoribus præ-  
dictis, qui per se ipsum ejus officium scri-  
ptoriæ literarum prædictarum personaliter  
non exercet, aut non valet exercere, quic-  
quam distribuatur, aut aliquod ex eodem  
officio percipiat emolumentum, nisi causa  
infirmittatis, aut alio legitimo extiterit im-  
pedimento detentus, quo casu cum eo possit  
per Vicecancellarium prædictum per literas  
ejusdem causam distributionis continentes  
prius in ipsa Cancellaria publicandas, ad  
tempus, de quo sibi videbitur dispensari. Quod-  
que de cætero nullus hujusmodi officium Scri-  
ptoriæ prædictæ cum officio poenitentiariæ li-  
terarum valeat retinere, & si quis hoc at-  
tentare præsumpserit, utroque privatus exi-  
stat ipso facto.

De Distribu-  
tionibus ab-  
sentibus non  
dandis.

§. 5. Illi quoque qui hujusmodi Abbre-  
viaturæ, vel Scriptoriæ Apostolicarum, cum  
officio Scriptoriæ Poenitentiariæ literarum  
prædictarum insimul nunc obtinent, infra de-  
cimam diem proxime futuram hujusmodi offi-  
cium Poenitentiariæ, vel Scriptoriæ literarum  
dimittere teneantur. Alioquin si contrarium  
fecerint, poenam incurrant proxime dictam.

Scriptoria  
Cancellariæ,  
& Scriptoria  
Poenitentiariæ  
incompatibi-  
les.

§. 6. Sane cum deceat Abbreviatores  
literarum prædictarum assistentes Vicecan-  
cellario, aut Locumtenenti, seu Præsiden-  
ti prædictis in hujusmodi literarum in Can-  
cellaria prædicta expeditione, Abbreviaturæ  
literarum ipsarum officio fore sufficientes,  
& expertos, ac etiam circumspectos, pru-  
dentes, & probos, similiter statuimus, &  
ordinamus, quod nullus de cætero ad assi-  
stendum prædicto Vicecancellario, seu Lo-  
cumtenenti, vel Præsidenti in literarum Apo-  
stolicarum expeditione, nisi per dictam  
majorem partem Abbreviatorum, conti-  
nuantium Cancellariam antedictam primi-  
tus examinatus fuerit, & ad id repertus  
sufficiens, & etiam approbatus, nullatenus  
admittatur.

De Assistenti-  
bus prævio  
examine pro-  
bandis.

§. 7. Et quod prædicti Assistentes hora  
super hoc per Vicecancellarium prædictum depu-

Cancellariæ  
Officiales sin-  
gulis diebus  
in ea præsen-  
tes esse de-  
bent.



deputanda, singulis diebus, quibus ipsa Cancellaria tenebitur, ad eam venire, & in ipsa quando tenta fuerit, residere debeant, nec interim ab ipsa recedere possint cessante excusatione legitima, quam eidem Vicecancellario, aut Locumtenenti, seu Præsidenti, si presentes fuerint, vel in eorum absentia prædictis Assistentibus exprimere debeant, vel jurare se legitimam excusationem habere, nisi super hoc a Vicecancellario, vel Locumtenente licentiam habuerint specialem. Quodque singuli Assistentium prædictorum, qui post tertiam partem horæ prædictæ venerint, sex, & similiter qui ante dictam Cancellariam finitam recesserint, sex alios, qui vero eadem die ad dictam Cancellariam non venerint, duodecim grossos Turonenses singulis diebus, quibus hæc commiserint, Capellæ Scriptorum prædictorum pro pœna contemptus, statuti, & ordinationis nostræ hujusmodi, infra tres dies tunc immediate sequentes solvere sint adstricti, nec ob id appellantes, nisi prius satisfacto de principali, & expensis, si quæ inde factæ fuerint, ad hujusmodi appellationis prosecutionem quomodolibet admittantur. Similiter idem per alios Abbreviatores sufficientes ad continuandum eandem Cancellariam per Assistentem prædictos ex aliis Abbreviatoribus eligendos, necnon in officialibus dictæ Cancellariæ, sub similibus pœnis volumus observari.

§. 8. Statuimus insuper, & etiam ordinamus, quod Senescallus dictæ Cancellariæ qui Custos nuncupatur, juramentum in manibus dicti Vicecancellarii in sua primaria receptione ad officium senescalliæ Cancellariæ prædictæ, necnon singulis annis de hujusmodi officio fideliter exercendo, & alias juxta formam juramenti prædicti per nos noviter appositam, & in libro Cancellariæ infra scriptam præstare teneatur. Quodque ipse in quibuscumque literis de gratia, diem receptionis earundem, qua sibi in dicta Cancellaria præsentabuntur, scribat, & pro scriptura hujusmodi nihil recipiat etiam gratis oblatum, literasque prædictas secundum ordinem receptionis earundem sine fraude in expeditione præsentet expediendas. Nec literas, rotulos, ac supplicationes in literarum expeditione traditas vel traditos, ante vel post nostrarum literarum expeditionem in dicta Cancellaria, celabit vel occultabit, aut malitiose retinebit, seu earundem literarum expeditionem differet, aut retardabit per se, vel alium, seu alios, contra ordinem superscriptum. Quod si contrarium scienter fecerit, eo ipso sententiam excommunicationis incurrat, a qua absolui non possit nisi a Romano Pontifice, præterquam in mortis articulo constitutus. Quodque si Senescallus prædictus contra hujusmodi suum juramentum fraude vel dolo aliqua fecisse reperiatur, sit dicto officio eo ipso privatus, & quia de talibus, & similibus delictis, quæ secrete committuntur, potest cum difficultate constare, sex de Scriptoribus, vel Abbreviatoribus prædictis non suspecti, ac bonæ famæ, & boni nominis ipsum Senescallum

hujusmodi suum officium illegaliter exercuisse deponant, & de hoc etiam sit publice diffamatus, dicto suo officio sit eo ipso privatus, & nisi de eo per dictum Cancellarium infra tres dies inde sequentes provisorum fuerit, ex tunc possit de sufficienti Abbreviatore literarum prædictarum (qui juramentum similiter præstare, & omnia prædicta eidem Senescallo incumbencia adimplere teneatur) provideri. Et insuper quod nullus alius quam Senescallus prædictus aliquam literarum gratiam continentem expediendam in loco expeditionis ponat.

§. 9. Similiter statuimus, & etiam ordinamus, quod nulla constitutionum dictæ Cancellariæ cuiquam, ut de ea in judicio vel alibi fidem faciat, tradere, nisi primitus per dictos assistentes fuerit judicatum danda, & postmodum per duos ex eis tunc presentes videatur, & signetur in dorso, ac per duos ex Abbreviatoribus in forma debita auscultetur cum libro prædicto, qui se subscribant in eadem, & deinde per Vicecancellarium subscribi debeat, & suo signo more debito signari, & parti petenti dari, pro qua quidem constitutione ultra quatuor grossos Avinionenses, quorum sexdecim valent unum florenum auri de Camera, pro signo, sigillo, & scriptura, & alias per Secretarium, vel Cubicularium dicti Vicecancellarii, & Senescallum prædictum, vel alios quoscumque nullatenus recipiatur, vel etiam exigatur.

§. 10. Præterea ut literæ justitiam concernentes absque partium damno, ac brevius expediantur, statuimus & ordinamus, quod Cancellaria literarum justitiæ, quæ si ad hoc literæ sufficiant, ter singulis septimanis, prout antiquitus teneri consueverat: Si vero ad id hujusmodi literæ non sufficiant, singulis septimanis saltem semel teneatur; ad quam Notarii, qui sex esse debent, eorumque, & alii in formandis notis de justitia, vel in jure sufficientes Abbreviatores, (quorum nomina sint in matricularia Abbreviatorum dictarum literarum inscripta) necnon Prælati, & alii Doctores famosi ac practici in dicta Curia præsentis, & primitus per eosdem Prælatos, & Doctores solito præstito juramento, debeant convocari, prout hactenus extitit laudabiliter observatum. Quodque in eadem Cancellaria literæ executoriæ super sententiis in Romana Curia latis, nisi stylus in causis in eadem Curia servari solitus, servatus fuerit per ordinem, prout in literis prædictis juxta stylum Cancellariæ prædictæ narrati consuevit, aut in aliquibus expensæ factæ in causis ipsis excessive contra constitutiones super editas notorie taxatæ fuerint, donec de partium, vel partis victricis consensu vel alias juridice moderatæ fuerint, minime possint, & debeant expediri.

§. 11. Et insuper statuimus, & ordinamus, quod Examinatores in gratia speciali, antequam exercent hujusmodi officium, de illo fideliter exercendo in manibus dicti Vicecancellarii præstent juramentum, ipsique postmodum hujusmodi officium diligenter per se ipsos exercent. Impetrantes de literatura, scientia, & idoneitate, & illos beneficia

De constitutionibus Cancellariæ petenti dandis.

De expeditione literarum justitiæ.

De examinatorum officio, & qualitatibus.

De Juramento a Custode emittendo; ejusque officio.



curam animarum, aut jurisdictionem habentia petentes, rigide examinent, ac de vita & moribus informationem recipiant diligentem, & prædictas sufficientiam, & idoneitatem in scriptis sub signeto suo referant examinatores, pro qua quidem scriptura, signeto, salarioque, & labore eorum, ultra unum grossum Turonensem, & Clericus scripturam faciens prædictam, ultra similis grossi quartam partem, aliquid etiam gratis oblatum, nullatenus recipere præsumant. Quod si Examinator vel Clericus in contrarium attentaverint, eo ipso excommunicationis sententiam incurrant, a qua non possint absolvi donec fuerit satisfactio facta.

§. 12. Similiter statuimus, & ordinamus, quod Bullatores dictarum literarum Apostolicarum, pro ipsis literis bullandis, sive gratiam, sive justitiam contineant, ultra illud quod antiquitus, & ante ultimum schisma videlicet tempore Gregorii Papæ XI. prædicti, pro similibus recipiebant literis, nihil recipere præsumant, nec de litera duplicata, ultra quatuor, & de litera correctâ iterum bullanda, necnon de litera super sumpto habito de registro, ultra octo, necnon de literis alias bullatis, & iterum (non tamen propter defectum partium) bullandis, & in dicto registro corrigendis, ultra unum Turonensem grossum recipere, aut exigere præsumant.

§. 13. Et idem volumus per dictarum Registratores in prædictis omnibus observari. Quodque prædicti registratores literas registratas, causa aliquid exigendi, vel extorquendi a prosequentibus ipsas, plus debito disserri non faciant registrari, vel eas de mala expeditione malitiose redarguant, sed ad quæstum accusent, aut in salariis Clericorum in registro prædicto scribentium participant, quod si contrarium fecerint, ipso facto excommunicationis sententiam incurrant, a qua (mortis casu excepto) per alium quam Romanum Pontificem nequeant absolutionis beneficium obtinere, & insuper suo officio hujusmodi, si hoc per testes, vel alias præsumptive probari poterit, eo ipso sint privati, & perpetuo inhabiles ad quodcumque officium exercendum si in Romana Curia existant. Quodque Clerici in dicto registro scribentes, qui literas eis traditas infra tres dies ex tunc immediate sequentes (cessante impedimento legitimo) non registrarint, a dicto registro penitus amoti existant, nec ad ibi scribendum de cetero admittantur.

§. 14. Et nihilominus cum justitiam in judicio contradictorio pure deceat exerceri, statuimus, & etiam ordinamus, quod nullus deinceps causarum Palatii Apostolici in Auditorem recipiatur, nisi Doctor fuerit juris famosus, & post doctoratum ab eo receptum per triennium ad minus legerit in eodem, sitque commendatus de vita, ac morum honestate, aliisque virtutibus, ac ab omni munere sint mundæ manus ejus, & bonum habeat testimonium, habeatque ad minus sive in beneficiis, sive in bonis temporalibus, ducentos Florenos auri de Camera annuatim in portatis, de quibus valeat in dicta Curia ipse sustentari.

§. 15. Quodque postquam fuerit concessum per Papam aliquem in Auditorem causarum dicti Palatii admitti, antequam ulterius ad ipsius admissionem procedatur, Decanus Auditorum prædictorum de præmissis facere teneatur inquisitionem diligentem, & quicquid per eam repererit, fideliter referat Vicecancellario prædicto, qui hoc similiter Papæ exponere teneatur, quod si aliquid de præmissis defuerit, ad ipsius admissionem in Auditorem ulterius minime procedatur, nisi aliud mandaret Papa antedictus.

§. 16. Si vero per informationem hujusmodi, ipsum constiterit famosum Doctorem, aliaque præmissa fore vera, idem Vicecancellarius vocatis quatuor ex dictis Auditoribus, si Canonista, Decretalem; si vero Legista fuerit, Legem, quam infra unius mensis spatium a die sibi assignata computandum, in dicti Vicecancellarii, aut Locumtenentis præsentia (& ad hoc vocatis omnibus dictæ Sedis Notariis, & prædictis Auditoribus, & Consistorialibus Advocatis tunc in eadem Curia præsentibus, invitatis ad id etiam Prælati, & aliis famosis, & literatis viris, qui tunc in eadem Curia extiterint) repetere teneatur, singulos qui arguere voluerint idem repetens audire teneatur, quodque quatuor ultimi ex Auditoribus, & quatuor ultimi ex Advocatis prædictis tunc præsentibus arguere sint adstricti.

§. 17. Quod si idem repetens in hujusmodi repetitione taliter se habuerit, quod sit merito commendatus, dictus Vicecancellarius secundum relationem majoris partis Notariorum, & Auditorum, ac Advocatorum prædictorum ad ejus admissionem in Auditorem ulterius procedat: si vero secundum relationem prædictam repertus fuerit diminutæ scientiæ, vel judicii relatione super hoc per dictum Vicecancellarium Papæ facta, ab hujusmodi admissione repellatur.

§. 18. Et insuper quod prædicti Auditores, & eorum loca exercentes, libros juris ordinarios ad minus, continuo secum habere teneantur, processusque causarum agitarum coram eis personaliter videant, & visitent, ac testes in causis hujusmodi si ponderis fuerint (maxime si pars aliqua hoc requisiverit) examinent, in aliis vero per duos Notarios faciant examinari diligenter, nec cujuscumque Notarii vel alterius relationi credant, nec ad sententiarum prolationem, in causis hujusmodi procedant registris prædictis per eos, ut præmittitur, non visis, & diligenter examinatis. Hoc etiam volumus per quoscumque Judices, & Commissarios in dicta Curia præsentibus similiter perpetuo observari. Et nihilominus, quod si quis ex Auditoribus fuerit notatus de præcipitatione justitiæ, negligentia, seu non promptitudine jurium, propter non continuationem librorum, aut alias, & specialiter de corruptione, & acceptione munerum, seu vagus fuerit, seu alias male versetur in dicta Curia, per præfatum Vicecancellarium, vel ejus Vicegerentem caritative reddatur attentus, ut ab iis se abstineat & emendet, bonamque famam

Et hujusmodi  
qualitatum  
perquisitione.

Disputatio  
publica habenda  
antequam aliquis  
in Auditorem  
admittatur.

Auditorum  
munus, moresque esse  
qualia debeant.

De Bullatori-  
bus.

Registratori-  
bus.

De Audito-  
rum causa-  
rum qualita-  
tibus.



mam acquirat, & in ea perseveret. Quod si se emendare neglexerit, & per tres menses continuos post avisationem hujusmodi, eadem nota vel infamia respersus fuerit, per dictum Vicecancellarium, aut ejus Vicegerentem commissiones sibi nullatenus committantur. Et si per alios tres menses simili nota vel infamia notatus fuerit, & notorie se non emendaverit, tunc prædictus Vicecancellarius aut Vicegerens cum duobus Auditoribus, præmissa Papæ referre teneatur, qui provideat prout salubriter fuerit providendum.

§.19. Verum si contingat inter easdem personas, & super eadem re diversis Auditoribus aliquam causam committi, is cui primo fuerit præsentata commissio, super causa hujusmodi remaneat ejusdem causæ Judex. Quod si de jurisdictione alterius extiterit pro parte adversa data exceptio, tunc cujus fuerit jurisdictio, primitus cognoscatur, & si ulterius procedatur, ante cognitionem hujusmodi non valeat processus, & Judex teneatur parti ad restitutionem expensarum inde factarum, suumque interesse. Notarius vero qui ausus est talem contentionem appetere propter lucrum, scripturæ, ac totius causæ commodum perdat, teneaturque suis expensis parti dare, quod expendit in causa hujusmodi. Quod si idem Auditor, & Notarius contrarium fecerint, eo ipso sententiam excommunicationis incurrant, a qua non possint absolvi donec super iis satisfecerint ut præfertur. Et hoc etiam ad quoscunque Judices, ac Commissarios, ac eorum, Notarios in dicta Curia præsentis pro tempore, duximus extendendum.

§.20. Præterea statuimus, & etiam ordinamus, quod nullus ex Notariis cujusvis ex Auditoribus prædictis, cum eo moramtrahat, quod si forsan aliquis ex ipsis cum eo morari voluerit, pro habitatione domus, & expensis, ultra quod justum & debitum fuerit, & rationabile salarium non solvat; & si quacunque causa vera vel simulata, respectu officii, aliquid Auditori dederit vel solverit, Notarius dando, & Auditor recipiendo, eo ipso excommunicationis sententiam incurrant, a qua nequeant nisi per Papam absolvi, ac duplo quod Notarius ultra debitum solverit, & Auditor receperit, per eorum quemlibet in usus pauperum de mandato dicti Vicecancellarii distributo.

§.21. Et quod nullus in Notarium cujuslibet Auditorum prædictorum, nisi vigesimumquintum suæ ætatis annum attigerit, & alias Notariatus officium exercuerit, sitque boni nominis, & bonæ famæ, ac sufficiens & idoneus ad dictum Notariatus officium causarum dicti Palatii exercendum, & post diligentem informationem super iis habitam, ac ipsius examinationem, & de præmissis constiterit, admittatur.

§.22. Et quod Notarii dictorum Auditorum sua Notariatus officia personaliter exercent, & si quis (cessante causa necessaria) a sui Notariatus officii exercitio per mensem continue se absentaverit, sit dicto officio eo ipso privatus, & de causa necessaria propter

quam ipsum oporteat dictum officium per substitutum exercere, & de illo per substitutum exercendo, a dicto Vicecancellario petat licentiam, quam idem Vicecancellarius, postquam de causa hujusmodi sibi constiterit, per suas literas causam ipsam continentes, concedere poterit ad tempus, de quo sibi videbitur faciendum.

§.23. Et insuper quod Notarii prædicti in habitu decenti incedant, ac honesto, & convenienti Clerico sæculari. Tabernas non frequentent, nec Concubinarij existant, cum ex hoc suum vilescat officium, & malam famam acquirant, etsi contrarium fecerint, suis priventur officiis.

§.24. Quodque quilibet ipsorum quam primum presbyter factus, seu dignitatem vel personatum in Cathedrali vel Collegiata Ecclesia, aut Parochialem Ecclesiam pacifice affecutus fuerit, hujusmodi Notariatus officium omnino dimittat, & ad hujusmodi officii exercitium in dicta audientia amplius non admittatur.

§.25. Et insuper, quod Notarius qui notatus, aut diffamatus fuerit, quod malitiose, negligenter, vel per dolum scripserit aliud quam in processu, aut in judicio deductum, vel actum fuerit inter partes, seu diffamatus quod sit personarum, in quarum causis scribit acceptor, plus uni quam alteri favendo, & ei causæ secreta detegendo, eo ipso a suo Notariatus officio suspendatur, & per Auditorem Camerae, cui hoc per dictum Vicecancellarium committatur summarie simpliciter & de plano, de hujusmodi infamia, & aliis præmissis inquiratur diligenter, & si per inquisitionem hujusmodi culpabilis repertus fuerit, aut si purgatio extiterit indicenda, & debite se non expurgaverit, privetur quibuscunque officiis quæ in dicta Curia obtinebit, & ab eadem Curia perpetuo sit proscriptus, necnon in quingentis Florenis auri de Camera, per ipsum elemosynario Romani Pontificis realiter tradendis, & in usus pauperum convertendis, condemnatur, & idem volumus de quibuscunque Notariis quorumcumque Cardinalium, Iudicum, & Commissariorum in Curia pro tempore deputatorum, inviolabiliter observari.

§.26. Et nihilominus quod dicti Notarii in exactione salariorum suorum taxationes pro suis processibus, & scripturis in causa hujusmodi, taxas super hoc ordinatas per dictum Joannem XXII. servare teneantur, quod si ultra dictam taxam aliquid petierint, aut receperint, super excessu hujusmodi ad Vicecancellarium, seu Locumtenentem prædictum super hoc habeant recursum, qui vocatis in hoc peritis, excessus prædictos juxta taxationes prædictas ad debitum reducat moderamen, & medietatem hujus, quod excessive petierint, a Notariis exigant in usus pauperum convertendam.

§.27. Quodque pro citationibus compulsois, & inhibitionibus, decretis in partibus, procuratoriis instrumentis, remissionibus ad partes, examinationibus testium, & quibuscunque aliis scripturis bis scriptis in processu,

De Notariorum moribus.

Si Beneficium aliquod acquisierit Notarius, officium vacat.

de excessibus Notariorum puniendis.

Taxa ab eis servanda.

Notanda circa hujusmodi taxam.

De causis cognoscendi, &amp; Judice competenti.

In cohabitatione Notarii cum Auditore quid cavendum.

De qualitatibus adsciscendorum in Notarios.

A Notariis exercendum officium per se.



nisi semel dumtaxat taxentur, neque solvantur. Termini quoque superflui, seu ultra debitum extensi, & quaecumque alia superflua scriptura pro refecatis habeantur, taxenturque clausulae, & dictiones proportionabiliter, prout poterant scribi in processu, quodque nullus Notarius, qui de petia notae registri sententiae definitivae duodecim grossos Turonensis receperit, de petia instrumenti super eo confecti, cum sit copia dictae notae, nisi sicut de copia in publica forma redacta, juxta constitutionem dicti Joannis XXII. recipiat. Et si de petia hujusmodi instrumenti similes duodecim Turonenses receperit, de hujusmodi nota sententiae sicut de copia recipere possit: quod si contrarium attentaverit, quod ultra receperit, parti restituat, & totidem pro Capella praedictorum Auditorum, vel Curforum infra octo dies tunc immediate sequentes realiter solvat, alioquin a sui officii exercitio per mensem sit suspensus, quod si se illi ingesserit, gravius per Vicecancellarium prout sibi videbitur puniatur.

§. 28. Verum cum sicut Judicum, similiter Advocatorum requiratur consilium, maturitas, & circumscriptio magna, insuper statuimus etiam & ordinamus consimiliter Advocatum nullatenus admittendum, nisi primitus servaverit, quae in auditoribus servari statuuntur. Quodque iidem Advocati pro singulis per eos commissionibus de iustitia extra Consistorium proponendis, uno floreno de Camera sint contenti, nec aliquid ultra petere sint ausi: quod si contrarium fecerint, illud quod ultra exegerint, partibus restituere, & totidem dare pauperibus teneantur.

§. 29. Et quod si quis Advocatus in Consistorio proponat aliqua, quae ex sui natura sint injuriosa, & in alterius diffamationem, & notam cedant, licet hoc in commissione, sive supplicatione per ipsum proponenda scriptum non fuerit, nisi pars principalis, cujus nomine proponitur, sit praesens, & dicat, & asserat hoc facere proponi ad effectum accusandi, vel partem denunciationis assumendi in forma juris, seu ejus procurator ad hoc habeat mandatum speciale, aut sint substantialia causae, ipse actione injuriarum teneatur ei, contra quem organum vocis suae praestiterit, & in decem florenis Camerae Apostolicae condemnatus existat. Quodque si quis Advocatus in Consistorio, vel audientia, clamorosus, injuriosus, & tumultuosus fuerit, vel etiam temere, vel immoderate se ingerat replicationi, aut defensionis causarum in Consistorio, sine requisitione, & informatione partis, eo ipso sit ab ejus officio suspensus per duos menses, & quinque florenos Camerae pro qualibet vice, qua hoc egerit, eidem Cameraeolvere sit adstrictus. Caterum quod si duo Advocati unam causam defendant in Consistorio, eorum altero dumtaxat duplicetur, habeant tamen prius consultationem ad invicem, vel in ipso Consistorio insimul se iungant, ita quod si proponens, alias reallegans aliquid, quod faciat

ad causae defensionis emittat, illud submissa voce, & sine tumultu hoc dicat, ita quod in similibus junior semper deferat antiquiori Advocato, nisi ex causa aliter inter eos fuerit concordatum.

§. 30. Praeterea statuimus, & etiam ordinamus, quod nullus ad publicum procuratoris officium in eadem Curia de cetero admittatur, nisi in eodem officio in dicta Curia sit exercitatus, & practicus, aut in jure graduatus, ac de diligentia, fidelitate, & probitate commendatus, & super iis, & aliis ad hujusmodi officii exercitium necessariis per Vicecancellarium, uno vel duobus ex Auditoribus, & totidem ex Advocatis praedictis, ad id vocatis, & praesentibus fuerit diligenter examinatus, & repertus idoneus.

§. 31. Et quod nullus ex dictis Procuratoribus sit iniurius verbo, vel scriptura, in causarum patrocinio, nec causas, quas noverit injustas, seu iniquas, vel alias desperatas recipiat, nec pro causarum defensione ad eas diutius malitiose protrahendas materias subjungat admissibiles, quas non veras esse sciat, aut credat, vel probabiles per partem suam, quod praesumi poterit, videlicet si pars, pro qua causa dicitur, debilem, aut minus plenam informationem dederit, aut miserit super ea. Quod si quis Procuratorum praedictorum in hoc culpabilis repertus fuerit, per causae Auditorem, vel Judicem, qui hoc noverit, aut in altero praemissorum eum deprehenderit, seu si hoc neglexerit, per Vicecancellarium, vel ejus Locumtenentem, quando sibi de hoc constiterit, perpetuo, vel ad tempus, prout casus exiget, a Procuratoris officio in dicta Curia suspendatur, & alias secundum casus exigentiam per praedictum Vicecancellarium, vel Locumtenentem puniatur. Idem volumus si Procurator per corruptionem, vel aliam malitiam in causis, quas defendendas suscepit, & eas scienter, vel per ejus negligentiam perdiderit in laesionem juris suae partis, observari: quo casu ad quaecumque damna, & expensas, ultra praedicta eidem parti restituenda, teneatur. Similiter in Procuratores, qui postquam pro una parte causam dixerint, eam contra ipsam & pro ejus adversa parte defendunt, & ducunt. Quodque si quis ex Procuratoribus praedictis, vel aliis post appellationem interpositam in dicta Curia hujusmodi appellationis causam finxerit esse commissam, ut partem adversam decipiat, & eam ad dicendum contra hujusmodi fictam commissionem citari fecerit, in viginti florenos Camerae puniatur, in piis operibus per manum elemosynarii praedicti convertendis. Et hujusmodi Procuratores, qui ut lites diu durare faciant, fictis appellationibus, & commissionibus utuntur, nisi probaverint causas appellationum, & commissionum hujusmodi veras esse, & ipsas relevantes, & ad juris sui declarationem, Judicis, vel Vicecancellarii, seu Praesidentis praedictorum arbitrio puniantur, & parti adversae, quam indebite vexaverint, de damnis, &

Procuratorum  
Rota  
qualitates.

Munus eorum  
eundem.

Advocatorum  
Consistoria-  
lium admit-  
tendorum  
qualitates.

In Consistorio  
male se  
gerentium  
pena.



interesse, quæ propterea incurrerit, teneantur.

§. 32. Verum cum dicti Procuratores gravia gerent negocia, similiter in moribus graves, in gestu, habitu, & conversatione honesti esse debent; quod præfati Procuratores in habitu decenti, & honesto & statu seculari convenienti incedant, tabernas non frequentantes, nec sint concubinari. Si quis autem contrarium fecerit, ab huiusmodi procurationis officio per Auditores, Judices, & Commissarios præfatos repellatur, & penitus excludatur, & alias per dictum Vicecancellarium, vel ejus Locumtenentem animadversione debita puniatur.

§. 33. Et nihilominus, quod de cætero nullus in Sacerdotio constitutus, aut dignitatem, vel personatum Cathedralis, vel Collegiate Ecclesiæ pacifice obtinens, ad huiusmodi Procuratoris officii exercitium quomodolibet admittatur, nec in eo toleretur, & si de hoc in causis per partem adversam data fuerit exceptio, ex tunc processus non valeat, eadem tamen pars adversa de sua in huiusmodi causa defensione confisa iterato denuo in eam causam vocetur, nisi sit in dicta Curia alius Procurator, qui onus causæ huiusmodi in se velit suscipere defendendæ.

§. 34. Cæterum cum Advocati, & Procuratores præfati juxta sui laboris meritum sint præmiandi, statuimus, & etiam ordinamus, quod in causis, in quibus simpliciter, & de plano, aut per audientiam contradictarum, sive in contumaciam partis adversæ, vel alias in causis levibus, in quibus non sit magna jurium discussio, Advocati in prima viginti, in secunda duodecim, in tertia instantia octo; Procuratores similiter in prima decem, & in secunda septem, ac in tertia instantia huiusmodi, quatuor florenis similibus sint contenti. Præterea volumus, & etiam ordinamus, decem grossos Turonenses circa taxam literarum Apostolicarum, & Poenitentiariæ prædictarum, ac minutarum earumdem literarum Apostolicarum, necnon in bulla, & registris Apostolicis ac dictæ poenitentiariæ, necnon salarii Notariorum & aliorum quorumlibet, pro uno dumtaxat florenis de Camera computari.

§. 35. Verum ut huiusmodi nostræ constitutiones, & ordinationes ad omnium perveniant notitiam, eas in audientia prædicta singulis annis in Kal. Octobris publicari, necnon in libris Cancellariæ prædictæ inscribi, & registrari volumus per præsentem. Nulli ergo &c.

Datum Gebennis, Kal. Septembris Pontificatus nostri Anno Primo.

V.

In Officio Provincialatus non possunt Fratres Ordinis Eremitarum S. Augustini reelegi, nec confirmari, biennio, vel triennio completo, nec ad eorum vitam in ipso remanere.

Martinus Episcopus, Servus Servorum Dei.  
Ad perpetuam rei memoriam.

**P**RO cunctorum Christianæ Religionis Ordinum statu prosperè, & salubriter dirigendo, libenter nostræ sollicitudinis partes adhibemus, & iis, quæ in eorum offensam redundare conspiciamus, quantum possumus obviamus.

§. 1. Sane sicut nuper non sine mentis displicentia veridica relatione percepimus, nonnulli Ordinis Fratrum Eremitarum S. Augustini professores, etiam in Theologia Magistri, in officiis Provincialatus secundum instituta, & laudabilem consuetudinem ejusdem Ordinis pro tempore constituti spiritu inanis gloriæ, & ambitionis ducti, & sua forte non contenti, ut in huiusmodi officiis, quibus præsumunt, continue, seu ad eorum vitam remanere, seu iterum confirmari, vel reelegi possint, variis ingeniis, subtilibusque, & exquisitis modis, ac coloribus, etiam contra ipsius Ordinis instituta, & consuetudines huiusmodi perquirunt, insistant, & procurant: unde plerumque accidit, quod ejusdem Capitula Provincialia secundum morem, & consuetudinem ipsius Ordinis celebrari prohibentur, seu alias indirectè impediuntur, delinquentium excessus non corriguntur, corruptiones quoque, & alia pacta illicita committuntur, divisiones etiam, & odia, ac alia scandala plurima oriuntur Ordine in eodem, in non modicam dicti Ordinis confusionem, & offensam, ac perniciosum exemplum plurimorum.

§. 2. Nos igitur in præmissis, prout ex debito tenemur pastoralis officii, salubriter providere cupientes, auctoritate Apostolica tenore præsentium statuimus, volumus etiam, & ordinamus, quod quilibet Prior Provincialis dicti Ordinis, qui est, vel erit pro tempore, qui juxta instituta, ac consuetudines prædicta in sua Provincia anno quolibet Capitulum Provinciale ipsius Ordinis, diebus, & locis in huiusmodi Capitulo Provinciali in ipsa Provincia immediate antea celebrato deputatis, celebrari non fecerit cum renunciatione sui Provincialatus officii, & singuli, sit dicto officio eo ipso privatus, & quod si ex tunc administrationi dicti officii se immiscuerit, excommunicationis sententiam incurrat ipso facto, & Provinciam regant illi, quibus in hoc casu per instituta, & consuetudines prædicta ejus regimen est commissum, quodque nullus ex huiusmodi Fratribus ad huiusmodi Provincialatus Officium jam electus, vel in futurum eligendus, si in huiusmodi Theologia Magister, ultra tres; si vero alius fuerit, ultra duos annos, si tamen rite ad illud vocatus extiterit, eligi, aut confir-

Edidit Em-  
polus in Bul-  
lar. Ordinis  
huius.

Exordium.

Ambitionem  
Fratrum hu-  
jus Ordinis  
curans sol-  
bere.

Constitutio-  
nem, de qua  
in Rubrica,  
adit.

Vita moref-  
que.

Sacerdotes  
non sint vel  
Beneficiati.

Salarium Ad-  
vocatorum, &  
Procurato-  
rum.

De hisce le-  
gibus publi-  
candis.

Dat. die 1.  
Septembris  
1428. An. I.



firmari quoquo modo possit, aut debeat; nec ipsorum aliquis infra biennium a fine termini hujusmodi sui Provincialatus officii computandum ad idem officium aliquatenus de novo recipiatur.

§. 3. Ita etiam, quod illi, qui ad præsens in hujusmodi Provincialatus officiis existunt, si hujusmodi tempus compleverint, aut transcenderint officiis eisdem omnino cedant: si autem nondum compleverint, possint tempus ipsum complere modo superscripto.

§. 4. Neque etiam liceat Priori Generali ejusdem Ordinis quidquam contra præmissa quomodolibet attentare, aut alias super eorum aliquo, præterquam super mutatione loci ad hujusmodi Capitulum, pro tempore celebrandum, si expedierit. . . . juxta tamen Diffinitorum Capitulum Provincialium hujusmodi significationem, & determinationem, & non alias dispensare: quibuscunque constitutionibus, & ordinationibus Apostolicis, ac statutis, & consuetudinibus dicti Ordinis, & aliis contrariis non obstantibus quibuscunque.

§. 5. Nulli ergo omnino hominum liceat hanc paginam nostrorum statuti, ordinationis, & voluntatis infringere, vel ei ausu temerario contraire. Siquis autem hoc attentare præsumpserit, indignationem Omnipotentis Dei, & Beatorum Petri, & Pauli Apostolorum ejus se noverit incursurum.

Datum Mediolani, decimo sexto Kalendas Novembris, Pontificatus nostri Anno Primo.

## VI.

Expositis iis, quæ peracta sunt in condemnatione Errorum Nicolai Serurarii Archiepiscopis, & Episcopis mandatur, ut inquirent contra ejus Sectatores.

Martinus Episcopus, Servus Servorum Dei. Venerabilibus Fratribus Patriarchis, Archiepiscopis, Episcopis, & dilectis filiis Electis Abbatibus, Prioribus, Præpositis, Decanis, Archidiaconis, & aliis Ecclesiarum & Monasteriorum Prælati, & Inquisitoribus hæreticæ pravitatis, ad quos præsentis literæ pervenerint, Salutem, & Apostolicam Benedictionem.

**A**D hoc præcipue disponente Domino universali ecclesiæ præsidentes, ut Christiani fideles sub Orthodoxæ fidei sinceritate, quibusvis erroribus intacti permaneant, vigilamus, adversus quoque bases fidei, & Ecclesiæ prædictarum doctrinas, Decreta, observantias, & ordinationes quomodolibet dogmatizata sollicitis studiis angimur extirpare, ne ager ipse dominicus hæresis & errorum contagio valeat maculari.

§. 1. Dudum siquidem, postquam Venerabilis frater noster Johannes Episcopus Tornacensis dilectum filium Nicolaum Serurarii Ordinis Fratrum Eremitarum Sancti Augustini Professore, in Sacra Theologia Magi-

Bull. Rom. Tom. III, Pars II.

strum, qui maligno inflatus spiritu credens plus sapere, quam oporteret, & civitatibus, & Diocesis Tornacensi, & Cameracensi, ac partibus illis contiguas immaculatæ Ecclesiæ puritatem inficere, & dirumpere, ac simplices, & vulgares Christianos populos in æternæ damnationis interitus viam ponere, satagens eis articulos, & assertiones infra scriptos hæretica labe, & erroribus infectos, scandalosos, seditiosos, temerarios, & injuriosos per nonnulla tempora in suis publicis sermonibus, & alias publicaverat, prædicaverat, & divulgaverat, & quod illos defendere, tanquam veros, se jactabat in suæ, dictique populi animarum periculum, necnon Cleri illarum partium turbationem gravissimam perniciosumque scandalum, ad inquisitionem auctoritate ordinaria descenderat, & in Causa hujusmodi diutius processerat, testes, & alias probationes recipiendo super articulis, & assertionibus memoratis, quorum tenores sequuntur in hæc Verba.

§. 2. Charitas est ad Deum, & proximum, & non ad se ipsum.

Deus non remittit, neque remittere potest culpam peccatori absque prævia contritione.

Presbyteri publici Concubinari non habent auctoritatem seu potestatem absolvendi peccatorem, & Peccator confessus Sacerdoti publico concubinario recedit absque absolutione.

Orationes, & preces Missales talium Sacerdotum publicorum Concubinariorum sunt nullius valoris, & Missæ per tales concubenarios celebratæ pro defunctis, aut vivis, sunt nullius valoris.

Oratio non debet dirigi nisi ad Deum, solummodo, & non ad Sanctos.

Curati dicunt Parochianis suis, quod saltem semel in anno Parochianus tenetur confiteri suo proprio Curato.

Religiosi putati sunt proprii Sacerdotes, & veri Curati.

Curati impediunt Parochianos suos, ne dent, nec faciant elemosynas, dona, aut legata Mendicantibus, & ne dicti Parochiani eligant sepulturas suas in domibus eorumdem Mendicantium.

Mendicantibus præsentatis, ipsis confessus licite potest recipere Corpus Christi, & non potest, nec debet Curatus Confessor Mendicantibus præfatis denegare Corpus Christi; quod si deneget, dictus Curatus peccat mortaliter, & est excommunicatus.

Statim mortali peccato commissio peccator sub poena peccati mortalis debet illud confiteri priusquam obliviscatur.

Non est mulieri opus purificari, quinimo hoc scilicet purificari est judaizare.

Presbyteri publici concubinari sunt pejores Juda, qui de oculis Apostolorum nutrit suam concubinam, & suas proles.

Presbyteri publici concubinari sunt excommunicati, & sanctum publice scienter participant.

Plures sacerdotes a modico tempore citra licentia verunt fide suas concubinas, fide

III a

in-

Ab Episcopo  
Tornacensi  
confessus Pro-  
cessus super  
Propositioni-  
bus Nicolai  
Serurarii.

Serurarii Pro-  
positiones.

Provinciales  
ultra termi-  
num in officio  
permanere  
vetat.

Priori Gene-  
rali super hoc  
dispensandi a-  
dimit facul-  
tatem.

Clausula.

Dat. die 17.  
Octob. 1418.  
An. I.

Ex Regest.  
Vatic. &  
Raynald. ad  
ann. 1420.

Premium.



inquam, quia occulte bibunt, & comedunt cum suis concubinis, quod nullus debet pati immo cum eisdem Sacerdotibus concubinariis publicis conversantes, & eos favorizantes, sunt in pari peccato, & peccant qui eos nituntur excusare falsis glossis.

Si Parochiani alicujus Curati concubinarum publici bene Deum diligenter, deberent inhibere suo Curato publico concubinario, ne Missam aut aliud Divinum Officium coram eis Parochianis celebraret.

Facientes celebrare Missas per Sacerdotes concubinarios publicos peccant mortaliter.

Audientes scienter Missas Sacerdotum publicorum concubinariorum peccant mortaliter.

In aliquibus sermonibus suis vocavit obfirmatos, & reprobatos, adiiciens ulterius, quod non sine causa Presbyteri vocantur ribaldi.

Deferre honorem feretro Beati Antonii erat crimen idolatriæ.

Illi, qui dant ad comedendum porcis bajulantibus campanulam Beati Antonii, peccant mortaliter ratione præcedente.

Multum mirabatur quomodo Prælati sustinebant tale quid, scilicet deferre hujusmodi feretrum per Patrias, sicut propter larga denaria, quæ a Religiosis Sancti Antonii habebant.

Deputati ad portandum hujusmodi feretrum non sunt nisi trumpatores, & abusatores.

Non credebatur quod Religiosi præfati super deportatione feretri cum cæteris, quæ ibi fiunt, obtinuerunt aliqua privilegia.

Hoc faciunt indebite, & injuste populum seducendo.

Non credebatur fore verum, quod habeant illi Religiosi indulgentias a Papa pro dando aliquid Beato Antonio, seu Nunciis ejus, seu porcis portantibus campanulam, Beati Antonii; addens, quod nunquam aliquis Papa dedit indulgentias pro dando victimam animali.

Tales Religiosi, & Nuncii ipsorum intulerunt timorem audientibus, & præsertim in Villagiis, quod Sanctus Antonius comburet eos, & ideo timore perterriti, si non habeant nisi unum denarium, darent eundem.

§.3. Sacrosancta Synodus Constantiensis, ad quam dictus Nicolaus propterea personaliter accesserat, & ad cujus Synodi articuli & assertiones prædictæ notitiam pervenerant, tunc Apostolica Sede vacante, tantum scelus, ne satore zizanix procurante in hujusmodi christiana fide & populo per amplius pullularet, radicitus extirpare cupiens, & de præmissis certam notitiam non habens, Venerabili Fratri nostro Johanni Patriarchæ Constantinopolitano in dicta Synodo & ipsius potentissimum membrum existenti causam Inquisitionis hujusmodi ad se advocans, eam ad instantiam dilecti filii Michaelis de Brodathumcali clerici Promotoris, & Instigatoris Causarum fidei Catholicæ, cum idem

Nicolaus tunc apud sedem existeret prædictam, ut præfertur, audiendam commisit, & sine debito terminandam.

§.4. Et deinde, postquam idem Patriarcha ad dictorum articulorum & assertionum, ad id vocatis, & præsentibus Nicolao prædicto, magnoque Archiepiscoporum, Episcoporum, Abbatum, & aliorum in eadem Theologia, necnon jure Canonico & Civili Magistrorum, & Doctorum numero, discussionem & examinationem diligentem, necnon circa illorum per Nicolaum prædictum assertionem, & defensionem informationem processerat; Nos Divina favente clementia, ad Summi Apostolatus apicem assumpti, juxta debitum Apostolatus officii nobis injuncti hujusmodi hæreses & errores cupientes a fide & populo eliminari prædictis, præfato Patriarchæ commisimus, ut causam prædictam in eo statu, in quo tempore assumptionis nostræ hujusmodi coram eo remanserat, resumeret, eamque ulterius audiret, & sine debito terminaret juxta tenorem commissionis antedictæ.

§.5. Postea vero per eundem Patriarcham super articulis & assertionibus memoratis cum Archiepiscopis, Episcopis, Abbatibus, cæterisque Magistris, & Doctoribus præfatis discussione & examinatione, & super eorum prædicatione, & assertionem hujusmodi per Nicolaum memoratum factis, ut præfertur, sufficientibus probationibus tam per fide dignorum testium in hujusmodi Causa productorum, & examinerum attestationem fidelem, quam alias etiam per processum per dictum Joannem Episcopum eadem auctoritate factum, ut præfertur, præhabitis, prædictus Nicolaus Spiritus Sancti gratia ad viam veritatis redactus, in præmissis se turpiter errasse & deliquisse cognoscens, dicta durante Synodo, certo peremptorio termino competenti sibi per eundem Patriarcham super hoc assignato, coram eo in judicio comparens, non compulsus, non coactus, sed sponte & libere puro corde, & animo, ut ore proprio dicebat, asseruit, & confessus fuit, se cum determinatione dictæ Synodi firmiter credere, non nullos ex eisdem articulis & assertionibus fore hæretica labe infectos, alios erroneos, aliquos scandalosos & seditiosos, & aliquos temerarios ac injuriosos, ac eos penitus revocavit. Et nihilominus juramento solemniter professus fuit, se semper stare firmiter, & fideliter cum Sancta Catholica & Apostolica Romana Ecclesia in suis determinationibus, & ordinationibus, illis semper obediendo, in his præsertim, quæ ad fidem, pertinent eandem, etiam quoad damnatæ memoriæ Joannis Vvicleff, & Joannis Huss condemnatos articulos, cum quibus aliqui ex eisdem articulis & assertionibus per eundem Nicolaum prædicatis, & publicatis, ut præfertur, connexionem habere noscuntur; anathematizans & detestans omnes & singulas hæreses, & errores articulorum prædictorum, quodque in sacramentis & clavibus dictæ Ecclesiæ, veneratione Sanctorum, & illorum reliquiis ac indulgentiis, in unitate

Martinus post suam electionem Patriarchæ eandem cognitionem commisit.

Propositiones illas ejuravit idem Nicolaus.

Seruarii causæ cognitio a Concilio Constantiensis Patriarchæ C.P. demandata.

ip-



ipsius Ecclesiæ integre & perfecte absque dubio permaneret, & si ipse contra prædicta aliquid fenserit, aut prædicaverit publice vel occulte, verbo, vel in scriptis, Canonum severitati se subjecit, ipsamque confessionem manu sua propria subscriptam ad Regnum Franciæ, & Studium Parisiense, ac nobiles & communitates prædictarum Tornacensis, & Cameracensis Civitatum, & Diæcesum, ac oppidorum circumjacentium dirigi voluit, ne quis nomine sui articulos, & assertiones superscriptas approbaret, quos voluit, rogavit, & obsecratur, ne ulterius pias aures offenderent, publice ad eorum detestationem notoriam concremari.

§. 7. Et successive præfatus Patriarcha, visis per eum, & diligenter inspectis omnibus actis, & actitatis, habitis, probatis, & confessis in Causa hujusmodi, ipsique cum diligentia recensitis, & examinatis, & super his cum Archiepiscopis, Episcopis, Abbatibus, ac Magistris & Doctoribus prædictis deliberatione matura & fidei præhabitis, ad exaltationem fidei, & veritatis manifestationem per suam diffinitivam sententiam etiam per Venerabilis Fratris nostri Thomæ Episcopi Caputaquensis, & dilectorum filiorum Roberti Abbatis Monasterii Cluniacensis Matisconensis Diæcesis, ac Mauritii de Praga, Guillelmi Pulchrinepotis Canonici Aniciensis in eisdem Theologia & juribus Magistrorum & Doctorum subscriptionem manibus propriis factam & approbatam pronunciavit, decrevit, & declaravit, eundem Nicolaum in civitatibus Tornacensi & Cameracensi ac partibus prædictis per suas falsas Dogmatizationes populum infecisse in scandalum Ecclesiæ, & contra veritatem fidei, atque bonorum morum, illosque periculosissime seduxisse, & circumvenisse.

§. 8. Et quia quorumlibet delictorum qualitas, & quantitas, inspiciendæ sunt, ut juxta illas poenitentia inducatur, Civitates & Diœceses Tornacenses, & Cameracenses prædictas, & regionem eis contiguam triginta leucarum spatio eidem Nicolao quoad viveret, ac Civitatem & Diœcesim Parisiensem usque ad decem annos a die late sententiæ hujusmodi computandos, sub poena incarcerationis perpetuæ absque spe cujusvis remissionis interdixit, ipsum, si contrafecerit, brachio seculari relinquendo, necnon apparentibus de præmissis erroribus in eodem Nicolao contritionis & compunctionis signis, ac ipsius voluntaria super salubriter imponendis sibi subjectione, & illorum humili petitione præviis, præfatum Nicolaum ad gremium Sanctæ Matris Ecclesiæ devote redeuntem suscepit, & ab excommunicationis sententia, & aliis censuris Ecclesiasticis, quibus tenebatur adstrictus, sui Ordinis regulari correctione excepta, absolvit, & communioni Ecclesiæ præfata reconciliavit, sibi, si poenitentiam sibi injunctam salubriter peregerit, misericorditer rigorem juris attemperans, ut inclusus per duos annos continuos in Domo Metensis ejusdem Ordinis Eremitarum Sancti Au-

gustini, & illius totum ambitum pro carceribus assignavit, omni collatione & communicatione quorumcumque Laicorum sub poenis præfatis, quas ipso facto eum incurere voluit, penitus interdicta.

§. 9. Decrevit denique, concessit, & injunxit omnibus & singulis Prælatibus Ecclesiasticis, alias jurisdictionem Ecclesiasticam habentibus, in quorum jurisdictione dictus Nicolaus repertus fuerit, quod illum, si contra præmissa, vel eorum aliquid attentaverit, juxta Sanctiones Canonicas quibuscumque non obstantibus, punirent.

§. 10. Si vero dictus Anathematizationes, detestationes, & revocationes hujusmodi recusaverit, vel etiam neglexerit adimplere, & huic Sententiæ parere subterfugerit, ipsum tanquam pertinacem hereticum, actualiter degradandum, & exuendum in forma Ecclesiæ omni ordine, & gradu Ecclesiastico, & brachio seculari relinquendum fore declaravit.

§. 11. Postmodum vero cum ab aliquibus, præsertim Prædicatorum, Minorum, prædicti Eremitarum Sancti Augustini, & Beatæ Mariæ de Monte Carmelo Ordinum in Romana Curia tunc præsentibus, an sententia ipsa matura, & juste contra dictum Nicolaum lata hæsitatum foret, nos dilecto filio nostro Antonio tituli Sanctæ Susannæ Presbytero Cardinali commisimus, ut de sententia ipsa cognoscens legitime eam confirmaret, vel infirmaret, prout de jure foret faciendum. idemque Cardinalis ad prædictorum Magistri Simonis Bollehoux Archidiaconi Ecclesiæ Cavallicensis, Baccalarei in Decretis, causæ hujusmodi specialiter deputati procuratorum instantiam, prout vigore commissionis hujusmodi poterat, in hujusmodi causa procedens legitime, visis omnibus, & singulis actitatis, & habitis in causa hujusmodi, illisque cum diligentia recensitis, & examinatis, ac habito super his cum Venerabilibus fratribus nostris Petro Archiepiscopo Cretenfi, Gundisalvo Astoricensi, Thoma Vigintimillienfi Episcopis, & dilectis filiis Magistro Hermannio Alberg Notario nostro, Nicolao Abbate Monasterii Sancti Vvandregisilii, & Magistris Jacobo Morressoni, Joanne de Fabrica, Joanne Gundisalvi Cappellanis nostris, causarum Palatii Apostolici Auditoribus Joanne de Francfordia, & Conrado de Suto, & aliis in eadem Theologia, & utroque jure Doctoribus, & peritis consilio maturo, de illorum consilio & assensu per suam diffinitivam sententiam pronunciavit, decrevit, per eundem Patriarcham in causa hujusmodi bene fuisse, & esse processum, sententiatum, & diffinitum ipsiusque sententiam antedictam confirmandam fore, & confirmavit, illaque executioni debitæ demandandam fore, & demandavit, prout in instrumentis publicis inde confectis eorundem Cardinalis, & Patriarchæ sigillis munitis dicitur plenius continetur.

§. 12. Nos itaque hujusmodi articulos & assertiones Nicolai prædicti penitus cupientes

Data Prælatibus facultate eum si in suis Diæcesibus repertum canonice puniendi.

Pertinax si foret, hereticum voluit declarari.

Hæc Patriarchæ sententia per Martinum exposita examinata.

Et a Martini Delegato approbata.

Patriarcha definivit Nicolaum illis Propositionibus populos scandalizasse.

Impositaque ei poenitentia in gremium Ecclesiæ recepit.



Hæc Pontifex  
publicari præ-  
cipit per Ec-  
clesiarum Præ-  
latos.

tes extirpari. Discretionem vestram per Apostolica scripta committimus & mandamus, quatenus vos, & quilibet vestrum per se, vel alium, seu alios præfatas sententias executioni debitæ demandantes, illasque, & præfatas litteras in Civitatibus & Diocesis præfatis, ac locis eis vicinis, & alibi ubilibet, ubi vobis videbitur expedire, auctoritate nostra solemniter publicetis, & publicari faciatis, ac præfatum Nicolaum, si prædictæ sententiæ ipsius Patriarchæ in singulis suis partibus non paruerit cum effectu juxta ipsius sententiæ tenorem, & alias Sacrorum Canonum exigentiam puniatis. Et nihilominus contra Nicolaum, præfatum, necnon sibi adhærentes, & dictorum articulorum & assertionum sectatores, ac hujusmodi articulos, & assertiones vel eorum aliquem approbantes, tenentes, defendentes, vel dogmatizantes, exemptos, & quemlibet ipsorum, de quibus vobis constiterit, cujuscumque dignitatis, status, gradus, ordinis, vel conditionis existant, diligenter inquirere studeatis, & eos, quos per inquisitionem hujusmodi diffamatos, vel errorum hujusmodi labe respersos repereritis, auctoritate prædicta, etiam per excommunicationis, suspensionis, & interdicti, necnon privationis dignitatum, & beneficiorum ac feudorum, quæ a quibuscumque Ecclesiis, sive Monasteriis, & aliis locis Ecclesiasticis obtinent, etiam honorum secularium, & per alias poenas sententias & censuras Ecclesiasticas, ac vias, & modos, quos ad hoc quomodolibet expedire seu opportunos esse videritis, etiam per captiones & incarcerationes personarum, & alias poenas corporales, quibus hæretici puniuntur, seu puniri solent, corrigatis & puniatis, ac corrigi & puniri faciatis, contradictores per censuras & poenas Ecclesiasticas, invocato ad hoc, si opus fuerit auxilio brachii secularis.

Illarumque  
Assertionum  
defensores ca-  
nonicis coer-  
ceri pennis.

Obstantium  
derogatio.

§. 13. Non obstante tam se. rec. Bonifacii PP. VIII. Prædecessoris nostri, qua cavetur, ne quis extra Civitatem & Diocesim, nisi in certis exceptis casibus, & in illis ultra unam dietam a fine suæ Diocesis, ad judicium evocetur, seu ne Judices a Sede Apostolica deputati extra Civitatem & Diocesim, in quibus deputati fuerint, contra quoscumque procedere, sive alii, vel aliis vices suas committere, aut aliquos ultra unam dietam a fine Diocesis eorundem trahere præsumant, & de duabus dietis in Concilio generali, quam aliis quibuscumque Constitutionibus Apostolicis tam de Judicibus delegatis, quam personis ultra certum numerum ad judicium non vocandis aut aliis editis, quæ possent in hac parte vestræ jurisdictioni, aut potestati, ejusque libero exercitio quomodolibet obviare. Seu si præfato Nicolao, vel quibuscumque aliis communiter vel divisim ab eadem sit Sede indultum, quod interdicti, suspendi, vel excommunicari non possint per litteras Apostolicas, non facientes plenam & expressam, ac de verbo ad verbum de indulto hujusmodi, & eorum personis, lo-

cis, ordinibus, & nominibus propriis mentionem, & qualibet alia dictæ Sedis indulgentia generali, vel speciali cujuscumque tenoris existat, per quam præsentibus non expressam, vel totaliter non insertam nostræ jurisdictionis explicatio in hac parte, valeat quomodolibet impediri, & de qua, cujusque toto tenore in nostris literis habenda sit mentio specialis.

Datum Florentiæ octavo Idus Januarii Anno Tertio.

Dat. die 6.  
Januarii 1420  
An. III.

## VII.

Exemptio Ordinis Fratrum Cartusianorum, a solutione primitiarum & decimarum.

Martinus Episcopus, Servus Servorum Dei.  
Ad Perpetuam Rei Memoriam.

**F**ons parvulus, qui crevit in fluvium, & in lucem solemque conversus, in aquas plurimas redundavit, Cartusienus est utique Ordo prælucidus, quia in sui ortus exordio parvus, & humilis abiectione habitus, tenuitatis substantia, humilitatis professione, ac numero professorum, sub fontis similitudine, non indigne describitur, cui diversarum illi proprietatum conformitate respondens, non immerito comparatur. Hic enim fons est hortorum irriguus, ceteras irrigans Religiones, & Ordines, ac exemplis salubribus scaturiens. Hic est fons amoenus varietate virtutum, præclarus munditiæ puritate, pietate patens, indeficiens sanctitate, horum meritorum illustratus, ita nomen fontis ampliavit, ut fluvius esse censeatur. Cujus professio laudabilis de virtute in virtutem progrediens, ut Deum deorum in Sion videat, universalis Ecclesiæ latificet Civitatem, in qua per meritorum evidentiam, claræ lucis splendorem adeptus, quasi stella matutina, refulget in medio nebulæ mundi hujus. Hujus siquidem Ordinis sacra Religio, a suæ institutionis auspiciis quasi deserta & invia, paucis adhuc initiata cultoribus, tandem honoris, & honestatis fructus parturiens, ramos quidem honoris & gratiæ, generationes germinans, religionis sinceritatem, & austeram vitæ continentiam ampliavit. Ea propter exultat jam in multitudine numerosa spectabilis, quæ olim in solitudine dilatabat.

Cartusienus  
Ordinis En-  
comium.

§. 1. His itaque considerationibus inducti, Religionis ejusdem perseverantiam ac personarum sub illius habitu divinæ vacantium servituti utilitates, & commoda sinceris affectibus procurantes, majoris, & aliarum quarumcumque domorum prædicti Ordinis ubilibet consistentium Priores, & fratres, præfatos & posteros, a præstatione, & solutione primitiarum, & decimarum ex fructibus, proventus ex eorum pratis, pascuis, terris, vineis, hortis, agris, sylvis, nemoribus, montibus, aliisque prædiis, & possessionibus, in quibuscumque Mundi partibus con-

Exemptio ei  
concessa, de  
quâ in Rubrica.



consistentibus, tam ante, quam etiam post generale Concilium habitis, vel acquisitis, illis videlicet, quæ de præsentis manibus propriis, aut eorum laboribus, vel expensis excolunt, vel excoli facient in futurum, necnon ex foetibus animalium eorundem debitarum, auctoritate Apostolica perpetuo immunes reddimus, & constituimus & liberamus, ac etiam immunes, & liberos esse volumus & decernimus & censemus, eisque nihilominus, ne primitias, & decimas huiusmodi cuiquam solvere, vel præstare teneantur, nec ad id a quoquam inviti valeant compelli, tenore præsentium indulgemus.

Obstantium  
derogatio.

§.2. Concilii prædicti, ac aliis per nos, five prædecessores nostros Romanos Pontifices editis constitutionibus Apostolicis contrariis non obstantibus quibuscumque, Nulli ergo &c.

Dat. die 24.  
Septembris.  
1420. An. III.

Datum Romæ, apud Sanctos Apostolos octavo Kal. Octobris, Pontificatus nostri Anno Tertio.

### VIII.

Jurisdiclio Consulum Artis mercaturæ Pannorum de Urbe juxta Artis ejusdem Statuta cognoscendi causas quascumque ad ipsam Artem spectantes.

Martinus Episcopus, Servus Servorum Dei.  
Dilectis filiis, Consulibus Artis mercaturæ pannorum Urbis, Salutem,  
& Apostolicam Benedictionem.

Exordium.

**C**um inter ceteras alias artes, atque laudabiles negociationes, mercantia pannorum utilior sit, & ad vitam humani generis necessaria, decens ac congruum arbitramur, ut ejusdem Artis Rectores pro veritatis, ac justitiæ cultu, digna eorum industriæ prerogativa extollantur, quo sublati calumpniantium obiectionibus, ac reorum dilationibus rejectis, veritas debitum suum prosequens effectum elucescere valeat, & mercatores huiusmodi Artis ad gratificandum liberaliores, & priores creditores efficiantur.

Facultas Con-  
sulum causas  
eorum Mer-  
caturam res-  
picientes co-  
gnoscendi.

§.1. Vestris itaque in hac parte supplicationibus inclinati, utque sinceræ, & singularis devotionis fervore inducti, quam erga nos, & Romanam Ecclesiam magistra experientia gerere comprobamini, jus dicendi, lites, controversias, & causas judicandi, cognoscendi, tractandi, terminandi, definiendi, & terminatas, ac definitas exequendi, ad instantiam Mercatorum prædictæ Artis, vel eorum institorum motas, seu movendas, juxta seriem & ordinationem statutorum ipsius Artis, de quibuscumque debitis, & creditis vigore huiusmodi Artis nunc usque contractis, ac etiam de quibuscumque aliis rebus ad prædictam Artem nunc, in futurum, & in posterum, quomodocumque perpetuo contrahendis, spectandis, & pertinentis, contra & adversus quascumque personas sæculares dum-

taxat, vestrasque, & vestrorum prædecesso-  
rum sententias principaliter, & realiter  
exequendi, & quod una via realis per  
aliam personalis executionis minime tollat-  
ur vobis, & omnibus posteris Consulibus  
dictæ Artis auctoritate Apostolica tenore  
præsentium perpetuam jurisdictionem, ac po-  
testatem concedimus.

§.2. Vobisque & omnibus futuris Con-  
sulibus, ut eorundem Mercatorum codici-  
bus, ac libris ( dummodo ipsi mercantiles  
sint, & mercatorum ordine, & more scri-  
pti, & confecti, & cum debitis circumstan-  
tiis rationabili suspitione carentes discrete,  
etiam ipsius mercatoris scribentis circum-  
specta vita & qualitate pensatis ) usque ad  
quantitatem viginti ducatorum auri inclu-  
sive, occasione mercantiæ, vel cujuslibet  
alterius rei ad Artem huiusmodi pertinen-  
tium, ita tamen, ut agentium, & exigere  
volentium interveniat juramentum, perinde  
plenam fidem debiti adhibeatur, ac si le-  
gitime probatum esset ( legibus & canonibus  
contrarium disponentibus non obstantibus  
quibuscumque ) & super iis judicare,  
& decernere possitis, auctoritate Apostolica  
harum serie indulgemus.

Mercatorum  
huiusmodi Li-  
bri pro sum-  
ma 20. du-  
cat, auri dan-  
da fides.

§.3. Intendentes, & decernentes per præ-  
sentes, ut huiusmodi Mercatorum jurisdi-  
cilio, ac eorum Curia & forum a conventis in  
eisdem nequaquam declinari possit.

Declinatio  
huius Fori  
prohibetur.

§.4. Volentes insuper, quod si forsan  
aliquis Mercatorum cujuscumque gradus,  
& conditionis existat, etiam si is Consulatus  
huiusmodi Artis fungatur officio, ex con-  
fidentia huiusmodi nostri indulti, in suis  
codicibus, & libris, aliquid contra, & præ-  
ter veritatem conscripserit, ex nunc ab exer-  
cicio memoratæ Artis privatus existat, &  
aliis penis a jure institutis, & inflictis puniatur. Nulli ergo &c.

Pœnæ Mer-  
catorum in  
suis libris præ-  
ter veritatem  
scribentium.

Datum Romæ apud S. Petrum, quinto  
Nonas Maii, Pontificatus nostri Anno  
Quarto.

Dat. die 3.  
Maii 1421.  
An. IV.

### IX.

Unio omnium Canonicorum Regularium Or-  
dinis S. Augustini ubique professorum in  
unam Congregationem cum innovatione  
Constitutionum, & communicatione five  
extensione privilegiorum.

*Ista Congregatio Lateranensium Canonicorum  
nuncupatur forte quia eis Ecclesiam Latera-  
nensem administrandam demandavit Pascha-  
lis II. prout videre est in ejus Constitut. quæ  
incipit Quanto.*

Martinus Episcopus, Servus Servorum Dei.  
Ad perpetuam rei memoriam.

**S**olitudinis pastoralis officium quod  
super omnes orbis Ecclesias & Mo-  
nasteria dispensatione divina licet immeriti  
gerimus, pulsatur & excitatur mentem nostram,  
ut cunctorum fidelium, & præsertim perso-  
narum regularium, quæ mundanis relegatis il-

Exordium.



illecebris, sub arctioris vitæ observantia, se perpetuo divinis obsequiis manciparunt, commodis intendamus; ac in his, quæ divini cultus, & religionis augmentum, ac animarum salutem concernunt, eos Apostolici favoris præsidio foveamus.

§.1. Hinc est, quod Nos dilectos filios S. Mariæ de Faxionaria, S. Leonardi, S. Joannis de monte Bononiensi, & S. Victoris ei canonice annexi, S. Mariæ in porta, S. Joannis de Cereto prope Sanctum Archangelum, S. Mariæ de Insula Tremiti, S. Mariæ de Blancis loci Caxoreti, S. Salvatoris, S. Mariæ de Caritate, & SS. Quadraginta Martyrum, Lucanensis, Veronensis, Bononiensis, Ravennatensis, Ariminensis, Teatinensis, Mediolanensis, Brixianensis, Castellanaensis, & Tarusienensis diæcesum Ordinis S. Augustini Monasteriorum, Priores, Præpositos, Rectores, Canonicos & Conventus de Frisiona-tia vulgariter nuncupatos, ut Deo quietius perpetuo famulari valeant, favoribus gratiosis prosequi volentes, ad laudem gloriam, & honorem omnipotentis Dei, ejusque Matris Virginis gloriosæ, necnon B. Augustini Confessoris, ac pro religionis incremento auctoritate Apostolica, tenore præsentium statuimus, sancimus, & ordinamus, perpetuis futuris temporibus irrefragabiliter observandum, quod de cætero Priores, Præpositi, Rectores Canonici, & Conventus præfati, pro eorum perpetua soliditate, ac conservatione, quamquam diversorum Monasteriorum, & locorum professi existant; nihilominus unum corpus, unaque Congregatio similiter, & invicem connexa censeantur, ac sub una, & eadem lege, ac observantiæ regularis unitate, morumque conformitate, & eisdem consuetudinibus, privilegiis, ordinationibus, ac statutis subsint.

§.2. Ad cujus quidem Religionis & Congregationis ipsius conservationem, augmentum, & felicem in Domino in observantia vera & sanctitate successum, iidem Priores, Præpositi, Rectores, Canonici, & Conventus singulis annis, five bienniis, aut saltem trienniis, prout opportunum, & utilius pro eadem religione expedire noverint, Capitulum generale celebrent nullatenus dissolvendum, nisi de subsequenti celebrando fuerit per ipsum Capitulum locus idoneus determinatus, qui quidem locus nisi evidenti, & magnæ necessitatis causa, & de ipsius religionis regiminis principalis consensu nequeat commutari. In quo quidem Capitulo pro stabilimento Congregationis religionis præfatae quomodolibet in eis occurrentia, præsertim ac statum sanctæ religionis præfatae, & observantiæ regularis concernentia, pro tempore eadem auctoritate terminare, statuere, & ordinare, & ordinationes, atque statuta condere: ac inde statuta condita, & ordinata, successu temporis, prout eidem Capitulo magis congruum videbitur & utilius, secundum Deum & pro communi omnium pace, & conservatione regularis observantiæ valeant, eis nihilominus innovandi, alterandi, commutandi in totum, vel in partem:

Obscura quoque & dubia, etiam circa eorum regulam, constitutiones, atque statuta, (salva ipsius regulæ substantia) declarandi, interpretandi, disponendi, & ordinandi, secundum gratiam, a Deo eis tributam, facultatem concedentes.

§.3. Aliis autem ipsius Ordinis antiquis constitutionibus præsertim Benedicti Papæ XII. prædecessoris nostri minime teneantur adstricti, quoniam mores, observantias, & consuetudines abundantiores habent illis, & in rigiditatibus, ac disciplina Ordinis strictiores, & observantiæ regulari aptiores, ad conservandum religionis debitæ statum. Universos quoque Congregationis religionis ejusdem Prælatos, Priores, Rectores, & subditos, pro eorum excessibus five delictis corrigere possint, prout eidem Capitulo, five regimini principali eorum, melius & utilius secundum Deum, religionisque debitum videbitur convenire.

§.4. Statuta quoque & ordinata per ipsum Capitulum, five majorem, & saniorum ejus partem, ab omnibus & singulis dictæ Congregationis religionis prædictæ, tam Prioribus, Præpositis, Rectoribus, & Canonicis, quam subditis inviolabiliter observentur. Non intendentes tamen ob hoc transgredientes simpliciter ad peccatum aliquod aggravare: sed penitentiam tantum, & temporali penæ, five correctioni superiorum subjacere debere, donec se humiliter emendaverint.

§.5. Præterea eadem auctoritate statuimus, ut pro deductione, atque expeditiva determinatione causarum contingentium de tempore in tempus, & occurrentium de locis suis, de Canonicorum gremio dictæ religionis, valeant unum idoneum Rectorem majorem, vel Conservatorem, seu Visitatorem principalem, prout eis visum fuerit eligere, & creare, juxta formam de eorumdem electione, & confirmatione Rectoris dictis ipsorum monasteriis, alias ab Apostolica Sede concessam, quemcumque maluerint; etiam si indicta Congregatione religionis præfatae, aliquo regiminis officio, sic electus fuerit deputatus, qui tamen ob hoc, a suo titulo, ac regiminis officio nullatenus censeatur destitutus; sed officium utrumque gerere valeat, & exercere. Cui Rectori, vel Conservatori, seu Visitatori principali, cæterisque Prioribus, Præpositis, & Rectoribus Monasteriorum, & locorum dictæ Religionis, quot eidem Capitulo videbuntur, de religione eadem Definitorum, & focii idonei valeant deputari per Capitulum antedictum, sine quorum consilio, & eorum majoris partis consensu, dictus Rector, vel Conservator, seu Visitator principalis, ac cæteri Priores, Præpositi, atque Rectores locorum ipsorum, ea quæ hujusmodi generalis Capituli judicio ardua videbuntur, nequeant terminare.

§.6. Qui tamen Rector, vel Conservator, seu Visitator principalis, ac cæteri Priores, Præpositi, five Rectores Congregationis religionis ejusdem, cum suis focis, & Definitoribus deputatis illam tantam auctori-

Derogatio  
Bullæ Be-  
nediti XII.  
circa statuta  
huius Ordinis.

De Statutis in  
Capitulo edi-  
tis observan-  
dis, & trans-  
gressorum pe-  
nis.

De Rectoris  
Generalis e-  
lectione, &  
officio.

De Definitoribus.

Prælatorum  
Ordinis au-  
thoritas qua-  
lis?

Enumeratio  
Domorum,  
quas unit Pon-  
tiffex.

De Capituli  
Generalis ce-  
lebratione, &  
auctoritate.



ritatem habeant, bayliam, & potestatem super fratribus, & Canonicis, & subditis antedictis, ac eorum Monasteriis & locis, & super tota Congregatione religionis prædictæ, & tam in visitationibus locorum omnium, & Conventuum dictæ Congregationis, & religionis præfata, quam in agendis omnibus spiritualibus, & temporalibus, quam dictum Capitulum sanius & utilius, pro communi omnium pace, & conservatione Regularis observantiæ, ac eorum humilitate servanda, dignum fore censebit.

Officia eorum quandiu durent.

§.7. Officium vero hujusmodi Rectoris vel Conservatoris, seu Visitatoris principalis, cæterorumque Priorum, Præpositorum, atque Rectorum locorum omnium dictæ religionis, & Congregationis ipsius, præsentium, & futurorum, & deputatorum sibi sociorum, sive Definitorum, elapso anno ab eorum creatione, ipso facto expiret, secundum formam in eorum privilegiis contentam, ac dictis eorum Monasteriis & locis, ab Apostolica Sede concessis, aut eisdem non obstantibus privilegiis, anno secundo expleto, sive tertio tantum successive finito ad plus; tunc eo ipso vacet, & expiret dictorum regimen & officium, prout in præmissis idem generale Capitulum pro dictæ Religionis, & Congregationis conservatione, commoditate, atque utilitate, secundum Deum sanius, & utilius decreverit exequendum.

Rector generalis iterato eligi nequit.

§.8. His tantum adiectis, & declaratis, quod talis Rector, Conservator, seu Visitator principalis prædictus, ultra tertium annum successive finitum, in eodem suo regimine & officio, pro quarto sequenti anno amplius reeligi, & in dictum Regimen & officium assumi non possit, pro illa vice tantum. Ad aliud tamen regimen, & officium eligi possit, in alio Monasterio, & loco.

Cæteri autem Prælati possunt.

§.9. Cæteri vero Priores, Præpositi, sive Rectores, & officiales prædicti Monasteriorum, & locorum omnium dictæ religionis, & Congregationis ipsius, præsentium, & futurorum, reeligi possint, & in idem regimen & officium assumi totiens, quotiens dicto visum fuerit Capitulo generali, etiam in eodem loco, & in diversis regiminibus, & officiis; servatis tamen in cæteris omnibus dictorum privilegiorum debitis modis, & formis.

Vacationis tempore officiorum per Vicarios sunt exercenda.

§.10. Interim autem, quo dicti Priores, Præpositi, & Officiales, sive Rectores, statutum sibi regiminis & officii sui tempus expleverint, circa hujusmodi officia, sive regimina gubernanda per Vicarios in locis deputandos ipsi Capitulo generali, sive eorum regimini principali, providendi onus incumbat, donec alii eorum loco fuerint, ut præfertur, canonice subrogati, aut ipsi quorum cessavit regimen & officium, suis exigentibus meritis, reeligantur de novo per Capitulum antedictum, juxta modum qui continetur in præfata concessione Apostolica.

De translatione Canonico-rum.

§.11. Porro ne Monasteria ipsa in contingentibus mutationibus præfatorum Canonico-rum, in suis locis & Conventibus, damnum aliquod quomodolibet patiantur,

Bull. Rom. Tom. III. Pars II.

quotiescumque aliquis fuerit per dictum Capitulum, de uno ad aliud eorum Monasterium pro Conventuali transmissus, & deputatus, ipso facto a Priore, sive Præposito, aut Rectore loci, in quo professionem emisit, illa vice censeatur absolutus, & ejus ad quod ut præfertur fuerit Monasterium destinatus, quousque in eo deputabitur permanere, ibi veluti proprius Canonicus reputetur, & pro Conventuali habeatur ibidem, in omnibus Capitularibus, aliisque singulis actibus, ac si foret ibidem expresse professus, ut in dictis privilegiis, & concessionibus Apostolicis plenius continetur.

§.12. Et ut omnis via scandali præcludatur, singuli Canonici conversi, ac oblati, sive commissi Congregationis Religionis prædictæ, sub obedientia generalis Capituli, ac dicti Rectoris, vel Conservatoris, seu Visitatoris principalis, & sociorum Deputatorum nomine Congregationis ejusdem, principaliter submittantur, & inde consequenter sub illorum Rectorum, sive Priorum, aut Præpositorum, in quorum locis, & Monasteriis fuerint pro Conventualibus deputati.

Obedientia quibus, & quo ordine præstanda.

§.13. Valeantque Canonici dictæ Congregationis cum consensu eorum Capituli generalis, sive regiminis dictæ Congregationis principalis, auctoritate Apostolica, acceptare, & acquirere justo titulo, loca, & Monasteria, tam facta, quam de novo construenda, a quocumque Prælato, Ecclesiasticaque persona: necnon Rege, Duce, Principe, vel Barone, Dominio, sive Communitate, omnique Christifideli.

Facultas accipiendi Monasteria.

§.14. Statuentes insuper eadem auctoritate pariter, & ordinantes, ut tam hujusmodi statuta, ordinationes, & voluntates, nostraque cætera privilegia, concessionem, immunitates, & gratiæ singulis antedictis Monasteriis, ac locis ipsius religionis, & Congregationis prædictæ per Romanos Pontifices prædecessores nostros, seu pro Romanis Pontificibus se gerentes: Imperatores, Reges, Duces, Barones & Principes, Domina, Communitatesque concessæ & concessæ (quæ omnia præsentibus haberi volumus pro expressis) & in posterum favente Domino concedenda, in omnibus, & per omnia, ad universa & singula loca, & Monasteria, Prioratus, & Præposituras, & domos, eorumque personas, quæ nunc, & præcedente tempore ad hujusmodi religionem, ac Congregationem ipsius, & ad ejusdem fratres, & Canonicos reducta, vel unita sunt, seu reduci, vel uniri contigerint, cum illius, aut illorum suppositis, vel unitis, aut per eosdem canonice acquisitis, & justo titulo acquirendis, ut præfertur, extendi debeant.

Extensio Privilegiorum.

§.15. Omnibus dictæ Congregationis, & Religionis moribus, & modis, consuetudinibus, & observantiis, ordinationibus, & privilegiis, atque statutis, constitutionibus, & reservationibus Apostolicis, atque nostris generalibus vel specialibus quorumcumque tenorum existant, aliisque contrariis non obstantibus quibuscumque. Nos enim ex nunc

Clausula derogatoria.

K k k irri-



Dat. die 29.  
Junii 1421.  
An. IV.

irritum decernimus, & inane, si secus super  
præmissis a quoque, quavis auctoritate, scien-  
ter vel ignoranter contigerit attentari.  
Nulli ergo &c.

Datum Tibure, secundo Kal. Julii, Pon-  
tificatus nostri Anno Quarto.

## X.

Ex Regest. in  
Arch. Vatic.

Ereção Cathedralis Ecclesiæ Fortisventu-  
ræ in Insulis Canariis quæ Ispalensi subjecta  
declaratur.

Martinus Episcopus Servus Servorum Dei.  
Ad perpetuam rei memoriam.

Exordium.

**I**lius coelestis Agricolæ Jesu Christi  
videlicet Salvatoris Domini Dei  
nostri, cujus vices in terris licet immeriti  
divinitus suscipimus exequendas, pulsamur  
doctrina, & scriptis Evangelicis edocemur,  
ut ad messē multam, cui operarii pauci  
præfuerint, transmittamus operarios, per  
quorum ministerium messis ipsa debita Cul-  
tura adiuta suffragiis uberes exhibeat fru-  
ctus in coeleste horreum opportuno tempore  
reponendos.

Insulæ For-  
tunatæ.

§. 1. Sane ad Apostolatus nostri auditum  
fama publica proferente, multorumque  
fidedignorum relatione pervenit, quod in  
insulis fortunatis in Partibus meridianis con-  
sistentibus de Canaria nuncupatis, in quibus  
inter cæteras una Lancellotti, alia Fortisven-  
turæ, alia Grandiscanariæ, alia Inferni, alia  
Gomere, alia Palmæ, & alia Ferri nuncu-  
patæ Insulæ ab olim Populis Deum minime  
agnoscentibus populatæ habentur, per dile-  
cti filii Nobilis Viri Joannis de Betenturia  
militis, & aliorum multorum Christifide-  
lium potentiam, & industriam ac religio-  
forum Virorum prædicationis doctrinam,  
& diligentiam indefessam Lancellotti,  
Fortis venturæ, & Ferri Insulæ prædictæ to-  
taliter Christianæ Fidei Cultoribus subditæ,  
ipsarumque omnes, necnon Grandiscanariæ,  
& Gomere Insularum prædictarum pro cer-  
tis earum dumtaxat partibus Populi ad Fi-  
dem Catholicam sunt conversi, ac Lancel-  
lotti quodam in honore, & sub vocabulo  
Sancti Martialis etiam in Cathedralem ere-  
cta Rubricen, nuncupata, & cui extitit de  
Pastore provisum, ac in Fortisventuræ alia  
sub Sanctæ Mariæ de Betenturia, & reliqua  
sub de Lapalma Ecclesiæ Gomere vero In-  
sulis antedictis quedam Cappella sub ejus-  
dem Beatæ Mariæ de Lapalma vocabulis con-  
structæ fuerunt, quodque si in prædicta In-  
sula Fortisventuræ, quæ ad alias videlicet  
Grandiscanariæ, Inferni, Gomere Ferri, &  
Palmæ Insulas, in quibus etiam conversio-  
nis hujusmodi novitate causante Clerico-  
rum, & personarum Ecclesiasticarum ad  
hæc operam dantium raritas habetur pro hu-  
jusmodi conversionis negocio feliciter pro-  
sequendo propinquior, & magis opportuna  
extitit Pastor proprius, qui conversus in fi-  
de Catholica instrueret, & etiam robora-

Causæ facien-  
da Ereccionis.

ret, ac de conversione Infidelium Populo-  
rum hujusmodi specialem, & fidelem, &  
sollicitam curam gereret, deputetur, ne-  
dum in Grandiscanariæ, & Gomere, quo  
ad residuas Partes earum, sed in Palmæ, &  
Inferni Insulis antedictis poterit inspirante  
Domino magna conversionis Populorum  
hujusmodi, & animarum utilitas provenire.

§. 2. Nos igitur ad instar ejusdem Agri-  
colæ, cujus actio est nostra instructio, cu-  
pientes, ut Messis populorum hujusmodi,  
quæ ut præmittitur admodum copiosa, &  
ad suscipiendam fidem prædictam disposi-  
ta fore conspicitur, nostræ operationis mi-  
nisterio, prout Nobis est possibile suffragan-  
te per proprios operarios, ac eorum opem,  
& operam in Ecclesiæ Sanctæ Dei, & tan-  
dem in cæleste horreum hujusmodi repona-  
tur, Ecclesiam beatæ Mariæ de Benturia  
prædictam ad Omnipotentis Dei, ac ejusdem  
Sanctæ Mariæ laudem, & gloriam, & ho-  
norem divini quoque cultus augmentum, &  
animarum salutem de Fratrum nostrorum  
consilio, & apostolicæ potestatis plenitudi-  
ne in Cathedralem erigimus, & etiam con-  
stituimus, & Ecclesiæ Cathedralis titulo, &  
honore, ac insigniis decoramus, eamque ad  
memoriam indelebilem volumus, & cense-  
mus Ecclesiam Fortisventuræ perpetuis futu-  
ris temporibus nuncupari, sponsum idoneum  
cum Officii Pontificalis plenitudine Deo au-  
ctore per Apostolicæ diligentia ministerium  
habituram, cui Sponsus ipse præsit pariter at-  
que profit & volumus.

Ereção, de  
qua in Rubri-  
ca.

§. 3. Apostolica quoque Auctoritate de-  
cernimus, quod Episcopus Fortisventuræ,  
qui pro tempore fuerit, Grandiscanariæ,  
Inferni, Gomere, Ferri, ac Palmæ Insula-  
rum prædictarum, & incolarum, & habi-  
tatorum ipsorum episcopalem in spirituali-  
bus, & temporalibus curam gerat, quod-  
que Ecclesia Fortisventuræ prædicta Eccle-  
siæ Ispalen., cui prædicta Rubicen. Eccle-  
sia subiicitur, Jure Metropolitico sit subie-  
cta, quousque omnes hujusmodi habitato-  
res, & incolæ fuerint ad prædictam Fidem  
conversi, & ex tunc donec per Sedem Apo-  
stolicam super hiis aliter fuerit ordinatum.

Ecclesia sic  
erecta Ispa-  
lenfi subiici-  
tur.

§. 4. Non obstantibus Constitutionibus  
Apostolicis ac statutis, & consuetudinibus  
Ecclesiarum prædictarum etiam Juramento  
Confirmatione Apostolica, vel quacumque  
firmitate alia roboratis cæterisque contra-  
riis quibuscumque.

Nulli ergo omnino hominum liceat  
hanc paginam nostrorum erectionis, consti-  
tutionis, decorationis, deceti, & volunta-  
tis infringere &c.

Obstantium  
derogatio.

Datum Romæ apud Sanctos Aposto-  
los duodecimo Kalendas Decembris Pontifi-  
catus nostri Anno Septimo.

Dat. die 20.  
Novembris  
1423. An. VII



## XI.

Confirmatio Regule Fratrum & Sororum  
Tertii Ordinis Servorum B. MARIE  
Virginis.

*Quæ Servitarum Ordinem concernunt, notavi  
in constit. 1. Benedicti XI. Dum levamus sup.  
pag. 162.*

Martinus Episcopus, Servus Servorum Dei.  
Ad futuram rei memoriam.

Exordium:

**S**edis Apostolicæ providentia circum-  
specta personas sub regulari obser-  
vantia vacantes assidue studio piæ vitæ, be-  
nigno favore prosequitur, & ea quæ pro  
earum statu salubriter dirigendo provide  
ordinata sunt, ut illibata persistant aposto-  
lico consuevit munimine roborare.

§. 1. Sane petitio pro parte dilectorum  
filiorum Prioris Generalis & Fratrum, ac  
dilectarum in Christo filiarum Sororum Or-  
dinis Servorum Sanctæ Mariæ, secundum  
Regulam & instituta Beati Augustini viven-  
tium, qui quidem Fratres & Sorores, de  
confortio servorum Sanctæ MARIE nun-  
cupantur, nobis nuper exhibita continebat,  
quod ipsi quamdam Regulam, sive reli-  
giose vivendi formam, in qua nonnulla ho-  
nesta & rationabilia ac regulari disciplinæ  
congruentia statuta & ordinamenta fore no-  
scentur, hæcenus laudabiliter observarunt  
prout observant: quodque licet Fratres, So-  
rores & Ordo huiusmodi variis per Sedem  
Apostolicam sint privilegiis communiti, ta-  
men pro solidiori eorum subsistentia, & ut  
clementia Altissimi operante de virtute in  
virtutem gradientes, devotiorem reddere  
valeant Domino famulatum, desiderant hu-  
iusmodi Regulam seu vivendi formam per  
Sedem eandem approbari. Quare pro par-  
te Prioris & Fratrum ac Sororum eorum-  
dem nobis fuit humiliter supplicatum, ut Re-  
gulæ sive vivendi formæ huiusmodi, robur  
Apostolicæ confirmationis adiacere, illamque  
per ipsos Fratres & Sorores in perpetuum  
observari mandare de benignitate Apostolica  
dignaremur.

§. 2. Nos igitur, qui super præmissis omni-  
bus & singulis relatione plenaria & fidei fui-  
mus clarius informati, huiusmodi supplica-  
tionibus inclinati, Regulam seu vivendi for-  
ma, quam per singula ejus Capitula, cla-  
re & distincte, ac de verbo ad verbum præ-  
sentibus fecimus annotari, necnon statuta  
& ordinationes prædicta rata habentes &  
grata, illa auctoritate apostolica ex certa  
scientia confirmamus, & præsentis scripti  
patrocinio communimus, & nihilominus  
Regulam sive vivendi formam eandem  
per ipsos Fratres, Sorores præsentibus &  
posteris, volumus & mandamus perpetuis  
futuris temporibus inviolabiliter observari.

Eas confir-  
mat Marti-  
nus.

*Tenor vero Regule sive vivendi formæ hu-  
iusmodi, sequitur & est talis.*

## CAP. I.

§. 3. In primis, ut hic Ordo continuum  
& perpetuum de bono in melius recipere  
valeat incrementum, quod ex receptione  
personarum bene dispositarum plurimum  
noscitur dependere, volumus & ordinamus,  
quod nullus recipiatur ad Ordinem hu-  
jus fraternitatis, nisi de licentia Prioris Ge-  
neralis ejusdem, vel ipsius Vicarii seu Cor-  
rectoris fraternitatis pro tempore deputati  
illius loci, præmissa tamen diligenti exa-  
minatione, quod sit honestæ vitæ, & bonæ  
famæ, ac de hæresi nullatenus suspectus,  
quinimo sit veritatis & catholicæ fidei ze-  
lator præcipuus, qui etiam antequam ha-  
bitum hujus Religionis recipiat, de alienis,  
si qua habuerit, satisfaciat ad plenum, &  
proximis reconcilietur, necnon paratum si-  
ve conditum testamentum tenere studeat,  
juxta consilium & ordinationem confessoris  
discreti, & eadem examinatio fiat de mu-  
lieribus ingressum hujus Ordinis petentibus:  
habentibus tamen viros non pateat ingressus  
ad consortium dictæ fraternitatis, nisi de  
virorum suorum licentia & consensu fiat  
publicum instrumentum. Idem quo ad hæc  
servari volentes in viris uxores habentibus,  
nisi obstaret in ipsius vel altero ipsorum ali-  
qua causa, quæ legitima judicaretur con-  
silio Discretorum.

De recipien-  
dis in Ordi-  
nem.

## CAP. II.

§. 4. Omnes autem tam Fratres, quam  
Sorores dictæ fraternitatis induantur panno  
nigro, qui nec in colore nec in valore mini-  
mam preciositatem prætendat, sicut conven-  
nit honestati Servorum Christi & Beatæ Ma-  
riæ. Tunica quoque habeant, manicas us-  
que ad pugnum, & sint stricte & clausæ,  
corrigias de coiro tantum habeant quibus  
Sorores cingantur. In bursis etiam, calcea-  
mentis, & cæteris omnem mundanam refe-  
cent vanitatem. Vela vero Sororum & bin-  
dæ sint alba de panno lineo vel canabino.

Habitus Fra-  
trum & So-  
rorum.

## CAP. III.

§. 5. Recipiatur recipiendus in loco Ca-  
pituli fraternitatis vel ante altare Ecclesiæ  
Fratrum illius loci, & a Priori Generali, sive  
Vicario, vel Correctore dicti Ordinis Ser-  
vorum Sanctæ Mariæ prædictis, qui Prior,  
vel Vicarius, seu Corrector existente indu-  
cendo, & petente humiliter flexis genibus  
recipi, præsentibus aliquibus aliis Fratribus  
Ordinis ejusdem, & quibusdam de confrat-  
ria viris discretis, benedicat prius habi-  
tum ejus, qui debet recipi hoc modo vi-  
delicet. Ostende nobis Domine misericor-  
diam tuam. Dominus vobiscum. Oremus.  
Domine JESU CHRISTE, qui tegumen-  
nostræ mortalitatis induere dignatus es, &c.  
Postea vero tali habitu benedicto, & per re-  
ceptum seorsum indutum, atque ad gradum  
altaris reverso, & ante Priorem sive Vica-  
rium

Cæremonia  
in dando ha-  
bitu noviter  
receptis ob-  
servandæ.



rium vel Correctorem genuflexo, dicit Prior vel Vicarius seu Corrector: Veni Creator Spiritus, & Fratres, qui ei assistent ipsum prosequantur usque ad finem. Deinde dicitur Kyrie eleison, Christe eleison. Pater noster &c. Emitte spiritum tuum &c. Salvum, fac servum tuum, &c. Dominus vobiscum, &c. Oremus. Deus qui corda fidelium sancti Spiritus illustratione docuisti, &c. & Præten- de Domine famulo tuo, &c. & responso. Amen, Aspergatur sic indutus a Priore vel Vicario seu Correctore Aqua benedicta, deinde omnes Fratres fraternitatis præsentis ipsum recipiant ad osculum pacis, & eo modo ante Altare recipiantur mulieres quem- admodum est de Fratribus supradictum.

## C A P. I V.

Forma pro-  
fessionis.

§. 6. Completo anno vel ante, si Priori vel Vicario, seu Correctori prædictis aut cui commiserit, & etiam majori parti Fratrum Professorum fraternitatis visus fuerit idoneus, ad professionem recipiatur: profitebitur autem hoc modo, videlicet:

Ad honorem DEI Omnipotentis Patris, & Filii, & Spiritus sancti, & Beatæ MARIÆ Virginis, ego N. coram Vobis Priore seu Vicario vel Correctore Fratrum Ordinis Servorum Sanctæ MARIÆ de consortio talis loci, profiteor velle me de cetero vivere secundum formam & Regulam Fratrum & Sororum dicti Ordinis usque ad mortem.

Mulieres vero eodem modo profiteantur coram Priore, vel ut supra, & Priorissa, vel cui commiserit.

## C A P. V.

Professio a  
Religione  
præclusus re-  
gressus.

§. 7. Statuimus autem, ut nullus Frater nec Soror hujus fraternitatis & ordinis, post talem supradictam Professionem de hoc Ordine egredi valeat, nec eisdem ad seculum reverti liceat, sed bene libere possint transire ad unam de approbatis Religionibus, tria vota solemnia profiten- tibus.

## C A P. V I.

De horis Ca-  
nonicis, aliis-  
que vocalibus  
orationibus.

§. 8. Fratres & Sorores dicant quotidie omnes horas canonicas, nisi infirmitate impediuntur. Pro Matutinis dicant vigintiocto Paternoster, pro vespers quatuordecim, & pro qualibet aliarum horarum septem. Ad honorem vero Beatæ MARIÆ semper Virginis, pro qualibet hora tot Ave Maria quot Pater noster dicere teneantur. Pro benedictione autem Mensæ dicant unum Pater noster: cum vero surgunt de Mensa similiter dicant unum Pater noster pro gratiarum actione, vel Psalmum, Miserere mei Deus, vel Laudate, qui sciunt, omnes etiam, qui sciunt Symbolum Apostolorum videlicet, Credo in Deum, dicant illud semel in principio Matutinarum, & etiam ante Primam, & quando Completorium fuerit terminatum, qui autem sciunt, & dicunt horas canonicas quemadmodum faciunt Clerici,

prædicta Pater noster, & Ave Maria dicere minime teneantur.

## C A P. V I I.

§. 9. Ad Matutinas Dominicis diebus & festivis a festo Omnium Sanctorum usque ad festum Resurrectionis Dominicæ, omnes surgunt. In Adventu autem Domini, & Quadragesima surgant omni nocte. Qui vero occupantur quotidiano opere manuali, horas suas dicere poterunt de mane usque ad Vesperas exclusive, de sero Vesperas & Completo- rium simul dicant.

Tempore ho-  
rarum dicen-  
darum.

## C A P. V I I I.

§. 10. Omnes quater in anno ad mi- nus, videlicet in festo Nativitatis Domini, Resurrectionis ipsius, Pentecostes & Assum- ptionis aut Nativitatis Beatæ MARIÆ Vir- ginis, peccata sua confiteantur diligenter, & Eucharistiæ devote studeant recipere Sa- cramentum, nisi forsan ex aliqua causa ra- tionabili alicui ex ipsis esset a suis Confes- soribus interdictum. Qui autem ex devo- tione sua sæpius voluerit infra annum com- municare, petita a suo Prælo licentia & obtenta, devotionem suam cum Dei benedictione poterit executioni demandare.

Confessione  
& Commu-  
nione.

## C A P. I X.

§. 11. In Ecclesia dum celebrantur Missæ, vel decantatur divinum Officium, seu actualiter proponitur ibidem verbum Dei, omnes silentium servare studeant, & orationi ac divino officio diligenter intendant, nisi ex aliqua speciali & oc- currente necessitate aliquid submis- se lo- quatur.

Silentio in  
Ecclesia.

## C A P. X.

§. 12. Fratres & Sorores Ecclesias qua- rum Parochiani existunt, juxta canonicas sanctiones & bonos mores, & cum omni devotione studeant visitare, & Ecclesiarum suarum Prælatos, videlicet Episcopos & inferiores summe revereantur. Ipsorumque jura absque omni diminutione fideliter eis solvant, & hoc tam in decimis quam in obligationibus alias quomodolibet con- suetis.

Reverentia  
Episcopis, Pa-  
rochis aliisque  
exhibenda.

## C A P. X I.

§. 13. A Dominica prima Adventus us- que ad Nativitatem Domini, quotidie tam Fratres quam Sorores jejunent. Et similiter a Dominica in Quadragesima usque ad Pas- cha Resurrectionis Domini idem observent, Ferias autem sextas jejunabunt omni tempo- re. Et jejunia omnia ab Ecclesia instituta. Qui autem voluerit amplius jejunare, seu au- steritates alias facere, poterunt habita licentia a suo Prælo, vel de consensu Confessoris discreti.

Jeuniis.

## C A P. X I I.

§. 14. Fratres & Sorores hujusmodi Fra- ternitatis, uti poterunt carnibus diebus Do- minicis, & tertia & quinta feria. Ceteris ve- ro diebus se abstineant, nisi sint infirmi aut mul-

Esucarnium.



multum debiles, vel nisi præcipuum festum fuerit illa die, aut quia essent in itinere constituti.

## CAP. XIII.

Choreis, conviviiisque fugiendis.

§. 15. Vagos curiososque discursus per Civitatem non faciant. Sorores vero solæ non discurrant, maxime juniores: ad nuptias & choreas, sive ad dissoluta & mundana convivia, sive ad vana spectacula, nullo modo accedant, de Civitate vero seu Castro vel loco ubi habitant, non exeant etiam causa peregrinationis, absque speciali licentia Prioris, Vicarii vel Correctoris dictæ fraternitatis.

## CAP. XIV.

Armis non deferendis.

§. 16. Insinuationis sive impugnationis arma secum Fratres non deferant, nisi pro defensione fidei Christianæ, aut ex alia rationabili causa, & de suorum Prælatorum licentia.

## CAP. XV.

Infirmorum cura.

§. 17. Deputentur per Correctorem duo ex Fratribus, qui cum quempiam ex eisdem noverint infirmari, ipsum quam citius poterunt, caritative studeant visitare, & statim a principio ad recipiendum poenitentiam, & alia Ecclesiastica sacramenta eundem efficaciter exhortentur, & si necesse fuerit, ministerium corporale, prout commodè poterunt, eidem studeant exhibere: si vero fuerit pauper, necessaria de bonis propriis vel communibus prout facultas permiserit, sibi ministrare procurent, & idem faciant Sorores circa infirmas ex eis.

## CAP. XVI.

Mortuorum suffragiis.

§. 18. Quando contingeret aliquem ex Fratribus ab hac luce migrare, cæteris confratribus, qui sunt in hac Civitate vel Castro, nunciatur, ut procurent defuncti exequiis personaliter interesse, a quibus non recedant, donec corpus traditum fuerit sepulture: hoc idem inter Sorores decedentes volumus observari. Præterea infra octo dies, post ipsius defuncti sepulturam, immediate sequentes, quilibet Frater & Soror dicat pro anima ejus, Sacerdos unam Missam, sciens vero Psalterium Psalmos quinquaginta. Illiterati vero centum Pater noster dicant, & in fine cujuslibet, Requiem æternam, &c. Et præter hæc quilibet infra annum pro Fratrum & Sororum, tam vivorum quam defunctorum salute tres Missas faciat celebrari, qui vero sciunt Psalterium, illud dicant, & cæteri quinquaginta Pater noster dicere teneantur.

## CAP. XVII.

Electione Correctoris Generalis, & Priorissæ.

§. 19. Correctore fraternitatis mortuo vel amoto, Prior seu Vicarius cum consilio antiquorum de fraternitate, alium instituat Correctorem, singulis autem annis infra Octavas Pasche vel alio tempore, privatus Prior vel Vicarius habeat consilium cum antiquioribus de fraternitate super amotione vel confirmatione Correctoris, sic eum-

dem confirmare vel movere poterit, secundum quod ipse cum præfatis judicaverit expedire. Consimiliter etiam de consilio dicti Prioris vel Vicarii, & aliquorum de fraternitate magis antiquorum, poterit Corrector ordinare de Subcorrectore vel Vicario fraternitatis, & etiam postmodum confirmare, & amovere secundum quod eis visum fuerit expedire. Qui Subcorrector vel Vicarius tantam potestatem habeat, quantam Corrector sibi concedet. Et eadem forma in institutione, & destitutione Priorissæ servetur.

## CAP. XVIII.

Correctoris & Priorissæ officio.

§. 20. Correctoris officium erit, cum omni diligentia servare in se quæque in Regula descripta sunt, & sollicitam dare operam ut ab aliis confratribus observentur. Si quos vero viderit transgredientes, aut etiam negligentes, caritative corripiat & emendet vel si magis sibi videatur expediens, Priori vel Vicario prædictis, ut corrigat, poterit intimare. Priorissæ etiam erit officium sollicitè Ecclesiam visitare. Cæteras etiam Sorores excitare ad observantiam regularem, diligenter etiam per seipsam, & alias quibus imponet observare, quod in incessu, statu & habitu, nihil per aliquam consorem fiat, quod cujusquam merito turbare possit aspectum, præcipue tamen attendat, ut Sorores cum quoquam viro cujusunque conditionis existat, familiaritatem non contrahant, maxime juniores, nisi forsan talis vir Sorori illi attingat intra tertium consanguinitatis gradum ad longius, cum hoc quod sit bonæ vitæ & famæ.

## CAP. XIX.

Peccantium correctione, & emenda.

§. 21. Siquis notatus fuerit de aliqua familiaritate suspecta, & ter admonitus per Prælatum, si non se emendaverit, excludatur ad tempus a Capitulo & consortio cæterorum confratrum, & de consilio discretorum ab ipsorum penitus consortio publice excludatur, nec admittatur de cætero, nisi cum Fratribus omnibus videatur esse correctus. Item siquis confratri vel alteri cuicumque opprobrium dixerit, quod sonare infamiam videatur, aut ex ira quempiam percussit, vel ad locum sibi prohibitum ire præsumpserit, seu inobedientiam quamcumque commiserit, aut etiam Prælo mendacium ex industria dixisse depræhensus fuerit, abstinencia panis & aquæ, vel exclusionem a Capitulo, aut etiam consortio aliorum, Fratrum, plus vel minus secundum conditionem personæ & exigentiam delicti gravius corrigatur. Item siquis commiserit peccatum carnale, talis de consilio majoris partis Professorum fraternitatis illius loci, secundum exigentiam culpæ & conditionem personæ, gravius vel levius puniatur, sic tamen quod si cæteris in exemplum: quam punitionem sit ferre recusaverit, de consilio discretorum de ordine expellatur. Circa Sororum correctionem, illud idem volumus in omnibus observari.



## C A P. XX.

Congregatio-  
nibus mense  
quolibet in  
Ecclesia FF.  
Servorum &  
subordinatio-  
ne Generali  
Ordinis.

§.22. In quolibet autem mense semel certa die & hora, per supradictos Priores vel Vicarios ad Ecclesiam Fratrum Servorum Sanctæ MARIE convocentur Fratres omnes confratriæ prædictæ, verbum Dei & etiam Missam, si hora competens fuerit, pariter audituri, & tunc per ipsos Priores vel Vicarios ipsis legatur Regula ista, & exponatur, ac de agendis Fratres informet, & negligentes corrigant, & emendent, prout secundum Deum, & istam vivendi formam viderint expedire. In quolibet etiam mense, prima sexta Feria, Sorores ad Ecclesiam hujusmodi conveniant, similiter verbum Dei, & Missam communiter audituræ, quibus etiam legatur hæc Regula, & exponatur, de suisque excessibus corrigantur, ut supra. Volumus, quod in qualibet Civitate & Terra, ubi fuerint Fratres & Sorores confratriæ hujusmodi, habeant in Correctorem vel Vicarium aliquem idoneum Fratrem Sacerdotem de Ordine prædicto, quem postulaverint a Prioribus præfatis, aut quem ipsi Priores vel Vicarii, per se vel per alios eis assignare decreverint. Volentes insuper & statuentes, universos Fratres & Sorores hujusmodi confratriæ, ubicumque existant, directioni & correctioni ipsius Generalis vel Prioris Provincialis, pro eorumdem ampliori conservatione & promotione totaliter subiacere, quantum ad illa videlicet, quæ eorumdem vivendi modum & formulam concernere dignoscuntur.

## C A P. XXI.

Correctoris  
& Priorissæ  
dispensandi  
ab abstin-  
tiis facultate.

§.23. Corrector Fraternitatis cum Fratribus & Priorissa cum Sororibus suis, cum Vicario eis deputato, cum ipsis in abstinentiis, jeuniis & austeritatibus aliis in supradictis capitulis contentis, ex causa legitima cum expedire viderint, poterunt dispensare.

## C A P. XXII.

Regula non  
obligat ad  
culpam sed  
ad penam.

§.24. Demum quemadmodum in constitutionibus Ordinis Sancti Augustini continetur; Item volumus & ordinamus, quod in ista Regula seu forma vivendi habeatur, videlicet quod præter divina, & Ecclesiæ præcepta atque statuta in ea contenta, in reliquis hujusmodi Regulæ constitutionibus five ordinationibus, Fratres & Sorores ad culpam nullatenus obligentur, sed solum ad penam, quæ cum a Prælato vel Generali continget ex quavis transgressione imponi, per transgressorem humiliter & prompte suscipiatur, & etiam opere perficiatur: cooperante gratia Domini Redemptoris Nostri JESU CHRISTI, qui cum Patre, & Spiritu Sancto vivit, & regnat Deus, per omnia sæcula sæculorum. Amen.

§.25. Nulli ergo omnino hominum &c.

Datum Romæ, apud Sanctum Petrum decimoseptimo Kal. Aprilis, Pontificatus nostri Anno Septimo.

Dat. die 16.  
Martii 1424.  
An. VII.

## XII.

Privilegium exemptionis Monachorum S. Benedicti Ordinis Cisterciensis a solutione Decimarum.

Martinus Episcopus, Servus Servorum Dei. Venerabilibus Fratribus Archiepiscopis, Episcopis, ac dilectis filiis Abbatibus, Prioribus, Decanis, Archidiaconis, Præpositis, & aliis Ecclesiarum Prælati, ad quos præsentis literæ pervenerint, Salutem, & Apostolicam Benedictionem.

**M**ilitanti Ecclesiæ, licet immeriti disponente Domino præsidentes, circa curam Ecclesiarum, ac Monasteriorum omnium solertia reddimur indefessa solliciti, ut juxta debitum pastoralis officii, eorum occurramus dispendiis, & profectibus divina cooperante clementia salubriter intendamus.

Premium.

§.1. Cum Abbates Cisterciensis Ordinis ad communionem &c.

*Omittitur hæc narrativa, quia eadem est in Const. LXXIII. Honor. III. Cum Abbates Tom. III. Pars I. pag. 238.*

§.2. Nos enim propagationem Ordinis, & tranquillitatem prædictorum Abbatum, Priorum, Abbatissarum, & Conventuum dicti Ordinis, intentis desideriis affectantes, præfatis, & pluribus aliis favoribus prosequi volentes, eorum supplicationibus inclinati, de speciali gratia, necnon ex consideratione nonnullorum Regum & Principum, qui nobis suas destinarunt literas, universitati vestræ per Apostolica scripta, mandamus, quatenus dictum Abbatem & omnes & singulos Abbates, Priores & Abbatissas, & omnia & singula Monasteria, & singulares personas dicti Ordinis præsentia & futura, ubicumque pro tempore existentia, a præstatione decimarum tam de possessionibus habitis ante & post Concilium memoratum, quam de cetero habendis, et tam de novalibus five ante five post Concilium hujusmodi acquisitis et acquirendis, quæ propriis sumptibus excolunt, seu excolunt, quam alias quomodocumque vel qualitercumque excolatur, et etiam de illis possessionibus, de quibus aliquis hactenus percepit, necnon de hortis, virgultis, et piscationibus suis, et de suorum animalium nutrimentis, singuli vestrum omnino servetis immunes. Contradictores per censuram Ecclesiasticam appellatione postposita compescendo, invocato ad hoc si opus fuerit auxilio brachii sæcularis.

Exemptio, de  
qua in rubrica.

§.3. Quibuscumque constitutionibus, ordinationibus Apostolicis, ac aliis in contrarium editis etiam juramento confirmatione, Apostolica, vel quacumque firmitate alia roboratis, non obstantibus. Nulli ergo &c.

Obstantium  
derogatio.

Datum Romæ, apud S. Mariam Majorem, nono Kalendas Octobris, Pontificatus nostri Anno Septimo.

Dat. die 23.  
Septembris  
1424. An.  
VII.

Mo-



## XIII.

Statuta & Ordinationes nonnullæ fanciuntur ab Auditoribus Rotæ Romanæ, Advocatisque, Procuratoribus, & Notariis ejus Curia observandæ quibus vita, moresque probi præscribuntur.

Martinus Episcopus, Servus Servorum Dei.  
Ad futuram rei Memoriam.

Proemium.

**R**omani Pontificis providentia circumspecta, nonnunquam gesta per eum rationabilibus & honestis suadentibus causis moderatur, & commutat in melius prout in Domino conspicimus salubriter expedire.

Nonnullas  
Constitutiones  
hac de re editas  
infirmat.

§. 1. Nuper siquidem videlicet pridie Nonas Februarii Pontificatus nostri Anno sexto, quædam constitutiones, & ordinationes, quæ reformationes officialium Romanæ Curia concernere videbantur, in Audientia literarum contradictarum lectæ fuerunt, & etiam publicatæ. Et quia nonnulla nimium rigoroſa continebantur in illis, quæ in ipsorum officialium nimis grave dispendium, & præjudicium redundabant, eas per nostræ provisionis officium, habitaque super his deliberatione matura, in melius duximus commutandas. Illas igitur constitutiones, & ordinationes, ut præmittitur publicatas, auctoritate præsentium perinde haberi volentes, ac si in eadem audientia lectæ & publicatæ minime extitissent, & a nobis nullatenus emanassent.

Hæc vero,  
& quas hic  
laudat servari  
mandat.

§. 2. Infraſcriptas constitutiones, & ordinationes nostras, in eadem Audientia legi, & publicari volumus, & jubemus, easque præcipimus ab omnibus, inviolabiliter observari. Et licet fel. rec. Joannes XXII. & Gregor. XI. Romani Pontifices prædecessores nostri nonnullas constitutiones, & ordinationes, circa regimen & ordinationem officialium, & officiorum ejusdem Curia laudabiliter ediderint; quia tamen illæ mundi crescente malitia, aut debite non observantur, aut additionibus utilibus indigere noscuntur, Nos super his intendentes, prout ex debito pastoralis officii obligamur, salubriter providere, constitutiones, & ordinationes dictorum prædecessorum tenore præsentium auctoritate Apostolica innovantes, eas cum additionibus infraſcriptis, quas vim perpetuæ constitutionis habere decernimus, præcipimus firmiter observari. Mandantes ex nunc Venerabili fratri nostro Joanni Episcopo Ostiensi S. R. E. Vicecancellario, & in Cancellaria Apostolica Præsidenti, eorumque successoribus, quatenus illas faciant diligentius observari. Quæ ut attentius observentur statuimus, quod singuli Sedis Apostolicæ Notarii, & tam prædictæ, quam Palatii Apostolici causarum Auditores, Corrector, Scriptores, Abbreviatores literarum Apostolicarum, Advocati, Procuratores, & Notarii causarum dicti Palatii, necnon Senescallus, qui Custos est dictæ Cancellariæ, constitutiones, &

\*Cancellariæ

additiones prædictas infra mensem a die publicationis præsentium computandum habere, & de hoc infra alium mensem immediate sequentem, dictum Vicecancellarium certificare, & alia circa præmissa facere, & observare teneantur, prout in constitutionibus dictorum prædecessorum, ac præsentibus plene continetur.

§. 3. De Auditoribus autem causarum Palatii Apostolici, & aliis in Romana Curia Judicibus, eorumque Notariis constitutiones dictorum prædecessorum super hoc laudabiliter editas volumus firmiter observari, quas Auditores, & Notarii prædicti apud se cum cæteris hujusmodi teneantur, ut præfertur habere, & circa illarum observationem diligenter intendere. Verum si quis ex eisdem Auditoribus de præmissarum Constitutionum transgressionem, seu de præcipatione justitiæ, negligentia, corruptione, & munerum acceptione notatus fuerit, seu vagus, aut alias male, vel inhoneste versetur in dicta Curia, per præfatum Vicecancellarium, vel ejus Vicegerentem caritative moneatur, ut ab his se abſtineat, & emendet, bonamque famam acquirere studeat, & in vita laudabiliter perseveret. Qui si sic monitus se emendare neglexerit, & per tres menses continuos post monitionem hujusmodi, eadem nota, vel infamia resperſus in proposito suæ opinionis permaneat, per Vicecancellarium, aut Vicegerentem prædictum, causæ sibi nullatenus committantur, & si per alios tres menses simili nota, vel infamia notatus fuerit, & se non emendaverit, tunc idem Vicecancellarius, aut Vicegerens præmissa nobis referre teneantur, ut super hoc possit salubriter provideri.

De punitione  
excessuum.

§. 4. Cæterum statuimus, & etiam ordinamus, quod si contingat inter easdem personas super eadem re diversis Auditoribus, aut Judicibus aliquam causam committi, is cui primo fuerit præsentata commissio, super causa hujusmodi remaneat ejusdem causæ Iudex. Quod si de jurisdictione alterius extiterit pro parte adversa data exceptio, tunc cujus fuerit jurisdictio, primitus cognoscat ille, coram quo excipitur, & exceptio alteri Judici intimetur. Quod si constare non potest, cui primo fuerit commissio præsentata, antiquior Auditor Iudex sit causæ, & junior causam ipsam eidem Auditori antiquiori dimittat, nec ulterius quivis eorum judicum in causa procedat, donec fuerit judicatum. Et si ulterius procedatur ante cognitionem hujusmodi, non valeat processus. Auditor vero, aut Iudex alius, vel Notarius, qui circa hoc ad retinendum causam aliquid dolose egerit, excommunicationis sententiam incurrat eo ipso, a qua non possit nisi per Vicecancellarium prædictum absolui, aut de ejus mandato, & refusus prius parti læsæ expensis, & damnis.

Auditor, cui  
prius com-  
missa Causa  
fuerit, ejus  
sit Iudex. Et  
in dubiis an-  
tiquior Iudex  
procedat.

§. 5. Statuimus etiam, quod nullus in Notarium alicujus Auditoris dicti Palatii nisi vigesimum quintum suæ ætatis annum attigerit, & alias Notariatus officium exer-  
cue-

De Notario-  
rum admis-  
sione.



cuerit : Sitque boni nominis, & laudabilis fame, ac sufficiens, & idoneus ad notarius officium causarum dicti Palatii exercendum, & post diligentem examinationem, & informationem super his habitam per ipsum Vicecancellarium aut deputandum ab eo de præmissis constiterit, admittatur.

Officia Notarii non locent, nec vendant, nec abstant Curia.

§. 6. Quodque Notarii dictorum Auditorum sua Notariatus officia non locent, nec vendant, alioquin, & officium, & precium perdant, ipsumque precium Apostolicæ Cameræ applicetur, & officium alteri conferatur. Et si quis ex eisdem Notariis cessante causa necessaria, vel absque sui Auditoris licentia per tres menses continuos ab eadem Curia absens fuerit, dicto officio eo ipso privatus existat.

Eorum mores quales esse debeant.

§. 7. Volumus insuper, quod præfati Notarii in habitu decenti incedant, honesto, & convenienti Clerico sæculari. Tabernas non frequentent, nec concubinarij existant, cum per hoc eorum vilescat officium, & ex huiusmodi incontinentia vitæ infamiam consequantur, & si contrarium fecerint, suis priventur officiis.

Fideliter suum exerceat officium.

§. 8. Quodque Notarius, qui notatus aut diffamatus extiterit, quod malitiose, negligenter, vel per dolum aliquid egerit, vel scripserit, quod in processu, vel iudicio deductum, vel actum non fuerit inter partes, seu quod ipse personarum, in quarum causis scribit, acceptor sit eis secreta causæ detegendo, aut alias in alterius partis præjudicium aliquid committendo, eo ipso sui Notariatus officio sit, privatus. & de huiusmodi infamia, & aliis præmissis per dictum Vicecancellarium, vel ab eo deputandum, summarie simpliciter, & de plano fiat diligens inquisitio. Et si per inquisitionem huiusmodi ipse Notarius culpabilis repertus fuerit, aut purgatio extiterit indicenda, & in dicta se debite non purgaverit, privetur quibuscumque aliis officiis, quæ in eadem curia obtinebit. Et idem volumus de quibuscumque Notariis quorumcumque S. R. E. Cardinalium, Iudicum, & Commissariorum in eadem Curia pro tempore deputatorum inviolabiliter observari.

Taxa Joannis XXII. per eos servanda.

§. 8. Et nihilominus quod dicti Notarii exactionibus salariorum suorum pro suis processibus, & scripturis taxas super hoc ordinatas per dictum Joannem xxii. cum illarum moderationibus observare teneantur. Quod si ultra dictam taxam, aliquid petere, aut exigere quoquomodo præsumpserint super excessu huiusmodi ad Vicecancellarium, vel Locumtenentem prædictum habeatur recursus, qui vocatis super hoc peritis, huiusmodi excessus juxta taxas prædictas reducat ad debitum moderamen. Et si Notarius ipse de facto plus receperit, duplum parti læsæ refundere teneatur. Quodque pro citationibus, compulsiis, & inhibitionibus, decretis in partibus, procuratoriis, instrumentis, ac remissionibus ad partes, examinationibus testium, & quibuscumque aliis scripturis, bis scriptis in eodem processu, nisi semel dumtaxat taxatio fiat.

§. 10. Præterea statuimus, & etiam ordinamus, quod tam Notarii causarum dicti Palatii, quam etiam Procuratores, & Advocati pauperibus Clericis in dicta Curia super quibusvis Beneficiis Ecclesiasticis litigantibus, qui juraverint se pro suis causis defendendis pecunias non habere, gratis in huiusmodi scribant, scripturasque tradant, eisquæ procurationis, & advocationis officium, patrocinium, & favorem etiam gratis impendant, ad quæ facienda eos per Auditorem, coram quo causa pendebit, compelli posse volumus remediis opportunis.

Pro pauperibus gratis Notariis, Advocatisque scribendum.

§. 11. Advocatos etiam, & Procuratores constitutiones Joannis XXII. & Gregorii XI. prædecessorum prædictorum super hoc editas, quas secum teneantur habere, diligenter præcipimus observare, & præsertim in examinatione causæ, si iusta sibi, vel injusta esse videatur, ita ut nullam agendam iniustam causam, vel defendendam scienter suscipiant, & de hoc juramentum præstent, & observent, prout in dictis constitutionibus extitit salubriter ordinatum.

Injustas causas defendendas non suscipiant.

§. 12. Caveant autem a tumultuosis clamoribus in Conciliis, & audientiis, nec umquam plures simul loquantur, & donec Advocatus proponens, vel respondens sermonem compleverit, alius sive ejusdem, sive adversæ partis Advocatus, quicquam dicere non præsumat. Liceat etiam Procuratori causæ proponenti Advocato retro assistere, ut si quid forsan ille omiserit, procurator ad memoriam revocet, & reducat.

A clamoribus abstineant.

§. 13. Statuimus autem, prout etiam jura disponunt, ut nullus Advocatus, vel Procurator, qui semel uni parti in aliqua causa consilium, vel patrocinium dederit, parti adversæ in eadem causa patrocinium, vel consilium præstet, seu causam ipsius agat, vel defendat, nisi facta Advocatorum, aut Procuratorum distributione, auctoritate Judicis compellatur. Quo casu de his, quæ ab illa prima parte in causa didicerit, numquam alteram doceat, aut ex illis nisi ab eadem parte didicerit patrocinium præstet, Et si contra præmissa fecerit, excommunicationis sententiam, & alias penas Juris incurrat, ac suo privetur officio, ad interesse partis nihilominus condemnandus.

Qui partem defendit semel, alteram in eadem causa non suscipiant defendendam.

§. 14. Et quia propter Procuratorum imperitiam, aut inertiam, partes sæpe in causis dispendium, & præjudicium patiuntur, Statuimus, quod nullus de cætero ad Procuratoris officium in dicta Curia publice pro salario exercendum in iudiciis admittatur, nisi prius per ipsum Vicecancellarium, vel deputandos ab eo in literatura, industria, & stylo Curia examinatus, atque habita debita informatione de moribus, fidelitate, & honesta conversatione repertus fuerit idoneus, & per eundem Vicecancellarium ad huiusmodi publicum officium per ejus patentes literas admissus, omnesque Procuratores admissi in aliorum matriculam inscribatur, sicut in præfati Benedicti prædecessoris constitutionibus de Advocatis habetur.

Procuratores examine subiiciendi.

§. 15. Et quia sæpe in Advocatorum ab-



absentia, causæ in judiciis per Procuratores aguntur, & defenduntur, Procuratores ipsi ab injuriis & contumeliosis verbis, & malo modo dicendi, & loquendi cessent, & cum hæc agunt, eadem studeant observare, quæ de Advocatis superius duximus statuenda. Quod si contrarium fecerint, formidabilibus poenis per Judicem causæ taliter puniantur, ut per hoc cæteri a similibus arceantur.

§. 16. Et insuper dignitatem in Cathedrali majorem post Potificalem, vel in Collegiata Ecclesia principalem obtinentes, ad officium publici Procuratoris in dicta Curia præcipimus de cætero non assumi.

§. 17. Jubemus etiam eisdem Procuratoribus, & Notariis causarum dicti Palatii, & aliis Clericis in dicta Curia actu sua officia exercentibus, ne Concubinas publice teneant, mandantes quod eas de præsentibus tenentes infra mensem a die publicationis prædictæ dimittere teneantur. Alioquin sententiam excommunicationis incurrant: & suis officiis sint privati.

§. 18. Honestum præterea gerant habitum, congruentem Clerico sæculari, nec tabernas frequentent, & si contrarium fecerint, ab eorum officiis per ipsum Vicecancellarium ad tempus, de quo sibi videbitur, suspendantur.

§. 19. Et quoniam lites super quibusvis causis beneficalibus, profanis, & aliis, quæ pro tempore per quascumque personas, Ecclesiasticas, vel sæculares in Romana Curia ex Apostolica commissione moventur, atque tractantur, intendimus fieri breviores, & ut litigantes ad ipsam Curiam pro defensione suorum Jurium venientes, & hujusmodi causas prosequentes, releventur a laboribus, & expensis; statuimus, & etiam ordinamus, quod in causis, in quibus de Jure, vel alias per rescriptum, five per commissionem proceditur, summarie, simpliciter, & de plano, sine strepitu, & figura Judicii talis ordo servetur, videlicet. Quod in prima instantia causæ principalis, terminus ad libellandum servetur ad primam. Ad jurandum de calumnia ad primam. Ad ponendum, & articulandum ad duodecimam. Ad dicendum contra Articulos ad secundam. Ad producendum omnia ad secundam. Ad dicendum contra producta ad secundam. Ad declarandum ad primam. Ad dicendum contra ad primam.

§. 20. In secunda vero Instantia terminus ad libellandum ad primam. Ad jurandum ad primam. Ad articulandum ad octavam. Ad dicendum contra ad primam. Ad producendum omnia ad primam. Ad dicendum contra ad primam. Ad declarandum ad primas dies.

§. 21. In tertia autem Instantia ferventur similes termini, qui in secunda servantur Instantia, ad primam, præter terminum ad articulandum, qui servatur ad sextam dies.

§. 22. Verum cum termini ad articulandum, dicendum contra articulos, ad producendum omnia, & dicendum contra

producta, de substantia judicii censeantur existere, Statuimus atque decernimus, quod ipsorum alicujus omissio reddat eo ipso processum nullos; aliorum vero terminorum, alicujus omissio dum tamen malitiose non fiat, sed casualiter, quo contingente processum non vitiet.

§. 23. In causis autem, in quibus proceditur in figura judicii, ferventur termini secundum stylum Curiae consuetum, præterquam in terminis ad respondendum libello, & ad jurandum de calumnia, qui ferventur ad primam. Et in termino ad articulandum, qui in prima instantia, tam ex parte Actoris, quam Rei, fervetur ad decimum quintum diem,

§. 24. In secunda vero instantia similiter ad respondendum libello ad primam. Ad jurandum de calumnia ad primam. Ad articulandum ad octavas dies. Reliqui vero termini ferventur, prout secundum stylum antiquum est solitum observari.

§. 25. In tertia vero instantia ferventur omnes termini ad primam, secundum quod consuevit antiquitus observari, præter terminum ad articulandum observetur ad sextam diem. Volumus insuper, quod præmissa vendicent sibi locum, non solum ad futura negocia, sed ad pendentia etiam per appositionem, ita tamen, quod processus primo factus propter hoc non vitietur, sed in pristino suo robore, & firmitate persistat.

§. 26. Præterea illum usum, quo procuratores in observantia terminorum dicunt se dare libellum, & articulos verbo, & dicere contra verbo, & ita servant omnes terminos, & cum jam deberet pronunciari sententia, tunc incipiunt processum & dant articulos, & cætera faciunt realiter, quæ dixerunt verbo, sic duximus moderandum, quod Procuratores ipsi post terminum ad dicendum contra producta, & ante terminum ad declarandum articulos facto, & omnia quæ de jure volunt & possunt producere teneantur.

§. 27. Et quoniam aliquando contingit, quod post observationem omnium terminorum, Notarii Registrum ordinare & Auditori causæ præsentare, & postquam Registrum hujusmodi Auditori præsentatum fuerit, Auditores plus debito causam differunt expedire; statuimus & etiam ordinamus, quod servatis omnibus terminis, in quacunque causa Notarius, qui scripsit in causa, registrum infra quindecim dies conficere teneatur, & ordinare, ac deinde de salario sibi debito satisfacto, illum statim suo Auditori tradere & assignare debeat. Et deinde idem Auditor, postquam Registrum ipsum sibi fuerit præsentatum, terminum habeat duorum mensium, infra quos causam ipsam expedire teneatur, nisi forsan a nobis vel dicto Vicecancellario propter arduitatem causæ sicut sæpe contingit, majorem dilationem habuerit, de qua per nostram commissionem in Registro causæ constet. Alioquin Notarius sententiam excommunicationis incurrat. Et si de negligentia, expeditione, dolo, vel fraude coram suo Au-

De causis, in quibus proceditur in figura Judicii.

De secunda Instantia.

De tertia.

Procuratores, quid advertere debeant in observatione terminorum.

Causæ omni brevitate cognoscendæ, & infra duos menses expediendæ.

Majores in Ecclesiis dignitates obtinentes Procuratoris officio non fungantur.

Procuratores & Notarii Concubinas non habeant.

Honeste vivant.

Ordo servandus in causis summariis in prima instantia.

In secunda.

In tertia.

Quæ ommissio nullum reddant Processum.



ditore fuerit accusatus, salarium suum perdat, ad expeditionem ad eundem Auditorem nihilominus compellendus. Et nihilominus, qui infra dictos menses non habita a nobis, vel ipso Vicecancellario majore dilatione temporis, causam expedire contempserit ex tunc jurisdictionem amittat, & causa alteri Auditori committatur, & ab ingressu Rotæ suspendatur per mensem, & idem de iudicibus aliis extra Rotam præcipimus observari, quibus, si negligentes fuerint causas expedire infra dictos menses, aliquæ causæ per trimestre tempus nullatenus committantur. Et si fuerit contrafactum commissiones nullius existant roboris & momenti.

Auditores, quid servare teneantur pro expeditione causarum.

§. 28. Præterea, quia sæpe contingit, quod literæ Apostolicæ ad impediendum partes, & eas involvendum laboribus, & expensis, absque causa rationabili, in bullarum, & dictarum literarum Apostolicarum Registro arrestantur, & suum nequeunt fortiri effectum. Statuimus, & etiam ordinamus, quod postquam litera arrestata ad Auditorem causæ fuerit reportata, idem Auditor adversæ parti terminum octo dierum præfigere per eum postea si expediat prorogandum, infra quem ex suo jure, & interesse coram dicto Auditore legitime docere, & fidem facere teneatur.

Causæ Beneficiales infra summam 60. flor. S. R. E. Cardinalibus non committendæ.

§. 29. Statuimus insuper, & etiam ordinamus ad parcendum laboribus, & expensis quorumlibet litigantium, quod causæ, super quibusvis Beneficiis Ecclesiasticis, secularibus, & regularibus, quorum fructus, redditus, & proventus sexaginta florenorum auri secundum communem æstimationem valorem annum non excedunt, S. R. E. Cardinalibus nullatenus committantur, & commissiones sint nullæ, si fuerit contrafactum.

Quæ fieri debeant pro habenda expeditione sententiarum.

§. 30. Et quoniam frustra ferentur sententiæ, nisi essent qui exequerentur easdem, & in habendis literis executorialibus, sub bulla quandoque duorum, vel trium mensium dilationes fiunt, pro quibus expediendis occurrunt graves expensæ, quæ aliquando ad quindecim, aliquando ad decem & octo florenos ascendunt, & Notarii dictæ Sedis, qui illarum minutas deberent conficere, non conficiunt, sed per suos Abbreviatores, quorum aliqui sunt minus periti faciunt, & cum illas quandoque non bene conficiant, ad peritiores oportet habere recursum, & sic partes ipsas Executores prosequentes, plus oportet expendere, quam ab antiquo consuetum sit solvere, & qui non laborant, plus salarii accipiunt, unde partes magna temporis dilatione plus quam deceat gravantur laboribus, & sumptibus in earum procuracione, qui in expensarum taxatione non veniunt. Nos ad evitandum hujusmodi inconvenientiam, & ut partes in procurandis prædictis executoribus, opportunum recipiant relevamen, statuimus, & etiam ordinamus, quod sit in electione partis si velit habere sub bulla simplicem literam executoriam, sive confirmationem sententiæ, quæ in effectu contineant, quod in

causa, quæ inter tales partes super tali revertebatur, lata fuit per talem judicem, seu tales Judices talis sententia, cujus effectus ponatur in litera, & mandetur executoribus, quod sententiam ipsam debitæ executioni demandent, & talis literæ non taxentur ultra duodecim grossos Turonenses. Si vero pars malit habere executoriam cum confirmatione sententiæ juxta morem, quia tunc in confectioe minutæ major labor occurrit, & necessarium est totum processum causæ recensere, servetur quod hucusque extitit observatum, ita tamen quod confectio minutarum, quæ concernunt justitiam ad Notarios ipsos pertineant: & præter hoc salarium habeant: minutæ per eos fiant vel expensis eorum & hoc idem in omnibus aliis literis justitiæ, & provisionum ad Ecclesias Cathedralis, & Monasteria quolibet factarum, & fiendarum in Consistorio nostro, quæ per manus ipsorum Notariorum transeunt, præcipimus observari. Verum intelleximus, quod procuratores, qui causas super quibus expediuntur literæ executoriales in judicio, in eadem Curia egerunt, vel defenderunt, quando literæ hujusmodi in dicta audientia contradictarum leguntur, ubi ipsi procuratores interfunt, mediam partem taxæ dictarum literarum executores de novo a partibus nituntur exigere, & sæpe exigunt, illud reputantes abusum, fieri prohibemus. Volentes eosdem procuratores communi salario pro aliis in dicta audientia legendis literis, quando ibidem interfunt, esse contentos, ubi forsan ipsi per totam hujusmodi literam executoriam procuraverint, quo casu competentes salarium a partibus petere, & recipere possint secundum quod in taxationibus præfati Joannis XXII. prædecessoris habetur.

§. 31. Cæterum cum sæpe contingat quod in omnibus diebus unius hebdomadæ, quibus teneri solet audientia, & aliquando in duabus conjunctis hebdomadis feriæ celebrantur, unde lites prorogari contingit. Statuimus, & etiam ordinamus, ut quotiescumque in una hebdomada tres illi dies, quibus teneri solet audientia, quomodolibet sint feriati, præterquam in octavis Nativitatis, & Resurrectionis D. N. JESU CHRISTI, videlicet per septem dies ante, & septem post, die Jovis in hebdomada tali, si illa dies feriata non fuerit, alioquin die Sabbati audientia teneatur.

De feriis, & diebus ad Audientiam deputatis.

Datum Romæ apud S. Petrum &c. (a)

(a) Hæc literas datas cum censuerim hoc anno 1424. in iis siquidem Martinus meminit alterius Constitutionis a se anno Pontificatus sui Sexto datæ, quam non secus ac supervacaneum omisi, post finem anni VII. positas volui.



## XIV.

Sanctorum Canonis adscribit B. Sebaldu de Dacia Regum Prosapia genitum Oppido Nuremburgensi Bambergen. Dioc. clarum, cum Institutione festivitatis pro die 18. Augusti.

Ex Regest.  
in Archiv.  
Vatic.

Martinus Episcopus, Servus Servorum Dei.  
Ad perpetuam rei memoriam.

Proemium.

**S**edis Apostolicæ circumspecta benignitas devotorum consuevit iustis annuere votis, & illis, per quæ divini cultus, ac status Ecclesiarum omnium, aliorumque piorum locorum ad divini nominis propagationem erectorum adaugeri valeant, ipsis etiam fervor Christianæ Religionis accrescat, sui vices officii libenter intromittit, et ea, quæ devotionis causa Romanorum aliorumque Pontificum auctoritate, et ordinatione rite processisse comperit, ut illibata persistant, libenter Apostolici muniminis perstringit firmitate.

Quibus de  
causis Nurem-  
bergenses B.  
Sebaldum can-  
onizari pe-  
tuerint.

§. 1. Sane pro parte dilectorum filiorum Consulum & Proconsulum ac Communitatis oppidi Nuremburgensis Bambergen. Diocesis Nobis nuper exhibita petitio continebat, quod Beatus Sebaldus, qui de Regum Dacia prosapia genitus fuit, in oppido ipso, quod Imperiale & inter alia illarum partium oppida multum solemne & insigne, famosumque existit, multis & innumeris in illo & ejus circumvicinio coruscat miraculis, adeo quod pro Sancto & Patrono oppidi ejusdem per quingentos annos & ultra palam ab omnibus fuit reputatus, prout & in illo ejusque circumvicinio diutim reputatur, prædictique Beati corpus gloriosum in quodam solemnem Sarcophago auro, & argento decorato in Ecclesia, quæ dicti oppidi Ecclesia Parochialis principalis est, clausum honorifice conservatur, ac ipsa, & nonnullæ aliæ Ecclesiæ, Cappellæ, & Altaria in prædicto oppido, & locis aliis ad laudem & gloriam Dei omnipotentis, ejusque Genitricis gloriose Beatæ Virginis ac omnium superiorum civium sub vocabulo ipsius Beati Sebaldi sumptuose & magnifice fundata, & erecta venerabiliter conspiciuntur: quæ etiam multiplicibus dotata fructibus, aliisque Indulgentiarum & gratiarum muneribus auctoritate diversorum Romanorum, aliorumque Pontificum Prædecessorum nostrorum Sedisque Apostolicæ Legatorum, necnon locorum ordinariorum pro visitantibus Ecclesias, Cappellas, & Altaria prædicta, ac eorumdem conservatione & constructione manus inibi adiutrices porrigentibus existant ad ornata: quodque etiam dicti Beati Sebaldi in oppido eodem anno quolibet in die, qua illum post devictum triumphatumque mundum in perpetuas æternitates præsens vita parturit, videlicet quarto decimo Kalendas Septembris festum ipsius et officium proprium, et speciale una cum legenda sui historia etiam speciali, sicut pro uno Confessore non Pontifice diversorum ordinariorum loci autho-

Bull. Rom. Tom. III. Pars II.

ritate extitit celebrari annis singulis institutum, prout etiam die illa ab illarum partium Christianis devote et solemniter celebratur, ita quod propterea ejus nomen gloriosum in plerisque Breviariis, et aliis orationum libris inter alia Sanctorum nomina adscriptum reperitur.

§. 2. Quare pro parte Consulum, Proconsulum, et Communitatis prædictorum Nobis fuit humiliter supplicatum, ut pro divini nominis hujusmodi propagatione, et ad dictum Beatum fidelium illarum partium ferventiori devotione ac Ecclesiarum, Cappellarum et Altarium prædictorum statu, necnon visitatione, conservatione, constructione, et erectione eorumdem præmissis omnibus, et singulis pro eorum subsistentia firmiori robur apostolicæ confirmationis adicere de benignitate apostolica dignaremur; Nos igitur qui divini nominis propagationem, statum et indemnitate Ecclesiarum, Cappellarum, Altarium, et locorum Ecclesiasticorum quorumlibet nostris potissime temporibus adaugeri intensis optamus affectibus, ac de præmissis fama publica ac fide dignorum relationibus certiorati ipsa veritate fulciri, prædictumque Beatum Sebaldum Sanctum esse, et ut talem haberi, et reputari ejusdemque festum in dicta die videlicet quartodecimo Kalendas Septembris ab omnibus Christi fidelibus per universum orbem annis singulis celebrandum et recolendum, ac ejus nomen Cathalogo aliorum Sanctorum Patrum adscribendum fore declaramus: necnon omnia et singula præmissa ac concessiones, Indulgentias, privilegia, et indulta Parochiali et aliis Ecclesiis, Cappellis, et Altaribus prædictis sub vocabulo dicti Sancti Sebaldi erectis per quoscunque Romanos, et alios Pontifices concessa ante obitum fel. rec. Gregorii Papæ XI. prædecessoris nostri, ac inde secuta rata habentes et grata illa auctoritate Apostolica ex certa scientia confirmamus et approbamus ac presentis scripti patrocinio communimus: suppletes omnes defectus, si qui forsitan intervenerint in eisdem.

§. 3. Et ut ad Venerabile sepulchrum ipsius Sancti ardentius, ac affluentius Christiani fidelium confluat multitudo, et ejusdem Sancti celebrius colatur festivitas, et ejus nomen celebrius recolatur auctoritate prædicta omnibus vere penitentibus et confessis, qui sepulchrum ejus apud dictam Ecclesiam in ejusdem festi die devote visitaverint, annuatim septem annos totidem quadragenas de injunctis eis penitentiis misericorditer relaxamus.

Indulgentias  
ejus sepul-  
chrum visi-  
tantibus elar-  
gitur.

§. 4. Et insuper omnia & singula bona mobilia ad incertas causas, ac ad quæ veri hæredes non supersunt, nec pro tempore legitimi reperiuntur successores, in Parochia aut apud Rectorem et Parochianos ejusdem Ecclesiæ quomodolibet reperta deposita vel relicta, necnon etiam illa, quæ ad similes causas in prædicta Parochia dicto præcedente tempore modo præmissis relinqui deponi ac deputari aut reperiri contigerit, pro fabrica Ecclesiæ Sancti Sebaldi prædicti deputamus.

Bona nonnul-  
la Fabricæ  
ejus Ecclesiæ  
addit.

§. 5. Ac volumus, et ordinamus quod



Reſtori hu-  
juſmodi bona  
ad hoc appli-  
candi dat fa-  
cultatem.

Claſula.

Dat. die 26.  
Martii 1425.  
An. VIII.

Reſtor, ac aliis in Eccleſia, et Parochia prædictis pro tempore in divinis miniſtrantes omnibus utriusque ſexus hominibus, apud quos præmiſſa bona conſiſtunt, reperta tunc fuerunt, ut illa ad fabricam Eccleſiæ prædictæ tradant, & aſſignent, in remiſſionem ſuorum peccaminum in foro penitentiæ auctoritate Apoſtolica iniungant, ſuper quibus eiſdem plenam, & liberam concedimus tenore præſentium de ſpecialis dono gratiæ facultatem, non obſtantibus conſtitutionibus, & ordinationibus Apoſtolicis ac aliis contrariis quibuſcumque: proviſo tamen, quod bona tradenda, & aſſignanda huiusmodi ab fabricam Eccleſiæ prædictæ integre convertantur.

§. 6. Nulli ergo omnino hominum liceat hanc paginam noſtrarum declarationis, confirmationis, approbationis, communitio-  
nis, ſup-  
pletionis, relaxationis, deputatio-  
nis, voluntatis, ordinationis, & conceſſionis infringere &c.  
Datum Romæ apud Sanctos Apoſtolos, ſeptimo Kalendas Aprilis, Pontificatus noſtri Anno Octavo.

## X V.

Reintegratio antiqui Officii & iuriſdictionis  
Magiſtrorum viarum Urbis ejuſque di-  
ſtrictus.

Martinus Epicoſopus, Servus Servorum Dei.  
Ad perpetuam rei memoriam. Dilectis  
filiis Nobilibus Viris Baptiſtæ Petri  
Matthæi, & Bocio de Stinchis, Ci-  
vibus Romanis, Viarum Urbis  
noſtræ Rom. Magiſtris.  
Salutem & Apoſtoli-  
cam benedi-  
ctionem.

Exordium.

**E**T ſi in cunctarum orbis provincia-  
rum, juxta commiſſum nobis de-  
ſuper officium, decore atque florentia de-  
lectemur, dignum tamen non immerito re-  
putamus & congruum, ut Urbis noſtræ  
Rom., quam Principis Apoſtolorum Petrus,  
& in fortem ſimilem vocatus Paulus, Fi-  
dei Orthodoxæ Cardines, alique victorio-  
ſi innumeri Martyres, ſui ſanguinis af-  
perſione innudarunt, amplior Nos cura  
perſtringit, ut Urbs ipſa, quæ divinis &  
humanis legibus perantea floruit, illiusque  
diſtrictis, noſtris in temporibus, divina fa-  
vente clementia, bonis aſſurgat moribus,  
& ſalutaribus in antea ſucceſſibus commen-  
detur.

Cauſe huius  
dicti reſtitu-  
endi Officii.

§. 1. Cum itaque ( ſicut rei evidentia  
palam edocet ) Urbs, Diſtrictusque præ-  
dicti, quos paterno amplectimur affectu, ex  
defectu Officii Magiſtrorum quod antiqui-  
tus pro Viarum, Stratarum, Platearum,  
& locorum aliorum, tam publicorum,  
quam privatorum, necnon ædificiorum la-  
pideorum, & ligneorum, parietum tigno-  
rum, banchorum, tectorum, tabulatum,  
mignanorum, apothecarum, & pontium,

portarum, paſſorum, aquarum decurſum,  
canalium, & meatuum, necnon urbanorum,  
& ruſticorum prædiorum, pratorum, hor-  
torum, atque vinearum, finium, reſtau-  
rationum, ſervitutum, & libertatum admi-  
niſtratione, inſtitutum & ordinatum extitit,  
in præmiſſis, & eorum ſingulis grandem  
deformitatem, ſeu ruinam potius abhomi-  
nabilem patiantur, & jacturam. Et ( ſicut  
accepimus ) nonnulli ex Civibus, habita-  
toribus, & incolis Urbis, & Diſtrictus præ-  
dicti, Macellarii videlicet, Piſcarii, Suto-  
res, Palamantellarii, diverſique Artiſces,  
loca ac etiam ergaſteria Urbis inhabitantes,  
ſuaſque inibi artes exercentes, viſcera, in-  
teſtina, capita, pedes, oſſa, cruores, nec-  
non pelles, carnes, & piſces corruptos,  
reſque alias ſœtidas, atque corruptas in  
viis, ſtratis plateis, & locis publicis atque  
privatis huiusmodi proicere atque occultare:  
Nonnulli etiam ex civibus, habitatori-  
bus, & incolis ejuſdem, ( quos æque fati-  
gat ambitio, & repudianda conducit te-  
meritas ) mala malis invenientes, vias,  
ſtratas, plateas, loca publica, privata,  
& Eccleſiaſtica, auſu temerario atque ſa-  
cricrilego occupare, diripere, alienare, & in  
uſus proprios deducere, de illis quoque  
pro ſuo nutu diſponere non verentur, in-  
telligere nolentes, quantum huiusmodi ſui  
exceſſus humanorum corporum ſanitatē,  
aeris puritatem, & animarum ſalutem im-  
pediant.

§. 2. Nos igitur præmiſſas deformita-  
tes, & exceſſus huiusmodi, ſub diſſimula-  
tione ulterius præterire non valentes: At-  
tendentes propterea, quod in eadem Urbe,  
multo temporis decurſu, neglectum fuit,  
in uſum plurimum pullulaſſe, & præmiſſis  
incommodis poſſetenus occurrere cupientes;  
Officium Magiſtratus huiusmodi juxta illius  
antiquam inſtitutionem, auctoritate Apoſto-  
lica renovamus, ſuſcitamus, & reintegramus,  
atque reſtituimus.

Reſtituitur.

§. 3. Vobis quoque, quos noſtros, &  
Urbis prædictæ zelatores exiſtere non am-  
bigimus, quoſque fides, legalitas & pru-  
dentia, circumſpectio, atque multiplicia  
virtutum merita, apud nos efficaciter re-  
commendavit, Magiſtratus officium huius-  
modi, uſque ad noſtrum beneplacitum,  
cum ſolitibus ab antiquo iuriſdictionibus, po-  
teſtatibus, honoribus, privilegiis, liberta-  
tibus, atque oneribus univerſis, & cum  
potestate ad opus veſtrum quoties, & ju-  
xta modum, qui vobis videbitur: Subma-  
giſtros faciendi, & ordinandi, eadem au-  
thoritate conferimus, & de illo etiam vo-  
bis providemus; vos quoque in præmiſſis, &  
ea quomodolibet concernentibus, ac ab il-  
lis dependentibus, & eis annexis, Magiſtros  
facimus, conſtituimus, ordinamus, & etiam  
deputamus.

Magiſtri cre-  
antur.

§. 4. Ut exinde omnes & ſingulas de-  
formitates exceſſus, in præmiſſis, vel cir-  
ca ea, pro tempore quomodolibet occur-  
rentes, abſque cujuſvis vocatione, ſeu ci-  
tatione, ſed per viam regiam, juxta datam  
vobis a Domino prudentiam, etiam per de-

Qualis eorum  
ſit iuriſdictio.



demolitionem quorumcumque edificiorum, aut rerum aliarum, seu modum alium, quacumque reparandi, corrigendi, & commendandi, necnon pramissorum, seu eorum occasione gravatos, ut pramittitur, absque lite, sed summarie, simpliciter, & de plano ( oppositione seu contradictione, aut quacumque temporis etiam centenali prescriptione, legibus, & consuetudinibus generalibus quibuscumque ceterisque contrariis non obstantibus ) relevandi, restituendi, & etiam reponendi, contradictores quoque quoslibet, & rebelles privandi, bandiendi, arrestandi, incarcerandi, atque omnia & singula faciendi & exercendi, quæ Magistri prædecessores vestri, qui fuerunt pro tempore, facere, gerere, & exercere potuerunt, seu etiam debuerunt, vobis, huiusmodi durante beneplacito, mandatum damus, ac etiam potestatem.

§. 5. Et ut officii vestri huiusmodi liberior & facilius sit exercitatio, Nardum de Bustachiis Procuratorem, necnon ipsum & Nicolaum de Mutis, nobiles viros Cives Romanos, Notarios vestri officii eadem auctoritate facimus, & ordinamus.

Notarii eis  
dati.

§. 6. Mandantes exinde omnibus & singulis nostri Capitoli Marescallis, ceterisque Officialibus, ut Vobis, & submagistris vestris, atque vestrum cuilibet, in similibus, quæ vestri exercitationem officii concernunt, pareant, & obediant, pariter & intendant. Insuper quascumque excommunicationis aut interdicti sententias, poenas & multas alias per nos seu prædecessores nostros in Magistros pro tempore existentes forsan promulgatas ( quarum formam & tenorem volumus habere pro expressis ) auctoritate prædicta cassantes & irritantes.

Officialibus  
ceteris præci-  
pitur ut eis  
obediant.

§. 7. Vobisque, & occasione per vos in vestro Officio factorum, ordinatorum, seu quomodolibet administratorum, aut quavis occasione gerendorum, fundorum, seu administrandorum nullibi locorum in causam trahi, sindicari, aut alias quovis modo per quemcumque etiam auctoritate Apostolica molestari valeatis, eadem auctoritate concedimus.

Syndicari &  
molestari in  
officio non  
debent.

§. 8. Antedictis constitutionibus, & ordinationibus Apostolicis, necnon statutis, & consuetudinibus Urbis, ceterisque contrariis non obstantibus quibuscumque. Decernentes exinde irritum & inane quicquid contra præmissa, seu aliquod præmissorum a quoquam, quavis auctoritate scienter vel ignoranter contigerit attentari.

Contrario-  
rum deroga-  
tio.

Nulli ergo &c.

Dat. die 31.  
Martii 1425.  
An. VIII.

Datum Romæ, apud Sanctos Apostolos secundo Kal. Aprilis, Pontificatus nostri Anno Octavo.

## XVI.

Judeis ut a Christifidelibus fecernantur, signum deferendum decernit cum panarum præfinitione contra non deferentes.

Ex Regest.  
in Archiv. Vati-  
c.

Martinus Episcopus, Servus Servorum Dei,  
Ad perpetuam rei memoriam.

**S**edes Apostolica pietatis, & clementiæ suæ gremium Judæis continuo referans, quo ad gratiam recolligat, si viam velint agnoscere veritatis, adversus illos, ex eis, qui Religionem, & profitentes eandem offendere non verentur, eo gravius dedignatur, & dedignantius commovetur, quo benignius & favorabilius illos in terris Christianorum sub spe conversionis eorumdem noscitur sustinere.

Proemium.

§. 1. Ad audientiam siquidem nostram, fide dignis relatibus nuper non sine gravi nostræ mentis turbatione pervenit, quod nonnulli judæi utriusque sexus, qui in Cassensi & Caveni, ac aliis ultramarinarum partium Civitatibus, terris, & locis Christianorum ditioni subiectis commorantur, de eorum obstinatione non contenti, sub fraudis & malitiæ palliatione, tanquam nullum in eorum habitu speciale signum, quo pro Judæis agnosci valeant, deferentes, quam plurimis etiam utriusque sexus Christianis Civitatum, terrarum, & locorum prædictorum eos minime noscentibus, se Christianos ostentare, multaque exinde, atque varia enormitates & scelera detestabilia temerariis ausibus committere non formidant, & inter alia, quod utique solo auditu horrendum est, Zichorum, Rosorum, Alanorum, Mingrellorum, & Anogusiorum, sub Christiani nominis professione iusta Græcorum ritum baptizatorum personas utiusque sexus, quotquot possunt, emunt, & emptas Saracenis, aliisque infidelibus, ejusdem nominis perpetuis & immanissimis hostibus, etiam pro decuplo pluri, quam eas emerunt, pretio crudeliter vendunt, ac exactissimas mercantias de eis faciunt, personas ipsas nonnunquam ad eorumdem saracenorum & infidelium terras ob eam causam corporaliter abducendo, ex quo inde sequitur, quod saraceni & infideles ipsi personas easdem sic eis venditas fidem catholicam abnegare compellunt, eisque, etiam per enorme & nefarium sodomitium abutuntur, in earum perpetuæ supplantationis & perditionis miserabilem jacturam, Christianæ Religionis opprobrium ac scandalum fidelium plurimorum.

Judeorum  
nonnulla sce-  
lera enume-  
rat.

§. 2. Quare Christifidelium indemnitati-  
bus, prout nostra interest, salubriter providere, & judæorum talia patrantium prædictorum fraudibus atque nequitis resistere intendentes, auctoritate apostolica tenore præsentium statulimus, & etiam ordinamus, quod quilibet dictorum Judæorum utriusque sexus in habitu suo aliquod speciale & eminens signum, sibi vigore præsentium per locorum Ordinarios, ut a Christifidelibus discernantur, induendum, seu imponendum dein-

Signum, ut a  
Christianis  
distinguantur  
ab eisdem de-  
ferri mandat.



deinceps in perpetuum deferant, quo in oculis omnium Judæus, si masculus, & si foemina fuerit, judæa evidenter appareat, & absque illo nunquam incedere, nec ullus ipsorum aliquam, vel aliquas personam seu personas hujusmodi per se, vel alium, seu etiam pro se, vel alio, publice vel occulte aliqua ratione vel causa præfatis Saracenis seu infidelibus vendere, dare, tradere, accomodare, donare, seu alienare, aut alias ipsis infidelibus auxilium vel favorem in Christianorum dispendium præstare quomodo præsumant.

Penas contra hujusmodi signum non deferentes statuit.

§. 3. Nos vero quemlibet ex ipsis Judæis, qui hujusmodi sibi indicium, vel impositum signum deferre neglexerit, eo ipso poenas, & sententias contra Judæos in Civitatibus, & terris, & locis nobis, & Romanæ Ecclesiæ immediate subiectis commorantes, signum eis indictum vel impositum non deferentes inflictas incurrere, illisque puniendos fore decernimus: & quod quicumque ex eis, qui contra hujusmodi constitutionem, & ordinationem nostram in personæ vel personarum venditione, seu alias auxilii vel favoris infidelibus præstatione hujusmodi venire præsumperit, res, & bona sua omnia, in quibuscumque, & ubicumque, ac quibuscumque pondere, numero, & mensura consistant, prorsus amittat eo in redemptionem ipsius vel ipsarum venditæ seu venditarum, personæ vel personarum si redimi poterit, aut poterunt, alioquin in fabricam reparationem, & conservationem Ecclesiarum, hospitalium, & aliorum piorum locorum, aut in defensionem prælibatæ fidei contra ejus inimicos, seu Civitatis, terræ, vel loci, cujus idem contraveniens incula vel habitator fuerit, fortificationem & utilitatem integre convertenda quodque idem contraveniens a Civitate, terra vel loca hujusmodi expellatur, & ab illa, vel illo perpetuis temporibus exuliat, nec in aliqua alia Civitate, terra, vel loca Christianorum morari valeat, si inde capi possit, debite puniatur & castigetur juxta canonicas sanctiones.

Has leges publicari præcipit.

§. 4. Monentes & in Domino exhortantes venerabiles fratres nostros Cassensem, & Cannensem Episcopos, ac alios hujusmodi aliorum locorum Ordinarios, necnon dilectos filios Venerabiles viros Gubernatores, Consules, Potestates, Capitaneos, Rectores, Officiales, Communitates, & Universitates Civitatum, terrarum, & locorum prædictorum; eis universis & singulis nihilominus per apostolica scripta mandantes, ut omnia & singula supradicta in eisdem Civitatibus, terris, & locis auctoritate nostra solemniter publicent, & faciant per alios publicari, ne aliquis judæorum, præfatorum imposterum valeat de præmissis ignorantiam prætere, seu etiam allegare necnon indicent judæis ipsis hujusmodi signum per eos, ut præmittitur, deferendum, ac faciant hujusmodi constitutionem & ordinationem nostram inviolabiliter observare: ac eam in omnibus & per omnia, cum necesse fuerit, studeant per se, vel per

alios executioni debitæ demandare. Contradictores quoslibet, & rebelles, videlicet Episcopi & ordinarii per censuram Ecclesiasticam, si ei locus fuerit, Gubernatores vero, & alii sæculares prædicti districtione, qua convenit, temporali, postposita appellatione compescant, & in præsentibus contentas litteris in favorem fidei Catholicæ diligenter, & efficaciter exequantur.

§. 5. Non obstantibus privilegiis & litteris eisdem judæis per quoscumque quavis auctoritate fungentes, seu dignitate fulgentes Ecclesiastica vel mundana concessis, ac municipalibus, & aliis statutis, necnon consuetudinibus ibidem hætenus observatis, cæterisque contrariis quibuscumque.

Obstantibus derogat.

Nulli ergo omnino hominum liceat hanc paginam nostrorum statuti, ordinationis, monitionis, exhortationis, & mandati infringere &c.

Clausula.

Datum Romæ apud SS. Apostolos tertio nonas Junii anno octavo.

Dat. die 3.  
Junii 1425.  
An. VIII.

## XVII.

Contra ementes, rapientes, seu alias quomodolibet allicientes Christianos, ut infidelibus vendant, mercesque eorum loco recipiant excommunicationis aliasque poenas decernit.

Ex Regest.  
eodem Consu-  
le Raynal-  
dum ann.  
1425.

Martinus Episcopus, Servus Servorum Dei.  
Ad perpetuam rei memoriam.

**P**astoralis sollicitudinis debitum in hoc præcipue exsolvere nos convenit, ut his, quæ in Christianæ Religionis emergunt offensam, quantum nobis ex alto conceditur, salubriter occurramus, eoque solertius, & diligentius, quo remotioribus in partibus illa committuntur, ubi difficilius nobis est adhibitio remedii super eis.

Exordium.

§. 1. Sane lamentabilis querela multorum nostrum nuper turbavit auditum, quod nonnulli iniquitatis filii Baptismatis fonte renati Christianum nomen contemnentes, propriæque salutis immemores, qui in partibus Ultramontanis præsertim in Cassensi, & Cannensi Civitatibus, ac aliis illis circumvicinis locis pro tempore conversantur, Zichorum, Rossorum, Alanorum, Mingrelorum, & Anogusiorum &c. prout in præcedenti usque.

Causæ edenda Constitutio.

§. 2. Quare tam graves & detestabiles excessus nullatenus sustinere, sed illis, prout nostra interest, resistere efficaciter intendentes, felicitis recordationis Nicolai Papæ Quarti, & nonnullorum aliorum Romanorum Pontificum Prædecessorum nostrorum, qui quoscumque arma, equos, ferrum, lignamina, victualia & alia quæcumque mercimonia Infidelibus deferentes in nonnullas poenas, & sententias incidere statuerunt, vestigiis inhærentes, auctoritate apostolica tenore præsentium statuimus, volumus, & ordinamus, quod nullus aliquam, vel aliquas personam seu personas ex Zichis, Rossis, Ala-

Christianos Saracenis, & Infidelibus vendi prohibet.



Alanis, Mingrellis, & Anogusiis, seu aliis sub Christi nomine baptizatis hujusmodi per se vel alium, seu etiam pro se, vel alio publice, vel occulte aliqua ratione, vel causa præfatis Saracenis, sive Infidelibus vendere, dare, tradere, accomodare, donare, seu alienare, aut alias ipsis Infidelibus auxilium vel favorem in Christianorum dispendium præstare quoquomodo præsumat.

Inobedientes  
percellit ana-  
themate.

§.3. Nos vero quemlibet, qui contra hujusmodi constitutionem, voluntatem, & ordinationem nostram ausu temerario venire præsumpserit, excommunicationis sententiæ decernimus subjacere, a qua sententia idem contraveniens, nisi tantum de bonis propriis in ipsarum venditarum personarum redemptionem, si redimi poterunt, alioquin in Ecclesiarum, hospitalium, & aliorum piorum locorum dedicatarum sub nomine Jesu Christi fabricam, reparationem, & conservationem, aut in præfata fidei contra ejus inimicos defensionem integre convertendum exsolverit & erogaverit cum effectu, quantum detrimenti & damni propterea eisdem venditis personis intulerit, aut absque mandato nostro, vel Sedis Apostolicæ speciali, præterquam in mortis articulo constitutus absolvi non possit, & sit inhabilis ad quæcumque per eum impofterum prosequenda.

Hanc le-  
gem publica-  
ri mandat.

§.4. Monentes & in Domino exhortantes Venerabiles Fratres nostros Archiepiscopos, & Episcopos, necnon dilectos filios nobiles viros Duces, Marchiones, Comites, Gubernatores, Consules, Potestates, Capitaneos, Rectores, Officiales, Communitates, & universitates quarumcumque Civitatum, terrarum, & locorum, quæ per Christianos tenentur ultramarinarum partium prædictarum eis universis, & singulis nihilominus injungentes, ut videlicet Archiepiscopi, & Episcopi omnia & singula supradicta in Civitatibus eorum & in locis singulis suarum Diacesum coram populo publicent, & faciant per alios solemniter publicari, jubeantque & procurent illa ab omnibus Ducibus, Marchionibus, Comitibus, Gubernatoribus, Consulibus, Potestatibus, Capitaneis, Rectoribus, Officialibus, Communitatibus, & Universitatibus prædictis, ac personis singularibus Civitatum, Terrarum, & locorum eorumdem auctoritate nostra inviolabiliter observari: Districtius insuper inhibentes universis Christifidelibus, ne contra præmissa quidquid attentare præsumant, quod si secus scienter egerint, prædictis pœnis & sententiis, conditionibus, & præceptis juxta constitutionem eandem noverint se ligatos.

Nulli ergo omnino &c.

Dat. die anno-  
que eodem.

Datum Romæ apud Sanctos Apostolos, tertio Nonas Junii, Anno Octavo.

## XVIII.

Homicidas in Terris Baronalibus in Districtu Urbis existentibus recipi minime posse, pœnasque contra Receptatores decernit, omnemque Jurisdictionem Senatori Urbis circa illorum punitionem deberi declarat.

Ex Regest.  
eodem.

Martinus Episcopus, Servus Servorum Dei.  
Ad Perpetuam Rei Memoriam.

**I**mprobis quorundam conatibus, & ausibus temerariis, qui horrenda inhumanitate mortem sitiunt aliorum, tanto est propensiori studio per Apostolicæ Sedis providentiam occurrendum, quanto ipsorum detestanda & inordinata voluntas præberet aliis execrabilis exempli perniciem sine pœnæ formidine similia perpetrandi.

Proemium.

§.1. Cum itaque, sicut fide digna relatione didicimus, nonnulli Barones, Potestates, Communitates, ac alii Civitates, oppida, castra, fortalitia, terras, & alia loca quæcumque obtinentes, seu regentes, aut custodientes homicidas etiam condemnatos receptare, & neglecta justitia in suis libertatibus confovere præsumunt in Reipublicæ læsionem, ac abominabilis criminis defensionem, & periculum plurimorum.

Causa Edicti.

§.2. Nos igitur, ne dictorum homicidarum horrenda temeritas quoquomodo transeat impunita, & sine vindicta crescat audacia malignandi, ut saltem formidine pœnæ ab hujusmodi temeritatis audacia refrænentur, tanto periculo paternæ sollicitudinis studio occurrere cupientes, volumus, & auctoritate apostolica tenore præsentium statuimus, constituimus, & etiam ordinamus, quod omnes & singuli Barones, Potestates, Communitates, & aliæ quæcumque personæ Ecclesiasticæ, vel Sæculares cujuscumque dignitatis, gradus, status, & conditionis, aut cujuscumque præeminentie fuerint, omnes & singulos homicidas, seu de homicidio convictos, vel condemnatos, quacumque ecclesiastica vel mundana præfulgeant dignitate, in eorum Civitatibus, oppidis, castris, fortalitiis, terris, & aliis locis quibuscumque infra quinquaginta milliaria ab urbe constitutis a duobus annis proxime præteritis citra receptatos, & impofterum receptandos capi, detineri, & carceribus mancipari, illosque manu forti detentos Senatori ejusdem Urbis pro tempore esistenti ad omnem ipsius Senatoris, vel alterius ejus nomine requisitionem præsentari procurent, qui Senator, si homicidam prædictum Clericum esse contigerit, eum ad judicem competentem remittere procurabit.

Baronibus, ut  
Bannitos Se-  
natori Urbis  
puniendos  
tradant præci-  
pit.

§.3. Et ne statutum, constitutio, & ordinatio prædicta fiant ludibrio, debitoque frustrentur effectu, & nedum verbis, sed etiam rebus & executione seu ipsa imposita censeatur, Baronibus, Potestatibus, Communitatibus, Universitatibus, Officialibus, & aliis quibuscumque personis Ecclesiasticis, vel Sæcularibus prædictis homicidas prædictos re-

Inobedientes  
pœnis addicit.



ceptantibus, & imposterum receptaturis sub poena perditionis Civitatis, terræ, castri, seu loci, in quo dictum homicidam receptaverint, necnon mille florenorum auri, quos Camera Apostolica, dum secus actum fuerit, applicari volumus, per Apostolica scripta præcipimus, & mandamus, ut homicidas huiusmodi juxta tenorem & formam statuti, constitutionis, & ordinationis prædictorum, ad omnem Senatoris prædicti, vel alterius ipsius nomine requisitionem absque moræ, dispendio præsentare festinent cum effectu.

Hæc literas  
Valvis Capito-  
lii jubet af-  
figi.

§.4. Ut autem prædicta ad communem singulorum notitiam deducantur, ne de eis ignorantia prætendi valeat, seu etiam allegari, præsentem literas Valvis Capitoli Almæ Urbis mandavimus fecimusque affigi, ut quasi quodam sonoro præconio, & patulo indicio ad omnium notitiam valeant pervenire, decernentes auctoritate prædicta, ut huiusmodi literæ, ut præfertur, affixæ & publicatæ omnes, quos concernunt, perinde ardeant, ac si eis forent personaliter & præfentialiter intimatæ, cum non sit verisimile, apud eos remanere incognitum, quod tam patenter extitit omnibus intimatum.

Clausula.

§.5. Nulli ergo omnino hominum liceat hanc paginam nostrorum statuti, constitutionis, & ordinationis infringere &c.

Dat. die 1.  
Septembris  
1425. An.  
VIII.

Datum Romæ apud Sanctos Apostolos, Kalendis Septembris, Pontificatus nostri Anno Octavo.

## XIX.

Institutio Studii Generalis in oppido Lovanii tunc Leodiensis, nunc Mechliniensis Diocesis & Ducatus Brabantiae cum Privilegiorum, & gratiarum elargitione, ac nonnullorum statutorum præfinitione.

Martinus Episcopus, Servus Servorum Dei.  
Ad perpetuam rei memoriam.

Proemium.

**S**apientiae immarcescibilis, cujus inextinguibile eradiat lumen, cujusque infinitus est thesaurus omnem habens vigorem, & virtutis altissimi dispensator, omniumque chrismatum elargitor ipse Dominus ad hoc suæ miserationis dignatus est nobis licet immeritis sponse suæ universalis Ecclesiae regimen pia dispensatione commisit, & nostræ debilitatis oculo jugum imposuit apostolicæ servitutis, ut in Petri specula positi, tanquam de supremo vertice ad infima mundi protoplastique posteris, qui non natiuitatis deposcunt fructus, sed intelligentiæ spiritu eandem, cujus initium verissima est disciplina concupiscentia, perstringendi sapientiam divinis adducantur eloquiis, reflectentes intuitum, quid pro indisciplina errantium curandis mentibus pro huiusmodi illustranda Ecclesia ad fidei propagationem conferat orthodoxa, quid statui conveniat fidelium quorumlibet prospiciamus attentius, & qualiter a fidelibus ipsis,

profugatis ignorantiae tenebris, illi post supereminetissimam summi opificis notionem per ejusdem sapientiae donum in via mandatorum directi veri luminis pertingant claritatem, solertius intendentes, eo ad quærendum ipsius sapientiae alimenta litterarum studia, per quæ divini nominis, & ejusdem fidei cultus protenditur, militantis Ecclesiae Respublica in spiritualibus & temporalibus cum animarum salute geritur, pax & tranquillitas ubilibet solidantur, omnisque conditionis humanæ dilatur prosperitas, nostræ provisionis, sollicitudinis ope, Apostolicisque favoribus propensius excitemus.

§. 1. Sane pro parte dilectorum filiorum Nobilis viri Joannis Ducis Brabantiae, ac Præpositi, Decani, Scholastici, & Capituli Ecclesiae S. Petri, necnon Burgimagistrorum, Scabinorum, & Communitatis oppidi Lovaniensis, Leodiensis Diocesis nobis nuper exhibita petitio continebat, quod licet in Ducatu Brabantiae, & aliis dominiis ipsius Ducis, necnon etiam in Leodiensi, Cameracensi, Trajectensi, Morinensi, & Tornacensi Diocesibus, cæterisque ibidem circumvicinis partibus & dominiis multa famosa & insignia loca populo Christiano, & rerum copia admodum opulenta existant, nullus tamen in illis locus esse noscitur, in quo saltem generale existat Studium litterarum, unde partium illarum plerique, commodo & usu studii parentes, vel huiusmodi litterarum imperitiæ subjacent, vel in remotis partibus degere habent, scientiæ huiusmodi in eis sectantes incrementum. Verum oppidum præfatum, quod de temporali dominio ipsius Ducis existit, adeo rerum copia, aeris temperie, multitudinis capacitate, atque domorum, & aliarum rerum necessariarum commoditate per Dei gratiam est refertum, quod ad huiusmodi receptandum, confovendumque studium aptum plurimum, & idoneum existere prohibetur.

Ducis Brabantiae petitio  
pro Lovaniensi  
erigenda  
Universitate.

§. 2. Quapropter ipsi Dux, Præpositus, Decanus, Scholasticus, Capitulum, Burgimagistri, Scabini, & Communitas considerantes attentius, quod inter cæteta virtutum opera, quæ tamquam accepta summo rerum auctori sacrificia, quæ per manus offeruntur humanas, illa divine Majestati grata plurimum nullatenus ambiguntur, per quæ ad suscipiendum singulare virtutum diadema illis, qui scientiarum earundem sitiunt acquirere margaritam, opportunis remediis, & auxiliaribus commodis subventionis præsidium efficaciter impertitur, generale litterarum studium in eodem oppido ordinari desiderant, ut inibi disciplinæ, atque sapientiæ atque sapientiæ se studiis exercentes sibi, & aliis meliores effici valeant & partium illarum prosperitatis, auctore Domino facilius incrementum sequatur.

§. 3. Et nihilominus Dux ipse una cum Burgimagistris, Scabinis, & Communitate huiusmodi, domos aptas, & loca convenientia illic cum scamnis, & aliis necessariis

Domum aptam ad hoc  
eligit cum rebus  
omnibus  
opportunis.



riis officinis pro Magistris, Doctoribus, & Scholaribus, ac aliis pro tempore legentibus, docentibus, disputantibus, & audientibus disputare, necnon eisdem Magistris, & doctoribus legentibus de salario competentis annis singulis, vel alias de Beneficiis Ecclesiasticis providere.

Ducis Brabantie petitioni addita nonnulla de Rectoris auctoritate & Scholarium.

Necnon quod Rector Universitatis Studii hujusmodi pro tempore existens super omnia membra Universitatis ejusdem, & illorum servitores tam in civilibus, quam in criminalibus, & aliis quibuscumque causis, negotiis, & excessibus, sine impedimentis quibuscumque jurisdictionem, coercionem, & emendationem dictis Duci, Præposito, Decano, Scholastico, Capitulo, Burgimagistris, Scabinis, & Communitati communiter, vel divisim in eodem oppido quomodolibet competentes exercere valeat, concedere, & jurisdictionem, coercionem, & correctionem hujusmodi a se penitus abdicare, & in Rectorem ipsum plenarie transferre, singulis quoque Doctoribus, Magistris, & scholaribus causa studii ad dictum oppidum accedentibus, vel de illo excedentibus pro tempore quæcumque sua, res, & bona secum asportandi, & ea pro suæ voluntatis libito deportandi, sive ibidem vendendi libertatem tribuere intendunt pariter & proponunt.

Ac Doctorum Privilegiis.

§. 4. Quare pro parte dictorum Ducis, Præpositi, Decani, Scholastici, Capituli, Burgimagistrorum, Scabinorum, & Communitatis, desiderantium etiam, quod Magistri, Doctores, & Scholares supradicti pro potiori dicti Studii incremento condignis privilegiis se communitos sentiant, quibuscumque libertatibus, immunitatibus, & exemptionibus aliorum generalium Studiorum, quantum in ipsis Duce, Præposito, Decano, Scholastico, Capitulo, Burgimagistris, Scabinis, & Communitate, & aliis ipsius Ducis subditis fuerit, gaudentes utantur, nobis fuit humiliter supplicatum, ut in dicto oppido generale litterarum studium in qualibet licita facultate erigere, & ordinare de benignitate apostolica dignaremur.

Martinus studium ibidem in qualibet facultate, Theologica excepta, instituit.

§. 5. Nos igitur, relatione fida post informationem diligentem super habilitate loci, & aliis circumstantiis præmissis de mandato nostro receptam Oppidum ipsum aeris temperie politum, singularumque rerum humano usui necessariorum ubertate refertum, & alias pro hujusmodi studio locum aptum didicimus, pium, meritorium eorumdem Ducis, Præpositi, Decani, Scholastici, Capituli, Burgimagistrorum, Scabinorum, & Communitatis desiderium, per quod scientiarum fons, ex quo ad Dei laudem & gloriam haurire possint singuli viri consilii maturitate perspicui, virtutum & dogmatum ornatibus redimiti, succrescat, plurimum commendantes, hujusmodi supplicationibus inclinati auctoritate Apostolica præsentium serie statuimus, & etiam ordinamus, quod amodo in dicto oppido generale in facultate qualibet, præterquam in Theologia, sit Studium, illudque perpe-

Bull. Rom. Tom. III. Pars II.

tuis futuris temporibus ibidem vigeat & observetur.

§. 6. Quodque omnes & singuli Doctores, Magistri, & scholares inibi omnibus & singulis libertatibus, immunitatibus, & indulgentiis, quibuscumque Doctoribus, Magistris, & Scholaribus Colonia, Vienna, ac Lipsiensis, Pataviensis, & Merseburgensis Dioecesium oppidis studii causa commorantibus per sedem Apostolicam, vel alias qualitercumque concessis, gaudeant pariter & utantur.

Magistris, & Scholaribus cæterarum Universitatum Privilegia elargitur.

§. 7. Singuli vero, qui cursu foeliciter consummato in ea facultate, ita inhæserint studio ut bravium obtinere meruerint, sibi, etiam pro aliorum erudimento docendi licentiam, ac Doctoratus, sive Magisterii honorem petierint elargiri, per ipsorum inibi Doctores, sive Magistros Præposito, quem Cancellarium Studii in oppido hujusmodi esse perpetuo volumus, si hic præfens fuerit, alioquin Decano dictæ Ecclesiæ pro tempore existentibus, sive aliis ab eis deputandis præsententur, & ab illis, si servatis consuetudine & modis super talibus in dictis Studiis generalibus observari solitis, ad hoc extiterint idonei sufficientesque reperti, licentiam & honorem fortiantur & reportent antedictos.

De licentiantis.

§. 8. Qui quidem præsentati quam primum illos adepti fuerint, absque ulterioribus ab eis habendis examine & approbatione in ipsa facultate, qua licentiam & honorem attigerint, in eisdem legere & docere libere & licite ubique possint & valeant.

Licentiati ubique docere possunt.

§. 9. Rursus quoque omnium & singulorum causarum & negotiorum cognitio atque decisio Doctorum, Magistrorum, Scholarium, membrorum, ac servitorum eorumdem, sive Clerici sive Laici fuerint, & etiam de quibuscumque criminibus & excessibus correctio & punitio, ac omnimoda super illis jurisdictio ad Rectorem Studii in eodem oppido Lovanien. dictum Scholasticum per primum quinquennium esse, & ex tunc annis singulis inibi juxta consuetudinem studiorum hujusmodi eligi volumus, & non ad Ducem, seu ejus successores Duces Brabantie, Præpositum, Decanum, Scholasticum, Capitulum, Burgimagistros, Scabinos, & Communitatem præfatos, aut aliquem ex eis, ipsorumve officiales pertinere omnimodo dignoscantur, præfatisque Duci, Successoribus, Præposito, Decano, Scholastico, Capitulo, Burgimagistris, Scabinis, Communitati, & Officialibus, & aliis quibuscumque de causis & negotiis hujusmodi cognoscendi, sive illa dirimendi, aut membra & servitores hujusmodi, vel ex eis aliquem pro criminibus & excessibus eisdem, aut quomodolibet corrigendi vel puniendi, seu aliquam in eos superioritatem, vel jurisdictionem exercendi facultate & auctoritate penitus interdictis.

Scholastico data facultas quacumque cognoscendi causas ad Doctores, Scholaresque pertinentes.

§. 10. Non obstantibus constitutionibus & ordinationibus Apostolicis, & aliis contrariis quibuscumque.

Obstantium derogatio.

M m m

§. 11. Vo-



Nisi Dux & Communitas promissis infra annum steterint, has litteras irritas vult.

Dat. die 9. Decembris 1425. An. IX.

§. 11. Volumus autem, quod nisi infra annum a data presentium computandum Dux, & Prepositus, Decanus, Scholasticus, & Capitulum, ac Burgimagistri, Scabini, & Communitas supradicti, prout eos communiter vel divisim contingere censeatur, privilegia, & libertates concesserint, ac jurisdictionem a se abdicaverint, & eam in Rectorem ac Universitatem predictos transfulerint antedicta realiter & cum effectu, presentes litteræ, & quæcumque inde secuta nullius existant roboris, vel momenti.

Nulli ergo omnino hominum liceat hanc paginam nostræ constitutionis, ordinationis, & voluntatis infringere &c.

Datum Romæ apud SS. Apostolos quinto idus Decembris Pontificatus nostri Anno Nono.

XX.

De Sacramento Eucharistiæ Laicis sub una tantum specie juxta Constantiensis sancita Concilii ministrando.

Martinus Episcopus, Servus Servorum Dei.  
Ad perpetuam rei memoriam.

Martini PP. pro Constant. Canonum observatione sollicitudo.

**A**postolicæ Sedis præcellens auctoritas ad hoc libenter intendit, ut ea, quæ per Constantiense Concilium, præsertim pro extirpandis hæresibus provide, & salubriter statuta sunt, ad notitiam Christi fidelium deducantur, & firmiter observentur.

Procurator causarum fidei decretum de Communionis sub una specie ministranda ex registris Actuum Concilii extrahi petit.

§. 1. Hinc est, quod Nos tenore quarundam litterarum a dicto Concilio super quadam Constitutionem dudum per ipsum Concilium editam emanatarum, & in quodam libro in eodem Concilio conscripto, in quo etiam aliæ ipsius Concilii Constitutiones, & litteræ registratæ inveniuntur, quas Nos in primordio assumptionis nostræ ad summum Apostolatus apicem ex certa scientia auctoritate apostolica approbando duximus innovandas, repertum & registratum, ut de ipso etiam alibi, ubi opportunum fuerit, plena certitudo habeatur, ad dilecti filii Magistri Michaelis de Brodatheumcali Rectoris Parochialis Ecclesiæ Sancti Adalberti sub Oderassi Pragensi, Procuratoris Causarum fidei, asserentis se de ipso tenore pro stabilitate ejusdem fidei in Romana Curia & extra illam indigere, supplicationis instantiam de libro ipso extrahi, & presentibus annotari fecimus, qui sequitur per omnia in hæc verba.

Tenor laudati Decreti.

§. 2. Sacrosancta universalis Synodus Constantiensis in Spiritu Sancto legitime congregata Catholicam Ecclesiam repræsentans ad perpetuam rei memoriam. Apostolica docet sententia de matrice Sancta & universali Ecclesia, quod Christus tradidit semetipsum pro Ecclesia, ut exhiberet sibi eam gloriosam, non habentem maculam, aut rugam, aut aliquod hujusmodi; Quia vero in moribus, & consuetudinibus partis dissentio universitatis Ecclesiæ parit maculam, quæ prorsus purganda est: turpis enim est omnis

pars universo suo non congruens, qualis turpitudine est quorundam assertio contra universalem Ecclesiæ consuetudinem tradens, quod Laici tenentur venerabile Eucharistiæ Sacramentum sumere sub utraque scilicet panis & vini specie; quamobrem scientes Christi sponsam, ut immaculate conservaretur, nobis singulariter & fidenter esse commissam: sponso dicente, curam illius habe, & quodcumque super erogaverit, ego cum reddero, reddam tibi, statuimus præfatam maculam abstergere, & laudabilem Ecclesiæ consuetudinem, qua Laici hætenus non sumperunt Sacramentum Eucharistiæ sub vini specie, decreto venerabiliter roborare, Constitutionem nostram super hoc in nostra publica Sessione promulgando, cujus tenor sequitur in hæc verba.

§. 3. In nomine Sanctæ, & individue Trinitatis Patris, & Filii, & Spiritus Sancti amen. Cum in nonnullis mundi partibus quidam temerarie asserere præsumant, populum Christianum debere sacrum Eucharistiæ Sacramentum sub utraque panis & vini specie suscipere, & non solum sub specie panis, sed etiam sub specie vini populum Laicum, passim communicent, etiam post Coenam, & alias non jejunum communicandum esse pertinaciter asserant, contra laudabilem Ecclesiæ consuetudinem rationabiliter approbatam, quam tanquam sacrilegam damnablem reprobare conantur; hinc est, quod hoc præsens Sacrum Constantiense generale Concilium in Spiritu Sancto legitime congregatum adversus hunc errorem salutis fidelium providere satagens matura plurimum Doctorum, tam divini, quam humani juris deliberatione præhabita, declarat, decernit, & definit, quod licet Christus post coenam instituerit, & suis discipulis ministraverit sub utraque specie panis & vini hoc venerabile Sacramentum, tamen hoc non obstante, Sacrorum Canonum auctoritas laudabilis, & approbata consuetudo Ecclesiæ servavit, & servat, quod hujusmodi Sacramentum non debet confici post coenam, neque a Christi fidelibus recipi non jejunis, nisi in casu infirmitatis, aut alterius necessitatis a jure, vel ab Ecclesia concessio vel admissio. Et sicut hæc consuetudo ad vitandum aliqua pericula, & scandala rationabiliter introducta est, quod licet in primitiva Ecclesia hujusmodi Sacramentum reciperetur a fidelibus sub utraque specie, & a Laicis tantummodo sub specie panis suscipiatur, cum firmissime credendum sit, & nullatenus dubitandum integrum Christi corpus & sanguinem tam sub specie panis, quam sub specie vini veraciter contineri. Unde cum hujusmodi consuetudo ab Ecclesia, & Sanctis Patribus rationabiliter introducta, & diutissime observata sit, habenda est pro lege, quam non licet reprobare, aut sine Ecclesiæ auctoritate pro libito innovare. Quapropter dicere, quod hanc consuetudinem aut legem observare sit sacrilegum aut illicitum, cense-ri debet erroneum, & pertinaciter asserentes oppositum præmissorum tanquam hæretici arcendi sunt, & graviter puniendi per

Dia-



Diæcesanos Locorum, sive Officiales eorum, aut Inquisitores hæreticæ pravitatis in Regnis seu Provinciis, in quibus contra hoc decretum aliquid forsan fuerit attentatum aut præsumptum juxta Canonicas & legitimas sanctiones in favorem Catholicæ fidei contra hæreticos & eorum fautores salubriter adinventas. Item ipsa Sancta Synodus decernit, & declarat super ista materia Reverendissimis in Christo Patribus, & Dominis Patriarchis, Primatibus, Archiepiscopis, Episcopis, & eorum in spiritualibus Vicariis ubilibet constitutis, processus esse dirigendos, in quibus eis committatur & mandetur auctoritate hujus Sacri Concilii sub poena excommunicationis, ut effectualiter puniant contra hoc decretum excedentes: eos, qui communicando populum sub utraque specie exorbitaverunt, & sic faciendum esse docuerunt, si ad penitentiam redierint, ad gremium Ecclesiæ suscipiantur, injuncta eis pro modo culpe penitentia salutari. Qui vero ex illis ad poenitentiam redire non curaverint animo indurato, per censuras Ecclesiasticas per eos ut hæretici sunt coercendi: invocato etiam ad hoc si opus fuerit, auxilio brachii secularis: ut autem nostræ Constitutionis hujusmodi, ubicumque exhibita vel offensa fuerit, ab omnibus adhibeatur major fides, eam præsentibus fecimus annotari. Nulli ergo omnino hominum liceat hanc paginam nostræ voluntatis infringere, vel ei ausu temerario contraire: Si quis autem hoc attentare præsumpserit indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum Constantiæ decimo septimo Kalendas Julii anno a Nativitate Domini Millesimo quadringentesimo decimo septimo Apostolica Sede Vacante.

§.4. Volentes igitur, & eadem auctoritate decernentes, quod idem tenor plenam vim, plenumque robur per omnia habeat, & ei quodcumque, & ubicumque, sive in judicio, vel alibi exhibitus fuerit, stet firmiter, & adhibeatur plena fides, ac si literæ originales superscriptæ exhibitæ fuerint vel offensæ.

§.5. Nulli ergo omnino hominum liceat hanc paginam nostræ voluntatis & constitutionis infringere &c.

Datum Romæ apud Sanctos Apostolos, octavo Kalendas Februarii Anno Noni.

## XXI.

Prohibitio trahendi personas Ecclesiasticas ad forum sæculare.

Martinus Episcopus, Servus Servorum Dei.  
Ad perpetuam rei memoriam.

**A**D reprimendas insolentias transgressionum, eorumque præsumptionem refrenandam, si nervus ecclesiasticæ disciplinæ lentescat, eorum voluntas proclivior sit ad peccandum, & exemplum impunitatis periculosius in alios derivatur.

Bull. Rom. Tom. III. Pars II.

Propter quod ad præsentis officium pertinet, sic debitam executionem adhibere justitiæ, quod commissa jam puniat, & committendorum in posterum audaciam interdicit.

§.1. Sane, sicut displicenter accepimus, nonnulli diversorum regnorum, & terrarum iudices, alique officiales laici, & laicales personæ, jurisdictionem in temporalibus exercentes, exercere facientes, non attendentes, quod laicis in Clericos, & Ecclesiasticas personas, & illorum bona, nulla sit attributa potestas, prætextu hujusmodi (quod asserant in suis dominiis ad se pertinere coercere via facti, quæ vere, & fide attentata asseruntur, etiam in quocumque loco sacro, vel religioso quantumcumque Deo dicato, ex quacumque causa, etiam si ratione delationis Corporis Christi, collationis Sacramentorum, & Beneficiorum Ecclesiasticorum, venditionis factarum, aut aliarum rerum, & bonorum ad Ecclesias, & Ecclesiasticas personas pertinentium quomodocumque, etiam si sola negatione, vel affirmatione turbatio facti interveniat, & ad eos recurratur, cognitionem ad se spectare, pro eo quod factum, & novitas quæ prætenduntur, etiam sine alia violentia, quamvis in loco spirituali, & in loco sacro sive religioso, eo quod immediate, ut prætenduntur, spiritualia non existant) propterea ministros Ecclesiæ, & personas Ecclesiasticas, quantumcumque res, causa, vel occasio unde dependeat, & derivantur, pia, sacra, vel Ecclesiastica sit, aut spiritualis, ad forum suum, & ipsarum cognitionem trahunt, & respondere cogunt.

§.2. Necnon procuratores fiscales in Curii temporalibus multotiens agere procurant, ad quos (quod deterius est) nonnulli Prælati, & personæ Ecclesiasticæ in superbiam, & elationem dati, ad superandum, & sibi subjiendum per tales inventiones, & cautelas, alias personas Ecclesiasticas, & religiosas, habent plerumque recursum, & propterea in eisdem regnis, & terris, civitatibus, castris, & locis, auctoritas, & jurisdictionis Ecclesiastica penitus absorbentur, & nihilominus ipsi laici iudices, alios laicos respondentes in foro Ecclesiastico super rebus quantumcumque Ecclesiasticis, vel spiritualibus, & concernentibus immediate Ecclesiasticas personas, ne respondeant, & iudicibus Ecclesiasticis, ne cognoscant, inhibitiones fieri sub gravibus penis temporalibus faciunt, & procurant, & si secus fecerint, emendam pecuniariam excessivam exigere, ac vastatores in domibus, & piis aliis locis Ecclesiasticis, & religiosis inducere, ac loca ipsa, personasque Ecclesiasticas, jocalibus & paramentis Ecclesiasticis, & bonis mobilibus, ac aliis spoliare, illaque vendere, & alienare, fructus quoque & proventus ad temporalitatem ad manus suas ponere, necnon diversas iniurias, & molestias reales, & personales eisdem personis Ecclesiasticis inferre non verentur, in Dei offensam, animarum suarum periculum, Ecclesiasticæ libertatis vilipendium, & plurimorum gravamen, præjudicium, & jacturam.

M m m 2 §.3. Nos

Abusus nonnullus hac in materia futurus dolet, tum ex Parte Judicum.

Tum ex parte Officialium Laicorum.

Copie Decreti fidem addit Papa.

Dat. die 25. Januarii 1426. An. IX.

Exordium.



Sub penis itaque hic expressis causas, personasque Ecclesiasticas ad laicalia tribunalia trahi vetat.

§.3. Nos igitur adversus talia præsumendum temeritatem remedia apponere, & super his salubriter providere cupientes, ac Concilii Milevitani, ac fel. record. Innocentii Papæ III. prædecessoris nostris constitutionibus super hoc editis, auctoritate Apostolica, ex certa scientia, ac nostra irrefragabili constitutione perpetuo duratura, tenore præsentium statuimus, decernimus, ac etiam ordinamus, quod omnes, & singulæ personæ Ecclesiasticæ sæculares, & regulares Ordinum quorumlibet, quacumque exceptione suffultæ, etiam Patriarchali, Archiepiscopali, Episcopali, Abbatiali, vel alia quavis præfulgeant dignitate, quæ aliam personam Ecclesiasticam, Collegium, vel Conventum, in actione reali, mixta, vel personali, civili, vel criminali, etiam occasione cujuscumque submissionis, etiam juramento vallatæ, vel alias ad forum, sive judicium, laicale, directe, vel indirecte (de qua in foro Ecclesiastico ordinari consueverit, possit, vel debeat, de jure, vel de consuetudine, aut alias cognosci) trahere præsumpserit, causam ipsam, & omne jus ei, sive eis, in possessione, vel petitorio in re, vel ad rem, causa, vel occasione hujusmodi quomodolibet competentes, eo ipso perdant penitus, & amittant, & singulæ personæ, excommunicationis, Capitula vero, & conventus, suspensionis, & interdicti sententias incurrant ipso facto, & si personæ ipsæ, & eis in præmissis adhærentes, & servientes, in aliquo rebelles fuerint, & incontinenti non obedierint, omnes illas per privationem suorum beneficiorum Ecclesiasticorum quorumcumque, quæ obtinebant, & in quibus, & ad quæ jus quomodolibet competit, & inhabilitationem ad alias in posterum obtinenda, coerceri & compelli volumus antedictas.

Laicosque officiales, complicesque talia attentantes excommunicationi addicit.

§.4. Et nihilominus omnes, & singulos Judices, & Executores, Communitates, dominia, laicos, & laicales personas, postquam exceptum fuerit de non jurisdictione eorum, aut evidenter appareat hujusmodi cognitionem ad eos de jure non spectare, talia præsumentes, & ea fieri mandantes, seu eorum nomine, & mandato facta, rata habentes, vel eis faciendis dantes auxilium, consilium, vel favorem, cujuscumque præeminentiæ, dignitatis, gradus, ordinis, vel conditionis existant, sæculares personas: eorum videlicet singulos officiales, quocumque nomine censeantur, & consiliarios, & privatas personas, quæ præmissorum principales perpetratores existerent, excommunicationis sententiam incurrere volumus ipso facto; nullusque ab eisdem sententiis, per alium quam per Romanum Pontificem, præterquam in mortis articulo constitutus, absolvi valeat, sive possit, & præmissa omnia, non tantum ad futura sed etiam ad præsentia, & pendentia extendimus auctoritate memorata.

Et contra eosdem agi mandatur.

§.5. Quodque etiam Procurator Fiscalis causarum Curie Camera Apostolicæ contra culpabiles in præmissis desuper summaria informatione præhabita, per se, vel alium, seu alios, agere, & procedere possit & valeat, nihilominus concedentes.

§.6. Non obstante si aliquibus communiter vel divisim a Sede Apostolica sit indultum, quod interdici, suspendi, vel excommunicari non possint, per literas Apostolicas non facientes plenam, & expressam, ac de verbo ad verbum, de eorum propriis nominibus ac indulto hujusmodi mentionem, & quibuslibet constitutionibus, privilegiis, indultis, & literis Apostolicis, de quibus etiam plena, & expressa, ac de verbo ad verbum, in nostris literis habenda est mentio specialis, ceterisque contrariis quibuscumque. Nulli ergo &c.

Contrariis derogat.

Datum Romæ apud Sanctos Apostolos, Kalend. Februarii, Pontificatus nostri Anno Undecimo.

Dat. die 1. Februar. 1428 An. XI.

## XXII.

Jesuati, qui sub tutela Sedis Apostolicæ suscipiuntur, a molestia qualibet Inquisitorum hæreticæ pravitatis liberantur.

Martinus Episcopus, Servus Servorum Dei, Ad futuram rei memoriam.

**P** IÆ postulatio voluntatis, qua dilecti filii nonnulli pauperes Christi Jesuati communiter nuncupati, voluntariam paupertatem ducentes, dediti studio piæ vitæ, in diversis Italiae Oratoriis, domibus, sive locis, mundanis abjectis illecebris, cum adoptione voluntariæ paupertatis, & virtutum Domino famulantur, non indigne merentur, ut Apostolica Sedes eos, eorum domos, Oratoria, atque loca benignis favoribus confoveat, & specialibus gratiis prosequatur, in iis præsertim, quæ animarum suarum salutem, statumque respiciunt, & quietem.

Proemium.

§. 1. Sane pro parte dictorum pauperum Nobis nuper exhibita petitio continebat, quod licet ipsi cupientes suos in cœlestibus thesauros collocare, & ut ex eorum laudabilibus actionibus ab bene recteque vivendum traherentur alii per exemplum, in diversis locis sive domibus, quæ pro eorum usu & habitatione perpetuis piis Christianissimorum elæmosynis, & suffragiis construxerunt, ut devotum sedulumque impendant Domino famulatum, ad quos plurimi ob eorum laudabilem vitam, & opera virtuosa gerunt specialis devotionis affectum, tamen nonnunquam contingit, pauperes ipsos per Inquisitores hæreticæ pravitatis in illis partibus pro tempore residentes, & deputatos ab eis sub diversis prætextibus occasionibus, fictisque coloribus indebite molestari. Quare pro parte pauperum eorundem Nobis fuit humiliter supplicatum, ut ipsorum paci, & tranquillitati super iis paterna caritate consulere de benignitate Apostolica dignaremur.

Jesuati cum ab inquisitoribus, & eorum Officialibus molestantur.

§. 2. Nos igitur cupientes, ut dicti pauperes eo quietius & devotius in humilitatis spiritu altissimo famulentur, quo se noverint Sedis ejusdem uberiori gratia communitos, hujusmodi supplicationibus inclinati



Martino sub  
Sedis Aposto-  
licæ prote-  
ctione susci-  
piuntur.

ti, præfatos pauperes præfentes, eorumque Oratoria, domos atque loca constructa, & construenda ubicumque fuerint constituta, cum personis, juribus, pertinentiis, necnon possessionibus, terris, rebus & bonis suis, quæ in quibuscumque locis in præfentiarum legitime possident, & in posterum dante Domino similibus fidelium suffragiis, aut alias iustis titulis poterunt adipisci, sub beati Petri, ac ipsius Sedis, necnon Ordinariorum locorum, in quorum Civitatibus, & Diæcesibus, domus, Oratoria, atque loca prædicta consistunt, protectione, usque ad ejusdem Sedis beneplacitum, auctoritate Apostolica, tenore præsentium suscipimus, atque nostra.

Et Inquisito-  
ribus jurisdic-  
tionem quã-  
libet contra  
eosdem pro-  
cedendi loco-  
rum ordina-  
riis inconsul-  
tis admittit.

§. 3. Volentes, atque auctoritate præfata decernentes, quod hujusmodi durante beneplacito, Inquisitores prædicti nullam possint in dictos pauperes, domos, loca, jura, & bona hujusmodi, quacumque occasione, causa, vel prætextu, jurisdictionem, vel potestatem, sine præsentia, & voluntate ordinariorum, prædictorum exercere, sed dumtaxat coram dicta Sede, vel ejus delegatis, aut Ordinariis supradictis teneantur respondere, fel. rec. Innocentii Papæ Quarti prædecessoris nostri, & qualibet alia constitutione Apostolica contraria non obstante. Decernentes insuper ex nunc omnes, & singulos excommunicationum, suspensionum, & interdicti processus, & sententias, quos, & quas contra effectum præsentium, & tenorem promulgari contigerit vel haberi, irritos pariter, & inanes.

Nulli ergo &c.

Dat. die 21.  
Octobris  
1428. An. XI.

Datum Romæ apud Sanctos Apostolos, Undecimo Kalendas Novembris Pontificatus nostri Anno Undecimo.

### XXIII.

Quod Festivitas Sanctissimi Corporis CHRISTI etiam per octavam celebrari possit, apertis Ecclesiarum januis, tempore interdicti. Et qui eam piis operibus venerantur, Indulgentias consequantur.

*De institutione hujus Festivitatis, ejusque Indulgentiis, vid. ap. in Urb. IV. const. XIX. Transitus pag. 414.*

Martinus Episcopus, Servus Servorum Dei.  
Ad futuram rei memoriam.

Exordium.

**I**neffabile Sacramentum, quod sacerdos in æternum Christus Dominus instante, quam pro peccatoribus subire voluit, suæ mortis tempore, nobis ut digne eo refecti divinitatis ipsius participes simus in memoriale reliquit gloriosi Corporis, & Sanguinis ejus mysterium, præcipuis a fidelium quolibet attollendum fore recensentes honoribus, ac devotissimis laudum studiis amplectendum, mystica dispensatione thesauri fideles eosdem, quod tam-

pretiosissimi venerationi sacramenti finceris affectibus, & dignis obsequiis ferventer intendunt, excitare satagimus, ut hujusmodi in eis fructum mors afferat, & illis cælesti pabulo vegetatis ipsius institutio sacramenti prosit jugiter ad salutem.

§. 1. Sane dudum fel. rec. Urbanus Papa Quartus prædecessor noster ad orthodoxe corroborationem, & exaltationem fidei digne, ac rationabiliter statuens, ut de tanto Sacramento, præter illam, quæ dietim in Ecclesia fit, annuatim memoria solemnior, & specialior haberetur, & ad celebrandum ejus tam excelsum tamque gloriosum festum quintam post octavas Pentecostes feriam designans, ipsosque fideles ad colendum illud donis spiritualibus animarum volens, omnibus vere poenitentibus, & confessis, qui in matutinali officio festi ejusdem in Ecclesia, in qua illud celebraretur interessent, centum: qui vero missæ totidem, & qui in primis ipsius festi Vesperis similiter centum, qui autem in secundis totidem: Illis vero, qui Primæ, Tertie, Sextæ, & Nonæ, ac completorii horarum Officiis pro qualibet ipsarum quadraginta. Iis autem, qui per octavas ipsius festi matutinalibus vespertinis missæ ac prædictarum horarum officiis interessent singulis octavarum ipsarum diebus, etiam centum dies de injunctis sibi poenitentis misericorditer relaxavit.

Hoc festum, ab Urbano IV. institutum, nonnullis concessis Indulgentiis.

§. 2. Nos vero, qui hujus verriculæ mundi, superstitiosis heresum fomentis, gueriarum turbinibus, necnon pestis, & aliarum, quæ dietim ex divinæ Majestatis, ut formidamus, offensa circumstrepunt calamitatum dispendiis fines (proh dolor) adducere cernimus passim deteriores, amplioribus spiritualis recompensationis impendiis fideles eosdem ad impertienda pro veneratione sacramenti hujusmodi, & ut illud quo pascantur, & ferventur ipsorum corda, perlustrent, potiora reverentiæ, & devotionis exercitia firmare summopere cupientes, singulis ex eis vere poenitentibus, & confessis, qui & quoties in ipsius Sacramenti pro festo jejunium, vel loco illius aliud pium juxta suorum consilia confessorum opus fecerint, centum, & qui præmissa in Ecclesiis, quibus illa celebrari contigerit officiis interfuerint, necnon Episcopis, & aliis Prælatibus superioribus, qui dictis officiis libenter interessent, sed quo minus eis in ipsius Ecclesiis interesse possint pro conservandis suarum dignitatum juribus, & alias legitime tunc impeditis, pro matutinali ducentos, & pro Missæ officiis totidem, ac pro qualibet Vesperarum etiam ducentos: reliquarum vero videlicet, Primæ, Tertie, Sextæ, Nonæ, ac Completorii festi octuaginta. Rursus autem in quibusdam octavarum diebus pro singulis matutinalium Missarum, & Vesperarum similiter centum, necnon reliquarum horarum officiorum hujusmodi quadraginta. Illi præterea, qui processiones, in quibus ipsius vivificum Sacramentum dicto festo juxta præfatarum ritus Ecclesiarum deferretur, continuo secuti fuerint, a qui-

Hujusmodi indulgentias ampliat Martinus.



a quibuslibet in festo, & octavarum diebus hujusmodi pro pace, & tranquillitate Ecclesiæ missas devote celebrantibus pro singulis ipsarum, necnon aliis in eodem festo Eucharistiæ Sacramentum devote sumentibus etiam centum, singulis annis. Profecto vice qualibet eis, qui dum Corpus Dominicum communicandis deferunt infirmis, illud cum incensu luminari præcedendo, vel sequendo venerantur, similiter centum, & qui tunc illud alias devote secuti fuerint, etiam quinquaginta dies de Omnipotentis Dei misericordia, ac beatorum Apostolorum ejus Petri, & Pauli auctoritate confisi, de injunctis eis poenitentiis misericorditer relaxamus.

Festum hoc in locis interdicto suppositis quomodo celebrandum.

§. 3. Quodque in festo, & diebus octavarum hujusmodi etiam in Terris, & locis Ecclesiastico quavis auctoritate suppositis interdicto, pulsatis campanis, januis apertis, & alta voce excommunicatis prorsus exclusis, sed interdictis, ut citius reconciliari studeant, admissis, & illis qui causam, vel occasionem hujusmodi interdicti dederint altari tunc nullatenus appropinquantibus, Missæ, & Officia præmissa licite celebrari possint, auctoritate Apostolica concedimus per præsentem, aliisque circa observationem interdictorum a nostris sunt instituta prædecessoribus, in suo robore duraturis.

Hanc Bullam Dominica Festum hoc præcedente publicari mandat.

§. 4. Et insuper universos Patriarchas, Archiepiscopos, Episcopos & alios Ecclesiarum Prelatos monemus, & hortamur in Domino, ac eisdem per Apostolica scripta in virtute sanctæ obedientiæ districte præcipiendo mandamus, & in remissione peccaminum injungimus, ut per se, vel alios eorum subditis per singulas suarum civitatum, & Diæcesum Ecclesias in Dominica feriam, & festum prædicta proxime præcedente, salutaribus ad venerationem potissime Sacramenti hujusmodi monitis, & exhortationibus, præsentium literarum continentiam, & effectum publicare, & insinuare, procurent, ut eodem suffragante mysterio subditi, & fideles ipsi, gratiarum uberiori fulciantur augmento, & ab illo, qui se pro ipsis immolavit hostiam, post hujus vitæ cursum ad gloriam perducantur æternam.

Transumptis danda fides.

§. 5. Verum quia difficile foret præsentem literas singulis exhiberi, volumus, & eadem auctoritate decernimus, quod ipsarum transumpto manu publica, & sigillo alicujus Episcopalis, vel superioris Ecclesiasticæ Curiae munito, tamquam præfatis si originales exhiberentur literæ plena fides adhibeatur, & perinde stet, ac si prædictæ originales literæ forent exhibitæ, vel ostensæ.

Dat. die 26. Maii 1429. An. XII.

Datum Romæ apud Sanctos Apostolos, septimo Kalendas Junii, Pontificatus nostri Anno Duodecimo.

## XXIV.

Declarationes Regulæ Fratrum Minorum Conventualium S. Francisci, ad ipsius Ordinis reformationem.

Martinus Episcopus, Servus Servorum Dei. Dilecto filio Joanni tituli S. Petri ad Vincula Presbytero Cardinali, Salutem, & Apostolicam Benedictionem.

Cum generale Capitulum Fratrum Minorum in civitate nostra Assinante sit de proximo celebrandum, Nos qui eorum Ordinem inter ceteros religiosos Ordines, ob singularem devotionis ardorem, quem erga beatum Franciscum gerimus, paterna caritate prosequimur, cupientes, ut per Ministros, Officiales, & Fratres in dicto Capitulo congregatos, juxta prædicti Ordinis instituta talis reformatio fiat, quæ Deo accepta, nobis grata, & ipsi Ordini conveniens existat, ac Christiano populo fructuosa, de tua circumspectione & sapientia, in nonnullis arduis nostris, & Romanæ Ecclesiæ negotiis comprobata, sumentes in Domino fiduciam specialem, etiam de consilio venerabilium fratrum nostrorum ejusdem Romanæ Ecclesiæ Cardinalium, Tibi tenore præsentium committimus, & mandamus, quatenus te personaliter conferens ad Civitatem prædictam, ipsi Capitulo auctoritate nostra præsis, ipsumque pro tua prudentia dirigas, ordines, & disponas, ac salubri maturitate provideas, quod omnia, & singula salubriter, & sincere statuatur, & ordinentur ad honorem DEI, ejusque Ecclesiæ, ac nostrum & Apostolicæ Sedis obsequium debitum, & devotum, ipsius quoque Ordinis bonum regimen tranquillitatem, & pacem.

Cardinalem S. Petri ad Vincula futuri Capituli Generalis Præsidem facit.

§. 1. Nos enim tibi dirigendi, disponendi, statuendi, præcipiendi, mandandi, & quoscumque transgressores mulctandi, puniendi, corrigendi, privandi, absolvendi, ponendi, deponendi, approbandi, reprobandi, procedendi, judicandi, & exequendi, voces quoque Ministrorum, & Custodum, ceterorumque dicti Ordinis Officialium absentium, aut alias commode interesse non valentium, supplendi, ac dictum Ordinem reformandi tam in capite, quam in membris. Contradictores per censuram Ecclesiasticam, & alia juris remedia appellatione postposita compescendo, omniaque alia, & singula faciendi, quæ in præmissis, vel quolibet præmissorum necessaria, seu quomodolibet opportuna tibi videantur, auctoritate Apostolica plenam, & liberam per præsentem concedimus facultatem.

Opportuna ei dat facultates.

§. 2. Mandantes in virtute sanctæ obedientiæ, & sub poenis excommunicationis, suspensionis, & privationis officiorum, & omnium actuum legitimorum, dilectis filiis Generali, & Provincialibus Ministris, ceterisque Officialibus, & Fratribus in dicto Capitulo congregatis, quatenus tibi in omnibus pa-

Obedientiam ei vult exhiberi.



pareant, & intendant. Nos enim sententias sive poenas quascumque inflixeris seu tuleris in rebelles, ratas habebimus, & faciemus auctore Domino usque ad satisfactionem condignam inviolabiliter observari.

Obstantibus  
derogat.

§.3. Constitutionibus Apostolicis, ac statutis dicti Ordinis juramento, confirmatione Apostolica, vel quacumque firmitate alia roboratis, necnon privilegiis, indultis, ac concessionibus per sacrum generale Concilium Constantiense præfatis Fratribus concessis, cæterisque contrariis non obstantibus quibuscumque.

Dat. die 6.  
Junii 1430.  
An. XIII.

Datum Romæ apud Sanctos Apostolos, octavo Idus Junii, Pontificatus nostri Anno Tertiodecimo.

Cardinalis  
prædicti lite-  
ra.

Joannes miseratione divina tituli S. Petri ad Vincula Sacrosanctæ Romanæ Ecclesiæ Presbyter Cardinalis, Reformator Ordinis fratrum Minorum, ac Legatus a latere, cum plenaria potestate ad Capitulum generale ejusdem Ordinis Assisi celebratum, sub Anno Domini MCCCCXXX. de mensis Junii die 15. in festo Corporis Christi a Sede Apostolica specialiter deputatus, Venerabilibus fratribus Generali, Provincialibusque Ministris, ac universis & singulis fratribus Ordinis Minorum salutem, & sinceram devotionem in Domino Jesu Christo. Non est novum si pro reparatione rerum, ac temporum exigentia, leges innoventur humanæ, quoniam etsi nihil sub cælo novum, plus tamen timeri solet quod specialiter iniungitur, quam quod generaliter inhibetur. Et centies repetita placebunt, ac diversa in unum collecta, facilius breviata servantur, & quæ usu vilescunt antiquo, pariter renovata delectant. Renovamini, inquit ille præco refulgens, spiritu mentis vestræ, & induite novum hominem, qui secundum Deum creatus est in iustitia, & sanctitate veritatis, & nolite conformari huic sæculo, sed renovamini in novitate sensus vestri, ut probetis, quæ sit voluntas Dei bona, beneplacens, & perfecta. Sicut enim in uno corpore multa membra habemus, omnia autem membra non eundem actum habent, ita multi unum corpus sumus in Christo Jesu, qui est caput nostrum, Creator, Dux, Redemptor, Dominus, & Magister. Vos autem genus electum, regale sacerdotium, gens sancta, populus acquisitionis, quos non vocavit Deus in immunditiam, sed in sanctificationem, ut veritatem annuncietis illius, qui de tenebris vos vocavit in admirabile lumen suum, evangelicæ scilicet perfectionis Jesu Christi filii Dei, qui suæ dilectissimæ sponse tenerrimus prædilector & vagus, non cessat quotidie providere de remediis, & auxiliis opportunis, novellis eam floribus fulciendo pulcherri-  
mis, sanctis scilicet desideriis divinarum charismatum gratiarum, copiosius irrigando fructibus operum fecundorum, tribuentium incrementa virtutum germine verbi. Sponsa siquidem Christi, Ecclesia sancta est, sed in proposito nostro Minorum Religio vertitur reformanda, quam altissimus Jesus Christus Dei Filius sibi quodam singulari

Bona refor-  
mationis ex-  
ponit.

anulo mirifice desponsavit, quum ejusdem Religionis institutorem & ducem, suæ sanctissimæ passionis privilegio decoravit, ac specialibus sigillis, sacris videlicet stigmatibus mirabiliter insignivit. Quæ quidem sacra Religio, licet plantata sit super illo firmissimo fundamento, præter quod nemo aliud ponere potest, quod est suum sanctissimum Euangelium, quasi ad modum fluctuantis naviculæ procellis agitata ventorum, tentationum scilicet pulsibus vulnerata quamplurimis, tot indiget semper almæ matris Ecclesiæ providentiis, & favoribus, quot quatitur impulsibus, & vitiorum vulneribus sauciatur.

Quam sit in  
Ordine Mino-  
ritarum ne-  
cessaria.

Quum nuper igitur proximis temporibus retroactis nonnullæ querulosæ reclamationes, tum de scandalosis prædicatoribus, tumque de aliis discurrentibus, & infestis fratribus ejusdem Ordinis sanctissimi domini Martini divina providentia Papæ Quinti sæpius propulsaverint pias aures, & auditum, hinc est quod pro universali reformatione Ordinis prælibati, infra scripta statuta recollegimus, ordinavimus, & qua supra Apostolica auctoritate confirmamus, authenticamus, & roboramus, ac ab omnibus & singulis fratribus ejusdem Ordinis volumus, & mandamus inviolabiliter observari, tam a capitibus quam à membris discurrentes secundum ordinem, & processum dictæ Regulæ, per duodecim Capitula districtæ, & particulariter ordinatæ.

Has igitur re-  
formationes  
servari præci-  
pit.

#### CAPITULUM PRIMUM REGULÆ.

Quo ad primum Capitulum Regulæ, quod incipit. Regula & vita fratrum Minorum, hæc est, scilicet sanctum Evangelium Domini N. JESU CHRISTI observare &c.

Quia diu dubitatum & hæsitatum extitit inter fratres, ad quæ consilia Evangelica tenerentur;

Dicimus & declaramus, quod ad illa consilia fratres tantummodo obligantur, quæ in ipsa regula præceptorie, vel inhibitorie seu sub verbis aequipollentibus sunt expressa, juxta declarationem fel. rec. Clementis Quinti in §. 1. suæ declarationis. *Exivi de Paradiso*, Cujus verba & tenorem hic inseri mandavimus videlicet. Declaramus quod illud, quod ponitur in regula de non habendo plures tunicas quam unam cum caputio, & alia sine caputio: Item de non portandis calceamentis, & de non equitando extra causam necessitatis: Item quod fratres humiliter induantur: Item quod jejunare a festo omnium Sanctorum usque ad Natale Domini, & in sextis feriis teneantur: Item quod clerici faciant divinum officium secundum ordinem Sanctæ Romanæ Ecclesiæ: Item quod Ministri, & Custodes pro necessitatibus infirmorum, & fratribus induendis sollicitam curam gerant: Item quod si quis fratrum in infirmitatem ceciderit, alii fratres debent ei servire: Item quod fratres non prædicent in Episcopatu alicujus Episcopi, quum ab eo fuerit eis

Ad quæ consi-  
lia Evangelica  
Fratres rene-  
antur.



eis contradicendum: Item quod nullus audeat populo penitus prædicare, nisi a generali Ministro, vel aliis quibus secundum declarationem id competit, fuerit examinatus, & approbatus, & ad hoc institutus: Item quod fratres, qui cognoscerent se non posse regulam spiritualiter observare, debeant, & possint ad suos Ministros recurrere: Item omnia quæ ponuntur in regula ad formam habitus, tam Novitiorum quam etiam Professorum, necnon ad modum receptionis ad professionem spectantia, sunt ab ipsis Fratribus sicut obligatoria observanda, nisi recipientibus quo ad habitum Novitiorum sicut dicit regula, secundum Deum aliter videatur. Hæc inquam omnia sunt a fratribus tamquam obligatoria observanda. Item Ordo communiter sensit, tenet, & tenuit ab antiquo, quod ubicumque ponitur in regula hoc vocabulum, teneantur, obtinet vim præcepti, & servari debet a fratribus sicut tale.

De pluralitate tunicarum.

Post quæ quidem verba declaratoria, nos Joannes præfatus declaramus de tunicis ipsorum fratrum secundum quatuor Magistros fratres, videlicet Gaufredum, Alexandrum de Ales, Joannem de Rupella, & Rigaldum, quod Ministri, & Prælati possint plures concedere quum viderint necessarium, secundum loca & tempora, & frigiditas regiones.

Testamento B. Francisci.

Sciunt etiam fratres se non obligari ad Testamentum Patris B. Francisci, secundum declarationes Summorum Pontificum fel. record. Gregorii IX. Innocentii IV. Alexandri IV. Nicolai III. & Clementis V.

Obedientia Sedi Apostolicæ.

Et quod omnes fratres, ut dignum, & justum est, reverentiam exhibeant, & honorem, humilem obedientiam, & firmissimam fidelitatem, Sanctissimo D. N. Papæ, & Sacrosanctæ Sedi Apostolicæ prout in principio, medio, & in fine regulæ obligantur.

Cæterisque Prælati & Clerici, prout congruum est: & intentio fuit Sanctissimi Patris B. Francisci, qui presbyteros monuit præcunctis revereri.

Et Prælati Ordinis debita.

Item statuimus, & ordinamus, quod omnes & singuli fratres, Gallici, Itali, Hispani, & Theutonici, & quicumque alii per orbem terrarum constituti, obedire teneantur, & debeant suis Prælati, scilicet generali Ministro, Provincialibus, Custodibus, Guardianis, & quibuscumque aliis Prælati Ordinis secundum regulam datis, non obstante quocumque privilegio, seu indulto, quomodocumque & qualitercumque concessio, in generali, vel speciali, in Concilio Constantiensi, in Curia Romana, vel alibi ubicumque cassando, revocando, & annullando, & nullius decernendo valitudinis, ac si numquam concessa fuissent. Et si qua Monasteria Monialium ex antiqua Bulla Apostolica commissa fuerint aliquibus particularibus fratribus, ex nunc prædicti fratres, sive in Hispania sive alibi resignare debeant ea Ministris Provincialibus, nisi eisdem per prædictos denuo fuerit commissa, sub pœna inobedientiæ contumacis.

Item quo ad votum paupertatis, videlicet vivendo sine proprio, & quod fratres nihil sibi approprient; Statuimus, & ordinamus illud inconcussè tenendum, quod fel. rec. Nicolaus Tertius declaravit in sua decretali. *Exiit qui seminat. De verbor. signif. lib. 6.* Porro successive, & feriatim, per ordinem usque ad §. *Verum, quia expresse continetur in regula.* Et quod quilibet Conventus habeat suum Procuratorem, secundum declarationem, & privilegium, dicti Nicolai Tertii, & Martini IV. & Sanctissimi D. N. Martini V.

Paupertate.

Item quo ad votum castitatis. Statuimus & ordinamus, servandum fore statum Guilelmi Farinerii factum in Capitulo generali Assisi celebrato anno Domini Mccciv. cap. 7. ubi sic habetur. Fratres evidenter notati de suspectis consortiis, & colloquiis mulierum, quæ in regula prohibentur, si admoniti, & correcti sufficienter se non correxerint, si in officiis fuerint, ab omnibus officiis absolvantur, & suspendantur. Nec taliter suspensi, seu absoluti restituantur, nisi in Capitulo Provinciali per Ministrum. Si vero in officiis non fuerint, priventur libris, & omni actu legitimo. Et cui hæc pœna non competit, privationis caputio, & aliis pœnis gravibus puniatur ad arbitrium Ministrorum. Et ad hoc Ministri firmiter teneantur. Et intelliguntur suspecta consortia non solum de mulieribus, sed etiam de suspectis familiaritatibus quibuscumque. Quicumque frater consuetus fuerit a socio suo fratre cum mulieribus sequestrari, de quibus judicio Prælati sui merito possit oriri suspicio, si canonice monitus, & correctus, non se emendaverit, tamquam suspectus de mulieribus, omnibus officiis Ordinis, & actibus legitimis sit privatus. Et si taliter punitus, iterato duobus fide dignis testibus convincatur de sequestratione prædicta, vel si sequestrationes hujusmodi suspicionem multum violentam facerent sui Prælati judicio de consilio Discretorum, & probentur legitime, absque admonitione, vel punitione præmissa, arctetur ad veritatem dicendam. Si vero unus testis fide dignus de sequestratione prædicta appareat contra eum, & alius de lapsu carnis, arctetur gravius in domo disciplinæ. Si vero aliquis de innominabili crimine propter quod ira Dei venit in filios diffidentiae fuerit (quod absit) notatus, & convictus carceri perpetuo mancipetur. Ubi omni die igne circa ipsum accenso, corpore denudato, disciplinatus, panem & aquam quotidie comedens, defleat vitam suam in amaritudine & dolore: circa quod si Prælati fuerint negligentes, ipso facto suis officiis sint privati.

Castitate.

## CAP. II. REGULÆ.

Quoad secundum Capitulum Regulæ. Qualiter volentes venire ad Ordinem recipiantur.

Statuimus, & ordinamus illud servandum fore, quod fel. rec. Nicol. Papa III. decla-

Recipiendis intra Ordinem.



declaravit in prædicta decretali. *Exiit qui seminat. §. Sed quoniam.* Ubi sic dicit. Sed quoniam in desideriis nostris hoc geritur, ut ad Dei gloriam salus proficiat animarum, ac dictus Ordo, per quem jugiter ad amorem divinum affectio christianæ religionis accenditur, & merito, & numero augeatur, concedimus, & præsentī statuto firmamus, licere non solum Generali, sed etiam Provincialibus Ministris, personas fugientes a sæculo in fratres recipere, quæ Ministrorum Provincialium licentia per ipsum Generalem, siquidem expedire viderit, possit arctari. Vicarii vero Provincialium Ministrorum ex officio Vicariæ licentiam hanc sibi noverint interdictam, nisi per Ministros eosdem, quibus hoc committere posse Vicariis & aliis licere decernimus, hoc ipsis Vicariis specialiter committatur. Caveant tamen ipsi Provinciales, quod hoc non indiscrete, non passim, sed sic considerate committant, sicque illos, quibus hoc committi contigerit fidelibus consiliis fultiant, quod omnia discrete procedant. Nec indifferenter omnes admittantur ad Ordinem, sed illi tantum, qui suffragantibus eis literaturæ idoneitate, vel aliis circumstantiis, possint utiles esse Ordini, sibi que per vitæ meritum, ac aliis proficere per exemplum, hæc Nicolaus.

Statuimus insuper, & ordinamus quod nullus recipiatur ad Ordinem nisi annum quartumdecimum compleverit, etiam si oblatus fuerit a parentibus, nisi pro scandalo evitando, foret filius militis, vel superioris dignitatis. Non recipiatur aliquis ad professionem, nisi annum compleverit probationis. Et venientes ad Ordinem diligenter examinentur de fide catholica, & de ecclesiasticis sacramentis, ut in regula continetur, ita quod sint fideles catholici, & de nullo errore suspecti, matrimonio non ligati per copulam carnalem, corpore sani, animo prompti, legitime nati, debitis expediti, conditione liberi, nulla vulgari infamia notati, competenter literati, vel ad alios labores fratribus honestos, & utiles apti, aut talis conditionis existentes, quod eorum receptio Clero & populo non modicam ædificationem afferat.

Et quod venientes ad Ordinem de bonis suis faciant, quicquid Dominus inspiraverit eis, secundum regulam, & declarationem Clementis V. in §. *Ceterum quia Christi Confessor* ibi versiculo. Quum vero facere de rebus suis, quod Dominus inspirabit eis, ipsam regulam ingredientibus liberum velit esse, non videtur prohibere, quin liceat eis recipere, consideratis scilicet eorum necessitatibus & moderaminibus declarationis jam dictæ, si quid de bonis suis intrans, sicut & ceteris pauperibus per modum eleemosynæ libere velit dare.

Item de qualitate habitus, quum regula dicat quod fratres omnes vestimentis vilibus induantur. Statuimus & ordinamus, ut in generalibus statutis prædicti Guilelmi continetur, cap. 2. quod vestimentorum vilitas attendatur in pretio pariter, & colore,

*Bull. Rom. Tom. III. Pars II.*

ita quod semper in vestimentis reluceat asperitas vilitas & paupertas, & ut ignorantia nemini sit occasio delinquendi, ordinamus quod omnes fratres vestimentis talibus induantur, quod nec sint adeo pretiosa, ut videntes ea de curiositate, & vanitate notare debeant, nec ita vilia & grossa, quod ipsa videntes in horrorem inducant & provocent ad derisum. Longitudo autem habitus, ultra longitudinem fratris deferentis, talis sit, quod nec plica ultra quatuor digitos protendatur, nec ita brevis quin corda ex ea valeat operiri. Latitudo vero decem, & octo palmorum non excedat mensuram, nec sit minor quindecim. Caputium vero tali modo fiat, quod existens in capite, extremitas per longitudinem duorum digitorum, cingulum non excedat, nec per duorum digitorum longitudinem super cingulum debeat remanere, cui longitudini correspondeat proportionabiliter latitudo secundum corporum quantitatem. De mantellis autem, de modo dormiendi, de camisiis, de cingulo, & de calceamentis, in omnibus servetur generale statutum prædicti Guilelmi in 2. cap.

## CAP. III. REGULÆ.

Quo ad tertium Capitulum Regulæ, de divino officio.

Statuimus, & ordinamus servandam esse constitutionem Benedicti XII. cap. 1. ubi sic dicit. In primis circa agendum officium divinum in eodem Ordine, auctoritate Apostolica ordinamus, quod ante Missarum, & Horarum principia, Fratres dicti Ordinis omnes quos causa rationabilis non excuset ad Chorum concurrant, præparaturi Domino corda sua, ibique sine risu, murmure, discursu, & absque vagis, & vanis aspectibus, sub silentio in pace, cum debita gravitate permaneant, cantent, & orent, & usque in finem unanimiter perseverent. Quia vero Ecclesiasticus cantus, divinæ laudis sacrificium, fructusque labiorum canentium, non solum eorum, qui psallunt, sed etiam auditorum ædificatio esse debet, eosdem Fratres hortamur in Domino, ut divinas laudes integre, attente, honeste, ac religiose persolvant, gestus leves, & cantus dissolutos, & fractos omnino declinent, tractim psallant, debito more incapta, quæ simul canenda, fuerint, simul continuent, simul pausent, & cetera ut in d. cap. habetur.

Hoc addito quod de cantu in locis ubi pauci sunt fratres, qui non sufficerent ad cantandum, vel alia rationabili causa, Prælati possint dispensare, quum viderint expedire.

Item de jejunio illa servantur, quæ in regula continentur. Idem fiat de non equitando, præterquam in casu necessitatis, attentis etiam verbis Divi Bonaventuræ in sua declaratione super hoc passu, qui dicit. Quod non debeant equitare, nec bigare, neque quadrigare, nisi manifesta necessitate, scilicet prolixi, vel impediti itineris, vel negotii urgentis, vel infirmitate cogantur.

Officii divini  
recitatione.

Jejunio, &  
Equitatione.

Qualitatibus  
recipiendorum.

Vestium humilitate.



## CAP. IV. REGULÆ.

Quoad Capitulum quartum Regulæ, quod fratres non recipiant pecuniam.

De pecuniis  
recipiendis.

Statuimus & ordinamus juxta declarationem Nicolai Tertii, & Clementis Quinti, Martini Quarti, & Quinti, quod quilibet Conventus, sive locus habeat suum Procuratorem, Æconomum, Syndicum, & actorem, cui omnes eleemosynæ pecuniariæ, & alia, quæ ad pecuniam reduci possent, integraliter consignentur, qui easdem dispensare debeat legaliter & fideliter in reparationem Conventuum, & locorum, aliasque necessitates Fratrum pro tempore occurrentes, & quod Fratres nullo modo denarios, vel pecuniam recipiant. Si quis autem contrarium attentaverit, ipso facto omni actu legitimo sit privatus, & poena carceris puniatur.

In omnibus autem, quæ ultra hæc magis arctarent Fratres dicti Ordinis, sive ex declaratione Clementis Quinti, sive alia quacumque declaratione Summorum Pontificum, vel aliorum quorumcumque, apostolica nobis auctoritate commissa misericorditer dispensamus, non adstringentes propterea eos, qui voluerint prædictas declarationes, quin suo voto servare valeant, & tenere.

Et infirmorum  
cura.

Item Ministri, & Prælati pro necessitatibus infirmorum sollicitam curam gerant, eis diligenter de necessariis providendo, ordinando infirmarios, vel alios Fratres deputando servitiis eorumdem, qui deputati si culpabiles inventi fuerint, vel notabiliter negligentes, præsentium in arbitrio puniantur, & alia fiant circa prædicta sicut in generalibus Statutis Ordinis prædicti Guillelmi 4. cap. continetur.

## CAP. V. REGULÆ.

Quo ad quintum Capitulum Regulæ. De modo laborandi.

De labore  
manuum, la-  
borisque mer-  
cedo.

Statuimus, & ordinamus, quod fratres habentes gratiam laborandi laborent fideliter, & devote & cet. prout in regula continetur. Mercesque laboris si pecuniaria fuerit per solventem statim consignetur procuratori Conventus, sive loci, quod si pecuniaria non fuerit, consignetur Prælati ejusdem loci, de qua possit omnibus fratribus ibidem commorantibus communiter prout necessitas exegerit providere. Per hoc tamen nullus fratrum præsumat puerorum scholas regere in Conventu, vel extra sæcularium personarum sub pena privationis actuum legitimorum.

## CAP. VI. REGULÆ.

Quod ad sextum Capitulum Regulæ. Quod fratres nihil sibi approprient.

De proprie-  
tate rerum.

Statuimus, & ordinamus ab universis observandum, prout regula dicat. Et qui contrarium fecerit, puniatur ut supradictum est de pecuniariis. Item quod omnes fratres vadant pro eleemosyna confidenter juxta discretionem Prælati præcipientis, cujus arbitrio committimus discernendum, qui congrue mittendi sunt pro eleemosyna, vel qui non.

## CAP. VII. REGULÆ.

Quo ad septimum Capitulum Regulæ, de poenitentia fratribus peccantibus imponenda.

Poenitentia  
culparum.

Statuimus & ordinamus, quod nullus frater Provinciali Ministro inferior, nisi ex speciali Generalis, vel Provincialium licentia Ministrorum, possit aliquem absolvere fratrem a peccato inobedientiæ contumacis, proprietariæ rerum detentionis, carnis lapsus, furti rei notabilis, iniectionis manuum violenter, falsi testimonii in judicio facti, compositionis, vel projectionis, aut publicationis libelli famosi, falsificationis sigilli cujuscumque personæ notabilis, falsæ criminationis in infamiam cujuscumque. Si quis autem contrarium attentaverit, ipso facto actibus legitimis sit privatus. Et si legitime fuerit deprehensus, carceri mancipetur.

## CAP. VIII. REGULÆ.

Quo ad octavum Capitulum Regulæ, de electione Generalis Ministri. Quia languescente capite cetera membra dolent.

Electione Mi-  
nistri Genera-  
lis.

Statuimus, & etiam ordinamus, quod electio Generalis Ministri canonice celebretur in Capitulo Pentecostes a Ministris & Custodibus, ut Regula dicat: ipsi autem electores, talem in tanta religione studeant habere pastorem, qui scientia, vita, moribus, & exemplo, merito valeat magis prodesse, quam ambitiose præesse. Ovis sibi commissis, omni postposito amore, odio, timore, prece, pretio vel rancore: quod si secus factum fuerit, electio nulla sit, & electores voce activa, & passiva perpetuo sint privati.

Ejus socii.

Item statuimus, & ordinamus, quod Generalis Minister non habeat secum plures duobus sociis notabilibus, uno cismontano, & alio ultramontano, addito socio scriptore, & alio servitore, cum uno famulo.

Et quod de cætero si Generalis sit Ultramontanus, Cismontanus socius teneat sigillum Ordinis, & e contra, si Generalis sit Cismontanus, Ultramontanus socius teneat sigillum Ordinis. Nec possit eos Generalis ad libitum commutare, nisi morte interveniente, vel alia causa legitima, & casu notabili, in loco illius substitutionem alterius socii de consilio Discretorum coarctante.

Ejus auctori-  
tate.

Item secundum declarationem quatuor Magistrorum Generalis non possit immutare aliqua ordinata per ipsum, & Capitulum, Generale sine ipsius Capituli generalis assensu, in his quæ tangunt Regulæ puritatem, nec possit aliquem licentiarum ad cursum Magisterii, nisi fuerit præsentatus per Ministrum Provinciale, qui neminem audeat præsentare, nisi de consilio, & assensu ipsius Capituli Provincialis.

Item, quod prædictus Generalis nullam exactionem pecuniariam facere possit, nec pro confirmatione Ministrorum, neque pro visitatione Provinciarum, neque pro Magisterio, aut vestiario, vel literis officiorum, aut



aut suffragiorum, siue quacumque occasione, vel colore quaesitis, quod si secus fecerit ipso facto suo officio sit privatus. Nec teneantur fratres sibi ulterius obedire. Et si exinde in posterum praesumpserit Generalatus officium retinere, quod ipso facto sit perjurus, infamis, & inhabilis ad quaecumque officia, vel beneficia, honores, & dignitates, tam in Ordine, quam extra Ordinem.

Item quod non faciat Vicarios in Provinciis, nisi in casibus necessariis, & opportunis, quibus expletis Vicariatus officium ipso facto volumus expirare.

## CAP. IX. REGULÆ.

Quo ad Capitulum nonum Regulæ. De Prædicatoribus.

De Prædicatoribus,

Statuimus, & ordinamus, quod fratres non prædicent in Episcopatu alicujus Episcopi, quum ab eo fuerit illis contradicendum, sed cum omni humilitate, & reverentia Prælatos Ecclesiæ debeant venerari.

Eorum examine, &amp; approbatione.

Item, quod nullus præsumat populo prædicare, nisi a Generali Ministro, vel a Provincialibus, in Capitulis Provincialibus, vel ab aliis, quibus per Generalem Ministrum fuerit commissum, examinatus extiterit, & approbatus & officium Prædicationis sibi concessum. Possint nihilominus præfati Ministri concessam prædicandi licentiam revocare, suspendere, & arcere, quoties, sicut, & quando eis videbitur expedire, juxta declarationem prædicti Nicolai Terti in præfata decretali. *Exiit qui seminat.* §. Et quia in eodem.

Qualitatibus approbandorum.

Et quod prædicti, quibus committitur auctoritas prædicta licentiam concedendi, nullum ad prædicationis officium admittere debeant, nisi extiterit admittendus sacerdos, vel diaconus, ætatis ad minus vigintiquinque annorum, competentis literature, vita, & moribus comprobatus, cujus doctrina merito populi edificari valeant sine scandalo.

Quæ ab ipsis cavenda sint.

Caveant autem Prædicatores prædicti omnino, ne quando prædicant, præsumant quicquam contra libertatem sacrosanctæ Rom. Ecclesiæ, vel Ecclesiasticis personis detrahere, vel (quod absit) scandalum, contra Clerum, vel Religionem aliquam excitare, aut personam aliquam præsentem criminaliter nominare, sed potius contra hæreses, & schismata populos digne, & fideliter animare, & in orthodoxæ fidei veritate firmare. Maxime contra præsentem satanicam, & damnatam hæresim Hussitarum. Contra quos in aliqua parte sermonis, prout videbitur expediens, invehatur. Si quis autem temerarie contra statum, honorem, dignitatem, & Ecclesiasticam libertatem præsumperit prædicare, ipso facto prædicationis officio, & omni actu legitimo sit privatus: quod si post prædictam privationem præsumperit prædicare, per suos Prælatos omni appellatione postposita, vel alio subterfugio, carceribus mancipetur. Qui Prælati si in prædictis fuerint negligentes,

*Bull. Rom. Tom. III. Pars II.*

in eandem poenam se noverint incidisse, nisi rationabili, & legitima causa de impotentia se valeant excusare. Super quos, & prædictos prædicatorum delinquentes Ordinarii locorum plenam jurisdictionem habeant puniendi, & carcerandi sine alio processu. Ad quod quum opus fuerit, prædicti Ordinarii invocare valeant brachium secularare.

Item quod nullus frater audeat in alienis Ecclesiis prædicare, ad scandalum, & dedecus Ordinis, nisi in his terris, ubi pro tempore fuerit consuetum. Ut in Quadragesima, processionibus, & similibus, & tunc nec sine licentia Prælatorum Ordinis. Nec prædicent novitates, vel materias, quæ scandalum possint verisimiliter generare.

De licentia prædicandi extra loca Ordinis.

## CAP. X. REGULÆ.

Quo ad Capitulum decimum Regulæ, De admonitione & correctione Fratrum.

Statuimus, & ordinamus, quod prædictum Capitulum diligenter per Ministros executioni debite demandetur. Addentes insuper, quod Minister quilibet in sua Provincia, uno provideo, & honesto socio sit conventus, cum uno servitore.

De sociis Ministrorum Provincialium.

Et quod nullus Minister, Custos, Guardianus, vel Lector, vel quicumque alius frater, quicquam exigit aliquo colore, vel causa quod si secus fecerit: ipso facto suo officio sit privatus, & subditi deinceps obedire sibi minime teneantur. Et si quid aliquis Ministrorum Generali Ministro præsumperit contribuere, ipso facto ut supra suo officio sit privatus.

Contributionibus nec dandis, nec accipiendis.

Statuimus insuper, quod Ministri diligenter, & sollicitè instent, & invigilent reformationi Studiorum per quaslibet suas Provincias, ita & taliter, quod cuilibet student pro posse provideatur de suis necessariis, tam pro libris, quam pro reliquis opportunis, de communibus eleemosynis per Procuratorem receptis pro quolibet Conventu siue loco nato Fratris ad Studium promovendi. Exhortantes strictissime in visceribus JESU CHRISTI ceteros fratres aliorum locorum, quod quum viderint idoneos ad studia promovendos, totis viribus eisdem impendant auxilium, consilium, & favorem, in quibuslibet opportunis, querendo pro eis eleemosynas, recommendando valentibus subvenire, eisque serviendo in visceribus caritatis. Quum scientia donum Dei sit, armatura ad defendendam sanctam fidem Catholicam, corona Ordinis, lumen veritatis, & via in tenebris ambulantium populorum.

Studiorum reformatione.

Similiter attendant prædicti Ministri cum omni vigilantia, & circumspectione, quod ceremoniæ Ordinis tam quo ad divinum officium, quam quo ad silentium, & alias ceremonias utriusque communitatis, spiritualis, & temporalis, secundum antiquas consuetudines Ordinis observentur.

Ceremoniarum ecclesiasticarum observatione.

Et si qua sunt debita de præterito contracta solvantur de expropriatione fratrum,

A re alieno solvendo.



vel locorum, de vineis & possessionibus, cæterisque rebus in Ordine repertis, quarum possessio secundum puritatem nostri status non potest Ordini convenire. Et si quid superesse poterit de pretio talium rerum vendendarum, vel ex reddenda ratione, quorumcumque fratrum, vel Ministrorum, vel aliorum subditorum, assignetur Procuratoribus locorum quorumcumque, per quaslibet Provincias pro communi utilitate, & commoditate eorumdem fratrum vel locorum.

Fratrum correctione.

Ministri autem, & alii Prælati corrigant subditos suos humiliter, & caritative eos visitent, secundum regulam, delinquentes misericorditer puniendo, juxta tenorem septimi capituli statutorum generalium prædicti Guilelmi, & vigesimiseptimi capituli statutorum Benedicti XII. vel alios: prout eisdem Ministris, & Prælatibus melius videbitur expedire.

Reformatorem Ordine.

Irem cum in eodem Ordine aliqui fratres fuerint & sint excellentes in devotione, & observantia strictiori vestræ professionis, ordinamus, quod tales sic viventes per Prælatos suos bene tractentur, & favorabiliter in suis devotionibus nutriantur in suis eremitoriis & locellis. Caveant autem prædicti Prælati, ne fratres aliquos ad eremitoria mittant pro residentia ibidem facienda, nisi maturos, solidos, & probatos in Observantia regulari, ubi fieri poterit bono modo.

Conventuum ædificandorum modo.

Item quod de cætero nullus audeat, Conventus, aut loca, seu eremitoria multiplicare, aut de novo ædificare, seu ædificari facere non solum pro Fratribus, quin etiam pro Sororibus, sine auctoritate D.N. Papæ, dominorum diocesano- rum, Generalis, vel Provincialium Ministrorum licentia, sine præjudicio Conventuum propinquorum, in quorum terminis hæc contigerit attentari. Salva etiam decretali Bonif. VIII. in c. *Cum ex eo*, De excessibus Prælatorum lib. 6.

Recurso ad Prælatos Ordinis.

Item ubi Regula dicit, quod ubicumque sunt fratres, qui scirent, & recognoscerent, se non posse regulam spiritualiter observare, declarans justam esse causam recurrendi ad Ministrum, cum tali loco est annexa proprietas, vel cura animarum, pueros baptizandi, & alia parochialia faciendi, aut quia ibi domino reclamante morantur fratres, aut quia propter necessariorum penuriam oportet eos in congregationibus, vel quæstionibus inhonestis contra regulæ puritatem, & usum Ordinis generalem excedere, aut propter societatem inhonestam, vel importabilem fratribus, præsertim rudibus, & infirmis, propter huiusmodi autem causas, & similes fratres dicunt, & possunt ad suos Ministros recurrere, per eosdem inde pie & paternaliter amovendi, & in locis devotis & spiritualibus collocandi.

#### CAP. XI. REGULÆ.

Quo ad undecimum Capitulum Regulæ: Quod fratres non ingrediantur Monasteria Monachorum.

Statuimus, & ordinamus illud esse servandum, quod præfatus Nic. III. decrevit in eadem suo decretali. *Exiit qui seminat* s. *Denique quia continetur*. Vbi determinat prohibitum esse fratribus ne ingrediantur Monasteria Monachorum quarumcumque: Intelligens nomine Monasterii, claustrum domos, & officinas interiores, pro eo quo ad alia loca, ubi homines sæculares conveniunt, possunt fratres ipsi causa prædicationis, vel elemosynæ petendæ accedere, quibus id a Superioribus suis, pro sua maturitate, vel idoneitate fuerit concessum, exceptis semper prædictarum Monasteriis inclusarum, ad quæ nulli datur accedendi facultas sine Sedis ejusdem licentia speciali. Quod etiam Greg. IX. determinavit.

Ingressu Monasteriorum Monialium.

Addentes nihilominus, quod si quis sine Ministrorum licentia aliquod Monasterium intrare præsumpserit, ipso facto carceri mancipetur. Et diligenter attendant Ministri, quod Moniales sibi commissæ debitam clausuram servant, tam fratrum quam sæcularium accessus compescendo sub interminatione maledictionis æternæ.

Et horum clausura.

Item statuimus, & ordinamus, quod nullus frater de cætero præsumat fieri compater virorum, vel mulierum, & qui jam compaternitatem contraxerint, quantum in eis est, hoc nomine se a nemine nominari permittant, nec ipsi alios nominent. Et qui contrafecerit carceri mancipetur.

#### CAP. XII. REGULÆ.

Quo ad duodecimum Capitulum Regulæ. De euntibus inter Saracenos.

Statuimus, quod servetur Regula, & in præsentī Capitulo, & in quibuscumque aliis Capitulis generalibus, quantum possibile est, provideatur, & disponatur de bono regimine locorum Terræ Sanctæ, tam quo ad Guardianum, quam quo ad alios fratres, ita quod semper pro gubernatione illorum locorum eligantur in Capitulis generalibus de melioribus, & devotioribus fratribus Ordinis, qui vita, moribus, & doctrina probati, lucis exemplum præbeant, & ædificationem pariter infidelibus, cum quibus contigerit conversari.

Regimine locorum Terræ Sanctæ.

Item statuimus, & ordinamus quod Procuratores Ordinis in Curia Romana nihil exigant vel extorquere præsumant a fratribus advenientibus undecumque: quod si fecerint, ipso facto suo officio sint privati. Et Procurator Cismontanus tractet negocia fratrum Cismontanorum: Ultramontanus autem tractet negocia ultramontanorum.

Item statuimus, & ordinamus sub eadem poena, quod Inquisitores hæreticæ pravitatis teneantur restituere Communitati conventuum, ubi officium inquisitionis exercent, quicquid sibi advenire poterit vel competere ex officio inquisitionis, usque ad condignam satisfactionem expensarum, quas in prædictis perceperint, dum officium Inquisitionis exercent. Et si eisdem Inquisitoribus a Communitate, vel ab alia persona spirituali competenter provisum fuerit de expensis, non

Quoad expensas FF. Inquisitoris muncere fungentiū.



non teneantur prædicti Conventus providere eisdem de victu vel vestitu: quod si quid superfuerit ultra prædictum victum, vel vestitum, de eo quod sibi competeret ex officio, suo Conventui nativo reddatur, distribuendum communiter inter fratres. Et quod nullus inquisitor ejusdem Ordinis in officio Inquisitionis remaneat ultra duos annos secundum ejusdem Ordinis generalia statuta dicti Guilielmi c.6. §. *Finali*.

Item statuimus, & ordinamus quod de cetero nullus Prælatorum, Minister vel Magister, aliquem fratrem ejusdem Ordinis presumat adstringere, vel compellere ad aliquam pecuniariam solutionem, ratione cujuscunque gradus scholastici, vel Magisterii, Lectoratus, Baccalariatus vel alterius cujuscunque sub pœna privationis gradus, tam in exigente, quam in contribuente.

Insuper quia parum est leges condere, nisi executioni debitæ demandentur, volumus & mandamus, ac stricte præcipimus universis ac singulis fratribus ejusdem Ordinis ubicunque fuerint, & intererint, cujuscunque gradus seu conditionis existant, quod in his omnibus supradictis suis Prælati teneantur firmiter obedire, scilicet Generali in toto Ordine, & Ministris Provincialibus in provinciis, Custodibus in custodiis, Guardianis in guardianatibus, ceterisque Prælati in his, & aliis licitis & honestis, quæ non sunt contra animam suam, & Regulam dicti Ordinis. Et si quis, quod absit, contrafecerit, trina admonitione præmissa, factis congruis intervallis, post si rebellis & inobediens extiterit, carceri mancipetur.

In omnibus autem aliis statutis, constitutionibus, ordinationibus, & declarationibus, tam summorum Pontificum, quam aliorum quorumcumque sive de non edendo carnes in festivitatibus Nativitatis, Resurrectionis, & Ascensionis Dominicæ, Pentecostes, Apostolorum Petri, & Pauli, Assumptionis gloriosæ Virginis, S. Francisci, S. Antonii, & S. Ludovici Episcopi, vel quibuscunque aliis temporibus per regulam vel per Ecclesiam non prohibitis, sive de quibuscunque aliis in aliis constitutionibus positis, quæ non sunt contra legem Dei, vel statutum Ecclesiæ generale, auctoritate Apostolica dispensamus. Nolentes aliquem dicti Ordinis ex prædictis statutis, seu constitutionibus, ordinationibus, declarationibus, de quibus in his præsentibus non fit mentio mortalis peccati vinculo alligari, nisi tales essent casus, vel excessus, qui divina lege, seu sacrosanctæ Romanæ Ecclesiæ generali statuto, merito inducerent ad mortale. Et ubicunque in aliis constitutionibus ejusdem Ordinis Papalibus, vel Generalibus, pœna excommunicationis imponitur, quatenus in aliam pœnam temporalem valeant commutari, arbitrio Præsentium reservamus. Sententias vero excommunicationis inibi contentas, auctoritate præfata ex nunc tollimus, remittimus, & laxamus, in contrarium facientibus non obstantibus quibuscunque.

Prædicta autem statuta, constitutiones, ordinationes, seu declarationes, & revoca-

tiones volumus ab omnibus tam Prælati, quam subditis integre & inviolabiliter observari. Mandantes, & districte præcipientes omnibus Prælati, tam Generali, & Provincialibus Ministris, quam aliis Prælati Ordinis quibuscunque, quod omnia, & singula supradicta servant, & faciant ab omnibus inviolabiliter observari. Quod si in prædictis fuerint negligentes ipso facto suis officiis sint privati. Et ne alicui ignorantia sit occasio delinquendi, sub interminatione divini judicii mandamus Prælati prædictis, quatenus per quemlibet Conventum, & locum ad minus semel in mense legi faciant.

Has autem constitutiones, reformationes, & ordinationes, per nos Joannem Card. Legatum & Reformatorem præfatum auctoritate Apostolica factas, & ordinatas, alta, & intelligibili voce in pleno Capitulo ad sonum campanæ, ut moris est, congregato, coram multitudine copiosa fratrum ejusdem Ordinis propterea ibidem existentium de verbo ad verbum per organum venerabilis, & religiosi viri fratris Joannis de Capistrano ejusdem Ordinis professoris, legi & publicari fecimus, & ad perpetuam rei memoriam, per Generalem, & Provinciales ministros, Custodes, Discretos, & omnes ac quoscunque fratres, & religiosos dicti Ordinis præsentis, absentes, & futuros in omnibus, & per omnia prout superius late scriptæ sunt, sub pœnis in eisdem contentis inviolabiliter teneri, & observari mandavimus, & per præsentis mandamus.

Post quarum quidem constitutionum, reformationum, & ordinationum publicationem & lectionem, omnes & singuli Ministri, Custodes, Custodum Discreti, & alii in d. Capitulo existentes, tam nominibus suis propriis, quam suorum Conventuum, & fratrum præsentium, & futurorum, dictis constitutionibus, ordinationibus, & reformationibus, tamquam legitime, sancte, juste factis & ordinatis non coacti nec circumventi, libere, & sponte sine contradictione aliqua in pleno Capitulo acquieverunt, & in eisdem, & eorum singulis in omnibus, & per omnia consenserunt, & intelligibili voce unanimiter clamando & dicendo consentimus in eisdem in omnibus & per omnia, & volumus stare, vivere, & mori in isto Ordine sancto fraternaliter secundum constitutiones, & reformationes prædictas.

In quorum omnium, & singulorum, fidem, & testimonium præmissorum, præsentis nostras literas, sive præfens publicum instrumentum constitutiones, reformationes, & ordinationes hujusmodi in se continentes, sive continens, ex inde fieri, & per Secretarium nostrum Notarium publicum infra scriptum subscribi, & signari mandavimus, nostrique sigilli Cardinalatus jussimus, & fecimus appensione communiri.

Lectæ & in scriptis publicatæ fuerunt hæc constitutiones, reformationes, & ordinationes supradictæ, per nos de mandato

Quæ propterea in Generali Capitulo lectæ & publicatæ fuerunt.

Et Fratres inibi existentes easdem servare promiserunt.

Hinc publicum instrumentum confectum.

Et eadem publicatæ constitutiones.

Nihil solvendum pro Gratiis recipiendis.

Obedientia a Fratribus suis exhibenda Prælati.

Ad quid obligent præcepta regulæ.

De hisce constitutionibus observandis.



nostro, modo supradicto Assisi in Monasterio fratrum Minorum tempore generalis Capituli in pleno Capitulo nobis ibidem de præfati D. N. PP. mandato Præsentibus. Sub anno a Nativitate Domini 1430. indict. 8. die vero Mercurii 21. mensis Junii Pontificatus præfati D. N. PP. Anno 13. præsentibus ibidem Reverendo Patre Domino Bernardo Montis Albanensis Episcopo, & Guilielmo Panze, & Joanne Abgeroloes, alias Frances, Notariis Apostolicis familiaribus nostris, & pluribus aliis, tam Clericis, quam laicis fratribus dicti Ordinis testibus, ad præmissa vocatis specialiter, & rogatis.

Et ego Rodericus Gundisalvi, de Mucleos, Clericus Baganensis diæcesis, publicus Auctoritate Apostolica Notarius, dictique Reverendissimi in Christo Patris, & domini mei domini Joannis Cardinalis Legati & Reformatoris præfati præmissis &c. Amen.

## X X V.

Declaratio, & modificatio constitutionum nuper editarum super reformatione Fratrum Minorum Conventualium S. Francisci.

Martinus Episcopus, Servus Servorum Dei.  
Ad futuram rei Memoriam.

Proemium.

**P**ervigilis more Pastoris, Romanus Pontifex animadvertens, commissum sibi gregem dominicum, per laudabilia Religiosorum exempla, in semitam mandatorum Altissimi dirigi, & ad salutarium optionem operum provocari, nonnunquam super his, quæ medio suæ provisionis ad commendabilem sacre Religionis reformationem processerunt, adiicit, declarat, modificat, ordinat & disponit, prout rerum & temporum qualitate pensata, id in Domino conspiciat salubriter expedire.

§. 1. Cum itaque pridem dilectus filius noster tituli Sancti Petri ad Vincula Presbyter Cardinalis, cui de Venerabilium fratrum nostrorum S. R. E. Cardinalium consilio, per alias nostras literas super hoc plene Legationis officium commiseramus, ac omnimodam concesseramus facultatem, vigore commissionis, concessionis & literarum hujusmodi, generali Capitulo Fratrum Minorum, quod tunc in Civitate nostra Assisi celebrabatur præsidendo, nonnullas super reformatione Ordinis dictorum Fratrum Minorum, salubres & honestas constitutiones in eodem Capitulo edidisse noscatur, prout in literis suis ejus sigillo munitis vidimus plenius contineri.

§. 2. Nos constitutionum & literarum earundem tenores præsentibus pro sufficienter expressis habentes, illasque harum ferie approbantes & confirmantes, super eis, ut posterioribus in posterum successibus gratulentur, Motu proprio non ad alicujus in-

stantiam, sed de nostra mera providentia, additiones, declarationes, & modificationes auctoritate Apostolica ordinamus, edimus & facimus quæ sequuntur.

§. 3. Primo videlicet, quod ubi Fratres particulares dicti Ordinis, Monialium & Sororum Ordinis Sanctæ Claræ, Sancti Damiani, & Minorissarum, ac alia quæcumque, Monasteria sive loca Regularia mulierum, per quascumque etiam Apostolicas literas sibi commissa sub certis penis adstringuntur, Ministris Provincialibus, ut illorum jurisdictioni subsint, prout convenit assignare, nisi per illos eis denuo fuerint commissa, adiciendo decernimus, volumus, & mandamus, Sorores, & Moniales easdem (etiam si in contrarium habeant quævis privilegia, vel indulta, quæ necnon eisdem particulare Fratribus concessas literas hujusmodi, quoad hoc cassamus, irritamus, & annullamus, ad subtrahendum se a subjectione, & obedientia ipsorum particularium Fratrum, & aliorum quorumcumque, nisi de novo illis recommittantur, ut præfertur) sequi omnino ipsorum Ministrorum, & per eos deputandorum Visitatorum jurisdictioni, & obedientiæ submittendum, per eandem constitutionem pari modo adstringi, & penis similibus obligari.

§. 4. Præterea decernimus, quod exceptis iis, de quibus in constitutionibus felicis recordationis Benedicti Papæ Duodecimi prædecessoris nostri fit mentio, nulli omnino hominum tam regularium, quam secularium, cujuscumque gradus, præeminentiæ, dignitatis, excellentiæ, nobilitatis, & conditionis fuerint, prætextu sibi desuper quavis auctoritate concessæ cujuscumque licentiæ, quam similiter cassamus, & irritamus, & annullamus, Monasteria seu loca Sororum, & Monialium hujusmodi, seu aliud ex eis ingredi, nec etiam Protectori, aut Generali Ministro dicti Ordinis Minorum pro tempore existentibus, seu præfatis Provincialibus Ministris, & quibuscumque Visitatoribus licentiam super ingressu hujusmodi, nisi ab exceptis antedictis inconsulto Romano Pontifice concedere licentiam quomodo.

§. 5. Item ubi cavetur de divino Officio secundum Ordinem dictæ Romanæ Ecclesiæ peragendo, statuimus, quod de omnibus commemorationibus, & festis trium lectionum, festa novem lectionum fieri, & utrumque festum Sanctæ Crucis sub duplici officio sine commemorationibus Sanctorum eisdem diebus occurrentium celebrari, prout a piæ memoriæ Gregorio Papa Vndecimo prædecessore nostro fuit ordinatum. Quodque super rubrica de festis occurrentibus infra Octavas festa ipsa non de præcedentibus, sed solum intra easdem Octavas existentibus, sicut etiam nonnulli alii Romani Pontifices prædecessores nostri declaraverunt, intelligi debeat.

§. 6. Item ubi præfato Generali Ministro duo Socii notabiles, unus videlicet Citramontanus, & alius Ultramontanus, addito Socio scriptore, & alio Servitore, cum uno Fa-

Circa Monialium curam.

Prohibitumque ad eas ingressum.

Vid. cap. 2. superioris Bullæ.

Divini Officii recitationem.

Vid. cap. 3.

Socios Ministri Generalis.

Vid. cap. 8.

Factas a Cardinali S. Petri ad Vincula Legato Ap. S. reformationes.

Confirmat PP. &amp; modificat.



Famulo dumtaxat decreti sunt, adiciamus eidem duos Famulos, unum eleemosynarium secularem, vel alterius Religionis. Qui quidem Eleemosynarius a Procuratoribus Provinciarum, aut Provincialium Ministrorum, Conventuum, vel Domorum, & locorum dicti Ordinis Minorum, omnia illa, quæ pro victu, vestitu, equis, famulorum salario, & aliis quæ ipsi Generali Ministro, ejusque comitivæ necessaria & opportuna fuerint, exigere, & exacta pro hujusmodi necessariis exponere habeat. Quique de præmissis exactis & expositis, eidem Ministro Generali, primum, & deinde Capitulo Generali, loco, & tempore celebrationis ejusdem, ut inibi per totum Ordinem secundum Provinciarum numerum dividantur, rationem reddere teneatur. Adiciamus etiam, quod singuli duorum Sociorum Provincialium Generalis Ministri prædictorum, singulos servitores Fratres, vel alias personarum suarum, & equorum sibi assignatorum, servitiis institutos famulos, quibus sicut ceteris de familia ejusdem Generalis Ministri provideatur, habere valeant, atque possint. His tamen, & aliis eis similibus ejusdem Generalis Ministri, prout secundum loca, & tempora, ac longas vel breves moras expedire viderit, moderationi relictis. Cujus etiam Generalis Ministri, vel per eum ad hoc deputandi coercitioni, & compulsioni, præfati Procuratores, & principales eorum, necessaria dicto Eleemosynario forsitan solvere, vel exhibere recusantes, aut solutionem hujusmodi longius debito differentes, super hoc omnino volumus subiacere.

§. 7. Item ubi præfato Generali Ministro interdicitur potestas licentiandi aliquem ad cursum Magisterii, nisi præsentatus fuerit a Ministro suæ Provinciæ, quem nemo audeat præsentare, nisi de consilio, & assensu Capituli Provincialis, modificando declaramus, hoc fore intelligendum in illis Provinciis, in quibus solet Provinciale Capitulum, vel Congregatio habens vim Capituli singulis annis celebrari, alias idem Generalis Minister de proborum consilio ad magisterii cursum licentiare valeat, atque possit.

§. 8. Item ubi dicto Generali Ministro pecuniarum exactio prohibetur, declaramus, quod pro suis necessitatibus possit eleemosynas a quibuscumque recipere, qui sponte illas voluerint erogare, dummodo ab exigendo, & extorquendo penitus absteineat.

§. 9. De vestimentis autem per Ministros & Custodes debitis secundum Regulam & constitutiones præfati Benedicti prædecessoris provisio observetur.

§. 10. Item ubi Generali, & Provincialibus Ministris, ac Custodibus, & Guardianis, ceterisque Fratribus prædictis inhibetur, ne ullatenus quidquam exigant aliquo colore vel causa, qui secus fecerint eo ipso suis officiis sint privati, sibi que eorum subditi deinceps obedire minime teneantur, & si aliquis Ministrorum Generali Ministro quidquam contribuere præsumperit, ipso facto suo officio sit privatus, volumus, & etiam declaramus, contributiones hujusmodi intelligi debere, si in modum exactionum vel extorsio-

num, tam ex parte dantium quam recipientium factæ fuerint, non autem in modum eleemosynarum supradictum, quem volumus in suo robore permanere. Quod si forsitan taliter observatum non extiterit, hujusmodi privationum in quocumque dictarum constitutionum, per eundem Cardinalem, ut præfertur editarum, loco tangantur, definitionem, & determinationem solum spectare ad summum Pontificem quoad Ministros Provinciales, & ad Provinciales Ministros quoad alios Fratres antedictos. Quas quidem omnes, & singulas additiones, declarationes, & modificationes per nos, ut præmittitur a quibuscumque Fratribus dicti Ordinis Minorum, & aliis, quorum intererit seu interesse poterit, perpetuo, & irrefragabiliter observari volumus, & mandamus.

§. 11. Rursus per juramentum, quo dilectus filius Guillelmus de Casali, ejusdem Ordinis Minorum Generalis Minister, de dispensationem ullam super dictis constitutionibus per eundem Cardinalem editis, vel earum aliqua non petendo, vel obtenta non utendo, in præfato Capitulo Assisi celebrato, ut accepimus præstito, quamplurima eidem Ordini Minorum, cujus prosperi status directionis onus ipsi Guillelmo Ministro principaliter incumbit, fructuosa, & utilia ingruentibus casibus pro tempore impedire, aut in ipsius Ordinis præjudicium differri posse, necnon eundem Guillelmum Ministrum, qui est caput, arctius quam membra ligari, minus congruum fore recensentes, sibi juramentum hujusmodi, cujus formam præsentibus haberi volumus pro sufficienter expressa, eadem auctoritate, motu simili harum serie penitus relaxamus, eumque ad illius observantiam decernimus, & volumus non teneri.

§. 12. Præmissis necnon constitutionibus Apostolicis, & aliis contrariis non obstantibus quibuscumque. Aliis tamen constitutionibus antedictis per præfatum Cardinalem editis, in omnibus semper salvis.

§. 13. Nulli ergo &c.

Datum Romæ apud SS. Apostolos, sexto Kal. Augusti Pontificatus nostri Anno Terriodecimo.

## XXVI.

Indictio generalis Concilii Basileensis cui Præses datur Julianus Diaconus Cardinalis S. Angeli.

Martinus Episcopus, Servus Servorum Dei. Dilecto filio Juliano S. Angeli Diac.

Card. Apost. Sedis Legato. Salutem & Apost. benedictionem.

**D**UM onus universalis gregis dominici superna dispositione nobis injunctum diligenter attendimus, & quod singulis Christianæ Reipublice occurrentibus per nos ipsum debitum Apost. servitutis exequi non possumus, animo nostro revolvimus, nonnunquam viros fide ferventes, dignitate, ac scientia præditos, & rerum agendarum experientia conspicuos, in partem nostrorum, & Ecclesiæ Romanæ negotiorum assumimus, ut dum tempus postulat eorum ope-

Juramentum  
a Generali  
edito de ob-  
servandis di-  
ctis Constitu-  
tionibus.

Contrariis  
derogatio.

Dat. die 27.  
Julii 1430.  
An. XIII.

Exordium.

Potestatem  
ejusdem Ge-  
neralis licen-  
tiandi Fratres  
ad Magiste-  
rium.

Vid. cap. 4.

Eleemosinas  
exigendi.

Vid. cap. 8.

Fratrum ve-  
stimenta.

Exactionem  
Prælati in-  
terdictam.

Vid. cap. 8.



operationibus vices nostras suppletes, ministerium nobis commissum, divina assistente gratia, juxta vires nobis ex alto concessas, exequi valeamus.

A Concilio Constantiensi statutum ut certis temporibus generalia Concilia indicantur.

§. 1. Dudum siquidem sacrum generale Constantien. Conc. ex certis causis tunc expressis statuit, & decrevit, primum generale Concilium in quinquennium ex tunc proxime futurum, secundum verò a fine illud immediate sequentis Concilii in septennium, & deinceps decennio in decennium perpetuo fore celebrandum, in locis per Romanum Pontificem per mensem ante finem cujuslibet Concilii, approbante & consentiente Concilio, vel in defectum ipsius, per ipsum Concilium deputandis, & assignandis, ut illa quæ circa statum, & bonum publicum Ecclesiæ sanctæ Dei agenda, & expedienda restabant, matura possent deliberatione compleri.

In Concilio Senensi decreto, ut Basileæ habeatur Concilium.

§. 2. Prout quantum in nobis fuit, in Concilio Senis ultimo celebrato factum extitit, in quo per nostros, & Sedis Apostolicæ Nuncios tunc in dicto Concilio Senensi præsidentes, eodem approbante Concilio Civitas Basileensis pro loco proxime futuri tunc in septennium celebrandi Concilii deputata extitit, prout in decreto præfati Senensis Concilii, & aliis nostris literis desuper confectis plenius continetur.

Martinus Julianum Cardinalem S. Angeli ad illud Legatum facit.

§. 3. Cum autem finis hujusmodi septennii, quo Concilium ipsum in eadem civitate, Basileensi tenendum, & celebrandum fore statutum fuit, instare noscatur, cumque propter notoriam egritudinem nostram in ipso futuro Basileensi Concilio, Deo auctore celebrando, juxta desiderium cordis nostri interesse non possimus, te vitæ integritate, & sapientia præclarum, & magnitudine consilii conspicuum, ac in maximis nostris, & præfate Ecclesiæ negociis diuturna experientia comprobatum, Legatum cum plena, & omnimoda potestate Legati de latere, de fratre nostrorum consilio, auctoritate Apost. tenore præsentium facimus, constituimus, & etiam ordinamus.

Qui in eo agenda sint, significat opportunas concedendo facultates.

§. 4. Teque ad Civitatem Basileensem, prædictam, pro futuro ibidem, auctore Domino, tenendo, & celebrando Concilio Generali, juxta deliberationem, & ordinationem præfatas, tamquam Angelum pacis destinandum providimus. Et cum super omnia in ipso futuro Concilio ad reformandum Statum Ecclesiasticum, qui hoc tempore indigere videtur, abundante nequitia, & frigefcente caritate hominum, fuscitatis inter fideles bellis, & discordiis, ac invalescente in pluribus mundi partibus hæretica pravitate ad hujusmodi hæreses extirpandas, & pacem inter Catholicos Principes, & ceteros Christianos componendam, animum efficaciter intendamus, super qua re, quarum in nobis fuit dedimus operam efficacem, tibi nomine, & auctoritate nostris ipsi Concilio præsidendi, ac in illo pro tua sapientia illa proponendi, deliberandi, ordinandi, statuendi, & decernendi, quæ ad laudem & honorem Dei, & conservationem & augmentum

religionis, fidei Christianæ, statum Ecclesiæ, reformationem quoque totius Cleri, & Ecclesiastici status in moribus, & vita necnon reductionem Orientalis Ecclesiæ, & quorumlibet aliorum oberrantium ad gremium Ecclesiæ militantis, ac conservationem Ecclesiasticæ libertatis, salutem quoque, quietem, & pacem Regnorum, Regum, Ducum, Principum, & quorumlibet fidelium populorum noveris pertinere, ac etiam ibidem cum debita maturitate, & deliberatione, prout in tanta re convenit, ea omnia proponendi, decernendi, concludendi, & exequendi, per quæ hæreses, & errores, tam de Bohemia, quam de aliis quibuscumque Regnis, provinciis, terris, locis in quibus sunt, penitus extirpentur. Et nihilominus de præmissis hæresum, & quibuscumque aliis causis, fidem Catholicam concernentibus, quomodolibet cum consilio dicti Concilii cognoscendi, aliaque per te, vel per alium, seu alios a te deputandos audiendi, decidendi, & sine debito cum præfato Concilio terminandi.

Etiam quoad rebellium punitionem.

§. 5. Et contradictores quoslibet, & rebelles, cujuscumque status, gradus, præeminentiæ, vel conditionis existant, & quamvis ecclesiastica, vel mundana, etiam si Regali, vel Pontificali præfulgeant dignitate, auctoritate nostra per censuram Ecclesiasticam, & alia juris remedia, appellatione postposita, compescendi, & super his, quoties opus fuerit, auxilium brachii secularis invocandi, omniaque alia, & singula in eodem Basileensi Concilio agendi, tractandi, disponendi, statuendi, declarandi, decernendi, & concludendi, quæ in præmissis, & circa ea, pro statu nostro, & ejusdem Ecclesiæ, ac salute animarum fidelium, extirpatione hæresum, & errorum de agro Dominico, reductione quoque oberrantium populorum, & conservatione Ecclesiasticæ libertatis, ac pro quieto statu Reipublicæ Christianæ, necnon reformatione in omnibus membris suis, noveris profutura, plenam, & liberam, auctoritate prædicta tenore præsentium concedimus potestatem, ratum, & gratum habituri, quicquid super præmissis, per te una cum eodem Basileensi Concilio ordinatum, statutum, deliberatum, et decretum fuerit, et conclusum, idque faciemus auctore Domino usque ad satisfactionem condignam inviolabiliter observari.

§. 6. Quocirca circumspectioni tuæ per Apostolica scripta mandamus, quatenus tibi injunctum ministerium laboris hujusmodi pro divina, et dictæ Sedis, ac nostra reverentia, sic in eodem futuro Concilio dicto nomine pro tempore præsiciens, ad honorem Dei, Ecclesiæ, atque nostram salutem quoque & pacem populorum fidelium juxta datam tibi a Domino prudendam, laudabiliter exequaris, quod ex tuis fructuosis operibus fructus optati proveniant, quos speramus: tuque deinde illam, quæ pias causas agentibus superna retributione impenditur, gloriam consequi merearis felicitatis eternæ.

Julianum ut de mandato sibi munere optime fungatur, admonet.

Datum Romæ apud SS. Apostolos, Kal. Febr. Pontificatus nostri Anno decimoquarto.

Dat. die 1. Febr. 1431. An. XIV.



## I N D E X

## NOMINUM ET RERUM PRÆCIPUARUM.

Numerus Paginam indicat. A. primam columnam. B. secundam designant.

## A

- A** Breviatorum Cancellaria Apostolica Officium. pag. 429. a.  
 Acaone Civitas a Saracenis occupata. 67. a.  
 Advocatorum mores quales esse debeant. 449. a.  
 Advocatorum Consistorialium munus. 433. a.  
 Egidius Cardinalis Legatus in Statu Ecclesiastico. 314. b.  
 Agennensis Diocesis in duas divisa. 153. b.  
 Albertus Rex Romanorum in Imperatorem electus. 96. a.  
 Obcasum Adolphum iudicio postulat. 97. a. Fidem obstringit, & privilegia confirmat Ecclesie Romanae. Ibid.  
 Aleis ludere vetitum. 38. b.  
 Alfonsus Portugalliae Rex ab Honorio III. PP. monitus libertatem ecclesiasticam ne laderet. 13. b.  
 Alphonso Comiti Bolonien. Portugalliae Regni regimen ab Innocentio IV. demandatum. 14. a.  
 S. Ambrosii de Nemore Ecclesia. 362. a. Regularibus nomine S. Ambrosii nuncupandis data. 362. b.  
 Andronico Paleologo data monita, ut Ecclesia Graeca cum Latina uni fudeat. 11. b. Intentatum anathema. 113. b.  
 S. Antonii Viennen. Abbatia erecta. 87. a. Soli Apostolicae Sedi subiecta. Ibid. Ei nonnulla datae leges. Ibid.  
 Apostolicarum Literarum Falsatores excommunicati. 338. b.  
 Apostata quibus coercendi pœnis. 202. a.  
 Appamiarum Episcopatus erectio. 80. a.  
 Arnaldus de S. Desiderio. 4. b.  
 Auditoribus causarum in Romana Curia datae leges. 195. b. & seqq.  
 Auditorum Cancellaria Apostolica Officium. 431. b.  
 Avinionensis Ecclesia Furium invasores nonnullis additi pœnis. 321. a.  
 Avinionensis Universitas erecta, & privilegiis aucta. 102. b.

## B

- B** Arones in Districtu Urbis Bannitos ejusdem Urbis Senatori tradere debent. 455. b.  
 Basileæ indictum Concilium. 472. a.  
 Beneficia per aliorum adeptionem Apostolica auctoritate collatorum Sedi A. reservata censentur. 242. a.  
 Pro iis consequendis alios sui loco supponere vetitum. 288. a. Quæ per obitum Familiarium S. R. E. Cardinalium vacant, aliisque conferuntur, nisi in literis provisionis familiaritas ipsa explicetur, vacare censentur. 334. b.  
 Beneficiorum fructus ab absentibus non percipiendi. 192. b. Bertrandus Archiepiscopus Ebreunden. sis. 240. a.  
 Beneventum Romana Ecclesie subiectum. 176. a. Ejus Rectorem aut Officiales offendentibus statuta pœna. Ibid. Hujus Agri fines præscripti. 311. a. Beneventum occupantes qualibus additi pœnis. 319.  
 Ejus Curia Taxarum reformatio. 320.

- Bononiensis Accademia. 323. a. Studium Theologiae. Ibid. Institutum. Ibid.  
 B. Brigitta. 387. a. Ejus genus, moresque. 388. a. & seqq. Miracula ejus intercessione patrata. 390. a. & seq. SS. Viduarum Cathalogo adscribitur. 391. a.  
 Bullarum Literarum Apostolicarum officium. 431. a.  
 Burdegalensis Ecclesie secularizatio. 111. a.

## C

- C** Adurcensis Accademia erectio. 200. a.  
 Cælestinus V. Virtutibus & Miraculis clarus Sanctorum Cœtui adscriptus. 140. b. & seqq.  
 Cælestinorum Congregationis Constitutiones. 70. a. & seqq. Eis datae exemptiones. 108. & seqq. Hujusmodi exemptionum extensio, & declaratio. 363. b.  
 Casaraugustana Ecclesia in Metropolim erecta. 167. b. Ecclesie suffraganeæ eidem adscripta. Ibid.  
 Camerarius R. E. Bullæ in Cæna Domini exequutor. 325. b. Quæ ejus sit Jurisdictio in causis Cam. Ap. concernentibus. 364. b. & seq. 404. b.  
 Camera Apostolica Bona detinentes excommunicati. 379. b.  
 Campania, & Maritima statuta. 395. a. & seqq.  
 Canonici Regulares S. Augustini in unum coadunati Ordinem. 440. a. Regula eis data. 264. a. 440. a. & seqq.  
 Canonicorum Regularium S. Salvatoris de Silvalacus Congregatio instituta. 409. b.  
 Cardinalium R. E. qualis sit dignitas. 52. b. Pars ejusdem Ecclesie reddituum eis addita. Ibid. Eorum domos titulares occupantes anathemati additi. 181. a. Cause Beneficiales infra summam 60. flaur. eis non committenda. 450. a.  
 Carmelitis data Cappæ Albae. 80. b.  
 Carolus I. Andegavensis Siciliae Rex. 41. a. Statuta nonnulla sancit in Regno eodem servanda. 42. a. & seqq.  
 Carolus II. Siciliae Rex Ecclesiasticorum indemnitate rerumque ad eos pertinentium consulit. 47. a. b. Obrento a S. A. Regni Aragonici Jure cedit. 79. a.  
 Carolus IV. Imperator leges sancit pro libertate ecclesiastica. 386. a.  
 Carolus Moraviae Dux in Imperatorem electus. 308. b. Confirmatur a Clemente VI. 309. a.  
 Cartusienis Ordo. 29. b. Privilegium Altaris portatilis ei concessum. 325. b. Alia Privilegia, & exemptiones. 384. b. 438. b.  
 Cassinensis Monasterii Ecclesia in Episcopatum erecta. 185. b. Episcopo data privilegia. 186. a. Iterum Abbatialis efficitur. 328. a.  
 Castrensis Ecclesia ab Albiensi divisa in Episcopatum erigitur. 149. b.  
 Cavenensis Episcopatus erectio. 392. a.  
 Christiani Judaizantes quibus puniendi pœnis. 52. a.  
 Christianos Infidelibus venditæ anathemate vetitum. 454. b.  
 Cisterciensis Ordinis Reformatio. 203. b. & seqq. Exemptio a solutione decimarum. 446. b.  
 Clericos ad Tribunalia laicalia trahi quam sit absurdum



*dum. 459. b. Vetitum. 460. a. Illegitimi s. sint, ad beneficia Ecclesiarum Patriarchalium de Urbe admitti non possunt. 361. b.*

*Collegium Gregorianum Bononia erectum. 340. b. & seqq. Coloniensis Accademia instituta. 375. a. Ejusdem Privilegia. Ibid.*

*Conclavis leges a Gregorio X. latae suspensae. 20. a. Cibi potusque Cardinalibus ministrandi. 313. a. Inservientium eisdem numerus. Ibid.*

*Confederationes in Terris S. R. E. fieri vetitum. 62. b.*

*Conradus Friderici filius Sicilia Regnum invadit. 31. b.*

*Conradinus a Clemente IV. excommunicatus. 32. a.*

*Conservatores Ecclesiis dandi quales esse debeant. 77. b.*

*Condomiensis Episcopatus erectio. 153. b.*

*Constantiensis Concilii Indictio. 417. a.*

*Corporis Christi Festum a quo institutum. 461. b. Cum octava celebrandum. Ibid. Illud celebrantibus concessa Indulgentia. Ibid.*

*Cortonenfis Episcopatus erectio. 193. & seqq.*

*Crucesignatorum pro recuperatione Terrae Sanctae privilegia. 68. a. b.*

*Curiae Capitolinae Judicum facultas qualis. 374. b.*

## D

*Demonibus immolantes vel responsa, & auxilia ab eis postulantes anathemati subiecti. 195. a.*

*Dantes vel promittentes aliquid pro obtinenda gratia, vel iustitia apud S. A. anathemati subiecti. 76. b.*

*Dignitates majores in Ecclesiis obtinentes a Procuratoris officio debent abstinere. 449. a.*

*Dionysius Portugalliae Rex. 62. a.*

## E

*Edwardus Angliae Rex Crucesignatorum Dux. 67. b. Ecclesiae S. Mariae Majoris de Urbe data Ecclesia S. Lucae in Via Sacra. 334. a.*

*Elefensis Episcopatus erectio. 166. a.*

*B. Elzearii virtutes. 332. b. Miracula per eum a Deo patrata. Ibid. Ab Urbano V. S.S. Confessorum albo adscribitur. 333. a.*

*Eremitarum S. Hieronymi de Fesulis Ordo confirmatus. 410. b.*

*Eremitarum S. Augustini Ordo. 434. b. Provinciales ad officium reeligere non possunt. Ibid.*

*Eucharistia Laicis sub una tantum specie ministranda. 458. a. Constantiensis Concilii hac de re Decretum. Ibid.*

## F

*Fabrica S. Petri adscriptae Oblationes, quae Episcopo Portuen. in eadem Basilica obveniebant. 330. b. Ferraria a Carolo Magno dominio R. E. addicta. 120. a.*

*Instrumentum deditionis Civitatis ejusdem R. E. sub Clemente V. 121. & seqq. Nonnullae praescriptae leges in ea servandae. 126. & seqq. Ab ea Victualia, Merces, aliaeque hujus generis extrahentes S. A. inconsulta excommunicantur. 175. b.*

*Ferrariensis Accademia Institutio. 383. b.*

*Firmana Accademia instituta & privilegiis ornata. 95.*

*Fortis ventura Episcopatus erectio. 442. a.*

*Fraticelli Orientem suis inficiunt Haeresibus. 191. b. Eorum cineres colere vetitum. 340. a.*

*Fraticellorum Secta qualis. 161. a. & c. Ejus errores. 162. a. & c. Damnata. 164. a. Contra eos procedendi data commissio. 240. b.*

*Fridericus Austriacus electus Imperator. 308. a.*

*Fridericus Anobardus Imperio & Sicilia Regno privatus. 31. b.*

## G

*Græci ab Ecclesia Romana disjuncti. 4. b. Mala inde exorta. Ibid.*

*Grandimontensis Ordinis Statuta. 155. & seqq.*

*Gratianopolitani Studii Erectio. 286. b.*

*Guelforum & Ghibellinorum tractatus pacis. 7. b. & seqq.*

## H

*Haeretici variis additi poenis. 26. b. 27. a. 63. b. De Haeresi inquisitorum & absolutorum filii ac nepotes ad Officia, & beneficia admittendi. 50. a. Contra Haereticos vel de Haeresi suspectos quamvis ad Ecclesiam confugiant ab inquisitoribus procedendum. 154. b. Cum eis foedera ineuntibus indicta poena. 194. b. Foedera hujusmodi irrita. 366. b. Si ad Ecclesiam Catholicam unitatem redeant qualem professionem emittere debeant. 372. b. & seq.*

*Henricus Rex Romanorum electus. 48. b. Clementi V. Juramentum fidelitatis praestat. 128. a. Imperialia privilegia, & antiquas donationes R. E. confirmat. 129. Ritus in ejus coronatione servandi. 132. & seq.*

*Hibernia caedibus rapinisque turbata. 168. a. Hac patrans anathemati additi. Ibid.*

*Hierusalem procurata recuperatio. 67. a.*

*Homicidae ad pecuniariam compositionem non admittendi. 318. a.*

*Honufrius Caelestinorum Abbas. 70. a.*

*Hospitalarii S. Joannis Hierosolymitani unum tantummodo in Ordine Beneficium obtinere possunt. 368. b.*

*Humiliatorum Ordo. 351. b. De Praepositis provisio Sede Ap. Magistri Generalis correctioni sunt subiecti. Ibid.*

## I

*Jacobus Aragoniae Rex Siciliam Sedi Apostolicae restituit. 79. a. Ei Aragonia & Valentia Regna addicta. Ibid. Sardinia, & Corsica beneficiario jure tradita. 82. a. & seqq.*

*Januenses moniti suos coerceant, ne arma naves & c. Saracenis deferant. 3. 4. a.*

*Jesuatorum Congregatio. 460. b. Inquisitores contra eos procedere non possunt, nisi in praesentia Episcopi Ordinarii. 461. a.*

*Jesu Christi in Regnis Portugalliae Militia instituta. 172. a. Ei data privilegia & bona. 172. b. Statuta nonnulla. 173. & seqq.*

*Imperii Romani vacantis cura quo jure ad Sedem Apostolicam pertineat. 144.*

*Inquisitorum Haereticae pravitatis processus etiam post obitum Papae deputantis habiti sunt validi. 62. b. Contra arma victualia & c. Saracenis deferentes, procedendi eisdem data facultas. 93. a. Contra Haereticos, vel de Haeresi suspectos, Judaeosque conversos & a fide apostatantes quamvis ad Ecclesiam confugiant procedere debent. 154. b. Quibus personis quibusque in locis arma deferendi licentiam concedere possint. 184. a. Contra ineuntes cum Haereticis foedera procedere debent. 194. b.*

*Insula Fortunata. Vide Ludovicus de Hispania.*

*Joanna Sicilia Regina Testamentum favore Sancia. 299. a.*

*Joannes Episcopus Anagninus. 240. a.*



B. Ivo Trecorensis SS. Cathalago adscriptus. 310. b.  
 Jubileum Generale pro quolibet Centesimo institutum.  
 94. b.

Judai conversi iterumque judaizantes quibus afficien-  
 di pœnis. 52. a. quamvis ad Ecclesiam confugiant  
 contra eos procedendum. 154. b. qui ad Fidem Cat-  
 tolicam convertuntur iis gaudent bonis, quæ conver-  
 sionis tempore possidebant. 181. a. Iis nulla molestia,  
 nec baptismus per vim inferendus. 327. b. Ut a  
 Christianis distinguantur, signum deferre in vesti-  
 bus debent. 453. b.

Judeorum conversio procurata. 35. b.

Judicibus Ecclesiasticis sportulas dare cautum. 369. b.  
 Julianus Cardinalis S. Angeli Concilii Basileensis di-  
 ctus Præses. 472. a.

## L

L Ateranensis Basilica Canonicis Sacularibus addita.  
 94. a. Pro ejusdem reparatione laborantibus conces-  
 sa Indulgentia. 117. b. Supremum super ceteras  
 Urbis & Orbis Ecclesias locum obtinet. 335. a. Obla-  
 tiones in Fabricæ usus convertenda. 368. a. In hac  
 Basilica SS. Petri, & Pauli capita reponit Urban-  
 us VI. 371. b.

Leges Saxonica. Vide Speculum Saxonum.

Leopoliensis Episcopus erectio. 414.

Libertatis Spiritus Secta in aliquibus Italiæ Provinciis  
 damnata. 135. b. & seqq.

Limosiensis Episcopus erectio. 155. a. Suppressio. 165. b.

Linconiensis Monasterii in Episcopatum erectio. 112. b.

Literarum Apostolicarum executionem impediennes pœ-  
 nis additi. 427. a.

Lovaniensis Accademia instituta. 456. b. Privilegia Le-  
 ctoribus, & Scholaribus concessa. 457. b.

B. Ludovicus Rex Franciæ. 30. b. Ejus miraculorum  
 inquisitio commissa. 31. a. Virtutibus clarus. 88. b.  
 & seqq. Miracula per eum a Deo patrata. 91. b.  
 SS. Confessorum Albo adscriptus. Ibid.

B. Ludovicus Ep. Tolosanus. 45. b. Ejus Virtutes.  
 146. a. b. Obitus. 147. a. Miracula per eum a Deo  
 patrata. Ibid. SS. Confessorum Cathalogo adscri-  
 bitur. 148. a.

Ludovicus Bavarus a Joanne XXII. Jure Imperii va-  
 cuatus. 308. a.

Ludovicus de Hispania Fortunatarum Insularum Rex  
 dictus 296. a.

Lugdunense Concilium II. 4. b. Indicitur. 5. a.

## M

M Alleacensis Episcopus erectio, datique ei reddi-  
 tus. 152. b.

Manfredus Princeps Tarentinus Sicilia Regnum occu-  
 pat. 32. a. Ab Alexandro IV. excommunicatur. Ibid.

Margarita Columnensis Clarissarum Ordinis professa.  
 48. b.

Maria Sicilia Regina suum pro Regno Ungariæ jus co-  
 ram Bonifacio VIII. dicit. 98. b. Idem Regnum ei  
 adjudicatur. 99. b.

In Marchia cavalcatas & incursiones fieri vetitum. 184. b.

Massa Trebaria ejusque districtus. 51. b.

Mendicantium Ordinum Apostata quo pacto reducendi,  
 vel puniendi 202. In eisdem Ordinibus professi ad  
 Monachos Nigros vel Cistercienses transire non  
 possunt. 203. b. Nec ad alios Ordines Carthusiensi  
 excepto. 427. b.

B. M. de Mercede Redempt. Captiv. Ordo a decimarum  
 solutione exemptus. 352. a.

Mercatura Pannorum Consulum de Urbe Jurisdictio.  
 439. a.

Michael Paleologus Imp. ad Ecclesiæ gremium redit.

11. a. Fidei professionem Gregorio X. PP. dirigit.

12. a. Eidem pro conservatione rituum Ecclesiæ  
 Græcæ supplicat. 13. a. A Martino IV. tanquam  
 Schismaticorum fautor damnatur. 30. a.

Minorum Fratrum Ordinis Regula nonnulla. 242. & seqq.

Eorum Protectoris facultates quales sint. 353. a.

Reformatio per Cardinalem S. Petri ad Vincula facta.  
 463. & seqq. Hac Reformatio a Martino V. miti-  
 gata. 470. a.

Montis Regalis Episcopatus erectus. 376. a. & seq.

Montis Falisci Episcopatus institutus. 328. a. Bona ei  
 assignata. 329. b.

Montis Oliveti Monachorum Congregatio approbata.

191. a. Monachis nova condendi Monasteria, & Sa-  
 cramenta in iis ministrandi data facultas. 295. a.

In Montē Gargano Episcopatus erectus. 397. b. & seq.

## N

N Icolai Serurarum errores. 435. b.

Nigrorum Monachorum Ordinis reformatio. 219.  
 & seqq. Huic Reformationi addita declarationes.  
 288. a. & seqq.

Notariorum mores quales esse debeant. 433. a. 449. a.

A Notariis Taxa servanda, legesque. 198.

## O

O Fficiales laici Ecclesiasticos Banno supponere non  
 possunt. 369. a.

Ordo Apostolorum (sic dictus) ab Honorio IV. damna-  
 tus. 49. b.

Ordinum Mendicantium fratribus ad alios Ordines præ-  
 clusus transitus. 29. a.

Othoni Bavaro Ungariæ Regnum occupanti dies indicta.  
 113. a.

## P

P Atavina Universitas Studiorum. 325. a. Theologica  
 Cathedra in ea instituta. Ibid.

S. Pauli primi Eremitæ Ordo confirmatus. 370. a.

Pedagia nova imponentes excommunicari. 338. b.

Perusina Universitatis erectio. 118. A quo & quo pacto  
 laurea in eodem concedenda. 168. b. Medicina ar-  
 tiumque facultatum in eadem Cathedra erecta.  
 182. a. In eisdem facultatibus certis legibus lau-  
 reandi & licentiandi. Ibid. Doctorum privilegia.  
 182. b.

Petrus Aragoniæ Rex. 31. b. Sicilia Regnum occupat.

33. b. Jure Regni ejusdem privatus, solatque  
 subditi Sacramento. 37. 78. b.

Philippo Francorum Regi Aragonia concessa. 78. b.

Pisana Urbs Conradino adhæret. 7. a. Archiepiscopatu  
 privata. Ibid. Hac dignitas ei restituta. Ibid.

Penitentiariæ Scriptorum numerus. 135. a.

Penitentiariæ Officialibus data leges. 259. a. & seqq.

Posoniensis Concilii acta confirmata. 304. a. & seqq.

Prædicatorum Ordinis Prælatorum in suos subditos au-  
 thoritas qualis. 81. a. 355. b. & seqq. Ordinis hujus  
 Tertiariarum Regula. 400. a. & seqq.

Pragensis Accademia instituta. 310. a.

Pragensis Ecclesia in Archiepiscopatum erecta. 295. b.

Procuratorum Rotæ qualitates & munus 433. b.

Resto-



## R

- R** *Efflores Terrarum R. E. Consanguineos vel Affines suos ad Officia in eisdem Terris exercenda adhibere non possunt.* 241. a. *Nec stipendia, quæ pro Militia dantur familiaribus suis assignare.* 241. b. *Processus a Tesaulariis factos suspendere aut cassare non possunt.* 316. a.
- Redemptionis Captivorum Ordini exhibenda legata pro Redemptione incertis personis relicta.* 69. a.
- Registratorum Literarum Apostolicarum Officium.* 431. a.
- Regulares ad Infidelium partes se conferre absque Superiorum suorum licentia non possunt.* 191. b. *Quamvis Sedis Apost. sint Cappellani suis Superioribus sunt subiecti.* 354. b.
- Residentiam facere tenentur Beneficia residentialia obtinentes.* 335. b.
- Robertus de Brus Scotiæ Regnum affectat.* 148. b. *Inducias inter eum, & Angliæ Regem Eduardum indicit Joannes PP. XXII. Ibid.*
- Roma cum Imperio Pontificibus data.* 24. a. *Ad eam venientes aut hinc recedentes qui offendunt, anathemate additi.* 96. a. 339. a.
- Romanæ Accademiæ erectio, & privilegia.* 100. b. *Laureandorum leges.* 169. b. *Privilegia.* 170. a. *Examen.* Ibid.
- Rutbenensis Diœcesis divisio in duas.* 153. b.

## S

- S** *Ancius Portugalliæ Rex a Gregorio IX. PP. monitus, ut ab Ecclesiasticorum gravaminibus abstinere.* 14. a.
- Sancti Silvestri in Capite de Urbe Monasterium Clarissis concessum.* 48. b.
- Saracenorum in Terram Sanctam, & Christianos sevitia.* 3. *Si baptizati ad pristinam Sectam redeant, puniendi.* 339. b. *Arma, Naves, & victualia eis deferentes anathemate percussi.* 4. a. 92. a. 338. b. *Is quoque, qui Christianos eis vendunt.* 454. b. *Ab eis Acaon Civitas occupata.* 67. a.
- Scriptorum Literarum Apostolicarum Officium.* 429. b.
- B. Sebaldus.* 451. a. *Miraculis clarus.* Ibid. *Sanctorum Canonum ejus nomen adscribendum declarat Martinus V.* 451. b. *Indulgentia ejus sepulcrum visitantibus, proposita.* Ibid.
- Senator Urbis sine licentia Papæ non eligendus.* 24. b.
- Servorum B. Mariæ Ordo confirmatus.* 107. b. *Reformatus.* 300. & seqq. *Ejusdem Privilegia.* 366. a. *Fratri-*

*bus hujus Ordinis concessa Ecclesia S. Marcelli de Urbe.* 370. b. *Fis officia præter Prioris Generalis licentiam obtinere non licet.* 393. b. *Tertiariis datæ Regula.* 443. a. & seqq.

*Siciliæ Regni procuratio Rege minore ad Sedem Apostolicam spectat.* 292. b. & seqq.

*Siciliæ Regibus Populisque datæ ab Honorio IV. leges.* 42. a. & seqq.

*Speculum Saxonum Propositionibus erroneis scatens.* 360. a.

*S. Spiritus in Saxia de Urbe Hospitali bona confirmata.* 64. a. & seqq.

*Status Ecclesiastici Officiales neminem ad granum aliaque sibi absque justo pretio deferenda cogere possunt.* 353. b.

*Sirenas pro nuncio accepti a Sede Apostolica Beneficii dare vetitum.* 362. a.

## T

**T** *Arraconensis Provincia in duas divisa.* 167. b.

*Templariorum causa.* 114. & seqq. *Processus, & sententia.* 139. & seqq.

*Terracinenfibus a Cardinale S. Sabine data statuta.* 394. a.

*Tertiariis Ordinis Minorum datæ Regula.* 53. & seqq. *B. Thomas Herfordiensis Episcopus.* 178. b. *Ejus virtutes.* 178. b. 179. a. *Multis clarus miraculis.* 179. SS. *Canonum adscriptus.* 180. a.

*B. Thomas Aquinas.* 186. b. *Ejus virtutes.* 187. *Miraculis clarus.* 188. & seq. SS. *Confessorum albo adscriptus.* 189. b.

*Tolosanus Episcopatus divisus.* 151. a. *In Metropolim erigitur.* 151. b. *Eique suffraganeæ adscribuntur Ecclesiæ.* Ibid.

*Tutellensis Episcopatus erectio.* 170. b.

## V

**V** *Abrensis Episcopatus erectio.* 154. a.

*Veronensis Accademiæ Institutio.* 286. b.

*Viennensis Generalis Concilii indictio.* 116. a.

*Visitationis B. M. V. Festi institutio.* 378. b.

*Ulyssipponensis Accademia erecta.* 62. a. *Privilegiis aucta.* 62. b.

*Wenceslaus Boemiæ Rex Ungariæ Regnum filio adjudicari curat.* 99. b. 99. a.

*Wiclefi Libri damnati.* 416. a. 419. a. & seqq.

F I N I S.















210

BULLAR  
MAGNUM  
ROMANU

T. III. P. II.  
1269-1431.

79



